

《續修四庫全書》編纂委員會編

續修四庫全書



上海古籍出版社

六七四·史部·地理類

〔道光〕廣東通志三百三十四卷首一卷（卷二百三十一至卷二百八十三）〔清〕阮元修

陳昌齊等纂

1774

廣東通志卷二百三十二

官績錄二晉南朝宋

吾彥

諸葛京

王毅

王諒

葛洪

郭訥

陶侃

鄧嶽

温放之

謝奉

羅友

孔汪

吳隱之

儲叔度

張茂度

杜瑗

劉謙之

王鎮之

王誕俱州屬官

張鎮

尹虞

楊方

鄧騫

袁宏

胡藩俱郡屬官以上晉

陸徽

劉勔

宗愨

王琨

羊希

陳伯紹

陳顯達

孫曇瓘

謝昌寓俱州屬官

徐豁

檀和之

鄧琬

沈法系

陸法真

孫奉伯

伏曼容俱郡屬官

庾道愨府佐以南朝宋

晉

吾彥字士則吳郡吳人也仕吳吳亡彥始歸降交

州刺史陶璜卒以彥為南中都督交州刺史初陶

璜之死也九真戍兵作亂逐其太守九真賊帥趙

祉圍郡城彥悉討平之在鎮二十餘年威恩宣著

南州寧靖自表求代徵為太長秋卒於官晉書本傳

諸葛京字行宗蜀書注引諸葛氏譜郫邪陽都人也咸熙元

年內移河東蜀書諸葛亮傳泰始詔曰諸葛亮在蜀盡其

心力其子瞻臨難而死義天下之善一也其孫京

隨才署吏後為郫令尚書僕射山濤啟事曰郫令

諸葛京祖父亮遇漢亂分隔父子在蜀雖不達天

命要為盡心所事京治郫自復有稱臣以為宜補

東宮舍人以明事人之理副梁益之論京位至廣

州刺史蜀書諸葛亮傳注推誠待物有祖風烈吏民稱之

黃志

王毅長沙人少以學行被州郡辟仕至蒼梧太守

黃志滕修討郭馬未克聞吳亡縞素流涕還與毅各

送印綬請降帝皆復其本職通鑑後為廣州刺史甚

得南越之情晉書王以家國為憂永興二年卒于

廣州黃志

王諒字幼成丹陽人也少有幹畧為王敦所擢參

其府事稍遷武昌太守初新昌太守梁碩專威交
 士迎立陶咸為刺史咸卒王敦以王機為刺史碩
 發兵距機自領交阯太守乃迎前刺史修則子湛
 行州事永興三年敦以諒為交州刺史諒將之任
 敦謂曰修湛梁碩皆國賊也卿至便收斬之諒即
 到境湛退還九真廣州刺史陶侃遣人誘湛來詣
 諒所諒勅從人不得入問既前執之碩時在坐曰
 湛故州將之子有罪可遣不足殺也諒曰是君義
 故無豫我事即斬之碩怒而出諒陰謀誅碩使客
 刺之弗剋遂率眾圍諒於龍編陶侃遣軍救之未
 至而諒敗碩逼諒奪其節諒固執不與遂斷諒右
 臂諒正色曰死且不畏斷臂何有十餘日悲憤而
 卒碩據交州凶暴酷虐一境患之竟為侃軍所滅

傳首京師
晉書忠義傳

葛洪字稚川丹陽句容人也少好學家貧躬自伐
 薪以買紙筆夜輒寫書誦習遂以儒學知名太安
 中石冰作亂吳興太守顧祕為義軍都督與周玘
 等起兵討之祕檄洪為將兵都尉攻冰別卒破之
 遷伏波將軍冰平洪不論功賞洪見天下已亂欲
 避地南土乃參廣州刺史稽含軍事及含遇害遂
 停南土多年征鎮檄命一無所就後還鄉里禮辟
 皆不赴咸和初干寶薦洪才堪國史選為散騎常

侍領大著作洪固辭不就以年老欲煉丹以祈遐
 壽聞交阯出丹求為勾漏令帝從之至廣州刺史
 鄧嶽畱不聽去洪乃止羅浮山煉丹嶽表補東官
 太守又辭不就乃以洪兄子望為記室參軍晉書
 郭訥武昌人廣州刺史晉書郭訥在湘中賊眾
 共推攷為主攷自稱梁益二州牧平難將軍湘州
 刺史攻破郡縣刺史荀眺委城走廣州訥遣始興
 太守嚴佐率眾攻攷攷逆擊破之荆州刺史王澄
 復遣王機擊攷敗于巴陵晉書杜機就王敦求廣
 州敦不許會廣州人背訥迎機為刺史機遂將奴
 客門生千餘人入廣州州部將温邵率眾迎機敦
 遣將軍葛幽追之及於廬陵機叱幽曰何以敢來
 欲取死耶幽不敢逼而歸敦訥聞邵之納機也乃
 遣兵擊邵反為所破訥又遣機父兄時吏距之咸
 倒戈迎機訥眾皆散乃握節而避機機遂入城就
 訥求節訥歎曰昔蘇武不失其節前史以為美談
 此節天朝所假義不相與自可遣兵來取之機慚
 而止晉書
王機傳

陶侃字士行本鄱陽人也吳平徙家廬江之尋陽
 以軍功封東鄉侯王敦表拜侃為使持節寧遠將
 軍南蠻校尉荆州刺史擊杜攷大破之進剋長沙
 獲其將毛寶高寶梁堪而還王敦深忌侃功將還

江陵諸敦別敦雷侃不遣左轉廣州刺史平越中
郎將以王廙爲荊州侃之佐吏將士請敦請雷侃
敦怒不許侃將鄭攀蘇溫馬儁等不欲南行遂西
迎杜曾以距廙敦意攀承侃風旨被甲持矛將殺
侃出而復退者數四侃正色曰使君之雄斷當裁
天下何此不決乎因起如廁諮議參軍梅陶長史
陳頌言于敦曰周訪與侃姻親如左右手安有斷
人左手而右手不應者乎敦意遂解於是設盛饌
以餞之侃便夜發敦引其子瞻爲參軍侃既達豫
章見周訪流涕曰非卿外援我殆不免侃因進至
始興先是廣州人背刺史郭訥迎長沙人王機爲
刺史機復遣使詣王敦乞爲交州敦從之而機未
發會杜宏據臨賀因機乞降勸宏取廣州宏遂與
溫邵及交州秀才劉沆俱謀反或勸侃且往始興
觀察形勢侃不聽直至廣州宏遣使僞降侃知其
詐先於封口起發石車俄而宏率輕兵至知侃有
備乃退侃追擊破之執劉沆於小桂又遣部將許
高討機斬之傳首京師諸將皆請乘勝擊溫邵侃
笑曰吾威名已著何事遣兵但一函紙自足耳於
是下書諭之邵懼而走追獲於始興以功封柴桑
侯食邑四千戶侃在州無事輒朝運百甓於齋外
暮運於齋內人問其故答曰吾方致力中原過爾

優逸恐不堪事其勵志勤力皆此類也太興初進
號平南將軍尋加都督交州軍事及王敦得志上
侃復本職加散騎常侍時交州刺史王諒爲賊梁
碩所陷侃遣將高寶進擊平之以侃領交州刺史
錄前後功封次子夏爲都亭侯進號征南大將軍
開府儀同三司暨蘇峻作逆侃督護竟陵太守李
陽部將彭世斬峻於陣賊衆大潰侃旋江陵尋以
爲侍中太尉加羽葆鼓吹改封長沙郡公邑三千
戶賜絹八千匹加都督交廣寧七州軍事咸和七
年六月疾篤上表遜位薨於樊谿時年七十六
晉書
鄧嶽字伯山陳郡人也少有將帥才畧爲王敦參
軍轉從事中郎西陽太守郭默之殺劉允也大司
馬陶侃使嶽率西陽之衆討之默平遷督交廣二
州軍事建武將軍領平越中郎將廣州刺史假節
錄前後勳封宜城伯咸康三年嶽遣軍伐夜郎破
之加督寧州進征虜將軍遷平南將軍卒子遐嗣
嶽弟逸字茂山亦有武幹嶽卒後以逸監交廣州
建威將軍平越中郎將廣州刺史假節
晉書
溫放之嶠子少歷清官累至給事黃門侍郎以貧
求爲交州朝廷許之王述與會稽王賧曰放之溫
嶠之子宜見優異而投之嶺外竊用愕然願遠存

周禮近參人情則望實惟允時竟不納放之既至南海甚有威惠將征林邑交阯太守杜寶別駕阮朗並不從放之以其阻眾誅之勒兵而進遂破林邑而還卒於官

晉書溫嶠傳

謝奉字宏道會稽山陰人祖端散騎常侍父鳳丞相主簿奉歷安南將軍廣州刺史

世說新語注 為政清

靜不煩召為吏部尚書免官還東志謝安赴桓溫司馬出西相遇破岡既當遠別遂停三日共語安欲慰其失官奉輒引以他端雖信宿中途竟不言及此事安深恨在心未盡謂同舟曰謝奉故是奇士

世說新語

羅友字它仁襄陽人少好學性嗜酒當其所遇不擇士庶桓溫常責之友傲然不屑始仕荆州後在溫府以家貧乞祿溫雖以才學遇之而謂其誕肆非治民才許而不用後同府人有得郡者溫為席送別友至尤晚問之友答曰中路逢一鬼大見擲掄云我只見汝送人作郡何以不見人送汝作郡民始怖終慚回還以解不覺成淹緩之罪溫雖笑其滑稽而心頗愧焉後以為襄陽太守累遷廣益二州刺史在藩舉其宏綱不存小察甚為吏民所安說薨於益州

世說新語注

孔汪字德澤會稽山陰人好學有志行孝武帝時

位至侍中時茹千秋以佞媚見幸於會稽王道子汪屢言之於帝帝不納遷尚書太常卿以不合意求出為假節都督交廣二州諸軍事征虜將軍平越中郎將廣州刺史甚有政績為嶺表所稱太元十七年卒

晉書孔

吳隱之字處默濮陽鄆城人魏侍中質六世孫美姿容善談論博涉文史以儒雅標名弱冠而介立有清操雖日晏歡菽不饗非其粟擔石無儲不取非其道廣州包山帶海珍異所出一篋之寶可資數世然多瘴疫人情憚焉惟貧窶不能自立者求補長史故前後刺史皆多贖貨朝廷欲革嶺南之弊隆安中以隱之為龍驤將軍廣州刺史假節領平越中郎將未至州二十里地名石門有水曰食泉飲者懷無厭之欲隱之既至語其親人曰不見可欲使心不亂越嶺喪清吾知之矣乃至泉所酌而飲之因賦詩曰古人云此水一畝懷千金試使夷齊飲終當不易心及在州清操踰厲常食不過菜及乾魚而已帷帳器服皆付外庫時人頗謂其矯然亦始終不易帳下人進魚每剔去骨存肉隱之覺其用意罰而黜焉及盧循寇南海隱之率厲將士固守彌時長子曠之戰沒循攻擊百有餘日踰城放火焚燒三千餘家死者萬餘人城遂陷隱

之攜家累出欲奔還都為循所得循表奏朝廷以
隱之黨附桓元宜加裁戮詔不許劉裕與循書令
遣隱之還久方得反歸舟之日裝無餘貲其妻劉
氏齋沉香一斤隱之見之遂投於湖亭之水義熙
九年卒追贈光祿大夫加散騎常侍晉書本傳贊
云晉龍驤將軍廣州刺史光祿大夫贈散騎常侍
吳隱之隱之處馭漢陽郵城博涉文史以儒雅稱
執父母喪哀毀過情羣雁來城雙鶴悲鳴康伯之
母號稱賢明每謂其子汝居銓衡舉如此人乃獲
階升坦之及禍請代其兄桓溫知之拜奉朝請廣
州負山包帶南溟請代其兄桓溫知之拜奉朝請廣
人憚其行乃擢刺史南越以平二十里所石門是
經有泉一畝貪心乃生我獨酌飲厲操愈清南越
改觀有詔褒旌賣犬嫁女蕭然無營妻齋沉香投
優賜顯贈循之難不敗厥名卒於義熙而不永齡
士以為榮
儲叔度河南陽翟人也為高祖車騎參軍事盧循
攻查浦叔度力戰有功循南走高祖版行廣州刺
史仍除都督交廣二州諸軍事建威將軍領平越
中郎將廣州刺史桓元族人開山聚眾謀掩廣州
事覺叔度悉平之義熙八年盧循餘黨劉敬道窘
迫詣交州歸降交州刺史杜慧度以事言統府叔
度以敬道等路窮請命事非誠款報使誅之慧度
不加防錄敬道招集亡命攻破九真殺太守杜章
民慧度討平之叔度輒貶慧度號為奮揚將軍惡
不先上為有司所糾詔原之高祖受命為右衛將
軍高祖以其名家而能竭盡心力甚嘉之乃下詔

曰夫賞不遺勤則勞臣增勸爵必疇庸故在功成
達叔度南北征討常管戎要西夏不虔誠著嶺表
可封番禺縣男食邑四百戶宋書本傳
張茂度吳郡吳人張良後也名與高祖諱同故稱
字祖彭祖廣州刺史茂度出補晉安太守盧循為
寇覆沒江州度及建安太守孫蚪之並受其符書
供其調役循走俱坐免官復以為始興相郡經賊
寇廨宇焚燒民物彫散百不存一茂度初立城寺
弔死撫傷收集離散民戶漸復高祖北伐出為使
持節督交廣二州諸軍事建武將軍平越中郎將
廣州刺史綏靜百越嶺外安之宋書本傳
杜瑗交阯朱載人以功為龍驤將軍交州刺史義
旗進號冠軍將軍盧循竊據廣州遣使通好瑗斬
之慧度瑗第五子也初為州主簿流民督護遷九
真太守瑗卒府州綱佐以交土接寇不宜曠職共
推慧度行州府事辭不就七年除使持節督交州
諸軍事廣武將軍交州刺史詔書未至其年春盧
循襲破合浦徑向交州慧度乃率文武六千人拒
循於石碣交戰禽循長史孫建之循雖敗餘黨猶
有三千人皆習練兵士李子遜李奕李脫等奔竄
石碣盤結俚僚各有部曲循知奕等與杜氏有怨
遣使招之奕等引諸俚帥眾五六千人受循節度

六月庚子循晨造南津命三軍入城乃食慧度悉出宗族私財以充勸賞弟交趾太守慧期九真太守章民並督率水步軍慧度自登高艦合戰放火箭雉尾炬步軍夾兩岸射之循衆艦俱然一時散潰循中箭赴水死斬循及父嘏并循二子親屬錄事參軍阮靜中兵參軍羅農夫李脫等傳首京邑封慧度龍編縣侯食邑千戶

宋書良吏傳

劉謙之彭城呂人好學撰晉紀二十卷義熙末為始興相東海人徐道期流寓廣州無士行為僑舊所凌侮因刺史謝欣死合率羣不逞之徒作亂攻沒州城殺士庶素憾者百餘傾府庫招集亡命出攻始興謙之破走之進平廣州誅其黨羽仍行州事即以為振威將軍廣州刺史

宋書劉康祖傳

王鎮之字伯重琅邪臨沂人徵士宏之兄也初為瑯邪王衛軍行參軍出補剡上虞令並有能名內史謝翰請為山陰令復有殊績以討徐道覆功封華容縣五等男徵廷尉晉穆帝何皇后山陵領將作大匠遷御史中丞秉正不撓百寮憚之出為使持節都督交廣二州諸軍事建威將軍平越中郎將廣州刺史高祖謂人曰王鎮之少著清績必將繼美吳隱之嶺南之弊非此不康也在鎮不受俸祿蕭然無所營去官之日不異始至高祖踐阼鎮

之以脚患自陳出為輔國將軍瑯邪太守永初三年卒於官時年六十六

宋書良吏傳

王誕字茂世琅邪臨沂人大保安從兄也祖恬中軍將軍父混太常誕少有才藻隆安四年會稽王世子元顯開後軍府乃以誕補功曹尋除尚書吏部郎仍為後軍長史領廬江太守加鎮蠻護軍轉龍驤將軍琅邪內史長史如故誕結事元顯嬖人張法順故為元顯所寵元顯納妾誕為之親迎隨府轉驃騎長史將軍內史如故元顯討桓元欲悉誅桓氏誕固陳脩等與元志趣不同由此得免脩誕甥也及元得志誕將見誅脩為之陳請又言脩等得免之由乃徙誕廣州盧循據廣州以誕為其平南府長史甚賓禮之誕久客思歸乃說循曰下官流遠在此被蒙殊眷士感知己實思報答本非戎旅在此無用素為劉鎮軍所識情味不淺若得北歸必蒙任寄公私際會思報厚恩愈於停此空移歲月循甚然之時廣州刺史吳隱之亦為循所拘畱誕又曰將軍今畱吳公公私非計孫伯符豈不欲畱華子魚但以一境不容二君耳於是誕及隱之並得還除員外散騎常侍未拜高祖請為太尉諮議參軍轉長史盡心歸奉日夜不懈高祖甚委仗之

宋書本傳

張鎮字義遠吳國吳人忠恕竟明簡正貞粹泰安
中除蒼梧太守討王含有功封興道縣侯劉義慶世說補

尹虞長沙人也任始興太守起兵討杜弢戰敗二

女為弢所獲並有國色弢將妻之女曰我父二千

石終不能為賊婦有死而已弢並害之晉書列女傳

楊方字公回少好學有異才初為郡鈴下威儀公

事之暇輒讀五經鄉邑未之知內史諸葛恢見而

奇之待以門人之禮由是始得周旋貴人間時虞

喜兄弟以儒學立名雅愛方為之延譽恢嘗遣方

為文薦郡功曹主簿虞預稱美之送以示賀循循

遂稱方於京師司徒王導辟為掾轉東安太守遷

司徒參軍方在都邑指紳之士咸厚遇之自以地

寒不願久留京華求補遠郡欲閑居著述導從之

上補高梁太守在郡積年著五經鈎沉更撰吳越

春秋並雜文筆皆行於世以年老棄郡歸導將進

之臺閣固辭還鄉里終於家晉書本傳

鄧騫字長真長沙人有節操忠信兼識量宏遠善

與人交久而益敬太尉庾亮稱之以為長者歷武

陵始興太守遷大司農卒於官晉書本傳

袁宏字彥伯侍中猷之孫也父勗臨汝令宏有逸

才文章絕美謝尚鎮牛渚引宏參其軍事累遷大

司馬桓溫府記室性彊正亮直雖被溫禮遇至於
辯論每不阿屈故榮任不至晉書文苑傳哀帝時為南

海太守表章行誼大興風教漢徵士番禺董正學

行著在南土宏奏旌其門黃志

胡藩字道序豫章南昌人也高祖還彭城參相國

軍事時盧循餘黨與蘇淫賊大相聚結以為始興

相論平司馬休之及廣固功封陽山縣男食邑五

百戶少帝景平元年坐守東府開掖門免官尋復

其職十年卒時年六十二諡曰壯侯子隆世嗣宋本傳

陸徽字休猷吳郡人元嘉十四年為始興太守明

年仍除使持節交廣二州諸軍事綏遠將軍平越

中郎將廣州刺史清名亞王鎮之為士民所愛詠

上表薦士曰臣聞陵雪褒穎貞柯必振尊風賞流

清原斯挹是以衣囊揮譽於西京折轅延高於東

帝伏見廣州別駕從事史朱萬嗣年五十三字少

豫理業冲夷操兼純白行稱私庭能著官政雖氏

非世祿官無通資而隨牒南服位極僚首九綜州

綱三端府職頻掌蕃機屢績符守年暨知命廉尚

愈高冰心與貪流爭激霜情與晚節彌茂歷宰金

山家無寶鏤之飾連組珠海室靡瑠珞之珍確然

守志不求聞達實足以澄革汙吏洗鏡貪氓臣謬忝司牧任專萬里雖情祇慎權才闕豪露敢罄愚陋舉其所知如得提名禮閣抗迹朝省搏嶺表之清風負冰宇之潔望則恩融一臣而施光萬物敢緣天澤雲行時德雨施每甄外州榮加遠國是以獻其瞽言希垂聽覽二十一年徵以為南平王樂冠軍司馬長沙內史行湘州府事宋書頁吏傳

劉劭字伯猷彭城人也祖懷義始興太守父穎之汝南新蔡二郡太守征林邑遇疾卒劭少有志節兼好文義家貧為廣州增城令廣州刺史劉道錫引為揚烈府主簿元嘉二十七年索虜南侵道錫遣劭奉使詣京都太祖引見之酬對稱旨除寧遠將軍綏遠太守元嘉末蕭簡據廣州為亂劭起義討之燒其南門廣州刺史宗慤又命為軍府主簿以功封大亭侯除員外散騎侍郎孝建初荆江反叛宗慤以劭行寧朔將軍湘東內史領軍出安陸會事平以本號為晉康太守又徙鬱林太守大明初還都徐州刺史劉道隆請為寧朔司馬竟陵王誕據廣陵為逆劭隨道隆受沈慶之節度事平封金城縣五等侯除西陽王子尚撫軍入直閣先是遣費沈伐陳檀不克乃除劭龍驤將軍西江督護鬱林太守劭既至率軍進討隨宜翦定大致名馬

并獻珊瑚連理樹上甚悅還除新安王子鸞撫軍中兵參將道母憂不拜前廢帝即位起為振威將軍屯騎校尉入直閣太宗即位加寧朔將軍校尉如故江州刺史晉安王子勛為逆四方響應劭以本官領建平王景素輔國司馬進據梁山會豫州刺史殷投反叛徵劭還都假輔國將軍率眾討投復除使持節督廣交二州諸軍事平越中郎將廣州刺史將軍如故不拜及投開門請降劭約令三軍不得妄動城內士民秋毫無所失百姓感悅成日來蘇生為立碑改督益寧二州諸軍事益州刺史持節將軍如故又不拜還京都拜太子左衛率封鄱陽縣侯食邑千戶子俊嗣順帝昇明末為廣州刺史齊受禪國除宋書本傳

宗慤字元幹南陽人也叔父炳高尚不仕慤年少時炳問其志慤曰願乘長風破萬里浪炳曰汝不富貴即破我家矣元嘉二十二年伐林邑慤自奮請行義恭舉慤有膽勇乃除震武將軍為安西參軍蕭景憲軍副隨交州刺史檀和之圍區粟城林邑遣將范毗沙遠來救區粟和之遣偏軍拒之為賊所敗又遣慤慤乃分軍為數道偃旗潛進討破之拔區粟入象浦林邑王范陽邁傾國來拒以具裝被象前後無際士卒不能當慤曰吾聞師子威

服百獸乃製其形與象相禦象果驚奔眾因潰散
遂克林邑收其異寶雜物不可勝計慙一無所取
衣櫛蕭然文帝甚嘉之宋書本傳三十年七月以右衛
將軍爲廣州刺史宋書本傳

王琨瑯琊臨沂人轉吏部郎吏曹選局出爲持節

都督廣交二州軍事建威將軍平越將軍平越中

郎將廣州刺史南土沃實在任者常致巨富世云

廣州刺史但經城門一過便得三千萬也琨無所

取納表獻祥俸之半州鎮舊有鼓吹又啟輸還及

罷任孝武知其清問還資多少琨曰臣買宅百三

十萬餘物稱之帝悅其對齊書本傳

羊希字泰開少有才氣大明初爲尚書左丞大明

末爲始安王子真征虜司馬黃門郎御史中丞泰

始三年出爲寧朔將軍廣州刺史希初請女夫鎮

北中兵參軍蕭惠微爲長史帶南海太守太宗不

許又請爲東莞太守希既到鎮長史南海太守陸

法真喪官希又請惠微補任詔曰希卑門寒士累

世無聞輕薄多躓備彰歷職徒以清刻一介擢授

嶺南千上逞欲求訴不已可降號橫野將軍初李

萬周劉嗣祖藉畧廣州事在鄧琬傳太宗以萬周

爲步兵校尉加寧朔將軍權行廣州事希既至而

萬周等並有異圖希誅之希以沛郡劉思道行晉

康太守領軍伐俚思道違節度失利希遣收之思
道不受命率所領攻州希遣平越長史鄒投於朝
亭拒戰軍敗見殺思道進攻州城司馬鄒嗣之拒
之西門戰敗又死希踰城走思道獲而殺之府參

軍鄒曼率數十人襲思道既得入城力不敵又敗

東莞太守蕭惠微率郡文武千餘人攻思道戰敗

又見殺時龍驤將軍陳伯紹率軍伐俚還擊思道

定之贈希輔國將軍惠微中書郎嗣之越騎校尉

希子崇字伯遠尚書主客郎丁母憂哀毀過禮及

聞廣州亂卽日便徒跳出新亭不能步涉頓伏江

渚門義以小船致之於是進路父葬畢不勝哀卒

宋書羊元保傳

陳伯紹潁川人廣州西南有二江川源深遠別置

都護專征討之以伯紹爲西江都護宋書通志泰始

四年三月交州人李長仁據州叛妖賊攻廣州殺

刺史羊南伯紹時爲龍驤將軍討平之宋書明合

浦北界夷獠叢居隱伏巖隙寇盜不賓畧無編戶

伯紹獵北地見二青牛驚走入草使人逐之不得

乃誌其處云此地當有奇祥啟立爲越州七年始

置百梁隴蘇永安安昌富昌南流六郡割廣交朱

截三郡屬元微二年以伯紹爲刺史始立州鎮穿

山爲城門威服俚獠土有瘴氣殺人漢世交州刺

史每暑月輒避處高今交土調和越瘴獨甚刺史常事戎馬唯以戰伐為務

南齊書州郡志

陳顯達南彭城人也宋孝武世為張永前軍幢主泰始四年封彭澤縣子邑三百戶歷馬頭義陽二郡太守羽林監濮陽太守隸太祖討桂陽賊於新亭壘劉劭大桁敗賊進杜姥宅及休範死太祖欲還衛宮城或諫太祖曰桂陽雖死賊黨猶熾人情難固不可輕動太祖乃止遣顯達率司空參軍高敬祖自查浦渡淮緣石頭北道入承明門屯東堂宮中恐動得顯達至乃稍定顯達出杜姥宅大戰破賊矢中左眼拔箭而鏃不出地黃村潘姬善禁先以釘釘柱姬禹步作氣釘即時出乃禁顯達目中鏃出之封豐城縣侯邑千戶轉遊擊將軍尋為使持節督廣交越三州湘州之廣興軍事輔國將軍平越中郎將廣州刺史進號冠軍軍沈攸之事起顯達遣軍援臺長史到遁司馬諸葛導謂顯達曰沈攸之擁衆百萬勝負之勢未可知不如保境蓄衆分遣信驛密通彼此顯達於座手斬之遣表疏歸心太祖進使持節左將軍軍至巴邱而沈攸之平除散騎常侍左衛將軍轉前將軍太祖太尉左司馬

南齊書本傳

孫曇璫吳郡人少讀書知大義明兵法果幹有氣

力泰始中會稽吳郡不服明帝篡位太守顧琮用曇璫為偏裨後歸朝為屯騎校尉每運矛超距軍士率服元徽五年夏五月遷越州刺史俾選越騎入衛合浦吏民間其將畧莫不聽命尋進加輔國將軍蕭道成立順帝將行篡逆是年冬十一月司徒袁粲謀欲討之以員外散騎侍郎胡羨生行越州事徵曇璫至建康粲與尚書令劉秉等遂起兵據石頭曇璫帥越騎密相響應已而粲使蘇烈據倉城道成遣其帳內軍主戴僧靜將腹心先至石頭射書與烈夜繼入城粲登城西南門烈燭火處分臺軍至射之火乃滅回登東門曇璫驍勇善戰每盪一合輒大殺傷臺軍死者百餘人軍主王天生殊死拒戰故得相持自亥至丑有流星赤色照地墜城中僧靜率力攻倉門身先士卒衆潰僧靜手斬粲於是外軍燒門入曇璫獨與廣人龍蘇數騎脫走歸吳明年冬十月己卯被道成捕得見殺初曇璫之亡命也范法詢妻褚氏謂其子僧簡曰孫越州先姑之姊子與汝父親則從母兄弟交則義重古人逃竄脫不免汝宜收之曇璫尋伏法褚氏令僧簡往斂葬

黃志

謝昌寓陳都人也為劉悅廣州參軍孝性甚至嘗養一鵠昌寓病二旬而鵠二旬不食昌寓亡而鵠

遂飛去

南史孝
義傳

徐豁字萬同東莞姑幕人也精練明理爲一世所推元嘉初爲始興太守三年遣大使巡行四方并使郡縣各言損益豁因此表陳三事其一曰郡大田武吏年滿十六便課米六十斛十五以下至十三皆課米三十斛一戶內隨丁多少悉皆輸米且十三歲兒不堪田作或是單迴無相兼通年及應輸便自逃逸既過接蠻俚去就益易或乃斷截支體產子不養戶口歲減實此之由謂宜便量課限使得存立今若減其米課雖有交損考之將來理有深益其二曰郡領銀民三百餘戶鑿坑採砂皆二三丈功役既苦不顧崩墜一歲之中每有死者官司檢切猶致違違老少相隨永絕農業千有餘口皆資他食豈惟一夫不耕或受其飢而已所以歲有不稔便致甚困尋臺邸用米不異於銀謂宜准銀課米卽事爲便其三曰中宿縣俚民課銀一子丁輸南稱半兩尋此縣自不出銀又俚民皆巢居鳥語不閑貿易之宜每至買銀爲損已甚又稱兩受入易生姦巧山俚愚怯不辨自申官所課甚輕民以所輸爲劇今若聽計丁課米公私兼利在郡著績太祖嘉之下詔曰始興太守豁潔己退食恪居在官政事修理惠澤沾被近嶺南荒弊郡境

尤甚拯卹有方濟厥饑饉雖十口之良守茂以尙焉宜蒙褒賚以旌清績可賜絹二百匹穀千斛五年以爲持節督廣交二州諸軍事寧遠將軍平越中郎將廣州刺史未拜卒時年五十一太祖又下詔曰豁廉清勤恪著稱所司故擢授南服申其才志不幸喪殞朕甚悼之可賜錢十萬布百匹以營葬

宋書良
吏傳

檀和之高平金鄉人父憑積有軍功和之智勇尤著文帝嘗稱其有將才元嘉十六年爲始興內史在郡課耕桑靖獄市吏治明果境內肅然士民敬之會交州立宋隆郡工役未竣二十年冬十二月庚午詔以和之爲交州刺史蒞交留意足民民忘工築之勞乃更練武會林邑王陽邁貢獻陋薄而寇盜不已文帝忿其違傲二十三年以和之爲龍驤將軍領交廣兵及振武將軍宗懋伐之和之遣司馬蕭景憲爲前鋒陽邁聞之懼欲輸金一萬斤銀十萬斤銅三十萬斤還所畧日南戶其大臣薨僧達諫止之乃遣大帥范扶龍戍其北界區粟城景憲攻城克之乘勝入象浦陽邁以具裝被象來拒懋製師子形禦之象果驚奔遂克林邑陽邁父子並挺身逃奔獲其珍異皆是未名之寶又銷其金人得黃金數十萬斤和之既克遠夷益自謙慎

以餘財頒及交廣軍士捷聞召還以功封雲杜縣子景憲代刺交州二十四年冬十月和之南還至豫章值豫章民胡誕世反殺太守檀隆之和之討誕世平之孝建三年爲南兖州刺史坐事免官病卒追贈左將軍諡曰襄子

黃志

鄧琬字元琬豫章南昌人也世祖起義版琬爲輔國將軍南海太守率軍伐蕭簡於廣州攻圍踰年乃克以臧質反爲江州刺史宗慤所執值赦原琬弟璩與臧質同逆質敗從誅琬弟環亦坐誅琬在遠又有功免死遠徙仍停廣州久之得還大明七年擢爲給事黃門侍郎明年出爲晉安王子勛鎮軍長史尋陽內史行江州事前廢帝狂悖無道因何邁之謀乃遣使齎藥賜子勛死琬曰身南土寒士蒙先帝殊恩以愛子見託豈得惜門戶百口其當以死報効廢昏立明景和元年十一月十九日稱子勛敎卽日戒嚴會太宗定亂進子勛號車騎將軍開府儀同三司合書至琬與陶亮等繕治器甲徵兵四方傳檄京師購太宗萬戶侯布絹二萬疋金銀五百斤羣僚上僞號於子勛泰始二年正月七日卽位於尋陽改景和二年爲義嘉元年始安內史王職之建安內史趙道生安成太守劉襲並舉郡奉順琬遣龍驤將軍廖校率數千人并發

廬陵白丁攻襲與郡丞檀玠拒戰大敗玠臨陳見殺襲棄郡走據險自守枝虜掠而退襲復出據郡時齊王率衆東北征討而齊王世子爲南康顛令琬遣使收世子世子腹心蕭欣祖相康等數十人奉世子長子奔竄草澤召募得百餘人攻郡出世子世子自號寧朔將軍與南康相沈用之前南海太守何曇直晉康太守劉紹祖北地傅浩東莞童禽等據郡起義琬徵始興相殷孚爲御史中丞并令率郡人俱下孚衆盛世子避之於揭陽山琬遣武昌戴凱之爲南康相世子率衆攻之凱之戰敗遁走世子遣幢主植文起千人戍西昌與襲相應琬又遣廖校與其中兵參軍胡昭等築壘於西昌堅壁相守琬召豫章太守劉衍以爲右將軍中護軍殷孚代爲豫章太守督上流五郡以防襲等殷孚旣去始興以郡五官掾譚伯初留知郡事士人劉嗣祖等斬伯初據郡起義琬遣始興太守章希真應揚將軍楊宏之領衆一千討嗣祖嗣祖亦遣衆出南康與齊王世子合希真等以義徒彊盛住廬陵不敢進廣州刺史袁曇遠聞始興起義遣將李萬周陳伯紹率衆討嗣祖嗣祖遣兵戍浚陽萬周亦築壘相守嗣祖遣人誑萬周曰尋陽已平臺遣劉劬爲廣州垂至萬周信之便回還襲番禺

夜以長梯入城晏遠怯弱無防聞萬周反便徒跣
出奔萬周追斬之於城內交州刺史檀翼被代還
至廣州資貨鉅萬萬周誣以爲逆襲而殺之遂劫
掠公私銀帛籍畧袁檀珍寶悉以自入

宋書本傳

沈法系字體先吳興武康人也有將用世祖伐逆
以爲南中郎參軍加寧朔將軍領三千人前發事
平以爲寧朔將軍始興太守討蕭簡於廣州聞臺
軍將至簡誑其衆曰臺軍是賊劭所遣並信之前
征北將軍顧邁被賊徒在城內善天文云荆江有
大兵城內由此固守初世祖先遣鄧琬圍簡唯治
一攻道法系至曰宜四面並攻若守一道何時可
拔琬慮功不在己不從法系曰更相守五十日日
盡又不克乃從之八道俱攻一日卽拔斬蕭簡廣
州平封庫藏付鄧琬而還官至驍騎將軍尋陽太
守

宋書沈
慶之傳

陸法真吳郡人歷官有清節嘗爲劉秀之安北錄
事參軍太山羊希與安北咨議參軍孫詵書曰足
下同僚似有陸錄事者此生東南名地又張元外
孫持身至清雅有志節年高官下秉操不衰計當
日夕相與申意太宗初爲南海太守卒官

宋書良吏傳

孫奉伯始興太守太始五年明帝訪太子妃而雅
信小數名家女多不合江氏以卜筮吉故爲太子

納之六年拜皇太子妃諷朝士州郡皆令獻物多
者將直百金奉伯止獻琴書其外無餘物上大怒
封藥賜死既而原之

南史江
皇后傳

伏曼容字公儀平昌安邱人早孤與母兄客居南
海少篤學聚徒教授以自業爲驛騎行參軍昇明
末爲輔國長史南海太守至石門作貪泉銘天監
元年卒

南史儒林傳

庾道愍潁川陽陵人晉司空冰之元孫也有孝行
頗能屬文少出孤梓時人莫知其所生母流漂交
州道愍尙在襁褓及長知之求爲廣州綏寧府佐
至南而去交州尙遠乃自負擔冒險僅得自達及
至交州尋求母雖經年日夜悲泣嘗入村日暮雨
驟乃寄止一家旦有一媪負薪外還而道愍心動
因訪之乃其母也於是行伏號泣遠近赴之莫不
揮淚

南史孝義傳

廣東通志二百三十三

宦績錄三 南齊 梁 陳

范雲 陶季直 俱郡屬官 以上南齊

樂藹 柳暉

蕭恭 蕭勵 弟勃

蘭欽 胡穎

孫瑒 歐陽頎

杜僧明 徐度

杜稜 俱州屬官 王僧孺

何遠 王勣

蕭介 劉覽 俱郡屬官

周文育 錢道戡

蔡景歷 周鉄虎 俱縣令 以上梁

沈君高 沈恪

馬靖 王猛

陳方慶 俱州屬官 周法尚

章洗 慕容三藏

裴矩 令狐熙

樊子益 侯莫陳穎

柳旦 劉權

鄧文進 俱州屬官 以上南齊

南齊

范雲字彥龍南鄉舞陰人晉平北將軍江六世孫

也出為零陵內史在任潔已省煩苛去游費百姓

安之明帝召還都及至拜散騎侍郎復出為始興

內史郡多豪猾大姓二千石有不善者謀共殺害

不則逐去之邊帶蠻俚尤多盜賊前內史皆以兵

刃自衛雲入境撫以恩德罷亭侯商賈露宿郡中

稱為神明仍遷假節武建將軍平越中郎將廣州

刺史初雲與尚書僕射江福善福姨弟徐藝為曲

江令深以託雲有譚儼者縣之豪族藝鞭之儼以

為耻詣京訴雲雲坐儼下獄會赦免 梁書本傳

陶季直丹陽秣陵人也祖愨祖宋廣州刺史父景

仁中散大夫季直早慧愨祖甚愛異之遷太尉記

室參軍出為冠軍司馬東莞太守在郡號為清和

梁書本傳

梁

樂藹字蔚遠南陽滎陽人晉尚書令廣之六世孫

天監初遷驍騎將軍領少府卿俄遷御史中丞領

本州大中正二年出為持節督廣交越三州諸軍

冠軍將軍平越中郎將廣州刺史前刺史徐元瑜

罷歸道遇始興人士反逐內史崔睦舒因掠元瑜

財產元瑜走歸廣州借兵於藹託欲討賊而實謀

襲藹藹覺之誅元瑜尋進號征虜將軍卒官 梁書本傳

柳惲字文暢河東解人也少有志行好學善尺牘
天監元年除長史兼侍中二年出爲吳興太守六
年徵爲散騎常侍遷左民尚書八年除持節都督
廣交桂越四州諸軍事仁武將軍平越中郎將廣
州刺史徵爲秘書監左軍將軍復爲吳興太守六
年爲政清靜民吏懷之於郡感疾自陳解任父老
千餘人拜表陳請事未施行天監十六年卒時年
五十三贈侍中中護將軍梁書本傳
蕭恭字敬範監南徐州事時衡州刺史武會超在
州子姪縱暴州人朱朗聚黨反武帝以恭爲刺史
時朗已圍始興恭至緩服徇賊示以恩信羣賊伏
其勇是夜退三舍以避軍吏請追恭曰賊以政苛
致叛非有陳吳之心緩之則自潰急之則併力諸
君置之明日朗遣使請降恭杖節受之一無所問
卽日收始興太守張寶生及會超弟之子子仁斬
之軍門以其賄而虐也有司奏恭縱罪人專戮二
千石有詔宥之遷湘州刺史梁書宗室傳
蕭勵字文約弱不好弄喜愠不形於色位太子洗
馬除淮南太守以善政稱遷宣城內史郡多猛獸
常爲人患及勵在任獸暴爲息又遷豫章內史道
不拾遺男女異路徙廣州刺史去郡之日吏人悲
泣數百里中舟乘填塞各齎糧食以送勵屬人爲

納受隨以錢帛與之至新淦縣所山村有一老姥
以菜擊鱸魚自送舟側奉上之童兒數十人入水
扳舟或歌或泣廣州邊海舊繞外國舶至多爲刺
史所侵每年舶至不過三數及勵至纖毫不犯歲
十餘至俚人不賓多爲海暴勵征討所獲生口寶
物軍賞之外悉送還臺前後刺史皆營私蓄方物
之貢少登天府自勵在州歲中數獻軍國所須相
繼不絕武帝嘆曰朝廷便是更有廣州有詔以本
蕃任未幾文徹降附屬以南江危險宜立重鎮乃
表臺於高涼郡立州敕仍以爲高州以西江督護
孫固爲刺史徵爲太子左衛率卒諡光南史吳平侯景傳
弟勃位定州刺史封曲江鄉侯大寶初廣州刺史
元景仲將謀應侯景西江督護陳霸先攻景仲迎
勃爲刺史時湘東王繹在荊州雖承制授職力不
能制遂從之勃乃鎮嶺南爲廣州刺史後江表定
以王琳代爲廣州以勃爲晉州刺史魏剋江陵勃
復據廣州敬帝承制加司徒紹泰中爲太尉尋進
爲太保及陳武禪代之際舉兵不從尋敗遇害上
蘭欽字休明中昌魏人也父子雲天監中軍功官
至雲麾將軍冀州刺史欽幼而果決趨捷過人隨
父北征授東官直閣大通元年攻魏蕭城拔之又

假欽節都督衡州三郡兵討桂陽陽山始興叛蠻至卽平破之封安懷縣男邑五百戶又破天漆蠻帥晚時得會衡州刺史元慶和為桂陽人嚴容所圍遣使告急欽往應援破容羅溪於是長樂諸洞一時平蕩俄改授持節都督衡桂二州諸軍事衡州刺史經廣州因破俚帥陳文徹兄弟並擒之至衡州進號平南將軍改封曲江縣公增邑五百戶在州有惠政吏民詣闕請立碑頌德詔許焉徵為散騎常侍左衛將軍尋改授散騎常侍安南將軍廣州刺史既至任所前刺史南安侯密遣厨人置藥於食欽中毒而卒時年四十二詔贈侍中中衛將軍鼓吹一部

梁書本傳

胡穎字方秀吳興東遷人也其先寓居吳興土斷為民穎偉姿容性寬厚梁世仕至武陵國侍郎東官直前出番禺征討俚洞廣州西江督護高祖在廣州穎仍自結高祖高祖與其同郡接遇甚隆及南征交趾穎從行役餘諸將帥皆出其下及平李賁高祖旋師穎隸在西江出兵多以穎畱守穎弟傑亦隨穎將軍穎卒傑統其眾歷東海豫章二郡守遷員外散騎常侍隨章昭達南平歐陽紇為廣州東江督護還預北伐除雄信將軍歷陽太守太建六年卒贈桂州刺史

陳書本傳

孫瑒字德璉吳郡吳人也祖父惠齊越騎校尉清遠太守父循道梁中散大夫以雅素知名瑒少儻好謀畧博涉經史尤便書翰起家梁輕車臨川嗣王行參軍累遷為安西邵陵王水曹中兵參軍事王出鎮郢州瑒盡室隨府甚被賞遇太清之難授假節宣猛將軍軍主王僧辯之討侯景也王琳為前軍琳與瑒同門乃表薦為戎昭將軍宜都太守仍從僧辯救徐文盛於武昌會郢州陷乃畱軍鎮巴陵修戰守之備俄而侯景兵至日後攻圍瑒督所部兵悉力拒戰賊眾奔退瑒從大軍沿流而下及克姑孰瑒力戰有功除員外散騎常侍封富陽縣侯邑一千戶尋授假節雄信將軍衡陽內史未及之官仍遷衡州平南府司馬破黃洞蠻賊有功除東莞太守行廣州刺史尋除智武將軍監湘州事

陳書本傳

歐陽頎字靖世長沙臨湘人也為郡豪族祖景達梁代為本州治中父僧寶屯騎校射頎少質直有思理以言行篤信著聞於嶺表父喪毀瘠甚至家產累積悉讓諸兄州郡頻辟不應乃廬於麓山寺傍專精習業博通經史年三十其兄必令從官起家信武府中兵參軍遷平西邵陵王中兵參軍事梁左衛將軍蘭欽少與頎相善故頎常隨欽征討

欽爲衡州仍除清遠太守欽南征夷獠擒陳文徽所獲不可勝計獻大銅鼓累代所無願預其功還爲直閣將軍仍除天門太守伐蠻左有功刺史盧陵王蕭續深嘉之引爲賓客欽征交州復啟願同行欽度嶺以疾終願除臨賀內史啟乞送欽喪還都然後之任時湘衡之界五十餘洞不賓敕令衡州刺史韋粲討之粲委願爲都督悉皆平殄粲啟梁武稱願誠幹降詔褒賞仍加超武將軍征討廣衡二州山賊侯景構逆粲自解還都征景以願監衡州京城陷後嶺南互相吞併蘭欽弟前高州刺史裕攻始興內史蕭紹基奪其郡裕以兄欽與願舊遣招之願不從乃謂使云高州昆季隆顯莫非國恩今應赴難授都豈可自爲跋扈及高祖入援京邑將至始興願乃深自結託裕遣兵攻願高祖援之裕敗高祖以王懷明爲衡州刺史遷願爲始興內史高祖之討蔡路養李遷仕也願率兵度嶺以助高祖及路養等平願有功梁元帝承制以始興郡爲東衡州以願爲持節通直散騎常侍都督東衡州諸軍事雲麾將軍東衡州刺史新豐縣伯邑四百戶侯景平元帝逼問朝宰今天下始定極須良才卿各舉所知羣臣未有對者帝曰吾已得一人侍中王褒進曰未審爲誰帝云歐陽願公正

有匡濟之才恐蕭廣州不肯致之乃授武州刺史尋授郢州刺史欲令出嶺蕭勅留之不獲拜命尋授使持節散騎常侍都督衡州諸軍事忠武將軍衡州刺史進封始興縣侯時蕭勅在廣州兵彊位重元帝深患之遣王琳代爲刺史琳已至小桂嶺勅遣其將孫瑒監州盡率部下至始興避琳兵鋒願別據一城不往謁勅閉門高壘亦不拒戰勅怒遣兵襲願盡收其資財馬仗尋赦之還復其所復與結盟荆州陷願委質於勅及勅度嶺出南康以願爲前軍都督願豫章之苦竹灘周文育擊破之擒送於高祖高祖釋之深加接待蕭勅死後嶺南擾亂願有聲南土且與高祖有舊乃授願使持節通直散騎常侍都督衡州諸軍事安南將軍衡州刺史始興縣侯未至嶺南願子紇已克定始興及願至嶺南皆偃伏仍進廣州盡有越地改授都督廣交越城定明新高合羅愛建德宜黃利安石雙十九州諸軍事鎮南將軍平越中郎將廣州刺史持節常侍侯並如故王琳據有中流願自海道及東嶺奉使不絕永定三年進授散騎常侍增都督衡州諸軍事卽本號開府儀同三司世祖嗣位進號征南將軍改封陽山郡公邑一千五百戶又給鼓吹一部初交州刺史袁曇緩密以金五百兩寄

顧令以百兩還合浦太守龔為四百兩付兒智矩
 餘人弗之知也顧尋為蕭勃所破貨財並盡唯所
 寄金獨在墨緩亦尋卒至是顧並依信還之時人
 莫不歎服其重然諾如此時顧弟盛為交州刺史
 次弟遠為衡州刺史合門顯貴名振南土又多致
 銅鼓生口獻奉珍異前後委積頗有助於軍國焉
 顧以天嘉四年薨時年六十六贈侍中車騎大將
 軍司空廣州刺史諡曰穆子紇嗣紇字奉聖頗有
 幹畧天嘉中除黃門侍郎員外散騎常侍畧遷安
 遠將軍衡州刺史襲封陽山郡公都督交廣等十
 九州諸軍事廣州刺史在州十餘年威惠著於百
 越進號輕車將軍光大中上流蕃鎮並多懷貳高
 宗以紇久在南服頗疑之太建元年下詔徵紇為
 左衛將軍紇懼未欲就徵其部下多勸反遂舉兵
 攻衡州刺史錢道戢道戢告變乃遣儀同章昭達
 討紇屢戰兵敗執送京師伏誅時年三十三家口
 籍沒子詢以年幼免陳書本傳 江都廣州刺史
著少府瑤功高於漢册世居海太守又重子晉
原豐風透地南徒公孝敬純深友弟悖家積道
財並讓諸季真同廉公舍率內映遠識沉通室
暗並讓諸季真同廉公舍率內映遠識沉通室
公被鏡執行資真同廉公舍率內映遠識沉通室
衡州刺史始與縣侯而大友秋逆帝校散騎常侍東
王業指讓史始與縣侯而大友秋逆帝校散騎常侍東
街二十二州諸軍事廣州刺史進為開府儀同三
司陽山郡公進號征南將軍加鼓吹一部至山遠
由諡駱吹於日南芳樹清音肅軍容於海截追昭

車騎將軍司空公涉獵六經優游百氏寬得省賦
 化百越之歸心撫寒投醪感三軍之死力在室如
 賓豈意屋漏不食為寶每畏人知殺青無兼兩之
 疑意以豈懷珠之誇茹薇茹粟不改夷齊之心遺
 愛遺風方雷 豹產之德
 杜僧明字宏照廣陵臨澤人也形貌眇小而膽氣
 過人有勇力善騎射梁大同中盧安興為廣州南
 江督護僧明與兄天合及周文育並為安興所啟
 請與俱行頻征徼僚有功為新州助防天合亦有
 材幹預在征伐安興死僧明復副其子子雄及交
 州土豪李賁反逐刺史蕭諮諮奔廣州臺遣子雄
 與高州刺史孫罔討賁時春草已生瘴癘方起子
 雄請待秋討之廣州刺史新渝侯蕭暎不聽蕭諮
 又促之子雄等不得已遂行至合浦死者十六七
 眾並憚役潰散禁之不可乃引其餘兵退還蕭諮
 啟子雄及罔與賊交通逗留不進梁武帝敕於廣
 州與死子雄弟子畧子烈並雄豪任俠家屬在南
 江天合謀於眾曰盧公累代待遇我等亦甚厚矣
 今見枉而死不能為報非丈夫也我弟僧明萬人
 之敵若圍州城召百姓誰敢不從城破斬二侯祭
 孫盧然後待臺使至束手詣廷尉死猶勝生縱其
 不捷亦無恨矣眾咸慷慨曰是願也唯足下命之
 乃與周文育等率眾結盟奉子雄弟子畧為主以
 攻刺史蕭暎子畧頓城南天合頓城北僧明文育

分據東西吏人並應之一日之中眾至數萬高祖時在高要聞事起率眾來討大破之殺天台生擒僧明及文育等高祖並釋之引為主帥高祖征交趾及討元景仲僧明文育並有功侯景之亂俱隨高宗入援京師高宗於始興破蘭裕僧明為前鋒擒裕斬之又與蔡路養戰於南野僧明馬被傷高祖馳往救之以所乘馬授僧明僧明乘馬與數十人復進眾皆披靡因而乘之大敗路養高州刺史李遷仕又據大臯入瀨石以逼高祖高祖遣周文育為前軍與僧明擊走之遷仕與寧都人劉孝尚併力將襲南康高祖又令僧明與文育等拒之相持連戰百餘日卒擒遷仕送於高祖軍及高祖下南康留僧明頓西昌督安成廬陵二郡軍事元帝承制授假節清野將軍新州刺史臨江縣子邑三百戶侯景遣子慶等寇南江高祖頓豫章會僧明為前驅所向克捷高祖表僧明為長史仍隨東討軍至蔡州僧明率麾下燒賊水門大艦及景平以功除員外散騎常侍明威將軍南交州刺史進爵為侯增邑并前五百戶仍領晉陵太守承聖二年從高祖北圍廣陵加使持節通直散騎常侍平北將軍餘如故荊州陷高祖使僧明率吳朗徹等隨侯瑒西援於江州病卒時年四十六贈散騎常

侍諡曰威世祖即位追贈開府儀同三司天嘉二年配享高祖廟庭子晉嗣陳書本傳徐度字孝節安陸人也世居京師少儻不拘小節及長姿貌瓌偉嗜酒好博恆使僮僕屠酤為事梁始興內史蕭介之郡度從之將領士卒征諸山洞以驍勇聞高祖征交趾厚禮招之度乃委質侯景之亂高祖克定廣州平蔡路養破李遷仕計畫多出於度兼統兵甲每戰有功歸至白茅灣梁元帝授寧朔將軍合州刺史侯景平後追錄前後戰功加通直散騎常侍封廣德縣侯邑五百戶遷散騎常侍陳書本傳杜稜字雄盛吳郡錢塘人也世為縣大姓稜頗涉書傳少落泊不為當世所知遂遊嶺南事梁廣州刺史新渝侯蕭映映卒從高祖恆典書記侯景之亂命稜將領平蔡路養李遷仕皆有功軍至豫章梁元帝承制授稜仁威將軍石州刺史上陌縣侯邑八百戶陳書本傳王僧孺字僧孺東海郟人天監初除臨川王後軍記室參軍待詔文德省尋出為南海太守郡常有高涼生口及海舶每歲數至外國賈人以通貨易舊時州郡以半價就市又買而即賣其利數倍歷政以為常僧孺乃歎曰昔人為蜀部長史終身無

蜀物吾欲遺子孫者不在越裝並無所取視事期
月有詔徵還郡民道俗六百人詣闕請留不許梁書

傳本

何遠字義方東海郊人也為建康令高祖聞其能
擢為宣城太守自縣為近畿大郡近代未之有也
郡經寇抄遠盡心綏理復著名迹期年遷樹功將
軍始與內史時泉陵侯染朗為桂州緣道剽掠人
始與界草木無所犯遠在官好開途巷修葺墻屋
民居市里城隍廢庫所過若營家焉田秩俸錢並
無所取歲暮擇尤窮者充其租調以此為常然其
聽訟猶人不能過絕而性果斷民不敢非畏而惜
之所至皆生為立祠表言治狀高祖每優詔答焉
天監十六年詔曰何遠前在武康已著廉平復莅
二邦彌盡清白政先治道惠留民愛雖古之良二
千石無以過也宜升內榮以顯外績可給事黃門
侍郎遠即還仍為仁威長史梁書長吏傳
王勣字公濟通之弟也美風儀博涉書史恬然清
簡梁武帝時河東王為廣州刺史乃以勣為冠軍
河東王長史南海太守王至嶺南多所侵掠因懼
罪稱疾委州還朝勣行廣州府事越中饒沃前後
守宰例多貪縱勣獨以清白著聞人為給事黃門
侍郎高祖為丞相勣兼丞相長史侍中中書令並

如故時吳中遭亂民多乏絕乃以勣兼吳興郡及
蕭勃平後又以勣舊在嶺南早有政績乃授使特
節都督廣州等二十州諸軍事平南將軍平越中
郎將廣州刺史未行改為衡州刺史持節都督並
如故王琳據有上流衡廣構貳勣不得之鎮留於
大庾嶺陳書本傳

蕭介字茂鏡蘭陵人也祖思話宋開府儀同三司
尚書僕射父惠禧齊左民尚書大同二年武陵王
為揚州刺史以介為府長史在職清白為朝廷所
稱高祖謂何敬容曰蕭介甚貧可處以一郡敬容
未對高祖曰始與郡頃無良守嶺上民頗不安可
以介為之由是出為始興太守介至任宣布威德
境內肅清梁書本傳

劉覽字孝智彭城上安里人歷官中書郎除尚書
左丞當官清正無所私姪夫御史中丞褚湮從兄
吏部郎孝綽頗通賈貨覽劾奏並免官孝綽怨之
嘗謂人曰大器行路覽噬家人出為始興內史治
郡尤勵清節還復為左丞卒官梁書劉
周文育字景德義興陽羨人也少孤貧本居新安
壽昌縣姓項氏名猛奴義興人周蒼為浦口戍主
見而奇之養為己子司州刺史陳慶之與蒼同郡
素相善啟蒼為前軍軍主慶之使蒼將五百人往

新蔡懸瓠慰勞白水蠻蠻謀執薈以入魏薈與文
育拒之薈戰死文育馳取其尸賊不敢逼身被九
創創愈辭請還葬葬訖會盧安與爲南江督護啟
文育同行累征俚獠所在有功除南海令安與死
文育與杜僧明攻廣州爲高祖所敗高祖赦之後
監州王勣以文育爲長流令勣被代文育與勣俱
下至大庾嶺詣卜者卜者曰君北下不過作令長
南入則爲公侯文育曰足錢便可誰望公侯卜人
曰君須與富暴得銀至二千兩若不見信以此爲
驗其夕宿逆旅有賈人求與文育博文育勝之得
銀二千兩且日辭勣勣問其故文育以告勣乃遣
之高祖在高要聞其還也大喜遣人迎之分麾下
配焉高祖討侯景與杜僧明爲前鋒克蘭裕援歐
陽願皆有功高祖破蔡路養於南野文育爲路養
所圍矢石雨下所乘馬死文育右手搏戰左手解
鞍潰圍而出因與僧明併力復進遂大敗之高祖
乃表文育爲府司馬李遷仕據大臯遣其將杜平
虜入瀨右魚梁作城文育擊之據其城梁元帝授
文育假節雄信將軍義州刺史廣州刺史蕭勃舉
兵踰嶺詔文育討之時新吳洞主余孝頃舉兵應
勃使其子孜將兵與孝頃會又遣其別將歐陽願
頓軍苦竹灘傳秦據瓠口城以拒官軍官軍船少

孝頃有舡艇三百艘艦百餘文育潛軍襲之悉取
而歸時官軍食盡並欲退還文育不許使人間行
遺周迪書約爲兄弟迪許饋糧餉於是文育乘船
沿流僞退孝頃望之大喜因不設備文育由間道
兼行信宿達芋韶上流則歐陽願蕭勃下流則傅
秦余孝頃文育據其中築城饗士賊徒大駭歐陽
願乃退入泥溪作城自守文育遣周鐵武陸山才
龔願擒之因而攻秦克之蕭勃在南康聞之衆皆
股慄莫能自固其將譚世遠斬勃欲降爲人所害
世遠軍主夏侯明徹持勃首以降蕭孜余孝頃據
石頭高祖遣侯安都助文育攻之攻降文育孝頃
退走新吳廣州平還頓豫章以功授鎮南將軍開
府儀同三司都督江廣衡交等州諸軍事及周迪
破余孝頃孝頃子公颺弟孝勣猶據舊柵扇動南
土高祖遣文育及周迪黃法氈等討之豫章內史
熊曇朗亦率軍來會迪等敗績文育退據金口曇
朗因其失利謀害之時年五十一贈侍中諡忠愍
陳書本傳
錢道戢字子韜吳興長城人也父景深梁漢壽令
道戢少以孝行著聞及長頗有幹畧高祖微時以
從妹妻焉從平盧子畧於廣州除濱江令高祖輔
政遣道戢隨世祖平張彪於會稽以功拜直閣仍

領甲卒三千隨侯安都鎮防梁山尋領錢塘餘杭
 二縣令永定三年隨世祖鎮於南皖口天嘉元年
 又領剡令鎮於縣之南巖尋為臨海太守鎮巖如
 故侯安都之討雷異也道戢帥軍出松楊以斷其
 後異平以功拜持節通直散騎常侍輕車將軍都
 督東西二衡州諸軍事衡州刺史領始興內史光
 大元年增邑并前七百戶高宗即位徵歐陽紇入
 朝紇疑懼乃舉兵來攻衡州道戢與戰却之及都
 督章昭達率兵討紇以道戢為步軍都督由間道
 斷紇之後紇平除左衛將軍陳書本傳
 蔡景歷字茂世濟陽考城人也少俊爽有孝行家
 貧好學善尺牘工草隸解褐諸王府佐出為海陽
 令為政有能名陳書本傳
 周鐵虎不知何許人也梁世南渡語音倍重膂力
 過人便馬槊事梁河東王蕭譽以勇敢聞譽板為
 府中兵參軍譽為廣州刺史以鐵虎為興寧令譽
 遷湘州又為臨蒸令承聖二年以前後戰功進爵
 為侯增邑并前五百戶仍為散騎常侍領信義太
 守將軍如故高祖誅僧辯鐵虎率所部降因復其
 本職徐嗣徽引齊寇渡江鐵虎於板橋浦破其水
 軍盡獲甲仗船舸又攻歷陽襲齊寇步營竝皆克
 捷嗣徽平紹泰二年遷散騎常侍嚴威將軍太子

左衛率尋隨周文育於南江拒蕭勃恆為前軍文
 育又命鐵虎偏軍於苦竹灘襲勃前軍歐陽頎又
 隨文育西征王琳於沌口敗績鐵虎與文育侯安
 都竝為琳所擒琳引見諸將與之語唯鐵虎辭氣
 不屈故琳盡宥文育之徒獨鐵虎見害其年四十
 九陳書本傳
 陳
 沈君高字季高少知名性剛直有吏能以家門外
 戚早居清顯歷太子舍人洗馬中舍人高宗司空
 府從事中郎廷尉卿太建元年東境大水百姓饑
 弊乃以君高為貞威將軍吳令尋除太子中庶子
 尚書吏部郎衛尉卿出為宣遠將軍平南長沙王
 長史南海太守行廣州事以女為王妃固辭不行
 復為衛尉卿八年詔授持節都督交廣等十八州
 諸軍事寧遠將軍平越中郎將廣州刺史嶺南俚
 獠世相攻伐君高本文吏無武幹推心撫御甚得
 民和十年卒於官時年四十七贈散騎常侍諡曰
 祁子陳書沈君理傳
 沈恪字子恭吳興武康人也深沈有幹局梁新渝
 侯蕭映為郡將召為主簿映遷北徐州恪隨映之
 鎮映遷廣州以恪兼府中兵參軍常領兵討伐俚
 洞盧子畧之反也恪拒戰有功除中兵參軍高祖

與恪同郡情好甚暱蕭映卒後高祖南討李賁仍遣妻子附恪還鄉尋補東宮直後以嶺南勦除員外散騎侍郎仍令招集宗從子弟侯景圍臺城恪率所領入臺隨例加右軍將軍賊起東西二土山以逼城城內亦作土山以應之恪爲東土山主晝夜拒戰以功封東興縣侯邑五百戶遷員外散騎高祖踐祚除吳興太守高宗卽位加散騎常侍都督廣衡東衡交越成定新合羅愛德宜黃利安石雙等十八州諸軍事鎮南將軍平越中郎將廣州刺史恪未至嶺前刺史歐陽紇舉兵拒險恪不得進朝廷遣司空章昭達督衆軍討紇紇平乃得入州州罹兵荒所在殘毀恪綏懷安輯被以恩惠嶺表賴之太建四年徵爲嶺軍將軍及代還以途遠不時至爲有司所奏免陳書本傳

馬靖廣州刺史甚得嶺表人心而兵甲精練每年深入俚洞又數有戰功朝野頗生異議高宗以蕭引悉嶺外物情且遣引觀靖審其舉措詔令送質引密奉旨南行外託收督賧物既至番禺靖卽悟旨盡遣兄弟下都爲質陳書蕭引傳

王猛字世雄本名勇至德初爲左驍騎將軍加散騎常侍深見信重時孔範施文慶等并相爲比周害其梗直議將出之而未有便會廣州刺史馬靖

不受徵乃除猛都督廣東衡州刺史領始興內史與廣州刺史陳方慶共取靖猛至卽擒靖遠建郭進爵爲公加先勝將軍平越中郎將大都督發廣桂等二十州兵討嶺外荒梗所至皆平禎明二年詔授鎮南大將軍都督二十四州諸軍事尋命徙鎮廣州未之鎮而隋師濟江猛總督所部赴援時廣州刺史臨汝侯方慶西衡州刺史衡陽王伯信並隸猛督府各觀望不至猛使高州刺史戴智烈清遠太守曾孝遠各以輕兵就斬之而發其兵及聞臺城不守乃舉哀素服藉棄不食嘆曰申包胥獨何人哉因勒兵緣江拒守以固誠節及睿後主不死乃遣其部將辛昉馳驛赴京歸款隋文帝大悅卽日拜昉開府儀同三司仍詔猛與行軍總管韋洸便留嶺表經畧猛尋卒於廣州文帝聞而痛之遣使祭弔贈上開府儀同三司封歸仁縣公南史王淮之傳

陳方慶少清警涉獵書傳及長有幹畧天嘉中封臨汝縣侯尋爲給事中太子洗馬權兼宗正卿直殿省太建九年出爲輕車將軍假節都督定州諸軍事定州刺史秩滿又爲散騎常侍兼宗正卿至德二年進號至武將軍武州刺史初廣州刺史馬靖久居嶺表大得人心士馬彊盛朝廷疑之至是

以方慶為仁威將軍廣州刺史以兵襲靖誅進
號宣毅將軍方慶性情謹甚得民和四年進號雲
麾將軍禎明三年隋師濟江衡州刺史王勇遣高
州刺史戴智烈將五百騎迎方慶欲令承制總督
征討諸軍事時隋行軍總督韋洸帥兵度嶺宣隋
文帝敕云若嶺南平定畱粵與豐州刺史鄭萬頃
且依舊職方慶聞之恐勇賣已乃不從率兵以拒
智烈智烈與戰敗之斬方慶於廣州虜其妻子收
其資產分賞將帥方慶之襲馬靖也朝廷以勇為
超武將軍東衡州刺史領始興內史以為方慶聲
勢靖誅以功封龍陽縣子及隋軍臨江詔授勇使
持節光勝將軍總督衡廣交桂武等二十四州諸
軍事平越中郎將仍入援會京城陷勇因移檄管
內徵兵據守使邵昂將兵五千頓於嶺上又遣使
迎方慶欲假以為名而自執兵要及方慶敗績又
令其將王仲宣曾孝武迎西衡州刺史衡陽王伯
信伯信懼奔於清遠郡孝武追殺之是時韋洸兵
已上嶺豐州刺史鄭萬頃據州不受勇召而高梁
女子沈氏舉兵以應隋軍攻陷傍郡勇計無所出
乃以其眾降行至荊州道病卒

陳書本傳

謹案陳書陳方慶傳中附見王勇事與南

史微異因並錄之備覽

隋

周法尚字德邁汝南安成人也少果勁有風槩好
讀兵書伐陳之役以行軍總管隸秦孝王刺史遷
永州總管安集嶺南仍給黃州兵三千五百人為
帳內前後賞賜甚厚轉桂州總管仍嶺南道安撫
大使後數年入朝以本官宿衛未幾桂州人李光
仕反合法尚與上柱國王世積討之法尚發嶺南
兵世積徵嶺北軍俱會尹州世積所部多遇瘴不
能進頓於衛州法尚獨討之捕得其弟光畧光度
追斬光仕平之

北史本傳

韋洸字世穆性剛毅有器幹少便弓馬仕周累遷
開府隋文帝為丞相從季父孝寬擊尉遲迥於相
州以功拜柱國進襄陽郡公伐陳之役為行軍總
管及陳平拜江州總管畧定九江遂進圍嶺南上
與書慰勉之洸至廣州嶺表皆降之上聞而大悅
許以便宜從事洸所綏集二十四州拜廣州總管
歲餘番禺夷王仲宣反以兵圍洸洸拒之中流矢
卒贈上柱國賜綿絹萬段諡曰敬子協字欽仁好
學有雅量位秘書郎其父在廣州有功上命協齋
詔書勞周未至而父卒上以其父死王事拜協柱

北史本傳

慕容三藏太原王恪之後紹宗子也幼聰敏多武

畧頗有父風隋開皇元年授吳州刺史九年副襄陽公韋洸計平嶺南至廣州洸中流矢卒詔三藏檢校廣州道行軍事以功授大將軍所在有惠政大業七年卒

北史慕容紹宗傳

裴矩字宏大河東聞喜人也奉詔巡撫嶺南未行而高智惠汪文進等相聚作亂吳越道閉上難遣矩行矩請速進上許之行至南康得兵數千人時俚帥王仲宣逼廣州遣其所部將周師舉圍東衡州矩與大將軍鹿愿赴之賊立九柵屯大庾嶺共爲聲援矩進擊破之賊懼釋東衡州據愿長嶺又擊破之遂斬師舉進軍自南海援廣州仲宣懼而潰散矩所綏集者二十餘州又承制署其渠帥爲刺史縣令及還報上大悅命升殿勞苦之顧謂高穎楊素曰韋洸將二萬兵不能早度嶺朕每患其兵少裴矩以三千做卒徑至南康有臣若此朕亦何憂以功拜開府賜爵開喜縣公

隋書本傳

總管十七州諸軍事許以便宜從事刺史已下官得乘制補授給帳內五百人帛五百疋發傳送其家累改封武康郡公熙至部大宏恩信其溪洞渠帥更相謂曰前總管皆以兵威相脅今者乃以手教相諭我輩其可違乎於是相率歸附先是州縣生梗長吏多不得之官寄政於總管府熙悉遣之爲建城邑開設學校人夷化焉時有甯猛力者與陳後主同日生自言貌有貴相在陳世已據南海平陳後文帝因而撫之卽拜安州刺史然驕倨恃險未嘗參謁熙手書論之申以交友之分其母有疾熙復遣以藥猛力感之詣府請謁不敢爲非熙以州縣多有同名於是奏改安州爲欽州在職數年上表以年老疾患請解所任優詔不許賜以醫藥熙奉詔令交州渠帥李佛子入朝佛子欲爲亂請至仲冬上道熙意在羈縻遂從之有人詣闕訟熙受佛子賂而捨之上聞佛子反問至上大怒以爲信然遣使鎖熙詣闕熙性素剛鬱鬱不得志行至永州憂積病卒上怒不解沒其家財及行軍總管劉方禽佛子送京師言熙實無賊上悟乃召其四子聽仕少子德棻最知名

北史本傳

樊子蓋字華宗廬江人也祖道則梁越州刺史平陳之役子蓋以功加上開府封上蔡縣伯其年轉

循州刺史許以便宜從事十八年入朝奏嶺南地圖賜以良馬雜物加統四州令還任所道光祿少卿柳謩之餞於霸上煬帝即位徵還京師轉涼州刺史子蓋言於帝曰臣一居嶺表十載於茲犬馬之情戀戀願趨走闕廷萬死無恨帝賜物三百段慰諭遣之隋書本傳

侯莫陳穎字遵道代武川人少有器量風神警發為時輩所推隋文帝受禪加上開府進爵昇平郡公平陳之役以行軍總管從秦王俊出魯山道與行軍總管段文振渡江安集歸附再遷瀛州刺史甚有惠政時朝廷以嶺南刺史縣多貪鄙蠻夷怨叛妙簡清吏於是徵穎入朝上與言及平生以為歡笑即日進位大將軍拜桂州總管十七州諸軍事及至官大崇恩信人夷悅服煬帝即位穎兄梁國公芮坐事徙還朝廷恐穎不自安徵還京師後拜恆山太守其年嶺南閩越多不附帝以穎前在桂州有惠政為南方所信伏拜南海太守卒官謚曰定北史本傳

柳且字匡德河東解人也工騎射頗涉書籍開皇元年授開府封新城縣男遷授掌設驛騎歷羅浙魯三州刺史並有能名大業初拜龍川太守民居山洞好相攻擊且為開設學校大變其風帝聞而

善之下詔褒美四年徵為太常少卿尋判黃門侍郎事卒官年六十一隋書本傳

劉權字世畧彭城豐人也祖軌齊羅州刺史權為南海太守行至鄱陽會羣盜起不得進詔權召募討之權率兵遇賊不戰先乘單船詣賊營說以利害羣賊感悅一時降附帝聞而嘉之及至南海其有異政數歲遇盜賊羣起羣豪願推權為首權竟固守以拒之子世徹又密遣人賫書詣權稱四方擾亂諷令舉兵權召集佐寮對斬其使竟無異圖守之以死卒官北史本傳

鄧文進南陽人其祖徙家廣州素雄於財至文進獨折節讀書以故士之流徙者競趨其門文進皆館穀之賓客至千餘人因擇其勇畧者使捍鄉井俚洞夷獠聞風慄服役屬惟謹隋大業中為韶州刺史移州治於武水西字文化及弒煬帝於江都盜賊布滿天下五嶺亦擾文進散財集兵以赴難旬月之間眾數萬掠地至始興時賊帥林士宏據虔饒兵不克進與戰輒敗於是保有廣韶二州歸之者如市豪酋楊世畧據循潮馮益據高羅雷長真據欽廉桂林諸郡文進皆通書使以生民為念定盟同歸於好百粵之境得免於兵革者文進之力也無何士宏稱帝遣使至番禺授諸帥以偽官

文進獨不受梁主蕭統遣兵徇嶺南攻樂昌卽至樂昌率邑人據守扼其鋒使不得進唐高祖武德五年諸酋次第納款是年四月戊寅文進遂統所部降高祖賜敕獎勞之卽拜鷹揚將軍累立戰功卒初理郡時嚴重有威爲吏民所畏每戰必先士卒或奮臂一呼風雲變色軍中謠曰鄧守一嘯百夫避途言其勇也沒後多著靈響郡人爲之立廟祀於樂昌

黃志

廣東通志卷二百三十三終

廣東通志卷二百三十四

官績錄四 唐

劉齡之

李靖

馮立

馮元常

李仁

王方慶

宋璟

甄亶

裴伯先

李尙隱 俱都督

盧奐

李勉

路嗣恭

張伯儀

杜佑

李復

徐申

趙昌

楊於陵

鄭絀

馬總

孔戣

李憲

崔珙

盧鈞

韋正貫

李承勛

蕭倣

章宙

鄭從諱

劉崇龜

李迢

李知柔

鍾傅 俱節度使

唐

劉齡之彭城人唐初爲廣州都督表稱嶺南州縣多用土人任官不顧憲章惟求潤屋其婚嫁資需

追贈其父爲司空三年又領廣州大都督五府經

略安撫大使舊唐書太

王方慶謹按新唐書列傳王雍州咸陽人也則天

臨朝拜廣州都督廣州地際南海每歲有昆侖乘

舶以珍物與中國交市舊都督路元睿冒求其貨

昆侖懷刃殺之方慶在任數載秋毫不犯又管內

諸州首領舊多貪縱百姓有詣府稱冤者府官以

先受首領參餉未嘗鞠問方慶乃集止府僚絕其

交往首領縱暴者悉繩之由是境內清肅當時議

者以爲有唐以來治廣州者無出方慶之右有制

褒之曰朕以卿歷職著稱故授此官既美化遠開

實副朝寄今賜卿襪綵六十段并瑞錦等物以彰

善政也舊唐書本傳宋蔣之奇贊云唐廣州都

都督方慶曰貞王琳王琳方慶雍州南陽博學起家

海崑山之始歲市外國珠非落象犀山積前帥

冒取錫元酋忿以克方慶之至秋毫無索部中首

領肆爲奢墨民詣府訴終莫得直雅相餉謝謹治

廣之政號稱第一通莫錫終犯者論之境內畏敬治

神功之初有破契丹來還錄存者其績進同平章

徒方慶論之遂破疑後幸玉泉欲御署與陳古

以諫勿踐畏塗身爲相國子孫眉州后問其故有

言以酬廢陵愛子今尙在遠矧臣之孱庸敢自近

臣用昭不忘悟君於香建言門殿避太子名以勸

是甄以老乞身卒于長安中宗之世贈以天官

宋璟邢州南和人其先自廣平徙焉少耿介有大

節博學工於文翰弱冠舉進士累轉鳳閣舍人當

官正色則天甚重之睿宗踐祚遷吏部尙書同中

書門下三品元宗在春官又兼右庶子加銀青光

祿大夫時太平公主謀不利於元宗嘗於光範門

內乘輦伺執政以諷之衆皆失色璟昌言曰東官

有大功於天下真宗廟社稷之主安得有異議乃

與姚崇同奏請令公主就東都元宗懼抗表請加

罪於璟等乃貶璟爲楚州刺史無幾魏元宗冀三

州刺史河北按察使遷幽州都督兼御史大夫尋

拜國子祭酒兼東都留守歲餘轉京兆尹復拜御

史大夫坐事出爲睦州刺史轉廣州都督仍爲五

府經略使廣州舊族皆以竹茅爲屋屢有火災璟

教人燒瓦改造店肆自是無復延燒之患人皆懷

惠立頌以紀其政開元初徵拜刑部尙書四年遷

吏部尙書兼黃門監明年官名改易爲侍中累封

廣平郡公舊唐書廣人爲璟立遺愛頌璟上言頌

所以傳德載功也臣之治不足紀廣人以臣當國

故爲溢辭徒成詔諛者欲釐正之請自臣始有詔

許停十七年爲尙書右丞相而張說爲左丞相二

十年請致仕許之二十五年卒年七十五贈太尉

諡文貞璟風度凝遠人莫涯其量始自廣州入朝

帝遣內使楊思勗驛送之未嘗交一言思勗自以

將軍貴幸詠之帝帝亦嗟重新唐書本傳宋蔣

道一山中無極人昔胡公紹舜奄有大邦楚子忠
陳乃成樂土當烈王之世有陳通有氏錫姓因生
如堅之讀形聲郭承其者有馮通則對明歸晉
者以太保大司馬承郭侯那十有馮通則對明歸
太山太守司馬承郭侯那十有馮通則對明歸
新市合協州刺史承郭侯那十有馮通則對明歸
刺史封惟祖惟會于大府世濟其美軍昭生於
君即宋州府君之第四子也博綜經史永觀岐成
情之日與對咫尺于里氣之所重輕史百曉張于
諸日與對咫尺于里氣之所重輕史百曉張于
辭以親老不赴建康易養于墳左乃授金吾
焉刺史獨孤楚率府參軍起其墳左乃授金吾
中或生盡其養以見大君之仁時其方委身金吾
國或用或舍其養以見大君之仁時其方委身金吾
大校武軍長史臣之際其遠矣尋除武衛軍長史
檢校武軍長史臣之際其遠矣尋除武衛軍長史
史攝右屯衛將軍將副使兼檢校武衛軍長史
臨洮都督兼鹽州刺史兼檢校武衛軍長史
夏州都督兼鹽州刺史兼檢校武衛軍長史
紫雲則在入患是緩風表以去職未幾復除夏州
部督蜀山戎人患是緩風表以去職未幾復除夏州
出封史朝明此守便宜而未進時上思復除夏州
州封史朝明此守便宜而未進時上思復除夏州
南按察五府經略計擊使春秋五州都督兼
年七月二十八日終于官舍以年十月有七開元
曹之八公旅五司審翰事之去承命再張其
職而高卑為政各當其選其去承命再張其
也之上達強立而各當其選其去承命再張其
必崇文有求也之藝習禮必本師以
効官則操刀必割矣是故羣士之所執掌而君
所綽約常情之所成而君之所執掌而君
槍檢之與海運鳴琴之與星從可知矣惜其
懷德雅多之敬不獲作氣有七從可知矣惜其
前當萬人之敬不獲作氣有七從可知矣惜其
疑于太清卷瀚海之波靜可掃駭之足星
有遺恨矣其孤某等望今不至求今不得永懷

名庶慰周桓銘日有既在下陶復河濱元女作合
相攸于陳楚為不道祚以永淪周寵忠節氏以初
因不惟承陽致君論道施及無極廷家載考彼汾
彼必伊時之寶幸兮收今亦孔之好積慶演成
父挺生標格磊落氣志清明八司我事厥謀有成
五刺方伯厥政有聲山有杞梓工思其度國有孫
吳君思其略北濠注東仁不忘本孝亦令終壽
可作桓岳臨北濠注東仁不忘本孝亦令終壽
堂盤薄牧子克窮勒
美松穆如清風
裴伯先絳州聞喜人炎從子也未冠推蔭為太僕
丞炎死坐流嶺南中宗復位求炎後授伯先太子
詹事丞遷桂廣三州都督坐累且誅裴炎傳上召
侍臣問當何罪張嘉貞請杖之兵部尚書張說進
日臣聞刑不上大夫以其近於君也故曰士可殺
不可辱臣今秋受詔巡邊中途聞姜皎以罪於朝
堂決杖配流而死皎官是三品亦有微功若其有
犯應死則殺應流即流不宜決杖廷辱以卒伍待
之且律有八議勳貴在焉皎事以往不可追悔伯
先祇宜據狀流貶不可輕又決罰上如其言嘉貞
不悅還謂說曰何言事之深也說曰宰相者時來
即為豈能長據若貴臣盡當可杖但恐吾等行當
及之此言非為伯先乃為天下士君子也舊唐書
傳 嘉貞無以應通開元以來四十年廣州節度清
白者有四謂宋璟李朝隱盧奐及伯先也舊唐書
傳
李尚隱其先趙郡人徙家萬年自殿中侍御史出

為伊闕令又自定州司馬擢拜吏部員外郎累遷御史中丞尋轉兵部侍郎再遷河南尹十三年夏妖賊劉定高夜犯通洛門尚隱坐不能覺察所部左遷桂州都督臨行帝使謂之曰知卿公忠然國法須爾因賜雜絲百疋以慰之俄又遷廣州都督仍充五府經略使及去任有懷金以贈尚隱者尚隱固辭之曰吾自性分不可改易非為慎四知也竟不受之累轉京兆尹歷蒲華二州刺史加銀青光祿大夫賜爵高邑伯人為大理卿代王錡謹按新書為御史大夫時司農卿陳思問多引小人為其屬吏隱盜錢穀積至累萬尚隱又舉按之思問遂流嶺南而死尚隱三為憲官輒去朝廷之所惡者時議甚稱之二十四年拜戶部尚書東都留守二十八年轉太子賓客尋卒年七十五諡曰貞書舊唐書良吏傳 宋蔣之奇贊云唐廣州都督五府經略使太子賓客經日貞李尚隱之先出自趙郡徙貫萬年明經得佛神龍之歲監察左臺混清其選勢侍捷曰乃至用三年員閱餘載不才廉見軌跡知政事以私權拜乃與懷讓等其罪昭著刻政事以私權拜乃與懷讓等覆驗往甄稱病尚隱聞之慨然請行善良蒙枉可不申明至為推雪竟繫以清濕情前斥俄復當路比其伏誅始擢吏部進為中丞御史姪招推仇家告之窮治伏姦出刺于蒲有妖浮屠聚徒誣誣無失出尹河南坐不獲盜左遷桂管帝遣問事都督廣州經略五府還有時台尚隱辭拒吾自性分不可易移非如湯武清與台尚隱辭拒吾自性分夫司農屬吏多小人從乾隱致惡吏所發之官不其遠思問流竄三人意臺顯惡吏所發之官不

坐殘勳爰自任宦未嘗過梅惟臣并坐小法左遷復用終為循吏卒于開元歸重清議盧奐滑州靈昌人歷任皆以清白聞開元中為中書舍人御史中丞陝州刺史天寶初為晉陵太守時南海郡利兼水陸瓊寶山積劉巨鱗彭果謹按新書果相替為太守五府節度皆坐贓鉅萬而死乃特授奐為南海太守遐方之地貪吏斂迹人用安之以為自開元以來四十年廣府節度清白者有四謂宋璟裴奐先李朝隱及奐中使市舶亦不干法加銀青光祿大夫經三年人為尚書右丞卒舊唐書盧奐傳 宋蔣之奇贊云唐南海太守尚書右丞盧奐美政尤異帝之西還題寶山稱其利物家風不墜天寶之初來守南海水陸都督會物產怪前守劉彭巨鱗成用貪敗時議懲之乃以奐代行吏致手遠俗為安中人南舶莫敢干粵從開元後四十年與朝隱等及奐三人治廣清節世莫與倫李官右丞為吏之符李勉字元卿鄭王元懿曾孫也大厯四年謹按本年除廣州刺史兼嶺南節度觀察使番禺賊帥馮崇道桂州叛將朱濟時等阻洞為亂前後累歲陷沒十餘州勉至遣將李觀容州刺史王翊并力招討悉斬之五嶺平前後西域舶泛海至者歲纔四五勉性絮廉舶來都不檢閱故末年至者四十餘在官累年器用車服無增飾及代歸至石門停舟悉索家人所貯南貨犀象諸物投之江中耆老以為可繼前朝宋璟盧奐李朝隱之徒人吏詣闕請

立碑代宗許之善唐書度木傳檢宋蔣之奇贊云唐
 子大雅贈太傅諡曰貞簡李勉校司徒元平章事太
 孫沈雅清整好學有嗣武乃擢封尉元語謙維
 扶隱已為能吏勉從不盡帝以御史自語謙維
 時崇嗣為東職仔人且死中款且吾有勉明
 延乃尊開非敢以助賊言非謀願勿盡帝欲
 被而官無非驅以助賊言非謀願勿盡帝欲
 其意路無完驅以助賊言非謀願勿盡帝欲
 國之驛驛完驅以助賊言非謀願勿盡帝欲
 部人父病為使下已勉終不肯寧為刺史江
 釋不諫人尹京兆不詔軍容明不寧為刺史江
 獨不供節度尹京兆不詔軍容明不寧為刺史江
 凌四至州至皆計新賊負險明不寧為刺史江
 暴明五至誰為計新賊負險明不寧為刺史江
 車服未嘗杖節度尹京兆不詔軍容明不寧為刺史江
 畜厚珍投之江中囊詩一貧時謂清節可輩三人
 之徒節滑毫部人叩謝請為立碑以頌其德代宗
 之奔野重勉傳以欽忠臣之未足為愧刺書問勉
 城守邪兵願莫不其故謂勉何勉曰勉益見勉於天
 下獨帝不知是君之少貧嘗在逆旅諸生且死出
 二歲辭位以居勉之少貧嘗在逆旅諸生且死出
 全以與為我葬餘君可自取勉諾既葬置金棺下
 其家未調致墓什之善相奉賜勉諾既葬置金棺下
 藏其清若成兵禮賢下士善相奉賜勉諾既葬置金棺下
 天領每遣成兵禮賢下士善相奉賜勉諾既葬置金棺下
 竟廉介在廷所少七
 路嗣恭字懿範京兆三原人大厯八年嶺南將
 哥舒晃殺節度使呂榮賁反五嶺騷擾詔加嗣恭
 兼嶺南節度觀察使嗣恭擢流入孟瑤敬冕使分
 其務瑤主大軍當其衝冕自間道輕人招集義勇
 得八十人以掩其心腹二人皆有全策詭計出其
 不意遂斬晃及誅其同惡萬餘人築為京觀俚洞

之宿惡者皆族誅之五嶺削平拜檢校兵部尚書
 知省事嗣恭起於郡縣更以至大官皆以恭恪為
 理著稱及平廣州商舶之徒多因晃事誅之嗣恭
 前後沒其家財寶數百萬貫盡入私室不以貢獻
 代宗心甚銜之故嗣恭雖有平方面功止轉檢校
 兵部尚書無所酬勞及德宗即位揚炎受其貨始
 敘前功除兵部尚書東都留守尋加懷鄭汝陝四
 州河陽三城節度及東都畿觀察使徵至京師卒
 時年七十有一廢朝一日贈左僕射子恕字體仁
 初嶺南衙將哥舒晃反詔嗣恭自江西致討授檢
 校工部員外郎得以軍前便宜從事俄而降者繼
 路於是權降將伊慎推心用之賊平恕功居多年
 纓三十為懷州刺史舊唐書本傳
 張伯儀魏州人以戰功隸李光弼軍討平浙賊袁
 晃功第一擢睦州刺史後為嶺南節度使伯儀樸
 厚不知書然能推誠委任軍府簡肅人皆便之改
 鎮江陵禦李希烈戰不利收散卒還除右武衛統
 軍以嘗平袁晃之亂卒贈揚州大都督諡曰恭元
 杜佑字君卿京兆萬年人為盧杞所惡出為蘇州
 刺史俄換饒州刺史未幾兼御史大夫充嶺南節
 度使時德宗在興元朝廷故事往往遺脫舊嶺南

千石多自命于... 趙昌字洪祚天水人李承昭為昭義節度辟昌在

疏乞還以檢校兵部郎中裴泰代之入拜國子祭

酒及泰為首領所逐德宗召昌問狀昌時年七十

楊於陵字達夫本漢太尉震之裔元和初牛僧孺

而遂振終得罪新唐書本傳李翱楊公墓誌銘

鄭綱字文明從父行也擢進士第登宏詞科授秘

人至茲傳道之

書省校書郎鄧縣尉入除補闕起居郎兼史職無
 幾擢為翰林轉司勳員外知制誥憲宗監國選中
 書舍人依前學士俄拜中書侍郎平章事加集賢
 殿大學士門下侍郎宏文館大學士憲宗初勵精
 求理網與杜黃裳同當國柄黃裳多所闕沒細謙
 默多無所事由是貶秩為太子賓客出為嶺南節
 度觀察等使廣州刺史檢校禮部尚書以廉政稱
 舊唐書
 本傳
 馬總字會元扶風人少孤貧好學性剛直不妄交
 遊元和初遷虔州刺史四年謹按本紀作五年兼御史中
 丞充安南都護本管經略使總敦儒學長於政術
 在南海累年清廉不撓夷獠便之於漢所立銅柱
 之處以銅一千五百斤特鑄二柱刻書唐德以繼
 伏波之迹以綏蠻功就加金紫八年轉桂州刺史
 桂管經略觀察使舊唐書本傳居無幾何遷嶺南節度
 使至南海即修教令明賞罰磨洗姦慝百粵率服
 舉給事中穆質以自代入為刑部侍郎穆宗朝進
 戶部尚書總篤學雖吏事倥傯書不去前論著頗
 多卒贈右僕射諡曰懿黃志海舉給事中穆質自代狀
 右臣伏見前件官才略過人清貞自出早居省闈
 體有政聲不日沈毅能斷伏乞以臣官授之於美
 必能領事不日沈毅能斷伏乞以臣官授之於美
 詩易召榮福難進伏希聖慈允之誠請則君無妄
 授之義臣無虛受之名不勝懇切愧頓之至

愈祭馬總僕射文維年月日吏部侍郎韓愈謹以
 清酌庶羞之奠敬祭于故僕射馬公十二兄之靈
 惟公宏遠之志全於德備天賦之其必有靈將
 明將昌實顯初試佐戎滑臺斥由尹寺適彼既
 符遂殿交頤而抗節番禹去其地于泉于度始
 秋官朝得項士人謂其崇我勢始起東征大蘇
 臣是使公兼邦憲以副其經我勢始起東征大蘇
 丞相歸治雷長蔡師以副其經我勢始起東征大蘇
 孔不束其弓矢禮讓優優始為血仇命公并侯耕
 往之牛東其引惟樂郊惟東優優始為血仇命公并侯耕
 我餘念厥功遠公于朝步于地官且長河去惟公之
 四方執樂可於願於銜將舉以付惟公積勤以
 疾以憂及其歸時當謝之秋賀問未歸且死且
 未燕于堂已哭于次昔我及公實同危事且死且
 生誓莫相棄歸來握手曾不三四會不濡翰醉
 文字曾不醉飽以勤酒
 孔戮字君嚴登進士第累轉尚書郎元和初改諫
 議大夫十二年嶺南節度崔詠卒三軍請帥宰相
 奏擬皆不稱旨因人對上謂裴度曰嘗有上疏謂
 南海進蚶菜者詞甚忠正此人何在卿第求之度
 退訪之或曰祭酒孔戮嘗論此事度微疏進之即
 日授廣州刺史兼御史大夫嶺南節度使舊唐書
 傳既至免屬州逋負十八萬緡米八萬斛黃金稅
 歲八百兩先是屬刺史俸率三萬又不時給皆取
 部中白衣食戮乃倍其俸約不得為貪暴稍以法
 繩之南方驚口為貨掠人為奴婢戮峻為之禁親
 吏得嬰兒於道收育之戮論以死由是閭里相約
 不敢犯新唐書孔往詔禱南海神多令從事代祠

韓正狀明州知州茶歲有常賦道路之役四十三萬
奏陳罷之為帝所知南其賦歸其安在為朕末
之度以幾對拜命至州免其負通米穀為指人
有餘歸州制使俸不時給衣食部中悉為指人
信其俸稍繩以法南不能北歸廉無告者女子
戮及親吏士之斥南不能北歸廉無告者女子
之著船泊步有下稅商死干吾地三月沒貨是
所求一切禁止絕商死干吾地三月沒貨是
取非合計致請勿攻天子不聽卒以無功或或
業議合計致請勿攻天子不聽卒以無功或或
海常令從事我躬自天行刻石紀美比其來歸不
南物奴婢給使不增其籍還為左丞致事請老
愈上書稱其清操憂國忘家用意至到宜留自助
疏請不報長慶之春乃以囊告齊七十回賢哉是
悼

李憲晟第五子太和二年轉嶺南節度使憲雖動
伐之家然累歷事任皆以吏能擢用所歷官秩政
績流聞性本明恕尤精律學屢詳沒冤獄活無罪
者數百人以能入官官無敗事士君子多之書唐

崔珙博陵安平人以書判拔萃高等累佐使府性
威重尤精吏術太和初累官泗州刺史人為太府
卿七年正月拜廣州刺史嶺南節度使延英中謝
帝問以撫理南海之宜珙奏對明辯帝深嘉之
高瑀鎮徐州承智興之後軍驕難制軍士數犯法
上欲擇威望之帥以臨之久難其才會珙言事慄
慨謂宰臣曰崔珙言事神氣精爽此可以臨徐人
即以王茂元代珙鎮廣南授珙兼檢校工部尚書
徐州刺史兼御史大夫充武寧軍節度徐泗濠觀

察使開成初就加檢校兵部尚書二年檢校吏部
尚書右金吾大將軍充街使會昌初李德裕用事
與珙親厚累遷戶部侍郎充諸道鹽鐵轉運等使
尋以本官同中書門下平章事素與崔鉉不叶及
鉉輔政代珙領使務乃倚撫珙領使日妄破宋滑
院鹽鐵錢九十萬貫文又言珙嘗保護劉從諫坐
貶澧州刺史再貶恩州司馬宣宗即位以赦召還
為太子賓客出為鳳翔節度使三年崔鉉復知政
事珙辭疾請罷乃以為太子少師分司東都未幾
卒舊唐書

盧鈞字子和本范陽人祖昺父繼鈞元和四年進
士擢第又書判拔萃調補校書郎累佐諸侯府太
和五年遷左補闕歷尚書郎出為常州刺史九年
拜給事中開元元年出為華州刺史潼關防禦鎮
國軍等使其年冬代李從易為廣州刺史御史大
夫嶺南節度使南海有蠻船之利珍貨輻湊舊帥
作法興利以致富凡為南海者靡不捆載而還鈞
性仁恕為政廉潔請監軍領市舶使已一不干預
自貞元以來衣冠得罪流於嶺表者因而物故子
孫貧悴雖遇赦不能自還凡在封境者鈞減俸錢
為營樁積其家疾病死喪則為醫藥殯殮孤兒稚
女則為婚嫁凡數百家由是山越之俗服其德義

令不嚴而人化三年將代華蠻數千人詣闕請立
 生祠銘功頌德先是土人與蠻獠雜居婚娶相通
 使或撓之相誘為亂鈞至立法俾華夷異處婚娶
 不通蠻人不得立田宅由是徼外肅清而不相犯
 舊唐書本傳 宋蔣之奇贊云唐嶺南節度使同中
 書門下平章事太保贈太師元稹元稹與蠻獠
 和京兆藍田始系范陽後來徒為御史爭賦賦
 由是知名給事東臺詔令施行省審教奏廢私
 情持節嶺南船身清靜以治其帥府賤售其珍鈞
 不取潔廉其占田清濟第舍吏或撓之因以相
 為婚嫁多占田通婚第舍吏或撓之因以相
 乃合番夏無得通婚第舍吏或撓之因以相
 後流散衣冠子孫窮弱不能自還為營柩貞元
 歸葬醫藥疾疢子孫窮弱不能自還為營柩貞元
 以奉窆南方以化除疫金稅人女惟病為立夫
 來走闕下其來伊何請生立刻石頌德鈞固以
 辭遠于會昌漢害襄陽改使山南祭隄以障劉
 既死路城掩關調和石使山南祭隄以障劉
 次高平惟信欽款視左右唯之鈞約以遺不還
 畏石尚書雄卒晚視左右唯之鈞約以遺不還
 加雄無能為遂以引去惟信送關眾以原恕與
 五千住代北惟而觀之及反見迫既誅首惡與
 使不發送騎載兵盡斬于驛劉約情暴死家僅五
 無所衣食以思亂逆徒約宜武人快移疾遊
 射大中九年自思亂逆徒約宜武人快移疾遊
 林泉有相合孤奏罷其權會帝元日大饗含元
 十升降儀儀有愆舉朝咨款告旬媚賢遠
 用為相在位清儲以老而終茲謂者碩
 章正貫字公理舉賢良方正異等除太子校書郎
 調華原尉後又中詳閑吏治科遷萬年主簿擢司
 農卿宣宗立以治當最拜京兆尹同州刺史俄擢
 嶺南節度使南海舶賈始至大帥必取象犀明珠
 上珍而售以下直正貫既至無所取吏咨其清南
 方風俗右鬼正貫毀淫祠教民無妄祈會海水澄

人爭咎撤祠事以為神不厭正貫登城沃酒以誓
 日不當神意長人任其咎無逮下民俄而水去民
 乃信之居鎮三載遺令無厚葬無用鼓吹無請諡
 卒年六十八贈工部尚書新唐書韋皋傳 蕭
 貫字公理幼而神靈長而聰異目所繫覽不忘
 心耳剽音聲洞洞識節奏拜京兆尹京師解難
 日有生事隨時抵礙則見立取雖有神明之用
 律也公能小失其機則見立取雖有神明之用
 及己公能小失其機則見立取雖有神明之用
 奉南郊備教令上下安然無一事如弄小方州
 居一年乞退除同州刺史長春官史加左散騎
 侍兼御史大夫百粵之地其俗輕急一舞于吏
 民罕著本又遠天子之法稅調從公至勤使先
 故細名之假校益豪民用事因從公至勤使先
 前目名之假校益豪民用事因從公至勤使先
 外海蕃賈贏象犀貝珠至者帥與監船使必悉
 變異而一以比弊抑償之所安支易其物海客
 越人向鬼事有遺冥者不質于醫而交以神寢
 成風公釀其邪命板屋塗屏禁絕紛紛之禱或
 將不利于公不聽他日秋木大溢將沒民居或
 云長吏身存無嫁下人俄而飲退卒無害焉如
 反正皆此類也政成五年七月一日贈工部尚書
 六十有八天子為之不視朝一日贈工部尚書
 李承勛營州柳城人祖光弼戰功中興第一承勛
 智勇出人思續祖烈大中末節度涇原誘降吐蕃
 會長尚延心復以功顯宣宗問其將略思諸遠
 方會嶺南郡將王合贊作亂逐節度使楊發詔以
 右金吾大將軍李燧為嶺南節度使已命中使賜
 之節給事中蕭做封還制書上方奏樂不暇別召
 使使使人追之節及燒門而返上悟遂命承勛為

士思歸戀闕形於賦詠累上章求為分司散秩傳宗徵選用為刑部尚書尋以本官同平章事傳

劉崇龜咸通六年進士擢第累遷起居舍人禮部

兵部二員外郎丁母憂免廣明元年春鄭從謹罷

相鎮太原奏崇龜為度支判官檢校吏部郎中御

史中丞賜金紫中和三年入朝為兵部郎中拜給

事中大順中遷左散騎常侍集賢殿學士判院事

改戶部侍郎檢校戶部尚書出為廣州刺史清海

軍節度嶺南東道觀察處置等使卒崇唐書劉廣

有大賈約倡女夜集而它盜殺女遺刀去賈入倡

家踐其血而覺乘編亡吏迹賈捕劾得約女狀而

不殺也崇龜方大宴軍中悉集宰人至日入乃遣

陰以遺刀易一襍置之詰朝羣宰即庖取刀一人

不去曰是非我刀問之得其主名往視則亡矣崇

龜因取它囚殺之聲言賈也陳諸市亡宰歸捕詰

具狀其精明類此烟舊或干以財率不答但寫荔

支圖與之然不能防檢其家既沒有鬻珠羽者由

是名損新唐書劉

李迢隴西人宗室疏族素以剛正聞乾符中為嶺

南東道節度使黃志六年鎮海節度使高駢遣其將

張璠梁續分道擊黃巢屢破之巢遂趨廣南與浙

東觀察使崔瑒及迢書求天平節度使二人為之

奏聞朝廷不許巢復上表求廣州節度使上命大

臣議之左僕射于琮以為廣州市舶寶貨所聚豈

可合賊得之亦不許乃議別除官六月宰相請除

巢府率從之九月巢得府率告身大怒詬執政急

攻廣州即日陷之執節度使李迢轉掠嶺南州縣

巢使迢草表述其所懷迢曰子代受國恩親戚滿

朝腕可斷表不可草巢殺之通鑑

李知柔惠宣太子業曾孫也為宗正卿久之擢京

兆尹始鄭白渠梗壅民不得歲知柔調三輔治復

舊道灌浸如約遂無旱虞民詣闕請立石紀功知

柔固讓得止累加檢校司徒同中書門下平章事

又詔管緝太廟判度支充諸道鹽鐵轉運使昭宗

出沙城獨知柔從乘輿器用庖頓皆主之大細畢

給性儉約雖位通顯無居第未幾出拜清海軍節

度使在鎮廉潔貢獻時入進檢校太傅兼侍郎仕

凡四紀常為宗室冠卒於鎮新唐書睿宗諸王傳

鍾傳萬載人僖宗時討王仙芝有功歷官嶺南節

度使時黃巢亂後州縣廢舉貢惟傳歲薦士行鄉

飲酒禮士不遠千里趨之傳少時好獵常醉遇虎

手搏之不勝旁助以劍乃斃及貴歎曰士處世尚

智勿效吾暴虎因畫搏虎狀以戒子孫志

廣東通志卷二百三十五

宦績錄五 唐 南漢

宋慶禮

李琨

李朝隱

韋見素

宇文審

俱採訪使

柳玘

節度副使

宗仲

節度判官

李翺

參軍

張元素

王峻

常懷德

韋迢

畢口

柳無忝

韋倫

劉暹

周君巢

蔣防

陳聽思

張鷟

陳謙

謝肇

劉知謙

劉昌魯

俱刺史

竇漢

伊慎

俱長史

韋口

司馬

元仁惠

張祐

俱縣令

趙光裔

李紆

王定保

周傑

蕭益

王翹

謝傑

曾芳

俱文

謝貫

吳珣

萬景忻

蘇章

梁克貞

孫德威

俱法曹

廣東通志卷二百三十四終

唐

宋慶禮洛州永平人舉明經授蔚縣尉則天時侍御史桓彥範受詔於河北斷塞居庸岳嶺五迴路等以備突厥特召慶禮以謀其事慶禮雅有方畧彥範甚禮之尋遷大理評事仍充嶺南採訪使時崖振等五州首領更相侵掠荒俗不安承前使人懼其炎瘴莫有到者慶禮躬至其境詢問風俗示以禍福於是安堵遂罷鎮兵五千人舊唐書

李琨吳王恪子則天朝歷淄衛宋鄭梁幽六州刺史有能名聖歷中嶺南獠反救琨為招慰使安輯荒徼甚得其宜長安二年卒官贈司衛卿神龍初贈張掖王開元十七年以子禕貴贈工部尚書追封吳王舊唐書太

李朝隱字九國京兆三原人也少以明法舉拜臨汾尉累授大理丞神龍年功臣敬暉桓彥範為武三思所構詔侍御史鄭愔奏請誅之敕大理詰其罪朝隱以暉等所犯不經推窮未可即正刑名時裴談為大理卿奮筆斷斬仍籍沒其家朝隱由是忤旨中宗令貶嶺南惡處侍中韋巨源中書令李嶠奏曰朝隱素稱清正斷獄亦甚當事一朝遠徙嶺表恐天下疑其罪中宗意解出為聞喜令尋遷侍御史開元二年遷吏部侍郎十年遷大理卿

俄轉岐州刺史母憂去官起為揚州大都督府長史抗疏回辭制許之朝隱性孝友素有公道之譽每御史大夫關時議咸許之及居其職竟無所糾劾唯煩於細務時望由是稍減俄轉大常卿二十一年兼判廣州事仍攝御史大夫充嶺南採訪處置使明年卒於嶺外年七十贈吏部尚書官給靈輿兼家口給還鄉諡曰貞舊唐書

韋見素字會微京兆萬年人天寶五年充江西山南黔中嶺南等黜陟使觀省風俗彈糾長吏所至肅然使還拜給事中駁正繩違頗振臺閣舊典尋檢校尚書工部侍郎改右丞舊唐書

宇文審京兆萬年人曾祖節永徽初為侍中父融事元宗勸農營利墾九河權陸運興役紛然百姓愁怨進平章事受賕狼籍詔流于巖州道廣州遷延不行為都督狄仁忠所讓惶恐上道審與兄弟侍母京師及聞融再貶使者方行審不告其家徒步號泣省父使者憐之以車共載達于巖州後擢進士第累遷大理評事楊國忠顯政殺嶺南流人以中使傳口勅行刑畏議者嫉其酷乃以審為嶺南監法處置等使活者甚眾後終和永二州刺史

志 柳玭應兩經舉釋褐秘書正字又書判拔萃高湜

辟為度支推官踰年拜右新書補闕湜出鎮澤潞

奏為節度副使入為殿中侍御史湜再鎮澤潞復

為副使入為刑部員外郎湜為亂將所逐貶高要

尉玳三上疏申理湜見疏本歎曰我自辨析亦不

及此尋出廣州節度副使湜按新書本傳日曆中

明年黃巢陷廣州郡人鄧承勳以小舟載玳脫禍

召為起居郎舊唐書柳公綽傳

宗仲字義仲其先南陽人後家太原少有材畧楊

慎徽表為參軍事廣德初宦官廣州市舶使呂大

一發兵作亂節度使張休一作振棄城奔端州太一

縱兵焚掠事聞詔以慎徽為御史中丞嶺南節度

使仲仍叅其軍為節度判官與江西觀察使李勉

共討之犄角相援者三年仲潛軍間道克復廣州

始通貢獻授大理少卿兼監察御史仍充節度判

官永泰元年奏捷如京師卒年四十二黃志宗豆

神道碑夫工文者或備於勇烈善武者或昧於政

理徐則失於斷疾則寡於謀至若文而有勇武而

有政徐而能斷疾而能謀者公之矣公諱仲字

義仲其先南陽人也高祖出幸榆次因家太原昔

朱襄公之母弟叔任於晉至伯宗為三郤害州

黎奔楚其子家于南陽以王父字為氏公其後也

遠祖均東漢為九江太守累遷司徒六條分而干

里雲行五教敷而四方風動厥有成績同或不

自東漢迄於聖代英賢間發也烈考焉曾祖隋雍

州牧鄒嘉符軍諱義國之選也烈考焉曾祖隋雍

參軍諱良蘇人之望也皆承也烈考焉曾祖隋雍

德不回世濟其美公則盡州府承之仲子也允文

允武惟忠惟孝伊康夫趨庭之訓絕榮有類于參

克日言武不安類子之貧遂從安思願破海

而五城板柱又從舒翰破吐蕃收九曲前

後討元中秦州防禦使都督楊公武之

碩德也懷郭有道之深議行廊大夫之內舉以公

才兼文武德備剛柔表為司議參軍尚賢也至

元初楊公為同州刺史又表公兼韓城令富縣團

練使任能也種槍未獲倫於我韓公黎鳥散于

又加之以饒健意盜賊斃于我韓公黎鳥散于

境城壁頽圯縣戶閉關賊不敢入公如公于

是完城郭修器械均賦賦於我韓公黎鳥散于

乃賦則流人天器械均賦賦於我韓公黎鳥散于

農無於野商復於肆去其煩苛其簡易會不

月而人知所庇解印未幾其煩苛其簡易會不

何賜公拜御史中丞嶺南節度使乃諮參謀授

參軍時宦官呂太一怙恃寵靈凌虐法算不勤

張休為之棄甲公于是一怙恃寵靈凌虐法算不勤

虛考之以風角曆軍間道克復廣州

凶黨熾矣所請不戰而勝者公也乃大貢方

度判官極賞也轉署亞州表其赤心而御史仍

柱史俾其白簡以正都方將表其赤心而御史仍

曜威靈於衆都布履澤于龍川豈上天不惠降

大冥閱水去而布履澤于龍川豈上天不惠降

四月六日疾捐館於上京務本里第存於四

有二月具年五月十八日葬原禮也公之

昆日夷仲早世而公之季弟昌仲也公之

其事上也及其物而公之季弟昌仲也公之

性而仁愛及物而公之季弟昌仲也公之

原於疏屬承家之資產悉付與人從官之

謀兮聖朝憐貧憐窮乃秋卿月照庭臺看碑質沐
鴻休兮天地不仁履我邦彥百身莫贖其不與怨
行之積兮婦妻孤女魂斷骨驚
爰紀貞石永播芳名美無數兮

李翱字習之隴西人也幼勤儒學博雅好古貞元

十四年登進士授校書郎三遷至京兆府司錄參

軍元和中楊於陵節度嶺南辟翱為幕府咨訪得

失後攝循州文學為一方矜式終檢校戶部尚書

充山南東道節度使會昌中卒翱始從韓愈遊為

文章辭致渾厚見推當時故有司亦諡曰文黃志

愈送李翱詩廣州萬里送山重江遠進行行何時
到淮能定歸期我出門去顏色異恒時雖云有
追送足跡能自茲人生一世間不自張與他譬如
洋江木縱橫豈自知底懷別時苦勿作別後思

張元素蒲州虞鄉人也承乾既敗德日增元素又

上書諫書入承乾不納乃遣刺客將加屠害俄屬

宮廢元素隨例除名十八年起授潮州刺史轉鄧

州刺史永徽中以年老致仕龍朔三年加授銀青

光祿大夫麟德元年卒舊唐書本傳

王峻滄州景城人後徙洛陽峻少孤好學祖有方

奇之曰是子當與吾家擢明經第貞觀中仕至殿

中侍御史有知畧承徽初為連州刺史民徭安之

景龍末授桂州都督劉幽求放封州廣州都督周

利貞欲必殺之道出峻所峻知其故畱不遺利貞

移書趣幽求峻營謀得免由是名益起累遷至同

中書門下三品卒贈尚書左丞相諡曰忠烈終唐

之世刺連州為名相者峻一人而已黃志

謹按新舊兩唐書王峻傳皆不言其為連

州刺史劉禹錫謫連州作刺史廳題名記

有王峻之名禹錫以時人紀時事自非傳

訛蓋史傳偶佚之也考連州志峻以永徽

二年由殿中侍御史出刺連州証之史傳

皆無可據緣傳所書者皆景龍以後事故

此文錄黃志不錄唐書

常懷德新豐人少習三禮明經及第仕歷郡邑俱

有治聲高宗儀鳳間為潮州刺史厓山賊寇郡遣

兵擒其渠魁誅僂以徇餘黨悉散其為政惟以禮

教民民皆化之喪祭罕有用浮屠者僥訛為之一

變

韋迢京兆人好學工詩景龍初進士累官禮部郎

中開元間遷韶州刺史道經潭州與杜甫唱和其

後及發湘潭賦詩寄甫甫復酬之迢位韶以清潔

為治工役興作惟修范雲三楓亭而已吏民咸懷

其惠俱同上杜甫送韋員外牧韶州詩炎海韶

白首多年疾秋天昨夜涼何庭無過雁書疏莫相

忘迢早發湘潭寄杜員外院長北風昨夜雨江上

早求涼楚岫千峯翠湘潭一葉黃故人湖外客白

首尚為郎相憶無南雁何時有報章杜甫酬韋韶

川見寄養拙江湖外朝延記憶疎探慚長者輒重

得故人書白髮難理新詩錦不知聖無有過雁

看取抱來書送魏二十四司直充嶺南掌選崔郎

中判官兼寄韋韶州選曹分五嶺使者歷三湘才

美膺推薦君行佐紀綱佳弊期共遠雅節在周防
明白山博登錄疑陸賈裝故人湖外少春日嶺南
長惠報韶州牧
新詩昨寄將

畢都護不知其名東平人起諸生為廣東清陽令

奪轉韶州司馬秩滿丁內憂性孝幾於毀滅御史

大夫蕭瑒嘉之拔補按察判官授新州刺史按察

使宋璟使成恩州以能補刺史尋加朝散大夫遷

端州刺史

其字某東平人四世祖畢公墓誌銘公諱

仲中州刺史曾祖炎貞觀初并州白馬府右

州刺史

公即孝廉府君之子始家東河東令生事左

學休有合開雖在諸生之中已萬人之望矣夫

忠有世善有元仁於其親友於兄弟皆尚行所

其因心而然公之植身親友於兄弟皆尚行所

非宜故為政之方所從來遠矣某厚本制末何

式固才非明公時盤桓居貞未敢有表公使

佐無事來非其好也先是直隸州在境行李所

人用安便莫不咨嗟未始見也尋於州司馬

政如血扶病有加一等不惟三年南按察使

州如嘉德御史大夫蕭瑒嘉之拔補按察判官

如嘉德御史大夫蕭瑒嘉之拔補按察判官

平郡公未瑒以公為五府總管以甲卒成焉

之兵威而開以恩信俾公為五府總管以甲卒

公深以為能奏假恩州刺史史必致理莫匪

屏藩之寄朝大夫選以歸州刺史史必致理

副都護到官未幾間忽於中散大夫拜安南

庚子歸葬于某山之原公遺愛在人全而

非務華學皆為己所蒞數郡無不哀遠日

可謂厚矣有子日某街德侯天源長流受氏

歐陸彼繁宗是生孝友知貴內積行非外秀家邦
必聞人倫篤厚微此令德夫豈善守亦既從政
九真副領萬里揚旌護彼絕域表志險阻得律未
改丹旌而還存及之際忠孝
柳無忝蒲州人曾祖爽中書令高宗廢王后立武
氏爽以后親屬貶愛州尋遣使殺之開元初赦爽
子孫令歸葬而投無忝官遷韶州刺史居三年大
有政聲累官潭州都督
韋倫開元天寶中朔方節度使光乘之子乾元三
年為襄州刺史兼御史大夫山南東道襄鄧等十
州節度使時李輔國秉權用事改倫為秦州刺史
兼御史中丞本州防禦使吐蕃黨項歲歲入寇邊
將奔命不暇倫至秦州屢與虜戰兵寡無援頻致
敗奴連貶巴州長史思州務川縣尉代宗即位起
為忠州刺史歷合饒二州以中官呂太一於嶺南
矯詔募兵為亂乃以倫為韶州刺史兼御史中丞
韶連柳三州都團練使竟遣太一用賂反間貶信
州司馬虔州司戶隋州司戶隨州司馬遇赦旅寓
於洪州十數年舊唐書 倫客豫章廣韶士民莫不
往謁後召倫使吐蕃以功遷太常卿兼御史大夫
屢言朝廷得失為盧杞所忌進太子少師鄧國公
致仕卒贈揚州都督諡曰肅
劉暹曹州南華人弟晏以使相善經國計楊炎誣

構其罪受誅天下寃之舊唐書暹明經及第為汾州刺史天資疾惡所至以方直為觀察使所畏建中末召為御史大夫宰相盧杞更薦前河南尹于頔代之出遷為杭州刺史為監司所擠更授潮州刺史蒞事以嚴立亭於州治南以勸善良得孝悌者歲勞以羊酒潮俗自是一變比護晏家屬北還而炎適流崖州賜死人皆快之黃志

周君巢太原人元和初為韶州刺史時柳宗元謫柳州過廣人皆言海上宦寓多賢君巢為最治韶以鎮靜為主康幹以行之然好餌藥延壽柳宗元以書戒之君巢自是却藥勤於政事韶人戴之張蒙繼君巢知郡修廣庠序蠲除民瘼梗化者莫不濯心焉同上

柳宗元與君巢書奉二月九日書

子周為借焉敢再拜賀宗元以罪大橫廢居小州與四徒為用行則若帶纆索處則若閹臣居下而無所趨奉拘而不能肆矯焉若林檎焉若其形固若是則其中者可得矣然猶未肯肯道鬼神等事今丈人乃盛舉山澤之履者以為壽且壽其道若與妻人乃盛舉山澤之履者以為壽且壽可以久壽將分以見與固小子之所不欲得也音以君子之道處焉則外而內益智外而內益音其宜所以生人之性得焉則內外益智外而內益是而中雖不至者老其道壽矣今夫山澤之履於表無有焉視世之亂若理觀人之害若利視道之味若表我壽而世之亂若理觀人之害若利視道之其筋骨而世之亂若理觀人之害若利視道之者愈千百年道不為天也又何以高之為用哉宗元始者諱道之所託病凡所設施皆以爲民從

而吹者成羣已不能明而况人于然苟守先聖之道由大中以出雖受萬橫業不更乎其內大都類往往時所執推而大之不言者愚不能改亦欲丈人固忘生人之患病則聖人之道幸甚其必有陳矣不宣宗元再拜宗元又贈君巢詩越絕孤城千萬峯空齋不語坐高春印文生絲經旬合硯匣百塵盡日封樽嶺寒烟每翫翠桂江秋月露顰鏡丈人本

是忘恭事為想

年來辱穎容

蔣防字子微淮南人登進士上第以文章擅名元和中為尚書司封郎中知制誥翰林學士出守汀州時李紳及防薦麗嚴為翰林學士李逢吉誣紳罪逐之出嚴刺信州防刺汀州于敖封還詔書因稽紳意伸其在日于給事犯宰相之怒申麗蔣之屈不亦善乎奏下乃改防知連州嘗疏榜伽峽水以利涉民甚德之新美考

陳聽思者潤州人也少歷州縣練達吏治咸通初為雷州刺史臨政善斷行部有能理名嘗稽詢海道使人隨海船至閩往來因得夷貊情狀每自閱兵以防海寇百爾攻具皆備寇不敢至雷民安之唐世雷為下州所置刺史見於紀傳者張採之後有政績者柳仲郢及聽思二人而已黃志

張鵬饒州德興人宣宗日謂宰臣曰宜擇文武儒臣為河南節度掌書記遂以鵬對引見于思政殿吐蕃貨繼部落犯邊鵬率數千騎敗之上嘉賜朱衣金魚聽宗立表為瓊管五州招討使知瓊州

龔幼岐嶷有器局幹事動中繩墨大業末隱處林與唐高祖有連武德初授右千牛錄事得與宿衛久之以公事免為雋州法曹擢循州河源縣令克己為政蠻貊化其忠嘗軫恤疲疝惠聲彰于嶺海北人處南畧無少疚後歷滑州靈昌陸州雒山二縣令仕已無喜愠之色終涼州長史黃志張祐字承吉清河人元和中作宮體小詩辭曲艷發老大稍窺建安風格由是賢俊之士多與之遊或薦于天子書奏不下受辟諸侯府性狷介不容物輒自劾去以曲阿地古淡遂種樹築室而家焉性嗜水石常悉力致之後知南海微若甲香詹館一無所受期月間罷職載羅浮石筍還不蓄善田利產為身後計真廉吏也太和中卒著有丹陽集一卷同上

南漢

趙光裔字煥業京兆奉天人僑居洛陽父隱唐尚書左僕射光裔少力學修行與兄光逢弟光允皆第進士乾寧中光逢以中書舍人為翰林學士承旨光裔累遷司勳郎中宏文館學士改膳部郎中知制誥賜金紫兄弟對掌內外制命時論榮之後俱仕梁會梁太祖敕烈宗為清海節度使命光裔以舊職充官告使烈宗遂留之不遣辟置幕府已

奏為節度副使及高祖稱帝改元進兵部尚書改門下侍郎與楊洞潛李殷衡同平章事居數年楚勢益張光裔言於高祖曰自馬后崩未常通使於楚親鄰舊好不可忘也因薦諫議大夫李紆有使臣才可以將命高祖從其言楚亦隨遣使報聘光裔為相二十餘年府庫完實政事清明韓睦四鄰邊境無恐當時號稱賢相又兄光逢相梁弟光允相後唐及子損相繼為相五季之時一家四相當世莫不欽羨十國春秋初光裔自以唐甲族恥事偽國常怏怏思歸高祖乃習為光裔手書遣使問道至洛陽召其二子損益并其家屬皆至光裔驚喜為盡心焉五代史紆大有時為諫議大夫雅有風采文辭占對觀者傾竦會宰相趙光裔言楚本昏姻之國不可忘舊好且薦紆有才可將使命於是遣紆將命於楚楚文昭王見紆大喜深加欵渥隨遣使報聘以復二國之好是役也陸鄰封績舊姻寧邊鄙弭敵兵謀出光裔而紆實有以成之十國春秋謹按趙光裔五代史南漢世家作光允考舊唐書光裔光啟三年進士擢第累遷司勳郎中宏文館學士改膳部郎中知制誥季述廢立之後旅遊江表以避患嶺南劉隱深禮之奏為副使因家嶺外則官嶺南

者乃光裔非光允也又薛氏五代史言光允以同光元年十一月拜平章事三年四月病疽卒亦可為光允未官嶺南之証今錄新五代史而易以光裔之名

王定保南昌人舉唐光化三年進士第南遊湖湘不為馬氏所禮已而為唐容管巡官遭亂不得還烈宗招禮之辟為幕屬十國春秋高祖欲僭號憚定保不從先遣定保使荆南及即位而定保回知其心未善也預使倪曙迎勞之且告以建國定保曰建國當有制度吾入南門清海軍額猶在四方其不取笑乎高祖笑曰吾備定保久矣而不思此宜其諛也五代史世家大有初官宰遠節度使十三年冬代趙損為中書侍郎同平章事不逾年卒定保善文辭高祖常作南宮極土木之盛定保獻南宮七奇賦以美之一時稱為絕倫所著摭言十五卷定保妻吳氏唐侍郎子華女也定保既無北歸意吳遂縑服終身誓不改適十國春秋周傑善星歷唐司農少卿五代史世家常以大衍歷數有差因敷衍其法著極衍二十四篇以究天地之數時天下方亂傑以天文占云惟嶺南可以避地乃遣弟鼎求為封州錄事參軍天復中傑携家來南烈宗習其名招至幕府待之上賓數問天道災

變傑自以年老策名中朝恥以星術事人時或稱疾不起烈宗亦未之罪也高祖即帝位強起之令知司天監事命占國祚享年幾何傑以周易筮之遇比之復斷曰卦有二土土數生五成於十二五相比以歲言之當五百五十一一云傑筮易得復之數五二五十一也高祖大喜賜賚有加上下各五將五百五十一也建後主降宋適得五十五年蓋傑舉成數以避害諺稱十為百也大有中遷太常少卿卒年九十餘十國春秋

蕭益故唐相傲之孫也大有初累官崇文使時交州亂皎公羨與吳權相攻高祖欲乘其亂取之命子宏操為交王將兵救公羨益曰吳權桀黠誠未可輕今霖雨積旬海道險遠大軍當持重多用鄉導然後可進否則兵未戢也高祖不聽宏操果敗死未幾高祖病革與右僕射王翽謀以越王宏昌賢欲逾次立之翽為高祖畫策謂當出秦王鎮邕州晉王鎮容州因立越王為太子此萬全計也秦王乃殤帝晉王即中宗是也制命將行會益入問病高祖告之故益諫曰立嫡以長遠之必亂少者若立禍自此始由是殤帝卒得立翽大有末積官至右僕射兼西御院使中宗時進左僕射十國春秋乾和三年追翽廢長立少之罪出為英州刺史使人

殺之於路五代史世家

謝傑為高州刺史境多虎夜入郭中為暴人不寧居傑一日沐浴詣城隍神舉酒祝曰愚民何辜而虎暴之此刺史無德化願虎但食刺史無傷愚民因屏去左右獨宿殿庭是夜漏三下廟東南隅忽有物吼聲如雷良久乃止遲明視之數虎悉斃十國春秋

曾芳者不知何許人南漢時為程鄉令因民苦瘴以藥濟之求者踵接乃以寸囊藥置井中令民汲水飲之而疾愈後人名其井為曾井立祠井傍宋仁宗降詔封芳為忠孝公又賜飛白書曾氏忠孝泉五大字芳他政無所攷然歷六七百年之後而名傳不朽雖兒童走卒過其祠井下咸加拜禮其感人如此黃志

謝貫積功為將軍素有膽勇喜鏖戰取名一時乾和九年與潘崇徹攻郴州會唐兵來援敗其將邊鎬於義章卒陷郴城由是嶺表土地益廣十國春秋吳珣為將善出奇計乾和時歷官至巨象指揮使既與吳懷恩攻賀州克之楚人來救鏖大奔於城下覆箔於上以土傅之楚將徐知新等逼城珣遣人自穴中發機楚人悉陷穿中死者無算知新等遁歸珣等攻桂州及連宜嚴梧蒙五州皆克之掠

全州而還五代史世家

萬景忻少以驍勇為牙校大有時積功至指揮使殤帝初立循州賊張遇賢作亂殤帝命越王宏昌循王宏梟征之師敗績二王困圍中不得出時景忻隸王戲下在行間與指揮使陳道庠挾弓弩馳馬畧陳力救二王得免應乾元年景忻復敗遇賢於循州遇賢遂逾嶺而北不復還循州之平景忻功為第一十國春秋

蘇章以牙校事高祖積功至左右街使大有初楚人舉水軍侵封州章將神弩三千戰艦百艘往救既至賀江章沉鐵絙於水中為巨輪兩岸上築隄以隱之因輕舟迎戰陽敗而奔楚人以為怯也逐之章舉巨輪挽絙鎖楚舟楚舟不得進退用強弩夾江射之楚人大敗解圍遁去高祖改章封州團練使封川志章驍勇善戰而行軍多合古法遂為一時名將子五人俱為中郎將豪俠任氣當世號五郎將云梁克貞與章同時勇畧頗亞於章十國春秋大有三年交州亂高祖命克貞征之俘其節度使曲承美五代史世家己又入占城取寶貨而回由是南蠻大恐讐服兵威實克貞力也時共事者為李守鄜功亦與克貞埒十國春秋孫德威勇敢有氣力數從高祖征伐戰鬪常冠軍

大有九年將兵侵楚蒙桂二州已而爲楚文昭王
所逼遂自蒙州引還後數年卒上同

謹按五代史南漢世家作孫德成

廣東通志卷二百三十五終

廣東通志卷二百三十六

宦績錄六宋一

潘美 尹從珂

王明 邊珣

向敏中 凌策

黃震 胡則

郎簡 張盥之

王綵 杜杞

王罕 元絳

龐籍 范師道

榮諲 蔡抗

林光朝 冷應敬

趙希洎以上驛運使 曹利用

魏瓘 楊畋

孫沔 田瑜

張田 王靖

呂居簡 程師孟

郭遠 曾開

龔茂良 潘時

曾治鳳 陳峴

徐清叟 楊長孺

方大琮 唐璘

劉應龍

胡穎

雷宜中

謝子強

趙與珞

張應科以上皆畧
安撫使

劉几提稅

宋

潘美字仲詢大名人父璘以軍校戍常山美少倜儻隸府中典謁嘗語其里人王密曰漢代將終君臣肆虐四海有改卜之兆大丈夫不以此時立功名取富貴碌碌與萬物共盡可羞也會周世宗為開封府尹美以中涓事世宗及即位補供奉官高平之戰美以功遷西上閣門副使出監陝州軍改引進使世宗將用師隴蜀命護永興屯兵經度西事先是太祖遇美素厚及受禪命美先往見執政諭旨中外陝帥袁彥兇悍信任羣小嗜殺黷貨且繕甲兵太祖慮其為變遣美監其軍以圖之美單騎往諭以天命既歸宜修臣職彥遂入朝上喜曰潘美不殺袁彥能令來覲成我志矣李重進叛太祖親征命石守信為招討使美為行營都監以副之揚州平雷為巡檢以任鎮撫以功授泰州團練使時湖南叛將江端既平人心未寧乃授美潭州防禦使嶺南劉鋹數寇桂陽江華美擊走之溪洞蠻獠自唐以來不時侵略頗為民患美窮其巢穴

多所殺獲餘加慰撫夷落遂定乾德二年又從兵馬都監丁德裕等率兵克郴州開寶三年征嶺南以美為行營諸軍都部署朗州團練使尹崇珂副之進克富川鋹遣將率眾萬餘來援遇戰大破之遂克賀州十月又下昭桂連三州西江諸州以次降美以功移南面都部署進次韶州韶廣之北門也賊眾十餘萬聚焉美揮兵進乘之韶州遂拔斬獲數萬計鋹窮蹙四年二月遣其臣王珪詣軍門求通好又遣其左僕射蕭灌中書舍人卓惟休奉表乞降美因諭以上意以為彼能戰則與之戰不能戰則勸之守不能守則諭之降不能降則死不

轉運使土豪周思瓊聚眾負海為亂美討平之嶺
表遂安宋史本傳

尹崇珂秦州天水人後徙居大名父延勛歷同磁
滌三州刺史崇珂初事周世宗於藩邸以謹厚稱
及即位補東西班都知從戰高平有勞績遷本班
副檢點從征淮南遷都虞侯轉都指揮使改殿前
都指揮使宋初出為淄州刺史有善政民詣闕請
刻石頌德太祖命殿中侍御史李穆撰文賜之討
湖南為行營前軍馬軍都指揮使荆湘平授朗州
團練使又與潘美丁德裕克郴州乾德中征嶺表
以崇珂為行營馬步軍副都署克廣州擒劉鋹即
日詔與潘美同知廣州兼市舶轉運等使錄功遷
保信軍節度未幾南漢開府樂範容州都指揮使
鄧存忠韶州賊帥周思瓊春恩道都指揮使麥漢
瓊等據五州之地以叛崇珂討之太祖遣中使李
神祐督戰數月盡平其黨宋史本傳

王明字如晦大名成安人晉天福中舉進士不第
驍騎將藥元福為原州刺史辟為從事馮暉節制
靈武表為觀察巡官周廣順初元福領陳州防禦
使奏署判官會劉崇寇晉州命元福將兵援之事
多吝於明先是州縣吏部送丁壯餉糧一夕夫盡
遁去元福怒盡驅官吏出軍門將就戮明馳往止

之入白元福曰今軍儲無闕丁夫數萬人文史儒
不能制斬之何益不如寬以待之賊敗凱旋公無
專殺之名不亦善乎元福感悟盡免其死既而崇
眾有遁即命元福為建雄軍節度雷鎮因奏署明
為書記賜緋魚顯德初元福移鎮陝恃功多驕恣
以直道規之忤其左右多毀明於元福元福亦
稍疎之明以父病求歸省元福數召明明因謝絕
之詣闕上書求任州縣歷清平郟城二縣令宋初
荆南高繼沖入覲授彭城節鉞以明為武寧軍節
度掌書記乾德初召公卿近臣各舉清白有吏幹
者一人給事中馬士元以明塞詔召為左拾遺蜀
平選知榮州代歸遷右補闕會用兵於嶺南選為
荆湖轉運使開寶三年大舉南征以明為隨軍轉
運使山路險絕舟車不通但以丁壯數萬人轉遞
供億不闕每下一郡一城必先保其簿書守其倉
庫既而賀州未下明入與主帥計曰當急取之恐
援兵至則我師勝負未可知諸將頗猶豫明乃檄
甲冑率所部護送輜重卒百人擁丁夫數千舂鋪
皆具堙其塹直抵城門城中懼開門納欵遂據有
之因抵廣州賊眾十餘萬拒戰是夕大風發屋折
木眾乃驚懼明與都部署潘美等謀命丁夫數千
人人持二炬問道先搗賊壘大軍蓐食陣以待之

俄而萬炬皆發焚其柵賊眾果來犯大軍因逆擊之賊大敗斬首數萬劉錕以城降廣州平為本道轉運使太祖嘉其功擢授秘書少監領韶州刺史充轉運使俄以潘美尹崇珂為嶺南轉運使以明為副使明遍歷部內視民疾苦舊無名科斂悉條奏除之嶺表遂安

宋史本傳

邊珣字待價華州鄭人也晉天福六年舉進士解褐秘書省校書郎乾德初為倉部郎中太宗即位遷吏部郎充廣南轉運使初至桂守張頌卒頌淮州人藁葬城外舊例不許以族行僕人乃分匿其家財珣召官吏追取之部送其柩歸

宋史本傳

向敏中字常之開封人父瑀仕漢符離令性峻惟敏中一子躬自教督不假顏色嘗謂其母曰大吾門者此兒也及冠繼丁內外憂能刻厲自立有大志不屑貧窶太平興國五年進士歷轉吏部判官知制誥未幾權判大理寺時妖尼道安構獄事連開封判官張去華敏中妻父也以故得請不預決獄既而法官皆貶猶以親累落職出知廣州人辭面敘其事太宗為之感動許以不三歲召還翌日

遷職方員外郎遣之是州兼掌市舶前守多涉譏議敏中至荆南預市藥物以往在任無所預以清廉聞就擢廣南東路轉運使後進左僕射昭文館

大學士卒年七十二帝親臨哭之慟廢朝三日贈太尉中書令諡文簡五子諸壻並遷官親校又官數人敏中姿表瓌碩有儀矩性端厚豈弟多智曉民政善處繁劇慎於采拔居大任三十年時以重德目之為人主所優禮故雖衰疾終不得謝及追命制入帝特批曰敏中淳謹溫良宜益此意其恩願如此有文集十五卷

黃志

凌策字子奇宣州涇人雍熙二年舉進士起家廣安軍判官改西川節度推官以彊幹聞淳化三年就改為光祿寺丞簽書兩使判官代還拜左贊善大夫尋命為廣南西路轉運使進屯田員外郎人為戶部判官遷都官先是嶺南輸香藥以郵置卒萬人分鋪二百負擔抵京師且以煩役為患詔策規制之策請陸運至南安汎舟而北止役卒八百大省轉送之費盧之翰任廣州無廉稱以策有幹名拜職方員外郎直史館命代之賜金紫廣英路自吉河趣板步二百里當盛夏時瘴起行旅死者十八九策請由英州大源洞伐山開道直抵曲江人以為便

宋史本傳

黃震字伯起建州浦城人進士及第累遷著作佐郎通判遂州歷尚書都官員外郎提點湖北路刑獄還判三司磨勘司擢江淮發運使先是李溥自

三司小吏爲發運使十餘年姦賊狼籍丁謂黨之無敢言者震將行上書自陳辭頗憤激真宗知其意在溥也諭之曰卿當與人和震對曰廉正公忠臣職也負陛下任使者臣不敢與之和既至發溥姦賊數十事溥坐廢而震亦爲溥訟奪一官罷畏謂權不敢自直及謂貶乃復官知饒州徙廣東轉運使廣南歲進異花數千本至都下枯死者十八九道路苦其煩擾震奏罷之震在真宗朝數論事既卒詔進其官一等

宋史本傳

胡則字子正婺州永康人以進士起家補許田縣尉再調憲州錄事參軍以靈夏芻糧不給入奏太宗因問以邊策對稱旨顧左右曰州縣豈乏人命記姓名中書累遷尚書戶部員外郎真宗時出爲京西轉運使遷禮部郎中部內民訛言相驚至遣使安撫乃定坐是徙廣南西路轉運使有番舶遭風至瓊州且告食乏不能食則命貸錢三百萬吏白夷人狡詐又風波不可期則曰彼以急難投我可拒而不與邪已而償所貸如期又按宜州重辟十九人爲辨活者九人後徙杭州再遷兵部侍郎致仕卒則喜交結尚風義丁謂貶崖州賓客隨散落獨則間遣人至海上饋問如平日

宋史本傳

郎簡字叔廉杭州臨安人幼孤貧借書錄之多至

成誦進士及第補試秘書省校書郎知寧國縣徙福清令縣有石塘陂歲久湮塞募民浚築溉廢田百餘頃邑人爲立生祠調隨州推官及引對真宗曰簡歷官無過而無一人薦是必恬於進者特改秘書省著作佐郎知分宜縣徙知賓州縣吏死子幼贅婿僞爲參冒有其費及子長屢訴不得直乃訟于朝下簡劾治簡示以舊牘曰此爾翁書耶曰然又取僞券示之弗類也始伏罪徙藤州興學養士一變其俗藤自是始有舉進士者累遷尚書度支員外郎廣南東路轉運使擢秘書少監知廣州捕斬賊馮佐臣入判大理寺歷右諫議大夫給事中知揚州徙明州以尚書工部侍郎致仕祀明堂遷刑部卒年八十有九特贈戶部侍郎在廣州無廉稱益爲子絜所累

宋史本傳

張盥之字景山進士及第補樂清尉潤州觀察推官校勘館閣書籍遷集賢校理通判常州知溫州蔡齊薦其才可用擢提點淮南南路刑獄楊崇勳知亳州特恩爲不法誣蒙城知縣王申罪械送獄盥之廉得冤狀乃出申配姦吏若干人徙廣南東路轉運使夷人有犯其酋長得自治而多慘酷請一以漢法從事權度支判官爲京西轉運使加直史館累官天章閣待制後以光祿卿致仕卒盥之喜

吏事所至有聲退居築家廟率子弟歲時奉祀

宋史本傳

王綵字敦素會稽人大中祥符八年進士選大理寺丞遷侍御史充廣南東路轉運按察使時交趾有變而廣州當交趾之衝無城守備綵議陶埭為城造大艦十數日習水戰以待其來彼不復動歲餘以瘴疾求領小郡

浙江通志

杜杞字偉長父鎬廢補將作監主簿知建陽縣累遷尚書虞部員外郎知橫州俄改通判真州徙知解州權發遣度支判官盜起京西掠商鄧均房焚光化軍授京西轉運按察使居數月賊平會廣西區希範誘白崖山蠻蒙趕反有眾數千襲破瓊州

帶溪普義鎮寧峇嶺外騷然權刑部員外郎直集賢院廣南西路轉運按察安撫使行次真州先遣急遞以書諭蠻聽其自新次宜州蠻無至者杞得州校出獄囚脫其械使入洞說賊不聽乃勒兵攻破白崖黃坑九居山峇及五洞焚毀積聚斬首百餘級復瓊州賊散走希範走荔波洞杞遣使誘之起來降杞謂將佐曰賊以窮蹙降我威不足制則恩不能懷所以數叛不如盡殺之乃擊牛馬為曼陀羅酒大會瓊州伏兵發誅七十餘人後三日又得希範醢之以遺諸蠻因老病而釋者纔百餘人

為兩浙轉運使明年徙河北拜天章閣待制瓊慶路經畧安撫使知慶州未幾卒

宋史本傳

謹案粵大記金志郝志皆云慶歷中杞為廣西轉運使時區希範寇陷瓊州杞以計攻破之遂復瓊州因伏兵擒諸蠻寇六百餘人尋得希範醢之海南遂平攷之宋史本傳實瓊州非瓊州也又攷宋朝事實載御史梅摯等言廣州轉運使杜杞誘降人歐希範於會上殺之失朝廷所以推信遠人之宜據此謂杞在廣州則其誅希範事自屬廣東舊說繫之瓊州未嘗無所本也附書以俟博識者

王罕字師言華陽人以蔭知宜興縣累遷戶部判官出為廣東轉運使儂智高入寇罕行部在潮廣州守仲簡自園中遺書邀罕罕報曰吾家亦受困非不欲歸顧獨歸無益當求所以相濟者遂還惠州州之惡少年正相率為盜里落驚擾惠人要罕出城及郊遮道求救護者數千計罕擇父老可語者問以策曰吾屬皆有田客欲給以兵使相保聚罕曰有田客者如是得矣無者奈何乃呼耆長發里民補壯丁每長二百人又令邑尉增弓手二千已時下令約申而集募有方畧者許以官秩金帛

使爲甲首久之無至者有婦人訴爲僕奪釵珥捕
得之并執奪攘者十八輩皆梟首決口置道左傳
曰此耆長發爲壯丁不肯行者也觀者始有怖色
至期得六百人尉所部亦至於是染庫帛爲旗授
之制牛革爲盾形柔之湯中每盾削竹籤十六穿
于革以木爲鼻使持之自蔽斷苦竹數千銛其末
使操爲兵悉出公私戎器檄告屬城傲而行之數
日衆大振向之惡少年皆隸行伍無敢動乃簡卒
三千方舟建旗伐鼓作樂順流而下將至廣悉衆
登岸斬木爲鹿角積高數仞營于南門智高戴黃
蓋臨觀相去三十步見已嚴備不敢犯罕徐開門
而入智高遂解去時南道郵驛斷絕罕上事不得
通而提點刑獄鮑軻遁處南雄數具奏及賊平軻
受賞罕謫監信州酒稅安撫使孫沔言罕實有功
復以爲西路轉運使或傳智高不死走火峒僂宗
且據險聚衆邕州守蕭注謀擊之罕呼宗旦子曰
新謂之曰汝父內爲交趾所仇外爲邊將希賞之
餌非計也汝歸報汝父擇利而爲之於是父子俱
降宋史本傳

元絳字厚之錢唐人絳生而敏悟五歲能作詩九
歲謁荆南太守試以三題上諸朝貧不能行長舉
進士以廷試誤賦韻得學究出身再舉登第調江

寧推官攝上元令安撫使范仲淹表其材知永新
縣尋知通州海門縣擢江西轉運判官知台州入
爲度支判官儂智高叛嶺南宿軍邕州而歲漕不
足絳以直集賢院爲廣東轉運使建潞江水砦數
十以待逋寇繕治十五處樓堞器械皆備軍食有
餘以功遷工部郎中歷兩浙河北轉運使召拜鹽
鐵副使擢天章閣待制知福州進龍圖閣直學士
徙廣越荆南爲翰林學士知開封府拜三司使參
知政事數請老神宗命其子耆寧校書崇文院慰
留之宋史本傳

龐籍字醇之單州武城人及進士第章惠太后時
以祠部員外郎爲廣南東路轉運使歷參知政事
拜工部侍郎樞密使遷戶部拜同中書門下平章
事昭文館大學士監修國史籍初入相且獨員而
遠爲昭文館大學士出殊拜也儂智高反師數不
利遣狄青爲宣撫使諫官韓絳謂武人不宜專任
帝以問籍籍曰青起行伍若以文臣副之則號令
不專不如不遣詔嶺南諸軍皆受青節度旣而捷
書至帝喜曰青破賊卿之力也遂欲以青爲樞密
使同平章事籍力爭之不聽嶺南平二廣舉人推
恩者六百九十一人論者以爲過尋以太子太保
致仕封穎國公薨諡莊敏籍曉律令長於史事持

法深峭軍中有犯或斷斬列磔或累笞至死以故士卒畏服治民頗有惠愛

宋史本傳

范師道字貫之蘇州長洲人進士及第知常州徙

廣南東路轉運使舊補攝官皆委吏胥無先後遠

近之差師道為置籍次第之人莫敢欺召為鹽鐵

判官後遷直龍圖閣知明州卒

黃志

榮諲字仲思濟州任城人父宗範知信州鉛山縣

詔罷縣募民采銅民散為盜宗範請復如故真宗

嘉異擢提點浙江諸路銀銅坑冶厯官九年謫舉

進士至鹽鐵判官晉州產礬京城大豪歲輸錢五

萬緡頗其利諲請權於官自是數人四倍為廣東

轉運使廣有板步古河路絕險林箐瘴毒諲開真

陽峽至洗口古徑作棧道七十間抵清遠趨廣州

遂為夷塗後以集賢殿修撰知洪州以疫故徙舒

州未至而卒累官秘書監年六十五

宋史本傳

蔡抗字子直宋城人進士調太平州推官再遷太

常博士通判秦州為秘閣校理乞知蘇州徙廣東

轉運使岑水銅冶廢官給虛券為市久不償人無

所取資眾而私鑄抗盡給之人得直以止番禺歲

運鹽英韶道遠多侵竊雜惡抗命十劑為一運擇

攝官主之歲終會其殿最增十五萬緡英宗立召

為三司判官廣南去京師遠不即至帝見南來者

必問之及入對論曰卿乃吾故人朕望於卿者厚勿以常禮自諫也以史館修撰同知諫院

宋史本傳

林光朝字謙之興化軍莆田人再試禮部不第聞

吳中陸子正嘗從尹焯學因往從之游自是專心

聖賢踐履之學通六經貫百氏言動必以禮四方

來學者亡慮數百人南渡後以伊洛之學倡東南

者自光朝始然未嘗著書惟口授學者使之心通

理解嘗曰道之全體全乎太虛六經既發明之後

世注解固已支離若復增加道愈遠矣孝宗隆興

元年光朝年五十以進士及第調袁州司戶參軍

乾道三年龍大淵會覲以潛邸恩倖進臺諫給舍

論駁不行張闡自外召為執政銳欲去之覺其不

可挫遂以老疾力辭不拜而光朝及劉朔方以名

儒薦對頗及二人罪由是光朝改左承奉郎知永

福縣而大臣論薦不已召試館職為秘書省正字

兼國史編修實錄檢討官厯著作佐郎兼禮部郎

官八年進國子司業兼太子侍讀史職如故是時

張說再除簽書樞密院事光朝不往賀遂出為廣

西提點刑獄移廣東茶寇自荆湘剽江西薄嶺南

其鋒銳甚光朝自將郡兵檄催鋒統制路海本路

鈐轄黃進各以軍分控要害會有詔徙光朝轉運

副使光朝謂賊勢方張畱屯不去督二將遮擊連

敗之賊驚懼宵遁帝聞之喜曰林光朝儒生乃知兵邪加直寶謨閣召拜國子祭酒兼太子左論德

宋史本傳

冷應澂字公定隆興分寧人寶慶元年進士調廬陵主簿卽以廉能著有愬事臺府者必曰願下廬陵清主簿尤爲楊長孺所識拔調靜江府司錄參軍景定元年奉使督餉江上還知德慶府前守政不立縱豪吏漁獵峒獠遂大爲變徧城六十里而營應澂未入境馳檄諭之曰汝等不獲已至此新太守且上轉禍爲福一機也脅從影附亦爲早計去就不然不免矣獠感悟欲自歸惑謀主不果衆稍引去應澂知其勢解卽厲士馬出不意一鼓擒之縱遣歸農猶千餘人乃請諸監司歸郡之避難畱幕府者誅豪吏之激禍者初經畧雷宜中意應澂必以濟師來請及是歎服亟上其事薦應澂可大用屬縣租賦誣道阻久不至郡應澂爲之期日首輸者與減分未至則償所減民惟恐後不一月訖事凡諸綱官廩稍軍券前政積不得者悉補還之上下欣附應澂亦極力摩撫與爲簡便期年報政奏罷抑配鹽法及乞用褚券折銀綱等五事以紓民力詔就升本道提舉常平兼轉運使俾行其說首劾守令貪橫不法十餘人列郡肅然最聞加

直秘閣時經略使陳宗禮入爲參知政事帝問誰可代卿者宗禮以應澂對旋召爲都官郎官未行就升直寶章閣知廣州主管廣南東路經略安撫司公事馬步軍都總管領漕庾如故

宋史本傳

趙希洎宗室子居宜春歷官至戶部尙書咸淳中迂丞相賈似道出領廣東轉運使德祐元年制置使黃萬石檄其勤王得潰卒數百道經廬陵郡守邀其軍遂與從子必向避地贛州亂定歸里時袁守聶嵩孫希洎內嫻也勉之內歎不能屈文天祥兵敗以失言與必向俱被囚辭節愈厲家人饋食則碎器覆諸地俱不食據榻而死

宋史本傳

曹利用字用之趙州寧晉人少喜談論慷慨有志操由殿前承旨歷擢東上閣門使忠州刺史賜第京師祥符中知宜州劉永規馭下殘酷軍校乘衆怨殺永規叛陷柳城縣圍象州分兵掠廣州嶺南騷動帝謂輔臣曰向者司天占候當用兵朕固憂遠方守將非其人以起邊釁今果然曹利用曉方略盡心于事其以爲廣南安撫使利用至嶺外遇賊武仙縣賊健標蒙采盾衣甲堅利鋒鏑不能入利用持巨斧長刀破盾遂斬首以徇嶺南

黃志

魏瓘字用之父羽奏補秘書省校書郎監廣積倉知開封府倉曹參軍持法精密明吏事歷知循隨

安州提點廣南西路刑獄邕州獠戶緣逋負沒婦女為傭者一千餘人悉奏還其家就除轉運使劉張時計口以稅雖舟居皆不免至是而電化欽廉高州猶未除瓊為除之減柳州無名役四百人召瓊度支判官尋以罪降知洪州自主客郎中遷太常少卿知廣州築州城環五里疏東北門鑿東西澳為水閘以時啟閉焉拜右諫議大夫往任臨江軍判官史沆性險詖嘗為瓊所劾免會廣州封送貢餘椰子煎等餉京師輒邀畱之飛奏指以為珍貨詔遣內侍發驗無有沆坐不實廢瓊亦降知鄂州後儂智高寇廣東西獨廣州城堅守不能下於是論築城功遷工部侍郎集賢院學士復知廣州兼廣東經略安撫使給禁卒五千聽以便宜從事屬狄青已破賊召還糾察在京刑獄宋史本傳楊旼字樂道保靜軍節度使重勛之曾孫進士及第授秘書省校書郎并州錄事參軍再遷大理寺丞知岳州慶曆三年湖南獠人唐和等劫掠州縣擢殿中丞提點本路刑獄專治盜賊事以平六峒功遷太常博士坐部將胡元戰死降知太平州歲餘賊益肆帝遣御史按視還言旼嘗戰山下人樂為用今欲殄賊非旼不可乃授東染院使荆湖南路兵馬鈐轄賊聞旼至皆恐畏踰嶺南遁又詔往

韶連等州招安之乃約賊使出峒授田為民而轉運使欲授以官與貨納質使還旼曰賊勦攻湖廣七年所殺不可勝計今使飽貨糧據峒穴其勢不久必復亂明年春賊果復出陽山旼即領眾出嶺外涉夏秋凡十五戰賊潰旼感瘴疾歸蠻平願還舊官改尚書屯田員外郎直史館知隨州召還為三司戶部判官奉使河東丁父憂會儂智高陷邕州召至都門外辭以喪服不敢見仁宗賜以服飾卸巾人對便殿即日除起居舍人知諫院廣南東西路體量安撫經制賊盜旼至韶州會張忠戰死智高自廣州回軍沙頭將濟旼令蘇緘棄英州將偕焚糧儲及召并贊岑宗閔王從政退保韶州賊勢愈熾旼不能抗遂殺蔣偕王正倫敗陳曙復據邕州旼坐是落知鄂州久之擢天章閣待制進龍圖閣直學士卒贈右諫議大夫宋史本傳孫沔字元規會稽人登進士第歷官樞密直學士知秦州時儂智高反沔入見帝以秦事勉之對曰秦州不足煩聖慮陛下當以嶺南為憂及聞蔣偕死帝曰南事誠如沔料以為湖南江西路安撫使加廣南東西路安撫使請益發奇兵增選偏裨求武庫精甲五千居二日促行才與兵七百沔慮賊度嶺而北乃檄湖南北曰大兵且至宜繕營壘多

備宴犒賊疑不敢北會遣狄青爲安撫使與智高
遇戰歸仁舖智高敗走廣南平沔留治後事選給
事及至京帝問勞解御帶賜之歷官觀文殿學士
知慶州卒

志

田瑜字資忠河南壽安人舉進士歷袁鄂合三州
軍事推官累遷尙書司封員外郎提點廣南西路
刑獄慶曆中歐希範誘溪洞環州蠻叛上以瑜習
知南方事就除荆湖北路轉運使瑜檄屬郡募民
擊賊又督轉粟以守要害故兵所至皆不乏食賊
勢大挫徙兩浙轉運按察使加直史館益州路轉
運使改江淮制置發運使擢天章閣待制知廣州
累遷諫議大夫權三司戶部副使儂智高犯邕瑜
條上用兵禦賊十事智高平召對便殿具言南方
山川險要所以備守之策乃以爲廣南東路體量

安撫使

宋史本傳

張田字公載澶淵人登進士第知應天府司錄歐
陽修薦其才通判廣信軍歷知蘄州改湖州徙廬
州治有善跡移桂州異時蠻使朝貢假道與方伯
抗禮田獨坐堂上使引入拜于庭而犒賄加腆熙
寧初加直龍圖閣知廣州廣舊無外郭民悉野處
田始築東城環七里賦功五十萬兩旬而成初役
人相驚以白虎夜出田卽知其僞召戒邏者曰今

夕有白衣人出入林間者謹捕之如言而獲城旣
就東南微陷往視之暴卒年五十四田爲人抗直
自喜然臨政以清女弟聘馬軍帥王凱欲售珠犀
于廣顯曰南海富諸物但身爲市舶使不欲自污
面作欽賢堂繪古昔清刺史像日夕師拜之蘇軾
嘗讀其書以侔古廉吏

宋史本傳

王靖字詹叔太尉旦從孫也蚤孤自力於學好講
切天下利害以祖蔭歷通判閬州知滁州主管北
京御史請復明經科加試貢士以策觀其所學稍
變登律之習擢利州路轉運判官提點陝西刑獄
鄉戶役于州縣者優則願久畱勞則欲亟去吏得
權其遲速靖以一歲月遣代遂爲合開封府推官
曹僕盜害官吏久不獲靖受詔督捕成擒者十八
九因言盜之不戢由大姓爲囊橐靖並坐之著爲
令徙廣南轉運使熙寧初廣人訛言交趾且至老
幼入保事聞中外以爲憂神宗曰王靖在彼可無
念卽拜太常少卿直昭文館知廣州居二年入爲
度支副使卒

宋史本傳

呂居簡河南人宰相蒙正之子初爲殿中丞慶曆
中提點京東刑獄時夏竦有憾於石介介死竦言
于上曰介未嘗死北走鄰國矣乃遣中使發棺驗
之居簡力言不可乃止進龍圖閣直學士知廣州

陶甓登城人以為便以兵部侍郎判西京御史臺
卒年七十二黃志

程師孟字公問吳人進士甲科累知南康軍楚州
提點夔路刑獄歷江西轉運使加直昭文館知福
州築子城建學舍治行最東南徙廣州州城為儂
寇所毀他日有警民駭竄方伯相踵至皆言土疏
惡不可築師孟在廣六年作西城及交阯陷邕管
聞廣守備固不敢東時師孟已召還朝廷念前功
以為給事中集賢殿修撰判都水監復起知越州
青州遂致仕以光祿大夫卒年七十八師孟履領
劇鎮為政簡而嚴罪非死者不以屬吏發隱摘伏
如神得豪惡不逞跌宕者必痛懲艾之至勦絕乃
已所部肅然洪福廣越為立生祠宋史本傳
郭遠字仲通洺州人家世以武功稱范仲淹勉以
問學熙寧八年李乾德陷邕管詔以遠為廣南經
略招討使兼宣撫使九年十二月大戰富良江敗
其精兵斬偽王子洪正乾德懼奉表歸命志
曾開字天游其先贛州人徙河南府少好學善屬
文崇寧間登進士第調直州司戶累遷國子司業
擢起居舍人權中書舍人欽宗即位除顯謨閣待
制提舉萬壽觀知潁昌府兼京西安撫使奪職奉
祠建炎初復職知潭州湖南安撫使踰年求去復

得鴻慶宮起知平江府廣東經略安撫使奉詔駐
潮陽招捕劇寇訖事乃之鎮居三年盡平羣盜提
舉太平觀復以中書舍人召宋史本傳

龔茂良字實之興化軍人紹興八年進士第為安
南簿邵武司法父母喪哀號擗踊鄰不忍聞調泉
州察推以廉勤稱改宣教郎以同知樞密院事黃
祖舜薦召試館職除秘書省正字累遷吏部郎官
除監察御史遷右正言會內侍李珂沒贈節度諡
靖恭茂良諫曰中興名相如趙鼎勲臣如韓世忠
皆未有諡如朝廷舉行亦足少慰忠義之心今施
以珂為可惜竟寢其諡嘗論龍大淵會覲姦回至
是又極言之曰今積陰弗解淫雨益甚災惑入斗
正當吳分天意若有所怒而未釋二人害政甚珂
百倍上諭以皆潛邸舊臣非他近習比且俱有文
學敢諫爭未嘗預外事翌日再疏言唐德宗謂李
泌人言盧杞姦邪朕獨不知何耶泌曰此其所以
為姦邪也今大淵覲所為行道之人能言之而陛
下更頌其賢此臣所以深憂疏人不報即家居待
罪章再上除太常少卿五辭不拜除直秘閣知建
寧府自以不為羣小所容請祠不允上後知二人
之姦既逐于外起茂良廣東提刑就知信州即番
山之址建學又置番禺南海縣學既成釋奠行鄉

飲酒以落之城東舊有廣惠菴中原衣冠沒於南者葬之歲久廢茂良訪故地更建海會浮屠取寄暴露者皆揜藏無遺後以罪責降安置英州父子卒於貶所茂良家投匭訟寃遂復通奉大夫周必大獨相進呈復職上曰茂良本無罪遂復資政殿學士諡莊敏

宋史本傳

潘時字德廊婺州金華人以叔良貴任以為登仕郎累遷南路提點刑獄除直秘閣知廣州主管廣南東路經略安撫使司公事將行猶奏郴州用度不足多橫賦以供軍馴致巨寇前後非一請下漕司通融補助以息後患廣東地接郴桂汀贛之境四州之民一踰嶺貿易折閱即相聚為盜大羣至數千人時入境適捕得渠卒八人即斬以徇曰三日而去者吏不得格期外不去復捕如初於是皆散有梁氏兄弟者招納亡命前後殺人無數而掠其貨以致富交通州縣吏不敢詰民患苦之號為四彪時擒捕誅殺汗豬其居它盜望風破膽大笑山斗入海中寇攘所聚雖良民亦以魚鹽為命急之則散入賊中不可禁所從來久至是新置都鹽使者銳欲禁之檄水軍逐捕時曰水軍專受帥府節度非他司可得而調也且爭小利起大盜將誰使任其責耶卒拒去不為發良民既少安乃陰募

其酋豪使以捕賊自効由是盜發輒得有功者為奏補官闕死即官其子而重責其坐視不赴救者官屬不幸死者厚賻歸存歿老稚無一人流落如是三十餘家士族女失身非類贖而歸之終朝議大夫直顯謨閣卒

男大

曾治鳳字君儀晉江人開禧元年進士歷官廣東提刑以將作監知袁州復直煥章閣帥廣東性簡儉愛惜公帑一毫不以妄費不嗜殺戮寇發循惠問郡請其捕追不從必諭降之端平二年進直徽猷閣改知建寧會成卒挺亂薄廣城時已解印引咎丐罷奉祠數年卒

黃志

陳峴字山甫温州平陽人少篤學工文辭淳熙丁未進士中博學宏詞科歷官有政聲以太中大夫集英殿修撰嘉定元年知廣州軍州事兼管內勸農使充廣南東路經略安撫使馬步軍都總管先是邑民苦預借峴至蠲諸邑宿逋四萬六千緡免大禮學助賞錢一萬四千緡罷諸場稅額最為民害者二千五百緡幕僚以舊額請峴以州賦代輸且奏于朝無得預借民獲甦息廣學宮治城濠設閘門瀦水以備不常閱歲百役並興勞費不憚時獠寇部界謀窺州城峴募勇敢軍日加訓練益為備城以南戶口繁夥舊無捍蔽乃築東西鴈翅城

以翼之郡號多士貢額幾十三峴為請于朝嘉定三年增額為二十五帥廣三年政務寬簡民甚德之以功封永嘉郡開國子食邑五百戶嘗以政暇委州文學齊琥監鹽倉季端仁編南海志凡都會名蹟埋遏弗彰者皆補書之成一方信史凡十二卷云

徐清叟字直翁浦城人第進士歷官知廣州兼廣東經略安撫使清叟嘗薦用真德秀魏了翁風度凜然卒贈少卿

楊長孺字子伯別號東山潛夫以蔭補守湖州累官至廣東經略安撫使知廣州事每對客曰士大夫清廉便是七分人矣嶺南羣吏獨有長孺清白著于時有詔獎諭謂其清似隱之故長孺賦詩有詔謂臣清似隱之臣清原不畏人知之句改安撫

福建真德秀入對寧宗問當今廉吏德秀以長孺對端平中以忤權貴劾去加集英修撰致仕紹定元年起判江西憲臺尋以敷文閣直學士致仕年

七十九卒郡人立像與吳隱之合祠黃志 鶴林 誠齋家嗣號東山先生清節高文繼美克肖其體

方大琮字德潤福建莆田人淳祐二年帥廣凡六年以儒飾吏以政燉俗鄉飲酒禮久廢命賓佐與

番周將受代有俸錢七千緡盡以代下戶輸租有詩云兩年任了粵霜華墜管南人沒一此六百萬錢都不要脂膏留放小民家

領袖士討論之禮樂器服悉還古制歲一行之拜七十有奇膝席以宴漏過三十刻時齒已邁而終禮無倦色丁祭儀文未稱自冕服弁以至簋簠豆鐘磬琴瑟祝致之屬悉攷古訂禮改作又建書堂之飛閣翼以四齋敞清海軍門以雄藩府規模十倍于昔

唐璘字伯玉古田人遊太學嘉定十年舉進士時臺臣李安行奏次對官不許論邊事璘對策極詆之曰吾始進可壞于天子之庭平調吳縣尉以直

聞擢監察御史力劾外疏七上授廣西運判改知嘉興府尋再直華文閣知廣州廣東經略安撫使

梅州寇作璘示以威信寇尋息江淮旱議下廣右和糴璘言公家赤立糴本無所辦終恐日取於民非臣不敢撥本召釁重朝廷多事之憂明年上章乞致仕帝思見之亟命入奏擢太常少卿尋丁內

艱璘居喪哀毀不食久之疾革卒璘立臺僅百日世謂再見唐介至切劇上躬盡言無隱帝益嚴憚之居官大節則母教之助為多

劉應龍字漢臣瑞州高安人嘉熙二年進士景定三年湖南飢起提舉常平以採荒功遷直寶章閣廣南東路轉運判官遷秘書監兼國史編修實錄檢討知隆興府兼江西轉運副使奏免和糴二十

萬石擢權戶部侍郎兼侍讀未幾以集英殿修撰知建寧府丞辭中書舍人盧鉞希指封還錄黃久之起為江東轉運使辭南海寇作朝廷患之乃以顯謨閣待制知廣州廣東經略安撫使寇聞應龍至遁去應龍剝逐之南海大治特旨屢召拜戶部侍郎仍兼侍讀七上奏辭免德祐元年遷工部尚書寶章閣直學士知贛州兼江西兵鈐轄青海軍節度使力辭隱九峯子元高亦舉進士知侯官縣沒洪天錫歎曰朝廷失一御史矣宋史本傳

胡穎字叔獻潭州湘潭人紹定五年登進士第即授京秩歷官知平江府兼浙西提點刑獄移湖南兼提舉常平即家置司性不喜邪佞尤惡言神異所在毀淫祠數千區以正風俗衡州有靈祠吏民夙所畏事穎微之作來諗堂奉母居之嘗語道州教授楊允恭曰吾夜必瞑坐此室察影響咸無有允恭對曰以為無則無矣從而察之則是又疑其有也穎甚喜其言以樞密院都承旨為廣東經略安撫使潮州僧寺有大蛇能驚動人前後仕於潮者皆信奉之前守去州人心疑焉以為未嘗詣也已而旱咸咎守不敬蛇神故致此後守不得已詣焉已而蛇蜿蜒而出守大驚得疾旋卒穎至廣州聞其事檄潮州令僧昇蛇至至則其大如柱而黑

色載以闌檻穎令之曰爾為神靈當三日見變怪過三日則汝無神矣既及期蠢然猶衆蛇耳遂殺之毀其寺并罪僧移節廣西尋遷京湖總領財賦咸淳間卒贈四官宋史本傳

雷宜中字宜叔豐城人淳祐七年進士第二人由賈似道記室以不合去經略廣東北還奏復吳潛官及濟邸封爵帥廣月餘卒黃志

謝子強字強學永嘉人登進士第由州縣升內職寶祐四年帥廣東律已以廉牧民以惠吏吏以法己未廣右繹騷入桂開制閩供億取辦於民邊警甚處之裕如民不知有西師因浚城池團保伍為備禦計簡靜不擾海邦晏然市田以增學費兼領舶事四年廣人歌頌德政余復亨為之記立像與吳隱之楊長孺並祀蘇志

趙與珞咸淳初為瓊管安撫使至帝昺祥興元年秋元將阿里海涯略地海外遣宣慰舊帥馬旺招降不聽率義勇謝明謝富冉安國黃之傑謹案係史作記等兵禦白沙口極力死戰舟師不得登岸久之元將患焉冬十一月壬辰謹案辰山志作癸因購內應執與珞等以降謹案山志作其並本兵州謂民不進遂有反志與部志不合慢罵不屈元將怒皆裂殺之與珞素有膽略海外諸蠻小國皆倚為重既死由是

四川縣及外蠻皆附于元黃志

張應科咸淳間瓊管安撫使帝昺祥興戊寅遣與

王用攻雷州三戰皆不克用降于元應科誓死報

國再決戰城下遂死於敵粵大記

劉几字伯壽洛陽人儂寇犯嶺南以几為廣東西

捉殺使馳至長沙見狄青曰賊若恃勝來戰此易

成擒耳及大戰於歸仁鋪前鋒孫節死几以右軍

搏鬪言於青出勁騎五千張左右翼擣其中堅大

破之進湟城使志

廣東通志卷二百三十六終

廣東通志卷二百三十七

宦績錄七

周渭

歐陽載

蕭世京

彭漢老以上轉運副使

孫載

黃洵

劉克莊

敖陶孫

洪天錫以上轉運副使

賈黃中

李崇矩

秦義

趙振

陳堯叟

謝德權

李允則

趙滋

張忠

蔣偕

蕭注

郝亶

蘇緘

趙士崑

湯思溫

毛炳

陳韓

趙汝暨

何侗以上國練防禦各使

袁杭

周湛

盧革

祖無擇

周敦頤

林積

陳中復

陳孝則

郭孝友

方信孺

楊萬里

詹儀之

| | | |
|---------------------------|--------------------------|---|
| 管鑑 | 廖德明 | 周渭字得臣昭州恭城人建隆初進士解褐白馬主簿太平興國二年為廣南諸州轉運副使奏去劉鋹時稅算之繁者重定田賦興學校遷殿中丞屬有事交趾主將逗撓無功有二敗卒環甲先至邕州市奪民錢渭捕斬之後至者悉令解甲以入訖無敢犯移書交趾論朝廷威信將刻日再舉黎桓懼即遣使入貢就加監察御史在嶺南凡六年徙知揚州歷益州轉運使 <small>宋史本傳</small> |
| 楊大異 | 何坦 <small>湯靈</small> | 劉錡 <small>以上提舉市舶</small> |
| 吳興 | 鄒非熊 | 李鞏 <small>以上提舉市舶</small> |
| 余炎 | 陳光祖 | 章元振 <small>以上提舉市舶</small> |
| 芮華 | 陳均 <small>以上提舉市舶</small> | 宋 |
| 孫馨 | 李綸 | 周渭字得臣昭州恭城人建隆初進士解褐白馬主簿太平興國二年為廣南諸州轉運副使奏去劉鋹時稅算之繁者重定田賦興學校遷殿中丞屬有事交趾主將逗撓無功有二敗卒環甲先至邕州市奪民錢渭捕斬之後至者悉令解甲以入訖無敢犯移書交趾論朝廷威信將刻日再舉黎桓懼即遣使入貢就加監察御史在嶺南凡六年徙知揚州歷益州轉運使 <small>宋史本傳</small> |
| 韓璧 | 劉燾 | 周渭字得臣昭州恭城人建隆初進士解褐白馬主簿太平興國二年為廣南諸州轉運副使奏去劉鋹時稅算之繁者重定田賦興學校遷殿中丞屬有事交趾主將逗撓無功有二敗卒環甲先至邕州市奪民錢渭捕斬之後至者悉令解甲以入訖無敢犯移書交趾論朝廷威信將刻日再舉黎桓懼即遣使入貢就加監察御史在嶺南凡六年徙知揚州歷益州轉運使 <small>宋史本傳</small> |
| 趙逢龍 <small>以上提舉市舶</small> | 楊克讓 | 周渭字得臣昭州恭城人建隆初進士解褐白馬主簿太平興國二年為廣南諸州轉運副使奏去劉鋹時稅算之繁者重定田賦興學校遷殿中丞屬有事交趾主將逗撓無功有二敗卒環甲先至邕州市奪民錢渭捕斬之後至者悉令解甲以入訖無敢犯移書交趾論朝廷威信將刻日再舉黎桓懼即遣使入貢就加監察御史在嶺南凡六年徙知揚州歷益州轉運使 <small>宋史本傳</small> |
| 蕭汝諧 | 任中師 | 周渭字得臣昭州恭城人建隆初進士解褐白馬主簿太平興國二年為廣南諸州轉運副使奏去劉鋹時稅算之繁者重定田賦興學校遷殿中丞屬有事交趾主將逗撓無功有二敗卒環甲先至邕州市奪民錢渭捕斬之後至者悉令解甲以入訖無敢犯移書交趾論朝廷威信將刻日再舉黎桓懼即遣使入貢就加監察御史在嶺南凡六年徙知揚州歷益州轉運使 <small>宋史本傳</small> |
| 李鞏 | 陳頴 <small>以上提舉市舶</small> | 周渭字得臣昭州恭城人建隆初進士解褐白馬主簿太平興國二年為廣南諸州轉運副使奏去劉鋹時稅算之繁者重定田賦興學校遷殿中丞屬有事交趾主將逗撓無功有二敗卒環甲先至邕州市奪民錢渭捕斬之後至者悉令解甲以入訖無敢犯移書交趾論朝廷威信將刻日再舉黎桓懼即遣使入貢就加監察御史在嶺南凡六年徙知揚州歷益州轉運使 <small>宋史本傳</small> |
| 章元振 | 韓謹 <small>以上提舉市舶</small> | 周渭字得臣昭州恭城人建隆初進士解褐白馬主簿太平興國二年為廣南諸州轉運副使奏去劉鋹時稅算之繁者重定田賦興學校遷殿中丞屬有事交趾主將逗撓無功有二敗卒環甲先至邕州市奪民錢渭捕斬之後至者悉令解甲以入訖無敢犯移書交趾論朝廷威信將刻日再舉黎桓懼即遣使入貢就加監察御史在嶺南凡六年徙知揚州歷益州轉運使 <small>宋史本傳</small> |
| 宋 | | 周渭字得臣昭州恭城人建隆初進士解褐白馬主簿太平興國二年為廣南諸州轉運副使奏去劉鋹時稅算之繁者重定田賦興學校遷殿中丞屬有事交趾主將逗撓無功有二敗卒環甲先至邕州市奪民錢渭捕斬之後至者悉令解甲以入訖無敢犯移書交趾論朝廷威信將刻日再舉黎桓懼即遣使入貢就加監察御史在嶺南凡六年徙知揚州歷益州轉運使 <small>宋史本傳</small> |

皆自薦載獨立輝下無所說明日拜監察御史中丞王嗣宗指曰是獨立輝下者真御史也遷殿中侍御史出知泗州轉尚書司封員外郎三司戶部判官六年為廣南東路轉運使秩滿以一敝舟還無一海上物以足疾求知江州卒應陵縣志

蕭世京字昌孺龍泉人嘉祐中進士為廣東路提舉常平公事能樽節出入改轉運副使益著清譽蔡京為相奏舉十事京銜之罷歸後擢吏部員外郎黃志

彭漢老字季皓合季子紹與末蔭將仕郎歷沅州司理參軍知常德府兼提舉澄辰沅靖州兵馬盜賊公事封廬陵縣開國男食邑三百戶轉朝請大夫豪民劉庚被劫指悍僕曠黨為之獄官拷掠誣服漢老覆鞠旋得正盜歲饑急發廩賑濟轉廣東轉運判官謹案黃志職官表列人副使而判官無其名夙裁凜然至德慶府引疾除直秘閣致仕應陵縣志

孫載字積中崑山人登進士熙寧中知德清縣賑飢弭盜以績最神宗以載姓名付中書除廣東常平獨暑行部以宣德意元祐初通判陝州遷廣東轉運判官贖無滯人頌其廉能政暇即遊羅浮訪古賦詩遷朝請大夫致仕一日徧謁先隴及嘗往來者未幾疾革問日早晏盥手焚香而逝年七十

二載天資樂易長于吏治好汲引士類受薦者至四百餘人後多知名少喜讀書著釋解五十卷文集若干卷

黃志

黃洵字清臣甌寧人以父蔭除知南雄州郡小用度不饒舊常法外重價以取資且推酒酷增稅榷民告病矣而官用猶不足洵至一切罷之人以便安而嘗乏事也州故與建饒贛州代輸坑冶司歲貢白金各若干兩故事皆取于民以辦公請以郡大小為差詔悉蠲之郡人賴焉乾道四年改廣南東路提舉市舶帥守市賈胡香不償直洵舉法移州帥槐且懼亟召歸之更為轉運判官廣學租禮名士益勸諸生以學番禹令近在帥守諸司治所肆意為姦無按舉者洵素聞之至是誨厲之不能改乃捕其吏屬劾之反而獄具奏上閱實抵罪以去其餘不循法度以病民者隨罪大小以次繩治於是一路肅然官吏始知有法守矣市人困於官估丐奪之擾洵為移書一路罷官除市籍百貫得贖物價為平復上奏請均其法于諸路詔施行之丁籍久失開收口賦之逋均及鄰伍流亡日衆洵選吏分行覈其實而除之一路所蠲凡十有五萬口流冗浸復瀕海蛋戶數萬生理至微亦有役于州縣洵悉免之按行所部雖烟瘴荒遠無所憚訪

問疾苦俾理冤抑不可勝計草外銓區閱徇私之弊人無怨言江浙歲飢有旨發二廣羨倉米航海詣永嘉往時常有此役吏並緣以擾民而米不時達洵處之有方且并西道所發轉致之不越月而至永嘉者八萬斛永嘉人焚香迎拜步下曰此廣東運使活我也史正治為發運使專以括取諸道羨錢為己功諸道承風聽命不暇洵曰嶺外貧薄安得視它路財予緡錢千數正治怒欲陷洵為人告者乃已改使荆湖南路積官朝散郎卒朱熹銘其墓云

黃大記

對克莊字潛夫興化莆田人祖夙知温州父弼正吏部侍郎克莊通古今熟典故最為真德秀所知理宗朝領史職兼兩制論建多綱常國體君身之大者嘗為廣東提刑仰慕崖清獻公與之表章遺文祭真祠慕歎曰公之完名高節百世師也官至工部尚書加龍圖閣學士致仕卒諡文定有後村集行世

黃志

敖陶孫字器之福清人少儻有大志為文章援筆立就弱冠鄉薦遂補入太學韓侂胄逐朱熹陶孫首以詩送之趙汝愚請死陶孫哀之以文又揭詩於通衢云九原若遇韓忠獻休說渠家末世孫侂胄誅死陶孫登進士第為廣東運判詳諫明允

終溫陵僉判有體庵集

卷六

洪天錫字君時泉州晉江人寶慶二年進士授廣州司法長史盛氣待屬僚天錫糾正為多丁內艱免喪調湖州司理勢家奪民田天錫言於守還之帥方大琮辟真州判官留寘幕府改秩知古田縣調通判建寧府大水擅發常平倉振之權諸司緝糾院拜監察御史兼說書累疏言天下之患疏上至六七最後請還御史印謂人君當為後人除害不當留患以遺後人今朝廷輕給舍臺諫輕百司庶府而北司獨重倉卒之際臣實懼焉言雖不果行然終宋世而閹人不能竊美主威者皆天錫之力也而天錫亦自是去朝廷矣改大理少卿遷太常皆不拜改廣東提點刑獄五辭明年起知潭州久之始至官賊盜賊尊先賢踰年大治直賣謨閣遷廣東轉運判官決疑獄劾貪吏治財賦皆有法

宋史本傳

賈黃中字焞民滄州南皮人唐相耽四世孫父玘字仲寶晉天福三年進士解褐宋初為刑部郎中終水部員外郎知浚儀縣年七十卒玘嚴毅善教子士大夫子弟來謁必諄諄諄誘之初通判鎮州葬鄉黨從之未葬者十五喪孤貧不自給者咸教育而婚嫁之黃中幼聰悟方五歲玘每旦令正

立展書卷比之謂之等身書課其誦讀六歲舉童子科七歲能屬文觸類賦詠父常令蔬食曰俟業成乃得食肉十五舉進士授校書郎集賢校理遷著作郎直史館建隆三年遷左拾遺歷左補闕開寶八年通判定州判太常禮院黃中多識典故每詳定禮文損益得中號為稱職嶺南平以黃中為採訪使廉直平恕遠人便之還奏利害數十事皆稱旨

宋史本傳

李崇矩字守則潞州上黨人太平興國中由邕貴潯賓橫欽六州都巡檢使移瓊崖儋萬四州都巡檢使麾下軍士咸憚於行崇矩盡行器皿金帛凡直數百萬悉分給之眾乃感慨黎賊擾動崇矩悉抵其峒穴撫慰以已財遺其苗長眾皆懷附代還拜右千衛上將軍雍熙三年命代宋渥判右金吾衛仗兼六軍司事端拱元年卒年六十五贈太尉諡元靖在嶺海四五年恬不以炎荒嬰慮舊涉海多艤舟俟便風或旬餘或彌月崇矩往來皆一日而渡未嘗留滯士卒僮僕隨在皆無恙子繼昌仕拜連州刺史出知涇州祥符二年卒

黃志

秦義字致堯江寧人世在江左李煜之歸朝也遣義詣闕上符印太祖召見悅其趨對詳謹補殿直令督廣濟漕船太平興國中以積勞改西頭供奉

官決獄于淮南諸州淳化中為江淮制置權授閩門祇候兼制置礬稅景德初遷供備庫使知江陵府坐舉官不如狀削秩大中祥符初起授供備庫副使宿州監軍稍遷東染院副使明年廣州言澄海兵常捕宜賊頗希恩桀驚軍中不能制部送闕下上以遠方大鎮宜得材幹之巨鎮撫之宰相歷言數人皆不稱旨上曰秦義可當此任復授供備庫使充廣州鈐轄歷東染院使知蘇州又知泉州天禧四年卒義知書好為詩喜賓客頗有士風歷財貨之任凡十五年積勤練習號為稱職宋史本傳

趙振字仲威雄州歸信人景德中從石普于順安軍獲契丹陣圖授三班借職後數年為隰州兵馬監押累擢龍神衛四廂都指揮使鄜延路副都總管知延州代范雍尋改捧日天武四廂振謂將吏曰今賊以我夷傷必乘勝以進勢宜固守尚慮諸城不能皆如吾謀苟延州弗支則陝西未可測此天下安危之機也未幾賊寇塞門若振有兵幾八千按甲不動若中兵纔千人屢告急被圍五月才遣百餘人赴之若遂陷若主高延德監押王繼元皆沒于賊振坐擁兵不救為都轉運使龐籍所奏貶白州團練使知絳州未行會延德繼元家復訴於朝勅御史方偕就劾振法當斬再貶太子左清

道罕府率潭州安置踰年復右武衛將軍惠州團練使并代路兵馬鈐轄就遷副總管邠州團練使進博州防禦使改解州致仕復起為左神武軍大將軍卒振剛強自負有武力便弓馬喜謀畫輕財尚義眾樂為用宋史本傳

陳堯叟字唐夫解褐光祿寺丞直史館與省華同日賜緋遷秘書丞久之充三司河南東道判官時宋毫陳頴民飢命堯叟及趙況等分振之再遷工部員外郎廣南西路轉運使嶺南風俗病者禱神不服藥堯叟有集驗方刻石桂州驛又以地氣蒸暑為植樹鑿井每三二十里置亭舍且飲器人免賜死會加恩黎桓為交州國信史初將命者必獲贈遺數千緡桓責賦斂于民往往斷其手及足趾堯叟知之遂奏召桓子授以朝命而却其私覲又桓界先有亡命來奔者多匿不遣因是海賊頻年入寇堯叟悉捕亡命歸桓桓感恩并捕海賊為謝先是歲調雷化高藤容白諸州兵使輦軍糧汎海給瓊州其兵不習水利率多沉溺咸苦之北岸有透角場正與瓊對向風便一日可達與雷化高太平四州地水路接近堯叟因規度移四州民租米輸于場第令瓊州遣蛋兵具舟自取人以為便咸平初詔諸路課民種桑棗堯叟上言曰臣所部諸

州土風本異田多山石地少桑蠶昔云八蠶之綿
諒非五嶺之俗度其所產恐在安南今其民除耕
水田外地利之博者惟麻苧爾麻苧所種與桑柘
不殊既成宿根旋擢新幹俟枝葉裁茂則刈穫之
周歲之間三收其苧復一固其本十年不衰始離
田疇即可紡績然布之出每端止售百錢蓋織者
衆市者少故地有遺利民艱資金臣以國家軍須
所急布帛爲先因勸諭部民廣植麻苧以錢折變
收市之未及二年已得三千七萬餘匹自朝廷克
平交廣布帛之供歲止及萬較今所得何止十倍
今樹藝之民相率競勸杼軸之功日以滋廣欲望
自今許以所種麻苧頃畝折桑棗之數諸縣令佐
依例書歷爲課民以布赴官賣者免其算稅如此
則布帛上供泉貨下流公私交濟其利甚博詔從
之代還加刑部員外郎充度支判官會撫水蠻酋
蒙令國殺使臣命堯叟爲廣東西兩路安撫使
事平拜樞密學士宋史本傳

院使遣之至任卒宋史本傳
李允則字垂範濟州團練使諫溥子也少以材略
聞蔭補衙內指揮使改左班殿直真宗時歷四方
館引進使高州團練使天禧二年以客省使知鎮
州徙潞州仁宗卽位領康州防禦使天聖六年卒
允則不事威儀間或步出遇民有可語者延至與
語以是洞知人情訟至無大小面訊立斷善撫士
卒皆得其用盜發輒獲人亦莫知所由身無兼衣
食無重饍不畜資財在河北二十餘年事功最多
其方略設施雖遇於遊觀亭傳間後人亦莫敢隳
至於國信往來費用儀式多所裁定晚年居京師
有自契丹亡歸者皆命舍允則家允則死始寓樞
密院大程官營宋史本傳
趙滋字子深開封人父士隆天聖中以閤門祇候
爲郊寧環慶路都監戰沒錄滋三班奉職累遷西
上閤門副使歷知安肅軍保州滋強力精悍有吏
能所在稱治會契丹民數違約乘小舟漁界河中
吏憚生事累歲莫敢禁後又遣大舟十餘自海口
運鹽入界河朝廷患之以滋可任徙知雄州滋戒
巡兵舟至輒捕其人殺之輦其舟移文還涿州漁
者遂絕契丹因使人以爲言而知瀛州彭思永河
北轉運使唐介燕度皆以滋生事請罷之朝廷更

以為能擢龍神衛四廂都指揮使嘉州團練使遷
天武捧日四廂都指揮使英宗即位領端州防禦
使步軍都虞侯賜白金五百兩畱再任

宋史本傳

張忠開封人初隸龍騎備征選為教駿有軍校恣
拏斂忠毆殺之坐配鼎州既遁去為盜復招出隸
龍猛軍以材武補三班借職陝西總管司指使數
攻破堡砦殺劇賊張海郭逸山從平恩州功第一
累遷如京使資州刺史歷真定府定州高陽關京
東西路兵馬鈐轄儂智高反就移廣東領英州團
練使初智高圍廣州時洪州駐泊都監蔡保恭及
知英州蘇緘以兵八千人據邊渡村扼賊歸路忠
奪而將之謂其下曰我十年前一健兒以戰功為
團練使若曹勉之於是不介騎而前會先鋒遇賊
奔忠手拉賊帥二人馬陷淖不能奮遂中標鎗死
焉

宋史本傳

蔣偕字齊賢華州鄭縣人幼貧有立志父病嘗割
股以療父愈詰之曰此豈孝耶曰情之所感實不
自知也舉進士補韶州司理參軍以秘書省著作
佐郎為大理寺丞徙恩州領韶州刺史屬兵糧乏
絕朝廷方募民入粟增虛直給券詣京師射取錢
貨謂之交鈔患未有應令者偕使州倉謬為入粟
數輒作鈔遣屬官持至京師轉質得緡錢以補軍

食為御史彈奏降知防州儂智高反除官苑使韶
州團練使為廣南東西路鈐轄賊方圍廣州偕馳
傳十七日至城下戰士未集會儂智高徙軍沙頭

安撫楊叟檄偕焚糧儲退保韶州坐此降潭州駐
泊都監再降北作坊使忠州刺史命未至軍大賀
州太平場賊夜入營襲殺之贈武信軍節度觀察
畱後初偕入廣州即數知州仲簡曰君畱兵自守
不襲賊又縱步兵誅平民以幸賞可斬也簡曰安
有團練使欲斬侍從官偕曰斬諸侯劍在吾手何
論侍從左右解之乃止

宋史本傳

蕭注字巖夫臨江新喻人磊落有大志尤喜言兵
常言四方有事吾將兵數萬鼓行其間戰必勝攻
必取豈不快哉舉進士攝廣州番禺令儂智高圍
州數月方舟數百攻城南勢危甚注自園中出募
海濱壯士得二千人乘大舶集上流因颶風起縱
火焚賊舟破其寨即日發縣門納援兵民持牛酒
芻糧相繼入城中人始有生意自是每戰以勝歸
蔣偕上其功擢禮賓副使廣南駐泊都監賊還據
邕管余靖患其嘯誘諸洞以屬注注挺身入蠻中
施結恩信狄青師次賓州召會諸將疑注倚賊聲
勢為姦利欲誅之注覺託為游辭不肯往賊破青
始聞注前功以知邕州智高走大理國母與二弟

寓特磨道注帥師往討獲一裨將引致卧內與之
語具得賊情悉擒送闕下拜西上閤門副使募死
士使入大理取智高至則已爲其國所殺函首歸
獻轉爲使宋史本傳

郊賈字正夫太倉農家子自幼讀書識度不凡嘉
祐中進士初授睦州團練推官知於潛縣未赴熙
寧三年詔天下陳理財省費興利除害之策賈自
廣東安撫司機宜文字爲書陳蘇州水利王安石
善之五年授司農寺丞提舉興修兩浙水利民不
爲便遂罷歸治所居之西水田曰大泗讓者如所
陳之說圩岸溝澮場圃俱用井田之制歲入甚厚
圖狀以獻且以明前法非苟然者復爲司農寺簿
遷丞預修本寺制式頗號完密除江東轉運判官
元祐初入爲大府丞出知溫州以比部郎中召未
至卒黃志

蘇絨字宜甫泉州晉江人舉進士調廣州南海主
簿州領蕃舶每商至則擇官閱貨其貨商皆豪家
大姓習以客禮見主者絨以選往商樊氏輒升階
就席絨詰而杖之樊訴于州州召責絨絨曰主簿
雖卑邑官也商雖富部民也邑官杖部民有何不
可州不能詰累遷秘書丞知英州儂智高圍廣絨
曰廣吾都府也且去州近今城危在旦暮而不往

救非義也卽募士數千人委印於提點刑獄鮑軻
夜行赴難去廣二十里止營廣人黃師宓陷賊中
爲之謀主絨擒斬其父羣不逞並緣爲盜復捕殺
六十餘人招其誑誤者六千八百人使復業賊勢

沮將解去絨分兵先扼其歸路布槎木互四十里
賊至不得前乃遠出數舍渡江由連賀而西絨與
賊戰摧傷甚衆盡得其所略物時諸將皆罷獨絨
有功仁宗喜換爲供備庫副使廣東都監管押兩
路兵甲遣中使賜朝衣金帶襲賊至邕大將陳曙
以失律誅絨亦貶房州司馬復著作佐郎監越州
稅十餘年始還副使知廉州屋多茅竹戍卒楊禧
醉焚營延燒民廬因乘以爲竊絨戮之於市又坐
謫潭州都監未幾知鼎州熙寧初進如京使廣東
鈐轄宋史本傳

趙士嶠字仰夫太宗五世孫初以廕補官累轉太
子率府副率建炎初隆祐太后幸洪州敵奄至百
司散走士嶠至一大船中見二帝御容負以走遇
潰兵數百同行至山中衆欲聚爲盜士嶠出御容
示之曰盜不逼求食爲朝夕計耳孰若仰給州縣
士嶠以近屬諭之必從如此則今日不飢餓後日
不失賞是一舉而兩得也衆聽命乃走謁太后虔
州會虔民作亂鄉兵在外爲應與官軍相持士嶠

詣執政謂當請太后急肆赦人知免死庶可安集
又宜急諭城中城中定則外寇可弭譬如服藥心
腹已安外禦風濕乃餘事耳赦既下城中遂定遷
右監門衛大將軍惠州防禦使宋史宗室傳

楊思溫清江人登紹興進士第乾道八年陞中奉
大夫清海軍節度使寬惠慈和民賴撫綏開禧二
年致仕去民不能舍黃志

毛炳廣西富川人倜儻不羈好讀書乾道中以平
寇功陞廉州都巡檢使寇犯境死於難累贈太尉
諡武烈粵大記

陳韓字子華福州侯官人父孔碩為朱熹呂祖謙
門人韓讓父郊恩與弟韞登開禧元年進士從葉
適學嘉定十四年賈涉開淮閩辟京東河北幹官
紹定六年進寶章閣待制知隆興府贛寇陳三槍
據松梓山砦出沒江西廣東所至屠殘韓遣官吏
諭降賊輒殺之乃謂盜賊起於貪吏劾其尤者二
人又謂盜賊稽誅以臣下欺誕事權渙散所致若
決計蕩除歲月可畢十一月詔節制江西廣東福
建三路捕寇軍馬韓奏遣將劉師直扼梅州齊敏
扼循州自提淮西兵及親兵擣賊巢穴十二月兼
知贛州端平元年正月進華文閣待制江西安撫
使二月至贛州斬將士張皇賊勢及掠子女貨財

者齊敏李大聲所至克捷三月分兵守大石堡截
賊糧道遂破松梓山三槍與餘黨緹厓而遁韓親
督諸將乘春瘴未生薄松梓山賊率精銳下山迎
敵旂幟服色甚盛韓軍步騎夾擊又縱火焚之士
皆攀厓上賊巢蕩為煙埃賊首張魔王自焚斬千
五百級禽賊將十二得所掠婦女牛馬及僭偽服
物各數百計三槍中箭與敏軍遇擊敗之賊遁翼
日追及下黃又敗之餘眾尚千餘雍獮略盡三槍
僅以數十人遁至興寧就禽檻車載三槍等六人
斬隆興市初賊跨三路數州六十砦至是悉平詔
曰韓忠勤體國計慮精審身任討捕之責江閩東
廣訖底安輯乃進權工部侍郎仍知隆興兼江西
安撫使未幾為工部侍郎改江東安撫使知建康
府兼行官留守宋史本傳

趙汝賢宋宗室也淳祐間兩帥廣前後凡五年公
勤清平始終如一獄吏舊以鞠賊為奇貨一盜坐
囚百家股慄一切禁絕吏不得逞民受其賜州貢
院舊苦湫隘廣斥之出入場屋者便之運判宏齋
包恢大書其事立于學宮黃志
何侂字德獻龍泉人以蔭調攝縣事後除經畧安
撫廣南四路盜聞風解散侂撫摩瘡痍之民奉宣
寬大之詔剔蠹除罅繕甲厲兵一路賴以保障者

二十餘年浙江通志

袁杭字立之洪州南昌人舉進士得同學究出身調陽朔縣主簿薦補桂州司法參軍撫水蠻寇融州轉運使命獻可檄杭權融州推官督兵糧與謀軍事蠻治舟且至杭即楊梅石門兩隘建水柵二據其衝賊不得入後因置戍不廢事平特遷衡州推官改大理寺丞累遷國子博士知南安軍擢提點廣南東路刑獄浙東叛卒鄂鄰抄閩越轉南海與廣州兵逆戰海中值大風有告鄰溺死者杭獨曰是日風勢趨占城鄰未必死後果得鄰於占城累遷光祿少卿分司南京明堂覃恩改少府監卒杭喜藏書至葛卷江西士大夫家鮮及也杭子陟少刻厲好學善為詩終殿中丞宋史本傳

以私得薦吾耻之去弗就後二年遂首選登第年方十六慶厯中知冀州蠻入寇桂管騷動革經畫軍需先事而集移書安撫使杜杞請治諸郡城及易長吏之不才者復言嶺外小郡合四五不當中州一大縣無城池甲兵之備將為賊因宜度遠近并省之後儂智高來九郡相繼不守皆如革慮知婺泉二州提點廣東刑獄以廉明著聲神宗稱之後以光祿卿致仕志

祖無擇字擇之上蔡人進士高第厯知南康軍海州提點淮南廣東刑獄廣南轉運使入直集賢院時封孔子後為文宣公無擇言前代所封曰宗聖曰奉聖曰崇聖曰恭聖曰褒聖唐開元中尊孔子為文宣王今以祖諡而加後嗣非禮也於是下近臣議改為衍聖公出知袁州自慶厯詔天下立學十年間其做徒文具無命詔之實無擇首建學官置生徒郡國絃誦之風由此始盛宋史本傳

周敦頤字茂叔道州營道人元名敦實避英宗舊諱改焉以舅龍圖閣學士鄭尚任為分寧主簿厯合州判官事不經手吏不敢決雖下之民不肯從部使者趙抃惑於譖口臨之甚威敦頤處之超然通判虔州虔守熟視其所為乃大悟執其手曰吾幾失君矣今而後乃知周茂叔也熙寧初知郴州

用林及呂公著薦為廣東轉運判官提點刑獄以
 洗冤澤物為己任行部不憚勞苦雖瘴癘險遠亦
 緩視徐按以疾求知南康軍因家廬山蓮花峯下
 前有溪合於湓江取管道所居濂溪以名之林再
 鎮蜀將奏用之未及而卒年五十七宋史本傳
 林積字公濟龍溪人也慶厯中循州判官廉謹方
 嚴嘗覆強盜獄多平反忤部使者意初使者欲薦
 積因是已之積笑曰失一薦章而活五十八人吾
 何憾焉改治安福六合皆有政績繼至泗州調對
 神宗嘉其廉能除江西運判徙廣東提刑召為三
 司度支判官遷駕部中太府少卿出知福州移河
 南轉運使卒黃志
 陳中復字從道莆田人熙寧六年進士轉廣南東
 路提點刑獄事會劉三花嘯聚潮梅循惠皆騷動
 徽宗手劄委中復規畫不踰月賊平擢中大夫召
 還卒福建通志
 陳孝則字永仲宣和三年進士調東莞尉改判潮
 州納苗賦令民自槩量知英州奏罷涵口稅場人
 便之除廣南東路提點刑獄有盜賂守獄者逸去
 誣繫他舶商孝則驗其冤釋之同上
 郭孝友字次仲浙之龍泉人政和進士歷提點廣
 南東西路刑獄捐賜從躬按厯貪懦守令劾奏不

宥累官工部侍郎秦檜與金約和廷議多不合檜
 以孝友同舍生冀其附已孝友曰議和非至計因
 遂銷兵如後患何士大夫豈好生事者願密思之
 檜不澤曰次仲亦爾即以敷文閣待制致仕本傳
 方信孺字孚若興化軍人有雋才未冠能文周必
 大楊萬里見而異之以父崧卿蔭補番禺縣尉盜
 劫海賈信孺捕之盜方沙聚分鹵獲惶駭欲趨舟
 信孺已使人負盜舟去矣乃悉縛盜不失一人韓
 侂胄舉恢復之謀諸將債軍邊費不已朝廷尋悔
 金人亦厭兵乃遣韓元覲來使而都督府亦再遣
 壯士遺敵書然皆莫能得其要領近臣薦信孺可
 使自蕭山丞召赴都命以使事信孺曰開聲自我
 金人設問首謀當何以答之侂胄矍然假朝奉郎
 樞密院檢詳文字充樞密院參謀官持督帥張巖
 書通問于金國元帥府信孺自春至秋使金三往
 返以口舌折彊敵金人計屈情見然憤其不屈議
 用弗就己而王桷出使定和議增幣函首皆前信
 孺所持不可者桷曰廟堂使信孺辦折敵首於彊
 復未易告語之時信孺當其難桷當其易桷每見
 金人必問信孺安公論所推雖敵人不能掩也乃
 詔信孺自便尋知韶州宋史本傳
 楊萬里字廷秀吉州吉水人中紹興二十一年進



士第爲贛州司戶調永州零陵丞時張浚謫永州杜門謝客萬里三往不得見以書力請始見之浚勉以正心誠意之學萬里服其教終身迺名讀書之室曰誠齋浚人相薦之朝除臨安府教授未赴丁父憂改知隆興府奉新縣戢追胥不入鄉民逋賦者揭其名市中民謹趨之賦不擾而足縣以大治會陳俊卿虞允文爲相交薦之召爲國子博士侍讀張栻以論張說出守袁州萬里抗疏留栻又遺允文書以和同之說規之栻雖不果爾而公論偉之遷太常博士尋升丞兼吏部右侍郎官轉將作少監出知漳州改常州尋提舉廣東常平茶鹽盜沈師犯南粵帥師往平之孝宗稱之曰仁者之勇遂有大用意就除提點刑獄請于湖惠二州築二砦湖以鎮賊之巢惠以扼賊之路俄以憂去免喪召爲尙左郎官

宋史本傳

詹儀之字體仁嚴陵人紹興二十一年進士淳熙二年爲廣南東路提點刑獄下車首建周濂溪祠張栻爲之記三年擢廣東轉運使論實鹽官鬻之弊孝宗聽之尋擢吏部侍郎

志

管鑑字仲明臨川人以父蔭補官任至廣東提刑權知七印吏不能欺減惠潮七郡丁租置廣安宅以給士夫南遷不能還者其幹公務恤民隱未嘗

少倦也

黃志

廖德明字子晦南劍人少學釋氏及得龜山楊時書讀之大悟遂受業朱熹登乾道中進士第知莆田縣民有奉淫祠者罪之沉像於江會有顯者欲取邑地廣其居德明不可守會僚屬諭之德明日太守天子守土之臣未聞以土地與人者守乃慙服累官知潯州有聲諸司且交薦之德明日今老矣况以道徇人乎固辭不受選廣東提點刑獄彈劾不避權要歲當薦士朝貴多以書託之德明日此國家公器也悉不啟封還之鄉人爲主簿德明聞其能薦之會德明行縣簿感其知己置酒延之悉假富人觴豆甚盛德明怒曰一主簿乃若是侈耶必貪也於是追還薦章其公嚴類此時盜陷桂陽迫韶韶人懼德明燕笑自如遣將馳擊而親持小麾督戰大敗之乃分戍守遠斥埃明審賞罰宣布威信韶晏然如平時徙知廣州遷吏部左選郎官奉祠卒德明初爲潯州教授爲學者講明聖賢心學之要手植三柏于學潯士愛敬之如甘棠在南粵時立師悟堂刻朱熹家禮及程氏諸書公餘延僚屬及諸生親爲講說遠近化之嘗語人以仕學之要曰德明自始仕以至爲郡惟用三代直道而行一句而已有槎溪集行于世

宋史本傳



楊大異字同伯唐天平節度使漢公之後從胡宏受春秋大義登嘉定十三年進士第擢知登聞鼓院遷大理寺丞平反冤獄者七召對極言時政得失迂宰相意出知禮州理宗曰是四川死節更生者楊大異耶論事剴切有用之材也何遽出之對曰是人尤長於治民命予節廉庾事進直秘閣提點廣東刑獄兼庾事時常平司逋負山積械繫追索姦蠹百出大異與之約悉縱遣之負者如期畢輸吏無所容其姦訪張九齡曲江故宅建相江書院以祀九齡改提點廣西刑獄兼漕庾二司所至姦吏屏息寇盜絕迹凡可以為民興利除害者必奏行之復建宣成書院祀張栻呂祖謙廣海幅員數千里道不拾遺報政為最宋史本傳

何坦廣昌人淳熙十一年進士少貧好學提刑廣東杜絕請託洗冤澤民斷獄得情以廉平為嶺南首稱官至寶謨閣學士卒諡文定又有湯露者延平人復齋先生陳宓門人也宓守延平盡行先子之化露得其傳言出人從時及教授韶州士多崇信權學謝升賢修學未完露節縮經繼之乃底于成黃志

吳與字可權漳浦人徙居龍溪知四會縣有惠政嘗論事憲臺燕若蒙厲聲曰乃欲效漢唐令耶答

曰固願學之恨不至耳燕為改容徙學省罰有循良風累遷奉議郎通判潮州終廣東提刑尊大

鄒非熊字宗望宜黃人登淳熙中進士授樂昌尉獲強盜耻受賞修復石渠以溉田民有去思辟曲江令平反獄事活死囚十有二邑人刻石民有張九韶者被盜獲執平民煨煉誣服非熊力爭破械遣之居亡何真盜敗九韶失物咸在人服其明遷判韶州陞辭陳三事上嘉納之官至廣東提刑自號行岩持論勁為文典人甚服之黃志

余炎字伯華永豐人登淳祐進士第授廣東提刑持已廉潔當時立廉吏碑公居其一也同上

陳光祖字世德除廣東提刑作欽恤編以戒僚屬新濂溪祠以崇道學罷一切無名之征官至朝奉郎福建通志

芮華字國器烏城人登進士官至左從政郎嘗和沈長清詩云寧令漢社稷變作莽乾坤秦檜惡之坐謫武岡軍竄化州檜死始放還隆興二年召用為廣東提刑以文章飾吏事雍容儒雅人推重之後為國子司業晚歲詩益奇有文集藏于家黃志

陳均字子公平陽人舉進士除大理丞出為廣東提刑狃寇犯邊漕帥邀功縱殺囚數十平民于獄均審覈盡釋之帥不悅媒孽于臺罷去浙江通志

孫馨字叔靜錢塘人父直言徙揚之江都馨年十五遊太學蘇洵滕甫稱之用父任調武平尉捕獲名盜數十謝賞不受再調越州司法參軍守趙朴薦其材知偃師縣蒲中優人詭僧服隱民間以不語惑眾相傳有異法奔湊其門馨收按姦狀立伏辜韓績鎮長安辟入府績去後來者仍挽之使畱居五年簽書西川判官或薦于朝召對擢提舉廣東常平馨篤于行義在廣東時蘇軾謫居惠州極意與周旋二子娶晁補之黃庭堅女黨事起家人危懼馨一無所顧時人稱之宋史本傳

李綸字世美泉州人以蔭歷仕有清操淳熙初提舉廣東常平身大適伯兄維出守恩平酌於江濱弟兄相勵以清白傳家綸慷慨言曰倘負斯言有如此水投杯于江時江流洶洶杯停不沒者久之觀者無不驚歎民歌之曰石門之水清且清良吏一敵千古榮爭如李公投杯盟江流洶洶杯停淨至今刻石與吳隱之酌貪泉詩對峙福建通志

韓璧淳熙間為瓊管帥出入阡陌勞來不倦期年化成黎人感慕願供田稅黃志

劉煥字晦伯建陽人與弟韜仲受學于朱熹呂祖謙乾道八年舉進士通判潭州未上丁父憂偽學禁興煥從熹武夷山講道讀書怡然自適築雲莊

山房為終老隱居之計調贛州坑冶司主管文字差知德慶府大修學校奏便民五事又奏罷兩縣無名租錢糾集武勇民兵入奏轉提舉廣東常平令守臣歲以一半易薪春末支及冬復償存其半以備緩急逋欠亭戶錢十萬轉運司五萬煥以公使公用贏錢補之奏義倉之做客丁錢之做小官奉給之做舉畱守令之做召入奏事首論公道明則人心自一朝廷自尊雖危可安也公道廢則人心自二朝廷自輕雖安易危也帝嘉獎遷尙左郎官累官刑部侍郎乞罷瑞慶聖節謝絕金使進封子爵權工部尙書賜衣帶鞍馬太子右庶子仍兼左諭德卒贈光祿大夫官其後諡文簡宋史本傳

趙逢龍字應甫慶元之鄞人刻苦自修為學淹博純實登嘉定十六年進士授國子正太學博士歷知興國信衢衡袁五州提舉廣東湖南福建常平每至官有司例設供張悉命撤去日具蔬飯坐公署事至卽面問決遣為政務寬恕撫諭惻怛一天理民彝為言民是以不忍欺居官自常奉外一介不取民賦有逋負悉為代輸尤究心荒政以羨餘為平糶本宋史本傳

楊克讓字慶孫馮翊人晉末舉進士開寶初為西川轉運使代還疏民利病十事歷知廣州兼轉運

市舶使藝祖以克讓奏十事稱旨詔升殿慰勞面

賜金紫郝志

蕭汝諧字君俞廬陵人定基子以父任補秘書省

校書郎登慶歷第監廣州市舶歲賦增百萬彭思

永薦其可任臺諫盧陵縣志

在中師字祖聖進士及第試秘書省校書郎知平

陸縣真宗將祀汾陰命陳堯叟判河中府以經制

祀事辟掌殿奏累遷著作佐郎歷知千乘襄邑縣

改秘書丞以張知白薦遂為右正言中正貶中師

亦降太常博士監宿州酒稅未幾通判應天府曹

利用辟為羣牧判官徙知滑州入為開封府判官

累遷尚書度支郎中直史館知澶州以太常少卿

直昭文閣知廣州視事之明日吏白故事當謁諸

祠廟而解有淫祠中師遽命撤去之兼市舶使市

舶置使自此始宋史本傳

李鞅字彥淵杭州富春人崇寧二年進士宣和初

提舉廣東市舶珍貨一無所取舶聞輻湊比召還

盜邀之隨行書帙而已斂迹避去杭州府志

陳穎字奇之泉州人以父蔭入官知海陽縣治以

寬慈盡蠲無名之賦人號陳佛子後知惠州妖覲

嘯徒策日為變帥臣欲以兵捕之穎謂捕則堅其

必死心不若撫之使定竟就招提舉廣東市舶卒

泉州志

章元振嘉興人紹興中知肇慶改廣東提學奏檜

同登第甘干遠宦未嘗以私干檜人服其不阿黃志

韓謹字去華晉江人崇寧二年進士調南海尉以

捕盜賞改宣議郎除處州教授著詩禮義解上之

辟雁長貳稱獎授之朝召為國子博士改廣南東

路提舉學士自巡尉未再期擁使持節一方歆艷

罷歸以所著義理數篇見當路朝廷大開禮制即

日除編類御筆所編類官兼禮制檢官一日抗章

謝事誥及門家人訝不素告謹曰告則事不成矣

同僚劾奏請留朝廷還以舊職未就卒同上

廣東通志卷二百二十八

宦績錄八

| | |
|---------------------------|-------------------------|
| 李惟清 | 徐休復 |
| 許仲宣 | 雷有終 |
| 張鑑 | 馬亮 |
| 楊覃 | 陳世卿 |
| 陳從易 | 狄棐 |
| 劉夔 | 劉湜 |
| 李兌 | 盧士宏 |
| 張頡 | 蔣之奇 |
| 章彙 | 曾孝廣 |
| 唐義問 | 留恭 |
| 周樞 | 運南夫 |
| 陳橐 | 王宗已 |
| 趙良坡 | 陳樸 |
| 李迪 | 陳埜 <small>以上知廣州</small> |
| 曹光寶 | 王益 |
| 常九思 <small>樂溫故王之才</small> | 陳宗愚 |
| 蘇伯材 | 張大年 |
| 劉元剛 | 陳奕 <small>以上知韶州</small> |
| 周彥先 | 湯夢觀 |
| 傅大聲 | 梁克俊 |

趙善謫

韓京

留正

黃學行

鄭翰

宋翊

朱挺

彭彥班以上知循州

王舉元

彭思永

王滌曹登

吳達老

傅自修

黃定

張秀樗

丁允元

陳宏規

林嶸

王自求

曾靈

孫叔謹宋敦書

許應龍

劉克遜

鄭良臣

陳圭

洪天驥

牟滌以上知潮州

董樞

林槩以上知連州

劉安雅

柯宋英方漸

陳模

顏楠

鄭至果

蒲壽晟以上知梅州

張雍

查陶

張士遜鄭天益

章得象

蕭渤

俞獻卿

潘邁

連希覺

范處厚

趙善僕

黃庶

孫宥

黃晟

以上知南雄州

宋

李惟清字直臣下邑人父仲行為章邱簿因徙家焉開寶中惟清以三史解褐累遷給事中充鹽鐵使淮南權貨務左授衛尉少卿俄出知廣州謹敕不苛珍貨一無所取至道初就拜右諫議大夫太宗以廉平詔獎之二年徙廣南東西路都轉運使召拜給事中終御史中丞卒黃志

徐休復字廣初濮州人太宗時第進士歷樞密直學士太平興國中知廣州時轉運使王延範有異圖休復因懷勇小將張霸告其事馳奏之黃志延範初判梓州有杜先生以左道惑眾謂延範曰汝意有所之我當陰為之助延範心喜敢為恣橫後為江南轉運使有劉昂賣卜於吉州市其言多驗謂延範曰公當偏霸一方又有徐肇為延範推九官算法得八少一肇驚起曰君侯大貴不可言當如江南李國主前戎城主簿田辨自言善相謂延範曰君是坐天王形類伽眼仙人鼻雌龍耳虎望有大威德猛烈富貴之象也即日當乘四門輦至是有豹入其公宇噬傷數吏從者皆恐慄不敢進延範獨拔戟前逐刺殺之益以此自負與廣明掌務

殿直趙延貴將作監丞雷說會宿觀天象延貴指西方一大星曰此所謂火星入南斗天子下殿走者也雷說出星經證之乃太白行度經南斗延貴謬為火星也延範日夕與掌市舶陸坦議欲發兵會坦代歸延範寓書左拾遺章務昇為隱語偵朝廷機事延範奴視僚屬峻刑多怨會懷勇小將張霸給使轉運司延範因事杖之知延範與休復不協詣休復告延範將謀不軌及諸不法事休復馳奏之太宗遣高品閻承翰乘傳會轉運副使李瑁暨休復雜治延範具伏與昂辨坦俱斬廣州市籍沒延範家務昇除名配商州延貴等皆抵罪賜霸錢十萬宋史王延範傳

許仲宣字希柔青州人漢乾祐中進士宋初赴調引對便殿氣貌雄偉太祖悅之擢授太子中允太宗時為廣南轉運使會用兵自廉欽征交州其地炎瘴士卒死者十二三大將孫全興等失律仲宣因奏罷其兵不待報即以兵分屯諸州開庫賞賜章檄書以諭交州黎桓即送款內附遣使修貢仲宣復上章待罪帝嘉之太平興國六年遷吏部郎中雍熙四年出知廣州未至移知江陵府後遷給事中卒仲宣性寬恕僮僕不檢有心計慮變晏然人服其量黃志

雷有終同州郃縣人以蔭補漢州司戶參軍淳化初遷少府少監知廣州二年女弟瑁衛濯訟其家法不謹責授衡州團練副使俄丁外艱行及許田召歸有終江淮兩浙荆湖福建廣南路茶鹽制置使就出鹽產茶之地便宜裁制宋史雷德驥傳張鑑字德明瀛州團練使藏英之孫父裔以蔭補供奉官鑑本將家幼能嗜學入衛州霖落山肄業凡十餘年太平興國三年擢進士第釋褐大理評事監察州柴墟權務升朝為太子右贊善大夫知婺州就遷著作郎還拜監察御史奉詔決獄江左頗雪冤滯歷殿中侍御史真宗卽位遷給事中使如故咸平初改工部侍郎出知廣州居二年民條其政績上請刻石三年移知朗州溪洞羣蠻數寇擾鑑召酋長諭以威信皆俯伏聽命初鑑在南海李夷庚為通判謝德權為巡檢皆與之不協二人密言鑑以貨付海賈往來貿易故從小郡至是鑑自陳有親故謫瓊州每以奉米付商舶寄贍之又言夷庚德權檢人貪凶之狀上意稍釋召還徒知相州宋史本傳馬亮字叔明廬州合淝人舉進士為大理評事知蕪湖縣再遷殿中丞通判常州擢知濮州歷遷殿中侍御史真宗時以右諫議大夫知廣州時宜州

陳進初平而澄海兵從進反者家屬二百餘人法當配隸亮悉置不問鹽戶逋課質其妻子於富室悉取以還其家海舶入不至使招來之明年至者倍其初珍貨大集朝廷遣中使賜宴以勞之是歲東封亮教諭大食陀婆離蒲舍沙貢方物泰山下仁宗初拜尙書右丞復知廬州召判尙書都省兼知審刑院遷工部尙書知亳州又遷江陵府以太子少保致仕卒贈尙書右僕射宋史本傳楊覃字申錫漢太尉震之後太平興國八年舉進士擢第授徐州觀察推官改著作佐郎知戎州再遷太常博士使陝西通負覃本名蠲至是太宗為改焉大中祥符二年代馮亮為淮南江浙荆湖制置發運使月餘改太常少卿直昭文館知廣州覃勤於吏事所至以幹濟稱南海有番舶之利前後牧守或致誦議惟覃以廉著遠人便之加右諫議大夫四年卒年五十四遺其長子泰禮郎文友乘傳赴喪詔本州護柩還其家官給所費錄其次子敏為揚州司士參軍宋史本傳陳世卿字光遠南劍人雍熙二年登進士第解褐衡州推官再調東州節度推官人為秘書郎遷太常寺丞知新安縣或薦其堪任憲臺卽召歸會張鑑出知廣州表為通判將行召見賜緋加太常博

士大中祥符四年改度支員外郎出為荆湖北路轉運使屬澧州慈利縣下溪等四州蠻人侵縣境地四百餘里朝命世卿與閣門祗候史方知澧州劉仁霸同領兵討之遂還所侵地標正經界取其要領又令納所掠漢口千餘復置澧州武口等砦以控制之自是平定有詔嘉獎還朝屢述溪洞利害召對真宗器其材復自言願效用於煩劇會邵奕知廣州被疾乃授世卿秘書少監代之加賜金紫郡有計口買鹽之制人多不便至即奏除之宋史本傳

陳從易字簡夫泉州晉江人進士及第為嵐州團練推官再調彭州軍事推官累遷太常博士出知邵武軍預修冊府元龜改監察御史真宗宴近臣崇和殿召從易預賦詩稱旨遷侍御史改刑部員外郎直史館知虔州會歲大饑有持杖盜取民穀者請一切減死論凡生者千餘人天禧中坐薦送別頭進士失實降工部員外郎以父老求鄉郡宰相寇準惡其疎已除吉州從易因對自言改福州未行遭父喪服除糾察在京刑獄出為湖南轉運使徙知荆南擢太常少卿直昭文館知廣州又坐嘗課校大清樓書字非偽誤而從易妄判竄之降直史館明年復職在廣三年以清德聞宋史本傳

狄棐字輔之潭州長沙人少隨父官徐州以文謁路振振器愛之妻以女舉進士甲科以大理評事知分宜縣歷開封府司錄知壁州道長安為寇準所厚累遷太常少卿知廣州加直昭文館代還不以南海物自隨人稱其廉後以樞密直學士歷知陝鄭州河中河南府復判流內銓出知揚州未行卒棐為政愷悌不為表襮死之日家無餘貲子遵度舉進士以父任為襄縣主簿居數月棄去好為古文著春秋雜說多所發明嘗患時學靡做作擬皇太子冊文除侍御史制裴晉公傳人多稱之有集十二卷宋史本傳

劉夔字道元建州崇安人進士中第補廣德軍判官累遷尚書屯田員外郎權侍御史李照改製大樂鐘磬夔以為樂之大本與政化通不當輕易其器願擇博學之士以補卿丞凡四方妄獻說以要進者請一切罷之帝善其言歷三司戶部判官判度支句院江西兩浙淮南轉運使加直史館知陝州改太常少卿知廣州所至有廉名權三司度支副使桂陽監蠻唐和寇邊以右諫議大夫龍圖閣直學士知潭州兼湖南安撫使以戶部侍郎致仕英宗初遷吏部卒年八十有三宋史本傳劉湜字子正徐州彭城人舉進士為澶州觀察推

官再調湖南節度推官改秘書省著作佐郎知益都縣徙陰平再遷太常博士通判劔州審閬州獄活死囚七人王堯臣安撫陝西薦之擢知耀州累擢天章閣待制知江寧府奏運蘇州米五十萬斛以貸飢民除戶部郎中知廣州儂智高初平湜練士兵葺械器作鐵鎖斷江路有盜據山勅貸罪招之不肯降湜知爲山民資之食卽徙民絕餉盜困蹙乞降民安之居二年母老求內徙遂徙徐州湜喜曰昔布衣隨計今以侍從官三品復典鄉郡過始望矣

宋史本傳

李兌字子西許州臨潁人英宗時登進士第由屯田員外郎爲殿中侍御史加龍圖閣直學士知廣州爲政簡嚴人頌之自劉氏納土之後獨兌尤著清節還知河陽

黃志

盧士宏字子高新鄭人以父任屢更州縣所至著清名知信陽軍官捕爲妖術者餘黨懼及羣聚山谷間士宏請減其罪招之卽相率歸命徙知漢州校實民產使力役不濫人德之又知洋州先是圭田多虛藉士宏考校合隨實以輸自部使者而下皆十損七八文彥博包拯以廉能薦由三司開折司擢夔州路轉運使遂知廣州或傳安南舟數百泊海中將爲寇嶺徵驚搖士宏灼其非是日從賓

客宴游爲樂民賴以安

宋史本傳

張頡字仲舉其先金陵人徙鼎州桃源第進士調江陵推官累遷開封府判官提點江西刑獄廣東轉運使熙寧中章惇取南江地建沅懿等州克梅山與楊光僭爲敵頡居憂於鼎移書朝貴言南江殺戮過甚無辜者十八九浮屍蔽江民不食魚者數月惇疾其說欲分功啖之乃言曰頡昔令益陽首建梅山之議今日成功權輿於頡詔賜絹三百匹尋擢江淮制置發運副使改知荆南復徙廣西轉運使時建廣源爲順州將城之頡謂無益朝廷從其議坐梓罵參軍沈竦罷歸未幾以直集賢院知齊滄二州進直龍圖閣知桂州入覲帝首言卿鄉者論順州不可守信然時有獻言者謂海南黎人陳被蓋五洞酋領異時盛強且爲中國患今請出兵自効宜有以撫納之命頡處其事頡使一介往呼之出補以牙校喜而去詔問何賞之薄對曰荒徼蠻蠻無他覲得是足矣尋罷兵海外訖無事久之轉運使馬默劾其經理宜州蠻事失宜罷職知均州哲宗立還故職知鳳翔廣州召爲戶部侍郎

宋史本傳

蔣之奇字穎叔宜興人以伯父蔭得官擢進士第歷集賢殿修撰知廣州妖人岑深善幻聚黨二千

人謀取新興略番禺包據嶺表之奇遣鈐轄楊從先致討生擒之加寶文閣待制南海饒寶貨為吏者多貪聲之奇取前代牧守有清節者吳隱之宋璟盧象李勉等十人繪其像建十賢堂祀之冀變其習徙河北都轉運使黃志註徐績送頌叙詩并為重地而兵刑最大本朝選名賢即拜山陽太守不苛察而能恕實受其惠也作詩者因民之情述公之義送公之行亦以告諸越人也五嶺之南其極西微其秀大海水深山峻內有窟洞外有交陞風厚內堅其為骨髓免伏藏揀遠突起動如飄風則思之與威不可去一不無衡坐當一面則有帥臣按刑將濇要皆得人不可無衡坐當一面則能不擇官義不辭遠始聞有命裝以需青瑤角章藥鼎茶壺琴堂舊諸鈴閣新書史帙籤重詩囊卷粗前施齋舫後設行廚公既拜命不致安居過戒徒御迺建帆精鳴才擊鼓旂幟開張州人感思父老童稚知不可留以足頓地或前塞路或後從行或獻花酒或稿從兵或望於野或送一程即日渡江江南春早雪盡水消江山如掃柳徑桃蹊花芳草沽酒村遙賣魚船小晨散鳥羣春歸白鳥春正好時已到岳陽吳楚樓下蒼蒼茫茫岳陽樓上飛來流光江山水色湖口山青黃陵古樹沙路過洞庭湖中水綠湖口山青黃陵古樹沙路過衡陽雁去時飲一杯時吟幾句更望九嶷清詩無數攬勝登山日一西時錦錦唯叱取車不停驂乃有公日引手宜加舊制多募士兵宜使精銳可代城郭為民捍蔽公日民命懸在獄官不可不慎不可不親寬於善教勿失有罪惡人如虎養之成不害公日生民不可無教民之官縣合最要今則不然因於簿領甚者可除煩者則省仍復鄉官則無所病凡我部吏各茶厥職夜則精思晝則宣力一節富官赤心為國如此教告則精思晝則宣力一節則心悅諸公開之薦者交章朝廷器之下詔褒揚

召而用之 優於馮唐 章彙字質夫建州浦城人祖頰為侍御史彙以叔得象廕應舉試禮部第一官權戶部侍郎紹聖初加集賢殿修撰知廣州時廣人冒犯鯨波浩殖貨利不知有義以制其欲至於婦代夫訟父子異居兄弟骨肉急難不顧男女嫁娶至無媒妁喪葬之儀過禮越制彙以習俗積久卒未能化日夜積躬思以導之乃以教化所始莫先於學人倫之序莫先於教於是城西之學與尼寺相比其不合古制乃謀遷於城東番山之前日與學士諸生講論六經嘗告諸生日夫學不力不足以成德善不明不足以充擴其性誦孔孟之書學先王之道苟無至誠好善之實而不知性命死生之說外禍福富貴則何足以為君子儒哉文章可學而工也議論可講而到也魏科殊級可以力取也富貴利達可以苟達也皆世俗之所貴彼所謂貴者非良貴也君子之所以異於人者以其存心心之所存四端而已不誠其意不足以正心不正其心不足以齊家至於治國平天下之道一本諸心而已矣諸生其勉焉夫喪良心而逐外物君子謂之惑循虛名而忘實行君子謂之盜盜可為乎惑惑可久乎哉諸生其與師友朝夕講論德誼息心以明善不變

如魯之國是太守之所望柔平素以文人自負其
爲是論士人翕然稱之後以龍圖閣直學士致仕
卒黃志

曾孝廣字仲錫元豐末爲比外都水丞元祐中大
臣議復河故道召孝廣問之言不可出通判保州
久之復爲都水丞累擢戶部侍郎進尚書坐錢帛
不給費罷爲天章閣待制知杭州又以前聘契丹
失奉使體奪職尋復之移知潭州加顯謨閣直學
士知鄆州孝廣與胡安國鄒浩善皆大觀中忤時
相御史論之復奪職知饒州踰年徙廣州歷成德
軍太原府得故職以卒年六十贈正議大夫孝廣
泣官以嚴稱獲盜輒碎其首焉宋史本傳

唐義問字士宣江陵人質肅公介之子也善文詞
居官風力强敏以集賢殿修撰知廣州爲章惇所
忌以棄渠歸罪貶舒州團練副使補志

留恭字伯禮晉江人丞相正之子嘉泰中通判廣
州秩滿疏其惠愛二十事請留之部使者薦知南
康軍改知紹興府所至絕餽遺杜請謁捐租省役
時囑循吏後知廣州搖亂捕降其豪渠四十四洞
悉平卒贈秘閣修撰弟筠嘗獻備邊五策自江西
提刑移知廣州同上

周種字仁熟泰州人熙寧中擢第徽宗朝以右文

殿修撰知廣州番舶抵郡犀象香珠之屬悉選以
充獻日呈樣種一無所受終任不至船務其歸也
部人賦詩送行有三年清似鏡之句靖康元年卒
幼子方崇紹興中歷三院御史擢禮部侍郎黃志

連南夫湖北德安人高宗時累官廣東轉運使新
興饑發粟賑濟全活以萬計後知廣州兵馬鈐轄
韓京受命領兵三千屯營廣州恃恩不法南夫委
曲剗制京遂革心爲善會潰軍掠南雄招撫得宜
餘黨屯聚京擊破大盜七十餘屯民賴以安盜平
授建州觀察使知循州時兵燹之後邑里蕭條初
至循招集流亡百廢具興守循十年大有功於民
南夫啟導孚化之力也及金人歸河南地南夫賀
表云虞舜之十二州昔皆吾有商於之六百里當
念爾欺秦檜惡其語罷之粵大記

謹案郭棐撰此傳甚明郝志竟以韓京事
爲南夫事誤南夫未嘗知循州

陳棗字德應餘姚人登政和上舍第紹興二年除
監察御史後知廣州時兵興後廣東盜賊無安歲
十年九易牧守棗盡革弊政以恩先之留鎮三年
民夷悅服浙江通志

王宗己字子游長溪人紹興間進士爲增城令治
居廣東二十九縣之最上特書其名於御屏秩滿

調常熟縣時水軍統制馮某抑配民戶宗已奏乞
成約有旨除登聞鼓院尋知廣州遷知蘄州時待
闕者十餘人孝宗指其名示宰執曰是嘗宰常熟
者宜授之官終朝奉大夫黃志

趙良坡字深甫淳熙乙丑進士守禦廣州為元兵
生獲欲降之不屈元將義之放歸浙江通志

陳樸字端行永春州人乾道五年進士除知廣州
兼廣東安撫革弊例帑羨受代儲錢數十萬上於
朝福建通志

李迪字復古其先趙郡人淳祐十二年知廣州明
敏嚴於御軍戢吏治盜發奸摘伏時而用之猾胥
黠役重足側立不敢逞郡學舊無便門迪始開創
官牆數仞臺閣朔謁無下車庭殿之嫌民戶納地
基錢吏以名色括剋其來久矣迪一切革去自支
官錢與吏作糜費外不許妄取一文既造朝吏復
蒙蔽此意浸失至劉應龍來奠商服復取迪條貫
用之士民益動甘棠之思黃志

陳堦字子爽嘉興人歷京湖制置使司主管機宜
文字進集英殿修撰知婺州改知太平州兼江東
轉運副使請蠲放諸郡災傷加戶部侍郎進寶謨
閣待制知廣州權兵部尚書咸淳四年卒謚清毅
堦屢歷磨節軍民愛戴慕客盛多而堦又樂薦士

所著可齋頌稿二十卷同上

曹光實雅州人父疇為蜀靜南軍使扼邛峽以捍
蠻夷光實少武勇有膽氣輕財好施不事細行意
豁如也疇卒光實嗣職遷永平軍節度管內捕盜
遊奕使乾德中太祖命王全斌等平蜀全斌乃署
光實為義軍都指揮使殘寇猶據沈黎光實以所
部盡平之遂以光實知黎雅二州兼都巡檢使安
集勞來蠻族懷之六年秋全斌遣人貢京師遂言
境內安乂乞罷義軍歸農太祖喜謂左右曰此蜀
中傑俊也詔升殿勞問久之以為黎州刺史及平
交廣羣盜未息以光實為廣韶諸州都巡檢使既
至捕逐羣盜海隅以安宋史本傳

王益字舜良臨川人大中祥符間進士及第天聖
八年以殿中丞知韶州改太常博士尚書屯田員
外郎越嶺以南素習於夷無男女之別日浸月滋
為吏者師耳目謂俗止如此凡姦事雖得有可已
者皆不究益曰夫所謂因其俗豈謂是耶居郡求
姦事最急苟有明孽一切擿發窮治之屬縣翁源
多虎益教捕之令欲殫益言虎自死者五與之至
州為頌以獻益使歸之曰政在德不在異州有屯
兵五百人代者久不至欲謀為變事覺一郡皆駭
益不為動取其首謀者五人即日斷流之或請以

付獄不答既而聞其徒曰若五人者繫獄當劫之然後眾乃服韶居南方雖小州然獄訟最多號難治益治之有餘又因民之暇時爲之理營驛表坊市道巷使皆可以久遠爲後利丁父憂去終都官員外郎益卽安石之父也黃志

常九思河內人仁宗時知韶州心樂易而政精勤先是郡歲課丁夫刺船南海餽鹽數千萬石民重困憂獄訟益煩九思下車斥占名之卒以代之民得休息其後有欒温故知韶州日漕司欲以搖寇首豪插住州境温故拒不受民乃安堵罷三溪鹽場并草墟歲額在職二年市銅鑄錢三十萬貫侍從累表薦之又其後有王之才知韶州樂善好修敏而有才雖韶稱事劇而日有餘暇嘗新州學日與弟子員討論講解崇獎秀異俾之進業三人者皆以能理名粵大記

陳宗愚者不知何許人也天聖元年知韶州愛民勤政嘗修造東西兩浮橋復造水車引水入城以防火民蒙其利黃志

蘇伯材字廷構晉江人紹聖四年進士知潮陽有富民殺女姪吏爲致黃金三十斤求母入狀伯材立械治之籍金於官事連縣佐衆爲請伯材曰國法也悉案治之部使以聞特詔褒異擢知韶州時

憲司吏誣執翁源民爲盜以倖賞因賂縣官梁格就獄殺之伯材疏論格坐黥配吏伏辜福建通志

張大年浦城人政和五年進士周因帥廣西辟爲經略司治平蠻獠通判瓊州海寇陳韶等聞其威略率衆來降後知韶州卒於官同上

劉元剛字南夫吉水人嘉定進士官至韶州守理宗嘗立廉貪二碑元剛居廉碑第四經義考

周彥先字師古泰州人父嘉正以進士通判廣州終刑部郎中彥先以廢監廣州清遠縣鹽場爲轉運使所留以監市舶它吏方習爲奸昧事而彥先獨不買船中一物轉運使數稱之以媿它吏因薦彥先遂知循州之興寧縣至則相縣南三十里寧昌驛以爲治所能撫縣人卒於官吏民思之黃志

湯夢觀萍鄉人崇寧間舉進士知循州時蠻寇劫掠旁郡不敢入其境自相戒曰切莫犯此老子朝廷聞而嘉之同上

傅大聲字仲廣仙遊人淳熙中進士通判循州適寇起守稱疾大聲調發諸軍奮力鏖戰賊皆潰去未幾餘黨復猖獗諸司專委大聲督捕乃上禦賊數策漕使劉強學聽之頒行於廣東遂劾守不職以大聲攝州事尋奏爲眞閩城驢呼曰傅父爾留吾屬有依矣前數月郡圃有老松數株日出紫氣

如雲騰空而上及大聲拜守人以為德政所感守
上日有例冊錢千緡却之郡倉米解增多於舊大
聲手較定之在循四年民樂其政相率立祠焉大

梁克俊字叔明泉州人也嘉泰初知循州積公帑
數千以修城葺學循人以其有功於民祠於縣治
其後同郡趙善諤字安之繼知循州勤恤民隱而
除其害易茅屋以瓦民病涉則為之架梁凡可以
為循州利者靡不究心邦人德之為生立祠焉同上
韓京河南人紹興初為廣東鈐轄擊破大盜七十
餘屯威鎮嶺南盜平授建州觀察使知循州時兵
燹之後京一意安輯掃瓦礫立城郭繕府亭疾館
舍百有餘所民不知役越陌度阡給種與牛流民
載耒來歸守循十年大有功於民嘗督兵賊於梅
守臣銜之因其建寺壯麗密聞於朝遂罷去循人
繪像祀於學志

留正字仲至泉州永春人六世祖從效事太祖為
清遠軍節度使封鄂國公紹興十三年第進士授
南恩州陽江尉清海軍節度判官龔茂良守番禺
正言在法劫盜駐滿五貫死海盜加等小民餌利
率身陷重辟請鏤梓海上使戶知之民始知避用
茂良薦赴都堂審察宰相虞允文奇之薦於上得

對正言國家右文而略武備祖宗以天下全力用
於西夏承平日久邊不為備至敵人長驅而不能
支今當改轍使文武並用孝宗嘉歎書劄中要語
下三省施行知循州陞辭言士大夫名節不立國
家緩急無所倚仗靖康金人犯闕死義者少因亂
謀利者多今欲恢復當崇尚名節上益喜明日諭
輔臣留正奏事議論耿耿可與職事官除軍器監
簿歷官考功郎官後累官至丞相以光祿大夫致
仕嘉泰元年進封魏國公開禧二年七月薨年七
十八贈太師諡忠宣宋史本傳

黃學行字上父惠安人以上舍登嘉定元年第授
教全州歷判建寧知循州時贛寇據松梓山招捕
使合兵破之奔逸嶺外學行厲兵擒追其首以勞
遷秩因乞增州兵戍從州節制年六十一卒黃志
鄭翰字景行德化人嘉泰二年進士尉保昌獲強
盜不肯論賞曰人命可易官乎歷廣東運司主管
文字辟知循州卒同上

宋翊字叔晦煜之孫以蔭補官端平初通判廣州
廣帥崔與之疏薦辟知循州循與汀梅接壤寇盜
充斥翊甫至集官民兵扼其要衝卒以俘獻復增
陴浚隍募兵益戍為異日慮急撫字緩催科是以
循民安生樂業斛面取贏丁錢虛額一切去之復

奏於朝永爲定式循民德之志

朱挺字烈仲福州人端平中知循州領部之日曰

觀聽可新風教其可緩乎於是行鄉飲而習民以

禮舉科試而迨士以學新蘇陳祠宇以勤郡人適

外寇過循挺指揮兵卒而俘之殆盡黃志

彭彥班字國器閩人也端平中知循州爲政平恕

時省檄博羅彥班請減五千斛輸轉之費不及於

民學官比捐金錢新之且獨佃丁困於夫役者五

十餘家隸學以供營繕去之日士民相與留像州

學祠焉明統志

王舉元字懿臣真定人父化基禮部尚書兄舉正

爲御史中丞廷諍有聲御史唐介坐言事貶春州

舉正力言之介得徙英州舉元以上文章賜進士

出身知潮州江水敗隄盜乘間竊發舉元夜召里

豪計事盜既獲乃治隄圍境晏然潮人德之嘗薦

海陽盧侗文行後遂知名舉元官至給事中子詔

工部尚書黃志

彭思永字季長廬陵人天聖五年進士爲大理寺

丞監洪州鹽務移知南海縣盡心民事以母喪去

職服除知分寧縣二邑素號難治前令比以罪去

民化其誠相戒以毋犯法至於無訟後知潮州民

歲苦修隄之役吏緣爲姦貧者尤被其害思永爲

之立法役均而費省民大悅代還知常州時爲都

官員外郎尋召爲侍御史極論內降授官賞之弊

仁宗深然之累遷天章閣待制出帥河朔英宗嗣

位恩陞給事中以病請解兵任求爲江南官徙知

江寧府潮與江寧舊多火災迄思永去未嘗作人

以爲德政之感歲餘召權御史中丞時追崇濮國

爲疏極論其事熙寧初正拜御史中丞多所論奏

未嘗語人出知揚州熙寧三年上書告老遷戶部

侍郎致仕過金陵以疾卒享年七十有一思永爲

人端莊恭敬動必由禮慶歷甲申家居謝客至學

舍見縣尉河南程珣子顯德器不凡許以仲女妻

之故顯祭思永文有曰昔我釋齒爲公所器教之

誨之實妻以子蓋感其知己也同上

王滌字長源萊州人元祐五年知潮州養士治民

一以韓愈爲師嘗新愈廟蘇軾爲文俾後政傳誦

爲法又有曹登不知何許人元符三年知潮州留

意學校撥田贍士先祀於賢守祠後祠廢改祀名

宦潮州志

吳達老字信遇惠安人政和五年進士知惠州大

興學校延師造士執經者至數百人有子七人兩

遇郊祀思先薦弟迪老達老其弟以兄多子未霑

命爲辭達老曰一官不足爲弟榮聊以慰母心耳

母年八十餘三請侍養改知潮州卒於官福建志

傅自修字勤道泉州人紹興中知潮州海寇猖獗

自修招降之請於朝籍為水軍賴以控扼海道累

官直寶文閣將漕江西卒黃志

黃定字泰之永福人乾道中進士第一累官知潮

州為政務剋惡蘇察潮民德之官終國子祭酒直

顯謨閣廣東提舉有文集行於世後祀於潮州賢

守祠同上

張秀樛字延卿永嘉人幼入太學用父恩試吏部

第一選知潮州潮俗矜厲自喜秀樛倣古以便今

崇雅黜陋士民愛服浙江通志

丁允元字叔中常州人淳熙中以忠諫謫守於潮

增置韓江西岸石洲四架以梁而屋其上民懷之

名曰丁公橋撥田租三百六十五石於學以贍士

今祀於名宦黃志

陳宏規字獻可漳州人慶元元年任知潮州增置

韓江東岸石洲二結架如丁公橋名曰濟川關養

濟院以處廢疾無告者今祀名宦同上

林嶠福州人慶元三年任知潮州愛民如子州有

白丁錢逃亡者素累甲頭民甚苦之嶠奏免復置

田以益學廩構濟川橋以便往來惠政甚多祀於

名宦潮州府志

王自求福州人定之子嘉定間任知潮州撥方宜

等田於學以養士與丁允元陳宏規並以賢守稱

今祀於名宦同上

曾璽字子肅福州人嘉定十二年任知潮州學舍

營建之功居多今祀於名宦黃志

孫叔謹字信之漳州龍溪人父昭先直寶謨閣以

郊恩補官累遷至大理寺正寶慶三年出知潮州

潮接漳境叔謹熟知利病即日罷行訟牒累至數

百悉五鼓坐廳事據案部決如流公勤自勵創橋

築隄奏罷貧民鹽役撥田於學以養士潮人感其

惠而尸祝之於韓山昌黎廟今祀名宦祠又有宋

敦書者知潮州一日溪流洶湧隄決而西乃築隄

八十餘里民免其患同上

許應龍字恭甫閩縣人嘉定元年進士外知潮州

時盜逼潮應龍蒐補新兵日訓練以備要害賊不

敢犯朝廷嘉其治潮親勞焉卒謚文簡福建通志

劉克遜字無競以父任補官知潮州初銀價平每

丁賦五百後銀貴加至四倍克遜下教蠲之日縱

得罪死無恨一生清貧惟嗜作詩葉適稱之黃志

鄭良臣福州人淳祐二年任知潮州舊有白丁錢

催科者據籍取辦雖有遷徙物故不為除豁良臣

易籍更編民賴以安增置田稅於學及韓山書院

以爲養士費蓋有功於士民者今祀名宦

粵大志

陳圭字表夫興化人淳祐間知潮州太平橋抵三陽門正街多爲居民所侵圭諭復之捐公帑市石僦工修砌由是周道軒豁又新原道堂扁其前櫺日書庄置晦菴所著書籍實之立書院田爲養士費蓋有功於名教者祀於名宦

黃志

洪天驥字逸仲少有異質貫通經史百家逮事王大母疾甚剔股肉雜湯藥以進疾遂愈然終身不以語人淳祐七年登進士初爲建寧尉折獄誨士見稱於時調連州推官未上寶祐改元差監惠民南局四年較藝南宮得天祥卷置之上第人服其明尋罷歸六年淮閩辟致爲屬景定三年通班授宣教郎知香山縣至之日以教養人材爲首務修復大成殿明倫有堂主敬美身賓賢登俊有齋皆捐俸爲之斂不及民其爲政一裁於義俗諱健嚴其尤桀黠者曰此囚牙訟師去則吾民安矣邑以大治經略使洪勳趙汝暨雷宜中及倉憲交以邑最上咸淳二年轉奉議郎二年差監行在樞貨務後除大理寺丞終知潮州與兄文毅公天錫文學齊名時謂二洪卒文天祥狀其行實所著有東巖集

粵大志

牟深字叔清晉江人咸祐二年知潮州修學養士

除盜去奸邦人德之祀於名宦

黃志

董樞眞定人乾德初除主客員外郎遷比部郎中三出兼桂陽監使上書請伐廣南詔益桂陽戍卒三千令樞統之開寶三年又上方略會劉鋹合內侍曾君實侵桂陽樞擊退之三年大舉伐鋹合率兵趨連口克之改兵部郎中權知連州兼行營招撫使嶺南平賜錢三百萬四年移知襄州又爲河北轉運使改判西京留司御史臺

同上

林槩字端父福州福清人父高太常博士有治行槩幼警悟舉進士以秘書省校書郎知長興縣歲大饑富人閉糴以邀價槩出俸粟下誘土豪輸數千石以飼飢者知連州康定初上封事曰古者民爲兵而今兵食民古馬寓於民而今民不習馬此兵與馬之大患也請附唐用兵之法四家斂一民部以爲軍閑耕田野被甲皆兵因命其家咸得畜馬私乘休暇官爲調習則人便干戈馬識行列又行陣無法而出於臨時將無數備而取於倉卒軍不予權而監以宦侍若是者雖得古之材使循今之法亦必屢戰而屢敗又請備登籍士民爲兵柵要衝購係人使守禦

宋史本傳

陳奕福州人曾祖襄篤行循良世稱古靈先生由別定官出守臨江治績居最持節嶺南職思其憂

韶郡東西橋廢久不治民涉且病奕首復其東橋江面七八尺用舟五十費五百餘萬計日而成毫髮不擾憫官族流落無依倣廣恩館之制荆安仁宅以居之又得廢寺絕戶之田歲入二千斛以口數均給嫁娶喪葬斂助有差凡護樁出嶺者亦量遠近賜之黃志

劉安雅紹興中知梅州虔賊陳榮等圍城安雅命取鈎吻草研汁浸酒散於民賊遣人賫牒索金銀安雅遽磔之盜入民居縱飲死者百數賊疑懼遁去圍遂解同上

柯宋英字子飛泉州人紹興中進士知梅州古有隱君子程叟以德行聞州人思之與韓文公並祠於學官宗英闕郡齋名曰景程任滿無一死囚代還三奉郡祿杜門謝客州縣官稀識其面同邑方漸亦以進士知梅州好積書至數千卷云泉州志

陳模永春人進士慶元間知梅州有善政民立祠祀之黃志

顏構字養正晉江人以太學生登開禧元年第歷南海令有惠政以考最通判循州知梅州警寇陳三槍萬眾逼梅城四十二日構激厲將士分隅拒守又合戰船布水陣擣矢射之賊遁去帥表上其功會病卒泉州志

鄭至果字子剛晉江人嘉定十六年進士授福清尉丁內艱有芝產於牆知梅州州屢易官凡百廢墜閱實修舉百廢俱興雖寇出沒郡境戒嚴擒其兇渠梟之境賴以安黃志

蒲壽晟咸淳七年知梅州性儉約於民一毫無取每思曾井遺澤建石亭於上日汲井水二瓶置廡右進士楊圭題其亭有日曾氏井泉千古冽蒲侯心地一般清粵大記

張雍德州安德人泊毛詩開寶六年中第釋褐東關尉太平興國初有薦其才者召歸改將作監丞知南雄州姿貌豐偉莅事恭勤甚有名譽人以清幹重之遷太子右贊善大夫出知鄧州大中祥符元年請老以尚書右丞致仕誥命未至而卒年七十子太冲官殿中丞黃志

查陶字太鈞徽州休寧人初仕南唐以明法登科補常州錄事參軍太宗時知南雄州專地官衝要民雜夷夏陶至風俗丕變咸平中遷秘書少監後楊億知審刑院景德三年卒子拱之進士職方郎中慶之太子中舍人粵大記

張士遜字順之祖裕嘗主陰城鹽院因家陰城士遜生百日始啼淳化中舉進士翰林學士楊億薦為監察御史貢舉初用糊名法士遜為諸科巡捕

官以進士有姻黨士遜請避去真宗記名於御屏自是親嫌者皆移試著爲令中書擬人充江南轉運使再擬皆見卻帝獨用士遜再遷侍御史徙廣東至南雄奏除苛政蠲戶役十餘事又徙河北累遷尙書左丞遂拜禮部尙書同中書門下平章事集賢殿大學士累上章請老迺拜太傅封鄧國公致仕宰相得謝蓋自士遜始就第凡十年卒年八十六帝臨奠贈太師中書令謚文懿同時進士鄴天益景德四年以太常博士知南雄州惠鮮鰥寡民懷其愛焉

黃志

章得象字希賢世居泉州高祖仔釣事閩爲建州刺史遂家浦城得象母方娠夢登山遇神人授以玉象及生父奐復夢家庭積笏如山長而好學美姿表爲人莊重進士及第爲大理評事知玉山縣遷本寺丞真宗將東封泰山以殿中丞僉書交州觀察判官事知台州歷南雄州徙洪州楊億以爲有公輔器薦之或問之億曰閩士輕狹而章公深厚有容此其貴也後以工部尙書爲昭文館大學士慶歷五年拜鎮安軍節度使同平章事封郇國公徙判河南府守司空致仕謚文簡初閩人謠日南臺江合出宰相至得象相時沙湧可涉云

宋史本傳

蕭渤廬陵人皇祐中以殿中丞知南雄州精於吏事處煩劇有餘暇儂智高寇報至急築斗城以備之民得無恐在事三年庶政畢舉及代攀留不可因相率建祠祀焉

廬陵縣志

俞獻卿字諫臣歙人進士起家補安豐縣尉再調昭州軍事推官會宜州陳進亂象州守不任事轉運使檄獻卿往佐之及至守謀棄城獻卿曰臨難苟免可乎賊至尙當力擊不勝有死而已奈何棄去初昭州積緡錢鉅萬獻卿盡用平糴至積穀數萬及是大兵至賴以饋軍改大理寺丞爲本寺詳斷官歷知慎仁和二縣再遷太常博士知南雄州潮州最後知應天府以刑部侍郎致仕卒

宋史本傳

黃志

連希覺字民先不知何許人紹聖二年知英州時南山有梁勝果寺遺基前守建衆樂亭與民同游希覺繼至記其成發明先憂之義人爭誦之已而羅觀憂去崇寧初復知南雄州伐石築陂引水灌田民感其惠號曰連陂至今賴之

同上

范處厚紹興人崇寧五年知南雄州大觀初詔製孝弟睦姻任卹忠和八行之選每路以三人爲率

詔下二年嶺南一十五郡無應選者處厚悉心搜訪得譚煥歐陽珪許牧三人以其行聞為一路殊

選粵大記

趙善傑先任南雄州判嘉定三年知州事時江西

尚寇猖獗數來犯境善傑親提兵督戰至沙水其

子監廟汝振與司法參軍黃樞從之兵敗俱死郡

人哀而祠之同上

黃庶分寧人嘉定八年知南雄州訪民疾苦修復

凌連二陂郡人利之及秩滿去千餘人留之馬不

能進黃志

孫密大梁人嘉定十二年知南雄州事先大體百

廢俱興郡人典故悉心搜訪重修嘉定志十卷今

因之得以考文獻焉同上

黃晟紹興間知南雄州敦尚教化初久旱晟至禱

而有感雨三日歲大熟民苦賦役之重奏蠲之邦

人為立生祠粵大記

廣東通志卷二百三十八終

廣東通志卷二百三十九

官績錄九 宋四

王仲達

廖君王

岳飛 以上知英州

曹觀

田開 鄭夷甫沈清臣

陳升之 陳亞

黃琮 以上知封州

吳達

梁立則

劉衍

張錫

黃濟

黃適

黃揆

王克恭

唐彪

滕安

王沂之 以上知新州

楊允恭

楊任

彭淳

趙師旦

甘昭吉 以上知康州

蕭韓

雷碩

王治

黃公度

傅秀

陳豐

徐應龍

王巨 單傳

陳景肅

陳岳

張格 以上知南恩州

潘夙

包拯 鄭端義

郭祥正

李彌遠 以上知崇州

陳堯佐

陳偁

| | |
|-----------------------|------------------------|
| 詹範 | 林一鳴 |
| 羅烈 <small>陳膏</small> | 李琥 |
| 宋煜 <small>孫焜</small> | 陳景魏 |
| 趙汝馭 | 劉克剛 |
| 師顯行 | 趙棕 |
| 林畔 | 王序 <small>以上知</small> |
| 馬洵 | 廖叔政 <small>以上知</small> |
| 李丹 | 史寅仲 <small>以上知</small> |
| 楊維新 | 薛利和 <small>劉丙</small> |
| 譚友直 | 張紘 |
| 李域 | 王超 |
| 趙伯樸 | 何庚 |
| 戴之邵 | 李茹 |
| 朱熠 | 李皎 |
| 鄭公明 | 薛直夫 |
| 儲擢 | 劉仕龍 |
| 孟安仁 | 虞應龍 |
| 蘇沈 <small>以上知</small> | 陶弼 |
| 孔延之 | 楊友 |
| 蔣元振 | 危祐 |
| 李時亮 | 邵德一 |
| 沈杞 | 唐俊父 |

| | |
|-------------------------|-----------------------|
| 何先覺 | 陳衡 |
| 周開 | 羅守成 |
| 謝季成 <small>以上知</small> | 陳永齡 |
| 岳霖 | 馬瑩 <small>以上知</small> |
| 周仁浚 | 張岐 |
| 宋守之 | 朱初平 |
| 周因 | 郭汝賢 |
| 郭奕 | 虞沆 <small>以上知</small> |
| 陳中孚 <small>子適 俱</small> | 湯鸞 <small>知南</small> |
| 趙絳 | 劉椿 <small>以上知</small> |
| 周邨 | 毛奎 <small>以上知</small> |
| 宋 | 吉陽軍 |

王仲達不知何許人景德間知英州州有名儒石汝礪講易不仕建涵暉書院以居之慶厯中復建學于大慶山教養生徒人知向學黃志

廖君玉字國華荊州人元祐間三禮出身以朝請耶知英州素好學建書堂于桂山名曰紫桂堂偃仰其間時作吟咏而政事未嘗廢也遂于理學未嘗手釋經史人多效之上同

岳飛字鵬舉相州湯陰人宣和四年真定宣撫劉韜募敢戰士飛應募遷秉義郎隸雷守宗澤戰開德曹州皆有功澤大奇之康王即位飛上書數干

言以越職奪官歸詣河北招討使張所所待以國士借補修武郎充中軍統領歷補英州刺史紹興元年升神武副軍都統制二年賊曹成擁衆十餘萬由江西歷湖湘據道賀二州命飛權知潭州兼權荆湖東路安撫都總管付金字牌黃旗招成成聞飛將至驚曰岳家軍來矣卽分道而遁飛至茶陵奉詔招之成不從飛奏比年多命招安故盜力強則肆暴力屈則就招苟不畧加剿除蠶起之衆未可遽殄許之飛入賀州境得成謀者縛之帳下飛出帳調兵食吏曰糧盡矣柰何飛陽曰姑及茶陵已而顧牒若失意狀頓足而入陰令逸之謀歸告成成大喜期翌日來追飛命士蓐食潛趨遠嶺未明已至太平場破其砦成據險拒飛飛麾兵掩擊賊大潰成走據北藏嶺上梧關遣將迎飛飛不陣而鼓士爭奮奪二隘據之成又自桂嶺置砦至北藏嶺連控隘道親以衆十餘萬守蓬頭嶺飛部才八千一鼓登嶺破其衆成奔連州飛謂張憲等曰成黨散去追而殺之則脅從者可憫縱之則復聚爲盜今遣若等誅其曾而撫其衆慎勿妄殺累主上保民之仁於是憲自賀連徐慶自邵道王貴自郴桂招降者二萬與飛會連州進兵追成成走宣撫司降時以盛夏行師瘴地撫循有方士無一

人死癘者嶺表平授武平軍承宣使屯江州甫入境安撫李回檄飛捕劇賊馬友郝通劉忠李通李宗亮張式皆平之三年春召赴行在江西宣諭劉大忠奏飛兵有紀律人恃以安今赴行在恐盜復起不果行時虔吉盜連兵寇掠循梅廣惠英韶南雄南安建昌汀邵武諸郡帝乃專命飛平之飛至虔州固石洞賊彭友悉衆至雲都迎戰躍馬馳突飛麾兵卽馬上擒之餘會退保固石洞洞高峻環水止一徑可入飛列騎山下令皆持滿黎明遣死士疾馳登山賊衆亂棄山而下騎兵圍之賊呼丐命飛令勿殺受其降授徐慶等方畧捕諸郡餘賊皆破降之初以隆祐震驚之故密旨令飛屠虔城飛請誅首惡而赦脅從不許請至三四帝乃曲赦人感其德繪像祠之餘寇高聚張成犯袁州飛遣王貴平之秋入見帝手書精忠岳飛字製旗以賜之宋史本傳

曹觀字仲寶曹修古子也皇祐中以太子中舍知封州儂智高叛攻陷管趨廣州行至封州州人未嘗知兵士卒纔百人不任戰鬪又無城隍以守或勸觀遁去觀正色叱之曰吾守臣也有死而已敢言避賊者斬麾都監陳奕引兵迎擊賊封州令卒鄉丁弓手繼進賊衆數百倍奕兵敗走鄉丁亦

潰觀幸從兵決戰不勝被執賊戒勿殺俸使拜且誘之曰從我得美官付汝兵柄以女妻汝觀不肯拜且晉曰人臣惟北面拜天子我豈從爾苟生耶速殺我幸矣賊猶惜不殺徙置舟中觀不食者兩日探懷中印章授其從卒曰我且死若求間道以此上官賊知其無降意害之至死詬賊聲不絕投屍江中時年二十五事聞贈太常少卿錄其子四人妻劉避賊死于林岫追封彭城郡君加賜冠被又贈修古尙書工部侍郎封修古妻陳穎川郡君當智高之反乘嶺南無備州縣吏往往聞風竄匿故賊所向輒下獨觀與孔宗旦趙師旦能以死守後田瑜安撫廣南爲觀立廟封州宋史本傳田開者不知何許人嘉祐三年知封州愛民重士與學勸農去任民懷其惠吟咏甚富同時州判官鄭夷甫亦有惠政豫知死日至期沐浴更衣至官舍面溪亭親督洒掃揮手指畫間屹然立化儼如植木人詫其異又有沈清臣亦知封州政尙簡易一介不取風節凜然人望而畏之謂不愧其名云黃志

陳升之字鳴叔建州建陽人初名旭避神宗嫌名改焉舉進士知封州有能理才遠邇稱其賢監司薦之入爲監察御史知諫院彭思永論事合窮問

所從來唐介劾宰相斥嶺南升之皆極諫官至中書門下平章事集賢殿大學士封秀國公卒贈太保中書令諡成肅升之深狡多數黨附王安石世以是譏之初族陳亞真宗時知南恩州以地多烟瘴夷獠雜處務行寬政深得民心其官績視升之尤優云黃志

黃琮臨漳人紹興十年以左朝請知封州自廢併以來學宮毀壞下車首問學宮出官羨緡營置學田以養封士黃志

吳達字公路崇安人宣和三年進士初知新州擢知肇慶府置學田籍以杜豪民吞併通志

梁立則不知何許人熙寧三年知新州浚滌泉源盡力溝洫興水利溉民田百頃人懷其惠後贈都官員外郎黃志

劉衍字成之龍溪人治平二年進士初授英州推官旋知潮陽值歲歉發帑傾貲運廣米以賑民得不饑後知新州以禦妖賊功加騎都尉通志

張錫字賦之其先京兆人曾祖山甫嘗從唐僖宗入蜀蜀平徙家漢陽錫進士甲科爲試秘書省校書郎知南昌縣遷著作郎知新州初建學于州自是人始知學再遷太常博士監染院詔選能吏治

畿縣乃以錫知東明始至令其下曰吾所治者三

特力特富特贖者吾所先也歲終以治績聞樞密直學士李友薦為監察御史丁謂貶崖州議還內地錫疏謂姦邪弄國本與天下共棄之今復還是違天下意由是止徙雷州累遷右司郎中以龍圖閣直學士知滑州遷右諫議大夫知審官院進翰林侍讀學士判太常寺國子監卒贈尚書工部侍郎錫淳重清約雖貴奉養如少賤時讀書老而彌篤初舉廣文館進士考官任隨以為第一及隨死無子錫屢贖其家宋史本傳

黃濟字義卿晉江人紹興二十年自肇慶倅攝新州踰年種刺行圍城一千二百餘丈先是鄉民之貧死者猶附于籍富厚者多避事役濟榜諭之且置大櫃於州門令民自投戶數于中限滿拆封于是戶口覈實賦役均平民以不擾胡侍郎銓記其政蹟甚悉黃志

黃適字德夫晉江人以詞賦稱紹興二十七年第進士知廣州東莞縣不苛而辦帥意縣有餘藏會適謁府遣掾襲其職掾奉意指籍常賦為贏以獻他日府責賦適報掾已輸矣府欲令再斂即文移數十訖無以償而止帥因薦公治狀籍記中書秩滿守新州泉州志

黃揆福州人淳熙十四年知新州州之米賤鈔貴

例以鈔折租稅之入民甚苦之揆即白諸司請減其價從之百姓感悅秩滿入覲首以鈔租折變之害為言朝廷嘉納民誦至今不衰黃志

王克恭字彥禮南安人淳熙十四年進士教授循州以理義迪後進講授不倦通判廣州海寇掠境盛夏暑泄力疾督師擒其酋以徇辟知新州奏減丁米民德之累遷度支駕部郎中奉祠卒泉州志

唐彪字仲孺靜江人嘉泰三年知新州前此縣道銷丁割稅差役折戶皆取於民田遺利民甚病之彪到任自奏罷之邦人感其德黃志

滕安字景表平江人大理評事通判廣州慶元間辟知新州未幾括閑田以養士檢材木以修學舍制為定規約三歲俱送赴省士子正解免各有等差時賢士大夫多稱賞之同上

王沂之字春伯晉江人以門蔭歷官知新州有惠政將去民遮留累日帥瓊管却例册錢貸民租卒于官泉州志

楊允恭漢川綿竹人太平興國中以直殿掌廣州市舶自漢之後海賊子孫相襲大者及數百人州縣苦之允恭因部運入奏其事太宗即命為廣州都巡檢使又以海鹽盜入嶺北民犯者眾請建大庾縣為軍官輦鹽市之詔建為南安軍自是冒禁

者少賊有葉氏者衆五百餘往來海上允恭集水軍造輕舸掩襲其會斬之餘黨棄船走伏匿山谷允恭伐木開道悉殲焉賊寇每遇風濤則遜止洲島間允恭領衆涉海捕之殆盡賊皆望風奔潰又抵漳泉賊所止處盡奪賊先所劫男女六十餘口還其家詔書嘉獎賜錢十萬轉供奉官詔歸改內殿崇班後加領康州刺史咸平初以北邊賣馬未有定直命允恭主平其估乃置估馬司鑄印以爲常制王均之亂上慮南方有聚寇命允恭爲荆湖江浙都巡檢使二年七月卒于昇州宋史本傳

楊匡字大中登大中祥符八年進士授國子博士進尚書屯田員外郎知康州有治績以廉謹名天下仁宗嘗稱之廬陵縣志

彭淳字道源廬陵人登熙寧六年進士第歷守康賀二州所至有惠政嘗上書譏切王氏之學崇寧三年編入黨籍政和初以朝奉大夫致仕有徹溪居士集五十卷周必大楊萬里爲之序同上

趙師旦字潛叔樞密副使積之從子美容儀身長六尺少年頗涉書史尤刻意刑名之學用種廕試將作監主簿累遷寧海軍節度推官知江州縣斷治出已吏不能得一錢棄物道上人無敢取以薦者改大理寺丞知彭城縣遷太子右贊善大夫

移知康州儂智高破邕州順流東下師旦使人覘賊還報曰諸州守皆棄城走矣師旦叱曰汝亦欲吾走耶乃大索得謀者三人斬以徇而賊已薄城下師旦止有兵三百開門迎戰殺數十人會暮賊稍却師旦語其妻取州印佩之使負其子以匿曰明日賊必大至吾知不敵然不可以去爾爾死無益也遂與監押馬貴部士卒固守州城召貴食貴不能食師旦獨飽如平時至夜貴卧不安席師旦即臥內大鼾遲明賊攻城愈急左右請少避師旦曰戰死與戮死何如衆皆曰願爲國家死至城破無一人逃者矢盡與貴俱還據堂而坐智高麾兵鼓譟爭入脅師旦師旦大罵曰餓獠朝廷負若何事乃敢反耶天子發一校兵汝無遺類矣智高怒并貴害之賊既去州人爲立廟宋史本傳

甘昭吉字祐之開封人初以內侍殿頭爲英韶州巡檢捕盜有功再遷內殿崇班京東路都巡檢英宗卽位之夕昭吉直禁中翊衛有勞自文思副使超遷供備庫使康州刺史昭吉奏曰臣本孤微無左右之舉而先帝知臣朴直自小官拔用至此分當從葬今願得灑掃陵寢足矣帝愛其忠特授永昭陵使加如京使宋史本傳

蕭萐字唐仲龍溪人大觀三年進士知南恩州遇

蒺藜賊曰聞公德政願與更生韓招徠之郡無城郭苦海寇為害乃築城植刺竹以衛之創建學舍市田置書免秀民徭役教養不倦福建通志

留碩字季膺正之季子守南恩處心公平興利除害上言南恩州郡兵弱乞刺填軍額以備不虞秩滿改知岳州民不忍其去遮道攀戀有涕泣者郡志

王治字元化太原人紹興初知南恩州廉惠勤慎植歲荒發粟賑飢存活甚眾暇則詣學課勵生徒以厚風俗沒後州人立祠祀之同上

黃公度字師憲莆田人紹興八年進士第一人十九年通判肇慶府攝南恩守治事之餘以讀書著文為樂嘗題詩隆慶堂句云簿書休吏早花塢向人開又增學廩擇秀民與之登降揖遜學者用勸邦人像而祠之及召還詢以嶺外弊事公度曰廣

東小郡有十年不除守臣者權官苟且郡政廢弛民受其弊高宗曰君歸吏部當無此弊遂以公度為考功員外郎終左朝請郎所著有漢書鑄誤及知稼穡等書行世黃志

傅秀不知何許人紹興二十一年權知南恩州文章政事迥出眾表民稱其賢特立五馬坊以榮之至今猶以名坊同上

陳豐字宜中興化人乾道九年知南恩州政尚廉

靜接物以誠田野無秋毫之擾民歌曰君不見恩平陳守賢優游治郡如烹鮮遇旱禱雨自撰責詞云願俾微臣特減數年之壽合茲闔境普沾三日之霖秩滿而沒囊無餘貲民哀思之肇慶府志

徐應龍字允叔建寧人淳熙二年第進士嘉定間知雷州為政寬厚愛民如子勸農興學雷人頌之知南恩州政清而嚴奸豪屏跡民歌曰生我父母在何許養我父母徐州主後累官至刑部尚書黃志

王亘字伯通福州人淳祐中為博羅令為政勤于吏事修築隨龍蘇村二堤百姓賴其利後與單倬相繼知南恩州力蘇民瘼民到于今稱之寧大志

陳景肅字和仲漳浦人紹興二十一年進士除知南恩州州叛服不常景肅持節往諭嶺南遂平福建通志

陳岳字伯咨福州人嘉定戊寅為恩州守撫循勞來御民以誠民安之其有喪不能葬者為兩義塚於東山馮將軍墓側別男女以瘞之當道聞其賢薦之擢本路提刑黃志

張格不知何許人知南恩州居官以清白自守仁問翕然一日遣介還諸子各有所遺啓紙惟醜酒器十他無一物同上

潘夙字伯恭大名人武惠公美從孫天聖中上書

論時政見用後知韶州擢江西轉運判官坐事謫
監隨州酒稅起知光化軍大臣以將帥才舉之改
端州刺史召對訪交廣事稱旨遷司封郎中補
包拯字希仁廬州合肥人也始舉進士除大理評
事出知建昌縣以父母皆老辭不就得監和州稅
父母又不欲行拯卽解官歸養後數年親繼亡拯
廬墓終喪猶徘徊不忍去里中父老數來勸勉久
之赴調知天長縣有盜割人牛舌者主來訴拯曰
第歸殺而齏之尋復有來告私殺牛者拯曰何爲
割牛舌而又告之盜驚服徙知端州遷殿中丞端
土產硯前守綠貢悉取數十倍以遺權貴拯命製
者才足貢數歲滿不持一硯歸尋拜監察御史裏
行改監察御史拯立朝剛毅貴戚宦官爲之斂手
聞者皆憚之人以包拯笑比黃河清童稚婦女亦
知其名呼曰包待制京師爲之語曰關節不到有
閻羅包老宋史本傳又有鄧端義者先拯時知端州務
農重學常築石城民永賴之學大
郭祥正字功父太平州當塗人母夢李白而生少
有詩聲梅堯臣方擅名一時見而歎曰天才如此
真太白後身也舉進士熙寧中爲僉書保信軍節
度判官奏乞用王安石安石反詆之遂以殿中丞
致仕後復出知端州自謂畱心政術以靖蠻方不

宜賦詩然時吟一篇世爭傳之民樂其詩書之化
尋又棄去隱于縣青山卒黃志
李彌遜字似之吳縣人弱冠登大觀三年第以徽
猷閣直學士知端州持正不阿歸隱落職十餘年
間不通時相書不請磨勘不求任子不序封爵以
終其身二十三年卒朝廷思其忠節贈敷文閣侍
郎補
陳堯佐字希元其先河朔人高祖爲蜀新井令
因家焉遂爲閬州閬中人以試秘書省校書郎知
朝邑縣會其兄堯叟使陝西發中人方保吉罪保
吉怨之誣堯佐以事降本縣主簿徙下邳遷秘書
郎知真源縣開封府司錄參軍事遷府推官坐言
事件旨降通判湖州修孔子廟作韓吏部祠以風
示潮人民張氏子與其母濯于江鱉魚尾而食之
母弗能救堯佐聞而傷之命二吏挈小舟操網往
捕鱉至暴非可網得至是鱉弭耳受網作文示諸
市而烹之人皆驚異召還直史館知壽州有集三
十卷又有潮陽編野廬編愚邱集遺興集宋史本傳
陳偁字君舉世卿子以父蔭補太廟齋郎出知惠
州築豐湖數里魚利歸民奏免課錢五十餘萬福建
通
詹範字器之崇安人紹聖間知惠州蘇軾謫居範

載酒從遊相與倡和時兵荒之後野多暴骨飽取而掩之為叢塚焉故賦詩曰江干白骨已銜恩又嘗稱其治行類龔渤海云黃志

林一鳴字聞卿莆田人以父正蔭補官梁克家當國起知南雄州改知惠州請發常平倉賑糶飢民奏罷買口食鹽淹造鹽鈔紙官酤為民病者十數事又為文諭民力學種麥墾荒田修坡塘去喪樂禁殺牛等事居民有殺牛揮刃間牛掣斷繫奔至廳下若有所訴見者驚異一鳴命飼牛為治其屠人以爲仁化所及官滿之日惟圖書數篋而已大

羅烈字子剛長汀人也紹興初爲循州興寧令會羣盜出沒一日突入縣執烈去烈不爲動以理論之賊不敢加害乃送還邑各遁去未幾賊黨復合烈率民兵千餘直搗其壘賊潰奔得所掠子女二百人遣歸其家時莆田陳膏知惠州廣賊曾袁犯惠經畧使連南夫會諸郡兵攻之不克膏單車詣賊壘譬曉之賊遂降黃志

李琥字西美宣和七年補將仕郎建炎三年授右迪功虔州虔化尉未仕辟舒州桐城縣主簿江西帥李回辟臨江新喻適羣盜蜂起以捕治賞循右修職郎尋監吉州稅務用羨課循右從事永新繁

劇難治監司選攝令秩滿遂居吉州調興國軍判官改右宣教郎知江州瑞昌縣邑事叢積決遣如流庭無滯訟轉右通直郎賜服緋銀後簽書清海軍節度判官廳公事假守惠州貪吏忌其正誣以事遂引疾去士庶送者填道久之譖者皆敗轉右奉議郎歷昭信軍簽書判官乾道二年轉右朝奉郎以疾求主管台州崇道觀歸卒年七十七廬陵志宋煜字伯華莆田人淳熙間知循州嶺南諸郡營舍悉做陋煜至即徹而新之循人士始自力于學州境舊多曠土煜令民墾耕奏蠲其租六年遂成沃壤初民以茅覆屋恒多火災煜乃量戶高下貸以官錢又輟城兵之匠者陶者相其役民用安居以時還所貸無一人敢負者先是守將閱城多具文煜案視必親月以爲常陳峒盜發倉卒徵旁郡兵獨煜所遣皆素練督將倚賴之迄以殄賊尋改知惠州惠有蘇范二姓故武斷爲奸利州縣莫能制煜卒窮致其罪豪猾喘息有富民抵辜援舊比請輸錢以贖煜曰是豈所以瘳惡示懲耶竟論如律又戒重額刷逋戶刻虛籍以蘇積困惠人德之煜孫翊以廕補得官端平初通判廣州時崔與之爲帥辟知循州上疏疏預日竊見通判未初綽已又幸惠之歸善一意撫循安靜無擾邑人主今思之循州介乎二邑之間凡民情之休戚風土之利

病耳目所索因不備請今丞部番馬多藉俾質利以決事或謂精明竊惟州郡擇守最戒貪殘使期為之必端平二年二月即獲朝旨命速之任不有成故許陞辭循與汀海接壤陳羅之寇甫息而寇成之黨復張翊到州數日即糾集官民兵丁扼其要衝卒以俘獻猶復增障浚隍募兵益戍為異日慮以撫綏為政理尚鎮靜為規模催科無急符是以循之細民得以安生樂業與之遺書獎諭書曰循為今非昔比矣瓜鼠之妖方息鴻雁之居未安茲得通才以當隆委出于上簡不勞陛辭慰遠民之望也庶厚為心績靜得體元氣充足而外邪自消千里宅生之寄得所托矣縱未歸華顯之班抑亦在澄清明年修學校增廩秩閱軍政稽版籍禁誹訐獎孝弟戒斛面之取贏罷丁錢之虛額申奏于朝永為定式不惟當時之民德之而後政亦視以為法是年冬梅州復有小警人心皇皇翊知其變修城壁以嚴保障簡選謀以探寇情措置捍禦尤極詳備舊有三寨以守隘口翊擇其要害合而為一用力寡而功倍民賴以安黃志

陳景魏永春州人知柔從孫以恩廢辟新會丞改知潮陽縣尋擢知惠州兵火之後歲復荒歉上言民瘵未瘳得減惠陽羅米三之一擢知潮州後知英德卒福建通志

趙汝馭永嘉人淳祐三年守惠州政尚安靜而興利剔蠹郡治一新至今郡人慕之黃志

劉克剛字處和寶祐二年知惠州清儉治辦修弊起廢建豐湖書院祀豫章先生闢四齋以居生徒簡州學博一人兼山長事以領之於是惠人始知伊洛之學病劇尙延州文學至臥內再捐羨錢千緡增學舍明日卒同上

師顯行眉山人景定四年知惠州政尚簡靜忽猛寇竊發即撲滅之人以為仁者之勇在郡五年民以安居公暇手不釋卷著書自娛有文鑑集註今不傳粵大記

趙棕字彥忠泉州人知惠州惠前號豐郡後覈窟棕曰必吏欺也覈之果得米斛七緡錢五萬公入既羨斥其餘惠民治以最聞黃志

林畔福州人景定二年以太常丞攝惠州事嘗察盜得其情諭之曰人性未嘗不善汝胡自罹於惡亟宜自新因遺錢三緡釋之盜感泣自是境內無盜黃志

王序字景禮晉江人擢咸淳進士第授尤溪尉後攝守惠州嶺江無城堡海寇駭釋人有虞心序浚壕塹團保伍郡賴以安得代航海而歸宋亡徜徉邱壑以終其身黃志

馬洵不知何許人淳熙中知高州李接將寇郡境洵乃整軍政備戰器嚴約束賊聞風不敢進一郡

獲安同上

廖叔政字正臣晉江人由右學絕倫慶元二年武

舉歷興寧令瓊堯寇作督捕有功復勳古縣徭寇

臺岡上其功辟守吉陽改高州就除邕管以祠歸

戊寅海寇之警與寓公儲襄帥親至海島募集民

船掩獲其酋真文忠薦於朝命未下卒泉州志

李丹不知何許人紹興間知化州以甄堯郡城其

後李接寇鬱林陸陸五州引兵圍城凡八日夜竟

不能拔州人德之黃志

史寅仲鄱陽人以進士拜朝散郎知化州洞蠻負

固督軍捕之沒于戰贈朝散大夫同上

楊維新不知何許人淳化五年以太子洗馬知雷

州至道二年築子城期月而畢民不知勞紹興八

年海寇陳旺攻城郡賴外郭得全士民莫不頌維

新之功雷州府志

薛利和河東人皇祐中知春州秉心耿介不鄙其

地勤於修職勸農興學得為政之體焉有劉丙者

不知何許人嘉祐初知廉州建修橋梁盡革催科

前弊民無擾焉尋遷太常丞父老攀留不得乃繪

像祀之黃志

譚友直者不知何許人天聖五年知雷州因俗為

政與民休息有聲于後同上

張紘字希伯廣漢人至和初知雷州暇日延長老

授諸生條教初雷俗鄙陋常以宗子為長易數世

諸父反拜之紘喻以長幼親疎悉更舊習又增治

城壘闢田疇為久遠計雷人愛敬之雷州府志

李域不傳籍貫建炎中知雷州修政有次第惠及

遠邇相舊學狹隘遷於天寧寺西鼎建宏美郡志

王超不知何許人紹興十五年知雷州盡心民務

舊子城圯壞乃剏築外城以遏寇盜雷人賴之宰

相趙鼎南謫過雷超厚款之又假肩輿以送州倅

以聞秦檜檜怒坐請全州黃志

趙伯樞紹興二十四年知雷州鋤強扶柔極垢隄

瘠民獲奠安以東西城壁未完乃陶甃甃其東

西合黃動所砌南北二城堅完高廣遂前功弭後

患蓋有力焉同上

何庚春陵人紹興二十六年知雷州急于民隱常

以興利除害為事東洋田舊無陂塘畝澮以資灌

溉庚相地宜鑿渠北導特呂塘之水使南下西導

西湖之水使之東注合二水灌田數千頃公私獲

利名其渠為何公渠民到于今思之雷州志

戴之邵廬陵人乾道六年知雷州先是何公鑿渠

引水而捍海隄岸崩弛無以禦鹵之邵又沿海築

隄建閘并浚二渠之湮塞者自是外無斥鹵之患

內有灌溉之饒民享永利目其堤為戴公堤又遷郡序于海康縣西自書進學說以勉學者復懇南軒張栻為記以申詔之黃志

李茹長沙人淳熙二年知雷州蒞政勤篤尤尚風化簿書之暇即葺學宮與士子講論彝倫分別善利蓋亦知政之所重者也同上

朱熠温州平陽人端平初武舉第一為侍御史知雷州奉公守法絲毫不取於民令嚴事集政教兼舉當時以廉著稱雷州府志

李皎字仲交嘉泰六年知雷州法雖寬而民之趨令者甚勤政雖簡而事之當行者不廢不屑屑於財而凡百之需未嘗不足修文廟建雲章閣且有功於學校焉黃志

鄭公明嘉定二年知雷州為政有體禮賢重士廣學宮而修之民無怨謫同上

薛直夫字遇叟永嘉人嘉熙元年知雷州修渠建橋振舉廢墜始雷俗不知醫藥病則專事巫禱直夫創立惠民藥局教以醫療去之日民立生祠記之浙江通志

儲擢溫陵人淳祐間知雷州創建小學訓養童蒙修築城池纂集郡志蓋亦勇于有為者也黃志

劉仕龍字時甫世家於發淳祐辛丑進士景定改

元詔知雷州兼理軍務會敵犯疆統領諸將出禦中流矢以歿封武節侯浙江通志

孟安仁不傳籍貫寶祐三年知雷州修築堤渠傍堤有餘壤給貧民墾治歲事以登民樂其利後祀四德堂黃志

虞應龍雍公允文之曾孫也咸淳九年由太常寺簿知雷州修學校興水利蒐軍實明律令平滯獄戮寇盜嚴丁籍以別老壯實民賦而恤孤殘創十賢堂於西湖之西建譙樓于州治之南並請文天祥為記至今猶存時分教李仲光自葺講堂亦有文名黃志

蘇洸字澄老父欽自泉之德化遷仙遊官至利州路轉運判官洸以父任入官知臨川縣修治述陂名號蘇公陂通判賓州時張栻為帥以廉吏舉除知雷州秩滿赴闕而陳三策一乞折納徐聞丁米以便民二乞籍海舟以戢姦盜三乞戒約廣西軍寨不得差人回易改知新州民有何暮之歌移封川洸首請減放丁米及經制無額之數所至人皆德之粵大記

陶弼字商翁永州人慶曆中揚攻討南孫弼上謁改授之兵使往襲大破之以功得陽朔主簿僂智高犯南海敗為安撫使辟參軍謀使下英江會諸

將議擊未至智高解去弼舍舟從其徒數千人間
關步出赴政次臨賀大將蔣偕敵賊死餘眾畏將
被誅多降賊弼數與之遇亟矯政命揭榜道上諭
使歸以不死凡得千五百人府罷調陽朔令歷知
賓容欽三州在欽重葺州城濬疏濠塹而州治愈
固後換崇儀副使遷為使知邕州黃志
孔延之字長源臨江新淦人幼孤自感厲晝耕讀
書隴上夜燃松明繼之學藝大成鄉舉進士第一
遂中其科授欽州軍事淮官杜杞之使南方誅歐
希範策畫多出延之書奏謀議皆其屬草後知封
州卽用為廣南西路相度寬恤民力所更置五十
五事弛役二千人使者欲城封州延之爭以謂無
益乃不果城遷廣南西路轉運判官辭母老不許
初儂智高平推恩南方虛名之官者八百人多中
戶以上皆弛役歸下窮延之使復其故欽廉二
州蛋戶以採珠為富人所役屬奪使自為業者六
百家皆定著令交趾使來桂州陰齎貨為市須負
重三千人延之止不與使由此不數至雷州濱海
守方俛為不道官屬共告之俛要奪其書延之馳
至取俛屬吏縱繫逮者七百餘人俛坐法當斬亦
以瘐死人謹呼感泣聲動海上改荆湖北路提點
刑獄終知潤州熙寧七年二月卒年六十有一自

欽州九遷至尙書司封郎中賜服緋魚有三子曰
文仲武仲平仲同讀書于郡齋俱好學成名後人
榜其齋曰桂堂學大記

楊友泉州晉江人政和二年武舉及第紹興初歷
知欽州先是交趾與前守爭鹽地謀舉兵及至遣
使通好友宴交使于天涯亭交使語次欲爭地界
友植鐵槍于庭謂曰若欲地界塵戰臨池作詩友
賡韻其末章云可憐鱗細閑鷺躍誤把新蟾作釣
鈞交使嘆誦惕息而退奸謀遂寢郡人呼為楊鐵
槍云擢知廉州故事貢珠令民採取多溺死者友
市于他州以充貢所得恩澤先奉三兄三子各一
人州人皆服其義黃志

蔣元振不知何許人淳化中知廉州清苦勵節家
屬多貧不能贍悉寄潭州在任啜菽飲水政尙簡
易民甚愛之明節志

危祐字夢弼南城人天禧三年進士知邵州使者
按治有所求祐告以民情不從因置笏曰某不敢
擾民以固位請遂歸百姓遮道留之尋遷太學博
士以言訖宰相謫守廉州吏進聚珠扇嘆曰身為
廉州守而執此扇以對吏民獨不愧州名平却之

江西通志
李時亮廣西博白人嘉祐中舉進士累官知廉州

有治聲嘗獻平南十策及疏時政得失神宗嘉之
官檢校散騎常侍兼御史大夫亮善屬文尤長于
詩與陶弼廣和號李陶集黃志

邵德一餘杭人紹興初知廉州至任見學宮遭賊
焚毀乃徙于城東門外給已俸以周其費即今之
學宮是也士子立祠祀之同上

沈杞餘杭人紹興初知廉州時本州科舉附雷州
杞憫士子遠涉鯨波奏請自置科場詔從之由是
士益奮志得人為盛後立祠于學宮像而祀之府志

唐俊又與安人博通經史紹興間第進士廷對以
直言被黜尋有旨命以官初授柳州司理歷知廉
州廉靜寡慾多善政民愛之張栻帥桂陽深嘉其
清約秩滿告歸仕三郡家無餘積卒年八十二官
至朝散大夫蘇志

何先覺隆興初知廉州首興學校建殿堂畫三禮
圖于講堂又置耕桑法刊行與士庶習之黃志

陳衡字秀平龍溪人乾道八年進士調高要尉以
擒海寇功累遷知廉州福建通志

周開字師孟荊州人淳熙中知廉州政務簡靜追
呼公事開示而已民不識吏庭無留訟崇尚學校
治效興行士子立祠于學黃志

羅守成者紹聖中知廉州愛民禮士百廢具舉築
城壘創貢闈賑貧人施藥劑力可到處靡不盡心
郡人立祠祀焉粵大記

謝季成元祐中以南京作坊使知廉州版築城壁
修治道路庠序一新同上

陳永齡熙寧間知欽州時交趾入寇永齡率兵固
守城陷不屈而死黃志

岳霖相州人鄂武穆王飛之次子淳熙三年任知
欽州交趾入貢使者肆毀驛舍霖封劍示其都監
曰若不葺而行當以軍法相待交人繕而後行同上

馬堅岩昌人父叔昆弟皆以忠勇為時名將而堅
與其兄堃尤顯咸淳中擢知欽州殫力撫綏蠻境
安堵徙知邕州後總軍靜江元阿里海牙攻城堅
竭力守禦城破被執斷其首猶握拳奮起立踰時
始仆蘇志

周仁浚汝南人開寶間初平嶺南命知瓊州既至
擇偽官駱崇琛等四人列上分知儋崖振萬安四
州因俗而治綽有政績瓊人祀于名宦黃志

張岐字邵卿崇安人真宗朝以秘書丞知瓊州瓊
俗悍朴牧守御得其道則歲時以香蠟魚果為獻
否則羣起為盜岐鎮以清靜卻餽獻夷民服其廉
介其地多颶風能拔屋盛夏猶寒岐教之以立屋

之法稍免其患後卒曹州同上

宋守之不傳籍貫屢歷間知瓊州教諸生讀五經於先聖廟建尊儒閣暇日親為講授置學田以資膏火由是州人始知好學志

朱初平為體量安撫使元豐中海南四州軍稅籍

殘缺更多增損輒移稅入他戶代輸者類不能明瓊州昌化軍丁稅米歲移輸朱崖軍道遠民以為苦至是用初平等議根括四州軍稅賦舊額存其正數二州丁稅米止令輸錢於朱崖軍自糴以便民瓊崖諸州如瓊山等縣感恩英由等場柵其地荒阻賣鹽不售類抑配衙前後官此者或擅增鹽數煎鹽戶力不給有破產者元豐三年初平奏蠲鹽之不售者又約所賣數定為煎額以惠遠民黃志

周因字與道浦城人紹聖四年進士除知瓊州民陳韶焚澄邁臨高二縣憲司議招降因力爭不得後果再叛因討平之官至中大夫致仕福建志

鄭汝賢字舜卿浦城人元符三年進士出知瓊州黎蠻叛汝賢遣兵據要地前後掩獲降其酋海上安堵以功增秩同上

郭奕政和中知瓊州乞置澄邁西峰臨高定南兩寨以楹阻俚人由是道路無梗時稱能吏也黃志

虞沈會稽人紹興二年知瓊州以瓊隔海洋民瘼

鮮得上達吏無顧忌民苦侵漁此歷代積弊乃上請不禁越訴仍乞敕監司按治重行責罰數年之間宿弊頓除民得安生同上

陳中孚字子正吉陽人紹興間知萬寧縣黎賊犯城居守有勞擢知昌化軍政舉民安子適為臨高尉僧民作亂適徑造賊壘諭以禍福遂散去後亦遷知昌化軍父子相繼時人榮之瓊臺志

湯鶯將樂人紹興中武舉狀元授瓊州路南安軍時南洞王利學叛討平之民立祠以祀福建志

趙絳淳熙初知萬安軍黎人王集結兆多囊三洞叛絳如瓊乞師屯賊衝未幾勦平三洞黃志

劉椿字壽卿先領兵平澄臨昌化三處寇端平初始知萬安軍買扶黎尙聞風相率至瓊迎納欵輸貢事詳黎順亭記瓊臺志

周廓字其父海陵人淳熙中知吉陽軍寬平御下淳熙丁未給錢重修州學嘗遣熟黎人諭招撫得生黎五十餘尙每遇寅酉出城市貿易酷愛山水丙午尋訪洞天作磨崖石船記至今猶傳黃志

毛奎字子文一字文通昭州富川人淳祐間知吉陽軍能文章通術數知地理修城池移學養士嘗經營州南大小洞天作記題詩皆可傳後任滿去至南山鋪不知所終後人於鋪前山中立祠祀之

廣東通志

廣東通志卷二百三十九終

〔道光〕廣東通志 卷二四〇

廣東通志卷二百四十

官績錄十 宋五

靳懷德

孔昂

崔立

齊唐

張亞卿

徐九思

章經

陳康年

沈造

陳鶴

唐開

張葵

歐陽直卿

李椿

傅烈

徐天麟

王胄

曾逢龍

藍通判

趙希呂 以上判官

蕭律

蕭世範

蘇邁

徐的

彭商老

黃樞 采薪

李華

何大正

魏國梁

鄭格 以上判官

林勳

林杆

石安民

李韶

許之選

李茂先

洪芹 以上教士

凌皓

胡衍

陸起

| | |
|-----------------------|-----------------------|
| 嚴顥 | 李亨伯 |
| 周誦 | 林黃中 |
| 李巖 | 李朴 |
| 張本中 | 李守柔 |
| 高登 | 姚孝資 |
| 上官粹中 | 許巽 |
| 曾造 | 張勳 |
| 宋鈞 | 蕭麟 |
| 上官謚 | 鄭勳 |
| 吳懿德 | 許巨川 |
| 程琳 | 顏公衮 |
| 梁益謙 | 趙善哪 |
| 楊觀春 | 洪伯清 |
| 陶節夫 | 樓海 |
| 王必誠 | 毛士毅 |
| 曾誼 | 李若水 |
| 鄭光祖 | 劉芳遠 <small>以上</small> |
| 方驥之 <small>縣丞</small> | 廖居仕 |
| 米芾 | 羅維藩 |
| 黃朴 | 侯昌 <small>以上</small> |
| 葉禹 | 顏師魯 |
| 羅從彥 | 徐千能 |

鄭夢种 毛溫以上
虞輔國李憲
宋五武藏
新懷德博州高唐人祖昌範殿中丞父隱禹城令懷德太平興國中明法解褐廣安軍判官秩滿授鴻臚寺丞歷著作佐郎太子左贊善大夫通判相州改殿中丞通判廣州懷德本名湘素遊寇準之門準父名湘景德中準方為相懷德乃改名焉俄知滄州大中祥符三年秋以江左旱歉命為洪處十州安撫都監未至任改知曹州明年春選為益州鈐轄入拜西上閣門使改領昭州刺史知澶州懷德歷官強幹頗著政績使車往復多稱譽焉宋史

孔勗兖州人至聖四十四代孫進士及第以殿中丞通判廣州有廉名真宗東封時躬詣孔子祠帝問宰相孔氏今孰知名或言勗有治行即召對擢太常博士知曲阜縣瀕行番人爭持珠寶以獻並慰遣之後以工部侍郎致仕卒年八十九子道輔御史中丞以直名志

崔立字本之開封鄆陵人中進士第進殿中丞歷通判廣州立性淳謹尤喜論事大中祥符間帝既封禪士大夫爭奏上符瑞獻贊頌立獨言水發徐

州旱連江淮無為烈風金陵火天所以警驕情戒淫泆也區區符瑞尚何足為治道言哉前後上四十餘事以右諫議大夫知耀州改知濠州遷給事中告老進尚書工部侍郎致仕卒諡韓琦於布衣以女妻之人嘗服其鑿云宋史本傳

齊唐字祖之會稽山陰人登天聖八年進士第為南雄州簽判交趾進麒麟唐據史傳非之斥蠻人給中國眾服其博物以職方員外郎致仕黃志

張亞卿廣西洛容人積學善文皇祐初第進士官至朝議郎通判廉州有善政同上

徐九思字公謹宗安人登進士調蘄水尉歷知雙流宣化南陵三縣時趙抃唐介交薦入判三司坐忤時相通判廣州嘗與進士梁杞建議立香山鎮為縣以便徵役神宗名對面賜褒諭有老成練事之稱既而王安石以其譏議新法又附司馬光坐廢十餘年元祐初召為江淮等路發運判副使致仕有新豐集若干卷行世建寧舊志

章經宜州人大觀中舉進士通判雷州有善政黃志

陳康年字季昌晉江人政和壬辰舍選知海陽潮陽二縣捐俸金代通賦運私穀賑飢年當路交薦通判潮州行郡事寇黎盛犯境嚴備卻之歷官二紀公廉如一日孫謙淳熙中登第為興化軍教授

同上

沈造字次仲縉雲人政和中進士及判潮時有韓山神歲須男女以祭造至即焚其廟毀像得巨蛇殺之凶祀遂絕議者以方韓昌黎之驅鱷云浙江通志

陳鶴字開野莆田人宣和六年進士歷惠州僉判親典教事執經者數百人乃捐鹽倉籩頭錢置學田以增廩又表置學官轉判廣州值海寇猖獗帥遣鶴督捕襲擒三百餘人官兵貪功請悉誅戮鶴原其脅從者二百餘人卒於官福建通志

唐開江華人建炎初第進士通判廉州治績著稱于時黃志

張夔字致堯海陽人通判廉州至先晉神秋毫無取時山寇竊發檄諭之以禍福令歸農不旬日間盜皆投去高宗書其名于屏曰南有張夔北有周昕紹興二十年知新州時學校自舍法罷士習委靡夔至重修郡庠優加廩餼暇日至學與諸生徒執經問難他郡學者聞風而至所著有祿隱集同上

歐陽直卿字溫叟仙遊人也以張浚特薦為惠州軍事推官白郡守以河源餘菽麥令輸送而海豐瘠土聽計直而輸之郡白之部使者歲率以為常自清漳以南山谷多剽鹵守將尸居龍川卒有警而他郡分屯者不即下直卿數走龍川而數繼悉

復歷阻隘見將校道勞苦自是多感慨為之擊賊
遷海陽令以憂去改知漳浦縣直卿素有能聲所
至號為易治復求僉判惠州轉通判台州卒興化志

李椿字壽翁永平人進士隆興間任廉州通判守
官清慎不陵不援人語以私輒峻拒之時稱廉惠
通判以敷文閣待制致仕志

傅烈字承仲晉江人以易學名家他諸經史皆淹
貫慶元五年擢進士第試中教官科歷南劍惠州
教授講經必終篇帙程又揭小去取矩矱整飭改
秩知保昌縣通判循州憫鹽鈔抑配屬邑之擾招

誘商筏平直售之不取贏自潤民懷其惠差知梅
州未上卒泉州志

徐天麟字仲祥得之仲子開禧進士調撫州教授
累遷武學博士各對言人主當持心以敬通判惠
潭二州權英德府所至興學明教有惠政著有兩

漢會要七十卷漢兵本末一卷西漢地理疏六卷
山經三十卷既謝官作亭蕭灘之上畫嚴子陵像
事之以自况黃志

王冑字希戴永春人嘉定十六年省試第一連登
進士調惠州教授入為太學正遷博士禮閣校藝
諫官同典舉欲私所厚以險怪之作冠多士冑識
其文曰必某人也典舉色沮易寘次列而心銜之

揭曉以劾罷通判惠州羅浮山水之勝題詠殆遍
歲餘卒于官上同

曾逢龍寧都人開慶初進士為新會令能以忠義
自許為政有循良風景炎元年六月元首呂師夔
遣其將黃世雄寇廣州經略使徐直諒遣郡人李

性道領兵拒之性道降于世雄受虜官爵秋九月
東莞民熊飛復廣州世雄遂遁會逢龍率鄉兵禦
虜亦至州城性道迎謁祈哀逢龍擒而誅之時端

宗在閩聞其功降勅嘉獎擢韶州通判未幾師夔
復入寇連韶諸州守皆降制置使趙潛遣逢龍往
南雄拒之與虜兵遇力戰不敵知必被執乃正冠

裳縊而死贈龍圖閣學士粵大志

藍通判失其名景炎二年倖惠元兵至城下眾皆
束手詣降獨藍帥民兵數百拒之力戰而死志

趙希呂通判雷州慨前人之政有廢而不舉者於
是築缺堤浚湮渠大興水利紹何戴之績焉黃志

蕭律新喻人景德間明經及第為廣州司法民有
犯銅論死者百餘人惟杖遣之民頌其寬上同

蕭世範龍泉人嘉祐中進士為南雄推官憫運夫
之苦制小車以代一車可勝數人之載公私便之
遷廣西轉運判官江西志

蘇邁字伯達眉州人文忠公軾之長子知仁化縣

文章政事綽有父風以政最遷雄州防禦推官仁
化人祀邁于名宦祠至今猶存焉黃志 侯騎錄
豪邁不及其父而學語亦勝他人子也少年
作詩云葉隨流水知何處牛帶寒鴉過別村先生
見之笑曰此村長官詩後東坡貶惠州伯達求歸
駕部員外郎非卒于仁
化也小說不足信類此

徐的字公準建州建安人擢進士第補欽州軍事
推官欽士煩鬱人多死瘴癘的見轉運使鄭天監
請曰徙州瀕水可無患請轉而上聞從之天監因
奏留的使辦役的短衣持梃與役夫同勞苦築城
郭立樓櫓以備戰守晝地居軍民爲府舍倉庫溝
渠壘肆之類民皆便之累遷尙書屯田員外郎知
臨江軍擢廣南西路提點刑獄安化州蠻攻殺將
吏所部卒畏誅謀欲叛的馳騎至宜州慰曉之曰
爾曹亡懼能出力討賊猶可立功以自贖若朝叛
則夕死非計也衆皆斂手聽命奏復澄海忠敢軍
後皆獲其用宋史 本傳

彭商老字仲伊合仲子通毛詩漢書文選以紹興
己卯郊廢將仕郎重去親側兩以迪功郎監南獄
補崇仁簿異時官文書匿吏家恣爲姦利商老拘
之廳事勾稽惟謹猾胥始不得舞文改司理南雄
州立白疑獄者三上官交舉之知沅陵縣民多巧
法蔽賦商老推考弊端出告誠諭皆樂輸賦城塞

閱兵蠻獠數攻剽殺傷人商老募義勇教肄之作
其氣時其衣糧由是邊境始安通判南安軍監司
知商老賢所案究猾胥俱以命商老商老一致於
法無脫者商老素廉謹恬進取積階至朝請大夫
再奉祠卒年七十四季弟楚老保昌主簿廣志
黃樞字幾先南豐人慶元中以進士爲南雄司法
尚寇犯州樞督餽餉因畫策破之賊忿甚率萬衆
空巢至官軍僅千人皆死之樞在後罵賊不已又
死之事聞贈通直郎時進義副尉梁滿亦以禦賊
戰死柯木坳志

李華字實夫崇安人嘉定四年進士調連州法曹
州楞伽峽崩水壞城郭華身任疎鑿民免昏墊郡
守留元長遷學華出俸錢五十萬充役辟翁源令
人曰此瘴鄉也華笑曰今之仕者視上官爲懼喜
氣餒心搖厥病甚瘴但能無愧俯仰匹夫匹婦無
所患苦焉能瘴予紹定間汀寇猖獗禁卒謹叟華
護王祖軍入閩平之捷聞進三秩除太府簿直華
文閣乃撤新郡治削苗斛鹽價置均濟倉推見錢
六千緡爲羅本得米五千餘石以蘇痼瘵進直徽
猷閣兼湖南安撫轉廣東運使福建 通志
何大正大庾人博通諸經尤邃於易元祐間入國
學雖老師宿儒莫不推遜時稱上庠三傑大正其

一也官至南雄州司理參軍治獄察情根于所學後致仕卒于家黃志

魏國梁字君用晉江人紹定己丑甲科為廣東推

官陳三槍寇河源國梁以帥檄挺身諭降還斃於

道事聞加以贈典官其子一人郝志

鄭格字迪民福清人少穎悟博聞強記時號書厨

淳祐中第進士歷建寧司理有清介之操景定初

授廣東觀察推官其操彌勵所親規之曰子水蘖

凜然不知何以為出嶺計格曰既能入嶺豈不能

出嶺改知攸縣卒囊無餘財子堅姪聚皆博學清

介世其家同上

林勳賀州人政和五年進士為廣州教授建炎三

年八月獻本政書十三篇言國家兵農之政率因

唐末之故今農貧而多失職兵驕而不可用是以

飢民竄卒類為盜賊宜倣古井田之制使民一夫

占田五十畝其有羨田之家毋得市田其無田與

游惰未作者皆驅之使為隸農以耕田之羨者而

雜紐錢穀以為什一之稅宋二稅之數視唐增至

七倍今本政之制每十六夫為一井提封百里為

三千四百井率稅米五萬一千斛錢萬二千緡每

井賦二兵馬一疋率為兵六千四百人馬三千四

百匹歲取五之一以為上番之額以給征役無事

則又分為四番以直官衛以給守衛是民凡三十

五年而役使一遍也悉上則歲食米萬九千餘斛

錢三千六百餘緡無事則減四分之三皆以一同

之租稅共之匹婦之貢絹三尺綿一兩百里之縣

歲收絹四千餘匹綿三千四百斤非蠶鄉則布六

尺麻二兩所收視絹綿悉倍之行十年則民之

口算官之酒酤與凡茶鹽香礬之權皆可弛以予

民其說甚備書奏以勲為桂州節度掌書記紹興

二十五年召拜工部侍郎兼直學士院尋權吏部

尚書以疾請祠加顯謨閣直學士卒贈通奉大夫

才節氣和貌恭方權臣用事之時雍容遜避以保

名節所著拙溪居士集行世宋史本傳

林杆字廷植晉江人紹興十八年進士調歸善尉

轉肇慶教授帥林孝澤杆故人也持節行部不入

官舍而館於肇慶學舍守貳以下謂帥親杆具來

通牒求薦杆攜牘語孝澤曰公宜他徙毋重困我

孝澤啓牘曰他且無論守汝上官吾當薦之守聞

持金詣杆謝驚曰何使君待我薄也杆居里故人

為市舶屬來訪見杆一室蕭然惟案上圖書數軸

從容謂曰僭居海濱豈可無委論者杆曰此言何

為至我遂不復謝謁官終南恩州福建通志

石安民字惠叔臨桂人少穎悟篤學登紹興十五

年第嘗振鐸廉州士風丕變生平喜爲詩奇麗雄
深晚年歸于平淡早從胡寅遊尤受知於張浚爲
所推許私淑云志

李韶字元善彌遜之曾孫也父文饒爲台州司理
參軍每謂人曰吾司臬多陰德後有與者韶五歲
能賦梅花嘉定四年與其兄寧同舉進士調南雄
州教授校文廣州時有當國之親故私報所業韶
却之宋史本傳

許之選字叔仁臨川人開禧進士授南雄教官時
尚寇逼城守令欲棄去之選毅然率同僚修守備
城外避寇者至則納之寇遂引去部使者論薦分
教連州考試五羊多得知名士蜀帥幹官有巨
商爲吏誣匿稅之選直之刻石頌德魏翁薦授泰
和宰明巨奸戕民撓政罪豪民歛迹秩滿士民爲
立德政生祠碑黃志

李茂先溫陵人紹定六年教授南恩州爲西山真
德秀所重勉其教人以大學爲戶庭中庸爲閫奧
居仁宅踐義路孝弟其纓弁忠信其履綦成就人
才以躡張文獻姜相國之躅嘗曰茂先金玉其人
予故以是戀之嘉靖二十五年秋知縣吳煥祀于
名宦祠上

洪芹尚書右僕射适之曾孫以大父澤入官甫更

調登進士第自南平司法改欽州教授部使者愛
其才先後並薦之宋史本傳

凌皓不傳籍貫天禧中知保昌縣事好爲民興利
伐石堰水灌州田五千餘頃民至今德之凌江之
名蓋以皓名云志

胡衍字昭叔泰和人慶歷中進士宰濱陽嶺南無
田之民例輸丁米衍爲言於外臺部使以聞適陳
執中秉政嘗奏免梧州虛稅於是制可衍性坦夷
內外洞徹所至以循吏稱志

陸起新塗人慶歷進士爲英州滇陽令村巫以銀
齋貯二蛇率民導從迎且祠焉起亟令出齋斬之
悉燔其所導從物捕巫正其姦累官員外郎曾南
豐作政難篇美之上

嚴顯字威卿吉水人也皇祐四年進士爲河源令
持身以廉邑人惜其去餞以海錯舟行十餘里家
人發金得金以告顯亟停舟召餽者還之惠州志

李亨伯字安止龍溪人治平二年進士擢知東莞
縣時海寇出沒爲民害亨伯率兵渡三洋日夜行
七百里抵香山賊皆受縛福建通志

周諤字希聖尤溪人熙寧六年登進士第筮仕知
廣州新會縣王安石行新法郡縣風靡諤獨不奉
行致書政府力陳其弊因求歸田里民得免於青

苗徵求之患所著有孟子解義一時門生稱爲同
夫子黃志尤溪志謂知廣之新會縣不肯奉行
問自懸無實骨毛寒未年三十身先倦才得一官
心已闌下宅擬尋葺藥園買田宜近釣魚灘他年
子弟重相見紫綬裝衣笏符冠志于澤民不從
法一時門人稱周夫子其風致可想也著孟子解
義禮記說皆行于世

林黃中字伯玉晉江人元豐末第進士爲歸善令
有僧院與豪民爭田各持嘉祐契帖界至歲月皆
同先後令不能決黃中立辨之豪民伏辜入閩

李巖臨江人元祐二年知東莞縣事端謹富有
善政邑之東江堤夏潦暴漲瀨江之田罹其害巖
於西湖福龍石貝司馬頭京山牛渡海等處築長
堤捍之民獲其利明年復築鹹潮堤民至今賴之
黃志

李朴字先之虔之興國人登紹聖元年進士第調
臨江軍司法參軍移西京國子監教授程頤獨器
許之爲肇慶府四會令有奸民言邑東地產金寶
立額買掘破田疇發墟墓厚賂乃已朴至請罷之
改承事郎知臨江軍清江縣廣東路安撫司主管
機宜文字欽宗在東宮聞其名及卽位除著作郎
半歲凡五遷至國子祭酒以疾不能至高宗卽位
除秘書監趣召未至而卒宋史本傳
張本中福州長樂人紹興元年知陽山縣事勞心

撫字春秋循行阡陌教民稼穡察事豐儉而施之
以政民愛之如父母舊俗婚喪以歌唱爲禮本中
革之民遵其教至今不忘黃志

李守柔字必強臨桂人紹興間爲海康令能弭盜
安民時趙鼎貶雷州迎送以故相禮秦檜聞之緣
坐十年不調檜死始改倅邕除新州卒上

高登字彥先漳浦人紹興二年廷對極意盡言無
所顧避有司惡其直授富川主簿憲董弁聞其名
檄讞六郡獄復命兼賀州學事滿秩士民丐留不
獲相率餽金五十萬不告姓名白于守曰高君貧
無以養願太守勸其咸受登辭之不可復無所歸
請置于學買書以謝士民歸至廣會新興大飢帥

連南夫檄發廩賑濟復爲糜于野以食之願貸者
聽所全活萬計歲適大稔而償亦及數民投牒願
畱者數百輩因奏辟終其任召赴都堂審察遂上
疏萬言及時議六篇帝覽而善之下六議中書秦

檜惡其譏已不復以聞授靜江府古縣令尋以帥
胡舜涉誣詔送靜江府獄而舜陟先以事下獄死
矣事卒昭白廣漕鄭昂趙不棄辟攝歸善令宋史本傳

姚孝資者紹興十九年以右從政郎知東莞縣事
治才精緻下令閭境築堤護田水利大興民蒙其
利時香山鎮惟設寨官一員役屬東莞輸役往來

最爲不便庫涌士人陳天覺請建寨爲縣孝資如其言疏聞從其所請於是敦武校尉邕州副將劉必從捐其祖地以爲縣治至今賴之黃志

上官粹中字德厚邵武人隆興間秩滿知增城縣勤恤民隱獎進士類勸農桑興水利漕使林光朝上其治行於朝福建通志

許巽字少陽仙遊人以禮學魁鄉薦乾道五年進士調知惠州歸善縣尉有捕民爲盜者巽驗問非實不爲理尉囊上下必欲成償太守入其說廷詰巽巽曰行法在太守執法屬有司守不能強巽遂縱遣之皆舉手加額曰生我者父母再生我者知縣終朝散大夫粵大志

曾造南豐人丞相文肅公之元孫以韶州曹椽辟知乳源縣謂爲政當先養而後教之於是籍在官之田與民之廢產幾四百畝需其入聚邑子弟之秀者而教之立職長嚴課試創學宮置祭器文風翕然丕變淳熙十六年調知樂昌縣以化民成俗爲急務遷學于城東籍官田之入以養士士以日盛於是樂昌文化媲美中州其爲人謙和而彊濟平易而近民邑人士相與祠于學江武爲撰生祠記云黃志

張勳字希聖丞相魏國公之姪孫南軒先生其叔

父也紹熙二年爲東莞令誠心愛民每憂旱虔禱甘澍輒應邑舊有東嶽行祠圯壞日神與令均受民寄而祠不稱令之咎也遂重建之同上

宋鈞字茂洪莆田人紹興進士知南海縣以廉能著聲民愛戴之歷知泉州蘇志

蕭麟字耕道開禧乙丑進士授曲江簿以能遷知仁化縣政務仁恕歲旱教民作轆轤車灌田農受其利有兄弟爭產相毆論之曰田地失可再置兄弟傷何可復得殘骨肉而奪利何哉民感化有失牛者意其隣麟曰莫夜不可知毋遽傷汝善隣已果得牛於林中民病田決而供賦不休爲奏調之卒於官民肖像祀焉慶陵縣志

上官謚字宇國邵武人爲學務求義理從朱熹學益加涵養以祖蔭授會昌尉調永州軍事推官爲政尚簡易轉知四會視事一如永州未幾卒黃志

鄭勳字景周仙遊人嘉泰二年進士知博羅縣戍卒亂焚掠州境直抵其邑或勸之遁勳曰吾去如百姓何正衣冠坐以待之賊迫以白刃勳不爲動正色叱之遂被害事聞贈朝奉郎福建通志

吳懿德字夏卿處州慶元人嘉定二年進士英州教授知玉山縣改知新會時縣久無正官弊端如毛民田于訟且瀕海多盜縣不能制懿德至縣事

無鉅細必親時新令至蛋戶有給由錢受訴煤有
 醋息錢一切罷去凡仕族之流寓與憚獨顛連無
 告者廩其食春賦貧民錢粟夏則和藥施之雖溝
 澮亦時濬治其誠于為民皆此類以廉介有聲辟
 通判廣州未及拜而卒將沒前二日書于冊曰平
 生薄宦甘受凍飢一介不取一毫不欺嘗祠晉刺
 史吳隱之于縣東以勵來者邑民謂其清白可尚
 遂配享焉西山真德秀誌其墓甚稱重之粵大
 許巨川字東甫溫陵人登嘉定甲戌進士第其學
 得伊洛紫陽之傳初董教廣庠篤志訓誨學者有
 所矜式人士感之建生祠于泮宮東崔與之自蜀
 歸聞而嘉之及為東莞令首謁學以禮殿堂廡陋
 出米糶十萬繕葺邑務雖繁必與諸生講解以勵
 術業復立小學以訓童蒙且撫摩愷悌殿中書劉
 克莊時為計使閱其斷訟以為仁至義盡邑人士
 倣郡庠亦建生祠詳見李文溪經史閣記黃
 程琳字奇卿臨川人寶慶進士志尚剛勁識慮精
 審調南雄州法曹紹定中盜有號鐵鑿猛虎者倡
 亂琳戎服督捕不憚炎暑與摧鋒將李繼周協謀
 鼓勇七日而擒二酋上功辟保昌令未幾卒士民
 嗟悼繪像于忠孝祠以繼周配祀同上
 顏公衮字鼎卿龍溪人也以父澤補官紹定間興

寧令時強寇陳三槍羅動天逼境公衮出與遇下
 車論以理義賊怒不聽公衮厲聲罵賊被執死于
 邑校大成殿前邑人哀之為立祠詔贈朝奉郎官
 其子惠州府志
 梁益謙荆南人宋端平中為香山令首重學校課
 督士子增學田二頃二十有六畝疏南濠之水以
 灌陂田捐俸置賑濟倉民德之為立德政碑黃
 趙善鄆字國用鉛山人嘉熙四年知東莞縣節用
 愛民科徵或不給則捐囊代輸剖決如流稱神明
 宰初李巖築堤護田自姚孝資後莫有繼者善鄆
 修舊堤一萬九千九百丈視地患水者復堤之事
 竣歡聲載塗比去民思之不置蘇
 楊觀春不知何許人淳祐間知清遠縣愛民如子
 百廢俱興尤注意學校門無干謁邸舍蕭然時稱
 為賢令黃
 洪伯清咸淳中知博羅新開縣署修治學宮卓有
 治績同上
 陶節夫字子禮饒州鄱陽人晉大司馬侃之裔也
 第進士起家為廣州錄事參軍楊元寇暴山谷間
 捕繫獄屢越以逸且不承為盜既累年節夫詰以
 數語元即吐服將適市與諸囚訣曰陶公長者雖
 死可無憾知新會縣廣守章竄重其材案帥涇原

辟入府宋史本傳

樓海宋時權知清遠縣事峒寇卒入縣治海出論賊而死李昂英以詩哭之曰論賊散私財冥頑不可回憤然瞑目罵吾已戴頭來一死當凶刃千家免劫灰遺孤元未有行路為悲哀黃志

王必誠莆田人知翁源縣性明察勤慎率先禮教患邑黠學徒捐俸修葺校置墟市行保甲禁奸宄存恤老幼士民皆得其所邑賴以安同上

毛士毅富川人吳川簿移石城令李接攻城士毅語縣尉曹曰吾與君當以死衛百姓乃糾合義兵與賊戰尉死于兵士毅亦罵賊遇害而死事聞高宗嘉其忠義贈承德郎廣西通志

曾誼字子常建昌南城人進士及第補洪州新建縣主簿擢循州龍川令為吏平恕質慈務在愛人不為刻察龍川稱治終尚書都官員外郎誼博聞強識明於大體家故貧然廉節自重罷吏歸常闔門居不與人事或日昃不得食晏如也黃志

李若水閩縣人也龍川知縣以儒飾吏寬猛適中修泮宮營廨宇繕倉庫築城池百需咸出公帑一毫不以擾民民繪像于城東樓同上

鄭光祖字時若侯官人宰靈山甫下車詢民疾苦勞心撫字教養兼施至今人懷其德福建通志

勞心撫字教養兼施至今人懷其德福建通志

劉芳遠安福人初令澄邁仗忠義結民心歸已數年海南寇亂州郡不能制民走安福迎之奮然曰民吾故民不忍罹橫暴復來率眾敵賊兵微援寡隕首軍中為國為民忠憤激烈罕有其儔郡志

方驥之莆田人宋時為潮陽丞操守捐介不名一錢邑多盜天旱民飢田地荒蕪驥之弭盜賑飢禱雨立沛汗菜望闕民歌其德尋移東莞寇賊蠶起驥之奮然曰官斯土而不捍斯民吾將負丞遂率弓兵野戰歿于陣朝廷廕其一子家貧不能歸閩僑居惠來今惠來方氏其後云康熙庚子呈請入祀典同上

廖居仕將樂人由鄉舉任曲江尉海寇執之罵不屈立刃數人遂遇害詔封韶陽郡守謚文忠福建通志

米芾字元章淮南人工書善詩為浚洸尉居職二年風韻瀟灑趨向高潔山水佳處遊題殆遍而職事脩舉教化興行黃志

羅維藩字介卿登乾道進士授迪功郎保昌尉湖北寇逸入江西聲撼廣東廣東帥林光朝宿重兵備之維藩謁光朝曰南雄前南安後章貢賊來將焉寄韶州仁化有三徑惟美溪險可守而中曠夷此逸寇之所必走急先設伏其間可也光朝聽其計賊果趨美溪大破之初轉運司貢銀歲下緡錢

焉寄韶州仁化有三徑惟美溪險可守而中曠夷此逸寇之所必走急先設伏其間可也光朝聽其計賊果趨美溪大破之初轉運司貢銀歲下緡錢

十五萬市於州縣近稍殺至五萬官尚弗給率外計民產高下取盈之會光朝遷轉運副使維藩請曰緡錢日縮而銀數未損此非利民何以益之願請得復十五萬之數則一州蒙福光朝嗟歎草奏薦之秩滿造朝極論閩廣煮海變法之弊請一復舊章又上平邊策謂當首甦民瘼興內治以俟天時執政大賞之薦陞從政郎監陵縣志

黃朴字文卿彥臣曾孫以世賞知陽江尉尚書胡銓自海上召還取道陽江聞朴名曰當備為薦首海寇劉承興犯高雷化三州且掠及南恩朴率客兵船十餘艘出敵賊聞風宵遁福建通志

侯畱字道子溫州樂清人三貢于鄉兩試轉運司皆第一以武舉授合浦尉宋史本傳有才幹愛民恤士黃寶祐五年制置使賈似道辟通判海州兼河南府計議官李松壽據山東突出漣泗畱鑿戰城下死之闔室遇害太學生三十一人言于朝即海州賜廟旌忠諡日節毅仍立廟其鄉畱所著有霜厓集宋史本傳

葉禺字子昂興化軍仙遊人登紹興元年進士第為廣州南海縣主簿攝尉盜發州檄巡尉同捕巡檢獲盜十餘人歸其勞於禺禺曰掠美欺君侍賞三者皆罪不忍為也帥會開大喜之後歷官端明

殿學士乾道三年冬至上親郊而雷禺引漢故事上印綬提舉太平興國宮歸至家不疾而薨年六十八以觀文殿學士致仕贈特進諡正簡禺為人簡易清介與物若無忤至處大事毅然不可奪自初仕至宰相服食僅妾田宅不改其舊宋史本傳

顏師魯字幾聖漳州龍溪人紹興中擢進士第歷監察御史遇事盡言無所阿撓有自外府得內殿宣引且將補御史闕員師魯亟奏宋璟名自廣州道中不與楊思勗交一談李鄜耻為吐突承璀所薦堅辭相位不拜士大夫未論其才立身之節當以璟鄜為法今其人朋邪為迹人所切齒縱朝廷乏才豈少此輩乎臣雖不肖羞與為伍命乃寢累奪遷吏部侍郎尋除吏部尚書兼侍講屢抗章請老以龍圖閣直學士知泉州以紹熙四年卒于家年七十五師魯自幼莊重若成人孝友天至初為番禺簿喪父以歸扶柩航海水陸數千里甫三日登於岸而颶風大作人以為孝感常曰窮達自有定分枉道希世徒喪所守故其大節確如金石雖動與俗情不合而終翕然信服嘉泰二年詔特賜諡曰定肅宋史本傳

羅從彥字仲素南劍人以累舉恩為惠州博羅縣主簿聞同郡楊時得河南程氏學慨然慕之及時

為蕭山令遂徒步往學焉時怒察之乃喜曰惟從
 彥可與言道於是日益以親時弟子千餘人無及
 從彥者從彥初見時三日即驚汗浹背曰不至是
 幾虛過一生矣宋史本傳從彥嘗于羅浮山澄心靜坐
 窮天地萬物之理及古今事變之歸乙卯卒於官
 士民慟哭罷市三日蓋所謂以道得民者歟後族
 人羅友為惠州守護其喪以歸朱子言楊時倡道
 東南士之任重詣極者從彥一人而已粵大記
 徐千能莆田人紹定間與寧主簿任未一月以陳
 羅之亂與縣令顏公衮同死於寇粵大記
 鄭夢神淳祐初海豐主簿賦平役均聽訟以公嘗
 修學宮邑人思之祠于學黃志
 毛溫富川人仕為欽州靈山主簿時交寇陷欽廉
 白三州守令皆望風而遁溫糾合土豪與戰輒勝
 賊勢遂挫事聞召對改秩同上
 虞輔國李憲不傳籍貫俱為澄海將軍才畧雄一
 時以意氣相許紹興八年海寇陳旺攻雷州南城
 輔國與郡守議曰海寇勇於水鬪惟陸戰可挫其
 銳彼知城內有備必不敢久苟斂鋒而待則彼圍
 結營堡必野掠饗軍復還攻我則城必危乘其勢
 之未定橫衝以撼之勝則城可保敗則賊知懼故
 守則禍深戰則禍淺請出戰郡守難之憲復以死

請遂開南門而出自朝至午戰數十合輔國死之
 憲愈奮厲戰至暮亦死寇不得入乃縱火而去郡
 城獲全粵大記

廣東通志卷二百四十終

廣東通志卷二百四十一

官績錄十一元

賈間

合刺普華

塔刺海哈

按攤

朱國寶

高文鼎

王都中以上宣慰使

烏古孫澤

陸星

張謙

張忽里罕元璧

欽察

卜天璋

顏浩以上原訪使

呂恕

偃文質

劉鷲

拜都趙珍 頁煥

馬合謨以上副使

王英

闕里吉恩

張光道

蕭泰

呂琬

多卜鼎以上會事

許有壬監察御史

楊益

張榮張傑

丁聚

脫落合察兒

范梈

禿魯迷失

王允恭

張博霄

陳文仲

王良

王翰以上各路總管

阿巴齊

陳阿尤

高芝

倉振

高若鳳

馮惟吉

張允明

峻南巴

白景亮

謝必昌

薛里吉思

方思廣

迭里迷失以上各州軍知州軍事

張文和

暗都刺

安童

孫三寶

買住以上各路同知

賈榮

游宏道以上各路通判

拜住德慶路千戶

汪澤民

郭應木

馮勉

韓元善以上各州判官

張昕

戴德文

劉中孚以上各路推官

張鳳儀

王方貴

郭思誠以上各路經歷

虞士龍

朱道深

劉震以上各路教授

李習

殷彥

王天祥

張執

楊大舉

齊里克扣

黃昭

陳忠衛

札忽進義

左祥

程願學

吳正卿

羅里敬甫以上各縣縣尹

白太平

木孽飛

賴天賦以上各縣主簿

王繼遠贈德

元

賈閻字仲章不傳籍貫任都元帥孫賊掠境相機策應制禦有方威名日著羣盜屏息暇進儒生論文藝部下多以學術顯邦志

合刺普華岳璘帖木爾子也幼侍母與敦氏居益都嘗歎曰幼而不學有不墮吾宗者乎父時以斷事官建牙保定合刺普華往白其志父奇之俾習畏兀書及經史記誦精敏出於天性李璵畔其母攜季子脫烈普華避地登萊間音問隔絕號泣徹晝夜繼從從叔父撒吉思平賊山東卒奉其母以歸撒吉思深加器重自謂其才不及言於世祖召給宿衛後遷江南宣慰使未至官改廣東都轉運鹽使兼領諸番市舶時盜梗鹽法陳良臣扇東莞香山惠州負販之徒萬人為亂江西行省命與招討使答失蠻討捕之先驅斬渠魁以訊敵告躬抵賊巢招餘黨復業仍條言鹽法之不便者悉除其害按察使脫歡大為姦利遂奏罷之羣盜歐南喜僧王號為晉丞相招討衆號十萬因圖上其山川形勢及攻取之策三十餘條遂與都元帥課兒伯海牙宣慰都元帥白佐萬戶王守信等分兵搃之

未幾右丞咬都督兵征占城交趾屬護餉道北至

東莞博羅二界中遇劇賊歐鍾等橫絕石灣其鋒

銳甚合刺普華身先士卒且戰且行矢竭馬創徒

步格鬥殺數十人勇氣益厲以眾寡不敵為所執

賊欲奉之為主不屈遂遇害於中心岡是夕其妻

希召特勤氏夢其來告曰吾死矣知事張德劉閏

亦夢之二人相繼死而軍中往往見其乘駝督戰

云後贈戶部尚書守忠全節功臣諡忠愍元史忠義傳

塔刺海哈魯合人至元十九年為廣東宣慰使會

征占城造海舟運糧驅民以役至有死者獨能散

財募眾人樂為用事皆先集且躬督米舟自南雄

轉輸道中間山獠出掠撫綏之遂平定功聞授中

奉大夫再任建言廣東舊統封建德肇四郡歸附

隸湖廣行省有旨復舊元貞二年加正奉大夫時

妖民周繼孫自稱天皇聚黨為亂有告變者分遣

諸軍夜半悉擒之至明而定誅其首餘無所問路

學大成殿歲久將壓徹而新之創三皇廟立醫學

又開西驛路以便步遞海舶多為司馬存所侵奉

省檄提調之清廉不犯蕃商大悅其後船舟至者

常倍焉由是增居民二萬七百餘戶官課七萬三千錠稅糧五萬一千五百餘石立水旱站一十餘所水舖一十五起蓋倉庫驛舍官廨等七百一十

餘區造征爪哇船五百合皆不擾而辦大德元年
山獠林珍古明等作耗行省檄往招捕珍等相率
請降進廣東道宣慰使都元帥廣西賊黎盛蔡全
等侵境官軍屢出無功扶病指授方畧及二曾來
歸時病已革二年五月卒于官人皆惜之後憲司
薦其子馬速忽耳追頌其美有曰入廣二十餘載
始終如一云黃志

按擁蒙古怯烈氏也先不花子成宗朝襲長宿衛
大德末有旨給七乘傳往侍父于湖廣諸道憲司
以其孝行聞拜中奉大夫海北海南道宣慰使海
垓與安南占城諸夷接境海島生黎叛服不常按
擁威望素著夷人悅服生黎王高等二十餘洞皆
願輸貢稅在鎮期年以省親辭去同上

朱國寶其先徐州人後徙寶坻授千戶至元十四
年進秩萬戶鎮守梧州領安撫司事十五年加懷
遠大將軍初宋臨安之破也張世傑挾二王由閩
蹈海衆復滋蔓時南恩新州何華張翼舉兵與復
軍勢甚盛國寶選精銳擊殺華翼擒其黨一人斬
首萬餘級俘五百餘人船七百艘奪其兵器無算
降其將十餘軍士二百民三萬餘戶十六年遷定
遠大將軍海北海南道宣慰使蠻賊連結鬱林廉
州諸洞恣行剽掠國寶悉平之磔尸高化以懲反

側任龍光等率所部五千戶降移瓊州立官程更
弊政訓兵息民具有條制南寧謝有奎負固不服
國寶開示信義有奎感悟以其屬來歸於是黎民
降者三千戶蠻洞降者三十所十八年破臨高蠻
寇五百人招降居亥番毫銅鼓博吐桐油等十九
洞遣部將韓旺率兵略大黎密塘橫山誅首惡李
寶火其巢生致大鍾小鍾諸部長十有八人加鎮
國上將軍海北海南宣慰使都元帥供給占城軍
餉事集而民不擾子斌襲職累官加賜金虎符海
北海南宣慰使都元帥元史本傳

高文鼎吉水人嘗參廣東元帥府事薩都刺薦于
朝曰文兼六藝武冠三軍授廣州同知尋陞廣東
元帥至正間三山寇攻廣城文鼎以義激將士以
死守力拒幾一年援兵不至城陷遂自刎一家皆
死黃志

王都中字元俞福建福州人擢海北海南道肅
政廉訪使中書省臣奏國計莫重於鹽筴乃如前
除鹽亭窳戶三年一比附推排世祖舊制也任事
者恐歛怨久不舉行都中曰爲臣子者使皆避諂
何以集事乃請于行省徧歷三十四場驗其物力
高下以損益之役既平而課亦足公私便之擢福
建閩海道肅政廉訪使俄遷福建道宣慰使都元

帥又改浙東道宣慰使都元帥天厯初被省檄整
點七路軍馬境內晏然徙廣東道宣慰使都元帥
三易鎮皆佩元降金虎符都中歷仕四十餘年所
至政譽輒暴著而治郡之績雖古循吏無以尙之
當世南人以政事之名聞天下而位登省憲者惟
都中而已

元史本傳

烏古孫澤字潤南臨潢人其先女真烏古部因以
爲氏澤性剛毅讀書舉大略一切求諸已不事章
句才幹過人世祖將取江南澤以選輸鈔至淮南
餉軍丞相阿朮見而奇之補淮東大都督府椽至
元十四年元帥唆都下兵閩越見澤與語而合卽
辟元帥府提控案牘時宋廣王據福州改元炎興
度我軍且至遂入於海復聚兵甲子門其將張世
傑攻泉州興化守臣陳瓚舉郡應之文天祥置都
督府於南劍州守臣張清行都督府事謀復建寧
閩中郡縣往往復從宋江東大擾唆都時軍浙東
建信告急唆都謀於衆曰我軍當何先澤曰彼據
閩廣而我往浙右非策之善譬之伐木務除其根
當先向南會行省檄唆都與右丞塔出會兵甲子
門遂度兵閩關入戰而至南劍殺其守臣張清宋
師遂退冬十月收福州進攻興化拔之唆都怒其
民反覆下令屠城澤屢諫不聽復前說曰世傑不

虞我軍遽至方急攻泉州謀固值我新得泉州民
志未固且暮且失守比我定興化整兵而南彼樹
植將日固矣莫若開其遺民使走泉南扇動之世
傑將膽落而走是不戰而完泉州捷於吾兵之
馳救也唆都喜開南門縱民去因得脫死者甚衆
世傑得逃民知興化已破乃解泉州圍去唆都至
泉州部署別將裝大艦趨甲子門自將下漳州軍
于海豐引精騎與塔出會十二月入廣州十五年
春正月還擊潮州守將馬發備禦甚固澤曰潮人
所以城守不下者以外多壁壘爲之援應也第剪
其外應潮必覆矣乃分兵攻其一大壘破之餘壘
盡散走二旬而潮拔馬發死焉旣而文天祥潰於
江西廣王暨張世傑死于海中唆都還軍福建夏
五月詔立行中書省于福建以唆都行參知政事
澤行省都事從朝京師命知興化軍賜金織衣賞
其善謀也繼改興化軍爲路授澤行總管府事民
歌舞迎候於道曰是吾民復生之父母也喜極而
繼以泣澤又興學校召長老及諸生講肄經義行
鄉飲酒禮旁郡聞而慕之興化故號多士士咸知
嚮慕以澤與常袞方儀並肖像祠于學宮至元二
十一年調永州路判官二十九年湖廣平章政事
開里吉思薦澤才堪將帥以行省員外郎從征海

南黎人平軍還上功授廣南道宣慰副使秋七月併左右兩道歸廣西宣慰司置元帥府澤爲廣西兩江道宣慰副使僉都元帥府事邊民賴之海北元帥薛赤千賧利事覺行省檄澤驗治澤馳至雷州盡發其奸贓縱所掠男女四百八十二口牛數千頭金銀器物稱是海北之民欣忭相慶御史臺言烏古孫澤奉使知大義如汲長孺計萬全如趙充國可屬大任詔擢爲海北海南廉訪使改例圭田至秋乃入租後遂計月受之澤視事三月民輸租計米五百石澤曰夫子有言事君者先其事後其食吾泣政日浚而受祿四倍非情所安量食而入餘悉予學官給諸生以勤業常曰士非儉無以養廉非廉無以養德身一布袍數年妻子朴素無華人皆言之澤不以爲意也雷州地近海潮汐齧其東南陂塘蠹農多病者而西北廣衍平袤宜爲陂塘澤行視城陰曰三溪徒走海而不以灌溉此史起所以薄西門豹也乃教民浚故湖築大堤塢三溪濬之爲斗門七堤塢六以制其贏耗驪爲渠二十有四以達其委輸梁皆支別爲牘設守視者時其啟閉計得良田數千頃瀕海廣島並爲膏土民歌之曰爲鹵爲田兮孫父之教渠之決決兮長我秔稻自今有年無旱無勞至大元年改福建

廉訪使澤宿有德於閩人安之有芝五色產於憲司之澄清堂士民以爲澤之所致以母年踰八十求歸養長沙歲餘母喪澤以哀毀卒妻杜氏夫死飲食不入口者十有三日不死乃復食澤積官自承直郎至中大夫諡正憲子良禎仕至中書右丞以功名終元史本傳陸屋字仁重江陰人自幼以孝友聞至元間丞相伯顏以師南下屋是時年未冠而志強氣銳率其鄉人見之論議有合兵遂不涉其境鄉人義之伯顏奏授爲同知徽州路總管府事以廉能擢置臺憲累遷至廣東肅政廉訪使陳臬有聲廣人德之政暇遊觀多有題詠後改浙西所至以黜賊吏洗冤獄爲已任且嘗上章奏免僞役年五十卒賜諡莊簡黃志張謙趙州人元貞元年授廣東道肅政廉訪使發擿平反官吏畏之民有湯姓者富于財爲仇人湯舉誣告于縣其親雖公輔常以他事告縣令正變于憲臺因而憾之遂致訟者供公輔縛其僕袁二下水死鍛鍊成獄惟不獲屍謙以爲疑密購求之且檄城隍神期以七日必得如期果有捕獲袁二至者人皆以爲神力公輔遂得釋取其桎梏移之變將以其罪罪之變以病死其明斷類此爲政喻

朝臣死為元朝鬼忠節既無斯清風自千古不食
而終嘗建浮雲道院以教鄉族弟子學者稱為浮

雲先生盧陵志

拜都延祐二年為海北海南廉訪司副使崇重學
校建三賢堂追徵欺騙學錢七千餘緡有秉道疾
邪之政三年又有趙珍來為廉訪僉事平反訟獄
民無冤滯與照磨范樟改淑學宮政有可述焉天
厯初又有賈煥字世甫大梁人為廉訪使愛民厚
俗嘗著勉學說以示士子皆深得憲體而尤著意
于學校作養云黃志

馬合謨字端卿回回人後至元三年為海北海南
廉訪司副使廉介嚴明重農勸學夏旱祈禱令儒
生齋戒集于文廟誦雲漢之詩告祝懇至即日大
雨時有中丞懿麟班謫居于瓊利擾鹽場罔民殖
貨合謨使人致言曰中丞得罪當闔門謝過豈可
更為不法以重累乎麟班聞之即日斂慎同上

王英字邦傑益都人性剛果有大節膂力絕人善
騎射襲父職為莒州翼千戶父子皆善用雙刀人
號之曰刀王至元二十九年江西行樞密院命帥
師南雄討賊邱太老賊六百餘人突至英與戰殺
其渠帥劉把東獲九十餘人至順二年行省命英
招捕桂陽州賊張思進等二千人英至布以威信

皆相率請降元統元年授懷遠大將軍同知海北
海南道宣慰使司事至元三年萬安軍賊吳海期
等作亂聚眾三千人英至賊皆就擒未幾李志甫
起漳州劉虎仔起潮州詔命江西行省右丞燕帖
木兒討之方賊起時英已致仕平章政事伯撒里
謂僚佐曰是雖鼠竊狗偷非刀王行不可其人雖
投老必可以義激乃使迎致之英曰國家有事吾
雖老其可坐視乎據鞍橫槊精神飛動馳赴焉及
賊平英功居多元史本傳

開里吉思蒙古按刺歹氏世祖朝榮祿大夫行湖
廣平章至元二十八年將兵同陳謙亨討海南諸
峒寨又明年平之曾建議立定安會同二縣萬全
寨珠崖鄉校因召還以未收諸峒付元帥朱斌成
功又見帝賜玉束帶金銀幣帛弓矢甲冑及寶鈔
鞍勒得旨還鎮黃志

張光道任憲僉至正乙酉按巡增城時參尉鄧英
甫本循梅界會長性悍不法嘗以蛋民羅恭把截
水道取過江錢縣尹李習下令禁之枷恭以警眾
英甫率眾毆習于廳人不敢近光道聞之拘其爪
牙三十餘人送惠州路仍審訊英甫罪狀咸處于
死民賴以安為立生祠

蕭泰字則平泰和人大德間為海北海南道按察

司提刑僉事獠賊逼城衆惶懼失措卽上馬督捕將吏驚馳獠遂遁去時安南久失藩臣禮奉詔往諭疑懼相半泰曲喻以來意歸所盜地二百里奉表貢獻進廣西道廉訪使陳便宜二十五事進南臺監察御史復言十事分按江浙卒

謹案廬陵縣志作蕭泰登

呂琬字蒙甫冀寧人天曆二年海北海南道廉訪僉事肅正風紀修築城池興學校厚風俗嘗按部于瓊以宣化敦俗爲先務有惠政于民至正初陞廉訪使再任卒于雷軍民挽柩悲哀以送之俱同上

多卜鼎回回人累官廣東廉訪司僉事寓居福州城陷以石繫其腰投井死其兄曰穆魯鼎者官建康曰赫魯鼎者官信州先是亦皆死國難云大清一統志

謹案多卜鼎舊作獲獨步丁穆魯鼎舊作穆魯丁赫魯鼎舊作海魯丁今改正

許有壬字可用其先世居穎後徙湯陰有壬幼穎悟讀書一日五行嘗閱衡州淨居院碑文近千言一覽輒背誦無遺年二十暢師文薦入翰林不報授開寧路學正陞教授未上辟山北廉訪司書吏擢延祐二年進士第至治元年遷吏部主事二年轉江南行臺監察御史行部廣東以貪墨劾罷廉

訪副使哈只蔡衍至江西會廉訪使苗好謙監校昏鈔檢視鈔者日至百餘人好謙恐其有弊痛鞭之人畏罪率剔眞爲僞以迎其意堯庫吏而下榜掠無全膚迄莫能償有壬覆視之率眞物也遂釋之凡勢官豪民人畏之如虎狼者有壬悉擒治以法部內肅然元史本傳

楊益字直友洛陽人至元丙子以戶部侍郎出爲南雄路總管爲政安詳務禁淫詞典利剔蠹不受私謁父老悅之黃志

張榮至元十七年任韶州路總管先時郡學廢廢以爲熬糖所榮至始徵前進士何天衢權教授引試課業中選者表戶爲儒獨其雜役時章甫縫掖五百餘人明年遷糖局修復殿宇後元貞二年又有張傑者任總管先是改元初詔天下興創學校傑至始奉詔令創建一新是時居民康富咸樂于從令

丁聚至元間爲潮州路總管厩舍燬于兵燹聚剪荆棘昇瓦礫募役創建置學田修學舍勸勵共職稱良吏云俱同上

脫落合察兒至元二十四年移鎮潮州值賊張文惠羅半天等嘯聚江西行樞密院檄討之領兵破賊寨斬賊首羅大老李尊長等獲其僞銀印三卒

子軍元史凡
卷之九

范梈字亨父一字德機清江人家貧早孤母熊氏
守志不他適長而教之梈天資穎異所誦書輒記
憶雖癯然清寒若不勝衣於流俗中克自樹立無
苟賤意居則固窮守節竭力以養親出則假陰陽
之技以給旅食賦詩工文用力精深人罕知者年
三十六始之京師卽有聲諸公間中丞董士選延
之家塾以朝臣薦爲翰林院編修官秩滿御史臺
擢海南海北道廉訪司照磨巡歷遐僻不憚風波
瘴癘所至興學教民雪理冤滯甚衆遷江西湖東
吏素稱嚴明於僚屬中獨敬異之選充翰林供奉
御史臺又改擢福建閩海道知事閩俗素汙文繡
局取良家子爲繡工無別尤甚梈作歌詩一篇述
其弊廉訪使取以上聞皆罷遣之其弊遂革未幾
移疾歸故里天歷二年授湖南嶺北道廉訪司經
歷以養親辭是歲母喪明年十月亦以疾卒年五
十九所著詩文多傳於世梈持身廉正居官不可
干以私疏食飲水泊如也吳澄以道學自任少許
可嘗曰若梈父可謂特立獨行之士矣爲文志其
墓以東漢諸君子擬之元史虞
集傳

禿魯迷失至順二年爲雷州路總管政知大體威
足以攝吏澤足以懷民黃志

王允恭字敬居蠡州人嘗尹石康縣有善政至順
二年爲潮總管行政公平修學校新韓廟課試諸
生親與講解而飭勵之有古賢守風潮人祀于名
宦

張搏霄襄陽人至順五年爲南雄路總管爲政清
慎有爲與修學校旣去民懷其惠立碑頌之

陳文仲字仲常湖廣巴陵人襲父鎮撫職至正三
年陞德慶總管路萬戶加贈光祿大夫樞密院使
至正癸巳西寇入境文仲同郡人李質守之保有
封川德慶二郡地至本朝洪武元年大將軍廖永
忠統兵至廣文仲識時達變卽與李質詣轅門款
附民免兵戈之患焉

王良字士純真定藁城人至正十年以萬戶鎮德
慶路撫綏兵民時江水暴漲民多墊餒良惻然出
廩賑之寇來襲郡發兵迎擊虜其舟以歸平居恂
恂雅飭延禮賓儒威德著聞楊鑄撰政蹟碑紀其
事實入本朝洪武初軍士編籍多曰王良所募之
軍云

王翰字用文廬州獨山人至正二十五年爲潮州
總管時境內盜賊充斥學校廢弛翰聘朝士戴希
文使典教事化民爲善性剛猛遇事立斷尤持廉
節吏畏民懷知國事已去不可爲棄官居閩之永

福山自號友石山人洪武初徵之至浯溪遂自引
決潮人今祀之俱同上

阿巴齊寧夏人世祖時屢有戰功由宿衛累官湖
廣等處行尚書省右丞征陳日煊中毒矢死子濟
遜爲朔勒達屯田總管府達嚕噶齊納顏叛戰于
高麗雙城調萬安軍達嚕噶齊平黎蠻有功遷雷
州路總管大清一統志

謹案阿巴齊舊作來阿八赤濟遜舊作寄
僧朔勒達舊作水達達達嚕噶齊舊作達
魯花赤納顏舊作乃顏今改正

陳阿木洛陽人欽州達魯花赤勤于政務興學校
開屯田增軍儲置義倉招流民仁政旁洽邦人思
之黃志

高芝濟南人大德辛丑知新州清節凜然一塵不
染愛民好士惠鮮寡修整學校又嘗于城市驛
路栽松竹以便行者流風善政久而猶存

倉振真定人延祐辛酉知新州時穡賊議起振深
入賊所諭以禍福示以恩信羣搖帖然向化暇日
詣學召諸生講解經義又于驛路夾植榕松以便
行者先是高芝守新州時行善政振實繼之故州
人歌曰高松倉榕一道清風

高若鳳字在翁吉水人至治進士歷官封州知府

所至興學卹民練軍養士嶺北人周世昌父子殺
人冤獄累歲不決若鳳剖之如神連城不靖領兵
收捕單騎抵賊穴諭之曰爾等如是奈父母妻子
何爾細思之皆感泣羅拜解去

馮惟吉天歷初知梅州抑末技重農桑春時巡行
郊野勞來不倦凡妨農之役一切禁止飢者賑之
撫字得宜逋逃復業已巳歲旱乃齋沐祈禱甘雨
沛然外境飢民至亦賑之如州民時人莫不歌謠
其德又嘗作燕喜亭以見其志去後民有餘思潮
人今祀于名宦

張允明天歷間知南恩州有學有爲其政蹟猶有
存焉

峻南巴哈刺魯歹人至順初惠州路達魯花赤總
府帳籍浩繁吏胥離析爲蔽欺峻南巴勵精理之
纖毫不可隱每心計腹籌輒知帑廩之盈縮並絲
杼尅悉痛艾之謹于民事雖疾風甚雨不廢勸農
俸具儲糧分給流逋之來歸者郡城之東舊有亭
曰野吏圯久弗葺峻南巴首訪遺迹顧瞻山川慨
然嘆曰前賢過化人心所存是不可緩亟新之明
年城下火東南風急吏曰亭不可完矣蓋少退峻
南巴曰無亭無倉庫公署矣民可重困乎卻弗聽
言既反風火止人感異之

白景亮南陽人元統甲戌南恩知州有善政性廉介自奉甚薄妻尤儉約惟以脫粟對飯而已

謝必昌廬陵人知肇慶事平饋輸均徭役豐委積興廟學歲飢則發廩賑給賴全活者以萬計遇旱則竭虔禱雨屢致有秋州人頌德不忘

薛里吉思元統三年守新州作興學校填魚塘以廣學宮土軍貪婪挾勢通徭擄掠私立管軍頭目名色擅權柄吉思明正其端具申宣司帥府革罷委百戶韓帖木兒管領仍令各軍親執軍役其有田者應當排年里正坊正等項差役以蘇民力由

是紀綱振政令新往年納糧需求百出多收斛面到任卽與同知孫升同革前弊每日詣倉監視令糧戶自行把槩兩平收支民鹽嘗和以砂土輕重其包分散與民以取其錢前者未輸後者繼至民甚苦之吉思知其弊照依原價不許雜以砂土及輕重其包散鹽之日親臨禁止於是鹽無砂土之雜吏胥無侵欺之弊焉

方思廣廣信上饒人後至元三年知連州增置學田創立義冢士民幽明賴之既去民爲立政績記于學宮

迭里迷失至正二十三年守新州爲達魯花赤本州古有子城用磚結砌環衛州治年深崩壞庚寅

歲臘月西寇攻入州城劫掠民財子女焚燒房屋殆盡後被土徭李廣山劉天海作耗民無逃避卽將舊城修結完固浚壕計設吊橋起益串樓于子城內架屋稍有聲息許民入城居住後果有南恩州吳元良之寇聚眾攻劫民賴城以免侵掠之虞焉

張文和先爲韶州路同知勤厚不刻大德十一年陞總管有惠利于民至大元年創東河浮橋商庶便之

暗都刺泰定間惠川路同知捐俸建邑學於鶴峯之南秩旣滿且畱鈔七十餘錠置田贍學

安童蒙古人元統中爲潮州路同知嘗溪水暴漲沒民居安童默禱願以身代民死須臾水息民賴以全又嘗曝于炎日中禱雨雨遂大至其精誠感格如此

孫三寶至正間同知南雄路事廉介愛民旣代父老擁馬畱之咸垂泣焉

買住蒙古人韶州路同知以廉介聞至正十二年擲寇陷樂昌攻韶城買住躍馬開門身先士卒大破羣賊擒殺甚衆越二十三日賊復來又率義兵大敗之遂復樂昌乳源諸縣又督兵出勦餘黨時方寢疾竟死軍中郡人義而祀之

賈榮韶州路通判有古君子風在任六事修舉四民樂業善政甚多郡人爲立去思碑

游宏道江右人至正間爲化州路通判廉而不苛九年海寇犯合浦逼瓊山宣司移檄瓊廉高化四郡以兵討之宏道承令出已資三萬緡貫銀幣賙賞統領義士張友明等七百餘人海船數十艘會諸郡官兵追寇遇于海南澄邁石礮港時寇窮蹙以死戰先鋒張友明等戰甚力俄而海南兵皆赴水走其寇乘勝四合諸官軍亦以走免惟宏道與石龍簿木葉飛廉州同知羅武德及先鋒張友明俱以戰死邦人哀慟慕祀之有元馮翼翁記其祠今化州人併祀于名宦

拜住以武勲受職爲千戶元統癸酉西寇至晉康拜住出與賊戰勒馬逐至城西龍母橋橋已拔官軍駐橋東賊駐橋西拜住素善騎射迺發矢踏其旗首復發矢又中一賊賊陰使人圍其後拜住計窮瞋目罵賊曰汝鼠輩自速死早晚皆成擒矣今我死所也因爲暴賊槍格墜馬遂被殺郡人憐之後元統甲戌總管郭友乃爲立祠祀之

汪澤民新安人爲御史有能名時潮州府判官錢珍以奸淫事殺推官梁楫事連廉訪副使劉珍坐繫者二百餘人省府官凡六委官鞠問皆顧忌弗

能白復檄澤民讞之獄立具人服其明

郭應木資州人任連州判官有善政至大四年十一月攝東莞縣事在莞凡七閱月田里絕叫囂之卒縣庭息譁健之訟且講書課試作興學校真得學道愛人之心清廉律已表裏如一去之日行李蕭然與論稱其廉能俱同上

馮勉字彥思建德人幼有文筆天厯中對策清廟瑟賦爲時所傳至順中登進士第授韶州路僉判著有土苴集一統志勉性恬淡爲政簡要民樂利之去官之日貧不能歸韶州府志

韓元善爲新州判官明達政體累擢江南行臺監察御史黃志

張昕延祐三年任韶州路推官時禁網疏闊凡事簡易昕不以法令從事有罪笞決遣去民甚樂之府學田爲豪戶僧寺占耕昕勘增租米二百三十餘石

戴德文至正間化州路推官興學化民綽有政譽民稱頌之

劉中孚字志行江西吉水人舉茂異至正甲午任韶州路推官用刑平恕囹圄常空時北山盜起通湖南紅巾寇爲亂首日與大家徐姓有隙誣以反逆一門三十口俱繫獄擬籍其家中孚審見其詞

異遂研窮磨問得其實卽平反之戊戌冬紅巾圍城半月中孚給俸錢以助軍需子弟及鄉人之敢勇者守北門寇不得逞及再犯境長官納款逼其降中孚曰吾頭可斷竟莫能強後除知英德州憲司以完城功聞授中順大夫肇慶路總管迺吏三至以老病辭詩文雅健世稱梅南先生云

張鳳儀韶州路經歷領軍與同知買住追賊兵潰買住死于陣鳳儀亦被執至湖南不屈死之子萬里有父風率父兵與賊戰勝復仁化縣獲首賊張部卿剖其腹劈肝生啖之事聞尋補父官至正二十二年十二月陳友諒遣僞將熊瑞率眾圍韶城十七日城破萬里拔刀與戰身被數槍不能行據地罵賊爲賊所殺郡人哀而祀之

王方貴鰲溪人任韶州路經歷學博識高爲政有惠及民公餘纂曲江志人多稱之

郭思誠至順三年爲雷州路經歷勤于政事興修學宮置小學書板新西湖隄間架思濟橋以便民二人雖爲幕職而政任尤著于長吏云

虞士龍元貞二年任潮州教授立杏壇砌泮池修文廟造祭器建書樓置書籍功可錄焉

朱道深皇慶二年潮州路教授修飭樂器練于禮文音樂與生徒肄習以恪祀事復新埭長堽田園

爲養士之資叔思樂亭以表觀望其加意于風教爲甚勤也

劉震龍南人由錄事爲雷州路學教授長于文詞當時以教化稱云

李習者元初拜增城縣尹文章政事具有足稱德性溫恭邑人化之後因參尉鄧英甫率羣小侮辱殺然掛冠而去

殷彥洛陽人至元十八年權東莞縣事爲政簡靜不擾邑人有去後思

王天祥大名滑州黃縣人累官將仕郎至元二十一年爲香山縣尹視篆之初以崇儒飾學爲先務修葺學校重建講堂勸農省役百廢畢舉戊卒廝隸之違法者嚴懲之翕然稱治宋末兵燹廨宇多毀求諸故址修復至今沿之在任凡七年輿情愛戴如一日云

張執冀州人至正四年任香山縣尹廉謹自厲丙戌秋李童入寇海上奉檄平之民賴以安廨宇橋梁一修前觀民不擾焉

楊大舉字子善益都人至正七年爲東莞縣尹廉以律已寬以愛民惟日孜孜思盡厥職嘗爲諸城新城二邑宰卓有成績任未半載政通人和頌聲大作築福隆護田堤均賦役其惠民之意足稱循

良黎王瑛陳穎為作護田堤均賦役二記稱美之

俱同

齊哩克扣字世德本輝和爾人父文質官於江西因家龍興兄弟五人俱登第克扣由翰林出監潮州罷歸至正間紅巾賊起檄守北門城陷投井死妻妾子女死者十一人

大清

謹案齊哩克扣舊作契列麓輝和爾舊作畏兀今改正又案黃志無此人郭志郝志作僕立厥

黃昭字觀濶撫州人至正間由科目授新會縣尹德政化民廉潔自守文章政事確然可觀因謁廉訪司書吏以畫渙素題昭援筆書之結云從來不食鈞頭餌縱有絲綸柰若何吏銜之昭自以不見容適湖廣聘校文遂辭任而歸後為兵部尚書

黃志

陳忠衛大德元年任高要縣尹有異政民德之立祠以祀惜其政蹟不能盡攷錄焉

札忽進義香山縣達魯花赤恤民勸農察民貧者給以牛種且減其租刻大學孝經以教民子弟皇慶二年陞知南恩州既去民思之不置

左祥盱江人初任翰林從事泰定中授承直郎香山縣尹留心政教為勸學文以訓社學子弟一時士風皆知嚮往焉尋遷建儒學修義齋時與士子

講論臨川吳澄稱其政有三善云後改知增城倡義門拓學宮作率士類其政一如香山轉萬州卒今香山增城皆祀之

程願學休寧人弱冠遊京師以薦入書局修職方氏書至順中除循州長樂令民有死罪非命者其妻訴不願理呵曰此即殺人賊也一訊而服羅江

俱同

五峽諸寇時掠殺不敢入長樂秩滿歸道卒

吳正卿字素臣遂溪人元統間為合浦縣尹邑以鄉井每多私謁卿一槩杜絕至所得薪俸必先以奉親餘悉捐以周族黨囊無長物海北憲臣交章薦之仕至南寧知軍既去民有遺思

黃志

羅里敬甫回回人居錢塘元統中監博羅縣事為政本于愛人重修學宮建豐順與仁橋築隨龍蘇村堤調度有方民德之寇朱光卿倡亂于增城偪博羅敬甫捍禦之賊不敢入

黃志

白太平至正間任清遠縣主簿不詔上不損民果決有為始終如一修築土城以禦寇盜清人德之

木葉飛至正間任石龍縣主簿海寇犯境廉高化四郡葉飛竭方卒于師

賴天賦福建人元至正中舉人材任興寧主簿至明洪武初歸附因亂屯兵于龍母岩出與賊戰敗績追至馬公抗執之不屈而死

王繼遠安福人早負氣節至治間以薦授郎沒于陣事聞贈總管諡忠愍廟祀南海俱同上

謹案傳云以薦授郎未審何官以其死事附錄於此

廣東通志卷二百四十一終

廣東通志卷二百四十二

宦績錄十二明一

周楨 劉任俱參知政事

顧文昱 行省中書右司郎中 王翺

馮昂 葉盛

韓雍 吳琛

朱英 宋雯

屠浦 秦紘

閔珪 唐珣

鄧廷瓚 劉大夏

潘蕃 熊繡

陳金 劉洪

周南 楊旦

張嶺 盛應期

姚鏌 王守仁

林富 陶諧

潘旦 張經

張岳 歐陽必進

周延 鮑象賢

談愷 王鈞

譚綸 張瀚

李遷 殷正茂

凌雲翼

吳桂芳

郭應聘

吳文華

吳善

鄭綱

蕭彥

陳大科

陳邦瞻

張鏡心俱總督

明

周楨字文典江寧人明初為浙江僉事召為刑部尚書洪武初改治書侍御史及建廣東行中書省除參知政事開省之初州縣正員多缺廣東香山縣治徙在蓮峯經兵燹而廢縣丞冲敬訪在城故址經營解宇縣治既成百務悉辦流移四集狂寇倏至敬率民捍禦寇乃遁去縣民賴敬以安竟以勤死楨至即祭之雷州同知余麒孫開設府治增築沿海堤岸揭陽縣丞許德增闢公署核實田賦上其冊籍楨加旌賚知廉州府脫因蒙古人也招徠流民農皆復業知惠州府萬迪興廢舉墜不受私謁乳源知縣張安仁改建縣治創立城池學校撫綏流徙清遠知縣李鐸勤政興學歸善知縣木寅初立諸司解宇長於撫恤皆上其績會下詔開科楨豫聘名儒以待考試洪武二年召楨拜刑部尚書以周天祥代之黃志

劉任武昌縣人元四川行省參政洪武初召為兵

部尚書後出為廣東行省參政以善政聞東莞伯何真降附任處之得宜召為應天府尹明志

顧文昱者蘇州嘉定人洪武二年以知州擢廣東行中書省右司郎中蒞政以勤守已以廉甄別淑慝均派輸納脩浚城隍訓練士馬賑恤困苦民甚懷之黃志

王翺字九臯鹽山人永樂十三年進士由翰林庶吉士累遷左副都御史景泰三年南蠻寇兩廣兩廣副總兵董興武毅觀望不戰巡撫侍郎揭稽李棠不相統賊益熾于少保請用安遠侯柳溥總督兩廣軍務如溥未可出臣謙及戶部尚書金濂王翺乞用一人上用翺明年蠻平召還臺是年升吏部尚書先是翺定四川松潘之亂及節鎮遼東威望大著比至嶺南諸蠻聞翺來大懼翺略兵威推誠撫諭盜寇止息酋長信向翺嘗言蠻戎撫捕各有機宜以故兩廣得免騷擾之患翺為人端方強毅清白儉約成化三年以太子太保致仕卒贈太保諡忠肅欽徵錄

馮昂字景高河間滄州人永樂癸卯鄉薦正統丁巳用廷臣薦官御史累遷右副都御史景泰庚午以乞疾忤旨致仕甲戌兩廣夷寇擾攘朝廷召王忠肅還為禮部尚書起昂代忠肅總兩廣軍務兼

巡撫便益行事昂乃大布朝廷威德帥總兵方岳并土官兵民剿其為暴害者生致其偽將軍周鐵盛盤馬蹄等獻闕下上遣行人勞以綵幣寶鈔陞右都御史後歷戶兵二部尚書卒諡恭襄同

謹案黃志作字伯禺

葉盛字與中崑山人由進士授兵科給事中遷山西右參政以外艱歸天順改元擢都察院右僉都御史命巡撫兩廣初兩廣守將不相統攝盛請于梧州建帥府命征蠻將軍總鎮於此兩廣各設副總兵及參將分守要害悉從征蠻節制又許鹽商計鹽多寡八米餉邊公私利之會有譖于當道者取還改左僉都御史巡撫宣府成化三年進禮部右侍郎尋改吏部左侍郎卒年五十有五詔賜葬祭諡文莊黃志

韓雍字永熙長洲人正統七年進士景泰二年為廣東副使成化元年以左僉都御史贊理兩廣軍務集諸將議方略先是編修邱濬上書大學士李賢言賊在廣東者宜驅在廣西者宜困欲宿兵大藤峽扼其出入蹂其禾稼期一二年盡賊賢善之獻於朝詔錄示諸將將主其說請令遊擊將軍和勇率番騎趨廣東而大軍直趨廣西分兵撲滅雍曰賊已蔓延數千里而所至與戰是自敝也當

全師直趨大藤峽南可援高肇雷廉東可應南韶西可取柳慶北可斷陽峒諸路首尾相應攻其腹心巢穴傾餘迎刃解耳舍此不圖而分兵四出賊益奔竄郡邑益殘所謂救火而噬之也衆曰善後遷左副都御史提督兩廣軍務諸賊流劫至廣東欽化二州皆應時破殄四年春雍以兩廣地大事設請東西各設巡撫帝可之命陳濂撫廣東張鵬撫廣西而雍專理軍務尋以受歸明年兩廣盜復起僉事陶魯言兩廣地勢錯互當如臂指相使不可離析近賊犯廣西臣與廣東三司議調兵匝月未決盜賊無所憚乞仍命大臣總督便僉事林錦巡按御史龔晟亦以為請乃罷兩巡撫而起復雍右都御史總督如故九年致仕去兩廣人念雍功尤惜其去為之祠祀焉家居五年卒正德間諡襄毅明史

吳琛字與璧繁昌人景泰辛未進士累官兩廣巡撫纔半歲調湖廣巡撫甲午陞兩廣總督其撫民無異湖湘而於訓兵練士則尤加意蓋嶺南寇盜矯虔其為患尤非他方比也英德流民離英郭瓊輩聚眾剽掠命兵擒之新會新興連界有劇賊嘯聚流劫村落垂十年琛一旦截其渠魁殲其黨與六百餘人徭徭聞之大駭相戒勿效諸州其

巢穴也琛親至其地檄召之許以自新詣軍門俯伏聽命者日以萬數曉以禍福無不踴躍而去時識者又謂廣寇冥頑可以威懼而不可以理論以理論之而革心向化如此者亦前此未見也

朱英字時傑桂陽人正統十年進士景泰初出爲廣東右參議過家省母橐中惟賜金十兩抵任無涸察集流亡立均徭法十歲一更民稱便天順初兩廣賊愈熾諸將多濫殺冒功巡撫葉盛屬英督察參將范信誣朱泰永平二鄉民爲賊屠戮殆盡又欲屠進城鄉英馳告信悉縱去信念爾師不還英密請于盛檄信班師一方始靖潮州羅劉倅等賊流劫遠近屢挫官兵英會師破滅之還所掠人口數千別置一營以處婦女人莫敢犯官參議一年進右參政遭母憂十年以右副都御史巡撫甘肅明年冬兩廣總督吳琛卒廷議以英前在廣東有威信遂以代琛自韓雍大征以來將帥喜邀功利俘掠名爲騶剿英至鎮以寧靜約飭將士毋得張賊聲勢妄請用師招撫搖擗效順者定爲編戶給復三年帝甚嘉之鎮守中官與督撫總兵官坐次中官居中總督居總兵官左時總兵官陳政以伯爵欲抑英居右英不可奏乞裁定命解英總督止爲巡撫居政下尚書余子俊言英招徠功多當

增秩褒賞乃反削其事權恐無以鎮諸蠻乃擢英右都御史仍總督位大如故英淳厚然持法無所假借與市舶中官韋春忤春摺奏英專權玩賊潯州知府史芳以事見責亦許英奸貪欺罔按皆無驗乃鐫芳二官十六年潯梧高廉賊起偕總兵官陳政等分道擊之兩戰俘獲甚衆英持清節僅攜一蒼頭之官在兩廣積儲四十萬皆不以聞或問之答曰此邊臣常分何足言人服其知大體

宋雯字宏澤淳安人景泰辛未進士授大理寺評事轉左寺陞右都御史總督兩廣殄滅蠻寇恩威並著

浙江通志

屠瀟字朝宗鄞縣人始登第卽以疾乞歸越五年辛卯試監察御史乙巳歷遷至右都御史或譖之謂掌南京院事占城國爲安南所侵王子古來奔廣東使懇於朝瀟受命往勘移檄安南諭以禍福詞對甚婉因請停冊使俾古來就館受封募健勇千人乘海舟二十餘護歸國古來以金寶飾器異香奇木爲報瀟峻却之國人爲之疏請上命瀟受之再辭乃止宏治改元戊申命總督兩廣軍務兼巡撫瀟乞終養不許督討猺賊俘斬數百賜白金綵幣已酉召掌院事以吏部尚書兼左都御史致仕卒贈太保

秦紘字世英單縣人景泰二年進士宏治二年以右都御史總督兩廣軍務奏言中官武將總鎮兩廣者率縱私人擾商賈高居私家擅理公事賊殺不辜交通土官為奸利而天下鎮守官皆得擅執軍職受民訟非制請嚴禁絕總鎮府故有賞功所歲儲金錢數萬費出無經宜從都御史勾稽廣湖南韶多盜當設社學編保甲以絕盜源帝悉從其請後以柳景事被逮其被逮時方議討後山賊治軍事畢從容就道儀衛騎從不貶損既踰嶺始囚服就繫謂官校曰兩廣蠻夷雜處總制體尊遠就拘執損國威今既踰嶺真囚矣其嚴重得體如此

明史本傳

閔珪字朝瑛烏程人天順甲申進士授監察御史歷廣東按察使新會民嘯聚山谷為亂珪諭以大義貫其逋負遂安堵如故去治初復官尋以都御史總督兩廣軍務正德初請老卒贈大保諡莊懿

浙江通志

唐珣字廷貴華亭人天順元年進士歷官巡撫順天等府以憂去服闋命即其家起之陞右都御史總督兩廣兼理巡撫嶺海府衛州縣咸畏憚其風裁旋以破賊功賜金幣降勅獎諭宏治八年卒賜祭葬如例廣人士追思之

敬德錄

鄧廷瓚字宗器巴陵人景泰甲戌進士自貴州巡撫召還掌南京都察院事兩廣自成化初故都御史韓雍平寇之後開府梧州率以憲臣有才望及官高者總督軍務兼巡撫之寄廷瓚掌院事數月復輟之往性不瑣屑細故至是益思以安靜為治屬吏有賢勞者輒舉薦以勵其餘或不職特去其一二太甚者若諸司濫設悉奏除之曰祿俸出於民毋徒費也顧羣蠻以劫掠為常往往出沒閩楚諸郡廷瓚以都御史金澤巡撫偏方非宜宜以江西一省全付之使二司並聽節制庶軍馬錢糧可以調度其湖廣衡州設兵備憲臣合遷治於郴州為便以廣東瀧水為賊巢宜即其地設千戶所調遣新軍守禦仍宜給以隙地屯種為久計奏上悉從之於羣蠻結以恩信兵不輕出出則成功若鬱林川雲墟大桂諸蠻作亂以次平之其後四會等處乘饑竊發其勢尤熾未幾首惡李景光覃傑及其黨二百餘人悉被斬獲兩廣竟亦無事廷瓚出入溪谷衝冒瘴霧而病乃上章乞歸賜詔勉留特遣醫往視仍進左都御史以酬功又三年上知廷瓚久勞邊務召還復掌南京都察院事未行以疾卒

同上

劉大夏字時雍華容人年二十舉鄉試第一天順

八年進士改庶吉士成化初館試當留自請試吏乃除職方主事再遷郎中十九年遷福建右參政以政績聞父訃一宿卽行宏治二年服闋遷廣東右布政使田州泗城不靖大夏往諭遂順命後山賊起承檄討之合獲賊必生致驗實乃坐得生者過半改左移浙江六年召爲左副都御史歷戶部左侍郎十年命兼左僉都御史往理宣府兵餉明年秋三疏移疾歸又二年廷臣交薦起右都御史總制兩廣軍務勅使及門攜二僮行廣人故思大夏鼓舞稱慶大夏爲清吏治相供億禁內外嬖守官私役軍士盜賊爲之衰止十五年拜兵部尙書十七年六月陳兵政十害且乞歸帝不許召見於便殿問曰卿前言天下民窮財盡祖宗以來徵斂有常何今日至此對曰正謂不盡有常耳如廣西歲取鐸木廣東歲取香藥費固以萬計他可知卒贈太保諡忠宣明史本傳陳獻章以道學名一世少許可獨與大夏善稱之曰劉公愛民如子守身如女毋論於今人中卽古人亦未易得也常乘小艇訪獻章獻章問其學曰予存心之功十九致知之功十一其建樹良有本哉尤善知人自兩廣來經某所總帥毛倫謁舟中拜起涕泣不已大夏曰奸人之雄也竟其任填弗用提調粵閩忽遭水沙士

人大譁大夏權宜聽其去留譁乃戢且得士爲盛隨機應猝智亦圓矣嘉德錄潘蕃初姓鍾字廷芳嘉興崇德縣人從父京師占籍畱守前衛中順天鄉試已而登成化二年進士復姓授刑部主事歷郎中四遷至右副都御史巡撫四川轉南京刑部右侍郎未幾改南京兵部又陞右都御史總督兩廣嶺外鎮撫臣故威重自韓雍開府後蒞其地者率建牙吹角列戟擁憲軍門沉沉然被組練而夾甲帳者幾萬人其戈矛子弟統綺相錯起居護導者無算蕃量畱數人僅給摩下使令向相訟自衛者悉遣征發與諸將大吏約凡科條如舊無事更擾有以密封白事者一切禁罷之至其節制特嚴一號令出卽大將不敢喘息方面下稍違約束必召軍正治以法不少貸會黎寇符南蛇等肆禍海南聚衆號數萬蕃前已授方略至是親統兵逆擊大破之生獲首曾燦于市論功進左都御史而思恩知府岑濬與思州知府岑猛以叔姪爲上官爭地相讐殺濬攻陷思州知府岑猛窮走軍門乞援蕃諭濬罷兵濬不從且據地反蕃會奏請討密計其所居道里遠近險易調集兩廣官軍及土目諸兵分六哨以進濬大窘伏誅餘者殺降殆盡而豐湖十三徭寇及惠州古三仔

唐大髻等憑恃獲戾阻兵肆亂蕃督率部兵左右掩擊殲古唐二渠而餘黨盡散凡五年間計前後斬獲共一萬三千有奇且節縮驛傳省冗費不貲又奏裁其冗官二十七員請改思州設流官陞河池縣為州而割歸德州使隸之南寧以控制海徼嶺表大治正德改元蕃與中官忤乞去不許詔拜刑部尚書而瑾復憾蕃蕃再乞去于是命乘傳歸里初岑濬既平蕃議以思恩改設流官而岑猛失守府治則宜降同知時尚書劉大夏議獨相左乃奏徙猛平海衛降千戶而思州亦從改革及蕃去而猛不行據思州叛瑾遂用此為蕃罪逮蕃及大夏下獄將論死始從減丞成甘肅瑾誅詔復官歸里凡六年卒卒之日屬其子曰吾貧不能喪衣裁被體吾不拘陰陽以下趨避無雨漏下窆可也至嘉靖十八年用御史傅鳳翔請乃賜祭葬于石門鄉先是蕃從兩廣軍門陞尚書歸無宅稅他人宅居而隘每與鄉人飲必露坐花下醉任所之時有詩曰尚書歸來無第宅稅地種花兼種魚舉網打魚魚換酒花前醉倒老尚書蕃得詩大笑及被逮鄉人同遊者皆相送蕃械繫拱手就道觀者流涕

毛西河集

熊鵠道州人成化二年進士歷官兵部左右侍郎

正德元年擢右都御史總督兩廣軍務兼巡撫事既抵鎮盡裁幕府供億秋毫無所取二年與總兵官伏羌伯毛銳討平賀縣獞明史本傳陳金字汝礪德安應城人也成化中繇進士知婺源縣以最擢南御史累官南戶部右侍郎正德改元以右都御史總督兩廣金故有幹局喜建立比至則募韓雍之為人多仿其制行之柳慶馬平洛容獞叛金集土漢兵十三萬討平之以功進左都御史尋遷南戶部尚書復改左都御史掌院事未至以憂去十年起再督兩廣比至首復鹽利開鐵冶佛山堡補南雄潮州通賦定田州官田租平海寇饒平外洋而焚其僭用服物政聲大起流賊龔福全寇連州連山樂昌并討平之捷聞召還加少保復掌院事居一年請歸又七年卒金歷官至五十餘年多在行間所至以功名顯毛西河集劉洪字希範湖廣安陸州人郡志作安陸衛人成化戊戌進士授陽穀知縣徵為御史陞浙江副使廣東按察使都察院右僉都御史巡撫貴州四川尋陞右都御史總督兩廣惠潮二府獞賊出沒為患洪出師俘馘甚眾兵部尚書劉大夏常以正大薦之微錄

周南籍雲人成化十四年進士以御史按廣東劾

總兵官柳景正德四年江西大帽山賊聚眾稱王
延及廣東之境南督南贛軍務會總督陳金共平
諸賊九年進右都御史總督兩廣軍務明史本傳
楊旦字晉叔福建建安人太師榮會孫也登宏治
三年進士授吏部主事歷郎中以剛直聞既而陞
太僕少卿尋改太常正德初予省還京逆瑾要一
見不見遂以違限例出知溫泉府有能聲遷浙江
按察副使瑾誅起應天府丞歷官都御史總督兩
廣軍務兼理巡撫會蘇岡十八山滴水巖青龍岡
帽子峰等寨獠獠負固稔惡大肆焚掠乃調集官
軍分道並擊斬級一萬一千有奇俘獲四千一百
有奇奪回擄掠男婦二百三十有奇牛馬輜重無
算捷聞聖書褒之田州土官岑猛初以岑溶亂得
罪降級請謁權要希復職會龍州土官趙源亡後
以姪相嗣猛乘間黨源假子韋璋以計襲龍州逐
趙相遂賂本兵及當國者使璋目趙宗奪龍州且
欲藉是復已原官請托于旦旦執不可而當國者
廣人也子弟素與叛人通又本兵擅威福凡巡撫
在外歲有厚餽而且獨無有當國者與本兵交怒
旦乃嗾巡撫廣西御史曹珪誣劾之幸吏部持公
為駁白誣卒不行未幾丁內艱去服闋起官尚書
被誣奏致仕毛百河集

張嶺字時俊東浙蕭山人也成化丁未登進士由
知縣洊陞興化知府性介直實心為民不邀聲譽
以忤劉瑾落職瑾敗起守南雄清操益勵不一年
陞江西參政去之日行李蕭然老稚泣送不忍捨
立祠於庾嶺祀之嘉靖元年擢右都御史總督兩
廣軍務乃計擒上思州官黃鏐剿平劇賊嚴阮蔡
猛三等諸寨斬獲萬餘人捷聞降勅獎勵慰勞有
加若江福流賊江小范四梁八尺黃萬山賴廉李
文積等刦陷郡縣勢頗猖獗嶺悉討平之民藉其
惠嶺秉軍政賞罰明信摘奸發伏如神因痛懲貪
墨吏以是謗言漸興屢疏乞休不允甲申秩滿召
掌南京都察院進工部尚書致仕卒年七十四微

盛應期字斯徵吳江人宏治癸丑進士歷官兵部
侍郎兩廣總督前任制府多通土官餽謁土官玩
易之號令墮弛而蠻寇竊發應期至大閱鈞稽簡
料凡太監及總兵私役軍者悉勒歸伍而兩府屬
之橫暴悉痛抑之且檄下兩省及湖廣諸路凡所
調遣悉聽關白乃行由是二府不悅大興讒構歸
善縣賊李文積據桃子園為亂土官劉召據思恩
以叛先後討平之田州岑猛作亂事聞下應期體
勘應期上疏陳方略旋以二府騰謗除工部侍郎

提督易州山陝實奪之權也乃引病致仕卒大
 姚鎮字英之慈谿人去治六年進士嘉靖四年遷
 右都御史提督兩廣軍務兼巡撫田州土官岑猛
 謀不軌鎮調永順保靖兵使沈希儀與張經李璋
 張佑程鑒各統兵八萬分道討之而鎮與總兵官
 朱麒等攻破定羅丹梁用希儀計結猛婦翁岑璋
 使為內應大破之斬猛子邦彥璋誘殺獻其首詔
 進鎮左都御史加太子少保蔭一子諸將進秩有
 差鎮請改設流官陳善後事七制可乃命參議汪
 必東僉事申惠與參將張經以兵萬人鎮其地必
 東惠移疾他駐猛黨盧蘇王受等詐言猛不死借
 交阻兵二十萬且至夷民信之蘇等薄城經突圍
 走城遂陷王受亦攻入思恩府巡按御史石金劾
 鎮失察罔上竝論前總督盛應期帝以鎮有功能
 宜撫剿蘇受數求救鎮不許將大討之會廷議改
 王守仁督兩廣軍令鎮與同事鎮引疾乞罷許馳
 驛歸初廣東提學道魏校毀諸寺觀田數千畝盡
 入霍翰方獻夫諸家鎮至廣追還之官翰獻夫恨
 甚與張璉桂萼合排鎮謂大同當征而反撫田州
 當撫而反征皆費宏謀不藏釀成南北患時宏雖
 去猶借鎮而排之也鎮既得請方候代千夫長韋
 貫徐伍攻復思恩鎮上其狀詔先賞貫等而以撫

剿事宜俟守仁處置既而鎮奏辯石金前疏詆金
 阻撓養寇金亦再疏詆鎮帝先入璉等言落鎮職
 閉住明史本傳
 王守仁字伯安餘姚人登宏治十二年進士正德
 十一年八月擢右僉都御史巡撫南贛當是時南
 中盜賊蜂起謝志山據橫水左溪桶岡池仲容據
 洞頭皆稱王與大庾陳日能樂昌高快馬柳州龔
 福全等攻剽府縣而福建大帽山賊詹師富等又
 起前巡撫文森托疾避去志山合樂昌賊掠大庾
 攻南康守仁至知左右多賊耳目乃呼老黠隸詰
 之隸戰慄不敢隱因貫其罪令誦賊賊動靜無不
 知於是檄福建廣東會兵先討大帽山賊明年正
 月督副使胡璉等破賊長富村逼之象湖山守仁
 親率銳卒屯上杭佯退師出不意搗之連破四十
 餘寨指揮王鑑等禽師富其年七月進兵大庾志
 山乘間急攻南安知府季敷擊敗之副使楊璋等
 亦生繫日能以歸遂議討橫水左溪十月都指揮
 許清贛州知府邢珣寧都知縣王天與各一軍會
 橫水敷及守備郝文汀州知府唐淳縣丞舒富各
 一軍會左溪吉安知府伍文定程鄉知縣張戩遇
 其奔軼守仁自駐南康去橫水三十里先遣四百
 人伏賊巢左右進軍逼之賊方迎戰兩軍舉幟賊

大驚謂官軍已盡犁其巢遂潰乘勝克橫水志山及其黨蕭貴模等皆走桶岡左溪亦破守仁以桶岡險固移營近地諭以禍福賊首藍廷鳳等方震恐見使至大喜期仲冬朔降而琦文定已冒雨奪險入賊阻水陣琦直前搏賊文定與敵自右出賊倉卒敗走遇淳兵又敗諸軍破桶岡志山貴模廷鳳面縛降凡破巢八十有四俘斬六千有奇時湖廣巡撫秦金亦破福全其黨千人突至諸將禽斬之乃設崇義縣於橫水控諸猺還至贛州議討湖頭賊初守仁之平師富也龍川賊盧珂鄭志高陳英咸請降及征橫水湖頭賊將黃金策亦以五百人降獨仲容未下橫水破仲容始遣弟仲安來歸而嚴爲戰守備詭言珂志高讐也將襲我故爲備守仁佯杖繫珂等而陰使珂弟集兵待遂下令散兵歲首大張燈樂仲容信且疑守仁賜以節物誘八謝仲容率九十三人營教場而自以數人入謁守仁呵之曰若皆吾民屯於外疑我乎悉引入祥符宮厚飲食之賊大喜過望益自安守仁畱仲容觀燈樂正月三日大享伏甲士於門諸賊入以次悉禽戮之自將抵賊巢連破上中下三洞斬賊二千有奇餘賊奔九連山山橫互數百里陡絕不可攻乃簡壯士七百人衣賊衣奔厓下賊招之上官

軍進攻內外合擊禽斬無遺乃於下洞立和平縣置戍而歸自是境內大定初朝議賊勢強發廣東湖廣兵合剿守仁上疏止之不及桶岡既滅湖廣兵始至及平洞頭廣東尙未承檄守仁所將皆文吏及偏裨小校平數十年巨寇遠近驚爲神進右副都御史于世襲錦衣衛百戶再進副千戶嘉靖六年思恩田州土酋盧蘇王受反總督姚鏌不能定乃詔守仁以原官兼左都御史總督兩廣兼巡撫十二月守仁抵潯州會巡按御史石金定計招撫悉散遺諸將畱永順保靖土兵數千解甲休息蘇受初求撫不得聞守仁至益懼至是則大喜守仁赴南寧二人遣使乞降守仁令詣軍門二人竊議曰王公素多詐恐給我陳兵入見守仁數二人罪杖而釋之親入營撫其衆七萬奏聞于朝陳用兵十書招撫十善因請復設流官量割田州地別立一州以岑猛次子邦相爲吏目署州事俟有功擢知州而於田州設十九巡檢司以蘇受等任之並受約束於流官知府帝皆從之斷藤峽猺賊上連八寨下通仙臺花相諸洞蠻盤互三百餘里郡邑罹害者數十年守仁欽討之故畱南寧罷湖廣兵示不再用伺賊不備進破牛腸六寺等十餘寨峽賊悉平遂循橫石江而下攻克仙臺花相白石

古陶羅鳳諸賊合布政使林富率蘇受兵直抵八寨破石門副將沈希儀邀斬軼賊盡平八寨明史本傳林富字守仁福建莆田人宏治壬戌進士授大理評事忤劉瑾繫詔獄降潮陽縣丞後陞至廣東右布政先是魏督學毀寺藉其田巨室爭利之富定議以田充軍餉給學膳以地為書院社學醫學有差聞掠崇報寺腴田五千畝稱寺故市舶所建聞富欲毀乃檄佛像祀先聖富謂於制匪宜聞又移文御史改祀崔清獻富謂闕園土田以先賢藉口卒毀之至於修築南海城從民請設大埔縣治其費俱出潮嵯金云丙戌入覲為忌者所中調廣西兩廣都御史王守仁卒陞富兵部右侍郎兼都察院右僉都御史代提督巡撫之任中費採珠合浦督責甚急富上疏謂不宜為此無益以困遠黎故事諸夷許朝貢番舶集廣州百費攸賴因佛郎機之變一槩絕不與通富奏復之嶺東賊王基偕號海寇黃秀山倡叛以次討平廣西數處盜發遣將分剿三報捷俱有金幣之賚廣州會寧寇復熾流毒州縣富奏陳事宜集漢達官軍及兩江土兵分左右軍翼擊之擒斬四千有奇復上六事為會寧善後計皆從之會寧民立祠以祀往者撫臣不二年輒議大征富慮濫殺平民非安邊之策奏請非

甚棘勿事大征於是與御史異議云明史本傳陶諸會稽人宏治九年進士嘉靖中以兵部侍郎總督兩廣軍務海寇陳邦瑞許折桂等突入波羅廟欲犯廣州為指揮李愨所蹙邦瑞投水死折桂等降東莞編為總甲使約束其黨五百人為新民兵部以降賊羣聚恐乘隙為變令解散其黨已陽春賊趙林花等攻城與德慶賊鳳二全相倚為患諸討破百二十五帝曰諸功足錄第前縱患者誰乃僅資銀幣瓊山沙灣洞賊黎佛二等殺典史諸復剿平為總督三年倖斬翁萬明史本傳潘且婺源人宏治十八年進士嘉靖十五年冬以兵部左侍郎提督兩廣軍務詔起復毛伯溫討安南且行過其里語曰安南非門庭寇公宜以終喪辭往來之間少緩師期俟其間命求款因撫之可百全也且抵廣適安南使至馳疏言莫登庸之篡黎氏猶黎氏之篡陳氏也朝廷將興問罪師登庸即有求貢之使何嘗不畏天威乞容臣等觀變待彼國自定若登庸奉表獻琛於中國體足矣豈必窮兵萬里哉章下禮兵二部族父珍適以言得罪尚書嚴嵩張瓚絀且議不用會伯溫入都見且疏不悅言總督任重宜擇知兵者遂改且南京兵部以張經代之未行引疾乞休語侵伯溫帝怒勒致

仕將還吏白例支庫金爲道里費且笑曰吾不以妄取爲例卒贈工部尚書

毛西河集

張經字廷彛侯官人正德丁丑進士有文武才十

六年進兵部右侍郎出鎮兩廣安南莫登庸久不

庭經與兵部尚書毛伯溫討之登庸降

通志再進

右都御史平思恩九土司及瓊州黎進兵部尚書

明史本傳

謹案廣東舊志作蔡經從榜姓也

張岳字維喬惠安人究心理學以程朱爲正傳癸

酉發解丁丑舉進士與陳琛林希元三人同志並

稱於時初授行人疏諫止南巡杖于闕下幾死謫

南園學正後知廉州府稱賢能第一與副使翁萬

達同議平安南毛尚書伯溫語人曰吾於斯行得

兩巡撫才岳宜南萬達宜北後果然嘉靖甲辰陞

副都御史提督兩廣軍務舊凡公私供億取辦經

紀歲費數千金故事餉銀悉從斂散任意乾沒岳

悉歸梧府而該道覈其實以報餉無私人自岳始

也已巳春封川賊僭稱王岳帥師討平之德慶州

立生祠以祀召人爲兵部左侍郎副都御史時論

其勲賢與韓雍劉大夏相頡頏卒贈左都御史諡

襄惠

歐陽必進字任夫廬陵人正德丁丑進士觀政兵

部累遷兩廣總督兼兩廣軍務舊例軍餉解軍門

必進令入梧州庫而移文動支安南內亂其族目

莫中正率衆來奔逆黨范子儀謀挾之以爭立因

誘海東諸蠻殘州掠地者數年軍門出兵搗其巢

先是料賊窮必遁約交趾而遏之竟如所冀黎犛

毒珠崖乞師奉命討之前後斬獲甚多面縛者幾

千人不三月班師奏功晉留臺以吏部尚書致仕

卒于隆慶丁卯

錄

周延字南喬吉水人嘉靖癸未進士爲新會令發

摘撫字深得民心胥吏畏愛海濱之俗化戈鋌而

之南畝召爲兵科給事中邑人思之祀於名宦祠

粵大歷官南京吏部郎中出爲廣東參議撫安南

征黎寇皆預有功三遷廣東左布政使後歷兵部

侍郎提督兩廣軍務

明史本傳

至則節冗費杜倖功疏

嚴番舶交易之宜罷瓊州萬州烏石諸驛歲省數

千金二廣又安累遷南吏部尚書改南兵部參贊

機務己卯入爲左都御史臺綱爲之一肅性方峻

謹潔一介不苟取與門外肅然卒贈太子太保諡

簡肅

粵大

鮑象賢直隸歙縣人嘉靖己丑進士由御史累遷

兵部右侍郎提督兩廣軍務時山海寇盜縱橫出

沒象賢設方略剿捕獲幾二千級象賢爲人廓達

綜事多大略歷任三十餘年所至有聲時論稱之

錄

談愷字守教無錫人嘉靖丙戌進士官至廣東左
右布政使所在職舉乃簡擢都察院右副都御史
巡撫南贛汀漳時贛賊李文彪海寇徐碧溪等驛
騷浙楚閩廣間濱海城邑多陷沒者愷乃開布誠
信招降文彪而疏上機宜六事以制碧溪未幾碧
溪復寇潮愷授策海道汪副使率兩指揮邀擊之
會颶作我師乘之碧溪溺死俘斬無算虔州以安
捷上有白金文綺之賜進兵部右侍郎兼右僉都
御史移鎮兩廣兩廣山箐險密蠻寇盤據已久明
年突發嶺西聯絡新會溪洞四出焚掠殺千戶黎
元愷畫策分兵追勦一鼓而殲其渠率捕斬五千
五百有奇是役也兵僅三萬時甫四旬而蕩平諸
巢略定五縣衆方擬請藤峽之捷顧有謙之者言
者受指抑之敘功僅廕一子時論惜焉愷在軍日
久念母衰老時方剿大羅山賊將就俘乃懇乞致
仕得請卽行後總督王鈞追疏其績云大羅山賊
阻險肆毒積久難制閒者師出四月薙獮無遺匪
臣實能皆前總督愷籌略豫定故臣得乘機制勝
乞首錄以勸詔進愷右都御史致仕愷性孝守潔
抗爽敏練以久官戶部版圖錢穀之數纒纒如指

諸掌尤曉暢兵事臨敵遣將親授成算羽書露布
悉自手出雖矢石如雨而意氣安閒故所在克捷
云

王鈞字子宣會稽人嘉靖癸未進士授主事累遷
雲南廣東左右布政使兩提秋試綜理嚴密稱得
人丙辰入覲陞右副都御史丁巳轉兵部右侍郎
總督兩廣軍務兼理巡撫事時四履之地皆爲盜
窟若肇慶府扶黎寨海山羅山諸處尤雄鷲數破
城池鈞乃發偏師禽其魁馬天恩李汝端并從賊
七千八百人破巢二百有奇奪還被擄男婦五十
八人特詔優獎蔭一子戊午倭寇自閩入揭陽勢
張甚鈞調兵邀擊斬首三百俘百有奇奪還男婦
四十人奏上有白金文綺之賜已而復犯潮陽調
兵擒剿百七十人奪還男婦亦百七十人是年冬
長樂興寧龍川程鄉諸處及羅絲洞賊復相煽動
鈞會兵擒斬賊首尤德虎楊球鄧子修黃老虎及
賊徒三百六十人奪還男婦五千人先後上聞並
如初賜鈞念廣中寇盜頻繁當有以遏其衝乃相
度要害添設廣寧縣治斷賊出入而不逞之徒稍
衰止矣己未考績進階通議大夫官終南京工部
尚書致仕卒贈太子太保諡恭簡
譚綸字子里江西宜黃人甲辰第進士累遷兵部

侍郎總督兩廣首討七山諸寨方設營寨數處扼險守要以制諸猺獍之死命尋用科臣吳時來薦召還京綸始終以兵事著勲計前之倭北之虜西川東廣首功不啻萬餘皆身履行間得之而本兵以後守臣奏平廣東寇首功一萬二千八百有奇皆綸居中運籌所致

張瀚字子文錢唐人嘉靖乙未進士初為廣東參政從督府談愷監軍征新會寇以捷聞已而總督兩廣時嶺南寇賊充斥會一本暨揭陽禡子亮潮州林金大埔馮成之各擁眾數千島夷又乘風入寇瀚殲賊于揭陽馘其首尋俘金已又轉戰海上奏捷比比詔賜帑金綵幣瀚獨以一本勢張甚絲左廣大帥選悞偏裨不用命悉論如法而檄右廣總兵俞大猷馳赴幕府指授方略會嶺募兵變殺一參將自斃而走倭瀚聞變即遣中軍李峨馳擊之擒首亂并獲倭酋先是言官阿政府意論瀚業奉旨貶爵二級適左廣賊平僅復原官功無所敘後官至吏部尚書卒贈諡恭懿俱同上

李遷新建人嘉靖二十年進士隆慶四年以兵部左侍郎總督兩廣給事中光懋言兩廣向設提督事權畫一今兩巡撫相牽掣不便乃改遷提督兼巡撫廣東而特命殷正茂為廣西巡撫後遂為定

制以平銀豹功加右都御史尋討惠潮山寇俘斬千二百餘級明史殷正茂傳

殷正茂字養實歙縣人嘉靖二十六年進士隆慶時提督兩廣軍務當是時羣盜惠州藍一清賴元爵潮州林道乾林鳳諸良寶瓊州李茂處處屯結廣中日告警倭又數為害正茂議守巡官畫地分守而徙瀕海謫戍之民於雲南川湖絕倭嚮導乃令總兵官張元勳參政江一麟等先後殺倭千餘以次盡平諸盜以功累加兵部尚書兼右副都御史倭復犯電白正茂勦殺千餘人嶺表略定明史本傳凌雲翼太倉州人嘉靖二十六年進士萬曆初提督兩廣軍務代殷正茂時寇盜略盡惟林鳳遁去鳳初屯錢澳求撫正茂不許遂自澎湖奔東番魁港為福建總兵官胡守仁所敗是年冬犯柘林靖海碣石已復犯福建守仁追擊至淡水洋沉其舟二十賊失利復入潮州參政金瀚論降其黨馬志善李成等鳳夜遁明年秋把總王望高以呂宋番兵討平之尋進征羅旁羅旁在德慶州上下江界東西兩山間延袤七百里成化中韓雍經略西山頗安輯惟東山搖阻深菁剽掠有司歲發卒戍守正茂方建議大征會遷去雲翼乃大集兵合兩廣總兵張元勳李錫將之四閱月克巢五百六十俘

斬招降四萬二千八百餘人岑溪六十三山七山
 那雷連城諸處隣境猶獍皆懼賊首潘積善求撫
 雲翼奏設官戍之論功加右都御史兼兵部侍郎
 賜緋魚服乃改瀧水縣為羅定州設監司參將積
 患頓息六年夏與巡撫吳文華討平河池哱咳北
 三諸徭又捕斬廣東大廟諸山賊嶺表悉定明史本傳
 吳桂芳別號自湖更號潭石新建人嘉靖甲辰進
 士督學山東改廣東參政浙江按察使左右布政
 使丁父憂服闋起郎陽巡撫尋晉副都御史總河
 道未任轉兵部右侍郎總督兩廣抵任未數月海
 寇新舊頻仍數且逾二萬桂芳奏請調兵食選練
 兵將皆中機宜輒報可閱數月先後克獲餘寇遁
 海上為雷風所覆無一還者地方安謐人以爲神
 而潮州柘林官兵喇撻夫總管者以少糧脫巾呼
 其黨數百人一夕叛時與倭持兵猶未解也桂芳
 以計授其將且開東莞有李茂材者頗以鄉兵雄
 於里召而密約厚賞之使隨官軍擊叛者海上悉
 就擒斬方叛兵環海轉掠省城非桂芳星馳還鎮
 則城外民居屢貨俱為賊資是功既奏桂芳始決
 意城省外城而居民以撤屋度城址頗不悅至有
 飛語桂芳銳於戒事且罪言者版築甫畢桂芳遷
 去而流寇會一本突人犯省城會老於賊部下臬

雄數千人意固垂誕濱河居民饒富將甘心焉不
 謂有城也比泊而樓櫓森整殊失計遂就擒於是
 人知桂芳有保障功爭立祠祀之居廣三載如王
 西橋葉丹伍端馬平吳平陳倫皆遭逃稔惡桂芳
 談笑中悉平之羅旁地扼江道之咽喉數千年大木
 叢鬱鬱隱以行劫監司將吏遠堵溪者必鈞船掠
 殺桂芳聚兵伐木而焚之蠻不敢出迄今為坦途
 天子凡六致賞焉召入以原官位部議是時丁卯
 歲秋九月也蘇徵
 郭應聘字君賓莆田人嘉靖庚戌進士守南寧時
 嘗佐制府平東粵寇遷東粵參政守嶺南時流賊
 犯增城執辱前守吏應聘至輒發兵逆擊破之二
 源羣盜僭號授偽官肆掠惠潮間應聘率所部兵
 從制府吳大破之累遷撫粵西尋總制兩廣先是
 東山營卒亂聞應聘至爭丐降應聘戮其元凶它
 釋不問覽東事慨然曰人心獨幸亂哉梧兵股民
 咎實在上乃作旌廉杜餽功合頒誠將吏諸將吏
 凜凜亡敢慘一幣詣制府者又聞兩粵疲供億汰
 轆門冗役悉蠲津澳諸稅以利民粵人懽若更生
 云召掌雷臺晉大司馬卒諡襄靖陳經邦郭
 吳文華字子彬連江人嘉靖三十五年進士萬曆
 中總督兩廣軍務巡撫廣東進右都御史會巡撫

吳善總兵呼良朋討平嚴秀珠岑崗賊李珍江月照拒命久文華購禽月照平珍尋入為南京工部尚書明史鄭文華廉潔嚴重在鎮三年文武諸將吏無敢載金帛至者幕府經用自軍市租及常賦以奉戰士其他權稅巨舶所入有司不敢問文華悉歸諸官毫無染指又以其羸代保昌浮糧八十石民藉以甦注森學丙戌珠池之役無賴子弟聚至數萬勢張甚文華第移鎮廣州命將陳師海上以懾之下令有司諭其父兄自令解散沒其巨艘三百餘艘其二三渠首而已先是乙酉東營悍卒以罪被執遂大鼓譟挾主將抗有司後事雖寢文華曰此廣州腹心之疾也激之則生亂吾當密除之乃調操于端州防汎于南頭以分其勢比閩操廣州潛得其首惡數人以犯令戮之三軍股栗心知其討前罪也其威惠並用如此肇慶大水蕩民慮產文華乘城望杏嗟嘆息計畫生養請減明年田租擢去而民思之祠于學宮左志

吳善字元夫龍溪人嘉靖壬戌進士授刑部主事恤刑廣東以明允著擢永寧兵備永寧諸僮所聚多反覆善刻其巢柵列為編民建市廛遵鹽法教以樹菽種皆向化補志萬曆甲申巡撫廣西丁亥拜兵部右侍郎總督兩廣請虛糧補贖餉稽通賦

核增田凡苛政悉從報罷其責成吏治意尤蒸蒸日上倡海南討黎之議力疾與諸司運籌終不以疾為解故事兵餉歲羨數千隨幕府所出入無過問數者善鎔毫不染悉登官籍卒於官贈右都御史子祭葬如例蔭子廷觀國子生郡人思善功德請合祀于吳桂芳祠云粵大記

鄭綱字子尚莆田人幼聰敏痛自砥礪登嘉靖乙丑進士第為戶曹郎與翁萬達鄒守愚相淬濯部中稱四君子己亥知高州府修廢舉墜百度聿興丁酉移知廣州廣為百粵首郡綱悉心民隱釐剔弊源端務節愛不為束濕聽訟明允得兩造之情尤加意學校鼎新賢舍拔名士如盧夢陽馬拯蒙詔輩士類翕然歸之滇南湖襄藩臬所至願望藉甚戊戌提督紫荆等關軍務時惠潮盜熾引倭入寇己未晉右副都御史總督兩廣軍務至則躬督海道副使鄭維誠通判翁夢鯉等討平之嶺海晏然捷聞有白金文綺之賚後卒于任上

蕭彥涇縣人隆慶五年進士萬曆初總制兩廣軍務日本躡朝鮮會暹羅入貢其使請勤王尚書石星因令發兵搗日本彥言暹羅處極西去日本萬里安能飛越大海請罷其議星執不從既而暹羅兵卒不出弟雍廣東按察使宦績亞於彥而學過

之時稱二蕭明史本傳

陳大科通州人萬曆辛未進士累官廣西巡撫陞兩廣總督凡三平巨寇兩擒叛蠻文墨議論外表

豎卓卓時稱為文武才云歲徵錄

陳邦瞻字德遠高安人萬曆二十六年進士光宗嗣位擢兵部右侍郎總督兩廣軍務兼巡撫廣東

海寇林莘老嘯聚萬餘人侵掠海濱邦瞻扼之不

得逞澳夷築室青州奸民與通時侵內地邦瞻燔

其巢召拜工部右侍郎未上改兵部進左明史本傳

張鏡心字湛虛磁州人登進士授蕭縣令有廉能

聲擢入諫垣上封事有關治體巡查壩上清出額

糧四十萬游歷卿班崇正十年命總督兩廣定渚

羅赤翟生擒盤古峒徭蕩掃賊氛連州寇發駐節

乳源命將搗其巢猴寨蝦塘埔頭諸醜類悉殄滅

生熟黎人咸知向風功鐫兩粵碑有平蠻紀事八

卷行世蘇志

廣東通志卷二百四十二終

廣東通志卷二百四十三

宦績錄十三明二

楊信民

孟鑑

揭稽

章瑾

熊梓

熊汝達

張紳

陳濂俱志

李叔正

盛敬吾籍

廖文昌

程富

朱鑑孫天應

周文

徐瑄臣景

白侃

彭信

魏富

袁道

劉纓

王哲

洪異

程昌

熊蘭

蘇恩

邵幽

周煦

潘季馴

孫永思

蔡結

陳聯芳

戴璟

陳道基

蔡夢說

王命璠俱志

吳揚

陳璽

張瑄

彭韶

陳選

| | |
|--------------------------|--------------------------|
| 周孟中 | 羅榮 |
| 梁材 | 謝迪 |
| 徐問 | 陸杰 |
| 胡松 | 柳英 |
| 萬士和 | 劉采 |
| 陳性學 | 汪起鳳 |
| 王佐 | 王世德 |
| 姜一洪 <small>俱左布政使</small> | 徐奇 |
| 王公亮 | 劉永清 |
| 彭遠 | 周鐸 |
| 夏燠 | 謝瑞 |
| 林同 | 柴昇 |
| 吳廷舉 | 葛浩 |
| 邵銳 | 顧遂 |
| 屠僑 | 陸銓 |
| 滕伯輪 | 丁以忠 <small>俱右布政使</small> |
| 王來 | 戴弁 |
| 伍希淵 | 張瓚 |
| 黃瀉 | 王佐 |
| 劉昌 | 謝燦 |
| 丁璐 | 范瑛 |
| 蔣曙 | 黃容 |

羅僑 張懷
徐乾 沈應龍
項喬 王國楨
馮覲 呂之節
翁鴻業俱左參政
明

楊信民浙江新昌人正統初以王直薦為廣東左參議清操絕俗嘗行田野訪利弊為更置性剛負氣按察使郭智不法信民劾之下獄黃翰代智信民復發其奸已又劾僉事韋廣廣遂許信民因與翰俱被逮軍民譁然詣闕下乞留信民詔復信民官而翰廣鞠實除名景帝監國于謙薦之命守備白羊口會廣東賊黃蕭養圍廣州急嶺南人乞信民乃以為右僉都御史巡撫其地士民聞而相慶曰楊公來矣時廣州被圍久將士戰輒敗禁民出入樵采絕而鄉民避賊來者拒不納多為賊所害民益愁苦歸賊信民至開城門發倉廩刻木鏤給民得出入賊見木鏤曰此楊公所給也不敢傷避賊者悉收保民若更生信民益厲甲兵多方招撫降者日至乃使使持檄入賊營諭以恩信蕭養曰得楊公一言死不恨尅日請見信民單車詣之隔濠與語賊驚望見謹曰果楊公也爭羅拜有泣下

者賊以大魚賦信民受之不疑蕭養且降而都督董興大軍至賊忽中變夜有大星隕城外七日而信民暴疾卒時景泰元年三月乙卯也軍民聚哭城中皆縞素賊聞之亦泣曰楊公死吾屬無歸路矣未幾興平賊所過村聚多殺掠民仰天號曰楊公在豈使吾曹至是計聞賜葬祭錄其子玖為國子生廣東民赴京請建祠許之成化中賜諡恭惠久之從選人盧從愿請命有司歲以其忌日祭焉

明史本傳

孟鑑字克明博野人宣德癸丑進士任戶科給事中
中正統十四年黃蕭養反事聞陞戶部右侍郎奉
敕巡撫摩勞徠散其黨與次年四月剿平廣民
戴之黃志

揭稽字孟哲永昌人永樂甲辰進士正統末歷官
廣東左布政使景泰二年朝廷以廣寇初平民尙
凋瘵以稽久任且知民情勅陞戶部左侍郎巡撫
廣東稽至見民困弊卽行軍徭之法驗賦重輕丁
力多寡第爲三等而均役之民以爲便又分南海
海隅之民奏立順德縣治濱海復設增江巡檢司
以防盜賊民稱其能同上

章瑾字用欽會稽人正統初進士嘉靖初拜禮部
右侍郎既而以盜竊發廣州簡瑾巡撫廣東兼治

羣盜瑾謀于陳循曰聞參議楊信民素爲廣民信
服若與瑾偕往盜必聽撫循善其計時信民以誅
誤謫守邊循爲力言於上遂起信民爲僉都御史
以行廣東民有被脅從爲盜者聞信民至相率來
歸凡數千人錄

熊梓字元乘武昌人嘉靖庚戌進士歷官僉都御
史巡撫廣東時海寇會一本方張至則條上平寇
四策乞餉金五萬皆得請附循士民戒守令毋得
苛擾行保甲團練法造戰船百有六十發數千金
以賑貧民清久漣魚鹽課區畫周悉乃與師平嶺
西新會藤洞諸盜尋擊一本于潮海走之一本復
誘倭寇惠州把總周雲翔殺參將耿宗元以叛梓
縱火擊之雲翔敗走先是有言雲翔不可用者至
是梓悔不用其言以剿賊勞瘁卒于惠未幾一本
敗伏誅皆梓平日經畫之力也贈兵部侍郎賜祭
葬粵大

熊汝達進賢人爲廣東布政擢僉都御史繼熊梓
爲巡撫剛方廉介果於革弊有把總害民亟杖殺
之士民稱快亡何哉巡撫汝操江汝達或惠並施
自奉儉約不可以私干終右都御史部
張紳字子儀柳州人嘉靖癸丑進士以與董傳策
疏劾嚴嵩得罪遣戍隆慶丁卯復起累遷右僉都

御史巡撫南贛汀韶督軍事至則撫流民過嶺寇
平三巢又遣兵解惠州之圍屢承金綺之賜萬厯
初以刑部侍郎乞休卒狷氣節才猷為海內所仰
重云錄微

陳濂字德清鄞縣人乙丑進士授南京刑部主事
陞員外郎轉廣東按察僉事專督屯糧進副使巡
視海道尋陞廣東左布政使未幾擢都察院右副
都御史巡撫其地濂貌端莊美髭髯心地坦夷不
為嶄絕之行在廣東最久恂恂信實政平事安上
下安之同上

李叔正初名宗頤靖安人洪武時擢監察御史奉
命巡嶺表瓊州府吏訐其守踞公座簽表文叔正
鞠之守得白坻吏罪太祖嘉之曰人言老御史懦
乃明斷如斯耶明史本傳

盛敬字存禮當塗人初以進士授行人庚辰冬聞
兄涉江溺死陳情奔歸操舟直抵其所求屍得之
祭葬以禮奉嫂撫孤盡恩義尋擢陝西道監察御
史巡按廣東所至洗冤澤物不事苛細未嘗及服
食棄幹之譽大播嶺海臺諫中推其學行永樂己
酉改按遼東卒察案朋舊以其清苦多趨弔購祭
之通志時有衢州人吾紳先為廣東右參政後奉命
考察廣東有參政素食墨結權要侍紳為故僚友

紳竟黜之時服其公錄微

廖文昌字克盛沙縣人永樂丁酉舉人授行人轉
御史巡按兩廣擊奸翼善綽有風裁福建通志

程富字好禮歙縣人永樂甲午中鄉試癸卯赴春
官卒業成均宣德三年黜御史不職者選國學生
才識優者任之授陝西道監察御史庚戌巡廣東
其地阻隔山海使者往往憚之富不避嵐障躬歷
蠻區視民利病惠鰥嫠威奸暴吏無乾沒之患民
有莫安之樂使院舊有荔枝百樹門夫養畜以備
使需富曰是設餌也斧其樹散其畜土豪為民害
者悉去之不畏權力聲威赫然累官右副都御史
致仕卒年七十錄微

朱鑑字用明福建晉江人由舉人授教諭擢監察
御史巡按廣東奉命獄多全活者招撫逋叛恩
威並著用薦陞山西參政以右副都御史乞休致
成化十四年卒年八十八同上孫天應進士萬厯中
郵刑廣東後官肇慶府志

謹按明史朱鑑於正統五年以御史按廣
東黃志則云洪熙元年再按廣東有出巡
錄廣人至今傳之一曰正統一曰洪熙中
隔宣德一代矣今仍遵明史列於正統五
年

周文字顯謨富陽人永樂癸卯舉人選河南道監察御史巡按廣東赫著聲績時中官王振方用事文疏論之貴州苗賊猖熾總帥僨師命文督兵偕靖遠伯王驥往剿至則單車詣賊宣諭國威賊果歸款未幾以憂歸卒于家

浙江通志

徐瑄字子敬嘉定人正統戊午解元第進士授監察御史景泰七年出按廣東廉公有威人莫能窺其際巡歷所至惟以廩粟易蔬肉而已渡海駐瓊履人所憚擒治奸貪峒黎悅服後擢僉都御史巡撫延綏先是吳江盛景亦以監察御史按廣年踰弱冠而明習法律老吏見其文牘莫不縮頸時瀧水賊猖熾景單騎諭之遂降乃劾巡撫侍郎揭稽不法事風力振一時然景之明敏不如瑄之詳慎

黃志

白侃字廷直太原平定人景泰甲戌進士授浙江道御史廣東巡按天順二年珠池之役合六郡兵民之衆而中貴十五人者儻從官校實多且將事銳甚侃言之中貴人以為珠固不敢稽也今西賊久流如民疲何中貴人感動官校怙勢虐下侃廉得其責責中貴人自治由是且慚且懼為之斂跡中貴人有欲屬參吏者侃不從曰參吏有簿巡撫既出巡按承之巡按乃可為巡撫欺耶有愛侃者

嘗以太剛媒禍為言侃聞之正色曰侃未學初仕患在不能剛耳言者愧之

錄

彭信字中孚浙江仁和人景泰庚午中鄉試辛未進士會憲臣有言宜選進士才茂者積學中秘如永樂初故事信與選為庶吉士癸未擢山東道御史乙亥巡按廣東時嶺南未靖武將帝征頗易信儒生信初不為較一日將出師普衆信伺帥語間為陳說方略申嚴號令揆度事機切中要害卒殄夷獠兵無挫切信指縱之功為多倖奏帥以己所得賞格讓信信曰吾文士也自有階矣以武為識者偉其功而多其不伐

同上

魏富字仲禮龍溪人成化丙戌進士授監察御史按廣東林蠻洞蠻為厲富廉不法吏若干人置於理蠻蠻皆隸編戶

福建通志

袁道字德純吉水人賦性剛介清苦力學以氣節自負成化壬辰進士歷知宜興太平二縣擢監察御史巡按廣東罷賊吏搜剔奸弊雖藩臬諸司皆相戒飭曰勿使有玷缺袁御史知也尋以疾卒于龍川白沙陳獻章作詩哭之時稱為真御史

黃志

劉纓字與清新淦人成化戊戌進士宏治辛亥奉命按廣東廣南濱海有別渚曰澳番舶交易之地也地有珠市世其業者十人豪民張政者先富名

番舶商海外諸國致番貨直數十萬貫結中人監
舶者假以公牒得捕盜海上憑藉聲勢張甚因欲
吞十人者之業不得悉誣十人爲盜捕置獄中七
人瘦死餘三人當論決纓讞得其情並釋三人抵
政死指揮倪鳳亦以捕盜忒剽海上害尤甚願鳳
陰狡多養死士自衛迫之恐變乃以計密擒之竟
致之法鎮守中官上言各堡俘獲幼男寄養軍士
宜從官刑給內用而實無其人比詔取之則旋買
良人子腐以充數腐且三百人斃者十五所須尙
千人方買之海南纓聞急渡海抵瓊崖諸屬覈實
馳還則所司部五百人方艤舟待處纓亟下守巡
官驗非俘獲卽日散遣於是其家感恩咸謂曰劉
公實生汝汝後有嗣宜以劉姓姓之癸丑還朝累
官南京刑部尙書卒年八十二纓前後按閩粵兩
大省劾罷省吏郡縣守令而下不職者三十有六
人誅舞文者百三十餘人平反絞斬罪百二十三
按廣時值鄉試爲監臨官精擇典校尤嚴閉衛而
不爲苛瑣惟詳於檢閱不令有遺嘗閱落卷得一
士以爲奇列之首選榜出咸謂得人卽湛若水也
錄

王哲吳江人宏治庚戌進士十年出按廣東時劇
賊陳光等流劫新會東莞哲畫策不旬月平之南

海縣十三村負固數爲亂鎮巡議屠之哲曰村戶
不下萬餘豈無一良善者乎玉石俱焚吾不忍也
乃輕騎率廣州知府詣其巢諭以禍福且許自新
其父老感泣曰巡按公活我卽解散又每村立土
里長以約束之旣而以外艱歸民號泣追送服除
出按江西尋遷廣東按察使未幾卒分省人
洪異字大同龍溪人宏治乙卯舉人擢監察御史
巡按兩廣值寇賊大發異悉平夷之百姓苦寇有
年慶得安堵所在祠祀焉福建
程昌字時言祁門人正德戊辰進士十六年以巡
按御史蒞廣廉潔惠愛憫民徭役各衙門需索秤
頭過多乃立銀差力差二等民甚便之及得瓜代
士民攀送者千餘人黃
熊蘭字天秀南昌人正德辛未進士以行人擢御
史逆濠將叛密與同年御史蕭准言之遂發其謀
果反嘉靖甲申按廣東所至旌廉黜貪剛介莫犯
給事中潮陽陳洸當道庇之蘭從公折獄洸遂爲
民有王指揮者或誣以失律當斬繫獄十餘年訊
知其寃并其黨數十人皆得末減當道反謂其矯
激擢直隸太平知府至部五日坐讒落職行橐蕭
然卒于家年五十八廣人過南昌莫不往弔
蘇恩字從仁華亭人與程昌同年爲監察御史嘉

靖五年巡按至廣首抑權豪華和買且與藩臬僉議水夫為頭領者最為民害乃定隨糧帶征之法民甚德之檄廣州知府范椽禮請編修黃佐重修郡志垂成以互相糾劾去任士民垂泣送至清遠云俱同上

邵幽東陽人嘉靖六年按廣東興利革弊不遺餘力西樵石礦奸民擅利發掘邱壘前巡按屠應坤請禁而御史涂相禁未力幽與總督王守仁復申前議請明旨嚴禁之西樵志

周煦字啟和吉水人正德辛巳進士初以監察御史清戎雲貴例不再按掌院汪誠齋復以廣東屬之行曰吾送福星入廣也時海盜方息軍餉日耗煦至釐舊弊裁革殆盡驛遞之供億必出於官民壯之召募必精其選未代陞大理寺丞累官至左副都御史七年風節如一日嘉靖二十四年卒於官欽定四庫全書

潘季馴烏程人嘉靖二十九年進士巡按廣東行均平里甲法廣人大便臨代去疏請飭後至者守其法從之明史本傳

孫永思字性孝蒲州人嘉靖庚戌進士歷御史巡按廣東性莊重寡言笑出語必中利弊諸司憚之比之包孝肅時仕者多漁獵其民永思按三尺法

率屬以廉墨吏望風改轍監乙卯鄉試所拔多知名士撰粵臺十二詠世傳誦之郡志

蔡結字國凝漢陽人嘉靖癸丑進士初令東鄉調臨海擢江西道御史巡按廣東蕩滌大憝海南清宴應藩臬以卓薦陞陝西太僕寺卿湖廣通志

陳聯芳字以成長樂人嘉靖丙辰進士出按東粵視會城與島渚為鄰下令築外城既而寇至民免於難立祠報功福建通志先是海賊剽掠省城總督吳桂芳撲滅之以貨物雲屯城外議建外城民有屋廬被撤者作為蜚語版築幾寢聯芳力贊成之工甫畢而閩寇會一本突至樓櫓四望城垣周固一本計無所出旋就擒向之怨謗者反德之故與桂芳並祀云郡志

戴璟浙江人丙戌進士歷官監察御史巡按廣東百粵地遠法踈吏竄民情公肅紀貞度潔躬愛民嘗曰御史正己以格物已苟弗正物何能格民何日蒙實愛乎一時州縣汗吏望風解印綬去所畫為條約多切民隱官民傳誦目為戴公出巡錄又哀叙粵故實為廣東通志其文麗其事核而一方

文獻大備其政有體要不求赫赫之名而攬譽澄清之風於斯稱最焉粵大記陳道基同安人進士歷廣東御史威明惠下激濁

揚清詰奸剔蠹道路肅然柘林兵變守者拒城士女蹂藉死城外道基親門焉以納難民民爲立祠

志

蔡夢說字君弼龍巖州人萬曆甲戌進士以中書

擢御史按廣東戢撫瓊饒諸寇又造湖城石梁以

禦水患歷官南韶參政會交趾襲欽州制府令斬

級論功夢說嚴止妄殺

福建通志

王命璿字君衡龍巖州人萬曆甲辰進士由新會

介擢監察御史出按粵設澳門參戎以增防守

志新會時潔己愛民勤於撫字邑人立三賢祠

記之在氏通考

吳揚領永樂甲午京闈鄉薦明年第進士拜工部

主事調刑部宣德改元滿考遷郎中己未陞廣東

左布政使正統甲子廣西蠻搖流劫邊境往撫捕

之丙寅以父歿乞歸守制朝廷方倚揚撫輯不聽

逾二年病卒揚爲方岳以承流宣化爲己任先德

政而後刑罰凡大利害必具以聞而興革之嶺海

帖然安謐朝廷嘗慮嶺南水旱勅揚處置揚奉上

德意問民疾苦恤窮困理冤抑勸農桑興學校召

父老語以孝弟忠信有能捐粟千石者如詔旌異

錫其祿役於是民爭出私儲而官廩皆充溢其撫

猺蠻也觀風使以揚方在海南屬之右布政使彭

遠遠年老矣會揚還日水陸崎嶇瘴毒尤甚豈老

者所堪耶卽促裝不避艱險至則呼猺首諭以禍

福卒靡然從化父喪不得歸寢食悲嘆僚案交慰

之終不憚以至於卒

獻徵錄

陳登字尙勉漳浦人正統丙辰進士授戶部主事

遷吏部考功郎中天順四年廣東盜熾除廣東左

布政召入內殿賜宴遣之既至密相機宜撫捕互

用討平新興撫定德慶蓬州等峒猺賊以疾致仕

福建通志

張瑄字廷璽江浦人正統七年進士景泰時爲吉

安知府用薦擢廣東右布政使廣西賊莫文章等

越境陷連山瑄擊斬之又破陽山賊周公轉新興

賊鄧李保等既而大藤峽賊頻陷屬邑瑄坐停俸

成化初韓雍平賊錄瑄轉餉勞賜銀帛給俸如初

瑄按行所部督建預備倉六十二修陂塘圩岸四

千六百增築廣州新會諸城垣一十二民德瑄惟

恐其去旣轉左布政使會滿九載當赴京軍民相

率乞畱巡撫陳濂等爲之請乃仍畱故任八年始

以右副都御史巡撫福建

明史本傳

彭韶字鳳儀莆田人登進士成化十四年累官至

廣東左布政下車首集父老問民疾苦利病卽興

革之先是農民補吏視房分率令辦納公堂銀部

曰取其財而責其貪可乎悉革之內臣歲辦貢物民不能堪詔疏言明王不寶遠物廣東民力竭矣守土之臣以此為恭不知國本凋傷為害滋甚及市舶太監韋眷請餘剩六十戶隸舶司以需歲辦貢獻詔疏云今日富強不及于昔者蓋因害財之多及今愛惜樽節猶恐無繼更啟他端雜用其何以善後哉願將眷所奏餘戶暫與一年後皆停罷有詔減其半薦陳獻章于朝得徵召下至一時名士皆折節下之所至有聲如去五顯廟以祀崔清獻公撤土神祠以祀汪參政廣洋之類朔望受民詞至千百紙決斷如流告誡諄切民感受若父兄最後太監梁芳弟錦衣千戶在鄉私採禽鳥等物進獻官民俱擾詔復上書言狀忤旨調貴州布政使行父老涕泣有追送數百里外者巡撫都御史朱英贈詩有獨有羊城臨發處西風臥轍鳥聲酸之句終刑部尚書諡惠安黃志

陳選臨海人父員別有傳選自幼端愨天順四年成進士授御史後歷廣東左右布政使肇慶大水不待報輒發粟賑之二十一年詔減省貢獻而市舶中官韋眷奏乞均徭戶六十人添辦方物選持詔書爭帝命與其半眷由是怒選番人馬力麻詭稱蘇門答刺使臣欲入貢私市易眷利其厚賄將

許之選立逐之去撤馬兒罕使者自甘肅貢獅子將取道廣東浮海歸云欲往滿喇加更市以進選疏言不可許恐貽笑外番輕中國帝納其言而眷憾益甚先是番禺知縣高瑤沒眷通番資鉅萬選移檄獎之且聞於朝至是眷誣奏選瑤朋比為貪墨詔遣刑部員外郎李行會巡按御史徐同愛訊之選有所黜吏張裝眷意其怨選引令誣証選裝堅不從執裝拷掠無異辭行同愛畏眷竟坐選如眷奏與瑤俱被徵士民數萬號哭遮爾使者辟除乃得出至南昌病作行阻其醫藥竟卒明史本傳

周孟中字時可廬陵人成化己丑進士由主事陞官副使提督廣西作興有道士始知學宏治中為廣東左布政使先是海舶中官歲例採珠造櫃并僉大戶解納侵尅不貲至是商賈之利復籠取太盡孟中悉加裁革地方以安民間婚嫁後期喪葬不舉皆有禁俗為之變以副都御史致仕卒錄

羅榮福建古田人進士廣東左布政使正德八年入覲言鎮守內臣人貢之害明史劉其取諸民者盡錙銖而貢不及什之一又言廣東所在伏莽不窮治之事叵測皆不報其後滴水巖帽子峯獠搖負固龍川和平等縣盜賊竊發大事兵戎始就安謐人皆服榮先見之明八閩采錄

梁材南京金吾右衛人宏治十三年進士歷官貴州廣東左右布政使吏民輸課令自操權衡吏不得與時天下布政使廉名最著者二人材與姚鏞也

明史本傳

謝迪字于吉宏治己未舉進士授兵部職方司主事轉武選司員外郎參議南昌轉河南按察使遷廣東左布政使事先其要裕民剔弊不遺餘力時值大比以貢院隘陋弗稱拓而新之就試之士德焉入覲還任遇疾卒于嘉靖己丑

獻徵錄

徐問武進人宏治十五年進士累遷廣東左布政使嘉靖十一年以治行卓異徵明史本傳立己方嚴有

大臣風度粵裝一無所攜日不使吳隱之嵩美也其不避權貴與民休息足以繼武彭韶粵中稱賢

藩輒曰彭徐云

陸杰字元望淞之子宏治進士授兵部主事轉員外郎中出參議湖廣歷遷廣東左布政使五嶺以南南擅番船之利杰懲犯禁者數人民始斂輯安南貢使不至朝議以都御史毛伯溫督師征討杰預偵安南隱事為伯溫言可不煩兵而服伯溫以聞許便宜罷兵未幾莫登庸果上表請罪擢右副都御史巡撫湖廣進工部右侍郎卒于官贈工部尚

書通志

胡松字茂卿徽之績谿人也正德甲戌成進士授嘉興推官歷官監察御史以言事忤旨下遷廉州府推官單車趨之任有守瑄據民荔枝園者松奪而還之民瑄戒曰是強項推官當謹避之耳尋量移同知廣信府未上進福建按察僉事累遷廣東右布政使轉左以母憂歸服除仍故官屬歲被用松焚全活老弱萬計拜都察院右副都御史官至工部侍郎致仕卒

款錄

柳英字子鍾巫山人丰姿奇秀嘉靖三十六年擢廣東布政使入境行李蕭然惟一蒼頭自隨數月與時抵牾即拂衣去粵中稱廉介必曰柳布政云

志

萬士和字思節宜興人嘉靖辛丑進士官廣東左布政使粵民萬里轉輸京帑其費不資士和著令稍徵轉輸費屬計吏并領之粵中稱便故事藩司一切政務專制於左使右署名而已士和日朝廷並設兩使若左右手非有所輕重也約分日治事以明大體已晉應天府尹屬直指使初按粵逆辭之境上遂行直指以為倨銜之欲巧詆以法抵粵悉取諸錢穀籍稽士和失無所得則榜掠焚推吏屬誣引士和吏忍死不服曰有之萬公不應飲粵一勺水耳直指愈怒摠撫益亟香山黃佐家居養

高不可致忽出謂直指直指喜獨能得佐也自起
 迎之佐入揖曰老夫跡不至公府久矣今為萬公
 來公即欲涅之其人非可緇者直指心忤不敢出
 一語事乃寢尋拜右副都御史官終禮部尚書士
 和禔身嚴不錯寸趾蒞官不為赫赫名其當事蹇
 蹇有壁立萬仞之操初忤分宜去臬已又忤新鄭
 去卿貳已又忤江陵去卿性廉儉茹淡衣浣粵故
 多丹砂名香犀翠珠璣種種奇珍一無所取錄
 劉采字汝賢麻城人嘉靖己丑進士初知宿州歷
 官廣東左布政約己裕民守官肅度歷三十餘年
 所至以廉能稱而藩務清釐尤足為諸僚表率嘗
 以家學春秋宗旨授諸生於是廣士始有麻城之
 學而王佐輩相繼登第遷南京吏部尚書改兵部
 尚書卒贈太子少保諡端簡粵大
 陳性學字還冲諸暨人萬曆丁丑進士以御史出
 按宣大忤執政萬曆十三年改授廣東屯鹽僉事
 性學念粵處海濱鹽為利府而狡獪所伏亦為弊
 叢于是條廣西官運六議又條吉安鹽議悉中窾
 要粵商德之肖像建祠復攝督學彖編搜嶺南人
 文之勝學者翕然宗之未幾遷官去三十九年復
 授廣東左布政使粵稅向充軍餉自內瑄李鳳取
 以供上勢將倍徵性學力株之巨聞咸敬憚粵民

愛戴如慈父母以外艱歸志
 汪起鳳字來虞吳縣人登萬曆辛丑進士天啟四
 年累官左布政使時值歲荒闔郡饑民洶洶起鳳
 下車即為調劑首率諸司捐賑人心遂安又請督
 府給牒西粵米商俾稅關毋得權及粟米於是米
 商大集存活無算海寇劉香老作亂用兵惠潮前
 後轉餉不置賊平論功居首歲運雜料赴都向皆
 衛弁鑽營往往乾沒至是悉罷軍官不用以賢能
 佐貳督之著為例奸民依託勢豪悉為懲杖人大
 稱快在任六載推陞浙江巡撫以不附魏忠賢且
 東粵獨無忠賢祠矯旨與督府何士晉同日奪職
 崇正初起用補海南學道卒于官祀名宦上
 王佐字翼卿鄞縣人萬曆癸未進士歷工部郎中
 出知南昌府遷至右布政轉廣東左布政題免太
 平橋稅銀三萬兩粵人頌之尋以副都御史巡撫
 江西入為工部尚書加太子太傅致仕卒諡莊簡
浙江通志
 王世德字長民永康人萬曆進士由閩縣令陞工
 部主事累擢至廣東左布政劉香老犯廣州世德
 調閩將鄭芝龍夾擊香老溺死敘功上
 姜一洪會稽人由進士任廣東布政值明季多故
 戎馬躡郊徵輸百出一洪日閱軍輸手握牙籌省

不急之費汰離伍之兵釐奸剔弊民便之歲飢設賑壯者給米弱者予糜存活萬計粵澤國田多濱海潮至衝刷田去稅存一洪檄諸司親行踏勘豁其虛糧流民以集尤清介自持日用儉約壬午賓興充提調官樽節所餘悉以資孝廉計偕祀名宦

志

徐奇字以正浦城人監生任都給事中永樂元年擢右布政使二年九月奏言本司遇催辦公務審決罪囚及應奏事務差委官員皆自備脚力不無妨誤令廣東所轄遞運船夫閒暇日多自今本司委官其脚力乞于遞運所應付爲便又言布政司府州縣官到任之後間有不服水土瘴癘而死遺下家屬道路遙遠貧難無力不能還鄉誠可憐憫請准律故官家屬有司應付脚力給與行糧遞運還鄉皆從之五年進香至京載嶺南土物將遺諸臣有得奇單日以進上召大學士楊士奇問之對曰此非重貨答昔日贈行詩文耳上卽命燬之一無所問六年十月卒奇蒞職能勤持己能廉立志愛民民用戴之初在科時以譏毀爲能人皆側目至是持方岳大體人謂其能改過云

黃志

王公亮華亭人洪武初以能書舉任吏科給事中陞應天府治中以卓異聞遷府丞永樂改元調四

川右布政久之復調廣東公亮體貌魁梧舉止都雅爲政得大體錄廉重愷悌人皆悅服十二年卒於官

志

劉永清荊州人進士宣德間由翰林侍講陞右布政使公平廉恕訟簡民安去任民遮留之不得爲歌詠以頌其德云

黃志

彭遠南昌人以鄉貢官至淮安知府有善政正統十一年特陞廣東右布政使蒞任廉謹寬和廣民喪葬崇尚浮屠習用華侈遠嚴下令責以葬期不半月暴露者皆賴有藏焉

上同

周鐸字秉器萬安人正統壬戌進士歷官廣東右布政使與都御史韓雍征海寇有功時使司庫有鉄箍木柱數十破之皆黃白金而籍無載者僚屬欲均利之鐸曰財屬庫藏可得而私耶悉聞之兩院時嘉其廉介稱方岳政績第一致仕歸清風肅然家居湫隘傍有僧舍當道欲以寺基益之鐸力辭焉歷官數十年其清慎始終如一日云

粵大記

夏燠字宗成天台人景泰二年進士授御史天順初巡按福建以薦超擢廣東按察使時用師歲久役民守城燠至悉遣之成化初奏徭徭弗靖用兵無功由有司樵字乖方賊因得誘良民爲徒黨劇寇數百脅從萬千進則驅之當前退則殺以抒憤

害常在民而利常在彼況用兵不已供斂日增以易搖之人心責無窮之軍費恐外患未除內變將作請慎選監司守令撫綏遺民被脅之衆自聞風來歸帝深納其言尋遷布政使調江西明史本傳

謝瑀字叔和閩清人景泰甲戌進士由戶部主事

至廣東布政使致仕時高雷廉三郡值用兵征討

瑀飛輓芻粟師無匱乏而民不擾以廉能著福建通志

林同字進卿龍溪人天順庚辰進士歷戶部郎中

轉廣東左布政使條示利病二十餘事下郡縣勸

民行呂氏鄉約朱子家禮巡按王哲奏為廉能第

一上同

柴昇字公照南陽人也成化二十三年進士擢工

科給事中宏治朝累應詔上疏言時政上多嘉納

擢廣東右布政使平十三村賊賜銀牌紵衣遷山

東左布政使舟還荆襄州縣盛設供帳以俟及至

行李蕭然無異寒士觀者與歎正德中官至南京

工部尚書卒賜太子太保獻徵錄

吳廷舉梧州人成化二十二年進士除順德縣知

縣上官屬修中貴人先祠廷舉不可市舶中官市

葛以二葛與之曰非產也中官大怒御史汪宗器

亦惡廷舉曰彼專抗上官市名耳會廷舉毀淫祠

二百五十所撤其材作堤葺學宮書院宗器謂有

所侵盜執下獄按之不得問慚而止為縣十年稍

遷成都同知憂歸補松江用尚書馬文升劉大夏

薦擢廣東僉事從總督潘蕃討平南海清遠諸盜

正德初歷副使發總鎮中官潘忠二十罪忠亦訐

廷舉他事遷繫詔獄劉瑾矯詔枷之十餘日幾死

戍鴈門旋赦免後歷廣東右布政使明史本傳

葛浩字天宏浙江上虞人進士以河南參政服闋

改授廣東新會寇作議者以縣治孤危恐先碎賊

手浩潛師出賊不意縛其渠魁脅從多得減死亂

遂以平詔賜白金文綺丙戌進廣東右布政使與

左使梁材協恭宣化利濟為多丁亥擢貴州左轄

獻徵錄

邵銳浙江仁和人正德三年進士授翰林院編修

歷陞廣東布政使質任自然不為矯飾言動必依

於禮一時稱為端士寮屬相率効之無敢稍涉欺

匿者號稱大治後卒詔賜祭葬贈都察院右副都

御史諡康僖分省人物考

顧遂字德仲餘姚人舉正德進士授刑部主事歷

遷郎中乙酉出知惠州一日有老嫗攜幼子號冤

郡治前呼鞠之云被豪毒不能活即下令捕之豪

竄未逮獲遂偶臥疾語家人曰痛亟他無足念憾

未得為弱子伸冤耳尋愈竟捕豪置之法潮人有

官給事罷歸者勢雄一方流毒鄉里羣訴於院司
固請屬遂按治遂不少徇值歲大歉出金糶粟遣
官分道煮粥以賑一一有法復遣檄諸郡約無過
糶民賴全活議重蠲稅當事者欲輕之乃力爭減
十之七八巡撫周用稱善特疏薦之己丑夏復亢
旱竭誠禱雨輒應民爲建喜雨亭治傍民居火遂
匍匐拜之火旋滅治惠五年法肅政平民戴若父
母遷廣西副使累遷廣東右布政使尋陞右副都
御史提督江右閩廣軍務寬嚴有體兵民胥服寇
竊不興政暇集多士考課問業章示軌度人文彬
彬焉已遷南京刑部右侍郎丁母憂卒載微
屠僑鄞縣人正德辛未進士以才試御史累擢廣
東右布政使有惠政尤以廉率下轉福建左使入
覲不持一物諸計吏亦無致取者官終都察院左
都御史贈太保諡簡肅其後欲用都御史上輒問
曰得似僑否其見重如此同上
陸銓字選之嘉靖癸未進士歷官廣西按察使以
平弩灘盜賊侯公丁功陞廣東右布政使虛懷下
士延見督宿咨訪民間疾苦凡不便於民者悉汰
除之不遺餘力以內艱去衆惋惜焉分省人
滕伯輪字汝載歐寧人嘉靖壬戌進士令番禺海
寇方熾伯輪稽保甲備樓櫓教技擊築外城以禦

之邑賴以安入爲戶部郎督學兩浙聲教整嚴歷
廣東臬藩擢都御史福建通志

丁以忠字崇義新建人戊戌進士歷官廣東按察
使慷慨大度不屑苛瑣恢然負用世才平反積獄
數十人時佛郎機夷違禁潛住南澳海道副使汪
柏憇患之以忠力爭曰此必爲東粵他日憂盍再
思之柏竟不從尋擢右布政使時征何亞八鄭宗
興諸賊運籌理餉克成厥功賜白金文綺採珠中
貴事竣欲橫索以充私囊以忠引大義止之粵氓
得免荼毒遷山東巡撫官至留都少司馬叛卒之
變談笑靖之感于時事丐休而歸粵大

王來慈翁人宣德二年會試乙榜正統間爲廣東
左參政庶政修舉屬吏無敢舞文者來素性嚴厲
疾惡尤甚聞其風者咸戒慄說者謂其先剛執而
後和平云分省人

戴弁字士章浮梁人以教官擢兵科給事中累官
廣東參政時黃蕭養作亂弁往撫安未幾寇逼城
闈遂歸爲防禦計至羶羊峽口猝與賊遇弁殲舟
登岸據胡床坐諭之曰我戴參政也因爾輩失所
朝廷故命我來撫爾輩聽吾言革故自新卽吾良
民何乃爲喪家計耶賊首環視曰果我公也麾衆
羅拜曰公與楊公皆愛吾民者吾何敢恐公遂密

護弁歸未久寇大肆圍廣州城中乏食亟與知府
聶好謙發廩賑之衆心始安復立賞格募敢死士
間道接援兵入城守乃固會參將武毅駐兵金利
都督董興至自京師弁往與定謀刻期一戰乃斬
蕭養于城南分兵搗巢穴撫餘黨未閱月悉平捷
聞朝廷勞以羊酒寶鑑金綺襲衣遷右布政使景
泰三年丁內艱奪情視事進左布政使考績至京
師疾作乞歸卒黃志

伍希淵字士賢安福人天順甲辰進士成化十一
年由刑部郎中以註誤謫廣州同知十四年留知
廣州事爲政平易愜民與利除害雖嫌不避士民
歸之後歷廣東左參政陞湖廣右布政使祀名宦
郡志

張瓚孝感人由進士歷官左參政總督糧儲下車
詢倉庾之利病民之情隱斟酌折中行之宿弊盡
革西倉舊汗下每積雨則水不泄糧多腐敗官病
焉瓚卽修之并葺東倉令民輸者至卽納之無留
難復建新倉一十二廩鑿池於中以潄積水而儲
無腐敗之患民甚感之未幾陞浙江左布政使黃志
黃鎬字叔高侯官人正統乙丑進士福建通志初以御
史按貴州久之遷廣東僉事改浙江成化初以大
臣會薦擢廣東左參政高雷廉三郡負海多盜鎬

討平之明史本傳歷藩臬入爲副都御史福建通志
王佐字彥弼侯官人景泰辛未進士遷廣東左參
政分治惠潮二州有平賊功值歲祲設法賑貸全
活甚衆同上

劉昌字欽謨吳縣人正統十年進士累官廣東布
政使司左參政提督糧儲性與人寡合有不可其
意者相對默無一言民間利弊與僚屬言之津津
不倦尤善斷獄遇疑讞輒檄昌鞠之民服其神明
在廣五年以內艱歸旋寢疾卒分省人物考

謝燦字世彰邵武人景泰辛未進士拜監察御史
成化中轉廣東參政有流寇擁衆犯惠潮燦計擒
魁醜三百餘人以疾乞歸福建通志

丁璐字元美豐城人天順進士授工部主事兩考
轉叙州知府三考轉廣東左參政始至廣東同官
重其名以潮惠二郡號難治讓璐分守之璐毅然
往不旬月令行禁止蠶俗革而邊境安及城饒平
璐奉檄督視衝風冒雨不憚勞瘁不避瘴癘城成
而病已沾體尋奉詔之京師過里門疾作遂卒錄

范瑛字俊彥天順己卯領鄉薦庚辰進士成化戊
子授行人辛卯授河南道監察御史癸巳巡按陝
西丁未陞廣東左參政時嶺南四郡蠻寇出沒爲

患瑛分守其地盡心撫循嵐瘴之鄉無不徧慰已酉有奏瑛在荊州失於查盤倉糧者瑛浩然求去巡撫都御史屠某上章留之不報卒致仕而歸

黃容字伯望莆田人志起進士爲戶部主事機神

開朗折疑難一言而定轉郎中出爲肇慶知府治

尙廉平恤孤榮抑豪右行平糶免蕉布官市之擾

溝黃祠圩橋之水使不害稼號黃公溝時廣盜幾

徧而肇尤盜區獻計者欲屠之容曰吾玉石分之

無枉也鎮巡屢最其績以旌擢廣東左參政連推

右轄卒于湖上俱同

蔣曙字景明全州人宏治丙辰進士歷官山東按

察副使調廣東尋遷布政司左參政會樊家屯賊

猖亂募鄉道至賊營宣諭禍福又從間道搗諸賊

巢斬獲首從賊千餘級前後記功擢江右布政官

至工部侍郎廣西通志

羅僑字維升吉水人幼有奇名十二通文詞宏治

己未舉進士癸亥授廣東新會縣知縣新會故劇

縣號難治僑治尙風化謂學者溺章句無本實而

專內業者輒目爲異端於古人甚悖於是表陳獻

章之文詞行事令學者誦法朔望坐學官講論不

輟諸所行罷多做故事之善者三年民安之召補

大理評事以歲早上封事忤劉瑾幾不免瑾敗復

官後擢廣東左參政分守嶺西道是時西山諸賊

猖獗設法擒捕多斂避尋以引年乞骸骨總制張

嶺巡按熊蘭疏留之略曰僑學靡詞章志趨道義

効權奸而直氣不挫遭擯棄而忠節益堅誠未可

遠聽其志也僑復疏辭乃得請僑宰新會時厓山

在治感宋死事諸臣歲泛海祠焉錄

張懷字德珍正德丙子領浙江鄉薦第一明年第

進士授禮部主事游歷員外郎江西左參議嘉靖

戊子擢廣東左參政徧巡僻遠瘴鄉廉官屬賢否

禁公私索擾撫犴獍備海賊立各府均徭規則問

革貪汙縣令六人巡按邵幽特薦其守法愛民孜

孜職業云辛卯考滿去同

徐乾字建夫廣西臨桂人正德七年以進士知新

會縣事持已廉行政簡民心信服邑與新寧接壤

民之桀黠者往往接買賊牛以規厚利或於村店

釀飲聚徒結黨乘醉劫掠盜熾訟繁大率由此乃

嚴禁賣酒宰牛以絕盜端修山水子城以嚴衛守

令民盡報丁壯立保甲樹柵門凡戶必有長都必

有老使自爲糾察賭博有罪遊手必罰民皆信之

訟平盜息於學校尤加意焉歷陞本省訪戍僉事

左參政右布政使持廉秉公始終如一舉行鄉禮

條約民賴之終湖廣左布政使黃志

沈應龍字翔卿烏程人嘉靖進士由刑部主事歷陞廣東布政司參政時有事安南應龍留心邊圉參謀指畫遂誅范子儀安插莫正中莫汝漢之位崖萬黎叛應龍言崖萬與瓊相去數百里止一兵備不足以辦合設參將於崖州參議於萬州專任責成協力共濟地方賴以安靜浙江通志

項喬字遷之舉進士由郎署出為撫廬河間三郡既擢湖廣按察副使以誣誤謫州郡稍起復又以誣構下詔獄未幾復職旋陞廣東布政使左參議在官慮遠防漸如治家無絲髮遺算起廢祛蠹不避要途懲勢豪武斷革市魁海艦之弊嶺南人戴若父母平汀廣尚賊以不關會軍門隱其功無悔也在漢世良吏中亦為罕見獻徵錄

王國楨浙之山陰人嘉靖戊戌成進士授行人歷都諫毅然以經世為己任劾本兵大臣徇私廢法直聲動天下時嚴嵩煽權諸所論列侃侃與嵩左於是出為廣東參政分守嶺西與督府談愷議征大羅山寇直搗其穴斬馘二千有奇民賴安輯綏撫之道保釐之政務殫心力頌聲載道肇人立祠於綏水與談愷王鈞及同知呂天恩並祀歷官福建左布政使嘉靖志

馮親字晉叔嘉靖進士授職方郎歷陞廣東左參

政行部樂昌猝遇徭賊橫掠從者皆走親獨衣冠端坐賊與之入巢求犒親正色曰若不知馮參政耶安得犒賊乃復與親出駐韶州親於入巢時已窺其要害尋集勁卒千人出不意間道襲之遂獲巨魁俘其黨百餘以出事聞擢按察使浙江通志

呂之節字次公龍游人天啟舉人以教諭擢廣州同知嶺表不逞之徒往往煽亂之節密計討捕反側遂安尋擢嶺南道參政粵東盜賊蜂起之節因時制變民咸賴之

翁鴻業字一嶽錢唐人天啟乙丑進士以儀部郎出為廣東右參政分守嶺東以平海寇出冤獄稱能吏俱同上

廣東通志卷二百四十四

官績錄十四 明三

韓楨

鄒濟

張揆

郭循

陳員翰

劉煒

詹昂

吳惠

黃琥

王俊

管見

劉玠

陳奎

盛萬年

陳昂 俱右參政

王綱

陳贊

熊鍊

唐濼

李田

馮良輔

張簡

周用之

王積

朱一龍

趙墳

馮臯謨 俱左參議

王溥

左澄

王英

汪思

顧夢圭

徐如珂 俱右參議

鄭金

熊槩

方員

嚴淦

陳雍

張思齊

李送

陳善

徐用檢

陸夢龍

方震孺 俱按察使

李祥

項忠

孔鏞

唐彬

林錦

陶魯

張誥

瞿俊

吳洪

胡富

丁機

陳欽

林廷玉

王倬

鄭岳

章拯

余本

陳祥 萬應選楊薰

胡訓

王大用

魏枝

江潮

歐陽鐸

徐文溥

祝品

游璉

方良節

顧可久

王世芳

葉照

鄒守愚

吳玘

林雲同

游居敬

胡永成

陳塏

袁載

黃光昇 俱按察司副使

明

韓頴洪武十一年任布政司參政時展築城池闢帥力欲亟成工役晝夜不得稍息軍民困苦病亡頴謂曰城郭所以保民也今築城而疲民是所謂以其所不愛及其所愛甚非安邊保民意也朝廷聞之咎將誰歸帥始懼又欲令五鼓始工二鼓而止頴曰不可乃召衆定約以晨鐘從事夕鐘則已由是軍民赴工者莫不感悅黃志在任三年政聲大著郝志

鄒濟字汝舟錢塘人事母以孝聞由縣庠生爲餘杭令聘佐教縣學薦陞禮部郎中安南拒命詔大將軍帥師征之擇朝臣有文學者往司奏記濟承命以行軍事多所助益安南平餘黨復貳王師再出濟亦繼往還陞廣東布政司參政務持大禮簡重寬平以率郡邑嶺海之區政化行焉坐累左遷未幾復起官至少詹事卒贈太子少保謚文敏獻錄

張揆鄱陽人以掾授官宣德間爲廣東右參政庭無私謁食無兼味人有求囑事無巨細輒面沮之聽訟必兩造得其情民不敢奸旬宣所至輒相戒曰張參政公正人也其可罔哉蓋畏其廉明如此黃志

郭循字循初廬陵人儀觀甚偉言動有則富才識

由進士爲刑部主事宣德間開拓西內皇城大興土木循極諫不可以擅塞至大內問之循不屈乃射傷其顙血流被面下錦衣獄正統改元遇恩宥復職陞郎中尙書魏源薦陞廣東布政司右參政勦捕有功景泰元年感疾卒獻錄

陳員韜字從熙臨海人宣德庚戌進士浙江景泰通志三年遷廣東參政蒞官清慎惠及小民時值黃寇剽掠之餘員韜撫摩備至民以蘇息未久擢福建左布政使民至今懷之郝志

劉煒慈溪人正統四年進士歷官都給事中天順初出爲雲南參政改廣東分守惠潮二府潮有巨寇招之不服會兵進勦誅其魁改蒞南韶會大軍征兩廣以勞瘁卒官明史本傳

詹冕鄱陽人正統間任瓊州府同知爲政寬猛得宜郡邑稱便考滿擢工部郎中轉廣東參政黃志

吳惠字孟仁吳縣人永樂二十二年進士由行人歷官至廣東右參政與給事中餘姚舒某奉使占城海中颶作舟瀕危舒惶懼惠神色不動爲文祭海如有頃颶已以使絕域有勞擢桂林知府考績第一陞廣東參政時柳夷覘廣州守將撤軍遠出襲城下惠選丁壯出城奮擊殺獲頗多惠愷悌誠信使人自親之貌不逾中人而有膽氣臨事不惑

故所向有功天順中致政

黃琥字瑩之豐城人領鄉薦拜臨洮同知宏治元

年陞知肇慶郡隍舊有魚利緡錢三百以供守土

中貴而隍實無魚錢則歲辦於民琥至罷之已酉

引疾解職民爭走當道懇留不得去自是備荒積

粟萬餘石捍潮築堤二百里復以德慶瀧水功擢

廣東參政尋乞休進嘉議大夫卒號直菴有集

王俊字世美閩縣人成化丙戌進士授庶吉士改

戶部主事遷廣東參政梅化獐獍廣人深戴之

管見字道夫嘉靖庚戌登進士第授常州府推官

以治行第一擢給事中癸卯遷廣東右參政廣故

多貨寶見冰雪自勵皤然無毫髮之染無何入賀

萬壽事竣以疾請解職疏凡三上得俞旨病痊有

司具奏錄用益異數也

劉玠字元白海鹽人嘉靖庚戌進士擢廣東右參

政大盜曾一本出沒雷連間玠與俞大猷戚繼光

等贊畫進止玠功為多

陳奎字汝星侯官人嘉靖癸丑進士授廣東參政

陞按察使時山寇巢壘甚布奎諭以大義皆感泣

謝罪制府檄某將大戮潮民以樹威奎力爭活數

千人于刃下

盛萬年字伯恭秀水人萬曆進士授刑部主事歷

遷廣東參政分守嶺西辛丑四月倭寇吳川邑故

濱海憑限門為天險聞有海舫名白艚者往來貿

易奸徒勾倭藏其中入限門登陸焚劫萬年購義

勇配狼兵協力出戰賊宵遁五月倭大舉寇雷州

萬年在高州聞報日高雷相去六百里從陸往賊

必知之非拒則遁若從海道一日可至出其不意

必成擒矣乃料賊艦六十艘揚颶抵富倭方踞民

廬盡飲官軍從市口撤屋而焚之賊奔突不得出

賊焉六月倭寇廉州萬年又令遊擊黃某拒之倭

賊五十沉其艘燬二自是賊不復寇粵

陳昂字世勉寧德人萬曆甲戌進士遷廣東參政

將吏獲海上愚民輒誣以大盜株連數百人昂面

鞠其偽盡釋之

王綱字德常餘姚人洪武初以文學徵拜兵部郎

中潮民弗靖擢廣東參議往督兵餉致書與家人

訣攜子彥達俱往諭降之還至增城為海寇曹真

所得為壇坐綱於上羅拜脅為謀主綱罵之遂遇

害彥達請代不得且哭且罵日并殺我其長日父

忠而子孝殺之不祥釋之乃縱羊革畏綱屍以歸

立廟死所

訓導考滿京簡任翰林待詔遷五經博士以學士高毅薦陞廣東布政司左參議時廣寇黃蕭養之亂甫平贊撫摩凋瘵極盡仁恤訪鯨鯨幼穉之被掠賣者以還其家病兵死瘞其遺骸親為文祭之聞者感激其他善政宜民概類此景泰癸酉遷太常少卿資政

熊鍊南昌人天順元年任廣東布政參議廉勤有守三年偕右參議朱英同中官合浦採珠時境土未綏民物凋弊二人協心區處事得其宜民不知擾郡邑賴焉黃志

唐漢字源潔侯官人正統戊辰進士授戶科給事中出為廣東參議凡所巡歷剗撫全活多著勞績福建通志

李田字舜耕嘉魚人景泰甲戌進士歷戶部郎中成化初督餉征蜀有功擢廣東右參議海南夷叛抵穴懇諭夷皆效順進左參議辨絲幣墨印之弊累遷副都御史巡撫京畿湖廣通志

馮良輔字熙之宜山人進士任兵部郎除牧馬弊政封慶王禮成却贖不受先是馬夫銀役有司橫取良輔建議計丁稅銀權廣東參議計平潮惠賊寧西文載

張簡字允敬江陰人宏治乙丑登進士正德丙寅

奉使嶺表採訪孝廟實錄無疏漏會山東江西蜀陝閩廣盜起警報日至批答不暇推補將領往往得人自是羣盜漸次削平以勞績晉四品錫鏐幣顧執法為時所忌竟出參廣藩分守嶺東兼南北二道所至威恩并著得旬宣體上功天府未及報銓曹以老疾移之致仕嘔曰吾志也亟趨裝歸人物考

周用之字行之吳江人少有文名宏治壬戌舉進士正德初官給事中論奏侃侃久之遷廣東參議督兵討賊之通誅者凡戮九百餘人平其寨十有八猶以前敢言功不得錄嘉靖朝官至吏部尚書卒諡恭肅職徵錄

王積字子崇儀真人正德己卯進士嘉靖己丑累遷廣東布政司左參議治糧儲以廣儲筭未有定考利弊十二事上撫按行之廣民由是稍蘇所部新寧新會恩平盜積為剽劫十餘年不已守令噤不言兵盜益熾積奮然請身當之總督林富亦才積悉以兵事委焉積條議賊有當剿者四有可破者六林報可與積謀以十月發諸道帥嶺西師自恩平覘岡入嶺南師自龍眠入舟師自龐學水入合擊大破之鹵獲以千計盜遂平捷聞賜金綺官終南京兵部侍郎同上

朱一龍字于田惠安人嘉靖庚戌進士歷官廣東左參政時柘林叛卒突至會城藩臬官分門守禦避賊至者拒不納一龍守小南門曰賊近而啓扇以待示吾疆也民急則開門以納示吾仁也閉之何為乃大開門日入男婦以萬計通志

趙損字平仲餘姚人嘉靖進士授兵部主事左遷肇慶府同知孤立狷介人不敢干以私號趙鐵面時征封川麒麟白馬山轉饒數百人部兵者欲掩殺為功損立止之歷陞廣東參議浙江通志

馮臯謨字明卿海鹽人嘉靖進士授刑部郎歷廣東左參議分守惠潮賊張璉據饒平西聯大埔蕭雲峯程鄉林朝曦而外與倭寇及海盜相犄角督府以臯謨行兵備事先計招海寇王伯宣協力逐倭復用吳孝廉說降雲峰璉勢孤遂成擒久之朝曦亦敗三穴盡平是時督府以兵七哨進攻臯謨統烏槎哨居中功最多同上

王溥字士淵桂林人由進士歷官洪武二十六年為廣東右參議時匠藝之家勢要占役弗克營生溥禁止之有奉部檄來徵斂木者立期取辦又木多不中程民苦之溥親閱用其八九先是起運俱由海道風水漂沒民不勝困溥自臨東嶺遙觀險易命有司鑿石填澗修葺橋道教民造車運之民

賴焉新令起無糧無籍者悉隸軍都司咨取甚亟溥曰國以民為本今一概起取賦稅從何出耶遂奏聞上是之止起無籍餘皆免其弟來廣遇承差何秀同舟知為溥弟送以布衣弟至以實告溥曰一衣雖微不可不慎此汗行辱身之漸也即命還之隨遣弟歸及獻績父老遮道留不可得尋為胥吏龐庸誣逮詔獄行李蕭然察屬贖之辭不受曰吾豈以患難易心哉比至得白歸卒年三十有六廣人惜之錄

左澄字世瑄南城人永樂戊戌第進士歷官御史正統戊午陞廣東左參議清理軍務姦偽莫售嘗往瓊崖招諭黎峯悉聽約束漳潮寇發以兵擒亂者罪之餘皆釋去廣寇黃蕭養勢日猖倣即率兵還討又往廣西徵兵造船以禦之寇平與有功秩滿進階大中大夫同上

王英字孟育侯官人正統壬戌進士成化初擢廣東參議會歲祿都御史韓雍檄英賑之英立法平糶四郡以濟雷廉高肇四府盜起與雍謀立饒平縣扼盜要害賊遂解散福建通志

汪思字得之婺源人正德丁丑進士選庶吉士授給事中擢廣東右參議賦性溫雅與世無忤而內蘊剛正人莫能犯權豪有奪人業而強收其女者

事發托士夫進囑思陽應諾比嚴真之法解採百
 端堅不聽聞省肅然擢雲南副使致仕卒于家黃志
 顧夢圭字武祥崑山人以吏部郎中擢廣東布政
 司參議行部至遂溪道賜縣令獻茶瓜夢圭知令
 貪不受竟劾去之海北有平江青鶯楊梅樂民四
 珠池詔書督採甚急因上疏言海面珠池先朝率
 十五六年或十年一採始得美珠遇者三年再採
 珠已耗竭蓋珠蚌之生息甚難採愈數得珠愈少
 非積久不能美碩繁夥也且每採當用舟筏兵夫
 萬計往來海中因以為盜近年劇賊黃山秀蓋起
 于珠池之役蛋戶觸犯瘴霧腥氣輒死尤可憫念
 海北類羅饑荒彫瘁尤甚勞役不止將有他虞乞
 敕停罷養寶源以寬民力疏入朝宰見之愕曰奈
 何為此驚人事耶下部寢不奏而二郡卒買珠以
 充貢尋遷江西左參議獻徵錄
 徐如珂字季鳴吳縣人萬曆二十三年進士除刑
 部主事遷廣東嶺南道右參議暹羅貢使饋犀象
 珠翠如珂不受有強之者如珂曰受之必投諸河
 人將謂我矯飾思沽擲硯沉香之譽不若慎之於
 始為愈也卒無所染分省人物考
 鄭金字南金蘇州常熟人洪武二十九年任按察
 使公正有守敏於政事訟牘至前是非立判時疫

瘴大作獄囚多死者金窮力剖決夜分不息曰民
 果有罪償之以律不應庾死也諸囚感其言無懷
 黠不吐實者旬日之間囹圄一空粵大記
 熊槩字元節吉水人永樂辛卯舉進士擢監察御
 史仁廟在東宮時器之命署刑部事未幾被薦拜
 廣西按察使調廣東俱著能聲宣宗嗣位召拜大
 理卿官終右都御史其為人內毅外和蒞官寬猛
 適濟及總粵憲不事苛刻錄而獄無留滯在事
 朞月風紀振揚其議論設施綽有大臣之體云
獻徵錄
 謹案黃志作胡概其事蹟同
 方員字懋規閩之永福人宣德癸丑進士歷官參
 政景泰四年擢廣東按察使嚴于持已精于察獄
 民間利病立見興革在任九年吏民懷之黃志
 嚴淦字宗源莆田人景泰甲戌進士選庶吉士擢
 御史陞廣東按察使奸民王黑皮等嘯聚為匪淦
 設策擒捕境內肅然福建通志
 陳雍字希冉眉山人成化甲戌進士宏治改元授
 工部主事存擢廣東按察使在成化五年少傅梁
 儲家在南海子大撼驕橫多勢取人業吸汁者復
 倍為攫奪遂起爭至殺人兩京言官交章發其事
 并及梁儲或稍為調護輒中白簡詔遣給事中劉

提刑部郎中張文麟覈之皆願望莫敢斷雍檢贖謀殺人從者不行減行者一等當杖徒因歎曰可避言而故重坐乎卽如前議奏上得允聞者心服焉廣州有鴨埠稅供制府稿士雜用畜鴨者動以數萬計縱之蹂踐禾藁莫敢問問輒得罪雍革其稅并取鴨埠悉焚之民賴以安雍居官以盡職爲務卽瑣細末節衆所不屑皆必嚴必慎殫力圖事不以矜人以是衆弗忌而民庶街德不能忘官至南京工部尙書致仕卒年九十二上同

張思齊字希賢蘄州人進士正德初授四會知縣始至爲民申免水夫築圩畛判決如流威行禁止民信服之後歷官廣東按察使黃志

李遂豐城人嘉靖五年進士歷官廣東按察使釋囚八百餘人明史本傳

陳善字思敬錢塘人辛丑成進士拜欵令累升至僉憲隆慶改元起山西按察副使尋轉江西左參政未匝月轉廣東按察使以刑獄關係民命精審讞牒洗冤剖疑纍纍多異政具粵臺行稿中會流賊曾一本寇廣城城門盡閉軍民扶老携幼向城而泣善惻然曰奈何棄數萬衆于鋒刃下耶爲啓門躬爲殿而人之賊矢幾及車蓋竟無虞轉雲南右布政獻徵錄

徐用檢號魯源蘭谿人嘉靖壬戌進士歷陞至廣東按察使暹羅占城等國航海商粵衆且近萬用檢設法防之患遂弭通志

陸夢龍字君啓會稽人萬歷進士歷刑部員外郎累遷貴州右參政進廣東按察使上官建魏忠賢祠列夢龍名亟遣使剷去之崇正初分守固原流賊來犯擊去之已賊陷隆德固靜寧州夢龍率遊擊賀奇勛石崇德禦之抵老虎溝兵止三百餘人賊矢石如雨突圍不得出奮擊大呼手刃數賊與二將俱戰死贈太僕諡忠烈大清一統志

方震孺字孩未桐城人徙居壽春母夢方孝孺至而生因以命名登萬歷癸丑進士宰相葉向高器之許以館選聞母小病一夕遽歸相國爲之驚異令州縣以最擢御史忤權奄魏忠賢誣以賊私矯旨逮問幾斃杖下已又誣其在獄與揚州守劉鐸交通遂擬斬決崇正初忠賢伏誅與給事惠世揚同日出獄童婦觀者如堵蘇志爲嶺西參議有裨將據廉州叛單騎諭降之大清一統志已官廣東按察使清嚴率屬凜不可犯然持法平恕吏民敬而愛之陞廣東巡撫卒於官蘇志

李祥四川瀘州人洪武中爲按察司副使嶺海詞訟煩劇疑罪積獄動逾歲時祥至察問明敏處斷

精當未及月餘固圍為空後調雲南副使黃志

項忠字蓋臣嘉興人正統七年進士景泰中由郎

中遷廣東副使按行高州謀報賊携男女數百剽

村落忠曰賊無攜家理必被掠良民也戒諸將毋

妄殺已訊所俘獲果然盡釋之從征瀧水猺有功

增俸一秩明史本傳

孔鏞字昭文長洲人景泰甲戌進士始令都昌以

憂去改任連山時邑為流賊所據民皆竄徙鏞既

至依州而居告諭邑耆招撫流散賑以官廩令墾

廢田乏耕具者給之天順六年大軍征諸蠻峒鏞

率義兵為鄉導首破賊巢大軍繼之始復縣境遂

遷縣于雞籠山城而守焉尋創公署學校及壇祠

舖舍規制大備撫諭猺衆悉為齊民疏井泉通山

徑便民之政無不周悉以功擢知連州成化二年

陞高州知府連人如失父母先是高涼為西寇侵

擾土寇乘機遙起鏞躬擐甲胄跋履山川督率民

兵前後禽斬賊首四百七十餘名奪回被擄男婦

數百人設法招撫殘賊九千餘民猺畏威懷德境

內綏輯旋立社學于府門右訓誨官民子弟之俊

秀者以城外木柵不固命築土垣易之尋陞廣東

按察副使賜璽書仍守其地嘗單騎入賊壘賊皆

錯愕不敢害已聞慰諭許令自新咸感泣願降于

是剽盜梁定侯等並受招撫處之內地分地與耕

以備他盜鏞部下有黎浩林雄數人皆有謀勇而

雄尤驍健以戰死鏞撫尸慟哭一軍莫不感奮樂

為之用蒞高四年固圍空虛四民復業而頑梗之

風漸馴盜賊衰息及以憂去軍民泣送有出千里

外者累官至兵部侍郎郝志

唐彬字質夫山陰人景泰進士拜監察御史後出

為廣東按察副使會兩廣賊起民多脅從賊已去

民懼誅不降彬持節往諭以恩信民涕泣相率歸

附浙江通志

林錦字彥章連江人景泰初由鄉貢授合浦訓導

猺寇充斥內外無備錦條其方畧悉中機宜巡撫

葉盛異之檄署靈山縣事城毀於賊錦因形便為

柵以守廣設戰具賊不敢逼滿秩去官民曰公去

賊復至誰禦者悉逃入山盛以狀聞詔即以錦為

知縣馳驛之官民復來歸適歲饑諸猺益剽掠無

虛日錦單騎詣壘曉以禍福猺感悟附縣二十五

部咸聽命其不服者則討之天順六年破賊羅禾

水再破之黃姜嶺又大破之新莊先後斬獲千餘

級還所掠人口賊悉平乃去柵築土城盛及監司

屢薦其才成化改元會連州為賊所陷乃以錦為

試知府歲復大饑賊四出劫掠錦諭散千餘人誅

梗化者而綏輯其流移境內悉平四年上官交薦請改授憲職令專備欽廉羣盜乃以為按察僉事益勤於政十年賜旌異久之進副使錦以部屢有盜警思為經久計乃計設團河營於西設新寮於南而別設洪峽營以杜諸寇出入路易靈山土城更築高墉互五百丈卒為巖邑十四年兵部上其撫輯功被資錦在兵間以教化為務靈山尙鬼則禁淫祠修學校勸農桑其治廉欽皆飭學官振起文教為人誠實洞見肺腑徭蠻莫不愛信其行軍與士卒同甘苦有功輒推以與人以故上多效死所去祠祀明史本傳

陶魯字自強廕授新會丞謹案明史陶成字孔思鬱林人永樂中舉於鄉由交趾鳳山典史遷官至浙江餘事進副使處州賊寇來犯成戰死事聞贈成左參政錄其子魯為官當是時廣西徭流劫高廉惠肇諸府破城殺吏無虛月香山順德間土寇蜂起新會無賴子羣聚應之魯名父老語曰賊氣吞吾城不早備且陷若輩能率子弟捍禦乎皆曰諾乃築堡若繕甲兵練技勇以孤城捍賊衝建郭掘濠布鐵蒺藜刺竹於外城守大固賊來犯輒破之天順七年秩滿巡撫葉盛上其績就遷知縣尋以破賊功進廣州同知仍知縣事成化二年從總督韓雍征大藤峽雍在軍嚴重獨於魯未嘗不虛已用其策輒有功雍

請擢魯為僉事專治新會陽江陽春瀧水新興諸縣兵其冬會參將王瑛破劇賊廖婆保等於欽化二州壘書嘉勞明年賊首黃公漢等猖獗偕參將夏鑑等連破之思恩潯州未幾賊陷石康執知縣羅紳復偕鑑追擊至六菊山敗之而廣自韓雍去罷總督不設帥臣觀望相推諉寇盜滋蔓魯奏請重臣仍開府梧州遂為永制秩滿課最進副使兵部尙書余子俊奏其撫輯勞資銀幣魯治兵久賊剽兩粵大者會剿小者專征所向奏捷賊讐之次骨劫其鬱林故居焚誥命發先塋戕其族黨魯聞大慟詔徙籍廣東補給封誥慰勞有加益奮志討賊二十年以征荔浦徭功增俸一級又九載課最進湖廣按察使治兵兩廣如故宏治四年總督秦紘遣平德慶徭進湖廣右布政使魯言身居兩廣而官以湖廣為名於事體非便乃改湖廣右布政使兼廣東按察副使領嶺西道事人稱之為三廣公十一年總督鄧廷瓚請官其子俾統魯所募健卒備征計乃授其子荆民錦衣百戶是年魯卒荆民復陳父功遂進副千戶世襲魯善撫士多智計謀定後戰鑿池公署後為亭其中不置橋夜則召部下計事以板度一人語畢令退如是凡數人乃擇其長而參伍用之故常得勝算而機不洩羽書

狎至戎裝宿戒聲色不動審賊可乘潛師出城中夜合圍曉凱奏凱賊雖善偵終不能得要領歷官四十五年始終不離兵事大小數十戰凡斬賊二萬一千四百有奇奪還被掠及撫安復業者十二萬七千有奇廣人倚之如長城每平賊率置縣建學以興教化敬事名儒陳獻章亦重之宋陸秀夫張世傑盡節崑山未有廟祀特為建祠請祠額賜名大忠嘉靖初魯歿三十載矣新會人思其德頌於朝賜祠祀之明史陶成傳

張誥字汝欽華亭人成化丙戌進士改翰林庶吉士戊子拜監察御史丁酉陞廣東按察副使巡督海道鄉人有附番商越境牟利者嚴為之禁其弊遂絕丁內外艱服闋改四川按察使歐陽

瞿俊字世用常熟人狀偉岍不脩邊幅而廉潔風威動人成化己丑進士為御史出按江西宏治四年遷廣東按察副使兵備海南先是黎人時出寇掠俊戒約羣吏脩軍政諸黎不敢出嘗有貴臣家撓法俊治之律已廉不可干以私在廣臬出見市第者呼而分第給諸僚有僚素乏清譽倍給之問故俊曰君庭多穢耳僚捉研擲之俊被傷自江右還朝縣令祝獻知其清苦遺以裝金俊却之祝益之使吏饋於途俊怒欲執吏付於官吏亟馳去

入朝以病乞致仕歸家徒壁立有圖書數百卷而己黃志

吳洪字禹疇吳江人成化乙未進士宏治癸丑由貴州副使改廣東巡視海道海濱稱利穴或攝礎政則私其羨至洪弊革且盡御史王哲欲葺諸公署費無出籌之洪洪曰鹽司有舊引若干向為權豪所專不及於商今請以給商可得錢數十萬其事濟矣如其言而費遂給中官守兩廣者令四驛各以一舟聽役舟散又令輸金已而兩徵之民益不堪御史汪宗器將革之且欲追所得之金洪曰往者不可追況未必能追乎第自今釐正勿病民足矣如其言而中官帖然有叔姪同行異宿叔宿樹下為漁人所殺投之池中姪意其宿於別館也訟館人及池旁者數家械繫且死眾莫能辨洪廉得其情乃以漁人償死盡脫諸免者人以為神官軍濫殺邀賞諸死者之家以冤聞遣廷臣按驗洪與焉悉心推訪盡正濫殺者之罪尤尚儒術所至進諸生試之凡經洪賞識多中高第己未陞福建按察使瀕行有閩帥以犀珠走間道為餽洪謝之帥曰公去某無所干且無知者何損公名洪曰若意善矣然非知我者也卒不受後官至南京刑部尚書忤劉瑾致仕卒年七十八贈太子少保錄後

胡富績溪人成化十四年進士宏治初爲廣東副使四會徭亂剽擄五百餘人瀧水徭出沒無時富度其所經地得荒田三千餘頃招徠戶耕牧其中徭畏不敢出擾居民得田作符南蛇圍儋州富與參議劉信往覘賊突至殺信富手斬劇賊一人賊乃退還益兵討平之明史本傳

丁璩字玉夫潤州人成化戊戌進士授中書舍人孝廟嗣位爲南京儀制郎中未四月遷廣東按察司副使提督學校歲餘入賀道清遠山水暴漲舟且覆衣冠祝天度不免固窓端坐與繼室陳氏一家十一人俱歿惟仲子同與一僕以他舟僅存宏治癸酉三月十五日也璩在嶺南教人以厚倫爲本格物窮理爲務修身而達之天下爲期假之數年文教可知也錄

陳欽字諒之世家清溪成化下未進士明年宏治戊申拜武選主事得補南署出刺廣平政教一新嶺南爲文獻雄省典學校者難其人遂拔欽於郡守中故典所無也乙丑冬之嶺南官所卓然以興道爲己任端範淑人綽有洙泗遺風

林廷玉字粹夫侯官人陝西平涼籍成化甲辰進士乙丑陞江西屯田僉事尋陞廣東提學副使署司事凡其敦德行正風俗崇節概獎恬退抑奔競

關邪讒劾疑獄結滯案罔有不嘉至於廉周應舉殺崔鎮父子之隱奸發黎民阜繼母曹氏殺前子之偽惡尤能警服廣人之心

王倬字用檢太倉州人成化戊戌進士正德丁卯官瓊州兵備時新脫符南蛇之亂生黎爲梗倬巡視多所俘獲贖還男女若干人峴州千家村尤猖獗倬屢聲言討之而師不出忽乘其無備襲其巢穴大破之明日大戰又敗之斬獲甚衆分三大村爲小村以弱其勢奏隸守禦千戶所自是黎人不復反論者以爲奇功倬不以聞進雲南按察使又進廣東右布政使會征臨賀若克之餘賊匿山谷衆欲乘勢殲之倬不可以禍福諭其長悉來降事聞賜白金文綺改四川布政使終南京兵部侍郎俱同上

鄭岳字永翰長樂人隆慶戊辰進士補東粵兵備時山寇猝人程鄉劫其令岳畫策誘戮其魁餘醜悉散河源城圮岳爲徙故城發庾賑之以饒歸福建通志

章拯字以道先世由淳安遷蘭谿拯雙瞳視日不眩連捷辛酉壬戌進士授工部主事觀政刑部逆瑾怪拯無所瞻逮錦衣獄調梧州別駕瑾誅厯官北兵部郎中陞廣東提學憲副崇正黜邪士習丕

變遷本省右參政會廣盜起委監督提聞陞俸一級資白金轉右布政視察使獎庶僚間有濫及拯格不報左布政江鍾石至深嘆服累遷至工部尚書以言事愷切為閣臣所譖幾得罪方獻夫從容論救稍釋既又忤上意削籍卒年七十贈資政大夫錄後

余本字子華鄞人正德辛未進士及第為翰林編修戊寅擢廣東按察司副使提督學校秉性剛直不避權勢敷教以寬士心畏愛與巡按毛鳳不協去任官至南京通政卒黃志

陳祥字應和高安人宏治十五年進士歷官御史正德乙亥知惠州府廉公有威加意獎獨均賦役省冗費興學校戒賭博禁私屠嚴巡警條綱振飭民逮訊者遇農時輒暫縱之先是吏卒相比詐為公移下鄉為奸利祥至始踟躕不敢逞博羅陳祖榮歸善王雪真者故郡中大猾也皆捕置於法於是深山窮谷莫不懾服稱神明戊寅遷廣東按察司副使官終右副都御史又有通判萬應選安福人在任廉正自持催科不擾吏民安泰後遷養利州知州去時與同知楊薰號為三清云同上胡訓字誨之南昌人宏治壬戌進士正德末擢廣東按察司副使飭兵於瓊瓊去廣城三千餘里且

迫近諸蠻於是擇兵馬防要衝積芻糧行間謀綏百姓黎賊為害有司但議招撫訓曰不可今之招無異昔之和即下令諭以禍福不如令者殺無赦洞有活羅者尤兇黠訓議剴之以警眾選調官軍往不半月賊面縛降認糧入籍於是生熟黎人樂歸者眾州縣村洞入戶版者以千百計寶海南百年來所未有訓又謂黎人之劫殺皆由土舍之科斂土舍之科斂皆由有司之貪墨宜端本澄源則不令自清矣又兼督學政訓士以行檢為先文尚理致而下詞藻士執經問難無虛日在瓊數年視官屬如子弟愛百姓如家人瓊人至今慕之有遺愛碑錄後

王大用字時行興化人蘇志作儀徵人正德戊辰進士授工部都水主事歷官員外郎擢廣東按察司僉事兵備清遠其地采互巖阻積為盜區攻之輒弗利患且百年大用簡士卒嚴賞罰號令一新樂昌高快馬偽稱天王流劫湖廣郴永等州上命合兵討之大用帥兵直搗巢穴獲功千四百有奇宜章民與樂昌黃圃民相警格湖帥以為劇盜議盡殲之大用力持不可既黃圃民自擒十六人來獻餘悉不問民感更生立生祠祀焉清遠氓穉盜橫即勒兵渡滘江破其巢戮賊首望永寬等一千有奇又

移師攻黃藤峽黃葉洞後山十八山諸處殲賊唐
鎮山偽都督楊旺等二千有奇新會白水諸洞依
山負險與新興海州等洞相煽出沒屠掠大用密
投方畧令里胥父老各捕所知甫三月獲賊二千
四百有奇順德增城香山沿海諸村晝農夜寇蹟
殊詭大用設法覺察獲真盜又三千二百有奇民
爲立生祠於增城大用兵備五載征剿無虛日先
謀出奇俘獲驍健卒收附爲用是以所向無敵辛
巳陞本司副使兵備如故癸未征白水黎蠻甲申
征嶺西高涼洞夷獠尋陞江西左參政有銜之者
諷言官論大用治盜太酷調貴州右參政丁亥擢
廣東右布政使己丑轉廣西左布政使官至南京
刑部侍郎卒上同

體仁說令學者內省氣象自中達外如春風之和
乃見仁體每晨入見稽其所得中人以下肆爲欺
給而已惟童生端立拱手繩趨繩步能守其訓後
以憂去大學士張璉方獻夫薦遷國子祭酒所著
有六書精蘊訓釋大類荆舒字說學者稱莊渠先
生後改太常少卿尋罷歸卒於家以南京言官疏
其賢贈寺卿謚恭簡黃志

江潮字宗之貴溪人宏治中進士歷官廣東提學
副使以道自重以禮授徒蔚有知人之鑑歲考時
謂霍韜梁焯金山必連第且謂韜有魁元才然真
山於二等責曰汝本有才何杜撰呂申公格言以
相欺乎後日事君還當敬慎後山以戶部主事監
兌江西陷宸濠黨中果符潮戒慎之語士林稱服
又謂霍韜可作榜元及考潮州還亟喚韜語曰今
科解元當是蕭與成汝次之然汝當連魁天下功
名事業大出蕭之上後果如言人稱神鑒云粵大

歐陽鐸字崇道泰和人甫踰冠成進士守延平及
福州以治行奏天下第一嘉靖甲申擢廣東按察
副使提督學政至則惇禮崇讓以行檢先諸生初
察跌宕少檢者薄示之懲再察如故乃始斥試文
義疎繆者亦如之錄子弟資稍穎輒收之學其
潛移默化有出於督勸之外者士習文風丕變大

記乙酉當鄉舉鐸預魁魁五經者曰吾得其四矣
謂瓊士唐穆潮士陳思謹鄭宏彝李日森也詩魁
非廣庠岑萬則曾貫又謂連士張叔庠廉士王養
民富侯後舉張稍進可名在二十五前也後皆如
言廣人神其藻鑑滿三載遷雲南右參政未行召
拜太常少卿官至吏部侍郎卒贈工部尚書諡恭
簡徽

徐文溥開化人正德六年進士愿官福建參議嘉
靖初為廣東副使上言十事多涉權要忍貽母憂
引疾歸行至玉山卒明史本傳

祝品字公叔以進士授刑部主事出任廣東提學
副使復調巡視海道茂名古堦兩山賊嘯聚官兵
莫能誰何品為宣諭德威咸相率效順晉左參政
乞歸浙江通志

游璉字世重連江人正德辛未進士愿遷至海南
兵備副使會有黎酋長佛佛者聚眾剽掠久為民
害璉請於督府提兵直搗其穴擒酋首餘黨悉平
民感其德為立平黎生祠福建通志

方良節字介卿莆田人進士正德初知惠州首詢
民瘼時歸善徭役視諸邑獨苦為減之巨璫擅威
索賄良節屹不為動時與師討賊良節練餉緩民
協力平盜築拱北南隱榕了三堤杆西湖水浚池

發石鎮湖之流開城西關水引湖環而東注形勝
以完又大修學會葺會英諸祠人士嚮風擢廣東
按察副使去後而民思之志

顧可久字與新無錫人歲在癸甲連第拜行人出
知閩之泉州績最再補贛州其後備兵瓊海以颶
風瘴霧意不欲行少宰霍翰廣人也移書趣之不
得已之官飭法振紀宣布威德黎民惴惴因敢犯
者間乃按行諸郡周咨黎倭出沒之處相其阨塞
以籌備禦繪圖為說瞭如指掌未幾羅活尚黎出
劫為盜按圖循蹟遂窮治之僭唯諸黎五十二部
落聞風欵附境內帖然前此未有也所著有在署
讀禮溫陵虔州珠岷在澗諸集徽

王世芳蘇州人正德中進士嘉靖九年任廣東提
學副使學問淵源鑒議宏明嘉靖辛卯考校諸生
謂魁元多出潮州儒士林大欽必魁天下後是科
解元胡一化而大欽果中壬辰狀元皆潮人也其
他賞識皆異時各彥人服其精鑒粵大

葉照字景陽浙人嘉靖癸未進士授石埭知縣歷
官至監察御史甲午陞廣東副使巡視海道廣東
番船奸商多竄入島夷為市照嚴下海之罰申互
市之禁海道肅清未嘗授珍異以貽朝貴久之陞
廣西右參政徽

鄒守愚字君哲福建莆田人嘉靖丙戌進士授戶部歷郎中出守廣州訟劇政勞多宿蠹守愚一處以至誠事存矜惻嘗辨誣獄釋累歲被繫者數百人有人庖人烹雞雜以茄羹色黑御史以爲毒已也坐以重辟守愚疑之令人如所具烹焉亦黑適力爭御史前御史悟竟釋之政聲大振值歲饑設策賑濟民賴以甦新會民激於徵逋聚海艘爲變監司招之不應曰必鄒使君來也守愚單騎往民望見輒涕泣解散未幾屬搖迫於閩帥將大誣亦得守愚一言遂解其威信服人如此蒞郡四年置珍異不問廣勵學官弟子多所成就安南不庭上命征之擢守愚廣東副憲協理兵務乃疏五事多見採納遂督兵由廉州進聞父訃奔歸安南降論功蒙上賞服闋起江西憲副累遷戶部左侍郎卒贈右都御史謚襄惠在粵政績最著祀名宦

吳玳字汝瑩錢塘人舉嘉靖癸未進士拜行人歷刑部員外郎廣東按察僉事副使布政司左參政訪兵弁蒐士卒立保伍明法令察盜所出沒根拔苗穉境以父安連寇作督師征之殺三千餘人降千餘人清遠峽險而多盜以卒六百人鑿山三十里爲梁二十有一舟用得稅以濟爲副使籍民舟之賈于海者什五爲綱紀約寇至共擊之其去爲

盜者衆發之不發與連坐海寇頓輯初至嶺南勤於治按行郡守觸冒毒瘴遂患癘比爲參政會有事安南治益勤既疾革猶日命吏抱文書置榻臥聽之以薨卒

林雲同字汝雨莆田人嘉靖丙戌進士改庶吉士以不謁時宰授戶部主事轉廣東提學副使立五經書院簡列郡士肄業其中遷浙江布政使隆慶萬歷間累官尙書卒謚端簡

游居敬字行簡南平人嘉靖壬辰進士辛丑擢廣東副使癸卯鄉試總裁校士歲饑設法賑貸民賴以活者甚衆後官至刑部侍郎隆慶五年卒

胡承成字思貞吉之安福人嘉靖乙丑進士授涇縣知縣四年用薦入爲刑部主事斷張延齡獄忤旨謫和州同知稍遷徽州府同知南雄知府用薦擢廣東按察副使整飭瓊崖兵備卒於官南雄當江嶺襟喉天順間設太平橋榷稅郡司其管郡不得人往往有所沒入前守劉實獨以節介各時號鐵板承成至嘆曰吾縱不能爲劉鐵板將不得爲木板乎既以權委他倖季一易人以防蠹漁得請因著爲例會議開小明路承成建六難之說初陳嶺未開時商舟道入東河抵烏運出信豐而射利者欲從西河入南安小明承成難之日塞烏運路

廢小民業難一西河在下流移橋關費鉅難二減鹽牙稅勢須增民料價難三新道險僻必多增巡徼難四開道撤江嶺藩籬難五西河淺小水利不便難六議者辭詘事竟寢瓊嵯之役本以脩黎永成曰凡病吾民者即黎也不此之責而但欲脩黎黎將有辭矣且黎亦人也使吾有以處之彼食其土烏庸絕乎於是籍墨吏劾尤暨疆宗怙勢者必抵于法人始知畏而名酋如那紅狗黃猪次第俱送款尋卒於官俱同上

陳塏字山甫餘姚人嘉靖壬辰進士由行人轉南給事中出為廣東提學副使海瑞龐尙鵬方為諸生皆第之高等行部過嵯山改張宏範立石書宋少帝及其臣陸秀夫死國於此浙江通志

袁載字安道慈谿人舉進士歷知肇慶府節用愛民修廢舉墜諸不急之費一切蠲去惟恐為民病後調廣東海道副使同上

黃光昇字明舉晉江人嘉靖乙丑進士令長興有政聲徵為刑部給事中以剛直忤時相出為浙江僉事進參議尋陞廣東海北副使番船稅重商人百計求免光昇為制減十之六商乃樂輸躬自清白錙銖不染歲額盈數萬後罕有能繼其廉者交趾莫正中與宏瀆爭立其酋以兵攻欽州索正中

急光昇檄俞大猷帥東莞新會二邑兵大挫之斬其二酋乃定復討連山嵯山獠黎功最遷蜀藩參政三載復陞東粵總憲以嚴為治胥吏畏若神明新會賊陳文伯為亂光昇檄兵往援而牒二兵憲夾攻之俘其黨若干人獲一緋袍者於羣屍中衆謂文伯也光昇以狄武襄故事止之聲績益著歷陞刑部尙書粵大記

廣東通志卷二百四十四終

廣東通志卷二百四十五

官績錄十五 明四

陳茂義

楊載鳴

方逢時

王化

許宗鎰

史朝宜

張堯年

蔡克廉

王泮

盧仲佃

李渭

馬千乘

陳文衡

任可容

梅之煥

徐時進

王孫蘭

張國經

魯元寵 俱按察副使

丁文昇

劉仕狙

何道安

鄭隆 杜瑄

梁觀

王伯貞

龔慈

彭琉

官去

楊渙

毛吉

顧傑

楊峻

宋端儀

趙瑤

徐紘

田鐸

陶照

方良永

李希顏

金達

顧應祥

施儒

李中

李默

李香

方豪

林希元

朱道闢

商大節

楊逢春

施雨

經彥柔

江治

張冕

徐甫宰

劉穩

翁夢鯉

郭孝

許季遠

李材

石磐

管志道

薛夢雷

祝以幽

張璋

湯來賀 俱按察僉事

明

陳茂義字喻之慈谿人嘉靖進士授南工部主事
歷任陞廣東按察副使備兵瓊崖黎寇羅常那剛
猖亂茂義航海勒兵擊破即溫柳根諸洞俘馘招
降又慮夷獠雜居易生他變更條上八議為善後
計 浙江通志

楊載鳴字虛卿泰和人正德戊戌進士己亥補朝
州府推官天性方稜砥礪節操廣中吏故有貼班
銀曰助衙錢載鳴至首罷免有鄉宦自閩寄香茶

不啟封還之魄遺請托盡絕至刑名出入未嘗不規規焉措意也常曰推官法吏法生殺人易耳一付吏人手鮮不為奸又或視上官指上下其手其謂法何故獄獄一主公正而行以詳慎文出躬裁吏袖手無能為弊者潮故有橋稅異時監者乾沒其間入恒寡載鳴監未一月輒倍其入移惠州推官當道不欲煩以吏事以惠志屬之書竣學士文人稱善未幾進考功郎中擢廣東督學副使毅然以復古道正士風為任其造士先行後文首揭義利之辨行冠婚喪祭飲射儀則而躬自表率之品題文行明若觀火公若執衡士無敢誣潮令某者墨而苛載鳴曰予奉璽書覺貪墨清化源是不可貸劾去之潮人樹石贊宮以感頌廣大夫謂自魏校歐陽鐸而後益僅觀云錄

方逢時嘉興人謹按郝志作嘉靖二十年進士歷官寧國知府廣東江西盜起詔於興寧程鄉安遠武平間築伸威鎮擢逢時廣東兵備副使與叅將俞大猷鎮之已而程鄉賊平移巡惠州後以平兩廣功進少保明史本傳

王化字汝贊廣西馬平人登鄉薦嘉靖四十年新置平遠縣授化知縣以擊賊檀嶺有知兵名田坑賊梁國相既降復叛約三圖賊葛鼎榮等分寇江

西福建化寄妻子會昌而身率鄉兵往擊賊連敗乃縱反間會昌言化既沒化妻計氏慟哭自刎化怒追賊益急獲國相于石子嶺遷潮州府同知仍署縣事計被旌官為立祠化舉卓異超擢廣東副使南贛巡撫吳百朋以貪黷劾之削籍巡按御史趙淳薦其知兵乃命以僉事飭惠潮兵備久之考察明史譚綸傳

許宗鎰字應衡晉江人嘉靖癸丑進士擢廣東按察副使兵備南韶大小羅山洞寇出沒為害增屯戍謹關隘通鹽米以撫結之大廟山寇黃朝祖疆梗不悛請閩贛二省兵會剿之廣撫檄移其兵宗鎰以功垂成固執不遣福建通志

史朝宜字直之晉江人嘉靖癸丑進士山陽縣令拜地官郎瓊崖遠在海外守臣相繼以賄敗天子維南顧憂司鎰者遠朝宜以行即拜廣東按察副使治兵海南朝宜布恩信內固岐黎歸附之心更新威令外革將吏玩愒之弊海洋積寇李茂吳平之屬聞風東遁尋總東粵憲時山海盜劇而諸道捕兵率與盜通村居良民家稍給者兵盜合謀佯首網誣于是民冤盜橫厲氣充塞朝宜正本清源素為粵人所信服故不怒而威捕兵斂刺盜伏平反大小獄而犴無冤民澄清嶺海吏而粵無焚瘴

錄擢湖廣右布政使入覲以卓異優獎既抵楚任不數月引疾乞休粵大

謹按諸舊志皆言朝宜宰山陽縣歷陞知瓊州府治行稱第一尋擢廣東按察副使此云由地官郎拜副使與舊粵志不同

張堯年字長卿餘姚人隆慶戊辰進士學政吏部授真定推官辛未選臺諫萬歷初歷兵部郎中擢河南參議三載陟廣東按察副使領惠潮兵備龍川有劇寇鮑時季去邑城二十餘里與礦徒相犄角出沒不常時有剽奪堯年徵三大校由東水藍田龍川分道剿之賊愕出不意皆鼠伏斬勁酋杜九思餘悉就擒是役士不滿三千師出不再旬而數十年寇穴蕩然督府上其功賜白金後人官郎中以京察貶秩調外代者欲上下其手取堯年前征龍川軍費摘其出入數臆定之以白于直指冀沒其餘直指不察以堯年在謫無內援重劾之竟罷官錄

蔡克廉字道卿晉江人少與梁震仁並稱神童弱冠舉進士歷廣東提學副使教規嚴肅藻鑿精明已酉秋試所首擢者中式四十餘人後多為名臣志
王泮字宗魯山陰人嘉靖進士萬歷八年知肇慶

府十二年擢按察司副使分巡嶺西亦治肇慶慈愛和易士民見之未嘗疾言遽色而確然有執雖門生故交無私也好為民興利導後瀝水入江築躍龍橋建崇禧塔大治肇慶陽江學宮又為陽春學置田肇慶幕府轄治兩粵津晝便宜事悉中窾幕府甚重之府江懷賀珠池之役皆有勞焉居官廉潔自奉如寒士詩辭冲雅書法道麗學士皆來就正郡中子弟又時以舉業請則擇程式示焉十六年遷湖廣參政高要士民遮道泣下建祠事之高明亦有祠上

盧仲佃字汝田東陽人嘉靖丙辰進士歷官惠潮副使擢廣東布政使復左遷兵備惠潮潮故瘴鄉流民據山寨為江兵燹相尋災癘大作仲佃諭降諸賊積勞冒瘴卒于官浙江通志

李渭字湜甫思南人少舉于鄉嘉靖末以工部郎中出知韶州持躬清約勸農桑申孝弟民多化之嘗構求仁館政暇與諸生論學其中尋擢廣東按察副使政體寬平服官清慎與諸生講學如故轉雲南參政有先行錄傳於時志
馬千乘字國良平湖人隆慶進士知分宜縣歷遷廣東僉事所屬羅傍山洪流深壑為盜賊窟聚斂會兵剿平之歷廣東按察副使值黎人叛聞千乘

在粵成名遂解散去浙江通志

謹按邦志馬千乘有二一官僉事浙江平

湖人一官按察副使江南吳縣人邦志必

有一誤茲從浙江志錄之

陳文衡字惟平鄱陽人萬曆十六年由進士任廣

東按察副使攝羅定道羅定升州之初草創六備

文衡抑豪右正風俗興利革弊獎廉劾貪風采凜

然一時狐鼠聞風解去乃開河闢路興學徙城遷

營斬叛刑為善後圖說使繼至者踵而行之浙江志

任可容字養宏懷寧人萬曆丁丑進士由浙江處

州府遷廣東按察司副使兵備惠潮以風紀自任

下車之日建尊經閣養賢堂以教育士子時倭犯

碣石拓林諸衛督兵捍禦募勇士陳聰等以計擊

破之逾年復犯南澳又大破之遊擊顧臬獲洋商

五十五人指為賊榜掠証伏當事欲盡殪以上首

功可容察其詞理謬異一訊立白其冤長樂盜起

密授方略擒渠魁張喬贊等羣盜悉平內官李鳳

議增惠潮稅可容力持不可御馬太監李敬奉命

開礦橫行博羅長樂間發掘民墓爭之不得乃上

書制府力陳其害因得具奏撤還轉本省監屯參

政疏通滯引稽查欺匿屯務燧政釐然一新會諸

司俱缺兼轄五篆夙夜經營不遺餘力利興弊革

乃以積勞成疾卒于官祀廣惠潮名宦同上

梅之煥字彬父麻城人萬曆二十三年舉進士七

年授吏科給事中未幾出為廣東副使禽誅豪民

沈殺烈女者民服其神海寇袁進掠潮州之煥扼

海道招散其黨卒降改視山東學政明史本傳

徐時進字見可萬曆乙未進士授南京工部主事

遷郎中出守惠州擢廣東副使監惠潮以方略擒

盜海患悉平天啟改元加大理卿致仕浙江通志

王孫蘭字晚仲無錫人崇正四年進士累遷廣東

副使分巡南雄韶州二府連州徭賊為亂馳剿三

戰皆捷十六年張獻忠大亂湖南郴州宜章與韶

接壤孫蘭乞援督府不應最後以七百人至一宿

復調去及賊陷衡州肆屠戮韶所轄樂昌乳源仁

化通竄一空連州守將先據城叛韶士民聞之空

城逃而賊所設偽官傳檄將至孫蘭仰天歎曰失

封疆當死賊陷城又當死吾蓋先死乎遂自縊既

死賊竟不至朝廷憫其忠子贈卹明史忠義傳

張國經字印棠漳浦人崇正六年由進士任廣東

按察司副使兵備羅定時流寇入境土賊竊發國

經以嚴法繩之聞風屏息遷海北分巡道士民為

建祠邦志

魯元龍順天人登進士歷翰林院編修崇正十四

年出爲按察司副使兵備惠潮整肅明敏郡無滯
獄所至嚴察汎堡萑苻屏跡歲饑賑卹民賴以生
尤以振興文教爲己任葺學宮選師儒崇尚古學
浮華之士勿貴也祀名宦

志

丁文昇天台人以文學出身洪武四年擢廣東僉
事端毅廉介時民訟多不情文昇于司左建亭扁
曰三思民有訟者卽令造亭坐而思焉由是民訟
日少至今美之

黃志

劉仕鉅字伯貞安福人元末紅巾賊亂掠其鄉母
張氏率羣婦女沉茨潭死賊械仕鉅久之得釋洪
武初以供役爲安福丞張禧所辱仕鉅益憤力學
十五年應賢良舉對策稱旨授廣東按察司僉事
分司瓊州瓊俗善蠶上官至輒致所產珍貨爲贄
受則喜不受則懼按治蠶殺之仕瓊者多爲所汗
仕鉅廉且惠輕徭理枉大得民和雖却其贄夷人
不忍害也辱仕鉅者張禧適調丞瓊山以屬吏謁
大慚怖仕鉅待之與他吏等未幾朝議省僉事官
例降東莞河泊使渡河遇風歿于水同寮張仕祥
葬之鴉磯

明史本傳

何道雲字伯清泰寧人永樂初起爲廣東按察僉
事奏黜憲使貪墨行部雷陽修壞閘溉田七十萬
頃

通志

鄭隆字德隆浮梁人由進士永樂七年任廣東僉
事廉介有守用刑平恕分巡郡邑小民愛之後陞
廣西參議

黃志

時東陽杜瑄任僉事亦以治獄平允

稱

通志

梁觀字大用當塗人洪武三十五年由府庠生貢
入監除吏科給事中陞四川按察司僉事調廣東
分巡潮州廉介剛果決獄如神會天久旱觀齋沐
禱神雨下如注

錄

強寇劉晚等二百餘人嘯聚

山澤守衛官將發兵剿之觀曰民貧不得已爲盜

兵之得無誤良善乎遂傳檄諭以禍福晚等感悟

率衆來歸闔境以靖

志

沒于官潮人哀思之塑像

韓山書院祀之

錄

王伯貞泰和人以經術顯洪武十五年聘至京師
應詔者五百人帝親試之伯貞對第一授試僉事
分巡廣東雷州復呂塘廢渠請鹽法會罷分巡官
召還爲戶部主事以父喪服闋不時起謫居安慶
者數年建文初復以薦知瓊州府崖州黎相仇殺
以反聞且用兵伯貞捕其首惡數人復於朝兵遂
罷瓊田歲常三穫以賦軍軍不時受俟民乏而歛
急則因之以要利伯貞爲立期三輸之而弊絕居
數年大治流民來歸者萬三千餘口憂歸補肇慶
未之官卒

明史稿

王直傳

龔璠南昌人以國子生入官宣德元年為廣東僉事廉謹明斷察獄判然詞簡刑清吏民畏之陞四

川按察使去

黃志

彭璠字毓敬安福人永樂戊戌進士以工部主事坐謫教諭大學士楊士奇薦授翰林編修

黃志

改元朝廷留意人才簡儒臣學行淳正者十三人

授以憲職提督天下學校璠與選陞廣東按察司

僉事立教條嚴考課歲歷郡邑開導諸生凡賢舍

廢缺者增修之書籍不備者剗刷之嶺南士風為

之不變科目之盛幾于中州復兼督農桑黜陟官

屬奉法不撓人服其公朝廷嘉之賜誥命進奉政

大夫

蘇徵錄

官安山陽人累官廣東按察司僉事持憲嚴明綱

紀振肅致仕歸行橐蕭然圖書數卷而已時都御

史王竑嘆羨以為不可幾及家居以上壽終

分省人物考

楊渙字德濟泰和人由進士正統間知四會縣廉

能惠愛甚得民心邑有斷腸草貧民有爭輒服此

以圖賴人多被其害渙至出令民有事陳訴者納

草百根方與受理積而燒之其年絕種其訟遂止

黃寇逼境民懼欲逃渙率民兵防守民賴以安都

御史楊信民聞而嘉之薦陞廣東按察司僉事卒

于官

黃志

毛吉餘姚人景泰五年進士除刑部廣東司主事

天順五年擢廣東僉事分巡惠潮二府痛抑豪右

民大悅及期當代相率額留之程鄉賊楊輝者故

劇賊羅劉倬黨也已撫復叛與其黨曾玉謝瑩分

據寶龍石坑諸洞攻陷江西安遠剽閩廣間已欲

攻程鄉吉乘其未至募壯士合官軍得七百人抵

巢先破石坑斬玉次擊瑩賊之復生擒輝諸洞悉

破凡俘斬千四百人捷聞憲宗進吉副使璽書嘉

勞移巡高雷廉三府時民遭賊躪數百里無人烟

諸將悉閉城自守或以賊告反被撻有自賊中逸

歸者輒誣以通賊撲殺之吉不勝憤以平賊為己

任按部雷州海康知縣王麒雲南太和人也日以

義激其民賊至輒奮擊吉壯其勇節獎勵之適報

賊掠鄉聚吉與麒各率所部擊敗之薦麒遷雷州

通判未聞命戰死贈同知蔭其子為國子生成化

元年二月新會告急吉率指揮閩華掌縣事同知

陶魯合軍萬人至大磴破賊乘勝追至雲岫山去

賊營十餘里時已乙夜召諸將分三哨黎明進兵

會陰晦眾失期及進戰賊棄營走上山吉命潘百

戶者據其營眾競取財物賊馳下殺百戶華亦馬

躡為賊所殺諸軍遂潰吉勒馬大呼止軍吏勸吉

避吉日衆多殺傷我獨生可乎言未已賊持鎗趨
 吉吉且罵且戰手劍一人斷其臂力絀遂被害是
 日雷雨大作山谷皆震動又八日始得屍貌如生
 事聞贈按察使錄其子科入國子監尋登進士終
 雲南副使方吉出軍時賫千金犒委驛丞余文司
 出人已用十之三吉既死文憫其家貧以所餘金
 授吉僕使持歸治喪是夜僕忽坐中堂作吉語顧
 左右曰請夏憲長來舉家大驚走告按察使夏堦
 堦至起揖曰吉受國恩不幸死於賊今余文以所
 遺官銀付吾家雖無文簿可考吉負垢地下矣願
 亟還官毋污我言畢仆地頃之始甦於是歸金於
 官吉死時年四十後賜諡忠襄明史本傳

顧儼字廷望吳縣人正統戊辰以經明行修薦授
 嘉興訓導朝選儒臣以充憲臺儼與焉拜陝西道
 御史汀民叛儼領兵平之還朝陞廣東按察司僉
 事時廣賊方熾至卽往高雷諸處招撫叛民新會
 陽口有賊數萬總戎趙輔敵嚴剿之提兵五千直
 擄賊巢斬首千餘級追復被擄男婦千餘人總戎
 上其功賜銀器綵緞儼在軍中不解甲者累月冒
 矢石犯霜露以勞致疾遂乞致仕錄

楊峻字惟高南豐人成化丙戌進士授丹徒令壬
 辰擢雲南道監察御史戊戌擢廣東按察司僉事

甫泣任徭賦爲梗巡撫峻軍前閱功多所裨贊
 有文綺寶鏹之賜巡嶺南有千戶濫殺冒功事露
 逃匿有司繫其僕于獄且二十餘年矣前官獄牘
 皆言千戶已死峻鞫其妻無戚容疑之密遣人踪
 跡所在得之廣州竟伏辜

謹按廣東舊通志作楊進江西進賢人成
 化十五年任卽峻也

宋端儀字孔時別號立齋莆田人成化辛丑擢第
 拜禮部精膳司主事遷主客司員外郎未幾廣東
 提學缺時耿某遷選部擬端儀上請以內相邱徐
 二人沮之不許官主客二年耿某復疏上遂拜按
 察司僉事既至嚴立教法以崇本實黜浮華爲主
 而痛抑奔競革奸弊以防壞法之源所轄諸郡縣
 方行民快之例富家大族爭欲遣子弟入學以圖
 免充各學廩缺亦爭先于請甚或行賄端儀曰是
 吾行未孚於人也於是是一士之進一廩之給咸秉
 至公雖忤權貴弗恤旣析番禺南海增城三縣地
 增置龍門并立學時請託之風猶未弭端儀覈三
 學之士產所當析之地者試之選其堪食餼者進
 之於庭以廩增之額定於籤數足而止廣人士深
 信服焉厥後新宰亦設縣遂無復請託者以身表
 率諸生考校一以經傳爲主苟戾經傳文雖工不

真前列學者駸駸知所嚮方瓊崖諸州遠在海島前此有九年僅一試者端儀未及五載兩涉鯨波巡撫嘉其勤疏乞旌擢而端儀以衝冒炎瘴病卒遠近奔哭瓊士祀之仰止祠廣士復祀之仰高祠端儀在官嘗修廣東通志略撰未行朝錄皆未脫藁俱同

趙瑤字德用晉江人成化十二年進士為廣東提學僉事教有根本士習丕變未幾卒志

徐紘字朝文武進人進士按察僉事行部嶺南至

曲江脩張九齡祠南華寺僧因請脩寺以壇經進紘讀未終篇至教其徒曰有人問汝義有將無對無將有對曰此卽菩提無樹與神秀相反所謂邪說也安可信耶慧而遣之於是修周子書院惟重

儒術厓山慈元殿故址劉大夏奏建全節廟以祀楊太后紘再奏始成之政暇輯國朝名臣琬璧錄專主金石誌銘嶺海文獻賴以不泯其舉措類此以績最晉副使黃志

田鐸陽城人成化十四年進士歷官郎中謫蓬州知州御史行部至蓬寂無訟者太息而去薦於朝擢廣東僉事遷四川參議不赴以老疾告歸正德時劉瑾矯詔言鐸理廣東鹽法簿牒未明逮赴廣未就道而瑾誅或勸鐸毋行鐸不可行次九江卒

年八十二矣明史循吏傳謹案鐸僉粵憲時事舊志未詳然故謹錄之

欽定明史既列之循吏傳則其宦粵之績必有可觀者矣

陶照字時明秀水人宏治進士授主事出為廣東

僉事時大盜唐大騫起惠潮梁閩琛起清遠照察土兵陳時亮有才識召入授以進止裏糧逮捕廣

中悉定浙江通志方良永字壽卿福建莆田人宏治庚戌進士觀政

戶部督捕兩廣所司饒遺悉峻却之庚申擢廣東按察司僉事未數月瓊州賊符南蛇作亂眾至四

萬守吏多棄城走良永慨然請行總督劉大夏檄攝海南兵備既至宣布恩信欲招降之賊未卽聽

命遂調防海兵捕之授以方略前後俘賊千餘人賊勢大挫旋有與良永異議者貪功輕進挫衄三

府乃濟師分道并人良永所統紀律嚴甚廣右狼兵所過搔擾獨畏良永不敢犯居民安堵運奇制

勝遂縛元兇及其餘黨悉平之計擒斬二千七百有奇御史或忌之欲分以失利罪時劉大夏入為

司馬嘆曰海南之功當以方僉事為第一顧坐以罪邪白于上賜紵絲表裏其年海北道兵備缺吏

部以良永有風力推補之良永歷二道行部所至

皆令官屬籍記行李比還令啟篋視之以絕點汗
瓊州富民海姓者盜嫖事覺獄久不決知良永嚴
不可近謀遣人賂良永子姪爲先容良永知狀立
決之海康知縣王某借巨璫勢虐用其下既敗猶
冒將才自薦良永劾之張指揮者坐贓當得罪行
賄自營良永立寘之法由是吏民惴惴巨賊皆望
風解散惟黃李等慮罪不服良永討平之境內肅
然巡按御史華璉首薦于朝官終南京刑部尚書
諡簡肅廟徽

李希顏字原復華亭人沉靜寡言有大度十歲父
授以春秋知大義居母喪哀毀踰禮宏治癸丑魁
禮闈授南京刑部主事正德初陞廣東按察司僉
事適缺提學希顏代署獎拔俊乂號稱知人以其
經學授之廣郡自此有業春秋者時從化盜作當
道以遐荒怯進希顏獨采入平之仍領海舶例有
私賂以萬計希顏悉給軍士而無所規利是時巨
寇黎頭樹嘯聚山谷希顏率兵與大戰敗之獲其
渠魁當道者疾其功不爲奏賞奉表詣闕時逆瑾
勢傾中外希顏獨不踵其門京師稱爲鐵腰李庚
午遷雲南提學副使黃志
金達字達卿號望山江寧人舉宏治乙卯鄉試連
登丙辰進士除陽信知縣擢太僕寺丞歷遷廣東

按察僉事大帽山賊累年爲患達率兵往征號令
嚴明部伍整飭士卒用命遂擒渠魁林貴等斬首
千八百餘級上嘉之有金帛之賞正德末解官歸

獻敬

顧應祥字惟賢其先長洲人徙長興宏治乙丑登
進士正德朝授廣東僉事得嶺東道汀漳山寇起
毒螫三省巡撫王守仁討之應祥以奇兵挫其鋒
擒斬酋首雷振溫火燒等千四百餘級巡撫以聞
命下勅報而應祥故讓功他省不報亡何金瑋韓
亞颯等寇海上應祥督兵覆其巢湖廣郴桂寇又
繼起復移兵芟蕪之前後獲寇千餘半歲三捷嶺
東晏然於是武略遠振咸謂伏波再生應祥嘗從
增城湛若水遊然能自得師務在篤行實踐不空
談性命也官至南京刑部尚書年八十有三
施儒字聘之別號西亭浙之歸安人也舉戊辰會
試時閩瑾方竊權儒托疾歸瑾誅之明年爲正德
辛未乃廷對成進士授山西道監察御史巡應天
以微罪奪職久之起廣東按察司僉事兵備潮惠
間潮惠故盜藪擁衆多者至數千人沿山洞結巢
穴互爲聲援官府不能禁多用招撫無何剽掠如
故儒至會劇賊龔梁鳳鍾大總復相購聚儒乃調
狼目漢達官軍及效順新民各密授方略分道進

直抵賊所旬日剿平之并諭他賊首吳大王等詣營歸命捷聞賜白金文綺潮人士請于學士倫某伐石頌功焉明年平新田寇又明年平桃子園寇皆斬獲二千餘人遂請設惠來大埔二縣賊繇是無所遁乙酉擢福建布政司叅議總制姚謨巡按徐相會請量加憲職畢事於潮惠間命下授按察副使整飭兵備如故而鴿鳥事起先是惡少航海者售鴿於東島夷獲二十金卽譌言番嗜鴿甚可射利數百羣聚奔走若狂有傾貲散產易一鴿者都廢耕織本業儒謂此鳥妖不可長廉首事數十人真之法其時且將有他變陳給事者與儒同年居鄉里間橫甚以言事得黨于新貴人雖罷官竟不次授太常少卿乃以其所仇二千家訟之朝行廣東覆按諸同官皆憚陳競袖手避陳獨難儒且以新貴人手書示儒唱之美官儒不爲動真陳於法而潮民無冤明年遂落職

李中字子庸隨州籍吉水人正德甲戌進士嘉靖元年擢廣東按察司僉事部下有訴鄉貴人奪民田者鄉貴人方恃寵多畏憚之聞監司受訴求質語甚厲中不與辨無何竟還民田都御史張某鎮梧州家人自鄉雜商販來爲巡檢所詰張將罪之中嘆曰逢人怒以奪官烏用法爲不聽判張心銜

之以他故上疏論劾爲朝中所理不行癸未陞廣西叅議歷遷廣東按察使乙未陞廣東右布政使巡按御史戴某用法峻刻欲罷南海番禺吏六十人中驗無實面直戴戴不樂且曰是六十人者寧無枉法意耶中曰法者治其太甚者也以意罪人何以法過且不聞有故入律耶徑趨出戴既慚怒會叅議曹某卒于京都御史以婚故令賻千金中曰不能還鄉者法得賻曹也何待賻卽賻豈必千金也竟賻以例同官請益不可都御史面語又不

可故事平大盜布政必具宴犒諸司藉以賂者數十百金中舉宴不以賂都御史愈怒故拒嘗中中旣無所謝而前宴金亦不復償於是與戴交誣坐不稱職當罷朝中顧譁都御史而直中爲疏解曰李某素著廉節復有才望第不能俯仰爲衆所嫉應畱用以責後效而時宰復以中無關說爲慢已竟謫四川叅政始中在廣東聞彈章欣然且歸答同官書曰此事於余無損益但恐仕者以余爲懲則薄俗日流於苟媚世道何賴獨此不忘情耳及是之蜀無悻悻狀俱同上

李默字時言臨寧人正德辛巳進士歷官廣東僉事默有治才且博覽羣籍解中有大椈樹可陰詎許暇則著書其下所撰孤樹哀談爲縉紳傳誦尤

善風鑑豫識其隸麥祥必列一品默歷布政使以
端毅廉直著聲累官吏部尚書秉正不阿嚴嵩趙
文華誣以訕謗下獄雜治之忿恨而卒嘉志

李香字汝蘭分宜人宏治庚辰中會試辛巳以進
士拜都水司主事三載轉刑部擢廣東高肇兵備

僉事高肇素苦徭夷焚市戕官香用策縛其渠魁
趙子木等又計掃大臺尖底兩岡及磁廣西田州

諸山寨五載之間奇績甚多以母訃奔歸嘉志
方豪字思道開化人正德戊辰進士嘉靖中為廣

東按察僉事職掌屯鹽清理得宜一無所私而商
戎咸服性好作詩堂有孤樹政暇輒邀廣中名士

觴詠其間擢副使去李默繼厥職因著孤樹夏談
云黃志

林希元字茂貞同安人正德丁丑進士起為廣東
按察僉事掌鹽屯二政條切近者為四款劇寇王

繼作亂剽掠廣惠二府希元署按察篆討平之嘉
靖十二年大同軍叛詔責希元謫知欽州福建通志

時方力殫財絀寇盜孔棘希元約身裕用遷學育才
設立屯田增修營堡一意教養其民而捍衛之在

任三年民懷其德鄰會安南不貢方議征討擢希
元備兵海北希元主議以征為是與督臣互異罷

歸

宋道瀾字叔觀莆田人癸未進士嘉靖四年任增
城縣知縣清澹自守善政及民均差徭以釐宿弊
平訟獄以息刁風舉月會而善惡勸懲修學校而

士類興起累遷按察司分巡嶺南僉事增邑學宮
重加脩輯士民釋思其德黃志

商大節字孟堅鍾祥人嘉靖二年進士歷官廣東
僉事搗海南叛黎巢增秩賜金幣明史本傳

楊逢春字仁甫同安人嘉靖己丑進士出為廣東
按察僉事分巡嶺南時法弛卒情賊白日剽掠逢

春首以修政息民為要隨即易置將領選卒訓練
賊發輒擒之福建通志

施雨字潤之號文峯常熟人嘉靖壬辰舉進士癸
卯官廣東按察司僉事兵備惠潮兩郡素饒富第

山海諸寇憑險為孽民用弗靖兩徧歷境內召長
老問民疾苦斥蠹吏肅紀勅法簡兵卒除器械惟

嚴暴殺衆是務和平賊李鑑擁衆山谷間時縱掠
有司莫敢問雨單車過之賊偵雨至意雨憐可戚

惜迫募千人出迎然炬列戟勢張甚雨談笑入其
巢召鑑為語禍福鑑匍伏悔罪又程鄉囚某渠築

也其黨嘯聚謀劫囚邑吏以告雨伴整兵應密令
一武吏往縛囚從間道至撲之黨悉散去其沉讞
能應卒銷變若此雨居嶺南久以母老欲謝仕會

按五嶺者以私隙中傷之欣然罷歸欽

經彥宗字懷赤廣西全州人嘉靖戊子舉人累官

至廣東按察司僉事飭兵海北道歷攝嶺南嶺東

文經武緯膏澤及民方禦倭寇懋建戎功嶺海賴

以大靖尋被讒去位廣民攀留不可得至有涕泣

者秦泉集

江治字舜卿鍾陵人嘉靖丁未進士授刑曹擢東

粵督學使者諸所條教務以端行誼正文體為先

士風翕然丕變權貴人請託因謝不聽風裁凜然

乙卯鄉試得士七十有五人中王宏誨袁昌祚馬

象乾尤為知名是秋臬司諸大夫咸在棘闈獨治

署篆兼掌鹽政守蒞吏進羨金千八百兩治叱曰

何以是溷我哉令即解藩司以充軍餉累官至南

京工部侍郎致仕卒年踰九十續

張冕字莊甫晉江人嘉靖丁未進士時劇賊張璉

焚劫廣東朝廷以冕有偉略擢廣東兵備僉事不

三月連得潮陽惠來二酋平其巢礎敗死癸亥倭

圍潮陽冕引兵入城眾稍却冕廉先却者梟之整

隊向賊賊遁越數日復督戰兵皆倍勇擊賊賊盡

却走擢湖廣叅政尋以兩廣寇起改廣東撫夷僉

事福建通志

徐甫宰浙江山陰人嘉靖中舉順天鄉試除武平

知縣武平當閩粵交多盜甫宰築城立堡者三上

官以程鄉盜藪調之往既平朝議超擢潮州兵備

僉事添注剿寇任一子千戶已而程鄉賊溫盤梁

輝等合上杭賊窺江西平遠知縣王化進擊之檀

嶺賊敗奔瑞金副使李佑三戰皆捷賊由間道歸

程鄉甫宰討禽之餘黨悉平資銀幣已補潮州分

巡僉事兼理兵備事東莞水兵徐永太等亂停俸

討賊甫宰已疾亟乞歸未幾卒明史 傳甫宰在武

程及潮皆有祠在村聚又競祠私祀之水旱疾病

輒禱於祠或以所疑質之無不響答諸寇過祠下

繞道而去其為人所信戴如此欽

劉穩縣人丙辰進士由南兵部郎中擢廣東僉

事備兵南韶南韶種賊負固恣睢民習苦之穩按

部咨禍胎過在鹽禁而猾商遂鼓煽為亂穩不謀

於眾單騎突入賊穴諭以吏禁之過今皆貸許自

新各僮賊始愕貽繼相感泣羅拜聽約束山寇馬

五陳倫盧衣清等剽掠為患穩悉以計擒之就陟

南韶兵備副使仍理道務穩感奮曰諸寇幸夷獨

黠賊官祖政者智勇雙絕為羣寇雄長不殄敢之

是翊於諸寇為累者也乃陽為不問狀以懈其防

密令祖政妻舅何某者圖之故世其事於兩政馬

夫口於是二賊生猜互相格殺部落死者幾六百

人穩曰事可舉矣乃上書督府題請大征分兵六哨夾進穩督翁源哨追殺祖政于黃峒撫其餘黨不爲窮治羣黎謹呼震地翁源與黃峒各肖像樹祠祀焉又以英德近各賊巢相地增築外城鬱爲巨障尊詔郡明經書院延宿儒導士以正學昕夕樂育雖兵旅倥偬中意藹如也隆慶辛未以省臺交薦補廣西副使府江分憲員缺穩兼署其事穩以府江爲兩廣襟喉而各獍憑滋出沒戕官吏掠民商有年若不大加剿戮則兩廣梗塞禍亂無已議三上院是之合疏請大征會廣東缺海道副使吏難其代遂就近調補職典夷市立法簡便人服其公同上

翁夢鯉字希登莆田人嘉靖庚戌進士歷戶部主事謫潮州通判時倭患彌棘夢鯉攝守事訖浦南灣三河之戰皆身先士卒前後斬馘七百有奇蹈水死者以千計倭遁去廣寇張璉吳商等復竊發夢鯉授方略擒之移知開化比行復解程鄉圍而去會興寧柘林間嘯聚甚衆巨盜出沒海島中南贛撫臣疏請自嶺以東特設防海僉事以夢鯉爲之于是平河源服五峒大星港擔竿洲所在奏捷咸名大振以勞瘁卒于官福建志
郭孝字可忠嘉靖進士任刑部主事歷惠潮兵備

嶺表盜賊充斥巨寇曾一本林道乾爲之魁巨艦乘風出沒波濤間孝至大修戰具遣人諭以禍福道乾倒戈降而一本獨頑梗不受撫因檄閩廣兵尅日大舉孝親執枹鼓立矢石間士氣百倍遂大破之一本遁去浙江通志

許孚遠字孟中德清人嘉靖四十一年成進士授南京工部主事隆慶初高拱薦起考功主事出爲廣東僉事招大盜李茂許俊美禽倭黨七十餘輩以降錄功資銀幣旋移福建明史傳

李材豐城人嘉靖四十一年進士嘉隆間爲廣東僉事羅旁賊猖獗材襲破之周高山設屯以守賊有三巢在新會境調副總兵梁守愚由恩平游擊王瑞由德慶人身出肇慶中道夜半斬賊五百級燬廬舍千餘空其地募人田之亡何倭五千攻陷電白大掠而去材追破之石城設伏海口伺其遁而殲之奪還婦女三千餘會奸人引倭自黃山間道潰而東材聲言大軍數道至以疑賊而返故道迎擊盡殺之又追襲雷州倭至英利皆遁去降賊渠許恩於陽江錄功進副使明史本傳

石磐字民漸長樂人嘉靖丙午舉人兩廣倭亂磐爲嶺南僉事至肇慶倭陷雙魚所雷廉大震磐躬督將士出戰復雙魚斬首一千五百生擒四百人

追餘賊於牛牯墩富林鐵場悉平之擢參議福建通志
 管志道字登之大倉州人隆慶辛未進士官主事
 見江陵父死不歸甚非之以舉主故不顯諍乃約
 修撰沈君典上書諷江陵不能從會言者益衆輒
 疑謀出志道銜之戊寅志道上疏勸上躬履大政
 無使旁落江陵益怒志道既轉員外郎旋出為廣
 東按察僉事蓋按廣直指為江陵私人屬以陰構
 之也出都稽以遵勅諭申憲綱請入粵又上風紀
 未盡十二議雖涉外臺而意實以繩政府直指初
 亦避志道風采三越月為要人屢嗾不得已露章
 劾之然無可污壞不過枝梧其詞時粵中方寇擾
 志道履任一月即奉撫臺檄出清遠督兵條東寇
 事不下千百言大都主撫而不主戰主善後之策
 而不主目前之計情形曲折明如指掌尋得旨降
 調解任歸薦紳父老填道瞻送為之出涕欽徵錄
 薛夢雷字鳴字福清人萬曆初由江山令徵入為
 御史出為廣東僉事參議兵備副使其為御史以
 不媿阿失江陵權協院王篆擠之以是出僉粵憲
 備兵瓊崖轉參議副使破平大泥賊蛋賊海賊蘇
 觀陸葉宗權等以其間築廉州城三受賜金巨璫
 張誠弟橫行海上有年有司莫敢問夢雷擒而杖
 殺之直指為之吐舌督府某欲得夜光珠賂權貴

人示意於夢雷不能得則暗與盜魁李茂通茂以
 制府聲盜珠夢雷知而亟捕之賊逸珠竟不可得
 也同上
 祝以函字耳劉海寧人萬曆丙戌進士知隨州入
 為兵部員外已僉憲粵東清刷韶廠商料儲為軍
 需稅瑞不敢撓其柄報最以終養居鄉十六年起
 江西按察使請罷建武橋稅商民永利尋擢應天
 府尹晉工部左侍郎致仕浙江通志
 張瑋字席之武進人萬曆四十年舉應天鄉試第
 一越七年成進士授戶部主事調兵部職方歷郎
 中出為廣東提學僉事粵俗奢麗督學至宮室供
 張輿馬餼牽之奉甲他省象犀文石名花珠貝磊
 砢璀璨瑋悉屏去弗視也大吏建魏忠賢祠乞上
 梁文于瑋瑋即日引去瑋廉歸而布袍草屨授徒
 於家明史本傳
 湯來賀新城人崇正庚辰進士由郎署歷任廣東
 按察僉事植性嚴厲雅有風裁以鯁直著聲每月
 親行州里講讀六箴勸勵風俗嚴禁奢麗時有勢
 豪子弟犯法來賀按法不少徇剛正之氣凜不可
 犯蒞政未久嶺海肅清焉嶺南志
 廣東通志卷二百四十五終

廣東通志卷二百四十六

官績錄十六 明五

魏宗

王器

方佐

聶好謙

沈琮

吳中

林泮

袁燦

曹琚

鍾文傑

胡鳳

曹達

謝彬

戴科

周啟祥

余自怡

嚴起恆 俱廣州府知府

章璽

沈尙經

程默

解立敬

姚生文 俱廣州府同知

周錚

余志

劉瓘 俱廣州府通判

朱伯驥

莫子麟 廣州府推官

董應舉 廣州府教授

熊瓚

蔣昇

傅應祥

鄭汝舟

沈應乾

周文卿

王循

朱欽相

蔣棻

姚奇允 俱南海縣知縣

葉光 南海縣主簿

袁吉 南海縣教諭

鍾勛

道同

童謨

高瑤

徐志

王澄

唐澗

沈思孝

傅慶貽

張國維 俱番禺縣知縣

唐同 番禺縣丞

陸昌期 番禺縣巡檢

周亶

婁璿

楊昂

曾仲魁 袁城

胡友信

葉初春

方學龍

倪尙忠

黃金貴

周齊會 俱順德縣知縣

吳孟謙 順德縣丞

王時中 順德縣教諭

畢瑄

詹勛

王仁

王世榮

盧秉安

陳寧

陳埤

李性

林功懋

孫學古

舒應龍

林啓

董裕

楊寅秋

胡繼美

李模

林明順 俱東莞縣知縣

郭郁鄰

歐陽州 俱東莞縣丞

方維翰

莊禮

林有年

俱東莞縣教諭

明

魏宗延平縣人由監生洪武三十二年為廣州府知府臨民御下不怒而威務舉大綱不理細故深得守牧之道至今人頌之

黃志

王器字汝器吳江人永樂初任廣州通判為政疾惡如讐凡所施措民不敢欺郡之廢墜多所修舉以廉能稱十年陞知本府未幾丁憂去吏民送者塞途服除改知瓊州廉謹有為政聲益著

同上

方佐字用輔鄞縣人永樂戊子舉人正統改元少傅楊溥薦陞廣州知府振肅綱紀百度維新以例入覲卒於贛

浙江通志

聶好謙字用義豐城人登進士正統十年以刑部郎中出知廣州凡政有益于民者不顧利害為之決獄平恕時新會斗洞山民嘯聚藩梟檄好謙往撫之諭以禍福賊皆感泣歸款十四年黃冠越獄聚眾攻城城中人眾食寡好謙恐其生變即白藩臬發倉賑之或持不可好謙曰擅發倉廩其罪猶小若民飢生變禍不可測事始大耳與布政戴弁卒發之全活者甚眾是年冬以疾卒民傷之都御史楊信民詩哭之曰平生兩行淚深為越人傾

黃志

沈琮字公禮嘉興人正統壬戌進士授南京兵部

武庫司主事既而進官為夔州知府改重慶皆以喪不赴最後得廣州廣州嶺南劇郡中使者求珠大將軍治軍旅適又旁午其間事有甚難而琮處之裕如其於興學校美俗化勸農弭盜亦為它郡最比去民遮畱相泣而別

錄

吳中字時中樂平人進士天順五年任東莞令將三載百廢備舉巡撫都御史葉盛薦守惠州去任日士民為立遺愛碑後一月東莞賊起都御史韓雍檄中擒捕中馳至下令出首能相捕獲者免其罪復以十家為甲出入相調禍患相保婚葬相助一家有事九家連坐旬日渠魁斯得雍喜其能復畱中巡視海道守增江口控扼盜賊中至即編戶為甲各漁其海遇賊舟則尾至其地賊以其漁不忌也既得其實即遣人捕之不閱月賊亦屏息越六月雍以更賢育民事例奏改中知廣州府以興學校勸農桑均徭役恤窮困為己任解字壇墮城池學舍為之一新又延肇慶府學教授王文鳳編輯廣州志甫成以憂去

黃志

林泮字用養閩縣人成化壬辰進士授南京大理寺評事泮陞寺正盡心庶獄陞廣州知府府治省會吏奸訟繁泮處之若無事例有堂食一不染指嘗過匡山門有石刻元丞相伯顏滅宋於此泮改

刻宋太傅樞密使張世傑死節於此凡郡之忠義
貞節多所表異郡有藍漢諸山洞蠻時方猖獗泮
承檄以兵入其穴擒斬渠帥因圖地形會總兵盡
屠之又豐湖堡十三村民皆爲盜拒敵泮至其地
諭降之戊午陞廣西參政正德戊辰官至戶部尙
書劉瑾用事遂致仕泮歷官三十七年俸資外一
毫無取歸之日貧甚視之坦然不少憂憤云錄
袁熾字景暉慈谿人辛丑聯捷進士觀政工曹既
授南京兵部主事轉員外郎改郎中會廣州守缺
遂擢知廣州州爲嶺南大郡前守多以賄敗熾至
教令一新興仆舉墜晨吏抱文案魚貫以進指摘
奸蠹須臾而盡吏受案去噤不敢語廣民喜告訐
悉召訊之立得其是非狀皆匍匐悔罪由是訟日
少人弗敢欺性度簡易悉以嘻笑集事然不肯習
諛媚爲可否其所經畫苟自信卽上官欲撓之不
可得廣城控引諸番際大海雖物貨阜繁而中有
隱憂熾爲繕治城郭操練兵卒時戒不虞衆或迂
之其後有佛郎機之變人始服其先識郡屬如新
寧等邑半爲盜區熾曰是未易以恩信撫也謀之
督府次第舉兵誅其渠魁始寢懼而自戢尤善理
冤獄先是有龍游人王姓者與其甥同貨于廣甥
被無俚子掠其貨殺而沈于江王訟之御史下府

理官鞫其事反坐王以罪嫌廉知其冤踪跡之得
劫殺者置於法又有旅客爲人謀殺分其屍復密
遣伺獲其人乃嘗與爲仇者亦正其罪治稱神明
以卓異薦晉從三品俸視事如故正德初考滿適
逆瑾欲以順天府丞子熾冀得金熾曰京兆丞願
可以賄得哉忤其意遂致政去士民攀送載路思
之不忘

曹瑀字仲玉桂陽人宏治丙辰進士觀吏部政進
署虞衡員外郎戊辰外擢廣州府知府時中官有
奉命查盤者勢灼甚或勒折節免禍瑀不聽每事
裁抑之乃欲重盤郡庫以洩憾瑀抗言不從旋亦
畏沮終不能加害濱海田產蟊螟害稼民養鴨飼
之稱便總督陳金議復鴨埠之舊以充軍餉瑀
規畫之巡行七邑每發集官吏於庭檢行李示之
乃行及還亦如之嘗行番禺道中有後山殘民自
言被誣爲盜喘息且死乞招撫延旦夕卽上其事
于總督招之得男婦數百人而後山盜日靖廣商
例納給引錢舊多自私瑀以五分爲率貯其三於
庫備賑濟二以爲公用農民例納紙價瑀曰是教
之以貪也罷之派辦料物解京者舊攬於豪猾每
侵尅不完瑀勾稽加懲且令州縣擇均徭之殷實
者領焉當道以爲宜至今爲例有林氏夫遠出死

莫知其由繼姑訟其妻妾三人成獄瑀廉知其冤指曰此一人有子奚亦同謀邪矧訟出繼姑必誣也出之又有同父弟死於溺為其生母所訟者巡按委瑀勘不埃宿一鞠之得其情蓋謀實出於瑀也一郡稱神明有民年七十矣取財以訟嚇得罪則以老免瑀罪其子以示懲訐告之風漸革惠潮諸郡用兵瑀奉檄供軍旅事會連山猺發又議討之瑀謂兵力不可分遂下令撫猺皆聽命而惠潮之寇亦平他如禁張燈以正民俗躬送牲以肅祀事教生徒行鄉飲皆人以爲迂而瑀力行之然持法不撓卒爲當路所陰中辛未調廣西梧州守士民爭送之百里外俱同上

鍾文傑字邦臣長汀人宏治壬戌進士正德壬申爲廣州知府威儀豐偉德器深重上下皆敬愛之勤於爲政剖斷如流人不敢干以私總督太監潘忠遇之無狀一日穢其衣冠將撲之文傑舉止自如曰昔官邸署時亦曾爲內府所禮豈知有今日忠遽釋之於風教事尤留意勤劬得疾卒於官黃志

胡鳳黃梅人嘉靖十七年進士知廣州清白自厲前掌郡者多奢侈庫役月費數百金鳳嚴汰之日坐堂皇理民事決斷如流率皆平允至今民稱其廉惠新志

曹遠太倉州人以進士爲御史抗疏謫外嘉靖甲辰歷知廣州性剛直潔己愛民而方于事上爲直指使者所齟齬不少變節人多其廉介後來知府事者皆不及民益思之同上

謝彬字文華海澄人嘉靖甲辰進士爲南京戶部郎中出知廣州決滯無數福建志操持廉潔珠貝犀象一無所取人比之王僧孺入閩採錄時惠潮當瓊盜賊蜂起倭又勾連爲患督府殷正茂檄調兵卒分布水陸要害處所立定章程命守巡官畫地責効而以各副使總核其功罪倭寇則以總兵官張元勳參政江一麟專其事一切軍儲糧食兵械仰給於首郡彬先事綢繆與右布政使程嗣功日夕計畫賴以無缺既而盜平敘功正茂累加兵部尚書右副都御史嗣功進廣西左轄文武諸職皆晉秩有差彬曰爲民上者不能使所治無盜賊抱慚實甚一旦有警文官運籌芻粟武官盡力剿擒分所應爾又因以爲功將誰欺乎卒不受賞時論多之嘉談錄

戴科字朝賓莆田人嘉靖丙辰進士尋除戶部主事奉命督賦東粵與總鎮大臣處正色不撓下吏莫敢干以私還報稱旨遷員外郎郎中出爲四川敘州守丁憂服闋補知廣州廣州號貨財淵藪又

積蠹所聚科至與民更始示無黷於貨發奸摘伏如神僚屬下吏無不嚴憚者久之有王提舉某以部使信任頗恣肆為奸利括吏民金以鉅萬計科廉得狀收提舉發其私藏沒於官提舉懼自經死於是部使劾奏科激殺命吏徵還候勘會大計當事有嫉其能者疏免之後部使者按其私竟無所得士論深嘆惜之

錄

周啟祥字源伯浙江海寧人隆慶戊辰進士授刑部主事萬曆戊寅出守廣州政尚簡易一以節愛為主謝絕餽請自奉甚儉約省與從敝衣蔬食視案牘剖詞訟悉從已斷兩造稱平左右無敢犯法尤和易近民卽村夫里婦隱情咸令畢達會布浦劇寇構釁亂軍門調兵剿之諸將率掠蛋民為功啟祥建議祇錄其生擒者全活甚衆壬午再入覲囊無餘物行至贛州病卒啟其笥僅以供斂計聞廣州士民於寺觀為位以哭且建祠焉直指羅某從輿論進祀名宦

嶺南文獻

余自怡婺源人進士崇正十一年悉知廣州府方正廉潔常祿外一錢不染朝夕所需清泉菜把而已上官無所饋送而臺司愈重之凡訟牒株連者於中呼一人就訊餘皆勾乙故獄不留而牘無滯不受私謁人亦不敢干以私卒於官同官人治喪

事發其橐僅遺六金衆醜金殮之祀名宦

郝志

嚴起恆浙江山陰人崇正四年進士歷廣州知府永明王立令兼督湖南軍餉順治四年王駐武昌拜起恆禮部尚書兼東閣大學士李成棟叛

大清以廣東附於王起恆從王至肇慶與王化澄朱天麟同入直化澄天麟相繼罷黃士俊繼何吾駒為首輔起恆次之

明史本傳

章璽字信之連城人成化庚子舉人累遷至高州府同知改廣州力罷佛山鐵課以計靖增城獗寇

福建通志

沈尙經貴州普安衛籍高郵州人以舉人知全州嘉靖中考最擢廣州府同知才識明敏聽訟每得隱情而操守清白提學魏校毀淫祠寺觀鄉士大夫多承田土或至與訟尙經剖斷動中肯綮均其徭役輿情慝服屢為撫按所薦擢刑部員外墜馬卒廣人在京師者爭弔賻之

黃志

程默字子木休寧人嘉靖乙酉舉明經卒業太學除廣州府同知值詔征安南兵興費鉅默從容調度民不知困甫至謁先聖畢昌言風俗波頹獄訟啣與皆斯學不講之故亟請祀開府王陽明巡按御史以為知大體特薦之黎負險憑陵瓊崖中世為害默建策乘勝畫五指山為十道分官據險錯

居民其中徙黎於山外不數年且為衣冠之域當事者不欲久駐兵遂中止士議惜之行部禁培克慎勾稽身先吏卒所至肅然嘗承臺檄閱實韶州庫藏守別蓄萬金罔默以為己地默廉知之即疏始末議立法防侵盜監司趨焉故新會合何某以不善事上官被斥默上其賢必追復乃已竟以是忤時相罷歸錄

謹按省志府志職官皆無廣州同知名程默者惟嘉靖朝有程鐸歙縣舉人此云字子木與命名義合疑即其人也

解立敬字誠齋貴陽人舉人崇正十一年歷任廣州海防同知性寬厚和簡而天姿英敏剖決如神讞獄畢擲管即成爰書隨取律例朗誦一過使兩造洞曉雖老吏深文者不能贊一詞時府佐縣官並缺檄立敬攝之身縮五符案無留牘丁內艱去服闋補惠州同知遷本省副使後擢僉都御史巡撫江西粵民思之志

姚生文字自牧仁和人貢士崇正末為廣州市舶提舉雖處散秩然喜振興士類嘗捐資修葺學官攝篆新會愛民撫寇遷廣州府同知以才能稱比去士民焚香酌酒扶攜餞送後擢湖東道死于贛上

周鐸字爾威吉水人由監生正統十三年授官通判廣州甚得民心解署二樹有鵲對巢其上交相哺其雛人多為歌咏以頌其美及卒于官家無以為殮當道聞之給官錢為治喪具民咸賻之乃克歸黃志

余志字志學建寧人天順甲申進士官刑部主事出判廣州安輯流民三萬口福建通志有暮夜餽金者引楊震四知之語却之八閩錄

劉權字美中弋陽人舉于鄉嘉靖五年為廣州府通判時勅立三水縣以權明敏檄董其事區畫詳悉百作具舉一時規模鼎立且勤恤民隱工匠夫役咸均其勞間闕一無所擾至今士民不忘黃志

朱伯驥字千里通山人成化癸卯舉人任廣州推官儉於自奉破衣蔬食人皆謂其苦於束縛伯驥安之若素嘗謂僚吏曰居官不儉則用必置置則謀所以補遂漸恣肆至不可復問官之守廉必從儉始某所為斤斤自守耳嘉談錄尤精於聽斷兩造咸服從白沙陳獻章遊浩然自得退而上書論古今人才不相及白沙以為知言遂棄官歸橫經講學士大夫推重之粵大記

莫子麟字瑞卿廣西橫州人嘉靖辛卯領鄉薦高等丁未筮仕廣州府推官戊申遂署郡篆未幾承

檄掌連州己酉掌番禺皆劇任也庚戌檄往潮州諸府凡事之大小皆屬查理委任甚專而廉明之聲益著其在廣郡也承委抽分番舶還至驛許出箱囊對同事者矢而後發無一介長物同事者莫不嘆服其峻卻鄉識餽遺與封還揭陽令綢絹人皆知之秦泉集

董應舉字崇相閩縣人萬曆二十六年進士除廣州教授與稅監李鳳爭學傍墻地鳳舍人馳騎文廟前應舉繫其馬用是有名遷南京國子博士明史本傳

熊璜南昌人永樂間知南海處心平易政無苛擾雖遇匆遽不先事勞民而庶務畢舉民甚感之滿任陞禮部郎中黃志

蔣昇字誠之全州人成化進士宏治己酉授南海知縣以政績卓異徵入朝擢南京監察御史累遷南京戶部尚書致仕嘉靖丙戌卒天性純誠蒞政折獄往往如燭照數計毫髮無能遁其情保民如子惟恐傷之逮司臺憲劾奸治惡不遺餘力未嘗少有縱舍蘇徵錄

傅應祥字德和進賢人進士知南海縣為政公平持身廉慎雖當煩劇而裁處雍容接物待人務從寬惠凡百施舉不炫其功去後民恆思之黃志

鄭汝舟字宜濟莆田人嘉靖壬辰進士授南海令邑人馬參政家僮拷殺園丁汝舟置之法因造謗當事有憾汝舟者論劾之吏部侍郎霍韜知其無他白改應天教授福建通志

沈應乾字惟順五河人嘗師事霍韜嘉靖庚戌登進士知南海蒞任後詣韜募泣矢日所不盡心百姓廉介自持負公之教者有如河乃詢訪得失採輿論而更革之省刑輕徭徵賦有法宿弊一清壬子淫潦為患民大饑殫力勸賑鄰邑寇盜盜起南海晏然應乾力也以廉能入為主事歷按察副使南海稱良吏者曰黃沈蓋以黃正色與應乾並稱云郡志

周文卿字蓋之湖廣江夏人隆慶辛丑進士任南海縣知縣以清潔聞邑糧為民害乃清無稅沙坦補無田之糧七百餘石又傍海之地港涌岐出多為豪強所據悉清之以利農桑歷陝西兵備副使致仕歸湖廣通志

王循學浙江山陰人父國正廣東參政循學成進士初令保昌政聲隆起萬曆二十八年調知南海縣南海故術劇循學判決如流發奸剔蠹吏畏若神會權稅初行中官橫暴循學獨持正議民賴以生權使深銜之而不能中故人來見把酒道故甚

驥語及他事遂絕不與通其嚴毅若此服勤茹澹不以家累自隨案牘旁午中夜不息後竟以勞瘁卒于官金志

朱欽相字懋中江西臨川人萬曆庚戌進士四十四年補南海令諸務悉經手裁不假吏書兩造令民自拘不差胥役文書堆案一覽悉記隨舉一事叩之無不詳其顛末者曾經犯事之人雖更姓名見即識之曰若乃某也再犯矣性賦明敏雖極狡黠莫能欺焉執法不避權要發奸摘伏人號神君奏最入覲囊無所儲權諫垣歷太常少卿至都御史郝志

蔣棻字皖先常熟人崇正丁丑進士知南海立催輸法勒為九規民不擾而賦益辦聽訟明而不苛盜所誣指悉置不問官未三月平反冤獄二十餘人又設中西下西二哨以嚴海防清東山寺田歸之學官月三課士倡明古學居任二載丁內艱去子伊另有傳同上
姚奇允字有僕錢塘人崇正進士授南海知縣有聲人為兵部主事改御史巡按廣東未任聞贛州圍急與郝維經分道募兵入城與賊戰城破死之子端字以式亦死

本朝乾隆四十三年

賜諡節愍大清一統志

葉光閩人永樂間由文學出身為南海簿蒞政之初凡事遜之于尹蔬食自如吏民不敢欺繼掌邑政始終無玷滿秩去民咸歌曰南海簿真不貪百鳥鳳人中難黃志

袁吉字本善臨桂人正德丙子舉人授南海教諭以躬行為諸生先一時士風丕振魏溶器之擢襄城知縣福建名宦志

鍾勗字士懋慈溪人蚤失怙恃肆力問學洪武四年郡庠禮聘訓導弟子員五年以薦赴京特授廣州番禺令政尚平易不以察察為明時官造舟富商儲貨高估以病民勗預令采山場藤木宿峙以待所需官民兩便六年颶風掀漲平地水深數尺鹽倉濱江貯數百萬計浸幾及之勗躬率民丁俾家出一囊盛土石築堤以防堤高漲縮貨賴無恙蓋其舉廢興墜惠民實多而尤穎精于學校先是學圯師儒賓禮無地勗捐俸構講堂齋舍未幾坐事免歸十六年以明經舉仕至兵部侍郎卒于官黃志

道同河間人其先蒙古族也事母以孝聞洪武初薦授太常寺贊禮郎出為番禺知縣番禺故號煩劇而軍衛尤橫數鞭辱縣中佐吏前令率不能堪

同執法嚴非理者一切抗弗從民賴以少安未幾
 永嘉侯朱亮祖至數以威福憾同同不為動土豪
 數十輩抑買市中珍貨稍不快意輒巧詆以罪同
 械其魁通衢諸豪家爭賄亮祖求免亮祖置酒召
 同從容言之同厲聲曰公大臣奈何受小人役使
 亮祖不能屈也他日亮祖破械脫之借他事答同
 富民羅氏者納女于亮祖其兄弟因怙勢為奸同
 復按治亮祖又奪之去同積不平條其事奏之未
 至亮祖先劾同訕傲無禮狀帝不知其由遂使使
 誅同會同奏亦至帝悟以為同職甚卑而敢斥言
 大臣不法事其人骨鯁可用復使使宥之兩使者
 同日抵番禺後使者甫到則同已死矣縣民悼惜
 之或刻木為主祀於家卜之輒驗遂傳同為神云
 當同未死時布政使徐本雅重同同方答一醫未
 竟而本急欲得醫遣卒語同釋之同岸然曰徐公
 乃亦效永嘉侯耶答竟始遣自是上官益嚴憚然
 同竟以此取禍明史本傳

童謨浙江人洪武間知番禺縣縣號繁劇謨一以
 廉謹自持政平賦均民安訟息時長樂合習韶寄
 詩贈之有共誇仙掌露不羨玉壺水之句人以爲
 確論以丁內艱去後至江西按察使黃志

高瑤閩縣人天順中知番禺縣謹按粵大記作
 成化十九年多

異政發中官韋眷通番事沒其貲鉅萬於官眷憾
 甚誣奏於朝瑤及布政使陳選俱被逮士民泣送
 者塞道瑤竟謫戍永州釋還卒明史本傳

徐志字子聞直隸山陽人善行草能詩以戴禮魁
 成化癸卯鄉薦正德初來令番禺雖政事不甚敏
 捷然宅心光明真率愛民於財利秋毫無所取凡
 上司所需皆出自己俸不足則貨其妻簪珥以繼
 之尤注意學校每月輒至明倫堂課試諸生給以
 紙筆燈火貨宿於舍者助以廩肉時林廷玉督學
 每嘉獎之會御史劉祥奉使查盤庫藏察其清慎
 薦之尋陞儋州知州行間病卒于官貧不能斂有
 司助以棺衾至今士民猶惜之黃志

王澄字克清羅田人進士正德末知番禺縣興學
 校均田糧祛妖僧表貞節恆以奉公舉職自任後
 擢主事卒于京士民至今懷之同上

唐澐字文煥全州人其先人遺田四十畝供子姪
 讀書澐曰讀書分內事何以田為盡以贖宗族登
 成化甲午鄉榜授番禺知縣時山賊連年肆掠至
 則遣諭之盜悔過境內遂安鄰邑黃馬二姓構訟
 十二年不決澐為白之考最入京道卒廣西全
 州志

沈思孝嘉興人隆慶二年進士為番禺知縣殷正
 茂總制兩廣欲聽民與番人互市且開海口諸山

徵其稅思孝持不可

明史本傳

傅慶貽字有積南安人萬曆十三年以進士知番

禹公恕廉明催科不擾一切輕生圖詐匿名告訐

及以盜攀良槩置不問民有貧無以養而父訴其

子不孝者慶貽捐俸慰諭父子感泣以內艱去桐

棺具殮行橐蕭然民泣送之

志

張國維號玉筍東陽人天啓壬戌進士授番禺令

清理沙漲田數萬畝以業貧民

浙江通志

蠔塘蜆田產

息不貲貧者藉以謀食而豪右據之國維窮其初

皆官地也使貧者稅而司其利遠近悅服

王銍德政記

唐同江夏人萬曆十二年為番禺丞以清白聞時

令以給諫謫遇上官僚屬多傲會入棘闈有里正

荷校于門同日若等何罪命盡釋之左右不可同

叱曰某非佐令者乎杖左右竟釋之時上官雅重

同委攝邑篆力辭不就乃委知事紀某紀好作詩

日集詞人于堂同復厲聲曰縣堂自有政事催科

撫字是其職何用此為署官貪濫取民間物同追

還之後竟辭去

志

陸昌期嘉定人天啓中由倉大使遷番禺沙灣巡

檢勤敏廉介邑令某異其材每加委任昌期潔己

奉公凡盜案株連前官以為囊橐者昌期痛革其

弊民甚德之後令孫曰紹得巨盜金宥出之盜復

嘯聚肆劫昌期不勝憤親率民壯往捕獲之縛投

諸水盜遂屏息令大憾遂中以法罷歸里民扶老

攜幼相送子元輔為名儒

同上

周夏餘姚人始任豐城丞治民有聲丁內艱起復

改南海居官清慎景泰三年開設順德縣治撫按

藩臬薦知縣事悉心經畫縣治規模粗定時俗尚

質悍夏嚴立保甲之法境內賴安借民財遠便佞

去淫祠勸農俗明年八月卒于官

順德縣志

婁璿浙江東陽人監生成化五年為順德縣令性

剛果好挫折權勢政自己出典案老奸不敢過縣

門事有統紀獄無留滯宿弊為之一清口不言錢

聞貪污者雖上官及僚佐輒放聲唾罵子姓讀書

就外傳皆令自執兩具且語之曰皂隸承事於官

非汝輩所宜有其嚴類如此竟被誣去

黃志

楊昂字孔容建安人以祖文敏公榮蔭入監宏治

中知香山縣事里胥以其出於相裔也或遠逐焉

昂曰是欲為楊鱗者邪斥而遠之饋送一無所受

蒞政愷悌上下皆稱其廉能巡按御史聶賢疏言

宜治繁劇遂調順德益勵清操其政如治香山時

以節愛為本考滿致仕去後其子崇來為僉事二

縣之民爭先快覩曰此吾舊父母之子也其遺愛

如此

曾仲魁字斯達晉江人第進士袁鉞荆門州人舉鄉薦嘉靖初相繼擢知順德蒞政皆廉靖不擾施惠以撫疲民修橋梁興學校賑荒羸後曾擢給事中袁遷工部主事歷正郎惠德媿美民相率立二公去思碑于城南俱同上

胡友信字成之德清人隆慶戊辰進士授順德知縣縣歲賦率奸胥攬輸稍以所入昭長吏謂之月錢友信與民約歲為三限多寡皆自輸不收贏於是閭里無妄費而公賦以充海寇竊發部內烏洲大洲賊所巢穴友信悉勾得之以勁卒搗其巢誅

渠魁餘黨解散又鄉立四應社一鄉有警三鄉鼓而援之不援者罪同賊賊不敢發初友信慮民輕法蒞以嚴既令行禁止更為寬大或旬日不答一人其治縣如家弊修墜舉學校城池咸為更新督課邑子弟教化興起卒于官士民立祠祀之浙江通志

葉初春吳縣人萬曆十一年進士為順德知縣以治行徵明史羅大錠傳敗衣粗食有餽之者輒麾之去曰吾自安之毋相苦也昔劉虞敝衣繩履食無兼肉獨不可令初春效之乎分省人考

方學龍字叔允萬曆己丑進士為順德令興學校平賦役簡詞訟嚴防禦時海寇猖甚學龍出奇計鐵厥渠魁海氛克靖浙江通志

倪尚忠字世卿浦江人萬曆戊戌進士授順德令於時順德稱下邑科第寂寥尚忠日進士子課藝文取其尤者拔之嗣後春秋二榜登第不絕人比之文翁云同上居官清白革浮耗絕請託講六箴嚴保甲皆以實心行政又力抗稅監剪除巨惡後為忌者所中左遷郡丞百姓攀留遮道為立祠熱志

黃金貴字又生分宜人天啓二年以進士知順德縣政廉而明囹圄無冤催科不擾四境又安作興士類人文蔚起以最薦擢御史官至漕運副都御史同上

周齊曾字唯一鄞縣人崇正十七年以進士知順德清介有守却耗羨除豪猾拊循小民民親事之暮月以抗朝貴拂袖去百姓閉城累日留之不得時論惜焉同上

吳孟謙福建莆田人家貧自起為府小吏性峻潔宏治三年為順德縣丞民供析柴薪錢孟謙曰丞何功其受此哉時值後山用兵孟謙供餽軍仗山盤水運風雨浥爛數損於舊孟謙悉以己俸償之人無知者卒于官前翰林鄒智諫之曰君性蕭疎君貌嶮嶮坐久無言言無破碎與長官居庶事悉委公庭如寺詩思如水於乎若孟謙者其不負丞哉黃志

王時中字執之侯官人領戊子鄉薦為順德縣教諭嚴重簡默師範端方教人必以求放心為要因號心齋倡義相朋士習歸厚立諸生會約親校其文至今彬彬可觀邑中士大夫咸加敬重擢知陽朔士類追思為立碑于堂後

畢瑄不知何許人洪武初知東莞縣時鄉邑遭元季兵燹後田地荒蕪與縣丞八扎合同寅協恭撫循安輯流亡來歸田里日闢歲復有秋邑人始有生意廉能之譽著聞于時俱同上

詹勗字最之饒州人洪武五年知東莞縣嚴以馭吏寬以愛人廉介自守修飾壇壝以嚴祀典推人戶甲乙以均力役又重修廟學時海瀕寇發躬率眾擒之逋逃之卒繫之還其籍境土安謐民樂其生焉粵大記

王仁山西人舉人才洪武十年知東莞縣為政明敏務抑豪強吏民凜然尤注意興學崇化暇則與諸生講解士為一新黃志

王世榮金華人以才薦洪武十六年知東莞縣時遭草寇亂後人皆流離上司督糧甚急世榮設法以徵不日而足招逃亡恤無告力行寬惠以甦民隱一考而去邑人至今稱之同上

盧秉安字文定南豐人洪武三十年知東莞縣性

寬厚政尚公平廉以律已信以待人吏民愛戴秩滿邑民遮留之司府皆為之請乃得復任去後民益思之邦志

陳寧字仕泰福建晉江縣人壬戌進士知東莞縣旬月之間百務具舉廉介剛方不畏權勢尤邃於易政暇則進諸生講解多所成就借未究其用而卒同上

陳輝字德階閩縣人宏治乙丑進士授東莞令之官止一僕廉以律已慈以愛民福建志勤於聽斷剖毫析芒縣無遺事考績舉為第一八閩采風錄

李性字仲復長樂人癸未進士嘉靖三年任東莞縣知縣不以家累自隨政尚平易公庭肅清吏民咸畏時海利多入豪家性追奪之歸于蛋民徭役悉均里甲不擾嘗集諸士講論經義多所發明陞任知府黃志

林功懋字以謙漳浦人壬辰進士嘉靖二年任東莞縣知縣賦才明敏嚴馭吏胥寬恤里甲疏通滯獄清理積案以舊政秋征專督責辦糧一人不便乃令各里排輪年分辦糧遂易完又以舊政嘗差民壯下鄉為害乃分差各圖里長民不滋擾嘗抽分番船峻拒其賄不容匿貨番人為之悚息有招撫海寇許折桂恣橫于鄉執而懲之卒死于獄民

稱快焉考績陞南京戶部主事終四川副使

孫學古字汝遂蕭山人甲辰進士嘉靖二十五年

授東莞知縣蒞事嚴公有威令不棘不徐奸宄屏

息期月百廢具舉學校官署城倉壇墀教場以次

修整皆為經久計資用出已不費于官先是邑城

艮隅濠岸流潦蕩割風氣稍虧爰採眾議作橋以

殺湍流識者謂有幹旋功初性頗卞急一日燕集

指揮安憲微規之卽揖謝刻銘座右其勇於受善

如此學優才瞻經義尤精朔望進諸生講解使人

得聞所未聞凡耆儒獻詩隆禮下之聞泰泉講學

往師事之得其樂典歸錄梓以傳罹疾卒邑人卽

鴈塔前隙地建祠以寓思云俱同上

舒應龍字中陽全州人嘉靖壬戌進士初任東莞

縣發摘如神一時同官無出其右擢吏部主事歷

官至漕運工部尚書修河有功後致仕歸卒祀鄉

賢廣西通志

林啓字仲鎮龍溪人舉於鄉嘉靖己丑知東莞縣

事以息獄訟均里甲正科斂為首務春耕親出郊

勸農其為政開誠布公不事苛細得牧民之體會

海寇黃秀山作孽巡按御史李美委責於啓啓歷

險阻討平之去日囊無餘貲民有齋金餽於途者

啓峻却焉嘉志

董裕字惟益江西樂平人隆慶六年以進士知東

莞尙教化省刑罰詢民疾苦復設義倉修城垣立

新安編圖以便民蒞政三年盜賊衰息民依之若

慈母焉同上

楊寅秋字義叔江西泰和人萬曆三年以進士知

東莞九年詔天下覈所部田以清賦稅寅秋為十

四議規畫周悉日單騎馳田間計畝均科凡溢額

萬石有奇寅秋遂以所贏餘均則之輕重自此浮

稅一清數月奏績其明敏曲當類多過人嘉志邑民

舉宋書劉懷肅傳簡惠成能四字額其衙廳分省考

胡繼美字秀文鄱陽人萬曆三十九年以進士知

東莞為政練達民不能欺革浮耗之弊立限催科

逋欠止責大戶以故民樂輸將尤嚴於治盜蒞政

三年市無聚奸野無伏莽以艱去民祠祀之嘉志

李模字灌谿吳縣人天啟乙丑進士知東莞縣邑

故繁劇黠胥以其年少易之至發奸摘伏凜若神

明庭字肅清無敢誹者水蕪自矢而痛抑豪強邑

稱大治丙寅歲稔米價騰貴饑民入城掠食千百

為羣模單騎馳諭擒倡首二人示警丞解俸賑濟

令各富家平糶邑賴以安丁卯分校稱得士五拔

擢監察御史同上

林明順字孝臣海澄人崇正庚辰進士授翁源令調增城又任東莞縣故多盜明順肩輿入賊壘諭以禍福賊留之三日民慮其危輸金往贖而賊已歸順擁令輿至矣乃以民所輸修學宮治橋梁尋擢御史

福建通志

郭郁鄰山西屯留人洪武五年來丞東莞廉介自守日漁蔬食不事飽暖邑人何原璉陳東詰饋以生魚被服郁鄰曰吾素志如此辭而不受疾終于官無以為斂邑民爭往弔賻之

黃志

歐陽州字汝行恭城人事繼母孝以隆慶壬申歲貢生選東莞縣丞有能績署邑篆一載清慎得民

尋致仕歸合邑立碑年八十終

廣西通志

方維翰莆田人成化十七年任東莞縣教諭嚴毅自守衣冠終日教諸生各隨其資皆令宿號舍晨夕察其勤惰有貧乏者舉助無吝色士夫談者首

歸焉

黃志

莊禮閩之長樂人宏治五年由鄉貢任東莞縣教諭性溫而栗行恭而愿每進諸生剖析經義有未達者必廣譬博論使必通而後已其子文元孫惟春相繼登科人以爲作士之報

同上

林有年字以永莆田人由鄉薦宏治十四年任東莞教諭恪共厥職銳意作士簡其學優才膽者擬

題授之作義而裁成一家俾後進做習之好學重道執贄張詡之門林時嘉嘗從陳獻章遊遂與爲莫逆交考滿赴京士大夫作旗山仰十卷贈之後薦陞御史官終貴州兵備副使

八閩采風錄

廣東通志卷二百四十六終

廣東通志卷二百四十七

宦績錄十七 明六

會孔志

喻燭

邱體乾

陳良言

陳穀

李鉉

彭允年

俱新安縣知縣

朱端明

周文燦

朱寬

甘汝遷

閔之間

羅儀則

俱三水縣知縣

鄭琛 三水縣教諭

黎禧

何昌言

申端

朱文簡

李世英

文章

張孔修

盛資汝

王良心

徐震

林繼衡

鄒元忠

喻子賢

陸世科

謝士章

陳世鳳

陸清源

俱增城縣知縣

李錕

王一合

俱增城縣知縣

萬景 增城縣主簿

廖簡

徐應亨

俱增城縣教諭

唐晨

增城縣知縣

柴伸

張翽

趙從乾

伍世奇

林憲曾

王三重 俱龍門縣知縣

蔡惟溥

周頤

馮誠

朱顯

林士元

黃正色

鄧遷

馮生虞

張大猷

孟習孔

蔡善繼

但啓元

王如春 俱香山縣知縣

冲敬

彭豫 俱香山縣丞

吳拳

謝景暘

王重

丁積

何廷仁

林騰蛟

林會春

曹學參 弟學甄子正經

伍睿

袁奎

會熙丙

卞應聘 俱新會縣知縣

邢昭

楚銘 俱新會縣巡檢

魯禎 新會縣訓導

邱泰

唐榮

張文造

顧瑗 俱新寧縣知縣

張繹

蔡祐 俱新寧縣教諭

石宗

侯邦治 從化縣知縣

李鐸

黃諒

張璧

張欽

鄧文學

蘇廷龍

劉幼學

郭時斗

伍子瑗

范傑

胡人綸

蔡瑛

劉獻

廖輔

曹錫

張書鯉

徐相

徐美

時一新

李教

崔世召

李世薦

侯禮

阮嗣

吳中選

翁森

程度

潘俊

高縉

殷貴

陳九疇

莊希績

林高

林裕陽

陳熙廷

朱若迄

明

曾孔志字泗臺閩縣人萬曆四年知新安縣時始
析東莞縣地剏立城池孔志悉心籌畫集井竿編
保甲嘗粟稅墾備宗尤不遺餘力日立法之始稍
不盡善則更革為難吾治民如新婦入門雖素未
嫻女誡者未始不可以婦道督之是在為翁姑者

有以倡之耳在任數年間左父安去之日民籲大
吏留之不遂仿宋時沈作實故事為立留賢碑人
采風

諭燭字熙字新建人萬曆二十年由舉人授新安

令倉場積弊盡為釐革猾吏不敢隱沒定里甲差

馬之額嚴借辦私宰之禁立分卯十限之法公私

便之建學宮備極經營後祀名宦

邱體乾字時亨臨川人舉人萬曆四十三年知新

安縣有銀匠者斃鄰婦而夜叩其門殺其夫于門

內計他日可得婦也其婦遲夫久不入燭之則含

刃死矣訴諸鄰鄰人鳴之官有與其夫不睦者誣

婦素不謹官嚴刑求之先以姦伏罪後捕殺人者

體乾至官曰冤乎哉烏有凶惡未獲而爰書已定

者乃出婦謂之曰吾知若冤釋若歸歸即假為擇

壻者若冤必釋婦如教而銀匠果使媒至體乾偵

拘之一鞠而服眾稱神明

丁糧均船役凡所因革皆宜民善俗

陳良言進賢人舉人天啓二年知新安縣公平廉

靜造士崇儒明于訟獄至即勸理證佐之人一詢

即釋去不使久滯囹圄未幾調任去民有甘棠之

思

陳穀字式洲同安人崇正元年以舉人知新安縣

正直廉平苟無兼衣夏日衣污而解客至不能晉
接稱疾却之時比之江湛除蠹剔弊刻意保民築
兩炮臺于城北隅以固守禦甫年餘以忤權貴去
後補藍山令八閩采風錄

李鉉字伯韓漳平人崇正八年由進士知新安縣
慷慨有丰裁豪強斂跡甫下車清鐵山之寇恤竈
丁之艱請立鹽埠懲土豪以絕奸萌申免經紀雜
餉以豁重累民多德之任未幾改調海豐海豐志

彭允年字鶴廷石阡人崇正十年由舉人知新安
縣儉樸寬厚與民休息輕徭役蠲贖緩恤行戶去
日行李蕭然邑人思之

朱端明莆田人嘉靖二十三年以舉人知三水縣
端恪誠信而人愛之禮賢士大夫如恐不及表章
正節營修學宮敷惠民之政三水設邑以來端明
稱最今河隄林木成陰皆端明所植人以比召伯
甘棠云

周文燦閩縣人嘉靖三十一年以舉人官三水令
性廉潔而政務簡靜諸所不便於民者毅然去之
嘗劾送舉民不告勞上官高其能薦知六合縣俱同

朱寬桂林人隆慶庚午舉人知三水縣熈臣廉其
有治劇才萬歷五年調西寧邑當始建草昧未闢

寬銳精壁畫凡築城鑿池分田制里皆身所經歷
為政寬和撫招新附課農訓士條理井然卒于官
民無不悲泣者周西通志

甘汝還富川人萬歷十九年以選貢知三水縣嘗
單騎行縣講讀六箴躬親解說延見父老教督子
弟人親之若父母歲旱為文禱神三日不雨自繫
以禱須臾大雨胥江盜麥孔陽晝為漁人夜則與
其黨繫檣桅操之若飛劫掠無算殺人則沉之深
潭無知者汝還廉得其情召善水者取骨以証會
仲寬遂躍入盡得而出盜始伏辜鄰縣有業箕者
備於人家箕斷自刺其腸而死誣人殺之數年不
決撤汝還一獄而白其誣其為政精神明敏多類
此同上

閔之聞字仲孚仁壽人萬歷三十七年知三水縣
革加耗捕盜賊保護良民扶植士氣暑雨中勘閱
水災修葺圩基多所捐助一時強暴屏息胥役不
敢為奸後憲桂林取道三水土民爭願一見為立
祠祀之周西通志

羅儀則字鶴在南昌人以歲貢廷對特賜進士崇
正十四年知三水縣憫恤無華盡心民事辛巳水
災田廬盡沒請於制府力行賑卹督率築堤郊居

連月歲以有秋復立廟于堤買田以供歲祀又開
文明門築青雲路建文昌閣皆竭力經營以垂永
久後竟以樸率去官民尸祝焉同

鄭琛惠安人以貢士授三水教諭學有淵源日聚
諸生剖析理與窮年不倦甘淡薄不受餽遺視諸
生若親子弟嘗勗諸舍生日家修即所以廷獻學
者當慎所始居三年致仕其後諸孫聯登上第八

宋

黎禧陽朔人舉人成化九年知增城縣立心廉恕
刑清政舉廣築碑城民賴安堵修建學校人材振
作秩滿改新淦尋陞瓊州府通判致仕卒增江士
民慕之祀於名宦祠同時有浙人何昌言亦知增
城著賢名寬和廉靜有長者風士愛民懷僉稱循
吏大

申端容縣人宏治十一年以舉人令增城鉅仰刁
頑獎勵儒學凡百廢墜煥然具舉開誠布公民樂
其政遇有難事崇朝而集奸宄戢跡豪強息聲稱
上理焉黃

朱文簡字元可樂清人徙永嘉宏治舉人以教諭
遷增城令革常例金千餘兩獄獄多所平反時有
峒寇侵暴文簡屢戰勝之殲其巨魁餘黨悉平江
通志先是李世英者洪武時知增城縣亦持獄公平

民愛戴之黃

文章桂林人嘉靖十九年以鄉薦令增城性廉靜
門無私謁里胥徵收者強索耗例以媚令輒侵牟
其半章禁絕之學校壇宇莫不增修而民不擾遷
欽州守厯處州同知所至有遺愛云郝

張孔修字德成餘姚人以鄉薦試湖之大埔令多
惠政尋改增城見百姓語煦煦若家人子人亦不
敢干之居無何寇掠城下戎服登陴指麾守禦募
勇士總城擊賊斬賊首揭之竿賊宵遁捐金以修
學校祠宇而身衣垢茹蔬澹如也習俗負逋或格
鬪輒仰藥以死誣人乃峻坐誣者竄俗為之一變

諸鄉多虎患為文牒城隍虎自斃召為刑部主事
百姓扶老携幼爭送之潮州
盛賚汝字以善常熟人以舉人知增城縣體若不
勝衣而蒞事明敏案無積牘吏胥凜凜時瀕海諸
鄉多盜當路議盡征之賚汝歎曰玉石俱焚奈何
亟詣白狀且陳鵬勦法上官聽之遂委焉乃懸賞
格密調首惡無得脫者不濫一良民人感其德後
厯漢陽知府郝

王良心字性德隆慶辛丑進士授增城令邑地僻
民貧多剽掠良心至賑民養士修學築城邑以大

治浙江
通志

第... 續修四庫全書第... 5 反反下

徐震餘姚人萬曆六年由進士知增城縣以清白著聲泣事明決增俗類以小忿輕生自經服毒震灼其情反罪之又捕奸民書其面周行里巷諸積惡黨類咸俛首自歸自是公庭無事民力寬饒有刁民越訴者上官諭之曰爾邑自有好官何得至此後卒于官民咸奠賻志

林繼衡福建長樂人萬曆丙戌進士爲增城令宅心寬平居官仁恕而又明習法律老吏見其文牘莫不驚憚泣事六年不事紛更四民安堵擢戶部主事去同上

鄒元忠字時效新建人少學濂洛關閩之學萬曆二十一年由舉人知增城縣勤政愛人力持古道築學舍數十于學宮之東集諸士講學不較邑科試士子限于額元忠請益之遂爲例丙申大饑發倉捐賑不給則又力勸富民之好義者全活以萬計于城東四十里築隄三千一百丈以除水患居五載擢佐廷平不就歸家講學晚年益遠云前行喻子賢萬載人由舉人初令程鄉萬曆三十七年調知增城首嚴盜役吏胥無所容奸至有求去者舊苦徵輸加耗子賢革去之黠盜誣良多置不問諸自經服毒陷人者懲之風俗爲之一改以艱去邑民泣送之志

陸世科字從先鄞縣人萬曆四十年以進士補增城令平易惠愛務在便民革除耗羨請裁塘兵月糧以置一切官物省民供億秋大水禾稼盡沒世科單騎勘災發倉勸賑民感其惠兼署東莞政聲大著擢御史去後歷大理卿

謝士章字含之寧都人萬曆四十五年以進士知增城縣豁達明敏革羨耗簡訟獄禁輕生百姓賴焉先是用把總緝盜實爲厲階悉罷去計禽大盜駱亞八等捕斬二十餘人學宮頽毀撤而新之擢刑部郎中歷廣西副使還雲南參政俱同上

陳世鳳四川忠州人少登賢書崇正二年知增城先是韓村民被盜誣陷至四百餘人世鳳至首問是案嘆曰蔓引若此民豈堪命哉悉理出之歡聲載道擒賊首廖九寔黃仲積真之法還所掠男女一百二十餘人餘黨聞風解散陞知和州其令增時公平廉敏境內肅然有魯中牟之氣象焉姓氏通考陸清源字嗣白平湖人進士崇正九年知增城寬平練達鞠傲使人暢所欲言而發摘洞然不輕用鞭笞飭學宮建鳳臺鑄巨砲墾屯田練鄉兵以資守禦嘗監軍討盤古峒賊有功兼署東莞龍門從化三篆所至有聲擢監察御史巡按福建歷躋都御史後卒于兵戈邑人立祠祀之志

李錕同安人由掾吏仕增城縣丞慈惠廉介一無所受時方盜警選役登陴出俸金犒守者曰丞俸有限願爾等不朽腹而已百姓感之為之盡力郡築邏城甚急諸司檄錕董其役築者歌焉又從督府進討兩源及擬置龍門縣使錕往視形勢錕盡圖其要害以報上官異之一切建設胥從其議八採風錄

王一令崇義人歲貢天啓五年為增城縣丞獨介自守聽訟明允不為苛細檄署西寧縣篆潔已愛民釐弊剔奸直指王業浩疏薦之令全粵諸為丞佐者當以一令為法郝志

萬景騰縣人為增城清遠主簿皆有能聲以廉潔自勵無兼衣無肉食有清主簿之目以冷應徵官廣東提刑故以是頌之也後因以法繩胥吏坐誣去官百姓作詩詠其清姓氏通考

廖簡崇仁人由鄉薦成化中授增城縣學教諭以文行率士本於身心與諸生相接咸出至誠提學趙瑤甚禮之嘗典福建文衡當道徵修廣州郡志士人傳誦黃志

徐應亨字伯陽蘭谿人崇正二年由舉人授增城教諭奉母之官甫入署母忽思家遂上書求去諸生詣其母前慰留母許之居常問寢視膳乃視公

事其教人以孝為本闡明經學多前人所未發四方來學者甚眾又嘗出餐錢以修祭器併補邑志之缺暇則與能詩者相唱和所著有羅浮集南越集人傳誦之赴公車得官便奉養乞改近地稍遷至巴州守卒郝志

唐晨江華人萬曆七年以歲貢為增城訓導署教諭性溫厚未嘗疾言厲色尤澹於財常曰司教者將以範人而顧與弟子較錙銖乎同上

柴仲雲南人宏治十二年知龍門縣才行卓異惠政及民城池公署多所建立後卒于官民立木主以祀之嘗著愚牧解為人所傳誦粵大記

張翺南寧人宏治壬戌以舉人知龍門縣不畏強禦政平訟簡民德焉歷八年致政去與柴仲雲為民所悼惜云郝志

趙從乾柳城人舉人正德十一年知龍門縣時七坑寇發從乾畫策練兵躬冒矢石用殄滅之民獲安枕黃志

伍世奇全州人舉人萬曆三十七年知龍門縣先是邑苦稅繁前令議欲派入民糧以便徵收世奇下車即集父老商之曰稅雖不便有時而獨一人實徵恐成定額後不可減竟不編入民永賴之郝志林憲曾莆田人萬曆四十年知龍門縣廉明多惠

政善斷疑獄一縣稱其神明地本僻瘠又值憲會
才能優邁曹無留事百姓以囹圄生草庭可張羅
况之八閩采風錄

王三重大庾人萬曆四十三年以進士知龍門縣
性明察無奸不燭有告人盜牛以皮置人池中一
索得之三重曰此詐也皮在池中汝何從知其發
摘類如此後以才調番禺歷吏部尚書志

蔡惟溥泉州晉江人永樂三年由進士擢知香山
縣性純篤喜怒不形勸勉學校撫集逃民時邑有
三虎爲患惟溥率民捕之虎患悉除間里以安任
滿邑民保留不果後陞知欽州爲政如香山九切
切於撫字州治稱平粵大

周頤耒陽人洪武二十九年以監生知香山縣勤
于政理善于撫字民甚懷之決斷滯獄囹圄爲空
撫徠逃民田野盡闢夏秋二稅不待督責及瓜而
去老幼攀轅留之不得改知藤縣陞工部主事黃

馮誠浮梁人永樂初登進士宣德元年知香山縣
威而不猛寬而有制廉而不刻得牧民之道時海
濱沙田日增豪右占據輿訟連年誠爲斷之其訟
始息以外親去民尾舟送至庾嶺而還後擢監察
御史歷官湖廣按察使香山志
朱顯延平人成化十四年由舉人知香山縣性敏

捷政尙扶弱抑強積年健訟十餘輩終任不出解
宇橋梁經其營建者皆可久遠吏民不欺軍士之
悍戾寄庄之豪狡咸不敢肆黃志

林士元字世仁閩縣人正德己卯鄉薦知香山縣
寬厚慈愛每聽訟怡色柔聲盡得其情縣學官在
蓬萊山下科第久缺爲改建城中自是科名相續
福建通志士元母老適當道檄士元案卷論意索賄士
元奮衣起曰浚民脂膏以奉上死不爲也卽疏言

母老乞改教職授潮州府學教授怡然就道當道
尼之僅遷周府審理不之官致仕而歸八閩採風錄
黃正色字士尙號斗南其先江右人本姓廖因亂
遷江陰易姓黃嘉靖戊子中鄉試明年第進士尹

仁和未滿歲丁憂起復補香山改南海三爲令尹
其政若一大概以誠信不欺爲本以廉靖便民爲
務勸發才識通敏剖決如流發奸摘伏出入意表
香山之墾田多他邑豪右寄莊戶糧至萬餘石遞

年逋脫糧役貽累里甲代償民積苦之正色詢知
其弊請令寄莊戶各就近輸納香民翕然稱便南
海百務叢沓正色莅之閱月而積案盡清蓋聞無
事輒鼓琴自娛粵大正色之選香山也實座主南
海霍文敏韻薦之迨令南海諸霍氏喜以爲必鹿
已而正色秉正不阿霍氏有違禁者一繩以法無

少縱諸霍氏愬於韜冀激其怒韜顧賢正色致書曰令宜如是於是正色得以督察霍氏諸霍氏知自戢卒底於善正色喜曰吾可以報矣邑有權貴人過氏者勢張甚人爭下之正色獨捕其豪奴寘于理民相戒曰舉主如霍家貴人如某氏黃侯皆不貸吾儕其敢犯乎在南海二年教化大行咸歌誦之錄微用薦擢監察御史嘗劾駙馬崔元內侍鮑忠不法反為忠所誣許遠赴論死適韜以南宗伯召入謂刑官曰鮑忠不法兩臺結舌言之惟正色一人何乃阿權璫殺正士乃獲減死請成起歷

少卿志

鄧遷字于喬閩人嘉靖丙午以舉人任香山知縣里胥書吏迎於途皆拒絕其贄一邑肅然比至政教兼舉尤重學校縣治後有仁山為豪猾所占捐俸贖之修建書院集士子講學其中邑多寄庄立為順德新會等都他邦所無也前縣令黃正色固能吏循移文取徵至是聞風不召自來遷各令推才幹一人為領袖賦役皆完治行為諸邑最新會豪民趙恒修奪人田督府歐陽必進檄往三竈勘之遷丈出餘田一十五頃有奇歸預備倉以備賑濟必進獎其賢能移文十郡以為守合法陞嘉興府判瀕行吏以例得柴薪銀歸之遷益以俸金令

里胥市牛酒勸耕農及周老而貧者深山窮谷莫不感動為立德政碑于石岐頭撰文者都御史李義壯也邑民至今思之黃志馮生虞字德卿大足人進士萬曆九年知香山有清操遇事明敏庭無滯牘獄無冤民巨姦皆聞風匿跡時奉檄清丈單騎齋具不費民間一錢造魚鱗歸號冊籍不爽尺寸國計生民皆利賴之以最擢臺諫有骨鯁風志

張大猷字武程楚黃人也萬曆乙未進士初令徐聞二十九年以才調香山縣會稅璫李鳳謀駐香山大猷抗言曰香山彈丸孤邑近海瘴癘誠非稅使所宜且番情叵測萬一犯及命使如朝廷威德何璫沮而止諸大吏咸聽之未幾奸人附璫羅織邑民四十餘人璫命私人往逮大猷不可俄復有人誘璫採礦璫集亡命千百分踞諸山淫掠橫行大猷密白制按立擒首惡置之法居常廉潔自勵以教化為己任建育英館課士聽訟平恕每以天良開諭之滿六載以治最徵邑民追送累日後官至按察使上同孟習孔字魯難武昌縣人少補諸生有重名登萬曆乙未進士授香山令其地番漢雜處嘗以互市起爭孔單騎論散調吳縣以績著歷宦至太僕卿

湖廣通志

蔡善繼字五岳湖州人萬曆三十六年以進士知香山嘗端坐堂皇若不營一事而堂上下肅然發摘若神好訟者相戒匿影甫履任即條上制澳十議未幾澳弁以法繩番目致叫囂巨測善繼單車馳澳數言解散縛至堂下笞之故事番人無受笞者獨善繼廉介素為番人所服又臨事控馭有方故遂弭耳受笞而去後徵入郎署出為嶺西道適兩粵總制何仕晉下令墮澳城臺一切機宜悉籌於善繼香之民蓋始終受其庇云志

但啓元號五廬星子人萬曆四十二年由舉人知香山有惠政先是鹽場日削竈丁逃亡者多丁額猶循舊版至有一人而兼數丁者即徙之他業仍責其課啓元為之清審力請得除九十七丁歲免代輸銀四十五兩有奇竈民慶為更生

王如春武昌人萬曆四十六年以進士知香山有兼人才甫下車即召諸吏試以律算小有紕繆必立摘之凡醫卜及堪輿家術不精者悉驅出境曰無令此曹誤吾民也捕險濫訟民置之法下令曰凡訟必以情涉偽者先治其誣然後視事曲直由是無敢欺者一時稱為能吏俱同上

中敬謹案香山縣丞縣治徙在蓮峯經兵燹

而廢敬訪在城故址經營厩宇縣治既成百務悉辦流移四集狂寇倏至敬率民捍禦寇乃遁去縣民賴敬以安竟以勤死錄廣東行省參政周楨為文祭之聞者感動明史周楨傳

彭豫字與志泰和人南雄守嘗辟豫教官全州守奏豫才行可用徵詣京師皆以疾辭後數年始就聘萬安訓導以上書言事擢香山丞香山在海島間地遠而俗鄙前之為縣者治率尚猛豫一務寬施訓以善道久而民益化服沿海諸衛屯兵暴橫為民害往往擇民膏腴田誣以荒廢據占自利郡縣不能制豫獨毅然曰此細民所資以供公賦給私家者且奪民欺上著在國典有不還所侵田必執不貸兵知不可犯悉還之民縣有大猾恒持長吏短長搖撼以騁豫悉捕寘諸法奸宄斂跡海寇常掠民婦女貨貨出入儻忽不可蹤跡民苦之豫設方略教民掩捕迄豫去寇無入境者瀕海歲旱眾禱不應豫自外來曰豈有為文具而能格天者乎即自齋沐致禱越二日大雨霑足明年復旱禱亦如之縣民舍火且延及官廨豫叩頭嚮之風反火滅民習不樂學雖久立學官生徒廩食十數年有不能通知語孟章句者豫暇即詣學督視諸生啓諭誘掖之不數年有與賓興登仕版者民始知

學之貴在官六年年已七十以老疾乞致仕既得請未歸卒于京師永樂六年也錄

吳拳湖廣人洪武二年知新會縣臨民蒞政優于有為凡縣治學校壇祠鄉都街巷皆拳所修葺治尚平易民愛而懷之五年卒于官民無老幼哀弔

滿邑黃志

謝景陽陝西人洪武七年知新會縣廉潔無染撫字有方凡有賦役必第其高下民甚蒙惠後以疾卒民咸念之與吳拳同上

王重字任重安福人景泰甲戌進士七年知新會縣臨民以莊處已以潔法司羅致之獄待以刑具重曰願以官相還毋以刑也從容不撓部民同于拘繫者承奉多方巍然如在堂上時教縣丞陶魯如弟子後魯遂有聲名在官五年卒魯蕭然大

丁積字彥誠寧都人成化十四年進士授新會知縣至即師事邑人陳獻章為政以風化為本而主於愛民中貴梁芳邑人也其弟長橫於鄉責民逋過倍復訴於積積追券焚之且收捕繫獄由是權豪屏跡申洪武禮制參以朱子家禮擇耆老誨導百姓良家子墮業聚廡下使日誦小學書親為解說風俗大變民出錢輸官供役名均平錢其後吏

貪復令甲首出錢供用日當日錢貧者至鬻子女積一切杜絕俗信巫鬼為痛毀淫祠既而歲大旱菜壇圭峯頂昕夕伏壇下者八日雨大澍而積遂得疾以卒士民聚哭於途有一嫗夜哭極哀問之日來歲當甲首丁公死吾無以聊生矣明史循吏傳

何廷仁字性之零都人王陽明以提督之節駐贛聚四方君子論學廷仁慨然曰吾恨不及白沙之門先生今之白沙也又可失耶會陽明征桶岡裹糧追從相見于南康亡何丁繼母憂歸嘉靖壬午

舉鄉試上春官久不第辛丑授新會知縣喜曰吾雖不及白沙之門今幸聞其學又仕其鄉吾敢以俗吏臨其子弟耶始至釋菜于祠而後視事乙巳遷南京工部主事獻徵錄

林騰蛟字士才永安人嘉靖丁未進士知新會邑賊謝大用倚長潭盜何貳輩為聲援肆劫里中騰蛟以計平之福建通志

林會春字景仁惠安人登鄉薦隆慶四年知新會性剛毅智畧過人發摘如神倭陷廣海衛危及新會會春乘城葺備累石豎柵捍之仍檄居民各自為守備倭聞引去先是倭船駐崖山故宋忠節祠毀汗殆盡又利民間子女會春既驅之出境而奸民許永湯惟教黃恩寵等夙與之通販掠良民子

女無慮千指又或操刃雄行里閭莫敢誰何會春
悉寘于法時恩寵兩子並藩掾常為耳目會春以
狀聞并收之邑民大悅復行鄉約嚴保甲設捕兵
禁聚賭行之甚力兩臺交薦之以治行第一賜宴
禮部尋擢戶部主事時外城未築瀕行猶切念不
置後令因而城焉志

曹學參字唯齋全州人隆慶丁卯舉人累官連山
知縣有異政調新會近海多盜募壯士緝之寇聞
名相戒無犯曹使君境修陳白沙祠為置祭田民
間舉子皆就學參命名考最為天下第一以疾乞
歸民間畫像祀于三賢祠所著有梅崑集第學蘇
萬厯癸卯舉人瓊州通判以廉能稱子正經萬厯
丁酉舉人和平知縣克守清白粵西文獻時謂曹氏一
家皆能為吾粵造福云文獻

伍睿字用思全州人萬厯間進士新會知縣與學
校恤民隱弭盜破奸人以事至一見即能記其姓
名與所言事歷久不忘以故人不致欺時山寇海
倭充斥睿謂不築外城何以保障乃集眾計工程
審形勢均力役凡建城九百餘丈民不勞而事集
上官籍其贏金睿無以應竟以此去士民為立祠
於象山廣東名宦志

袁奎字文卿豐城人萬厯八年以進士令新會時

年甚少至則執簡御繁不事更張而政平訟理會
詔度民田奎親履田間酌其盈縮差為三品不求
羨以累民不虧額以損國民利賴之建祠祀奎及
陳基虞王命璫為三賢祠云志

會熙丙字用晦侯官人舉人萬厯四十二年知新
會強幹有智慮善發奸摘伏以能吏稱嘗有羣盜
聚黨方謀行劫熙丙已先詞知遣役遽入其舍檢
之自是盜賊屏跡去後民為立祠同上

十應聘字蓮生丹徒人崇正五年以進士知新會
性廉正飭僚屬嚴督隸禁遊賭風教肅然滙口橋
賊屢出剽掠應聘開誠撫之四境獲安一夕夢城
隍揖請代已寤告家人曰吾其死矣方升堂決事
遽卒百姓為之罷市因立祠縣左歲時致祭焉志

邢昭不傳籍貫洪武八年司新會稅課甚廉介作
人不足以奉饕粥日中嘗缺食人或遺之米亟令
持去謂其妻曰饑猶可過况我若何比滿去嚮一
女子廣州藉其貲以歸父老贖之一無所納其捐
介若此粵大記

楚銘河南郟縣人任新會潮連巡檢甫歲餘莞賊
黃秀山亂海上上司檄取橫江船往捕之縣委銘
督其役至萬山洋與賊遇遂奮鬪没于海縣尹張
文鳳聞而傷之躬臨弔祭給米贍其家再閱月于

若婦俱痛悼以歿未半載妻亦歿僅存一妾李井
遺腹一子文鳳請當道厚卹之取衣冠偕妻王氏
葬黃坑原王鳳楚志

謹案楚巡檢墓志立於嘉靖壬辰同時立
石者縣丞陳忠主簿莫簡典史陳天球皆
見縣志而獨無巡檢楚銘之名何也

魯頑字邦瑞會稽人正德四年由監生為新會縣
訓導性醇厚貶言人過教人必先砥行士風漸美
陞山東福山教諭憑至而頑已先沒矣妻亦繼亡
生徒如喪父母哭之甚哀貧幾不成殮士民哀錢
賻之始扶榇歸浙多士思之不已請祀于名宦祠

黃志

邱泰福建莆田人宏治十七年以進士授新寧知
縣謹案新會志性行剛果蒞政仁明決訟如流一月

而政務清理時有三四滯獄十年不決泰至即平
讞之境內豪強屏息盜賊潛消民以安堵未幾丁
外艱去職中無大小咸哭于舟次至今言邑賢
令必以邱為稱首云謹案

唐榮全州人宣德乙卯舉人正德中新寧知縣時
縣治毀于兵火榮奏徙縣治城池壇廟學校道路
皆其創造百廢俱興規畫咸當明統志

張文造古田人正德九年以舉人授新寧知縣才

識明敏嚴恪有威先是縣境盜賊竊發鄉落之民
卧不安席文造至革去總甲設鄉長以統攝之月
之朔望閱報其鄉動息民間少有不法悉先知之
以故令行禁止盜息民安踰年卒于官人皆撫掌
嘆曰天假張公九年邑可無事矣黃志

顧瑗錢塘人正德十四年以舉人授新寧知縣小
心敬慎操履端方視象之始知民傲於兵遂極意
樽節愛養之越明年剿捕師至兵備王大用委鞠
所獻之囚虛衷淑問一無所爽未幾病卒百姓莫
不哀之同上

張繹浦江人新寧縣教諭純心育士好學弗倦與
多士講紫陽之學翕然宗之嘉靖癸未大征監督
參政葛浩委以兵事不枉一人奉公守法凱還之
日行李蕭然染病月餘日瞑將逝其子繼文適自
浙至繹復張目與語良久方瞑人以爲善感所致

姓氏通考

蔡祐晉江人爲新寧縣教諭宅心積學爲時所重
時明倫堂以雨潦圯有司弗能葺卽於官廨之右
捐資創講堂一區每日褒衣危冠與諸生端坐隨
材高下示以進修退而敏業者獎勵之弗率于訓
者督責之多所造就以丁內艱去沒後入祀名宦

祠同上

石宋字和仲陸林人舉人嘉靖甲辰知從化縣廉
靜簡嚴以文學飾吏治莫敢干以私者奸民多服
胡蔓誣人受冤者遂違破家墨吏因而漁之案嚴
其禁獄訟遂息居九月卒俸入僅足治喪士民悼
惜之邦志

侯邦治臨桂人萬曆五年由舉人任從化政尚寬
平聽訟必得其隱徵賦例有加收悉為禁革嘗臨
理番禺朝煩治劇才能益見值行弓田法乃躬履
畝視高下指計日量推新增以補舊失適足原額
吏無那移之奸民免加賦之累眾甚德之以改調
去廣州府志

李鐸洪武二十年知清遠縣勤於政事明刑均賦
吏胥無敢欺創官署修學宮悉捐俸為之時稱賢
令邦志

黃諒豐城人成化十六年由舉人知清遠縣導以
德政風化大行庶民悅服秩滿將歸羣黎追送饋
獻甚多諒一無所受百姓思之配食縣社邦志
張璧鄞縣人宏治十年知清遠縣愛借民財振作
士類始終以清白自持黃志邑人有為虎傷者屢捕
不能得璧為文檄城隍旬日而虎得眾以為至德
所感後卒於官民哀思之邦志
張欽字敬之南昌人辛酉舉於鄉以壬戌乙榜授

岳州訓導權清遠知縣清遠號難治至即罷絕餽
遺剔求蠹弊盡得其根節穴竇豪胥黠吏不敢動
厨傳不飭賓至無饑而已三司公人往來多倚勢
要索過他邑張甚入清遠界則肅然欽以例給之
公人亦自喜民有賣子輸均平錢者出俸贖還之
罷其輸邑故置廠榷鹽奸商往往詭匿規利欽受
檄視榷約以法豪髮不得漏羣訴臺史撼欽欽不
為變商卒不得售奸軍餉倍增與學教士獎誨有
方旁午中猶為諸士談經校藝觀者第見其暇豫
也是時程鄉盜起眾數萬江閩屬邑皆被燬掠大
兵徂征俘獲日至而盜不衰都御史林廷選議非
得良令相宜誅撫兵且未已乃奏易欽程鄉清遠
人爭留之莫能得欽之程鄉請督府罷兵從吏士
數輩抵賊壘賊故聞欽名不敢迫欽開諭禍福賊
眾心動有泣者居數日賊魁鍾萬璉傳時玉饗欽
盛陳兵衛出所掠珍玩侑千金為壽欽碎珍玩摩
其金曰若等方當為眾生業顧懷寶以買罪耶金
可以買牛買田器為衣食資若等宜自懷之賊相
顧驚喜如獲賜欽笑指諸兵衛曰其魁曰陳此何
為魁與其黨伏拜曰願如教棄刃狼籍呼聲喧谿
谷越日夷堡墜障籍其丁壯老幼婦女四千人散
遣之條畫使耕田築室日其民曰新民林得報謂

諸司曰與師十萬不如易張令一符久之或有竊發者發則以計縛之戶不夜閉嶺則薄歛諸所發計如清遠而誘士以問學尤所加意維新民子弟亦彬彬向風以政最拜南京刑部主事歷員外郎

中錄

鄧文學馬平人隆慶中以舉人知清遠縣改建學校士多之撫勦猺獞有池水之捷卒後邑民祀之

名宦祠

志

蘇廷龍莆田人萬曆十年知清遠縣平易近民折獄明允邑素苦虎患虎出傷人家逐之不得廷龍設檻捕之一日得四虎焉廷龍呪之曰殺人者死律有明條四虎中曾噬人者當俯首伏罪其一低頭帖耳狀如懼服餘者嗚吼不已廷龍召逐虎者視之其匍伏者果傷人之畜磔之而釋其餘眾競謂諸虎久捕不得而縱之後患莫已廷龍曰無傷也三虎果渡河遠徙在任六年下獲有虎患人以爲德政所感檄署香山撫取漢番恩款並濟

荆門州知州

人

劉幼學宜山人萬曆二十五年知清遠縣剛果有爲不避權貴太監李鳳議於清遠開礦幼學面陳利害鳳爲之沮鳳私人汪某督稅清遠勢張甚欲構大姓數人罹于法幼學陰爲解免邑人頌其德

政不衰

郭時斗蘭谿人萬曆三十五年知清遠縣實心實政潔已務公有古循良風勞心諄諄視民如子舉善而教口無惡言漢之卓茂時斗有焉

伍子瑗全州人天啓二年知清遠縣時劫盜蜂起

子瑗嚴行保甲清間閱使盜無所隱匿於要害處設伏偵之遇劫發輒尾其後默識其處以是盜多被獲稱神明焉後以抗直忤當路去官中考功法籍其家一無所有

同

范傑德化人成化十六年由舉人任清遠縣教諭文行優長訓誨懇切諸生中有貧而篤學者捐俸米以助之多所成就非義之餽一毫不受士林稱之

黃

胡人給萬曆間爲清遠訓導恬淡宅衷端方率物五日一詣文廟瞻拜與諸生講習文藝尤以品行爲先否則遠斥之雖俊才勿屑教也一時士習因之不變

蔡瑛字世傑龍溪人景泰四年知連州政令嚴肅

利弊與革凡有便于民者悉爲之其於學校尤拳拳焉聖殿兩廡公廡擇地遷創躬親督工不日而成後陞廣西平樂知府

黃

劉猷字廷珍應城人以進士累遷大理寺丞成化

二十二年同縣有為顯官者得罪坐貶連州知州
時州民溺於姑息之政犯者相繼至悉繩以法
不少貸於是遠近相戒不敢犯法徵借軍華明年
憲朝晏駕入臨陞蘇州府同知後至僉都御史

粵大記

廖輔字舜元福建汀州人宏治二年知連州政事
明敏士民畏服工草書人咸寶之地多竊盜輔
曰急則治標緩則治本治本以日治標以夜夜行
者不得逾乙更乃選役分布各村鎮巡察之獲賊
者受上賞日則令里長編戶口形跡詭異者不許
為之主三月而道不拾遺八閩系

曹鎬字會周長洲人進士歷刺大州宏治九年知
連州政尚寬惠愛禮士凡有所為民甚便之黃陽

山居民為亂稱河南盜鎬平之以州志久缺徧訪
士夫家得宋咸淳本明成化本合而修之以仙釋
惑世誣民害道持刑不錄再考提部州府同知即
解紐去州民攀轅涕泣者數百人連州志

張書鯉字希孔吉水人由舉人宏治十八年知連
州存心正大處事安詳脩學校設關門創倉厥積
積穀愛民之心無所不至正德五年連山賊李公
旺以孺兵攻州城民持以安者書鯉力也九年考
滿陞廣西梧州府同知先是羅源林高合連山皆

建縣治開為龍岡路亦為民所頌云上同

徐相字廷臣都昌人嘉靖三年擢知連州府前守
公嘗不苟取命家種蔬以給朝夕布衣芋飽不侈
彼服宿寇蘇政晚為梗設計擒之閩境安堵連州志

徐美字忠甫邵武人嘉靖壬子舉人知連州千戶

陳宗堯字橫美按其不法上之山寇陳龍洲掠連
陽二邑戒毋犯徐太守境美問之曰此皆吾赤子

也躬往招之遂降其眾連州志廢俸之外微毫取

一夕微行有二婦張燈謂曰清哉油如吾徐使君

矣明日召訊之曰爾夜言吾清願安所據婦曰口

碑載道寧獨紡織間篝燈私語聊民有貧而滯其

妻者問得直幾何具以數對即捐金償之完其夫

婦三年擢承天府同知未赴任卒連人哀之連州志

時一新江南海門人萬曆十年以舉人知連州守

正不阿廉隅自飭重修志乘為書六卷日地書官

書政書禮書外書雜書而一州之事以備邑人御

史馬象乾序之其後民思其惠政不忍忘祀之名

宦祠連州志

李教江西吉水人萬曆三十年由舉人知連州廉

明仁恕頗登教道教初乏嗣視禁囚之無子者則

然動念許其婦借宿往往諸囚盡得有後教後生

三子皆授高科躋貴顯世以為陰德之報州人思

之祀名宦

同上

崔世召字徵仲福寧人萬曆已酉舉人知連州州

多徭寇世召濟以德威徭衆弭伏福建通志清廉自守

嘗浚天澤泉引為溉田之利去官後民於泉傍築

亭碑之曰崔公清德泉澄江小記

李世薦湖廣麻城人萬曆三十二年由舉人知連

州甫下車即迪諸生以行誼之實蒞任六載月課

季考按期校閱文風丕變修葺學校建塔蓮花峰

頂以兆科名州人多有獲雋者比其去也民德之

祀名宦

連州志

侯禮字立之臨桂人洪武庚午舉人拜江西僉事

坐事左遷連州判官會徭獍貌阿孫等劫掠鄉村

經年不能制禮躬抵賊巢諭以禍福阿孫率衆向

化未幾徭蠻廖廣秀等三百餘人據高良鄉欲攻

州城禮又招徠之悉為編氓秩滿遷本州知州九

載考績民詣闕留之復任九載文藝

阮嗣連江人由監生授連州判官興利除害卓有

政聲州累被軍民譴應真聚劫為害詞親往撫諭

之悉歸款民始獲安秩滿陞河南布政司左參議

去州人思之祀于名宦祠黃志

吳中選字瞻明吳江人宗正初謁官得連州幕甫

下車值徭寇近郊中選志切衛民披纓出救賊氛

突鄉卒潰亂中選單騎殿後叱賊而死其僕吳成

亦死之連之士民自縉紳三老下及婦豎罔不濕

淚悲思巷哭罷市祀以專祠復肖其像于石以志

不朽陳子壯文集

翁森字宏潤莆田人成化中以舉人署連州學正

事才優學贍教條嚴肅門人多所造就刻有太極

圖濂溪先生像南軒八景詩泮宮池燕喜亭釋奠

儀式華夷一統圖至今不問賢愚貴賤皆能道其

事連人慕之祀於名宦祠同上

程度字宏甫南昌人嘉靖庚戌司訓連州器量深

沉學問賅博外和內剛先行誼後文藝諸生中有

貧者分清俸資其膏火郝志

潘俊字國英洪武十四年知陽山縣遷邑建學皆

殫力草創人多其功然尚未築城惟列柵以守後

十八年顏人劉廣來始甃以甃民至今賴之同上

高密光澤人成化間由監生知陽山縣廉介有為

百廢具舉措置稻穀七千餘石以備賑濟每遇凶

荒民有所賴黃志有浙人曾顯字文煥合陽山善政

惠民與巒並稱九載考績以母老終養浙江通志

殷貫字南金號惺齋無錫人知陽山縣始至即為

民講律令俾知趨避又大書為善最樂四字印給

之有兄弟爭田者做蘇清河故事反覆開諭皆感

位去凡死囚必求生道不得已焚香告天而後止
獄中置一響板約日寃未達者擊之有所召集
書片紙於門皆如期至數月間恩信旁達遠近
鄉以勞感瘴竟不起病時吏民禱無虛日又走百
里求醫及其沒也市巷哭達於野

錄

陳九疇字禹學曹州人正德初以刑部主事謫知
陽山有德量才識明敏廉介表率一時嘗積穀萬
五千石備賑後歲飢藉以存活邑人至今德之宦
至兵部侍郎

志

莊希纘晉江人嘉靖二年任陽山知縣平易近民
作興士類重修韓文公二臺并刻遺像置買祭田
十畝春秋供祀去後民思刻碑于釣臺曰愛民父

母

黃志

林高福建羅源人宏治八年知連山縣勞心撫字
敷政寬平縣自改設以來草創未備高視邑如家
悉心綜理煥然改觀人謂孔鑄之後不多得云
林裕陽字懷瓊福建長樂人萬曆二十五年以舉
人知連山頌正俗書使民知所趨向廷里甲革陋
規清操自勵民頌德不衰

同上

陳熙廷字君穆天啓舉人為連山知縣連為古
德區搖蕩難處前令以勦寇督募兵連口載熙廷
甫下直遂入與招撫諭以禍福係命悉平

朱若遠崇正初知連山縣誠正廉潔子愛見稱時
僑寇反側屬五排日軍寮馬箭里八响火燒庄
大掌嶺結連州屬三排日油嶺行祥橫坑勢將發
動若遠二疏告急言詞激切條舉詳明乃於十二
年命兩廣總督沈猶龍總兵施王政等調楚閩諸
省兵合剿搜巖剔穴駐兵三年諸徭警服十五年
解兵民安社席皆頌若遠功

連陽兵事記

廣東通志卷二百四十七終

廣東通志卷二百四十八

官績錄十八

錢旭

王世安

黃榮

沈源

王按

洪禮

龔海

蘇韓

華景

姚鵬

周叙

鄭驛

呂天恩

符錫

陳紹俱詔州府知府

許進

滕員

韓銑

戴鼐俱詔州府同知

范賢俱詔州府同知

王詢詔州府推官

方玘詔州府推官

吉昌

保睿

姜寬

金孚兌俱詔州府推官

許當俊曲江縣主簿

索彥勝

史彬

曹德懋

柯茂

李增俱樂昌縣知縣

吳奎樂昌縣教諭

李淮清仁化縣知縣

翁瑛

林高俱仁化縣知縣

張安仁

李文俱仁化縣知縣

李冕

劉信

吳邦俊俱乳源縣知縣

熊本誠

顧節

袁泰俱乳源縣知縣

顧蘭乳源縣主簿

林永齡乳源縣教諭

蔡伯祥乳源縣訓導

黃天賜

張慎

嚴遵試

張于宸

周民初俱英德縣知縣

葉景龍

左孟誠

潘長壽

宋珏

陳賜

楊鐸

張瑛

鄭述

李春

劉實

江璞

黃偉

張滋

邱道隆俱南雄府知府

徐仲端

李汝舟

陳翰英

王中俱南雄府同知

王士宏

程規

鄭建俱南雄府通判

凌永

陳基虞俱南雄府推官

歐文通

龍歸俱南雄府知事

鄭貴遠

彭勗南雄府教諭

岑仁忠

徐子善

廖軫俱保昌縣知縣

李奎

劉文

林同俱保昌

張仕國王起

蔣科

高輔

蕭琦俱始興

熊志良始興縣主簿

陳山始興縣教諭

明

錢旭字朝陽為南雄路總管有惠政詔既歸附民乃往賴言于元帥常遇春願得錢總管守郡郡無事矣遂從其請秉彝遂去時英德尙未服旭惠以綏下威以服強勞來不息脩建府治學官民忘其勞黃志

王世安洪武十九年知韶州府為政公平士民悅服尤謹于事神祠廟載祀典者皆重新之以張余二公為韶陽先哲請于朝春秋祠之黃志

黃榮南康人永樂三年為韶州知府守已廉潔行事公平遇案牘蓄疑者必得其情而後已尤惓惓于學校躬自考課勉勵生徒多成材郡人至今思慕之黃志

沈源浙江人永樂中由河南憲副左遷韶州知府繼黃榮之後簡易為政民益安樂庭幾無訟重修湘江書院朔旦至學課試生徒至日中方罷自是士知向學黃志

王棧筠陽人由員外郎永樂二十年出知韶州府

恤民禮士修禮殿造祭器與校官行均敵禮不以爵位先人嚴於取與凡一切習弊革除淨盡賦性尤端正吏民畏之韶州府志

湛禮字用和錢塘人永樂甲申進士出知韶州府郡例歲貢藤而產於渤海禮疏於朝得免貢又曲江豪民二十餘戶皆投充軍戶以免糧差禮乃列其狀以聞事得勘正嘗遣吏卒往樂昌督稅法外需求無已令械繫以來禮下教曰暴橫殃民法所必禁令能不以府役故屈法貸之其賢可知由是

府役至邑皆斂戢不敢肆甲乙訟田禮斷歸乙甲復誣訴藩司知其偽命禮案致其罪禮慰遣令去約五日乃來辨析甲悔悟請死竟不加罪其寬厚如此清白自持始終無替浙江通志

龔海南昌人成化四年以南京後軍都督府經歷擢知韶州廉介有守剛直不阿吏民畏服豪右斂跡在任年餘以年老辭官遷甯不得至今軍民稱頌黃志

蘇謙字廷茂江陰人成化五年以萊州同知陞韶州知府心恕政簡吏民搖獠率皆悅服先時府治前門不稱觀瞻履任初遂創立謙樓吏舍庫藏固圖悉相宜脩理府學重建大成殿又相隙地立先賢衛道祠城池壇遺借樂亭薰風樓悉仍舊創舉

賢衛道祠城池壇遺借樂亭薰風樓悉仍舊創舉

又捐俸修輯郡誌刊行張余二公文集不二三年百廢皆作田野闢增五千九百九十餘頃戶口新增三千七百九十餘戶八年流賊逼近郡界韓寅夜移檄屬縣各設法保障又與千戶趙雄協力籌畫精選民快登城守備晝夜必親巡察時賴以安每憂歎曰在城人民庶可保全外處鄉落雖有營堡防禦安能使其一一全生乎憂民之至不遑寢食自是屢以老懇辭郡邑父老請當道保留者數次十年秋致仕還送者遮道在任不為烜赫之政軍民陰受其福

華景字文光無錫人性嚴簡卓犖器識凝重宏治丙辰登進士改庶吉士授戶科給事中遷寺丞權守韶州至郡有徭雜民居者各持果一器來謁景諭之曰我無汝煩汝無我梗汝耕我給牛具穀種貿易無汝禁各受一果遣之欣躍而退有怙終者必置之法諸洞帖服時會府征樂昌檄調韶兵萬人與狼兵俱景夢遣如數帕首以藉自殊於狼臺司見之嘆曰華守文吏不虞其知武如此庚午供職鄉閭兼校文藝以巡案衡陽王昊徵之故也檄棘得首解人服其識丁外覲歸棄堂食金不取政寬刑簡動必益民去後韶民思之樹碑於府門之左曰華公愛民父母終福建左布政使俱同上

姚鵬字鳴南崇德人宏治進士歷知韶州府時廣寇高快馬長朱白毛者嘯聚數千餘人焚劫州縣當道以鵬才請于朝特給令牌便宜進討甫三月而殲其魁餘黨悉平又土酋岑猛據險犯順莫敢櫻其鋒鵬身入其巢百計開誘圖其形勢而出提督按圖期會進兵除勦浙江通志

周叙字子厚九溪衛人進士嘉靖元年自永嘉丞起為韶州知府為政務大體嘗取南華寺修佛殿羨銀四百兩葺理府學煥然一新境內盜息民安既去韶人思之為立碑刻黃太史佐為記在府門之右黃志

鄒驥字德夫江山人進士嘉靖十二年知韶州府寬和樂易大雅好古民畏愛之掌校各庠士拔其尤延于明經館養之擇文學師之立考德問業簿以稽勤惰歷官雲南副使邦志

呂天恩灌陽人嘉靖丁未以鄉薦知從化才識過人敏於剖斷吏民畏之上官知其能以徧小不能展其驥足屢檄署他邑視篆南海政績尤著六年擢判肇慶府有去後之思歷官韶州知府同上符錫新喻人嘉靖三年通判韶州抵任毀淫祠興社學先常受委軍門後翁源賊首李英兄弟誘致九連山剽寇千五百人流劫村落郡邑震駭親督

兵會計擒獲李英解軍門斬之賊平又議改驛傳
徵銀發驛以杜科擾至今便之後十七年以太僕
丞擢知本府黃志

陳紹字用光上虞人自幼穎異弱冠舉於鄉旋登
進士推官廬州以明允稱召拜河南道監察御史
嘉靖癸卯推韶州知府至則與民更始榜十餘事
其大者曰清本源曰申聖諭曰禁奢侈曰稽積滯
曰輯盜賊一郡咸屏息而聽修張文獻墓新余襄
公祠祀張九臯父子以風簡七學弟子員於濂溪
書院以訓迪之徭役以人一丁配糧一石貧民苦
之改議配糧五斗曲江附郭里甲煩費爲之稽籍
分日縮十之七郡堂就圯發帑羨捐贖錢葺之踰
月而成民不知費韶民貧而喜訟得其情而捐其
贖訟者感化英德有楊金者殺吳福泰賄吏嫁罪
蔣教文翁源池成鑑謀殺婢姪飾偽贖冀倖免一
訊皆伏合郡稱神明韶西界連州清遠萬山徭人
蟠據時出剽掠紹督檄官召諭賞資申明約束詣
儒聽命乙巳歲大饑發粟躬賑民大稱便既而四
月不雨至六月紹徧雪禱暑毒弗戒致病瀕危聞
雷雨作復甦言及郡事而卒聞者莫不流涕欽定
許進上海人永樂中任韶州府同知甫抵任捐俸
貨倡修郡庠視民如子除害興利務在富之黃志

滕員字尚默甌寧人領鄉薦正統己未選授韶州
同知值歲歉公私無積貯員至傾囊金告糴鄰郡
命里者籍貧民朝夕給之存活數千人郡治舊爲
淮王府王遷國之僥請復爲郡規制侈大且吏胥
公退無所處乃削雕還樸復如常式又度地爲吏
舍限其出入絕吏民交構之弊自昔郡吏惟取充
數鮮通律例者動輒假手他人員選習法者試之
爲成式以示吏俾草創而潤色焉地介江閩湖之
衝主戶少而客戶多少拂其意輒相煽動而翁源
乳源尤甚員巡行開諭許其占籍遂與編戶無異
尋以內艱解任服闋之京者老數百人詣闕乞再
任朝議不允擢禮部郎中歿於土木之難贈五品
銜官其子宏黃志

韓銃字日章成化丙子舉人出爲韶州府同知當
道委征連山等砦賊勢猖獗竭力行間遂遇害黃志
戴龍字時鎮鄞縣人宏治己未進士除太和尹陞
韶州府同知撫定蠻寇討賊所向輒奏功四封夏
然時所屬巡檢洪穆與其妻俱病死於旅龍爲殯
殮之而助其子以歸槨嘉靖己未卒年八十有八
黃志
范賢柳州人嘉靖初以舉人通判韶州職司督儲

不受常例秩滿回任而卒貧無以殮詔州頌廉吏者以賢為最同上

王詢永豐人永樂十九年任詔州府推官以經術

節吏事時內臣資金幣勞賜海外諸蕃護行軍官

頗橫徑捕詔民三人借之往家人號呼請贖不許

詢知至舟橋以歸黃志

方批莆田人舉鄉試第一成化四年教授詔州嘗

修郡志凡制作多所屬筆尤留意人材拔擢寒賤

一時登巍科者皆批所成就云同上

吉昌北庭人元忠臣吉星之子少以孝行著聞舉

於有司洪武初令曲江才守兼美有政聲徵拜尚

寶司丞擢監察御史出為山東按察司副使黃志

保容南通州人由歲貢知曲江縣勤奸恤苦清介

自持嘗題詩後堂曰不似神仙會煉丹無緣措置

惠貧殘毫釐百姓心頭肉為汝抽刀總是難去任

民間垂涕黃志

姜寬蘇州人以貢士知曲江慈祥愷惻深得民心

郵客有厚望於寬者寬曰吾不能以民之脂膏充

若董囊橐幸無所應於是度嶺者相與譖於當道

被譴積忿而卒百姓傷之巷哭之聲聞於遠邇嘉志

金孚兌字吉所太平人萬曆辛卯舉人授曲江知

縣值歲稔請於巡撫奏蠲稅糧復發官帑賑之所

活數千家詔郡密邇諸洞互市交關者稍作其意

輒羣謀殺掠孚兌內嚴守禦外布恩信徭人戒不

犯境為粵東清廉第一新江通志

許當俊崇正間任廣東曲江主簿值流寇圍城據

帽頂山俯瞰城中當俊夜簡壯士斫其營一鼓奪

之賊善妖術城門忽自開當俊急撤屋材沿城樹

柵賊不得入又調知賊間在城中者啖以重利使

反為我用誘妖首近城取賞伏壯士出不意擒之

賊計阻解圍去城賴以全巡撫張鍾心上其功陞

惠州經歷同上

索彥勝燕山人洪武二年以經明行修舉授樂昌

知縣時縣無城池百姓散處山林間生息惟艱彥

勝下車之初即勞來安集宣明政教築城開池民

始復業乃建學宮立壇壝以崇祀事復侵疆均賦

役以恤民隱民立政績碑頌之粵大記

史彬溧陽人進士永樂十三年為樂昌知縣時山

賊為患彬及主簿吳政討平之民始安業又嘗重

修學宮創希聖亭泮池上擇士之有志行者居之

讀書講學始終無倦士民德之黃志

曹德懋宜章人正統七年由貢士知樂昌處官如

家日勤政務夕乃微行訪民有誦讀紡績勤者勸

之急者戒之士女修省不淫不惰至今故老猶相傳頌凡學宮壇壝所在松杉皆其培植遺愛存焉

志

柯茂湖口人景泰四年由舉人任樂昌知縣以儉素率先百姓凡民間服用婚葬侈靡者痛抑之訪孝弟力行者造其廬慰勞焉于時桑麻蔽野道不拾遺民刈禾黍遇晚即寘道側明且取之習以為常九年秩滿民復留之三載乃致仕

李增龍溪人正德十年由貢士知樂昌縣先是邑

東西諸山搖寇嘯聚流毒三省增至訓兵緝捕所向皆克後流賊千餘攻邑城增開門延敵斬獲數人賊乃敗走明年三省合兵會剿湖兵執黃圃民誣以為賊增即白兵備王大用令至營中親驗之民與所習者一見相持痛哭乃俱得釋後大用遷學于城內增竭力相之民為大用立生祠以增配享

吳奎新喻人治春秋受業於石門梁寅洪武間由

進士任樂昌教諭教育成就得人為多布政使白思謙參政蘇恭則皆出其門後以恭則薦為潁州

推官

李淮清安福人成化初以學行薦府經歷羅知仁化清心泣政節用愛民閩邑戴之過疑獄片言立

折屬吏畏其神明無敢舞文者

翁瑛少以文學名永樂丁酉薦於鄉明年入太學

洪熙乙巳以天下教官多缺選諸生之有學者補之瑛得仁化教諭仁化僻下邑學久廢瑛以興起自任廟像廊廡講堂齋舍庖廩器用以次繕完日進諸生講學其中而以身先之諸生亦日就規矩厥績用著丁未隣家失火勢將及學舍時東北風急稍頽籬天俄風返火熄得不焚仕至翰林檢討

林高莆田人以孝廉教諭仁化博學多才詩文下筆立就善真草四入棘闈多得名士教人為學以敦孝行為先人或迂之力請歸休以子祥鳳貴贈

御史

張安仁字體靜九江人洪武元年由薦辟知乳源以廉能著聲城池公署學宮壇祠皆其創始作育人材凡振拔者皆獲售無因諸生者去後人猶思之

李文弋陽人

知縣廉潔自守與學崇禮士變其習民感其惠卒于官民為感泣

平荀洞功並祀名宦

李冕襄陽人永樂五年任乳源知縣持性堅定敷

政平恕有清望去後民思之不忘黃志

劉信鳳陽人成化末知乳源為人醇篤政簡刑清

事母董氏至孝母嗜瓜已酉大旱瓜多華不實信

虔祝於天瓜一株結九十九子閩邑異之次年母

卒信一慟而絕清貧無子士民哀之葬於縣東初志

吳邦俊秀水人舉人宰乳源清詭奇革濫派所編

賦役視前省十之三修邑志多所發明凡有規畫

皆裨風化聽斷以公允為主被懲者亦皆感服無

異詞同上

熊本誠洪武初知翁源縣民逋未還田曠未墾本

誠多方招徠之既又躬臨村落相地勢教之墾闢

因土所宜教之樹藝恤民如子治官事如家事累

遷至福建參政粵大記

顧節嘉興人任翁源知縣蒞官清儉值歲饑聞之

當道民獲賑給修城池興學校不擾於民邑之半

逕山路險伏盜節為開闢遂成坦途行旅便之黃志

袁泰邵武人嘉靖中以貢授翁源令會廣西賊首

盧老叔倡亂所向無前泰馳入賊營諭降之令收

他賊自贖四境悉平福建通志

顧蘭上虞人任翁源縣主簿廉能惠愛賊罰悉歸

公帑倉庫城池學舍申明亭諸屏奉檄修葺官給

未充措處無缺日用淡薄絕屏私謁為知縣黃銘

妬陷去之日行李蕭然知府姚鵬助之路費以歸黃志

林永齡字延年莆田人天順二年選貢授翁源教

諭攝英德篆巨寇黃蕭養荼毒嶺南英德尤甚永

齡招徠散亡蠲貨征稅又募義民築城垣徙廟學

于城內暇則集生徒講學以疾卒福建通志

蔡伯祥瓊山人由舉人任翁源訓導恬靜簡默學

問蘊藉郡守周叙延請府城選各學生員從之講

授二年卒于官士林惜之黃志

黃天賜莆田人正德九年以舉人知英德縣剛正

嚴明不畏權勢時寺人遣取英石天賜曰石無用

之物何必勞民若主欲觀山親詣九疑更為奇特

卒却而去修文廟費舍財力不擾于民及調官去

任民遮道攀號者以干計粵大記

張慎福建惠安人嘉靖初由舉人知英德廉明簡

靜先教化後刑罰時九旱民訟水利必親冒暑決

之毀淫祠興社學建龍山書院亭臺多所修舉民

為立特祠黃志後子岳以侍郎鎮兩廣孫宇復知英

德廉能茂著並祀南山福建通志

嚴遵試賀縣人萬曆辛卯舉人官英德知縣歲決

獄訟稱平凡輕罪悉令蒞惡草根以代贖緩服毒

經死之風遂息廣西通志

張于宸全州人崇正二年宰英德值流賊焚劫清溪于宸率兵親冒矢石相持者三日賊不能渡江乃退去日習練排門夫以壯聲勢境內不罹蹂躪者于宸之力一載以覲行宦橐蕭然其家鬻田始得歸新志

周民初字鹿園崑山人宰英德為政簡靜不苟時當明季九連乘變披猖徵兵轉餉無虛晷山寇焚劫大陂等鄉甚慘民初廉得奸匪范七勾引擒而梟之遂統兵進屯東鄉之黃塘屬吏鄭昌瑞嚮導賊方酣睡襲斬幾盡四鄉稍以安堵覲行後奸吏賂署事者紊其舊規民初回任毅然申請清釐羣情悅服同上

葉景龍麗水人洪武初知南雄府見城西河塘村地乾旱農力維艱乃倩工築陂引凌江水溉田民受其惠號曰葉公陂粵大記

左孟誠山東人舉秀才洪武中知南雄府因城東隙地築桑園十畝教民種桑自是民皆知以農桑為業時當兵革之後百事墜廢孟誠察訪舊規一

一與舉務使閭閻不擾遠近稱之黃志
潘長壽字煥文長興人恬靜好學洪武中舉人材累官僉都御史永樂十年左遷為南雄知府慈祥愷悌不任刑威時夏秋旱屢禱不應捐俸募民拾

遺詔瘞之野率官屬齋戒請禱得雨三日歲大稔

宋珏新志河南人由監生累官御史永樂十一年擢知南雄府為政公嚴吏民敬畏屬邑苦輸納

之遠且儲軍衛收納之弊多至鬻子女者遂條陳

其情悉得存留百姓便之黃志

陳賜字孟嘉舊姓饒福建甌寧人舉進士永樂七

年授監察御史滿考書最遷知南雄府慈以撫下

威以伏奸寬猛得宜蒞事精審廟學久敝撤而新

之洪熙元年奉例申幣二邑虛糧二千餘石民困復蘇粵大記

楊鐸荊州人由監生授給事中改知星子縣以清

政聞正統元年擢南雄知府公正自持不容私謁

教民孝弟勤課農桑優禮師儒作興學校凡所行

者務便于民黃志

張瑛陳州人正統四年自山西遼州同知擢知南

雄府資性剛毅蒞政嚴明繼前守之志成太平橋

民免病涉吏畏而民懷之同上

鄭述字季述莆田人永樂辛丑進士授刑部主事

宣德中調惠州惠人茅茨竹椽民多夜作易招火

患述令陶瓦為棟躬督勸賞其先就者不贖則賑

給之火患以息擢知南雄府以權鹽餘息代民僱

役復修築凌陂溉田五十餘頃砌嶺路以便大庾
關行役郡人至今頌焉福建通志

李春宜山人謹案郡志作李遠人監生天順初知南雄府凌

江驛舊有車驢寄民間畜之驢死而役存春嘆曰

烏有是長生驢哉遂奏豁之又桑絲徵本色非其

土所產民以為病春奏請徵米代之粵西文獻

劉實安福人宣德五年舉進士歷順天府治中天

順四年擢知南雄府商稅巨萬舊皆入守橐實無

所私中官至南雄人譖言府僚參謁實折辱之

民競前擁之出中官慚將召謝之實不往中官去

至韶州聞韶人言南雄守且訟於朝矣懼馳奏誣

實毀敕大不敬逮下詔獄實從獄中上書言臣官

三十年未嘗以妻子自隨食纊衣敝為國家愛養

小民不忍困之以是忤朝使帝覽書意稍解且釋

之而實竟瘐死實苦節自持政務紛還未嘗廢書

士大夫重其學行其歿也南雄人哀而祠之明史本傳

江璞字伯溫貴溪人進士成化十一年知南雄府

才氣英邁合兩學為一創大中書院重修太平橋

剏通濟鎮居停客貨取貲以紓民力疏免稅糧蘇

民包納之困郡人思其惠附祀于景德祠粵大記

黃偉字孟偉號逸叟福建同安人正德甲戌進士

嘉靖二年知南雄府清介有志節性尤簡易自奉

甚約郊外則屏除前呵禁女遊毀淫祠罷無明之

徵革榷商之弊未幾以直道見忤即託疾去後起

松江堅以疾辭士民至今思之嘉靖二十七年提

學蔡克廉入祀于學黃志

張徽字德卿秀水人正德辛巳進士嘉靖初授大

理評事擢守南雄墾荒田籍流民開商市清軍屯

多著惠政浙江通志

邱道隆字懋之上杭人正德甲戌進士知順德縣

值歲饑立法賑濟多所全活毀淫祠新學舍後出

知南雄府端方持大體僚屬凜凜奉法常大書畏

天憫人四字以自警福建通志遷御史嘗上疏言佛郎

機素非通貢之國今入廣將為變乃命海道副使

汪鉉逐之粵大記

徐仲端浙江台州人洪武十年任南雄府同知詢

知二縣田多荒蕪乃率經歷范澄知事范仕範徧

歷鄉落勸民開墾於是闢地五十餘頃增糧二百

餘石民食足焉黃志

李汝舟金谿人監生永樂十二年任南雄府同知

值歲旱秋成失望躬歷鄉都修築陂堰池塘以資

灌溉時民困于差徭至有鬻子女者為設法取贖

十八年復奉例申豁二縣荒田糧六千石民蒙其

惠同

陳翰英字廷獻諸暨人以三禮冠浙中成化八年同知南雄府勤政恤民惟德化是務癸巳秋廣右流賊攻始興延及保昌郡中騷動翰英畫策破之俘獲數百人都御史韓雍勞以金帛錄功第一甲午攝郡驛傳夫役一切從省節百姓稱便政暇詣學官課諸生勸勉備至始興盤坑有紗絹石為祟觸之即死賊匿旁谷恣其剽掠翰英烈火焚之患尋息乙未夏旱百姓嗷嗷躬齋沐以禱雨如注歲稔尤善撫綏流民復業者三百餘家在任三年善政不可勝紀補志

王中字時中成化丁未進士授河南道監察御史武宗御極同知南雄府當路以中素著清望特委專理抽分人皆以為錢貨數中益勵清操俸人皆儲公帑浙江通志

謹案郝志作黃中

王士宏潞州人知寧海縣時方國珍已平惡少莫引平民富家為兵士宏即上封事言其不可上詔罷之民賴以安由是擢南雄府通判勤瘁政理卒于官黃志

程規字惟範龍溪人監生永樂十年任南雄府通判遇事明敏謀為立辦修學校崇鄉飲時始興有虎害規齋沐禱于神命獵戶捕之不二日遂獲四

虎其害頓息同上

鄭建字宏中間之福唐人敦重樸雅登進士第授庶吉士讀書翰林未幾言忤當道黜為南雄通判既抵任知郡民避徭役逃竄者居多即與郡守董議曰一郡之民吾聞逃者過半吾輩將何為以答上之所命乎眾皆默然不以為意建獨不避艱險徧歷屬邑以招徠之仍具奏許免逋負不數月民悉歸尋以內艱將去職民遮道攀留成曰公活我者公去我將誰依竟間道乃始得行獻徵錄

凌永新城人舉人永樂十六年任南雄府推官留心刑獄詳審精當未半載囹圄常空後以舊官代還民惜之黃志

陳基虞字志華同安人由進士授南雄府推官萬曆二十八年新會令鈕光斗以附啗虐民激變時巨民洶洶兩院持檄基虞安撫及至痛民倒懸多方撫卹時方增重餉急催科基虞悉心調劑為民請命民賴以安數月代去百姓臥轍攀轅扶老攜幼擁不可行百十年來未嘗有此邑人祀之為三賢祠郝志

歐文通蘇州人洪武中以薦辟任南雄知事勤於參贊嘗奉檄招龍南諸縣流民還集六百餘戶安措有法同上

龍歸荔浦人永樂中任南雄知事署始興招集流民令各復業請豁賦累三千六十餘石廣西通志一時歸籍者數萬口歸皆為編置百姓立像配食於社

南雄舊志

鄭貴遠天台人為南雄學教授性資剛介模範端嚴善啓迪後進隨材成就文章高古六經子史無不淹貫時人號為書籠黃志

彭勗永豐人永樂十三年舉進士除南雄府教授學舍後有祠數現光怪學官弟子率禱祀勗撤而焚之明史本傳

岑仁忠籍貫失傳洪武二十八年為保昌知縣為政廉平時苦亢旱歲屢稔責輸孔亟仁忠疏狀於上民得更生又修築陂塘十一處以資灌溉民永賴之黃志

徐子善梧州人監生永樂十二年知保昌政崇簡易不尚刑刻修學校課農桑恤鰥寡利民之事竭力為之同上

廖輕崇仁人嘉靖十一年以舉人知保昌抑豪強表貞節政聲藉藉南海霍韜起為吏部侍郎所至長吏無不跪迎者輕獨長揖不拜韜重之亡何南海令缺冢宰汪銓以鉅邑難其人韜曰無如廖輕者遂遷知南海時邑中多顯者相持從閭里相

望輕不少徇人多其介謂不負所舉云黃志

李奎字文明弋陽人舉人永樂十四年任保昌教諭學問淵源師範嚴謹引誘後進孜孜不倦皆為已切要之功一時學士宗尚之秩滿擢提學御史

累官大理寺少卿實錄稱其敦慎勤敏好學能文凡所論建皆有裨政教人謂無愧于官守言責云黃志

劉文字彥質安福人宣德中為保昌教諭德性淳樸學術純正時督學彭琉亦安福人雖禮遇文文未嘗借其意氣篤謹自勵琉益重之擢國子助教黃志

林同莆田人明經學精訓詁為保昌教諭是時文體競趨詭異剽竊史漢膚言以為古茂同痛切芟刈以爾雅為六經注脚日課諸生講習訓詁一時以根柢相尚文風改變焉八閩系風錄

張仕國莆田人洪武元年為始興知縣當兵燹後百廢未備仕國撫恤瘡痍之民而復創建皆有成功又有王起者洪武甲戌為始興知縣興水利築陂塘民蒙其利黃志

蔣科全州人廉而好施予常自改建齋舍以課邑士去縣數十年士民思之祀於名宦廣西通志

高輔字世助廣昌人嘉靖初以太學生知始興縣

均田賦築河防重學校表貞節奉公舉職銳於任
 事竟以註累卒民甚惜之志
 蕭琦字韓若吉水人進士崇正十一年令始興寬
 仁待下政治稱平修立城垣改正南門與教勸學
 士民咸歌頌之
 熊志良閩人嘉靖中為始興簿出索金助遷邑學
 董諸工役視若家政時具犒勞奉檄緝捕鼠竊屏
 跡清理編甲不索規例士民尸祝之俱同上
 陳山字伯高沙縣人舉人永樂間教諭始興學優
 才碩僻處山縣惟盡心教事未嘗戚戚秩滿擢吏
 科給事中入教皇太孫宣德中累官戶部尚書謹
 身殿大學士黃志

廣東通志卷二百四十八終

〔道光〕廣東通志 卷二四九

廣東通志卷二百四十九
 宦績錄十九明人

| | |
|---------------------------|--------------------------|
| 黃德明 | 步從信 |
| 王全 | 毛添佐 |
| 王瑩 | 黃瑜 |
| 李璫 | 曾直 |
| 歐陽洵 | 黃瑗 |
| 錢鐸 | 盧璘 |
| 楊棐 | 高萃 |
| 戴禧 <small>俱肇慶府知府</small> | 朱智 |
| 張吉 | 陳勉 |
| 林春澤 | 陳露 |
| 郭文通 <small>俱肇慶府知府</small> | 何文質 |
| 李敏 <small>張見</small> | 傅欽策 |
| 夏淳 <small>俱肇慶府知府</small> | 李春熙 <small>肇慶府知府</small> |
| 高俊 <small>肇慶府教授</small> | 劉宗貴 |
| 陸駒 | 何宏仁 |
| 蕭棟 <small>俱高要縣知縣</small> | 唐簡 |
| 陳坡 | 韓國藩 |
| 熊德揚 | 施傑 <small>高要縣知縣</small> |
| 李士文 <small>高要縣教諭</small> | 梁潛 |
| 黃敬止 | 張邦達 |

| | | | | | | | | | | | | | | | | | | | | | | | | | | | | | | | | | | | | | | | | | | |
|----|----|-----|----|----|-----|-----|----|-----|----|----|----|----|----|-----|-----|-----|-----|----|-----|----|----|-----|----|----|----|-----|----|----|----|-----|-----|-----|-----|----|----|----|-----|----|----|----|----|----|
| 顏寶 | 岳鎮 | 李敬中 | 蕭樟 | 方選 | 陳一元 | 陳祖訓 | 張濟 | 程希頌 | 譚安 | 方冊 | 陳綸 | 鍾鯨 | 蒙惠 | 胡堯時 | 姚舜牧 | 楊成喬 | 孫守正 | 陳漢 | 黃景明 | 趙清 | 李通 | 李福海 | 龔垣 | 黃寬 | 徐均 | 吳子育 | 黃重 | 柯昌 | 方嵩 | 李右謙 | 林恭章 | 馬之瑛 | 侯偉時 | 郭級 | 張淮 | 孫彬 | 王民頌 | 周冕 | 黃寬 | 李瑛 | 張鄴 | 王淮 |
|----|----|-----|----|----|-----|-----|----|-----|----|----|----|----|----|-----|-----|-----|-----|----|-----|----|----|-----|----|----|----|-----|----|----|----|-----|-----|-----|-----|----|----|----|-----|----|----|----|----|----|

| | | | | | | | | | | | | | | | | | | | | | | | | | | | | | |
|----|-----|-----|----|----|----|----|----|----|----|----|-----|----|-----|-----|----|----|---|-----|-------|----|-----|------|-----|------|-----|----|-----|-----|----|
| 楊純 | 田惟祐 | 周文漢 | 鄒熙 | 蔣智 | 錢萱 | 徐行 | 陳瑀 | 丁華 | 范鍊 | 潘海 | 張嘉會 | 萬顯 | 陳潛中 | 蔣景忠 | 朱瓊 | 陳琳 | 明 | 黃德明 | 攝肇慶府事 | 具舉 | 步從信 | 所毀從信 | 川厲壇 | 王全高密 | 九江府 | 蒞民 | 無所怨 | 毛添佐 | 慶府 |
|----|-----|-----|----|----|----|----|----|----|----|----|-----|----|-----|-----|----|----|---|-----|-------|----|-----|------|-----|------|-----|----|-----|-----|----|

黃志

王營鄧縣人宣德六年由刑科給事中出守肇慶興利革弊知所先務高要有李伯從者為鄰家所誣坐不孝繼母母卒而獄久不決營至立訊其非而釋之瀧水有鄧顯佐者以蕉根造偽印事露繫獄經年營察其不成篆文竟得滅死城西失火延燒民居營籲天而火隨滅增修水利作興學校禮賢下士切于愛民至今頌之黃志

黃瑜字仲美臨桂人正統九年舉人授兗州府同知有惠政遷本府知府遭喪歸適兩廣徭寇猖獗都御史葉盛請以瑜為肇慶知府至則剔蠹剷弊百廢漸興化所屬諸蠻聽詣郡自行首服祀包孝肅以風後進都御史韓雍嘉其治行奏請加秩以布政司參政掌府事先後歷十五年郡人感之通志

李璵天台人成化十四年由進士知肇慶府學問該博胸次豁達常督儒生講學躬行畝畝勞民勸耕士民樂業申免太監進取異禽民甚稱快竟以剛介獲謗去官歸舟行李蕭然士論惜之黃志曾直字叔溫吉水人宏治壬戌進士知鄞縣游陞刑部郎中忤閹去用荐起知肇慶府在肇六年政尚威廉督府數問以撫徭之策直上數十萬言

見採用大指謂非用圍戍法自守互市法相詰徭不可無云嘗憤兵衛縱賊自利至忤上下幾不免其疆立不屈得之天性如此錄

歐陽恂字誠之安福人進士正德甲戌由南吏部郎中知肇慶府興學校正祀典禮賢養老豈弟臨民凡鄉賢之嗣弗振者躬造其門訓諭有頑民健訟梗化恂毅然曰此非吾民也欲解印綬去士民苦留頑梗者咸感悟歲大旱恂降服徒行率吏民拜禱於道越日雨降民大悅節推楊某卒于官恂殮之歸其喪人以爲有古君子風丁內艱去起補常德遷兩淮運使嘉志

黃瑗字純玉晉江人進士正德間知肇慶府心存撫字修堤防輯戎事思平賊首蘇寓唐國欽相繼作亂瑗集兵民剿滅之嘉志

錢鐸字振之江南通州人正德辛巳第進士嘉靖初爲刑部主事以諫大禮受杖瀕死得甦累官署郎中考績書最會肇缺守思得人以過寇虐撫瘡夷吏部推鐸補之既蒞郡首視郡邑學校郊外荒塾不利資興乃力言諸按部御史從諸生所請併遷入城廟費煥然由是魁鄉試者踵接郡人謀創生祠報功以公力遜而止其他賑困窮汰冗費嚴法令杜請托立保伍建公署凡百興革無一不合

民情者御史薦公於朝有日剛明自持法平政舉廉靜不擾吏畏民懷蓋覈實云以外艱去行李蕭

然後官至廣西按察副使秦泉

盧璘字秀夫餘姚人進士嘉靖丙辰知肇慶府剛

直自持節省浮費郡志久缺毅然創修時督府移

鎮部城征四會大羅山賊殫思贊籌轉餉不匱議

立廣寧縣璘之功也陞福建運使郝

楊棐建安人進士萬曆甲戌知肇慶府醇和清介

政平訟簡吏畏民懷羅旁之役督府諭高要令市

馬百令任之矣棐曰高州乃有善馬馬百必三四

千金高要安得多金以市馬乎卒減十之九縣民

日轉餉上山棐憫其勞且曰兵無所獲而以爲餼

必此輩也戒至河反令士卒自負之力裁浮冗節

用愛民嘗畫十餘條上之未行而卒士民哀哭喪

歸奔送爲之罷市徽

高萃字升百萬曆甲戌進士官刑曹出知肇慶府

興利惠民置田贍士多從倬厚肇人肖像祀之通

戴煒長泰人進士萬曆四十年守肇慶府戴爲長

泰右族弟兄相繼宦嶺表兄煥嶺東參議摧兩廣

總督都御史煒始至值歲大水賑饑恤災全活甚

多築圩堤以杜後患民尤德之秩滿轉海南副使

擢廣東右布政卒於官橐無羨金士民建清風堂於包孝肅祠後歲時饗祀云郝

朱智閩縣人正統間德慶州判官陞同知政聲著

聞加意學校新大成殿御書樓工雖浩繁而經理

得宜民不稱擾上

張吉字克修號翼齋餘干人成化辛丑進士除工

部營繕司主事以疏劾左道李孜省妖僧繼曉貶

景東通判孝廟初轉肇慶同知肇慶當蒼梧下流

頻年苦澇吉相其地日是可以隄同列不以爲然

吉獨身任之發民就役不令而集當水暴漲則乘

小舟以視衆莫測其至夜雨不止憂形于色坐以

待且經營勞瘁歷三載而後成隄互三縣復爲膏

以殺衝決之勢民至今號寶曰張公寶隄曰翼齋

隄徽

陳勉字汝勉黃巖人宏治間肇慶同知有文學清

介自勵庖無梁肉或以爲矯勿恤也陞太平知府

林春澤字德敷侯官人正德甲戌進士授戶部主

事出爲肇慶府同知島寇掠高州承檄攝篆春澤

習知徭兵害民悉罷遣之代以土著部署方畧寇

次第就擒福建

陳露晉江人嘉靖三十二年肇慶府同知署德慶

州事時浪賊張快馬黃海龍倚搖爲援剽掠富祿
儒林等鄉露遣間以離其黨令約降降者犒之設
覆道左至日椎牛醞酒諸賊畢至覆起就擒無脫
者誅其魁餘皆受降嘗至四會民饑賑之德慶四
會皆爲立祠子紹功以進士推官廣州稍遷潯州
同知補志

郭文通慶都人嘉靖末以掾爲碣石衛經歷時征
賊伍端參將謝勅失機連營數十皆潰獨文通所
部大開營門使卒環坐持滿賊不敢逼居民賴之
後屢征賊有功擢肇慶同知嘗語人曰吾有三不
寶不寶官不寶財不寶命是以掾吏積功官至大
夫云同上

何文質永樂中肇慶府通判處心廉介蒞事公勤
嚴而不苛吏民悅之明統志

李敏旣江人成化間厯官肇慶府通判行部至新
興晉謁先聖見廟學圯壞默然有興建之志歸謀
諸左參政黃瑜僉上其事於總督韓雍暨藩臬二
司咸允其請敏乃親董厥工處置得宜公帑不費
民力不匱始成化十年春迄明年冬落成士民感
戴思慕不忘又張冕字希賢會稽人成化間以監
生任陽江知縣清慎自持奉勘合取金自部解入
京中途卒黃志

傅獻策馬平人宏治間肇慶府通判愷悌得民廉
潔自守進秩同知始終如一郡人稱爲傅齊公以
其廉也後勘權貴子弟執法不撓竟以此罷官輿
論惜之補志

夏淳字惟初餘姚人領鄉薦從王守仁遊嘉靖二
十八年授肇慶府通判督儲先是積弊斗級有斛
面該徵有年例轄衙數以羊鹿鵝鴨發倉券養擾
費滋甚淳至以節愛爲本悉革之故民樂輸旬月
而儲務舉督府以其能檄往南雄權商一毫不入
私橐遷思明府同知無何卒喪過端民聚哭之黃志
李春熙字倬如建寧人萬曆戊戌進士爲肇慶推
官監軍征交趾禁妄殺削冒功所俘獲平民廉實
放歸活千餘人通志

高俊字士偉莆田人舉人宏治六年肇慶府學教
授平易謙謹日與諸生講解經義勉以爲己之功
雖隆冬盛暑不輟諸生饋必固却曰吾職尙慮未
稱何以此爲貧者捐俸周恤陞衛州府推官卒士
追慕之補志

劉宗貴靖州人洪武三十一年以都察院司務遷
高要知縣公勤蒞政平易近民後以憂去
陸駒吳縣人正統間知高要縣才識明敏應變裕
如時海賊黃蕭養之亂百費皆給而不擾於民和

為能吏俱同上

何宏仁高要令端溪一水受滇黔交桂諸流每夏潦為民災宏仁躬巡圩堤增修之農事以賴端故有權關在事者多假手胥吏掣視不時商人苦之宏仁屬次視事率親閱加恤焉癸未以外艱去民遮留追送者數百里不絕子集

蕭棟宣化人舉人嘉靖四十三年令高要廉明泣眾豈弟作人治逾年而政通人和刑清訟理創遷

縣治民樂赴工無何以憂去士民扳轅臥轍若失慈母然高要二百年來賢令以棟為最後補平江

倅衡州陞知州所至以賢聲著志唐簡南寧人舉人成化十三年為高明令始判縣治規畫有條蒞事六年以廉能見稱黃志

陳坡懷安人舉人嘉靖間知高明縣嚴明果斷吏民不敢欺尤勤民事修堤防勸農桑興學校庶務

畢舉嘗修邑志遷桂林通判志韓國藩字价人江寧人進士萬曆三十年令高明

縣公平廉介市無奸宄獄無繫囚門建尊經閣發劔津池一時宮墻鞠與以內艱去後陞主事官至

左通政熊德揚字六龍建昌人萬曆丁未進士令高明教

民以節孝為先遷延壽寺以益學宮人文蔚起括

公費抵權額市肆小民不罹中貴擾害也如申鄉約禁服毒給貧葬設法催科表率士類善政未易更僕甫二歲調繁德清去士民尸祝後行取刑科給事中

施樑字仔吾歸安人由進士萬曆四十二年知高明視事揮筆立斷蒲鞭不用民樂輸將勤於考德

枝藝人士多造就不二年調繁順德尋擢江西道御史俱同上

李士文連江人正德十五年以舉人任高明教諭寡默宏博不求赫赫各作經義以訓諸生終始清

苦宦處裕如從莊渠講學當道剡薦為嶺南師範第一尋以外憂去生徒不舍奔送百里後登進士

第黃志梁潛字用之泰和人洪武丙子鄉薦除知四會縣推誠愛民刻宿弊崇寬政導民以禮尤勤撫字暇

輒就學舍授業諸生歲餘民服訟息流徒來歸以累千計縣有瀧橋河世傳吏有廉平之政即清自

潛來訖去河水澄潔可鑑又明年改陽江又改陽春治一如在四會時而陽春徭獠環處稍不得所

欲即獸怒跳躑不可制潛待之如子而不拘於法徭獠亦事縣令如父敬恭命令唯恐不及所去皆

遮道畱之不得輒有流涕者家微

黃敬止不傳籍貫洪武二十年知四會縣為政簡靜禮賢愛民民有去思又有金華王廷玉者為丞矢心佐政撫恤下民四川穆伯川者為簿廉潔公謹上下愛戴皆洪武間四會邑佐之良志

張邦達開化人永樂五年知四會縣威儀可象清慎不苟後提監察御史上

顏寶字太和龍溪人永樂中知四會縣溫厚公正寬猛得宜為民奏除鬼名田糧九百石尤篤意學校新其廟宇凡橋梁圩岬悉致堅完藩臬郡守交章論薦遷秩而去邑人乞留者以千數卒祀崇賢祠續

岳英宛平人知四會縣奉公循理平刑節用勞來歸附民甚德之志

李敬中上高人長於占驗知四會縣發奸摘伏人稱神明上

蕭樟字國材永新人正德戊辰以進士知四會縣樽節財用均平徭役以地稅餘羨修城垣以田租入官者建橋渡在任六年民稱樂業擢刑部主事

民不忍其去立碑頌政績焉志

方選浮梁人正德九年以進士知四會不以家累自隨清介自矢商人河稅錢里甲直日徵收常例皆革之為政存大體節用裕民遷秩去志

陳一元字太始侯官人進士萬曆中為四會令高才博覽英邁善斷構仕學軒以清慎勤自矢善訓士子文教一新請學使廣額進取三十五名凡事有利於民者拮据圖成建橋梁而古木效靈修堤渡而羨租協助徭役頓輕重耗盡草獄無冤滯里無夜呼上官嘉其卓績調治南海後又令嘉定循聲茂著由是擢御史晉府尹皆自綬發軔綬人尸視之

陳祖訓字昭華海寧人萬曆中由舉人任四會令課士有方撫民有法有冤抑莫伸者庭鞠無不剖白以去吏胥積蠹畏其英敏皆奉法惕息不敢違約已裕民寬嚴互用一切羨耗餽送盡行謝絕上

張濬字文哲閩縣人天順己卯鄉薦成化中授四會教諭尋擢饒平令興學勸農廉能公恕先是濬在四會有海寇嘗以策干總兵陳銳督府議其名至是海寇充斥檄督揭陽四邑兵禦之賊平功未錄人惜焉通志

程希穎臨川人由舉人為新興知縣先是有孫守正者洪武二年領印為新興丞創建衙門百廢備舉作興學校撫恤黎庶及希穎至廉身律已居恕行寬與民約信咸歸服之志

〔道光〕廣東通志 卷二四九

譚安宜春人永樂元年知新興縣處心寬厚為政公平小民生息百廢俱興秩滿去民思之同上

方冊德興人宣德元年知新興縣持身正大蒞政公勤秩滿士民不忍其去後官至按察使志

陳綸字孔經南平人景泰庚午舉人成化初授知新興縣時流寇充斥所司屢招不服巡撫總兵統大軍欲進屠之綸請授師詣壘撫諭皆稽首降誅其渠魁所活萬計福建通志

鍾鯨字躍海廬陵人少遊學白鹿洞知名當世宏治三年知新興縣身無盛衣厨無魚肉侍無媵妾抑豪強恤黎庶有古君子風而剛介寡合六年調去民共惜之黃志

蒙惠蒼梧人宏治七年知新興縣巡行阡陌以勸農為急務稍暇則訓勉諸生士民懷之官至興化知府志

胡堯時字子中泰和人嘉靖丙戌進士乙未由給事中請知新興縣事承積弊之後勤政卹民而人知樂業講明學術而士知嚮方救荒有道而存活甚衆在任四年徭徭歸服頑民向化為政存敬恕寬仁之意自處有君子長者風今雖去任士民懷之黃志

姚舜枚字枚之烏程人萬曆間由舉人知新興縣

稟性聰明遇事敏練悉心以訪民隱釐弊清盜案牘無留發粟賑饑區畫得所里甲向苦差役為立月頭做僱役法行之無弊修志書作五經疑問子祿端萬曆乙未登進士為名御史志

楊成喬字維嶽當塗人萬曆進士知新興縣依月頭良法行之禁黜役再充除清軍常例免人命株連訟賊情拔害建塔修橋課士賑貧不一而足尤精藻鑑開元黃士俊與倫肇修黃聖期皆其賞拔士也

孫守正洪武二年為新興丞創建公署百廢修舉振興學校撫卹黎庶

陳漢閩縣人正統七年新興學訓導經明行修訓誨不倦時寇攻城漢設策禦敵遂散去有司以其能檄往招撫賊首羅寅弟等三萬餘聞風向服邑民賴之俱同上

黃景明洪武初知陽春縣律身廉慎為政寬恕與民約信人皆悅服之黃志

趙清不傳籍貫洪武三十年知陽春縣為政急於先務時徭賊擾民請調官鎮守民賴以安志

李通桂林人永樂十二年知陽春縣敦厚公平削除苛政案無留牘士民頌德焉志

李福海蒲圻人知陽春縣撫字有方尤加意於庠

序秩滿畱任遺愛在人至今稱道不衰志

龔墳字伯和清江人任陽春縣俗故曠頑墳以寬

平為尙不苟取與又能興育士類境內翕然向化

志

黃寬字經裕晉江人正德間知陽春縣學校公習

無不完繕又於厲壇側築漏澤園為政以寬為本

既陞任矣地方多故士民乞畱以通判再任數年

而去志

徐均仕為陽春主簿陽春故春州也瘴癘巖區聞

者惴慄每使者當按行輒托故避去由是縣豪得

進據為姦縣官悉受頤指少觸之輒死前後莫敢

梓蒿考刑載去均至縣吏白應往視莫大老叱曰

何物大老復白是洞主也老且病家居宜就見叱

曰若化外抑民伍也趣令來見不然且屠戮出雙

劍示之大老聞而懼乘板輿至叱使下拜不得已

蒲伏然視諭遣之伺其語有異捕繫之獄均曰彼

眾必且來劫獄戒吏士操鼓角柵其私衙自帶劍

拔弓矢披甲長嘯大老二子果各將其眾來聞之

皆懼莫敢前詰朝昇兩大瓜安石榴十數枝致饋

皆黃金大珠也均不一視即麾出械繫大老親送

詣府後府官竟受賕脫大老歸數致前饋均再拒

之怒欲捕治大老益懼求府符調均攝陽江縣陽

江亦治而均以母憂去志

吳子育樂平人洪武三十二年陽春縣丞以文學

飾吏事為知縣梁潛所重時陽春未知學子育為

誘掖激勸士知所向遂有領薦者又新喻江有源

同時為主簿勤於蒞政均平差役俱得民心志

黃重莆田人公度之裔也洪武三十一年陽江知

縣平易清謹會薦入為刑部郎中陞瓊州知府上

方嵩字惟嶽崇仁人天順八年以監生任陽江知

縣年高苦節又遭流賊攻劫城池乃不携妻子衣

食儉約成化四年督府韓雍榜示招撫流民嵩極

力撫循言於雍奏免租調秩滿畱再任成化十四

年陞去嘉靖戊戌祀名宦祠志

柯昌黃巖人宏治九年由舉人任陽江知縣操履

清約決獄明允砥礪風俗敦明典禮表張太傅祠

墓陳獻章作詩賀之昌為人樸訥無華坐事黜去

後甚見思今祀名宦志

林恭章字爾肅莆田人萬曆甲辰進士知陽江縣

天性廉介以教化為先邑多猾吏章刻意懲創皆

斂手然至折獄往往多哀矜流涕盛暑必躬閱獄

囚日夕存恤有村媪與子訟意狀甚逆章愀然動

色携入衙署跪白其母母命設飲食章盛衣冠侍

母側觀其母子同飯頃之媪與子泣且悟叩頭謝

罪乃喻遣之居無何丁母憂去去之日民遮道留衣履祀之志

李右謫豐城人天啓五年由進士知陽江縣寬洪簡厚坦易可親愛民如子四載以卓異擢監察御史

史同上

侯偉時公安人進士崇正六年知陽江縣嚴肅自持政簡民安秩滿欽取邑人思之志

馬之瑛字倩若桐城人崇正十四年以進士知陽江縣接士以禮作興學校催科一意撫字民甚德之秩滿遂去載道攀留不絕上

張淮質縣人由歲貢任陽江丞善書能文賀士子多出其門居官以清慎稱文

鄒級南昌人舉人正德六年知恩平縣政知先務興學校修城池陞潮州通判庶民思之志

王民順字道服金谿人隆慶間進士令廣寧期年以能治劇移新興為治以身為本正風俗禁訟訟事無巨細悉親決吏不敢欺暇則講聖賢之學嘗

歲芙蓉都賦百餘自是腰古道無剽掠官至雲南

方伯上

孫彬齊東人洪武二十三年任德慶知州以德化民舉賢才興學校適歲旱民饑選富民有積蓄者

令貸之民賴得所後卒于官志

黃廣字文溥同安人永樂六年知德慶州政有條理興學校均徭賦招逃民滅除鹽鈔民賴其惠雖

徭人之強梗者亦聽其撫上

周冕字尚文臨安人正統初知德慶州明而能斷修城池興學校六載以憂去志

張鄜字宿夫汶上人由舉人景泰四年知德慶州慈祥愷梯廉正自持以禮化民時征剽澆水轉輸糧餉不置在任三月以憂去士民送之垂涕不舍

李瑛字仲玉四川宜賓人成化二年知德慶州立心慈愛行政寬平時方與師能措軍餉民賴無傷以老疾辭都御史韓雍嘉之給以路費又有劉福

真福建既寧人成化二年授德慶州同知為政慈祥處事適宜深得民心上

管淳字時雍南陵人成化末知德慶州體察民隱洪涼殃民捐俸賑糴存活者眾聞閩德之志

王淮福寧人進士宏治二年知德慶州蒞任公勤律已廉介首重學校重建雲章閣時值征剿區處

得宜民不過擾卒於官志

楊純字秉誠湖廣巴陵人成化癸卯解元始知南海清慎自持陞德慶州知州立心正大處事公平

乃設一木牌刻日受人一毫贓私天地鬼神鑒察

懸於州門其名實相副云同上

田惟祐蕭山人進士正德間知德慶州周悉民瘼奏免荒稅潛化惡俗民思其德志

周文漢浙之山陰人進士嘉靖間知德慶州達知

從政洞悉民瘼時西賊流劫郡邑莫敢擾者適楚

兵過德慶文漢借兵要賊歸路盡殲之志

鄒熙字孟輝建安人舉人永樂十五年授德慶州

同知宅心恬淡蒞事公勤人稱良佐志

蔣智廣西興安人由舉人任德慶州同知成化十

八年擢開建縣事廉而不苛寬而有制民不敢犯

吏不敢私興學校脩城池咸有功焉同上

錢萱浙江海鹽人嘉靖乙未進士由禮部員外郎

謫德慶州同知州人聞萱至僉曰是嘗試高等為

京朝官者必不屑外吏事及抵任力親諸政諭羅

旁稽明國威復據地止剽掠諸徭咸詣州降州民

避徭散去者至是復業輒以地界爭萱悉按籍稽

戶審丈畫界舊戶亡者以新民承其田役復出粟

賑之擇有行義者司賑吏不得夤緣為奸又議民

賦貢進米石入銀若干便焉州適不雨齋戒禱立

應無何江水漲又齋戒禱遂不為災州民不守禮

法音語以古先哲言進諸生講經傳試藝文手自

評削州人咸稱真同知在州一年稍遷寧國府通

判以嬰瘴癘卒年僅四十四貧不能殮粵諸大吏

率郡邑官賻其喪提學陳某以萱列祀名宦錄

徐行字同倫進賢人永樂三年以監察御史左遷

德慶州判官學優才瞻有守有為興利除害德威

並濟政暇則臨學校誨生徒時郡邑之民戴之如

父母志

陳瑀字宗玉南寧人監生嘉靖四年任德慶州判

官盡心民事積羅旁徭賊為患與守備指揮李松

往來江道增立營堡以備寇發於南岍羅傍大厯

等地設為墟市使與州人互易親往監焉使其相

狎以徐圖之適奸人洩其機賊乃衷甲于市中襲

瑀及松皆殺之總制王守仁命官祭之志

丁華同安人成化二十年知封川縣剛毅果斷省

節浮冗遇亢旱懇禱致應九年考滿民不忍舍丐

于當道再任三年而去同上

范鏞字廷議會稽人天順六年以經明行修年富

力強薦成化間授封川知縣始至家僮治園得遺

金於糞壤中匿掩之地與徭獠雜居桴鼓警緝

戶單才鏞字以誠信煦以慈惠民安樂之邑岸有

東山塘堪輿家云東塘築風水足遂捐俸浚治而

歸其利於學以給諸生未三載乞終養去志

潘海字百川武緣人正德十四年以監生為封川

知縣時寇亂後撫綏流亡民以安集未幾致仕歸

廣西通志

張嘉會武昌人宣德中以御史謫封川典史署開建縣事廉幹有為恩威並施在縣一年遷學校招

撫流民百廢具舉士民悅服

志

萬顯廣西藤縣人領鄉薦成化間授封川縣訓導才兼文武時有寇擾都御史韓雍檄領民兵防禦

聲振遠邇保障有功用薦陞本縣知縣晚節益堅

政事脩舉深得民心董築城垣視如家事盡心區

畫民賴保障至今稱之

黃志

陳潛中名元亮以字行仙遊人以孝友聞洪武十

三年舉聰明正直授開建知縣任滿赴京百姓哀

留不得行至京計歷俸少十五日例該工役尋赦

歸洪武末年上饒縣丞莫士忠者開建人也以忠

孝清廉薦潛中於朝奉旨起用力辭以疾

同上

蔣景忠臨武人洪武三十年開建典史撫民有方

永樂七年當滿去耆老等遮留之大吏達於朝陞

本縣知縣先是有張琮者四川人知縣事公謹慈

愛九年任滿遷市舶提舉至是景忠代之

志

朱瓊臨桂人正統間舉人知開建縣有幹濟才天

順三年春流賊攻縣治瓊身擊賊無援死之

統志

陳琳歸善人成化元年知開建縣宅心正大處事

公平抑強暴恤貧窮修城池興學校後以憂去

黃志

廣東通志卷二百五十

官績錄二十 明九

萬迪

陳顏

段鑑

李叔玉

吳釋思

呂大川

李傅

沈垣

姚良弼

甘公亮

蔣淦

金志

顧言

張存義

李畿嗣

黃時雨

程有守

何偉

周以典 俱惠州府知府

蘇潤

林應麒

蕭以裕

周宗武

余化淳 俱惠州府同知

滕康

左瑤

呂大英

廖文陞

高守謙

徐中台 俱惠州府通判

王廣

吳稷

吳浩

陳謹

溫國奇

高祺

鄭日休

吳希哲

程鐸 俱惠州府推官

鄧璉

張郁蘭 俱惠州府教授

牟應受 連平州知州

彭彥彬

何世祺

彭良臣

鄧鏞

董有光 俱歸善縣知縣

何阿魯

張澄 俱歸善縣主簿

郭克一

王宗徐 俱歸善縣教諭

袁大綸 歸善縣訓導

林和

昌祚

趙澧

邵銅

張炫

林若周

胡演

吳日強

顏容舒

鄧以誥

孫履恒 俱博羅縣知縣

龍璿 博羅縣丞

葉允吉 博羅縣主簿

羅順

楊國本

吳廷憲 俱博羅縣教諭

吳銓 博羅縣訓導

林天錫

陳榮祖

馮渠

楊士化

劉廷祚 俱永安縣知縣

林渭

陳一善

張濟時

張鏞

郭咸和

董繼周 俱海豐縣知縣

呂翊

陳日光 俱海豐縣知縣

宋秩 海豐縣訓導

陳敬

| | |
|---------------------------|---------------------------|
| 宋常 | 余溥 |
| 孫賦 | 秦宣 |
| 洪祉 | 林廷植 |
| 狄同然 <small>俱龍川縣知縣</small> | 陳堅 |
| 習韶 | 張繹 |
| 陳宗順 | 潘鏞 <small>王泉</small> |
| 黃坤 | 李德用 |
| 蘇民 <small>俱長樂縣知縣</small> | 楊文偉 <small>長樂縣知縣</small> |
| 夏則中 | 朱孟德 |
| 秦宏 | 董英 |
| 侯爵 | 余泰 |
| 祝允明 | 陳孔明 |
| 陶金 | 劉應魁 |
| 史懋文 | 石承方 |
| 萬德鵬 | 劉熙祚 <small>俱與寧縣知縣</small> |
| 連瓚 <small>與寧縣知縣</small> | 徐仕高 |
| 唐耕 | 桂孟成 |
| 鄧文張 | 吳一奇 |
| 林大楠 <small>俱河原縣知縣</small> | 陳益 <small>河原縣知縣</small> |
| 劉揆 | 陳賓 |
| 李信 <small>俱和平縣知縣</small> | |
| 明 | |

萬迪東平州人洪武元年知惠州興廢舉墜不受私謁澤及于民去郡而人思之志

陳顏字士希浦城人宣德初守惠州惻愍無華因俗為政不譏謔立名郡城外有橋將圯有坊且廢豐湖日涸民皆病焉顏乃益土培坊甃石為梁並高舊基又築南隱園堤以蓄泛水民賴其利志

段鑑上元人景泰初守惠州水藥自持家法尤整遺其子就學使與諸生齒凡所規模度皆可式民到于今稱之上

李叔玉以字行長樂人正統乙丑進士天順中守惠廉明寬厚持大體不事苛察勤恤小民而威折豪右時郡學為火蕩盡叔玉心計身督廟堂齋舍次第一新惠州府志

吳繹思字思周莆田人天順丁丑進士歷守惠州時守禦軍政為上官所更卒伍忿將為變繹思諭以禍福皆羅拜感悟內聚起復補潮州海寇竊發繹思計殲巨魁捷聞陞浙江參政轉右布政福建通志

呂大川字中源新昌人成化甲辰進士宏治中守惠州才識精敏判決如流吏不能窺其私郡城東北瀕江恒患衝齧大川始甃土甃石為巨堤以捍水患郡有淫祠鄉愚謂其能為禍福事之謹狡民昇土偶通衙爭羅拜焉大川命沉之江杖其人而

遣之正德丁卯征劇賊張權隨軍督餉察諸俘之
脅從與其誑誤者釋之所過鄉聚召耆老諭之以
禮南海張詡曰呂惠州之政雪霜內有陽和戎馬
中行俎豆者也後卒于官

惠大

李傅字希說劍南人宏治十二年進士嘉靖四年
知惠州府廉謹愷悌師古循良常書視民如傷四
字以自警凡所徵役必求端委凡制典所無而後
人增益沿為弊規者一切剷除旬月之間政令煥
然先是郡大水民居禾稼沒溺者不可勝紀傅至
時疏請得蠲田租十之三民以蘇息未幾遷廣東
按察司副使去之日猶戒謹視公署什器以待新
守其羔羊之節無媿古人云

同上

沈坦字子完平湖人嘉靖乙未進士丙申除大理
寺左評事歷寺副寺正癸卯陞汀州知府內艱終
喪改守惠州惠在嶺海間號難治坦政先風化廣
輯學宮勸諸生修文行嚴御徒吏勾校簿案事至
立斷務得民情慎錢穀出入黠胥束手不能為奸
郡人曾某豪有力宗黨皆奸橫凌鄉曲嘗謀殺鄰
人莫敢發坦廉知之逮至訊得實并其宗黨咸抵
法又李鑑者和平劇盜也糾羣剽劫坦設方畧調
兵備言且勦賊乃遣人入巢諭禍福鑑自縛伏罪
值歲稔民大饑或聚為盜坦發廩賑贖為平糶法

通有無民賴全活者數萬坦天性真純表裏無貳
郡中旱請雨潦請霽視事甫期上下孚洽會郡有
利病條上諸督撫議道中瘴卒于番禺館舍惠
人在會城者相率走哭諸僚檢其破篋圖書外無
長物云

獻徵

姚良弼字夢賢錢塘人嘉靖乙未進士授南刑部
主事出知惠州先是嶺海間多盜良弼請募民兵
團保伍每隘列柵建樓懸鼓其上令遇盜發某處
輒登樓擊鼓餘隘聞各鳴鼓應之然後陳兵守隘
盜至即擒者賞縱者與盜同罪於是盜悉解散民
得安枕

浙江

甘公亮字欽采永新人正德中知惠州先是都御
史王守仁以平泅賊奏立和平縣乃遣謀四諭故
所招附竟帖然無擾和平城池築鑿完固厥功多
焉葦橋稅以羨餘修大通橋置漏澤園築榕樹堤
遺民永利葺文信公五坡祠置像祀之

郡志

蔣淦字汝潔全州人進士嘉靖初知惠州政先仁
恕聽訟得情屬造冊籍飛詭規避悉杜絕之徭役
適均貧民稱便尤加意學校及城濠道路皆葺理
不煩民三年擢河南參政官至工部侍郎

金志字允立浙江山陰人嘉靖戊戌進士二十九
年以御史知惠州躬先廉潔日繩責舞文作奸犯

科者胥吏救過不暇又善察吏事有執法者率面詰責屬吏惴惴恐有所聞貪墨咸望風解綬五載卒于官惠州府志

顧言字子行仁和人嘉靖進士知惠州府時島寇交訖言知千戶王招才勇授以方畧擒殺賊李烏蛇李文冲及其黨千餘人願為農者釋之時又有花腰蜂等三千餘人流劫鄉鎮言圖畫進軍機宜山川險隘為書曰惠陽圖說上之軍府請調發時以潮寇為急兵力未能及惠言乃令辯士入賊巢陳說利害賊感悔悉降浙江通志

張存義建安人登進士嘉靖中知惠州慈祥愷惻時寇盜充斥水旱不時道殣相望存義哀之捐俸及罰緩市棺置亭中令亭長守視無者予之常被盜失庫金虔禱于神若有神告往禱之果得人以為至誠所感在任六年擢運使惠州府志

李畿嗣斷水人進士萬曆二年知惠州時大寇初平盜萌未息畿嗣至嚴厲振刷捕鉄兩之姦築東平城起鐘鼓樓兩學堂殿西湖亭臺煥然一新三年境內大治生齒漸蕃擢監軍副使駐肇慶惠人愛之如父母云惠州府志

黃時兩字潤寰常熟人進士以刑部郎知惠州寬以平法嚴以劬奸履畝核田膏腴無匿賦斥鹵皆

減額罷鐵稅八百金岑岡寇亂設奇勦平錄死節王度後倬世嫡奉祠在惠六載多惠政歷遷雲南參政同

程有守歙縣人進士萬曆二十二年知惠州廉而有威歲旱步禱賑饑平糶羨餘輒行諸縣積穀視事至日盱一蔬一粥復理簿書創賢官復科舉額留心文治擢海南學使惠州府志

何偉新喻人進士萬曆二十七年知惠州剛介廉明庶務修舉葺賢宮建郡坊改賓館設北關有益于民者皆營繕之陞惠潮道副使惠州府志

周以典字六虛南昌人萬曆庚戌會魁知惠州府恬以持已簡以率屬政寬刑省犴狴無冤民安農桑之業有古召杜風擢海南學憲惠人至今碑于口上

蘇潤桂林人景泰中惠州府同知府治有交衢兩集洩深出官錢砌以石達之郭外民便之修博羅長樂學宮築長沙港蘇村堤拱北保寧橋咸有勞績公暇修郡志刻之惠州府志

林應麒台州人嘉靖中惠州同知守職奉公矯正世俗吏事精敏剖斷如流入贖有貧者多蠲免之嘗言訟貴速決留獄妨民吾不忍也佐郡一歲餘以母憂去惠州府志

蕭以裕江西清江人萬曆丙午同知惠州清介自持明而不苛署府篆三載多循政擢廣西太守士民至今思之

周宗武江西臨川人舉人萬曆元年同知惠州廉介敏惠事有不可輒面折雖僚長不避時李畿嗣爲太守重其操恒折節下之惓惓以哀無告伸枉抑爲心會攝縣卽覈圖籍戶口丁糧里胥無所容奸六年遷廉州太守廉俗惑師巫宗武明大義嚴禁之捐俸甃泮池以匯龍門之水善政次第舉行宦廉者張岳之後此爲最云

余化淳將樂人天啓二年同知惠州廉介有才每攝邑篆徵賦戶給單使如數輸納里胥無得容奸屯田清軍按額稽覈嚴絕侵漁奉檄防海還篋中惟文章數卷而已俱同上

滕康字景晉旣寧人永樂庚子舉人正統初判惠州郡患水溢糧從海運民苦之康請得就近輸納豪右多侵貧戶悉爲覈正廣寇黃蕭養起康修城塹治戰備與民固守於城東隅治浮梁賊至民賴以濟擢守本郡福建通志

左濬字希哲寧德人成化戊子舉人知仁化縣興學善俗愛民節費鄰境寇起舉兵擊却之調知高要邑當兩廣之衝供給旁干事集而民不擾用節

而上不疑既乞歸以薦起判惠州躬擣賊巢討平巨寇復以親老告歸家無餘貲陳獻章爲詩贈之

同上

呂大英字元聲文簡曾孫以廕入太學授惠州通判惠俗愚民小忿爭卽服斷腸草大英令民掘其根株獲一石者銷贖銀一兩民爭致之草幾盡鄰境盜劫餉金數千鞠之盜云匿窟下發之不得盜亦死大英齋戒禱于城隍神數日雷電大作盜家地忽裂得金數百距前盜所指處僅咫尺諸盜陳伏願自首不踰月原金具完督撫商周祚廉其事特薦之轉王府長史乞休家居不事生產而賑饑周急無所吝卒祀鄉賢廣西通志

謹案郝志作吳大英

廖文陞將樂人以恩貢判惠州會有旨勦陳萬鍾凌秀二寇督撫以轉餉屬文陞兵未集而寇至文陞密趨鄉勇夜炊直搗賊營斬獲無算視衆興寧長樂多安輯功當特叙爲同事所抑病卒福建通志高守謙浙之臨安舉人萬曆二年通判惠州時寇初平餘黨復熾守謙行縣募鄉兵自隨屢破賊首臺司緝能委攝永安篆招徠流民度地居之披草墾土常廢寢食見白骨勳勳拾而掩之未幾以勞卒于官福建通志

徐中台字伯朗建寧人崇正間以貢授惠州判惠濱山海羣盜出沒嘯聚無常中台嚴清保甲緝以連坐陰加緝捕以次擒巨盜陳采陳敦敦亞三等盜風以息福建通志

王曠字存約黃巖人宏治壬戌進士歷官吏科給事中正德十五年以言事謫惠州推官惟一僕自隨理淹繫哀無辜獄有重辟之疑者詳白上官得減死論尤好招延士類講學且察其秀而貧者賜焉兩庠之士翕然宗之未幾遷秩去官終都御史

黃志

吳稷字舜弼江南華亭人正德甲戌進士授金華府推官未幾調惠州始至署郡羨哉冗稅革濫役疏繫囚置規過櫃於門立保甲以調盜中丞聶榮襄公稱之下其法於諸郡博羅民以嘯聚伏法窮治者株連無辜賴稷辨釋海豐令某以墨黜侍接視事如故露檄逐之去兩朝親藩引誼規正進賢王箴芸窗賦以寓諷親藩嚴輝之其慎職類此平生銳意閩洛之學在金華日謁章文懿公於家因事請益及來惠州莊渠魏恭簡公以督學至數教迪士尤委重稷而谷坪李先生會言事謫丞通衢惠屬也用與研析道妙微詰異同久之有得因梓行二先生所說式諸士欽徵錄

吳浩雲和人嘉靖庚戌為惠州推官廉平近民嘗視家歸善值歲大饑發倉賑濟民賴以甦在部五年多惠澤遷姚州知府和志

陳謹閩縣人嘉靖中大魁天下以修撰謫惠州推官夙有才名多士快之為人溫恭和易晉接不依篋中藏書盡出以示諸生造門請業者無虛日其折獄不以明察自多而哀矜平恕克稱厥職云溫國奇寧都人萬曆丙辰進士惠州推官廉明果斷署郡事興利除害時歸善博羅多流移悉編之什伍土著乃安富民苦報難商有携貲求免者國奇以寺租羨抵其餉而屯無失領建泗州塔人文蔚起聲望翕然徵入為侍御史

高祺浙之臨安舉人為惠州推官法平不苛廷鞫片語立剖辟有疑者即白監司戒死倦倦于興化善俗勸民孝弟後擢涪州守俱同上

鄭日休侯官人以舉人司李惠州性廉動仁恕明允多所平反葉茂以枉論死者出之罔囹民頌青天較上粵閩得黃綰首拔之聯捷清華後卒于官道蒙蕭然祀名宦惠州府志

吳希哲字睿卿淳安人崇正中由進士為惠州推官案無留贖疑獄無不立解谿刻自處經年不用官物署郡篆值建州連平畫疆定制凡城隍位署

祠宇壤賦堡屯之規制俸董其成擢刑科給事中
去

程鐸字仲聲隨州人崇正戊辰進士爲郡司理水
清鏡明檄邑行鄉約保甲稽流寓使內駭無所容
外駭無從至回諭鍾凌秀山寇聽撫論歸歸卽病
卒貧至不能具棺衾士民置櫃投貲以助歸觀輿
論哀思祀名宦俱同上

鄧璉零陵人景泰中惠州府學教授戟門左故有
文昌祠璉徙之盛泮池堯以石誤士條格一遵董
學者之政行之無倦志

張郁蘭昆明人惠州教授剛方耿介期望升座置
諸生有失禮者厲聲訶之幼者扑責之不瑣瑣饒
遺之末人咸稱有古道云

牟應受貴筑人崇正八年以永安知縣陞知連平
州弓田定賦立兵營撰州志勤勞安集以奠民居
有創造之功士民尸祝俱同上

彭彥彬吉水人洪武初由人才舉授蕭山知縣以
事罷後行人司副黃宗載薦其廉能起知歸善縣
清慎公勤廷無冗事省刑罰均賦役民懷其德去
循見思黃志

何世祺字勉翼福清人丙戌進士嘉靖十年以進
士授慈谿知縣改知歸善治辦精敏歲歲稔時

方造冊籍世祺覈戶口杜欺隱豁虛稅老吏奸胥
無所售或白以縣吏有稅契銀世祺曰此已征于
料價矣有稅畝銀曰此里甲自辦工墾矣其不苟
取類此後以調去然至今士大夫言賢令率曰世
祺云黃志

彭良臣衡陽人嘉靖中以舉人知歸善時山寇充
斥占據田土良民征輸波累無所控告良臣節用
緩征拊循疾苦邑近郭繁劇供億不貲良臣竭力
調停民感其德志

鄧鏞晉江人萬曆十七年進士知歸善政尙廉簡
催科得宜築天泉書院與諸生講學肄業擢南戶
部去百姓遮道涕泣

蕭有光德興人進士由湘鄉調歸善勤於聽斷發
施若神諸如清冊籍減丁糧增倉儲修橋梁改學
官事皆克辦人祠祀之俱同上

何阿魯山東人洪武九年歸善縣主簿以寬恕爲
政仁及窮民合境之內呼爲何母黃志

張澄安福人宏治初歸善主簿攝長樂事日持糜
蔬坐公署聽庶務弗懈樽節民財不遺餘慮歲少
款輒發粟以賑請不俟報期月而卒邑人哀憫爭
義牲體獻焉其女年甫及笄却之曰父在未嘗受
饋今必不享惟取所獲冬瓜爲羹朝夕哭奠人嗟

異之惠大記

郭克一字約之惠安人嘉靖中以鄉薦教諭歸善學在郭外廟宇做壞諸生徒寄空藉克一倡新學舍俾士民肄業申飭教條講說經旨士心竦異一年以憂去卒於家志

王宗徐江西泰和人嘉靖二十九年以鄉薦教諭歸善英年雅度樂於訓誨察諸生貧乏分俸給之尤厚其力學者談說經義靡靡可聽鄰庠樂就之多獲其益恩遷開封安慶二郡守同

袁大綸鄞縣人嘉靖十年以泰和訓導遷歸善性敦樸少文奉行教規不為細碎待士誠而有禮諸生貧者以贄上立謝遣而膳金之贏一斥以均諸生諸生服德焉先師廟故有釋菜禮邊豆爵篚取具臨時大綸節縮俸廩創為之遷寧州學正黃志

林和莆田人永樂初博羅知縣為政寬恕不尙鞭朴增修蘇村堤以防水患民受其利徙武安廟以廣學宮士類德之同上

昌祚諱案郝志作許昌蘇州人永樂中博羅知縣始至日農桑學校有司之首務也于是次第行之築堤修學勸課農桑後以憂去士民思之不置惠大記

趙澧全州人正統中知博羅剛明果斷凡所欲為計定卒莫能易城池學校解宇橋梁堤堰多所修

理有遺愛於民同上

邵銅字振聲閩縣人景泰甲戌進士授監察御史謫知壽光改博羅泚政嚴明門無私謁釐革弊資吏卒不敢為奸嘗督造冊籍銅括為易見圖至今博羅傳以為式福建通志

張炫仙遊人宏治中以舉人知博羅縣廉介自持政存寬厚歲旱甚炫縞衣草履露禱赤日中大雨如注先是創立龍門縣割邑之寧集兩圖隸焉越七載民以不便言于朝事下監司檄廣惠二郡人莫能決卒賴炫爭之得復舊同上

林若周字吾從莆田人正德丁丑進士知博羅縣性靜肅精練如素聽訟無越宿者已卯秋流寇入境百姓騷動若周還自鄉閭即集民兵襲敗之尋徵入為南京監察御史惠州府志

胡演桂林人嘉靖中以舉人知博羅縣性平易慈恕政在愛民門絕苞苴清編賦役皆出自裁惟聽訟一意鋤強豪猾頗不便之或讒於御史屬分巡吳彥案驗無實狀欲為之伸雪會御史行部怒杖之血流滿簣竟死而衾斂不給民皆寃之縣自有令來死而得民哀思未有如演者也黃志

吳日強諱案郝志作士強莆田人隆慶舉人知博羅政尙廉察百姓莫敢欺尤加意學校闢羅浮別洞于長

壽宮後築靜觀書院于豫章祠傍以爲多士講學之地貧士困於婚葬者輒捐俸助之索廢寺田若干請爲學田以贍貧士邑人至今稱之

羅浮山志

顏容舒晉江人進士隆慶三年令博羅值寇至躬冒矢石以破羣兇設民兵三百以固圍夏旱步禱七日遂得雨加意學校士民多服其教擢給事中

郝志

鄧以誥新建人舉人萬曆十九年知博羅和易愛民值更賦籍日夜稽覈得吏宿蠹爲之一清葺文廟築太平橋割俸鳩工而民不知役擢刑部主事

歷衡州知府

同上

孫履恒吳江人天啓三年由樂昌令調博羅性高爽伉直盜賊蜂起遴騎自隨捍境禦侮民不驚擾乙丑盜攻元岡請營兵躬率督戰賊遁去旣以忤上官意拂衣歸縣存錢金六十召諸生付修榕溪堤

惠州府志

龍琦容縣人正德五年以掾吏任博羅縣丞時洪溪諸峒賊稱亂監司撫之猶潛出剽掠琦主詰捕單騎詣賊砦視狀賊警曰是將不利于我迺堅壁鼓譟而恐之琦諭以禍福自引滿射砦中其木礮賊懼開門迎入遂見其黨貴之自後無敢肆掠者又嘗主催科故稱羨餘金終事一無所私卒于官

黃志

葉允吉興化人洪武九年博羅縣主簿廉靜寡欲人不敢干以私雖果菜亦無所受

同上

羅順吉水人天順初以賢良方正論博羅士習任俠順督就學舍肄業早夜攜茶粥供其勤者士激勵趨學其自處雖燕居必衣冠對妻子如賓客後遷秩去

郝志

楊國本莆田人正德中論博羅性和易能接士周貧時督學約法欲疏不檢生徒郡邑官多承望風旨毀譽失實國本簡覈精審衆論翕然復議毀淫祠侃侃不阿秩滿遷威州知州

同上

吳廷憲思恩歲貢生萬曆間博羅教諭每與士子講論文藝必以六經子史探究其原本學者遂蒸蒸向古後致仕歸復教其家塾子孫授科第者相踵邑人追慕之祀鄉賢

廣西通志

吳銓晉江人嘉靖四年訓博羅擇士之美質者授之易親爲講說使咸集學舍肄業夜挈茶具行視以稽勤惰翕然向風御史周煦知其賢特疏薦之

郝志

林天賜福清人隆慶末長樂典史士民愛之賊亦畏服時新立永安縣而知縣魏世熙不至天賜適陞陽江簿士庶上書乞留天賜經營縣事許之賊

方巢安民鎮不可城天賜躬率夫役趨事賊不敢
 犯棕峭布履晨夕巡視城者詭倚而和之歎聲動
 地僅六月而城成天賜在事一年結茅茨居妻女
 去之日民有泣下者既赴陽江為怨家所中生築
 城盜官錢逮繫惠獄士民傷之惠州府志
 陳榮祖同安人萬曆十八年以舉人知永安出入
 常賈糧雇役地方無擾革保家以杜侵蝕除陋規
 以飭廉隅民被火者恤之被疫者措之立社學選
 羅光宇等十餘人俾為社師九了樹有虎噬人榮
 祖齋禱城隍虎立斃民立碑于廟紀其事教民種
 麻豆芋薑貧者取給焉陞德慶知州民為立祠刻
 石像祀之志
 馮渠新城人萬曆癸未進士永安令署海豐廉明
 仁恕緩賦平刑逐舞文釐宿蠹禁販鮑以救荒創
 社倉以備歲泄治數月調番禺豐人立碑頌德志
 楊士化天台人萬曆二十九年以貢生知永安革
 去耗糧自雇夫役民居災士化禱之火遂熄早禱
 雨又立應捐俸修學宮勤以課士又建四門樓櫓
 紫金山樓閣外民常病涉建橋以通道至今稱楊
 公橋志
 劉廷祚安福人崇正十年以舉人知永安食蔬衣

布謝却餽遺降心治獄平反得情固圉一空農時
 巡四野勸耕敦尚行誼崇正文體以形家言遷學
 宮于城外歲荒賑饑民賴以存活較正權量俗以
 為便去後為祠祀之上
 林渭閩縣人正統中知海豐縣惇篤而介吏民不
 忍欺在治未二載利興弊革庶務一新卒于官大
 陳一善馬平人嘉靖八年知海豐知縣政平訟理
 恩威並行民愛之若父母去日老弱涕泗遮道黃
 張濟時吉水人嘉靖三十七年知海豐縣慈祥平
 易初泄政博詢民瘼加意拊循先是石橋場鹽課
 司俱罹倭寇濟時乃築土城保障之後寇至民盡
 避城中又于邑治北關一路置堠設兵商旅咸出
 其途立崇報祠以紀其績志
 張璠惠安人萬曆丙辰會魁任海豐至誠惻怛不
 苟刑罰值歲大饑單車發賑不足銖帶金以繼之
 僅三月卒于官民為出涕
 郭成和贛縣人舉人萬曆二十九年令海豐潔己
 愛民修文廟建社學立七都義倉嚴警保甲佐屬
 咸遵約束無敢持檄擾民者拊循實政民思念之
 董繼周玉山人萬曆庚戌進士令海豐愷悌作人
 士之貧者資膏火焉以故人文勃興科甲倍昔邑

向計戶納丁貧富均輸民苦之繼周以米計丁民困以舒俱同祀特祠惠州府志

呂翊洪武初為海豐丞開創縣治勤勞為最廉而且惠邑人懷之黃志

陳日光長樂人成化中海豐縣丞邑僻而習玩前政率因循一切網條數壞好豪寔以不戢日光始振飾之抑強舉廢綽有能登既去邑人立石紀績焉惠大

宋秩莆田人正德中以貢訓海豐學宮圯壞倡修之待士有禮弗率教者則以規條從事諸生敬悅取科第者繼起後致仕歸蘇志

陳敬字行簡河南人敦實有行義先為河南儒學訓導洪武十六年刑部尚書開濟薦為吏部試尚書郎十七年坐罪免歸二十一年起為龍川知縣時盜起為患民不聊生都指揮陳讓領軍追捕未獲敬出奇計誘其會擒之餘黨悉平不遺一矢而成功上下稱之二十三年二月詣閩言事稱旨擢吏部侍郎黃志

宋常字常固新淦人宣德中為龍川知縣為政因民緩急而次第行之嘗新縣治扁公署之後日體仁凡學舍壇壝傾圯者皆復舊觀人稱其能黃志

余溥德化人正統三年龍川知縣行廉而惠歲飢

傾已俸倡僚屬及風曉民間之積穀者各出其餘賑之所活甚眾黃志

孫賦字國用福安人正統間以監生知龍川輕徭薄歛重農勸學數載間增墾田三百餘石奏蠲屯田賠徵米五百餘石黃蕭養亂悉心捍禦招集流亡上下倚之秩滿致仕福建通志

秦宣字德敷曲江人成化初為龍川知縣簡徭薄賦一意休息民便之秩滿去咸不忍釋黃志

洪祉字天惠安仁人宏治八年以舉人授龍川知縣不以家累自隨視民如子徵稅毋盜率有方斷獄明恕尤以興學育才為己任縣故事里甲日致供具社峻絕之卒于官囊無遺貲邑人哀之既護其柩歸鄉復易地構祠表曰清節肖像祀焉同上

林廷植福清人登進士萬曆六年知龍川定婚禮禁淫祠過宰牛邑有魚苗銀毫無染指縣堂倉庫學校百廢具興會白蓮社及候嶺賊作難治有方卒于官士民哀悼為立祠于三里坊蘇志

狄同然溧陽人舉人萬曆十四年知龍川性介嘗畫菜一本于屏以自勵民感其廉惠至今頌之同上

陳堅臨湖人洪武初長樂知縣時民經兵革失業大饑堅疏請賑給從之賴以全活者甚眾復奏立

守禦千戶所創築城池惠大記

習韶字尚鏞吉安永豐人洪武三十年長樂知縣

以德化民孝弟兩言不離諸口勤于撫字勸課四

民各安其業秩滿遷兵部郎中黃志

張鐸湖廣人洪武中長樂縣丞淳朴無華能勸農

力本抑浮侈息謹許滿考民乞留之遷秩知縣又

九年乃去惠澤及民極深去之日民不忍釋同上

陳宗順沙縣人洪熙中知廣東長樂縣導民以忠

信禮義冠婚喪祭循用古典久之恥讓成俗囹圄

幾空二載卒于官福建通志

潘鏞字克鳴上元人景泰辛未進士天順初知長

樂縣剛介有為歲辛巳賊羅劉倖眾千餘流劫程

鄉興寧長樂之境屯據湯田黃寨既破興寧城焚

官署民居遂乘勝攻長樂鏞先設備城守甚堅徵

援兵于外併力禦之賊因乃去民賴以安同時程

鄉典史王景全州人領民壯擊劉倖有功後劉輝

等繼叛撫輯亦平事聞遣行人齎紗絹賞之黃志

黃坤臨桂人舉人宏治八年知長樂縣明慎廉勤

時丁髻賊黎頭拐三百餘人襲破瑞金掠府庫移

文至坤密詢得其要害不旬日而殄滅之民賴以

安後以積勞卒于官惠州府志

李德用字于父棣江人嘉靖庚子鄉薦授廣東長

樂知縣性介而貧不能迎養六年弗遷上官亦弗

與考績德用因病圖歸省乞致仕不俟報徑歸殷

分巡知其清苦檄縣贈金百兩為贖堅辭不受卒

於途父老築却金亭以旌其節又立祠縣左子多

見萬曆甲戌進士獻徵錄

蘇民字利見晉江人嘉靖己酉舉人授長樂令廣

賊盤據山谷督府方議勦詢賊所據壘民具以對

先是督府嘗遣一別駕偵賊被留至是民單騎往

視諭以禍福賊無降意因籍其姓名詳其要領具

上督府設計擒捕二千餘人餘黨聞風悉散會監

司嫉其功遂求免歸福建通志

楊文偉南安人萬曆十一年以貢訓長樂誠正端

介諸生貧者捐俸濟之有冤抑不平代白有司而

不許士子出入公門嘗委視倉從役誤持升斗秣

馬立責還之卒於任貧無以殮諸生醮聘仍請於

直指汪言臣厚卹之福州志

夏則中武昌人洪武二十二年以監生知興寧縣

值寇周三之亂民死徙殆盡其子遺者又以官兵

歷境將羅昆岡之焚則中率鄉老愬於總兵始免

橫酷後歲凶復發廩勸分民賴以甦初則中招攜

流亡欲集矣病官田重稅莫肯承籍則中請以官

田減同民產定賦從之遂以安業民感切骨久而

不忘父老相傳則中請減稅於朝犯天威真之極刑至今人能道其事借諸志不紀其實云黃志

朱孟德海鹽人正統三年以進士知興寧縣蒞政

勤勞養善勸惡勸農稼招徠商旅增學舍飭祠

壇諸凡署館莫不經營尤能以禮導俗振興士類

由是邑人吉凶有事頗近禮儀而人才亦加于昔

居兩載卒于官士民咸共感悵如喪所親惠大記

秦宏臨桂人成化元年以舉人知興寧縣明達剛

介庶務修舉削強鋤弱豪猾斂跡奏立城池不歲

而完其功尤著三年卒于官同上

董英邵武人成化中以舉人為戶部照磨甲午遷

興寧知縣和易近民裁決穎利時稱知體踰年卒

于官惠大記

侯爵字欽爵樂清人由諸生入國學成化中除興

寧知縣甫下車即為條教務農勸學獄囚出數百

人訟至立決民大畏服以疾乞休百姓泣留都御

史咸加慰諭復強起視事卒于官浙江通志

余泰將樂人成化庚子舉人知興寧縣俗尚攻訐

泰至立祠祀宋縣令顏衮等率父老拜謁民始知

義諸生薛緒王天與被誣久繫泰申釋其冤尋乞

休歸福建通志

祝允明字希哲長洲人以宏治五年舉於鄉久之

不第授興寧知縣捕戮盜魁三十餘邑以無警稍遷應天通判謝病歸明史文苑傳

陳孔明池州人宏治十三年任興寧知縣民兄弟

爭田輒口占俚句使自歌之愧悟而去又有勸善

詞曲均善於化導惠州府志

陶金湘鄉人嘉靖丁未自濟源調知興寧廉明正

直人不敢干以私倦倦以愛親敬長為訓有兄弟

爭田者金引咎自責兩釋之俾自思過然疾惡過

嚴曩時狐媚以伺長吏者皆側目庚戌調去士民

皆惜之郴州志

劉應魁曲江人隆慶間知興寧縣時峒獠弗率議

欲勦之應魁建議招撫活千餘人湖南通志

謹案郝志職官有劉應龍江西寧州人而

無應魁之名

史懋文金壇人舉人萬曆乙巳知興寧正直不阿

邑苦毒草自戕以害人力行嚴禁刁風漸息雅意

造士百務整飭遷南雄司李郝志百姓于學右立祠

祀之惠州府志

石承方寧海人歲貢萬曆十四年仕興寧令矢心

冰蘗釋冤獄罷常例惟務以德化民以不能俯仰

致仕去郝志

萬德鵬宜興人舉人萬曆四十七年令興寧蒞政

光明正大剖決如神六曹無敢附耳禁服毒蠱強

豪懲刁訟捐俸置學田渡橋為士民永賴水堦白

持內艱歸囊橐蕭然民思不忘祠之祀名宦惠州府志

劉熙祚武進人舉天啓四年鄉試崇正中為興寧

知縣奸民咬斷腸草脅人財物熙祚令贖罪者必

以草以是致死者勿問草漸少弊亦止課最徵授

御史明史忠義傳

連瓚字鳳雲龍巖人萬曆間思貢授興寧司訓署

本縣事粵寇趙敏等肆掠瓚帥鄉兵殲其渠魁餘

黨奔竄東洋有田千畝被水淹為荒坂民困征輸

瓚築堤捍患田畝悉復士民肖像祀之福建通志

徐仕高瑞州人洪武中知河源縣廉勤自勵威惠

並行邑無廢事民不見吏未幾以憂去百姓思之

黃志

唐耕字廣耘臨桂人與黃驥諸葛平並以才名洪

武丙子舉人由訓導擢河源知縣以廉能遷監察

御史廣西通志

桂孟成温州人洪武中河源知縣梗介廉勤賞罰

明信尤留心于學校構亭于縣治之後暇日召諸

生談經校藝及門之士多底于成又有江秉彝者

為程鄉典史邑中先因賊寇之後不能復業田土

荒蕪稅糧拖負使者到邑追徵嚴急彝赴京面奏

其情得減田糧額召人開耕人蒙其德黃志

謹案孟成明一統志作孟成

鄧文張寧都人洪武中知河源縣奉公守法勇于

有為先是草寇作耗人民流移土地荒蕪文張奏

除田米六千餘石由是流民復業咸獲以安惠大

吳一奇字偉卿莆田人隆慶元年以舉人令河源

是時五峒初平民困未蘇藍能之寇陽聽招撫實

肆劫掠一奇多方保惠以撫瘡痍捐俸賑饑置學

田以濟貧生因無以逢迎上官被論請級民迫慕

之郡志

林大楠莆田舉人隆慶四年知河源仁恕廉幹辛

未水災民大饑窘請府得穀四百石躬自賑給復

諭富戶平糶貧民賴以活兵興剿藍能二溪賊而

楊梅埔車頭二園中多良善力請于兵道止擒渠

魁習從者看之二園中活男婦五百餘人歷遷銅

仁太守上

鍾鎰山東掖縣人洪武初河源縣丞集流逋定版

籍建學校立壇祠凡邑之政罔不具舉後署海豐

縣事海寇猝至城陷死之黃志

劉棖字廷榮宣城人嘉靖二年以監生知和平縣

和平新造之邦棖至始創立公署建月城招徠居

民以實閭井請割生徒以備學制立社學擇民間

子弟教之以風頑梗歲丙戌反側之受誅者復有
異圖會其黨上變告揆聽使擊捕以自明卒平定
之民為立生祠陞衢州府通判上同

陳賓莆田人嘉靖中以舉人知和平時降盜李文

彪將為亂賓白于南贛督府請誅之督府起諸路

兵檄賓以從久之官軍無功文彪復就撫索還其

妻子之俘禁者賓弗與盜逼城賓整兵守禦當道

謂弗達變乃使推官吳浩代之賓以失事坐罪去

而盜熾湖志

李信謹案湖志一作長信揚州興化人為和平知縣城

破與二子泓遠淑遠同時死明史李

國朝賜諡節愍臣錄

廣東通志卷二百五十終

廣東通志卷二百五十一

宦績錄二十一明十

白叔敏 王源

劉湛 周宣

陳瑄 葉元玉

談倫 郭灌

陸佐 袁鳳鳴

何寵 侯必登

郭子章胡喬岳 樊王家李斌

黃日昌劉柱國 彭艾

衡岳 劉秉鑑

劉魁 姚孟賢

宗萬化 龐承寵黃中德

裘賢 楊薰

諸燮 揭鴻

魏一恭何敢復 林元

萬元吉秦傑 陳侃俱潮州

鄭必顯 黃麒俱潮州

曾伯良 徐弼俱海陽

陳察海陽 姚復初

姜森 張廷槐陳廷

宋元翰俱海陽 方驥之潮陽

| | |
|---------------------------|---------------------------|
| 唐宗義 | 沈仲德 |
| 徐資用 | 謝偉 |
| 馮元颺 <small>俱揭陽縣知縣</small> | 許德 |
| 陳琳 <small>俱揭陽縣丞</small> | 季本 <small>揭陽縣主簿</small> |
| 高攀龍 <small>揭陽縣典史</small> | 鄭昇 |
| 宋珣 <small>俱揭陽縣教諭</small> | 劉寬 |
| 鄭懋中 | 文琳 |
| 陸鋹 | 林壇 |
| 林欲榻 | 陳燕翼 <small>俱程鄉縣知縣</small> |
| 歐陽灤 <small>吳循鄉縣訓導</small> | 楊昱 |
| 張濬 | 邱天祐 |
| 管維乾 <small>俱饒平縣知縣</small> | 蔣恩 |
| 許直 <small>俱惠來縣知縣</small> | 歐淮 |
| 方琦 | 李桂 |
| 王演疇 | 張思調 |
| 吳思立 | 史書元 <small>俱大埔縣知縣</small> |
| 左承芳 <small>馮明玠葉日蕃</small> | 王嘉忠 <small>俱澄海縣知縣</small> |
| 趙鉞 | 戴之聘 |
| 沈如霖 | 阮以臨 <small>吳紹賢張瞻韓</small> |
| 朱統鏞 <small>俱普寧縣知縣</small> | 何盛 |
| 孔鏞 | 陳爵 |
| 曹謙 | 陳腆 |

| | |
|---------------------------|---------------------------|
| 莊科 | 石簡 |
| 歐陽烈 | 周仕 |
| 吳國倫 | 楊逢時 |
| 蔣彬 | 曹志遇 |
| 林案 | 申用嘉 |
| 姚繼舜 <small>俱高州府知府</small> | 戴嘉猷 |
| 李渭 | 林資深 |
| 劉元相 | 江龍 <small>俱高州府同知</small> |
| 王名善 | 毛鶴 |
| 陳源湛 <small>俱高州府通判</small> | 楊賢 |
| 袁怡 | 鄭之珖 <small>俱高州府推官</small> |
| 張復普 <small>茂名縣知縣</small> | 鄧昇 |
| 王許之 | 張希阜 |
| 陳王策 <small>俱電白縣知縣</small> | 張景愚 |
| 姚原立 | 顧斌 |
| 廖毅 <small>俱信宜縣知縣</small> | 黃智 |
| 李時敏 | 張冕 |
| 章述 | 祝簡 |
| 黃聰 <small>俱化州知州</small> | 張謙 <small>化州知州</small> |
| 鄒智 <small>化州吏目</small> | 王復原 <small>化州學正</small> |
| 陶歆 <small>吳川縣知縣</small> | 汪季清 <small>吳川縣丞</small> |
| 謝濬 | 項汝廉 |

俱石城縣

倪望 石城縣

徐鎰 石城縣

明

白叔敏不知何許人洪武十八年知潮州府興學校課農桑持身清白不敢干以私時郡多絕戶荒田稅糧令民賤納至鬻子女不能給叔敏奏除之至今人懷其惠

王源字啓澤龍巖人永樂二年擢進士授庶吉士

改深澤知縣召為春坊至司直郎侍諸王講讀遷

衛府紀善移松江同知以母老乞歸養服闋除刑

部郎中英宗踐阼擇廷臣十一人為知府賜宴乃

敕乘傳行源得潮州府城東有廣濟橋歲久半圯

壞源勸民捐萬金重築之以其餘建亭設先聖四

配十哲像刻藍田呂氏鄉約擇民為約正約副約

士講肄其中而時偕寮案董率焉西湖山上有大

石為怪源命鑿之果獲古骷髏怪遂息乃琢為碑

大書潮州知府王源除怪石會杖一民死子訴諸

朝并以築橋建亭為源罪逮至京罪當贖徒潮人

相率扣閭乃復其官久之乞休潮人奏留不獲祠

祀之明史循吏傳陳白沙謂更于潮者多矣其有功而

民思之唐莫若韓愈國朝莫若王源錄

劉湛字嗣澄桂林人舉人正統間知潮州府時有

漳寇林烏鐵等擁眾擾郡之三饒勢甚猖獗湛躬統民兵剿捕殆盡郡中二年稅糧民苦荒歉不能輸湛奏免民甚德之黃志

周宣字正舉龍溪人正統乙丑會試第三人授戶部主事出知潮州修文廟葺韓江橋築海隄擒殺海寇黃于一山賊羅劉倬等撫其眾歸被擄男婦數萬人賊平改惠州潮民丐留不得亡何海寇復起圍潮城殺通判指揮引隄水洩民廬舍當道從

民情檄宣入境約日招降至期渠魁駕船數百艘

赫然而至宣諭之賊皆投戈羅拜遂單騎詣壘徧歷二十四村見賊尙圍營結寨知其心懷猶豫乃告當道曰賊疑矣羣心不協可殲也鼓而殲之潮地悉平福建通志

陳瑄字元獻眉州人景泰甲戌進士擢御史以言事謫尉建陽天順初遷知潮陽廉斷而恤民以興賢作士為務會夏嶺盜起嘯聚以千計航海攻城

轉掠諸村瑄多置烽墩以窺賊嚮及預為守戰各具晝夜登陴令室人具食饗士士感奮願效死賊

謀知備嚴遁去瑄命追擊大敗之會大兵進勦復密遣謀士誘執其渠魁餘黨撫安以功遷本府知府潮志

葉元玉字廷璽清流人成化辛丑進士授戶部郎

出守潮州以道義示潮士潮有少卿吳一貫者元
玉同年友也向元玉求澳田其地為番倭船依棲
之穴每開耕必有劫殺久為潮人害元玉執弗與
移書責之福建通志

談倫字敬仲鄴水人進士正德八年知潮州矜恤
民隱奏免無徵米潮人世戴之脩橋築堤多有政
績入覲再任卒于途黃志

郭灌字達誠江西廬陵人性峭直端方不輕借人
以色笑望之知為有道長者登進士謁選授刑部
主政署員外郎冤獄多所平反四年外擢浙江寧
波守一載艱歸服闋改知潮州潮陽商舶如織稅
絕不入私囊人士迄今尸祝欽定四庫全書

陸佐字子翼嘉靖丁未進士歷官潮州知府念郡
城久圯浚濠修堞已而流兵突劫藉以安堵民甚
德之浙江通志

袁鳳鳴字子時沅陵人嘉靖戊戌進士初令貴溪
以治最召授監察御史喜彈劾出刺潮州首詢民
瘼理冤獄禁侵漁抑豪右寬濫征省繁役政暇聚
諸生解經課業聲譽不倦後竟為權要所中改任
士民遮留謝之而去嘉靖志

何寵字汝錫臨海人嘉靖癸丑進士歷官刑部郎
中出知潮州潮素患倭寵一以靜鎮徐察其利病

興革之軍興旁午民不知有徵發忽寢疾聞郡奔
走祈請及卒罷市巷哭肖像祠之浙江通志

侯必登江川人進士隆慶初以兵部郎守潮時倭
擾後山海薦警井里為墟必登首罷一切苛條與
民休息而沈幾有雄畧善得賊情竟以談笑指揮
先翦其羽翼劇賊屏跡民得更生嘗以試事之省
會道經賊巢賊聞之相率羅拜馬首肅隊前驅威
德服人如此嘉靖志

郭子章廬陵人進士萬歷間知潮州有才名政尚
整肅吏畏民安著潮中雜記補前志所未備學者
稱為青螺先生有專祠其後胡喬岱亦廬陵人置
學田以贍士金時舒晉江人修學宮以育才俱不
失為賢守潮州志

樊王家潛江人進士天啓間知潮州廉正執法裁
抑豪右民賴安輯繼之者有李斌晉江人尚簡
易尤精鹺政不致於繁苛擾民一嚴一寬皆有功
於潮郡嘉靖志

黃日昌晉江人進士崇正間守潮政尚寬大平易
近民民思之立廟以祀其後劉柱國潛江人崇正
辛未進士治務方嚴嘗舉孝廉楊開於朝兼攝鹽
政剔除夙弊南人建坊以銘其德升廣東巡海道
後移湖南以張獻忠之亂殉節湘陰皆郡守中之

後移湖南以張獻忠之亂殉節湘陰皆郡守中之

表表者上同

彭艾江右人洪武初為潮州同知廉潔公恕嚴課學校歲旱禱雨即應秩滿去民皆擁道留之不得至今思之不忘黃志

衡岳汝寧西平人中河南鄉試遂升太學三十年詔國子監選諸生通理道者赴詹事府議事六館之士咸推岳往敷陳時政切而不迂所司以聞擢潮州府同知岳約已惠民自常祿外饋遺一無所取布衣蔬食不異寒士嶺海間翕然稱其廉三十五年遷陝西西安府知府其清操善政如在湖時身大記

劉秉鑑字遵教安福人尚書宣仲子登進士累官河南副使嘉靖初左遷韶州通判轉潮州同知蒞政廉明篤志古學政暇輒與諸生講究經籍多所發明一時翕然宗之毀淫祠以正人心省民邀福之費越二年陞臨安知府赴任卒于英峽士民哀之潮州府志

劉魁泰和人正德中舉人嘉靖初為潮州同知潔已愛人扶植風教明史本傳潮地素富饒官其土者華賧相尙魁獨安儉素布衣糲食有貧乏所不能堪者通志姚孟賢字汝德號斗南慈谿人隆慶戊辰進士先

任貴池令為巡撫海忠介所知薦于朝遷潮州府同知時巨寇朱良寶作亂孟賢戮力從戎衷甲不解者半年卒剿滅之潮舊有四賢祠增孟賢為五

潮州府志

宗萬化字羅中上元人萬歷己酉舉於鄉謁選得北直景州值山東白蓮教亂萬化大破之捷聞御史吳姓給事解學龍交章薦補廣西左州一年轉潮州同知時攝府篆海寇劉香老犯沿海諸郡甚猖獗總督熊文燦屢喪師欲苟且就撫召監司以下議有康某者阿文燦意請親詣賊舟餘卒唯唯萬化獨爭曰古之撫賊者必我足制賊賊畏威而懷德然後聽我譬之馬街魯在手可東西驅也今我師屢挫賊甚張如徒手驅猛虎欲絕我馳驅必不得矣盍先謀大折其鋒不然必不可文燦色變目攝之遂罷議康某遣萬化同往賊舟萬化固辭賊卒挾康揚帆去謹按潮州府志副使康承祖因降賊扶文燦以其言中愈銜之而萬化攝篆時試士裁抑魏黨通政使吳殿邦至庭叱之批其頰殿邦門人適巡按廣東遂與文燦交章誣以通賊多受遺然事皆無証驗而萬化亦以病死矣明史本傳龐承寵吳江人進士崇正間由僉事謫任潮州同知恬靜有介節遷秩去父老造道送之其後黃中

澹廣昌人由本府通判陞同知廉靜愛民時有前
龐後黃邦人安康之頌林志

妻賢安慶人宣德五年為潮州通判為政公勤愛
民如子公退則杜門以絕私謁嘗出勸農釋冠帶
執農具以耕其妻饑之其年大熟人皆以為勸農
所致後卒于官士民哀之黃志

楊薰字太和南昌人正德三年進士任潮州通判
耿介特立居官貧甚雖正俸猶恐為已累陞知州
去發無銖積潮宦議清苦者歸之後復遷惠州府
同知若節自勵惡衣糲食晏如也妻喪殮送過海
知府陳祥賻以堂食之餘薰峻却之時與祥通判
萬某號曰三清云潮州府志

諸變字子相餘姚人嘉靖乙未進士以兵部主事
謫潮州府通判二十一年署惠來縣事時縣初草
創政平訟簡視民疾苦若恫瘝在躬先是南城逼
縣治民居弗安二十七年海寇掠城外乃召耆老
莊文鳳等曰城外民居寇至無以為守城南空虛
湫隘非縣治所宜今宜開拓數十丈以圖民居所
謂一勞永逸者也眾深宜之乃申請如議費役有
經規模宏廓民得莫居無寇賊疾疫之患皆變之
力也黃志

揭鴻字于漸將樂人嘉靖己酉應天舉人知兵法

短小精銳舞槩如飛初判潮州署海陽兩剝蘆清
神山溝及石帆倭寇前後斬級奪男婦六百餘人
南洋賊王若魯擁眾萬餘焚劫逼城鴻單騎撫諭
探虛實領兵力戰生擒賊首并其餘黨五百人救
被擄者三千人轉連州守致仕福建志

魏一恭莆田人進士嘉靖間以刑部員外郎謫判
潮州清修特著遺愛在民其後萬歷間有何敢復
興業舉人以兵部郎中亦謫潮州別駕後遷同知
嘉惠學校在海陽置市租佐祀在澄海建韓祠與
諸生課業所至皆有惠政今配享澄海韓祠潮州府志

林元龍巖州人宣德間由貢士歷潮州推官審獄
明允釋無辜者百餘人民稱為于公復生福建志
萬元吉南昌人進士崇正間潮州節推青年負氣
節風采凜然洞悉民隱摘發隱伏老吏弗如後為
都御史殉節潮州府志先有秦僕者亦南昌人風裁
峻峻挫抑勢要細民以安皆推官之有聲者潮州府志

陳侃字邦直沙縣人景泰三年貢士授潮州推官
築雲步隄以障海壩時颶風大作海水奔駛壞隄
數百里民居墊溺侃沉鐵以殺水勢然後漸施人
力功成民德之福建志
鄭必顯閩縣人成化間以舉人官潮州教授學故
有山祖為豪民所占莅官者屢謀不克復必顯力

請於上官按籍得之事既白遷諸生之有德者司之以其租給諸貧士助膏資纖介不染勒碑誌之

以明初志潮州府志

黃麒建寧人負夙儒望學者稱石間先生正德間

為潮州府教授勤於教士淡薄自甘為學宗朱子

暇輒與諸生講究朱陸異同持論無阿比諸生貧

乏者分俸周之潮人感焉事之惟謹人聞采風錄

曾伯良南城人永樂八年知海陽縣視篆後立牌

于城隍廟曰有外施仁義內藏禍心者神必殛之

又書清白傳家四字于寢室民愛之如父母及滿

秩去父老持禮幣贖之一毫不取潮人慕祀之大粵記

徐弼字良佐漳浦人成化庚子舉人初知海陽修

復陷湖大隄以興水利尋改保昌請蠲無征米千

餘石民免貽累以不能諂附逆瑾勒令致仕福建通志

陳察常熟人進士嘉靖間以太僕少卿言事謫論

海陽狷介自持教由身範不以冷職介意士心歸

之後官至都御史蘇州志

姚復初洪武二年知潮陽時天下初定吏事草創

復初每為經久計加意拊循新附樂業革陋更始

復城隍置社稷興學校次及廨宇司局之屬諸廢

畢舉尤首重制科及明經孝廉之薦一時所得皆

知名士在職七年以治最遷去蘇州志

姜森字元茂慈谿人舉人宏治三年任潮陽知縣

洞察民隱鞠獄得情民甚懷之今祀于名宦祠黃州志

與郡守周鵬開潮陽城河以通水利功莫大焉潮州志

府志

張廷槐莆田人進士宏治十六年知潮陽縣警敏

有才剖決無滯勢豪多斂跡今祀名宦祠黃州志先有

永安陳隆令是邑清修豈弟而廷槐又重修城河

皆足續姜森之緒云蘇州志

宋元翰字良翰莆田人孔時子宏治乙卯鄉試第

一知潮陽潮人性好武斷陰持人罪相搆陷元翰

論以釋怨脩睦民感懷之山賊曾犯頭犯境討平

之尋乞歸福建通志元翰奉母教甚謹每月朔必矢於

神謂無敢贖貨以干冥罰聽者悚然士民為立專

祠祀之扁曰遺愛潮州府志

方驥之莆田人授潮陽尉遷本縣丞持躬廉潔有

善政尋移東莞冠賊竊起驥之奮然曰官斯土而

不捍斯民吾將負丞遂統弓兵野戰沒於陣廕一

子家貧不能歸聞占籍惠來祀鄉賢今惠來方氏

其後云同上

唐宗義廬州人洪武三年任揭陽知縣見吏胥里

甲多罹獄具愀然問曰爾等何至此耶各自白其故

因諭以釋之歷政三年徭均訟簡民懷其惠陞廣東都司斷事黃志

沈仲德江西人由人材洪武十四年任揭陽知縣識見洞明秉心忠直能容人小過嘗丈量田地以均稅畝遇攢造更定都圖以為民便民咸德之

徐資用莆田人進士永樂二十年知揭陽縣博學有才且端謹政暇則與生徒講究經義古昔事業興學校訓童蒙有良吏聲

謝倬福建惠安人由進士成化五年令揭陽清慎有為撫字不倦甫一載而儒學月臺饌堂牲房祭器戟門三壇養濟院縣獄講樓坊牌公署諸廢具興奔喪之日窘無餘囊民借之上俱同

馮元颺字爾致慈谿人進士天啓間為揭陽令時海寇偏處併力却之山寇肆掠率鄉勇破其砦賊平考最擢戶部給事中嘗建文起書院士民即其中祀焉史餘

許德揭陽縣丞增闢公署核實田畝上其冊籍贖東行省參政周楨加旌資蘇敬

陳琳字玉疇莆田人進士授御史督學南畿正德二年以言事左遷揭陽縣丞蓬萊縣志性溫厚謙

慎處僚友怡然不立畦岸毀淫祠興學校簡詞訟會調海豐兵赴程鄉道出邑境突至城下百姓驚

怖琳即控馬出左右曰或不測奈何琳叱曰是非汝等所知也亟詣將領諭以收兵導之出境民乃晏然邑水多土淖城善圯琳於脩城之役功尤多後官至南京兵部侍郎黃志

季本字明德會稽人以理學著學者稱彭山先生正德中進士由御史謫任揭陽簿時王守仁倡教

顛南相與講論在任力行鄉約以示旌別尤為守仁所稱蘇志

高攀龍字存之無錫人進士萬歷間以行人言事謫揭陽添註典史勤於職業能匡令長所不逮嘗集程朱諸子要語以示揭之學者多所裁正後官

至都御史天啟間疏斥魏璫之奸被逮殉節諡忠憲蘇志

鄭昇侯官人宏治三年教諭揭陽問學該博衣冠整飭寒暑不廢日進諸生講解經義從容論難嘗

和龜山此日不再得詩以勵之明倫堂傾圮移文鼎新規制加偉時有議省學倉併于際留者昇爭

之曰此祖宗成法不可變也使吾師生候文縣司豈所以養士哉事聞巡撫是之嶺東一道學倉得

不廢者昇之力也主議者銜之及昇應聘文衡將折挫之屹不為動以夏去後陞北國子助教轉岷

府長史卒黃志

宋疏字德中賓州人嘉靖乙酉舉人授揭陽教諭擢銅梁知縣專尚德化釋李方等九人之冤酉陽永順十四司構怨上官命招撫之衆皆輯化時有馴鶴嘉禾之異邑人建集鶴亭進儋州知州鋤豪強寬徭役弭昌江水患復榕莊公田化生黎爲編民奏立順黎附黎二圖鄉閭安業未幾卒於官民爲巷哭後祀於東坡祠粵西文載

劉寬洪武間知程鄉廉節勤儉鋤強植弱凡百興作惟懼擾民罷之徭役務覈丁糧多寡爲等毫不容私巧猾斂迹當赴覲道卒民迎其櫬還邑泣拜設奠仍護之歸鄉志

鄭懋中名薛以字行晉江人洪武丙子領應天鄉薦三十五年知程鄉縣寬恕廉慎治先禮義不尙法律自奉淡薄無所取于民有豪猾吏素爲民害懋中至首按之死于獄民大悅爭訟者至庭輒以理委曲諭之或未悟令退而思之卒感服不施鞭扑詞訟以簡縣中稱治謠曰鄭懋中眞長者禁令不煩徭役寡斯民相見何嬉嬉昔日無羊今有馬初程鄉民鮮知學懋中至首作新學校親爲生徒講解自是始有進士登第者一日感疾戒其子並戒其吏章華曰爾領縣事須體我心毋害我民言畢乃具湯沐正衣冠就寢瞑目而逝民哀慕之共

昇其喪歸葬復立像于漢令會芳祠合祀焉黃志

文琳浙之龍泉人監生正統七年令程鄉蒞事公勤撫字有方鋤擊豪猾約束戎士興學課農勸賞得宜軍民無不畏服黃志

陸振字克潛平湖人成化間由貢士知程鄉縣程鄉在山海間多剽盜振初至議者皆以珍盜爲急振謂與民未有恩信何遠勞民乃新學舍以禮義勵諸生問民疾苦晝夜不息期年之後始團練義勇間出剿寇斬捕常至于百盜賊畏威慕化相約無犯邑人構訟多以賂勝振門無私謁健訟者不得行訟遂息以母喪歸民號泣攀轅者數千人出境而後返行至常山以哀毀致疾卒振性至孝父珪患癰吮之而愈母畏雷致趨侍達旦不寐任程鄉爲政廉肅程鄉人立祠祀焉浙江志

林壇字世榮莆田人先以舉人典教新會陞南雄教授純心篤行內和外剛一介不輕取予督學歐陽鐸褒之稱爲博士第一嘉靖十年擢令程鄉其政以鈕奸抑暴興學爲事訟至以理論之民自輸服祀名宦同上

林欽棉晉江舉人萬歷間知程鄉實心任事勤于咨詢會歲歉饑民攘奪欲棉亟行賑濟躬詣各鄉散給存活無算邑民至今思其德鄉志

陳燕翼侯官人進士崇正間令程鄉性恬淡抑暴恤弱有古循吏風建五忠祠及鐵漢樓以示景仰往哲之意士民咸愛戴之志

歐陽灤江西泰和人正統間以明經任程鄉訓導關齋舍勤教誨值閩寇流劫灤設方畧嚴守民賴以安其後教諭吳循博涉經史著述甚多與諸生講藝寒暑不輟與灤後先繼美志

楊昱字仲明會稽人由舉人歷教職成化十三年陞饒平知縣饒始分治民多頑暴昱以嚴治之建城池置公署興文學闢田野驅犂勸農桑均賦役教民禮樂駸駸向化三年政教行歌鹿鳴者六人成化中年內府徵金郡邑科於民民之黠者計

構之遂註誤去饒人思其惠不忍沒其功為立去思碑望耕臺以寓意今祀名宦祠黃志

張濬字哲之閩縣人進士成化十六年知饒平縣脩教令興學校廉能公恕人不敢干以私時斗老謝全數廢法亂政濬笞殺之金子才訟上官濬不自白鬱惋病疽卒家人空囊歸櫬民哀之祀名宦饒平志

邱天祐字恒吉莆田人進士宏治二年以進士令饒平卓有風裁縣署遭燬內自脩省外力經營一切新之徙城隍祠於沿途舖舍廉能大著庭產芝

草時以為瑞尋丁外艱起為監察御史黃志管惟乾柳州舉人嘉靖間為饒平令時土寇張璉叛三省會剿惟乾築營堡練鄉勇饋餉不置賊就擒復興學立社招集逃亡以收殘黎饒民至今思之志

蔣恩字石城全州人舉人嘉靖五年令惠來時縣治創於曠野民居公署俱未建恩至富民間始相度基址營建公署分畫街市以奠民居踰暮就緒雖工役繁興民不苦勞城宇既完乃撫字疲瘵勸課農桑作育學校使民知所嚮方蒞任六年卒于官百姓思之立遺愛碑黃志

許直字若魯如臯人崇正七年成進士出文震孟門以名節自砥除義烏知縣母憂歸哀毀骨立終喪蔬食寢柩旁起補惠來縣著有清望徵授吏部文選主事進考功員外郎明史本傳直任惠來時值歲

荒賑濟有方民賴生全者數萬其後閩賊破都自經死贈太僕卿諡忠節許氏家乘

歐淮字汝潤樂平人舉人嘉靖五年知大埔縣時埔治草創淮以鍊達之才悉意經營建城郭構公署興學校凡諸設施調度卓有條理且勞來安集政教寔行惜未及期而卒埔民思之嘉靖甲辰祀名宦祠黃志

方琦字懿卿柳城人舉人初授鉛山教諭嘉靖八年擢知大埔縣為人周慎文雅敷政明恕時創邑未久凡公署學宮壇墀之類皆自琦完美創建橋梁民無病涉作興學校士知振奮至其清操歷七年始終如一以考察罷去士民慨歎嘉靖甲辰祀名宦祠上

李桂字廷芳全州人嘉靖十七年以舉人教諭權大埔令沉毅剛介公廉明威不避權勢決獄發奸如神百姓咸服本縣多增田近例重徵軍餉桂因民訴輒為申省之民苦于三河滿稅桂亦為申革節用愛人崇文作士簡徭役賑困窮抑強梗卓有古良吏風政聲昭著屢膺富道之獎明年以憂去囊無餘積諸生爭助路費歸知府鄭宗古率僚慰贖百姓遮道垂淚清遠都民繪像立祠祀之

粵大記

王演疇彭澤人進士萬歷間由醴陵改知大埔性簡澹為政務救患宣滯無貴赫赫名荒政郵政皆有條理經久可行以治劇才調海陽

縣志

張思調字復元繆林州人以舉人為大埔令慈而介萬歷丁巳歲歲饑民譁而掠比戶竄匿時清遠賊王和尚方熾思調慮其相合為變悉心籌畫賊首就擒民以安輯卒于官上

同

吳思立字叔禮南平人以貢授茂名教諭以師道自任茂名舊無文廟思立請建之尋陞國子典籍出宰大埔有堽坑看牛坪三賊巢世為潮害諭以恩信賊陽服陰叛思立廉知其狀乃相機搗巢不煩甲兵賊黨悉平潮民勒石頌德

福建通志

史書元晉江人歲貢萬歷間知大埔縣折獄明決尤軫恤民艱胥徒借擾民必懲之如法洪水冲突為請蠲賑所活無算後以綜覈田畝中畫語去民咸寃之

縣志

左承芳字宜桂寧德人初置澄海縣承芳任之值海寇林鳳薄城下統眾登陴擊破之民得安堵闢草萊定民廬均里役厥功偉焉後去官民立碑頌其德祀之名宦祠其專祠以祀者則自華亭進士馮明玠明玠以經術飾吏治卓有政聲後遷御史又葉日蕃者字巖叟易門舉人以澄邑文風興發詳請增額為大學士感其意比戶絃誦通衢僻巷至丙夜猶聞啣喁聲政多可紀遷太平府同知亦祀名宦

潮州府志

王嘉忠號全吾東陽人萬歷丙子舉人以教諭改知澄海縣浚山川築石梁民利賴焉俗例上元中元日男婦跨彩橋禮佛諸惡少豔歌詭浪嘉忠毀橋懲其首事者著為令

浙江通志

趙鉞閩縣人舉鄉薦嘉靖四十四年為普寧令時縣治初設單車至任不携妻子戢盜安民三年而普大治適增城令缺檄鉞視篆惠政有加焉比代去民益思之祀名宦郡志

戴之聘灌陽人萬歷間歲貢授普寧知縣有善政骨鯁無逢迎改授益藩理問校尉有不檢者輒以法繩之忤王意遂拂袖歸杜門著述廣西通志

沈如霖字春渠歸安舉人萬歷間為普寧令設縣幾四十年草萊未盡闢如霖至清賦役保善良日進諸生課之稅使恣擾調劑得宜民受其惠郡志

阮以臨字象原桐城人授普寧令時民苦盜以臨緝其渠魁置諸法境內又安升知欽州其後南城吳紹賢海鹽張瞻韓皆以公正廉明為民所愛戴紹賢以崇正乙亥膺卓薦而卒於官瞻韓則以忤上官落職去之日閩邑之民垂泣送之潮州府志

朱統綱明宗室建昌歲貢崇正庚辰知普寧修城堡禁曠徒賑饑民勵精圖治癸未冬劇盜朱晚等流劫各鄉統兵壯擊之賊方熾統綱策馬陷陣身

中八刃四鎗血流斗餘昇回猶大呼殺賊而死同時戰歿者八人事聞贈太僕卿祀名宦同上

何盛大興人由舉人為六安州知州景泰初陞知高州府公明剛直抑強扶善興利革弊禁淫祠絕

巫術自是百廢脩舉所屬奉法又建讀書帷于府學中以較士獻徵錄郡城外西北坊廂民多聚居景泰初蠻寇肆掠高涼炭山賊乘隙劫擄盛召集邑

令談公祥坊老莫暹等共謀立柵開墾密種刺竹以防禦之眾以工浩力寡恐弗克濟侯曰是非爾所知也遂命民壯及居民採木為柵掘地為塹緣

以竹刺盛躬臨經畫不憚勞瘁僅及兩月而完計七百九十餘丈建鼓樓鳴柝以防晝夜設保民寧

江靖江清江四門以嚴出入以故賊雖連歲流劫終不敢至陳演保民記迨天順己卯臘半賊聞盛往述職猝來犯城荷梯欲從東入阻于刺竹柵墜之險

棄梯而退城廂均賴以安獻徵錄孔鏞字韶文長洲人景泰五年進士知連山縣搖

撞出沒鄰境民悉竄鏞往招民驚走鏞炊飯民舍留錢償其直以去民乃漸知親鏞相率還鏞慰勞

賑恤俾復故業教以戰守道路漸通縣治遂復都御史葉盛征廣西以鏞從諸將妄殺者鏞輒力爭

所全活甚眾成化元年用葉盛等薦擢高州試知府前知府劉海以搖警閉城門自護鄉民避搖至者輒不納還為搖所戕又疑民陰附賊輒戮之賊

緣是激眾怒為內應城遂陷鏞至開門納來者流亡日歸城不能容別築城東北居之附郭多暴骸

民以疫死復爲義塚瘞焉時賊屯境內者凡十餘部而其魁馮曉屯化州鄧公長屯茅峒屢招不就鏞一日單騎從二人直抵茅峒去城十里許道遇賊徒令還告曰我新太守也公長驟聞新守至亟呼其黨環甲迎及見鏞坦易無駟從氣大沮鏞徐下馬入坐庭中公長率其徒弛甲羅拜鏞諭曰汝曹故良民迫凍餒耳前守欲兵汝吾今奉命爲汝父母汝我子也信我則送我歸資汝粟帛不信則殺我卽大軍至無遺種矣公長猶豫其黨皆感悟泣下鏞曰餒矣當食我公長爲跪上酒饌既食日日且暮當止宿夜解衣酣寢賊相顧駭服再宿而返見道旁裸而懸樹上者繫繫詢之皆諸生也命盡釋之公長遣數十騎擁還城中人望見皆大驚謂知府被執來給降也盡登陴鏞止騎城外獨與羸卒人取穀帛使載歸公長益感激遂焚其巢率黨數千人來降公長旣降諸賊次第納款惟曉恃險不服鏞選壯士二百人乘夜抵化州曉倉皇走匿獲其妻子以歸撫恤甚厚曉亦以五百人降己與僉事陶魯敗賊廖婆保他賊先後來犯多敗去境內大定上官交薦權按察副使分巡高雷二府益招劇賊梁定侯大六鄧辛酉等給田產分處內地爲官備他盜廣西賊犯信宜岑溪皆擊敗之

治績聞賜誥命旌異遭喪服除改廣西搖撞聞鏞至悉遠遁十四年兵部上其功賚銀幣尋進按察使荔浦賊入寇總督朱英以兵屬鏞擊平之進食二品祿已遷左布政使明史本傳陳爵字良貴南靖人天順丁丑進士知揭陽縣嶺南山海寇並起賊首魏崇輝羅劉倬等各據要害爵親詣賊舸諭之不從乃下令撤民廬舍以材木圍匝於外築城濬池爲守備計未幾海寇大至爵躬擐甲胄冒矢石爲士卒先賊知不可犯乃引去尋詔閩藩督軍來討爵率民兵以應賊首相繼授首事聞擢知韶州改高州卒揭陽民立祠祀之通志曹謙字延遜景泰初領鄉薦授潮州同知徙韶州所至以廉能稱遷高州郡守搖撞出沒剽掠民不聊生謙綏禦合宜羣夷帖服至有迎拜道左乞田輸稅者高人祠之浙江通志陳腆字洪載晉江人進士正德三年知高州府公平寬厚恬靜好學政暇與士子講解不倦浙江通志莊科晉江人由舉人任開建知縣正德七年以賢能改順德公平愷悌下民安之後陞南京刑部主事歷高州知府卓有政聲山寇發請兵剿平之不黃志以爲功

石簡字廉伯海寧人嘉靖癸未進士授餘干縣陞文選郎中十一年外補高州知府高州當搖賊焚掠之餘多方料理民得蘇息戴之如父母後改知安慶府去

歐陽烈字懋之泰和人舉人嘉靖二十五年守高

州公廉慈惠愛民如子建拱極書院聚六庠士之

尤者以二府王佐專院事取師儒而分督之定期

立會親與諸生講學敦實行黜浮靡一時士類爭

自濯磨刊禮畧以移民風礪州海外不知文教立

祥龍社學訓其子弟拔其秀者充側陋生養于府

庠頒舖租以給生徒立學田以供祭祀凡百脩舉

務在與民休息蒞任五載以報政去士民自立遺

愛祠而歲祀之

黃志

周仕字君可金陵人

謹案郝志作武進人

以蔭授中府都事

擢潯州太守以憂未任服闋改補高州郡去省寫

遠吏茲土者多刑法自利仕未入境有餽路資者

竣拒之到官潔身省費不受供給一錢而於利弊

興革一一舉行如興學校修城隍清獄囚弭盜賊

考課為嶺南最百姓愚者向化頑者消梗守六載

政平治理而廉靜無欲始終不渝高人頌之臺司

獎薦無虛日屢乞休撫按輒加慰留嘉靖甲子陞

陝西苑馬少卿

錄

吳國倫字明卿興國人嘉靖己酉舉鄉試第一庚戌成進士授中舍尋擢諫垣與李攀龍王世貞徐中行梁有譽輩齊名會楊繼盛以疏斥分宜奸邪

論死知交親戚悉諱避引去而國倫與世貞往哭

之哀且恤其孤分宜聞而恚恨竟為所中左遷憲

幕浮沈下僚者十有三年及分宜敗稍遷至譙郡

守復徙高涼適島獒侵境民無固志國倫謹斥堠

勤訓練間出奇兵搗其巢而俘其衆賊始遁去郡

藉以安於是捐俸開館訓迪維勤文教武功翕然

並率士向化而民歸心焉初國倫以詩名重海內

至是保障一方而聞者又咨嗟艷慕謂詩不足以

盡之云

高州府志

蔣彬字元中吳縣人嘉靖己未進士隆慶六年由

禮部出守高州值寇屠電白彘獠相煽殘破諸州

邑彬知彘利藥弩偵得其法殲力捍禦得死士二

萬剿滅賊首吳邦倫梁以節賊黨黎宗京復畔彬

計擒之其子煽眾噪城下立斃之餘孽李觀祥等

據險負稅單車往論爭出巢納款亂始戢立社讀

法延師訓誨習俗一變以觀行乾隆五十七年追

祀報德祠

高州府志

楊逢時字景渚荊州人進士萬曆三十年知高州

府嚴杜私謁水操嶢然亦復和易近民殷勤造士

政成擢廣西學憲志

曹志遇字二箕興國人進士萬曆四十年以尚書

郎出守高州丰神岳立凜不可犯豪民蠢吏相戒

屏跡重建郡學創筆山書院立表忠祠復古南門

築修府志皆捐貲為之尋擢羅定兵憲老幼攀轅

塞道立高山堂祀之志

林宗字肖考漳浦人由舉人崇正四年以比部郎

出守高州仁禮存心寬嚴得體捐俸立夜總巡緝

城郭民間無鷄犬驚改建察院公署上臺使之觀

行擢雲南憲副民不能忘上

申用嘉字美中申時行季子也辛未出守高州潔

己勤民以捍海賊劉香老功奉旨紀錄癸酉入覲

藏吏報存贖緩十錠可給芻秣費籍而貯之以行

魏叔子集

姚繼舜桐鄉人崇正七年知高州府政平訟理講

學明倫嘗令城外四關起造社學設立社師捐俸

置田以供給之遠近士民彬彬向化比之文翁之

造蜀云志

戴嘉猷績溪人進士任禮科給事中諫武宗南巡

下詔獄謫尉臨桂歷陞高州同知署雷州事端嚴

明決不數月黜賊吏十餘剷除宿弊豪猾斂跡郡

事清簡時久旱嘉猷齋心禱雨立應民苦饑即請

賑貸之舊有護城堤嘉猷以為隘興工增修建石

闢六以洩內流易地一區建亭紀事樹文明坊於

府學凡公署頽廢者無不捐貲修飾任逾八月風

采振肅四境安謐志

李渭字湜之吉水人弱冠登賢書初令華陽遷高

州府同知至則謁甘泉湛先生修復書院教授諸

生疊疊不倦而以其間飭武事備不虞西賊來攻

渭率所部授甲置陣為三伏以待賊竟引去時方

變里甲為均輸渭劑其多寡官為主辦放民歸農

至今著為令合浦吏以美珠進化州吳川吏各以

兼金進皆斥去不願晉應天府治中南戶部員外

郎再轉工部郎中出知韶州府先是韶有二源之

役百姓苦之多去為盜渭集寮屬諭曰夫子告康

子以不欲弭盜之本也倘身為窳壑是我為盜牟

何以責之民乎弭山中盜易弭心中盜難請君勉

之聞者悚息居韶治最當遷而部民以借寇請詔

進服俸知部事如故再入覲時穆廟宴天下守令

卓異者七人旌之幣鈔渭與焉還詔晉副使平惠

潮討朱良寶克成厥功恩賚加等經畧惠潮水寨

更置守巡建清遠邑治開驛從峽中東山達英德

以通東粵皆渭之謀也志

林資深字學靜福清人嘉靖丙午舉人授羅定知

州改禱崖州黎蠻雜處民多失業乃相地濬溝引南北水合注平壤溉田數萬頃黎寇與多港構難撫諭有方境內牧宰民碑而祀之遷高州府同知署化州州多火患教民易茅以瓦會識大獄與監司振括掛冠歸通志

劉元相字我忠全州人隆慶丁卯舉人事繼母以孝聞初授華容教諭洎令嘉魚判肇慶俱有聲遷高州同知羅旁始平督臣議建封門函口南鄉富林四所以防盜重元相才令督其事元相經營有法不逾月而成時參軍楊照守函口病卒士卒之死于瘴疫者半代楊照者黃允中議遷其地當路許之元相力爭曰函口西接巨岡南界高涼實僑僚出入之險無函口是無西山也人臣為國守封疆允中不往某請代之議遂寢其後西山諸境安然無事皆元相功也後竟以勞瘁卒粵西文獻

汪龍字世霖建陽人嘉靖乙卯舉人累遷至高州府同知議足兵糧守要害禁鬻子正黃册當終調未赴卒通志

王名善者不知何許人國初為高州府通判先是海寇何均善聚眾數百人嘗為潯海諸州患官軍已捕戮之其餘黨羅子仁等逃去洪武四年秋八月子仁等復劫奪府印逼名善從己名善不屈執

至霞峒新營遂遇害是月己酉也雷州衛遣千戶黃青領兵擒子仁等斬之餘黨悉平黃志

毛鶴賀縣舉人正德六年授湖廣瀏陽知縣遷高州通判巡撫都御史楊且檄征連陽擒斬賊首王貴等千餘名征恩平擒斬賊蘇萬里等尋擢儋州知州編高雷瓊三府均徭及議瓊屬里甲直錢軍需則例清儋州無徵米一千七百石有奇辛巳都御史蕭紳檄征開建上下銅針及賀縣都閩石牛等寨獲百餘功嘉靖初都御史張嶺取赴軍門尋薦之領兵抵蒼梧滑水巢奪回所擄男女牲畜征陽江那乾那岳斗門等寨擒斬賊首戚仙攻新寧黃蛇圍水新興雲扶等巢斬獲皆以千計三年提督二陽高恩寧電六縣兵事遷雷州府同知仍提督四年御史盛應期檄修哨船二百艘哨岑溪肇慶平樂上自府江下至官窰江道肅清進階從四品致仕歸壽七十終廣西通志

陳源湛字醴泉永安人領萬厯癸酉南閩鄉薦授和平令巨寇江月照葉英亂源湛計戮之及叙功有蔽之者授高州判福建通志

楊賢和州人永樂間任高州府推官治獄務存哀矜卽罰當其辜猶反覆鞠訊恐其誤入也賊受囑攀良民民懼餽千金求免賢笑曰誠賊也萬金不

可贖已燭汝寃自當釋汝烏用金爲迷還之急釋

良者而痛懲誣攀者志

袁怡字脩倫袁州分宜人授高州府推官有爲盜而捕其子殺人而逮其父者皆久繫獄察知其寃皆出之民情大愜由是守長推能訟多取決無留積焉獄中大疫濟以醫藥死則給棺掩埋之時山賊稍出寇掠守臣張大其事以要功賞白于督府業已調兵大舉怡適攝捕盜執不可第令民自團保且上便宜密緝通山數人擒獲誅之餘黨大定民賴以樂業于是教民耘籽又捐俸建高明書院選諸生肄業其中月給膏火費文風翕然丕振治行卓異爲嶺西首屢求致仕巡按王德溢勉留之不可民懷遺愛祠于名宦太僕少卿李邦直爲之記歲戊午士民又爲建去思祠右布政使翁大立撰去思碑參政吳桂芳撰祠記尙書湛若水又爲撰循良傳行世黃志

鄭之珖成都人崇正十五年任高州府司理察奸

勦強詳革六弊屬吏畏威奉法無敢舞文常親至

筆山書院課士論文入夜不倦志

張復普字龍田銅梁人崇正四年以鄉魁宰茂名

視民如傷疑獄立剖造士必誠衡鑒不爽築南橋

塞新塘以備水患每舉三事論民曰立好心勤教

子早完賦旋以內艱去邑士民追送百里上

鄧昇江西南城人由監生成化二年任電白知縣

時縣治初遷學校官室未備乃逐一興舉經畫有

方民勞不倦獄訟平息政績著聞秩滿而去民思

之不忘黃志

王許之高安人進士萬厯元年令電白倭變之後

縣無完室許之綜理曲盡立運頭等水寨沙河等

營堡增敵樓十有六公署倉庫俱爲一新平積寇

四百餘黨四境晏然雖在倥偬而留心學校月課

明肅親爲講解以興絃誦云志

張希臯六安州人進士萬厯六年令電白廉潔仁

愛緩刑節用建學宮濬城塹嚴鄉約集流亡辯誣

省訟囹圄空虛均畝定賦奸豪伏匿猾胥舞文必

刑齊民誑誤必釋赴召之日行李蕭然父老感之

高州府志

陳王策字蓋臺莆田人萬厯間以舉人令電白修

學繕城不憚心力勤撫字勸農桑豪右魚肉善類

者繩以三尺尋擢惠州別駕士頌民懷子辰忠甲

辰進士司理廣州有聲父子並稱循良云上

張景愚信宜知縣廉勤公正愛民如子在任一年

雖鷄黍微物亦所不受一日有于塘內獲一魚以

奉景愚見其腹有子卽放之黃志

姚原立貴溪人進士永樂十二年為信宜令公廉律已寬惠撫字民搖多歸化之築城垣修學舍政暇召諸生課試之多所成就在任五年以憂去民思之不忘同上

顧斌字質夫晉江人萬曆己酉舉人授信宜令民有十異政之歌邑向轄狼兵多侵冒斌按籍清覆編伍遂兢兢守法海賊李魁奇寇吳川當道知斌才撤治之斌躬屬棄鞬兩次督戰殲其先鋒賊遁去會省兵誣舟商為盜以邀功斌泣請當道釋數百人攝電白化州二篆所在攀輿久之遷萬州守峒山黎寇各相戒不敢犯福建通志

廖穀字式我萬安人舉人萬曆間為信宜令剛介不回嚴言籍清鹽餉艱歸補高州海防時寇李魁奇窺限門穀力禦之賊不敢逞民之孤弱被豪竄侵漁者白於當道雪之權限門關稅所餘不入私橐自為令及佐郡廉潔始終不易致仕歸民立祠梅祿墟祀之郡志

王智字惟哲浦城人景泰庚午舉人任化州知州却寇犯界智與戰親冒矢石殲其渠魁後臨陣中矢死福建通志

李時敏平樂人景泰癸酉舉人成化間信宜知縣寬厚廉潔卓有實政遷化州知州民苦歲祲上官

責輸甚急時敏曰使我以催科稱能如民力何疏災狀聞於上民得更生九歲擢長蘆鹽運同知以日疾乞休歷官二十年家無餘貲人服其廉化州立祠奉之平樂祀鄉賢廣西通志

張冕泉州人進士嘉靖間以湖廣參議謫知化州為人慷慨嚴毅一介不取捐俸修啟聖宮廣西賊入寇請以牛稅充餉繕城訓士城堅不可下賊遁去城壘低缺處悉為增修後經倭患卒藉此無虞及移廣西臬司書劍之外無長物化州志

章述蘭谿人隆慶初任化州知州愷悌郵民以催科政拙停俸嘆曰以箕歛之故虐民博譽雖死不為民感其仁不踰月而盡輸之卒左遷而去士民號泣保留院道為之動容郡志

祝簡衡陽人萬曆間知化州始至悉革常例羨耗里甲餽送之物履畝清丈不辭跋涉去浮糧五百石吏為計算可資緣為奸利簡欣然靜聽聽已乃盡摘其弊而懲之富民毆死人暮持一千五百金求寬簡怒却焉宦勢請托一切謝絕專以愛民為本在化數年吏治無與為耦同上

黃璵字玉輝全椒人登進士為御史抗疏有直聲謫知化州制府所下事或不便民長吏束手璵獨執不可制府從之賊首胡公威擾害地方璵募驍

勇伺其常所經地撲滅之其能任事如此補志
張謙化州同知律己以廉蒞政以勤獎政多所舉
革民追思之黃志

鄒智字汝愚合州人生而穎異有神童目成化丙
午鄉試第一丁未成進士改庶吉士抗章言事彈
劾宦官請黜萬安劉吉尹直而用王竑王恕彭韶
疏入不報己酉言者誣其與劉槩湯鼎妄言朝政
遂左遷廣東化州吏目毅然就道既抵任兩月職
事修舉當道禮重之總督秦紘檄至省城修書與
陳白沙為忘年交無何得暴疾卒年僅二十六白
沙稱為豪傑之士補志

王復原字子復泰和人洪武丙子舉鄉試庚辰會
試禮部選授化州學正時嶺以南郡縣學比比乏
師復原盡心其職化州之學者始有所興起而浸
漬及其考近縣學云歛徵錄

陶歆宣城人永樂十四年任吳川知縣勤于理政
廉平儉約矜恤貧民徭役甚均小民逃移者遣人
招諭復業相率來歸七百五十八戶又免其賦役
俾各得所後因事而去民皆思之黃志

汪李清吳川縣丞公廉有為廟學壇場厩宇橋梁
之類皆增新之政暇吟咏以適其情同上
謝璿字天諱建安人嘉靖戊午舉人陞石城令適

海寇猖獗率兵殲其渠魁賑饑掩骸有嘉穀一本
九莖之瑞調潮陽福建通志

項汝廉鄞縣人萬厯間知石城課多士拔寒儒泣
事精明片言立折移署化州以神君稱時中貴擾
政害民汝廉力枝柱之民以無恐雷州聞風來歸
者數百家直指李時華特疏薦循良第一補志
佻夢騶昆明人萬厯間知石城育才剔奸禁供攀
究挾詐時丁糧不均夢騶派丁以糧永為民便創
橋梁修倉學德政不一邑人建祠祀之同上

倪望吉安人石城縣丞民方避寇山林間招之撫
以恩惠始得安業黃志先是元末兵燹相繼焚蕩殆
盡邑無城池望乃率民築土城計二百五十丈有
奇藉以捍衛秩滿去民咸懷之請祀名宦高州府志
徐鑑豐城人隆慶六年為石城典史倭寇猖獗縣
無正令鑑以死誓眾力守孤城兵巡李材問道趨
救城賴無恙未幾卒于官民惜之同上

廣東通志卷二百五十一終

廣東通志卷二百五十二

官績錄二十二 男十一

秦時中

黃敬

戴浩

莊敏

黃瑜

魏瀚

邵疎

陳嘉禮

趙渾

趙文奎

王秉良

楊表

黃行可

林恕

洪富

羅一鸞

陸瓚

陳九仞

唐汝迪

林民止

林廷陞

伍士望

葉修

邵兼

陳獻策

牛從極

范得志

伍瑀 俱雷州府知府

余麒孫

劉彬

孟雷

張準

萬煜

劉昇

袁子訓 俱雷州府同知

李希祖

王瑩之

李能香

朱象賢

吳貢珍 俱雷州府通判

陳紹

鄭國賓

何以尚

高維嶽

歐陽保 俱雷州府推官

羅璣

徐應乾 俱雷州府教授

陳本

王麒

楊澄

蔣蘊善

郭鉞

陳錦

秦懋義

黃色中 俱海康縣知縣

張政 海康縣丞

呂宗信

黃傑

徐肯播 俱海康縣教諭

王淵

張昭

陳義

楊徹 葵苑

劉玉

班佩

張天叙

羅繼宗

陳廷詩

喻萃慶 俱遂溪縣知縣

鄭遂 遂溪縣典史

陶文質 遂溪縣教諭

武亮

朱燧

平綱

汪澤

王樸

呂章

方逢堯

謝朝爵

張師益

蔡宗周

張日曜 俱徐聞縣知縣

楊秀全

劉淮

| | |
|---------------------------|--------------------------|
| 項給 <small>俱徐聞縣丞</small> | 紀輔 |
| 黃延年 <small>俱徐聞縣教諭</small> | 脫因 |
| 殷革 | 饒秉鐸 |
| 李遜 | 邢正 |
| 劉烜 | 沈綸 |
| 胡鼈 | 熊琦 |
| 向錦 | 游日章 |
| 徐柏 | 郭廷良 |
| 馮盛唐 | 何玉成 |
| 翟文簡 | 張其孝 |
| 鄭抱素 <small>俱廉州府知府</small> | 杜禮 |
| 侯應爵 | 江萬仞 |
| 黃憲清 | 蔡貴 |
| 徐巍 | 曾遇 <small>俱廉州府同知</small> |
| 葉常春 | 張應陽 |
| 施旆 <small>俱廉州府通判</small> | 蕭永泰 |
| 劉子麒 | 陳文焯 |
| 張孝起 <small>俱廉州府推官</small> | 汪大賓 <small>廉州府經歷</small> |
| 羅紳 <small>石東縣知縣</small> | 楊百朋 |
| 劉行義 <small>俱合浦縣知縣</small> | 蕭雲舉 |
| 王兆魁 <small>俱合浦縣丞</small> | 陳迺 <small>合浦縣主簿</small> |
| 何淑川 | 陳淳 |

| | |
|---------------------------|-------------------------|
| 徐珪 | 李純 |
| 劉汝翺 | 董廷欽 |
| 王世守 | 彭名世 |
| 王性 | 馬中超 |
| 李五美 <small>俱欽州知州</small> | 吳國藩 <small>欽州知州</small> |
| 徐棟 | 焦瑞 |
| 蕭學儀 | 汪游龍 |
| 連城璧 <small>俱靈山縣知縣</small> | 王勉 <small>靈山縣知縣</small> |
| 鄧忠 <small>靈山縣知縣</small> | 郭滿 <small>靈山縣知縣</small> |
| 明 | |

秦時中單縣人洪武十七年知雷州府謹厚端嚴僚屬吏民咸畏仰之歲旱禱雨既應修葺城墉民沾其利令各邑鄉都建立壇所以嚴春祈秋報之祀幸于官民追思之後其曾孫紘巡撫兩廣乃為立祠祀之黃志

黃敬天台人永樂七年知雷州府先是府多囚繫敬至悉為剖決數月之間囹圄一空府境被湖漲民多溺死敬設法賑之多賴全濟在任數載民安訟息黃志與人之誦曰黃公來運使民無佞公來蒞政惠我無私黃志祀名宦雷州府志

謹按粵大記作王敬

戴浩字彥廣鄞人永樂庚子舉人正統八年自東

昌府判擢守雷州州故並海斥鹵病稼乃築堤以捍風潮民歌其功浙江道志

莊敏字廷功晉江人正統乙丑進士任吏科給事中骨鯁立朝論諫務存大體景泰元年出守雷州

威儀嚴重喜怒不形人不見其有為而事無不治尤注意于學校云黃囊不名錢病革時嘆家人曰

脫果死斷無歸櫬資即墓此可也百姓素愛我不惟魂魄安之他日必有以麥飯致祭者既不餒而

又何必頽顏求助歸此枯骨使我身後更其廉操也八閩采風錄

黃瑜南城人景泰中由舉人任四會知縣未幾憂去天順三年服除起知開建有守有為邑常被寇

瑜植木柵以守親弓矢以禦寇盡心撫字民皆思之成化二年以薦陞雷州知府時兵荒相仍竭力

撫字盜息民安秩滿加叅政俸留任漉政最久故惠澤及民益深粵大記

謹按明代粵中宦績可稱者有三黃瑜一南城人景泰間知四會縣天順三年知開

建成化二年陞雷州知府此即其人也一桂林人天順七年任肇慶府知府見肇慶

府屬宦績錄一香山人成化四年知長樂縣以其粵人不著錄三皆同時郡志以桂

林黃瑜天順七年為肇慶府知事入南城黃瑜天順三年知開建之下一以瑜因

知開建有功即薦擢本府知府幾於羚羊挂角無跡可尋特為表出

魏瀚餘姚人由進士歷官僉都御史左遷嘉定州判成化中擢守雷州勸農興學修舉廢墜居任六年颶風不作歲豐民給人以為善政之應文章政

事當時推重焉鄉志鄧珠宣化人宏治間知雷州府廉介剛方不避權貴珠池收採內侍主之誅求無厭珠持正不為屈

民其賴之凡折獄必得其情而後意乃安雖不獲上官意屢挫之猶自若也疏戴公渠資灌漑多善政有循良稱嘉談錄

陳嘉禮富順人舉人宏治中知雷州時兵荒後百務廢弛嘉禮興學校造祭器築堤開漚畝復徐聞縣治復海康儒學新郡庠大成殿工竣乃建視

事聽舉事有序咸適於人心焉嘉志趙軍潭州人進士宏治間知雷州廉介公明獄無冤滯踰年去任囊橐蕭然同上下車日以堤間為最

要出帑金修之至是令其子速歸窋田以償百姓感之為輸其半福建人考

趙文奎江陵人正德中以監察御史擢知雷州府

凝重端厚作育士類加恤耆老剔奸植弱洗冤澤
民不避權貴時上命採珠文奎以連年荒旱奏寢
其事三年陞雲南叅政志

王秉良字伯存西充人進士正德間以刑部郎中
知雷州性沉毅務振起廢墜尤厚遇學校脩海堤
湖堤光何戴之烈時守珠池中貴趙蘭氣焰方熾
秉良獨與之抗民咸恃秉良爲安蘭因構誣以私
逮至京下獄蘭勢益張抑奪富民產業因捕民陳
應魁撲殺之民羣訟於當路竟無如何嘉靖改元
御史陳實疏革守珠池內官秉良始白尋復長沙
守竟忤權要去官雷民思之祀名宦上
楊表字汝中龍溪人甲戌進士嘉靖五年知雷州
府事有清操時初革珠池內官習弊猶未除表悉
爲捐貨之百姓歡呼於道後遷兩浙鹽運使去之
日民以珠餉表謝之曰地之產珠以太守廉也太
守愛寶則爾輩不有其珠矣峻却之一無所受八
黃行可字兆見莆田人進士嘉靖十年知雷州沉
重清潔禮士恤民嘗開西湖舊渠引潮水道至橋
下以通舟楫省負戴之力商賈便之復諭白沙民
開濬西開水灌田民立碑頌之志
林恕字道近長樂人嘉靖己丑進士二十三年擢

守雷州有惠政濬湖渠築海堤爲民利鋤強扶弱
不避權貴郡人鑄石紀其績福建通志

洪富字國昌晉江人嘉靖己丑進士以郎中出守
雷州副使吳玘有牙卒以賄殺人富按罪當死玘
欲宥之富不從爰書上帝大怒易以他官治之富
以去留執益堅竟服辟贖緩之金不入私橐時張
岳守廉州兩府命以督賦至雷大歎異之歷四川
叅政人服其廉樸公明志

羅一鶴閩縣人嘉靖間由進士知雷州政尙寬平
決獄明允簿書過目洞然吏不敢欺時值巨浸沿
海居民漂屍盈野出資瘞之捍海隄壞發帑修葺
復建崇文書院以教育子弟尋陞廣西副使士民
思慕之上

陸瓊龍游人進士嘉靖中知雷州寬簡臨民尤勵
苦節時當入覲故事有夫馬供億瓊一切罷去及
所餘贖錢皆蠲除之在官三載不攜家屬歸途行
李蕭然浙江通志郡北十五里有泉清冽人以比之立
碑其側號陸公泉雷州府志

陳九仍漳州人進士知雷州府事練達廉平首興
學校勤考覈給與餼資人文振焉嚴禁珠池船以
其不便民而爲游匪所備宗也卒以此觸忤權閥
改調去士民惜之上

唐汝迪宣城人進士由吏部曹郎出守雷州值倭寇犯郡率眾死守峙芻粟繕戎伍益以民兵閩郡賴以保全汝迪之力也及寇退室空十九為之勸農平糶郡轉殷富復修書院立期會課多士濱海文風興起時頌為振古循良云志

林民止莆田人進士萬厯間知雷州雷俗小忿輒服毒嫁賴民止首行嚴禁按諸遊賄少年悉繩以法立會課以勸誘學者修飾祠宇郡治煥然甫一載以艱去上同

林廷陞莆田人進士萬厯間知雷州銳精民瘼處事精詳值海潮之變請官銀修堤萬頃洋田賴以有秋擒積年巨寇四境晏然捐俸脩學宮創築治東西二樓以完風氣地方賴之雷州府志

伍士望南昌人進士知雷州性敦大而廉明鞠兩造片言立折濬萬金溪通舟楫東門外空曠士望善形家術修築長堤以擁護東城環以竹木如墉如帶今東郊民多富庶稱其遺澤不置云上同

葉修南昌人也由進士知雷州廉介而明舊例吏叅官有公堂銀修下車首革之禁三縣役人不得下鄉各社均派最為民害一切革絕合郡鼓舞尤加意學校視如親子弟任幾一年以病告歸雷人以不得久沐其惠為憾志

邵兼休寧人任廉州府理刑萬厯三十五年署雷州府事廉正不阿為當道所推治獄能推見至隱撥煩理劇游及有餘不踰月民歌愷澤清查新城門外商稅申說定例刻碑遵守尤加意士類訓迪師儒資之廩餼捐俸置田六十餘畝為諸生供給之費多士咸奮興鼓舞以為攝篆所難與戴嘉猷並稱

陳獻策舞陽舉人萬厯三十八年知雷州愛士撫民正身率屬禁副貳閒曹不得擅受訟牒百姓樂業設會課於明倫堂優賞有差士類鼓舞後卒於官

牛從極洛陽人舉人萬厯四十年知雷州温恭豈弟聽斷嚴明尤加意學校捐金考課振作士風復增置學田以助諸生科舉雷士至今沐其恩

范得志嘉定州人官生任雷州知府才敏志潔留心民事改建教場重建馮村等橋捐俸百兩買田以供社學士民建祠于倉門街以祀之

伍塢清流人崇正十七年任雷州郡守為人清慎自持俸入外毫無染指其子以銀三兩買帛一疋塢曰一衣三兩中民一年之食也遂令遺之後改南雄守歸囊無一金資民咸頌其廉俱同上

余騏孫雷州同知開設府治增築沿海堤岸缺

百凡廢墜無不修舉建郡之始厥功偉焉郡志

劉彬字素彬禾豐人與羅倫同師以德業相勵戊戌舉進士第授潮州程鄉知縣縣俗文繁彬董士林務篤實諭閭閻以勤樸民遂有唐魏風立養濟院月給粟帛贍境內之無告者廣囹圄之湫隘囚繯不至疫死部民王慎者德彬直其枉置黃金茶中爲報彬覺揮之云曰生汝者父母之心豈容報乎立三社學教鄉之子弟置田入租百石充社師之資民益慕德建濂溪書院以祀元公文公考績赴部老稚追攀道左彬慰之乃行去任未三月鄰郡饒平賊發城陷官軍奔屯程鄉民大懼時彬過家門臥病聞之遽力疾陸行四日趣及境卽自行軍布政陶魯曰軍衆邑小乞散之鄰邑以紓民困陶擒賊五百餘真偽相半彬力爭以民命不可輕陶不聽且曰君獨不當立功乎彬厲色曰吾爲民父母坐視子弟命垂絕何謂立功遂白巡按御史雪其不幸者過半陶大慙巡按御史周南葛萱皆獎勵之然無有能薦之者九年考績方伯劉大夏署云無能事之虛名有牧民之實惠彬旣去百姓塑生像於會井廟又有立生祠於蓬萊灘尋陞雷州府同知拓學校雪冤抑設施畧如程鄉士民亦樂趨其教以疾三辭乃解官去爲之謠曰知府似

爛泥通判似豆腐去了劉同知倒了雷州府旣歸作小樓以居絕迹官府武廟嗣位詔進朝請大夫終于家錄

孟雷字孔敬澤州人與兄霖同登進士遷揚州府同知因裁革內使進用夫役逮獄事白嘉靖十九年改調雷州府任甫三月明敏卓犖剖決如流清苦自茹貪墨斂跡諸屬莫不震懼凡舉措雖不督責而民樂趨歲旱祠禱刻切人傳頌之尤喜作育髦士延名師教于學以雷士登科第者鮮少乃徵舊識建于湖心扁曰與衆又立石牌亭中刻狀元生三字以兆後進其後人才鵲起雷之功也以觀行壺漿饋遺不絕于道一無所受擢陝西按察司僉事黃志

張準九江人舉人嘉靖間任雷州同知佐郡九載蒞政明慎微糧羨餘卽伐石以修南渡路三十里而遙雷瓊行人德之清白之操始終不渝自奉澹若布衣遷鹽運同知去民頌之不已郡志萬煜南城人舉人萬曆間同知雷州端方精練遇事斧斲理解吏惴惴不敢舞文修萬金溪以資灌溉任雷七載士頌民懷署瓊數月平崖黎亂政聲茂著兩臺多會薦以補瓊守竟以他事左遷去士民立碑志去思同上

劉昇泰和人寬和簡靜優於文學任雷州府同知與諸士講學不倦郡守某頗執拗昇遇事緩詞巽語得軌於道士夫多之粵大記

袁子訓郴州人貢生天啓間任雷州府同知仁慈寬厚實心愛民署海康革羨耗重修百丈橋能詩

有雷陽集郡志

李希祖河南人洪武七年通判雷州時當更革頗費籌畫希祖果於為政修城池設廨宇整頓隄渠墾闢荒廢鄉立社學率民以義秩滿去州人贖之一錢無所受黃志

王瑩之名瓊以字行長泰人嘉靖戊子舉人調雷州築海岸捍民田萬頃福建通志宋咸淳間南海人陳

大震增築西湖長堤湖之東達萊泉書院歲久傾圮瑩之捐俸修理以復其舊與多士課讀其中人材蔚興登科第者綿綿不絕雷陽講學記

李能香字英賓平和人嘉靖間以歲貢授雷州通判時劇賊劉同寇雷州當道廉其能徵禦之能香

直搗其穴捕獲無算所得輜重籍獻之官毫無所私福建通志

朱象賢無錫舉人嘉靖間雷州通判性倜儻革微收苛取宿弊民甚稱便署郡年餘安靜不擾而郡事悉舉暇即詣學宮與諸生剖析經義極其精確

諸生莫不歎服陞雲南南安知州雷州府志

吳貢珍鬱林州人以恩貢任雷州通判潔已愛民優禮士類軫恤耆老署郡能以靜治督捕甚嚴盜賊屏跡時與富路忤被論而歸不動夫馬囊橐蕭然同上

陳紹高安舉人嘉靖間任雷州推官視躬嚴肅諸務靡不練達嘗代直指按部多所平反待士以禮去之日行李條然人皆服其清白郡志

鄭國賓平溪衛人舉人隆萬間任雷州推官資性敏捷兼攝府縣篆事無巨細迎刃而解疑獄一鞫輒白每按行他部却常例飭吏胥以嚴明著增設沿海墩臺海警有倫民賴其力同上

何以尚興業人舉人為刑部司務以救海瑞被杖復以忤權貴降擢兩臺交薦補雷州推官抵任即署府事庶務迎刃輒解持己一塵不染值照磨萬某激變民兵以尚挺身出喻乃解散陞南刑部主事雷州府志

高維岳宣城舉人萬曆二十九年授雷州府推官廉明有執署府事革各吏私獻清釐庫弊覈查錫錠三百餘兩濬復河渠伐石建閘灌洋田萬頃二年地震瓊府尤甚田畝陸沉官署民舍俱毀維岳奉委攝瓊矢心壁畫不半載積逋頓完堂宇復立

事雷州府志

時曠徒萬餘人將聚為亂以計解散之渡海還雷行李不加直指李應魁深氣重特薦其邊材欲超用之竟循資平轉得鞏昌同知以去公論惜之同歐陽保新建舉人任雷州司理庭無冤獄署縣釐剔積弊革罷浮耗卓有治聲上官疑獄積贖付之無不剖決海康民林君俸等謀殺蔡敵等三人十五年沉冤賴以雪人稱神明以雷郡平陽無秀氣特相南門外巽方鳩材建塔以助形勢雷士自此有發甲者士民立祠祀之志羅璣高安人性情雅淡不屈權勢成化中任雷州教授性亢直議論每依名節文詞以典雅為尚輿論重之黃志徐應乾仁和人歲貢萬曆四十年教授雷州端莊儒雅卓有師範初訓英德著有士林正鵠讀書正旨諸書又彙集雷州志草編摩未就而去志陳本會稽人洪武二年由儒士薦知海康縣創置公宇區別廬井招撫流移編集圖籍撫綏初附遠近歸者七百餘家又毀淫祠崇正祀勸農桑均賦役嘗導水以灌東洋之田增築圩岸以防斥鹵後卒于官家無餘貲民為賻殯黃志王麒泰和人由鄉舉天順二年知海康縣性剛毅攻苦茹淡時疫死者萬計乃給棺木立義塚瘞之

流賊猖獗募勇士協官兵剿殺有功乘勝追抵那柳村飛矢中喉而死民之同難者數人疏聞贈本府通判建忠義祠祀之雷州府志楊澄宜山人嘉靖丙午知海康材識明敏平恕近民留心學校時方征黎總制諸司鎮調兵壓境供應煩難公當事開誠區處曲當士卒所過無敢擾犯以邑治向背失宜毅然遷建兼修邑庠宮宇建忠義祠督築護城堤瀕去里老懷之黃志蔣蘊善全州舉人知海康縣清介自持常祿外無苟取剖決案牘吏不敢欺隆慶四年海賊突至衆心震恐蘊善登城督兵守禦時衆將坐視不出乃躬往責之曰身為將而賊至縮胸干城之謂何衆將愧悚甫踰年以憂去黃志郭鉞安義人舉人萬曆初知海康加禮學校諸生有屈辱於公庭者力辨出之以保障為重建十里舖築墩臺以禦寇四境晏然寬恤里甲毫無橫征尋陞別駕陳錦漳州人進士萬曆初知海康行政五拔愷悌廉潔念文運不競拔其雋為之程親為品隲登賢書者相繼憫里甲凋弊力為節省流移未復勞來安集之歲戊子旱蝗己丑風潮民人困苦錦請蠲賦十之三董率人夫夾修圩岸捍海長堤頓以釐

固士民立碑志德

秦懋義仁和人進士萬厯中知海康性寬而敏甫下車值歲潮決堤躬行巡視請發官銀三千餘兩修而完之振起人文建文昌閣於學以培風氣士民歌頌擢貴州道御史俱同上

黃色中崇陽舉人崇正二年任海康賦性明敏文卷過目剖決毫無留難清數年之積逋令行若流水焉作養士類勤課不輟嘗語人曰在山泉水清出山泉水濁僕竊誌斯語以自規戒雷州府志

張政延平人由胄監成化十九年任海康縣丞署縣事忠厚老成以名節自重省財節用與利除害丞佐之員罕有其匹同上

呂宗信新昌人爲海康教諭簡靜廉謹學行脩備嚴條約以律士士感而重之士有貧乏不吝周恤遷王府教授黃志

黃傑同安人初任麻城訓導有善教聲遠海康教諭三辭署印操若冰霜貧士有餽必力辭之士沐其陶鑄者甚多楚粵皆祀名宦黃志

徐肯播靖安人任海康教諭性端敏接對諸士詞色溫如每會課品隲至公嘗署徐聞縣事寬嚴得體政無鉅細秉理裁決苞苴一無所染士民頌之同上

王淵湖廣人洪武二年知遂溪縣規公宇建學校安集流移編籍定賦築隄海岸以免斥鹵之患闢草萊課耕耨築塘堰以灌畝民享其利追思不忘黃志

張昭晉江人洪武初以監生知遂溪縣庶務修舉民物阜安脩學校築陂塘教養兼舉兵燹之後民不聊生昭相與休息一塵不染於民不數年境內有道不拾遺之風

陳義叙州人舉人正統己丑知遂溪縣律已廉潔平易近民時有神君之譽六年交薦超陞廣西太平知府

楊徹福清人成化八年以監生令遂溪廉潔寬和政脩事舉民歌頌之又有龔彛廣西南寧舉人亦成化間知遂溪以才幹著名尋調靈山俱同上

劉玉湖口人監生宏治八年知遂溪廉以自持寬以泣下凡文廟簋豆爵壘範之以銅鼎建齋廡戟門學校一新致政歸囊無餘物士民頌之黃志

班佩和州人監生嘉靖間知遂溪善剖疑獄民有殺三命屢年莫決者禱於神得盜賊竟正其罪又嘗檢人命知王鳳之冤立釋之衆驚以爲神其明察多類此以績最擢去民攀留遮道監碑以志去思

張天叙晉江舉人嘉靖壬子知遂溪政尚廉平括贖捐俸修飾學宮樹亭闢舍創建書院集多士講藝其間後祀名宦

羅繼宗南城舉人萬曆三十五年知遂溪性廉潔執法不苛釐剔奸弊案牘爲之一洗追覈丁糧莫能欺隱夫馬悉出均平里甲毫無所擾修城池繕傳舍有循吏聲尋調香山士民感之

陳廷詩晉江人進士萬曆間任遂溪寬裕愛民建月城修公署民咸安之崇正六年士民上其治蹟祀名宦

喻萃慶四川人崇正十七年知遂溪秉性剛決蒞事精明立法徵糧意在撫字折獄明允覆盆昭雪公庭肅清時稱良吏丁亥年與巡撫王基固推官費長統同死于難

鄭遂上虞人嘉靖十三年任遂溪典史遇海潮衝決堤岸多圯田疇千頃幾淪龍窟遂請於令身任其事冒觸風濤督樵木石潮不能爲害復闢通衢濬水道捐俸具牛種以佐貧乏民咸賴之俱同上

陶文質洪武二十年任遂溪縣教諭學制草創文實殫心講明性理表正士習實名師云黃志

謹按郝志作陶文
武亮浙人也洪武三年知徐聞縣時法制草創首

輯歸附招集流離修舉廢陸學校公宇煥然俱新凡橋梁驛路陂塘無不竭力經營民蒙其惠至今稱慕祀名宦雷州府志

朱鑾宜春人成化十六年舉人知徐聞廉恕公平卒于官民多惜之黃志

平綱貴州宣慰司舉人宏治間知徐聞縣性清介政尚平恕時縣治以避寇附於海安所軍桀驁甚民不能堪綱力請遷還舊治工未就而卒子孫因留家焉新州府志

汪澤竹谿人正德中以胥監任徐聞令有才幹時草創建縣治儀門燕樓以司晨昏建文廟齋堂門廡鑿泮池設立城隍開官井城池砌以磚石功居多焉同上

王樸字德純嘉興人以貢授徐聞令邑故有珠池課中官恣溪壑爲民患樸請罷之又有檳榔稅佐縣官厨傳往往入爲彙中裝樸首革之著爲令釋冤獄賑饑民立社學教民鑿渠溉田民肖像祠焉浙江通志

呂璋字秉之臨桂人以貢生授徐聞知縣縣濱海距會城千餘里禁網濶疎璋至裁長夫省供帳宿蠹一清有關民瘼政體者毅然爲之調定遠去之日百姓遮泣璋性醇樸敦舊厚倫里中稱長者粵

文載

方逢堯山西樂平人嘉靖間知徐聞才思敏達丰采凜然時縣矧弊逢堯慨然以鼎新為念凡縣署學宮街渠坊表至今存者皆其功也有良民被誣逢堯親赴大府焚香告天以死自誓竟白其冤活者五十餘人在任八年遷南安知州志

謝朝爵建寧人舉人隆慶間知徐聞縣時海寇充斥民多逋匿朝爵至出諭招撫民皆復業一切供億悉準均平隆慶壬申春倭賊壓境朝爵扶病巡警力保孤城性嚴明吏胥不敢為奸歲當履畝造冊有饋金求改圖籍朝爵時病篤厲聲却之卒於官眾民如失怙恃

張師益宜山人舉人萬曆初知徐聞性醇雅推誠及物瘞枯骨闢湖南建魁星亭以開文運嘗創邑乘用備文獻之考焉

蔡宗周龍溪人進士萬曆中知徐聞縣賦性簡淡以猛濟寬初下車適值履畝豪右匿稅者眾宗周廉知狀悉躬按之經界以正其軌於法者沒入學宮資弟子員供給雖浮議不為動令既行戶無浮糧國收實課鋤強植弱吏民信服

張日曜福清舉人萬曆三十年知徐聞性英達折兩造以片言吏胥不敢析律追徵條鞭聽民貨物

准折捐除餘耗閩邑稱便嘗奉檄造戶籍親歷鄉村供億悉用均平毫無勒派公庭肅清吏胥間暇察吏之廉辨者間以衣食濟之兩富人覲士民詣臺部苦留俱同上

楊秀全靖州人洪武三年為徐聞縣丞時兵燹之後餘氛未靖設計捕獲威聲遠著境內晏然黃志

劉淮不傳籍貫任徐聞縣丞自洪武間籍韓佑老等民田改科官田糧額增至二萬有奇民病之者百餘年正德末淮蒞任署篆兩奏賑救改復民科實徐聞萬世之利祀名宦志

項級不傳籍貫嘉靖二十六年任徐聞縣丞性慷慨尚氣節庶務練達雖出身掾吏而雅尚儒素事長官有禮然未嘗少自貶屈向有清軍常例一切禁止門役不敢規以私焉同上

紀輔閩縣人任徐聞縣教諭博洽經史志在闢邪崇正與諸生講藝必軌于正所著有郡名辨及雷陽徐陽二集入閩采錄

黃延年臨桂舉人以文學見稱署徐聞教諭性簡重取予不苟每會課必身率之供膳悉由已出嘗修廉郡志尋陞合浦知縣寇賊頻發延年率眾躬往擒之境土安謐民慶更生郡志

脫因蒙古人洪武元年知廉州時流民尚未歸農

因多方招諭未逾歲民皆復業勸農桑百廢具舉
既去民猶思之同上

殷革星子人監生洪武二十一年知廉州府廉能
勤慎勸課農桑作興學校政聲大著母喪服闋復
知南雄時梅嶺險峻行者艱阻乃募民疏鑿通衢
民至今便之後致仕卒于家黃志

饒秉鑑字憲章廣昌人正統甲子領鄉薦兩試禮
部膺乙榜例授教職辭不就卒業太學景泰三年
除肇慶府同知肇慶地險俗儻號難治秉鑑疏濬
宿弊均徭賦繩豪猾惠貧弱境內以安鄰郡盜侵
掠至境督民兵敗之屬邑有奸氓聚羣不逞欲為
亂單騎入其地曉以逆順衆譴然羅拜而散右都
御史馬昂征瀧水徭秉鑑獻平蠻策昂善之委城
瀧水上其功于朝陞四品俸命都御史葉盛巡撫
兩廣詢以時事秉鑑具言盜賊所繇起與平寇安
民之策葉深然之用其言羣盜稍輯尋以葉薦遷
守廉州廉與交趾接壤連年用兵重以中貴採珠
民不勝困秉鑑規畫有方民以不勞又什伍其民
教以騎射寇至輒擊敗之葉盛上其功特賜寶鈔
綵緞痛兩廣賊勢日張民日凋瘵具奏監軍及諸
將無平賊方畧所至惟事刻剝小勝則張虛聲以
邀賞大畧則匿不以聞臣恐數年之間兩廣盡為

盜區矣章上權貴大怒思有以中之令督兵餉遠
出寇乘虛襲城陷之衆咸以失守為秉鑑罪坐械
職廉民千餘人詣當道訟寃且言知府文吏非守
城者况以公事遠出城陷非罪乞還知府以活吾
民當道多忌之者莫肯上聞歸里建雯峯書院與
修撰羅應魁講學卒于家敬啟

李遜江西南豐人景泰五年知廉州府時守珠池
內官譚記暴虐百姓遜禁之不得肆乃誣奏遜縱
部民竊珠逮遜錦衣衛獄遜悉發記杖人至死及
強人民家奪財物諸狀帝逮記面質具服遂劄記
而復遜官遜多美政民懷其惠郝志

邢正字直夫宜山人天順進士以戶部郎中為廉
州知府時廉罹兵火廬舍盡燬田土鞠為茂草正
招還流亡無算諸盜聞其恩信相率來降正區別
人數多寡給以田宅衆賴以生嘗奏革冗官豁逃
絕田糧甦困便民官至雲南參政廣西通志

劉烜安仁人進士成化十七年知廉州府初八寨
賊自天順間負固經僉事林錦剿平而餘黨猶多
竊發烜為設法安置遂底又安又毀諸淫祠興水
利羅城江土沃地廣可田但江北岸高南岸下水
難逆灌烜為築石截流開渠引水灌田百餘頃招
流民百餘家環居之合備戶糧增益自此添編興

忠一里興忠之民至今蒙其樂利飲食必祭焉郡志
沈綸字朝綬浙江仁和人宏治丙辰進士累官南
禮部郎中出守廉州清介絕俗典郡不以家自隨
廉古今合浦地中貴守珠池者往往乾沒於是豪
右竝緣為奸綸裁之以法權豪側目卒中傷之綸
死二十餘年民思其德為築愛民亭以表廉平江通志

胡釐沅陵人嘉靖甲辰以進士知廉州採珠之後
郡邑凋弊灾旱相仍釐咨求民瘼下寬卹之令躬
自振濟多所全活逾年復詔採珠百姓述竄釐條
陳利害撫按不以聞不得已乃發驛傳羨餘以備
供億里甲派額一切蠲免民甚德之郡志

熊琦南昌人嘉靖間進士任廉州知府正直愛民
值海寇劫掠其烽甚熾琦身冒矢石逼近寇舟炮
彈如雨皆不能害寇以為神乘潮遁去時值內史
採珠壯民赴役守城者多老稚山寇乘虛逐越城
劫去庫藏琦甘坐不職不以分毫累守者咸感其
功德庇民云同上

向錦字中美舉進士出知廉州安南黎民脅平民
百餘越屯廉界欽州以盜聞皆論死錦以主人越
界罪止為首餘遣還江通志
游日章號東荆福建莆田人嘉靖乙未進士萬曆

三年知廉州端介自持寬仁接物為諸生剖析疑
義刊家禮以頒下民歲大旱步禱三日雨應時至
歲則大豐監司每斃民杖下長吏不敢言日章獨
爭之多所存活又捐俸造永濟橋廉人利之及沒
俸餘不足以資輿榷民助之且祠焉後四十載子
察政伯槐以兵備鎮廉視廉民若家人父子舉舊
政而光大之人益思日章而喜其昌後之不爽云

郡志

徐柏字守卿浦城人嘉靖壬戌進士授戶部主事
出守廉州嚴飭海防江通志初至官時一老奴肩行
李一短童携塵扇隨之同迎者磨集郵亭不知其
守也去之日襍被外無餘物謝於眾曰吾向昔固
一肩來也眾謂數十年來守此土者能與地名稱
惟栢而已江通志

郭廷良漳浦人進士萬曆二十一年知廉州府剛
方廉惠喜作興士類舊有文廟公所久為勢豪隱
占廷良斷歸之一時文風彬彬振起修築清水江
堤灌瘠鹵為田二百餘頃民賴以生郡志
馮盛唐慈谿人進士萬曆四十八年守廉州方正
果殺政尚廉平不察察為明而民情利弊莫不洞
悉贖緩除積穀外盡捐以修城池濟士民之窮乏
者事有利于民必力請得行而後已雖忤富局不

郵也累賸乞歸三州縣士民赴兩府懇留乃止去後立祠祀之同上

何玉成字子純福清人萬曆癸丑進士授工部虞衡司主事歷守廉州廉界銅柱珠崖蒼梧交趾之間三村四峒時時反側玉成至拊循村峒設立邊防欽州劇盜德真等擁眾跋扈撫按議剿玉成獨持不可乃密諭罪人甯應龍兄弟許以破賊贖其罪應龍結諸生余夢麟輩竭力反間賊自相戕不月餘授首制府胡某薦於朝時粵西中丞欲開欽州道以通安南玉成力爭之遂乞歸福建通志

翟文簡南昌舉人天啟五年知廉州愛郵四民所行皆善政廉州距省千有餘里貧士多不能應試文簡力為陳請并捐俸以資公費創學道行署四邑諸生自此得免跋涉之艱矣邦志

張其孝滋陽舉人崇正三年為廉州知府公正無私聽訟立決時珠多徙其孝一意以慈儉化民漸見去珠復還人以為清廉之應嗣有歐陽燿者湖廣舉人五年繼知府事政持大體嚴以御吏寬以愛民兩載調陞韶陽士民並立碑以誌之

鄭抱素黃岡人由官生於崇正八年知廉州公平慈惠政簡刑清嘗捐金刻廉州志修復富民橋以利病涉士民愛戴之

杜禮豐城人成化間以鄉貢任廉州同知境內民獠雜處多寇盜禮築石壘堡土城及分置磨塘諸村以居流民給耕具令自為業編保甲以約束之其患遂息修復城西廢橋築羅勝岡陂田橋沿海中珠盜散其餘黨咸惠並行民獠向化在任數年積賑穀九千餘石清逃軍二百五十餘名立社學以教民子弟蠻人亦知景慕有古循吏風遷都勻知府俱同上

侯應爵字天錫江夏人嘉靖戊午鄉舉授乳源令清浮糧二百石曲江為韶首邑役頗煩應爵代為均之鄰邑訟不決發令審理能持平聽斷韶人德焉攝篆新會創建海城遷廉州同知以剿羅旁首功遷羅定僉事擒擒飛龍飛虎等撫其眾遷貴州參議以母老歸地方利病知無不言楚賦徵米以食衛軍謂之府米力請當道裁其半卒年七十湖廣通志

江萬仍晉江人進士隆慶三年任廉州府同知嚴慎廉明公廷肅清吏有舞文者立置之法屯政積弊悉除次年攝府事惠愛尤深後陞員外闈郡德之邦志

黃憲清晉江人舉人萬曆十三年同知廉州持己廉潔御下嚴肅時剿捕海寇軍士全集憲清供其

芻糧周卹備至又洞悉民隱吏胥畏懼以子汝良
貴贈宮保姓氏通考

蔡貴南昌人解元萬曆二十年任廉州同知飲水
茹藥政簡刑清每於公餘率諸士談經終日不倦
未幾致政去士類懷之志

涂巍黃岡人舉人萬曆二十四年任廉州同知尋
陞太守寬仁有度敦大不苛聽訟片言立剖歷任
十二載未嘗斃一人於杖下攝篆四府所至有聲
至今父老猶稱道之同上

曾遇富順人舉人萬曆二十五年任廉州同知丁
未冬署欽州事精明果斷剔蠹釐奸不匝月以散
餉之永安徭賊乘虛陷城報聞遇馳回賊散去驗
死傷者給與棺衾醫藥有差明年春賊復犯城遇
與指揮黨宏謀協力禦之賊不敢逼是冬徵兵剿
賊軍旅鱗集約束將士無敢有雄行於市者事平
欽人德之立祠祀焉廉州府志

葉常春南昌人恩貢萬曆十二年官廉州通判為
人肫誠坦直民不忍欺及移駐靈山更多碩畫痕
嵒斂跡閩境安堵志

張應陽浙之山陰人監生萬曆四十六年任廉州
府判深沉多遠畧遇事權變風生力除宿寇及攝
府篆有惠政大著賢聲卒於官同上

施施志江南華亭人恩貢生天啓五年通判廉
州雅度雍容可挹及署欽州首建文廟優禮俊髦
凡里甲供帳一切陋規悉為詳革復設策擒宿盜
造梁渡民胥賴焉議時務十二則語多切中未幾
丁艱去欽人立碑紀之廉州府志

蕭永泰

嘉靖中

以

胃

監

授

廉

州

推

官

先

是

流賊破廉城嘯聚山峒為患永泰直抵木頭等寨
諭以禍福賊皆投戈復業同上

劉子麒儀徵舉人萬曆二年為廉州推官廉以律
已執法不阿上官命獄獄多所平反比攝郡明察
秋毫事無過舉民誦思焉志

陳文焯臨川舉人萬曆二十二年任廉州推官廉
潔性成人比之冰壺秋月鞠獄平反全活甚眾攝
郡時尤留心教養力行實政陞任日惟携一蒼頭
及圖書數卷而已同上

張孝起吳江人舉於鄉授廉州推官

大兵至迫海濱舉兵謀恢復戰敗被獲妻妾俱投海死
孝起羈軍中會李成棟叛

大清孝起乃脫去永明王以為吏科給事中清慎介直
不與流俗伍久之擢右僉都御史巡撫高雷廉瓊
四府城破走避龍門島島破被執不食七日死明史

汪大賓連江人舉孝廉洪武中任廉州府經歷有善政以卓異著稱知府殷革薦之陞禮部員外郎

志

羅紳宜春人天順初知廉州石康縣清介公勤後

西寇流劫入縣治紳苦戰力不能支為賊所繫奮

罵曰朝廷命我守封疆今日城陷有死已爾賊何

為遂遇害民間之迎其喪家祭巷哭如喪考妣先

是其子鑑從紳會兵于博白遇賊於塗亦苦戰被

害知府饒秉鑑嘉其一門忠孝為作傳焉

志

楊百朋建安人進士萬曆二十四年合浦政寬

大不苛而吏胥左右未嘗假以詞色嚴禁佐領胥

役下鄉騷擾喜談文藝士子多蒙指授時值內官

開採供億殷煩百朋善調停民以不病尋遷秩去

士民德之

八閩采風

劉行義號伊人漳浦人進士萬曆二十九年知合

浦縣豈弟廉明憫境邑凋敝力行節儉籽粒不取

於民剖訟決疑不假手曹吏催科有法民樂輸將

歲無逋負加意課文迪士建塔於學宮之左以補

形勢時瓊黎反檄狼兵征之所過騷擾行義具犒

賞要於路令從間道身雜戎伍護行跋涉數十里

出境乃返雖受狼兵詬誶不顧也其愛民如此後

朝親內召去

同上

蕭雲舉南昌人洪武三十一年任合浦丞時荒微

凋殘合浦為甚雲舉履任一意撫摩親至田間問

民疾苦百姓戴之若慈母永樂初徵拜主事

志

王兆魁江西泰和人以恩貢生入太學肄業授合

浦縣丞在任五載淡薄自如時奉委清丈自携日

給惟恐擾民至歸德永豐鄉有持雞黍為餉食畢

固償所值其廉介如此竣役會計公平民無一人

議之者陞任去惟乘欸段肩囊隨身而已

陳運常熟人由進士擢御史嘉靖初以言事謫合

浦主簿至即闢海天書屋以為課習廉士之所時

王守仁提督兩廣知詭理學素明檄令講學於靈

山士多歸之尋署縣事潔已勵人務惜民費凡往

來公使邀賞輒予芒屨一雙以往遷新喻知縣及

去任行囊蕭然所遺詩文人多傳誦焉

俱同上

何叔川麗水人洪武癸酉以人材授知欽州所屬

長墩鎮官林佛祖盤詰擒獲守禦百戶胡全之子

與家人私販番貨胡椒十八裏解至州時叔川方

遣人迂其家屬全令軍吏楊春賄以白金請免械

送叔川拒不從竟械繫併所賄送廣東道御史問

理既得實發審大理引奏上喜其廉能命依律犯

者處斬仍籍其家貨悉賞叔川云

雙槐志

陳淳字德溫鄞人景泰癸酉舉人知欽州時靈山

民有死獄株連數百人會大暑狴戶皆滿淳止繫
當罪者數人餘皆出之守大怒淳引法力爭竟不
能屈舊有義倉儲穀二萬餘石積為豪強所侵悉
徵理之歲適大疫民賴以活撫按賢之以廉州知
府會薦命未下而卒浙江通志

徐珪字良璧開化人以會試乙榜授欽州牧欽民
以魚為業前此賦繁而魚徒珪反其政魚復還民
建還魚亭以誌之同上

李純字在誠莆田人正德六年以進士知欽州為
人正大處事公平杜絕私門苞苴不入興學校治
豪猾北障江水迴護州城其功尤大蛋民作亂海
上盡削平之安南僭王兵敗抵欽餽金求容累却
不受黃志逐之出境擢韶州府同知新志

劉汝翺萬安人萬曆五年知欽州稟性仁厚憫其
地僻民窮百姓畜於銀錢雖物產菽帛亦允如價
輸賦四民便之時行清丈豪猾不得兼併吏書不
敢增減州之耆稚咸樂就之為慈父母秩滿舉州
遮留弗得送至靈山誌遺愛於天涯亭焉江西通志

董廷欽閩縣舉人萬曆十九年以國子監博士出
守欽州甫下車諮求民瘼創興學校設立義倉以
備灾祲增黃土營兵建平南浮橋善政不能枚舉
比三年報最陞韶州府同知百姓遮留廷欽曰吾

何德政煩苦我父老為也乃循海而去福建通志

王世守合州人貢生萬曆二十三年知欽州平易
近人費出不經者悉為請豁如馬戶派養馬草料
里甲有頂役耗頭皆罷之條陳凡九事歲省千金
又計擒叛寇以靖閭閻擇遷學宮以資絃誦善政
尤為可紀新志

彭名世廬陵人舉人萬曆三十六年知欽州剛正
不屈時值大征兵將驕悍民且不堪名世力為遏
阻里戶苦於運糧請易以兵又把總販糴私通海
外名世劾按之因乞辭官至靈山當道共留返任
後竟告去江西通志

王性合肥人歲貢萬曆間知欽州賦性剛決不避
權貴時內監採珠索用具甚急力沮獲免民賴之
又值猺賊犯境性提兵履險搗其巢穴賊平境內
始安功狀紀錄新志

馬中超全州舉人萬曆四十三年知欽州正己率
物事有不便於民者嚴立其禁以為之防時賊黃
慶忠剽掠為患中超曉諭撫之又條請開復西門
設墟場于河之對岸便民交易重修五湖亭俱有
政績後以憂去同上

李五美字尊菴黃岡人由舉人任輝縣教諭天啟
五年擢欽州守時山寇劫掠百姓流離租稅半道

五美至卽做渤海法請罷一切告捕設營分兵戍之盜多解散錢賦以登上官胥役到州騷擾五美每事痛懲不避嫌怨東門子城以次修復浚濠築堤葺學宮建文昌閣兩載州治煥然改觀乃蒐輯州乘以存文獻丁卯狼賊趙永烈據河州五美畫策堵禦兩府嘉之會惠郡有海警以五美有才畧題授惠郡海防欽州志

吳國藩灌陽人萬曆四十五年以舉人署欽州學正端方正直士子宗之嘗署州篆廉明有斷所興所革深洽民情賊首黃月明等積年肆毒以計招致之尋陞西寧知縣志

徐棟寧國人嘉靖四十三年以歲貢知靈山縣有操守事皆自裁胥吏重足而立故事每里甲選年供役棟遣散歸農前官催徵過刻民多逃竄棟加意招徠遂俱復業供稅如故同上

焦瑞字伯賢南京旗手衛人以選貢授靈山令時一編法行已十餘年而靈山以僻遠里甲之供如故瑞至首罷之民慶更生縣多叢箐羣盜嘯聚督府檄節推劉某剿之賊執劉將加害瑞率衆往援賊見驚拜曰此真吾父母奈何犯之遽斂衆退節推得還俘斬且衆竟不上功幕府賞亦弗及焉嶺南去天萬里仕者率取明珠翠羽以自潤瑞悉罷

之有浮羨沿爲縣官用亦貯之庫縣產熊膽天竺黃花石諸物上官不時需索皆力辭百姓恐瑞以是觸上官怒成願輸瑞固不從然竟其去亦無取靈山一物者時賊猶窺伺瑞慮武備廢弛檢諸兵日訓練之以銀爲射的中輒賞之由是諸兵競勸賊聞不敢近以邑士多情竄躬督課之所夕靡倦月試輒加賞勵由是士氣振奮權相柄國賦斂嚴急鄰郡縣爭趨爲刻深赭衣塞道瑞嘆曰吾安忍以民命博一官遂引疾歸先是督賦甚急嘗出俸百金代償去官未幾輸者滿額擁者盡以返之卒不納曰吾業已心代之不忍易吾心也歸之日囊餘八金半皆糶時射的也卒於途聞者惜之錄

蕭學儀廬陵人萬曆四十八年知靈山清白自矢喜怒不形斷事以理焚絲立剖吏胥惴惴奉法嘗條陳利弊一十二事豪猾聞風斂迹士民德之以觀行志

汪游龍號時菴懷寧人進士崇正五年令靈山時西賊寇掠民甚苦之自募壯士捐俸給餉訓練知方同欽州健兵百餘乘城守禦設營房製火器人咸用命擒大盜十餘輩懸首於圖了山督兵追至博白界殺賊二十餘級俘五人又馘斬一十九人於雙橋賊遂解散修橋葺城民釋戒心錢穀簿書

躬親校閱不假私人復捐資修學鼓舞多士調番
禹以廉恕為政風教聿新行取御史巡按福建僅
歷四郡而卒兩邑思之皆祀名宦

欽州志

連城璧金谿人崇正十六年知靈山縣鯁介端方

苞苴不入時廣西貴縣巨賊韋兒黃應秀越境流

劫繕城池練鄉勇增設汛兵分險防禦民賴以安

建社學勤月課士風丕變擢監察御史

同上

王勉餘干人永樂間為靈山縣丞以仁惠為吏民

所愛暇輒棕笠芒屨與父老話桑麻徧訪問里喜

樂好惡深得民之情為陞順天府治中百姓奔走

塞道與不得前易服從間道乃得去

姓氏通考

鄧忠德安人洪武中為靈山典史地處欽廉之西

兵興後百姓瘡痍未復忠務用安靜解元季之繁

密輕法行之井里寬息流通漸復數年間有熙皞

氣象遷工部主事去民留之不能得與王勉均祀

名宦祠

同上

郭湍莆田人舉人為靈山教諭以地處偏僻見聞

孤陋士不尊經乃出行篋所携三禮注疏為多士

講習於學舍傍構小軒設鄭康成栗主祀之曰三

禮鄭注之存實有鬼神呵護不然禮學絕矣即於

軒前集諸生步趨陟降以明禮之儀節靈山之士

能講禮經者湍之教也

八閩采風傳

廣東通志卷二百五十三

官績錄二十三 明十二

宋希顏

趙瑁

吳德用

徐鑑

蔡浩

方向

謝廷瑞

趙昊

張峻

張子宏

倪凍

周希賢

李多見

吳廷雲

王孟暉

陳瑤

楊子充

吳錢

吳倬

袁鎬

馮宗魯

李思迪

陳槩

陳永彰

劉鶴齡

吳邦俊

龔漢臣

趙謙

林志

陳應禮

章斐

曾拱璧

郭興儒

方玘

鄔高

徐希朱

謝應元

施可材

周坦

廖經

賀訖

王耕

陸親仁

陳新

陳策

柯應鳳

諸葛平

莫卿

曹梅

林景

崔帖木

楊護

洪經

陳節

陸昇

方濬

林邦達

尹尙賓

陳敏

林慶

王鍾

羅傑

鍾英

蕭宏魯

潘楠

徐時中

呂琳

鄭濟

黃倬

董俊

湯衡

陳獻

彭希顏

蕭敦

鄭璉

李恭

章邦相

李紹賢

鄭鳳

陳宗聖

莫汝俊

吳道亨

姚瑾

徐琦

陳堯思 鄔若虛

鄭邦直 朱宏

瞿罕俱崖州知州 董遵

項邦柱 朱景和俱感恩縣知縣

馬夢箕 包爾庚俱羅定州知州

翟觀 廖軫俱龍水縣知縣

蕭元岡 郭濂俱東安縣知縣

林致禮 蘇至卿

謝天申俱西寧縣知縣 高超西寧縣教諭

明

宋希顏字子淵高郵人以元故官舉用洪武二年

四月授瓊州知州領印開治庚戌陞州為府權知

府事遷設衙署學校治尙廉平政教兼舉逾年欽

錄去任士民稱之黃志

趙瑁宜陽人博學洽聞洪武初由儒士為教職十

五年陞瓊州府知府捐革宿弊政治整肅閭里安

謐吏民畏服後召為春坊左諭德累官至吏部尙

書同上

吳德用沙縣人洪武十八年由通經秀才任瓊州

府知府為政和易利澤及民五指山黎人反側時

出殺人以兵捕之則匿於深林密箐間設伏弩誤

陷其機輒為所傷斃德用諭以威德遂解散去終

其任無滋擾云瓊志

徐鑑字子明宜興人宣德間以戶部郎中奉勅守

瓊廉靜寡慾孜孜愛民為政簡易大率以勸化為

主不事刑法有古循吏風節財用貨通貢教民樹

藝興學課士郡多異產中使阮章馮三人成來索

擾見鑑嚴正不可犯且為上屬任稍斂戢繼有

人踵至凡非所當索限有司弗與及行所部輒遣

騎從之俾不得肆軍官利黎產多啟釁以邀賄鑑

鎮以無事皆安堵不為變民漸黎俗病不服藥惟

殺牛祭鬼至鬻子文為禳禱費鑑以佛老雖非正

然不害物命猶善于此乃許鉅室修飾寺觀以移

積習自是有病者不殺牛而民用稍紓在道四年

宣德癸丑秋卒士民奉主同王伯貞耐祭于東坡

祠成化初始為二賢專祠後以孫海貴賜禮部尙

書兼文淵閣大學士博大記

蔡浩字叔清龍溪人成化初由御史陞守瓊州廉

明務大體治民如治家惟玩法怙終者則必不貸

時嶺南多災異適海南地震眾視為常浩曰地方

災異此守土者不能承宣德意所致匿勿告罪也

竟奏聞頒行十府匿災者多有慚色眾服其識未

幾卒於官妻子淡泊如初至時閩郡悲之黃志

方向桐城人成化十七年進士正德中以工科給

事中知瓊州廉介有風裁歲旱變服徒行數十里
麟雨輒應珠池大監韋眷橫索民間向禁不與眷
亦少戢志入覲時僕私市一珠索而投諸海明史姜繪傳

謝廷瑞長樂縣人由進士知瓊州蒞官數載清約
節儉廉公有威黎尚懾服四封安於衽席常疏裁
冗官及陳經畫尚蠻之策未悉舉行瓊人有遺憾
焉志

趙昊鄞縣人嘉靖間以比部郎知瓊州政尚簡易
民間詞訟多罷遣之惟日調兵餉有苞桑之慮清
操雅節始終如一僚屬望風砥礪無復有貪墨者
嘗言黎獠猶夫人也可以德化獨侍郎鍾芳深以
為然上

張峻吉水人嘉靖中守瓊州賦性嚴明勤於政事
時征叛黎十萬之衆仰給於瓊峻調度有法民不
知兵嘗刊四禮節要令民間習行建崇文書院以
課多士凡可裨助元元砥礪風俗行之如恐不及
舊制郡守入計屬邑之遺不下千金峻一無所受
蒞政六載其操愈堅與趙昊俱有清名而才能過
之瓊州府志

張子宏廬陵人進士嘉靖中守瓊州冲雅清約杜
絕饋遺政尚寬厚持大體尤加意文學居瓊五載
頌聲溢於諸郡後歷官左布政使崇祀十賢祠有

蔣一鴻者南直人事實失載無考亦祀十賢祠蓋
亦有功德於民而後祀之也志

倪凍上虞人歷知撫州淮安荊州瓊州四府有當
官稱明史倪元略傳瀕海有港可田募民興築得田千畝
官司其佃以其半贍諸生膏火以其半儲之備荒
倉嗣後遇祲歲民賴以無憂瓊臺志

周希賢莆陽人隆慶中守瓊政尚寬和不爲磔刻
僚屬咸德之士民被膏澤者誦聲不絕嘗刻論瓊
體要備言治瓊之法使觀者有所循式焉又重訂
郡乘頗稱典要志

李多見仙遊人萬曆中以文選郎中擢守瓊州重
學校嚴吏胥民有訟者論以曲直不事敲朴二十
七年黎馬矢亂多見申文誓衆止擒首惡不許妄
殺招募義兵親詣督戰竟獲馬矢凱旋後請立水
會所設官兵守禦以母老乞休士民懇留不可得
束裝之日惟圖書數篋渡至海安檢得沉香焚之
瓊人思之不已建燬香亭又立祠祀之署其額曰
忠孝清高著有周禮紀畧楚遊學源小學等書上
吳廷雲號白漚長汀人萬曆庚戌進士出守瓊州
革屠牛錢三千餘金捐椰榔歲課五千金通志廉
能公恕課農講約化導甚勤考績爲天下清官第
二志尋改高墜兵備通志

王孟暉諸暨人由秀才知泗州陞鞏昌守以謗降

瓊州同知廉能顯著政事赫然民至今稱之黃志

陳瑤字仲華全州人成化壬辰進士事繼母孝官

蕭山萬載二縣遷監察御史巡按川陝累官僉都

御史巡撫遼東歲荒發賑全活者數萬以事忤當

路謫叙州知府尋致仕萬曆中起為瓊州同知初

至適有崖寇之役轉輸兵食綽有餘裕署郡事力

懲豪猾之害民者因刻辨疑事條審決申語名曰

守瓊緒錄全州志

楊子充字道遺福清人嘉靖甲午鄉薦第一授泰

和教諭歷陞瓊州府同知瓊海外黎蠻雜處子充

簡騎卒繕營堡練舟師賊徒屏息建文昌會同樂

會三縣城池皆親定形勢嘗視府篆有賊與獄囚

謀亂以計掩捕之巨族徭役多詭匿乃核丁產行

攤平法瓊民稱便立祠以祀福建通志

吳篔澧川人瓊州同知廉公愛民嚴于馭下躬親

案牘猾吏斂手萬曆三十三年地震瓊民壓死者

以千百計篔躬自稽察得實捐俸金埋葬之震蕩

之後百役俱興調度有方民不苦勞後以左遷去

衆惜之上同

吳俸會稽人瓊州通判萬曆二十年以督捕兼撫

黎二十九年添設撫黎通判以俸領之俸承剿定

之後開示恩信招撫黎人黎出聽招者數十崗願

輸納者數百頃時建設水會所社學取府學弟子

員教黎童習讀黎遂知學署瓊山有積案連年不

決俸至即為昭雪革浮耗令懸鉅署門有擅增

分釐者置法以左遷去士民奔赴開府懇留不得

臨行送者絡繹數十里郡志

袁鑄字世京建陽人宏治間由國子生任瓊州府

推官折獄詳明罪人鰥服會瓊缺守貳鑄攝理振

紀綱除宿弊罪奸吏所部肅然卒于官福建通志

馮宗魯桂林人隆慶間由澄邁教職陞瓊州推官

決疑出滯胥得其平操行清白苞苴不染時海寇

猖獗魯挺身招慰閩郡賴以為安郡志

李思迪濟南人元進士洪武初召為起居注累官

山西參政四年謫宰瓊山廉平謹恪時邑方草創

諸凡規畫舉皆中度毀淫祠祛宿弊政聲大著公

餘輒詠歌自號海濱子因以名集官至尙書上同

陳槩字丕量北平人洪武初由吳川縣丞陞宰瓊

山治民養士政教不亞於李思迪九年自坡院遷

學於南郊制度皆其規畫文風丕振粵大記

陳永彰廬陵人洪武三十年由學博知瓊山有為

有守寬和愛民修復濱壑圩岸及梁陳等陂永樂

初憂去民猶思之黃志

劉鶴齡桂林人嘉靖間尹瓊山政教清靜撫循黎庶民安衽席間無擾追呼不聞去官之後有甘棠蔽芾之思志

吳邦俊臨桂人知瓊山居官廉潔糧耗贖緩一切不取民有實金於甕以獻書其覆曰蠲醢邦俊覺而却之往復數四卒無所受臺司嘉其清操特疏薦之廣西通志

龔漢臣貴陽人萬歷間知瓊山時邑當採珠征黎後財力耗敝民不堪命漢臣力爲節省每從寬厚使得休息未幾以艱去士民惜之載餼糧伺祖于道志

趙謙字搗謙餘姚人博洽經史尤精六書之學時稱考古先生洪武初爲國子典簿與僚友論事不合罷歸二十二年朝廷搜訪遺賢吏部郎侯庸薦之學士解縉謂與其班於朝廷之上孰若施教化於蠻夷萬里之遠壬申遂領教瓊山縉爲文送之有曰教官聖人之木鐸也吾當賀聖人於南海之濱又增一木鐸矣其爲時所推重如此謙既至作瓊臺布學範慨然以興起斯文爲己任造就士類文風丕變雖將門子弟及蠻夷荷戈執戟者咸悉烝向風守令築考古臺於學右爲謙著述之所從之遊者多爲名世大儒越六載卒於官咸謂海南

士子得聞聖學實自謙始云後祀名宦錄

林志福寧人隆慶間任瓊山教諭制行端方訓生徒隨事規戒貧者捐俸賙之事上不諂下交不瀆

擢王府官去志

陳應禮宣化人萬歷間任瓊山教諭溫柔接士尤能持大體署崖篆徵收無浮耗及歸崖民泣留有何武之思上同

章裘宜山人成化間先任澄邁訓導尋陞知本縣政務大體重建學校鼎新公署創築城垣百廢俱興規畫井井士民詠之祀名宦復有周泰者玉山人丙申歲以舉人任澄邁廉正公平吏民畏愛州志

會拱璧莆田舉人萬歷間知澄邁勤慎廉明始終一致修學宮築縣乘葺公廨飭廟宇不費公帑不捐民貨在任三年政簡刑清士民歌頌建祠立碑以紀志

郭興儒平南人宏治間任澄邁主簿爲政多惠澤時黎人倡亂率民從征以首功蒙欽賞秩滿去邑人遮泣於道奔送數十里思之不置祀其主於名宦祠上同

方玘莆田人舉人宏治間訓澄邁操履端方博學洽聞以書經授弟子外庠亦趨受業尋陞助教擢

南康府判志

鄒高字時升南昌人賦性耿介立志清苦與人真率無機械明周易正德癸酉領鄉薦嘉靖丙戌授定安令至卽興學校均里甲撫流移節縮公府煩費歲損十五六凡可以便民者無不爲之時瓊守以人覲常例株索屬邑大苛高曰剝民以媚人吾弗爲也遂以此見忤己丑考察竟以不及調歸後爲湖州府學教授遷光澤令祀名宦以子懋卿貴封御史黃志

徐希朱武義人嘉靖間知定安以寬大得衆聽訟惟決是非終任未嘗罰鍰考常居最時征崖州叛黎調度芻粟無擾於民黎平署崖州事民懷其德在任十有二年處之若家陞潯州府判志

謝應元沙縣人知定安獎誘士類憫恤孤貧黎人王承祖聞應元至率衆歸化島倭逼城親負矢石陳奮鏑民重賴焉署儋州廉平如一嘉隆間海邦稱廉能罕有與儔者郡守某雅重之陞建昌通判上同

施可材福建候官人任定安縣典史隆慶六年漳寇莊猷引倭賊數百渡海夜劫定安可材親率民壯捍禦操巨斧碎其首賊賊乃退駐大底村與縣令謝應元日夜巡守邑人程大度出蓄儲以資守

禦倭知有備乃渡河北掠沿海多受其害獨定安無擾以可材力也民感念之請祀名宦祠州志

周坦莆田人舉人正統間司訓定安講解經義寒暑不替諸生有貧乏者周之邑人吳汝遜遺諸子孟矩等從坦學已而孟矩孟裘孟傳孟繼相繼登科後陞武陵教諭著有經書講說續古千字文全志廖經崇仁人嘉靖間知文昌縣勤民隱凡徵輸供億冗費悉裁去之民樂輸將無逋負修理學宮疏築水利皆可經久折獄平允案無滯牘去之日牧監皆惜之姓氏通考

賀泚廬陵人萬曆間知文昌縣專尙德化不作威稜顧獨嚴馭吏胥釐革諸弊時值歲饑倣古常平儲穀以賑多所全活開玉陽書院親與諸生講學課藝數年之間縣庭少事陞蘇州同知志

王耕開州人正德間任文昌丞雅重儒術修學宮建書院與多士講經其中立課程以稽勤惰爲文者第其甲乙曰縣名文昌吾願諸君有以振興之也期年而秋闈獲雋者三人僉以爲耕之作育云大雅堂集

陸親仁蘭溪人嘉靖間任文昌主簿自奉儉約御下寬平寵辱不驚和而能介歸裝不名一錢苞苴至者峻却之僉曰官尉簿耳何苦乃爾親仁曰貪

以示護勸納所贖及就道邑之老稚隨送三十里至舟次者殆千人儉驚嘆問左右竟其所以蒞事皆倣護而尤廉明簡肅民亦信服無何報政赴部歸舟溺於浦前海百姓聞之如喪所親相率招魂海孺白衣冠迎至縣門為位哭焉錄微

洪經興安人嘉靖初知臨高廉明果斷脩悉民瘼興革利病民甚便之覲還徑歸邑民相率走留至瓊迎者數百人志

陳節晉江人萬曆間知臨高德性溫純才達政簡明於斷獄有凶盜殺人獄具於前令節覆鞠之視其器為宰刀訪其人素未習屠疑而置之數日得殺人者乃屠而囚固平民也釋之邑頌其明八閩采風錄

後以廉謹薦入覲民泣留之不獲勒碑紀德志

陸昇字彥昇靈川人洪武癸酉舉人授分水縣丞承樂間改臨高時久旱焚香祝天夜夢老嫗訴冤厥明獲詐稱牙兵者至詰之永寧鄉符儂也因得其殺伯母狀寘之獄天大雨解學士縉過臨高為題雪冤致雨卷及吟松詩贈之轉興隆經歷卒西廣志

方濬賁池人監生承樂間任臨高典史公平正直律已以廉愛民如子有政聲後陞刑部主事官至四川參政黃志

林邦達福清人臨高典史隆慶壬申海寇許萬仔率倭寇攻城邑人恟懼邦達厲兵負土填大橋障水灌之賊環而東即併力東守屢戰却賊已而賊乘夜登城邦達飛石殺其梟帥守兵應之賊潰走斬獲百餘人初邦達督民浚壕人皆迂之卒以壕深賊不能越後復築月城修學宮入覲祖送如市邑人繪圖海瑞序之祀表功祠瓊州府志

尹尚賓桂林舉人嘉靖庚戌任臨高教諭諸生貧乏者捐俸助之日校典籍務以名節相礪尋陞助教志

陳敏陸川人監生承樂二年任韶州府推官擢知儋州寬厚得民以憂去士民懇留之服闋復補任九年民安其化遷泗州同上

林慶字廷珍莆田人景泰初由監生任儋州知州廉介峭直守法不回政以節用為本汲汲于興利除害後被誣去民思慕之瓊臺志

王鍾泰和人成化四年由舉人出守儋州羣盜攻劫居民鍾招募少壯選役為兵一鼓平之部內清肅民詣監司請仿郭進故事立屏盜碑許之未幾卒於官民思之祠祀焉嘉談錄

羅傑南昌人成化癸巳守儋廉正公勤興學校建公廨修橋梁振士風黜淫祠正風俗疏水利馴生

黎儋之民風文物丕變丁酉以內艱去百姓號泣

隨之黃志

鍾英字世傑陽朔人成化戊子舉人任儋州知州

首却上官餽每歲值荒歉時不理訟日民救死且

不暇何暇構爭自是民訟日簡崇學校增田畝蒞

政八年不以妻子自隨卒於官囊橐蕭然儋人立

祠祀之粵西文載

蕭宏魯廬陵人嘉靖初知儋州修社學招生黎附

籍在任七載以廉能著聲有惠政刑清訟簡民皆

思之郡志

潘楠南京衛人萬厯間知儋州廉介自持一介不

取裁革常例粗衣糲食有人所難能者錢金不入

私橐卒於官士民哀之同上

徐時中字宜之江西餘干人成化癸卯任儋州同

知是時儋守臥病半載而代不至既而守歿即

以時中假守案積如山時中命書吏數人連進紙

筆斯須剖決無不允當文翰並美旬日之間案頭

一空為時所稱續錄

呂琳字仲球鄞縣人天順間判儋州剛果有為興

學校課農桑化刁強除盜賊政績赫然一時僚佐

罕有其匹郡志

鄭濟閩縣人永樂間任儋州學正日與諸生講論

文藝不倦尤重品詣曰士先道德而後文藝使品

詣不立雖下筆萬言無取也故與多士諄諄以修

齊勉勗焉嘗著四書書經講說秋蓬集諸生為刊

之以傳于世姓氏通考

黃倅閩縣人正統間任儋州學正選戎籍子弟穎

異者教養之貧者資膏火夜讀人人感奮郡志

董俊河南人洪武二年知昌化縣明禮法安新附

勸課農桑作興學校與舉百廢民黎咸樂其業士

類多所汲引後陞睢州知州黃志

湯衡贛州人監生永樂間由中府都事降尹昌化

慈惠愛民直而不撓時撫黎土官桀驁抗縣居民

深受其害衡奏聞革去仍統于州縣自後諸黎歛

戢續錄

陳獻龍嚴人由監生任昌化知縣正統三年奏革

撫黎土官性慈愛勤儉處事有方本縣田地浮沙

薄土苦于乾旱於是教民築堤蓄水引以灌田自

是無亢旱之患民甚便之同上

彭希顏莆田人嘉靖間知昌化縣愷悌樂易政平

事簡嘗曰民間有要害事具牘而後報奸宄聞風

伏矣置鼓於門使控事者鳴之鼓聞即出坐堂剖

決是非須臾立斷誣者坐之加懲鳴鼓之罪有樵

人入山覓薪其子氣忿殺人比暮歸案已具申解

就道矣其治事敏速如此卒於官囊無一錢八閩風

蕭敦江西泰和人成化末任昌化教諭言信行篤

善於啓迪捐貲造祭器序正羣賢位次而修飾之士人稱美志

鄭璉鄞縣人景泰間知萬州政尚寬簡循行阡陌勞來不倦秩滿民赴京奏留在任一十八載去後

民猶思之黃志

李恭湖廣寧遠人宏治間知萬州廉明公恕訟牒

至輒令再思非甚寃且已民多不忍終訟士有俊秀者課試資給之秩滿去送者爲之墮淚陞温州

同知邦志

韋邦相懷安舉人嘉靖中知萬州政尚寬和不事

敲扑課農禮士時亢旱三日不雨則災成邦相虔心禱請翌日得雨民作遇雨亭以志喜同上

李紹賢清江人隆慶中知萬州居官廉靜斷獄多所平反遇貧寒一切免贖囹圄空虛海瑞贈言曰

爲官不入民怨之錢不以民怨之錢養其親則子和於牧民之堂母和於清江之源瑞不肯許人者

其爲所稱如此臨行送者進道瓊州府志

鄭鳳邵武人貢士嘉靖間判萬州平易謙恭不以一絲致擾於民州有山產鐵石黎居之民庶恒相

聚私爲治鑿遂招來亡命動與黎人構釁鳳乃請

於上官得罷斥封禁之黎民胥安咸頌德焉福建通志

陳宗聖莆田人爲萬州吏目以山民無嫁娶禮失

夫婦之道乃編立戶口冊注寫年歲使皆以年齒

相配捐俸薄助之又性愛士士之富庶者亦出資

以賑同時多相娶者人比之東漢任延捐除一切

供帳州人立碑頌其德同上

莫汝俊馬平人嘉靖間知陵水廉靜不擾改建縣

道修舉廢墜有遺愛於民邦志

吳道亨浮梁人萬曆間知陵水縣治事明敏胥吏

無敢欺者尚警時發乃訓練鄉勇爲備少有騷動

卽發兵破之威行境內吏民晏然嘉靖錄

姚瑾桐廬人監生初知豐城有善政永樂間由欽

牧移崖寬厚愛民不減豐城任滿去交章請留後

調交趾行軍斷事邦志

徐琦字廷振正統舉人授崖州知州崖民多黎戴

竹笠子垂髻來見琦諭以服色當從中國爲易方

巾直領之製簡率俊秀使趨於學教以婚喪禮在

崖九年俗爲之變浙江通志

陳堯思吳縣舉人正德中知崖州興學作士開馬

丹中亭諸溝以疏水利築長橋留坊等道以通車

馬時抱龍羅活諸崗爲梗出師平之兵民不擾植

碑頌德志

鄔若虛字君受萬厯副榜授崖州牧適黎蠻猖獗若虛增濬城壕與正總鎮協力拒守裏甲不解者五旬賊宵遁又海寇引倭蹂躪崖土若虛以信義糾眾民兵先告妻子曰封疆重任身與城為存亡義不反顧爾等須自為計妻洪氏亦預潔簪井以待於是厲氣登城將士用命時出奇計以疑寇寇乃驚潰浙江通志

鄭邦直永昌人萬厯中知崖州興利除害緩征恤刑加意筑獨作養人才嘗捐俸金買田以贍學者民祠祀之志

朱宏字海若臨桂人萬厯乙卯舉人授橫州學正教人必以孝弟為先遷吳川知縣時海寇為亂躬自臨戎守禦巡按贈詩有墨綬書生也佩刀之句崇正七年晉知崖州踰年大禋宏征賦不及額上官督責宏上奏記曰降黜是甘不忍令愚民剝肉竭髓也士民甚德之守將妄以他事中傷崖人數百渡海代鳴其冤事白遂棄官歸祀名宦粵西文獻瞿罕黃梅之諸生崇正中以言官交章薦於朝十三年徵授知崖州以興教育才為己任故事崖黎月供米可三十石罕曰國家歲給祿糈何為有此具請罷之黎人大悅為之勒石十五年閩人林八

等作亂罕密授計於樂羅民邢廣裔襲殺之賊平壬午冬以病告歸既出郭單騎而去祖饒者各悲不自勝民思慕之比於臨桂朱宏云府志董遵字道卿蘭谿人師楓山學司南昌府訓用劄薦遷掌溧陽教又薦遷江浦令然不能俯仰於時上章仍乞文學掾移近養母顧益遠調海南感恩令踰年以終養乞骸骨詔許之兩職教再宰邑一介不污其身投老之秋荒徑蕭然叢莽叢闕朝夕不謀也錄後

項邦柱廣西桂林中衛人嘗授教於秦泉領辛卯鄉薦為番禺訓導以善教屢為撫按所薦嘉靖二十六年擢感恩知縣視民如子教養克勤凶荒賑困苦尤優恤值黎人不靖躬詣黎岐勸諭不避艱險竟以勞瘁卒于官士民哀之黃志

朱景和遂昌人萬厯丙申知感恩縣縣固井里荒涼水土惡劣乃遷復舊治修築城池創建公署改造書院課士其中微景和感恩幾不成治志

馬夢箕號南奎潯甸人萬厯四十四年以舉人知羅定州聽斷如流稱霹靂手吏不敢欺民無冤抑搜奸剔蠹造士愛民取受不苟有却硯風陞南康府同知民勒碑建祠羅定州志包爾庚號長明江南上淮人工文詞舉進士有名

崇正十三年知羅定州戴星視事五載不倦聽獄明允其清如水嘗曰我家孝肅卽吾師也民有訟卽令證佐約會限期審鞫不遺隸役先是圍堡更替各有漏規皆革去之其徵收之法週年分爲十二卯人戶輸納則設三連納單一在州存照一人戶執照一里排比照不令里長有留單需索之患以俸餘置學田備諸生膏火試卷及賑給貧生之資行取入都四民泣送江潯言清白吏者必曰前有馬後有包云同上

翟觀臨桂人成化乙酉舉人宏治二年知瀧水縣縣苦盜觀開誠撫綏盜用解散民賴以安三年遭父喪歸士民愬于朝遷肇慶通判盜尋斂迹久之以同知領縣建東西兩營分兵居守建五十九砦籍其人爲砦兵盜不敢復窺開荒田九百頃鑿水圳四十八縣人頌之粵西文獻

廖軫崇仁人由舉人正德十年爲瀧水知縣愛民仗義九載考最民不忍舍送至百里之外者數百人後陞潞州鹽運判黃志

蕭元岡江西泰和人由舉人知龍門縣時稱治辨萬厯五年羅旁之役奉檄紀功瀧水賢勞爲十道最繼而謀善後之策復委城麒麟石城成賜金增秩遂兼轄東安縣昌瘴癘披荆榛相宅鳩工具城

郭營堡邑廬廟社諸所創建皆元岡經畫措置事速成而費約學成行鄉飲以尙齒設學田以育才居二年以卓異陞刑部主事和志

郭濂江寧人萬厯十六年由選貢知東安縣惠政宜民德教善俗時開縣未久濂多所規建以補闕畧若庫獄倉廩公館戎署一一營造復創撰邑志徵考文獻常欲疏鑿大津河以通水利經營甫就以工力不繼而罷邑人至今惜之同上

林致禮上思州人舉孝廉萬厯十四年任西寧縣令時城池草創百務未舉致禮力以爲己任是年潦水沒城傾圮一百九十餘丈乃綜理修復視前加固開西山羅旁夜護城鎮安寨各處大路芟除林莽以成周行改封門所就近以便接應鑿山通圳繞郭東西延袤數十里緣畝導流灌田數百餘頃政績宏鉅皆堪不朽羅定州志

蘇至卿號養虛石埭人由選貢萬厯三十五年知西寧縣留心民瘼加意人材創城隍廟改養濟院憫洪潦傷民居疏通水路捐一年俸改砌石橋橋成復置田以脩修築士民戴德建祠祀之同上

謝天申號元菴蕪水人崇正七年由舉人知西寧縣居躬嚴潔吏治一以禮教政美人和臬鏡爲空以其俸入創爲典學書院歲時進人士而面課之

志郝
高趨號養浩峽江人萬厯間領鄉薦寧西宰教貌
古行方德醇學裕爲儒林矜式勸課士子申仇達
之禁修飾亭齋從容講誦贊饒無所受居二年辭
去諸生立去思碑同上

廣東通志卷二百五十三終

廣東通志卷二百五十四
官績錄二十四明十三

朱亮祖 廖永忠

華高 趙庸

王與 董興

張安 柳景子文孫琦

毛銳 陳圭

沈希儀 蔣傳

王瑾 陳王謨

汪克寬 黃應甲

郭成 張元勳俱總兵官

張萬紀副將 歐信

續蒙勳 俞大猷

吳良知 姚來

王猷俱參將 張開祚遊擊

許當辰都司 鄒維勳守備

花茂 王清

夏晟 歐磐

蔣鐸俱都指揮 張秉彝

張恕楊義 滕漢

張祐 張熹

張傑 白毅

| | |
|-----------------------|------------------------|
| 高卓 <small>俱指揮</small> | 蔡玉 |
| 孫安 <small>同知</small> | 桑昭 |
| 柴英 | 楊豫 |
| 翟興 | 蔡鼎 |
| 李虎 | 湛鉞 |
| 王鈺 | 谷泰 |
| 王琥 | 程鑒 |
| 王廷輔 | 莫如爵 <small>俱指揮</small> |
| 崇昇 | 黃隆 |
| 孫瑚 | 王鼎 |
| 韓恭 <small>俱千戶</small> | 謝惠 |
| 陳相 | 潘恩 |
| 吳賢 <small>俱百戶</small> | 孫岳 |
| 陶鼎 <small>俱鎮</small> | 王道成 |
| 沈如懋 <small>俱把</small> | 祝國泰 <small>孔楮</small> |
| 明 | 俱武職 |

朱亮祖六安人累功授樞密院判遷浙江行省參政洪武元年副征南廖永忠由海道取廣東何真明史本傳四月及指揮使陸仲亨會於廣州元諸將皆降乙卯及元將邵宗愚戰于廣州大破斬之廣州平初元偽參政邵宗愚聞王師入廣州遣其黨羅元祥詣軍門降本以覘軍勢而實無降意永忠

謂之曰欲降則來無虛言以相欺也宗愚遷延累日竟不至永忠知其詐乃下令往攻之夜二鼓發兵直抵其寨詰旦破之宗愚據三山寨兄弟俱殘暴嗜殺近境頗被其虐嘗再陷廣州大肆掠遂與其徒皆棄市新會縣土豪黃彬河源縣曹文昌汲州廖仁等復聚作亂自稱元帥永忠復捕誅之南海縣人麥祖康以鬼魅蠱毒殺人又捕斬之廣州既平永忠遂進兵取廣西黃志事紀克梧州與平章楊璟會師攻克靖江同永忠克南寧象州廣西平班師太子帥百官迎勞龍灣三年封永嘉侯食祿千五百石予世券十二年出鎮廣東亮祖勇悍善戰而不知學所為多不法番禺知縣道同以聞亮祖誣奏同同死事見同傳帝尋悟明年九月召亮祖至與其子府軍衛指揮使暹俱鞭死御製墳誌仍以侯禮葬明史本傳

廖永忠巢人楚國公安弟也從永安迎太祖於巢湖年最少太祖曰汝亦欲富貴乎永忠曰獲事明主掃除寇亂垂名竹帛是所願耳太祖嘉焉洪武元年兼同知詹事院事畧定閩中諸郡至延平執陳友定尋拜征南將軍以朱亮祖為副由海道取廣東明史本傳勅諭永忠等曰王者之師順天應人所以除暴亂解倒懸以慰民望朕昔平定武昌荆

湘諸郡皆望風欵附常遇春克贛州安南嶺南數郡邑相繼東歸此無他師出以律人心悅服故也今兩廣之地遠在南方彼此割據民困久矣定亂安民正在今日彼聞八閩不守湖湘已平中心震懾無固守之志若先遣人入宣布威德以招徠之必有歸欵迎降者可不勞師旅慎勿殺掠沮向化之心如其拒命舉兵臨之扼其險要絕其聲援未有不下者且廣東要地惟在廣州廣州既下則循海州郡可傳檄而定海南海北以次招徠留兵鎮守仍與平章楊璟等合兵取廣西用兵方畧率用是肅清南服在此一舉黃志引永忠先發書諭元左丞何真曉譬利害師至潮州真遣使籍廣東郡縣奉表降蕭案黃志各官傳曰真知天命有歸即遣前都督事劉堯佐檢校梁復初以廣惠梅循四州之地奉書納欵至東莞真率官屬來迎至虎頭山門降張元帥至廣州降盧左丞破海寇邵宗愚新會河源汲州土豪作亂皆破斬之明史稿分省右丞鐵理迷失元帥吳都蠻等磔於市黨與悉平不閱月間廣州民悉歸附真之初歸廣城民不知擾市不易肆蓋由永忠號令嚴民兵不敢暴故也黃志廣人大悅馳諭九真日南朱厓僧耳三十餘城皆納印請吏進取廣西至梧州降元達魯花赤拜住潯柳諸路皆下遣亮祖會楊璟收未下州郡永忠

〔道光〕廣東通志 卷二五四

引兵克南寧降象州兩廣悉平永忠善撫綏民懷其惠為之立祠蕭案黃志各官傳曰永忠悅不離中人而性謙恭遠撫綏初附得其宜廣人德之於即序東廡建生祠明年九月還京師帝命太子帥百官迎勞於龍江入見仍命太子送還第復出撫定泉漳三年從大將軍徐達北征克察罕腦兒還封德慶侯食祿一千五百石子世券明史本傳華高和州人初與俞通海廖永忠等聚舟師保巢湖渡江累官湖廣行省平章政事封廣德侯洪武三年擇熟練水戰總兵往循撫廣東高自請行遂命之以往四年巡海南城池還至瓊州卒明史本傳聞上憫其無子以鐵券納之墓中親為文以祭之追封巢國公諡武壯黃志趙庸廬州人與兄仲中聚眾結水寨屯巢湖歸太祖吳平擢中書左丞十四年閩粵盜起命庸討之踰年悉平諸盜及陽山歸善叛蠻戮其魁散遺餘眾民得復業奏籍蛋戶萬人為水軍又平廣東盜號鐘平王者獲賊黨萬七千八百餘人斬首八千八百餘級降其民萬三千餘戶還賜綵幣上尊良馬二十三年以左副將軍從燕王出古北口降乃兒不花還坐胡惟庸黨死爵除明史本傳謹案黃志職官表列趙庸為廣東總兵官

三二五

考之本紀洪武十四年十一月庚戌趙庸討廣州海寇大破之十五年十月廣東盜平詔趙庸班師及本傳所紀皆無總兵官名目因舊志相沿已久錄以備考

王璵字伯玉徐州人國初以中軍右府元帥來鎮修築城池撫治有方洪武戊申復守贛父老遮留不獲刻碑立亭南門外雷靴以慰所思黃志

董興長坦人正統中進都督同知南海賊黃蕭養圍廣州安鄉伯張安都指揮王清戰死賊眾攻城益急詔拜興左副總兵調江西兩廣軍往討而以侍郎孟鑑贊理軍務興用天文生馬軾自隨與果銳不能戢下軾戒之景泰元年二月師至廣州賊舟千餘艘勢甚熾而徵兵未至諸將請濟師軾曰

廣民延頸久矣即以狼兵往擊猶拉朽耳興從之既而兵大集進至大洲擊賊殺溺死者萬餘人餘多就撫蕭養中流矢死函首以獻俘其父及子等餘黨皆伏誅論功進右都督留鎮廣東給事中黃士儁劾興竟縱降其官明年復職久之召還明史本傳

張安壽州人正統十三年鎮廣東黃蕭養寇廣州安帥舟師遇賊於賊船澳安方醉卧官軍不能支退至沙角尾賊薄之軍潰安溺死明史張興傳

柳景懷寧人升曾孫景子文文子珣三世皆鎮兩

廣有平蠻功珣又以討瓊州黎賊功晉少保明史本傳毛銳西陲人宏治初出鎮湖廣改兩廣謹案明史治二年十月平蠻賊累有功成璽書獎勵九年以廣西破賊增歲祿二百石言官劾銳廣置邸舍私造大船以通番商置不問明史三

陳圭以薦出鎮兩廣封川寇起圭督諸將往討擒其魁俘斬數千加太子太保復平柳慶及賀連山賊加太保蔭一子安南范子儀等寇欽廉黎岐賊寇瓊厓相犄角圭移文安南曉以利害使縛子儀而急出兵攻黎岐敗走之論功復蔭一子加歲祿

四十石圭能與士卒同甘苦聞賊所在輒擐甲先登深箐絕壑衝冒瘴毒無所避以故所向克捷在粵且十年殲諸小賊不可勝數明史陳瑄傳

沈希儀字唐佐貴縣人嗣世職為奉議衛指揮使機警有膽勇智計過絕於人正德十三年調征永安以數百人擣陳村砦馬陷淖中騰而上連敵三

會破其餘眾進署都指揮僉事嘉靖二十六年為廣副總兵從總督張岳大破賀縣賊俛仲亮等予

賞授仍資銀幣瓊州五指山熟黎素畏法供徭賦知州邵濬虐取之其會那燕遂結崖州感恩昌化

諸黎為亂總督歐陽必進議并萬州陵水黎討之分兵五道希儀適病最後至謂必進曰萬州陵水

黎未有黨惡之實奈何并誅樹敵莫若止三道必
進從之希儀乃偕參將武鸞俞大猷等直入五指
山下斬那燕及其黨五千四百有奇俘獲者五之
一招降三千七百人捷聞進都督同知明史本傳
蔣傳江都人嘉靖中佩征南將軍印鎮兩廣平海

賊明史本傳

王瑾東鹿人嘉靖初佩征南將軍印鎮兩廣廣東
新寧新興恩平間多高山叢菁亡命者輒入諸徭
中吏不得問衆至萬餘人流劫高要陽江諸縣官
軍討之輒失利三十五年春瑾與巡撫都御史談
愷檄諸路土兵誅其魁陳以明悉平諸巢捷聞加
太子太保而扶藜葵梅諸山峒馮天恩等據險爲
寇者亦數十年瑾復督軍分道進剿破巢二百餘

明史王瑾傳

陳王謨圭之子也出鎮兩廣賊張璉反屠掠數郡

王謨曾提督張臬討平之明史陳王謨傳

汪克寬邳州衛人承世廕歷官都指揮僉事都御
史王忬薦爲浙西參將趙文華劾張經惑克寬言
縱倭論死久之赦免廣東用兵命赴軍前自効從
大猷大破倭海豐還世廕俄以爲惠潮參將復從
大猷破吳平平未幾復振克寬已擢狼山副總兵
命留討賊俄敗之陽江烏豬洋平寇奔安南都御

史吳桂芳檄安南協討遣克寬以舟師會夾擊平
萬橋山下焚其舟擒斬四百人平遠竄乃進克寬
署都督僉事爲廣東總兵官會一本突海豐惠來
聞克寬倡議撫之令居潮陽下滄地未幾激民變
一本亦反詔逮克寬訊治尋赦免赴薊鎮立功明史本傳

會大猷傳

黃應甲萬曆五年以總兵官鎮廣東龍川鮑時秀
者妻杜氏有妖術乃據義都嶺立二十四方大
總自號無敵峒主旣降復反應甲討平之蛋戶蘇
觀陞周才雄招亡命數千人縱掠雷廉間殺斷州
千戶田治應甲率五軍並進生禽觀陞才雄斬首
四百餘級其黨縛酋長陳泉以降未幾梁本豪亂
本豪故會一本黨亦蛋戶也一本誅竄海中習水
戰遠通西洋且結倭兵爲助殺千戶掠通判以去
十年六月總督陳瑞與應甲謀分水軍二南駐老
萬山備倭東駐虎門備蛋別以兩軍備外海兩軍
扼要害水軍沈蚤舟二十生禽本豪諸軍蒞進大
破之石茅洲賊復奔潭洲沙灣聚舟二百及倭舟
十相犄角諸將合追先後俘斬千六百有奇沈其
舟二百餘撫降者二千五百帝爲告郊廟大行叙
賚應甲等進秩有差他倭寇瓊崖應甲斬首二百
餘奪其舟再賜金旋入僉左軍府罷歸卒明史本傳

郭成四川叙南衛人隆慶元年爲廣東總兵官渡海追會一本大獲進署都督同知叛將周雲翔等殺參將耿宗元亡入賊中屯平山大安峒將寇海豐成偕南贛軍夾擊之斬首千三百餘級獲被掠通判潘槐而下六百餘人生繫雲翔潮州諸屬邑賊巢以百數郭明據林樟胡一化據北山洋陳一義據馬湖剽劫二十載成督諸軍擊殺明等俘斬千三百有奇

明史列傳

張元勳字世臣浙江太平人嗣世職爲海門衛新河所百戶隆慶初進副總兵五年代郭成爲總兵官鎮守廣東惠州河源賊唐亞六廣州從化賊萬尙欽韶州英德賊張延光劫掠郡縣莫能制明年勳進剿斬馘六百有奇亞六等授首餘黨悉平肇慶恩平十三村賊陳金鶯等與隣邑昔村三巢賊羅紹清林翠蘭譚權伯藤峒九逕十寨賊黃飛鶯邱勝富黃高暉諸可行黃朝富等相煽爲亂故事兩粵惟大征得叙功勳不叙故諸將不樂勳勳總督殷正茂與元勳計令勳剿得論功諸軍爭奪正茂又密遣副將梁守愚游擊王瑞等屯恩平若常皮者掩不備斬翠蘭等生禽紹清權伯以獻其諸路勳剿者效首功二千四百有奇還被掠子女千三百餘人生得金鶯性高暉等亡去元勳逐北

至藤峒又生獲勝富可行朝富等八十人部將鄧子龍等亦獲高暉飛鶯三巢十寨十三村諸賊盡平餘悉就撫惠潮地相接山險水深賊首藍一清賴元爵與其黨馬祖昌黃民太曾廷鳳黃鳴時曾萬璋李仲山卓子望葉景清曾仕龍等各據險結砦連地八百餘里黨數萬人正茂謀大征會金鶯等已滅諸賊頗懼廷鳳萬璋並遣子入學祖昌景清亦佯乞降正茂知其詐徵兵四萬令參將李誠立沈思學王詔遊擊王瑞等分將之元勳居中節制監司陳奎唐九德顧養謙吳一介監其軍數道並進賊敗乃憑險自守官軍逼搜深菁遠谷間而元勳借九德追亡至南嶺一日夜馳至養謙所擊破李坑生得子望等明年破烏禽嶂仕龍阻高山元勳佯飲酒高會忽進兵擊擒之先後獲大賊首六十一人次賊首六百餘人破大小巢七百餘所禽斬一萬二千有奇帝爲宣捷告郊廟進元勳署都督同知世廢百戶元勳復討斬餘賊千三百有奇撫定降者巨寇皆靖潮州賊林道乾之黨諸良寶旣撫復叛襲殺官軍掠六百人入海再犯陽江敗走乃據潮故巢居高山巔不出戰官軍營淤泥中副將李誠立挑戰墜馬傷足死者二百人賊出掠而敗走巢固守元勳積草土與賊壘平用火攻

之斬首千一百餘級時萬曆二年三月也捷聞進
世廢一級遺孽魏朝義等四巢亦降尋與胡宗仁
共平林黨林鳳惠湖遂無賊其冬倭陷銅鼓石雙
魚城元勳大破之儒嗣仔斬八百餘級進秩為真
五年從總督凌雲翼大征羅旁賊斬首萬六千餘
級進都督改廕錦衣尋以疾致仕卒於家元勳起
小校大小百十戰威名震嶺南與廣西李錫並稱
良將明史本傳

張萬紀字汝守福寧人累遷轉惠潮副帥蠻黎為
梗當事檄討之萬紀力戰中流矢歿福建通志

歐信嗣世職金吾右衛指揮使景泰三年以廣東
破賊功擢都指揮同知已命守備白羊口遷大寧
都指揮使天順初以都督僉事充參將守備廣東
雷廉諸府巡撫葉盛薦其廉勇進都督同知代副
總兵翁信廣西僑僮陷開建設官吏帝趣進兵信
破賊化州之馬里村再破之石城擊斬海南衛反
者鄧瑄時所在盜羣起將吏不能定廣西參將范
信守潯梧僑盡在境內陰納僑賂縱使越境流劫
約母犯已於是雷廉高肇悉被寇帝命廣西總兵
官陳湮及信合剿時有斬馘而賊勢不衰朝廷猶
倚范信會涇以罪徵乃擢范信都督僉事充副總
兵鎮廣東而命信佩征蠻將軍印代涇鎮廣西成

化元年賊掠英德諸縣信計斬五百餘人奪還人
口韓雍督師令信等分五哨攻破大嶽峽已而餘
賊復入潯州信被劾賊獲宥召還理前府事范信
既徙廣東賊勢愈盛劫掠不止乃語人曰今賊仍
犯廣東亦我遣之耶而是時都督賴彪征夷將
軍印討賊久無功濫殺良民報捷嶺南人咸疾之

明史本傳
績蒙勲字世階襲衛指揮多膂力後掌衛篆陞廣
東白鴿門千總築兩埠修營房八戰擒倭寇百三
十餘人首二百級遷都閩坐營合剿瓊崖黎寇以
破巢功最陞參將浙江通志

俞大猷字志輔晉江人嗣世職百戶舉嘉靖十四
年武會試除千戶毛伯溫用為汀漳守備連破海
賊擢署都指揮僉事書廣東都司新興恩平峒
賊譚元清等屢叛總督歐陽必進以屬大猷乃令
良民自為守而親率數人徧詣賊峒曉以禍福且
教之擊劍賊駭服有蘇青蛇者力格猛虎大猷結
斬之賊益驚乃詣何老猫峒令歸民侵田而招降
渠魁數輩二邑以安二十八年朱統巡視福建薦
為備倭都指揮會安南入寇必進奏留之先是安
南都統使莫福海卒子宏漢幼其大臣阮敬謀立
其婿莫敬典范子儀謀立其黨莫正中互警殺正

中敗挈百餘人來歸子儀收殘卒遁海東至是妄言宏漢死迎正中歸立剽掠欽廉等州嶺海騷動必進檄大會討之馳至廉州賊攻城方急大猷以舟師未集乃遣數騎諭降且聲言大兵至賊不測果解去無何舟師至設伏冠頭嶺賊犯欽州大猷遮奪其舟追戰數日生禽子儀弟子流斬首千二百級窮追至海東雲屯檄宏漢殺子儀函首來獻事平嚴嵩抑其功不叙但賚銀五十兩而已是年瓊州五指山黎那燕構感恩昌化諸黎共反必進復檄大猷討而朝議設參將於崖州卽以大猷任之乃會廣西副將沈希儀諸軍擒斬賊五千三百有奇招降者三千七百人言於必進曰黎亦人也率數年反一反一征豈上天生人意宜建城設市用漢法雜治之必進納其言大猷乃單騎入峒與黎定要約海南遂安後爲鎮守參將廣東饒平賊張璉數攻陷城邑積年不能平四十年七月詔移大猷南贛合閩廣兵討之時胡宗憲兼制江西知璉遠出檄大猷急擊大猷謂宜以潛師搗其巢攻其必救柰何以數萬衆從一夫浪走哉乃疾引萬五千人登柏嵩嶺俯瞰賊巢璉果還救大猷連破之斬首千二百餘級賊懼不出用間誘璉出戰從障後執之并執賊魁蕭雪峯廣人獲其功大猷

不與較散餘黨二萬不戮一人擢副總兵協守南贛汀漳惠潮諸郡遂乘勝征程鄉盜走梁倭禽徐東洲有林朝曦者獨約黃積山大舉官軍攻斬積山朝曦遁後亦爲徐甫幸所滅大猷尋擢福建總兵官與戚繼光復興化城共破海倭繼光先登受上賞大猷但賚銀幣四十二年十月徙鎮南贛明年改廣東潮州倭二萬與大盜吳平相犄角而諸峒藍松三伍端溫七葉丹樓輩日掠惠潮間閩則程紹祿亂延平梁道輝擾汀州大猷以威名懾羣盜單騎入紹祿營督使歸峒因令驅道輝歸兩人卒爲他將所滅惠州參將謝教與伍端溫七戰失利以俞家軍至恐之端乃驅諸酋以歸無何大猷果至七被禽端自縛乞殺倭自効大猷使先驅官軍繼之圍倭鄒塘一日夜挖三巢焚斬四百有奇又大破之海豐倭悉奔崎沙甲子諸澳奪漁舟入海舟多沒於風脫者二千餘人還保海豐金錫都大猷圍之兩月賊食盡欲走副將湯克寬設伏邀之手斬其梟將三人參將王詔等繼至賊遂大潰乃移師潮州以次降藍松三葉丹樓遂使招降吳平居之梅嶺平未幾復叛造戰艦數百聚衆萬餘築三城守之行劫濱海諸郡縣福建總兵官戚繼光襲平平遁保南澳四十四年秋入犯福建把總

朱璣等戰沒於海中大猷將水兵繼光將陸兵夾擊於南澳大破之平僅以身免奔據饒平鳳凰山繼光留南澳大猷部將湯克寬李超等躡賊後連戰不利平遂掠民舟出海閩廣巡按御史交章論之大猷坐奪職平卒為克寬所追擊遠遁以免不敢入犯矣河源翁源賊李亞元等猖獗總督吳桂芳留大猷討之徵兵十萬分五哨進大猷使間搆賊黨而親搗其巢生禽亞元俘斬一萬四百奪還男婦八萬餘人乃還大猷職以為廣西總兵官故事以勲臣總兩廣兵與總督同鎮梧州帝用給事中歐陽一敬議兩廣各置大帥罷勲臣乃召恭順侯吳繼爵還京以大猷代予平蠻將軍印而以劉顯鎮廣東兩廣並置帥自大猷及顯始也伍端死其黨王世橋復叛劫執同知郭文通大猷連敗之其部下執世橋以獻進署都督同知海賊曾一本者吳平黨也既降復叛執澄海知縣敗官軍守備李茂才中礮死詔大猷暫督廣東兵協討隆慶二年一本犯廣州尋犯福建大猷合郭成李錫軍擒滅之錄功進右都督卒贈左都督諡武襄武平崖州饒平皆為祠祀明史本傳

每戰必誓師令毋妄殺擄掠故所向成功浙江通志姚來字舜延仁和人萬曆間屢著軍功授惠州參將泰昌元年秋山賊竊發惠州大震來孤軍深入賊皆戰沒奉旨建祠惠州王猷字廷熙崇正十三年以將材考授香山守備調防韶州十五年張獻忠掠湖南往援恢復郴州宜章等處繼調協剿江西撫州建昌等郡土寇陞南韶參將明亡死節俱同上張開祚不傳籍貫累功至遊擊崇正十一年楚寇劉新宇等攻韶城總督熊文燦遣開祚援之與賊大戰於蕭村斬首數百級復輕騎窮追為賊所害文燦自為文以祭志許當辰字健菴餘杭人天啓間武進士授廣東旗鼓都司征海寇劉香力戰沒于陣浙江通志鄒維勳清流人崇正間任肇慶府守備時流寇攻圍韶州奉檄統兵赴援斬首六百餘級賊敗走次日復進兵追賊伏發力戰陷陣而死福建通志花茂巢縣人元季起兵從陳瑊先丙申歸附洪武八年陞神策衛指揮僉事十三年調廣州左衛勦平陽春等縣叛賊十四年收捕清遠英德翁源博羅諸縣山寨十五年討海南叛蠻出海捕倭十九年東莞龍川興寧南海香山翁源民作亂統兵討

平之二十年陞廣東都司指揮同知夷電白等賊二十一年破歸善等縣賊巢二十二年陞都指揮僉事轉都指揮同知賜諡子孫世襲廣州左衛指揮使是年擊南海香山黃連等寨二十四年收剿連州廣西湖廣等處搖賊三萬餘二十六年致仕上命其子為東勝右衛指揮僉事茂仍滋事四月統軍蕩滅東莞莞岡等寇二十七年茂上言請徙廣東沿海地方東莞香山等縣適逃蠻戶為兵日戶附若海島遇官軍則逃稱捕魚遇番賊則同為寇盜忽不常難于詰訊又奏添設沿海依山廣海碣石神電等衛所二十四處築城濬池收集海島隱料無藉等軍仍於要害山海口議立堡撥軍屯守詔皆從之二十八年征捕海南諸山峒黎賊明年入覲上慰獎之且召其次子英來朝候用六月茂還會番禺後山等寨賊叛命英暨肇慶衛指揮夏忠領軍捕之獲其首從鄧佛蔭等七十五人即遣英赴京茂尋奉制陞本司都指揮使三十年授英廣東都指揮僉事與張春共殄滅賊首黃黑面等地方安輯四月茂卒賜葬牛首山安德門外廣人祠之于粵秀山英武毅有父風自以軍功陞本司都指揮使永樂中屢建大勲後致仕欽王清字一停合肥人世以武功為濟寧衛指揮使

慨多勇略常提兵入衛宣德間率部出喜峰口及駕鴛海屢立奇功正統二年陞廣東都指揮以親老不遂迎養陳情乞分俸于原衛詔許之蠻夷叛據大藤峽請往討有功戊辰總督廣東軍務已已協同總兵駐軍高州廣賊黃蕭養劫鄉民叛眾十餘萬圍攻廣州清帥舟師赴援至沙角尾水淺舟膠失利被執賊素知清威望不敢害清投水不死因寄衣還廣城中大書一詩兩捧天書鎮百蠻偶因兵敗不生還飄零身世輕于葉落襟懷重似山半夜愁吟珠海寺幾回夢墮鬼門關君獨有衣相寄為我招魂宇宙間數日賊雄擁清至城下使諭眾開門降清罵不絕口遂遇害朝廷憫之加子爵二級清善律詩所著有建彙集行于世上夏晟肇慶衛指揮成化九年哨守瀧水無何搖賊掠境勢猖獗諸將弁出戰皆不利水東茅尖大莆諸要害雖有成兵皆竭閉自保晟不勝憤乃出俸金益兵糧又以兵力單薄招募壯士數百別為一營以繼兵卒之後連戰皆有斬獲號為得勝軍搖賊知晟嫻將畧遁去晟長驅入蘆荻邨賊蟻聚困之且鬪後隊忽潰遂遇害羅人傷之羅勇兵歐磐字安石鳳陽人起家廣州右衛指揮僉事剿賊有功成化初累遷至都指揮使奉命討番禺後

山盜未嘗遺一矢而盜尋殄息人以爲福將終都督僉事充湖廣總兵官子儒崇尙文雅累官都指揮瑁王英廉謹有名以軍功累遷都督同知黃志蔣鐸宏治中以南海指揮使守古城寇猝至圍之內薄攻且陷鐸突出召兵所向披靡賊知其主將也叢矢射之被體如蝟猶奮擊不已至大岡橋飛矢中喉而絕羅定州志張秉彝石首人洪武間以指揮同知調鎮雷州時大兵之後人民潰散秉彝招徠撫散歸附日衆殘寇竊發檄千戶王清剿之擒其黨七十餘人地方以安又闢城濬池建立衛所析屯田諸營砌濠橋勞動非一後征廣西有功捕高涼叛賊羅然陞水軍衛指揮使及行父老遞送於道都志張恕鳳陽人洪武初由父勲任山西護衛指揮僉陞同知調海南衛敦篤謙和涉獵子史永樂五年征潯州等處十六年督築南山新城皆有功時有定遠楊義亦以父勲襲河南衛指揮同知陞揮使亦調海南衛多才有守軍民畏愛瓊州府志滕漢興州人都指揮同知守備高州以平化州賊攝參將巡高雷廉成化三年西賊掠石康靈山漢督軍追之賊走十萬山乘勝嚴追賊復聚戰創重而死都志

張祐爲廣州右衛指揮使年十九從總督潘蕃征南海寇弼元祖先登有功正德二年擢署都指揮僉事守備德慶瀧水猛獍負險者聞其威信稍稍遁去總督林廷選引爲中軍事無大小咎焉守備惠潮擣盜魁劉文安李通寶穴平之又剿廣東會寧劇賊邱區長等斬首一千二百勒銘大隆山十一年陽春賊趙林花陷高州總督陶諧檄祐討深入多所斬獲忽中危疾卒明史本傳張熹武定人世襲雷州衛指揮同知正德間海賊猖獗入港劫掠民艘時備倭者怯弱分巡李某擇可任哨捕者委熹督之熹舍戰艦坐民艘以誘賊賊悉衆來攻大戰沙頭乘勝奪回民舸二熹恃勇復追賊至牛村港賊舟相繼夾攻矢盡無援竟陷賊死同沒者甚衆分巡道哀之親致祭焉都志張傑不傳籍貫雷州衛指揮同知視篆三十餘年勤慎自效徵屯糧斗斛不侵士卒愛戴以老致政屏跡公門鄉飲舉大賓性喜翰墨有逸趣同上白毅昌黎人歷功陞錦衣衛都指揮同知以事誣誤調雷州衛指揮同知猛賊入境毅領軍殺賊屢立戰功後於竹叢尾村孤軍抵賊斬獲甚多賊衆幾潰轉被殺贈本衛指揮使雷州府志高卓海南衛指揮同知沉勇有謀得士卒心嘗統

水陸諸師征討多克捷前後俘馘寇盜無算一方
 賴以保全後戰于神尖卓以二舟驅賊三十餘舟
 殺賊百數十人斬其首領王聰賊從後以礮擊之
 妻傷疾戰復殺百餘人賊乃敗去是夕卓卒兵巡
 副使朝宜惜之賻以金且為詩輓焉議立忠勇祠
 於北門官市遇賊陷海口而輟志
 蔡玉和州人世舊功臣洪武十一年由長沙衛指
 揮僉事調海南衛開展城池起棚瓦屋營房建演
 武亭革去酷政賢明廉謹存恤軍士惠愛及民志
 孫安字治平處州人元季募義兵保障溫之平瑞
 及混一任兵部侍郎尋除廣東衛指揮僉事洪武
 二年八月率領官軍一千餘分司海南開設衛所
 奏展城池請陞瓊州為府瓊臺志
 桑昭無為州人洪武十七年由金吾前衛指揮僉
 事掌海南衛印歷十年愛軍恤民造修公廨營房
 倉庫展廣土城街道溝渠清澗昌化海口三所皆
 所創置申呈不立屯田廢東西軍營以地入廣治
 民到于今稱之黃志
 柴英字仲寶曹縣人父裕元安豐千戶歸太祖從
 征伐積功至武節將軍洪武乙亥秋詔天下武臣
 或其父祖與開拓之功者皆超擢於是英得海南
 衛指揮僉事寬厚愛人善於撫御剗弊興利人皆

便焉黎寇王瓶擾澄邁剿平之既三年授明威將
 軍廣東瀕大海海外諸國皆內屬然時出沒寇海
 上已丑春指揮李珪總兵備之聞英名徵以自助
 鎮撫扞衛多用英策久之珪召還廣東都指揮司
 奏英代領其眾詔從之英統兵萬餘巨艦五十艘
 諸將有位在英右者皆服屬聽指使晝夜巡邏閱
 習訓練恆如寇至寇亦震懾不敢近海道幾萬里
 其民安生樂業者英之惠也師駐潮州海門千戶
 所之前因得風疾以卒將士莫不垂涕相與具棺
 殮昇歸其喪海南軍民咸奔走弔哭歐陽
 楊豫采石人由袁州衛鎮撫陞雷州衛指揮僉事
 性嚴毅不受私謁築城壘督屯田軍士附之征瀧
 水賊擒斬李敬宗餘級甚多永樂三年備倭海道
 飭舟師防禦嚴密賊不敢至四年從征交趾累立
 奇功中流矢而沒策命旌之志
 翟興徐州人或曰虞城人由金吾前衛千戶陞瓊
 州衛僉事洪武十五年征獨洲洋賊擒連奴歐等
 並船六十隻二十一年征瀧水有功二十三年倭
 賊寇海口生擒之追獲其船後陞廣東都指揮僉
 事卒于官子彝襲瓊州府志
 蔡鼎信陽人雷州衛指揮僉事正統初掌衛政守
 法奉公不憚勞勩建衛治修鐘樓葺城浚隍整節

營所規制煥然一新志

李虎廣州衛百戶成化間來守龍水流或猖獗虎

驍勇為前鋒相機截殺賊不敢近累遷指揮僉事

守邑十有八年盜賊屏息民賴以安州志

湛鉞廉州衛借職指揮使歷陞廣東都僉性英俊

有文武材好賢禮士去治間符南蛇叛領兵來援

適賊大掠臨高縣時兵不滿三千眾有懼色鉞勇

氣百倍率奇兵由間道遠賊後大破之擒斬以千

計保全臨高儋州昌化之圍威鎮十三州邑大

暑中兼程冒雨病卒軍民哀之臨高立祠祀焉州志

王鈺山東人雷州衛指揮僉事宏治己卯領兵征

信宜善射賊多斃俄而風雨驟作賊鼓噪而前日

暮矢盡泥濘馬蹶中槩而死士大夫多賦詩哀之

黃志

谷秦世襲海南衛指揮僉事嘗以忠義自許宏治

甲子督備東三所適黎人越雷州流劫時兵備副

使王權惡聞賊報者輒被杖秦率所部禦之殺數

人賊驚退去尋擁眾復來兵力不敵遂死於賊營

猶以輕躁罪泰州人皆忿焉州志

王琥海南衛指揮僉正德初督備清萬南三所合嚴

約信每賊至輒挺身出敵七年征鷓鴣黎諸哨不

前琥如期抵會所焚賊巢而還掌衛印裁革軍士

借辦月錢公勻屯糧及卒無以為殯官為給斂上

程鑒字本虛合肥人襲指揮僉事卒業經史將鑑

諸書智勇過人從征新寧積寇遷指揮同知嘉靖

初守備惠潮居碣石衛剿和平賊會李文績擇幹

族十餘輩充鄉約正副構亭規勸清族丕變遇饑

僅榜諭富室互相資濟嶺東人以全活有司媿焉

庚寅遷廣東都指揮僉事時與名公巨儒往還嘗

登元覽臺雅歌有儒將風尋充左參將分守肇高

廉雷四郡建議立成岡松柏二巡司提督林富從

之未幾西山徭賊黎廣趙林花攻劫府庫事聞富

與總兵仇鸞皆戴罪鑿馳師赴之駐于陽春遣聽

招賊會徐二陽降因誘而殺之巢穴蕩平尋征連

州朱砦功不得上罷歸己亥陵崖黎岐作亂提督

蔡經起鑿討之斬獲三千六百級功冠諸哨捷聞

獲賞癸巳陞副總兵鎮守廣西瓊人愛之粵志咸

惜其去後母喪歸葬卒年五十三鑑為將與廣右

王廷輔寧波人雷州衛指揮僉事勇畧過人嘉靖

間海上劇賊犯海康廷輔統軍督戰身先犯敵矢

盡力窮而歿當道嘉其義給田以葬崇正間祀忠

義祠浙江通志

莫如爵字克修桂林衛人讀書通古今獎指揮中武舉高等以軍功累遷廣東都指揮掌司事嘗請督府鮑象賢行秋調法從之竟為上官所厄為人廉朴捐俸賞造座船凡官軍皆不少賸削甚得士卒心後充右江參將卒于官軍民莫不悼惜黃志崇昇瓊州中所千戶以勇力聞遇敵常冠軍鋒所得悉餉士故人樂為用劇盜劉世釗寇雷廉兩道會兵擊之皆潰昇獨獲賊舟殺數十人而退凡昇所居賊必遠徙嘉靖中觸副使戴一浚惡置獄累年一浚去姚世熙繼之賊掠白沙世熙出昇禦焉海賊吳平攻破數邑獨昌化以昇獲全為瓊州保障者十餘年郝志

黃隆廬州人雷州左所副千戶隆慶五年掌錦囊所印值倭寇犯城鋒銳莫禦眾皆潰散隆獨挺身力戰身受數十創遂遇害事聞恩卹其子繼勳海志

孫湖益都人世襲海康所正千戶萬曆十八年掌所印時賊李茂餘黨掠海洋湖率兵駕船往禦自卯至申斬賊四十餘級舟退忽颶風起陷陣而殞院道嘉其義獎而恤之郝志

王鼎不詳其籍為雷州中所正千戶有勇力手能搏擊數十人左所韓恭奉調征黎鼎與恭偕賊語

而眾鼎與相持者累月保吉營之敗死之雷陽志韓恭大興人雷州左所副千戶隨調瓊州府征黎賊屢立戰功保吉營之敗眾皆先奔恭獨殿後賊至陷陣斬殺而死同上

謝惠欽州所百戶領備倭事正德八年八月交陞入寇惠率官軍禦於淡水灣賊眾兵寡力戰死之郝志

陳相蘄州人中所百戶正德九年自廣西調雷州善跳盪以勇著聞調守陽春鳳凰寨山賊猖獗乘夜來攻相督兵拒之兵潰力戰殺數賊遂遇害海志

潘恩合肥人雷州左所百戶隆慶四年海寇猖獗恩率軍防汎遇賊於沙頭洋奮勇赴戰中鎗而亡眾憫之給其葬事郝志

吳賢思州人世襲雷州百戶隨軍征廣後山十三村賊賊設寨險固賈勇先登被刺死事聞贈副千戶雷州府志

孫岳鳳陽人洪武初以勳舊任本衛鎮撫從學趙考古機謀智勇而廉靜有守始終如一疆宇初闢登著先登功遠近區其威名同上

陶鼎鳳陽人洪武二十一年任雷州衛右所鎮撫巡視陸路兼管海道時有倭寇數十隻揚帆海上

將犯郡境鼎肅隊伍備之賊登武郎場岍鼎馳擊之一鼓合戰手刃數人賊潰回帆而遁數日賊耻其敗泊馬湖塘誘戰鼎益奮烈督軍士攻之竟陷

沒志

王道成晉江人白鴿寨把總勇而能謀時雷海多警道成沙頭一戰閩郡為之嘆美及倭抵雷城下道成晝夜防守寇竟不敢犯城後奉調追寇於電白陣亡當路惜之祀忠義祠

同上

沈如懋浙江蕭山人武進士崇正十一年任白鴿寨欽依把總有胆智身先士卒出海征賊竟日力戰而死

雷州府志

祝國泰餘姚人武進士管濶洲中軍萬曆三十六年正月海寇掠欽州至龍門國泰領兵衝之殺賊百計賊日益眾來圍或以眾寡為言國泰厲聲曰龍門乃欽之咽喉萬一有失不重誤欽人乎縱死無退與廉州所百戶管龍門總哨孔榕併力迎敵奮戰潮淺船膠遂遇害剖腹焚屍聞者傷焉濶洲遊擊張某立廟祀之

志

廣東通志卷二百五十四終

廣東通志卷二百五十五

宦績錄二十五

佟養甲 李棲鳳

李率泰 王國光

周有德 金光祖

吳興祚 石琳

郭世隆 楊琳

孔毓珣 阿克敦

陳大受 班第

陳宏謀 俱總督 董應魁

王來任 劉秉權

李士正 朱宏祚

蕭永藻 彭鵬 楊宗仁 子文乾

石文晟 王譽

鄂爾達 託庸

王安國 李湖

德保 張純熙 巡按

朱珪 俱巡按

國朝 佟養甲字陸海奉天人從

龍世閔隨貝勒克圖授兩廣總督奉

命平定百粵順治三年借提督李成棟統師入潮州先遣

閩矜黃夢麟宣諭威德潮人赴關迎附時羣盜黃海如劉公顯等各擁眾數萬分據諸縣養甲剿撫並用盜各歸順由惠入廣撫循難民以次削平山寇招徠新附四年順德亂民余龍等以巨舶數百圍廣州養甲水陸邀襲龍敗走七月故指揮楊可觀等欲以城應賊養甲斬以狗俘其黨三千餘人時羽書旁午帶甲縱橫養甲善於控馭凡糗糧餼牽之借索者樵蘇蒐獵之蹂藉者約束嚴明民咸賴焉粵士初平諸司未及銓授養甲妙選幹員慎簡廉吏劣者置諸法不少寬五年戊子歲饑養甲捐金平糶存活甚眾是年成棟以肇慶叛脅養甲不從死之康熙二十三年祀名宦金志

李棲鳳字瑞梧奉天人為諸生即以天下為己任由內院副理事官歷東昌荆南道遷湖廣右藩巡撫安徽所至有政績順治六年平靖兩藩統師平粵

世祖章皇帝念巡撫重任必得才略兼優威望素著始稱是職

特簡棲鳳以僉都御史撫粵棲鳳與兩藩先定南韶二郡揚帆直下廣州遂平棲鳳軍容整肅諸將稟稟莫敢仰視剿撫並用動合機宜撫粵八年杜請托絕饋遺省刑薄歛勞來安集粵民賴之頻年山海叛

服不常兩藩羽檄交馳棲鳳居中調停陰受和平之福尋加兵部侍郎巡撫如故順治十一年始開制府以李率泰典軍事而民瘼政治則資棲鳳為肇遣十四年考滿加兵部尚書

賜表裏緞有加十五年率泰遷浙閩總督去以棲鳳代時西省潯南兩郡未平東省尚多伏莽棲鳳受事五月即檄調梧柳高廉各鎮三路進軍恢廓兩郡東粵積年巨盜如鄧耀黃占三王興楊二蕭國隆俱相繼就縛各烏蠻土司暨交趾諸郡誓服歸貢十七年加太子少保十八年

命官祭之棲鳳在粵十二年粵人思之祀名宦郝志

李率泰字壽壽滿洲人由勳衛仕為刑部侍郎初從

王師定三吳下閩粵素著威望順治十年以兵部侍郎總督兩廣入境即劾貪污輕徭役西逆李定國由粵西柳州入高州道經雷廉縱兵屠戮平藩標下副將陳武參將李之珍高州守將張月督兵至石城青頭營與戰失利之珍趨電白月還高州欲挽武共降武不從乃私納款賣武以降定國入高州重徵登派民甚苦之遣兵圍新會兩次不下十月定國親至督戰知縣黃之正募死士何廷賓潛行

市僧侵漁利歸王府小民賸削光祖禁之取尤黠者寘諸法民乃安堵又粵東多商粵西多農布帛菽粟兩相便也自藩吏肆擾兩江之船遂不往來光祖聽民自為市羅錢穀流通粵處天末八旗重鎮皇華使者雲合霧集民疲奔命光祖悉列其弊請於藩府無藝之徵少息矣康熙二十年滇黔扇亂

命光祖率領大軍進剿光祖聞

旨慷慨誓師未幾雲南平紀功司勳其偏裨卒伍寸勞薄

伐亦得議叙以故爭先用命光祖歿士民感其德

請祀澤宮志

吳興祚字伯成號畱村正紅旗人初任江南無錫

令康熙十四年耿逆披猖隨

王師平閩以功署觀察使及臺灣底定遂超遷閩撫康

熙二十一年

特命總制兩粵入境之日相度機宜部署廢藩綠旗官兵

分左右翼左鎮廣州右鎮韶州制軍坐鎮上游控

御全粵得扼要之勢逆藩尙之信以罪誅遺孽猶

擅鹽鐵重利與祚釐剔甦民東安之河頭西趨高

涼直抵瓊州舟車輻輳百貨鱗集奸猾胡從等據

市籍率二十而算一緡與祚杖而逐之潮之廣濟

橋閩粵衝衢歲久圯傾民皆病涉與祚捐白金四

萬兩重葺到今利焉粵錢法壅滯興祚設局鼓鑄經畫悉協錢乃流通至于招墾荒嚴營汛春秋耀族闕場聲振林木海不揚波苗蠻歸化自茲臺解

命五羊猶躡展花田泛舟珠海與騷人墨客吟詠唱和所

著有宋元聲律選及史遷句解歸

朝後復出為古北口都統卒于官計至兩粵之人奔走

聚哭祀名宦

石琳字瑯公滿洲正白旗人父某開國元勳封忠

勇伯琳第六子也初由佐領禮部郎中擢山東觀

察使歷任浙藩開府滇楚所在建祠尸祝康熙癸

酉

特簡總督兩廣下車相險阻水陸營堡碁置星布宵壬屏

跡康熙三十五年東粵告饑乞糴于西西人遇糴

琳為通融法爰有泛舟之役復解俸散給糜粥存

活甚眾龍江羚羊峽當西流之衝暴水潰堤琳朝

服立堤上刑馬沉玉禱于江躬負薪塞堤水即退

康熙辛巳決黎讞于瓊南殲渠魁釋株連民用大

定壬午徭人肆擾其窟穴八排在萬山之中琳提

師會剿采人其阻壘烟瘴雨中人腎胃而琳憊矣

琳官粵一十四年分圖甲而錢糧清革私稅而商

賈悅恤獄囚而瘼斃鮮嚴海防而盜風息重文行

而士勸學禁鬻女而民興慈流風善政之在人者蓋百世不諼者也

聖祖仁皇帝命使者齋藥存問琳拜

恩泣不能起登舟歸數日病革遂卒百姓巷哭聲相聞

聖祖遣官致祭粵東西之民相與肖其貌而祀之兄子文

晟撫粵別有傳

郭世隆號常伯奉天人康熙四十二年總督兩廣廉而仁明而能斷粵人重之世隆念粵地濱海海防爲亟酌其宜汰者順德密邇省會無憂弱總兵官宜從減酌其宜增者大鵬平海二營海道紆雜澄海協與南澳對峙甚衝要急須水師宜從益酌其宜變者達濠海門弁兵宜互易白鴿碭州防守宜通融

聖祖仁皇帝皆從之其視屬吏也法不少徇然準情度理

不膠於法瓊州一郡孤懸海外吏抱牘至省往來踰期以風爲解不得則犯險而前多溺世隆矜焉疏請展限兩月四十年沿海諸邑被水世隆急請蠲賑民不患災又粵抵京道遠送囚例用長解役苦之世隆請視逃人例易短解役免長途跋涉矣其存心厚而不失之濫馭下嚴而不失之苛實能無負封疆云

楊琳號玉峰奉天人康熙五十六年由福建提督

遷巡撫初琳歷任開闢察弁員馭卒伍綽有餘地聖祖仁皇帝遂命巡撫廣東初康熙三年屯糧全徵本色其離省險遠之區輓運維艱琳疏請改折價三千四百餘石民甚便之踰二年授總督入

觀奉

聖祖指授方畧遂有沿海礮臺之役是役也琳裁闕狹酌險易新者建之舊者整之共計礮臺城垣汛地一百二十六處將則有調兵則有增共計三千九百九十一人首尾相應疎密協宜又上言防海六事一日統巡分路二日戰船宜增三日哨船宜均四日要汛增兵五日要地設官六日遠協屬鎮皆洞切情勢

詔報可其視嵯政多法外施恩開府於粵頗久年亦漸邁

雍正元年

上命琳專督廣東事又一年而卒

孔毓珣號松庵 至聖六十七代孫歷官至廣西巡撫雍正二年

世宗以毓珣練兵有方遂授廣西總督踰年總制兩廣晉階大司馬毓珣練達機務轉圜敏妙大政小事各無疑滯粵素多盜治之者恒失要領盜愈熾毓珣嚴保甲整斥埃信賞必罰密捕盜魁立賞諸法黨與震恐悔罪自投者二百四十餘人盜患遂熄又

綜覈全粵山海形勢瞭如指掌兵防形勢井井如
畫移香協都司於潭洲設專營守備於從化駐鎮
標遊擊於增城調瓊山縣丞於海口改碣石衛為
同知升連州為直隸諸所措置詳審精密不錯寸
趾粵東春夏兵楛孔亟而粟米之征未逮倉中穀
陳陳相因莫敢擅發毓珣請以倉穀舂米給兵秋
成還穀無不稱便猶以肇惠為督臣提臣駐節之
所潮州南澳碣石各鎮協管統計弁兵凡二萬四
千四百六十人非貯穀二萬八千七百餘石灌輸
之不可加以建倉運費非得朱提一萬六千餘兩
籌畫之不可毓珣疏言臣署有無礙銀協此數願
以

上之賜贍

上之兵

詔嘉許之復區七千金增製各營輿整組練千兩及筵弓
矢飛礮之屬軍容整肅壁壘一新焉四年秋偶患
積雨廣肇惠十一邑被水毓珣疏言廣西桂梧南
柳四郡鬱賓兩州貯穀頗多平糶外猶足協濟請
先運三十萬石而東以四萬石貯肇慶以二十六
萬石貯廣州

詔報可而粵東米價遂平他若重圍基而請監司督修築
海塘而禦雷州潮汐釐政舉而賈人各安其業洋

禁開而梯航相望以來皆績之卓卓可紀者六年
冬

命割廣西一省屬雲貴毓珣益得專力廣東矣制粵以來

恭刊

聖主歷年

上諭莊誦尋繹七年秋遷河道總督未幾卒于官俱同上

阿克敦字冲和姓章佳氏康熙四十八年進士翰
林院編修雍正四年以兵部左侍郎署兩廣總督
五月攝廣州將軍印五年廣東巡撫楊文乾議將
高要高明四會三水南海五縣圍基頂衝改築石
工次衝改作椿埽計費數十萬擬借庫銀修築且
有開捐之請敦意不與合文乾專摺陳奏敦言五
縣圍基俱係土工開竇建牖以時蓄洩每農隙百
姓按畝分工加累官私兩便惟江水驟漲則田畝
間或被淹圍基多衝缺然水性不猛不必石工椿
埽始能抵禦請仍舊法令地方官督民修補江漲
則遣員防護圍基可永遠保固無庸改築費帑疏
上遂寢文乾議敦又言盛世戶口滋繁宜墾荒以
足食今墾荒令下民乃裹足不前一由豪強之占
奪一由資本之不敷一由吏胥之需索一由土瘠
而畏日後之升科臣謹案勸道之方有五一定疆
界以絕爭端一禁需索以寬民力一借籽種以助

農工一緩升科以示優恤一廣招徠以盡地利庶民知踴躍趨事又令州縣能勸墾十頃以上者捐給籽種牛具者皆予紀錄富厚之室計其墾闢多寡獎賞有差最者給與頂帶皆奉

旨允行

春融
堂集

陳大受湖南祁陽人雍正癸丑進士由庶常授編修累遷侍讀學士乾隆十五年擢兩廣總督十六年同程巖疏請裁廣東肇高學政部議從之時海陽海康遂溪等縣之堤塌於風雨大受疏言堤工創修刻不容緩儻必俟動帑興築詳估需時坍塌滋甚不若令民隨時自修遇有重工另奏官為辦理民甚便之是年以病乞解任

溫旨慰留未幾卒

賜祭葬諡文肅入祀賢良祠

採訪
冊

班第蒙古鑲黃旗人姓博爾濟吉特康熙中由官學生授內閣中書乾隆時歷官至兵部侍郎十八年正月署兩廣總督三月緝獲增城東莞奸民王亮臣等寘之法十月奏言廣東庫貯礮械甚多皆前蕩平藩逆及海寇時所繳日就廢壞可惜請將完好者修整餘鑄鐵備用

上嘉之又奏廣東廉州所屬州縣向稱土瘠民貧臣嘗經其地類多溪河不乏水利水車之法農民不曉因

製牛運水車二十架分發各鄉以為公物用力不勞引水甚易遠近倣效民甚便之奏疏見水利畧十九年閏四月

召回京授兵部尚書後阿睦爾撒納作亂與鄂容安同死烏爾庫圖之難

上聞軫悼入祀昭忠祠諡義烈

同

陳宏謀字汝咨臨桂人雍正元年進士由檢討累官巡撫擢兩廣總督節制本郡尤為異事最後以兵部尚書署湖廣總督尋內轉吏部官至東閣大學士凡敷歷數十年宦跡半天下清儉不異寒素而政治卓越尤盡心水利凡所經建輒為經久之計生平篤守宋儒之學而能踐履見諸行事所至以教育人才為己任嘗刊近思錄大學衍義又輯養正訓俗教女從政學仕各遺規並在官法戒錄行世廣西通志每書院課必進多士諄諄訓誨以為讀書稽古當模楷前人曲江風度要在人自立耳江

記小

董應魁奉天人順治初授良鄉令以賢能課最擢寶慶太守分守武昌遷山東鹽驛道晉閩臬及廣西右藩順治十八年以少司寇巡撫廣東下車之日問疾苦懲積弊招携懷遠民大安之時粵屢遭兵燹瘡痍未復值靖藩移鎮閩省家口行糧程督

孔亟急之則鳩民緩之則誤軍應魁曰吾不忍粵民保瘠溝中又不忍誘咎于百執事惟以身任厥愆耳遂鑄級遷江西督糧道尋罷歸粵人建祠于禪山祀之全志

王來任字宏宇正黃旗漢軍天聰八年舉人康熙四年巡撫廣東疏陳廣東六大害一夫役廣東頃因用兵差徭煩數額夫不足率權取民間後乃沿為故例遂有旬夫長夫短夫加夫諸名色其折銀始自二三兩多至三十餘兩凡官兵往還傳送軍器修造衙門應付使客或數千名或數百名少亦數十名大為民厲請

旨禁革

其應用夫役俱于驛傳報銷候部核議二民船異時官使船每取辦民間已而官取河船應用仍從民間征銀給之每一縣河船多者率數十每一船歲費一二百金胥吏藉是搜括鄉里今募省會官共捐銀造河船二百二十八備官使其故河船及一切民船俱禁不復用三采買自將軍提鎮以下託名軍需徵取百物州縣委之里排里排取之百姓四私抽民間無賴冒入旗營橫行鄉里私抽稅銀凡車牛米穀雞豚之屬無一獲免並請禁絕五誣盜州縣獲盜不即審訊姦胥黠隸教令攀引私讎及諸富人嚴刑之下冤濫者眾請凡獲盜者必

立究黨羽毋得遲延妄害良善六擅殺各營塘報每遇盜發輒稱盡行勦洗其被擒者即行誅戮時有濫殺無從究問請官兵出勤務別善惡其所俘獲悉應解審毋使擅殺疏上

敕部議次第施行粵民大悅彭紹升親慮囚平反積案因圖一空徵服遊市問察有司之淑慝不少狗晝夜巡邏奸宄竊發即捕獲兵厮橫暴即重懲嚴禁畧取令關津非驗符傳毋得闌出粵女培養士氣綏靖邊疆皆由實心行政七年以絳誤還京病卒遺疏論粵東邊界居民奉檄內遷流離失所者至數百萬宜令復還故地

詔許之瀕海之民復歸田里為立廟祀焉初宏宇之罷也

里排潘世祥等百餘人詣

闕請留既至聞其卒痛哭而還謝海集

劉秉權字持平奉天人從

世祖章皇帝入闕授兵部主政遷刑部啓心郎轉僉都御

史罹國史院學士康熙七年巡撫廣東甫視事即

懲貪墨禁加派革供應風紀肅然時方巡海展界

招狹安插男婦十六萬有奇墾田二萬五千餘頃

聖祖仁皇帝優獎之招復竄丁而鹽課足餉請減屯賦而

戍卒安業正己率屬息事安民務持大體不為苛

細尤崇理學重師儒開省治文明門以延秀氣士

風日起甲寅秋潮鎮劉進忠叛秉權帥師斬爲將
金統積勞卒于軍訃閩優卹

子庭謚

李士正字毅可奉天人舉明經歷任江西巡撫康熙二十年逆藩既殄部議廣州各員皆令復還內城原署撫治則改藩府爲之二十一年命士正以原銜移撫蓋重其選也時藩焰方息而隸藩之三旗馬步閒丁尙數千人紛紛翫舞士正不動聲色量地畫界分東西以處兵民凡田廬之爲藩效者店舍之爲兵據者一一給還於民刊布寬大之政二十四條兵民遵守氣象一新已念粵爲嶺海巖疆兵防綦重復與制府提督諸大吏周行海甸相其要害扼塞之所分汛設戍海氛肅清遂會師搜捕花山沙潭諸盜犂其巢幕題請建縣以資控制今花縣所自始也士正九任外吏所至郡國必觀其形勢衝險陰陽向背於粵則治

文廟建三賢祠改創棘院闢文明門修青雲橋濬東西池墮水道重新鎮海拱北二樓收斂悍氣粵風遂醇在粵六載人思其功德俎豆於五仙門外又

崇祀名宦

朱宏祚字徵蔭山東高唐州人順治戊子舉人起家盱眙令以卓異薦歷任直隸守道

聖祖仁皇帝悉其能於康熙十七年
命巡撫粵東

陸辭日有言人所不能言爲人所不能爲之語

聖祖壯之賜白金鞍馬以寵其行出都日以單車走庾嶺憫役夫之苦給以直且立石道左自後役不濫派宏祚始也既抵任首念粵隄政漸壞疏陳其弊一清陋規以勵臣志一禁換埠以靖奸風一定鹽價以杜橫索一專緝捕以免株連語語剴切商民德之衛所屯田舊稅三斗爲額頗重戍者多逃亡宏祚疏請減其額并裁補徵之項弁兵賴焉瓊郡遠居海外兵燹後澄邁臨高二邑錢糧逋欠七萬一千九百兩有奇而高郡之吳川復以流亡失業有無徵銀四萬三千兩有奇米四千一百石有奇宏祚皆疏免其累廣東由水道赴惠潮港汊通海商旅患胥篋踪跡詭秘莫得渠魁宏祚爲文檄城隍之神密捕之盜皆獲悉繫錮鑰投諸江盜遂息其整綱飭紀摘伏除姦皆此類世謂

廷見兩語良不負所學云康熙三十二年擢浙閩總督

崇祀廣東名宦

蕭永藻奉天人爲儀制司主事康熙二十六年預
草典禮精詳周備

溫旨褒獎遂不次拔擢二十六年巡撫廣東其爲巡撫也

一介不取紀綱之僕張二潔如其主以賂進者亦
正色峻拒蘇

彭鵬字古儒莆田人舉孝廉官垣中直聲震天下
康熙四十年出撫粵西政務肅舉旋調粵東屬吏
聞其至惴惴屏息鵬進諸司而訓之曰周官六計
上廉吏不廉則雖有小善不足錄也故墨吏即劾
無少徇者性勤敏視事常至日昃退則緝閱官書
識語目不停覽手不停披夜漏三下未寢率以為
常有以獄上者鵬輒親讞發奸如神掾吏伍伯不
敢索一錢會天旱史巫祈禱弗應鵬露頂跣足行
赤日中汗出如注從者以巾拭之不許甘霖大沛
粵人為喜雨詩紀其事時仲坑開採聚眾幾二十
萬鵬驅散之惠潮陰受其福鵬博學強識條貫經
史熟於國家典故凡有奏疏犁然當利病常愛惜
人材汲引公當經薦刻者

朝廷俱不次擢用未幾以勤勞卒于任崇祀名宦蘇

石文晟滿洲正白旗人前兩廣總督石琳兄子康
熙二十七年知潮州府事時當海氛初靖文晟壹
意招徠宣揚文教四十三年自滇撫移粵居官廉
潔明練抵任後平差徭禁羨耗除茶蠟舟車之費
擴清風弊屬吏望風惟謹漕糧改折起自前明洪
武以避風濤之患吏緣為奸穀賤仍勒重價文晟

喟然曰天子豐年所以惠民官反嗜之是國之虱
也嚴飭諸司仍收本色冒禁者罪時狼蠻弗靖勢
頗洶洶文晟相機宜擒其副賊蠻遂就撫粵地安
謐湖石氏兩世開府粵東勳德相繼足垂百世云
未幾遷兩湖總督粵民思之祀名宦

楊宗仁奉天正白旗人明警廉雋康熙五十八年
巡撫粵東洗剔陋例褫屬吏之貪墨者除重充之
革役懲終訟之刁風官師肅軌奸猾潛踪又知人
善任凡所調拔之員無負厥職前此撫粵者親屬
相隨頗多宗仁僅攜十數人耳粵東山海交錯向
行保甲法日久廢弛宗仁法在必行否則劾其令
盜遂屏息尤加意作人振舉學校庚子鄉試監臨
盡除夙弊凡宗仁所行政事必貫以誠實之心外
視之凜凜不可犯而中含和煦撫粵四載擢湖廣
總督加太子少保登車之日粵童叟泣而攀轅不
能進後三年卒于楚加贈少保

賜諡清端

本朝總督得此易名者數人而已粵人聞其沒咸哀
之請祀名宦子文乾
文乾字元純宗仁之子也敏練嚴重有大臣幹局
自少能撥煩治劇初任山東曹州牧擢守東昌遷
陝西榆林道會宗仁總督兩湖

奏以自隨

特加按察使銜令赴楚雍正二年起授河南布政使司疏

豁祥符中牟封邱等縣虛糧豫人德之四年授廣

東巡撫文乾自以三載之內父子秉鉞茲土

君恩父業淬厲以承甫五日即丁父憂會有奪情之

命文乾不敢違墨履視事時值歲稔文乾告羅四方聚米

實倉減價平糶貧不能市糧者按口賑給奸民肆

梗立寘之法秋東莞博羅等五縣被水文乾方監

試棘園即疏請蠲賑復出俸金先給災民尤重農

事嚴察基園高其舊址俾西江之水不溢出為田

患督理海關秋毫不以自潤

憲廟有操守勝人實心辦事整飭官民不避嫌怨之褒服

未闕請假葬親赴京

賜御書整躬率屬匾額六月

命往清理閩粵公無隱次年事竣復回粵撫任先是文

乾在閩時聞粵米價騰貴士卒苦饑即發簾金數

千兩有奇遣使齎犒兩營荷戈之士載道歡呼是

年文乾竟以國事勞瘁卒於任遠近悲痛文乾撫

粵三年嚴而濟之以寬所薦拔多至大僚著懋績

海洋番船有失風漂徙皆資以餼廩俾還國歿後

朝廷念文乾功因

勅所過地方一體致祭錄次子應琚為戶部員外郎粵人

感文乾遺澤請祀名宦俱同上

鄂彌達滿洲正白旗人雍正八年以右副都御史

巡撫廣東性直率不喜華飾先是有土豪訐告鹽

商藉端侵蝕

國帑案久未結繼任者又復避嫌遂致懸宕彌達抵

任後熟審其故親為鞠之事乃永釋又革止不便

於商者二十餘款並供帳之費悉為除汰粵商德

之以番山書院之廢址脩祠祀之尋陞兩廣總督

王譽太倉人原祁子也康熙四十五年進士丁未

七月陞少詹事九月奉

命署廣東布政使丁巳擢廣東巡撫時瓊州一郡編征稅

銀多缺額地方拘于考成在地丁榔柯稅排門烟

戶等項均攤賠派暮徹底查清奏免四千餘兩以

蘇民困廣東濱海颶風起潮溢為災暮委賢員協

辦軫恤無使失所瓊州懸海外水土瘴毒蒞茲土

者偶有死亡道路遠家口不能歸骸骨旅殯暮請

酌動存公銀兩給發路費洋船向有閱貨之例俗

尚奢靡犀珠磊落玩器炫日暮素無嗜好各商望

風却走南海神廟載在祀典向惟有司官代往暮

必親往祀之省城粵秀書院諸生使通經學古道

于實用庚申冬有忌而効之者奉

旨回京春融堂集

王安國字書城高郵人雍正甲辰會元

殿試第二人授編修十一年擢司業十二年遷侍講

九月提督廣東肇高學政十月擢侍讀學士遷僉

都御史仍留學政任乾隆二年疏言丁憂官回籍

守制親赴省會易衣冠拜院司送禮赴席恬不知

怪請嚴行禁止四年五月遷左副都御史十一月

擢刑部右侍郎五年三月轉左九月擢左都御史

會兩江總督馬爾泰奏廣東巡撫王藝徇縱各

款

命安國審訊得實

召募還著安國以都御史銜督廣東巡撫事七年奏裁大

埔坪大官田同知二員高廉運判一員三水縣西

南清遠安遠曲江芙蓉英德正陽驛丞四員陽江

縣那龍司巡檢二員崖州陵水感恩昌化等州縣

訓導四員部議從之舟車聞見錄向例江西撥廣東漕

糧十萬石度灘越嶺挽運維艱請改撥湖南一水

可通官民稱便淮海英靈集小傳又言欽州與安南接界

商販出洋貧民業操舟者不可數計最難稽察請

將瀕海船隻報官印烙船戶水手出洋給照一紙

歸時繳查暫羈者准予三年內附載歸港並行文

安南國王必有印照方准收留即有事不得過三
年從前出洋之人生長彼地者聽餘勒限三年附
載回籍違者拿送正法舟車聞見錄安國以父年近七
旬乞迎養

御賜五言律詩一章以示異數淮海英靈集九年正月晉兵部

尚書尋丁父憂廣州將軍策楞奏安國孤介廉潔

歸葬無資與護巡撫託庸等助銀回籍舟車聞見錄安

國為學使舊制院門嚴啓閉日人之欲竇在心苟

無欲雖日啓門何患乃設西齋延見諸生令長揖

使知重廉耻長氣節及為巡撫

奏裁冗缺計最察吏不苟舉劾每日官數易則民不

靜而吏滋奸且大吏平昔董戒何事也淮海英靈集十

年十一月授禮部尚書雷州人士請封陳文玉為

雷祖安國建議闕之二十年遷吏部尚書二十一

年致仕歸卒于家諡文肅舟車聞見錄

託庸字師健滿洲富察氏雍正初以部郎出為山

西冀寧道乾隆初遷廣東按察使七年署布政司

舟車聞見錄時值亢旱攘竊填衢總督策楞張示禁小

錢又令平糶三米厥減其一來糶者無許過二升

託庸聞之大驚召廣州知府問曰民情甚迫而糶

糶轉減能保十日無事乎曰不能五日何如曰不

能日總督之所以減糶者慮米不繼也不知民情

一變倉之餘粟官不有之矣就今計之宜增一版所糶不計斗石兼收小錢如此十五日倉未必未竭而雨至民將大安恐汝往白總督掣吾肘則事敗矣知府如託庸教越八日大雨視倉中米尙餘五千石有奇也未幾實授藩司八年紅毛夷伐呂宋俘其人順帆泊虎門策楞詢諸託庸曰外夷揚兵我境剿之乎抑聽之也曰當使進表稱貢獻所俘人策楞哂之曰君直戲耳詎能使夷人以全勝之師受節制耶對曰能策楞問所請曰印知縣光任才而敏楊參將偉儀表二人者聽指揮足矣策楞許之卽召印令言其故令難之託庸曰紅毛伐呂宋涉遠至此糧能足乎風浪搏擊船必損壞不修船能歸乎此如嬰兒寄食于人小加裁禁卽俯首順受矣于是二人密承意指領百人至獅子洋遇羅居無何炊烟漸稀矣夷目果以糧盡求見印令呵之曰汝兩國交關不偃旗疾過而敢揚兵于此斷汝糧糧是故也夷目聞言意沮伏地乞處分印令微示其意遂進表獻所俘總督大悅以俘還呂宋給紅毛糧糧遣之歸明年呂宋修怨于紅毛屯兵澳門揚言待紅毛來與戰策楞又詢之託庸對曰紅毛小而強戰屢勝呂宋大而弱戰屢敗大敗于小他國輕之欲西其耻又畏其強故逗畱

此地虛張聲勢耳前有還俘恩往責之必無辭而退乃使印令往諭之果解去小倉山尋擢廣東巡撫內轉兵部侍郎見錄德保字定圃內務府正白旗人乾隆丁巳進士改庶吉士由檢討歷清要疊掌文衡既晉吏部侍郎三十四年冬擢廣東巡撫下車伊始卽觀風試士拔其尤大加獎勵歷聘杭州陸嘉穎江西朱紉蘭主粵秀講席捐俸資膏火嚴督課程多士振興文風蒸蒸日上海瀕遂稱小鄒魯焉三十六年兼署兩廣總督時方晏然不忘防患奏言兩廣鎮協軍械必須堅利適用不容殘缺滋朽通飭另製別有贏餘一項零星破壞久同棄置且有移抵作新之弊應令銷燬變價毋許侵冒

上嘉之明年又奏各州縣徵收田房契稅統限奏銷前解司遲延則罰其俸州縣一年府州六個月勒限解足侵虧者按例治罪仍追賠直隸州應解契稅逾限不解照州縣參處道員照知府查參又以同知直隸州知州推陞知府因不勝府缺仍畱原任同知有督捕水利之責分防要地者與州縣無殊直隸州牧民社是膺兼轄屬縣請以三年限滿考察如曠職卽勒休以肅吏治又明年奏粵東內河營汎制已極周撫標原設槳船十每季輪派守備一

咎寢前

命仍加

恩補安徽巡撫

皇上親政加太子少保戶部尚書時廣東布政司奏陞濱

海沙地賦珪駁曰海沙淤地坍塌靡常是以照下

則田減半賦之今依上中田增賦是與沿海民計

微利非政體且民苦加賦必多坍塌別有漲地亦

不肯墾不可行七年拜協辦大學士十年拜體仁

閣大學士十二月薨報聞

上震悼

賜諡文正珪豐厚端凝中和醇粹為仁若渴抗義不撓官

于外厓岸廉峻中朝大官絕無所援數十年清操

亮節人皆仰之學經室文集

張純熙北直人進士順治十三年巡按廣東是時

王之翰據雷之西海時出劫擄純熙單騎入雷州

見居民皆編草為窩田疇荒蕪滿目乃招撫流亡

又遣官招諭之翰之翰奉諭歸誠遣其將李青等

齎繳戶口冊籍男女五千四百餘口西海一帶始

就安謐士子不與試者二十年至是並來就試純

熙錄其能文者送學補弟子員雷之文風蒸蒸日

振焉雷州府志

廣東通志卷二百五十五終

廣東通志卷二百五十六

宦績錄二十六 國朝一

李綺 錢朝鼎

顧鏞 張為仁

陳肇昌 于覺世

翁嵩年 鄭晃

惠士奇 夏之蓉

程巖 鄭虎文

翁方綱 錢大昕

史夢琦 曹仁虎俱學政

耿獻忠 曹溶

馮如京 張仲德

魯超 潘思渠

甘汝來 歐陽永禱

許祖京 康基田俱市政使

曹國柄 嚴正矩

譚尙忠俱按察使 馮倅

藍潤 林嗣環

陸振芬 陳嘉善

李文煌 韓庭芭

畢振姬 鄔象鼎

施起元 吳嵩仞

趙進美

趙廷標

方國棟

秦斌

胡永亨

蔣伊

李華之

白璧琛

程大畢

孔興璉

沈澄

陶正中

龐煥

彭端淑

林天培

俱副使僉事
參政參議道

國朝

李綺字友三江南華亭人崇正庚辰進士順治三

年隨總督佟養甲入粵任廣東按察使僉事是督

學政時值明季兵荒之後鞠學官為茂草窳子矜

于叢棘綺下車宣揚

皇朝文德多士鼓舞萃集

景運丕新綺與有力焉志

錢朝鼎字定九江南常熟人崇正丁丑進士順治

十年任廣東按察副使兼提學道公正廉明潔已

愛士每遇朔望必躬詣

文廟講習禮儀常語人曰學政一官原以教士既與

隔絕諸生何由受益徒於一試列其高下未見其

能為一方之倡率也故暇則進諸生於署齋品臨

文藝精詣者賞賞之疵瑕者指摘之日以為常加

授徒者然採訪

謹按金志名宦傳作張調鼎郝志附於李

綺傳後亦作張調鼎而於職官志則書錢

朝鼎之名蓋即一人也又按題名碑錄順

治丙戌進士張調鼎乃直隸大名府元城

縣人與此籍貫不同

顧鏞字勉齋江南吳縣人順治丁亥進士十七年

以刑部郎中任廣東按察司副使提督學政考校

郡縣不受賄囑公正無私人咸服其清旋以族人

抗糧事未及終任降調去志

張為仁字致堂別字滄粟山東海豐人順治乙未

釋褐己亥除內黃縣知縣康熙甲寅擢廣東按察

司僉事提督學政東粵號才藝為仁與諸生約頒

示六條大指以器識為主而文藝次之凡故例與

學政全書相踈鑿者一切更張之務寬大不為苛

細平生好獎士類經其指授率舉制科登館閣知

名當時內黃則李滋黃本訥兩浙則沈三曾許汝

龍仇兆鰲粵西則黃裳吉曹雲鷺粵東則鄭際泰

而吳三畏以武進士

廷試及第第一此其尤彰彰者丁巳以病乞休歸里洋

陳肇昌字扶昇江夏人順治戊戌進士由刑部郎

文

集

中康熙十七年督學廣東值兵燹士多流亡肇昌
加意招徠秉公甄拔儲表賴以起衰復廉士之貧
者量爲周給所至申明條約嚴飭學校士習以淳
時軍興旁午例許入貨肇昌於各學正額外甄拔
遺才示勸士鼓舞焉考成居最陟僉都御史湖廣通志
雍正三年祀名宦邦志
于覺世字子先號赤山山東新城人中順治丙戌
鄉試乙未舉禮部尋丁外艱已亥成進士授歸德
府推官歷遷禮部郎中出視學廣東東粵當兵燹
之後

文廟義學率多圯敗覺世商於督撫
奏請修葺得

旨允行其教士先德行後文藝士翕然化之瓊州遠在海
南前學使多憚風濤不至覺世叱馭而往舟至中
洋颶風作舟中人皆恐俄有小鳥狀如鸚鵡來集
檣上舟人懼謀徑渡得無恙論文之暇廉問忠孝
節義開教化者悉旌之三年報最擢布政使司參
議需次歸以繼母年高絕意仕進晨夕定省寢門
有如孺子鄉黨稱孝焉王士正登
尾翁集
翁嵩年字康節號蘿軒仁和人康熙戊辰進士授
戶部主事歷刑部郎中督學廣東矢心慎恪務得
真才先是學使者以瓊州在海外檄生童附雷州

考試嵩年曰吾豈以一人易千萬人命乎出入忠
信何畏焉竟渡海後著爲令浙江通志

鄭晃字二瞻福建長樂人康熙甲戌進士五十三
年以禮部郎中任廣東學政勤於校閱每至夜分
不寐一字一句必親加評騭寸長必錄以爲人才
難得不忍棄也居常以六經根柢爲言謂士不通
經雖工詞藻不過吟風弄月而已於身心性命之
學無裨也論者是之齊集

惠士奇字天牧一字仲儒晚號半農吳縣人也學
康熙戊子舉鄉試第一明年成進士選庶吉
士散館授翰林院編修庚子冬奉督學廣東之

命下車日焚香設誓不妄取一文不妄徇一情頒條教以
通經爲先士子能背誦五經背寫三禮左傳者諸
生食餼童子青其衿嘗言漢時蜀郡僻陋文翁守
蜀遣雋士張寬等東受七經還以教授其後司馬
相如王褒嚴遵揚雄相繼而起文章冠天下漢之
蜀今之粵也毅然以經學倡三年之後文體爲之
一變潛研堂
文集局試時危坐大堂溫誦史記漢書俄
而繞座背誦不遺一字諸生大驚曰吾輩非人也

世宗御極
命畱任三年又謂今之校官古博士也博士明於古今通

達國體今校官無博士之才弟子何所效法訪諸
與論得海陽進士翁廷資者具疏題補韶州府教
授吏部以學臣向無題補官員之例格不行奉
旨惠士奇居官聲名好所舉之人諒非徇私著照所請補

授後不為例在任遷右春坊右中允超擢侍講學
士轉侍讀學士任滿還都送行者如堵潛所堂
文集

官粵六年拔知名士數十人如何夢瑤勞孝與羅
天尺蘇珥陳世和陳海六吳世忠吳秋時有惠門
八子之目臺發
集錄既去粵人設木主配食先賢湖

州于昌黎祠惠州於東坡祠廣州于三賢祠每元
旦及生辰諸生咸肅衣冠入拜其得士心如此研
集丙午還

朝丁未奉

旨修鎮江城以產盡停工罷官

高宗卽位以講讀用己未告歸攜其子棟至嶺南校刊所

著春秋說十五卷游羅浮過潮州惠潮諸生迎謁
者千餘人歸時諸生送行有踰嶺及穎江者卒年
七十一舟車間
見錄

夏之蓉字芙蓉江南高郵人天才宏放一時壇坫
名流無不斂手推服雍正癸丑成進士乾隆丙辰
奉

旨開博學鴻詞科

名試二等

特授翰林檢討乙丑督學粵東於治經外示以古文之學

錄為汲古編憐才愛士孜孜如不及試順德

拔前茅三人為鄭翼亭梁泉李麟書之蓉謂三人

者皆奇士翼亭泉皆當領解麟書文過奇澁恐終

淪落其後果如其言衡鑒之明粵士至今稱之餘
說

程巖字巨山江西鉛山人乾隆己未進士授檢討

十三年出為肇高學政燭粵士文章淺陋乃選先

正時藝一帙曰文輟又評騰入家古文刊給諸生

俾知取法試日輒口授指畫不倦所屬士氣振興

領解首擬巍科為向來所未有旋擢侍讀明年

特授右庶子疏請廣東兩學政可以一官兼督部議報可

高宗純皇帝卽勅巖任之潮州食穀仰給潮陽揭揚幸未

巖按試至潮值歲歉度兩邑士子所攜食米必裕

遂先試二學三日竣事被黜者糶米而去得萬餘

石市價乃平巖性冲和平易而操持謹密使人親

愛之而不可狎汲汲於才不憚勞瘁務殫厥職粵

士謂學使自惠士奇後巖亦為賢云後歷官禮部

侍郎以終養歸卒于家忠雅堂
文集

鄭虎文字炳也浙江秀水人乾隆壬戌進士二十

四年以贊善任廣東學政敦崇正學不事浮詞文

藝中引用書籍於五經之外必遭指駁常語諸生曰八股文者四書衍義也周秦諸子之書非不古雋往往不合聖人意旨諸生代聖賢立言舍五經奚適哉是以一時談藝者悉以經術爲宗論世者謂粵中經學惠士奇實爲之倡而虎文復振其墜緒焉行狀

翁方綱字正三順天大興人乾隆壬申進士二十九年以侍讀學士任廣東學院清秘閣律已廉明待

士嚴峻素喜金石碑刻纂兩漢金石記爲時所稱及來視學遂有粵東金石畧之刻星軺所至冥索幽探歷任凡三故所得益富尤善鑒別人文造育時俊如馮敏昌張錦芳趙希璜輩經其甄陶莫不飛騰以去人倫之鑿方綱有焉採訪冊

錢大昕字曉徵江南嘉定人乾隆甲戌進士官詹事學無不通謙以下士尤好獎掖後學揚州畫三

十九年視學廣東一時俊彥皆受裁成以臻偉器卽或隱遯巖穴負有實學者亦皆拭拂贊賞以獎借其幽潛故論廣東人士敦崇經術則鄭冕導其先路至惠士奇始大開門庭釐正文體則夏之蓉以清正爲宗至史夢琦始革其凡陋博通吟咏則陳惠華以風雅提攜至吳鴻而絃歌遍地策勵士品則史貽直以廉隅是尙至王安國始一道同風

金石篆隸則翁方綱以漢法爲宗至大昕始再爲揚扆若夫穿穴古今貫通往事談歷朝之成敗考史筆之是非人知魯豕之訛家習董狐之學則實大昕之力也採訪冊

史夢琦字卓峯江南陽湖人乾隆己丑進士四十五年以御史任廣東學政是時制藝家多以文藻爲工過於繁縟往往失其本意夢琦一以清真雅正爲主凡勦襲浮詞虛崇聲調者悉爲所抑又以諸生昧於作法選先正文百餘首分別體裁詳其文法以爲多士楷模名曰時文備法得其傳者皆足以名家云同上

曹仁虎字來殷江南嘉定人乾隆二十六年進士散館授編修五十一年以侍講學士視學廣東與少詹事平恕接任恕爲諸生時嘗受業於門粵人傳爲佳話明年母程終於官署時方按試連州聞訃冒酷暑奔喪晝夜號泣竟以毀卒于途春熙堂集

耿獻忠字伯良武功人順治初分巡閩中海氛未靖將士俘獲甚衆有誤入者獻忠詣臺司力爭得訊釋數千人遷廣東布政裁抑武弁驕橫粵以輯寧大清一統志總督佟養甲薦爲廣西巡撫採訪冊曹溶字潔躬浙江秀水人崇正丁丑進士康熙十三年任廣東左布政使潔已愛民一介不取日吾

奉

天子命來此為一方表率苟有虧行豈獨衾影懷慚已哉

且先人以潔躬字我矣敢以身涉寶玉之地而遂

負

君父耶及其歸也書囊之外無長物僉以浴能踐言云南嶺

文集

馮如京字秋水代州人順治初授永平知府累遷

廣東左布政使屢平巨盜每上疏陳事次第施行

母歿如京年六十餘矣居喪哀毀骨立服闋未幾

而卒大清

張仲德奉天人康熙十七年官廣東布政使性明

決幹濟抵任後南韶二郡盜起值

王師西下軍興旁午播載輸將湖流轉輓仲德運籌有

方上不虧賦下不病民盜平招集流亡墾闢荒畝

治民時裁濶狹凡扣剋擾累諸弊盡革除之藩司

為一省縮穀錢糧賦稅出入輕重悉為釐定粵俗

輕生爭訟輒服毒草奸徒遂藉為奇貨仲德廉知

其弊嚴行禁飭刁風乃寢未幾卒于官崇祀名宦

志

魯超號謙菴順天籍浙之會稽人也康熙三十一

年官惠潮道督撫奉

命舉廉能官以超名上

特授粵西按察使三十七年擢廣東布政使前後在粵凡

七載潮舊有絕戶虛丁久為民累除豁三千餘戶

康熙甲戌水漲超晝夜築堤以身為捍至今名魯

公堤丁丑歲饑守令議發積貯平糶未敢擅動超

力任之果報可人比之漢汲黯云葦嶺南珠江義

學穗城扶風書院延宿儒置都養士彬彬興學矣

粵東兵餉例開用錢值錢滯兵苦虧折強市民物

民復苦之超請

題全給白金兵民均賴焉卒於官士民哀之舉祀名

宦潮人專祀于鳳凰臺側在粵著有粵游草

詩

潘思築字絜方陽湖人雍正甲辰進士改庶吉士

歷官廣東布政使安徽福建巡撫所至皆著政績

吏民思之卒

賜諡敏惠祀賢良祠大清

甘汝來字耕道江西奉新人康熙癸巳進士雍正

辛亥春補蘇松糧道甫蒞任奉

旨署理廣東藩篆嶺南古所稱犀珠磊落區也布政為錢

糧總匯汝來廉約簡素革秤餘銀厚守宰養廉費

而嚴其法陳關稅隱匿則例之弊甲寅夏陞禮部

右侍郎北歸日庫存稅羨充公銀二十萬餘兩具

摺

奏明又條奏粵東沙坦事宜一定立界之法以杜爭
 競凡海濱水坦初出各自插標出水之後各自工
 築報官給照為業前後左右田灘相達者不得干
 工築後爭控一立限田之法以杜豪估凡有田十
 頃以上雖田界相遠毋許再種小民園築亦毋過
 五頃如擅各霸種查出治罪將霸種之灘給貧民
 為業其有資助貧民園築量取租息田歸貧民者
 聽一緩升科之期以寬民力陸地開墾定例六年
 升科海田浮脆應俟十年土性堅實之後始令納
 賦一厚蠲恤之法以備不虞湖有大小氣有消息
 沙灘亦有成壞如潮大淹其所種則寬緩一歲之
 糧地遷而毀其所園則寬免升科之額民可恃以
 無恐至海若効靈有功必祀除二八月常祀外十
 月內撫臣親祭一次以答神貺

勅下廣東督撫議覆允行乾隆元年正月奏請除煩苛之
 權稅一邊海居民採捕魚蝦船用單桅不能出洋
 貿易例止本縣給照稽其出入近聞各海關監督
 令其請領關牌同雙桅出洋貿易之船一體納鈔
 請

勅海疆督撫查明蠲免一近海貧民資生無業有用竹筴
 取魚者有于竿頭養鴨者閩廣之間悉按以徵稅
 無裨國計實有害於貧民請盡數蠲除以誌民累

甘莊部議報可粵民頌之採訪
 歐陽永琦字德馨馬平人雍正十三年拔貢生乾
 隆中歷官廣東布政使連州猶有八排十四排之
 目康熙中常為亂法禁其出入永琦奏言排徭地
 狹人眾將無所得食請許其良者編入民籍以廣
 謀生之路而消其生事之端下督撫議行南海三
 水諸縣歲有水患蓋西北兩江之水由順德香山
 入海而江為海潮所闕漩淤凝積愚民貪利輒規
 築之為坦坦日廣下流日壅故上流多泛決永琦
 令民毋報坦畝升科以隘水道未幾以言事失當
 左遷江西按察使廣西通志
 許祖京字依之德清人乾隆乙酉選拔戊子領鄉
 解已丑成進士為內閣中書擢侍讀洊升至雲南
 按察使五十年擢廣東布政使總督富勒渾得罪
 祖京以審問漏泄供詞議降三級

恩旨令安心供職改為革職從寬雷在次年臺灣林爽文
 反總督孫士毅欲調兵餉祖京抗言願大府持重
 勿無故困粵民安南王黎維祚為阮氏所逐士毅
 又欲以兵援借撥庫銀十萬兩祖京直言餉庫當
 以徵徵不能私借五十五年總督福康安護安南
 國王阮惠入
 朝郡邑欲侈其事祖京不許供帳飲饌定有限制督臣

始以為裔後乃知其得當五十七年巡撫郭世勳兼總督事無鉅細必以咨之瓊有山礦封閉已久商民負緣大府請試開採祖京以招集無賴得不償失駁之省無船步貫船必於佛山有謀立步以網利者祖京謂船步立必多徭役徭役多船價必昂重困商旅是蝕民也出示禁止在粵數年頗多善政商民至今思之五十九年乞養歸里卒於家

狀行

康基田號茂園山西興縣人乾隆丁丑進士三十七年以候陞同知署欽州專治崇大體嚴保障重學校任事甫一載政簡刑清民樂安堵尋陞廉州守卓有政聲去粵二十餘年復官廣東布政使省城有渠六道宣洩潦水以達于江曰六脉渠歲久淤塞每積雨城北山漲陡發輒漫民居基田周視渠之故道親督工疏濬之既而淫雨不止閭閻無潦患又修葺穗城羊石西湖禺山珠江諸鄉校擇師講授以作士風宦蹟所臨士民咸深思慕

探訪冊

曹國柄直隸順天人順治七年隨

王師振粵任廣東按察使方正峻潔寬大不苛日給止粗糲瓜菜一切服用淡如也時方綏定之初壹意與民休息誥戒屢頒期於無訟錄囚多所平反粵民愛之

志

嚴正矩字方公孝感人崇正癸未進士順治初授嘉禾司理游陞山西參議以樵響冠金光彩功

世祖章皇帝賜蟒服擢廣東按察使守正不阿僚屬肅然

晉太常卿歷戶部左侍郎致仕歸卒

通志

謹按郝志正矩以順治十五年任按察使十七年任布政湖廣志不載其為布政使故據其文以按察使編之

譚尚忠江西南豐人乾隆辛未進士三十八年任廣東按察使粵中有遊惰之民作橫鄉里名曰爛崽良善苦之大吏訪其渠置之法未及盡翦除也尚忠不示顏色密察得某甲者平日積惡狀拘之來訊之曰奚為爾之惡奚為爾之奸承則爾宥否則爾獄瘐死乃已甲俯首伏狀尚忠曰若能舉首平時共惡者當縱爾去甲不得已列其黨十餘人尚忠又拘之來鞠之皆實謂甲曰我已許爾能言爾黨即縱去今後無犯科也甲叩頭謝而出尚忠乃謂諸人曰某甲能言其黨我故宥之若能效焉有前轍在諸人皆思縱脫於是爭白其朋類百餘人尚忠又拘之來使相對質既得其實遂一併以重校使荷之至死不釋一日之間城中諸惡少拘捕至盡無一得脫者閭里滋擾之害遂絕尚忠以八月蒞事旋丁父憂去官視事僅三月僉謂使尚

忠久於其任不知當何如大造粵士也故至今稱道不衰採訪

馮侯字英人慈谿人順治己丑進士六年粵東李成棟叛侯以副使巡視海道會同大帥統師抵粵平南韶等郡及抵廣州與大帥相度機宜先以一軍取三水從化等縣旋平廣州傳檄各鄉堡禁擄掠未幾偽陽春伯范承恩據城叛侯遣人桐喝之又使人運諸大礮至西關發礮震天地雜以鉦鼓聲承恩一時不知所為遂潰廣州復安浙江志厥功頗鉅其去也人咸思之祀名宦

藍潤字海重即墨人順治丙戌進士自庶吉士歷徒侍從督學江左務拔寒畯轉福建右叅政值海寇攻榕城率眾守之城得完又補廣東右叅政招降蘆田橫水諸寇尋乘臬江南轉楚藩坐前星誤事削職歸大清一統志

林嗣環號鐵崖福建晉江人順治己丑進士隨兩藩率師收粵駐師韶城越九月而廣州始下兵民雜處嗣環戢兵安民悉心調劑以其暇修學官創西閩浮梁釋良民之陷賊者葬掩骸骸澤及枯骨韶州府志七年分巡雷瓊一介不取豪強屏跡先是賊首羅成基踞民田百姓代之輸稅及賊平沒其產而稅仍在民累無已嗣環力請清覈以賊產入籍

餘遺之民瓊向有派役之例值者苦之嗣環方均偏累未幾內召去民乃設主侑享於邑包拯祠志陸振芬字令遠本姓林江南華亭人弱冠入幾社陳子龍夏允彝以為不凡順治六年成進士會兩粵未平

廷議破格用人令隨大兵進討振芬奏對稱

旨特命為惠潮巡道是年十二月

王師克南雄七年三月度大庾嶺抵韶州府巡撫李棲鳳傾心倚毗每事必諮焉時海陽以南俱送欵獨省城未下督兵攻破之遂同總兵郭虎等由省城至惠州府勸撫歸善海豐諸寨未至諸寨窺兵寡弱來拒夾師而進振芬選精銳數百繞出其旁獲一隊諸寨股栗于是諭以禍福投順者踵至至海豐薛進抗守不下振芬與鎮兵駐五陂驛總兵班某兵亦自羊蹄嶺合攻之兩日城遂下礮石衛等處相繼歸服八年莅潮州任兩月內聯絡諸鎮檢制土官招集流亡簡省徭役民始有更生之樂時亂後法嚴府縣往往濫禁無辜振芬定以逢五十日清埋二年之內囹圄一空九年平遠失守振芬會師復之總兵郝尙久于廣東未附時投誠素懷不軌是年冬聞撤以為水師副總兵遂遠海寇結

土賊僭制營建帥府振芬察其逆謀屢牒平南靖南二藩及巡撫早圖弭變弗應十年春尙久遂自署爲新泰侯圍道署振芬以大義諭之不從乃密遣家人告急請兵七月都統率兵至潮振芬約爲內應九月十四日晚披外兵而上出其不意尙久授首事平引疾歸里優游四十年始卒先是廣東惠來縣張庚者振芬署學政時試童子所識拔也康熙二十七年秋庚以舉人來令青浦首謁振芬振芬告以地方利弊語不及私卒年七十有七

堂集

陳嘉善上元人順治六年進士八年任海北南道時兵革初消流亾漸集嘉善以廉惠持之外渾圭角內賢仁明加意招撫兵民安之

晉州府志

李文煌號包間河南潁川衛人順治壬辰進士入翰林轉諫垣十三年出守嶺東道甫下車問民疾苦興利除害政教大行嶺東多盜文煌恩威互用勦撫兼施穢樟九亾巨魁招黃沙巢遺黨民賴以安又修學官均夫役禁苛派嚴奸胥養老郵孤省刑薄歛正已率屬苞苴不行至今人思遺愛

節志

韓庭芑字燕翼濟南青城人順治壬辰進士授工科給事中轉分巡河西道僉事分守湖南道參議遷分巡瓊州道副使兼理學政瓊鎮總兵官高進

庫素跋扈視督撫大吏蔑如也庭芑獨枝柱之不少屈兵虐民者逮治之與將卒約勿擾市肆凡鬻物一錢之直必準市價商賈負擔咸安焉靖南王駐廣州旗兵暴橫有司莫敢問一日有三人跨馬佩刀登庭芑之堂自稱藩官睥睨自如庭芑縛之而以狀申三院靖南爲謝過乃已自是藩官無敢橫者

漁洋文集

畢振姬山西高平人順治丙戌進士十四年歷任廣東按察司僉事廉潔明敏剛直公平民呼爲畢青天任滿遷轉不攜羊城一物人思其德

郡志

鄔象鼎字符九仁和人順治己丑進士備兵羅定時猺獠反側象鼎提師深入不數月而殲厥渠魁諸皆底定西賊破桂林掠高肇遂逼羅定象鼎率長子元禿任聯珠元珣伏弩四布砲石並發擒斬二千餘人賊遁既而大兵旋集悉衆攻圍累月不解糧絕外援不至謂元禿曰死職吾事也爾無官守盍歸元禿泣願資檄乞援隣封夜縋城去爲賊所得攻圍益急象鼎督兩姪攘臂突圍奮力殺賊衆寡不敵亦爲賊獲城陷賊縛元禿至前露刃脅降象鼎罵曰吾豈愛吾子以背吾君耶元禿遂遇害象鼎被幽別室抗節不屈絕食七日死聯珠元珣并家屬五十七人咸殉難

詔贈光祿寺正卿

諭祭葬浙江通志

施起元字虹澗福建福清人順治己丑進士隨平藩南征入粵七年

特授廣東參議道庚寅蒞任時惠州新復哀鴻未集起元

勞來還定下車之日力行十二事曰撫民曰蕩寇

曰安流移曰率屬員曰約軍需曰束吏役曰省訟

牒曰恤刑獄曰除雜耗曰器夫累曰興人材曰行

鄉約境內以安辛卯攝學政分考惠屬所拔悉當

以憂解任卒於家祀名宦郡志

吳嵩初直隸真定人進士初任河東守道旋授饒

南分巡時粵東李成棟叛順治十五年

世祖章皇帝策遣兩藩入粵

特授嵩初廣東分巡驛傳道甫下車督戰艦籌兵餉大事

以集花山界枕番從盜魁王興負固嵩初統大師

深入叢林密箐勦撫協宜賊黨掃除遂空其地即

今所立花縣治也粵地濱海屢被水患嵩初修堤

築防遂成沃土兵燹之餘澤宮鞠草嵩初修葺學

校妙選名儒文教以興及攝蹉政釐剔銅弊念卑

蹉政壞多屬流商罔恤身家利析毫末於是禁絕

豪僧壘復場竈選士著富民執引身處脂膏一絲

不榮卒之日民咸懷之崇祀名宦同上

趙進美山東益都人順治庚子轉廣東布政使司

參政分守左江道甫抵肇慶防兵以缺餉大譁進

美單騎至其營諭禍福眾遂定會藩司缺督撫將

以屬進美進美念父母年老亟圖北歸省親力辭

以齋表請行而左江道尋裁去續集

趙廷標字叔文錢唐人順治三年以諸生從軍由

縣起攝府事康熙十年由普安兵備道調廣肇南

韶道兩廣八排諸寇聞廷標至立解值連州寇起

鎮臣以勦捕方畧委之廷標寇素稔廷標威望至

即就撫粵中分巡使者舊有柴薪錢屏不受給民

之筑弱無告者浙江通志為政務持大體逾年以丁憂

去後歷楚南秦隴皆有政聲祀名宦郡志

方國棟字子霄明太師文端公從哲從子也以福

建司郎中出為廣東按察司僉事分巡海北道巨

寇鄧耀盤踞海島中時時出沒剽掠為雷廉惠國

棟請諸制府集兵三千分五路以行而躬總其節

制繼又慮賊之他跳也急檄鄰道及安南國王各

出兵分隘要害耀遂受擒招徠餘黨所全活數千

人廉人感德刻主於名宦祠生尸祝焉雷廉諸富

人被賊誣後先株連下獄國棟察其冤力爭於制

府前悉脫其械而出之諸富人念無以報哀白金

數千兩壽國棟國棟大駭曰吾獨若無辜耳若奈

何以此汚我卒卻不受堯峯文鈔

秦弒字克繩無錫人順治乙未會試第一

廷對第三人授編修出為廣東參議大清一統志雷州值

兵燹凋敝靖南王每歲發千金市豆輸納費繁雷

民病之弒力啓于王而免瀕海賊王占三據海東

王之翰據海西名相聲援而實相忌弒探得其情

手書反復論占三占三感悟乃授計使圖之翰賊

遂驚遁因而投誠焉商船誤入海港水師官將誣

以為賊數邀弒往視弒廉知之卒不在商以是得

全堯峯文鈔

胡永亨守恒子守恒死壬午難永亨募勇士夤夜

入賊營收父骸而葬之康熙庚戌成進士為戶部

郎中奉

命鞠廣東獄仁恕得情分巡肇高廉羅道公廉持法於積

弊多所釐剔大清一統志

蔣伊號莘田江南常熟人康熙癸丑進士由庶常

改陝西道御史直言敢諫康熙二十一年補廣東

督糧道參議革陋羨嚴浮派日用薪水皆自辦給

故事吏下縣捧檄促解勢張甚縣不勝擾伊立為

革去又解省米價例浮於時伊平準諸市而官無

侵漁時逆藩多佔據民舍伊暑不張蓋躬自察勘

民得復還故業兵糧最苦撥支軍款跋涉吏又持

之伊酌以本地糧給本地兵軍民兩稱便焉康熙二十二年

聖廟傾圮且藩卒橫踞伊出俸錢造軍房八十餘楹

先申制府以散兵隨鳩眾工以葺

廟兵心安而士氣振其持大體定危機類如此尤加

意文教風勵後進創立穗城書院嶺南義學置膳

田六百餘畝以給四方來學之士月吉課甲乙海

濱鄒魯駸駸盛矣康熙二十四年擢河南督學解

纜日囊橐蕭然士民號泣攀轅及卒粵人設位嶺

南義學哭者甚眾禰祀名宦又公葺穗城書院為

蔣公祠祀之一統志

李華之字秀實諸城人康熙丙辰進士由中書歷

任觀察粵東時瓊州洞黎猖獗華之單騎往諭更

為布置管伍兵黎相安至今帖然香山澳門海寇

竊發奉檄往勦不兩月而平歷湖北貴州按察使

陞雲南布政使官終刑部侍郎大清一統志

白璧琛奉天正白旗人康熙五十一年擢廣南韶

道墨吏望風引遁江灣向為奸藪璧琛攻滅之西

山猺排相關單騎歷險諭降之歲亢旱禱雨輒應

轉荒為豐民因祀焉大清一統志六十一年祀名宦

程大畢字星祥湖廣孝感人少敏慧目數行下由

博士弟子員貢成均授典籍轉司務歷戶兵兩部
郎中擢河南汝寧府知府卓有政聲康熙五十二
年奉

特旨授

兩廣鹽法道粵睦政積弊多端有盤掣常規有領
繳糜費大畢甫下車悉心釐剔定引七帑三之例
請新舊兼疏由是帑鹽不致雲屯引鹽不致日滯
大畢視睦時年近七十公餘手不釋卷恤商之餘
尤能造士觀風所拔士皆知名資給膏火以故科
第多出其門下而商民子弟咸鼓篋向學矣康熙
五十七年還里攀轅遮道夜始得行崇祀名宦祠
上

孔興璉字彝仲山東曲阜舉人康熙五十七年任
鹽法道興璉先以二十五年知番禺縣時吳逆初
平郡邑蹂躪興璉力肩繁劇多方撫飭民賴以蘇
縣志創自萬歷壬子歷六十年未有繼事者乃聘
延名宿編摩以存一邑文獻番禺縣志任鹽法道時以
睦政流弊甚重前任程大畢洗革一清

奏定引七帑三之例粵商稱便乃踵而行之其額引
積滯者則於戶糧兼派攤撥勻銷調劑合宜僉謂
媲美大畢云鹽政

沈澄字體元山陰人由增城縣知縣陞理番同知
擢知廣州府歷官雷瓊道清介自守表率有方其

先治增城也英敏果決案無留牘邑自明季戶口
逃亡田畝荒惰順治初民皆復業然多隱匿侵占
富者享無糧之田貧者輸無田之稅其弊莫可勝
言澄請於上官招募工役按畝鱗丈立柳條歸戶
冊計畝以科稅之浮於田者豁之其田浮於稅者
亦第益其稅而不奪其田要於下無虛田上無虧
稅由是民業得以世守富往勘時或以虎告或以
暑雨告澄皆不為之阻止比及守郡備舉廢墜凡
闕城池學校之大者尤所留意蒞雷瓊道任亦多
善政凡所屬有猾黎者必諄語其官司示以誠信
以是皆率俾焉其曰沈公泉者因修沙城工作需
水澄禱於神掘地而得者也著有清田集二卷行
世廣州府志

奏奉

旨准行語詳建置畧又以雙橋歲納虛糧民之受累已久
詳請

題免士民感德建祠祀焉臨山

龐嶼字石洲廣西陸川人雍正丙午舉人歷官至

兩廣鹽運使卒於官初知鎮平歸善縣雍正七年知番禺為政廉明案無滯積清屯糧免均役刑建義學以誨邑士番禺瀕海多盜嶼單車撫諭自首者數百人悉散遣之以計擒盜魁叙功進同知歷任廣州守惠潮道乾隆甲子提調鄉閭見號舍卑濕捐俸置竹簾遍席之今則歲有常供質嶼之倡也擢鹽運使多善政與鄂爾達並尸祝焉番禺志彭端淑字儀一四川丹稜人雍正癸丑進士由吏部主事洊擢考功郎中以京察授肇羅道署按察使粵東好訟積案三千餘事端淑檄調諸州縣卷牘集幕客分案批閱之不三日結二千九百餘案見者驚服稱神明焉在巡道任與郡守吳繩年修府志善詩古文詞以儒吏稱而又明於訊斷云採訪冊

林天培字南芸山陰人中順天鄉試嘉慶己未成進士以兵部郎出為惠潮道家固寒素胥吏盛供張俟前途悉謝絕之至則剔除姦冗夙弊一清潮俗喜械鬪明示例禁復招接其紳耆諄諄訓告令其轉相勸諭于是鬪風少戢凡一切不便于民者悉除汰之潮人謂可媲美魯超云是時盜匪聯踪海面漁鹽各船被擄者輸其米石求脫且得厚值制府檄令沿海圍剿義察諸船出海約計人口時

日毋得多齋糧天培聞命曰絕盜口食其法固善恐不得食則勢將內撲防禦未集民受其殃矣乃親歷沿海諸地修墩墩練軍實于要害處所請添設炮臺營汛弁兵總督吳熊光以戰艦不日告成將大事勦除毋庸謀此天培因不納其議乃捐俸銀僱募鄉勇奔走海濱為防堵計遂以積勞致疾卒初天培嘗請調撥師船數十號停泊放雞洋既可為南澳之聲援亦可絕閩粵盜艘之會哨其言卒不見用未幾福建提督李長庚追勦蔡牽至黑水洋面將成擒粵盜適會哨益其勢力而長庚反殞命焉潮人既多天培有先事之明又悼長庚之忠以盡命也立祠於海濱祀之上同

廣東通志卷二百五十六終

廣東通志卷二百五十七

官績錄二十七

一

陸元機

汪永瑞

王庭

李甲聲

劉茂榕 俱廣州府知府

魏瑄 南海縣知縣

楊交泰

何志本

高去侈

李文浩

秦桂

李紹膺

任兆駿 俱番禺縣知縣

婁君玉

李藻 俱番禺縣知縣

張其策

王尹

徐勅

陳鴻熙 俱順德縣知縣

劉士達 順德縣典史

施景麟

金英

高遐昌

周天成

印光任

史藻

查培繼

鄭向 俱東莞縣知縣

田家修

孫繩

俞嶙

郭遇熙

梁長吉 俱從化縣知縣

方以寧

戴應昌

楊燁

王授位 俱龍門縣知縣

宜思議

姜朝俊 俱新寧縣知縣

徐秉義

黃日玠

冉存異

邵鳳起

蔣觀昌 俱增城縣知縣

關廷弼 增城縣尉

張合憲

邵廷儀

沈蘭

姚啓聖

勞可式

余慶錫

魯遐齡

張汝霖

暴煜 俱香山縣知縣

劉象震

龍之繩

蘇文耀

顧嗣協

袁名器

任光遠 俱新會縣知縣

陳億

蘇唱

樊翰

顧之挺

鄭玫

汪鼎金

侯學詩 俱三水縣知縣

王文燦

劉士驥 俱清遠縣知縣

張文燦

李君柱

馬以懋

李可成

張明達

安定枚

靳文謨

丁棠發

段熾生

何夢篆

唐若時

吳沂

李大根 俱新安縣知縣

王永名 花縣知縣

國朝

陸元機浙江山陰人順治三年粵中初定以元機行廣州府事開誠布公遐邇向化丁亥失獄犯陳知希總督佟養甲疑其故縱命斬之百姓蜂擁號泣以身翼蔽爭乞代死養甲見民情激切乃釋縛籍其貲止值數金養甲遂復其官粵民戴之如慈父志

汪永瑞徽州人順治時廣州知府革弊釐奸政平訟理卒於任粵人哀思之大清一統志平藩有家奴

性慧黠王愛之倚王勢恣橫無狀強奪民間貨物道路側目莫敢誰何一日使酒殺人於市永瑞具其獄王屢為乞宥永瑞堅執不可卒抵奴於法閩郡稱快事涉賦稅尤斤斤察察必求盡善乃已曰一事之利民未必即蒙其福一事之弊民永遠受其害矣時海宇乂安清丈田畝雖初寒暑雨亦必躬詣履勘不使胥吏營奸影射竟亦以此積勞致疾云錄

王庭字言遠浙江嘉興人工文詞順治進士歷官廣州知府江西山西布政俱以清操稱大清一統志知廣州時遇事必以日當衆鞠於大堂日守之廉焚明暗當使百姓共聞共見也又於二堂環列數案凡幕中治事者皆使各據一案環坐辦公廊下

亦設數几坐書吏以備鈔胥以是每鞠一事退卽商榷於堂不俟終日卽已結釋故事無留滯云世集

李甲聲字公振潁州人由拔貢授廣西天河知縣叛民殺官吏會兵往勦甲聲奉檄監軍以叛民因憤怨相誘惑頓兵緩其勢逆黨相繼解去甲聲乘間搗賊巢殲其魁亂遂定遷漳州同知隨征臺灣率敢死士冒險先登歷知廣州慶陽二府所至勸耕平訟甚有聲大清一統志尤善於勦賊治盜凡連州搖亂羅定峒蠻惠州山寇上官皆惟甲聲是賴屢檄之往所至有功民亦不擾而尤著績於東莞之役云嘉談錄

劉茂榕字華生鑲黃旗人康熙二十三年知廣州府修學宮駕青雲橋建貢院開濬新城濠重創鎮海樓諸大興作皆躬親督理工無虧民不擾人咸賴之復捐俸買地建珠江義學士子絃誦得所置義塚窮民死有所歸葬時稱賢守嶺南詩選一時皆宿相與往還茗椀詩筒殆無虛日然事無鉅細皆有設施人有餘閑案無留牘文采風流尤非他人可及錄

魏瑄字帝臣貴州平越人康熙庚子舉人雍正十年試用廣東知縣初任增城有惠政嘗放囚歸視

其母三日如約至謂南海修建學校教育士子文風駸駸然又嘗治某童被殺獄求殺人者不可得夢一人以兩手作離合狀乃偵得改革之工鞫抵之人以爲神莅任八載委署肇慶通判調知石城縣縣有虎食孀婦子瑄爲文告城隍神得虎磔於市奸民廖姓素以五虎稱者前令莫能制瑄盡捕置之法改知新寧歷署嘉應州澳門同知所至因地利民開釋冤獄民咸尸祝之宦粵二十六年卒於澳門官署年五十有八

忠雅堂文集

楊交泰江南無爲州人順治七年從征入粵知番禺縣精明廉恕莅任三載人頌神君時夫役浩繁軍需交迫交泰嘗自矢曰我年五十無子所不恤吾民者絕其嗣人咸德之

志

何志本大興人由貢生康熙初任番禺令時軍興旁午閭閻窮苦志本至備極撫循省刑罰蠲火耗免徭役兵征有所需索竭力籌辦以應民愛戴之罷任後聞家園灰燼無以爲歸士民籲留寄籍茭塘率衆捐貲置屋城東居之買田資其贍養

嶺南詩選

高去修山西寧晉人順治己丑進士康熙七年知番禺縣性伉爽以民事爲重因介直去官貧不能歸有仗助者分毫不取

按訪

李文浩鑲紅旗人康熙二十年知番禺縣壬戌詔除尙之信諸苛政凡佔奪田畝民居勒索渡稅魚課私

抽重歛文浩皆奉符豁免人樂利之

番禺縣志是時

文廟大成殿久未修葺文浩鳩工新之又於清水濠街重建番禺山書院以教多士值參議蔣伊建嶺南義學晦翁種城兩書院知府劉茂溶建珠江義學更興復廢墜者十數所於是誦讀之聲里巷相接海濱鄒魯斯時爲最

志

秦桂山西翼城人康熙三十一年由歲貢知番禺縣時圖甲多混賦役每不平桂爲按稅勻攤民無苦累至今德之

番禺縣志

李紹膺江都人由監生選授知縣乾隆九年以才能調知番禺性和藹爲政平恕以禮待士箴篋自飭民稱頌之莅政三年以病去十八年復任新會縣

按訪

任北駿字翔林山東聊城人乾隆三十年由新會調知番禺至卽嚴飭吏役事有病民者亟除之勤惠明敏不著循聲三月而卒民悲悼之

番禺縣志

婁君玉京衛人爲番禺縣茭塘巡司康熙二年沙灣賊周玉李榮因遷海作亂事平上官令開報賊黨姓名君玉屬鄉民曰此身可戮此民必不可枉力爲分別一人不使株連賴以保全者無算

大詩

一統志

李藻河南祥符人雍正七年由吏員授菱塘巡檢十一年遷番禺丞姓嚴厲勤於民事宵小屏息境內帖然後擢知縣番禺志

張其策字萊山膠州人順治十一年知順德縣事

滇寇李定國陷高涼攻新會甚急鄰邑戒嚴且悉索無虛日其策倣用一緩二之法行之故民力不

蹶邑以無恙廣州府志考滿擢廣糧通判離任後蠶賊

周玉破邑城平藩以蜚語疑邑紳通賊欲夷城將

佐從史之其策流涕力爭再在縣備陳民被賊狼

狽狀啓五上藩意乃解其策日巡城市撫綏民始

安帖尋陞知湖廣辰州順德縣志

王尹桐城人辛丑進士康熙九年宰順德明敏廉

察凡民間疾苦卽山谷遐深若硯味阻舉在目前

吏徵糧數上下其手尹令籍各戶一年應輸之數

通數之分十限有限有程民爭副程完納不答一人

卒于官士民有巷哭者順德縣志

徐勅浙江鄞縣人由進士初任陝之三原令尋以

母老告歸服闋康熙二十九年改授順德令英丰

奕奕斷決如流目所經悉識姓名弗忘受事之初

卽禁雜派免浮糧絕苞苴清保甲洫順四年始終

勿渝尤精獄一日晨起視事有少年泥首堂下

問之曰新會人也年二十五矣婦翁嫌吾貧不吾

室也勅曰汝聘乎曰白金五兩媒與之勅曰雖然

不能越境治盍歸直乎少年以首擊柱血被面勅

哀之乃繫少年偽若獲盜者牒新令取盜黨逮其

婦翁至則曰吾婿也恨不與婦故誣我勅曰吾固

知若婿之無良也若予五十金吾爲若絕之且日

偕若女來越三日金至女亦至笑曰五十金中人

產也婿不貧矣吾儻舍西郊令完婚趣具花燭鼓

吹去邑傳爲佳話他決疑獄皆此類也東關外長

堤十里舊名青雲路上有奎文閣舊係明知縣倪

尚忠所建歲久荒墟勅捐修之旁植松萬株倣古

列樹表道之義重建鐘樓於澤宮遷侍御卒邑人

奉祀于青雲閣下雍正三年祀名宦都志

陳鴻熙吳縣舉人雍正二年由樂昌調順德抵任

清火耗絕苞苴嚴保甲禮賢親士愛民如子丙午

大饑鴻熙親履諸堡令各就近煮粥分米時省會

大吏賑飢各縣飢民紛至求升撮殍死載道獨順

德縣民無一至者鴻熙力也廣州府志陞理密同知歷

鹽法道乾隆戊午被劾順民持金負米跪獄門者

以千計問官廉得其狀日循吏也事遂白順德縣志

劉士達浙江山陰人雍正元年任順德典史丙午

歲飢士達駕小舟沿鄉勸賑雖盛暑不少休富室

感之競出粟施濟尋轉凌江譯丞邑人思慕不置

同上

施景麟杭州人順治四年知東莞縣時土賊竊起

外寇內訌近郊多被蹂躪景麟編查排甲所部丁

口以萬計一見即識其人奸宄屏迹聞警率紳士

登陴晝夜不懈會援剿兵至始解時戎馬倥傯猶

以公餘集士子講貫明敏整暇人謂尤難廣州府志

金英字劍耿浙江海鹽人順治甲午權知東莞縣

事奉法順流與民休息所設施具有可觀凡四閱

月得替去携壺漿送者自縣治達番禺相屬不絕

同上

高遐昌號萊園河南淇縣人康熙丙辰進士三十

七年令東莞廉明勤肅年飢市米平糶歲不為災

除蠶役清保甲興文學聽斷如流民無冤獄二年

調高州茂名邑多盜遐昌用以盜攻盜之法置功

過牌信賞必罰期年夜戶不閉治茂凡六年兩攝

信宜一護郡篆乙卯擢御史茂名建三賢祠遐昌

居其一

周天成江南上元舉人雍正四年知東莞縣首革

書算排年之弊以印冊分給各圖令本丁自書名

及數蠶役不能為奸捐俸倡修邑乘聖堞遺駭邑

人士咸德之

東莞縣志

印光任江南寶山人由廩生舉孝廉方正乾隆二

年知東莞事為政廉明勤于造士捐俸遷建寶安

書院增膏火田七十畝暇進諸生講論文藝娓娓

不倦士民愛之如父母

史藻字鑑堂陝西華州人進士乾隆五十六年知

東莞縣甫下車嚴禁嚇索械鬪風一時豪猾斂

迹補靖康場六十年復以同知攝邑篆清釐邊海

沙坦捐設公車路費嘉慶二年敘平苗功升授肇

慶知府卒于官士民號泣往奠者不絕于道俱同上

查培繼字王望海鹽人順治壬辰進士除東莞知

縣有惠政浙江通志尤加意學校邑士有以文藝謁者

輒流連昕夕為之講授彙其課士文日相見篇造

就人材甚眾擢刑部主事歷給事中轉江西饒九

道廣州府志

鄭向字蓋之山西洪洞人順治十六年以進士除

東莞令時軍需孔亟賦重役繁向苦心經畫不以

催科擾民同上民有構訟而不欲終者輒遣之去其

純質愛人類如此東莞縣志

田家修鳳陽人順治時知從化縣時兵燹之後家

修力為撫綏安集流亡勸令開墾輕刑減訟殘黎

以安大清一統志

孫繩臨淄人順治中從化知縣下車詢問疾苦上

十事當事嘉其議花山盤古諸盜流劫近郊請兵剿之降其渠魁七人黨三百餘人賑給石榼漢田諸村流亡日返以治行薦去上同民立遺愛碑志

俞麟字仲高餘姚人順治戊戌進士康熙十一年任從化合甫下車利興弊革時平藩欲開銀礦麟止之有奸棍串營為害者立斃杖下值盜寇充斥設法守禦橫者捕殺之民獲安堵立月課以教諸生文風始振邑民祀之廣州府志

郭遇熙字駿臣新鄉人父士棟孝友端方學以濂洛關閩為宗遇熙登康熙乙未進士兄弟同居數十載迨析爨田宅盡讓與諸兄弟謁選授廣東從化知縣著有循聲擢刑部主事卒大清一統志

梁長吉字謙六廣西浚城人康熙丁卯舉人四十四年授從化令捐俸置義學設公費在任五載興利除弊不可枚舉寓撫字于催科申教化于刑罰慈祥愷悌士庶德之卒于官崇祀義學從化縣志

方以寧浙江蘭谿人由歲貢順治七年隨兩藩定粵授龍門縣十年請兵蕩剿强寇下山既平復移剿上山櫛沐行間以勞瘁病卒龍門縣志

戴應昌休寧人由進士順治十一年宰龍門年已八十矣政尚寬簡勸民息訟喜文士訓誨不倦蒞任三年士民相愛廣州府志

楊燁湖廣漢陽人順治己亥進士康熙二年授龍門令革濫徵修廢墜葺名宦鄉賢祠新譙樓浚城濠間集諸生課藝年饑設糜粥民咸就食山寇肆虐率兵深入紅溪李三岡寇逸去邑賴以安祀名宦志

王授位遼東廣寧人正黃旗監生康熙四十三年授龍門令初謁

文廟仰見傾圮即整修之山發蟄水壞民居授位飢者食之死者殮之建義學人知率教練鄉兵人厲義勇蒞任九年陞福建邵武同知祀名宦上

宜思讓正白旗人康熙三十二年知新寧縣事訓迪邑士置義學膏火田廣州府志申革陋規二十餘條寬恤下民嚴核胥吏舉卓異擢隴州知州父老至今頌之新寧縣志

姜朝俊丹陽人康熙五十五年任新寧縣為政勤慎門絕苞苴課士論文獎誘善類壬寅秋邑大風雨民居漂蕩捐俸為船筏渡之食以饋粥存活甚眾舉卓異擢建寧府知府去之日士民祖道數十里採訪冊

徐秉義字衡宜遼陽人康熙十三年以舉人知增城縣仁慈廉介臨事敏達下車問疾苦豁逋稅剔弊釐奸值惠潮間多事羽檄考午供億繁費正供

以外雜項交徵民無所告秉義以地瘠民貧多方
籲請上官皆諒其真摯量行豁免增城縣志有訟于庭
者剖決無滯更無株累以才調知南海府志

黃日炳字函葵慈谿人以諸生從征在尙可喜幕
中所謀畫多中要害委知增城時巨寇肆逆日炳

至鸚鵡望值賊遮道不能進諭以禍福皆散去乃
召父老詢之知徵調差徭爲患於是議立爬平法

夙弊頓清民無不均之嘆邑素苦盜日炳出片紙
諭之其素負固跳梁者皆接踵投見遵約束境內

稱平增城縣志邑常有虎患日炳誓於神患遂寢後有
爲虎所噬者皆盜賊也其事尤奇大清一統志

再存異字平川四川南充人康熙二十七年以舉
人任增城縣操守廉潔遇事明敏邑當積玩之後

諸務廢弛舊賦積逋者至十年治者難之存異設
的名之法卽兄弟亦不得相假借其急公者賞而

懲其頑戶不數年積逋遂清時總督以私販充墜
鹽引檄銷甚急存異每鄉舉一人日鄉長勸諭之

而民果不食私又每都舉一人日都長查詰良莠
而問并肅清上官交章薦舉奉

自行取入京增城縣志

邵鳳起嘉興舉人康熙五十九年任增城縣政事
鉅細悉手自裁決日給惟蔬糲振興文教邑加學

額鳳起所請也以年老告歸士民思之廣州府志
蔣觀昌全州舉人乾隆六年授增城縣勸民孝弟
力田睦族安分如慈母之撫其子廉介自守聽訟

無大小必親爲剖晰不委其屬胥吏不能爲奸在
任二載卒于官增城縣志

閻廷弼山西人增城縣尉性清介不以卑官自棄
衣敝衣啖糜食挾書吟詠若自得者買瓜蔬縷析

之雜米爲糜以食大令餽以衣裘米菽皆不受歷
官數年始終如一死之日大吏爲治喪士民相率

哭於巷不相杵者累月廣州府志
張令憲字胥游江南無錫人由貢生順治七年從

軍入粵八年任香山時郡邑初定粟米芻茭之供
倍昔令憲屬邑父老告日徵輸急矣願茲殘黎吾

不忍迫也盡完而課罔罹於法民感之壬辰歲歉
賊梁子直等率饑民直抵城下蟻隊而入城破令

憲罵日吾與城存亡身死分也顧其子曰死親孝
也遂父子遇害事

閻贈太僕卿祀名宦無子兄子達庵補浮梁令郡志
邵廷儀咸寧人順治中舉於鄉授清澗教諭遷靖

遠衛教授王輔臣叛僞檄促各官銷印廷儀獨懷
印以死自誓事平擢香山知縣有善政大清一統志

沈蘭德清人順治中知香山縣時兵荒後貧富交

因蘭加意撫循嚴汰供應差費禁設悍兵市易流棍土豪一時欽迹士民始有生意同每朔望後一日延紳士講學於堂蒞任三年頌聲日起以強項去職邑民思之志

謹案郝志蘭以順治十一年由教職遷知

香山縣

姚啓聖字熙止會稽人奉天籍中特科舉人浙江通志

康熙三年知香山縣性沈毅有文武才香山地瀕海盜賊出沒不常啓聖同警不介馬而馳士卒奮勇爭先賊皆挫衄去值再遷西北諸鄉界鄉民挈妻孥號於路督遷之營弁猶恣掠啓聖挾刃前曰是皆吾赤子也顛連至此尚忍然耶弁感之悉還所掠暇則循行阡陌勸課農桑去官日士民涕泣奔送踰境旋以征臺灣功陞陞閩浙總督祀邑名宦香山縣志

勞可式山東陽信人康熙二十七年以舉人知香山縣縣自清丈後未及歸圖虛稅尚為民累可式至清釐稅畝圖籍井然尤明察善斷豪猾不敢逞有嚇索者立置之法善類保全三載以政最擢戶部主事

余慶錫直隸長垣人康熙六十一年以進士知香山縣慈惠廉明杜苞苴陋規盡滌聽訟開誠勸諭

折兩造以片言蒲鞭示辱政簡刑清惟以移易風俗為務有為賊所汚者力白其事於上憲獲前雪焉俱同上

魯遐齡會稽人雍正十年以進士知香山縣明敏有幹才理繁劇裕如也邑故奸訟遐齡至摘伏發奸斷決如流民多畏服邑東竹山洲素為萑苻藪遐齡偵訪親履其地不旬日弋獲殆盡民賴以安捐俸修櫺星門建尊經閣葺書院延名宿主講士咸德之去官日民扶老携幼遮道不忍舍廣州府志張汝霖江南宣城人乾隆十一年知香山縣廉介公慎有經世才邑民阮阿珠被探贍者誘至湖洲山割其腹氣未絕其母趨視詢克賊姓名阿珠以龍眼都高姓告母聞之官時方大索採生奸徒上官嚴檄責捕高姓汝霖曰安有殺人而肯告以姓即密訪五日得其主名一訊而伏蓋奸徒欲嫁禍于高者人稱神明縣南羅婆陂久為強豪改築過水自利為勘實修復故道藉灌溉者數百頃其他善政不可枚舉擢澳門海防同知番僧以天主教立廟誘眾汝霖密請大吏入

告燬其廟私人教者治如律方燬廟令下夷人傲然不服有兵頭者尤桀驁議以武抗汝霖捧檄單騎赴諭之夷人感悟其贍識濟變類如此尋鑄級去猶

條陳善後十事憲府嘉其議勒諸石士民謳思不

香山志

暴煜山西屯畱人由順天籍鄉薦令保昌暨連山皆有聲乾隆十三年調香山廉明公正閭境肅然有弟訟兄者薄示懲復反覆開導皆感泣去增修書院齋舍置膏火田公餘課士多方誘掖成就之性誠懇為政寬嚴有體所在民懷其德調南海去士民踰境趨送同上

劉象震霍邱人順治七年知新會縣時盜陳德貫作亂象震請兵擒滅之歲飢行糜粥食民婦孺不能來者計口給米多所存活十一年春擢西安同知已辦裝值西逆犯城遂協力守禦八月圍解乃去大清一統志

龍之繩公安舉人康熙三年知新會縣時再定邊界人民流離之繩入境值餘禾棲畝即請聽民刈獲窮黎少蘇比視事唯務休息常勸訟者曰吾與爾等生長干戈幸存性命百念俱當灰冷何暇復競強弱偶以催科咎一里甲退即榜門自責人皆感泣同甫三月以疾去百姓送之哭失聲云蘇文耀直隸人康熙五年知新會縣性正直能愛民不畏強禦境內肅然催科不事鞭扑民皆樂輸時大軍數出勦賊文耀殫心竭力常以身翼蔽小

民民甚德之以逸盜論罷卒于邑寓百姓哭吊者以千數廣州府志

額嗣協字迂客江南長洲人康熙四十六年由貢生出宰新會誓神而後入境邑襟山帶海號稱難治嗣協因俗成化薄賦輕徭清風弊革濫征民安其簡間有訟者不羈候日集鞠之至誠披示民以不欺明儒陳獻章祠在白沙故里日久頽落嗣協新之兼鑄其集以粵板字多偽命弟翰林嗣立僱江南良匠開雕庚寅自崖門歸邁疾不起著有漪園近草歿後祀名宦志

袁名器湖南興寧人乾隆三十三年由舉人知新會縣勤於民事不拘放告日期有訟者至立為判決不及則繼以燭不半載舊案一清折獄平恕訟者無怨詞且有自知理曲請受責者名器婉諭免之一時戴若神明愛如父母嘗值大風雨獄墻倒塌囚犯皆素沐其惠故無一逃逸解任日民懇切攀留哭聲載道後任海安開新會歲飢猶飭米商運糶民賴以蘇迄今謳思不置新會志任光遠陝西人由歲貢順治十八年任新會縣丞賦性質樸廉靜寡營接物牧民常存仁恕公服外俱用布素嘗自謂造物惡盈滿則招損積俸過百輒自幸曰菟茲一丞得此足矣遂賦歸來其不貪

位慕祿如此洵足風焉志

陳億福建福清人由生員順治四年隨征入粵委

署三水縣未及一載卓有循聲值水師霍師連叛

攻邑城與縣丞薛某典史林景祚教諭江南紀同

時被害三水縣志

謹案縣志縣丞薛缺其名遼東人景祚

福建人南紀字邱人俱順治四年隨征委

署者

蘇帽河南汲縣人順治辛丑進士八年任三水縣

邑當四達之衝車馬供應絡繹力紓之耳贊官

與羨塾催科不擾夏稅秋糧各以時辦人甚德之

康熙六十一年祀名宦志

樊翰桐柏人康熙中知三水縣甘澹泊勤撫字嘗

日正供外悉民脂膏何敢剝民自奉也每課士必

告曰先立品毋僕僕謁上官遇邑有水災力請捐

租民咸感之建祠以祀大清一統志

顧之挺字月田仁和人康熙乙卯舉人行人司改

授三水知縣三水為劇邑下車日百廢具舉聽斷

如神邑向有稅口民以為累悉蠲免之又改設城

守衙署彈壓衝要奸宄斂跡士民戴之後以海疆

需人調任電白多惠政經其地者猶聞謳歌焉廣州府志

鄭玫字文玉龍巖人舉人康熙四十五年知三水

縣縣地當西北兩河之衝水患最甚玫憂之設法

隄防督勸修築夜分風雨交作猶屹立河岸經畫

區處田廬賴以無恙革徭役清完欠民樂輸將竊

寇奸宄無所容一切累民者皆禁絕廣州府志尤加意

學校捐修

文廟青雲橋及學右書院士民思德即書院祀之三水縣志

汪鼎金字凝之休寧人乾隆壬戌進士八年知三

水縣事居官廉恕尤加意士林宵深夜微行聞讀

書聲琅琅跡知為某詰且即召入獎勵厚贈之後

撥充公田為貧生膏火士爭砥礪文教大興思遺

愛者立祠祀焉

侯學詩江寧人乾隆四十六年以進士授三水縣

甫下車即捐俸修建學宮性廉慎勤案牘絕苞苴

撫恤黎庶一時有召杜之稱尋遷新會歷陞肇慶

知府丁艱起改江西撫州邑民思其德與前令汪

鼎金並祀之俱同上

王文燦字蔚然桐城人明末避兵入粵籍蒼梧中

康熙癸卯鄉試任清遠縣有惠政以招叛功當遷

官顧以母老告降改象州學正廣西通志

劉士驥汝陽人康熙二十年知清遠縣好獎勵士

類有少年受誣當杖詢之某秀才子也卒白之民
居失火倉皇趨救時風勢暴烈不可遏士驥免冠
再拜風驟反撲火滅至今猶傳之廣州府志

張文煜順天人順治三年知新安縣軫念殘黎安
集撫恤愷悌之政綏靖之功口碑積焉同上

李君柱黃岡人以從征入粵順治七年知新安縣
潔己愛民嚴戢營兵之暴城守王守祖虐民爭之
不得君柱移署城外竟棄官去上官廉得其實乃

科王去之一大清一統志
馬以懋乾州人順治中知新安縣時經兵燹田地
荒蕪民苦賦累懋為之區別虛實邑以無擾同上

李可成遼東人康熙九年知新安縣居心慈惠守
己廉潔所在設防守險百度經營務以固圍衛民

廣州府志民有訟者必力勸息之曲者感愧故固圍常
虛奸宄屏迹新安縣志其惠澤不獨蒸被一邑鄰封皆

嚮慕之廣州府志
張明達字子上瀋陽人康熙十七年知新安縣招

徠綏父兒廢俱興二十年有清查丁口之令閭閻
無擾時論稱之新安縣志

安定枚遼東人康熙二十三年知新安縣忠勤率
屬廉介惠民革陋規諸費民有爭訟立為審決不

許株連羈繫胥吏莫售其奸以內艱歸士民如失

估侍新安縣志辛巳知普寧縣潔己愛民多惠政百姓
建祠刻石肖像以祀之普寧縣志

靳文謨開州人康熙二十六年以進士知新安縣
凡不便民者悉釐革之寬洪仁恕勤於政事夙興

夜寐百務修舉訟獄務得其情以節儉澹泊為士
民倡有古良吏風探訪

丁棠發浙江嘉善人進士康熙三十三年知新安
縣寬惠仁慈清丁糧均徭役邑向無社學集紳士

創建寶安書院士氣丕振及行取之日紳耆於南
門內立去思碑新安縣志

段嶽生字相山湖廣常寧人康熙乙酉丙戌聯捷
進士初知福建上杭縣嫉惡過嚴不久於位未十

月以逼受交代事解任質審時逼交者為汀州吳
守頗盛聲援嶽生直陳其事於撫軍且曰就使某

不敢言而敢怨大人得無內媿於心况某倔強成
性固非不敢言者也書上聞者為股栗時撫軍為

粵海陳清端壯其言亟予昭雪起復原官補廣東
新安令本朝詩話新安地瀕海經海寇蹂躪之後前

令悉心撫字民氣漸蘇嶽生詳為譏察凡魚租田
租山徵海禁有為民力所竭廢者悉請除之上官

有不能允行者初則宛轉祈請終則忿然力爭必
如所請乃已繇是以顛直稱未幾坐言事削籍歸

里士民惜之採訪

何夢篆江南江寧人進士雍正八年知新安縣幼

而穎悟博極羣書解經宗漢儒洞悉民隱釐革積

弊延師教士親考課崇孝友邑中稱治畱任十二

載至今民猶慕之新安志

唐若時渭南人進士乾隆九年知新安縣行己以

恭接士以禮待人以寬撫民以惠邑用大治採訪

吳沂直隸滄州舉人乾隆四十五年知新安縣取

與分明嚴以律己凡命案株連者祇取正兇餘概

釋之至非真斃命者一驗卽判結絕不羈繫癸卯

歲修整學宮鳩工庀材經營備至椽桷煥然新安志

李大根山西榆次人進士乾隆四十九年知新安

縣潔己奉公勞心撫字待士以禮徵收不苛丙午

丁未邑中大饑糜粥以賑民賴存活者甚多以卓

薦陞萬州知州採訪

王永名正紅旗人康熙二十二年知三水縣二十

四年割南海番禺地置花縣永名適至遂調補焉

地多叢篁鳥道盜賊淵藪永名鑿山堙谷築城浚

隍立學官設防守招四方流民授墾墾田以勞卒

祀名宦採訪

廣東通志卷二百五十七終

廣東通志二百五十八

官績錄二十八 國朝四

劉世豸 李煦

唐宗堯 秦嗣美俱韶州府知府

談志 秦熙祚

苟金薇俱曲江縣知縣 盧璣

王俊民 李棟

郭徵明 程黻俱樂昌縣知縣

何鳳岐樂昌縣教諭 蔡嘉復

熊惟祺 鹿應瑞

佟逢年俱仁化縣知縣 陳惟仁仁化縣教諭

郭宏纘 裘秉鈞

張洗易俱乳源縣知縣 江靖

李士林 翟廷祺

孫可訓 劉士麒

徐應仕 徐廷棟俱翁源縣知縣

楊本春 田從典俱英德縣知縣

陳應相 伊秉綬俱惠州府知府

鄭欽陞惠州府同知 彭繩祖惠州府同知

廷麟惠州府通判 韓之鼎

林雲從俱惠州府經歷 武蓋

孫從寬 陳哲

| | |
|---------------------------|---------------------------|
| 楊紱 | 章壽彭 <small>俱歸善縣知縣</small> |
| 路三錫 | 常建 |
| 楊碩 <small>俱博羅縣知縣</small> | 顧濟德 |
| 秦長庚 | 陳邦節 |
| 洪德音 | 俞荔 <small>俱長寧縣知縣</small> |
| 沈時 <small>永安縣知縣</small> | 丁敬 |
| 阮士鵬 <small>俱海豐縣知縣</small> | 彭俊齡 |
| 沈廷相 | 潘好讓 |
| 耿惇 | 屠孝義 |
| 周之矩 | 沈文煥 |
| 宮文雅 | 周廷采 <small>俱龍川縣知縣</small> |
| 劉宏祚 <small>連平州知州</small> | 葉應茂 |
| 陳見 | 劉肇崑 |
| 何齊聖 <small>俱河源縣知縣</small> | 尹惟日 |
| 韓師愈 | 邵大成 |
| 李昶 | 王植 |
| 王嵩 <small>俱和平縣知縣</small> | 魏樹祥 |
| 薛信辰 | 吳穎 |
| 林杭學 | 張克疑 |
| 張應詔 | 龍為霖 <small>俱潮州府知府</small> |
| 賀寬 <small>潮州府推官</small> | 閔奇英 <small>潮州府判</small> |
| 劉正 <small>潮州府司李</small> | 仇昌祚 |

| | |
|---------------------------|---------------------------|
| 汪泰來 | 陸鏞 <small>俱潮州府同知</small> |
| 傅鏗 | 金一鳳 |
| 顏敏 | 張仕璉 <small>俱海陽縣知縣</small> |
| 臧憲祖 | 魏燕超 <small>俱潮陽縣知縣</small> |
| 張曉 | 胡鶴翥 |
| 鄭濂 | 蔡端 |
| 李景運 | 陳樹芝 |
| 張薰 | 顧彝 |
| 趙長民 | 王壁 <small>俱揭陽縣知縣</small> |
| 戴垣 | 劉鴻業 |
| 吳日曠 | 牛光世 <small>俱饒平縣知縣</small> |
| 張士昊 | 張昭美 |
| 楊宗秉 <small>俱惠來縣知縣</small> | 陳其文 |
| 劉毅志 | 宋嗣京 |
| 查廷藻 | 周際春 |
| 崔楸 | 白日宣 |
| 楊麒生 | 蘭濤 |
| 鄭其仁 | 陸昌祖 <small>俱大埔縣知縣</small> |
| 王岱 | 陳嘉謨 |
| 樊永底 | 宣紀雲 |
| 章兆會 | 張寶 |
| 武先慎 | 陳科斌 |

崔田見

傅錫山 俱澄海縣知縣

李廷樑

張如榜

胡貢策

殷藻

劉德芳

汪溶日

趙勉周

羅秉琦

藍鼎元

黃道泰

孟五金 俱普寧縣知縣

梅元

楊永芳 俱普寧縣知縣

葛曙 豐順縣知縣

國朝

劉世豸字漢直直隸雄縣舉人康熙二年守韶州在任七年圖屏生草力行教化捐俸金葺學舍創書院勤行月課一時投科稱盛以憂去郡人思之

二十一年祀名宦 郡志

李煦奉天籍昌邑人康熙十七年補韶州守招集

流亡修復學校力行教化弊絕風清改任時民為

立遺愛祠於湘江門外 大清一統志

唐宗堯鑲黃旗人由寶慶府丞晉韶陽郡守蒞政

勤敏庶務畢修建義學創試院復文獻祠造養濟

院皆力任之 韶州府志

秦嗣美知韶州府廉明果察寬以平法嚴以錮奸

履勘阡陌腴者無得匿其賦斥鹵者減汰之創立

韶陽書院祀張曲江以鄉先賢配位焉日與諸生

角藝其中半官司半師長也 同上

談志武進人由邳州學正遷曲江令愛民好士澹

於宦情拂衣歸有陶淵明之風蒞任雖數月臨行

士民有攀車流涕者著有令粵詩集 採訪冊

秦熙祚聞喜人康熙十九年以舉人知曲江縣水

潔自矢不飾騁從邑遭兵燹後民多逃亡熙祚盡

心招徠哀鴻始集禁革雜派嚴束胥吏村循五載

清介如一日云 韶州府志

苟金薇合州人康熙甲子舉人性孝友潛心理學

一統志 大清 三十七年宰曲江愛民如子合邑感戴

尤培養士林捐增田租為書院延師養士費至今

賴之邑人立祠尸祝 採訪冊

盧璣字爾琛江南潛山人順治十一年知樂昌縣

邑經寇亂民多流亡璣招撫有方均役派免供需

流民賴以復業尋陞大名通判父老璣金建遺愛

祠 樂昌縣志

王俊民山西樂平人知樂昌縣誠樸節儉催科不

擾禁浮尚敦農耕去職之日庭署虛涼蕭然行李

韶州府志

李棟 謹案韶州府志作李成棟 字雲浦湖廣蘄水人已亥進士

康熙三年為樂昌令留心民瘼廉介自持懲奸宄

恤困窮置義倉建書院遷雅州守 郡志 士民攀轅者

塞道設位於書院祀之韶州府志

郭徵明山東益都舉人康熙十九年知樂昌縣慮已以廉待民以寬好簡靜而辭繁劇民有去後思標誌

程徽江西新建人康熙二十三年知樂昌縣廉慎冊誌

自持邑當荒旱之餘哀鴻甫定一一緩輯有召杜韶州府志

何鳳岐字采公大興人任樂昌縣教諭性勁直且練達才課士崇禮儒修日振旋署邑篆遇疑難事皆剖斷明晰一一就理遷寧化知縣世遠堂集

蔡嘉復西安人順治四年知仁化縣時當兵燹之後人民離散嘉復開誠招撫百姓聞風而歸在任一年卒子鍾台奔喪亦卒士民哀之葬其柩於水南塔下大清一統志

熊惟祺孝感人康熙七年知仁化縣鹽引遷年報商折約士民挈家逃窶村市為墟惟祺設法招商承折暫除報金之害又捐金建學宮振興士類四民樂業同上

鹿應瑞大興人以明經宰仁化力行保甲間里以安在任四年百廢皆舉初抵任時十日即出獄囚三百餘人閩邑頌德修邑志惜未竟而卒郡志

佟逢年瀋陽人康熙十九年知仁化縣精明嚴肅

豪民畏之捐修

文廟凡事有總轄者悉革除之禁止陋規舉行善政設立倉貯以備災賑丁內艱去未竟厥施韶州府志

陳惟仁候官人為仁化縣教諭性而介課士有方不憚朝夕講解師範稱最仁化志刻日課法分給諸生使各書所誦之文與所閱之藝以觀其趨向

又書其旦夕所課以察勤惰多士欽奉其法嘉謨錄

郭宏纘字梓參福建漳浦人起家明經從員勒入閩有功順治四年知乳源縣乳故巖邑前令死於兵當軸度非宏纘莫辦遂任之宏纘威重見者憚怖明布約條反側子乃安未幾山賊雲屯謀攻乳

宏纘詞知預上方畧寇至宏纘佯坐城樓痛飲賊易之未即攻越日援兵至出賊不意徑渡河擊之旌旗四起城中金鼓震山谷賊驚眾披靡俘斬甚夥是役也援兵不滿百摧巨寇如拉朽遂成奇功至於申免逋欠懇革重派皆宏纘實政之及民者任乳二年囊無餘金去後民思之郡志

裘秉鈞富陽人知乳源縣勤心民瘼撫搖緝盜招梗化之梅療使為良民皆善政也韶州府志

張洗易字麓園山東堂邑人由官生授乳源令性明敏民之隱匿無不洞悉是以剖決公平境內稱治標誌

治標誌

江靖仁和人順治四年知翁源縣素嫻弓馬遇寇即出戰民賴以安韶州府志

李上林安邱人順治十二年知翁源縣留心民瘼捐俸設社倉興學校陞刑部主事邑人建祠尸祝翁源縣志

翟延祺益都人康熙四年知翁源縣釐弊剔蠹修城池勸國課禁服毒革耗羨陞中城兵馬司指揮去韶州府志

孫可訓青田人康熙十二年知翁源縣治政有聲與民同甘苦每月朔望前一夕必躬詣犴犴慮囚一次以短楮書其事由納諸佩囊以常省視期年之後囹圄空焉世經堂集

劉士麒瀋陽人康熙二十二年知翁源縣士麒以少年作宰吏民易之及莅任經理有方墜緒以舉境內稱神明焉采訪冊

徐應仕籍貫未詳康熙間署翁源縣時王碧山賊寇城應仕設策防禦率兵登制勝樓親冒矢石挽弩射賊多應弦斃城獲全韶州府志

徐廷棟浙江人乾隆四年署翁源縣才識明敏案無塵積尤留意作人捐俸建義學設膏火貲拔儒童之秀者延師教之每課必親第甲乙優加獎勵

去任日諸生立木主祀義學中翁源縣志

楊本春字光美陝西澄城人順治丁丑進士十三年知英德縣地富孔道事務繁瑣本春遇事節省與民休息官兵勦捕長寧流寇東鄉幾為蹂躪採木之役西鄉又復兵民交構皆賴撫綏得以安輯百姓家尸而尸祝之在任二載積勞成疾卒於官採訪冊

田從典字克五山西陽城人起家進士康熙三十四年出宰韶之英德風裁峻整品行醇篤莅任先夕齋宿城隍祠舊制也從典為文誓神云治囊橐之計而傾人一家狗喜怒之偏而戕人一命則大庾嶺上頽石同傾始與江中流波俱逝識者已規其遠大之器矣月吉讀法向視為具文從典朔望宣讀

上諭集四鄉之耆老子弟諄諄告戒若扣洪鐘而起聾聵人情鼓舞家喻戶曉焉

國朝定鼎後英邑學宮未葺鳩工庀材俎豆一新又特建近聖齋節俸金買田授都養設講席考其勤惰人文蔚起英當四達之衝星輅絡繹羽書旁午賦役不均從典革去陋規俾無偏累民得休息邑自清遠香爐瀘陽三峽迤邐南來連岡複嶂林木官深不逞之徒盜採銅鉛兼胙篋探丸從典洞悉其害嚴緝長岡嶺嶢子坪諸處盜源以清早魁為

災率士庶虔禱踰十步則褒襟而前中鳴弗顧甘霖立沛康熙丙子丁丑存饑民多化餒質子以給從典設賑平糶流民德之治英五年訟牒稀少琴鶴翛然報最去百姓雷之不得官至內閣大學士祀廣州名宦州志

陳應相直隸宛平人順治十一年由貢生知惠州府秉性剛方而善於撫綏民受無事之福祀名宦祠志

伊秉綬字組似號墨卿汀州寧化人乾隆己酉進士嘉慶己未以刑部員外郎出守惠州革除舊習百墮皆與訟牒至即親鞫之株連者當時遣釋民用德焉訪東坡遺構葺豐湖書院延名師與多士講業辛酉七月歸善匪徒陳亞本與博羅陳爛屐四同謀滋事秉綬廉知之向提督之駐同城者請兵往捕不應率民環額之又不應乃以差役七十餘人搗其巢亞本遁餘黨併入羊屎坑勢漸張秉綬密請總督吉慶發兵勦捕提督沮之三請而兵不發秉綬言於提督曰養癰成患不如早為之所舉兵愈遲則民之傷殘愈甚言已繼之以泣提督不得已與兵三百人秉綬復力爭曰偵虛實則三四人足矣如其用武以寡敵眾徒債事耳提督不聽以三百人往領兵者遊擊鄭文照子身歸而亂

遂成秉綬適以博羅絞犯越獄案去職惠民呈懇奏留總督許隨營辦事秉綬僱募勇壯日夕擒勦提督以為烏合之眾聞官兵四集則自散無事殺戮總督是其言以故秉綬甫獲陳亞本即以前案參戍軍臺檄秉綬入獄惠民遮哭於途慰勸再三乃散去未幾代總督者為倭什布巡視至惠士民為伊知府訴冤者凡十七至總督條其實以聞旋奉

恩旨釋秉綬罪第免官固籍粵人為之捐復尋授揚州守亦有惠政採訪

鄭欽陞河南汝寧人壬辰進士順治十一年任惠州司李明允折獄洞燭民隱委曲開導多所感化士民愛之州志

彭繩祖湖廣黃安人順治十四年由貢生為惠州府同知佐政廉平編審丁口閭里不費一錢遷石阡知府上同

廷麟滿洲鑲黃旗人乾隆癸酉科舉人任湖州通判四十一年攝澄海縣事性仁慈政尚寬大民以訟事見者必反覆開導使自悔悟署任一年不鞭扑一人蓋是時風俗淳美人鮮犯法麟與之休息故民至今思之澄海志

韓之鼎蓬化人康熙三年以惠州府經歷署長寧

縣時兵燹之後民皆結茅編竹而居恒遭回祿之
鼎捐俸并詳請院司恤助易茅而瓦由是無火患
而慶有陶比去建祠以祀長寧縣志

林雲龍福建福清人先任四川管山主簿以禦寇

有功陞碭石衛經歷署海豐令甫下車流寇焚掠

東郊雲龍日夜固壘防守賊不敢窺伺督民兵戰

于鼈卵沙死之海豐縣志

武盡來安人順治十五年為歸善知縣時里中苦

邊寇類多逃亡孤丁應徭不堪重困蓋時寬宥之

東平監埠為通邑盜患力詳禁革勘遷海界萬軍

雲集獨能相方安置不致顛連尋以勞瘁卒官民

咸感泣大清一統志

孫能寬陝西人康熙六十年知歸善縣甫至革冗

役却賀金修縣城設名宦鄉賢祠尤振興文教自

城迄鄉多設義學延師課士并捐俸以為膏火貨

歸善縣志

陳哲銅陵人乾隆三年以清遠縣改知歸善定邑

庠泮泮池建迴瀾書院修砌通衢以便行者民皆

趨命而忘其勞尋陞陝西寧州知州民祠于書院

同上

楊紱新城舉人乾隆二十七年署歸善縣修學官

建復近賢義學愛民重士剔弊劬奸時有神明之

目泣任僅一載調南海去琴轍者皆泣下長訪

章壽彭字峻峰山陰人乾隆四十四年知歸善縣

事下車即以養士便民為務舉資與增膏火試士

絕干謁務拔真才邑中錢糧每多以欠戶株累同

姓壽彭別白之胥吏不得為奸東新浮橋向皆因

陋就簡遇漲輒拘用民船自壽彭相俸重修至今

利賴以卓薦陞知寧州民為立去思碑同上

路三錫遠東人順治五年惠州提督李成棟作亂

殺總督佟養甲檄移屬縣三錫不屈赴水父老相

傳三錫沒于城下江東潭七日尸出面如生邑人

哀之葬城北登高鎮側歲時祀焉博羅縣志

常建雄縣人順治十三年以進士知博羅縣剛介

明敏門絕苞苴邑當衝要時值軍興建勳勉以圖

市肆不擾民甚德之甫三月卒于官含祔不給士

民競賻金以殮及發槨之日老幼哭送填咽衢巷

惠州府志

楊碩湖廣人康熙九年由舉人知博羅縣為政寬

簡一意與民休息謂凋瘵之餘民初復業而缺額

虛米尚多力請弓田以除民累未幾卒于官百姓

為之罷市博羅縣志

顧濟德浙江人順治四年為長寧令先是賊首林

國瑞糾集流寇蹂躪縣境濟德至甫數月賊與龍

門流寇合屯攻邑城城陷濟德不屈大罵之遂被
書雍正二年署縣張象乾建忠正祠祀之長寧志
秦長庚浙江人順治七年令長寧邑自五年為賊
所據人民逃竄房屋焚毀殆盡附郭十里幾無人
烟長庚至廣為招集保聚流亡瘡痍日起同上
陳邦簡江南石埭舉人順治十四年令長寧待士
有禮治民有方催科無苛政而賦自辦以刑罰責
人人皆不怨頑梗者多化而遷善云長寧志
洪德音正白旗人雍正元年以舉人令長寧始至
誓於神布衣蔬食潔已奉公視官事如家事夜寐
思有所與革必起而書之終日無一語及私人亦
無敢干以私者為人強幹長於吏治僕御吏胥莫
不飲束邑有犯不逞者必先勸戒之不改而始治
以律一時強悍皆馴在任僅七月以勞瘁卒長寧志
俞荔福建莆田人雍正七年以進士除長寧令甫
至革浮征陋規銀數百兩杜絕苞苴凡出入夫役
無過數人有事于鄉皆自備供給杯水不以累百
姓在任一載以望誤去官人咸惜之同上
沈時江南鳳陽人蓋州衛籍順治四年隨征入粵
授永安令禦寇招降多著勞績為人耿介方正淡
泊自甘嚴禁奸民服斷腸草斷腸草者一葉入口
血潰百竅粵俗茹以陷人者也廉訪蠶眉嚴行釐

剔順治四年秋流寇攻城親冒矢石出奇制勝築
子城以防地隙造雲車以禦衝突閏三月援兵至
圍解城得全調海陽縣擢潮州知府又擢兵巡道
兼督學政歷廣東海北糧儲驛傳道所至民懷其
德順治十八年入名宦長寧志
丁敬字恪臣杞縣人順治己丑進士授海豐令邑
多豪橫專恣敬廉得其名列諸籍有犯輒數其罪
立斃之累遷廣西賓州道大清一統志
阮士鵬江南宣城人康熙三年任海豐令甫下車
卽遭蘇利寇城民心岌岌士鵬率民夫登城佯作
守望以緩其攻密遣人從間道請援援至破之事
平後修寨柵集流遺緩催科興學校定均費申斥
埃良法悉舉以課最擢許州牧海豐志
彭俊齡湖廣潛江人舉進士康熙六年補龍川令
剔除大小積弊捐俸建學宮月課邑士乙卯
大兵征潮閩經邑境俊齡憫民偏累力請協濟大礮
度嶺勒民過山錢乃為民泣訴疾苦不允忿激投
河衆援出之時城兵奉調援俊齡捐募壯士二
百守城適流寇入境俊齡設伏兵絕賊歸路擒斬
殆盡丙辰寇逼惠潮俊齡不屈抱印赴江右乞師
事平調官去龍川人卽東山書院祠之龍川志
沈廷相字子立浙江會稽人康熙二十二年任龍

川縣勤勞拊循禁羨耗清保甲買除毒草貨粟賑
飢會其叔父司臬粵東遵例迴避輓留不獲上同

潘好讓山東濟寧人由進士康熙二十六年任龍

川縣修邑乘興義塾為政無赫赫聲而民安之嘗

告人曰居官但求無過足矣邑人多服毒誣命居

奇好讓立重禁嚴反坐在任四年以病乞休卒祀

名宦郡志

耿惇河南虞城人康熙四十年除龍川令革除輪

當大差并里排值櫃之弊并令民自封投櫃民享

其利案無留牘不事趨承在任四年行取去邑人

立碑祠祀焉龍川縣志

屠孝義浙江鄞縣人丁卯舉人康熙四十九年任

龍川縣父粹忠官少司馬秉正立朝故清白之風

受之庭訓民有爭訟為陳義理遣歸諱思之各自

和釋不終訟會歲澇城圯蠲賦修築厥功頗偉在

任八年百廢具舉同上

周之矩浙江會稽人甲午舉人雍正五年任龍川

縣潔已奉公省差役以安民業時有流寇八十餘

人沿途搶掠之矩親率民壯擒之殲除渠魁鄰邑

賴焉既造義學又復增設訓蒙義學俾長幼咸沐

教思雍正六年以鄰邑審案望誤旋奉

旨復任雍正九年調知饒平行取武選司主事後補廣西

太平府同知龍川縣志

沈文煥浙江山陰人乾隆十六年任龍川知縣禮

躬清介求治精勤蒞任僅半載息事綏民刑清政

簡比去民立縣位于文昌閣東壁祀之採訪

建案文煥之名不見檣冊龍川縣志亦不

載豈以其蒞任僅半載故不書耶以其出

自採訪或為輿論所稱故錄之

官文雅利津人乾隆十五年任龍川甫下車抑強

差懲土棍屏邪巫人心悅服為治廉明勤慎優禮

賢才加意學校設膏火教諸生以實行為訓文風

丕變在任五載興利除害境內肅清乙亥調饒平

民攀轅泣送監碑以紀去思龍川縣志

周廷采江南人嘉慶五年為龍川令處事明決操

守清廉民皆悅服時有兄弟爭產欲訟于庭聞風

感化遂讓其田為公田富人劉姓被累繫獄廷采

廉知其冤訊釋之以金謝却弗受尋卒于官弔者

不絕採訪

劉宏祚南昌舉人

國初官連平知州順治四年內管營兵與守城把總

賀炳作亂宏祚力禦不克投南門方井死從死者

吏目鄭亮福建人學正葉上青北直人採訪

葉應茂浙江嵎縣人順治七年任河源縣愛民養

民

士時值鼎革兵餉浩繁設法支應不致滋擾奉文各縣設防守兵應茂以邑為內地無盜賊設兵徒為民病力請罷之閩邑受其賜惠州府志

陳見福建詔安舉人康熙十年知河源縣恭儉慈和催科有法招徠遁亡復其故土解散嘯聚勸以農桑大有造於邑民咸賴之河源縣志

劉肇良文安人性廉介勤敏有為康熙三十七年知河源縣下車後除盜戢奸以安良善遷復學宮捐設義學以作養人材詳請革除色米蠲費浮派民累悉除任二載以終養請民詣憲轅攀留不遂尋丁內艱去送者載道如失慈母焉採訪冊

何齊聖金谿人雍正六年令河源捐置義學膏火獎掖士類邑多虛賦割俸彌補窮黎食德無量一切襍派悉就革除愛士親民藹然如家人相接改調之日送者涕零河源縣志

尹惟日茶陵州人進士順治十七年知和平縣時九連寇盜猖獗四省會勦未克惟日以單騎深入招撫賊為感動歸附投誠復條陳固守機宜設兵駐防岑岡民得樂業未幾卒于官民置祭田以陪祀王守仁祠大清一統志

韓師愈江南上元人康熙十七年知和平縣薄歛省役革陋規新學宮立書院賑荒恤災課士勸民

寒暑不輟士民德之和平縣志

邵大成浙江餘姚人康熙三十三年任和平蒞任八載政尚寬和賑饑釐弊修學宮崇文教去任日士民為之立祠同上

李暉河南夏邑人康熙五十三年為和平令絕苞苴杜請託賑饑歲卹災民催科減耗令民開戶自納人樂輸將獄定疑獄人頌如神比去民為立生祠和平縣志

王植字槐三深澤人順治辛丑進士雍正四年知和平縣愷悌清勤寬猛相濟邑有爭冢者爭田者案久不結皆有券植立判其真偽責妄爭者閩邑稱神採訪冊

王高雲南昆明人雍正七年知和平縣禁苞苴勤撫字恤術楊謹剖斷嚴保甲勸開墾設義學時集諸生講業課文誼若師友士民仰德比調民勸去思碑和平縣志

魏樹祥栢鄉人由拔貢授廣西通判累遷潮州知府康熙十三年總兵劉某與續順公沈志祥有隙乘機激變以刃脅樹祥從逆樹祥曰任爾所為我惟一死報國耳幽之一室樹祥每日拍案大罵十指盡出血不食而死大清一統志

薛信辰字侯款無錫人順治己丑進士知潮州府

發守將却向久奸謀已而向久果叛信辰抗不從賊賊下之獄乃潛遣其子約總兵吳六奇進兵謀泄向久將害之會大兵至賊敗乃免擢副使備兵井陘時有圈地之令信辰調劑得宜兵民悅服應官浙江布政使所至以惠政聞上同

吳穎江南溧陽人順治初以刑部郎中出守湖州時海氛告警添兵七千以備攻守湖民廬舍半為戍兵所據穎至請減其半建營房籌兵餉擾民者懲之悍兵帖然民賴以安兵燹後府縣學及韓廟皆燬穎首倡修建煥然一新復修輯舊志以存文獻其有功於湖甚大湖州志

林杭學江寧人康熙十六年由貢生保舉隨征入湖授湖州知府時郡城初復大師屯集杭學竭辦軍需民無所擾事定弭盜賊建學宮立義學延師課士修府志任十餘年百廢具舉卒于官遠近吊者兩月不絕上同

張克疑聞喜人康熙己未進士以庶吉士累遷刑部郎中執法堅礪無所畏避出知湖州府清廉慈惠屬邑奸民軒竿起邑令閉門治守具克疑曰第登白葉岐山豎旗鳴鼓聲言大兵且至彼將自遣何用張皇為如其言賊黨果斬渠魁以獻其決事如此大清一統志 守湖五載吏治肅清劬瘁盡禁苞

直僚屬奉法惟謹丁外艱居喪悉遵家禮一時士民聞之咸有所矜式湖州志張應詔五開衛人康熙辛酉舉人孝友博學由直隸肅寧縣知縣薦歷廣東潮州府知府有惠政廉潔自矢民咸思之內遷江南道監察御史

世宗憲皇帝憐其貧賜第及金卒于家乾隆十年奉旨入祀名宦祠大清一統志

龍為霖四川巴縣人雍正十年知湖州府性慈諒愛民如子興利除弊胥吏無敢作奸修葺韞山書院增置學舍經營備脯及膏火之資嚴立課程鼓舞多士尋以梗直去官郡人思之立祠祀於書院東府志

賀寬字瞻度丹陽人順治十三年由進士任湖州推官執法不阿奸胥斂跡勤化士民必反覆開導如父兄之教子弟公餘進諸生講課不倦民間利弊得諸見聞者力請與革間以此忤上官寬曰官可罷事必不可已時論偉之上同

閻奇英奉天人康熙初任湖州判官署府篆劉進忠叛奉委沒其家執逆婦周氏囚之手刃悍僕十餘人餘黨悉散平藩討逆功績最著後復聞海寇陷漳州憂憤成疾卒潮人哀之大清一統志

劉正河南新鄭人拔貢生康熙四年在任潮州司
李精明果斷庶獄多所平反却苞苴杜請託釐剔
奸弊莫敢欺殫心積貯早滂有備民利賴焉祀
名宦志

謹案潮州府志作順治十四年任

仇昌祚號漪園山回曲沃人由明經任潮州府同
知康熙十二年人

覲回至程鄉值劉進忠叛其黨校之入郡授以官不屈

詐病臥牀尊者三年康親王恢潮嘉其不污僞命
甄授惠州府知府尋擢嶺東守道剔蠹弭盜甚有
卓績詞

汪泰來字陸交錢塘人康熙壬辰進士授潮州府

同知潮瀕海多盜且奸販運米出洋泰來嚴行禁

緝民始安堵管東西兩界鹽場發帑及督收皆不

假手胥吏場課溢額葦漁船例規禁踏勘供應戊

戌山水陡發衝缺北門外堤田廬漂沒泰來創議

捐築躬先畚鍤不數月堤成潮民建祠立碑名曰

汪公堤後以丁內艱去任浙江通志

陸鏞江寧人乾隆十四年任潮州海防同知兼攝

澄海廉靜明決有仁聲尤加意造士先是景韓書

院祠田為豪右侵匿鏞為清出增廣租額祭費外

兼以膳師生膏火又修葺韓文公祠以至講堂廡

舍煥然一新至今肄業生徒永受利澤誦習不衰
皆鏞力也澄海縣志

傅鏗號正齋孝感人康熙七年知海陽縣服官六

載政平刑簡里排稱便甲寅劉進忠叛召授府判

不受佛逆弁意整厥家浩然之意百折不迴避難

流寓于村壤耆老盧京憫其窮同里民置薄義捐

不十日計助六十餘鎰資以度日後卒于潮邑人

惜之海陽縣志

金一鳳字子翔山陰人康熙二十五年知海陽縣

凡名宦祠鄉賢祠東隅社學縣署水隄邑志皆捐

俸倡修民故多之採訪冊

顏敏字不敏鹽城人康熙己丑進士五十九年知

海陽縣政尚寬恕引獎士類口碑有君子之稱海陽縣志

張仕璉安邑人雍正三年以進士任海陽縣縣有

豐政都其地僻遠處萬山中向有抗公拒捕等習

又有仲坑諸山出產銀鉛久為盜藪仕璉嚴查保

甲慎選約正俾互相稽察積弊以釐一方以靖又

念其窮遠凡輸糧應試以及對牘跋涉艱難遂諭

里民僉呈建縣後格不行乾隆三年總督鄂彌達

巡邊至潮時仕璉已陞任廣州復申前議力贊成

之豐邑之設實仕璉之力也豐順縣志

臧憲祖遼東廣寧人康熙壬戌知潮陽縣廉明有才與革悉當是時戶口紊亂無籍可稽民若虛賦憲祖編額維均一清夙弊莅潮十三年遷宿州牧士民祠祀之潮州府志

魏燕超柏鄉舉人先知鎮平雍正三年調潮陽歲飢倡紳士設賑開倉平糶全活無算約束胥吏息事安民以老去閩邑泣送之上同

張曉浙江人順治四年署揭陽令潔已愛民有濟變才時值九軍賊劉公顯滋擾曉單騎入賊壘以德撫之使不為害是年十月曉已謝事澄海寇破縣擁立益王子朱由棖比大兵至寇遁去都督車任重議誅脅從勦揭民曉聞之奔詣軍門捐資犒

士力請滅賊無傷百姓任重允之全城獲免五年復署縣事土寇黃質白聚匪數百伏城中空屋飢民從之將為亂曉援甲執兵為壯丁先手殲數賊眾兵隨撲之質白敗遁密截於途戮之又金甲賊呂耀橫行無忌曉復以計刺之餘賊潰散閩邑始安民懷其德各畫像尸祝并建祠祀焉揭陽縣志

胡鶴翁字狝之山陰人康熙二年選授揭陽為政慈明愛民禮士先是元年閩寇鄭錦猖獗令遷瀕海居民於內地五十里三年復有井棄內地之議鶴翁長踞力懇當事得允減遷民賴安堵尋以報

最擢工部主事邑民於龍起書院立位祀之上同

鄭懷字廉水餘姚人康熙甲子知揭陽縣與利祛弊政俗一新建尊經閣立義學著訓士錄修邑志濬玉澹溪以利舟楫民德之潮州府志

蔡端湖廣江夏人康熙三十年知揭陽縣振興文教守已廉潔獄無羈繫人以爲難揭陽縣志

李景運江西豐城人進士雍正二年宰揭陽首崇文教治事虛衷時稱廉平嘗捐貲修葺名宦番維岳祠尋以憂去士民思之謂其文章政治可與維岳埒因合祀而易其額曰潘李祠揭陽縣志

陳樹芝湖廣湘潭人鵬年子也雍正四年知揭陽縣為政識大體聽訟公平務以息事安民為本開濬水道詳免棉湖糖寮場坑兩河婆各埠稅銀一千餘兩民尸祝之擢高州通判歷平越知府同上

張薰河南祥符人乾隆元年知揭陽縣性慈祥潔於自奉凡民所不便者不憚煩瘁為之除革義學狹隘為之別構且籌備脯膏火士民頌之擢連州牧轉澳門同知歷潮州知府採訪冊

顧彞錢塘人乾隆十四年授揭陽令性仁慈時遇飢饉加意賑卹虛公聽斷不事偏徇尤留心文教割俸倡修黌序既落成人文日起多士德之以治

最擢劍州牧去民攀轅臥轍相屬于道揭陽縣志

趙長民字德如陝西興平舉人乾隆中知番禺有廉明聲皮寅調揭陽採訪性剛明勤聽斷每治一訟必受民盡言然後平心剖決積牘無所留滯猾蠹不得為奸甫一載以抗直去官士民惋惜同上

王璧字可堂休寧人乾隆已卯選知揭陽縣虛公詳慎勤於治事聽訟不以擊斷為能務服其心而後已時巡行阡陌問民疾苦蠹胥悍役不敢逞奸尋以終養告歸民思之揭陽草志

戴垣字雲門山東平度州人順治壬辰進士十二年知饒平縣飭躬倡屬民樂輸將在任十一載有去思碑饒平縣志康熙五年補授會同尋擢行人去合邑遮道泣送會同縣志

劉鴻業江西舉人廉敏勤慎克守官箴知饒平在任九載日食不繼陞知州去邑人立碑頌其潔採訪

吳曰廣江西南昌人進士知饒平縣冰心自勵嚴正不阿堂有懸魚之風門絕投刺之客卒于官士民哀焉饒平縣志

牛光世字暉吉山西舉人性剛正淡薄自矢執禮不屈降調去官邑人投贈圭撮不受有去思碑同上

張士吳福建福清人康熙乙亥知惠來縣泣政三年操守嚴正禮士愛民聽訟一秉虛衷是非立決

時有強猾橫行者士吳捕治之由是豪強斂跡丁丑歲飢捐俸以賑民多食德惠來縣志

張昭美陝西武威人雍正五年知惠來縣性廉正威惠兼濟以葵潭為閩粵通衢請裁北山驛改設巡檢司免肩挑襍稅及河泊所課米惠政在民創義學立課程以訓士子文風丕振任八載以課最擢廉州守累官雷瓊道潮州府志

楊宗秉字遠惑絳州人夙有才名果於任事乾隆二年任惠來令邑辰山面海鹹潮不足資灌溉他兩澤愆期民多以爭水滋訟宗秉相度地勢開築磁窰馬隴陽岡湖等陂灌田以千萬計尤畱心學校造就人才于靖海神泉龍江葵潭四處創立書院置膏火延師課士遺愛在人丁巳調瓊山縣惠來縣志

陳其文江南嘉定人以明經知大埔縣時值瘡痍未起一意拊循凡顛連疾苦者下車慰勞如家人婦子事無大小不輕杖一人有罹法者輒咎曰是吾責也直氣勁節不畏強禦不避權勢尤人所難未滿二載以疾卒大埔縣志

劉毅志山東樂安人辛丑進士康熙九年授大埔令好引進士類加意裁成甲寅之變山海交訌埔之罹于寇者數回毅志設謀防備區處有方合境

得無恙尋以憂勞卒於官

採訪

宋嗣京仁和人康熙十九年由進士除大埔令視

事後廣詢利弊有志興革屆大造期誓神集議定

編審十則申請均里圖聽甲戶出甲頂排歸宗邑

民稱便績輯邑志浚埔七載升吏部主事

大埔縣志

查廷藻江南休寧人康熙二十七年知大埔縣時

埔邑尚仍明季舊規合一歲甲役徭役雜役勻澁

里圖按丁糧多寡計日值辦名曰日生派無定額

蠹胥因緣為奸催科敲撲民不堪命逃亡過半廷

藻為詳請裁革積弊頓除民以更生相慶

同上

周際春字東生河南睢州人康熙三十四年任大

埔縣絕苞苴興文教培士氣力行保甲之法每社

隘口設望寮數處編烟戶擊柝巡夜互為守望盜

竊風息視事十二載卒于官

採訪

崔楸直隸霸州人雍正元年任大埔令甫下車革

徵糧火耗及襍派造春牛色料夙弊為之一清值

汀河陡漲亟捐貲僱船護救煮粥以飢災黎民咸

德之洎任一年調英德

大埔縣志

白日宣字順卿山西平定州人雍正二年知大埔

縣勤聽斷廉察明敏胥吏無敢舞弊弄法者先是

賦役丁糧各徵疲排糧少丁寡者徒煩笞比迺援

例申請將丁銀勻配田糧輸納由是畸零貧民得

免追呼官民兩便丙午丁未連年大飢道殣相望

設法請糴發倉平糶又捐俸餉餓者日夕鹿鹿旋

委攝惠來縣事復署潮陽卒于官

同上

楊麒生儀徵人雍正九年選高要令改調大埔下

車數月於地方利弊民生休戚罔不周知發伏摘

奸如神有投狀牒者知為某訟師所作乃大書訟

師二字顏其門閤者膽落民有頑梗者輒痛懲之

澆風頓易邑多溺女凱切曉諭動以天良其俗卒

變莅任期年廷可羅雀以不合時宜落職士民絡

繹饒薪木去之日槥舟不得行埔民至今稱為楊

公老父

潮州府志

蘭璋河南陽武人乾隆七年由宜城令調大埔縣

才識優贍嚴而不擾蒞埔三年興廢舉墜泊具燦

然值郡城禁糶埔民無從買運以資接濟璋為詳

請疏通懇切申籲上官從之民銜其惠公餘好學

嗜古修邑志以備文獻

大埔縣志

鄭其仁贊皇人乾隆十六年以進士知大埔縣蒞

任之始書愛民敬士兩楔植於階下曰吾以觸目

警心也時值亢旱為文告城隍神謂神當予民以

豐年民足衣食然後可為善衣食既足而不知孝

弟廉耻是令之羞則當降罰令之一身一家毋苦

民為既而兩反款為豐民德其仁之諒直也幾至

刑措云世經

陸昌祖浙江平湖人乾隆丁丑授大埔令廉明果斷案無留贖嘗舉陸清獻宰嘉定時政要以訓士民凡受詞訟必剴切勸息民感其誠有懷狀而退者值歲飢設廠散賑按門牌給領貧民沾實惠任十餘年擢連州牧去士民公籲入名宦祠格于例不果大埔縣志

王岱湖廣湘潭人康熙二十二年由舉人令澄海清謹自持捐貲積粟備饑邑多曠土岱招徠墾闢興修水利戢奸禁暴訟牒鮮少素工繪事好作詩受職後不復耽之歿後舉祀名宦海志
陳嘉謨陝西三原人康熙中以舉人知澄海縣有惠政再知澄海縣禦海寇有功擢御史官終大理少卿大清一統志

謹案澄海縣志有陳嘉績以康熙三十一年知縣事後晉秩御史去禦寇有功祀名宦仕履與此同蓋卽一人也

樊永底山西人康熙壬申由拔貢授澄海令愛民如子革蠹除奸倡修尊經閣建養濟院貯穀備荒浚渠捍患多著懋績澄人德之祠于敦化書院澄海縣志
宣紀雲浙江諸暨人康熙丁亥知澄海縣性嚴明

尤加意學校增置義塾延師以惠學者詳撥溢糧田租爲東脯膏火貧民戴其德立祠於韓祠之左同上

章兆曾浙江山陰人康熙五十年任澄海知縣聽斷明允捐俸修神山文昌閣以憂去士民懷之與前令樊永底合祀焉採訪冊

張實字若園含山人雍正十三年知澄海縣綜練治理案無留贖蒞任八載諸廢咸修邑有套子河綿互數里沿河田數千頃常苦水患實築堤障之功成田乃大熟後人踵事增築一方恃以無虞民至今頌其績祀名宦澄海縣志

武先慎山西太谷舉人乾隆己卯署澄海縣精明強幹操守廉潔胥吏有受賄者立予重懲弊竇肅清待百姓諄諄訓諭無異家人父子署任一載案無留贖囹圄空虛去之日士民送者以萬計同上

陳科斌廣西鬱林州人乾隆丁亥署澄海事邑有景韓書院爲兵丁估居科斌下車卽驅逐之延師主講多士雲集廡舍不能容復倡紳士重加修葺規制一新人文彌盛思其德者建祠祀于書院之左採訪冊

崔田見山西永濟人拔貢生乾隆四十七年由鶴山令調澄海廉儉正直邑有漁船新任至當輪例

金峻却不受喜與生講學則至各家塾中凡童子背誦經書精熟者獎賞甚厚以是絃歌遍境內云

傅錫山河南汝陽舉人乾隆乙卯以高要令署澄海縣聽斷嚴明蒞任五月不名一錢謝任後寓韓祠中薪米不給家人藝瓜菜助食有持硯鬻於市者叩之知為錫山物民咸歎息迺釐金以贈之始得旋省

李廷樑山西太平人貢生順治八年知普寧縣時經土寇黃鼎等肆毒之後里井蕭條瘡痍未起廷樑招集流離加意拊循遠近咸慶再生縣無兵備九年四月山賊乘虛夜襲其子某倉遽禦侮為賊所戕

張如榜湖廣漢陽舉人順治十年知普寧縣有惠政十二年海寇陳豹破揭陽遣蘇茂林文燦圍城時縣未設兵賊至攀援而入如榜知城不守朝服望闕叩首將自盡賊入署縛之搜其橐惟敝衣數襲餘無長物也心服其廉并印還之因戴罪修城工竣免歸

胡貢策山西大同人拔貢順治十四年知普寧縣陳豹之陷普邑也拆毀城郭官民廬舍悉被蹂躪及貢策抵任雉城垣修築如舊乃自葺茅屋數椽

以視專省刑緩征專務休息民賴以安

殷藻字輔平山西澤州人康熙八年知普寧縣首

以作人為任修理學校置田租為士子科舉費甲

寅劉進忠作逆檄各縣繳印藻不為奪懷印走省

會啓請藩師後陞按察僉事分巡惠潮士民設位

於文昌祠祀之

劉德芳字維馨遼東人康熙十九年攝普寧篆邑

之民夫有越站遙程之累德芳為請于憲司改為

葵潭伺接得允著為令里民德之勒石以垂其績

汪溶日六安州人拔貢康熙庚申知普寧縣有幹

敏名丁卯東華嶼寨練總陳振仙與其弟將引賊

約期劫掠鄉邑男婦洶洶奔竄溶日示以靜鎮嚴

設守禦密遣幹者捕其渠魁置之法餘皆解散及

官兵至境賊已在囹圄民各安堵矣尋陞賓州知

州有去思碑

趙勉周江西奉新人康熙三十三年知普寧縣三

十五年秋旱蟲生晚禾枯槁勉周禱于神越三日

天大雨西風殺蟲疫苗盡活人以爲至誠之感

羅秉琦大興人康熙五十四年知普寧縣長于吏

治發摘如神辛丑班湖寨匪黃班慶陰集無賴謀

謀

謀

謀

謀

不軌秉琦聞其期預布鷹捕先擒獲蕭啟隆等數人置於法班慶走旋死民得無擾

藍鼎元字玉霖漳浦拔貢生為人儻負經濟才

少日即以文名壯歲往來海上從事諸節鎮幕府

多所贊畫康熙季年提督施世驃之收復全臺也

功第一鼎元實在行間相須如左右手

六年以相國朱軾薦引

見授普寧知縣潮屬頻年大饑普寧界潮揭之間故多盜

鼎元下車嚴為教約有王士毅盜屍誣告廉得其

實反坐之及其主謀者王爵亭陳偉度一邑稱神

踰月兼攝潮陽邑水陸汎凡五營脫巾而呼蓋縣

不給工食半載矣邑故健通糧無所得憲檄借運

鎮平程鄉倉米三千石給之鼎元曰此非計也天

下豈有不完糧之邑哉揭示通衢勸諭紳士以為

民望詞意婉切中要于是爭相赴納十三都望風

而趨兵食以濟妖女林妙貴建淫祠惑眾藉之為

棉陽書院與多士講學作棉陽學準他如窩盜者

擒之主訟者捕之庶獄平反口碑噴噴尋以儲穀

備賑事為怨者所銜誣揭贖款六而漁船例全居

其首先是鼎元蒞任時以邑有漁船五百新令至

必勒金易新照鼎元峻却之且鐫石于泊舟之埠

至是漁人數百昇所刻碑為鼎元鳴冤弗省

奏上奉

旨革職總督郝玉麟再訊知其事周旋之得回籍十年冬

巡撫鄂彌達具摺申明被誣始末

特旨召對

命署廣州府知府抵任一月卒

黃道泰福建晉江人歲貢生雍正八年署普寧縣

清勤自勵人不敢干以私時請復滅洋藩司王士

俊雖主其說兩院猶未入

告會巡撫楊文乾咨詢地方利弊道泰備錄宜復滅

洋始末懇請具題十年

奏准三都改隸普屬道泰之力也

孟五金河南輝縣人雍正十年知普寧縣愛民重

士政尚簡易十二年甲寅海陽流匪王阿童陳武

瑞等潛入境內造作妖言散符煽惑將肆毒於民

五金偵知之乘其未發捕擒童陳二首惡抵法餘

黨悉散民賴以安

梅元江南南陵人康熙二十一年為雲落徑巡檢

至則編戶口冊一街一巷必于隘口設棚以街中

人司之計戶值宿週而復始又令各舉老成者名

街長使董一街之事月之朔望集紳耆講誦六箴

畢即按冊躬履清查雖窮村荒堡不憚寒暑不計

信宿也蒞任三月道不拾遺有許証者一語即解

終元之任雲落逕無盜賊無涉訟者或餽遺則堅却曰無德于民安可擾為在任三年以憂去民至今思之

採訪冊

楊永芳山西人康熙丁亥任雲落逕巡檢疾惡如仇不避權要邑有積匪江振文等結黨拒捕常伏寒婆境外攘商旅資徑兵莫敢窮追者時永芳署惠來縣尉營弁移速捕文至漏初下矣永芳即請同弁兵乘夜往擒比曙羣匪悉獲中有豪右私人懷金請釋永芳厲聲斥之解縣置之法士民稱快在任十三年以艱去

普寧縣志

葛曙浙江餘姚人乾隆壬戌進士八年知豐順縣先是總督鄂彌達巡邊至湖過豐政都以其寫僻

題請設縣奉

旨准行凡縣署倉廩兵房神宇因路處山僻營造維艱

蒞任二年諸皆落成以十一年報申工竣儼然與

上邑侔時稱難觀

豐順縣志

廣東通志卷二百十八終

廣東通志卷二百五十九

官績錄二十九

國朝五

史樹駿

張至隆

宋志益

俱肇慶府知府

謝廷策

楊雍建

譚桓

俱高要縣知縣

侯昌允

黃任

俱四會縣知縣

劉可模

劉衍民

查蜚英

樓日章

魯遐齡

陶世鳳

俱新會縣知縣

單九翔

張合瑾

康善述

李敬修

蘇澎

王博厚

俱陽春縣知縣

范祝

孫廷鐸

胡承謀

伍斯琳

李青

俱陽江縣知縣

張國城

于學

鈕琇

胡國楷

楊興邦

張善述

曉開發

李植

俱高明縣知縣

鮑之奇

葛日彰

龐珍

周賓雅

何達善

曾寧

李文藻

俱恩平縣知縣

| | | | |
|-----|--------|-----|--------|
| 楊嘉謨 | 廣寧縣知縣 | 高子翼 | 開平縣知縣 |
| 饒崇秩 | | 王基羣 | |
| 李育熊 | | 張安鼎 | |
| 徐志培 | | 祖德宏 | 俱德慶州知州 |
| 郭大沛 | | 柯玉齋 | |
| 郭曉 | 俱德慶州吏目 | 彭天壽 | |
| 郭景祥 | | 劉衛 | |
| 許維新 | | 閻宗衍 | |
| 彭翥 | 俱封川縣知縣 | 錢憲 | 封川縣知縣 |
| 相君業 | 俱建寧縣知縣 | 黃大鵬 | |
| 阮懋業 | 俱鶴山縣知縣 | 郭大鐸 | 鶴山縣知縣 |
| 羅麗宸 | | 魏男 | |
| 沈弼 | | 王永烈 | |
| 黃文煒 | | 張兆鳳 | 俱高州府知府 |
| 郎熙化 | | 吳存義 | 俱高州府通判 |
| 施珮鳴 | 高州府推官 | 高龍光 | |
| 王原 | | 錢以澄 | |
| 史隨 | | 王之正 | |
| 陶之駿 | 俱茂名縣知縣 | 張琮 | |
| 盛植才 | 俱電白縣知縣 | 韓應震 | |
| 羅士毅 | | 徐鳴佩 | |
| 李廷樞 | 俱信宜縣知縣 | 邱崇文 | |

| | | | |
|-----|--------|-----|--------|
| 婁肇龍 | | 金熊飛 | |
| 孔傳祖 | | 林寅 | 俱化州知州 |
| 陳培亨 | | 黃應乾 | |
| 秦松如 | 俱吳川縣知縣 | 王訓 | |
| 梁之棟 | | 李揆 | 俱石城縣知縣 |
| 趙最 | 李鏡國 | 陳允忠 | |
| 吳盛藻 | | 葉思華 | |
| 黃錚 | | 馮祖悅 | |
| 陸維垣 | 俱雷州府知府 | 周燦 | 雷州府知府 |
| 趙永祚 | | 董期生 | 俱雷州府推官 |
| 鄭惟駿 | | 張元彪 | |
| 伍斯林 | | 胡纓蘭 | 俱海康縣知縣 |
| 牛麟生 | | 馬光遠 | |
| 智如愚 | | 宋國用 | |
| 賈之屏 | | 管惟木 | 俱遂溪縣知縣 |
| 吳之瑄 | | 閻如珩 | |
| 孫挹 | | 吳錫 | |
| 胡蓋凡 | | 王宣 | |
| 李榮 | 俱徐聞縣知縣 | 楊模聖 | |
| 孫裔昌 | | 徐化民 | |
| 佟國勳 | | 董紹業 | |
| 徐成棟 | 俱廉州府知府 | 宋清源 | 廉州府同知 |

李善篤

郭昌俱康州府推官

金世爵

張應科

楊昶

喻良

施其義

李性

韓三異

俱合浦縣知縣

喻三畏

欽州知州

徐尙介

多治安

遲維城

李正愷俱靈山縣知縣

馮可宗

西鄉司巡檢

國朝

史樹駿江南武進人康熙八年知肇慶府甫下車剔釐宿弊吏畏民懷期月而郡大治時有神君之頌前朝郡乘鼎革後蕩然無存樹駿購求數載始得舊本考正舛誤編輯成書為三十二卷一方文教賴以不墜肇慶府志土棍乘亂誣害善良樹駿察其冤皆立予省釋郡有巨猾煽誘閭里間密訪捕之置之法曰不去此不足以活一郡人也又力行保甲奸宄無所容一年之內四境肅清民立碑頌德張循吏部伯德政碑

張至隆鑲紅旗人康熙三十二年為肇慶守以廉潔率下僚屬敬畏肅學校勸農桑飭保甲省刑獄士民頌之郡當牂牁下流歲三四月西流暴漲廬舍漂溺豐樂長圍一決則受害更烈至隆親駕小

舟於研沙矜峽間躬先負土日夜督率堤以永固從肇慶新橋而上人煙寥落山路多歧舟人以胡蔓毒藥為香燃之客皆迷惘遂啓竊竊其資名曰夢香船至隆捕得悉投大江中其患始息黃江廠稅胥吏多橫索至隆悉裁抑之商民立碑記焉名宦補志

宋志益長洲人康熙五十二年知肇慶府以廉介稱乙未朱天相嘯聚焚掠志益親行剿捕旋即撲滅民用安堵又續輯郡志與贍有體與史志並稱肇慶府志

謝廷策字仲若浙江人貢生知高要縣時順治七年冬歸正之初民未衽席廷策勞來安集撫字有方又能設法勸諭以辦軍需催科不擾受事數月卒於官士民痛惜之同上

楊雍建字自西杭州海寧人順治乙未進士十四年知高要縣浙江通志高要當廣右之衝制府駐節於是師行絡繹供億甚煩羽書一至徵民夫累百動遭鞭笞夫遇點冊逃避吏胥繫之若牽羊犬納諸解宇隙地凍餒者多雍建下車未久曰民夫亦人子何忍使之露宿命徒廊廡下徹酒饌給之夫泥首謝有泣下者平南靖南兩藩王兼鎮南海鹽穀絲麻輸官價百倍而縣境矜羊峽產硯遺其採采

世祖章

石日役黃岡村夫匠無算篝火入巖穴有失氣死者雍正力減浮費採以硯奉却不受人比之包孝肅云師中索榕樹條為韜繩以燃礮火風雨不熄有百夫長持軍符下縣徵解語不遜雍正坐而撻之泣告其帥帥愬之制府王國光語曰書生彊項廉吏方剛是不可犯乃杖百夫長薦雍正于朝故事州縣守令歷再期始預薦牘三年方報最其次給由量銓雍正治高要甫一載就徵詢異數也

指謂委署太濫雜派大煩里役無定例用夫無限數鹽埠日橫私稅日盈砍柴采木日肆流毒皆切中時弊採訪冊

譚桓景陵舉人知高要縣有賢聲德慶州民羣請借攝康熙十一年署德慶州事逃民襁負來歸者甚眾州被安靜之澤舊志桓所輯也肇慶府志

侯昌允字充魯江南人監生順治十一年為四會令人民凋敝力為鳩聚恤里役革陋例諮訪利弊因時立法公暇則進多士而庭教之恬淡寡營意氣謙謹士民樂其政而服其教志

黃任字莘田永福人壬午舉人官四會令天才敏捷判決如流日不移晷而案牘已空因復延接倭彥談詩角藝日以為常坐是頗為上官所不喜縣

有龍腹堤大沙堤皆捍田千數百頃大水陡發堤潰田湮在捐貲修築未及竣事以縱情詩酒被劾任既去官仍典賣衣物以贖厥事百姓德之各贖金錢以償任一無所受歸日惟端坑石數枚詩束兩牛腰而已至貪泉曰吾無愧此君掬一勺飲之至擲硯沙日人生不可有嗜好吾有硯癖慚見此君矣命榜人擊舟從他路去採訪冊

劉可模福建龍溪舉人順治四年知新興縣禮士愛民力守危城保全萬命肇慶府志

劉衍民山西解州人順治十二年知新興縣時經西寇蹂躪十室九空值檄催錢糧衍民寬征以甦民氣有去後思採訪冊

查蜚英浙江海寧人舉人順治十三年知新興縣崇文講學獎勵後進改建五賢祠捐俸置葺城書院考課邑士多所造就以憂去士民為立碑附祀五賢祠肇慶府志

樓日章浙江諸暨人吏員康熙五十一年任新興縣丈田畝繪造魚鱗圖冊無奸民隱佔之弊設立甘棠義塾撥田以供脩火士民至今利賴之新興縣志

魯遐齡浙江會稽人進士雍正五年知新興縣改創古筠書院講學課士文教振興多士至今傳誦同上

陶世鳳字威仙會稽人知開平縣引水灌田開闢疆場民樂利之調新與監生趙簡祥合七邑匪徒幾萬人於社墟歃盟授官為不軌世鳳廉得狀飛檄上聞躬率壯勇往碎會其魁獲其逆名簿乃伴笑揚言曰封官授職是優伶演劇所為也詎可以呈上官耶當眾焚之左右將反側者乃安世鳳仍默識其渠首間道歸獲之事遂寢縣民立祠報德總督李侍堯具其事入薦刺陞澳門同知所至有聲採訪冊

單九翔號四明浙江人拔貢順治十二年知陽春縣清儉愛民時平靖兩藩王統師駐省供應不訖九翔處之得宜民以弗困後靖藩移鎮派用夫船費以萬計九翔力爭得少減絲是憤恚成病彌留時視其子及屬官曰吾死不足惜難割者吾民耳言畢而逝貧無以歸禮士庶捐金購之并建祠以祀陽春縣志

張含瑾字荆函山西蒲州人康熙八年知陽春縣興利除害發奸摘伏里甲再見即識其名姓其明敏如此雖極狡黠莫能欺焉常為建昌司理訟牘至即片言立折人人悅服迨裁推官補縣令得吏奸胥無敢弄法採訪冊

康善述字達才山西絳州拔貢生康熙二十五年

知陽春縣時縣多盜甫至即訪擒其黨悉置諸法合境肅然邑無賴有輕生以誣人者為害最甚善述重懲嚴禁弊俗一變捐俸建學宮後飛雲聚文二樓復編修邑志在官六載執簡御煩而政事整理擢知河南磁州民建生祠祀之陽春縣志李敬修字宙迪山東博興拔貢生康熙三十一年由教習出知陽春縣宅心慈惠而廉介自持嚴束胥役無敢舞文者愛賢樂士有古循吏風丁丑大饑捐俸倡賑存活以萬計任五年政聲大著去之日士民流涕送行並祀於前令生祠陽春縣志蘇澎字碧泉河南汲縣人康熙己丑進士五十九年知陽春縣敏捷嚴明長於剖斷案無留牘邑之刁民屢以假命誣人動以傾產澎灼知其詐重懲反坐其弊始息辛丑三月天偶旱未雨奸民倡亂搶掠幾至不測澎立懲其魁餘黨消散民得安堵丙午春以疾辭職民立生祠祀之陽春縣志王博厚山東黃縣人雍正二年由舉人知陽春縣為政廉而明剔奸摘伏莫遁毫髮尤以移風易俗舉廢墜為己任甫下車革陋規殆盡建窩舖修馬路創堆舖獄房皆捐俸為之又置倉邊巷書院田租每接士輒咨以所設施有不便民者即翻然改其虛公納善如此去任後民建祠合前單康李蘇

四令同祀之日五循祠同上

范祝字五全浙江會稽人順治十八年由拔貢為

陽江令慈惠廉介政尚寬平禮賢愛士振興文教

居三年以憂去囊無餘貲父老號泣送其行去後

猶立碑以誌不忘志金

孫廷鐸字道宣山東益都人康熙七年以舉人知

陽江令潔已愛民會海寇充斥沿海居民內徙協

鎮建牙多所徵發又太平驛站疲于供億民不堪

命廷鐸均力為請免展界後分給牛種開墾荒蕪

復履畝均丈虛稅一清增建城樓堆堞橋梁社學

百廢具興歷任八載士民德之尸祝于濠溪書院

肇慶府志王士正陽江知縣孫公墓志銘畧曰

康熙辛丑就選成申得廣東之陽江縣距海三十

里東連閩海西達廉瓊南通交趾北津要戍重鎮

建牙兵民錯處夙號難治廷鐸始至德禁海下令

遷界海之民流冗失業廷鐸多方招徠勸墾開

復舊田百七十頃有奇墾戶八百六十丁有奇

舊無赤隱糧多不得上下其手飛詭之弊遂絕大

定徭賦吏胥不得上下其手飛詭之弊遂絕大

李廷鐸者陵禁一方持送番為之囊橐前令莫能

制廷鐸急捕獲一立杖殺之豪賄股孽悉有蓄戶

廷鐸去後廷鐸急捕獲一立杖殺之豪賄股孽悉有蓄戶

廷鐸去後廷鐸急捕獲一立杖殺之豪賄股孽悉有蓄戶

廷鐸去後廷鐸急捕獲一立杖殺之豪賄股孽悉有蓄戶

胡承謀江南涇縣人康熙四十四年以進士知陽

江縣甫下車問民疾苦清釐積弊蠹役猾吏咸斂

迹捐俸倡修學宮建文塔公餘集諸生校試手定

甲乙獎勵士風五十五年行取刑部主事邑人祠

之陽江縣志

伍斯琳江西舉人乾隆十二年知陽江縣莅任不

攜妻子無幕賓廉明果斷摘奸如神植告期閱狀

後准理者即稟差計里給錢署票尾不許多索疑

讞必虛心訪確而後斷剔去催科積弊正供之外

毫不自潤暇則進諸生論文課藝夜則微服巡察

奸宄尋解組士民攀留弗遂涕泣送之探訪

李青浙江平湖人乾隆十七年由進士知陽江縣

待士以禮御下以寬歲饑發倉賑濟剴切勸捐人

爭推解全活無筭廉潔自持一介不取時有李青

天生佛婆之頌同上

張國城字宗子江南舒城人康熙十三年由進士

授高明令寬厚慈愛視民如子斷事公正不受請

托而加意禮士甫下車遇鄰寇劫湖泔村焚殺男

女十餘人國城請兵滅賊弔孤恤傷凡被難鄉民

緩其征蠲其役給發牛種俾無廢業任二年辭職

去民如失父母至今思之祀名宦志

于學江南吳江人康熙二十二年知高明縣時高

明田地尚多舛錯或田盈稅絀稅盈田絀熟假荒免荒代熟差甚則人逃田在藉口逃荒告蠲告免正雜錢糧官民交累學下車採訪民艱洞知宿弊遂履畝清查熟田荒田現墾待墾無不釐清注明鱗册自是官清民樂政簡訟息丁卯奉檄修邑乘學總厥成並捐俸以新學宮開義學重建尊經閣以迄橋梁市村亭臺宇觀無不葺又發粟賑饑賜錢助葬給牛種築墟堤興利除害實心實政稱循吏焉

高明縣志

鈕琇字玉樵江南吳江人由選貢初令項城丁憂康熙三十七年補高明山界連鹿嶼皂幕諸峰通藥運盜所出入琇以情致諸盜魁傾巢而出者二十四人請之上官人給免死牌一使守禦贖罪貧者計口授食卜室居之諸盜相戒毋犯由是邑無警水界連牂洞每西江漲則基圍易决琇修築維謹問捐金以助之邑鮮水災尤好獎勵孤寒設義塾教士課其甲乙士皆振拔祀名宦

志

胡國楷浙江山陰人進士雍正九年知高明縣廉明正直斷事平允民心悅服每月朔望集生童於署中講學課文雍正乙卯賓興期屆捐俸首倡修葺學宮用昌文運是科莫忠羅天恂歐陽彤同權高魁其效也後陞部主事

採訪冊

楊興邦浙江歸安人乾隆五十二年以拔貢知高明縣英敏有幹畧政簡刑清首興學校尤留心恤民催科不擾戊寅歲饑米價驟貴民不聊生興邦目擊顛連蹙然日民困若此必待既請然後發粟將無救矣即開倉平糶賑濟有方且令捕官率幹事者日為粥給饑民務遍民賴全活後聞于上憲嘉其得救恤權宜之道

高明縣志

張善述山東高密人進士乾隆二十六年知高明縣沉毅有斷屏黜浮囂署無冗食之人自奉儉樸蒞任四載政去煩苛治尚體要案牘悉清民咸賴以樂業每月親課士於署隨定甲乙而獎賞之指誨真切俾知向往一時士習彬彬日上未幾以憂去士民嗟惜

同上

峴開發四川安岳人舉人以單寒起家少為其邑郭令所器培養至于成名及居官一以郭令所以愛士愛民為法日吾不敢負郭公以負國家也戊子冬來署高明會縣試悉心校士再行親風拔其尤者加敬禮焉以書院為育才之地立規條設膏火於寒士復周其困遍察民隱撫字切至當春夏之交西潦大漲三洲圍基將决民畏不敢近開發親踵壞裂處率人人感激奮勇救護基堤復固圍內數萬家獲全

採訪冊

李植山西太谷人進士乾隆四十九年知高明縣首興學校政尚嚴明丙午丁未連年饑饉境無竊盜槍奪圖賴之輩莫敢動搖勤聽政幾無積卷三充鄉閭分校稱得人未幾卒邑人哀悼之設位於東洲寺祀焉同上

鮑之奇浙江人順治七年以明經知恩平縣縣先為賊據遂即任於凹頭村之奇屢謀入城五圍民遂道泣雷不聽一日單騎詣之宣布

朝廷恩德賑恤窮黎民皆感悅賊憚之奇得民令其黨

何國佐殺之浙江通志死之日血漂於地鼠食之皆自斃國佐忽發狂死今記名宦採訪

葛日彰遼陽人順治八年署理恩平縣時縣境為

賊據者強半餘亦殘破兩藩初入粵百端苛索邑民洵洵不知所措日彰力為請命牒八上始免復

請蠲免荒蕪田稅民賴更生性剛毅藩將驕橫為

民害日彰繩以法無所縱卒以守正不阿忤諸將

領罷官士民奔號乞留不獲迄今猶懷其惠云新志

龐珍北直人以歲薦為高要縣丞委署恩平是時

王興雖除而賊之伏于邑境者猶多名為就撫實

不受約束珍至示之以威有告發者輒擒治之諸賊股慄懾息不敢動其仍行劫掠者即密會兵剿

之民賴以安性廉介絕苞苴未幾卒於官民無不

泣下者恩平縣志

周賓雅浙江山陰人康熙三十五年知恩平縣慈

惠愛民催科不擾邑自分建開平後里甲不均民

田于役至賓雅始行納役法用無虛費民不偏累

閩邑為之再造焉同上

何達善河南濟源人乾隆二年由庶常出知恩平

縣愛民禮士清慎自矢性剛介人莫敢干以私庚

申邑大水達善徒跣登陴命取縣門額投諸水誓

日滔滔者豈欲沒我邑耶縣名在額請以額代不

已令當先從河伯不忍見我民為魚鱉也水即退

乃捐俸恤災尤厚于孤寡在任五年建明倫堂以

嚴訓課添常平倉以裕積貯振興廢墜痛除積弊

秩滿陞去民立祠祀之採訪

曾萼福建平和人乾隆三十三年由恩平令調任

電白清廉明幹能操粵音時易服出訪民間情狀

每鞠審口問手判頃刻數十牒立盡人頌神明尤

愛士時集諸生論文不倦尋陞廣州同知辦鄉試

供給捐俸添設號舍板片及鐘炭至今相沿士林

德之採訪

李文藻字素伯益都人乾隆己卯中式舉人明年

成進士久之謁選廣東恩平縣知縣漢學師承記到官

後署新安縣

奏調潮陽倭滿保薦擢廣西桂林府同知未一年卒其居官以清白強幹稱嶺南俗多竊牛牛皮色相似雖獲盜多不承有司無如之何文藻至令有牛之家各于牛角印烙私記凡赴墟賣牛者牙儂以印烙登簿以印板買主如告失牛先以印呈官遣役持印驗墟簿無得隱者大府善其法下所部行之陽江民劉維邦以母病延道士作法借鄰人刀十柄縛梯上以驅祟吏索錢不遂取刀送縣誣以不軌文藻奉檄往廉得贖白於上官釋之潮陽民好械鬪文藻至懸鉗於堂有將鬪者令地保馳入城擊以告立往拘治眾則散矣自是械鬪稍息縣有東山書院延進士鄭安道為師購經史子集數十種以教學者潮陽仕其地者多致富文藻去官之日囊橐蕭然還至番禺命工募光孝寺資休葺羅漢四軸以歸曰此吾廣南宦橐也好書籍石刻嘗乘舟迎總督舟過南海神廟命僕拓碑秉燭竟夜比曉問總督舟已過矣其詩古文自櫛所見不傍人門戶在嶺表士子以文就質無虛日獨稱欽州馮敏昌順德胡亦常張錦芳作嶺南三子歌

室文集

楊嘉謨順治初任廣寧縣三年八月賊焚邑東門

二十五刻而城失守嘉謨與典史平履福俱死之

廣寧縣志

高子翼字鯤扶福建長樂人順治戊戌進士康熙

二年知開平縣為政寬大愛民如子四年逆賊余

富彥播虐平康得行兩都民遭荼毒子翼力請發

兵剿滅一邑以安六年捐俸倡建學宮陞湖廣蕪

州知州民為立遺愛祠

開平縣志

饒崇秩臨川人貴州銅仁舉人順治十年任德慶

州事以失城免官十二年復任時地方初定嘯聚

之徒遍山谷崇秩運籌畫策次第撲滅尤加意士

類後卒于官

德慶州志

王基登瀋陽人康熙二十八年任德慶州事性強

毅執法慈惠愛人在任均糧減役招集逃亡寓撫

字于催科夙道漸為釐楚嚴禁服毒民不輕生平

糶賑飢均沽實惠延師掌教戶有絃歌撫綏稔熟

闔境帖然

同上

李育熊鑲藍旗人康熙四十七年知德慶州性慈

惠遇事嚴明歲飢捐俸賑濟多方勸施米穀民賴

以存活無筭復修建

文廟戟門兩廡調任日士庶攀轅有呼父母而流涕

德慶府志

張安鼎直隸龍門人康熙五十三年知德慶州有

富人子爲盜所誣胥吏斃其貲交訂焉久焉囹圄不得白時旱不雨安鼎曰得無獄有冤繫乎出囚慮之復榜通衢曰有爲獄囚直者來一日問爲富人子呈直牘者數至安鼎廉得其實釋之天乃雨州人大悅雍正元年陞羅定州去民書旌幟數百皆去思語也泣而送之採訪

徐志培江南長洲人雍正二年任德慶州事居官愷悌廉明多著政績四年歲歉倡捐施賑一時慕義者甚衆全活萬餘志培不自有其功具情上聞請給旌焉調任欽州額爾弗允德慶州志

祖德宏滿洲人廕生雍正十年任德慶州在任多所建立創建東城書院延師造士菁莪雅化至今不衰同上

鄂大沛江西人康熙六十一年任德慶州吏目在官廉潔治事明敏雍正四年歲飢上官欲詳請院司始發倉賑濟大沛以爲俟檄文至州則民填溝壑矣力請不得乃勸輸于富室不足又勸券借穀若干石以賑全活甚衆六年告致回籍採訪

柯玉齋江南人雍正八年任德慶州吏目慈祥愷悌潔已奉公每遇平糶計程按戶逐口分給澤極窮黎後以憂去士民勒石以誌遺愛德慶州志

郭曉福建人順治四年任德慶州吏目八月李昌

運寇邑城城陷曉死之同上

彭天壽滿洲正白旗人康熙三年知封川縣時邑遭蹂躪天壽下車招徠逃亡加意撫綏民安耕鑿復詳請蠲豁徵收以舒民力捐俸倡修城樓縣治不費民財邑人士議請崇祀名宦未果父老言念及之猶低徊不置云封川縣志

郭景祥遼東人康熙十七年以筆帖式改授封川令時吳逆作亂封當兩粵之衝諸軍進討廣西屯兵數十萬次年平南王又率師十二萬駐封景祥再決骨鯁敢於彈治藩兵不能擾民藉安堵封川縣志

劉衛滿洲鑲紅旗人康熙二十八年知封川縣事性果敢諳練武事三十六年歲荒山寇黃金養等掠文德歸仁二鄉守備何士元擊之被困衛率家丁披堅執銳直抵困所賊懼退急飛檄請副將統兵數百至衛率壯勇協戰俘賊無算餘黨悉就撫民獲安堵復捐俸倡賑存活以千計四十一年會勦連陽八寨賊大憲廉其能調守連州三江口及還卒于官邑人士迄今頌之封川縣志

許維新雲南通海舉人康熙五十四年任封川縣先是積賊朱天相等聚衆劫掠殺巡檢錢憲於埔花山天相乞撫復叛維新與知府宋志益副總兵

謝治率兵勦捕獲賊目殺之餘黨悉平所需軍費皆竭已以辦毫不擾民在任六年陋規革除殆盡卒於官民皆泣弔採訪

閻宗衍字繩武山西長治人康熙六十年知封川縣下車後即延父老詢邑中利弊慨然以康濟為心尤宏獎士類立文昌祠製刊格言十則期易民

風莅任七載告休民請留不得為立去思碑封川志彭翥字少鵬雲南蒙化舉人乾隆四十六年挑發

廣東封川令邑面江負山民貧土瘠為粵東西門戶翥慷慨任事倡建學宮修葺城池一切以經術

治之政不煩苛而職業大舉尋調香山香瀨海沙民蠶戶善泗好關輒跳躑荏弱肉強食翥造艘

二十練水軍會管弁尅期出海捕之翥為武裝親援袍以進盜遁則破浪追躡其穴生擒大魁五十

九人獲黨與盜糧無算邑民以安於是編保甲釐田界大治泮宮崇獎士類

奏最擢鄂州郡丞兩府表雷補瓊州府同知卒採訪錢憲封川縣文德司巡檢善騎射有膽畧康熙五

十一年劇賊朱天相李高魁等聚眾劫掠憲與把總鍾鳴約期分路勦之及期鳴未至憲先潛抵賊巢

手刃一賊餘賊走匿叢菁中憲復提刀直前揮眾搜捕中賊暗箭死迄今父老猶流涕言之採訪

相君業浙江人康熙元年任開建典史勤慎供職慈祥恤民謙恭待士葺橋修廟著有成績升福建清流縣鐵石磯巡檢民立去思碑肇慶府志

黃大鵬字運滄號最峯江南上元縣人由貢生知平遠縣雍正十年調鶴山時鶴城未建權住土屋三間坐臥飲食聽訟胥于是凡六閱月一夕颶風大作墻壞壓床傷足稍愈即起視事凡工築建造

匠作數千人給貨運材皆親自持籌又潮連來氓求地者日以數百計安插悉如其意明年春官署粗成遭子天喪未嘗介意日吾鞠躬匪懈義不及私也愛養士民遇試諄諄獎勸雙橋虛糧久累為民籲請

題免所議條陳九款皆切中時事性好詩題咏皆鵲於石所著有鶴山書邑誌草後以盜案降罷卒於省邸雙橋人感其德立祠祀之鶴山志

阮懋業字學齋順天大興人雍正癸卯舉人知鶴山縣事廉靜寡欲獎勸士類大官田同知乾隆七年奉裁其衙署將圯懋業詳請改為書院捐金葺

理又撥學田以供膏火鶴邑童試籍貫混淆懋業銳意釐剔尋以病致仕民感頌不衰同上

郭大鐸旌德人雍正十三年任藥運司巡檢甫蒞任小醜跳梁大鐸親率士兵擒捕夙夜不懈境土

以安乾隆三年西涼颶風衝擊古勞圍址大鐸披
箕笠冒風雨督鄉人肩土石竹木力禦之賴以不
陷性介直上官嘗逮一無辜民令大鐸繫之廉其
狀釋之去人爲之危曰吾不忍冤民以媚上後卒
于官里民醵金助葬櫬行哭聲蔽道送至庾嶺者
數十人肇慶府志

羅麗宸奉天人順治十一年知高州府英敏廉幹
心存撫字嘗屬疾不視事聞堂下呼冤聲卽力疾
出問立白其冤兵燹之後富民苦重役多以賄免
麗宸毅然曰弊不可長卽以所賄助役而均其徭
有庠生董儼舒爲鎮兵所執併其家屬繫之明倫
堂麗宸徒步趨解使去而白之帥時藩下悍將以
客兵駐府白晝攫物於市麗宸馳說其將下令約
束民乃安堵與同官論事相齟齬互訐於大府力
求解職百姓攀轅遮道不得去後赴省疾卒民甚
哀之高州府志

魏男字虞輯栢鄉人康熙乙丑進士三十一年以
工部郎出守高州廉明而斷高州府志茂名陋例嘗有
膺一日之役盡廢其產業而猶不足於供者謂之
硬當奸猾小民雖累陌連阡亦無一文之費其偏
癩莫此爲甚茂名縣志男力行均差之法六邑皆倚賴
之高州府志

沈弼字長垣黔之普安人由拔貢歷任部曹康熙
己卯出守高州高州屢經兵燹地瘠民貧弼加意
拊循治尙安靜不求名譽禁副俸擅受訟牒除地
方供應陋例添防汛以靜盜源設行埠以便行旅
權化州篆清虛糧甍通戶減稅額恤徭民實政噴
噴人口癸未春奉調赴省以公務勞瘁致疾卒于
陽春士民哀之請祀名宦高州府志

王永烈字介夫鏤黃旗人康熙五十五年由襄陽
同知陞任高州精于吏治聽斷明敏屬吏肅然奸
民歛跡卒于官高州府志

黃文煒字飛赤江南歙縣人拔貢雍正五年自韶
州府調任高州廉明嚴斷禮士愛民留心學校
文廟祭器樂器舊多殘缺悉爲補置莅治數月頌聲
四作郡人比之黃穎川後陞兩廣鹽法道旋擢臬
司同上

張兆鳳字吾坡浙江人拔貢知高州府忠厚有氣
節治民如治家坦懷撫諭想中人心蒞任六年士
民咸服其化去之日六屬走送者不下萬人至今
父老猶思慕焉採訪
郎熙化奉天人順治十六年爲高州通判執法不
撓凡地方賦役陋規悉申請革除驕兵悍卒誣陷
良民覈實卽按法雖鎮將求解不聽民恃爲長城

志

吳存義正黃旗人康熙三十三年任高州府倅清操自矢凡日用薪蔬與修葺官舍不敢以一銖累

民倅任督捕稽察有方荏苒屏跡歷攝州縣篆則

革重耗汰徭役敬禮賢士遺愛在民祀名宦同上

施珮鳴江南人順治十六年為高州司理寬而有

制刑政清簡奉勸荒稅自備餼糧毫不擾民巡按

首薦稱為司理白眉旋卒於任高州府志

高龍光福建長樂人康熙己亥進士七年知茂名

縣治獄摘奸宵小屏息一切雜派悉革除之凡修

學建署救荒恤貧善政種種以卓異薦擢戶曹去

之日士民為建亭立碑同上

王原字令貽松江人戊辰進士知茂名縣邑有硬

當之例知府魏男革除之行均役之法民困以蘇

原奉行之夙弊盡蠲民戴德焉後因解犯脫逃降

調士民詣督撫籲留以格成例不得旋於鄰邑獲

犯士民復呈請督撫為具 奏尋奉

旨復職補任銅仁採訪

錢以澄號蕨山嘉善人康熙戊辰進士三十六年

二月任茂名前歲秋歉不給以澄即開倉平糶全

活甚眾高州有盜胥役得賄縱之適雷瓊道檄行

捕解乃誣良塞責本府正具文轉解以愷閱其事

特為申請開釋遠近有神明之頌又革操軍嚴保

甲省徭役均田米併村落去團練諸大政皆卓卓

可紀後調東莞百姓攀轅泣送數百里高州府志

史隨字鷗湖溧陽人康熙己丑進士戊戌秋知茂

名縣聽斷庶獄得情哀矜不以明察自喜即被懲

者亦為感激辛丑四月以內艱解任先是攝篆化

州州人德之去之日兩邑士庶遮送立碑以志思

焉

王之正直隸大興人乾隆三年以舉人知茂名縣

茂之胥役素稱奸縱民苦不堪之正廉其弊嚴懲

以法蠹吏斂迹蒞事精敏而不事博擊每聽訟已

決必問其人心服否稍躊躇未答則反覆推詳務

求無憾乃已尤勤於課士諄諄訓誨若師弟其德

化入人甚深輿論謂百年以來茂名賢令以之正

為冠云俱同上

陶之駿黃岡人康熙中為茂名縣丞祖賊倡亂之

駭率兵禦之歿于陣事聞廢子一統志

張琮字伯玉鉅野人進士康熙三十九年知雷白

縣性清介為政明敏嚴而不苛蒞任十四載調吳

川邑人德之建祠以祀高州府志

盛植才號墨峯浙江慈谿人嘉慶八年署雷白縣

革除積弊嚴治奸宄時值洋匪猖獗集港口欲

焚水東并掠各鄉植才親臨海濱巡守礮火轟發左右請暫避植才叱之與博茂場大使楊星曜督率鄉勇堵禦賊乃去復與星曜捐俸設立水柵望樓數處洋匪累迫不得登岸邑賴以完尋補陽春以獲洋匪功遷雷州同知病卒貧無歸櫬費過電白士民助賻數百金探訪

韓應宸字伯鄉太湖人順治己丑授信宜知縣三年擢兵馬指揮未出廣遇寇犯信宜守將田自強叛為內應縛應宸送寇營脅降之應宸大罵不屈死大清

羅士毅新建人順治進士知信宜縣民多積逋士毅請上官奏除不可則鬻產代償豁冤獄十餘人報最為粵東第一遷知陝州致仕歸率僮僕耕作舒粥不給怡然若素同上

徐鳴佩山東單縣人順治十二年知信宜縣時山寇充斥居民流散鳴佩單騎入寨諭以禍福賊感悟就撫遂招集流亡荒萊盡闢捐俸倡建鳳岡書院教育子弟民賴之如怙恃既去立碑以紀其德高州府志

李廷樞號澹村江南無錫人康熙辛未進士四十年登仕信宜正身率物約已裕民革私徵省差役絕請託杜苞苴每堡置籍于錢千文令鄉正給

下鄉胥役飲食不許擾民民甚德之士安于讀農安于耕庭辭訟獄在任甫六月卒于官遠近奔赴號泣貧無以歸櫬士民賻之立祠致祭康熙四十四年祀名宦志

邱崇文奉天人康熙二年知化州招撫流民復其邦族加意噢咻之時調兵資糧屏屢甚擾至州而什減五六崇文之力也

文廟城池及諸祠宇多所營葺州中為之改觀稱良牧云同上

婁肇龍山陰人康熙三十年任化州知州清介有聲鄉有強健之徒往往藉事陷民肇龍閱其詞輒洞悉其隱從不具牘傳呼詭訐者知不能欺多不終訟去化州志

金熊飛鑲白旗人康熙五十二年以廕補化州牧正直慈祥然胥吏犯科者治懲不少寬宥以是吏民愛而畏之陞刑部員外郎同上

孔傳祖鑲紅旗人雍正七年知化州明於決獄每出片言是非立判人皆畏而服之

文廟兩廡傳祖所增建也探訪
林寅福建沙溪舉人乾隆八年知化州減耗除苛一洗積弊前州守趙士錦建羅江書院地屬湫隘寅與學博葉芹闢而廣之州人士又捐置膏火田

繇是修脯有常士無廢讀同上

陳培亨福建人廩生順治四年任吳川縣甫月餘

土寇陷城不屈死以守備王忠戰歿故也同死者

海防同知戴文衡縣丞徐啓璉教諭吳士驊典史

王大任雖視任未久無績可紀以其死事類書之

吳川縣志

黃應乾浙江上虞人順治八年令吳川十年七月

西寇葉標陷城被執不屈死之高州府志

秦松如江南無錫監生康熙十九年令吳川招降

土寇洗彪徧給牛種以資墾耕請豁虛丁荒糧修

葺學校訓士以呈誤去民德之祀名宦郡志

王訓河南人謹案石城縣志作山東濟南人順治中知石城縣時

城市荒蕪訓多方招徠流亡始集總兵鎮邑增築

城濠動多徵索訓調劑有方民不得擾卒於官囊

橐蕭然大清一統志

梁之棟陽曲人康熙四年由拔貢知石城縣愛民

如子政簡刑清教化所行民幾無訟一時皂役多

採樵自食捐俸建六房講樓解組歸士民愛戴立

祠祀之石城縣志

李揆高陽舉人康熙十年知石城縣蒞治有體敷

教有方寬嚴互用士民懷德而畏威焉學官其捐

俸所改建也高州府志

趙景杭州人順治四年知雷州府雷州府志黃海如者

澄海人招亡命肆行劫掠鄉民擊敗之遂合眾投

誠總督佟養甲允其隨征贖罪遣鎮雷州潮州府志六

年夏海如復叛肆虐無狀陷州城最及推官李鎮

國死之鎮小鎮國漳平人四年以太學生授推官

至是不屈死大清一統志

陳允忠奉天人順治十六年官雷州守廉潔愛民

屏除積弊里中無值月之苦部民無夫役之費康

熙三年平黃明標之難活西山難民數千口次年

妖人陳老子聚眾於時禮嶺捕得誅之散其黨數

百人七年殲陳大旗擒營伍同為亂者以丁艱去

後補雲南武定知府郡志

吳盛藻江南和州人康熙八年由宣府同知擢雷

州守蒞事精明氣度溫雅下車後訪問民隱凡供

需陋規革除殆盡以次招集流亡勸開墾不數年

而家給人足築堤以捍潮患民咸賴焉採訪冊

葉思華山西聞喜人由進士雍正七年知雷州府

廉明公恕視民事如家事舊有雷陽書院在城西

天寧寺後歲久傾圮思華乃以城南門外高樹嶺

地幽靜寬廠建屋五十餘楹以棲士士之貧寒者

厚給膏火以贍之雷州府志

黃錚字若谷浙江仁和人乾隆六年知雷州府政

尙清簡平易便民雅愛造士修葺雷陽書院添設
學舍至百餘間增置膏火田租九百餘石歲取肄
業者數百人慮多士或無力購書又捐置經史子
集計千餘卷度之閒以供披讀書朱子白鹿洞條
規程子四箴及先儒粹語於屏使士子咸知取法
雷人士多賴以底於成云同上

馮祖悅字鍾奠代州人雍正二年進士歷官戶部
員外郎出知陝西甘肅州府以公事降調蘇州同知
乾隆十六年

駕幸江南總督黃文襄公以祖悅薦因有雷州之
命雷州海濱蠻獠多不帥教祖悅以誠信化之遂溪民章
甲爲仇家誣以姦殺事巡道某力主之獄已具審
得其情惻然曰典郡之謂何殺無辜以媚上司吾
不爲也卒改其獄大計卓異第一未及入

觀卒于官潛研堂文集

陸維垣順天大興人乾隆六十年知雷州府講求
吏治積弊消除決訟如流民懷吏畏偶有賄錢未
嘗絲毫沾潤隸役肆行者廉得之置之法不少假
貸採訪冊

周燦字旭公陝西臨潼舉人順治十一年由知縣
擢雷州府同知廉敏有才畱心民瘼時西寇未平
巡按張純熙委官招撫文武皆縮而莫敢應燦偕

司理趙永祚單騎入山遂招王翰等出降副將先
啓玉縱兵虐民燦理論勢禁其威稍戢異績著聞
上官疏薦十五年陞鳳陽知府雷人思之採訪冊

趙永祚山西人順治十三年由進士爲雷州府推
官性剛決執法不阿吏胥無敢舞文以爲民害尤
軫恤士子雷郡屢遭兵荒自順治丁亥迄丁酉民
匿山谷粒誦慶聞四學諸生通計僅百人適巡按
張純熙至郡永祚繪流亡圖以進純熙出榜招徠
續得文義稍通者二百人附學雷郡繇是始重弟
子員矣招降王翰功見同知周燦傳採訪冊既卒囊橐
蕭然人稱廉吏大清一統志

董期生山陰人順治十四年由舉人任雷州府理
刑雷郡荒糧未訖吏緣爲奸期生廉置之法弊始
絕極廉州篆時橫山一路白晝劫掠道梗不通乃
諭地方集鄉丁擒其巨魁橫山始爲坦途浙江通志
鄭惟賢浙江縉雲人由進士於康熙二十二年令
海康仁慈廉潔均里役草耗羨與文教科名日盛
故禮部尙書陳瓊其傑出也病卒于官至今俎豆
之採訪冊

張元彪浙江永嘉人雍正十年知海康縣溫文爾
雅無俗吏習每試童子必爲之講解題意不憚提
命之煩聽訟必從容詰問若慈母之待赤子遇人

爭不結之獄數語勸諭雖健訟者亦為心服云甫

志府

伍斯琳江西新建舉人乾隆五年知海康縣性剛
敏鉅盜懲惡不少寬貸頑風為之一息在任八年
有議其執法過嚴者斯琳曰吾非敢謂猛以濟寬
他日必有知之者及調任陽江數年之內民無強
橫盜賊之擾云採訪

胡纓蘭山東膠州人乾隆五十七年署海康縣清
廉自矢性明敏蒞任數月決疑獄數十案問者驚
為神明不半載解任去至今人猶惜之海康縣志

牛麟生福建泉州人貢生順治四年二月總督佟
養甲遣副總兵汪宗宏帥師入雷州先定遂溪時

麟生以協贊軍務有功授以遂溪知縣麟生視事
廣施德化與民休息合邑安堵如未嘗有兵革者

雷州府志

馬光遠大窩衛人順治十四年任遂溪令時西山
王之翰雖降其弟之鑑仍據內港光遠屢招撫之
之鑑即將鄭昌感其誠縛之鑑出降由是民得安
堵復修建學宮以崇文教人謂文事武備皆有功

于遂云同上

智如愚定襄人康熙十一年知遂溪縣時地方初
定瘡痍未起如愚勞心撫字招集流亡在任六年

革陋規絕請託廉惠之政大著去之日民建生祠

祀之

遂溪縣志

宋國用正白旗人康熙二十二年知遂溪縣詳復
東海禁地為鹽之利以饒民之貧無力者助之牛
種俾墾藝有資時輯白鶴寨土城民苦征役詳請
停之雷州府志

賈之屏商邱人康熙四十二年知遂溪縣嚴潔自
守人莫敢干以私為政嚴明恤民弭盜問里熙恬
民戴其德合祀于前令智公祠遂溪縣志

管唯木乾隆二十七年以舉人知遂溪縣民有冤
獄力為雪之嚴於馭下胥吏無敢犯科者卒以孤
直獲罪士民惋惜採訪

吳之瑄黃陂人順治十四年知徐聞縣時地方殘
破民未休息之瑄勞來安集備極勤劬去官日父
老相率立碑紀其德及歿徐人聞之為設位哭奠

焉雷州府志

閻如珩山西絳州人康熙庚戌進士十九年知徐
聞縣性慈祥不尚刑威撫字淵懿惟恐失所惠愛
之聲遍於境內陞邳州知州同上

孫梹山西孟縣舉人康熙二十八年官徐聞令以
清簡為治力除煩苛勞心撫字教養兼舉招民開
墾田疇日闢採訪

吳錫漢陽人進士由翰林歷晉科部康熙四十七年知徐聞縣剛方嚴正誅暴鋤強培植人材文行並重尋行取入京邑人至今猶思其風概云雷州府志胡蓋凡乾隆三十四年以舉人知徐聞縣悃幅無華秉心仁恕凡鞠訟牘必下氣愉色使之盡罄所欲言曰村民見長官多拙訥者不使之吐實是受抑矣奈何反以躁氣乘之民感其誠訟風以殺册

王宣雲南人以舉人知徐聞縣痛懲奸回良善者為案牘所繫牽必亟訊察立釋使去以是民無株連苦尋以縣庫失盜罷官去之日邑人遮攀惟恐或後上

李榮山西曲沃人進士嘉慶四年知徐聞縣有聽斷才每治一事必與胥吏決時日日從緩勾稽使情無隱匿自是美事然差役之辨文訟師之乘隙犯人之串供奸徒之賄賂未始非遲延之故如其判決過速草率致誤身任其咎不悔也既而以前任事去官邑人惜之徐聞縣志

楊模聖江南懷遠人順治八年由進士歷官廉州知府時土弁縱橫間井荒廢模聖殫力撫綏單騎往欽靈招降劇寇安輯遺黎自構蔬米獨飲廉州水耳在任七年去之日士民泣送模聖下車慰屬

日氣死勿告狀餓死勿作賊至今傳頌之邦志

孫裔昌山東濟寧州貢生順治十八年知廉州府興教勸學除蠹戢兵嚴行保甲約束奸頑值遷海巡邊裔昌謹干概飭夫役治供具以百姓疾苦告力求節省事竣民立碑頌德云上

徐化民奉天人康熙六年知廉州府時兵燹之後地方彫敝城廂鄉堡俱無墟市化民捐金多搭茅寮召商賈貿易來歸者日衆復披荆闢草安集流亡民相與歌曰廉州府莫道苦撫我廉人徐父母值海界禁嚴每曲為調護展界後招撫失業難民請開鹽田尤多實惠整飭學校鼓舞人材廉人始知向學公餘集邑士纂修郡志文獻賴以不墜後值逆藩吳三桂亂不屈被執去士民惜之廉州府志佟國勳正藍旗蔭生康熙十八年任廉州守時海氛未靖盜賊踞龍門島為巢穴國勳以前明重兵駐永安瀾洲

國朝以總鎮駐郡城俱不得要領因與州牧馬世祿剴切上其事於督撫龍門設水師副將國勳之力也後以陞任去累官浙江巡撫上

董紹業字舜修奉天人康熙三十三年知廉州府學使者校士高京檄調廉屬人士就試著例已久頗為厭苦紹業力請按廉嗣後遂免跋涉之勞又

請免乾體漁船徵收船料士民戴德後卒於官册

徐成棟字翊蒼金州人由筆帖式歷丞倅膺卓薦康熙五十九年擢廉州知府敏達廉幹政持大體捐修

文廟崇聖祠尊經閣增置樂器祭器設義學修府志皆卓卓可紀同上

宋清源江南元和人乾隆三十八年以廉州府同知攝東莞事值大水民居多漂沒清源捐俸雇舟濟難民設廠居之日給糜粥晝夜親馳撫恤賴以存活者數千人是歲無斃于災者甫數月受代去民至今思之東莞縣志

李善篤河南人順治十七年由進士任廉州司李操行端方存心愷悌憫廉地遐僻士學荒廢以振興文教為己任數與士子講明大義未幾病卒郭昌河南太康人戊戌進士順治十八年任廉州推官廉以持已明以聽訟上官器重之調赴會城審理巨案多所平反內推戶部主事遷郎中壬子典試廣東無論識與不識咸曰郭青天重來也尋陞雲南提學副使廉州府志

金世爵鑲藍旗舉人順治十四年任合浦縣知縣時高州總兵祖澤清叛合浦震恐世爵蒐軍實捍

邊圍會演逆吳三桂遣偽將王某李某帥兵數萬圍合浦泉寡不敵城陷死之册

張應科順天固安人順治己亥進士十八年令合浦蒞任三載清廉剛直實心為民康熙元年遷界竭力維護保全實繁合浦縣志

楊昶字光生浙江龍游人庚戌進士康熙十九年令合浦時兵燹始息昶撫綏安集民有起色性明敏察奸釐蠹洞若觀火兩造盈庭片言立决建義學士子肄業得所置義田為膏火資經營諸務不惜勞苦且儉以持已蔬食布衣不異寒素蒞任七取治行為粵東最後考績內陞同上

喻良字孚源康熙二十六年知合浦縣廉介自守嘗語人曰雖未敢與前哲齊名斷不可使此珠再去也一日天大寒勸事於堂忽呼僕入後署視其弟何所事僕以圍爐告良解衣使僕致其弟衣之時有兄弟以析產不均涉訟方候斷堂下聞之慚悔而去人以為有許荆之風採訪册

施其義字子宜康熙三十一年知合浦縣父為粵西巡撫持躬儉約愷悌慈祥絕無貴介習在任十五年卒於官廉州府志

李性字存如河南圍城人康熙五十三年知合浦縣和平樂易愛民如子內擢主事去任日攀轅者

數十里不絕同上

韓三異字魯蹟直隸高陽人拔貢生康熙五十九

年知合浦縣敏於治獄凡所欲為者不俟終日必

歲事乃已常日呈詞至幕友處不即具批批矣而

胥吏不即榜發比榜發矣又不即檄票傳呼檄票

傳呼又往往無人詣案卒之有詣案者而官亦不

即鞫訊是皆各有所待也時論謂是數語可稱官

箴採訪

喻三畏遼東人順治十七年知欽州革陋規除積

弊捐俸修學宮輯州志建復天涯亭不勞民財為

政明而嚴胥吏無敢奸法者至于禱雨兩應驅虎

虎逃咸謂德政所孚云州人為勒石立祠欽州志

徐尚介字于石德清人貢于鄉順治十三年除靈

山令時粵地竊據未下毅然往移署陸安甫踰月

代者至因客羊城幾一年象郡始通乃往象郡而

青牛城困尚介戎服登陴躬冒矢石解其圍明年

五月赴靈山民皆歡散值歲旱披髮跣躡百姓感

其誠稍稍來附守弁不戒於軍民不安寢是以不

敢請益兵賊乃乘虛而來城中之人皆敵也賊謀

而前日令何在必殺令尚介厲聲曰我靈山長官

徐尚介也遂格以刃刃絕格以手手創汚血濺衣

子修跪而泣尚介曰丈夫有死耳我不能為

朝廷得一邑毋收吾骨也奪刀自刎不得為賊所殺子

修及僕朱貴俱死之事

聞賄廣東按察司僉事廕一子修妻陳氏守貞數十年

人稱一門忠孝節義云浙江通志

多宏安號君修直隸阜城人康熙二年由拔貢任

靈山縣時邑甚荒殘居無衙舍器用缺乏宏安處

之晏如徐行招撫捐給牛種流移漸復創學宮繕

官廨葺城垣除盜賊恩威并用靈邑草昧實宏安

開之祀名宦蘇志士民勒石紀其勞大清一統志

遲維城廣寧人康熙二十五年知靈山縣縣舊有

海北書院後燬於寇維城履任即創建西靈書院

捐俸置租為延師脩脯之資作養人材自維城始

士人設位於書院春秋祀之靈山草志

李正愷福建安溪人文貞公裔也雍正十二年為

靈山令建義學延名宿以教士詳准官租民米一

十二石除納糧外餘為秋試給諸生買卷之費士

人于環秀橋南建青天亭祀之採訪

馮可宗浙江山陰人乾隆四十三年任西鄉司巡

檢廉潔自持遇質案虛衷研鞠是非立剖民敬服

之屬有仙女巖山徑崎嶇可宗捐廉斲以石磴修

葺橋梁去之日士庶攀轅立碑誌愛同上

廣東通志卷二百五十九終

廣東通志卷二百六十

官績錄三十 國朝六

朱之光

張萬言

賈棠

林文英

宗思聖

何澄

邱象升

金光房

吳翹

丁斗柄

俞參陞

李宏名

楊天綬

張文豹

唐瑜

王光燮

倪邦良

張奇

沈彪

馬文駿

田宏祚

江炯

黎元暉

劉承謨

李繩祖

樊庶

陶元淳

馬之驥

張光祖

徐濟

李維裕

張鳳徵

李聘

于有義

梅欽

楊枝華

謝賜履

慎淑初

金芳

邱隅

王鉞

冉德

史筆

端木象震

屠洪基

郭升

裴振李

王永傑

毛之燕

王惺

潘元音

陳九叙

洪承胃

張堯典

吳道岸

康霖生

張化鳳

鄭天錦

鄭龍光

陸世楷

張林

李登鰲

楊國棟

潘名世

白可久

陳旭

施其智

于大猷

鮑復顯

魏琪

毛德琦

楊炳耀

圖爾兵阿

林德憲

王元樞

王吉人

劉廣聰

張琪

曹廷懿

王時熙

黃埏

莊應詔

施念曾

劉駿名

何寬

李樟

鍾呂

李鄴

薛世望

許良臣

國朝

朱之光浙江人順治十二年知瓊州府事撫字有方刑平政簡居官無赫赫之名而去後常見思祀名宦志元季兵戈四起鄉民逃竄承平以後流亡漸復兵弁留鎮者擇民居之宏大者占焉諸田畝則為先復籍者有焉訟田產屋宇者無虛日前守乏聽決術文案全案數千事之光曰民有屋已不得居而傲他人屋以棲身民有田已不得耕而羅他人米以糊口訟之官官不能別其是非曲直奚用長官為也不一月盡剖斷之民之復業者數萬戶鞫事未嘗假詞色事鞭朴民見之即懷畏懼心即吐實勿敢稍偽飾以是得不留滯云所屬地產沉香玳瑁諸物守土者取以備餽遺之光悉為榜免其他德政多有可稱瓊人次其事成書名曰海日澄光記以比宋增城崔與之巡視珠崖之海上澄清錄云海日澄光記序

張萬言奉天人康熙二十六年由監生任瓊州知府潔已愛民尤善教養民有懿行獎卹之以勤其餘三十年使議設瓊商配引加餉瓊郡環海竈

戶皆自煎鬻民甚便之黎人亦資口食設商則病矣萬言力請議遂革是歲旱發倉賑饑民懷其惠四十五年祀名宦上

賈棠直隸河間人康熙三十七年由歲貢生任瓊州知府正已率屬決訟如流置義田濟孤貧歲饑捐賑民賴以甦郡治苦低窪除道成梁以便行旅捐俸修學宮輯郡志任瓊九年百廢具舉擢本省鹽法道整飭漕政通商恤民祀名宦瓊州志

林文英福建侯官人康熙戊辰進士五十四年由郎署出守瓊州一切陋例捐除殆盡瓊隔海南土子艱于應試文英當賓興輒捐俸金買舟以濟瓊士感之俗信鬼惑讖祥親喪怠葬或至數十年文英痛懲其弊風遂革舉祀名宦瓊州志

宗思聖直隸大興人雍正五年知瓊州府仁惠廉明民立祠海口以祀瓊州志

何澄直隸真定人舉進士順治十一年投瓊州府節推時當兵燹瘡痍未復澄力以休養為己任藩府兵驕弁橫市中穀帛芟芻之屬強攫之喋莫敢攫澄扶其悍者民少安尚黎竊發澄領兵進討剿撫並行黎乃受約束以治行最擢兵科給事中祀名宦瓊州志

邱象升字曙戒山陽人順治乙未成進士己亥進

侍講庚子三月以才堪外任調瓊州府通判去禁近就冗散又涉炎海萬里冒風濤不測之險人皆為象升惜之而象升夷然既之官道出徐聞縣縣防兵以餉不至大譁城門晝閉象升且前諭之曰我瓊州別駕也適自省會來藩司給餉且至汝曹姑待三日則士飽馬騰孰與逆行干紀相率而受赤族之誅乎吾勉為若留待餉至然後發耳逕叩關入使者署弛裝臥士卒聞象升言遂解甲以聽亡何餉果至官弁兵民泣拜於途曰公活我瓊倅職司撫黎黎會恃險遠數梗王化象升曰是不可以文諭而惠結也密檄民兵簡其精銳自將以出黎出不意皆大驚鳥獸散禽斬首亂數人餘悉殲伏瓊賦舊越海解藩庫瓊餉復由藩司檄給往返數千里兵民交病象升建議以為畱瓊之賦餉瓊之兵其事便遂著為令至今行之平南王駐粵藩人橫甚督撫大吏以下亡敢誰何者適檄象升攝廣州海防事全某者尚氏婿也為藩翼總兵官慕象升名願納交象升亦深與相結久益狎乃乘間說之曰公為名藩上位又貴為王婿奉

天子命

久鎮東粵民望公如父母今粵之奸猾不逞憑藉藩下以良民為魚肉而供其刀俎利歸此輩而王及公等皆負惡名不佞誠為公惜之金愀然變

色前請曰某開淺慮不及此然且奈何象升曰是易耳公誠聞於王廉渠魁數人誅之解散其黨一洒藩下之恥粵民德王兼德公事在反手間耳金起謝曰微公吾不聞此言於是啟王下令凡民間被旗害者以告竟其獄論死者十人鞭三十六人笞四十三人還民間田廬畜牧無算廣人大悅或詣象升謝則曰此王之德金公之力吾何與焉尋以裁缺之

命歸里

王士正登尾集

金光房字天駟吳縣人順治己亥進士授九江推官以廉明稱裁缺補知瓊山縣益勵清節議均貢香黎人樂附鄰縣有欲以勦黎邀功者光房力寢其事鎮兵譁噪單騎出諭之軍情帖然得無變卒於官

大清一統志

吳朝字羽三浙江烏程人順治十四年由進士知澄邁縣精練吏治洞悉民情詳免紳士差米科舉者助以路費革蠹役除盜賊平黎禦寇任五載與兵事相終始安集百姓邑賴以安

瓊州府志

丁斗柄寧夏衛人康熙九年由進士任澄邁令仁慈剛斷禮士愛民除盜懲強省徭革耗畱心生聚逃民復業黎緡向化行鄉約勸課藝重修邑志後以不獲上官解組去士民涕泣送之

同上

俞參陞浙江山陰人康熙二十一年任澄邁縣聽

訟和平折獄明允招集流亡創立義學卒于官士

民呈請祀名宦

瓊州府志

李宏名浙江仁和人順治十二年以舉人任定安

縣廉靜慈惠申請豁免荒蕪田糧不肯虛報墾荒

田畝實心愛民後以誑誤去民咸德之立祠祀焉

今人名宦

志

楊天綬江南海門人康熙五年由拔貢知定安縣

留心民瘼弊政一清居官十四年與民相安清晏

無事民建生祠于邑東門內祀之

定安志

張文豹湖廣麻城人康熙二十三年知定安縣詳

革陋規修

文廟創義學設義田修邑志卒于官邑人立祠祀之

瓊州府志

唐瑜河南人雍正十年知定安縣持身以廉愛民

以德待士以禮決獄以智瑜皆有之故邑人立碑

頌之

定安志

王光燮江南武進人進士博極羣書淹貫經史知

定安縣課督邑士不少恕乾隆庚午充同考官所

得士皆知名者

倪邦良福建晉江舉人知定安縣性廉敏有幹濟

才時值黎變親冒矢石地方恃以安謐以望誤去

輿論惜之

俱同上

張奇字嘉會蕪湖人順治六年以鄉貢知文昌縣

十一年正月徵糧城外遇城守楊殿臣構通海賊

韓昌時謀叛劫糧奪印不屈死之弟意次子仲景

僕張喬同時遇害

大清一統志

沈彪字際思浙江歸安人康熙六年任文昌縣凡

里長徭役雜派不便於民者悉罷之民樂輸將十

年無逋負折獄平允案無留牘

瓊州府志

創亂躬身履行間指授方畧用民兵擒斬渠魁所

需兵糧犒賞俱出已俸毫不擾民為政寬猛得宜

愛民重士去之日行李蕭然士民醵金餽之一無

所受

文昌縣志

馬文駿直隸濬縣人順治十四年知會同縣招集

流亡給牛種以勸墾荒丈田畝以均糧稅政平訟

簡賦薄刑清教育士林多資造就後丁艱去民泣

涕送之

會同縣志

田宏祚貴州石阡人乾隆五年任樂會令仁惠廉

明聽訟惟允丈田定賦豁免虛糧時親閱民耕賞

勤警惰視民如子民亦視如父母忘官民之迹焉

樂會志

江炯安徽歙縣人乾隆三十四年任樂會令仁廉

明恕留心學校增設書院膏火鄉試賓興等田租

士林德之設位祀書院採訪

黎元暉四川夾江人嘉慶五年任樂會令廉隅自

飭聽訟一本至公輿情悅服捐修文星閣以培文

運士人德之與何江二令同祀于溫泉書院同上

劉承謨字君顯沔陽人順治中知臨高縣海寇陷

城不屈死贈廣東按察司僉事

賜祭葬廕子大清

李繩祖解州人康熙二十三年知臨高縣為民請

豁荒糧哀鴻漸集邑人建祠祀之採訪

樊庶揚州人康熙四十一年知臨高縣多所興建

纂修邑志邑人為建萬戶絃歌坊及去思碑同上

陶元淳字子師常熟人康熙二十三年舉順天試

二十七年二甲進士選瓊州昌化彭紹升三十三

年到官舟車聞邑再罹兵燹册籍盡燬奸民隱佔

貧弱逃亡元淳力行清丈定為科則民復業者千

餘家大清乃作魚鱗册錄度隙地立墟市

招流亡勸開墾予以牛穀不起征縣故與黎為界

舊設土舍制其出入官吏因緣為姦至是撤去揭

榜山尚有冤者得詣縣陳懇黎民樂業時步行村

落問問民疾苦縣有田四百餘頃沒水百年元淳

具陳始末請免其糧上官難之因撰浮糧攷上之

後布政使魯超許為上請而元淳遽卒不果行蒞

天子也

昌化之明年攝崖州游擊余虎縱屬為暴守備黃
鎮中以非刑殺人索黎人獻納無厭得訴詞百列
六款以上余虎聞以百金餽卻之因造蜚語聞于
總督下瓊總兵平之元淳申牘曰私謁不應發審
鎮臣不應侵官卒不往方鞠鎮中獄鎮中令甲士
百人帶刀突入元淳怒叱曰守備反耶吾奉命治
事敢令甲士劫持是無上官也是無

雖有余虎不敵陶公一怒而總督滋不悅坐元淳

檢察失實援救尋以大計當黜巡撫蕭永藻惜其

去言于總督留之以事至府總兵戒其下曰陶昌

化至矣無生事後以病卒于瓊喪歸渡海遇瓊士

赴省試者百餘人護柩行莫敢先過陽春有悍卒

爭渡諸生譁曰此吾師也誰敢先者卒懼而竄備

進士民勒石記遺愛崇祀各宦志

馬之驥遼東人康熙十一年知萬州才猷練達催

科不迫而民樂輸將防馭有方吏胥守法在任數

年士民仰之如慈父母比去萬民製帳餞送萬州

張光祖山東歷城人康熙三十八年知萬州揭先

勞二字於退食齋徵收錢糧立分限程期民不擾

而鮮逋賦萬多陂塘洪口陂深陂為利最大光祖

嚴疏濬潤田數千頃歲凶無虞祀各宦志

徐澄正黃旗人康熙五十一年知萬州以恤民爲本萬承兵燹後多橫征濫派澄悉革除之修平政仙河兩橋民涉不病嘗仿行周官十二荒政以備災旱歲稔民不流亡記名宦上同

李維裕字容川江蘇上元人任陝西寧羗州陽平關州同有異政乾隆五十六年以最報陞廣東南雄通判南雄爲入廣衝衢商賈絡繹肩貨者日以萬計客行總之稅其什一以爲上官供張維裕曰貧民爲客負貨以輕重計值自恨其力不能多任以取贏然亦必盡其量而止梅關又復峻絕數武一息雖隆冬寒冽亦汗流浹背吾何忍受此錢峻却之於是郡屬之官相率效之勞者歌曰一日三餐賴兩肩老來無力更無錢李官不要肩頭稅好趨餘錢養老年其聲相聞嶺上五十九年陞知萬州值黎人滋事黎鳥獸聚素畏火器上官欲以威治之維裕曰若輩雖不知禮義然天性具有也蓄以兵力勢窮則服少一寬假則反側矣若必屢黷軍旅誠非上策願假時日當以德化比至三月黎民果服擄繫牛畜膏獻納焉萬地面海宵小出沒島嶼間帆檣頗梗維裕設策獲陳觀祥等三百餘人餘者長官累招徠弗應及維裕蒞任三剽劫者相約不入萬州境維裕偵知之曰事可爲

矣乃選幹役宣德意於是來投首者亦三百餘人維裕已先卒羣盜泥首柩前曰我輩聞好官來而官遽逝命也痛哭不已維裕素不名一錢同官購之乃得歸櫬世經堂集

張鳳徵字威鳳宣城人順治間以拔貢知陵水縣縣當兵燹之時鳳徵撫定流移興復學校政教大行三十九峒聞風向化生黎亦無爲患者以卓異徵會卒邑人祀之大清一統志

李聘直隸宛平人康熙三十四年由進士任陵水縣時海賊陳老大恣橫勢甚猖獗聘與城守把總定謀堵截斷其樵汲多設疑兵賊進退無據乃遣人諭降之閩邑咸頌其德陵水縣志

于有義河南祥符人順治四年任崖州五年四月寇發有義破之民賴以安以追剿餘賊被難百姓哀之立祠以祀崖州志

梅欽宣城人初任黃州通判順治十二年知崖州時用兵後井市蕭條欽勞徠撫循流民皆襁負來歸康熙元年請豁荒米一千四十七石并軍屯米一千九十八石在任七年多惠政卒于任崖州志

楊枝華貴州都勻人乾隆十年由陸豐縣陞任崖州廉明方正革除蠹吏奸胥請豁窮民積欠賑荒歲民沾實惠設義學士荷陶鎔比去人頂祝之崖州志

志

謝賜履字建侯全州人康熙辛酉舉鄉試官感恩知縣兩月丁母艱候代而海賊巨艘將薄城城故圯乃出弓矢授丁男婦女懷瓦石盡督壯丁持畚插築城夜則率男婦立圯處俟之凡三晝夜城完賊三薄城三引去蓋迨岸輒為風颺去賊謂神佑不敢復近云後官至左副都御史廣西通志

慎淑初浙江歸安人順治七年知羅定州立麗澤社以課士西寇吳子聖犯城或勸淑初避去淑初叱之曰以死守土庸有貳乎遂誓衆登城值守陴者宵避城陷為賊所執不為屈援兵至賊挾淑初羅定州志與州同金芳吏目陳炳新各赴連灘溺死芳自有傳炳新山陰人浙江通志並入各宦郡志

金芳浙江義烏人任羅定州州同癸巳城陷被執賊向芳索金芳給賊入署取之引至火藥房擲火局內與賊共焚死家人數口投井斃焉州人於井前建祠祀之羅定州志

謹按慎淑初之死州志曰遇害金芳之死州志曰自焚而浙江通志則皆以為溺死傳聞異詞要其死事則一也

邱隅福建上杭人順治四年知東安縣甫下車適偽把總朱家臣作亂隅被脅不屈合家死之東安縣志

王鉞字仲威山東諸城人順治乙亥進士康熙八年知西寧縣錄西寧粵西鄙重巒深箐狼狽雜居其俗尙鬼而輕生不習禮讓以器訟為能鉞至摩撫涵濡一革其舊在縣八年訟庭闕寂人嫻詩書民樂有慈母士欣得良師焉未幾而三藩之難作三藩者吳三桂耿仲明尚可喜三人者皆故明將歸

本朝皆以功封王三桂王滇為平西仲明王閩為靖南可喜王粵為平南而可喜長子之信兗悍有才畧以計令左右風可喜請老而歸王位於之信之信既得位益肆狂悖可喜不能堪用客金光計上書願歸耕遼陽以避之信既

廷議令之信同徒金光等遂諷之信復歸位其父而朝議令平西靖南兩王質子風其父如平南於是平西王吳三桂遂稱兵反事聞

朝廷馳使止平南靖南俾勿遷時三桂之使日夕在二王所從與二王反當是時靖南王仲明暨子繼茂已前死孫精忠嗣王叛應之獨可喜守臣節不變褒異之益重其事權晉封親王督撫以下皆聽節制顧金光者居中用事久為可喜所倚信益援引市井亡賴黃掌絲輩布列中外招權納賄易置文武將吏重失人望又為可喜草密疏發之信罪狀請以

次子之孝為世嗣之信積不平乃佯為不知者愈厚結其下可喜不察更憐之可喜故嗜利之孝頗近儒雅顧性鄙嗇過於父於是諸將多歸心之信歲甲寅劉進忠孫延齡相繼反六月延齡陷梧州明年秋高州之難作未半載之信遂叛降三桂延齡之陷梧州也西寧距梧八十里順流下半日可達梧鎮帥班際盛駐兵水口欲移師避寇銳故與際盛善移書極言蒼梧為東粵咽喉無梧是無東粵也將軍今日退一步明日肇慶以東皆不守長驅至會城憂且及將軍家室又云愚觀西兵之來無持久計不過以梧守楊某納款日運輜重入舟戀棧之情已見不日且西走少需之吾兵大集梧城可復也際盛然之相拒二十餘日賊果退去如銳言方梧州初陷銳繕治城守具賊陳四者引軍寇西寧先使謀持偽劄至知有備乃離城三十里屯月峒五日會梧州賊退始遁去銳於是以治最膺薦行取明年二月解印行有日矣可喜忽具疏請畱行取官銳度之信必反可喜不能制苟濡滯則禍不旋踵遂移疾歸越明年之信果劫其父以叛可喜以憂死後之信復自歸

本朝為其母所告伏誅人咸服銳幾先之哲堅貞之操不啻唐甄濟云既歸杜門謝客戊午

舉博學鴻詞銳名在薦中辭不赴所著有粵遊日記等書王士正題 尾續集

冉德號慎菴四川廣元人康熙三十一年令西寧時偽逆蹂躪田土荒蕪窮黎失所德下車拊循經畫備極勤勞民賴復業歲祿復罄俸以賑設義倉儲粟以防水旱後引疾歸士民醵金助裝建祠義倉後歲時祀之西寧縣志

史筆字董侶貴州貴定人康熙四十六年知西寧縣操守廉潔才思明敏案無畱積獄鮮冤民人有小龍圖之頌任兩載卒于官民設位合祀于前令冉公祠同上

端木象震字東侯江南溧水人康熙四十九年授連州理穡同知時八排甫靖遺孽未清象震悉心拊循良善搜捕奸宄諸穢咸憚其威服其化後引疾歸三連士民圖像鐫石以誌弗諼連州志

屠洪基嘉興人順治八年令陽山西逆馬寶犯城洪基繕櫓糧督義勇登陴固守賊不能破總鎮郭升援至洪基出城夾擊圍解截其歸路斬獲甚眾招徠難民還定安集次年寶復與其黨曹志建等攻陷連山連州進攻陽山洪基堅守如前賊黨高必正復率步騎萬餘環城夾攻凡四日夜城陷被執不屈罵賊死之逾月郭升督兵至覓洪基遺骸

得之河南坪浙江通志洪基為政嚴明慈惠民戴如父

母祀名宦志馬寶難作時邑人莫知倣亦共城守

及寇陷城巷戰被執觸石死大清一統志

郭升字木生河南夏邑人順治九年隨師克復陽

山遂知縣事時寇盜四出驕兵悍卒環集境內徵

餉之檄絡繹旁午居民十無二三升招撫遺黎安

戢外寇調護守兵區畫糧餉咸得其宜復捐俸修

葺城垣衙署學宮營汛無廢不舉陽山縣志繼任者為

熊兆師字大占黃梅人以升諸工未竟粗具條理

遂各踵其成不遺餘力尤留心縣志詳慎書之採訪冊

裴振李字晉如正白旗人康熙十七年知陽山縣

增修城堞及韓公祠兩松亭設東西二社學延經

師置書田以待學者又謂射為六藝之一今人多

廢而不講立射圃以教邑人又修縣志未及成與

前稿俱失陽山縣志

王永侯浙江山陰人康熙二十三年知陽山縣創

立義學置田以給膏火時當開礦永侯深籌利害

恒恐病民後聞上官有停止之語即力請封禁在

任十餘載民愛之如父母刻石義學祀之陽山縣志

毛之燕貴州舉人乾隆中任陽山縣慈愛節儉聽

訟不事刑求惟反覆勸諭使兩造感悟而後已有

被其教誠至涕泣失聲者歲終封印日取所行簽

牒銷之胥役不得舞弊去後民思之不置云陽山縣志

王惺宛平舉人乾隆二十八年任陽山令立心慈

愛持法公平甲申歲大雨連綿溪河泛溢惺齋宿

禱於神為民請命率附近居民登城避水晝夜巡

護有乏食者給之糧水退悉心查勘酌郵故未成

災男婦亦無漂沒民咸德之同上

潘元音字希聲四川華陽舉人乾隆五十四年知

陽山縣為政務持大體作養人材嚴懲竊匪宵小

斂跡當時有夜不閉戶之謠陽山縣志

陳九叙福建人乾隆五十九年知陽山縣清慎明

決庶事舉尤務振興學校課士如嚴師脩葺學

舍捐俸以資膏火負笈者數倍于昔月課獎其前

茅誘迪不倦士風日上甫半載調任去士民感頌

弗衰同上

洪承胄泉州人順治四年任陽山教諭是年七月

土寇襲破陽山城承胄死之陽山縣志

張堯典三水人順治八年任陽山教諭九年西逆

攻城堯典與屠洪基力守城陷死之同上

吳道岸江南江都人順治七年從平靖兩藩人舉

復廣州敘功委連山令道岸莅任念連民數被兵

加意撫循八年秋七月逆寇馬寶率眾攻城道岸

督義兵死守救援不至力竭城破被執罵賊死之

祀名宦

縣志

康霖生字澤合磁州人康熙五年知連山縣甫下車勵精剔弊剛紀肅然設木牌凡催徵及質訟令持牌投到雜費盡革民咸稱便捐俸遷建學宮公餘集諸生講貫在任一年以艱去童叟流涕祖饌數十里外

連山縣志

張化鳳河南河內人初為廣州司獄有冤者咸力為請命上官廉其耿直悉得昭雪康熙十三年擢連山縣時值楚粵交訐排姦乘亂竊發人心洶動化鳳至安輯百姓單騎親詣姦排曉以禍福諸姦感激民獲安堵十四年西粵偽將軍孫延基率眾萬餘困連州時邑城兵微糧盡或勸化鳳暫避其鋒不為動延基聞其廉遂不犯境在官六年免雜泐勸農桑立社學捐俸倡修橋梁道路遷建學宮興利剔弊知無不為後以母老告養歸邑人攀留

不聽

同上

鄭天錦字有章號芥舟福建甌寧人以博學鴻儒薦辭不就壬申成進士令連山二十九年兼署理徭同知民夷愛之連有銀穴曰海崗與廣西賀縣蕉木廠一山也廣西布政使惑廠人言欲踰界採銀于穴或勸天錦招商自利曰聚眾起爭此異日

大患也上言制府以穴不可開指畫其害正切制

府悟檄兩省巡道會定地界禁採穴者巡道某與

州守某歎曰真廉吏也天錦工詩古文詞尤善制

藝乙酉鄉試分枝得順德梁泉卷與主司爭之力

而得解所取皆名下士薦而不售者招之讀書署

中相與切磋莫不騰達去又嘗適他同考房得一

落卷與同官爭而質之主司司得卷許為傑作

榜發則南海勞潼也以治績尤異陞瓊州同知未

抵任卒所著甚富其一則連山縣志云

鄭龍光平湖人順治六年知南雄府以一僮二僕

自隨繩牀布被多補綴痕客入其室無敢以私請

者嘗省荒過五斗嶺遇虎眾欲還龍光叱曰知府

以民事入山虎曷為來驅之虎果遁

民潔已歷任六年御史楊某特疏薦之乙未擢西

寧副使祀名宦

縣志

陸世楷字孝山浙江平湖人丙戌拔貢順治十三

年自登州府同知擢南雄府

理初定平南靖南兩藩王並駐廣州羽檄不絕于

道部將更替出嶺一日箠死七人世楷馳見帥論

軍士罪有戴孔雀翎者二人入始興山自稱平藩

侍衛發民鑿礦民盡恐世楷往詰曰王雖尊不得

擅役吾民今不使太守知詐也遂縛二人送廣州

王不敢問黠僧與平藩暱結精廬府郭外誘婦女入鎖其夫後圃而淫其妻閉置者十餘世楷誦知之僧故拳勇手一掙百夫莫敢近乃詭言營齋延之至粹縛之僧瞋目呼無罪世楷先時已別遣捕卒盡執僧廬所藏婦女至庭下僧辭窮斃之杖下邦人皆以為快暇築天峰書院課諸生溫鏐王濤等講學買田以贍之去之日老穉拒輪遮馬不得行立祠府治東士民春秋社祭手輯南雄志事必徵信縣志祀名宦志

張楙字蒼厓直隸武強人康熙五十二年知南雄府有廉惠聲春省耕巡行阡陌賞勤儉情捐橐金修文昌宮南薰樓飲仁亭初建凌江書院置膏火田考課殷勤士之貧者給以錢米一時文風丕振尋以憂去民于城東及書院立祠祀之南雄志

李登鰲字冠蓬蘭陽人順治丙戌舉人已丑會試副榜授廣東南雄府推官慎刑罰恤民命釋疑獄積滯者數十案大辟可矜者七人性耿介不能承上官風旨乞歸書笥外無長物至今粵中稱為廉吏焉大清一統志

楊國棟餘姚人雍正辛亥任南雄司獄愷惻廉謹不事逢迎獄囚皆德之南雄志潘名世浙江仁和人順治初年為保昌令民有負

兵債不能償將鬻其妻者名世為償之又嘗出金以贖難婦之被掠者後李成棟檄民輸布千疋名世力爭成棟怒坐以他事戮于市臨刑顏色不變籍其貨無長物百姓莫不流涕志

白可久陝西膚施人順治十三年以推官改授保昌縣性剛介督郵捧檄來張甚可久不少屈值歲旱饑民室家不保而軍需孔亟可久仰天太息引疾臥氣鬱死上官聞之厚恤其弟俾扶柩歸同

陳旭字曉園浙江錢塘人康熙二十八年知保昌縣時糧多虛賦役多煩擾人民逃竄阡陌荒蕪旭履畝清丈歷六載而魚鱗冊成虛糧為之一清又於錢糧一兩加納二錢五分立冊登記以為徭役之費不復科民民慶樂之逃亡漸集保安志

施其智字愚菴山東泰安人康熙三十八年知保昌性剛介御下嚴明胥吏不敢為奸豪強歛跡四十年大兵進勦排徭弁兵大肆需索民苦之其智單騎迎送不應苛求有持刃以脅者其智揭衣露腹曰吾腹可刃民財不可派弁無如何得安堵

尋陞陝西南安州南雄志于大猷大興人康熙五年知始興縣蒞任時為文矢諸城隍神大意謂貪虐病民有一於此神當降罰水旱災履則為民所籲請也每於月盡日書一

月所聽斷焚之民亦感化絕少詳訟册

鮑復顯三韓人康熙十九年知始興縣修葺學宮

城垣皆捐俸不費公帑革里排承陋規詳豁協幫

凌江驛夫船民困以蘇丁艱去士民建祠以志遺

愛同上

魏琪字亦菴湖廣人康熙二十三年知始興縣有

肆應才時差務紛煩琪悉心支理恢恢有餘簿書

之暇與諸人士會文按月以課前錄者予獎又梓

其文以示鼓勵其課士錄至今猶存南雄府志

毛德琦浙江人貢生康熙三十五年知始興縣持

已廉潔馭吏嚴明樂育人才優恤氓庶邑之永興

菴僧默訶有邪術為怨者咒人死德琦得其實杖

斃之流寇屯聚沙子嶺官兵勦之為所敗德琦率

鄉兵往禦寇乃逃竄蒞任十四年吏惜民安以憂

去民立祠祀之起復歷鎮江太守同上

楊炳耀雲南人康熙五十九年以舉人授始興令

操守廉潔禮士愛民捐俸倡建文昌閣開文明門

由是文運日興卒于官邑人建祠以祀始興縣志

圖爾兵阿正黃旗舉人乾隆十六年知始興縣廉

介和平既勤且慎民有爭訟者必多方訓迪務期

化偽為良調任新會民詣大府呈請畱任格成例

不得乃止採訪册

林德憲泉州人順治十年以舉人任始興縣教諭

在任七年自甘淡薄孜孜以課文講學為務邑人

士至今樂道之謂其訓迪有方多所造就也同上

王元樞字斗南山東濟寧州人拔貢歷任乳源陽

春知縣陞羅定州皆有政聲會改程鄉縣為直隸

嘉應州大吏交薦調任諸務草創繁劇尤甚元樞

首營善地倡建學使考棚以及分防營將衙署兵

房復捐建四邑公署一一經理如駕輕就熟旋以

府道要缺題陞州人惜之嘉應州志

王吉人晉江人康熙十五年隨征閩廣十六年補

程鄉令先是海逆踞城拆毀一空民皆避居村落

吉人下車撫綏備至禁革耗羨凡為民害者悉力

請除之不允必奉牘面爭四民間風歸附流民復

業戊午流寇犯境吉人躬率兵弁鄉勇一鼓殲之

追回被擄婦女衣物還之民歡聲徹野同上

劉廣聰號靜菴山東鄒平人進士康熙二十七年

知程鄉縣清積案懲蠹役重治盜竊境內肅然建

保障閣于文淵門外以捍河流建火神廟于水南

以禳火災又欲捐資修復南門河故道以養親歸

不果至今人猶惜之採訪册

張琪字間菴陝西咸陽人以貢生任肇慶通判康

熙四十年知程鄉年少精明果于決斷喜延接賢

豪長者悉知邑中利弊興革故為政得其體要數月而卒白衣冠送者數千人同上

曹延懿字遠菴江南太倉州人康熙辛未春以舉人選程鄉令入禮闈成進士仍授原職初謁

文廟以南門城樓樓角直指

聖殿不利文閣改建凌風閣癸酉科獲雋者四人且得解首丙子又如其數由是登第者科必數人又

改祀周濂溪王文成于七賢祠為九賢書院誘掖多士文教以興嘉應州志

王時熙閩縣人順治四年知長樂縣未蒞任流寇陷城盤據數月民多流亡熙至招集賑饑給種買

積繕葺城垣募練士卒剪除奸寇人頌如神大清一統志

黃挺廣西武緣人康熙三十九年由河池州學正以薦授長樂令汰浮費銀二千餘兩歲饑疫設法

賑之製藥給之民用以甦廣西通志

莊應詔字宣侯知興寧縣時山賊竊發惠潮諸郡縣皆不守應詔募兵堅拒不解甲者百五十餘晝

夜援兵至賊乃退時江西有金聲桓之變大將軍譚泰聞其能疏擢端州府推官與謀平賊興寧人

思其功立祠祀之大清一統志施念曾字得仍江南宣城人侍讀施閏章孫拔貢

生雍正十二年知興寧縣乾隆丙辰由巡撫楊永斌薦舉博學鴻詞試而未用鶴徵後錄二年回任修學

宮葺城濠建書院以祀韓蘇復刪募邑乘嘉應州志率粵紫縣有巨豪憑其城社杖而錮之令新會嘗

葺陳白沙祠所至聚書雖在官衙不廢稽古後遷知河南禹州被誣解官未幾卒歸裝蕭然賣及書

劉駿名鑲黃旗人康熙二年以蔭授平遠知縣邑民素有答應日期之苦駿名稔知力請立碑永禁

蒞任十載惠政不可枚舉十一年陞河南汝州平遠民立生祠祀之平遠縣志

何寬江南山陽舉人康熙四十年知平遠縣甫下車教民種麥耕者咸樂其利號曰何麥在任六年

禁民間溺女敢塚陋俗免官衙答應柴薪興利除弊邑人頌之謝病歸民拳留之不可建祠以祀嘉應州志

李樟陝西富平人康熙五十年由進士授平遠縣性仁愛為政廉明民有以冤白者立為讞決陋規

歲派銀三千邑令遇調入闕先亦派銀一千樟悉除之尋以病歸士民詣都御史籲留不可為設位

與劉侯合祠祀焉平遠縣志鍾呂浙江蕭山人吏員康熙六十年知平遠縣事

禁革一切陋規胥吏不能為奸刁豪健訟倍加懲
創民咸德之立祠設位以祀上同

李鄴山西榆次人乾隆二十七年以進士知平遠

縣惠愛士民設義學置膏火勤考課士風丕變聽

訟明察如神有投狀者隨訊隨結故民無冤抑暮

夜輒躬率兵役巡察宵小遁跡蒞任九年庭幾無

訟道不拾遺以報最遷山東曹州府同知平遠人

建祠尸祝之平遠草志

薛世望湖廣江陵人順治八年任鏡平縣時邑甫

平定外寇尙繁世望多方招徠民賴安堵復力請

蠲免七年錢糧歸防兵於經制民戴德尤重祀名

宦鏡平縣志

許良臣侯官人乾隆六年以舉人知鎮平縣興利

剔弊摘奸如燭照無有遁情邑人頌以水鏡有德

政去思碑上同

廣東通志卷二百六十終

廣東通志二百六十一

官績錄三十一 國朝七

蟒吉圖 將軍 汪上臣 副都統

申文貴 協領 許正

殷化行 俱提督 黃應傑

劉伯祿 馬三奇

王承業 呂孝德

蔡璋 林國良

許廷桂 俱總兵 蓋一鵬

江起龍 黃相

白色光 劉承恩

潘拱辰 徐達

安守正 施而寬

陳天定 景懋 俱副將

李成功 張繼善 于國 王忠孝

紀大雄 陳啓明 俱參將

竇明遇 陳武

傅進忠 陳培祺

周士英 杜嶠

文天壽 侯進學

陳璠 陳誥

董三策 俱遊擊 吳錫綬

馬之迅

王福

朱鴻祚

蕭萬奇

徐飛

高有功俱都司

蔡俊

潘昭

翟永昌

馮俊俱守備

張二

羅文舉俱千總

劉忠

黃勝俱把總

宋登喬

駐防

國朝

蟒吉圖滿洲人以任子起家隨征滇黔奪鐵索橋有功康熙十三年逆藩吳三桂耿精忠相繼叛吉圖隨鎮南將軍援粵東後隸將軍舒恕戲下以功擢副都統守肇慶會向之信叛偽將馬雄圍肇慶急吉圖潰圍北走江右請援賊簡精騎三千躡之且偽傲沿途要截吉圖轉戰二千餘里大敗韶州叛將張星耀經大小七十餘戰踰三月始達信豐遇賊將王割耳擁兵犯城吉圖以疲卒五百破其萬眾會將軍舒恕於頓復解南康之圍捷聞

聖祖仁

皇帝嘉其忠勇持節委平兩粵佩鎮南大將軍印將軍舒恕以下俱聽節制十六年七月滇逆遣偽將馬寶胡國柱等寇韶州簡甲裹糧志在必得吉圖急自省馳入韶州視北城衝要慮其單薄急築

土城賊晝夜力攻雲梯容百人蔽以黃牛之革吉圖令持長矛刺之立斃賊踞筆峯山俯瞰城中發礮擊城屋瓦俱震女牆頽壞守陴者不能立勢頗急幸土城堅賊卒不得入然後知向增築之力也賊又築長圍為坐困計而吉圖先遣一軍駐白土村衛廣州饒道軍糧頗裕賊又乘夜渡江東襲蓮花嶺以遏援兵而吉圖先飛檄促江寧將軍額楚赴援適與賊遇賊殊死圍吉圖出城中兵夾擊之會督標軍亦至以肇慶兵橫擊之賊大敗棄輜重遁去韶城獲全吉圖之功也後在粵西規畫甚大破吳逆擒馬孽料敵如神終于粵西民感其德耐祀伏波將軍廟中吉圖卒之前三日有巨蟒見于柳州山麓吉圖發一矢中其頂而斃次日吉圖頂腫大如斗遂卒人異之志

汪世臣正紅旗廕生襲職三等阿達哈哈番順治十六年隨將軍明安達禮出師湖北屢著戰功順治十七年補佐領次年以三等阿達哈哈番駐防粵之潮州時海寇蘇利犯順世臣率所部師隨鎮海將軍王安國為犄角勢謹案大清一統志蘇利者乃王國光部志作王與賊戰于石井寨親冒矢石自寅至申鼓聲不絕世臣思以奇兵勝之別分兵繞出賊營賊遂大潰餘黨猶伏世臣開誠布公諭以天命

順逆賊皆感泣就撫潮郡悉平是役也世臣所得
功牌二等一員三等五等各一員

聖祖仁皇帝以世臣忠勇遂留防潮在任七年回京

陞見康熙三十八年由京口協領補粵東副都統世臣自

以躍馬潮州今復秉鉞全省力圖報效時際昇平

刁斗無警世臣約束士卒訓練有方暇則與賢士

大夫歌詠休明康熙五十一年以老

賜告歸崇祀名宦

申文貴字任之駐防廣州漢軍正黃旗人康熙四

十一年以從征徭排功授驍騎校歷官協領攝理

刑名事有李某者寵一奴四兒李幼子洩其陰事

奴銜殺之李執控其仇家並遺諸奴赴勒獨不遣

四兒文貴廉知之詣李見四兒曰殺人賊在是矣

縛之一訊而服人驚為神明雍正七年發

帑金生息備濟旗兵吉凶事文貴經畫井井闕帥器

之屬癸巳廣西饑文貴督散賑廠忽火董事者避

去文貴獨不動火漸逼飛巨椽傷足仍不動救者

益力火滅饑民米斛悉無所損其鎮定如此顧繇

是得足疾當道數論薦力辭引退家素饒以慷慨

好施遂日落乾隆四年卒鄉人思其德祠於城南

顏曰峴山文貴故襄陽人峴山其自號也

許正福建人康熙二十二年授廣東提督初正任

江西提督發耿逆偽劄屢平劇盜恢復郡邑為全
省保障

聖祖仁皇帝嘉之

特加太子少保

賜宜力南疆區額世襲拜他勒布喇哈番迨開闢廣東海

氛既消封疆綏靖正以忠信慈惠從容鎮之值歲

旱米貴正出金市米以活貧者鄉民不戒于火延

燒千餘間正助之錢入夏暴風多覆舟正派船拯

溺營房漂于水正徧恤之信賞必罰兵輯民安陰

受和平之福不減江右斬將擐旗功也任一十三

年卒粵人哀之康熙三十六年祀名宦

殷化行字熙如咸陽人康熙中武進士三十七年

提督廣東軍務討平諸洞叛蠻

冬十一月八排徭賊李貴鄧二等擄掠連陽州縣

右翼鎮總兵劉虎進勦先遣副將林芳入諭芳被

傷墮崖死又傷把總陳溥總督石琳請益兵勦捕

連州化行至則勦無兼施遣官宣諭

朝廷威德徭衆縛獻李鄧等於是諸峒悉平四十二年

與石琳商請建立三江口城撥兵駐守調海防同

知為理徭同知州民於鎮江門左建生祠尸祝焉

採訪冊節錄殷化行經理徭氛疏畧稱照廣東

地方山海多險盜賊易滋臣實非才懼弗勝任受

副表事以來督撫與臣竭心籌慮務求海晏山平以仰

皇上時雍風動之盛治兢兢夙夜不

敢少有懈弛也惟是廣州府所屬連陽州縣僻在
 粵省西北界連廣西湖廣山莽崇深本屬險阻而
 連州境內則有五人排日行祥橫坑油嶺連山
 境內則有五人排日行祥橫坑油嶺連山
 里八峒入排毗連各一聚落皆在深巖遠壑之內
 豐草密菁之閒竝無出產以耕田度活雖亦薄
 輸租稅頗就羈縻但種自流移族無統屬馴擾不
 常伏莽藏林好行竊劫而州縣人民亦多散居山
 谷與各寨村相望田土錯連喜則狎昵往來怒
 則爭鬪屠殺蓋歷時如此也臣于康熙三十七年
 十二月內抵粵任時訪察地方情形竊以為當今
 其間或有不平事情宜盡開導之誠以服其心會
 遣臣標下千總張鳳儀資示往諭繼又會商委令
 韶州總兵官劉德廣南韶道何漢英同至其地諭
 以理法剖其是非其如孫人頑梗不靈旋復張
 臣據該鎮協營具報俱經咨會督撫二臣飭令地
 方文武各嚴加查捕防範若不早為清理更恐伏
 奸蓄患也微臣因擬親往經理茲於康熙四十年
 十月十一日量帶官兵前往連州連山等處權度
 事勢宣布一日量帶官兵前往連州連山等處權度
 成查按據情由導示理法量加勸懲務使民
 允服即將被劫人畜悉令送還匪徒盡行
 出再申明約束俾其永久安生倘有頑抗如前
 陽賊不出臣即相發兵入其巢穴捕取真正
 匪賊不量處治以昭國法如其間有應請
 行至于地方官督辦有應布置更改事宜臣併
 相度形勢與督撫二臣商議妥協會疏題請
 商議妥協會疏題請

黃應傑陝西榆林衛人任惠州總兵官鎮嶺東勦
 長寧劇盜民賴以安順治四年四營巨寇合圍興
 寧告急應傑親率精銳晝夜兼程至縣未及安營
 卽馳三騎衝賊壘賊潰追斬數千級營於城東黃
 嶺平定安集有再造之功八年復提兵定亂至興
 寧營於邑西赤巷嶺縣人感德建大恩祠祀之郡志
 劉伯祿遼東人順治十年任潮州鎮總兵先是九

軍賊劉公顯神總賊李班三等分踞潮陽揭陽等
 縣隨勦隨熾勾間寇鄭鴻達鄭成功陳豹等艘艦
 數百蹂躪不息叛鎮郝尙久僭稱新泰侯據城攻
 邑海寇蘇利乘機騷擾沿海諸郡震動至是大發
 兵討之寇始退次年秋八月間寇陳豹等復擁賊
 七八萬船千餘艘突入揭陽城九月平藩遣左翼
 鎮許爾顯靖潘遣右翼鎮徐成功并督標哈喇翼
 聶隱舉領兵至伯祿遂與吳六奇等分剿之十三
 年春寇大敗而遁諸盜亦漸撲滅遂塞揭陽釣鼈
 橋上
 馬三奇遼東廣寧衛人襲父馬得功一等侯爵康
 熙十三年劄進忠叛踞潮州進忠與得功有舊十
 六年三奇遣人招撫之進忠丐降解京正法後卽
 授三奇潮州總兵官勦和平石井諸賊皆平之達
 濠南澳諸寇擒斬殆盡歷任十有一年升任去潮州府志
 王承業廬江人由行伍爲廣東總兵官管副將事
 康熙十七年授勦廣西有功二十年進征雲南歿
 於陣贈右都督大清一統志
 呂孝德字位參福建龍溪人康熙初與平耿尙兩
 逆藩之亂十九年特授廣州總兵開閩八年撫兵
 恤民人咸感頌工書善吟咏政暇從事翰墨有輕

裘綏帶風蘇南詩選小傳

蔡璋字秉鉞福建晉江人康熙十九年由江西水師總兵調順德鎮抵任首治戰艦詰戎兵定汛守明賞罰賊素憚其威名不敢犯邑屢肆舊有納行錢買牌錢俱入總鎮官囊璋一切除之復設大鼓置門外遇兵弁有索詐者許擊聞立擒治民益以安逾年簡舟師徑突海陵出賊不意傾其巢穴賊謝昌走外洋旋與楊二洗彪合勢復振會犯瓊南璋率師渡海賊分三路拒敵璋麾樓船結大陣令槳舸迎潮擊其尾大敗之斬獲偽官弁等六百餘級生擒三百人餘悉赴水死救回被擄子女三千餘人悉分遞回籍數年海患以息其後復破殘寇於十字門璋擊賊皆親擐甲行間故士卒用命所向披靡二十三年

陞見

上褒異賜資馳驛回鎮未幾以勞瘁成疾士民爭禱于城隍神卒之日罷市巷哭七日不休海濱民至今尸祝之順德縣志

林國良福建人父芳征臺灣死事

賜世襲七代輕車都尉國良以廢積階至厓門總兵戊辰七月海盜屯舟九龍口伺劫國良往擊之戰甫合而紅旗幫船且百號周環相向國良督將士拋擲

火器自辰至未戰益力適黑旗幫船會哨至勢遂不支國良素善跳盪知事不可為手利刃躍身過賊舟連殺十數人遂遇害沿海居民賴國良為保障及其死也巷哭相聞云檇州

許廷桂福建人任左翼鎮總兵己巳六月廷桂與遊擊林孫等以勦海盜屯師扼甲門初九日黎明天陰雨賊梁保率船數十入磨刀洋廷桂督師迎敵獲其三船賊多淹斃乘勝奮擊梁保殲焉餘匪分竄適紅旗幫來援廷桂從西北截擊自辰至酉殺傷相當雖寡眾不敵而互持不下轉戰至白浪澗值東南風作賊反得風勢縱火延燒三十餘艘廷桂舵樓被焚舟膠不動賊蜂擁而上猶手刃十數人與賊梁安保搏戰久身受數十創自知傷重投海死第三子成福被擄賊眾曰水師將弁誰歟得似許總兵者今既死事烏容復害其子送之大涌岸而去同上

蓋一鵬本姓孫陝西富平人起家諸生以武功顯歷官參將國初率先投誠以原官協守淮陽廣東副將順治五年陞總統水師都督同知總兵官十一年西寇李定國圍新會一鵬領舟師守江門會賊艘雲集一鵬鼓眾血戰歿于陣

恩卹祭葬檇州志

江起龍江南徽州人順治十三年任水師參將駐
 劄白鶴寨通明港始至營署俱圯無城塹可守起
 龍周視白鶴當郡城入海之口為雷州左臂無白
 鶴則無雷州乃捐貲立營寨招居民屯聚為墟市
 商貨畢集聲勢與雷城相聯絡及康熙三年出海
 起龍遂進副將移營海安口兵民帖服五年出洋
 捕盜風發舟覆起龍殞焉蓋著神異雍正九年
 欽定英佑驍騎將軍之神起龍為人仁勇忠直故生著匪
 躬之節及顯利涉之功宜膺

大典云

黃相龍溪人少讀書好擊劍喜談兵以獻策平賊
 功授廣東督標副將康熙十三年奉檄討高明熾
 泔賊率眾搗穴奮勇入寨被執不屈死事

閩贈都督僉事

福建通志

白色光奉天籍鑲白旗人康熙十四年任香山協
 十五年撫賊陳器瑜糾集海寇鍾吉生圍邑城居
 民惶恐色光偕知縣申良翰經營保守賊毀東南
 闕廂破張多澳寨飛礮越城人無固志色光勵兵
 民以大義晝夜繞城堞巡邏士卒振奮復密遣間
 道請援師集寇遁城賴以全祀名宦
 劉承恩字亮公廬江人恩廣東潮州副將康熙十
 五年吳逆倡亂滇黔承恩協眾將擁鋒陷陣所向

賜銀歸葬

大清一統志

披靡大小三十餘戰未嘗挫銳十八年卒於軍

潘拱辰直隸人由武進士起家初署雷州協以功
 陞樂昌協康熙十六年賊逼雷州城官軍敗績十
 七年調拱辰為雷州協簡選士卒間道由溪頭等
 處出奇兵勦之賊眾悉遁救回被擄男婦數千人
 民得安堵時高州叛鎮為雷邊患拱辰移師進征
 勦撫兼施數月亦奏凱
 徐達京衛人順治戊戌武進士康熙二十年任南
 雄協鎮飭兵愛民盜賊屏跡時信豐賊王割耳等
 千餘人嘯聚保昌之黃石寨達設法招安百姓賴
 之陞崇明總兵去之日父老板轅遮道自東郊至
 梅關不絕
 安守正陝西人康熙二十三年任雷州協副將簡
 樸廉靜輯兵安民時值楊二梁羽鶴倡亂之後民
 未安居悉為經紀復業卒官日囊篋蕭然不能具
 喪士民哀之仗助歸柩
 施而寬字容臣仙遊人甫弱冠膽氣過人督臣姚
 啓聖委署同安守備值

王師南征海寇而寬率偏師進勦復海壇平海湄洲直
 抵金廈兩島奉檄從攻澎湖克臺灣功加左都督
 累遷虎門副將會洋盜騷擾而寬單騎往撫平之

陞狼山鎮總兵絕規例甄將材立義塾瘞遺節士民感其德為設祠立碑卒於官加太子

賜祭葬

大清一統志

陳天定福建人康熙五十九年任南雄協操履貞廉營政整飭統制卒伍威惠並行在任一年兵民和輯盜賊屏跡去官後久而人猶思之南雄府志

景懋福建汀州人任龍門協雍正間巡洋遇風歿於南沙洋面後屢顯靈應兵民立祠祀之欽州採訪冊

李成功遼東鐵嶺人由武進士歷官潮鎮中軍遊擊加參將銜康熙十三年甲寅劉進忠叛成功陰

與城守張善繼防禦于國璉謀誅進忠進忠覺執之誘以爵賞大呼曰頭可斷志不可奪進忠以利

刃加其頸脅之降成功裂眦豎髮罵曰叛奴死期至矣我豈從汝者耶進忠怒立斬之臨刑猶罵不

絕口死之日闔城皆泣下時甲寅四月二十一日也潮州府志贈驃騎將軍同殉者城守張善繼防禦于

國璉都司白虎千總何亮俱蒙

恩卹

大清一統志

善繼南直隸彭城衛人康熙丁未武探花已酉授潮州城守營遊擊甲寅善繼赴省請餉潮鎮劉進忠陰遣廢弁楊希震詣逆藩耿精忠納款楊與進忠謀曰善繼得軍心恐不可制乃散其卒分隸諸將部下迨善繼歸壁壘一空矣及入謁進

忠以言結之善繼抗聲曰叛國而克令終自古未有明公若不悟及繫頸求活晚矣進忠怒羈之馬

王廟有林應璧者亦同繫善繼偉其人與談忠孝事相得甚歡縱飲讀書若不知刀俎之在前也進

忠屢諭降不屈乃斬之國璉遼東人隸續順公沈瑞麾下授防禦年少有膂力狀貌甚偉康熙甲寅

潮鎮劉進忠叛續順公命都統宋文科鄧光明張夢吉及國璉等舉兵擊進忠國璉奮勇殺賊射進

忠中肩因巷戰馬難馳驟為步卒所格力屈死之光明後亦殉節澎湖虎陝西秦州人康熙十一年

授澄海協都司簡閱戰艦制火攻器具多前人所未備本鎮劉進忠調虎與其子崇質來潮虎臨行

知其有逆謀謂妻張氏曰事不可知吾與若相見止此頃刻矣妻泣而挽之曰不去則曲在我揮而

出跨馬遂行比至進忠相待有加越日傳見令易帽曰請斷吾頭令剪辮曰法不可毀左右請斬之

進忠愛其勇不忍殺虎密遣人赴省請兵約為內應謀洩孟秋朔日父子並斬於市百姓觀者皆流

涕張氏及其幼子士俊窮無歸禮行丐於道事聞賞卹其家廢士俊守備

聞賞卹

潮州府志謹案何亮程鄉人

忠潮州鎮總兵官也康熙十三年甲寅聞吳三桂叛於滇耿精忠叛於閩潮鎮總兵蔡榮徵調各

民以應時績順公沈瑞駐湖微守副其謀陰為之備
中軍李成功與沈有舊密約城守副將張善繼即于
是日舉兵未敢發四月二十一日進忠父壽瑞即于
忠繫張無完膚是夜希震引口鎮功善繼渡進
勢益張眉無之進忠殺成附國已殺之尤明善繼
都司白于歸于總何亮以不附已殺之尤明善繼
日服制以生員蔡茂植為副將知府首受覽
程道江德中預謀為知府修歷童士超為海陽令
守道江德中預謀為知府修歷童士超為海陽令
助道江德中預謀為知府修歷童士超為海陽令
喜都統忠所包總兵王國棟守計七月平南尚
幸時進忠精忠者耿精忠也會臺海營西南山
拔之遠與精忠有隙聞粵路進忠伯爵進忠將
二震計納欵于鄭經授進忠伯爵進忠將
九人及統領欵于鄭經授進忠伯爵進忠將
領月水漲溺死無算乘權以勞瘁卒于軍吳陳
偽將亦相繼死進忠四而交敵計甚將乞降是
時將亦相繼死進忠四而交敵計甚將乞降是
奇約海賊為善出鄭經麾下進忠四而交敵計甚
渡以舉火進花山為號至望火得諜知海賊何
左虎已入分黃水關進忠至望火得諜知海賊何
命王國棟裂五關進忠至望火得諜知海賊何
三日夜砲裂五關進忠至望火得諜知海賊何
湖山砲裂五關進忠至望火得諜知海賊何
賊所迫從東路遁也續順公沈瑞屯饒平進忠
時左虎等環攻三日也續順公沈瑞屯饒平進忠
歸湖十等環攻三日也續順公沈瑞屯饒平進忠
山與臺等環攻三日也續順公沈瑞屯饒平進忠
營進忠等環攻三日也續順公沈瑞屯饒平進忠
砲擊賊營破之孝立馬山頂張蓋督戰賊望見
兵直搗之孝立馬山頂張蓋督戰賊望見
殺死萬人河孝立馬山頂張蓋督戰賊望見
正月萬二日進忠赤引海寇挑戰之孝立馬山
望壁壘整齊自備不敵是夜焚縣署後樓拔營
運軍資糧糧付之一炬初四日進忠赤引海寇挑
城甚急城陷之孝立馬山頂張蓋督戰賊望見
藩鎮母得相攻擊進忠乃收兵雷偽統領劉國軒
守惠州自入關謁進忠經待之不禮進忠怒弗

謝歸經衛之陰令何左虎奪其軍進忠自此喪氣
八月東親王統大兵破仙霞嶺復延平建寧福州
十二月復經江州十六年丁巳正月復與化二月復
泉州鄭經密約何左虎乘漳州踞廈門進忠計無
所之遣官陳文發至興泉迎康親王納欵時耿精
忠已降文發密啓康親王具言進忠近狀總督姚
啓聖時為縣令王遣啓聖宣諭進忠六月六日合
士賤歸正民慶更生撤進忠同耿精忠入京論罪
俱磔於市

聖祖仁皇帝賜參將銜同

王忠孝遼東人藩委阿喇哈章京康熙十四年入
京
大兵進廣圍解十七年從征高京授參將管喇章京
事十九年署左翼鎮總兵官進勦滇南衝鋒破敵
身先士卒引兵逼城下戰于東坡深入陷堅沒于
陣

詔贈都督同知卹銀六百兩廕一子守備

紀大雄陝西榆林人惠州鎮中軍參將順治八年
奉檄守興寧時寇盜未平兵弁驕縱大雄加意約
束令兵丁盡居城上不得攬住民間以此兵屯年
餘巨民不擾尋旋惠州士民扶老攜幼遮道泣送
立碑黃產橋畔并祀于大恩祠
陳啓明福建漳浦人官參將署順鎮時前將陳璠
擊海賊敗為所殺賊遂逼邑旁近村攻圍焚劫無
所憚擲雉尾炬焚守汛艦汛艦皆走賊乘勝追至
北門石湖涌登岸恣掠老幼爭趨城城門閉民呼

門大哭自相踐踏多死者啓明三叩帥轅請發兵不應大言曰食祿爲將坐視賊披猖至此不前死賊可乎乃擐甲持刀出親兵十餘隨之徑開東門與賊遇曠日當先突前奮擊手殺十餘賊當其鋒者皆碎各散走直追至河下賊跳船遁首尾不能自顧啓明扼腕曰使得一艦發大砲追之無噍類矣賊自後膽破不敢近城一戰力也奪回擄口衣物無算悉還民無匿者民以是德之後奉檄還端民懇留不可得則鼓吹送至江濱數千人羅拜雨泣忽麾下中軍劉漢臣引纜截江不聽去問之則以前官坐漕船械銀未償爲鎡不貸民奮前日無慮也是在吾儕因擁還城各持鉢科募男子解腰纏婦人拔簪釧須臾皆滿如其數夜呼劉示之劉乃大慙謝次日復備禮如前送數十里而別補志賈明遇字亨吾沁水人順治初隸安徽巡撫麾下委捕沔池賊賊解散未幾調廣東中軍遊擊時羣盜抄掠郡邑明遇提精兵五百閱二年盡討平之尋協守肇慶甫入城賊兵四合明遇迎戰大破之已又調勦羅定州賊連破二十餘寨賊又驅衆數萬屯城下死關明遇力屈自經

詔贈英烈將軍

大清一統志

陳武字助寰睢州武舉順治中授金華鎮遊擊調

廣東從攻南雄韶州廣州俱有功署參將勦高州攻化州斬賊首冷雄傑施上義復吳川信宜茂名等縣李定國犯高州城陷不屈自刎死

賜祭葬廕子瀛雲騎尉上同

傅進忠河間人順治十二年任徐聞遊擊時海寇猖獗擄掠村堡進忠單騎馳擄賊營援兵不至馬陷澤中爲賊所殺邑人傷之徐聞縣志

陳培祺號芝田遼東人順治十七年由衢州右營守備陞欽州城守遊擊鎮守有方能束兵愛民征

鐵山劇盜擒龍門海盜有大功捐俸錢葺文廟送古銅鼓入明倫堂修復三元閣尊賢下士有古良將風欽人德之立碑紀其事補志

周士英陝西榆林衛人由將材爲溫處守備康熙九年調順鎮左營中軍善拊士卒能彌縫其罅兵

因樂爲之用每征勦土寇所向輒捷時吳逆稱兵滇黔孫延齡以粵西叛應士英奉檄率所部會討

恢復梧州及容藤二縣是年七月內山賊李山官七陰受僞劄棟精甲千人潛渡九江大河流劫龍

山等處且覘我兵虛實英聞警馳約謝遊奕以舟師橫截河上斷賊歸路隨會陸師捕逐四日夜賊

饑疲盡殲之片甲不返賊從此衰弱以功進遊擊

八月內進忠以潮州叛時巡撫劉秉權親在行間

遊戰將擢英為先鋒英奮勇先登奪據筆架山鳳凰洲扼其吭逆退保孤城佯納賄請降給平南將軍向之孝緩攻因得內修守禦告急於福建耿逆藩救兵大至眾寡不敵血戰竟日歿於陣事

聞

欽賜卹典給祭葬費贈官廕子如制順德縣志署守備象乾子

總鄧材把總黃良羅華等亦以討進忠死清一統志

杜嶠以部劄從征署廉州乾體營遊擊康熙十四年秋西逆破廉抗節被殺廕子弟一人卹銀一百五十兩郝志

文天壽

陝西安塞人由將材授左翼鎮標中軍遊擊康熙十五年領兵守江門賊孫楷宗誘以叛天壽叱曰背主不忠吾錚錚丈夫豈鼠輩可脅哉遂被殺沉屍海中十九年

遣官致祭贈廕有加

侯進學

廉州鎮遊擊康熙十六年西逆突犯廉城抗節不屈遂遇害贈副將卹銀四百兩

陳璠京衛人起家武進士授順德鎮標中營遊擊

康熙十九年海寇謝昌作亂璠率舟師禦賊戰死

子祭葬廕卹俱同上

陳誥字禹夫福建侯官人康熙二十二年以功加

左都督任欽州營遊擊時亂後兵驕恩威互用謹斥候時簡閱紀律森嚴兵戢民懷尤敬禮儒生捐貲修學宮躬親督理有古儒將風在欽十六年擢廣西永安參將以病乞休歸至龍川道卒祀名宦

廉州府志

董三策江寧人康熙癸丑武進士萬州遊擊奉檄勦賊定安轉戰百餘里所向無前遂恢復縣城恃勇復深入黎洞中毒矢死一統志

吳錫綬字紫卿會稽人順治中舉武進士為羅定都司時平樂久為賊踞錫綬從撫蠻將軍傅宏烈

集兵恢復五戰五捷直抵平樂賊吳世琮擁眾猝至決潯水以截援師錫綬奮力鏖戰糧盡矢絕自刎以殉從死者數百人

詔贈昭武將軍大清一統志

謹案雷州府志吳錫綬浙江山陰人康熙

七年以武進士任遂溪營守備治軍有法

修理海汛墩墩營房寨卡兵無敢侮民以

獲安西海接壤石城北連西粵樹林陰翳

向為盜藪錫綬招民闢榛蕪植土物分兵

屯戍盜無所伏以功陞雷協左營都司遂

人為建生祠于縣之準提閣故址名曰永

思庵事蹟與一統志所載不同核其出身

年次疑卽一人故附于此備考

馬之迅字敏仲長治人順治中授福建守備遷廣東都司僉書俱有平寇功再遷彝陵遊擊吳三桂反州寇集城下之迅拒守間出奇兵擊之追殺數十里之迅亦被創卒

詔贈昭勇將軍大清一統志

王福字近山杞縣人善騎射初任千總從征曹縣榆園累立戰功歷廣東水師都司康熙七年與海寇力戰死之

賜祭葬子鎮國襲雲騎尉大清一統志

朱鴻祚陝西人潮州都司僉書康熙十六年守東莞石龍鎮軍令明肅後征海寇力戰歿於陣優卹錄廕仍給口糧護喪歸鄉大清一統志

蕭萬奇臨武人康熙中授廣東虎門協左營都司巡沙亭遇海寇戰死贈遊擊

賜祭葬大清一統志

徐飛雲南人武舉任雷州協鎮右營都司康熙十七年賊阻南渡進逼郡城消息阻隔協鎮潘拱辰遶勇毅者四出招撫以孤賊勢飛應命往入賊巢諭禍福賊皆解散所竊據地以次收復民咸賴之雷州府志
高有功蕪水人康熙中署廣東虎門協右營都司

征海寇戰死事聞賜廕

賜祭葬大清一統志

蔡俊封川城守備順治十三年結連猺人勦賊山寇各赴隣境投誠民賴安堵爲建生祠于縣治門左採訪冊

潘昭康熙元年任那扶管守備時那扶新設昭至卜地建營始卜曰此利將不利兵卜他所又曰此利兵不利將昭曰兵利即將利矣遂築營既而水東賊鄭亞十等劫邑之老君堂村昭請兵破之賊黨潰散官兵有匿被擄子女者昭憤然曰賊之爲害正苦此擄掠耳今若此與賊何異乃搜各營出所匿悉還其家三年卒于官軍民勸借資殯殮設木主祀于甘露寺恩平縣志
翟永昌山西人由將材授廣東開建守備康熙十五年西逆圍肇慶永昌至高要縣大運設營至率先摧鋒矢盡被殺

詔贈都司僉書廕子給祭葬恩平縣志

馮俊山東籍官順德鎮標中營守備康熙十九年謝昌之亂聞陳璠戰死赴救死之祭葬廕卹一如璠時新城王起龍順德岑嗣恪東莞黃德貴並隸虎門協夙以忠勇相許皆屏力血戰死各贈廕如例廣州府志

張二以千總守龍山與把總劉忠同戰死廕一子
卹白金百兩郡志

謹案張二與劉忠郝志謂其籍貫莫稽然
其為廣東之官則顯著矣故仍郝志之舊
錄之

羅文舉福建永定人開建營千總奉總督金光祖
檄督勦廣西屢立戰功擢梧肇守備福建通志康熙十
四年寇犯藤縣奉調應援奮勇殺賊陷陣死事

詔贈官子祭給葬銀三百兩官其子一人廣西通志

劉忠康熙十三年由撫標戰兵補把總守禦南海
龍山殺賊陣亡廕一子卹白金百兩郡志

黃勝湖廣人康熙十三年西賊煽動總督金光祖
剖授電白營把總二十年冬海寇犯山後港勝領
六哨船衝鋒迎戰遇伏起被殺二十五年
遣官祭之

宋登喬籍貫無稽駐防曲江順治四年叛兵簡信
等圍城登喬與參將李美等出戰屢勝後以先登
陣亡俱同上

廣東通志卷二百六十一終

廣東通志卷二百六十二

諳宦錄一 宋至唐

何長瑜 劉世龍

王義方 韓琰

唐臨 李臯

高戩 竇孝謹

李昭德 魏元忠

章承慶 桓彥範

敬暉 張柬之

袁恕已 閻邱均

姚紹之 盧季恂

盧怡 許遠

李樂 呂溫

田綰 楊茂謙

孫平子 李邕

盧龍子 李泳

薛愿 王昊

王旭 齊澣

趙令則 裴朋張桓正朝 宋昱 孟

韋蘭韋芝 崔器

韋子春 吉溫貞錫

羅希奭 杜位

| | | | |
|-----|-----|----|----|
| 蘇端 | 崔伯陽 | 嚴向 | 李煜 |
| 劉長卿 | 包佶 | | |
| 韓會 | 常袞 | | |
| 房孺復 | 薛邕 | | |
| 楊炎 | 袁高 | | |
| 趙縱 | 盧杞 | | |
| 白志貞 | 嚴某 | | |
| 元琇 | 王仲舒 | | |
| 裴瑾 | 韋執誼 | | |
| 李侂 | 凌準 | | |
| 李康 | 滑渙 | | |
| 董重質 | 崔太素 | | |
| 宋景 | 渾鎬 | | |
| 韋觀 | 韓愈 | | |
| 張圓 | 劉禹錫 | | |
| 邵同 | 皇甫鉉 | | |
| 獨孤朗 | 李紳 | | |
| 王源植 | 竇紉 | | |
| 吳武陵 | 杜元穎 | 崔夔 | |
| 柏耆 | 楊敬之 | | |
| 李甘 | 蘇特 | | |
| 段凝 | 楊嗣復 | | |

| | | |
|-----|-----|----|
| 崔珙 | 李珣 | |
| 李宗閔 | 崔元藻 | |
| 牛僧孺 | 蘇滌 | |
| 王著 | 武易簡 | |
| 李德裕 | 魏劄 | |
| 崔嘏 | 薛元龜 | |
| 張直方 | 鄭亞 | |
| 康季榮 | 柳仲郢 | |
| 盧肇 | 康承訓 | |
| 杜裔休 | 崔沆 | |
| 于琮 | 張昺 | |
| 楊收 | 楊巖 | |
| 蔡京 | 崔福 | 崔貞 |
| 竇滂 | 劉瞻 | |
| 鄭仁表 | 高湜 | |
| 高湘 | 韋保衡 | |
| 崔渾 | 王諒 | |
| 高潯 | 劉崇魯 | |
| 宋 | | |

何長瑜自國侍郎至平西記室參軍臨川王義慶招集文士長瑜嘗于江陵寄書與宗人何勗以韻語序義慶州府僚佐云陸展染白髮欲以媚側室

青青不解久星星行復出輕薄少年遂演之凡人
士並為題目皆加劇言苦句其文流行義慶大怒
白文帝除廣州所統增城合及義慶薨朝士並詣
第敘哀何勗謂袁淑曰長瑜可還也淑曰國喪勿
以流人為念廬陵王紹鎮潯陽以瑜為南中郎行
參軍掌書記之任行至板橋邊暴風溺死南史謝靈運傳

唐

劉世龍并州晉陽人大業末為晉陽鄉長高祖鎮
大原裴寂薦之甚見接待授銀青光祿大夫累遷
太府卿封葛國公貞觀初轉少府監舊唐書劉世龍傳
貴入賈人珠故出署丞廢為民徙嶺南欽州別駕
新唐書劉世龍傳

王義方泗州漣水人少孤貧事母甚謹博通五經
而譽傲獨行初舉明經授晉王府參軍直宏文
館轉太子校書無何坐與刑部尚書張亮交通貶
為詹州吉安丞行至海南舟人將以酒脯致祭義
方曰黍稷非馨義在明德酌水而祭為文曰思帝
鄉而北願望海浦而南浮必也行愆諸已義負前
修長鯨擊水天吳覆舟因忠獲戾以孝見尤四維
霧廓千里安流靈應如響無作神羞時當盛夏風
濤蒸毒既而開霽南渡吉安蠻俗荒梗義方召諸
首領集生徒親為講經行釋奠之禮清歌吹簫登

降有序蠻酋大喜貞觀二十三年改授洹水丞時
張亮兄子皎配流在岷州依義方而卒臨終託以
妻子及致屍還鄉義方使奴負柩令皎妻抱其赤
子乘義方之馬身獨步從而還先之原武葬皎告
祭張亮送皎妻子歸其家而往洹水舊唐書本傳

韓瑗雍州三原人貞觀中累至兵部侍郎永徽六
年遷侍中兼太子賓客時高宗欲廢王皇后瑗涕
泣陳帝不納明日又諫帝大怒促令引出尋而尚
書左僕射褚遂良以忤旨左授潭州都督瑗復上
疏理之帝竟不納瑗以言不見用憂憤上表請歸
田里詔不許顯慶二年許敬宗李義府希皇后旨
誣奏瑗與褚遂良潛謀不軌更貶遂良為愛州刺
史左授瑗振州刺史四年卒官明年長孫無忌死
敬宗等又奏瑗與無忌通謀遣使殺之及使至瑗
已死更發棺驗屍而還藉沒其家舊唐書本傳子孫諱
廣州新唐書本傳

唐臨字本德新唐書本傳京兆長安人永徽中歷兵部
度支吏部三尚書顯慶四年坐事貶為潮州刺史
新唐書作坐免官起為潮州刺史
於世舊唐書本傳卒年六十所撰冥報記二卷行
李臯字子蘭曹王明元孫上元初拜衡州刺史坐
小法貶潮州刺史子道古登進士第便佞巧宦早

昇朝籍元和十三年為宗正卿薦山人柳泌以媚

於上穆宗在東宮扼腕其事及居喪責授道古循

州司馬終以服丹藥斃血而卒舊唐書本傳

高叡張說配流欽州時叡謫長史與之交厚別後

卒于端州說復賦詩悲感黃志

竇孝謙刑部尚書誕之子昭成順聖皇后父也則

天時歷太常少卿潤州刺史長壽二年后母寵氏

被誣吏所陷誣與后咒詛不道孝謙左遷羅州司

馬而卒子希城希球希權並流嶺南舊唐書竇德明傳

李昭德雍州長安人擢明經累官御史中丞永昌

初坐事貶振州陵水尉還為夏官侍郎新唐書本傳

魏元忠宋州宋城人也為洛陽令陷周興獄免死

配流貴州聖歷元年召校侍御史又為來俊臣侯

思正所限再流嶺表復還授御史中丞中宗在春

宮時元忠檢校太子左庶子時張易之昌宗權盛

元忠奏則天曰臣承先帝顧眄受陛下厚恩不徇

忠死節使小人得在君側臣之罪也則天不悅易

之昌宗由是含怨因則天不豫乃譖元忠與司禮

丞高叡潛謀曰主上老矣吾屬當挾太子而令天

下則天惑其言乃下元忠詔獄令殿前參對反復

不決昌宗又引張說合執證說偽許之及則天召

說驗問說確稱元忠實無此說則天乃悟貶授端

州高要尉舊唐書本傳

韋承慶字延休鄭州陽武人自天授以來三掌天

官選事銓授平允海內稱之坐附推張易之弟昌

宗失實舊唐書本傳神龍元年二月甲寅貶高要尉唐書中宗紀

桓彥範字士則新唐書本傳潤州曲阿人按新唐書長

安四年為司刑少卿是歲冬則天不豫張易之與

弟昌宗入閣侍疾潛圖逆亂桓彥範及中臺右丞

敬暉等建策誅之神龍元年太子即位彥範以功

加銀青光祿大夫拜納言賜勳上柱國封譙郡公

時章皇后既干朝政德靜郡王武三思又居中用

事以則天為彥範等所廢常深憤怨又慮彥範等

漸除武氏乃先事圖之二年光祿卿駙馬都尉王

同皎以三思與韋氏姦通潛謀誅之事洩為三思

誣構言同皎將廢皇后韋氏彥範等通知其情乃

貶彥範為龍州司馬秋又長流灑州令周利貞就

嶺外矯制殺之舊唐書本傳

敬暉字仲煜新唐書本傳絳州太平人按新唐書長安

三年拜中臺右丞加銀青光祿大夫神龍元年以

誅張易之昌宗功加金紫光祿大夫擢拜侍中賜

爵平陽郡公尋進封齊國公天后崩暉等以唐室

中興武氏諸王咸宜降爵上章論奏於是諸武降

為公武三思怒鄭愔素被暉等廢黜因令上表陳

其罪狀中宗貶暉岷州司馬員外置按新唐書云

州暉到岷州又為周利貞所殺舊唐書

張柬之字孟將襄陽人長安中同鳳閣鸞臺平章

事未幾遷鳳閣侍郎仍知政事及誅張易之兄弟

柬之首謀中宗即位以功封漢陽郡王尋為武三

思所構貶授新州司馬舊唐書又流瀧州憂憤卒

年八十二新唐書

袁恕已滄州東光人長安中歷遷司刑少卿兼知

相王府司馬事敬暉等將誅張易之兄弟恕已預

其謀議又從相王統率南衙兵仗以備非常及事

定加銀青光祿大夫行中書侍郎同中書門下三

品封南陽郡王則天崩舊唐書中宗詔貶竇州司

馬敬暉傳又流環州為周利貞所逼恕已素餌黃

金至是飲野葛數升不死乃擊殺之新唐書

閻邱均益州成都人以文章著稱景龍中為安樂

公主所薦起家拜太常博士而公主被誅均坐貶

為循州司倉卒有集十卷舊唐書

姚紹之湖州武康人初以鸞臺典儀累遷監察御

史中宗時擢左臺侍御史坐職五百萬法當死韋

后女弟救請故減死貶瓊山尉新唐書

盧季恂前守復州刺史以罪貶恩州司馬欽定全

唐文

盧怡為御史中丞以罪貶潮州司馬員外置唐大

元宗

許遠杭州鹽官人舊唐書右相敬宗會孫寬厚長

者明吏治初客河西章仇兼瓊辟署劔南府欲以

子妻之固辭兼瓊怒以事劾貶高要尉更赦還新

唐書

李樂貶遵化尉詔曰陳州刺史李樂詐盜受贓其

數甚廣法司斷死國有常刑時屬發生特申寬典

宜免死貶為欽州遵化尉員外置長任唐大詔令

呂溫為太中大夫禮陽長史貶晉康郡端溪縣尉

上同

田綰嘗貶潮州程鄉縣尉代宗朝復檢校尚書駕

部郎中兼御史中丞全唐文小傳

楊茂謙清河人開元初出為魏州刺史河北道按

察使與司馬張懷玉本同鄉曲初善而未隙遂相

紕訐坐貶桂州都督轉廣州都督以疾卒舊唐書

孫平子伊闕人開元五年上書論躋睿宗非禮為

禮官所軋貶康州都城尉全唐文小傳

李邕字泰和新唐書廣陵江都人元宗清內難召

拜左臺殿中侍御史改戶部員外郎又貶崖州舍

城丞復為陳州刺史十三年元宗車駕東封迴邕

於汴州謁見累獻詞賦甚稱上旨由是頗自矜術

目云當居相位張說為中書令甚惡之俄而陳州

賊汙事發下獄鞠訊滅死貶為欽州遵化縣尉邕

後於嶺南從中官楊思勗討賊有功又累轉括州

滑三州刺史舊唐書本傳

盧龍子左監門將軍盧龍子唐地文與王毛仲相

倚仗為姦毛仲恃舊最不法開元十九年有詔貶

漢州盧龍子唐地文振州並為別駕員外置新唐書王

毛仲

李泳為鄧州南陽縣令開元二十四年坐擅興賦

役貶康州都城縣尉元龜

薛愿汾陰人其女弟為太子瑛妃瑛廢貶愿嶺外

久乃得還新唐書

謹案堅傳愿後為潁川太守死祿山之難

王昊按新唐書開元二十四年為益州長史劔南節

度使分道經畧以討吐蕃二十六年昊率劔南兵

攻其安戎城吐蕃悉銳以救官軍大敗昊脫身走

免將士及軍糧資仗並沒于賊昊坐左遷括州刺

史初昊之在軍謬賞其子錢帛萬計并檀與紫袍

等所費鉅萬坐是尋又重貶為端州高要尉而死

舊唐書

吐蕃傳

王旭貞觀時侍中珪孫也神龍初為袁州兵曹參

軍累遷左臺侍御史為人苛急少縱貸每治獄囚

皆逆服製獄械率有名曰監駒拔檟積子縣等以

怖下宋王憲官屬紀希虬兄為劔南令坐賊旭奉

使臨親見其妻美逼亂之因殺其夫而納賊數百

萬希虬使奴為臺傭事旭旭不知頗愛任之奴盡

疏旭請求積數千以示希虬希虬泣訴于王王為

上聞詔劾治獲姦賊不貲貶龍川尉恚而死新唐書本

傳

齊澣字洗心新唐書本傳定州義豐人景雲二年為監

察御史當時以為稱職開元中為給事中遷中書

舍人李元絃杜暹為相用為吏部侍郎當時以為

高選時開府王毛仲寵幸用事與龍武將軍葛萬

順為姻親故北門官見毛仲奏請無不之允皆受

毛仲之惠進退隨其指使澣惡之乘間論之元宗

嘉其誠會大理丞麻察坐事出為興州別駕與

察善出城餞之因語禁中諫語察性諄諳遠以澣

語奏之元宗怒貶高州良德丞舊唐書本傳

趙令則天水人起家幽州薊縣尉敏給強濟聞於

河朔以直道事人忤幽州刺史張守珪貶封川開

建縣丞後官至虢州宏農令獨孤思

裴肅為考官禮部郎中與起居舍人張烜監察御

史宋昱右判拾遺孟正朝天寶二年皆貶官嶺外

時御史中丞張倚男爽考選列首眾知爽不讀書論議紛然元宗大集登科人御花萼樓親試升第者十無一二焉爽手執試紙竟日不下一字謂之

曳白冊府元龜

章蘭為將作少匠與兵部員外郎章芝為其兄堅

訟冤天寶五載七月丙子蘭芝皆貶嶺南資治通鑑

崔器深州平安人有吏才宋渾為東畿採訪使引

為判官渾坐贓流貶嶺南器亦隨貶舊唐書本傳

韋子春天寶八載夏四月著作郎韋子春貶端溪

尉舊唐書元宗紀時咸寧太守趙奉章告李林甫罪狀二

十餘條未上林甫知之諷御史臺逮捕以為妖言

重杖決死舊唐書李林甫傳子春坐厚善貶新唐書李林甫傳

吉溫諂詭能詔事人李林甫引之於門為京兆府

士曹擢戶部郎中常帶御史楊國忠入相素與溫

交通追入為御史中丞充京畿關內採訪處置使

十三載正月祿山入朝充閑廐使因奏加溫武部

侍郎兼御史中丞充閑廐苑內營田五坊等副使

時楊國忠與祿山嫌隙已成溫轉厚於祿山國忠

又忌之其冬章陟入奏於華清宮廣載河東土物

饋於溫國忠諷評事吳豸之使鄉人告之召付中

書門下對法官鞠之陟伏其狀貶桂嶺尉溫澧陽

長史溫判官貞錫新興尉明年溫又坐贓七千匹

及奪人口馬奸穢事發貶端州高要尉溫至嶺外

遷延不進依於張博濟止於始安郡八月遣大理

司直蔣沆鞠之溫死於獄中博濟及始安太守羅

希夷死於州門舊唐書本傳

謹案楊國忠傳云國忠又奏貶吉溫於合

浦以激怒祿山本傳祇云貶桂嶺貶高要

未及合浦疑有舛漏

羅希夷杭州人家洛陽鴻臚少卿張博濟堂外甥

為吏持法深刻天寶初右相李林甫引與吉溫持

獄自御史臺主簿再遷殿中侍御史皆與溫銀鍊

時稱羅銜吉網李林甫卒出為中書始安二太守

仍充當管經畧使十四載以張博濟吉溫章陟韋

誠奢李從一貞錫等流貶皆於始安希夷或令假

攝右相楊國忠奏遣司直蔣沆往按之降敕貶海

康尉舊唐書本傳

杜位襄陽人右拾遺甫之從子至德中與甫同在

嚴武幕中後貶新州還為夔府司馬歷司勳員外

郎全唐文小傳欽定

蘇端比部郎中性疎狂楊綰薨詔贈司徒太常初

謚文貞詔改文簡端嫉其賢乃肆毀黷異同其議

上怒貶端為廣州按新唐書員外司馬舊唐書

崔伯陽乾元二年鳳翔府七坊押官先行剽劫州

楊炎字公南鳳翔人釋褐辟河西節度掌書記徵拜起居舍人辭祿就養岐下丁憂廬於墓前號泣不絕聲有紫芝白雀之祥服闋起為司勳員外郎改兵部轉禮部郎中知制誥遷中書舍人樂賢下士以汲引為已任人士歸之德宗即位聞其名拜銀青光祿大夫門下侍郎同平章事時天下財賦進八大盈庫以公賦為人君私藏二十年矣炎於上前論之詔歸左藏庫一用舊式片言移主意議者以為難租調庸之法綱目大壞炎作兩稅法輕重之權始歸於朝廷救時之弊頗有嘉聲蒞事數月遂獨當國政專意報復恩讎感元載恩專務行載舊事大厯末載議請城原州未行炎牒涇原節度使段秀實令為之秀實請待農隙炎怒徵秀實為司農卿以邠寧別駕李懷光居前督作詔下涇軍怒懷光法令嚴峻頻殺大將涇州神將劉文喜因人怨怒拒不受詔上疏復求秀實為帥人情駭動上皆不省初載得罪劉晏訊劾之炎既構晏之罪貶官又用庾準為荆南節度使諷令誣晏以忠州叛殺之李正已上表請晏之罪炎懼遣腹心分往諸道聲言宣慰而意實說誘言晏之得罪上自惡之或密奏上自此德宗有意誅炎矣乃擢盧杞為門下侍郎同平章事杞無文學儀貌寢陋炎惡

而忽之每託疾息於他閣不會食杞亦恨之杞尋引嚴郢為御史大夫郢與炎有隙炎子宏業不肖多犯禁受賂請託郢按之兼得其他過上怒謫岷州司馬同正仍馳驛發遣去岷州百里賜死年五十五舊唐書本傳

袁高字公頤恕已之孫代宗朝累官至給事中御史中丞建中二年擢為京畿觀察使以論事失旨貶潮州長史舊唐書本傳

謹案新唐書作詔州刺史

趙縱為太僕卿建中三年正月為奴當千發其陰事縱下御史臺貶循州司馬當千杖殺舊唐書張彥傳

盧杞字子良故相懷慎之孫居相位忌能妬賢奉天之奔播職杞之由故天下無賢不肖視杞如讐德宗在奉天為朱泚攻圍李懷光自魏縣赴難或謂王伾趙贊曰懷光累欵憤以為宰相謀議乖方懷光勲業崇重聖上必開襟布誠詢問得失使其言入豈不殆哉伾贊白於杞杞大駭懼從容奏使懷光乘勝進收京城帝然之乃詔懷光率眾屯便橋克期齊進懷光大怒遂謀異志德宗方悟為杞所構舊唐書本傳建中四年十二月貶為新州司馬舊唐書本傳

白志貞本名瑋珪故太原吏也累擢司農卿在官

十年德宗以爲敏遜倚腹心進授神策軍使賜今
名有所建白善窺億帝指故言無不從從符奉天
以爲行在都知兵馬使懼李懷光暴其惡乃與趙
贊盧杞等抑懷光不使朝懷光反論斥其姦新唐書本
傳建中四年十二月貶恩州司馬舊唐書德宗紀
嚴某字某馮翊臨晉人天寶中歷官至國子司業
建中時宰政怙威朋家構閔某以親累貶潮州司
戶尋推連州刺史換郴州累加朝議大夫封馮翊
縣男貞元八年卒欽定全唐文穆員嚴公墓誌銘
元琇貞元二年判度支以關輔早儉請運江淮租
米以給京師上以韓滉浙江東節度素著威名加
江淮轉運使欲令專督運務琇以滉性剛愎難以
集事乃條奏滉督運江南米至揚子凡十八里揚
子以北皆琇主之滉深怒琇琇以京師錢重貨輕
切疾之乃於江東監院收獲見錢四十餘萬貫令
轉送入關滉不許乃誣奏云運千錢至京師費錢
至萬於國有害請罷之上以問琇琇奏曰一千之
重約與一斗米均自江南水路至京一千之所運
費三百耳豈至萬乎上然之遣中使齎手詔令運
錢滉堅執以爲不可舊唐書韓滉傳其年秋江淮漕米大
至京師德宗嘉滉功舊唐書崔造傳十二月加滉度支諸
道轉運鹽鐵等使遂遲宿怒累誣奏琇貶雷州司

戶舉朝以爲非罪多竊議者給事袁高又抗疏申
理之滉誣以朋黨寢而不行舊唐書韓滉傳琇後坐私人
廣州賜死新唐書劉晏傳
王仲舒字宏中并州祁人按舊唐書作太原人貞元中賢良
方正高第拜左舊唐書拾遺德宗欲相裴延齡與
陽城文章言不可後入閣帝顧宰相指曰是豈王
仲舒耶俄改右補闕遷禮部考功員外郎奏議詳
雅省中伏其能坐累爲連州司戶參軍再徙荆南
節度參謀新唐書本傳
裴瑾謫循州爲佐揆會赦量移吉州長史新唐書故萬年
令裴府君墓碣
韋執誼京兆舊族也幼有才及進士第年踰冠入
翰林爲學士便敏側媚得幸於德宗順宗立王叔
文用事乃擢爲尙書左丞同中書門下平章事及
憲宗受內禪流叔文貶執誼爲崖州司戶參軍舊唐書書王叔文傳始未顯時不喜人言嶺南州縣既爲
郎嘗詣職方觀圖至嶺南輒瞑目命左右撤去及
爲相所坐堂有圖不就省既易旬試觀之唯州圖
以爲不祥惡之果貶死新唐書本傳
李仲貶雷州海康縣尉唐大詔令憲宗詔
凌準王叔文密結當代知名之士而欲僥倖速進
者與韋執誼陳諫劉禹錫等十數人定爲死交凌

準又因其黨以進叔文既逐舊唐書于叔文傳自翰林學

士貶連州司馬死于貶所新唐書王伍傳

李康劔南東川節度使元和元年五月壬申貶為

雷州司馬舊唐書憲宗紀

滑渙中書小史與知樞密中使劉光琦暱善憲宗

初即位頗竊朝權舊唐書李吉甫傳凡宰相議為光琦持

異者是渙請嘗得如素宦人傳詔或不至中書召

渙於延英承旨迎附羣意即為文書宰相至有不

及知者由是通四方賂謝弟泳官至刺史鄭餘慶

當國嘗一責怒數日即罷去吉甫請間劾其姦帝

使籍渙家得資數千萬新唐書李吉甫傳元和元年九月

貶為雷州司戶冊府元龜

董重質本淮西牙將吳少誠之子婿也性勇悍識

軍機善用兵及元濟拒命重質又為謀主李愬既

擒元濟重質之家在蔡愬乃安郵之仍使其子持

書禮以名重質重質慨然以單騎歸愬白衣叩伏

愬揖登堦以賓禮與之食憲宗欲殺之愬奏許以

不死而來降請免之於是貶春州司戶參軍舊唐書本傳

愬上表請恕重質賜之堪於軍前驅使即詔徵

還賜武寧軍愬乃署為牙將舊唐書李晟傳

崔太素仕至雲陽令謫南海元和元年移信州新唐書崔君基傳

宋景元和十二年貶為韶州司馬元龜

渾鎬渾瑊第二子歷延唐新唐書二州刺史軍政

吏職有可稱者元和中諸道出師討王承宗屬義

武軍節度使任迪簡病不能軍以鎬藉父威名足

以鎮定乃以鎬檢校右散騎常侍充義武軍節度

副使代迪簡為節度使元和十一年冬賊分兵潛

入定州界焚燒驅掠鎬師徒殆喪其半坐貶韶州

刺史後代州刺史韓重華奏收得鎬供軍錢絹十

餘萬貫匹再貶循州刺史歲餘卒舊唐書

韋觀諱潘州全唐詩李明遠送韋觀諱潘州詩

水嶺外向潘州草木春秋暮後條日夜愁定知遙客淚

韓愈字退之昌黎人按新唐書作鄧州南陽人登進士第授四

門博士轉監察御史德宗晚年政出多門宰相不

專機務宮市之弊愈嘗上章數千言極論之不聽

怒貶為連州陽山令元和初召為國子博士累遷

考功郎中知制誥拜中書舍人改太子右庶子十

二年八月宰臣裴度為淮西宣慰處置使兼彰義

軍節度使請愈為行軍司馬淮蔡平以功授刑部

侍郎十四年正月上令中使杜英奇迎佛骨入大

內畱禁中三日愈上疏諫疏奏憲宗怒甚將加極

法裴度崔羣奏乞稍賜寬容國戚諸貴亦因事言

之乃貶為潮州刺史愈至潮陽上表曰臣今年正

月十四日蒙恩授潮州刺史即日馳驛就路經涉
嶺海水陸萬里臣所領州在廣府極東去廣府雖
云二千里然來往動皆踰月過海口下惡水濤瀧
壯猛難計期程颶風纏魚患禍不測州南近界漲
海連天毒霧瘴氣日夕發作臣少多病年纔五十
髮白齒落理不久長加以罪犯至重所處又極遠
惡憂惶慙悸死亡無日單立一身朝無親黨居蠻
夷之地與魍魅同羣苟非陛下哀而念之誰肯爲
臣言者臣受性愚陋人事多所不通唯酷好學問
文章未嘗一日暫廢實爲時輩推許臣於當時之
文亦未有過人者至於論述陛下功德與詩書相
表裏作爲歌詩薦之郊廟紀太山之封縷白玉之
牒鋪張對天之宏休揚厲無前之偉績編於詩書
之策而無愧措於天地之間而無虧雖使古人復
生臣未肯多讓伏以大唐受命有天下四海之內
莫不臣妾南北東西地各萬里自天寶之後政治
少懈文致未優武剋不綱孽臣姦隸外順內悖父
死子代以祖以孫如古諸侯自擅其地不朝不貢
六七十年四聖傳序以至陛下躬親聽斷干戈所
麾無不從順宜定樂章以告神明東巡泰山奏功
皇天使永永萬年服我成烈當此之際所謂千載
一時不可逢之嘉會而臣負罪嬰釁自拘海島戚

戚嗟嗟日與死迫會不得奏薄伎於從官之內隸
御之間窮思畢精以贖前過懷痛窮天死不閉目
瞻望宸極魂神飛去伏惟陛下天地父母哀而憐
之憲宗謂宰臣曰昨得韓愈到潮州表因思其所
諫佛骨事大是愛我我豈不知然愈爲人臣不當
言人主事佛乃年促也我以是惡其容易上欲復
用愈故先語及觀宰臣之奏對而皇甫鎛惡愈猶
直恐其復用率先對曰愈終太狂疎且可量移一
郡乃授袁州刺史初愈至潮陽詢民疾苦皆曰郡
西湫水有鱷魚食民畜產將盡愈令判官炮一豚
一羊投之湫水咒之夕有暴風雷起於湫中數日
湫水盡固徙於舊湫西六十里自是潮人無鱷患
舊唐書
本傳
張圓字直之嘗讀書爲文辭有氣有吏才初舉進
士再不第因去事宣武軍節度使得官至監察御
史坐事貶嶺南再遷至河中府法曹參軍進攝絳
州刺史能開朝廷韓愈故河中府法
曹張君墓銘銘
劉禹錫字夢得彭城人貞元九年擢進士第精於
古文善五言詩今體文章復多才屢爲監察御史
與吏部郎中章執誼相善貞元末王叔文於東宮
用事後輩務進多附麗之禹錫尤爲叔文知獎以
宰相器待之順宗卽位禁中文誥皆出於叔文引

禹錫及柳宗元入禁中與之圖議言無不從禹錫任喜怒凌人京師人士不敢指名道路以目號二

王劉柳叔文敗坐貶連州刺史在道貶朗州司馬

元和十年召還復出為連州刺史舊唐書本傳

上表臣某言伏奉去年三月七日制授臣使持節

連州刺史某言伏奉去年三月七日制授臣使持節

澤州刺史某言伏奉去年三月七日制授臣使持節

領首頓首臣性本愚拙謬學文詞幸遇休明累登

科第出身入仕並不因德宗臨幸之遇臣明累登

史陛下龍飛之日臣忝蒙非曲求所以職事修業

枉無路自明亦緣虛名非才所以職事修業

口語廣肆加誣伏願陛下聖恩察之

坐受佐讀審量易星霜頻經恩命追赴上郡隨

匪辜准讀審量易星霜頻經恩命追赴上郡隨

劉受官俸居遠郡在臣之分榮幸已多代荷陛下

孝理去深恩移臣善郡光榮廣被母子再生凡在

人因皆感聖德凡為人子皆荷聖恩豈能忘前

且聞解網感帝有哀于少女妾命罷刑方之聖朝

不足多尚感名和氣慰安羣生非臣願越所能上

報伏以道不敢停雷即今月中十一日到州上訖

失策在道不敢停雷即今月中十一日到州上訖

謹宣聖旨以示遠人恭述詔條

所期安復無任感恩懇關之至

邵同貶連州司馬制曰勅朝議大夫守衛州刺史

兼御史中丞邵同寵在專城職當守土不承制命

擅赴闕廷違越詔條叛離官次將懲慢易宜舉憲

章可連州司馬仍馳驛發遣白居易

明年遂同中書門下平章事猶領度支縛以吏道

進既由聚斂句剝為宰相至雖市道皆嗤之崔羣

裴度以聞帝不聽度乃表罷政事極論縛姦邪苛

刻其辭切至帝反以度為朋黨不內其言縛乃益

以巧媚自固穆宗在東宮聞其姦妄始聽政集羣

臣於月華門貶縛嵯州司戶參軍死其所新唐書

獨孤朗字用晦河南洛陽人由處士辟署江西宣

歛浙東三府元和中擢右拾遺忤憲宗意貶興元

戶曹參軍久乃拜殿中侍御史兼史館修撰坐與

李景儉飲景儉使酒慢宰相出為詔舊唐書州刺

史召還再遷諫議大夫新唐書

李紳字公垂世宦南方客潤州元和初擢進士第

穆宗時為戶部侍郎李逢吉欲陷之會敬宗立逢

吉使王守澄從容奏言先帝始議立太子杜元穎

李紳勸立深王獨宰相逢吉請立陛下請逐之帝

初即位不能辨乃貶紳為端州司馬按舊唐書敬

四年韋處厚屢言紳枉後天子於禁中得先帝手絨

書一笥發之見裴度元穎紳三疏請立帝為嗣始

大感悟悉焚逢吉黨所上諉書始紳南逐歷封康

閒湍瀨險澁惟乘漲流乃濟康州有媪龍祠舊傳

能致雲雨紳以書禱俄而大漲寶歷赦令不言左

降官與量移處厚執爭詔為追定得徙江州長史

遷滌壽二州刺史武宗時拜中書侍郎同中書門下平章事新唐書本傳

王源植寶曆元年貶韶州司馬獨孤明而陳其屈不得請凡五上疏敬宗不許李肇國史補

竇紉京兆始平人易直子仕至渭南尉集賢校理妻父王涯被禍宦官知易直子得不死貶循州司戶參軍新唐書寶曆直傳

吳武陵信州人元和初擢進士第淮西吳少陽聞其才遣客鄭平邀之不答俄而少陽子元濟叛會

裴度東討而韓愈為司馬武陵告愈曰今西北王師所在氣黃白喜象也敗氣為賊不閱六十日賊必亡奇譎類如此太和初禮部侍郎崔郾試進士

東都武陵獻杜牧所賦阿房宮請曰牧方試有司以第一人處之郾謝已得其人至第五郾未對武

陵勃然曰不爾宜以賦見還郾曰如教牧果異等後出為韶州刺史以賦貶潘州司戶參軍卒新唐書本傳

武陵有史學與劉軻並以史才直史館武陵撰十三代史駁議二十卷舊唐書吳汝納傳

杜元穎鎮蜀州其斂刻削工作無虛日軍民嗟怨流聞於朝太和三年南韶蠻攻陷戎嶺等州徑犯

成都蠻首領箋願遣人上表曰蠻軍比修職貢遠敢侵邊但杜元穎不恤三軍令入蠻疆作賊移文

報彼都不見信故蜀部軍人縱為鄉導蓋蜀人怨苦之深祈我此行誅虐帥也誅之不遂無以慰蜀士之心願陛下誅之監軍小使張士謙至備言元穎之咎坐貶循州司馬判官崔璜連州司馬以佐元穎無狀也六年卒於貶所舊唐書本傳

柏耆自處士授左拾遺太和初遷諫議大夫李同捷叛兩河藩帥加兵滄德宿師於野連年舊唐書本傳乃授耆德州行營會計使與判官沈亞之諭旨會

橫海節度使李祐平德州新唐書本傳同捷窮蹙求降耆既宣諭訖與節度使李祐謀帥數百騎入滄州取同捷赴京舊唐書本傳謀言王庭湊欲以奇兵劫同捷者遂斬同捷首以獻新唐書本傳滄德平諸將害耆邀功爭上表論列文宗不獲已貶循州司戶內官

馬國亮又奏耆於同捷處取婢九人再命長流愛州尋賜死舊唐書本傳

楊敬之字茂孝虢州宏農人元和初擢進士第累遷屯田戶部二郎中坐李宗閔黨貶連州刺史新唐書本傳

李甘字和鼎長慶末進士擢第太和初累官至侍御史鄭注求入中書甘唱於朝曰宰相者代天理物先德望而後文藝注乃何人敢茲叨竊白麻若出吾必壞之相注之事竟寢李訓不獲已貶甘封

御史鄭注求入中書甘唱於朝曰宰相者代天理物先德望而後文藝注乃何人敢茲叨竊白麻若出吾必壞之相注之事竟寢李訓不獲已貶甘封

御史鄭注求入中書甘唱於朝曰宰相者代天理物先德望而後文藝注乃何人敢茲叨竊白麻若出吾必壞之相注之事竟寢李訓不獲已貶甘封

御史鄭注求入中書甘唱於朝曰宰相者代天理物先德望而後文藝注乃何人敢茲叨竊白麻若出吾必壞之相注之事竟寢李訓不獲已貶甘封

御史鄭注求入中書甘唱於朝曰宰相者代天理物先德望而後文藝注乃何人敢茲叨竊白麻若出吾必壞之相注之事竟寢李訓不獲已貶甘封

御史鄭注求入中書甘唱於朝曰宰相者代天理物先德望而後文藝注乃何人敢茲叨竊白麻若出吾必壞之相注之事竟寢李訓不獲已貶甘封

州司馬舊唐書本傳 終于貶所新唐書本傳

蘇特太和九年秋七月癸亥貶殿中侍御史蘇特

為潘州司戶舊唐書文宗紀

段嶷自鄭滑節度使入為右金吾衛大將軍封西

平郡公甘露之變嶷當誅裴度奏忠臣後宜免死

貶循州司馬新唐書段秀實傳

楊嗣復字繼之擢進士博學宏辭開成初與李珣

並拜同中書門下平章事帝免賈夷行相而嗣復

專天下事未幾帝崩中尉仇士良廢遺詔立武宗

帝之立非宰相意故內薄執政臣不加禮自用李

德裕而罷嗣復為吏部尚書出為湖南觀察使會

誅薛季稜鉗宏逸中人多言嘗附嗣復珣不利於

陛下帝即詔中使分道誅嗣復等德裕與崔郾崔

珙等詣延英言故事大臣非惡狀明白未有誅死

者願徐思其宜使天下知盛德有所容帝曰為卿

救之因追使者還貶嗣復湖州刺史按武帝紀刺史作司馬

宣宗立起為江州刺史以吏部尚書召道岳州卒

年六十六新唐書本傳

崔珙博陵安平人性威重尤精吏術太和中檢校

工部尚書徐州刺史兼御史大夫充武寧軍節度

徐泗濠觀察使會昌初李德裕用事與珙親厚累

遷戶部侍郎充諸道鹽鐵轉運等使尋以本官同

中書門下平章事素與崔鉉不叶及李讓夷引鉉

輔政代珙領使務乃倚撫珙領使日妄破宋滑院

鹽鐵錢九十萬貫文又言珙嘗保護劉從諫坐貶

澧州刺史再貶恩州司馬宣宗即位以赦還為太

子賓客舊唐書本傳

李珣字待價趙郡人進士擢第太和五年入翰林

充學士開成三年楊嗣復輔政薦珣以本官同平

章事武宗即位之年九月與楊嗣復俱罷相出為

桂州刺史桂管觀察使舊唐書本傳 會昌元年三月貶

端州司馬舊唐書武宗紀

李宗閔字損之宗室鄭王元懿之後太和二年為

吏部侍郎三年以本官同平章事凡德裕之黨皆

逐之七年德裕作相六月罷宗閔知政事檢校禮

部尚書同平章事興元尹山南西道節度使文宗

復召於興元為中書侍郎平章事既再得權位尤

恣所欲京兆尹楊虞卿得罪宗閔極言救解文宗

怒叱之曰爾嘗謂鄭覃是妖氣今作妖迺爾耶

翌日貶明州刺史尋再貶處州長史舊唐書本傳 李訓

鄭注劾宗閔異時事乃貶潮州司戶參軍開成初

楊嗣復輔政與宗閔善擢杭州刺史新唐書本傳

崔元藻澧人吳汝納者韶州刺史武陵兄子也武

陵坐賊貶潘州司戶參軍死汝納家被逐久不調

時吉甫任宰相汝納怨之後遂附宗閔黨中會昌
 時為永寧尉弟湘為江都尉部人訟湘受賊狼籍
 身娶民顏悅女李紳使觀察判官魏錡鞠湘罪明
 白論報殺之時議者謂吳氏世與宰相有嫌疑紳
 織成其罪諫官屢論列詔遣御史崔元藻覆按元
 藻言湘盜用程糧錢有狀娶部人女不實按悅嘗
 為青州衙推而妻王故衣冠女不應坐李德裕惡
 元藻持兩端奏貶岷州司戶參軍宣宗立擢元藻
 武功令新唐書
 牛僧孺字思黯隋僕射奇章公宏之後進士擢第
 寶曆中以檢校禮部尚書同中書門下平章事舊唐書
 會昌元年遷太子少保進少師明年以太子
 太傅留守東都劉稹誅而石雄軍吏得從諫與僧
 孺李宗閔交結狀又河南少尹呂述言僧孺聞稹
 誅恨歎之武宗怒黜為太子少保分司東都累貶
 循州長史新唐書
 蘇滌會昌六年二月貶為連州刺史滌李宗閔黨
 前自給事中為德裕所斥累年郡守至是李紳言
 其無政故也舊唐書
 王著貶端州司戶參軍杜牧集
 武易簡貶崖州司戶參軍同上
 李德裕字文饒趙郡人父吉甫元和初宰相德裕

避嫌不仕穆宗即位召入翰林充學士李逢吉之
 黨深惡之出為浙西觀察使凡三鎮浙西前後十
 餘年會昌五年正月武宗即位九月授門下侍郎
 同平章事宣宗即位罷德裕承武宗恩願委以樞
 衡決策論兵舉無遺悔以身扞難功流社稷及昭
 肅棄天下不逞之伍咸害其功白敏中令孤絢在
 會昌中德裕不以朋黨疑之置之臺閣顧待甚優
 及德裕失勢抵掌戟手同謀斥逐而崔鉉亦以會
 昌未罷相怨德裕大中初敏中復薦鉉在中書乃
 相與持搆構致大中元年秋貶潮州司馬明年又
 貶潮州司戶大中二年自洛陽水路經江淮赴潮
 州其年冬至潮陽又貶岷州司戶至三年正月方
 達珠崖郡十二月卒時年六十三德裕以器業自
 負特達不群好著書為文獎善嫉惡位極台輔而
 讀書不輟初貶潮州雖蒼黃顛沛之中猶留心著
 述雜序數十篇號曰窮愁志德裕三子煜檢校祠
 部員外郎沛宋毫觀察判官大中二年坐父貶象
 州立山尉二子幼從父歿於岷州舊唐書德裕頗
 為寒峻開路元和丙申李逢吉下三十三人皆取
 寒素時有語曰元和天子丙申年三十三人同得
 仙袍似爛銀文似錦相將白日上青天及謫官南
 去或有詩曰八百孤寒齊下淚一時回首望岷州

唐推言

魏劄吳汝納之獄朝廷公卿無為辨者惟淮南府

佐魏劄就逮吏使誣引德裕雖痛楚掠終不從竟

貶死嶺外新唐書李德裕傳

崔嘏字乾錫為中書舍人誼士也李德裕之斥坐

書制不深切貶端州刺史同上

薛元龜會昌中李德裕當國用為京兆少尹宣宗

立罷德裕而元龜坐貶岷州司戶參軍新唐書薛元龜傳

張直方范陽人宣宗時為檢校尚書右僕射性暴

率坐以小罪笞殺金吾史改右羽林統軍縱部下

為盜貶康州舊唐書張仲武傳司馬新唐書張仲武傳

鄭亞字子佐元和十五年擢進士第聰悟絕倫文

章秀發李德裕在翰林亞以文干謁深知之出鎮

浙西辟為從事會昌初入為監察御史累遷刑部

郎中五年德裕罷相亞出為桂州刺史御史中丞

桂管都防禦經略使大中二年吳汝納訴冤德裕

再貶潮州亞亦貶循州刺史卒舊唐書鄭政傳

康季榮武寧節度使不恤士卒大中十三年四月

士卒譟而逐之上貶季榮於嶺南資治通鑑

柳仲郢字諡蒙京兆華原人大中十二年為興元

尹山南西道節度使舊唐書柳仲郢傳南鄭令權奕有罪仲

郢杖之六日死貶雷州刺史頃之以太子賓客分

司東都新唐書本傳

盧肇謫連州肇字子發袁州人全唐詩小傳

康承訓字敬辭推門功進累左神武軍將軍宣宗

擢為天德軍防禦使軍中馬乏虜來戰數負承訓

罷冗費市馬益軍軍乃奮張始黨項破射鵬軍洛

源鎮悉俘其人聞承訓威政皆還俘不敢警詔檢

校工部尚書封會稽縣男擢義武節度會南詔破

安南詔徙嶺南西道城邕州合容管經畧使隸之

遂統行營兵馬南詔深入承訓分兵六道出以掩

蠻戰不利謬言大破賊告于朝加檢校尚書右僕

射嶺南東道節度使韋宙白狀宰相承訓慙移疾

授右武衛大將軍分司東都咸通中武寧戍兵反

推寵勛為長游民多從之拜承訓檢校尚書右僕

射義成軍節度使討之凡二歲滅遷檢校左僕射

同中書門下平章事徙節度河東於是宰相路巖

章保衡劾承訓討賊逗撓貪虜獲不時上功貶蜀

王傳分司東都再貶恩州司馬僖宗立授左千牛

衛大將軍卒新唐書康日知傳

杜裔休懿宗時歷翰林學士給事中坐貶端州司

馬新唐書杜佑傳

崔沆崔鉉子登進士第官至員外郎知制誥拜中

書舍人坐事貶循州司戶乾符初復拜舍人舊唐書本傳

傳

于琮字禮用擢第授左拾遺尚廣德公主咸通八

年同中書門下平章事進中書侍郎兼戶部尚書

為韋保衡所構檢校司空山南東道節度使三貶

韶州刺史保衡敗僖宗以太子少傅召未幾復為

山南節度使入拜尚書右僕射新唐書于志寧傳廣德公

主治家有禮法從琮貶潮州侍者纔數人卻州縣

饋遺凡內外冠婚喪祭主皆親答勞疏戚咸得其

心為世間婦新唐書廣德公主傳

張昺字公表河間人會昌四年進士擢第釋褐壽

州防禦判官于琮布衣時客遊壽春郡守待之不

厚昺以琮衣冠子異禮遇之琮將別謂昺曰吾餉

逆旅翁五十千郡將之惠不登其數如何昺方奉

母家貧適得俸絹五十匹盡以遺琮約曰他時出

處窮達交相郵也昺累辟太原掌書記大中朝琮

為翰林學士俄登宰輔判度支召昺為司勳員外

郎判度支尋用為翰林學士承旨咸通末琮為韋

保衡所譴逐昺坐貶封州司馬保衡誅昺量移

入朝為太子賓客遷吏部侍郎京兆尹舊唐書本傳

楊收字藏之同州馮翊人開成末一舉登第累遷

門下侍郎刑部尚書以交趾未復南蠻擾亂請治

軍江西以壯出嶺之師乃於洪州置鎮南軍屯兵

積粟以餉南海天子嘉之收居位稍務華靡頗為

名輩所譏而門吏僮奴倚為姦利八年按懿宗時當是咸通

十月罷知政事檢校工部尚書出為宣歙觀察使

韋保衡作相又發收陰事言前用嚴譔為江西節

度納賂百萬明年八月貶為端州司馬尋盡削官

封長流驪州舊唐書本傳與嚴譔並賜死於路其黨楊

公慶嚴季實楊全益史明廉遂何師元李孟勳馬

全祐李羽王彥復等長流儋崖播等州判官朱佖

常潏間均等配流嶺南舊唐書懿宗紀

楊嚴字稟之會昌四年進士擢第咸通中累遷翰

林學士兄收作相封章請外職拜越州刺史御史

中丞浙東團練觀察使收罷相貶官舊唐書楊收傳咸通

九年十月貶收端州司馬同正收弟嚴為韶州刺

史檢校工部尚書洪州刺史鎮南節度江南西道

觀察處置等使嚴譔長流嶺南舊唐書懿宗紀

蔡京咸通三年以左庶子經制嶺南福伎貪刻峻

條令為炮熏剝散法下愁毒為軍中所逐走藤州

矯制作攻討使印召鄉兵攻邕州不克眾潰貶死

崖州新唐書南蠻傳

崔福比部郎中咸通十年貶韶州按舊唐書作韶州司戶

左拾遺崔庚按舊唐書作崔庚新唐書宰相表亦作崔庚貶連州司戶

冊府皆崔雍親黨也舊唐書懿宗紀

竇滂代李師望為定邊軍節度使皆冒尤不法誅責苛織甚師望新唐書南蠻傳咸通十年十一月南詔蠻驃信坦綽酋龍率眾二萬寇檇州定邊軍節度都頭安再榮守清溪關為賊所攻再榮退保大渡河隔水相射凡九日八夜滂勒兵拒之十二月驃信遣清平官十餘人來偽和與滂語次蠻軍船楫競渡忠武武寧軍兵士結陣抗之接戰自午及申蠻軍稍却滂自縊于帳中徐州將苗全緒解之曰都統何至於是但安心全緒與再榮宏節等血戰取勝全緒三人率兵而出滂乃單騎宵遁明日蠻軍遁走舊唐書十一年二月貶滂為康州司戶資治通鑑劉瞻字幾之其先出彭城後徙桂陽舉進士博學宏詞皆中咸通十一年以中書侍郎同中書門下平章事同昌公主薨太醫韓宗紹等送詔獄逮繫宗族數百人瞻諭諫官皆依違無敢言即自上疏固爭宗紹窮其術不能效情有可矜陛下狗愛女囚平民忿不顧難取肆暴不明之謗帝大怒即日賜罷以檢校刑部尚書同平章事為荆南節度使路巖章保衡從為惡言聞帝俄斥廉州刺史新唐書本傳中散大夫比部郎中知制誥柱國賜紫金魚袋楊知至為瓊州司馬將仕郎守禮部郎中魏營為春州司馬朝議大夫行刑部員外郎柱國崔彥融

為雷州司戶並坐劉瞻為韋保衡所逐也舊唐書巖等殊未嫌按圖視驩州道萬里即貶驩州司戶參軍事命李庾作詔極詆將遂殺之天下謂瞻鯁正特為譏擠舉以為冤幽州節度使張公素上疏申解巖等不敢害僖宗立徙康號二州刺史新唐書本傳鄭仁表榮陽人鄭泊子有俊才擢第後為起居郎恃才傲物人士薄之嘗曰天瑞有五色雲人瑞有鄭仁表劉鄩少時投文於泊仁表兄弟嗤鄙之咸通末鄩為宰相仁表竟貶死南荒舊唐書高湜字澄之第進士累官右諫議大夫咸通末為禮部侍郎既以兵部侍郎判度支出為昭義節度使為下所逐貶連州司馬新唐書再鎮澤潞為亂將所逐貶高要尉舊唐書高湘字濬之擢進士第歷長安令右諫議大夫湘厚劉瞻路巖既逐瞻貶湘高州司馬僖宗初召為太子右庶子終江西觀察使新唐書章保衡字蘊用京兆人咸通中以右拾遺尚同昌公主遷起居郎駙馬都尉主郭淑妃所生懿宗所愛而妃有寵故恩禮最異俄歷翰林學士承旨以兵部侍郎同中書門下平章事自尚主至是裁再期又進門下侍郎尚書右僕射性浮淺既恃恩據

權以嫌愛自肆所悅卽擢不悅擠之僖宗立進司徒爲怨家白發陰罪貶賀州刺史再貶澄邁令送

賜死新唐書本傳

崔渾爲太常少卿乾符三年十一月貶康州刺史

舊唐書僖宗紀

王鐸登咸通進士第累官至汝州刺史王仙芝陷

郡城全唐詩小傳貶韶州司馬終太子賓客唐詩紀事

高潯昭義節度使中和元年八月與賊將李詳戰

于石橋爲賊所敗退歸河中賊乘勝陷同州九月

貶潯州刺史舊唐書僖宗紀

劉崇魯字郊文第進士景福中以水部郎中知制

誥雅與崔昭緯善帝以韋昭度李璣輔政而昭緯

外倚邠岐兵爲援以久其權於是天子厚禮璣昭

緯懼見奪共謀沮之及璣墨麻出崇魯輒掠麻大

哭帝問焉崇魯曰今雖乏人豈宜取儉人爲宰相

璣由是不得相璣亦劾奏其姦後王行瑜崔昭緯

相繼誅崇魯貶崖州司戶參軍新唐書劉

政曾傳

廣東通志卷二百六十二終

廣東通志卷二百六十三

諫宦錄二 宋至明

李符 馮拯

牛冕張遵 姚鉉

寇準 丁謂

李仲昌 任守忠

唐介 唐炯

鍾傳 王鞏

章惇 曾布

朱翌 李璆

趙震 張莊

王禹 趙永忠

馮時行 周勳

陳鵬飛 折彥質

張浚 梁成大

張震發何興 秦九韶

章詵 林一飛

李曇 周澆

李思迪 趙起潛

黃諫江朝宗 杜宥

邵銅 羅俊

黃瓌 伍希淵

陳瑄 劉玉

錢溥 魏瀚

鄒智 陳琳

王獻臣 戴冠

李中 張文明

王思 周廣

林應聰 潘恩

胡松 張穉

黃國用 陳察

陳謹 程文德

孫如法羅大紘 陳泰來

高攀龍 湯顯祖

李曰輔 趙士春

陳九疇已上宋至明

謹案宋代死後追貶者有司馬尤王巖叟孔文仲呂公著王珪李清臣六人未赴謫所者有許高許亢二人明代未赴謫所者有岳正潘燿二人俱不錄

宋

李符字德昌大名內黃人初仕漢宋太平興國初知廣州兼轉運使五年召為右諫議大夫判吏部銓兼大理寺理三司副使范明得罪以符代之未

幾坐與官屬競課最罷職守本官七年春開封尹奏王廷美出守西京以符知開封府廷美事發趙普令符上言廷美在西洛非便恐有他變宜遷遠郡以絕人望遂有房陵之貶普恐泄言坐符用刑不當貶寧國軍行軍司馬先是太宗尹京符因宋琪薦彌德超事藩邸符貶德超為樞密副使屢稱其寃會德超以事貶帝惡其朋黨徙符嶺表普移符知春州盧多遜之貶崖州也符白普曰珠崖雖遠在海中而水土頗善春州稍近瘴氣甚毒至者必死願徙多遜處之普不答故有是移在郡歲餘卒年五十九符無文學有吏幹好希人主意以求進用終以此敗宋史本傳

馮拯字道濟舉進士補大理評事存權右正言淳化中有上封事請立皇太子者拯與黃裳王旦則洪堪伏閣請立許王允僖太宗怒悉貶嶺外拯知端州既至上言請遣使括諸路隱丁更制版籍及議鹽法通商凡十餘事太宗欲召還參知政事寇準素不悅拯乃徙知鼎州改通判廣州遷尚書員外郎宋史本傳拯知端州見嶺表鳥獸草木民俗物情舉異中原錄為二十門凡三百事還朝上之文獻通考牛冕字君儀徐州彭城人太平興國三年進士咸平元年遷知益州兩川自李順平後民罹困苦未

安其業朝廷緩於矜恤故戊卒乘符昭壽之虐嘯
集爲亂冕與轉運使張適委城奔漢州詔遣赴闕
至京兆劾其罪並削籍流儋州適爲連州參軍冕
遇赦移欽英二州歷鄂海二州別駕淮南節度副
使宋史本傳

姚鉉字寶之廬州合肥人太平興國八年進士甲
第咸平三年爲起居舍人京東轉運使徙兩浙路
鉉雋爽頗尚氣薛映知杭州與之不協事多矛盾
映摭鉉罪狀數條密以聞詔使劾之當奪一官特
除名貶連州文學吉州之萬安抵虔江有賴石舟
行其中湍險萬狀鉉過感而賦之以自況大中祥
符五年會赦移岳州鉉文詞敏麗善筆札藏書至
多頗有異本雖被竄斥猶傭夫荷擔以自隨有集
二十卷又采唐人文章纂爲百卷目曰文粹宋史本傳
寇準字平仲華州下邳人年十九舉進士累遷三
司度支推官轉鹽鐵判官會詔百官言事而準極
陳利害帝益器重之擢尚書虞部郎中樞密院直
學士判吏部東銓嘗奏事殿中語不合帝怒起準
輒引帝衣令帝復坐事決乃退上由是嘉之淳化
三年拜參知政事至道元年加給事中帝嘗問準
曰朕諸子孰可以付神器者準曰陛下爲天下擇
君謀及婦人中官不可也謀及近臣不可也唯陛

下擇所以副天下望者帝俛首久之屏左右曰寡
王可乎準曰知子莫若父願卽決定帝遂以襄王
爲開封尹改封壽王立爲皇太子二年祠南郊中
外官皆進秩準素所喜者多得臺省清要官所惡
不及知者退序進之彭惟節素居馮拯下拯轉虞
部員外郎惟節轉屯田員外郎章奏列銜節猶處
其下準怒堂帖戒拯毋亂朝制拯憤極陳準擅權
太宗怒及準入對奮力爭不已又持中書簿論曲
直於帝前帝益不悅遂罷準知鄧州真宗卽位遷
尚書工部侍郎帝久欲相準患其剛直難獨任景
德元年冬契丹大入帝親征至南城契丹兵方盛
衆請駐蹕以覘軍勢準力爭之帝遂渡河契丹相
視驚愕不能成列帝盡以軍事委準河北罷兵準
之力也天禧三年爲尚書右僕射集賢殿大學士
時真宗得風疾劉太后預政於內準密令翰林學
士楊億草表請太子監國且欲援億輔政已而謀
洩罷爲太子太傅封萊國公時內侍都知周懷政
反側不自安且憂得罪乃謀殺大臣請罷皇后廢
政奉帝爲太上皇而傳位太子復相準客省使楊
崇勳等以告丁謂謂以聞乃誅懷政降準爲太常
卿知相州徙安州貶道州司馬帝初不知也他日
問左右曰吾目中久不見寇準何也左右莫敢對

帝崩時亦言惟準與李迪可託其見重如此乾興元年再貶雷州司戶參軍初丁謂出準門至參政事準甚謹嘗會食中書羹汚準鬚謂起徐拂之準笑曰參政國之大臣乃為官長拂鬚耶謂甚愧之由是傾構日深及準貶未幾謂亦南竄道雷州準遣人以一蒸羊逆境上謂欲見準準拒絕之聞家僮謀欲報仇者乃杜門使縱博毋得出伺謂行遠乃罷天聖元年徙衡州司馬準在雷州踰年既卒衡州之命乃至遂歸葬西京

宋史本傳

丁謂字謂之後更字公言蘇州長洲人淳化三年登進士第天禧三年以吏部尚書參知政事時寇準為相尤惡謂謂媒孽其過遂罷準相既而拜謂同中書門下平章事昭文館大學士監修國史乾興元年封晉國公仁宗即位二府定議太后與帝五日一御便殿謂潛結內侍雷允恭傳達中旨而不欲同列與聞機政允恭為山陵都監與判司天監邢中和擅易皇堂地誅後數日太后與帝坐承明殿曰丁謂為宰輔乃與宦官交通因出謂嘗託允恭令後苑匠所造金酒器又出允恭嘗于謂求管勾皇城司及三司衙門狀乃降謂太子少保分司西京先是女道士劉德妙者嘗以巫師出入謂家謂敗逮繫德妙內侍鞠之德妙通款謂嘗教言

若所為不過巫事不若託言老君言禍福足以動人於是即謂家設神像夜醮於園中允恭數至請禱及帝崩引入禁中又因穿地得龜蛇令德妙持入內給言出其家山洞中仍復教云上即問若所事何知為老君第云相公非凡人當知之謂又作頌題曰混元皇帝賜德妙語涉妖誕遂貶崖州司戶參軍在貶所專事浮屠因果之說其所著詩文亦數萬言家寓洛陽嘗為書自克責敘國厚恩戒家人毋輒怨望遣人致于洛守劉煜祈付其家戒使者伺煜會眾僚時達之煜得書不敢私即以聞帝見感惻遂徙雷州

宋史本傳

初丁謂逐京師為之語曰欲得天下寧當拔眼中釘欲得天下好莫如召寇老迨謂投荒天聖五年祀南郊中外意謂復還御史中丞陳炎字伯玉相州永定人上疏畧曰丁謂因緣險佞據竊公台賄賂苞苴盈於私室威權請謁行彼公朝先帝上仙首膺顧命聖君繼緒盍

擊公忠乃陰蓄姦謀玩窺神器引巫師之妖術因魔魅於宮闈易神寢之龍岡冀消除於王氣漢臣獲罪合行盤水之誅君集就烹豈願凌烟之像國家終恢全度特屈深仁止行奪爵之文才示投荒之責歲月未幾覺惡益彰中外於茲痛憤猶積今展禋柴之禮特推渙汗之恩凡為得罪之人悉有

滌瑕之望必慮丁謂潛輸琛貨私結要權尙假息

於遐荒冀量移於善地李德裕止因朋黨不獲生

還盧多遜曲事王藩更無幸復伏請更不原赦上

從之周煇清被別志又三年徙道州復秘書監致仕居安

州又徙光州卒年七十二謂性儉巧而善談笑在

朱崖嘗問客天下州郡孰為大客曰京師也謂曰

不然朝廷宰相作崖州司戶參軍則崖州為大也

聞者絕倒東都事畧本傳

李仲昌聊城人垂子稍知名然銳於進取嘗獻計

修六塔河無功自殿中丞責英州文學參軍卒東都事畧本傳

任守忠字稷臣蔭入內黃門累遷上御藥供奉初

章獻后聽政守忠與都知江德明等交通請謁權

寵過盛仁宗親政出為黃州都監又謫監英州酒

稅稍遷潭州都監宋史宦者本傳

唐介字子方江陵人擢第為武陵尉調平江令人

為監察御史轉殿中侍御史劾宰相文彥博守蜀

日造間金奇錦綵閣侍通宮掖以得執政請罷之

而相富弼帝怒卻其奏不視且言將遠鼠介徐讀

畢曰臣忠憤所激鼎鑊不避何辭於謫帝急召執

政示之曰介論事是其職至謂彥博由如嬪致宰

相此何人也時彥博在前介責之曰彥博宜自省

卽有之不可隱彥博拜謝不已帝怒益甚梁適叱

介使下殿修起居注蔡襄趨進救之貶春州別駕

王舉正以為太重帝旋悟明日取其疏入改置英

州而罷彥博相又慮介或道死有殺直臣各命中

使護之梅堯臣李師中皆賦詩激美由是直聲動

天下士大夫稱真御史必曰唐子方而不名數月

起監郴州稅通判潭州知復州召為殿中侍御史

遣使賜告趣詣闕下入對帝勞之曰卿遷謫以來

未嘗以私書至京師可謂不易所守矣介頓首謝

言事益無所顧宋史本傳

唐炯熙寧初賜進士出身為崇文校書除太子中

允數月將用為諫官安石疑其輕脫將背已立名

不除職以本官同知諫院非故事也炯遂奏二十

疏論時事皆留中不出因百官起居日扣陛請對

上令諭以他日炯伏地不起乃召升殿炯至御坐

前進曰臣所言皆大臣不法請對陛下一一陳之

遂指笏展疏曰陛下前猶敢如此在外可知安石

石遲遲炯訶曰陛下前猶敢如此在外可知安石

悚然而進炯大聲宣讀凡六十條大畧以安石專

作威福會布等表裏擅權至詆為李林甫盧杞上

屢止之炯慷慨自若畧不退避讀已下殿再拜而

退侍臣衛士相顧失色安石為之請去閣門糾其

瀆亂朝儀貶潮州別駕鄧綰申救之且自劾繆舉安石曰此素狂不足責改監廣州軍資庫後徙吉

州酒稅卒官宋史本傳

鍾傅字弱翁饒州樂平人本書生用李憲薦為蘭

州推官坐對獄不實羈管郴州紹聖中章惇典邊

事奏還其官得入對命幹當熙河涇原秦鳳二路

公事夏人陷金明渭帥毛漸出兵攻其沒烟岩傅

合擊破之又與熙州王文郁進築西安城論功加

秘閣校理章案帥涓命傅所置將苗履統眾會涇

原之靈平夏人悉力來拒傅步騎二萬出不意造

河梁以濟師遂作金城關又獻白草原捷連進集

賢殿脩撰知熙州傅自始仕至此僅再歲遂擢帥

熙秦騎四萬出塞無功而還惇方主其議不加罪

俄而白草原詐增首虜事覺責監永州稅再貶連

州別駕宋史本傳

王鞏字定國東坡序其詩云定國以予故貶海上

三年一子死貶所一子死於家定國亦病幾死東坡

章惇字子厚建州浦城人舉甲科調商洛令熙寧

初王安石秉政悅其才用為編修三司條例官加

集賢校理中書檢正元豐五年拜門下侍郎哲宗

即位知樞密院事宣仁后聽政惇與蔡確矯倡定

策功確罷惇不自安乃駁司馬光所更役法累數

千言呂公著曰惇所論固有可取然專意求勝不

顧朝廷大體光議既行惇憤志爭辨簾前其語甚

悖宣仁后怒劉摯蘇轍王觀朱光庭王巖叟孫升

交章擊之黜知汝州七八年間數為言者彈治哲

宗親政有復熙寧元豐之意首起惇為尚書左僕

射兼門下侍郎於是專以紹述為國是凡元祐所

革一切復之引蔡卞林希黃履來之邵張商英周

秩翟思上官均居要地任言責協謀朋姦報復仇

怨小大之臣無一得免死者禍及其孥甚至誅宣

仁后謂元祐之初老姦擅國又請發司馬光呂公

著冢斷其棺哲宗不聽惇意不愜又議遣呂升卿

董必察訪嶺南將盡殺流人哲宗曰朕遵祖宗遺

制未嘗殺戮大臣其釋勿治然重得罪者千餘人

或至三四謫徙天下寃之惇用邢恕為御史中丞

恕以北齊婁太后宮名宜訓嘗廢孫少王立子常

山王演託司馬光語范祖禹曰方今主少國疑宜

訓事猶可慮又誘高士京上書言父遵裕臨死屏

左右謂士京曰神宗彌留之際王珪遣高士充來

問曰不知皇太后欲立誰我叱士充去之皆欲誣

宣仁后以此實之惇遂追貶司馬光王珪贈遵裕

興國軍留後結中官郝隨為助欲追廢宣仁后自

皇太后太妃皆力爭之哲宗感悟焚其奏隨規知之密語惇與蔡卞明日惇卞再言哲宗怒曰卿等不欲朕人英宗廟乎惇卞乃已又以皇后孟氏宣仁后所主迎合郝隨劾哲宗起掖庭秘獄託以左道廢後哲宗頗悔嘆曰章惇壞我名節哲宗崩皇太后議所立惇厲聲曰以禮律言之母弟簡王當立皇太后曰老身無子諸王皆是神宗庶子惇復曰以長則申王當立皇太后曰申王病不可立惇尙欲言知樞密院事會布叱之曰章惇聽太后處分皇太后決策立端王是爲徽宗遷惇特進封申國公爲山陵使靈輿陷澤中踰宿而行言者劾其不恭罷知越州尋貶武昌軍節度副使潭州安置右正言任伯雨論其欲追廢宣仁后又貶雷州司戶參軍初蘇轍謫雷州不許占官舍遂僦民居惇又以爲強奪民居下州追民究治以僦券甚明遂已至是惇問舍于是民曰前蘇公來爲章丞相幾破我家今不可也徙睦州卒

宋史本傳

大旱詔求直言布論判官呂嘉問市易倍克之虐事下兩制議呂惠卿以爲沮新法安石怒布遂去位惠卿參大政置獄舉劾黜布知饒州徙潭州復集賢院學士知廣州元豐末遷戶部尙書紹聖初遷承旨兼侍讀拜同知樞密院進知院事初章惇爲相布草制極其稱美與惇引爲同省執政惇忌之止薦樞密府故稍不相能而贊惇紹述甚力惇遂與大獄徽宗立拜布右僕射改元崇寧召蔡京爲左丞京與布異會布擬陳佑甫爲戶部侍郎京奏曰爵祿者陛下之爵祿奈何使宰相私其親布壻陳迪佑甫子也布忿然爭辨久之聲色稍厲溫益叱布曰會布上前安得失禮徽宗不悅而罷御史遂攻之罷爲觀文殿大學士知閬州京積憾未已加布以賊賄令開封呂嘉問逮捕其諸子鍛鍊訊鞠誘左證使自誣而貸其罪布落職數貶至廉州司戶

宋史本傳

朱翌字新仲舒州人政和中登第授溧水簿南渡後歷官中書舍人以忤秦檜謫韶州晚召還卜居四明自號省事老人撰滄山集

滄山集

李璆字西美汴人登政和進士第調陳州教授入爲國子博士出知房州宣和三年廷議將取燕蓼上疏切諫疏奏不省及燕既平責監英州清溪鎮

明年赦還宋史本傳

趙震宣和三年二月坐棄杭州貶吉陽軍宋史徽宗紀

張莊應天府人也元豐三年進士第累遷知桂州

奏安化上三州一鎮地土及恩廣監洞蒙光明落

安知洞程大法都丹團黃光明等納土共五萬一

千一百餘戶幅員九千餘里尋又奏寬樂州安沙

州譜州四州七源等州納土計二萬人一十六州

三十三縣五十餘崗幅員萬里蔡京帥百官表賀

進莊兼黔南路經畧安撫使知靖州未幾安化蠻

納土莊遣黃忱往築州城忱蠻將也知蠻情偽力

言不可莊怒遣忱護築溪州別遣胡超儂昌等築

安化城果為蠻所掎超等沒者幾千人中書舍人

宇文粹中言祖道及莊擅興師旅啓釁邀功妄言

諸蠻效順納款得地當時柄臣攬為綏撫四夷之

功奏賀行賞張皇其事自昔欺君無大於此責舒

州團練副使永州安置再貶連州宋史本傳

王寓欽宗即位幹商不圖京師朝廷議割三鎮以

和欽宗以康王使幹商不軍尚書左丞王寓副之

寓辭行欽宗怒貶新州東都事略王寓傳

趙承忠本姓胡名清泰秦州人少慕班超為人因

岷州通積石國大酋魯黎結璽與相交結後至交

州結璽遣僧閔以書來僧岷州人也往來積石告

以其國久失王子莫知存亡可偽為王子歸國永

忠乃西行結璽迎之至國國相撒斯金廬斯等咸

納款焉永忠居王位凡六月致書青唐守仲威求

歸宋威轉申宣撫童貫貫遣至界永忠率將相及

威等偕至河州見貫貫掩其功以為拒戰不敵乃

降敕授忠州刺史團練使賜姓名趙永忠永忠欲

言於朝貫忌之謫監韶州酒稅建炎南渡廣東盜

起宣慰使司以為路分措置平賊永忠大破英連

諸寇擒其酋又解南雄州圍分遣三子督兵連破

循梅潮寇劉鐵面等紹興二年被召至臨安未及

朝卒初永忠聞徽宗結女真圖契丹與韶守言非

善計後其言皆驗黃志

馮時行為奉禮郎召對言和議不可信至引漢高

祖分羹事為喻帝曰朕不忍聞聾聵而起秦檜乃

謫時行知萬州宋史秦檜傳

周勣閩人也張浚帥福建辟勣幕官時趙鼎貶潮

州道遇人莫敢相顧勣獨沿檄往明州為挈家寓

居福之外邑坐貶封州黃志

陳鵬飛字少南永嘉人也紹興中進士邃于經學

秦檜子熺常從之游在禮部時熺為侍郎文書不

應令鵬飛輒批還之熺寢不平鵬飛為崇政殿說

書因講春秋母以子貴言公羊說非檜怒謫惠州

于舍人巷面湖築室以居吟咏自適卒于惠有詩解二十卷羅浮集十卷行於世

折彥質字仲古撫州人紹興六年簽書樞密院事初趙鼎爲相屢薦彥質後秦檜專相以彥質爲鼎所引指爲其黨謫昌化軍禮賢下士與僑寓士許廷惠輩效司馬光真率會爲鄉約五日一集太守李行中與焉嘗至廣州寓開元萬壽寺鑿井得泉甚美人號折公井後移柩二十五年詔聽自便尋復官俱同上

張浚字德遠漢州綿竹人唐宰相九齡弟九臯之後四歲而孤行直視端無誑言識者知爲大器入太學中進士第高宗卽位除樞密院編修官改虞部郎擢殿中侍御史擢禮部侍郎紹興十二年封和國公十六年彗星出西方浚將極論時事恐貽母憂母訝其瘠問故浚以實對母誦其父對策之語曰臣寧言而死於斧鉞不能忍不言以負陛下浚意乃決上疏謂當今事勢譬如養成疽疽於頭目心腹之間不決不止惟陛下謀之於心謹察情僞使在我有不可犯之勢庶幾社稷安全不然後將噬臍事下三省秦檜大怒令臺諫論浚以特進提舉江州太平興國宮居連州二十年徙永州二十五年檜死復觀文殿大學士判洪州宋史本傳

梁成大字謙之福州人開禧元年進士素苟賤亡恥作縣滿秩詔事史彌遠家幹萬昕所言真德秀當擊成大曰某若入臺必能辨此事昕爲達其語通判揚州尋遷宗正寺簿寶慶元年冬拜監察御史尋奏魏了翁已從追竄人猶以爲罪大罰輕真德秀狂僭悖繆不減了翁相羊家食宜削秩貶竄一等施行章既上不下者兩月或傳德秀有衝陽之命時宰於帝前及之帝曰仲尼不爲己甚遂止鑄三秩明年三月又奏楊長孺寢新命徐瑄追三秩移象州居住胡夢昱移欽州編管是冬拜右正言紹定元年進左司諫四年正月遷宗正少卿五年二月權刑部侍郎明年十月帝夜降旨黜之提舉千秋鴻禧觀莫澤時兼給事中急於別異上疏駁之遂寢祠命端平初洪咨夔吳泳交章論駁鑄兩秩泳復上疏送泉州居住會王遂論亦上再薦秩貶潮州成大天資暴狠心術險巇凡可賊害忠良者率多攘臂爲之竄之日朝命毀其廬雖小人如李知孝亦曰所不堪者他日與成大同傳耳宋史本傳

張震發吳人嘉定間謫南雄寓光孝寺見三松蒼翠偃蹇遂作臺登眺以舒憤鬱未幾以寬恩內徙去又有何興者道州人理宗朝議大夫遷政府以

丁大全譜謫于瓊黃志

秦九韶字道古秦鳳間人既出東南多交豪富性

極機巧音律算術營造事無不精究齋十萬錢如

維楊謁賈秋壑為宛轉得瓊州行未至怒迂者之

不如期取馭卒戮之至郡數月罷歸所携甚富時

吳履高在郵亟往投之吳時將入相使之先行日

當思所處秦復追隨之吳旋得謫賈富國撫事奏

之竄梅州在梅治政不輟俎於梅癸辛雜議

章訊紹興中官達州刺史坐過用太后旨降武德

郎與嶺外監宋史章淵傳

林一飛紹興二十六年二月乙酉右朝奉郎林一

飛坐指使林東追詔秦檜上書任妄責監高州鹽

稅宋史高宗紀

李曇官屯田郎中其僕夫王達事曇久曇親信之

既而去曇應募為兵十年會曇以子孝學妖術事

敗曇夫婦械繫御史臺獄上怒甚獄急曇平生親

友無一人敢餉問者達獨旦夕守臺門不離給服

供食者幾兩月曇貶恩州別駕諸子皆流嶺南仍

使人監防出國門達泣而隨之防者過之達曰

此我主人也豈不得相隨乎曇河朔人不習嶺南

水土其家人皆辭去曰我不能從君之死鄉也達

獨在左右不忍去數日曇自縊死旁無家人達使

母守曇尸出為之治喪事朝夕哭如親父子見者

皆為流涕殞曇於城南佛舍然後歸灼艾集

謹案李曇事無年月文云貶恩州疑是宋

時人姑附於此以俟考

周漬字伯寧鄱陽人善詩與辛敬方石揚伯謙李

克正查和卿等稱江西十才子洪武三年正月為

刑部尚書未視事入官舍非禮辱責胥吏上聞而

怒之貶惠州府經歷比至閉戶觀書而已或言其

怠職遂坐罪去黃志

李思迪濟南人元進士遇亂晦處田野國初召起

任起居注累官山西參政洪武四年謫宰瓊山學

博士傑廉公勤恪開拓一應初置舉皆中度革奸

貪毀淫祠弊極事繁辦集無虛日公餘輒歌賦自

號海濱子因以名集蔡徵序之後召回累官尚書

趙起潛字淵叔黃巖人洪武中鄉貢入胄監拜監

察御史按部嶺南有聲以旁累謫儋堅節不移請

書學古無故不入城市儋人敬之

黃諫字廷臣臨洮蘭州人博學多藝工隸篆行草

正統壬戌進士及第第三人授編修天順初為尙

寶司卿兼侍講出使安南風節凜然還朝遷翰林

院學士石亨事敗諫嘗以鄉人出入其門被劾謫

廣州通判諫好品泉水論郊畿玉泉為第一論京城文華殿東大庖廚井為第一作京師水記每進講退食內府必啜廚井水所烹茶或祈寒暑雨罷講則連飲數杯日暫與汝辭談者以為嘉話至廣遠遊白雲蒲澗諸山水亦評廣州水以雞爬井為第一更名學士泉鑄題名勝多作八分書廣人多從之遊以其別號蘭坡至比之東坡云後召還卒于梅嶺驛舍按明朝典彙論在天順元年卒被逮卒於淮與此異又有江朝宗字東之四川巴縣人景泰辛未進士選入翰林累官至侍講學士與副都御史牟倭連姻太監汪直巡邊時倭巡撫遼東直以贓罪逮倭因及朝宗朝宗不敢辯竟調廣東鹽課提舉亦以文名聞於時後入覲遂乞歸俱同上

杜宥字叔寬江陰人景泰甲戌第進士拜監察御史出巡西夏貪吏屏息丙子與倪御史敬敷十輩坐言事貶官海南英廟復辟起知英德縣英德俗頑穢素號難治宥揉馴之民知向化時搖寇猖獗邑故無城樹木柵為固宥患之勸為之城民趨事恐後城成而寇適至躬冒矢石與民死守糧盡矢竭而圍不解乃選敢死士夜縋城下縱火焚賊所據民廬賊驚潰遁去邑素困交征宥裁省之十去七八務誅求者皆慚念忌嫉而民欣然戴如父母

未幾遂有通判韶州之命招來流亡客戶占籍者以千數都御史崑山葉盛時鎮兩廣檄宥翼幕下練士卒給饋餉方倚為用而宥已冒瘡癘乞休退韶民相率詣闕請留宥退志益堅不可解比歸敕斷家事閉門養疴居一歲疾作遂卒春秋五十有五

錄 邵銅閩縣人進士授御史天順初印馬畿內至河間民訴曹吉祥石亨奪其田楊瑄以聞並列二人怙寵專權狀未幾亨西征還適彗星見邵銅劾亨吉祥諸違法事疏人帝大怒御文華殿擲彈章俾自讀竟下獄榜掠備至會大風震雷拔木發屋須臾大雨雹亨吉祥家大木俱折二人亦懼掌欽天監禮部侍郎湯序本亨黨亦言上天示警宜恤刑獄於是帝感悟貶銅博羅知縣有善政明史楊

羅俊字承彥泰和人進士景泰間御史言事請新會縣典史日與諸生講解文字而已凡見童子氣質之美者必令向學或遣吏邀之無事則遊山飲酒于于然不知其為諫官也性剛不容人過人多憚之天順元年遷仁化縣知縣守廉行公恤民禮士士蒙其化民被其澤後升知潯州府以憂去成化間知南雄府公廉寬厚有古循吏風時兩廣盜起都御史韓雍奉命討之好事者或請豎木柵意

在侵漁俊力請罷之修府治築新城俱措置無擾
卒於任百姓哀之黃志

黃璫字玉輝滁州全椒人天順庚辰進士由御史
出守化州剛果有為不畏權勢時賊首胡公威擾
害地方募民之饒勇者伺其所經之所而陰撲之
由是賊黨畏懼聽招民獲安息

伍希淵字士賢安福人天順甲辰會魁進士累官
刑部郎中成化十一年以誥誤謫廣州府同知十
四年擢知府事為政以通人情為先承上接下動
中肯綮興革利害雖嫌不避士大夫多稱之尋遷
廣東左參政終廣西右布政使正德末御史希儒
者其族弟也出按兩廣命有司視於名宦

陳瑄字廷獻眉州人景泰甲戌進士天順間以監
察御史謫潮陽知縣性鯁直鋤強遏暴吏民畏服
值夏嶺巨寇作亂瑄捍寇全城力平大難以功陞
本府知府俱同上

劉玉字仲璽磁州人生有膂力給侍曹吉祥家從
征麓川授副千戶積功至都指揮僉事天順元年
以奪門功進都督僉事尋充右參將守備潯川慶
遠蠻剽博白及廣東之寧川玉偕左參將范信邀
擊敗之俄命分守貴州從方瑛討東苗熾於把豬
討西堡苗禁其魁楚得先後斬首千級毀其巢而

還旋改右副總兵鎮守貴州吉祥誅玉下吏當斬
以道遠不與謀免死謫海南副千戶明史本傳

錢溥侍讀學士與陳文比舍居交甚歡溥嘗授內
侍書其徒多貴幸來謁必邀文共飲英宗大漸東
宮內侍王綸私詣溥計事不召文文密規之綸言
帝不豫東宮納妃如何溥謂當奉遺詔行事已而

英宗崩李賢當草詔文起奪其筆曰無庸已有草
者因言綸溥定計欲逐賢以溥代之而以兵部侍
郎韓雍代尚書馬昂賢怒發其事是時憲宗初立
綸自謂當得司禮氣張甚英宗大殮綸衰服襲貂
帝見而惡之太監牛玉悉其軋已因數綸罪逐之
去溥謫知順德縣明史陳文傳

魏瀚餘姚人由進士歷陞遷都御史左遷嘉定州
判成化中擢守雷州勸農興學請舉廢墜居任六
年颶風不作歲豐民給文章政事當時推重黃志

鄒智字汝愚合州人年十二能文家貧讀書焚木
葉繼晷者三年舉成化二十二年鄉試第一明年
登進士改庶吉士智慷慨負奇其時御史湯鼎中
書舍人吉人進士李文祥亦竝負意氣智皆與之

善因相與品覈公卿裁量人物未幾孝宗嗣位弊
政多所更智喜以為其志且得行乃因星變上書
曰少師安持祿怙寵少保吉附下圖上太子少保

直挾詐懷奸世之小人也陛下留之則君德必不就朝政必不修此弊所當革者也帝得疏領之居無何安直相繼罷斥而吉任寄如故街智刺骨會劉概獄起吉使其黨魏璋入智名遂下詔獄智身親三木僅屬喘息慷慨對簿曰智見經筵以寒暑較講午朝以細事塞責紀綱廢弛風俗浮薄生民憔悴邊備空虚私竊以為憂與魏等往來論議誠有之不知其他讞者承吉意竟謫廣東石城所吏日智至廣東總督秦紱檄召修書乃居會城聞陳獻章講道新會往受業自是學益粹宏治四年十月得疾遽卒年二十有六同年生吳廷舉為順德知縣歿而歸其喪天啓初追謚忠介明史本傳

陳琳字玉疇莆田人宏治三年進士由庶吉士改御史上端本修政十五事出督南畿學政劉瑾逐健遷逮戴銑陸崑等琳抗章言南京窮冬雷震正旦日食正宜修德弭災委心元寮博采忠言豈宜自棄股肱隔塞耳目瑾大怒謫揭陽丞瑾敗遷嘉興同知明史趙傳

王獻臣字敬止其先吳人隸籍錦衣衛宏治六年舉進士授行人擢御史十七年以張天祥事被逮帝親御午門鞠之謫獻臣廣東驛丞武宗立遷永嘉知縣明史本傳

戴冠信陽人正德三年進士為戶部主事見寵倖日多夙祿多耗乃上疏極諫帝大怒貶廣東烏石驛丞嘉靖初起官歷山東提學副使以清介聞明史本傳

李中字子庸吉水人正德九年進士授工部主事武宗自稱大慶法王建寺西華門內用番僧住持廷臣莫敢言中拜官三月即抗疏帝怒罪將不測以大臣救得免踰日中旨謫廣東通衢驛丞王守仁撫贛州檄中參其軍事預平宸濠世宗踐阼復故官未任擢廣東僉事三遷廣東右布政使明史本傳

張文明太原人正德辛未進士為御史剛直因江都事貶電白縣典史未幾召還為山東道御史志

王思字宜學太保直會孫也正德六年進士改庶吉士授編修九年春乾清宮災思應詔上疏其年九月帝狎虎而傷閱月不視朝思復上封事疏入畱中者數日忽傳旨降遠方雜職遂謫潮州三河驛丞思年少氣銳每眾中指切人是非已悔之自斂為質訥及被謫怡然就道夜過灑水舟飄巨石上緣石坐浩歌家人後至聞歌聲乃棹舟以濟王守仁講學贛州思從之遊及守仁討宸濠徵思贊軍議世宗嗣位召復故官仍加俸一級明史本傳

周廣字克之崑山人宏治十八年進士歷知莆田

吉水二縣正德中以治最微授御史疏陳四事畧言三代以前未有佛法奈何令近君側今之伶人助慢遊迷亂者也陛下承祖宗統緒而羣小獻媚熒惑三宮鎖怨蘭殿無徵雖陛下春秋鼎盛獨不思萬世計乎養子錢寧本官豎蒼頭濫寵已極乃復獲效貨賄輕蔑王章甚至投救於人自稱皇庶子僭踰之罪所不忍言陛下何不慎選宗室之賢者置諸左右以待皇嗣之生諸義兒養子俱奪其名爵乃所以遠佞人也近兩京言官論大臣禦寇不職者陛下率優容即武將失律亦赦不誅故兵氣不揚功成無日請定期責令成功以贖前罪寧見疏大怒畱之不下傳旨謫廣東懷遠驛丞主事曹琥救之亦被謫寧怒不已使人遮道刺廣廣知之易姓名變服潛行四百餘里乃免武定侯郭勛鎮廣東承寧風旨以白金試廣廣拒不受伺廣謁御史擬致軍門簪繫幾死御史救之始解越二年遷建昌知縣有惠政寧矯旨再謫竹寨驛丞世宗即位復故官歷江西副使提督學校明史本傳林應聰字汝桓莆田人由進士任戶部員外郎嘉靖初議禮謫丞徐聞風采節概名重一時在任未久修鄉賢名宦二祠以公委出尋落職公論惜之

黃志

潘恩字子仁上海人嘉靖二年進士游歷廣西提學僉事署按察使事有大猾匿靖江王所捕之急王不得已出之憾恩誣以事按無實得免累遷山東副使御史葉經以試錄忤旨並恩下詔獄謫廣東河源典史四遷復為江西副使進浙江左參政明史周延傳胡松字茂卿績溪人正德九年進士嘉靖時為御史桂萼薦王瓊松論之忤旨謫廉州推官後累官工部尚書明史本傳張應泰興人進士嘉靖間以兵部郎中謫饒平尉怡然自適吟咏不輟且日引諸生講習經史絕無遷謫意嘉志黃國用字子思吉水人由進士任監察御史嘉靖三年議禮謫蓮塘驛丞僑居高要諸生從之遊執經講學六年陞州判終按察司僉事同上陳察字元習常熟人進士嘉靖七年以太僕少卿言事謫海陽教諭狷介自持不以顯晦移易以身率教潮士至今頌之歷官至都御史黃志陳謹嘉靖三十一年詔謫為惠州推官明朝典彙程文德永康縣人由翰林院編修謫信宜典史至日余謫吏也然世讀書興起斯文與有責焉遂遷學宮建書院凡有益於四境者皆培築焉復以經

術誘進諸生爲時所宗慕郝志

孫如法餘姚人進士郝志官刑部主事以諫阻鄭貴

妃進封貶潮陽典史久之移疾歸廷臣累薦悉報

寢卒贈光祿少卿明史如法家世清華矜尚名

節在在恬澹自安後有羅大紘建昌人亦以國本

疏論首揆由禮科給事中謫潮陽尉俱以廉節著

聲郝志

陳泰來字伯符平湖人舉萬曆五年進士累官禮

部主事進員外郎時詔竝封三王于孔兼與泰來

合疏爭會廷臣多諫者其事竟寢亡何考功郎中

趙南星坐京察削籍泰來疏救帝積前恨謫泰來

饒平典史明史

高攀龍字存之無錫人萬曆十七年進士授行人

侍郎趙用賢都御史李世達被許去位攀龍上疏

力詆鄭材楊應宿詔宜黜應宿亦疏許攀龍語

極妄誕疏並下部院議請薄罰兩臣稍示懲創帝

不許鑄應宿二秩謫攀龍揭陽添註典史御史吳

宏濟等論救并獲譴攀龍之官七月以事歸尋遭

親喪遂不出家居垂三十年熹宗立起光祿丞明史

傳

湯顯祖字若士臨川人少善屬文有時名至萬曆

十一年始成進士授南京太常博士就遷禮部主

事十八年帝以星變嚴責言官欺蔽並停俸一年

顯祖上言曰言官豈盡不肖蓋陛下威福之柄潛

爲輔臣所竊故言官向背之情亦爲默移御史丁

此呂首發科場欺蔽申時行屬楊巍劾去之御史

萬國欽極論封疆欺蔽時行諷同官許國遠謫之

一言相侵無不出之於外於是無恥之徒但知自

結於執政所得爵祿直以爲執政與之縱他日不

保名身而今日固已富貴矣給事中楊文舉奉詔

理荒政徵賄鉅萬抵杭日宴西湖鬻獄市薦以漁

厚利輔臣乃及其報命擢首諫垣給事中胡汝寧

攻擊饒伸不過權門鷹犬以其私人猥見任用夫

陛下方責言官欺蔽而輔臣欺蔽自如失今不治

臣謂陛下爵祿可惜人才可惜成憲可惜聖政可

惜也乞立斥文舉汝寧誠論輔臣省愆悔過帝怒

謫徐聞典史稍遷遂昌知縣二十六年上計京師

投劾歸又明年大計主者議黜之竟奪官家居二

十年卒宋史

傳

李日輔字元卿南昌人萬曆中舉於鄉爲成都推

官崇正四年擢南京御史時中官四出日輔上疏

諫曰邇者一日遣內臣四尋又遣用五非兵機則

要地也廷臣方交章論奏而登島陝西又有兩關

之遺駭中外之聽啓水火之隙開依附之門灰任

事之心藉委卸之口臣愚實為寒心陛下踐阼初盡撤內臣中外稱聖昔何以撤今何以遣天下多故擇將為先陛下不築黃金臺招頗牧乃汲汲內臣是遣曾何補理亂之數哉帝怒謫曰輔廣東布政司照磨

明史魏呈潤傳

趙士春字景之常熟人崇正十年進士第三人及第授編修明年兵部尚書楊嗣昌奪情視事未幾入閣少詹事黃道周劾之下獄士春上疏曰嗣昌墨綬視事既已罔效陛下簡入綸扉自應力辭新命乃閱其奏牘徒計歲月久近間絕無哀痛惻怛之念何奸倖一至此也陛下破格奪情曰人才不足故耳不知人才所以不振正由愛功名薄忠孝致之且無事不講儲才有事輕言破格非用人無弊之道也臣祖用賢首論故相奪情幾斃杖下階敗肉示子孫臣敢背家學負明主坐視綱常掃地哉帝怒謫廣東布政司照磨祖孫並以攻執政奪情斥士論重之後復故官終左中允

明史趙用賢傳

侍郎

黃志不著年代無可考姑附於明季

之末

廣東通志卷二百六十四

請官錄三 安置 唐至明

崔祝 李佐

蔡確 劉攀

梁燾 蘇軾

蘇轍 孔平仲

劉安世 范祖禹

張士良 唐庚

范坦 蔡攸

姚古 朱勛

宇文虛中 李松 李鄴 蔡渭

王時雍 徐秉哲

鄭望之 趙子崧

范致虛 黃潛善

李綱 王元 左言

邢侗 郭仲荀

周望 莫儔 吳弁

李光 洪皓

張所 趙開

徐誼 鄭剛中

胡寅 曹泳

宋貺 呂愿中

符行中

龔茂良

蘇師旦

鄧交龍 郭悅 郭傑

雷雲

黃憲昭

月魯帖木兒

哈麻

世家寶 吉昌

許存仁

孫岳

劉寶

陳自強

李爽

劉昌祖

吳潛 已上 唐宋

徹徹禿 沙哥

亦憐真班

薛顯

桑慎

瞿宏

鐵仲名 已上 元明

唐

崔祝 唐憲宗詔崔祝康州安置 定全唐文 欽

李佐 長慶三年正月丁巳朔嗣鄂王佐於崖州安置坐妄傳禁中語也 舊唐書 穆宗紀

宋

蔡確字持正泉州晉江人第進士調邠州司理參軍自知制誥為御史中丞參知政事皆以起獄奪人位而居之士大夫交口咄罵而確自以為得計

元豐五年拜尚書右僕射兼中書侍郎哲宗立轉左僕射爲永裕山陵使靈駕發引之夕不宿於次在道又不扈從還又不丐去御史劉摯王巖叟言確有十當去太皇太后不忍卽退斥元祐元年閏二月始罷爲觀文殿學士知陳州明年坐弟碩事奪職徙安州又徙鄧州確在安陸嘗游車蓋亭賦詩十章知漢陽軍吳處厚上之以爲皆涉議訕於是左諫議大夫張燾右諫議大夫范祖禹左諫議吳安詩右諫議王巖叟右正言劉安世連上章乞正確罪遂貶光祿卿分司南京再責英州別駕新州安置宋史本傳

劉摯字莘老永靜東光人江陵觀察推官用韓琦薦得館閣校勘才月餘爲監察御史裏行語家人曰趨裝毋爲安居計未及陞對卽奏論亳州獄起正小人意在傾富弼以市進今弼已得罪願少寬之又言程昉開漳河調發猝迫人不堪命趙子幾擅升畿縣等使納役錢縣民日數千人遮訴宰相京師喧然何以示四方張靚王廷老擅增兩浙役錢督賦嚴急人情嗟怨此皆欲以羨餘希賞願行顯責明朝廷本無聚斂之意及入見神宗面賜褒諭又論率錢助役官自雇人有十害王安石使張琥作十難以詰之琥辭不爲司農曾布請爲之旣

作十難且劾摯欺誕懷向背詔問狀卽條對所難以伸其說不報摯明日復上疏安石欲竄之嶺外神宗不聽但謫監衡州鹽倉久之簽書南京判官元祐元年爲御史中丞拜尚書右丞連進左丞中書侍郎遷門下侍郎六年拜尚書右僕射摯性峭直有氣節通達明銳觸機輒發不爲利怵威誘自初輔政至爲相修嚴憲法辨白邪正專以人物處心孤立一意不受謁請子弟親戚入官皆令赴銓部以格調遷未嘗以干朝廷與呂大防同位國家大事多決於大防惟進退士大夫實執其柄然持心少恕勇於去惡竟爲朋讒所中先是邢恕謫官永州以書抵摯摯故與恕善答其書有永州佳處第往以俟休復之語排岸官茹東濟傾險人也有求於摯不得見其書陰錄以示御史中丞鄭雍侍御史楊畏二人方交章擊摯遂箋釋其語上之又章停諸子故與摯之子游摯亦間與之接雍畏謂延見接納爲牢籠之計以冀後福宣仁后於是面諭摯曰言者謂卿交通匪人爲異日地卿當一心王室若章停者雖以宰相處之未必樂也摯皇懼退上章自辨執政亦爲之言宣仁后曰垂簾之初摯排斥姦邪實爲忠直但此二事非所當爲也以觀文殿學士罷知鄆州給事中朱光庭駁云摯忠

義自奮朝廷擢之大位一旦以疑而罷天下不見其過光庭亦罷七年徙六名又爲雍等所過徙知青州再貶光祿卿分司南京蘄州居住紹聖四年陷邢恕之謗貶鼎州團練副使新州安置惟一子從家人涕泣願侍皆不聽至數月以疾卒免其子官與家屬徙英州凡三年死於瘴者十人徽宗立詔其家屬用子政請得歸葬宋史本傳

梁燾字況之鄆州須城人舉進士中第元豐時久早上書論時政疏人不報出知宜州哲宗立召爲工部郎中遷太常少卿右諫議大夫前宰相蔡確作詩怨謗燾與劉安世交攻之燾又言方今忠於確者多於忠朝廷之士敢爲奸言者多於敢正論之人以此見確之氣傲凶赫根株牽連賊化害政爲患滋大確卒竄之新州元祐七年拜尙書右丞轉左丞以疾罷爲資政殿學士同醴泉觀使故事非宰相不除使遂置同使以寵之力辭改知潁昌府既出京師哲宗遣中貴諭以復用之旨紹聖元年知鄆州朋黨論起竟以司馬光黨黜知鄂州三年知雷州別駕化州安置三年卒宋史本傳

蘇軾字子瞻眉州眉山嘉祐二年試禮部主司歐陽脩得軾刑賞忠厚論驚喜眞第二復以春秋對義居第一殿試中乙科五年調福昌主簿歐陽

脩以才識兼茂薦之秘閣試六論文義粲然復對制策入三等除大理評事英宗自藩邸聞其名召入翰林知制誥熙寧二年王安石執政素惡其議論異已安石創行新法軾上書說其不便安石滋怒使御史謝景溫論奏其過窮治無所得軾遂請外通判杭州時新政日下軾於其間因法便民賴以安徙知密州徐州湖州上表以謝又以事不便民者不敢言以詩託諷庶有補於國御史李定舒亶何正言摭其表語並媒孽所爲詩以爲訕謗逮赴臺獄欲寘之死鍛鍊久之不決神宗獨憐之以黃州團練副使安置軾與田父野老相從溪山間築室於東坡自號東坡居士神宗手札移軾汝州曰蘇軾黜居思咎閱歲滋深人材實難不忍終棄軾未至汝上書自言饑寒有田在常願得居之朝奏入夕報可神宗崩哲宗立復朝奉郎知登州召爲禮部郎中遷起居舍人尋除翰林學士三年兼侍讀每進讀至治亂興衰邪正得失之際未嘗不反覆開導覲有所啓悟哲宗雖恭默不言輒首肯之嘗鎖宿禁中召入對便殿宣仁后問曰卿前年爲何官曰臣爲常州團練副使曰今爲何官曰臣今待罪翰林學士曰何以遷至此曰遭遇太皇太后皇帝陛下曰非也此先帝意先帝每誦卿文

章必歎曰奇才奇才但未及進用卿耳軾不覺哭失聲宣仁后與哲宗亦泣左右皆感涕已而命坐賜茶撤御前金蓮燭送歸院三年權知禮部貢舉四年積以論事為當軸者所恨軾恐不見容請外拜龍圖閣學士知杭州二十年間再蒞杭有德於民六年召為吏部尚書改翰林承旨數月復以讒請外乃以龍圖閣直學出知潁州七年徙揚州未閱歲以兵部尚書召兼侍讀尋遷禮部兼端明殿翰林侍讀兩學士八年宣仁后崩哲宗親政軾乞補外以兩學士出知定州紹聖初御史論軾掌內制日所作詞命以為譏斥先朝遂以本官知英州尋降一官未至貶寧遠軍節度副使惠州安置宋史本傳到惠州謝表先奉告命落兩職追一官以承議郎知英州軍州事續奉告命責授臣寧遠軍節度副使惠州安置已於今月二日到惠州公參訖者仁聖曲全本欲界之民社羣言交擊必將致之死亡尚荷寬恩止投荒服臣軾中謝伏念臣性資褊淺學術荒唐但信不移之愚遂成難救之咎迹其狂妄久合誅責方尚口乃窮之時益擢髮莫數其罪豈謂天幸得存此生此蓋伏遇皇帝陛下以大為之資行不忍人之政湯網開其三面舜干舞于兩階念臣奉事有年少加憐愍知臣老死無日

不足誅鋤明降德音許全餘息故使虺隤之馬猶獲蓋帷殷鍊之牛得遠刀刃臣敢不服膺嚴訓託命至仁洗心自新沒齒無怨但以瘴癘之地魑魅為鄰衰疾交攻無復首邱之望精誠未泯空餘結草之忠云云東坡大全集白鶴峰在惠郡城西五里卜居於此泊然無所芥蒂人無賢愚皆得其懽心疾病者界之藥殞斃者納之窆又率眾為東新西新二橋以濟病涉者惠人愛敬之嶺海名勝記程正輔為廣中提刑凡惠州官事悉以告之諸軍闕營房散居市井軾欲令作營屋三百間又薦都監王約指使藍生同幹惠州納秋米六萬三千餘石漕符乃令五萬以上折納見錢軾以為嶺南錢荒乞令人戶納錢與米並從其便又與廣帥王敏仲書薦道士守安令引蒲澗水入城免城人飲鹹苦水春夏疾疫之患凡此多涉官政易指為恩怨奮然行之不疑其勇於義如此宋史宋費袞宋史居三年又貶瓊州別駕居昌化宋史本傳到昌化軍謝表今年四月十七日奉被告命責授臣瓊州別駕昌化軍安置臣尋於當月十九日起離惠州至七月二日已至昌化軍訖者並鬼門而東驚浮瘴海以南遷生無還期死有餘責臣軾中謝伏念臣頃緣際會偶竊寵榮曾無毫髮之能而有邱山之罪宜三黜而未

已跨萬里以獨來恩重命輕咎深責淺此蓋伏遇
皇帝陛下堯文炳煥湯德寬仁赫日月之照臨廓
天地之覆育譬之蠕動稍賜矜憐俾就窮途以安
餘命而臣孤老無託瘡痍交攻子孫痛哭於江邊
以爲死別魑魅逢迎於海上寧計生還念報德之
何時倬此心之未已俯伏流涕不知所云東坡大
全集
昌化故僭耳地非人所居藥餌皆無有初僦官屋
以居有司猶謂不可就遂買地築室僭人運甓畚
土以助之獨與幼子過著書爲樂時時從其父老
游若將終身徽宗立移廉州宋史
本傳移廉州謝表云
使命遠臨初聞喪膽詔溫厚頓返驚魂拜望闕
庭喜溢顏面否極泰遇雖物理之常然昔棄今收
豈廢餘之敢望撫膺自問揮淚無從伏念臣屢以
狂愚疊罹罪謫荷先帝之厚德寬蕭律之重誅投
彼遐荒暫逃鼎鑊風波萬里歎衰病以何堪烟瘴
五年幸喘息之猶在憐之者謂之已甚嫉之者恨
其大輕考圖經止曰海隅其風土疑非人世食有
并日衣無禦冬淒涼百端顛躓萬狀恍如醉夢已
無意於生還詎料優容許承恩而近徙豈云僥倖
實慶遭逢茲益伏遇皇帝陛下道本生知性由天
縱奉聖母之慈訓擇正人而與居凡有嘉謀出於
睿斷憫臣以孤忠寡援察臣以衆忌招愆許以更

新庶使改過天地有造化之大不能使人之再生
父母有鞠育之恩不能全身于必死報期碎首言
豈渝心處嶺以南漸近衣冠之族渡海而北遙瞻
日月之光沒齒敢更求榮餘生但知安命臣無任
云云東坡大
全集改舒州團練副使徙永州更三大赦
還提舉玉局觀復朝奉郎軾自元祐以來未嘗以
歲課乞遷故官止於此建中靖國元年卒於常州
宋史
本傳
蘇轍字子由年十九與兄軾同登進士科又同策
制舉仁宗春秋高轍慮或倦於勤因極言得失而
於禁廷之事尤爲切至策入自謂必見黜考官胡
宿以爲不遜請黜之仁宗日以直言召人而以直
言棄之天下其謂我何宰相不得已寘之下等授
商州軍事推官神宗立二年上書言事召對延和
殿青苗法行轍以書抵安石力陳其不可安石怒
將加以罪陳升之止之以爲河南推官會張方平
知陳州辟爲教授三年授齊州掌書記又三年改
著作佐郎復從方平簽書南京判官居二年坐兄
軾以詩得罪謫筠州監酒稅五年不得調移知績
溪縣哲宗立以秘書省校書郎召元祐元年爲右
司諫宣仁后臨朝遷起居郎中書舍人紹聖初哲
宗起李清臣爲中書舍人鄧潤甫爲尚書左丞二

人久在外不得志稍復言熙豐事以激怒哲宗意會廷試進士清臣撰策題即為邪說輒諫曰伏見御試策題歷詆近歲行事有紹復熙寧元豐之意臣謂先帝以天縱之才行大有為之志其所設施度越前古皆先帝睿算有利無害父作於前子救於後前後相濟此則聖人之孝也漢武帝外事四征內興宮室財用匱竭於是修鹽鐵榷酤均輸之政民不堪命幾至大亂昭帝委任霍光罷去煩苛漢室乃定光武顯宗以察為明以識決事上下恐懼人懷不安章帝即位深鑒其失代之以寬厚慎悌之政後世稱焉本朝真宗右文偃武號稱太平而羣臣因其極盛為天書之說章獻臨御攬大臣之議藏書梓宮以泯其迹及仁宗聽政絕口不言英宗自藩邸入繼大臣創漢廟之議及先帝嗣位或請復舉其事寢而不答遂以安靜夫以漢昭章之賢與吾仁宗神宗之聖豈其薄於孝敬而輕事變易也哉臣不勝區區願陛下反覆臣言慎勿輕事改易若輕變九年已行之事摧任累職不用之人人懷私忿而以先帝為辭大事去矣哲宗覽奏以為引漢武方先朝不悅落職知汝州居數月元豐諸臣皆會於朝再責知袁州未至降朝議大夫試少府監分司南京筠州居住三年又責化州別

駕雷州安置宋史本傳軾自惠遷僊耳轍自筠遷海康相遇于滕因同行將至雷之境郡守張逢以書通殷勤逮至郡延人館舍禮遇有加軾將渡海逢出送於郊復出官錢僦居以館轍帥臣段諷聞之大怒劾逢館留黨人蘇軾及為蘇轍貨屋等事逢坐除名勒停轍移循州宋曾敏行獨醒雜志徽宗即位徙永州岳州已而復大中大夫政和二年卒宋史本傳孔平仲字義甫臨江新喻人登進士第又應制科用呂公著薦為秘書丞集賢校理為江東轉運判官紹聖中言者詆其元祐時附會當路譏毀先烈削校理知衡州提舉董必劾其不推行常平法陷失官米之直六十萬置獄潭州平仲疏言米貯倉五年半陳不堪食若非乘民闕食隨宜泄之將成棄物矣儒以為非臣不敢逃罪乃徙韶州又坐前上書之故責惠州別駕安置英州徽宗立復朝散大夫宋史本傳劉安世字器之魏人登進士第不就選從學於司馬光光人相薦為秘書省正字光薨宣仁太后問可為臺諫者呂公著以安世對權右正言遷起居舍人兼左司諫進左諫議大夫鄧溫伯為翰林承旨安世言其出入王呂黨中始終反覆今之進用實係君子小人消長之機乞行免黜不報遂請外

以中書舍人辭不就以集賢殿修撰提舉崇福宮才六月召爲寶文閣待制樞密都承旨呂惠卿復光祿卿分司安世爭以爲不可不聽出知成德軍章惇用事尤忌惡之初黜知安南軍再貶少府少監三貶新州別駕安置英州同文館獄起蔡京乞誅滅安世等家譏雖不行猶徙梅州惇與蔡京將必真之死因使者入海島誅陳衍諷使者過安世脅使自裁又擢一士豪爲轉運判官使殺之判官疾馳將至梅梅守遣客來勸安世自爲計安世色不動對客飲酒談笑徐書數紙付僕曰我卽死依此行之顧客曰死不難矣客密從僕所視皆經紀同貶當死者之家事甚悉判官未至二十里嘔血而斃危乃得免昭懷后正位中宮詔應天少尹孫礪以檻車收赴京師行數驛而徽宗卽位赦至礪乃還凡投荒七年甲令所載遠惡地無不移之宣和六年復待制中書舍人明年卒安世儀狀魁碩音吐如鐘初除諫官未拜命入白母曰朝廷不以安世不肖使在言路倘居其官須明目張膽以身任責脫有觸忤禍譴立至主上方以孝治天下若以老母辭當可免母曰不然吾聞諫官爲天子諍臣汝父平生欲爲之而弗得汝幸居此地當捐身以報國恩若得罪流放無問遠近吾當從汝所之

於是受命在職累歲正色立朝扶持公道其面折廷諍或帝盛怒則執簡却立伺怒稍解復前抗辭旁侍者遠觀蓄縮悚汗目之曰殿上虎一時無不敬懾家居未嘗有惰容久坐身不傾倚作字不草書不好聲色貨利其忠孝正直皆則象司馬光曰吾欲爲元祐全人見司馬光於地下死後二年金人發其塚貌如生相驚語曰異人也爲之蓋棺乃去

宋史本傳

范祖禹字淳甫一字夢得成都華陽人進士甲科從司馬光編修資治通鑑在洛十五年書成光薦爲秘書省正字哲宗立擢右正言呂公著執政祖禹以壻嫌辭改祠部員外郎又辭除著作佐郎修神宗實錄檢討遷著作郎兼侍講神宗既祥祖禹上疏遷起居郎名試中書舍人皆不拜呂公著薨召拜右諫議大夫首上疏論人主正心修身之要遷給事中聞禁中覓乳媪祖禹以帝年十四非近女色之時上疏勸進德愛身又乞宣仁后保護上躬言甚切至拜翰林學士以叔百祿在中書改侍講學士宣仁太后崩祖禹慮小人乘間害政蘇軾約俱上章論列諫草已具見祖禹疏遂附名同奏曰公之文經世之文也竟不復出其藁時紹述之論已與有相章厚意祖禹力言惇不可用不見從

遂請外上且欲大用而內外梗之者甚衆乃以龍圖閣學士知陝州言者論祖禹修實錄詆誣又摭其諫禁中雇乳媪事連貶武安軍節度副使昭州

別駕安置永州賀州宋史本傳元符元年七月移化州

安置宋史哲宗紀按京都

張士良元符元年二月蔡京等究治同文館獄卒不得要領乃更呂升卿及董必嶺外謀盡殺元祐

黨人初章惇蔡卞恐元祐舊臣一日復起日夜與邢恕謀既再追貶呂公著司馬光又責范大防劉

摯梁燾范祖禹劉安世等過嶺意猶未懌仍用黃履疏高英追貶王珪誣以圖危上窮其言浸及宣

仁聖烈皇后上頗惑之最後起同文館獄將悉誅元祐舊臣專媒孽垂簾時事建言欲追廢宣仁張

士良者前竄雷州惇卞建迎詔欲使證宣仁廢立意及士良至既以舊御藥告并列鼎鑊刀鋸謂之

曰言有卽還舊官無則死士良仰天嘆曰太后不可誣天地神明不可欺也乞就戮京惇無如之何

宣仁廢立之議由是得息彭叔融太平治述統類

謹案張士良宋史無傳故附于元祐竄

臣之末

唐庚字子西眉州丹稜人舉進士稍爲宗子博士

張商英薦其才除提舉京畿常平宋史本傳且欲用爲

諫官文獻通考商英罷相宋史本傳後言者謂子西常宣言

有一網打盡之語文獻通考坐貶安置惠州宋史本傳大觀

五年會赦北歸文獻通考

范坦字伯履以父任爲開封府推官金部員外郎

大理少卿改左司員外郎賜進士第權起居舍人

遷殿中監爲戶部侍郎論當十及夾錫錢之弊以

便親請外知河陽入辭徽宗曰夾錫錢之害甚於

當十宜速正之爲一道率坦至卽奏罷之政和初

復爲戶部遂改當十錢爲當三罷准鹽入東北鬻

諸州公田以實常平又上疏言戶部歲入有限用

則無窮今節度使八十員留後至刺史數千員自

非軍功得之宜減其半俸及他工技末作一切裁

損時以爲當時張商英爲相坦多與之合及商英

去言者論坦助爲匿竭之說以搖衆聽又言坦建

議濶田改常平法廢元符令及罷夾錫錢之罪貶

黃州團練副使安置韶州以赦復微猷閣待制卒

年六十二宋史本傳

蔡攸字居安京長子也元符中監在京裁造院微

宗卽位有寵歷開府儀同三司鎮海軍節度使少

保進見無時益用事與王黼得預宮中秘戲淫媾

詭浪以蠱帝心妻宋氏出入禁掖子行頌殿中監

視執政寵信傾其父童貫伐燕以攸副宣撫王師

入燕進少師封英國公還領樞密院王黼罷政進
太保徙封燕靖康元年從上皇南不及還都始責
爲大中大夫既而安置永州連徙潯雷京死御史
言攸罪不減乃父燕山之役禍及宗社驕奢淫佚
載籍所無當竄諸海島詔置萬安軍尋遣使者隨
所至誅之宋史 臣本傳

姚古河東制置靖康元年六月壬戌坐擁兵逗遛

貶爲節度副使安置廣州宋史 欽宗紀

朱勔蘇州人以姓名屬童貫竄置軍籍中得官微

宗垂意花石勔密取浙中珍異以進初致黃楊三

本帝嘉之後歲歲加增至政和中始極盛船隻相

銜於淮汴號花石綱置應奉局于蘇指取內帑如

囊中物每取以數十百萬計延福官良嶽成奇卉

異植充物其中勔擢至防禦使東南部刺史郡守

多出其門徐鑄應安道王仲閔等濟其惡竭縣官

經常以爲奉所貢物豪奪漁取於民毛髮不少償

士民家一石一木稍堪訖卽領健卒直入其家用

黃封表識未卽取使護視之微不謹卽被以大不

恭罪及發行必撤屋抉墻以出人不幸有一物小

異共指爲不祥唯恐芟夷之不逮民預是役者中

家悉破產或鬻賣子女以供其須斷山葺石程督

峭慘雖在江湖不測之淵百計取之必出乃止流

壽州郡者二十年方臘以誅勔爲名童貫出師承

上旨盡罷去花木進奉帝又黜勔父子弟姪在職

者民大悅然寇平勔復得志自直秘閣至殿學士

如欲可得不附者旋踵罷去時謂東南小朝廷帝

末年益親任之居中白事傳達上旨大畧如內侍

進見不避宮嬪歷隨州觀察使慶遠軍承宣使燕

山奏功進拜寧遠軍節度使醴泉觀使一門盡爲

顯官驕僕亦至金紫天下爲之扼腕靖康之難欲

爲自全計倉卒擁上皇南巡且欲邀至其第欽宗

用御史言放歸田里凡由勔得官者皆罷籍其貲

財田至三十萬畝言者不已羈之衡州徙韶州循

州遣使至所至斬之宋史 欽宗紀 按

宇文虛中字叔通成都華陽人登大觀三年進士

第歷官州縣入爲起居舍人遷中書舍人宣和間

蔡攸童貫貪功開齋將興燕雲之役引女真夾攻

契丹以虛中爲參議官虛中上書以廟謨失策主

帥非人將有納侮自焚之禍王黼大怒降集英殿

修撰督戰益急虛中建十一策上二十議皆不報

粘罕迫太原帝顧虛中曰王黼不用卿言今金人

兩路並進事勢若此奈何虛中奏今日宜先降詔

罪已更革弊端俾人心悅天意回則備禦之事將

帥可以任之卽命虛中草詔會姚平仲劫金營夫

利西兵俱潰金人復引兵逼城下虛中繼而入欽宗欲遣人奉使辨劫營非朝廷意乃姚平仲擅興兵大臣皆不肯行虛中承命即往都亭驛見金使王芮因持書復議和乃得見康王於軍中次日侍王至金幕見二太子者語不遜禮節倨傲抵暮遣人隨虛中入城令虛中再往必請康王歸虛中再出明日從康王還除樞密院事自是又三往金人解兵北去言者劾以議和之罪罷知青州尋落職奉祠宋史本傳建炎元年五月庚子宇文虛中李稅李鄴皆以使金請割地責廣南諸州並安置宋史高宗紀虛中竄韶州二年詔求使絕域者虛中應詔復資政大學士宋史本傳

蔡渭蔡確子更名懋擢同知樞密院事高宗即位下詔暴羣姦之罪貶確武泰軍節度副使宋史蔡懋單州團練副使英州安置蔡確傳凡所與濫恩一切削奪天下快之宋史蔡確傳

王時雍受張邦昌僭逆偽命建炎元年六月高州安置宋史高宗紀

徐秉哲建炎元年六月以徽猷閣直學士為大金通問使秉哲辭責官梅州安置紹興二年二月再貶惠州居住同上

鄭望之字顧道彭城人登崇寧五年進士第歷開

封府儀工戶曹以治辦稱靖康元年金人攻汴京假尚書工部侍郎俾為軍前計議使又除戶部侍郎同李稅至金營以珠玉遺金人金人拘留望之踰旬會宇文虛中持割地詔至望之得還因盛言敵勢強大我兵削弱不可不和既而金兵退朝廷以議和非策罷望之提舉亳州明道宮建炎初李綱以望之張皇敵勢沮損國威以致禍敗責海州團練副使連州居住綱罷詔望之為戶部侍郎宋史本傳

趙子崧字伯山燕懿王後五世孫登崇寧五年進士第宣和間官至宗正少卿除徽猷閣直學士知淮寧府汴京失守起兵勤王道阻未得進聞張邦昌僭位以書白康王王命子崧充大元帥府參議官東南道都總管康王即位除延康殿學士知鎮江府兩浙路兵馬鈐轄賊趙萬犯鎮江子崧遣將擊萬于丹徒調鄉兵乘城為備頃之官軍敗歸鄉兵驚潰子崧率親兵保焦山寺賊據鎮江初昌陵復土司天監苗昌裔謂人曰太祖後當再有天子崧習聞其說靖康末起兵檄文頗涉不遜子崧與御營統制辛道宗有隙道宗求得其文上之詔御史往案其獄情得帝震怒不欲暴其罪坐以前擅棄城降單州團練副使宋史宗室本傳南雄州安置宋史

高宗紹興二年赦復集英殿修撰而子崧已卒于
貶所
宋史宗

范致虛字謙叔建州建陽人舉進士爲大學博士
政和七年爲刑部尚書靖康元年除知京兆府時
金人圍太原聲震關中致虛修戰守備甚力朝廷
命錢蓋節制陝西除致虛陝西宣撫使金人分道
再犯京師詔致虛會兵入援錢蓋兵十萬至潁昌
開京師破而遁西道總管王襄南走致虛獨與西
道副總管孫昭遠合兵環慶帥臣王似熙河帥臣
王倚以兵來會致虛合步騎號二十萬以右武大
夫馬昌祐統之命杜常將民兵萬人趨京師有僧
趙宗印者喜談兵席益薦之致虛以便宜假官俾
充宣撫司參議官兼節制軍馬宗印舟師至三門
津致虛使整兵出潼關至千秋鎮金將婁宿以精
騎衝之不戰而潰死者過半高宗卽位言者論其
逗撓不進徙知鄧州次年宗印領兵出武關與致
虛合會金將銀朱兵壓境致虛遁宗印兵不戰走
轉運使劉汲力戰死焉致虛坐落職責授安遠軍
節度副使英州安置
宋史
本傳

黃潛善字茂和邵武人擢進士第宣和初爲左司
郎高宗卽位拜中書侍郎尋謫江州進左僕射兼
門下侍郎帝渡瓜州幸鎮江敵兵躡其後潛善疏

言艱難之時不敢具文求退中丞張澂劾之乃罷
潛善爲觀文殿大學士知江寧府落職居衡州郭
怒又論潛善伯彥均誤國而潛善之惡居多王廷
秀繼以爲言
宋史
本傳建炎三年三月乙未貶潛善
鎮東軍節度副使英州安置十二月癸卯卒于英
州
宋史高宗紀
本傳按

李綱字伯紀邵武人也登政和二年進士第積官
至監察御史兼權殿中侍御史宣和元年京師大
水綱上疏言陰氣太盛當以盜賊外患爲憂朝廷
惡其言謫監南劍州沙縣稅務七年爲太常少卿
時金人渝盟邊報狎至朝廷議避敵之計綱上禦
戎五策欽宗卽位李邦彥使金議割地綱奏祖宗疆
土當以死守不可以尺寸與人欽宗嘉納除兵部
侍郎徽宗東幸宰執議請上暫避敵鋒綱曰都城
宗廟社稷百官萬民所在捨此欲何之乃以綱爲
尚書右丞宰執猶守避敵之議綱不能奪求去金
使來宰相李邦彥語之曰用兵乃李綱非朝廷意
遂罷綱以蔡懋代之大學士陳東等詣闕上書明
綱無罪軍民不期而集數十萬呼聲動地恚不得
報至殺傷內侍帝亟召綱入見泣拜請死帝亦泣
命綱復爲尚書右丞充京城四壁守禦使衆無不
奮躍金人懼乃退師除綱知樞密院事徐處仁吳

敏罷相而相唐恪許翰罷同知樞密院而進聶山
 陳過庭李同等吳敏復謫置涪州綱歎曰事無可
 為矣即上奏丐罷未幾以綱專主戰議喪師費財
 落職金兵再至上悟和議之非除綱資政殿大學
 士領開封府事高宗即位拜尚書右僕射兼中書
 侍郎起赴闕遣官迎勞賜宴趣見于內殿因泣拜
 曰臣不可與張邦昌同列陛下必欲邦昌第罷臣
 上感動詔邦昌謫潭州吳弁莫儔而下皆遷謫有
 差又進三疏一曰募兵二曰買馬三曰募民出財
 以助兵費諫議大夫宋齊愈聞而笑之謂張浚曰
 李丞相三議無一可行者齊愈將極論之浚曰公
 受禍自此始矣未幾有詔欲幸東南避敵綱極論
 其不可客或有謂綱曰外論洵洵咸謂東幸已決
 綱曰國之存亡於是焉分吾當以去就爭之初綱
 每有論諫無不容納至是所言常留中不報已而
 遷綱尚書左僕射兼門下侍郎至是齊愈論綱三
 事之非不報擬章將再上其鄉人竊其草示綱時
 方論僭逆附偽之罪於是逮齊愈遂戮之東市張
 浚為御史劾綱以私意殺侍從且論其買馬招軍
 之罪詔罷綱尚書右丞許翰言綱忠義捨之無以
 佐中興會上召見陳東東言潛善伯彥不可任綱
 不可去東坐誅翰求去後有旨綱落職居鄂州宋史

本建炎二年十一月責授單州團練副使萬安軍
 安置宋史高宗紀未幾移雷州居住黃紹興二年除觀
 文殿學士宋史本紀
 王元左言主管殿前司建炎三年四月並責官英
 賀州安置宋史高宗紀
 邢倬知鼎州建炎三年九月坐結耶律余覲再責
 汝州團練副使英州安置
 郭仲荀建炎四年春正月癸丑貶汝州團練副使
 廣州安置
 周望建炎四年六月癸酉貶昭化軍節度副使連
 州安置俱同上
 莫儔建炎元年七月復議莫儔吳弁等十一人罪
 並廣南江湖諸州安置餘遞貶有差紹興二年三
 月再貶儔韶州開南雄州並居住宋史高宗紀莫儔請
 曲江其家蒼頭奴為朱勝非治疽而愈奴為儔請
 得復官宋史朱勝非傳
 李光字泰發越州上虞人登崇寧五年進士第欽
 宗受禪擢右司諫紹興中為參知政事時秦檜初
 定和議撤淮南守備奪諸將兵權光極言戎狄狠
 子野心和不可恃備不可撤檜惡之檜以親黨鄭
 億年為資政殿學士光於榻前面折之又與檜語
 難上前因日觀檜之意是欲壅蔽陛下耳目盜弄

國權壞奸誤國不可不察檜大怒明日光丐去高宗曰卿昨面叱秦檜舉措如古人朕退而歎息方寄卿以腹心何乃引去光曰臣與宰相爭論不可留章九上乃除資政殿學士知紹興府改提舉臨安府洞霄宮十一年冬中丞万俟卨論光陰懷怨望責授建寧軍節度副使瓊州安置越四年宋史本傳楊愿在中司傅會其說謂光作詩諷刺時政縱橫傾險子弟賓客往來吳越誘人上書動搖國是光再移謫瓊海宋史楊愿傳居瓊州八年仲子孟堅坐陸升之誣以私撰國史獄成另愿中又告光與胡銓詩賦倡和譏訕朝政移昌化軍論文考史怡然自樂年踰八十筆力精健又三年始以郊恩復左朝奉大夫任便居住至江州而卒孝宗即位復資政殿學士賜諡莊簡宋史本傳

洪皓字光弼鄱陽人登政和五年進士第宣和中爲秀州司錄建炎三年遷五官權微猷問待制假禮部尚書爲大金通問使龔璿副之金遇使人日薄及至雲中黏罕迫二使事劉豫皓曰萬里銜命不得奉兩宮南歸恨力不能磔逆豫忍事之邪願就果饒無悔黏罕怒流遞冷山流遞猶編竄也惟璿至汴受豫官皓至冷山居陳王悟室聚落悟室敬皓使教其子和議將成悟室問所議十事皓條

析甚至悟室曰汝性直不誑我吾與汝如燕遣汝歸議遂行會莫將北來議不合事復中止紹興十年因謀者趙德書機事數萬言歲故架中歸達于帝十一年又求得太后書遣李徽持歸帝大喜曰朕不知太后寧否幾二十年雖遣使百輩不如此一書未幾金主以生子大赦許使人還鄉十二年七月見于內殿皓自建炎已酉出使至是還留北中凡十五年忠義聞于天下既對退見秦檜語連日不止宋史本傳以致金酋室撚語室撚者黏罕之左右也初黏罕行軍至淮上檜嘗爲之草檄爲室撚所見故因皓歸寄聲檜意士大夫莫有知者問皓語深以爲憾遂令李文會論之宋史秦檜傳劾皓不省母出知饒州尋居母喪他言者猶謂皓睥睨鈞衡終喪除饒州通判李勤又附檜誣皓有欺世飛語責濠州團練副使安置英州居九年始復朝奉郎徙袁州至南雄州卒宋史本傳

張所青州人登進士第歷官爲監察御史高宗即位條上兩河利害言黃潛善姦邪不可用李綱入相乃借所直龍圖閣充河北招撫使賜內府錢百萬緡給空名告千餘道以京西卒三千爲衛將佐官屬許自辟置一切以便宜從事命直秘閣王圭爲宣撫司參謀官佐之河北轉運副使張益謙附

黃潛善意奏所置司北京非是且言自置招撫河北盜賊愈熾不若罷之專以其事付帥司李綱言張所今留京師招集將佐尙未及行益謙何以知其擾朝廷以河北民無所歸聚而爲盜故置司招撫因其力而用之豈由置司乃有盜賊乎今京東西羣盜公行攻掠郡縣亦豈招撫司過耶時方艱危朝廷欲有所經理益謙小臣乃以非理沮抑此必有使之者上乃命益謙分析命下樞密院汪伯彥猶用其奏詰責招撫司李綱與伯彥爭於上前伯彥語塞所方招來豪傑以王彥爲都統制岳飛爲準備將而李綱已罷相朝廷以王圭代之所落直龍圖閣嶺南安置卒于貶所宋史本傳

趙鼎字元鎮閩喜人生四歲而孤母樊教之通經史百家之書登崇寧五年進士第累官殿中侍御史北兵至江上上幸會稽召臺諫議去留鼎陳戰守避三策拜御史中丞爲朱勝非所忌除鼎知樞密院川陝宣撫使鼎辭以非才上曰四川全盛半天下之地盡以付卿黜陟專之可也改都督川陝諸軍事鼎所條奏勝非多沮抑之鼎上疏言頃張浚出使川陝國勢百倍於今浚有補天浴日之功陛下有礪山帶河之誓君臣相信古今無二而終致物議以被竄逐今臣無浚之功而當其任遠去

朝廷其能免於紛紛乎時人士皆借其去臺諫有留行者會邊報沓至鼎每陳用兵大計及朝辭上曰卿豈可遠去當遂相卿拜尙書右僕射同中書門下平章事兼知樞密院事上嘗語張浚曰趙鼎眞宰相天使佐朕中興可謂宗社之幸也鼎以政事先後及人才所當召用者條而置之座右次第奏行之後浚因論事語意微侵鼎言臣與浚如兄弟因呂祉離間遂爾睽異今浚成功當使展盡底蘊浚當留臣當去以觀文殿大學士知紹興府浚去位召鼎入對拜尙書左僕射同中書門下平章事兼樞密使始浚薦秦檜可與共大事鼎再相亦以爲言然檜中和而外異浚初求去有旨召鼎鼎至越丐祠檜惡其逼已徙知泉州又諷謝祖信王次翁論鼎累貶至清遠軍節度副使潮州安置在湖五年杜門謝客時事不掛口有問者引咎而已中丞詹大方誣其受賄屬潮守放編置人移吉陽軍鼎謝表曰白首何歸悵餘生之無幾丹心未泯誓九死以不移檜見之曰此老倔強猶昔在吉陽三年潛居深處門人故吏皆不敢通問惟廣西帥張宗元時饋醪米檜知之命本軍月具存亡申鼎鼎遣人語其子汾曰檜必欲殺我我死汝曹無患不爾禍及一家矣先得疾自書墓中石記鄉里

及除拜歲月至是書銘旌云身騎箕尾歸天上氣
作山河壯本朝遺言屬其子乞歸葬遂不食而死

時紹興十七年也天下聞而悲之

宋史本傳

徐誼字子宜一字宏父溫州人乾道八年進士累
官太常丞寧宗初以工部侍郎知臨安府韓侂胄
恃功以賞薄浸缺望誼告趙汝愚曰異時必爲國
患宜飽其欲而遠之不聽汝愚雅器誼除授建明
多咨訪誼隨事裨助不避形迹怨者始衆嘗勸汝
愚早退汝愚亦自請名在屬籍不宜久司揆事願
因阜陵訖事以去寧宗已許之侂胄出入禁中無
度誼密啓汝愚無計防之乃直面諷侂胄侂胄疑
將排已首謁誼退束裝冀誼還謁留之通殷勤誼
不在吏部侍郎彭龜年論侂胄罪狀侂胄疑汝愚
誼知其情益怨恨以御史劉德秀胡紘疏誼責惠
州團練副使南安軍安置移袁州又移婺州
鄭剛中字亨仲婺州金華人登進士甲科累官四
川宣撫副使頗有方畧秦檜怒剛中在蜀專擅令
侍御史汪勃奏置四川財賦總領官以趙不棄爲
之不隸宣撫司不棄牒宣撫司剛中怒由是有隙
不棄頗求剛中陰事言於檜檜陽召不棄歸因召
剛中剛中語人曰孤危之迹獨賴上知之耳檜聞
愈怒遂罷責桂陽軍居住再責濠州團練副使復

州安置

宋史本傳

紹興十九年三月移封州安置高宗

胡寅字明仲安國弟之子也中宣和進士甲科紹
興四年爲起居郎遷中書舍人時議遣使入雲中
寅上疏言女真乃國大讐無可通之義寢罷使命
高宗嘉納云胡寅論使事詞旨剴切降詔獎諭既
而張浚自江上還竟反前旨寅復奏疏寅既與浚
異遂乞便郡就養知嚴州改知永州尋除禮部侍
郎兼侍讀直學士院丁父憂免喪時秦檜當國除
徽猷閣直學士提舉江州太平觀俄乞致仕遂歸
衡州檜忌寅雖告老猶憤之坐與李光書譏訕朝
政落職右正言章復幼寅不持木生母服不孝諫
通都好不忠責授果州團練副使新州安置檜死
詔自便尋復其官紹興二十一年卒寅志節豪邁
新州謫命下即日就道在謫所著讀史管見數十
萬言及論語詳說皆行于世

宋史本傳

曹泳秦檜微時借人債不足曹泳贈以雙縑檜深
德之引薦官至戶部侍郎知臨安府及檜病篤高
宗幸其第視疾檜已不能言懷中出一劄乞以其
子熺代輔政上視之無語既出呼幹辦府問何人
爲此則答以泳

續紹興

二十五年冬十月丙午檜
薨丁酉曹泳停官新州安置二十六年春正月丙

寅吉陽軍編管高宗

宋貺黨附秦檜紹興二十六年冬十月乙未責梅州安置

呂愿中直徽猷閣貪虐附秦檜紹興二十六年二月庚子責果州團練副使封州安置

符行中紹興二十七年三月壬辰詔符行中前在蜀恣橫南雄州安置俱同上

劉寶乾道元年正月甲戌武泰軍承宣使劉寶責果州團練副使瓊州安置宋史孝宗紀

龔茂良字實之興化軍人紹興八年進士第為南安簿邵武司法調泉州察推以廉勤稱改宣教郎以同知樞密院事累遷吏部郎官除監察御史嘗論內侍龍大淵會覲姦回疏入不報即家居待罪

上後知二人之姦既逐于外起茂良廣東提刑就知信州召對崇政殿除直顯謨閣江西運判兼知隆興府除禮部侍郎拜參知政事奏事賜坐以首

參行相事踰再歲上亦不置相淳熙四年正月召史浩於四明茂良亦覺眷衰因疾力求去上曰朕

以經筵召史浩卿不須疑時曾覲欲以大資祿其孫茂良以文武官各隨本色蔭補格法繳進覲因

茂良入堂道間俾直省官賈光祖等當道不避街司叱之曰參政能幾時茂良奏臣固不足道所惜

者朝廷大體上諭覲往謝茂良正色曰參知政事者朝廷參知政事也覲慙退上諭茂良先遣人於覲衝替而後施行茂良批旨取賈光祖輩下臨安府撻之手詔宣問施行太遽茂良待罪上使人宣諭委曲令繳進手詔且謂卿去雖得美各置朕何地茂良即奉詔謝廓然賜出身除殿中侍御史廓然附會覲者也中書舍人林光輔繳奏不書黃遂補外職茂良力求去上諭曰朕極知卿不敢忘欲保全卿去俟議恢復卿當再來是日除職與郡令內殿奏事乃手疏恢復六事上曰卿五年不說恢復何故今日及此退朝甚怒曰福建子不可信如此謝廓然因劾之乃落職放罷尋又論茂良擅權不公矯傳上旨輒斷竄光祖等罪遂責降安置英州父子卒於貶所覲與廓然死後茂良家投匭訟冤遂復通奉大夫周必大獨相進呈復職上曰茂良本無罪遂復資政殿學士謚莊敏宋史本傳

者朝廷參知政事也覲慙退上諭茂良先遣人於

覲衝替而後施行茂良批旨取賈光祖輩下臨安

府撻之手詔宣問施行太遽茂良待罪上使人宣

諭委曲令繳進手詔且謂卿去雖得美各置朕何

地茂良即奉詔謝廓然賜出身除殿中侍御史廓

然附會覲者也中書舍人林光輔繳奏不書黃遂

補外職茂良力求去上諭曰朕極知卿不敢忘欲

保全卿去俟議恢復卿當再來是日除職與郡令

內殿奏事乃手疏恢復六事上曰卿五年不說恢

復何故今日及此退朝甚怒曰福建子不可信如

此謝廓然因劾之乃落職放罷尋又論茂良擅權

不公矯傳上旨輒斷竄光祖等罪遂責降安置英

州父子卒於貶所覲與廓然死後茂良家投匭訟

冤遂復通奉大夫周必大獨相進呈復職上曰茂

良本無罪遂復資政殿學士謚莊敏宋史本傳

陳自強福州閩縣人字勉之登淳熙五年進士第

慶元二年入都待銓自以嘗為韓侂胄童子師欲

見之無以自通適僦居主人出入侂胄家為言於

侂胄召自強至從官畢集侂胄設褥於堂鄉自強

再拜次召從官同坐侂胄徐曰陳先生老儒汨沒

可念明日從官交薦其才除太學錄遷博士數月

轉國子博士又遷秘書郎入館半載擢右正言諫議大夫御史中丞未踰月遂登樞府嘉泰二年拜右丞相歷封新衛秦國公方侂胄欲爲平章事猶畏衆議自強首率同列援典故入奏詔以侂胄爲平章軍國事侂胄姦兇久盜國柄自強實爲之表裏史彌遠建議誅侂胄詔以自強阿附充位不恤國事罷右丞相永州居住又責武泰軍節度使韶州安置中書舍人倪思繳奏乞遠竄籍其家詔從之再責復州團練副使雷州安置後死於廣州蘇師旦韓侂胄所役也侂胄昵爲腹心除安遠軍節度使自置棧速房於私第甚者假作御筆升黜將帥事關機要未嘗奏禀人莫敢言開禧四年侂胄議降詔趣諸將進兵未幾皇甫斌兵敗於唐州秦世輔至城固兵潰郭倬李汝翼敗於宿州侂胄既喪師始覺爲師旦所誤侂胄招李璧飲酒酒酣語及師旦璧微摘其過侂胄以爲然璧乃悉數其罪贊侂胄斥去之宋史韓侂胄傳開禧二年秋七月庚子蘇師旦除名韶州安置宋史宗紀侂胄殛殺有詔斬師旦於廣東宋史韓侂胄傳

李爽開禧二年八月再奪三官南雄州安置宋史宗紀

鄧交龍開禧三年十一月辛巳奪五官南雄安置

尋除名徙循州戊子郭倪除名梅州安置郭俱除名連州安置仍籍其家十二月庚戌再奪皇甫斌五官英德府安置

劉昌祖嘉定十一年九月丙申奪五官韶州安置雷雲嘉定十二年閏月己未追三官梅州安置俱上

吳潛字毅夫宣州寧國人嘉定十年進士第一紹定四年爲尙右郎官貽書史彌遠論事又告執政論用兵復河南不易其言卒驗遷江東安撫畱守端平元年詔求直言潛陳九事以直論忤時相罷淳祐十一年爲參知政事拜右丞相兼樞密使明年以水災乞解機政以觀文殿大學士提舉洞霄宮又四年拜特進左丞相進封慶國公屬將立度宗爲太子潛密奏云臣無彌遠之材忠王無陛下之福帝怒潛卒以沈炎論劾落職命下中書舍人洪芹繳還詞頭不報論建昌軍尋徙潮州責授化州團練使循州安置潛預知死日語人曰吾將逝矣夜必雷風大作已而果然四鼓開霽撰遺表作詩頌端坐而逝時景定三年五月也循人聞之咨嗟悲痛德祐元年追復元官宋史本傳

黃憲昭筠州人至順中累官西臺侍御史以直諫

馳聲朝署會禁漢人南人不得蓄兵器犯者論死乃上疏言天生五材誰能去兵苟以南北異視人疑懼為變非小忤意後至元三年詔安置廣州行至南雄卒黃志

徹徹禿沙哥至順二年二月坐妄言不道詔安置

徹徹禿廣州沙哥雷州元史文宗紀

月魯帖木兒幼倣儻有大志仁宗時入宿衛令常侍禁庭毋止其人哈刺哈孫欲用為中書蒙古必

閣赤辭哈刺哈孫曰汝年幼欲何為乎對曰欲為

御史爾人壯其志久之遂拜監察御史巡按上都

劾奏太師帖木迭兒受張弼賂六萬帝怒碎太師

印賜月魯帖木兒鈔萬貫除兵部郎中拜殿中侍

御史泰定初遷汴梁路總管再調總管武昌以養

親不赴致和元年河南行省平章伯顏矯制起月

魯帖木兒為本省參知政事共議起兵月魯帖木

兒回辭曰皇子北還問參政受命何人則將何辭

以對伯顏怒會明里董阿迓皇子過河南而月魯

帖木兒為御史時嘗劾其娶娼女冒受封明里董

阿因說伯顏收之丞相別不花亦與之有隙乃謫

月魯帖木兒乾寧安撫司安置至順四年移置雷

州元史本傳

亦憐真班西夏人性剛正動有禮法至順初拜翰

林學士承旨榮祿大夫遷功德使指揮使如故尋

出為陝西行省平章政事未行復為翰林學士承

旨元統至元之間伯顏為丞相專權擅政嫉其論

事不阿出為江南行臺御史大夫尋殺其子答里

麻而謫置海南元史本傳居于瓊剝擾鹽場罔為殖貨

廉訪司副使馬合謀使人致言曰中丞得罪當闕

門謝過豈可更為不法以重累乎真班聞之即日

敘慎黃志及伯顏敗乃得召還朝元史本傳

謹案亦憐真班黃志作慈憐真班實一人

而音譯不同耳

哈麻十六年春正月戊戌罷左丞相二月癸酉御

史大夫搠思監糾言哈麻及其弟罪惡帝曰哈麻

兄弟雖有罪然侍朕日久與朕弟懿璘質班皇帝

實同罪且緩其罰令之出征自劾丙辰平章政事

桑哥失里等復奏哈麻兄弟罪惡遂命貶哈麻惠

州安置尋杖殺之元史順帝紀

明

薛顯蕭人趙均用據徐州以顯為元帥守泗州均

用死顯以泗州來降授親軍指揮鄧仲謙據新淦

不下顯討斬之以功擢江西行省參政進行省右

丞洪武三年冬大封功臣以顯擅殺胥吏獸醫火

者馬軍及千戶吳富面數其罪封永城侯勿子券

謫居海南分其祿為三一以贍所殺吳富及馬軍之家一以給其母妻令功過無相掩顯居海南踰年帝念之召還予世券二十年冬卒贈永國公謚

桓襄明史本傳

世家寶字觀益北庭人明初以元門間良官任大理寺卿獄詳明上稱獎之改刑部尚書洪武二

年冬十一月坐事降廬陵知縣召還為兵馬副指揮七年九月擢兩浙鹽運司副使賜公田米五十

石尋以註誤坐不敬發儋州安置後有難斷訟獄上思其才召還復為刑部尚書未至卒又有吉昌

亦北庭人忠臣大夫吉星子也孝行著聞見重於時初令曲江尋入為尚寶丞拜監察御史繼遷山

東按察副使以旁累謫儋州安置黃志桑慎字仲脩世居常州遷嘉興洪武初任監察御

史嘗廷諍有折檻之風以行部海南奏誅衛使張榮坐不避八議罪謫瓊州安置未嘗怨懟動止合

理後名還許存仁名元以字行金華人許謙後為國子祭酒

十年自稽古禮文之事至于人材進退時政弛張無不預議及脩舉廢墜更規設法以教國子條例

數十事皆見施行適浙江僉事程孔僉劾奏存仁駐杭娶妾飭牀以象牙非師臣體詔勿治安置詔

州既至詔即張文獻公祠以居好事者繪為南華謫居圖後遇赦還卒

瞿宏廬州合肥人祖能中軍左都督革除中禦北師內難平宏坐罪屬調發海南衛崖州千戶所閑

住男連孫兄子綱信皆同安置俱同上孫岳為都督建文時守鳳陽嘗毀太祖所建寺材

修戰艦以禦燕軍燕知其有備取他道南下永樂元年鄭賜劾之詔安置海南明史鄭賜傳

鐵仲名鄧人子鉉建文初為山東參政燕兵攻德州遂攻濟南鉉乘城守禦凡三閱月卒固守不能

下帝聞大悅遣官慰勞賜金幣封其三世擢山東布政使進兵部尚書盛庸為平燕將軍命鉉參其

軍務四年燕兵渡江鉉屯淮上兵潰燕王即皇帝位執之至反背坐廷中媢罵令其一回顧終不可

遂磔於市年三十七父仲名母薛竝安置海南明史鐵仲傳

廣東通志卷二百六十四終

廣東通志卷二百六十五

諫宦錄四 沈從一 漢至唐

張由 史立 毋將隆 丁元 趙昌

孫寵 董恭 董寬 董信

淳于醜 冷褒 段猶

傅昊 呂寬

王章妻子 中山王后

陰軼 陰政 已上 漢 虞翻

顧譚 顧承

張休 樓元 子據

薛瑩 王著 王廷

張尚 已上 國 孫泰

王誕 已上 晉 孟微生

謝靈運 劉素 劉温之 何致子 顏遜之

顧邁 謝緯

沈懷遠 垣襲祖

沈睦 徐爰 已上 宋

謝超宗 劉祥

垣惠隆 已上 齊 范縝

魏汝陰王孫慶和 庾景休

王貞秀 已上 梁 裴寬

房恭懿 來曠

薛道衡

柳述 王頊

元巖 侯莫陳芮 已上 隋

楊綸 楊温 裴虔通

李德武 牛方裕 薛世良 高元 唐奉義

陳師合 黨仁宏

杜構 侯君集

王敬直 崔仁師

羅道琮 蕭齡之

王全信 房遺愛諸子

魏元同 高正業 劉納言

源直心 長孫沖

慕容寶節 許昂

許彥伯 李義府

董思恭 徐齊暉

李茂 王方翼

曹懷舜 裴敬彝

胡元範 李慎諸子家屬

李温 李孝逸

李靈夔 宗秦客 弟楚客 晉朝

郭正一 元萬頃

李嗣真 李琳 弟瑾 弟 欽古

| | | | | | | | | | | | | | | | | | | | | | |
|-----|-----|-------------------------------|-----------------------|-----|-----|-----|--------------------|-----|-------------------|-----|-----|-----|-----|----|-----|-----|-----|-------------------|-----|--------------------|-----|
| 薛克構 | 李義珣 | 李游道 | 崔元綜 | 武元爽 | 閻朝隱 | 沈佺期 | 李秦授 | 李福業 | 崔神慶 | 袁守一 | 陳思問 | 宋之問 | 劉幽求 | 鄭愔 | 盧藏用 | 趙誨 | 裴景仙 | 裴虛己 | 李美玉 | 盧崇道 | 辛景湊 |
| 章方質 | 俞文俊 | 裴行本 | 張楚金 | 張說 | 張錫 | 章元貞 | 房融 | 王無競 | 章月將 | 鄭普思 | 薛伯陽 | 劉昇 | 郭元振 | 段謙 | 孔璋 | 劉承祖 | 李氏 | 思結歸國 | 張瑄 | 王元炎 | 魏萱 |
| | | <small>袁智宏 李元素 王增 崔神基</small> | <small>子承嗣 敏之</small> | | | | <small>曹仁哲</small> | | <small>高幹</small> | | | | | | | | | <small>弟瑒</small> | | <small>王延祐</small> | |

| | | | | | | | | | | | | | | | | | | | | | |
|-------|-------------------|-------------------|------|-------|-----|-----|----|-------------------------------|-----------------------|------------------------------|-------------------|-----|-----|---------------------------|----|----|----|-----|-----|-----|-----|
| 安思順家屬 | 楊慎矜 | 韓浩 | 吳裴 | 田希鑒家屬 | 徐粲 | 陳歸 | 崔遠 | 蕭鼎 | 崔元受 | 盧繼宗 | 梁悅 | 陸慎餘 | 李師賢 | 權長孺 | 李賞 | 薛樞 | 李涉 | 趙歸真 | 楊叔元 | 吳士矩 | 崔黨兒 |
| 章堅 | 宋渾 | 賈直言 | 劉晏家屬 | 寶甲 | 王定遠 | 崔河圖 | 薛約 | 趙博宣 | 李銛 | 郭東野 | 沈璧 | 劉師服 | 嚴粲 | 董宏景 | 唐慶 | 林蘊 | 劉伉 | 田伉 | 宋若憲 | 蕭宏 | 路嚴 |
| | <small>弟思</small> | <small>父道</small> | | | | | | <small>韋恪 裴液 蕭位 弟佩 儒思</small> | <small>李師智 李云</small> | <small>郭元覽 于啓明 王昭 于方</small> | <small>薛渾</small> | | | <small>程準 李元載 田佐元</small> | | | | | | | |

李可及

韓穎 劉旭

符鳳

歐陽矩 已上

謹案唐時廣東西郴州閩中雲南皆謂之嶺南嶺表亦謂之嶺外新舊書隨筆漫書殊無分別今備錄之以俟考其可考者如李善流嶺外雲南之姚州也冉祖雍流嶺南廣西之桂州也李德睿張溶陳敬瑄等皆未至配所茲概不錄

漢

張由中郎謁者哀帝即位遣由將醫治中山小王孝王子時未滿歲有青病由素有狂易病發怒去西歸長安尚書薄責擅去狀由恐因誣言中山太后孝王太后也祝詛上及太后太后即傳昭儀也素常怨馮太后使中謁者令史立等雜治立受傳太后指劾奏祝詛謀反大逆馮太后無服解飲藥自殺張由以先告賜爵關內侯史立遷中太僕哀帝崩孔光奏由前誣告骨肉立陷人入大辟為國家結怨於天下以取秩獲爵邑幸蒙赦令請免為庶人徙合浦漢書外戚馮昭儀傳母將隆哀帝即位隆以高第人為京兆尹遷執金吾時侍中董賢方貴上使中黃門發武庫兵前後十輩送董賢及上乳母王阿舍隆以為非宜請收

還武庫上不說傳太后使謁者買諸官婢賤取之復取執金吾官婢八人隆奏言買賤請更平直上於是制詔丞相御史大夫隆位九卿既無以匡朝廷之不逮而反奏請與永信官爭貴賤之賈舉措不由諛理以前有安國之言如淳曰徵定陶王使在國邸也左遷為沛郡尉遷南郡太守王莽少時慕與隆交隆不甚附哀帝崩莽秉政使大司徒孔光奏隆前為冀州牧治中山馮太后獄冤陷無辜不宜處位在中土本中謁者令史立侍御史丁元自典考之但與隆連名奏事時史立為中太僕丁元泰山太守及尚書令趙昌為河內太守皆免官徙合浦漢書本傳孫寵官待詔建平四年與息夫躬等告東平王雲后謁祠祀祝詛下有司治伏其辜封寵方陽侯食邑千戶漢書董賢傳元壽二年坐前為姦讒徙合浦漢書外戚恩澤侯表董恭董賢父也賢始幸問及其父為雲中侯即日徵為霸陵令賢寵愛日甚遷賢父為少府賜爵關內侯復徙為衛尉賢代丁明為大司馬百官因賢奏事以父恭不宜在卿位徙為光祿大夫秩中二千石弟寬信為駙馬都尉哀帝崩賢自殺父恭弟寬信與家屬徙合浦漢書董賢傳淳于誦父長舉大逆死獄中妻子當坐者徙合浦

母若歸故郡久之還長母及子酺於長安後酺有罪王莽殺之漢書淳于長傳

冷褒哀帝即位傅太后要上欲必稱尊號上於是

追尊定陶共王為共皇傅皇后為共皇太后丁后

為共皇后郎中令冷褒黃門郎段猶等復奏不宜

引定陶蕃國之名以冠大號又宜為共皇立廟京

師上復下其議有司皆以為宜如褒猶言平帝即

位新都侯王莽白太皇太后發掘傅太后丁太后

冢奪其璽綬更以民葬之定陶廢共皇廟諸造

議冷褒段猶等皆徙合浦漢書師丹傳

傅晏以皇后父封孔鄉侯綏和二年四月壬寅漢書

最尊重孝哀傳元壽元年為大司馬衛將軍漢書

平帝即位王莽用事免傅氏官爵歸故郡晏將

妻子徙合浦漢書傳

呂寬莽子字非莽隔絕衛氏與師吳章及婦兄呂

寬讓其故章以莽為不可諫而好鬼神可為變怪

以驚懼之因推類說令歸政於衛氏宇即使寬夜

持血灑莽第門吏發覺之莽執宇送獄飲藥死呂

寬家徙合浦漢書王莽傳

王章泰山鉅平人為京兆尹時帝舅大將軍王鳳

輔政章奏封事召見言鳳不可任用上不忍退鳳

章遂為鳳所陷罪至大逆下廷尉獄妻子皆收繫

章死妻子徙合浦鳳薨後弟成都侯商復為大將

軍輔政自上還章妻子故郡其家屬皆完具采珠

致產數百萬時蕭育為泰山太守皆令贖還田宅

漢書本傳中山王后平帝立王莽懲丁傅行事母衛姬及外

家不得至京師衛后日夜啼泣思見帝莽子宇教

令上書求至京師事發覺莽殺宇盡誅衛氏支屬

衛寶女為中山王后免后徙合浦漢書中山衛姬傳

後漢

陰軼弟政後漢書和帝永元八年春三月立皇后

陰氏后父綱為屯騎校尉九年夏五月封為防侯

以特進侯就第子軼政皆黃門郎後漢書作三子

十四年夏六月皇后陰氏廢初后與外祖母鄧

祀祝詛詔中常侍張禎後漢書尚書陳褒於掖庭

窮治其獄后父綱自殺兄軼等徙合浦後漢書以

徙日南比景縣袁宏後漢紀

三國

虞翻字仲翔會稽餘姚人也吳書曰翻少太守王

朗命為功曹朗敗亡走孫策復命為功曹待以交

友之禮策薨後州舉茂才漢召為侍御史曹公為

司空辟皆不就孫權以為騎都尉翻數犯顏諫爭

權不悅又性不諧俗多見毀謗坐徙丹陽呂蒙還
 建業請以自隨權既為吳王歡宴之末自起行酒
 翻伏地陽醉不持權去翻起坐權於是大怒手劍
 欲擊之大司農劉基起抱權諫得免翻數有酒失
 權與張昭論及神仙翻指昭曰彼皆死人而語神
 仙世豈有神仙也權積怒非一遂徙翻交州雖處
 罪放而講學不倦門徒常數百人翻別傳曰權即
 日陛下府明聖之德體舜禹之孝歷運當期上天
 蓋物奉承策命臣獨沐舞罪棄兩絕拜賀無階仰
 瞻宸極且喜且悲臣伏自刻省命輕泉雀性難豪
 念數頻受生活復倫視息臣年耳極全有九載退當
 容枯率髮白齒落雖不能死自悼終沒不見官賜
 百官之宮不睹皇真全軒之飾仰觀羣衆民之
 悲喜運祿大又為老子論語國語訓注皆傳於世
 翻別傳曰翻棄南方自恨疏節骨體不媚犯上獲
 罪當長沒海隅生無可與語死以青蠅為弔客使
 天下一人知己者足以不恨以在南十餘年年七
 十卒吳書曰翻在徙棄心不忘國常憂五益宜
 人財以求馬既非國利又恐無獲欲諫不敢作表
 以示呂岱岱不報為愛憎所白復徒蒼梧臨江
 表傳曰後權遣將士至遠東於海中遭風多所沒
 失權等之乃命曰昔趙簡子稱諸君之唯唯不如此
 周舍之諍諍哉翻亮直善於盡言匡之周舍也前
 使翻在此此役不成促下問交州翻若尚存者給
 其人船發還都若已亡者送喪歸葬舊墓妻子
 還本郡使兒子仕宦會翻已終吳志本傳
 并表注得還翻有十一子記最知名
 顧譚字子默弱冠與諸葛恪等為太子友從中庶
 子轉輔正都尉赤烏中代恪為左節度加奉車都

尉薛綜為選曹尚書固讓譚曰譚心精體密貫道
 達微才照人物德允眾望誠非愚臣所可越先後
 遂代綜祖父雍卒數月拜太常代雍平尚書事是
 時魯王霸有盛寵與太子和齊衡譚上疏由是霸
 與譚有隙時長公主婿衛將軍全琮子寄為霸賓
 客素傾邪譚所不納先是譚弟承與張休俱北征
 壽春全琮時為大都督與魏將王凌戰於芍陂軍
 不利魏軍乘勝陷沒五營將秦兒軍休承奮擊之
 遂駐魏師琮羣子緒端亦并為將因敵既駐乃進
 擊之凌軍用退時論功行賞以為駐敵功大退敵
 功小休承并為雜號將軍緒端偏裨而已寄父子
 益恨共搆會譚吳錄全琮父子屢言芍陂之功而
 休承與詢通情休坐繫獄權為譚故沈吟不決欲
 令譚謝而釋之及大會以問譚譚不謝而曰陛下
 不敬罪應大辟惟以產故不致法皆徒之譚坐徙
 交州幽而發憤著新言二十篇其知難篇益以自
 悼傷也見流二年年四十二卒於交阯吳志本傳
 并表注謹案孫權傳秦兒作秦晃譚卒於交阯似
 不應采然吳時交州刺史治在今封川地
 或初徙時在州治後乃卒於交阯亦未可
 知且為下顧承張休張本故仍存之若道
 卒及追害於道者概從刪
 顧承為侍中芍陂之役拜奮威將軍出領京下督

數年與兄譚張休等俱徙交州年三十七卒吳志本傳
張休字叔嗣彭城人弱冠為太子登僚友權嘗夜
獵追暮乃歸休上疏諫權大善之後為侍中遷揚
武將軍以芍陂論功事徙交州中書令孫宏佞偽
險詖休素所忿宏因是譖訴下詔書賜休死吳志張昭傳

樓元字承先孫休時為監農御史孫皓即位為大
司農萬或陳親密近職宜用好人皓因勅有司求
清忠之士遂用元為官下鎮禁中候主殿中事元
從九卿持刀侍衛正身率眾奉法而行應對切直
數忤皓意後人誣白元與賀劭相逢駐共耳語大
笑諷訕政事遂被詔詰責送付廣州東觀合華覈
上疏曰諸吏之中任幹之事足委杖者無勝於樓
元元清忠奉公端冕當世眾服其操無與爭先夫
清者則心平而意直忠者惟正道而履之如元之
性終始可保乞陛下赦元前愆使得自新擢之宰
司責其後效皓疾元名聲復徙元及子據付交阯
將張奕使以戰自効陰別勅奕令殺之據到交阯
病死元一身隨奕討賊持刀步步涉見奕輒拜奕未
忍殺會奕暴卒元殞斂於器中見勅書還便自殺
江表傳曰皓遣將張奕追賜元據奕以元賢者不
忍即宜詔致藥元陰知之謂奕曰當早告元元何
惜耶即服藥死
吳志本傳并裴注

薛瑩字道言沛郡竹邑人孫皓初為左執法遷選曹
尚書及立太子又領少傅建衡三年何定建議鑿
聖谿以通江淮皓令瑩督萬人往還以多盤石難
施功罷還出為武昌左都督後定被誅皓追聖谿
事下瑩獄徙廣州石國史華覈疏瑩涉學既博文
章尤妙召還為國左史吳志薛瑩傳

王著孫皓初王蕃為常侍不能承顏順指時或迂
意積以見責甘露二年皓大會羣臣蕃沈醉頓伏
皓疑而不悅舉蕃出外頃之請還酒亦不解蕃性
有威嚴行止自若皓大怒呵左右於殿下斬之徙
蕃家屬廣州二弟著延皆作佳器郭馬起事不為
馬用見害吳志王蕃傳

張尚絃之孫也通鑑有俊才吳志裴注孫皓時為
侍郎以言語辯捷見知擢為侍中中書令吳志張
尚絃傳
吳主忌勝己者尚談論每出其表吳主積以致恨
後問孤飲酒可以方誰尚曰陛下有百觚之量吳
主曰尚知孔邱不王而以孤方之因發怒收尚通鑑
晉岑昏等泥頭請代尚死尚得免死徙廣州
通鑑
引三十
國春秋

孫秦孫恩叔父秦師事錢塘杜子恭子恭死秦傳
其術浮狡有小才誑誘百姓愚者敬之如神皆竭

財產進子女以求福慶王珣言於會稽王道子流
之於廣州廣州刺史王懷之以泰行鬱林太守南
越歸之太子少傅王雅先與泰善言於孝武帝以
泰知養性之方因召還

晉書
王雅傳

王誕字茂世會稽王世子元顯開後軍府以誕補
功曹尋為琅邪內史誕結事元顯嬖人張法順故
見寵元顯討桓元欲悉誅桓氏誕固陳修等與元
志趣不同由此得免及元得志將見誅修為之陳
請乃徙廣州盧循據廣州以誕為其平南府長史
甚貧體之誕久客思歸乃說循曰下官流遠在此
被蒙殊眷士感知己實思報答本非戎旅在此無
用素為劉鎮軍所識情味不淺若得北歸必蒙任
寄公私際會思報厚恩愈於停此空移歲月循甚
然之時廣州刺史吳隱之亦為循所拘留誕又曰
將軍今留吳公公私非計孫伯符豈不欲留華子
魚但以一境不容二君耳於是誕及隱之并還

宋書

宋

孟徵生孟龍符封臨沅縣男無子弟仙客以子徵
生嗣封元嘉中有罪奪爵徙廣州孝武大明初諸
流徙者悉聽還徵生已死子係祖歸京都

宋書孟
龍符傳

謝靈運陳郡陽夏人也文章之美江左無二性豪

奢肆意遊遨因父祖之資生業甚厚奴僮既眾義
故門生數百常自始寧南山伐木開逕直至臨海
在會稽亦多徒眾驚動縣邑太守孟顛因靈運橫
恣百姓驚擾乃表其異志露板上言大祖知其誣
不罪也不欲使東歸以為臨川內史在郡游放不
異永嘉為有司所糾司徒遣使隨州從事鄭望生
收靈運靈運與兵叛逸遂有逆志追討禽之送廷
尉論正斬刑上愛其才欲免官而已彭城王義康
堅執謂不宜恕乃詔曰靈運罪釁累仍誠合盡法
但謝元功參微管宜宥及後嗣可降死一等徒付
廣州後秦郡府將宗齊受使至涂口行達桃墟村
見有七人下路亂語疑非常人還告郡縣遣兵隨
齊受掩討悉禽付獄其一人姓趙名欽陽山縣人
云同村薛道雙先與靈運共事因同村成國報欽
云先作臨川郡犯事謝徙廣州給錢合買弓箭刀
楯等物使道雙要合健兒於三江口募取謝若得
者如意之後功勞是同遂合部黨要謝不及既還
饑饉緣路為劫有司又請依法收治文帝詔於廣
州棄市臨死作詩曰龔勝無餘生李業有終盡稽
公理既迫霍生命亦隕悽悽凌霜葉網網衝風苗
邂逅竟幾何修短非所愍送心正覺前斯痛久已
忍恨我君子志不獲廢上泯時元嘉十年年四十

九子鳳蚤卒 宋書本傳

劉素彭城王義康與王宏共輔朝政宏多疾內外眾務一委義康太子詹事劉湛南陽劉斌為義康所寵遂結朋黨若有盡忠奉國不同己者必構以罪黜自是主相之勢分矣義康欲以斌為丹陽尹上覺之曰以為吳郡後會稽太守羊元保求還義康又欲以斌代之上時未有所擬倉卒曰我已用王鴻上以嫌隙既成將致大禍元嘉十七年乃收劉湛又誅斌及劉敬文孔邵秀孔永秀孔文秀司馬亮盛曇泰徒尚書庫部郎何默子餘姚令韓景之永興令顏遙之湛弟黃門郎素斌弟給事中溫於廣州 南史彭斌王義康傳

顧邁始興王濬為南徐吳郡顧邁輕薄而有才能

濬待之甚厚深言密事皆與參之邁悉以語劉瑀瑀白之濬大怒啓文帝徙邁廣州邁在州值蕭簡為亂為之盡力與簡俱死 宋書劉穆之傳

謝緯謝述三子綜約緯綜與范蔚宗謀反伏誅約亦坐死緯尚太祖第五女長城公主素為約所憎

免死徙廣州孝建中還京師 宋書謝述傳

沈懷遠 吳興武康人 為始興王濬征北長流參軍深見

親待坐納王鸚鵡為妾世祖徙之廣州使廣州刺史宗慤於南殺之會南郡王義宣反懷遠頗聞文

筆怒起義使作檄書并銜命至始興與始興相沈法系論起義事事平慤具為陳請由此見原終世祖世不得還前廢帝世歸官至武康令 宋書沈懷遠傳

垣襲祖垣護之子為淮陽太守孝武以事徙之嶺南護之不食而死帝疾篤又使殺襲祖臨死與榮祖書曰弟嘗勸我危行言孫今果敗矣 南史垣榮祖傳

沈睦沈演之子睦為黃門郎通直散騎常侍世祖大明初坐要引上左右俞欣之訪評殿省內事又與弟西陽王文學勃忿闌不睦坐徙始興郡 宋書沈演傳

徐爰字長玉孝建初為殿中郎兼右丞尋即真遷左丞前廢帝凶暴無道殿省舊人多見罪黜惟爰巧於將迎始終無廷封吳平縣子太宗即位例削封明年除大中大夫爰秉權日久上昔在藩素所不說及景和世屈辱卑約爰禮敬甚簡益銜之泰始三年詔徙付交州爰既行又詔除廣州統內郡有司奏以為宋隆太守除命既下爰已至交州值刺史張牧病卒土人孝長仁為亂悉誅北來流寓無或免者長仁素聞爰名以智計誑誘故得無患久之聽還 宋書恩倖傳

齊

請超宗父鳳坐靈運事同徙嶺南超宗元嘉末得

史宗慤於南殺之會南郡王義宣反懷遠頗聞文

還南齊書本傳

劉祥字顯徵東莞昔人劉穆之曾孫建元中為正員郎永明

初撰宋書譏斥禪代尚書令王儉密以啓聞上銜

而不問祥於朝士多所貶忽著連珠十五首以寄

其懷人有以祥連珠啓上上令御史中丞任遐奏

其過惡付廷尉上別遣勅祥曰我當原卿性命令

卿萬里思愆卿若能改革當合卿得還乃徙廣州

不得意終日縱酒少時卒南史本傳

垣惠隆齊太祖時垣崇祖為五兵尚書領驍騎將

軍世祖在東宮崇祖不自附結太祖崩慮崇祖為

異永明元年四月九日詔崇祖死子惠隆徙番禺

卒齊書垣崇祖傳

范縝字子真舞陰人兄雲從兄為宜都太守以母憂去職

居於南州梁武至縝墨綬來迎武帝與縝有西邸

之舊見之甚悅及建康城平以縝為晉安太守選

尚書左丞縝在齊時與尚書令王亮同臺為郎舊

相友愛至是亮擯棄在家縝以首迎武帝志在權

軸而所懷未滿亦怏怏故私相親結以矯於時竟

坐亮徙廣州在南累年追為中書郎國子博士卒

南史本傳魏汝陰王孫慶和汝陰王天賜子遲遲子慶和東

豫州刺史為梁將所攻舉城降之梁武以為北道

總督魏王至項城朝廷出師討之望風退走梁武

責之曰言同百舌膽若鼷鼠遂徙合浦北史魏汝

庾景休為建康正坐事流廣州南史梁長沙宣武王傳

謹案景休乃庾丹父長沙宣武王少子蕭

朗為桂州刺史丹為記室以忠諫見害南

史以丹事附於後以其父事終焉或疑徒

廣州為丹誤矣

王貞秀王茂子貞秀以居憂無禮為有司所奏徙

越州後詔流廣州與魏降人杜景欲襲州城長史

蕭昂斬之南史王茂傳

裴寬為沔州刺史陳將程靈洗率眾至晝夜攻之

力屈城陷陳人執之被送嶺外數載還建業周書本傳

隋

房恭懿仕齊有能名齊亡後預尉遲迥亂廢於家

隋開皇初吏部尚書蘇威舉為新豐令政為三輔

最惡澤德二州司馬盧愷復奏其政美授海州刺

史未幾國子博士何妥奏恭懿尉遲迥之黨威愷

曲相舉薦上大怒恭懿竟放嶺南未幾徵還至洪

州卒論者冤之北史房來曠為大理掌囚開皇中上封事言大理官司恩

寬帝以曠爲忠直遣每朝於五品行中參見曠又告少卿趙綽濫免囚徒帝遣信臣推驗初無阿曲帝又怒曠命斬之綽固爭免死罪徒配廣州典薛道衡字元卿除吏部侍郎坐抽擢人物有言其黨蘇威任人有意故者除名配嶺表尋有詔徵還隋書本傳

王頴字景文年二十尙不知書爲其兄所責怒於是感激勤學累載遂徧通五經究其旨趣大爲儒者所稱又曉兵法益有縱橫之志每嘆不逢時常以將相自許開皇五年授著作佐郎尋超授國子博士後坐事解職配放嶺南數載授漢王諒府咨議參軍北史本傳

柳述以尙主之故拜開府儀同三司內史侍郎上於諸壻中特所寵敬仁壽中判吏部尙書述怙寵驕豪無所降屈楊素時稱貴倖朝臣莫不憚譽述每陵侮之俄而楊素被疏忌不知省務述任寄逾重攝兵部尙書上於仁壽宮寢疾述與楊素黃門侍郎元巖等侍疾宮中時皇太子無禮於陳貴人上知而大怒令述召房陵王述與元巖出外作敕書楊素聞之與皇太子謀矯詔執述巖屬吏及煬帝嗣位述坐除名與公主離絕徙述於龍川數年復徙寧越遇瘴癘死隋書本傳

柳謩之字公正爲周宣納上士高祖作相引爲田曹參軍歷兵部司勳工曹侍郎後遷光祿少卿出入十餘年每參掌敷奏會侍送光化公主於西域復送義成公主於突厥前後奉使得二國所贈皆散之宗族家無餘財大業初拜黃門侍郎時方重王府之選拜爲齊王長史齊王擅寵左右放縱寒之不能匡正及王得罪竟坐除名帝幸遼東召謩之檢校燕郡事及帝至燕郡坐供頓不給配戍嶺南卒於滙口隋書本傳

元巖華陽王楷妃父巖坐與柳述連事除名爲民徙南海後會赦還長安有人譖巖逃歸收殺之隋書本傳

侯莫陳芮從周武帝東伐率衆守太行道并州平授上柱國仍從平鄴拜大司馬隋大業初以譴詔流配嶺南北史侯莫陳崇傳

唐

楊綸滕穆王璜嗣子高祖受禪封邵國公明年拜邵州刺史以穆王故穆王爲文帝所嬖當高祖之世每不自安煬帝卽位尤被猜忌綸憂懼呼術者王琛北史作問之琛荅曰王相祿不凡膝卽騰也此字足爲善應有沙門惠恩崛多等頗解占候綸每與交通嘗令此三人爲度星法有人告綸怨望咒詛帝令

黃門侍郎王宏窮驗之宏希旨奏綸厭惡逆坐當死帝以公族不忍除名徙始安未幾徙珠崖及天下大亂為賊林仕宏逼攜妻子竄儋耳後歸唐封懷化縣公弟温初徙零陵作零陵賦以自寄其詞哀思帝見而怒之轉徙南海隋書滕穆王傳

裴虔通河東人初煬帝為晉王以親信從稍遷至監門校尉帝即位擢至通議大夫與司馬德戡同謀作亂執帝於西閣宇文化及以為光祿大夫苜國公化及敗後歸於唐即授徐州總管轉辰州刺史封長蛇男尋以隋朝弒逆之罪除名徙於嶺表而死北史本傳

李德武坐從父金才事徙嶺表妻裴氏字淑英戶部尚書安邑公矩之女性婉順有容德適德武經一年而德武坐徙矩時為黃門侍郎奏請德武離婚煬帝許之德武將與裴別謂曰燕婉始爾便事分離方遠投瘴癘恐無還理尊君奏留必欲改嫁耳於此即事長訣矣裴泣而對曰婦人事夫無再醮之禮夫者天也何可背乎守之以死必無他志因操刀欲割耳自誓保者禁之乃止裴與德武別後容貌毀悴嘗讀佛經不御膏澤嘗讀列女傳見稱述不改嫁者乃謂所親曰不踐二庭婦人常理何為以此載於記傳乎後十餘年間與德武音信

斷絕矩欲奪其志時有柳直求婚許之期有定日乃以剪斷其髮悲泣絕粒乃止德武已於嶺表娶爾朱氏為妻及遇赦得還至襄州聞裴守節乃出其後妻重與裴合貞觀中德武終於鹿城合裴歲餘亦卒舊唐書列女傳

牛方裕貞觀二年秋七月戊申詔萊州刺史牛方裕絳州刺史薛世良廣州都督府長史唐奉義隋武牙郎將高元禮隋代俱蒙任用乃協契字文化及構成弒逆宜依裴虔通除名配流嶺表舊唐書太宗紀陳師合太宗時杜如晦領選與房元齡共管朝政監察御史陳師合上拔士論謂一人不可總數職陰劾諷如晦等帝曰元齡如晦不以勳舊進特其才可與治天下耳師合欲以此離間吾君臣耶斥嶺表新唐書杜如晦傳

黨仁宏為廣州都督坐在法聚財百餘萬當死太宗哀之免為庶人徙欽州冊府元龜杜構如晦子構襲如晦爵官至慈州刺史坐弟荷謀逆徙嶺表舊唐書杜如晦傳

侯君集自以有功於西域而以貪冒被囚志殊快快貞觀十七年庶人承乾在東宮恐有廢立知君集怨望遂與通謀事發被收太宗親臨問君集辭窮遂斬於四達之衢籍沒其家特原其妻及一子

徒嶺南舊唐書本傳

王敬直王珪子尚南平公主拜駙馬都尉坐與太

子承乾交結徒嶺外舊唐書王珪傳

崔仁師安州安喜人武德初應制舉授管州錄事

參軍貞觀十六年遷給事中後遷民部侍郎二十

二年遷中書侍郎參知機務甚承恩遇中書令褚

遂良頗忌嫉之會有伏閣上訴者仁師不奏太宗

以仁師罔上舊唐書本傳除名配流連州舊唐書太宗紀

羅道琮蒲州虞鄉人勤於學業而慷慨有節義貞

觀末上書忤旨配流嶺表歲餘遇赦還舊唐書儒學傳

蕭齡之齊高帝五世孫嘗任廣州都督永徽初受

賊當死詔羣臣議請論如法詔戮於朝堂唐臨建

言羣臣不知天子所以議之之意在律有八王族

戮於隱議親也刑不上大夫議貴也今齡之貪賊

狼扈死有餘咎陛下以異於他囚故議之有司又

令人死非堯舜所以用刑者不可為後世法帝然

之新唐書唐臨傳齡之竟得流於嶺外舊唐書唐臨傳

王全信高宗廢后王氏兄也初武皇后為昭儀后

及良娣蕭氏遞相譖毀帝不納而昭儀寵遇日厚

后懼不自安密與母柳氏求巫祝厭勝事發永徽

六年十月廢后及蕭良娣皆為庶人武昭儀令人

縊殺之后母柳氏兄全信及蕭氏兄弟並配流嶺

外舊唐書廢后王氏傳

房遺愛元齡子尚太宗女高陽公主拜駙馬都尉

公主與遺愛謀反遺愛伏誅公主賜自盡諸子配

流嶺表舊唐書房喬傳

魏元同定州鼓城人舉進士累轉司列大夫坐與

上官儀文章屬和配流嶺外上元初赦還舊唐書本傳

高正業德州齊人仕至中書舍人坐與上官儀善

配流嶺外舊唐書高季輔傳初上官儀嘗為陳王府諮議

與王伏勝俱事梁王忠府許敬宗構儀云與忠通

謀遂下獄死於是左肅機鄭欽泰西臺舍人高正

業司虞大夫魏元同張希乘長安尉崔道默並除

名長流嶺南遠界與儀結托故也冊府元龜

劉納言新唐書作諫為漢書學為當時宗匠乾封中以

漢書授沛王賢及賢為皇太子累遷太子洗馬兼

充侍讀常撰俳諧集十五卷以進太子及東宮廢

高宗見而怒之詔除名後又坐事配流振州而死

舊唐書本傳

源直心源乾曜父相州臨漳人高宗時為司刑太

常伯坐事配嶺南而卒舊唐書源乾曜傳

長孫沖河南洛陽人長孫無忌子顯慶四年中書

令許敬宗遣人上封事稱監察御史李巢與無忌

交通謀反帝竟不親問無忌謀反所由惟聽敬宗

誣構之說遂去其官爵流黔州其子祕書監駙馬都尉冲等並除名流於嶺外舊唐書長孫無忌傳

慕容寶節顯慶中為右衛大將軍有愛妾置於別宅嘗邀楊思訓就之宴樂思訓深責寶節與其妻

隔絕妾等怒密以毒藥置酒思訓飲盡便死按新唐書

高宗幸并州寶節夜飲思訓與謀亂思訓不敢封寶節懼毒酒以進思訓死寶節坐是

配流嶺表思訓妻又詣闕稱冤制遣使就斬之仍改賊盜律以毒藥殺人之科更從重法舊唐書楊恭仁傳

許昂敬宗長子頗有才藻歷位太子舍人母裴氏

早卒裴侍婢有姿色敬宗好色無度嬖之以為繼

室假姓虞氏昂素與通烝之敬宗怒黜虞氏加昂

以不孝奏請流於嶺外顯慶中表乞昂還除度化

令尋卒舊唐書本傳

許彥伯昂子起家著作郎敬宗末年文筆多令代

作又納婢妾讒言奏流於嶺表後遇赦得還除太

子舍人早卒有集十卷舊唐書本傳

李義府瀛州饒陽人龍朔三年遷右相殷王府長

史義府入則諂言自媚出則肆其姦宄百寮畏之

無敢言其過者帝頗知其罪失右金吾倉曹參軍

楊行穎表言義府罪狀制下司刑太常伯劉祥道

與侍御詳刑對推其事仍令司空李勣監焉按皆

有實舊唐書李義府傳流振州唐書作著宦遊記二卷府冊

元其子太子右司議郎津除名長流振州舊唐書本傳

董思恭蘇州吳人所著篇咏甚為時人所重初為

右史知考功舉事坐預泄問目配流嶺表而死舊唐書本傳

徐齊聃字將道湖州長城人八歲能文太宗召試

賜所佩金削刀舉宏文生調曹王府參軍新唐書本傳

高宗時累遷蘭臺舍人善於文詁以漏洩機密左

授蘄州司馬俄又坐事配流欽州咸亨中卒舊唐書本傳

李茂徐王元禮子為淮南王險薄無行元禮姬趙

氏有美色禮遇疾茂遂逼之元禮知而切加讓責

茂乃屏斥元禮侍衛斷其藥膳云既得五十年為

王何煩服藥竟以餒終茂嗣上元中事洩流振州

而死舊唐書徐王元禮傳

王方翼并州祁人高宗王庶人從祖兄也永徽中

累授安定令五遷肅州刺史會吏部侍郎裴行儉

西討遮旬奏方翼為副兼檢校安西都護永淳中

以功遷夏州都督屬綏州白鐵余舉兵反詔方翼

副程務挺討之賊平封太原郡公則天臨朝以方

翼是庶人近屬陰欲除之及程務挺被誅以方翼

與務挺連職素善追赴都下獄遂流崖州而死舊唐書本傳

曹懷舜定襄道總管永隆二年五月丙戌與突厥

阿史伏念戰於橫水官軍大敗懷舜滅死配流嶺

南唐書高宗紀

裴敬彝絳州聞喜人七歲解屬文年十四補陳王

府典籤儀鳳中自中書舍人歷吏部侍郎左庶子

則天臨朝為酷吏所陷配流嶺南尋卒舊唐書本傳

胡元範申州義陽人文明元年徐敬業構逆太后

召裴炎議事炎奏曰皇帝年長未俾親政乃致猾

豎有詞若太后返政則此賊不討而解矣御史崔

察聞而上言曰裴炎若無異圖何故請太后歸政

乃命御史大夫鞠之鳳閣侍郎胡元範奏曰炎社

稷忠臣有功於國悉心奉上天下所知臣明其不

反太后不納光宅元年十月斬炎於都亭驛之前

街元範坐救炎流死瓊州舊唐書裴炎傳

李慎太宗第十子封紀王與越王貞齊名時人號

為紀越初貞將起事慎不肯同謀及貞敗慎配流

嶺表按武后紀及新唐書俱作蒲州道至蒲州而卒長子和州

刺史東平王續最知名早卒次子沂州刺史義陽

王琮楚國公徽遂州別駕襄郡公秀廣化郡公獻

建平郡公欽等五人垂拱中並遇害家屬徙嶺南

舊唐書太宗諸子傳

李溫越王貞子坐父兄連謀以告其朋黨得實滅

死流嶺南尋卒舊唐書越王貞傳貞最幼息珍子謫嶺表

數世不能歸新唐書越王貞傳女道士李元真越王貞之

元孫曾祖珍子越王第六男也先天中先天誤當

得罪配流嶺南元真祖父皆亡歿於嶺外雖曾經

恩赦而未昭雪元真進狀曰去開成三年十二月

內得嶺南節度使盧鈞出俸錢接措哀妾三代旅

櫬暴露各在一方特與發遣歸就大塋合祔今護

四喪已到長樂旅店權下未委故越王墳所在伏

乞天恩允妾所奏許歸大塋妾年已六十三孤孀

家貧更無依倚詔曰越王事跡國史著明枉陷非

辜尋已洗雪其珍子他事配流數代漂零不還京

國元真弱女孝節卓然啓護四喪絲歷萬里況是

近族必可加恩行路猶或嗟稱朝廷固須恤助委

宗正寺京兆府與訪越王墳墓報知如不是陪陵

任耐塋次卜葬其葬事仍令京兆府接措必使備

禮葬畢元真如願住京城便配成宜觀安置舊唐書列傳

傳女

李孝逸初封梁郡公高宗末遷益州大都督府長

史則天臨朝入為左衛將軍甚見親遇光宅元年

徐敬業據揚州作亂以孝逸為左玉鈐衛大將軍

揚州行軍大總管督軍以討之振旅而還以功進

授鎮軍大將軍轉左豹韜衛大將軍改封吳國公

孝逸素有名望自是時譽益重武承嗣等深所忌嫉數譏毀之垂拱二年左遷施州刺史其冬承嗣

等又使人誣告孝逸往任益州嘗自解逸字云走

遶免者常在月中月既近天合有天分則天以孝

逸嘗有功減死配徙僧州尋卒舊唐書本傳

李靈夔高祖第十九子也垂拱元年授邢州刺史

四年與兄元嘉子黃公誤結謀欲起兵應接越王

貞父子事洩配流振州自縊而死舊唐書高祖諸王傳

宗秦客弟楚客武后從姊子及進士第累遷戶部

侍郎秦客垂拱中進為內史而弟晉卿典羽林兵

後兄弟並坐賊流嶺外歲餘秦客死而楚客等還

新唐書宗楚客傳

郭正一定州鼓城人貞觀中舉進士永隆二年同

中書門下平章事永淳二年正除中書侍郎在中

書累年明習舊事兼有詞學制敕多出其手當時

號為稱職則天臨朝檢校陝州刺史永昌元年為

酷吏所陷流配嶺南而死舊唐書本傳

元萬頃洛陽人善屬文起家拜通事舍人乾封中

從英國公李勣征高麗為遼東道總管記室勣嘗

令萬頃作文檄高麗其語有譏高麗不知守鴨綠

之險莫離支報云謹聞命矣遂移兵固守鴨綠官

軍不得入萬頃坐是流嶺外後會赦得還拜著作

郎則天臨朝遷鳳閣舍人無幾擢拜鳳閣侍郎萬

頃素與徐敬業兄弟友善永昌元年為酷吏所陷

配流嶺南而死舊唐書本傳

李嗣真滑州匡城人也博學兼善陰陽推算之術

弱冠明經舉補許州司功永昌中拜右御史中丞

時酷吏來俊臣搆陷無罪嗣真上書諫曰臣聞陳

平事漢祖謀疎楚君臣乃用黃金百萬勛行反間

之術項王果疑臣下陳平反間果行今告事紛紜

虛多實少焉知必無陳平先謀疎陛下君臣後謀

除國家良善臣恐為社稷之禍伏乞陛下特迴天

慮察臣狂瞽然後退就鼎鑊實無所恨疏奏不納

尋被俊臣所陷配流嶺南萬歲通天年徵還至桂

陽自筮死日預託桂陽官屬備凶器依期暴卒則

天深加憫惜勅州縣遞靈舉還鄉贈濟州刺史舊唐書本傳

李琳許王素節子天授中素節與澤王上金同被

誣告縊死子瑛琬璣瑒等並為則天所殺惟小子

琳瓊瑒欽古以年少特令長禁雷州神龍初封瓊

為嗣許王開元初封琳為嗣越王瑒為嗣澤王舊唐書素節傳

薛克構蒲州汾陰人永隆初歷戶部郎中天授中

遷麟臺監坐弟為酷吏所陷流死嶺南新唐書薛克構傳

韋方質雍州萬年人則天初鸞臺侍郎地官尚書
司鳳閣鸞臺平章事武承嗣當朝用事諸宰相咸
傾附之方質疾假承嗣等詣宅問疾方質據牀不
爲之禮左右云踞見權貴恐招危禍方質曰吉凶
命也大丈夫豈能折節曲事近戚以求苟免也尋
爲酷吏周興來子珣所構配流儋州尋卒神龍初
雪免舊唐書本傳

李義珣澤王上金庶子載初元年武承嗣使酷吏

周興誣告上金素節謀反上金恐懼縊死子義珍

義玫義璋義環義瑾義璵並配流顯州而死神龍

初封庶子義珣爲嗣澤王先是義珣竄在嶺外匿

於傭保之間及紹封無幾有人告義珣非上金子

假冒襲爵義珣不能自明復流於嶺外舊唐書澤王上金傳

俞文俊荆州江陵人則天載初年新豐因風雷山

移乃改縣名爲慶山四方畢賀文俊詣闕上書曰

臣聞天氣不和而寒暑併人氣不和而疠贅生地

氣不和而地阜出今陛下以女主處陽位反易剛

柔故地氣隔塞而山變爲災陛下謂之慶山臣以

爲非慶也臣愚以爲宜側身修德以答天譴不然

恐殃禍至矣則天大怒流於嶺外後爲六道使所

殺舊唐書本傳

李游道武后時來俊臣誣告李游道袁智宏崔神

基等下獄俊臣頰以夷誅大臣爲功已論死待日

而決先是宰相樂思晦爲俊臣夷其家有子九歲

隸司農上變得召見言俊臣凶慘罔上臣父死族

夷不求生但惜陛下法爲俊臣所弄耳后意寤由

是皆免新唐書來俊臣傳長壽元年九月癸丑流李游道

袁智宏王璿崔神基李元素於嶺南新唐書武后紀長安

中召王璿爲殿中監檢校奉宸令賜紫封開國子

全唐文小傳欽定

裴行本爲地官侍郎同鳳閣鸞臺平章事長壽元

年十一月庚午流於嶺南新唐書武后紀

崔元綜鄭州新鄭人長壽元年遷鸞臺侍郎同鳳

閣鸞臺平章事勤於政事外示謹厚而情深刻薄

每受制鞠獄必披毛求疵陷於重辟以此故人多

畏而鄙之明年犯罪配流振州朝野稱慶尋赦還

復拜監察御史舊唐書盧欽望傳

張楚金并州祁人有至行與兄越石皆舉進士州

欲獨薦楚金固辭請俱罷都督李勣歎曰士求才

行者也既能讓何嫌皆取乎乃並薦之累進刑部

侍郎儀鳳初彗星見東井上疏陳得失高宗欽納

武后時歷秋官尚書爵南陽侯有清概然尚文刻

當時亦少之爲酷吏所構流死嶺表新唐書本傳

生元慶元爽又娶楊氏生三女長適越王府功曹
 賀蘭越石次則天次適郭氏士護卒後兄子惟良
 懷運及元爽等遇楊氏失禮及則天立為皇后賀
 蘭越石早卒封其妻為韓國夫人尋加贈士護為
 太尉楊氏封榮國夫人時元慶仕為宗正少卿元
 爽為少府少監惟良為衛尉少卿榮國夫人恨其
 疇日薄已諷皇后抗疏請出元慶等為外職佯為
 退讓其實惡之也於是元慶為龍州刺史元爽為
 濠州刺史惟良為始州刺史元慶至州病卒乾封
 年惟良與弟淄州刺史懷運以岳牧例集於泰山
 之下時韓國夫人女賀蘭氏在官中頗承恩寵則
 天意欲除之諷高宗幸其母宅因惟良等獻食則
 天密令人以毒藥貯賀蘭氏食中賀蘭氏食之暴
 卒歸罪於惟良懷運乃誅之元爽等緣坐配流嶺
 外而死新唐書作家乃以韓國夫人子敏之為士
 護嗣改姓武氏累拜左侍極蘭臺太史襲爵周國
 公敏之年少色美恃寵多姦汙事發配流雷州行
 至韶州以馬韁自縊而死承嗣元爽子也敏之死
 後自嶺南召還嗣聖元年以為禮部尚書尋除太
 常卿同中書門下三品舊唐書武
 張說字道濟其先范陽人代居河東又徙家河南
 之洛陽弱冠應詔舉對策乙第則天長安初拜鳳

閣舍人時麟臺監張易之與其弟昌宗構陷御史
 大夫魏元忠稱其謀反引說合證其事說至御前
 揚言元忠實不反此是易之誣構耳元忠由是免
 誅說坐忤旨配流欽州在嶺外歲餘中宗即位召
 拜兵部員外郎累轉工部侍郎元宗開元十七年
 拜尚書左丞相十八年薨子均均皆能文說在中
 書兄弟已掌綸翰之任居父憂服闋均除戶部侍
 郎九載遷刑部尚書自以才名當為宰輔楊國忠
 用事以均為大理卿均大失望意常鬱鬱祿山之
 亂受僞命為中書令舊唐書肅宗反正兄弟皆論
 死房琯聞之驚曰張氏滅矣乃見苗晉卿營解之
 帝亦願說有舊詔免死流合浦新唐書
 閻朝隱字友倩趙州樂城人新唐書文章為時人
 所賞累遷給事中張易之等所作篇什多是朝隱
 及宋之問潛代為之聖歷二年則天不豫令朝隱
 往少室山祈禱朝隱乃曲申悅媚以身為犧牲請
 代上所苦俄轉麟臺少監易之伏誅坐徙嶺外尋
 召還舊唐書
 張錫則天時為鳳閣侍郎同鳳閣鸞臺平章事與
 鄭杲俱知天官選事坐職則天將斬之以徇舊唐書
 文選時蘇味道亦坐事同被訊繫鳳閣俄徙司刑
 三品院錫按轡專道神氣不攝日膳豐鮮無損貶

味道徒步赴逮席地菜食武后聞之釋味道將斬錫既而流循州新唐書本傳

謹按舊唐書武后紀在大足元年

沈佺期相州內黃人進士舉善屬文尤長七言之作與宋之問齊名時人稱為沈宋再轉考功員外郎坐贓配流嶺表舊唐書本傳

謹按新唐書作長流驪州

韋元貞初為普州參軍以女為皇太子妃擢拜豫

州刺史中宗嗣位妃為后及帝降為廬陵王元貞

配流欽州而死后母崔氏為欽州首領甯承兄弟

所殺元貞有四子洵洵洸洸亦死於容州后二妹

逃竄獲免聞行歸長安及中宗復位韋氏復為皇

后其日追贈元貞為上洛郡王尋又追贈太師雍

州牧益州大都督遣使迎元貞及崔氏喪柩歸京

師又遣廣州都督周仁軌率兵討斬甯承兄弟以

其首祭於崔氏及元貞等柩將至上與后登長樂

官望喪而泣加贈元貞為鄧王舊唐書外戚傳

李秦授中宗神龍元年三月八日詔自垂拱以來

枉濫殺人者李秦授曹仁哲并與嶺南惡處舊唐書俊臣傳

房融河南人武后時以正諫大夫同鳳閣鸞臺平

章事神龍元年新唐書房融傳以親附張易之兄弟册府元龜

二月甲寅配流欽新唐書作高州長安末嘗知

南銓在廣州時值天竺僧般刺密諦三藏持楞嚴

經梵本浮南海而至融就光孝寺譯出而筆授之

今寺中有筆授軒云神龍元年五月經成入奏適

武后崩融長流欽州徙高州死後僧神秀入道場

見所奏經本錄傳於世高州府志

李福業桓彥範為武三思所誣遣周利貞矯制殺

之御史李福業者嘗與彥範謀及被殺福業亦流

番禺後亡匿吉州參軍敬元禮家吏捕得元禮俱

坐死新唐書桓彥範傳

王無競字仲列世徙東萊擢下筆成章科調隸城

尉三遷監察御史改殿中會朝宰相宗楚客楊再

思離立偶語無競揚笏曰朝禮尙敬公等大臣不

宜慢常典楚客怒徙無競太子舍人神龍初詆權

倖出為蘇州司馬張易之等誅坐常交往貶廣州

仇家矯制榜殺之新唐書本傳

崔神慶明經舉長安中累轉禮部侍郎俄歷司刑

司禮二卿常受詔推張昌宗而竟寬其罪神龍初

昌宗等伏誅神慶坐流於欽州尋卒明年緣昌宗

被流貶者例皆雪免贈幽州都督舊唐書本傳

章月將京兆人上書訟三思潛通官掖將為禍周

之漸三思諷有司奏月將大逆不道中宗特令誅

之舊唐書宋璟請付獄按罪帝怒岸巾出側門謂

璟曰朕謂已誅矣尙何請璟曰人言后私三思陛

下不問即斬之臣恐有竊議者請按而後刑帝愈

怒璟曰請先誅臣不然終不奉詔帝乃流月將嶺

南新唐書雍州人高軫等並上疏言三思父子必

為逆亂有司希旨奏軫配流嶺外舊唐書

袁守一中宗朝官右臺侍御史坐黨宗楚客配流

端州至唐文小傳

鄭普思為祕書員外監謀為妖逆雍岐二州妖黨

大發蘇瓌收普思繫獄考訊之普思妻第五氏以

鬼道為韋庶人所寵居止禁中由是中宗特勅慰

諭瓌令釋普思之罪瓌上言普思幻惑罪當不赦

又面陳其狀舊唐書帝猶依違司直范獻忠使按

普思者進曰瓌為大臣不能前誅逆豎而報天子

罪大矣臣請先斬瓌於是僕射魏元忠頓首曰瓌

長者用刑不枉普思法當死帝不得已流普思於

儋州新唐書

陳思問司農卿多引小人為其屬吏隱盜錢穀積

至累萬李尙隱舉按之思問遂流嶺南而死舊唐書

尙隱

薛伯陽薛稷子蒲州汾陰人尙仙源公主為駙馬

都尉竇懷貞誅稷以知本謀賜死萬年獄伯陽坐

貶晉州員外別駕又流嶺表新唐書

宋之問字延清一名少連新唐書絳州宏農人

唐書作弱冠知名尤善五言詩累轉尙方監丞左

奉宸內供奉易之兄弟雅愛其才之問亦傾附焉

景龍中轉越州長史睿宗即位以之問嘗附張易

之武三思配徙欽州先天中賜死於徙所之問再

被竄謫經途江嶺所有篇詠傳布遠近友人武平

一為之纂集成十卷傳於世舊唐書

劉昇徐州彭城人易從子舊唐書易從以非禍

死天下冤之昇十餘歲流嶺表六道使誅流人昇

以信愛為首領所庇免後易姓温北歸洛景雲中

特授右武衛騎曹參軍開元中累遷中書舍人大

子右庶子昇能文善草隸新唐書

劉幽求冀州武強人也聖曆年應制舉拜閩中尉

刺史不禮焉乃棄官歸久之授朝邑尉及韋庶人

將行篡逆幽求與元宗潛謀夜從入禁中討平之

以功擢拜中書舍人令參知機務賜爵中山縣男

睿宗先天元年拜尙書右僕射同中書門下三品

監修國史幽求自謂功在朝臣右而志求左僕射

兼領中書令俄而竇懷貞為左僕射崔暹為中書

令幽求心甚不平形於言色暹又託附太平公主

將謀逆亂幽求乃與右羽林將軍張暉請以羽林

兵誅之令暉密奏元宗深以為然暉又洩其謀於侍御史鄧光賓元宗大懼遽列上其狀睿宗下幽求等詔獄令法官推鞠之法官奏幽求等以疏間親罪當死元宗屢救獲免乃流幽求於封州舊唐書本傳

明年太平公主誅即日召復舊官新唐書本傳

郭元振新唐書作郭震字元振以字行魏州貴鄉人舉進士授通

泉尉任俠使氣不以細務介意則天聞其名召見與語甚奇之時吐蕃請和乃授元振右武衛鎧曹

充使聘於吐蕃大足元年遷涼州都督隴右諸軍州大使元振風神偉壯而善於撫御在涼州五年

夷夏畏慕令行禁止牛羊被野路不拾遺先天元年為朔方軍大總管始築定遠城以為行軍計集

之所至今賴之及蕭至忠竇懷貞等附太平公主潛謀不順元宗發羽林兵誅之睿宗登承天門元

振躬率兵侍衛之事定論功進封代國公元宗於驪山講武坐軍容不整坐於燕下將斬以徇劉幽

求張說於馬前諫曰元振有翊贊大功雖有罪當從原有乃赦之流於新州尋又思其舊功起為饒

州司馬元振自恃功勳怏怏不得志道病卒舊唐書本傳

鄭愔與崔湜同知選事銓綜失序為御史李尚隱所劾愔坐配流嶺表舊唐書崔仁師傳

鄭愔與崔湜同知選事銓綜失序為御史李尚隱所劾愔坐配流嶺表舊唐書崔仁師傳

段謙太極元年金山公主與玉真公主皆為道士築觀京師以方士史崇元為師觀始興詔崇元護作日萬人羣浮屠疾之以錢數十萬賂狂人段謙

冒入承天門升太極殿自稱天子有司執之辭曰崇元使我來詔流嶺南新唐書金山公主傳

盧藏用字子潛度支尚書承慶之姪孫也長安中徵拜左拾遺景龍中為吏部侍郎性無挺特多為

權要所逼頗墮公道先天中坐託附太平公主舊唐書本傳元宗欲捕斬顧未執政意解乃流新州新唐書本傳

孔璋許州人上書救李邕疏奏邕已會減死璋亦配流嶺南而死舊唐書李邕傳

趙誨中書主書新唐書作紫微史為姚崇所親信受蕃人珍遺事發上親加鞫問下獄處死崇始奏其罪復

營救之上由是不悅其冬曲赦京城敕文特標誨名令決杖一百配流嶺南舊唐書姚崇傳

劉承祖姜皎開元十年坐漏洩禁中語中書令張嘉貞希王守一意構成其罪配流欽州行至汝州

而卒皎之所親都水使者劉承祖配流雷州舊唐書姜皎傳

裴景仙為武強令開元十年犯乞取贓積五千匹事發逃走上大怒令集眾殺之大理卿李朝隱執

裴景仙為武強令開元十年犯乞取贓積五千匹事發逃走上大怒令集眾殺之大理卿李朝隱執

奏曰裴景仙緣是乞賊犯不至死又景仙曾祖故司空寂往屬締構首豫元勳載初年中家陷非罪凡有兄弟皆被誅夷唯景仙獨存今見承嫡據賊未當死坐準犯猶人請條十代宥賢功實宜錄一門絕祀情或可哀願寬暴市之刑俾就投荒之役則舊勳斯允手詔不許朝隱又奏曰有斷自天處之極法生殺之柄人主合專輕重有條臣下當守枉法者枉理而取十五匹便抵死刑乞取者因乞為賊數千匹止當流坐今若乞取得罪便處斬刑後有枉法當科欲加何辟乃下制決杖一百流嶺南

舊唐書李朝隱傳

李氏開元中幽州張衙將後妻悍如虐遇五子日鞭箠之五子不堪其苦哭於其母孔氏墓母忽於冢中出撫其子悲慟久之以白布巾題詩令子呈父不忿成故人掩涕每盈巾死生今有隔相見永無因匣裏殘燈粉留與後人黃泉無用處恨作冢中塵有意接男女無情亦連帥上聞勅李氏任君欲知腸斷處明月照孤墳欽定全唐詩注

決一百流嶺南張停所職詩孔氏贈夫詩注

裴虛已為駙馬都尉坐與惠文太子範遊燕兼私挾讖緯之書配徙嶺外舊唐書惠文太子範傳

思結歸國初突厥默啜之疆也迫奪鐵勒之地故回紇契苾思結渾四部度磧徙居甘涼之地以避之王君奭徵時往來四部為其所輕及為河西節

度使遠發驛奏四部難制潛有叛計上遣中使往察之諸部竟不得直於是瀚海大都督回紇承宗流灤州渾大德流吉州賀蘭都督契苾承明流藤州盧山都督思結歸國流瓊州資治通鑑

李美玉為萬年尉得罪上特合流之嶺外舊唐書韓休傳

張瑄蒲州解人也父審素為雋州都督在邊累載俄有糾其軍中賊罪勅監察御史楊汪馳傳就軍

按之汪在路為審素黨與所劫對汪殺告事者賜汪令奏雪審素之罪俄而州人翻殺審素之黨汪

始得還至益州奏稱審素謀反因深按審素構成其罪斬之籍沒其家理與弟瑋以年幼坐徙嶺外

尋各逃歸累年隱匿汪後累轉殿中侍御史改名萬頃開元二十三年瑋瑋候萬頃於都城挺刃殺

之國法不縱報警決殺瑋瑋士庶咸傷愍之舊唐書張瑋傳

盧崇道為光祿少卿以崔湜妻父貶於嶺外逃歸

匿於東都為警家所發及其三子並杖死於都亭驛舊唐書崔湜傳

王元炎嚴挺之初娶妻出之妻乃嫁蔚州刺史王

元炎時元炎坐賊詔三司使推之挺之救免其罪

元宗察之謂張九齡曰王元炎不無賊罪嚴挺之

囑託所由張有顏面九齡曰此挺之前妻今已婚

崔氏不合有情元宗曰卿不知雖離之亦却有私

流元炎於嶺外舊唐書李林甫傳

辛景湊為通事舍人坐楊慎矜黨流嶺南晉康郡

欽定全唐文元宗詔

謹案舊唐書楊慎矜傳作配流義陽郡司

馬

魏萱河南府福昌縣主簿魏萱前睦州桐廬縣尉

王延祐相為黨與朝夕談議既涉非違各杖一頓

長流賓州同上

安思順家屬哥舒翰守潼關主天下兵權肆志報

怨誣奏戶部尚書安思順與祿山潛通偽令人為

祿山遺思順書於關門擒之以獻思順及弟大僕

卿元貞並坐誅徙其家屬於嶺外天下冤之舊唐書哥舒翰傳

韋堅京兆萬年人為長安令以轉運江淮租賦所

在置吏督察以裨倉廩歲益鉅萬元宗以為能擢

陝郡太守鑿成新潭特與三品進銀青光祿大夫

李林甫懼其詭計求進承恩日深乃與腹心構成

其罪天寶五載正月望夜堅與河西節度鴻臚卿

皇甫惟明夜游同過景雲觀道士房為林甫所發

以堅戚里不合與節將狎暱是構謀規立太子元

宗惑其言遠貶堅為晉雲太守七月長流嶺南臨

封郡女婿盧幼臨長流合浦郡舊唐書本傳

楊慎矜太府少卿張瑄與楊慎矜共解圖讖新唐書本傳

慎矜遷戶部侍郎李林甫心嫉之又知王鉷於

慎矜有間乃誘而陷之慎矜嘗話讖書於鉷又與

還俗僧史敬忠游處鉷與林甫構成其罪詔楊慎

矜賜自盡敬忠決重杖一百配流遠郡張瑄決六

十長流嶺南臨封郡死於流所慎矜并史敬忠莊

宅官收以男女配流嶺南諸郡其張瑄万俟承暉

鮮于賁等準此配流舊唐書本傳

宋渾弟恕宋景宗邢州南和人渾為東京採訪使恕

為劔南採訪判官依倚權勢頗為貪暴又養刺客

李晏天寶九載並為人所發賊私各數萬貫林甫

奏稱璟子渾就東京臺推恕就本使劔南推皆有

實狀渾流嶺南高要郡恕流海康郡舊唐書宋璟傳

韓浩休子為萬年主簿坐籍王鉷家賁有隱入為

尹鮮于仲通所劾流循州新唐書韓休傳

賈直言河朔舊族也父道按舊唐書作道冲以藝待詔代

宗時坐事賜鳩將死直言給其父口當謝四方神

祇使者少怠輒取鳩代飲迷而踣明日毒潰足而

出夕乃蘇帝憐之減其父死俱流嶺南新唐書本傳直言

以妻董少乃訣曰生死不可期吾去可亟嫁無須也董不荅引繩束髮封以帛使直言署曰非君

手不解直言二十年乃還署帛宛然及湯沐髮墮無餘新唐書賈直妻董傳

吳裴代宗時為舟水轉運使襄王府司馬大歷二年與判官大理司直殷鈺並坐贓配流嶺外冊府元龜

劉晏代宗貶為忠州刺史楊炎欲誣構其罪知庾準與晏素有隙舉為荆南節度以伺晏動靜準乃

奏晏與朱泚書所救解言多怨望炎又證成其事上以為然晏受誅使迴奏報誣晏以忠州謀叛下

詔暴言其罪家屬徙嶺表連累者數十人舊唐書本傳田希鑿家屬興元元年十月中書門下請免田希

鑿後嗣死罪奏李晟巡邊欲至涇州田希鑿潛伏兵馬謀害統帥李晟察其奸計今已伏辜原其情

狀合坐宗族頃以朱泚窮蹙奔竄涇原希鑿去逆歸順閉門不納恐須錄其前効特全後嗣其妻王

氏并男太子通事舍人華左金吾倉曹參軍葦折衝芮折衝首等并請免死差綱遞送嶺南分付杜

佑合配諸州定全唐文寶申參族子累遷至京兆少尹轉給事中參特愛

之每議除授多訪於申申或泄之以招權受賂申所至人目為喜鵲德宗數誠參曰卿他日必為所

累參曰臣素親之保無他犯申亦不悛兵部侍郎陸贄與參有隙德宗貶參郴州別駕以贄為宰相

明年寶參有貶驩州德宗謂陸贄曰寶申李則之首末同惡並發遣於遠惡處贄奏曰法有首從參

既蒙恩矜全申等亦宜減降由是申等得配流嶺南舊唐書本傳

徐粲貞元中為御史中丞主楊子院鹽鐵轉運粲既不理且以賄聞戶部侍郎張滂至揚州按粲逮

僕妾子姪得贓鉅萬乃徙嶺表冊府元龜王定遠貞元十一年秋七月丙寅朔河東監軍王

定遠配流崖州坐專殺也舊唐書德宗紀陳歸貞元中為考功員外郎充嶺南選補使注官

美惡唯意出入復供求無厭郵傳患之監察御史韓泰奏劾其罪配流恩州冊府元龜

崔河圖貞元十六年冬十月與元嚴礪希監軍旨誣奏通州別駕崔河圖長流崖州賜死人士傷之舊唐書德宗紀

崔遠監察御史入臺近不練故事違式上怒貞元十九年十一月壬申笞四十配流崖州同上

薛約嘗學於陽城性狂躁以言事得罪徙遠州客寄無根藉臺吏以蹤跡求得之於城家城坐臺吏

於門與酌酒訣別涕泣送之郊外德宗以城黨罪人出為道州刺史舊唐書陽城傳

蕭鼎為蜀州別駕與商州鄠陽令韋恪太子詹事

李昇等出入部國公主第公主肅宗之女也出降

駙馬蕭升升早卒穢聲流聞德宗怒貞元中幽主

於別第昇貶嶺南鼎格決四十長流嶺表公主行

厭禱其子位為禱文位弟佩儒偲及異父兄駙馬

都尉裴液並長流端州六年部國薨位兄弟及液

詔還京師液父徽初尙部國徽卒降蕭升舊唐書

謹案新唐書公主傳云位囚端州佩儒偲

囚房州裴液囚錦州韋格作韋暉

趙博宣冀州人擢進士第藻翰豪邁沈於酒傲忽

少檢陳許曲環辟署於府久不能堪乃誣受吳少

誠金為反間數言休咎惑衆有詔杖四十流康州

時人冤之新唐書

崔元受博陵人登進士第直史館元和初于皋謨

為河北行營糧料使元受與韋帖薛異王湘皆為

皋謨判官分督供饋既罷兵或以皋謨隱沒賊罪

除名賜死元受從坐逐嶺表舊唐書

謹案舊唐書作皆逐嶺表然玩本傳下云

子某某相繼登進士則專屬元受矣皆字

當衍

李錡德宗時鎮海軍節度李錡反敗送京師斬於

城西南從弟宋州刺史錡通州舍人誦從子師偃

流嶺南新唐書

盧繼宗元和中盧從史受詔討賊而勒兵逗留元

和五年四月舊唐書貶驩州司馬賜死子繼宗

等並徙嶺南新唐書

郭東野國子監學生怒決棘籬折明經墨榜毀

裂元和六年正月癸丑詔杖東野五十配流韶州

冊府元龜

梁悅富平縣人元和六年九月戊戌為父復仇殺

秦杲投獄請罪特勅免死決杖一百配流循州舊唐書

宗紀

沈璧為于頔孔目官元和中內官梁守謙掌樞密

頗招權利有梁正言者勇於射利自言與守謙宗

盟情厚于頔子敏與之游處正言取頔財賄言賂

守謙以求出鎮久之無效敏責其貨於正言乃誘

正言之僮支解棄於濶中八年春敏奴王再榮詣

銀臺門告其事即日捕璧家僮十餘人於內侍獄

鞫問尋出付臺獄按問搜死奴於其第獲之璧決

四十配流封州舊唐書

陸慎餘故法曹陸賡男與兄博文居喪衣華服飲

酒食肉於坊市元和九年京兆府奏詔各杖四十

慎餘流循州博文遞歸本貫冊府元龜

劉師服元和十二年三月辛丑駙馬都尉于季友

居嫡母喪與進士劉師服歡宴夜飲季友削官爵

笞四十忠州安置師服笞四十配流連州舊唐書志宗紀

李師賢高麗人李正已竊有鄆曹等十二州至師

道六十年矣元和十四年二月其將劉悟擒師道

而斬其首獻於京師堂弟師賢師智配流春州姪

宏異配流雷州舊唐書李正已傳

嚴纂元和十四年五月勅淄青營田副使兼齊州

刺史嚴纂頃在賊中頗聞惡迹比於流類自合加

刑况昔歲赴官便道潛竄凶狂之狀物議不容投

彼遐荒尚謂宏貨除名配流雷州元祐

權長孺鹽鐵福建院官坐贖一萬三百餘貫元和

十四年七月詔付京兆府杖殺之其母劉求哀於

宰相帝愍其母老詔杖八十長流康州

董宏景元和十五年詔曰翰林醫官董宏景程準

山人李元戡田佐元醫方不精藥術皆妄既延禍

覺俱是姦邪邦國固有常刑人臣所宜共棄並流

嶺表俱同上

李賞于方罪犯合處極刑以其父頓頃在襄陽頗

能幾諫不陷不義方實有之又念其弟季友嘗聯

國姻特宜免死長流端州李賞流潮州郭元覽于

啓明王昭以于方既從滅論並放杖郭元覽配流

封州于啓明配流新州王昭配流雷州唐穆宗詔

唐慶前爲壽州刺史長慶四年刺史楊歸厚告論

慶違敕勅科配百姓稅錢及破用官庫錢物等事

慶犯正人已贖四千七百餘貫勅唐慶入己贖至

五千貫據罪定刑實難全宥但以維新之日政務

從寬要示含容俾從流竄宜除名長流崖州冊府元龜

薛樞張茂昭子克禮尚襄陽公主長慶中主縱恣

不法常游行市里有士族子薛樞薛渾俱得幸於

主李惟簡子元本少年遂相誘掖亦得出入主第

張克禮不勝其忿上表陳聞以元本功臣之後得

減死杖六十流象州樞渾以元本之故亦從輕杖

八十長流崖州舊唐書李寶臣傳

林蘊字復夢泉州莆田人世通經西川節度使章

皋辟爲推官劉闢反蘊曉以順逆闢怒械於獄且

殺之將就刑大呼曰危邦不入亂邦不居得死爲

幸矣闢惜其直捨之及闢敗蘊名重京師刑部侍

郎劉伯芻薦之於朝出爲邵州刺史嘗杖殺客陶

元之投尸江中籍其妻爲倡復坐賊杖流儋州而

卒新唐書本傳

李涉寶曆初裴度連上章請入覲李逢吉之黨欲

沮其來令衛尉卿劉遵古從人安再榮告武昭謀

害逢吉武昭者有才力裴度破淮蔡時獎用之累

奏爲刺史及度被斥昭以門吏久不見用客於京

師頗有怨言逢吉冀法司鞫昭行止則顯裴度任

用以沮入朝之行太學博士李涉金吾兵曹茅彙
 出入李程及逢吉之門逢吉與李程不協待茅彙
 厚往來甚密初昭怒逢吉即令彙召昭相見厚相
 結託疑怨稍息再榮既告即令彙許舊唐書李由
 是昭彙皆下獄諷彙使誣昭與李程同謀不然且
 死彙曰誣人以自免不為也獄成昭榜死彙流崖
 州涉康州新唐書李由
 劉伉除名流雷州唐文宗制
 趙歸真文宗以寶曆二年十二月自江王入討內
 難甲申詔道士趙歸真流儋州僧惟真流羅州僧
 齊賢流雷州僧正簡流辯州飛龍小兒五人各杖
 一百流康羅等州高品杜金立許士苜各杖一百
 流儋州品官邵士忠李務真閻敬宗李叔各杖一
 百流瓊珠崖等州冊府元龜道士紀處元楊冲虛伎術
 人李元戢王信等並配流嶺南舊唐書文宗紀
 田任前門下主事太和四年三月御史臺奏宜配
 流韶州冊府元龜
 楊叔元太和四年興元軍亂殺節度使李絳文宗
 以温造檢校右散騎常侍興元尹山南西道節度
 使許以便宜從事造至褒城會興元都將衛志忠
 征蠻回謁見造即留以自衛密與志忠謀又召亞
 將張丕李少直各諭其旨下車置宴牙門坐定將

卒羅拜志忠兵周環之造曰吾欲問新軍去住之
 意可悉前舊軍無得錯雜勞問既畢傳言令坐及
 酒匝即召坐卒詰以殺絳之狀志忠張丕夾階立
 拔劍呼曰殺圍兵齊奮其賊首教練使邱鑄等并
 官健千人皆斬首於地監軍楊叔元在座遽起求
 哀擁造靴以請命遣兵衛出之以俟朝旨勅旨配
 流康州舊唐書温造傳叔元始激兵亂者也以造不戮
 為恨温造傳
 宋若憲弟姪女婿等寶曆初宋庭芬女若憲司官
 籍太和中神策中尉王守澄用事委信鄭注李訓
 訓注惡宰相李宗閔李德裕構宗閔儉邪為吏部
 侍郎時令駙馬都尉沈蟻通路於若憲求為宰相
 文宗怒幽若憲於外第賜死若憲弟姪女婿等連
 坐者十三人皆流嶺南舊唐書宋若憲傳
 吳士矩章敬皇后弟淑子文學蚤就喜與豪英游
 故人人助為談說開成初為江西觀察使饗宴侈
 縱一日費凡十數萬初至庫錢二十七萬緡晚年
 纔九萬軍用單匱無所仰事聞中外共申解得以
 親議文宗弗窮治也貶蔡州別駕監官執處其罪
 不納於是御史中丞狄兼善建言陛下擢任士矩
 非私也士矩負陛下而治之亦非私也請遣御史
 至江西即訊使杜江淮它鎮循習意帝聽乃流端

州新唐書
吳漢傳

謹案文宗紀在開成三年五月

蕭宏穆宗后蕭氏福建人生文宗皇帝文宗踐阼尊曰皇太后后因亂去鄉里自入王邸不通家問別時父母已喪有母弟一人文宗以母族鮮親惟舅獨存詔闕越連率於故里求訪有閩人蕭本者稱太后弟左軍中尉仇士良以聞拜贊善大夫賜緋龜開成二年福建觀察使唐扶奏得泉州晉江縣令蕭宏狀自稱是皇太后親弟送赴闕庭詔三司按之獄具並偽蕭本除名長流愛州蕭宏配流儋州舊唐書穆宗皇后蕭氏傳

崔黨兒咸通十年八月和州防虞行官石伴等一百三十人狀訴刺史崔雍稱賊逼州城雍與賊頭吳約於鼓角樓上飲酒許與賊州又認軍事判官李譙為親弟表狀驅使官張立為男只乞二人并身其餘將士束手被斬者八百餘人兼科配軍州官吏修葺城池妄稱出料錢修城者勅賜自盡其男黨兒歸僧配流康州舊唐書懿宗紀路巖字魯瞻魏州冠氏人幼惠敏過人及進士第懿宗咸通初自屯田員外郎入翰林為學士以兵部侍郎同中書門下平章事年三十六居位八歲進至尚書左僕射於是王政稅僻宰相得用事巖

顯天子荒聞且以政委已乃通路遺奢肆不法俄與韋保衡同當國時目其黨為牛頭阿旁言如鬼陰惡可畏也既權伸則爭與保衡還相惡俄能廢為劍南西川節度使承蠻盜邊後嚴力拊循西川八國來朝以勞遷兼中書令封魏國公始為相時委事親吏邊威咸乃與郭籌者相依倚為姦嚴不甚制軍中惟邊將軍郭司馬爾妄給與以結士心嘗閱武都場威籌在之其議事以書相示則焚之軍中驚以有異圖恟恟遂聞京師嚴坐是徙荆南節度使道貶新州刺史至江陵免官流儋州籍入其家捕誅威籌等嚴至新州詔賜死剔取喉上有司或言巖嘗密請三品以上得罪誅殛剔取喉驗其已死俄而自及新唐書本傳

李可及倭人能新聲自度曲辭調悽折聞者皆涕下帝寵之可及憑恩橫甚人無敢斥遂擢為威衛將軍曹確固爭帝不聽新唐書曹確傳僖宗即位崔彥昭奏逐之死於嶺表舊唐書曹確傳符鳳以罪徙儋州至南海為獠賊所殺妻某氏字玉英尤姝美賊脅私之對曰一婦人不足事眾男子請推一長者賊然之乃請更衣有頃盛服立於舟罵曰受賊辱不如死自沈於海新唐書列女傳韓穎祕書監劉烜中書舍人寶應元年九月甲午

配流嶺表尋賜死坐狎暱李輔國也舊唐書代宗紀

歐陽矩字降之泉州晉江人自右拾遺除司勳郎

中棄官隱吳中開成中擢進士第而里人蕭本妄

言與貞獻太后近屬恩寵赫然矩恥之會澤潞劉

從諫表矩在幕府矩為辨質本之偽本終得罪其

子穉拒命矩方休假還家穉表斥損時政或言矩

為之詔流崖州賜死臨刑色不撓為書徧謝故人

自誌墓人皆憐之新唐書歐陽詹傳

廣東通志卷二百六十六

謫宦錄五流徙二 宋元明

盧多遜 弭德超

韓拱辰 楊瓊張龜能 馮守規

張思鈞 洪湛

楊逢 盛梁

李福 王昇

齊化基 王涉

計用章 鄭俠

陳衍 任伯雨子申

陳瓏子正業 王壽

劉昂 方軫

費父韋直方 龐汝翼 章縱

郭天信 鄧之綱

趙良嗣 童貫

顏博文 杜嵩弟 崑 韓汝

孫咸 藍珪高遜 張旦 陳

張去為 范瓊子弟

周杞 王大本

溫濟 岳飛家屬

留遇僧 白鏐

張伯麟 黃友龍

廣東通志卷二百六十五終

賈子展

康與之

李允升

陳瑜

王大節

李汝翼

吳曦家屬

趙沈夫

柳臣舉

杜霆

謝方叔

陳垓

袁玠

吳潛

余思忠

翁應龍

王庭

朝玉 林鑑

忙哥帖木兒

按梯不花

王仕熙

忽刺出

王禪之子

速速微里帖木兒 速班丹 欽察台

汪廣洋

薛祥

方賓

江伯兒

邱福

艾璞

張綵妻子

陳熊

余寬

李璋

王杲

黃直

馮恩

沈思孝

樊玉衡

戴士衡以上宋至明

謹案宋代未赴徙所者有蔡京樓炤呂祖

秦胡夢昱四人明代未赴徙所者有張羽

一人俱不錄

宋

盧多遜懷州河內人顯德初舉進士太平興國初拜中書侍郎平章事四年從平太原還加兵部尚書先是多遜知制誥與趙普不協及在翰林日每召對皆攻普之短未幾普出鎮河陽太宗踐阼普入為少保數年普子承宗娶燕國長公主女承宗適知澤州受詔歸闕成婚禮未踰月多遜白遣歸任普由是憤怒初普出鎮河陽上言自愬太祖手封其書藏於宮中至是普復密奏臣開國舊臣為權幸所沮因言昭憲顧命及先朝自愬之事上於宮中訪得普前所上表因感悟即畱承宗京師未幾復用普為相多遜益不自安普屢諷多遜令引退多遜貪固權位不能決會有以多遜嘗遣堂吏趙白交通秦王廷美事聞太宗怒下詔數其不忠之罪責授守兵部尚書明日以多遜屬吏獄具召文武常參官集議朝堂太子太師王溥等七十四人奏議遂下詔曰兵部尚書盧多遜包藏姦宄窺伺君親指斥乘輿交結藩邸大道不道非所宜言爰遣近臣雜治其事醜迹盡露具獄以成有司定刑外廷集議僉以梟夷其族汚滌其官用正憲章以合經義尚念嘗居重位久事明廷特寬盡室之誅止用投荒之典其多遜在身官爵及三代封贈

妻子官封並用削奪追毀一家親屬並配流崖州
所在馳驛發遣縱經大赦不在量移之限雍熙二
年卒於流所年五十二詔徙其家於容州宋史本傳
弭德超涪州清池人太平興國中爲鎮州駐泊都
監初太宗念邊戍勞苦月賜士卒銀謂之月頭銀
德超乘間以急變聞於太宗曰臣從塞上來聞士
卒言月頭銀曹公所致微曹公我輩倏死矣又巧
誣彬他事上頗疑之出彬爲天平軍節度以王顯
爲宣徽南院使德超爲宣徽北院使並兼樞密副
使德超譖曹彬事成期得樞密使乃爲副使又柴
禹錫與德超官同先授班在其上故德超視事月
餘稱病請告居常怏怏一日詬顯及禹錫曰我言
國家大事有安社稷功止得綫許大官汝等何人
反在我上更令我效汝輩所爲我實恥之又大罵
曰汝輩當斷頭我度上無守執爲汝輩所眩惑顯
告之太宗怒命膳部郎中滕中正就第鞠德超具
伏下詔奪官職與其家配隸瓊州禁錮未幾死宋史本傳

韓拱辰至道二年春以布衣詣闕上言王繼恩有
平賊大功當秉機務今止得防禦使賞甚薄無以
慰中外之望上大怒以拱辰惑衆杖脊黥面配崖
州宋史本傳

楊瓊汾州西河人幼以材勇稱咸平四年以鄜州
觀察使充靈環十州軍副都部署兼安撫副使嘗
遣使諭旨賊若寇清遠及青岡白馬砦卽合兵與
戰是秋果長圍清遠頓積石河清遠屢走聞使詣
瓊請濟師瓊將悉出兵爲援鈴轄內閣史馮守規
都監崇儀使張繼能曰敵近重兵在前繼無以進
不可悉往乃出命副部署海州團練使潘璘都監
西京右藏庫劉文質率兵六千赴之且曰伺我之
繼至瓊逗留不進頓慶州寇鼓兵攻南門其子阿
移攻北門墮壕斷橋以戰瓊遣鈴轄李讓督精卒
六百往援至則城陷矣瓊却師退保洪德砦寇威
浸熾未嘗交一鋒事聞於上傳召瓊輩悉繫御史
獄治罪當死兵部尙書張齊賢等議請如律詔特
貸命削官長流崖州繼能守規輩同坐籍其家業
明年移道州宋史本傳

謹案宦者傳繼能并州太原人長流儋州
景德二年赦還

張思鈞邢州沙河人少善擊劍挽強至道中爲鄜
延巡檢使寇逼保安軍與曹璨往援追躡五十餘
里至木場寇乃遁去咸平中以王鈞之亂出兵保
緜州賊陷漢州思鈞進攻克之斬僞刺史苗進又
與石普敗賊彌牟砦巴西尉傅翽有善馬思鈞求

之翽不與思鈞平賊心恃功居多召翽至責以轉餉後期斬之上聞其事傳召付御史臺鞠治罪當斬特貸之削籍流封州六年起為左司禦率府率考城監軍宋史本傳

洪湛字惟清昇州上元人幼好學舉進士有聲咸平二年與王欽若同知貢舉湛美風儀俊辨有材幹凡五使西北議邊要真宗有意擢任願遇甚厚五年春有河陰民常德方訟臨津尉任懿納賄登第事下御史臺鞠得懿款云咸平二年補大學生寓僧仁雅舍因仁雅求院之主僧惠泰為道地置紙許銀七錠仁雅惠泰隱其二易為五錠惠泰素識王欽若已在貢院乃因館客甯文德僕夫徐興納署紙於欽若妻李李密召家僕祁睿書懿名於左臂并口傳許賂之數入省告欽若及懿過五場睿復持湯飲至省欽若遣睿語李令取其銀懿未即與既而懿預奏名授官未行丁內艱還鄉里仁雅馳書索銀形於詛罵德方賣卜縣市獲其書以告中丞趙昌言奏白請逮欽若屬吏先是欽若為亳州容為其廳幹及代歸以容從行而未除州之役籍及貢舉事舉會州人張續還鄉行服託為容去籍名至是欽若訴云容休役之後始備於家而惠泰未嘗及門欽若方被寵顧乃詔翰林侍讀學

士邢昺內侍副都知閻承翰并驛召知曹州邊肅知許州毋濱古就太常寺別鞠懿易款云有妻兄張駕舉進士譏湛懿亦與駕同造湛門嘗以石榴二百枚木炭百秤饋之懿之輸銀也但憑二僧達一主司實不知誰何迺以為湛納其銀湛適使陝西中途召還時張駕已死甯文德徐興悉遁去欽若近參機務門下僕使多新募至不識惠泰故無與左證又固執知舉時未有祁睿遂以湛受銀法當死特詔削籍流僧州而不窮用銀之端初王旦與欽若知舉出拜樞密副使以湛代領其事湛之人貢院懿已試第三場畢及官收湛贓家實無物湛素與梁顥善或假顥白金器乃取以輸官六年會赦移惠州至化州調馬驛卒年四十一湛時一子偕行甚幼州以聞特詔賜錢二萬官為護喪還揚州因詔命官配流嶺外而沒者悉給緡錢聽其歸葬如親屬幼稚者所在遣牙校部送之宋史文苑本傳楊逢咸平五年王漢忠坐違詔無功責為左屯衛上將軍出知襄州未上道暴得疾卒後其子從吉詣闕上書訟父冤因歷詆羣臣有行賂樹黨及蒙蔽邊防屯戍艱苦之事真宗命樞密王繼英等問狀從吉止誦狀中語他無所對上以從吉付御史具伏乃進士楊逢為之辭從吉坐除名配隨州逢

杖配春州宋史王漢忠傳

盛梁屯田員外郎咸平六年二月庚寅坐受賊枉

法流崖州宋史真宗紀

李福鎮州副都部署咸平六年五月癸丑坐望都

之戰臨陣退衄削籍流封州同上

王昇咸平六年遼師大入圍望都王超帥定州路

行營與鎮州桑贊率兵赴之帥副王繼忠在陣東

偏契丹出其背遮絕糧道人馬乏困繼忠馳前與

契丹戰超贊遂旋師繼忠孤軍沒焉上卽遣劉承

珪李允則馳往察退衄之狀且言李福王昇當戰

先旋昇決杖配隸瓊州宋史王超傳

齊化基知晉州大中祥符元年九月壬申坐貪暴

削籍流崖州宋史真宗紀

王涉知棣州明道元年夏四月戊午坐冒請官地

爲職田配廣南牢城宋史仁宗紀

計用章臨邛人以進士起家范雍在延州辟爲通

判稍遷至秘書丞既從雍辟嘗請修城壘備器械

乞朝廷加兵選將以圖討賊若不以為意恐朝廷

之憂關輔之禍非年歲可弭雍不以為然及元昊

兵圍城石元孫劉平二將陷陳都監黃德和奔還

雍召用章問策用章曰用章屢獻言矣而公不用

今惟有一死以報國爾然城中老幼無辜皆陷之

至此若合同爲血肉是公上負天子下負百姓雍

怒拂衣而起會其夜雪大作賊遂退雍扶用章陷

百姓之言而誣以罪用章遂竄雷州其後范仲淹

經略延州知用章以忠獲罪奏雪於朝田况亦以

爲言起監隨州酒稅明年復故官東都事考范雍傳

鄭俠字介夫福州福清人治平中進士高第調光

州司法參軍熙寧六年七月不雨至七年三月人

無生意俠悉繪所見爲圖奏疏詣閣門假稱密急

發馬遞上之銀臺司其略云去年大蝗秋冬亢旱

災患之來莫之或禦願陛下開倉廩賑貧乏取有

司培克不道之政一切罷去冀下召和氣上應天

心延萬姓垂死之命竊聞南征北伐者皆以其勝

捷之勢山川之形爲圖來獻料無一人以天下之

民質妻鬻子斬桑環舍流離逃散遑遑不給之狀

上聞者臣僅以逐日所見繪成一圖但經眼目已

可涕泣而况有甚於此者乎如陛下行臣之言十

日不雨卽乞斬臣宣德門外以正欺君之罪疏奏

神宗反覆觀圖長吁數四袖以入是夕寢不能寐

翌日命開倉體放免行錢三司察市易司農發常

平倉三衛具熙河所用兵諸路上民物流散之故

青苗免役權息追呼方田保甲並罷凡十有八事

民間謹叫相賀又下責躬詔求言越三日大雨遠

近沾洽輔臣入賀帝亦以俠所進圖狀且賞之皆再拜謝安石上章求去外間始知所行之由羣姦切齒遂以俠付御史治其擅發馬遞罪呂惠卿邵綰言於帝曰陛下數年以來忘寐與食成此美政天下方被其賜一旦用狂夫之言罷廢殆盡豈不惜哉相與環泣於帝前於是新法一切如故安石去惠卿執政俠又上疏論之仍取唐魏徵姚崇宋璟李林甫盧杞傳為兩軸題曰正直君子邪曲小人事業圖疏在位之臣暗合林甫輩而反於崇璟者各以其類復為書獻之並言禁中有被甲登殿等事惠卿奏為謗訕編管汀州御史臺吏楊忠信謁之曰御史緘默不言而君上書不已是言責在監門而臺中無人也取懷中名臣諫疏二帙授俠曰以此為正人助惠卿暴其事且喉御史張琥並劾馮京為黨與俠行至太康還對獄獄成惠卿議致之於死帝曰俠所言非為身也忠誠亦可嘉豈宜深罪但徙英州既至得僧屋將壓者居之英人無貧富貴賤皆加敬事遣子弟從學為築室以遷哲宗立始得歸蘇軾孫覺表言之以為泉州教授元符七年再竄於英徽宗立赦之仍還故官又為秦京所奪自是不復出布衣攜食屏處田野然一言一話未嘗忘君宣和七年卒年七十九

宋史本傳

陳衍開封人以内侍給事殿庭累官供備庫使梁惟簡薦諸宣仁皇后主管高韓王宅領御藥院內東門司宣仁山陵為按行使俄以左藏庫使文州刺史出為宣定路都監御史來之邵方力詆元祐政事首言衍在垂簾日怙寵驕肆交結戚里進退大臣力引所私俾居耳目之地張商英亦論衍交通宰相御服為之賜珠結託詞臣儲祥為之賜膳蓋指呂大防蘇軾也衍坐貶監郴州酒稅務惟簡以援引張士良梁知新以黨附皆得罪已又編管白州徙配珠崖

宋史本傳

元符元年三月戊午殺珠崖流人陳衍

任伯雨字德翁眉州眉山人中進士第游擢右正言時徽宗初政納用讜論伯雨首擊章惇章八上貶惇雷州居諫省半歲所上一百八疏大臣畏其多言俾權給事中密諭以少默即為真伯雨不聽抗論愈力且將劾曾布布覺之徙為度支員外郎尋知夔州崇寧黨事作削籍編管通州為蔡卞所陷與陳瓘龔夬張庭堅等十三人皆南遷獨伯雨徙昌化姦人猶未甘心用匿名書復逮其仲子申先赴獄妻適死於淮報訃俱至伯雨處之如平常曰死者已矣生者有負於朝廷亦當從此訣如其不然天豈殺無辜耶申先在獄鍛鍊無所傳致乃

得釋居海上三年而歸宣和初卒年七十三長子象先調秦州戶曹掾聞父謫棄官歸養申先以布衣特起至中書舍人

宋史本傳

陳瓘字瑩中南劍州沙縣人應舉中甲科徽宗即位為右正言遷左司諫瓘論議持平務存大體不以細故藉口未嘗及人曖昧之過惟極論蔡卞章惇安惇邢恕之罪皇太后已歸政瓘言外戚向宗良兄弟與侍從希寵之士交通使物議籍籍謂皇太后今猶預政由是罷監揚州糧料院明年還為著作郎遷右司員外郎兼權給事中宰相曾布使客告以將即真瓘語子正彙曰吾與丞相議事多不合今若此是欲以官爵相餌也若受其薦進復有異同則公議私恩兩有愧矣吾有一書論其過將投之以決去就汝其書之但郊祀不遠彼不相容則澤不及汝矣能不介於心乎正彙願得書旦持入省布使數人邀相見甫就席遽出書布大怒爭辨移時至箕踞諍語瓘色不為動徐起白曰適所論者國事是非有公議公未可失待士禮布愕然改容信宿出知秦州崇寧中除名竄袁州廉州移郴州稍復宣德郎正彙在杭告蔡京有動搖東宮迹杭守蔡薳執送京師飛書告京下開封府制獄併逮瓘獄具正彙以所告失實流海上瓘亦安

置通州

宋史本傳

王霽澤州人崇寧時為謀議司詳議官上書告蔡京罪黜隸海島欽宗復其官

宋史王雲傳

劉昂字子蒙開封東明人初名炳賜今名元符末進士甲科起家太學博士積官金紫光祿大夫與王安石交通事敗開封尹盛章議以死刑部尙書范致虛為請乃長流瓊州

宋史本傳

昂校書郎王安石外兄也案好談神仙事得鄭州書生言天神可祈而下

下則聲容與人接因習行其術纔能什七八須兩人共為乃驗徽宗方崇道教侍臣林靈素自度技不如願與之游拒弗許神降案家使因昂以達案昂言之帝帝大喜約某日即內殿致天神靈素求與共事又弗許及是日案與書生至東華門靈素戒闕卒獨聽案入帝齋潔敬待越三夕無所聞乃下案大理獄成棄市昂竄瓊州

宋史王雲傳

方軫興化人上書訟蔡京之過詔削籍流嶺外卒於貶所

王明清揮塵後錄

費又章直方試卷詞理謗訕龐汝翼課冊係元祐學術譏訛元豐政事崇寧間三人並竄廣南

同上

章經大觀元年九月辛亥坐冒法竄海島季景直等四人以上書觀望罪并編管嶺南

宋史徽宗紀

謹案海鳥疑是沙門鳥

郭天信字佑之開封人以技隸太史局徽宗為端王天信密白曰王富有天下既而即帝位因得親暱不數年至樞密都承旨節度觀察留後政和初拜定武軍節度使見蔡京亂國每託天文以撼之且云日中有黑子帝甚懼京由是黜張商英方有時望天信往往稱於內朝商英亦欲借左右游談之助陰與相結商英勸帝節儉稍裁抑僧寺帝始敬畏之而近侍積不樂朋言浸潤卷日衰京黨因是告商英與天信漏泄禁中語言天信先發端窺伺上旨動息必報乃從外庭決之無不如志商英遂罷御史中丞張克公復論之詔貶天信昭化軍節度副使單州安置命宋康年守單幾其起居再貶行軍司馬竄新州又徙康年使廣東天信至數月死京已再相猶疑天信挾術多能死未必實令康年選吏發棺驗視焉宋史方技本傳

鄧之綱宣和元年王黼拜特進少宰乘高為邪多畜子女誘奪徽猷閣待制鄧之綱妾反以罪竄之綱嶺南宋史王黼傳

趙良嗣本燕人馬植政和初童貫出使道盧溝植夜見貫與語大奇之載歸易姓名曰李良嗣薦諸朝徽宗召見賜姓趙氏官至光祿大夫既而朝廷納張覺良嗣爭之坐奪職削五階靖康元年五月

御史胡舜陟論其結成邊患敗契丹百年之好使金寇侵陵禍及中國乞戮於市時已竄柳州詔廣西轉運副使李昇之即所至梟其首徙妻子於萬安軍宋史姦臣本傳

童貫性巧媚事官掖即善測人主微指宣和七年封廣陽郡王是年粘罕南侵貫在太原遣馬擴辛興宗往聘以嘗金金人以納張覺為責且遣使告與兵貫厚禮之謂曰如此大事何不素告我使者勸貫速割兩河以謝貫氣穢不能應謀遁歸奔入都欽宗已受禪下詔親征以貫為東京留守貫不受命而奉上皇南巡於是諫官御史與國人議者蠢起初貶左衛上將軍連謫昭化軍節度副使竄之英州吉陽軍行未至詔數其十大罪命監察御史張徵迹其所至泣斬之及於南雄既誅函首赴闕梟於都市宋史宦者本傳家屬皆徙吉陽東都事略本傳

顏博文靖康末為著作郎張邦昌僭號金人退後請罪博文為作表有曰仲尼赴佛肸之召本為興周紀信乘漢王之車蓋將誑楚及邦昌伏誅博文流廣州居市舶海山樓黃志

杜嵩建炎二年杜充叛降金事聞高宗謂輔臣曰朕待充不薄何乃至是下制削充爵徙其子嵩巖崑壻韓汝惟於廣州宋史杜充傳

孫咸湖口令建炎二年坐賊黥隸連州朝野雜記

藍珪初為康王府都監既即位恃恩用事帝幸浙

至杭州江下觀潮中官供帳赫然遮道統制苗傅

等切齒傅幕客王世修以告武功大夫劉正彥正

彥曰會當共除之伏兵分捕中官凡無鬚者皆殺

之康履馳入白帝傅等至厲聲乞康履藍珪等誅

之以謝三軍帝遣人執履付傅腰斬之宋史本傳建炎

三年三月丁亥分竄內侍藍珪高邈張巨陳永錫

於嶺南諸州宋史高宗紀

張去為內侍張見道養子也初為章太后宅提點

官累遷至安德軍承宣使帶御器械又遷內侍省

押班與秦檜王繼先俱用事金兵將至遣使來出

慢言以相懼去為陰沮用兵進幸蜀之計侍御史

杜莘老乞斬去為以作士氣先是去為取御馬院

西兵二百人髡其頂髮都人駭之莘老復劾其罪

宋史本傳建炎三年三月竄去為於嶺南宋史高宗紀

范瓊建炎三年秋七月壬辰言者論瓊逼遷徽宗

及迎立張邦昌瓊辭伏賜死子弟皆流嶺南宋史高宗紀

周杞紹興二年常州大旱帝問致旱之由中書舍

人胡交修奏杞殘酷所致尋以屬吏坐賊及殺不

辜竄嶺南宋史五行志

王大本貴池縣丞紹興五年夏四月坐枉法賊杖

脊刺配南雄州宋史高宗紀

溫濟威州防禦使告韓世忠陰事勒停南建州編

管紹興九年九月世忠又奏欲殺之詔移萬安軍

同上

岳飛家屬飛死岳雲棄市籍家貲徙嶺南宋史本傳

雷遇僧紹興十年三京路通詔求宗室遇僧自言

少帝第二子守臣遣赴行在過泗州州官孫守信

疑之白其守請於朝言淵聖無第二子乃詔守信

劫治遇僧伏罪黥隸瓊州宋史宗室太子諱弟諱傳

白鏐紹興十四年大水中官白鏐宣言變理乖整

洪尚書名聞天下何不用檜聞之怒繫鏐大理獄

宋史洪皓傳刺配萬安軍宋史秦檜傳

張伯麟太學生嘗題壁曰夫差爾忘越王殺而父

手杖脊刺配吉陽軍

黃友龍進士紹興二十三年坐誘訕黥配嶺南

賈子展紹興二十四年八月以會中有嘲謔講和

之語子展竄德慶府俱同上

康與之字伯可嘉興人建炎中大駕駐維揚與之

上中興十策時宰相汪黃輩不能聽用與之聲名

大著然終不見用及秦檜當國乃附會求進擢為

臺郎值章太后歸自金高宗奉養兩宮燕樂皆與

之專制為歌詞諛豔粉飾於是聲名掃地而世但
以比柳耆卿輩矣檜死坐罪流五羊與之愛白雲
山麓玉虹洞幽勝築小屋區日順菴以待遊息所
著有樂府五卷轉運使陶定序之以傳其詩詞王
銓蘇庠皆稱之黃志

李允升知上元縣犯贓貨死乾道二年九月甲辰

杖脊刺面配惠州牢城籍其貲宋史李

陳瑜內侍乾道三年八月坐交結戚方受賂除名

決杖黥面配循州上同

王大節江州都統開禧二年六月壬子除名袁州

安置尋徙封州宋史寧流李汝翼於嶺南宋史陳

吳曦僭王位於興州宋史本傳開禧三年二月四川宣

撫副使司隨軍轉運安丙及興州中軍正將李好

義監四川總領所興州合江倉楊巨源等共誅曦

傳首詣行在獻於廟社梟三日四川平并誅曦妻

子家屬徙嶺南宋史寧

趙光夫彭州人趙彥呐子彥呐帥興元端平三年

金人大入至三泉彥呐大敗貶衡州光夫用事亦

鼠嶺南宋史趙

柳臣舉光州司戶嘉熙二年十二月丙午配雷州

宋史趙杜霆淳祐二年十二月己未詔通州守臣杜霆兵

至棄城弗守載其私帑渡江以遁遂致民被屠戮
雖已奪三秩厥罰猶輕其追毀出身以來文字竄
南雄州上同

謝方叔字德方威州人嘉定十六年進士歷官監

察御史知衡州除宗正少卿又除太常少卿兼國

史編修寶錄檢討遷殿中侍御史權刑部侍郎兼

權給事中升兼侍講正授刑部侍郎拜端明殿學

士簽書樞密院事參知政事淳祐九年拜參知政

事封永康郡侯十一年拜左丞相進封惠國公勸

帝以愛身育德屬監察御史洪天錫論宦者盧允

升董宋臣疏留中不下大宗正寺丞趙宗璠移書

方叔云闕寺驕恣特甚宰執不聞正救臺諫不敢

誰何一新入孤立之察官乃銳意出身攻之此豈

易得哉側耳數日寂無所聞公議不責備他人而

責備於宰相不然倉卒出御筆某人授少卿亦必

無過之理矣丞相不可謂非我責也方叔得書有

報色翼日果得御筆授天錫大理少卿而天錫去

國於是太學生池元堅太常寺丞趙宗潔左史李

昂英皆論擊允升宋臣而讒者又曰天錫之論方

叔意也及天錫之去亦曰方叔意也方叔上疏自

解於是監察御史朱應元論方叔罷相既罷允升

宋臣猶以為未快厚賂太學生林自養上書力詆

天錫方叔且曰乞誅方叔使天下明知宰相臺諫之去出自獨斷於內侍無預焉書既上學舍惡自養黨姦相與鳴鼓攻之上書以聲其罪乃授方叔觀文殿大學士提舉洞霄宮復以監察御史李衢兩劾被職罷祠後依舊職與祠起居郎召澤中書舍人林存劾罷監察御史章士元請更與降削竄廣南景定二年乃敘復官職宋史本傳

陳垓貪賤不法寶祐元年二月戊辰竄潮州宋史理宗紀

袁玠寶祐元年冬十月壬午御史陳寅言知江州袁玠貪賤不悛殘賊州邑詔削五秩竄南雄州開慶元年十一月癸卯追毀玠出身以來文字除名不敘移萬安軍

吳潛景定初賈似道專政凡為似道所惡者無賢否皆斥元年十月壬戌竄吳潛於湖州

余思忠景定二年夏四月癸巳余思忠追毀出身文字除名勒停竄新州七月辛未制置使蒲擇之坐密通蠟書叛賊羅顯詔竄萬安軍俱同上

翁應龍賈似道幕官似道罷平章都督子祠官宋史

賈似道傳德祐元年三月己卯杖應龍刺配吉陽軍宋史

公紀王庭德祐元年秋七月甲戌王庭除名貶梅州乙

未貶胡玉連州林鏗韶州并除名以開慶兵禍追罪之同上

元

忙哥帖木兒仁宗初以尚書左丞忙哥帖木兒變亂舊章杖流嶺南元史仁宗紀

按梯不花泰定帝即位十一月癸未流諸王按梯

不花於廣南元史泰定帝紀

王仕熙字繼學北海東平人晉王朝參政致和戊

辰秋燕帖木兒謀逆執仕熙下獄迎懷王入京九

月流吉陽軍與侍御史濟寧邱世傑同渡海而世

傑流萬安軍明年天歷己巳至郡守聞仕熙來先

為營居城中及至惡其完美乃於城西陋地茅屋

借居之名曰水北新居又於秀西南數十步築江

亭以遊息嘗作雲山辭山氣氤氳今出雲又冷冷焉

青兮垂簾清淨雲兮水兮對壑日出雲飛山青

白蕪葦荷字今注為菴語江吳今吳人每靜住

一室晏日不出中庭郡佐人士及吏卒相接者甚

加禮貌屢為縣尹陳元道所侮優禮之不校郡縣

之政時之利害未嘗出諸口非公事及宴請不苟

出惟劬書酷詠為娛恬然不見其去國之意遠近

皆敬愛得其文字珍藏之後居瓊冬初許歸田里

明年春寧宗立與世傑同得旨還王申復錄用黃志

忽刺出天歷二年八月流於海南元史仁宗紀

王禪之子至順元年三月甲辰流於吉陽軍
速速至順元年九月御史臺臣劾奏速速叨居台
鼎專肆貪淫兩經杖斷一百七方議流竄率蒙恩
宥量移湖廣不復畏法自守而乃攜妻妾濫汚
百端况湖廣乃屯兵重鎮豈宜居此乞屏之遠裔
以示至公詔永竄雷州湖廣行省遣人械送其所
二年二月湖廣參政徹里帖木兒與速速班丹俱
坐出怨言鞠問得實刑部議當徹里帖木兒班丹
杖一百七速速處死會赦徹里帖木兒流廣東班
丹廣西速速徙海南皆置荒僻州郡有旨此輩怨
望於朕向非赦原俱當寘之極刑可俱籍其家速
速禁錮終身秋七月監察御史張益等言欽察台
在英宗朝陰與中政使咬住造謀誣告脫觀察兒
將構異圖辭連潛邸致出居海南及天歷初倒刺
沙據上都遣欽察台以兵拒命倒刺沙疑其有異
志復會以歸即追言昔日咬住之謀以自解皇上
即位不念舊惡擢居中書而又自貽厥咎以致奪
官籍產旋復釋宥以為四川平章今雲南未平與
蜀接壤其人反覆不可信任宜削官遠竄仍沒入
其家產臺臣以聞詔奪其制命金符同妻孥禁錮
於廣東毋籍其家仍詔諭御史凡檢人如欽察台
者其極言之毋隱上

明

汪廣洋字朝宗高郵人累官江西參政洪武元年
山東平以廣洋廉明持重命理行省撫納新附民
甚安之是年召入為中書省參政明年出參政陝
西三年李善長病中書無官召廣洋為右丞時左
丞楊憲專決事廣洋依違之猶為所忌喉御史劾
廣洋奉母無狀帝切責放還鄉憲再奏徙海南憲
誅召還其冬封忠勤伯及善長去位遂以廣洋為
右丞相久之左遷廣東行省參政而帝心終善廣
洋復召為左御史大夫十年復拜右丞相十二年
十二月申丞涂節言劉基為惟庸毒死廣洋宜知
狀帝問之對曰無有帝怒責廣洋朋欺貶廣南舟
次太平帝追怒其在江西曲庇文正在中書不發
楊憲姦賜勅誅之明史本傳
薛祥字彥祥無為人洪武八年授工部尚書明年
改天下行省為承宣布政司以北平重地特授祥
三年治行稱第一為胡惟庸所惡坐營建擾民謫
知嘉興府惟庸誅復召為工部尚書明年坐累杖
死子四人謫瓊州遂為瓊山人明史本傳
方賓錢塘人洪武時由太學生試兵部郎中建文
中署應天府事坐罪戍廣東以茹瑄薦召復官明史本傳

赴部適場名黃宗明下獄直抗疏言九經之首曰修身其中曰敬大臣體羣臣今場名以直言實詔獄非所以體羣臣黃宗明以論救與同罪非所以敬大臣二者未盡天下後世疑陛下修身之道亦有所未盡矣帝大怒并下詔獄拷掠命發極邊編戍雷州衛赦還貧甚妻織紡以給朝夕直讀書談道自如久之卒隆慶初贈光祿少卿明史場名傳

馮恩字子仁松江華亭人登嘉靖五年進士除行人擢南京御史十一年冬彗星見詔求直言恩以天道遠人道邇乃備指大臣邪正極論大學士張字敬方獻夫右都御史汪鉉三人之奸字敬根本之彗也鉉腹心之彗也獻夫門庭之彗也三彗不去百官不和庶政不平雖欲弭災不可得已帝得疏大怒逮下錦衣獄究主使名恩日受榜掠瀕死者數語卒不變明年春移恩刑部獄帝欲坐以上言大臣德政律致之死長子行可年十三伏闕訟冤日夜匍匐長安街見冠蓋者過輒攀輿號呼乞救終無敢言者比朝審鉉當主筆東向坐恩獨向闕跪鉉令卒拽之西面恩起立不屈卒呵之恩怒叱卒卒皆靡鉉曰汝屢上疏欲殺我我今先殺汝恩叱曰聖天子在上汝爲大臣欲以私怨殺言官耶且此何地而對百寮公言之何無忌憚也吾死

爲厲鬼擊汝鉉怒曰汝以廉直自負而獄中多受人饋遺何也恩曰患難相恤古之義也豈若汝受金錢鬻官爵耶因歷數其事詆鉉不已鉉益怒推案起欲毆之恩聲亦愈厲恩出長安門士民觀者如堵皆嘆曰是御史非但口如鐵其膝其膽其骨皆鐵也因稱四鐵御史恩母吳氏擊登聞鼓訟冤不省又明年行可上書請代父死不許其冬事益迫行可乃刺臂血書疏自縛闕下謂臣父幼而失怙祖母吳氏守節教育底於成立得爲御史舉家受祿圖報無地私憂過計陷於大辟祖母吳年已八十餘憂傷之深僅餘氣息若臣父今日死祖母吳亦必以今日死臣父死臣祖母復死臣焚然一孤必不獨生冀陛下哀憐置臣辟而赦臣父苟延母子二人之命陛下不傷臣心臣被僇不傷陛下法謹延頸以俟白刃通政使陳經爲入奏帝覽之惻然令法司再議尙書聶賢與都御史廷相言前所引律情與法不相麗宜用奏事不實律輸贖帝不許乃言恩情重律輕請戍之邊徼制可遂遣戍雷州而鉉亦後兩月罷矣越六年遇赦還家居專爲德於鄉穆宗卽位錄先朝直言恩年已七十餘卽家拜大理寺丞致仕復從有司言旌行可爲孝子明史本傳

沈思孝字純甫嘉興人隆慶戊辰進士爲刑部主事萬歷初思孝與員外郎艾穆爭張居正起復觸怒命杖配穆於潯州思孝於高州迨居正卒始召思孝還拜尙寶丞晉太常少卿郡志

樊玉衡字以齊黃岡人萬歷十一年進士由廣信推官徵授御史京察論無爲判官稍遷全椒知縣二十六年四月以冊立久稽上言陛下愛貴妃當圖所以善處之今天下無不以冊立之稽歸過貴妃者而陛下又故依違以成其過陛下將何以托貴妃於天下哉由元子而觀則不慈由貴妃而觀則不智無一可者願早定大計冊立冠婚諸典次第舉行使天下以元子之安爲貴妃功豈不並受其福享令名無窮哉疏奏帝及貴妃怒甚旨一日三四擬禍且不測大學士趙志皋等力救言自帝卽位未嘗殺諫臣帝乃焚其疏忍而不發再踰月以憂危竝議連及遂永戍雷州明史本傳

戴士衡字章尹莆田人萬歷十七年進士除新建知縣擢吏部給事中劾石星誤國大罪五二十五年正月極陳天下大計不報日本封事敗再劾星及沈惟敬揚方亨且列上防倭八事多議行俄劾刑部侍郎呂坤時坤以直諫去給事中劉道亨右坤力詆士衡謂其受大學士張位指士衡亦劾道

亨與星同鄉爲星報復帝以言官互爭皆報寢尋劾罷文選郎中白所知帝惡吏部郎貶黜者二十二人因詰責吏部朋比都給事中劉爲楫楊廷蘭張正學林應元及士衡俱引罪詔貶士衡蘄州判官無何詔改遠方授陝西鹽課副提舉而全椒知縣樊玉衡方上疏言國本指斥貴妃貴妃從父鄭承恩故與士衡有隙遂妄指士衡爲之帝震怒夜半傳旨逮下詔獄拷訊比明命永戍士衡廉州玉衡雷州再更赦皆不原四十五年士衡卒於戍所天啓中贈太僕少卿明史本傳

廣東通志卷二百六十六終

廣東通志卷二百六十七

謫官錄六 編管

韓綱 夏守恩

王履 秦觀

鄒浩 陳次升

龔夬 宋昭

邵成章 時希孟

傅秀 巨師古

裴廩 韓紉

楊煒 干膺 王處仁

胡銓 辛永宗

吳元美 安誠

王之奇 王遠 裴泳

何兌 魏安行

沈長卿 林東

薛仲邕 莫汲 汪召錫 陸升之

王會 劉記 王權

杜楫 曾造

湯邦彥 李端卿

張伸之 張林

郭勝 俞大忠 以上宋

宋

韓綱雍邱人父億為太子少傅卒綱慶曆中知光化軍性苛急不能撫循士卒會盜張海剽劫至境上綱帥禁兵乘城給餅餌多不時民具酒食犒軍輒收其羊豕市錢制兵器士皆憤怒又嘗命軍校作陣圖不成將斬之眾益駭一日士方食軍校邵興叱眾起勿食綱怒執數人繫獄興懼帥眾劫庫兵為亂欲殺綱綱攜妻子縋城由漢江而下興等遂縱火掠城中引眾趨蜀道為官兵所敗綱坐棄城除名編管英州 宋史韓綱傳

夏守恩字君殊井州榆次人天聖初歷天雄泰寧武寧節度使為真定府定州路都總管所至恃寵驕恣不法其子元吉通賂遺市物多不予直定州通判李參發其贓命侍御史趙及與大名府通判李鉞鞠問得實法當死帝命貸之除名連州編管卒貶所 宋史

王履字坦翁開封人元祐初從父景琚南郊恩為三班奉職元符中上書編置新州入黨籍靖康初除相州觀察使扈駕被畱死之 宋詩紀事

秦觀字少游揚州高郵人少豪雋慷慨溢於文詞舉進士不中強志盛氣好大而見奇見蘇軾於徐為賦黃樓軾以為有屈宋才勉以應舉為親養始登第調定海主簿蔡州教授元祐初軾以賢良方

正薦于朝除太學博士校秘書省書籍遷正字復兼國史院編修官紹聖初坐黨籍出通判杭州以御史劉拯論其增損實錄貶監處州酒稅使者承風望指候伺過失既而無所得則以謁告寫佛書爲罪削秩徙郴州繼編管橫州宋史本傳元符元年九月庚戌移雷州編管宋史本傳徽宗立復宣德郎召還卒於途黃志

鄒浩字志完常州晉陵人第進士調揚州潁昌府教授呂公著范純仁爲守皆禮遇之哲宗擢爲右正言章惇獨相用事威虐震赫浩所言每觸惇忌仍上章露劾數其不忠慢上之罪未報而賢妃劉氏立浩言立后以配天子安得不審今爲天下擇母而所立乃賢妃一時公議莫不疑惑陛下廢孟氏果與賢妃爭寵乎抑其不然也孟氏罪廢之初天下孰不疑立賢妃爲后及讀詔書有別選賢族之語又聞陛下臨朝慨然以爲國家不幸至於宗景立妾怒而罪之於是天下始釋然不疑今竟立之豈不上累聖德帝謂此亦祖宗故事豈獨朕耶對曰祖宗大德可法者多矣陛下不之取而效其小疵臣恐後世之責人無已者紛紛也帝變色猶不怒持其章躊躇四顧凝然若有所思付外明日章惇詆其狂妄乃削官羈管新州宋史本傳溫益守潭

日浩貶新州道其郡投宿僧寺益差兵卒逼浩登舟使冒風濤夜度東都事畧又有田畫者志義士也元符間監廣利門浩除言官畫見浩問曰平生

與君相許者何如今君爲何官浩媿謝既而朋黨之禍愈甚畫乃謝病歸陽翟一日報立皇后劉氏畫曰鄒君不言可以絕矣又一日浩以書約畫會潁昌中途自云得罪畫亟往浩具言諫立皇后時

言慙得罪二人留連三日臨別浩出涕畫正色曰使君隱默官京師遇寒疾不汗五日死矣豈獨嶺海之外能死人哉願君無以此舉自滿士所當爲者未止此也浩茫然自失歎曰君之贈我厚矣乃

別去東都事畧徽宗立召還復爲右正言宋史本傳陳次升字富時興化仙游人第進士知安邱縣紹

聖中爲御史轉殿中論章惇蔡卞植黨爲姦乞收還威福之柄又論卞各周種貪鄙鄭居中檢佞由是惇卞交惡之乘間白爲河北轉運使帝曰漕臣易得耳次升敢言不當去更進左司諫次升累章

劾章惇皆留中京師有富家乳婢怨其主坐兒於上而嵩呼者邏繫獄次升乞戒有司無得觀望帝問大臣何謂蔡卞曰正謂觀望陛下爾誣其毀先

烈擬謫監全州酒稅帝以爲遠改南安軍徽宗立召爲侍御史極論惇卞會布蔡京之惡竄惇於雷

居下於池出京於江寧遷右諫議大夫崇寧初降集賢殿修撰繼又落修撰除名徙建昌編管循州皆以詩京下故宋史本傳

龔夬字彥和瀛州人清介自守有重名進士第三紹聖初擢監察御史徽宗立拜殿中侍御史始上殿即抗疏請辨忠邪時章惇蔡卞用事夬首論其惡又論蔡京治文及甫獄本以償報私仇始則上誣宣仁終則歸咎先帝願考証其實以正姦臣之罪於是三人者皆去又上疏乞正元祐后四位號及元符后不當並立書報聞已而元祐后冊再廢

言者論夬首尾建言詔削籍編管房州繼徙象宋本傳給逢赦令得歸政和元年卒年五十五宋史本傳

宋昭宣和四年九月以散郎上書諫北伐王黼大惡之詔除名勒停廣南編管宋史本傳靖康元年秋七月貶連州宋史本傳

邵成章欽宗內侍也康王將即位元祐太后遣成章奉乘輿服御至南京從幸揚州金人掠陝西京東諸郡羣盜起山東黃潛善汪伯彥匿不以聞及張遇焚員州去行在六十里帝亦不之知也成章上疏條具潛善伯彥之罪曰必誤國且申潛善等使聞之帝怒除名南雄州編管侍御史馬伸言成

章緣上書得罪今是何時以言為諱久之帝思成章忠直召赴行在其徒忌之譖于帝遂止于洪州金人入洪聞其名訪求得之謂之曰知公忠正能事吾主可坐享富貴成章不應脅之以威亦不從金人曰忠臣也吾不忍殺遣之金帛而去宋史本傳時希孟建炎三年三月苗傅與王世修等謀作亂乞斬康履藍珪以謝三軍希孟曰禍由中官不悉除之禍未已也遂命捕履即樓下腰斬傅猶肆惡言謂帝不當即大位請隆祐太后同聽政及遣使與金議和帝許諾即下詔賊聞詔不拜曰自有皇太子可立張達曰今日之事當為百姓社稷計希孟曰宜率百姓死社稷否則從三軍之請帝遣人奏禪位幸顯忠寺四月戊申朔帝還宮甲寅希孟編管吉陽軍宋史本傳

傳秀紹興二年八月己亥停官英州羈管宋史高宗紀巨師古官統制紹興三年六月甲申朔坐違韓世忠節制除名廣州編管

裴廩知衡州紹興五年十一月戊子坐調夫築城凍死二千餘人除名嶺南高州編管俱同上

韓紉為澧州推官紹興九年金人歸河南陝西故地帝雖聽秦檜和而質疑金詐未嘗弛備也紉言金人叵測宋史本傳上書諫和議知州李紹祖得

秦檜傳

秦檜傳

秦檜傳

秦檜傳

秦檜傳

其副本獻于秦檜以為動搖國是編管循州黃志

楊煒越州人與李光同郡光為參政而金人議和

煒以書責光後為黃巖令有詆時相秦檜語除名

萬安軍編管又有于鵬者岳飛部下參議官也與

飛盡忠報國檜尤惡之除名萬安軍編管同上

王處仁送連州編管朝野雜記

胡銓字邦衡廬陵人建炎二年高宗策士淮海見

而異之將冠之多士有忌其直者移寘第五授撫

州軍事判官轉承直郎丁父憂從鄉先生蕭楚學

春秋紹興五年兵部尚書呂祉以賢良方正薦賜

對除樞密院編修官八年宰臣秦檜決策主和金

使以詔諭江南為名中外洵銓抗疏書既上檜

以銓狂妄凶悖鼓眾劫持詔除名編管昭州仍降

詔播告中外給舍臺諫及朝臣多救之者檜迫於

公論乃以銓監廣州鹽倉明年改簽書威武軍判

官十二年諫官羅汝楫劾銓飾非橫議詔除名編

管新州十八年新州守臣張棣許銓與客唱酬謗

訕怨望移謫吉陽軍二十六年檜死銓量移衡州

銓之初上書也宜興進士吳師古錄木傳之金人

募其書千金其謫廣州也朝士陳剛中以啟事為

賀其謫新州也同郡王廷珪以詩贈行皆為人所

許師古流袁州廷珪流辰州剛中謫知虔州安遠

縣遂死焉三十一年銓得自便孝宗即位復奉議

郎知饒州隆興元年遷秘書少監擢起居郎宋史本傳

五月三日晚侍上於後殿之內閣上曰卿流落海

島二十餘年得不為屈原之葬魚腹者實祖宗天

地留卿以輔朕也流涕答曰小臣三遷嶺海命出

虎口豈期今日再見天日上亦收淚曰卿被罪許

久可謂無辜天下知之不在多說乃就坐食兩味

八寶羹上曰此味極佳內有蚌肉猶可喫飯答曰

臣向在新州日食海味但如此則聞嘗上曰卿向

在海南為詩必多答曰臣向居嶺海時日率作詩

十數首初任福州簽判以詩詞唱和得罪故遷新

州及居新州又以此獲譴復徙吉陽軍甚矣詩詞

能禍人也既蒙錄用靜思二十年前為之墮淚宋胡

銓經筵玉音問答

乾道七年除寶文閣待制留經筵求去

上問今何歸銓曰歸廬陵臣向在嶺海嘗訓傳諸

經欲成此書特賜通天犀帶以寵之銓歸上所者

易春秋周禮禮記解詔藏秘書省宋史本傳

辛永宗湖南副總管紹興十九年冬十月己未停

官肇慶府編管宋史高宗紀坐不附和議宋史秦檜傳

吳元美為福建安撫使機宜黃志陳南雄志八閩通志作福州永福人

夏二子傳指蚊蠅也家有潛光亭商隱堂以亭號

潛光有心於黨李堂名商隱無志于事秦故秦檜惡之宋史秦檜傳以譏議大臣編管容州尋謫南雄卒黃志

安誠為右迪功郎紹興二十年冬十月戊辰坐文字謗訕送惠州編管宋史高宗紀

王之奇官庶子王遠為鹽都院作主紹興二十三年三月丁酉之奇謗毀朝政除名梅州編管遠通書趙鼎除名高州編管同上

裴泳紹興二十三年坐指斥秦檜編管瓊州宋史秦檜傳

何兌紹興二十四年二月訟其師馬伸發端上金人書乞存趙氏為分秦檜功兌編管英州同上

魏安行大觀中為京西轉運副使黃志紹興二十四年十二月以廣傳程瑀論語解宋史秦檜傳秦檜疑其議已因毀之編管安行于欽州黃志

沈長卿舊與李光啟譏和議又與芮煜共賦牡丹詩有寧令漢社稷變作莽乾坤之句為隣人所告

紹興二十五年二月編置化州宋史秦檜傳

林東進士紹興二十六年二月乙酉上書狂妄追詔秦檜英州編管宋史高宗紀

薛仲豈為右奉議郎紹興二十六年七月丙午連州編管同上

莫汲紹興二十五年十二月壬午詔前後告許者莫汲汪召錫陸升之等三人除名廣南諸州編管

王會紹興二十五年十二月乙未以持權貪橫停官循州編管二十六年十月乙未移瓊州編管

劉汜王權紹興三十一年十一月乙酉汜貸死英州編管己丑權貸死瓊州編管俱同上

杜楫東官醫官乾道三年七月己酉除名昭州編管尋改瓊州宋史高宗紀

曾造知潮州乾道六年五月丁丑以犯贖貸命南雄州編管籍其家

湯邦彥淳熙三年夏四月丁酉以奉使無狀除名新州編管

李端卿守鬱林州淳熙六年六月辛亥廣西妖賊李接破鬱林州端卿棄城遁圍化州命經略司討捕之端卿除名勒停梅州編管俱同上

張伸之開禧三年五月戊寅吳曦黨人張伸之等一十六人用四川宣撫司奏除名編配兩廣及湖南諸州宋史高宗紀

張林沔州統制嘉定二年十一月辛卯朔謀作亂事覺貸死除名廣南羈管同上

郭勝端平元年正月戊辰以樞密院言詔京西忠順統制江海棗陽同統制郭勝向因所部兵行却

坐不發覺除名廣州拘管遇赦還軍前自效有功

並叙復元受軍職宋史理宗紀

俞大忠咸淳九年五月癸卯汪立信言臣奉命分

閩延見吏民皆痛哭流涕而言襄樊之禍皆由范

文虎及俞興父子文虎以三衙長聞難怯戰僅從

薄罰猶子天順守節不屈猶或可以少贖其愆興

奴僕庸材器量褊淺務復私讎激成劉整之禍流

毒至今其子大忠挾多資為父行賄且自希榮進

今雖寸斬未足以快天下之忿乞寘重典則人心

興起事功可圖詔俞大忠追毀出身文字除名循

州編管宋史度宗紀

廣東通志卷二百六十八

列傳一 廣州一

高固勇獲

公師隅以上周

張買

鄭嚴田甲 何遺

畢取孫都

鄧宓

楊孚

招猛

陳臨

董正

疎源

羅威

唐頌

黃豪以上漢

黃蓋三國吳

王範

黃舒

陶延族子整

姚成甫

黃恭族子整

楊平

洗勁以上晉

周靈甫南北朝宋

區金子穎 孫伯虎

盧度以上南齊

覃元先

馮融子寶 寶子僕 族孫士樹 以上南梁

鄧文進馮子猷

劉刪陳

韓澄從孫子泰

敬元禮

章善道子注 滂

蘇妙五世孫紹之

李文孺曾孫休

盧宗回

鄭愚

區冊區宏

鄧承勳

邵謁

廣東通志卷二百六十七終

楊環 韋隱居 黃隱居 何鼎 以上唐

何澤 後唐 簡文會

王詡 鍾允章 弟有章

植廷曉 以上南漢

周

高固南海人周顯王時楚子熊商滅越而臣服之是為楚威王固以才能歸楚為威王相時魯君子左邱明因孔子史記具論其語成左氏春秋鐸椒為威王傅為王不能盡觀春秋采取成敗卒四十章為鐸氏徵由固進之大都楚君至莊王最賢霸諸侯能討罪逆以服人心春秋進之子孫復能繼述以故文教日興五羊街穀萃於楚庭南海人為畫圖以表著固功故後世郡守猶繪諸廳事也初南海有勇獲者仕於吳王夫差為將周敬王三十八年魯哀公之十三年哀公會晉定公及夫差於黃池聞越王句踐伐吳太子友與戰告敗於王王惡其聞也自芻七人於幕下既會道齊宋而越聞愈章乃命王孫雄先與獲帥徒師以為過賓於宋焚其北郭焉而過之南海介荆揚裔土周初通貢中國王會以翟貢稱蠻揚焉尚力而已迄附於楚固乃顯庸有文事云 黃佐廣州先賢傳

謹案百越先賢志云高固齊高後之族考

宋鄧名世古今姓氏辨証高氏出自姜姓齊太公六世孫文公赤生公子高其孫侯為齊上卿與管仲合諸侯有功威公命侯以王父字為氏食采於盧諡曰敬仲世為上卿敬仲生莊子虎虎生項子項子生宣子固固生厚元和姓纂又言春秋高後乃天子命卿其得氏在威公前今稱高固為後之族未知何時由齊遷越臣服於楚而居南海也太平御覽引裴淵廣州記云昔高固楚相五羊街穀萃于楚庭於是圖其像廣州楚分野故因圖其瑞焉尋繹記文是固為楚相在郢有五羊街穀粵屬於楚因圖其瑞耳蓋楚無都粵之理固為楚相豈有去郢適粵之事耶後人因此附會固為南海人實無確據也

公師隅者粵人也越王無疆為楚所敗其子孫遜處於南海上周赧王時有自立為王者隅以無疆初避楚居東武有怪山浮來鎮壓其地因各東武山乃往相度南海將依山築南武城以擬之而越王不果遷時三晉惟魏最彊越王與魏通好使隅往復南海求犀角象齒以修獻久在嶠外乃得諸琛併吳江樓船會稽竹箭獻之魏魏王乃起師奉

越王往荆栖之沅湘於是南武疆土為越貢奉邑
稱雄交南矣欽大任百
越先賢志

謹案公師隅僅見於廣東通志別無援據
說見古蹟略是志體例斷自秦始高固勇
獲春秋時人公師隅戰國時人其事實經
紀綿邈無籍可稽然舊志必有所本未可
遽刪今破例錄之亦存古闕疑之意也

漢

張買粵人也報志舉取傳
云番禺人父戊以越騎將軍與華
無害從高帝定三秦有功未及封而死買少善射
知書拜中大夫孝惠帝時侍遊苑池鼓櫂能為越
謳時切規諷不自言父戰勲高后稱制丞相審食
其乃言買父戊從軍時勞動與終陵侯華無害同
而身死子未有食邑於是封買為南宮侯傳其子
生遂家長安建元初有罪奪爵光和中粵民祠買
祠曰秉正云百越先
賢志

謹案史記呂后本紀元年四月太后欲侯
諸呂適先封高祖之功臣於是張買為南
宮侯註徐廣曰其父越人為高祖騎將漢
書功臣表云南宮侯張買以父越人為高
祖騎將從軍以中大夫侯元年四月丙寅
封侯生嗣孝武初有罪為隸臣萬六千六

百戶考戴志黃志俱無專傳惟郭志附於
畢取傳後以為同邑先取封侯者張買則
以父戊功云金志郭志廣州府志番禺志
傳內有稱其父子相繼正色立朝故粵人
祠之匾曰秉正之語考郭志又舊番禺志
實有秉正廟註祀漢張買今圯番禺志並
載傅胡害革朱華無害三人考漢表以為
皆越將而先南宮封侯者恐有附會故闕
而不書

鄭嚴田甲皆南海人武帝欲伐南越二人者首以
越人歸漢帝令越人善射馳馬者選為越騎使二
人將之並封歸義侯號其士卒為越侯兵元鼎五
年秋蛙與蝦蟇羣鬪占者謂南方兆也會呂嘉作
亂遂命四將軍眾十萬征南越嚴為戈船將軍出
零陵下瀕水甲為下瀨將軍下蒼梧嚴善將兵而
甲苛急眾未得前於是伏波將軍路博德樓船將
軍楊僕已平南越開九郡會東粵亦反詔嚴與甲
即以越侯兵出若耶白沙若耶山在越州白沙
東故閩州皆東粵路元
封元年冬咸入東越東越平二人不加封免前稽
罪也又有何遺亦越人歸漢者交趾西通牂牁江
武帝使居犍為郡伐呂嘉時受詔別將巴蜀罪人
發夜郎兵下牂牁江會番禺因犍為發南夷兵為

且蘭夷會隔滇道故兵未下南越已平上便令遣
征西南夷中郎將郭昌衛廣引兵誅且蘭平之開
置五郡亦以前稽不加封黃志

謹案郭志何遺元光中歸漢百越先賢志
云何遺為馳義侯

畢取番禺人以材勇事南粵王為郎呂嘉弑王立
建德以叛漢命樓船將軍楊僕伐南粵屢有勝負
會日昞伏波將軍路博德潛兵入營西北招諭降

者不肆屠殺於是取以軍降封為瞭侯百越先賢志食五百
一十戶同時降者揚陽史定為安道侯粵桂林監
居翁論下駭駭四十餘萬為湘城侯又元封初漢
師入東粵故駭駭左將軍黃同斬百于王為下郎侯
軍卒終古斬梅比將軍為節兒侯東粵將多軍
為無錫侯橫海將軍韓說為案道侯
橫海校尉劉福為綏安侯皆粵人 建德與嘉見

兵敗比夜皆遁于海上伏波司馬蘇宏得建德封
海常侯嘉猶未獲粵郎孫都知嘉必東走高昌將
入東粵乃稽得之封都為臨蔡侯黃志

鄧宓番禺人有謀略權勇武帝元狩末郡志廣州志作征和
交趾部刺史羅宏舉宓茂才為屬國都尉以才能
著轉南海郡丞有聲歷日南太守善於柔遠民夷

懷之卒葬馬鞍山後光武建武中馬援征交趾徵
側徵貳駐兵南海開拓土宇至此每風雨晦冥聞
人馬聲蹟之得宓墓黃佐廣州先賢傳

楊孚字孝元南海人章帝朝郭志作建初中舉賢良對策

上第拜議郎和帝即位欲用兵匈奴孚奏言創造
用武守業尚文故周勝殷則有載戢干戈之頌太
宗息兵嘗言自勝衣冠念不及兵先帝繼述虜來
則應未嘗先伐故孝章之諡追配孝文詩曰允文
文王克開厥後又曰倬彼雲漢為章于天二帝之
謂也願陛下繩美祖宗毋輕用武永元十二年荒
早令在廷議政令得失孚曰漢制郡國之士誦肄
孝經察其志行選舉孝廉故帝諡必稱孝者躬行
化率也王莽不服母喪天下誅之然今時公卿大
夫羅父母憂不得去位而黎民孝悌力田反得爵
級非所以為民表儀也且郡邑侵漁不知紀極貨
賂通于上下治道衰矣宜詔中外臣民均行三年
通喪而吏治必務廉平以勸選舉之士庶幾克誠
小民副承天意帝從其議詔禁有司假勢行邪其
有巧法析律飾文增辭貨行於言罪成乎手事發
重罪之賜三老孝悌力田爵三級為父後者爵二
級窮民不能自存者予粟百越先賢志作粟孤
人三時南海屬交趾部刺史夏則巡行封部冬則
還天府表奏舉刺不法其後競事珍獻孚乃枚舉
物性靈悟指為異品或為韻語使士民識之遂著
南裔異物志自後羅浮瑋瑋之屬日絕世謂能通
神明孚家在江許南嶺嘗移雒陽松栢種植宅前

隆冬蜚雪盈樹人因目其所鄉爲河南李後爲臨海太守復著臨海水土記以正獻貢也世服李高識不徒博雅上同

謹案河南楊孚宅今屬番禺

招猛南海人舉茂才爲郎安帝元初中官大鴻臚卿掌諸侯及四方歸義蠻夷與郡國上計而諸王入朝拜諸侯嗣子禮儀皆屬焉猛善於其職動無遺禮四夷重譯若高句麗馬韓元菟南夷諸國初附及就封入覲者凡至容臺肆儀行事猛舉制詔眎之悉愜其情云百越先賢志

謹案姓氏辨証註招猛晉步招之後以名爲氏番禺志云漢有大鴻臚招猛而已此傳疑後人擬造約略後書百官志大鴻臚本注文支離雜湊參錯以後世語其僞托無疑其稱元初中高句麗馬韓諸國初附尤爲不考按元初爲安帝改元是時烏桓鮮卑南單于俱叛先零蠻越交侵非即敘順軌之時且自武帝時元菟久已爲郡豈至元初始云內附此紕謬之甚者矣

陳臨字子然南海人黃志云今廣州香山縣家居海島奮志不同蠻俗郡舉孝廉順帝永建中官至蒼梧太守推誠而理導民以孝悌民有遺腹子爲其父報怨

殺人者爲吏所獲臨知其無嗣令其妻侍獄中後產一男郡人歌曰蒼梧府君恩廣大能令死囚有後代德參古賢天報施獻帝建安中被徵爲廷尉後本郡以五月五日祠臨東城門下令小童潔服舞之其後子孫蕃盛播於嶺徼世以爲陰德所致云黃佐廣州先賢傳

謹案此傳節錄入廣西通志宦績惟舊香山縣志郡人歌無德參古賢天報施句番禺志云案此紀年或誤陳臨於順帝永建中已官二千石又七十年至建安始徵爲廷尉則年盈百餘矣於懸車之義安居當時惟許敬爲司徒時百餘歲繼美前漢張丞相蒼恐不數數也順帝曾改元建康則建安恐建康之誤南海香山番禺三志並載惟香山志誤書順帝之永建中官蒼梧太守作桓帝之永康耳

董正字伯和番禺人也少有令姿貧寒不戚耽意術籍志在規俗年十五通毛詩三禮春秋太平御覽引廣州先賢傳子立躬耕以供父母衣食暇即講詩書陳禮法遠近多從之遊鄉閭或少爲不善必相戒曰伯和得無入於耳否有不平者多詣正直之黃佐廣州人物傳隱士南陽車遂字德陽聞正令名不遂千里來

投正道同志合恩如伯仲數年中遂得病正為傾
 家救恤疾篤命絕停尸於堂殯斂之禮如同生自
 送喪於南陽太平御覽遂以學行知名人物傳太守舉為
 孝廉正負笈單步入口陵山遺家屬詣府上舉板
 時州治蒼梧郡張使君舉正三辟不就後更辟書
 正難重違州意從詣州使君聞已在途命書佐齋
 別駕從事假正正慙俯就復上傳送本郡虞世南北堂書
 抄獻帝建安中卒葬番禺之東眾為刻碑表曰有
 漢徵士董君之墓過者必式晉哀帝隆和中南海
 太守袁宏追慕風采訪求世俗條列行誼聞于朝
 有詔旌表門閭墓禁樵牧人物傳

謹案黃佐廣州人物傳云靈帝熹平末張
 角袁術起難天下大亂正觀天象知漢歷
 之不長輒掩涕太息或勸使出仕嘆曰潛
 龍以不見為德君子以藏寶自完吾惟俟
 時何乃相迫耶董正後漢書無傳見于廣
 州先賢傳今其書久亡黃佐云云或出舊
 志然張角起事安得與袁術並舉哉似後
 漢書三國志皆未寓目者此必非先賢傳
 之文乃妄人改竄明矣故削而不取番禺
 志云考袁宏本傳未嘗官南海蓋史闕耳
 其言是也

疎源字元流南海人出給郡役為戶曹佐源性廉
 潔家貧餉晏不至同第人餉先至呼之共食源未
 嘗聽由是知名後為尚書郎習練故事為九卿所
 重故人有詣源欲通苞苴者源絕口不答臨別便
 與訣曰子以言污我從此與君絕矣居嘗拱手端
 坐人望之儼然倬直遇隆寒擁敗絮震掉戰栗吏
 獻裘堅卻之從司徒上書言事忤權貴得罪廢於
 家而卒黃佐廣州先賢傳

謹案黃佐初作廣州人物傳本傳附載同
 時以宦業著者有申朔黃豪黃豪今別為
 傳而申朔者字元游本蒼梧人嘗為九真
 都尉性廉慎常著布襦布袴不事綺紈鄉
 邑歎慕之後擊狂賊有功入為河中相陸
 允為刺史著入廣州先賢傳今與陳元鄧
 盛頓琦丁密士燮弟壹衡毅等同編入廣
 西通志梧州府列傳蓋嘗舉孝廉云

羅威字德仁番禺人天性惇慈髻髻即知禮讓入
 歲喪父哀毀如成人事母至孝勤身苦體以奉供
 養怡顏遜言未嘗有迅聲厲色朝暮供侍奇果珍
 味隨時進前遇寒常身先温被席母乃寢袁山松後漢書
作母年七十天寒常以身温席而後授其處夏月必撤帳而臥曰吾雷
 蚊蚋恐去齧吾母制行雅飭口不挂俚褻之言足

不及富貴者之門待妻孥如嚴賓然先世遺負郭田力耕自給非其力不食也同鄰家牛數食其禾既不可逐乃為斷芻多著牛家門戶不令人知數數如此牛主驚怪不知為誰陰廣求乃覺是威自後更相約率檢犢不敢復侵威田御覽引廣州先賢傳每見老稚負於途率代其任令異其行除吏不就遂與母遁於增城輿地紀勝令去還復後居母喪泣血骨立日進溢米食蔬醯者三年既葬結廬於墓朝夕盡哀白鹿止其墓側馴擾如家所畜世以為孝感所致威與同邑唐頌篤行齊名王僧孺之為南海太守也下教求士有曰此境三閩輿壤百粵舊都漢開吳別分星畫部風序泱泱衣簪斯盛其川岳所產豈直明珠大貝桂蠶翠羽孝實人經則有羅威唐頌學惟業本又聞陳元士燮自是高尚獨往相望于嶼巖懷仁抱義繼宗於前史益以廣之多賢由三數公者倡也陳元士燮皆以文學震一時然躬行或少愧焉黃佐廣州先賢傳

唐頌字德雅番禺人奉養以孝聞連遭父母喪摧毀幾至滅性逮葬躬負土為墳於墳左為小廬覆以苫茨寢處其中扶服哭踊朝夕捧盥進膳事之如生者凡六年有甘露降於塚樹馨郁霑霽彌月不已人或訪頌見白鹿拾食廬次如祭畜或異之

稱為唐大孝頌自是終身衣不純采非祭不近酒肉忌日必齋肅以祭見父母所遺物或經父母所歷輒捧手而泣人始以為矯及察之恆然而後知其篤行之純蓋天性也有司察孝廉任為布山令布山在麓林境中雜以民夷號難治頌輔以太和不事威讐挫彊拊柔惠以婢發民感其仁無梗化者後頌卒民報祀之南齊武帝永明中范雲為廣州刺史至任首遣使祭孝子南海羅威唐頌蒼梧頓琦丁密等墓蓋以勵俗也廣人以威頌皆先賢嘗尸祝之其祠今不存同上

謹案番禺志云布山漢屬鬱林郡治今傳中麓林即鬱林之譌也

黃豪字子微南海人少好學年十六通論語毛詩弱冠詣交趾部刺史舉茂才因寓廣信教授生徒及徵至京師除外黃令約己儉節纈衣疏食所得俸秩悉賜貧民凡所剖決一縣稱平是時鄰邑蝗蟲為災而獨外黃無有歲屢豐稔民先流移者悉歸附之闔境大治其循良足稱云黃志

謹案番禺治云通志內黃均作外黃惟今廣州府志作內黃

三國吳

黃蓋南海人吳孫權時舉茂才為日南太守日南

連年反叛頑不可治蓋思所以懲之下車以供設
不豐呼主簿前數其罪搥殺之一郡大開蓋即出
避討之乃定自是稍知上下之分斂手遵法矣黃
武四年冬魏主曹丕至廣陵臨江觀兵蓋從大將
軍孫韶要擊之不驚遁後改始安太守吏治有能
理聲初魏人唐咨因亂兵推奉為主避誅浮海來
降孫權以咨為將軍後討南海臨賀盜賊有功將
帥多交接之蓋目為叛人竟不相見其疾惡類此
太元中卒上同

謹案孫吳時有二黃蓋一為泉陵人吳志
有傳一為南海人見薛綜傳綜疏曰臣所
見南海黃蓋為日南太守下車以供設不
豐搥殺主簿仍見驅逐據綜傳云云其為
兩人無疑矣或以為南海黃蓋即泉陵黃
蓋而番禺志又為調停兩可之說皆讀史
不熟耳

晉

王範南海人也好讀書有鑑識州閭推重之吳孫
皓時閉戶不出或問其繇對曰見彈繳而弗避非
靈禽也處亂世而求聞達非知士也人以為名言
郭馬亂廣州逐刺史徐旗範從旗避難朝夕不離
側者五年既歸以琴書自娛未嘗妄交有司賢其

行薦辟之皆辭晉平吳後遵行九品官人之法每
州置大小中正俱以本土人為之刺史熊睦先賢
傳熊
睦誤作薦州人德充才盛無踰範者舉秀才乃以
範為廣州大中正選舉人才第其高下皆愜輿論
時秘書丞河內司馬彪號博學嘗著九州春秋盛
行於時範閱之見其略於嶺服紀錄弗精乃蒐羅
百粵典故為書名曰交廣春秋武帝泰康八年表
上之訂述該覈眾見之稱服自是名動京師範為
人卓犖不羣未嘗事流俗事篤學至老不廢交廣
素缺修載自範始創為之廣州人
物傳

黃紆東莞人今隸
新安字展公父教始遷於莞東莞志事
親至孝家貧力業以供滌灑當侍養時雖盛暑未
嘗脫冠帶其所願指雖千里之外往焉父卒皇皇
如欲無生躬負土為墳以葬結屋廬其側藉苫以
居深野無人豺狼左右號而紆安之每夜寒月號
哭聲飄蕭出林薄隨悲風遠聞人為泣下卻酒肉
弗御日進淖糜一孟久之形容枯槁人勸其還哭
而弗答母喪亦如之閭巷謂紆生能致養沒能致
哀今之會參也有司奏旌其門因目其居曰參里
參里之旁有山亦以紆故稱之曰參里山宋沈懷
遠南越志載紆事謂不讓古人云上同
陶延字世賞番禺人其先家丹陽祖父基字叔先

爲交州刺史始夷人不識禮義男女互相犇隨生子乃不知父甚至乃教以婚姻之道訓以父子之恩設庠序立學校闡境化之畱從子居廣州生延延兼文武材晉元帝時以戰功至伏波將軍爲陶侃郎將湘賊杜弼誘五溪蠻寇武昌延將兵夜趣巴陵潛師掩其不備大破之當論功進秩會疾卒荆人還其喪於廣州黃志

姚成甫番禺人幼聰悟以學義知名喪父宅憂幾於毀滅遂成羸疾及長州辟長史主簿皆不就以父不仕復修世業家雖貧而性耽山水不爲世事所嬰棲遯邱園以服食自娛吳刺史陸允苦南海水鹹鹵導泉爲甘溪後寢湮涸成甫復濬之郡蒙其利晉簡文帝咸安中採菊於菖蒲澗遇一老父教之服菖蒲曰此安期生所餌可以忘老成甫如其言身遂輕健築室甘溪之上並魚鳥以爲侶挹原泉以自潔歲被徵辟皆不行郡人高其誼咸愛敬之年八十餘卒廣州先賢傳

黃恭字義仲南海人少性恬漠履尚清潔刺史鄧岱觀面察言卽器重之錄爲記室參軍草檄聲罪山越讐服比轉封山令居夷制事甚有治才然非其好也州察孝廉舉爲佐著作郎父憂去職比服闋不起教授生徒發明聖經鄉里推重徵辟不就

乃補廣州大中正於是蒐輯王氏交廣春秋補其遺漏以君親倫理爲重其論合浦之士有尹牙者爲郡主簿受知太守問其愁悴答以重讐未報卽變姓易名爲執之天子奇其才因赦不問此事邦君之大義也評者比諸刺客則謬矣丁茂孝感人謂之虛然則通于神明者非邪朱匡令女與母爭死不辱反爲鄙論所非皆違至道不應經義其他研覈皆此類也後復廣爲十三州記首釋郡縣宏指世傳其書族子整爲平越司馬博洽工文詞有集十卷今不傳上同

楊平字伯衡南海人少好學篤義明習孫吳旁及鈐鞞無不精曉弱冠以才略爲郡從事官至盪寇校尉穆帝永和五年拜交州刺史征西將軍桓溫遣督護滕駿率交廣兵伐林邑王范文於日南之盧容縣爲文所敗平自將兵迎駿退次九真更運粟治軍文被創死子佛代立七年平與駿復進軍壽冷浦入頓郎湖討佛於日南故治佛蟻聚連壘五十餘里平與駿力戰大破之佛逃竄川藪遣其子水經注無太師面縛請罪軍門平遣武陳延勞佛子與盟而還林邑自是貢獻不絕詔加平龍驤將軍封南陵縣侯黃志

楊平破林邑見於水經注此傳蓋約畧鄙注舊

文與晉書南史小有出入晉紀云永和五年桓
溫遣督護滕駿討范文為文所敗林邑傳云滕
駿伐交於盧容為文所敗退次九真其年文死
子佛嗣升平末廣州刺史滕含伐之佛始降盟
而還南史云滕駿與九真太守灌遂討之追至
林邑佛請降是則林邑之降記載互異水經注
以為駿與楊平南史以為駿與灌遂晉書則以
為滕含且在升平之末然林邑究未降服也宋
元嘉中檀和之克林邑自是不復叛矣番禺志
洗勁南海人家本武帥世為部曲至勁讀書尚節
操為廣州中兵參軍安帝元興三年冬十月海寇
盧循攻圍廣州勁帥楊威兵五百人出戰城陷為
循所執神氣自若循欲釋而用之勁叱曰賊奴乃
欲凌國士邪遂遇害刺史吳隱之上其事安帝義
熙中追贈始興太守曲江縣侯諡忠義同上

宋

周靈甫增城人有膂力善武藝頗慷慨知大義家
素以財稱長雄有家兵部曲萬餘人仕至南江督
護魯國孔默之刺廣州時雅愛之其子熙先有傳
才復善靈甫宋文帝元嘉中熙先攜靈甫至建康
薦之得官累遷伏波將軍後熙先謀立彭城王義
康以錢六十萬使靈甫於廣州合兵靈甫知諫不

從乃長往不返熙先尋就擒靈甫聞之縱酒憤嘆
盡散所與錢以賙貧者而謂人曰負人之託不信
敗人之事不忠失忠與信吾覩然人矣遂扼腕而
死廣州人傳

謹案增城縣南二里有別情洲洲南五十
里有金井潭相傳有漁人常見牛出水盤
石上有縣民張安釣此潭於石上得金鎖
大如指長數十尋尋之不已俄有物從水
中引之力不能禁以刀扣斷止得數尺遂
至大富其後靈甫亦好釣見此牛寢伏石
上旁有金鎖往掩得二丈許遂以財雄為
江南都尉皆晉安帝義熙時事其說本於
竺法真撰羅山疏載羅浮山志然增城志
云靈甫見宋書范蔚宗傳其於孔氏有知
己之恩而不與其亂可謂能知大義者潭
中金鎖之說頗誕不敢詳也

齊

區金字南貴南海人宋孝武帝孝建末客揚陽會
齊武帝在潛起義師往征豫章賊金為首領從大
將往平之至金陵事齊高帝及受禪用金為右武
衛校尉後以女為美人累擢至尹州刺史番禺志
子穎亦以恩授寧州刺史穎子伯虎陳書伯虎作
白獸蓋唐人

修書避李虎諱知勇積有軍功益折節讀書官至新州刺史撫綏民獠政平人和陳寶應連留異為亂伯虎從都督章昭達討之三世刺史亦嶺海盛事也黃志

謹案番禺志云齊書武帝紀帝當宋時為贛令會晉安王子勛反江州帝以南康郡起義兵遂始與相殷孚眾強乃退屯揭陽山中聚眾三千人破南康走其相戴凱之帝據郡城遣軍主張應期鄧惠真將三千人襲豫章帝自南康下破走談秀之事平徵為尚書庫部郎則是豫章賊謂談秀之等所從之大將即張應期鄧惠真也至金陵謂隨帝以尚書郎徵入都也郢州舊志作尹字之誤也寧州在今雲南齊無新州區伯虎之刺新州當在梁時此其本末可考者也

盧度字孝章中宿人也後徙始興有材略嘗隨張永北侵魏言於永曰魏人所恃者特淮水耳我以輕兵伺游騎擒之以寒其心且多張旗幟以為疑兵則彼必不敢渡因而擊之眾必披靡此上策也永不能用果為魏所敗阻淮水不得過士卒傷亡過半廣州人度心誓曰若得免死從今不復殺生須臾見兩楯流來接之得過後隱居廬陵西昌三

顧山鳥獸隨之夜有鹿觸其壁度曰汝壞我壁應聲去屋前有池養魚皆名呼之次第來取食乃去逆知死年月齊書武帝永明末忽置酒與親友別曰吾返其真矣至期果卒度嘗預知未來事行事多神異世稱其有道術焉在中宿時棲息金芝巖有枕石在邑人至今目為盧公臥處廣州人

謹案齊書南史皆云始興人是時中宿縣屬始興今之清遠也

梁

覃元先南海人也初名無名勇力善騎射齊末反者四起元先名募民兵為鄉邦衛護有番禺梁高祖興王日慶州刺史李堅遣人說下之使歸梁任孝恭代堅為書曰昔陸賈皇華定交知于南越長卿披繡通夷險於夜郎故傳美於往書流芳於篆素足下南方盛族嶺表豪門籍譽既深流芳已舊但道曠風雲論平生而莫即江山間阻銜杯酌以何因空想神魂徒勞夢寐僕世稟威儀門勒鐘鼎提干海岳推轂數千逮我不才粵大記作運際風雷資兼文武鴻私弗替應茲闕外麾蓋所臨實宣慈造足下刺舉一隅同奉家國進止之宜實俟高算得書即詣闕降高祖名見謂曰公當立勲業書彞常奈何無名乎元先遂改名拜東寧州刺史在任累著戰

伐功加雲麾將軍侯景反元先與賓化侯蕭雲討之擒斬賊將所向無前會元先卒於師雲遂遁歸南海黃志

謹案番禺志云慶州當是愛州但愛州之析在普通四年非梁初也而齊州郡志無慶州疑不能明也任孝恭外祖與高祖有舊則孝恭乃梁時後出孝恭於太清二年被害去梁武受禪時四十餘年以此推之其為書時年甚少而此書則誠齊梁文詞非偽造者也

馮融番禺人北燕偽昭成帝宏之裔也宏為魏所敗竄於高麗北史魏太延二年入高麗止和龍城處平郭徙北豐高麗奪其侍人質任王仁宏忿怨之謀將南奔隋書云業遣其子業以三百人浮海歸宋因留於新會三百人浮海歸晉留番禺至孫融事梁為羅州刺史唐書黃志馮業初封懷化侯為新會太守在南北朝宋後改羅州刺史融為之在梁時番禺志云在梁武帝大同初本隋書考馮宏為高麗人役于北豐時子孫同時死者十餘人宏子有明逸人魏俱以後族一門貴顯馮業融能以禮義威信鎮則不知為宏之第幾子也於俗汲引文華士相與為詩歌蠻中化之蕉荔之墟弦誦日聞每行部所至蠻酋焚香具樂望雙旌而拜迎者相望輒戒其下曰馮都老來矣毋為不善以嬰罪戮都老俚言官長稱也自是溪洞之間樂樵蘇而不罹鋒鏑者數十年初融之蒞政也雖

三世為守牧然他鄉羈旅號令不行乃為其子高涼太守寶亦梁朝人婚于郡大姓洗氏俚人始相率受約束融所以結人心者婚洗氏之力也融既卒郡人思其德祀之寶子陽春太守僕有拒歐陽紇功孫益唐時自有傳融以上墳墓皆在新會寶以後乃居高之涼德焉族孫士翽隋岡州刺史入唐累官至右武衛將軍龍朔中柳州蠻叛士翽發嶺南兵伐之廣州人物傳

陳

劉剛番禺人郭志金志都志廣州志南海志作南海人字正簡少篤學有志操州郡舉為諮議侯景之亂侯官令徐伯陽浮海南至廣州見其所為文歎曰嶺左英奇也及伯陽為司空侯安都記室亟薦其詞學宣帝太建初召至京師除臨海王長史與記室張正見章為文會之友王以其才行深禮遇之後卒於官黃佐廣州先賢傳

唐

鄧文進南海人家素雄於財至文進獨折節讀書以故士之流徙者競趨其門文進皆館穀之賓客至千餘人擇其勇略者使扞鄉井俚峒夷獠聞風悚服隋末宇文化及弑煬帝於江都盜賊布滿天下五嶺亦擾文進散財集兵以赴難旬月之間眾

數萬掠地至始興時賊帥林士宏據虔饒兵不克
進與戰輒敗於是保有廣韶二州歸之者如市豪
酋楊世略據循潮馮盎據高羅甯長真據欽廉桂
林諸郡文進皆通書使以生民爲念定盟同歸於
好百粵之地得免於兵革者文進之力也無何士
宏稱帝遣使至番禺授諸帥以僞官文進獨不受
唐高祖武德五年諸帥次第納款是年四月戊寅
文進遂統所部降高祖賜敕獎勞之卽拜韶州刺
史既仕益盡心民事移郡治於水西梁王蕭銑發
兵攻樂昌文進堅守累立戰功卒贈鷹揚衛上將
軍初理郡時嚴重有威爲吏民所畏每戰必身先
士卒或奮臂一呼風雲變色軍中謠曰鄧守嘯百
夫避途言其勇也沒後多著靈響郡人爲之立廟
祀於樂昌復配享張文獻公祠景泰中追諡忠襄
子孫留韶遂爲始興人又有廣州大姓馮子猷者
馮盎族子家有部曲復雄於財高元朝每五管征討恃
以爲援云廣州人
物傳

敬元禮番禺人以薦官吉州參軍武氏之亂御史
李福業嘗與桓彥範謀興復唐室及武三思用事
彥範等被殺福業亦流廣州元禮見而敬之福業
嘗賦守歲詩冬去更籌盡春隨斗柄迴寒暄一元
禮訝其催年之句已而三思追捕福業亡匿元禮

家俱坐死福業將刑謝元禮元禮曰公窮而歸我
我舍公奚忍乎見者咸服其義黃志

謹案唐書桓彥範傳云御史李福業者嘗
與彥範謀反被殺福業亦流番禺後亡匿
吉州參軍敬元禮家吏捕得元禮俱坐死
福業將刑謝元禮曰子有親吾甚愧恨元
禮曰公窮而歸我我得已乎見者傷之詳
其文義似是福業流番禺時與五王俱貶
南方聞南使已矯殺桓李自知不免因亡
走吉州敬元禮適官吉州因匿其家則未
可遽定元禮爲番禺人也考唐宰相表敬
出平陽自法筵法朗而下無元禮惟法筵
曾孫彥琮官愛州刺史卽中宗相敬暉之
世父今志以元禮爲番禺人或者彥琮之
後因官寄籍與抑因李福業流番禺後匿
敬元禮家遂卽以敬元禮爲番禺人而忘
其實匿吉州也今嶺南亦少敬姓識此存
疑

韓澄字伯源南海人曾祖瑗三原人顯慶中爲宰
相諫廢王皇后立武昭儀帝大怒褚遂良又諫被
貶瑗救之許敬宗李義府誣瑗不軌貶海南卒籍
其家子孫配廣州官奴澄生長南海勵志讀書嘗

默禱于羅浮山神祈復世讐義府死後始以秀才得薦官至汲郡太守郭英又作變澄有軍功自普州刺史加尚書兵部郎中嘗巡歷至義府墓私發其尸鞭而刑之以報不共戴天之恨果符向所禱人皆義之從孫子泰元和中官至漳州刺史悉心為治官吏懲懼百姓安謐韓愈刺袁州常舉泰以自代云

蘇妙字觀妙南海人其先家本雍州武功父又為京兆少尹始徙廣州妙幼奇穎讀書通大義累官至泉州刺史有惠政行春門樓有白雀來巢見妙出每飛集車蓋上泉民歌頌之先是父以父瓌兄頽世承台衮每懷盛滿出居服嶺荒遁終身名其二子長曰復取萬物並作吾觀其復也少曰妙取常無欲以觀其妙也妙兄弟皆好道奉事老子而儒行亦修云五世孫紹之最知名

謹案番禺志云唐書宰相表蘇瓌為隋僕射威曾孫生六子頽水詵又穎頽頽相元宗詵給事中又京兆少尹顏淮安太守水穎無官又蘇瓌傳云瓌卒開元二年賜其家實封千戶長子頽固辭乃擢中子又左補闕又表載父子復妙妙泉州刺史俱與傳同但五世孫紹之不見於表耳

韋善道字守約南海人代為郡著姓善道博學能詩而不好章句俗儒多非之少作縣吏節度使張九章與語奇之乃免其役俾佐書記益究墳籍遂通三禮掌帥府威儀為零陵令歲旱民有流移為盜者開倉賑之境內遂安遷郴州太守有訟鵝者問其所飼甲云稻穀乙云糠飯叱而雷之明日視遺矢有芒穀召甲歸之人服其明兄弟訟田名終鮮者給之訟者感悟更為輯睦有八子長注遜蹟不仕闢園鑿池朝臺之陽曾元果葉不應辟舉號韋隱居家許渾詩秋來鳥雁下方塘紫馬朝臺步香雲連海氣琴書潤風帶潮聲枕簟涼第七子澆登進士第上章歸養善道沒後乃出仕官至象州刺史陳陶送韋七使君赴象州任一鵝韋公子新恩領部符見夷通荔浦龍節過蒼梧地理金城近天涯玉樹孤聖朝朱絳貴從此展雄圖

盧宗回字望淵南海人少時讀書日夜忘寢食同舍生見其所作嫉之假以他事殿宗回遜謝恬不與校由是為鄉鄰所重舉元和十年進士官終集賢校理久之聞父有疾浩然乞告予歸卒宗回嘗寓長安有題慈恩寺塔詩時人傳誦愛之為刻木榜俱同李文儒字元質鄒志廣州志南海人少以詞翰知名仕為番禺從事元和中應湖南徵辟道樂昌遊

泐溪石室衆推作記揮毫立成情景畢萃見者駭服轉觀察推官羅憂東還帥府孔戣甚重之延爲記室每事周咨會韓愈謫潮州刺史請於戣加優禮郭志作文稱以愈名儒戣從之月給送使錢郭志十千愈遙謝不受時論兩稱其賢後在湖南以侍御史充節度判官江陵有兄弟甲科者召謀固辭帥譙其傲幕客不能終篇文稱爲足之曰韓韓杖華異有懷而靡及幡幡瓠葉同式飲以庶幾請其非奉使也其人惶恐謝過成禮而去帥大悅厚幣謝之太和中遷明州刺史其地瀕海每番航至商賈雜湊豫行禁令民夷自以不犯姓剛方每譏歌妓未嘗正視海防小吏誣民爲盜卽以其罪坐之觀察使爭之不得比罷歸家徒壁立垣屋摧剝惟玩圖書而已曾孫休亦好學有祖風致黃佐廣州先賢傳區冊南海人系出區冶子之後長沙以南爲各族冊喜讀書操持雅飭家徒四壁立挾卷呻吟無少倦時下筆爲詞章千百言滾滾不休自郡守以下皆重其文采貞元十九年監察御史韓愈貶陽山令冊冒險往陽山師愈亟加稱許及歸省親送之以序其見重如此時又有區宏者亦遊愈門愈有送宏南歸詩張籍亦有詩送宏蓋與愈周旋頗久愈遷法曹時宏送至荆門及愈入爲博士宏亦隨

之丹陽洪興祖謂宏卽冊然其始末不類或其族人也廣州人物傳鄭愚番禺人家世殷富騶童布滿谿谷皆統衣鼎食愚幼穎力學嘗作詩云臺山初罷霧岐海正分流漁浦颺來笛鴻遠翼去舟隱然有濟川之志識者知其公輔器文宗開成二年進士擢第釋褐秘書省校書郎累遷尙書郎懿宗咸通初爲桂管觀察使所至廉察吏弊闔境肅然三年嶺南西道節度使蔡京苛慘濬刑爲邕州軍士所逐詔以愚代之瘡痍嗷嗷方撫循不暇會南詔入寇安南都護蔡襲告急敕發荆南湖南兩道兵二千桂管義兵三千詣邕州受愚節度而嶺南東道又奏蠻兵必向邕州宜先保護未可馳赴乃敕愚分兵備禦而所發諸道兵竟不進襲又奏求益兵愚支持半載邕州得免無虞朝廷復督責之愚乃自言儒臣無將略請任武臣於是詔義武節度使康承訓代爲節度使發荆襄洪鄂四道兵萬人與之俱亟往救襲則已無及矣承訓上言愚在鎮善禦守狀朝廷於是始知愚之功卽召爲禮部侍郎咸通八年知貢舉舊制詩賦多出古句爲題士習蹈成篇時詔放雲南子弟還國愚以此試之士多闕筆及放榜鄭洪業第一人及第與論成頌其公云黃巢平後

廣州殘破僖宗中和初命愚出鎮南海以撫綏功

召拜尚書左僕射後三載愚薨無子廣州人詩文

多散逸不傳廣州志初愚之蒞桂也同平章事魏公

崔鉉在荆南愚以鉉負海內重望乃袖文卷着錦

半臂謁之鉉訝愚自為進士未嘗以文章及門真

案不視惟留夜飲愚辭出更衣賓從竊謂此去應

是慚其不稱爾既而復易紅錦就席尤加煥麗眾

莫能測鉉因愚出閱其所業歎賞至再曰真銷得

錦半臂也唐詩愚鎮廣時嘗於越王山構亭作記

今不傳廣州人

謹案唐詩紀事謂愚唐末為相而新舊史

皆不書何哉蓋僖昭亂世史失其職故劉

煦宋祁靡所據爾文苑英華咸通中愚自

禮部侍郎除鎮廣南西道時懿宗制授守

邕州刺史兼御史大夫稱其挺超卓之奇

名蘊精剛之利器宣布惠和棟材旂績已

以相業期之矣其名還也乃在僖宗乾符

中當以侍郎進同中書門下平章事可知

矣香山志邑有南臺山石岐海愚詩及之

其為香山人無疑矣今考香山詩不獨有

南臺山又無北臺山石岐山石岐海皆云

在香山縣西北一里故鄭愚傳番禺香山

二志並書

鄧承勳南海人績學膺薦上京師從宰相劉瞻制

誥久之登乾符五年進士為虔州鄒志金志司馬

待選家居時節度使柳玭甚禮重之錄其家範以

教子孫會黃巢破廣州執節度使李迢索玭甚急

承勳潛以小舟濟玭免難長安後巢賊平承勳拜

江州刺史謝病歸黃志

邵謂本清遠人後徙曲江最後徙翁源家焉善吟

咏尤長於樂府有詩十集今不存初謁貧賤屈為

縣吏令有客至目使指牀者三謁不應令怒謁賤

目視曰咄吏豈供汝指牀者耶讀書干祿亦易與

耳大丈夫安能俯為人役令益怒左右提曳之謁

不為動掉臂而出握刀截其髻着縣門矢之日學

苟不成有如此髮發憤讀書久之學成為有司所

舉抵京師隸籍太學聲華奕奕薦紳間所與交皆

名士然剛操與時戾以是竟不第甲科其論政一

篇語多切直是時藩鎮強戾宰相多非其人故謁

詩及焉適溫庭筠主試憫推寒苦以謁數奇不遇

乃榜其所作三十餘篇以振公道已而釋褐後赴

官不知所終嘉靖間黃佐得其集於秘閣梓之傳

世廣州人

謹案溫庭筠終身不第官終于方城尉安

得有勝禮部之事哉此必出於邵氏家乘
乃淺人臆造故實不足信也

楊環南海人力學工詩隱居羅浮懿宗咸通未登
進士第初任省時夢登高臺耘草得玉麟及除宏
文館校書郎人賀日子居是職所謂麟芝閣也始
悟所夢拜官後時事日非卽拂衣歸隱至德令周
繇與環友善極稱許之百越先賢傳又有韋隱居黃隱
居者家於朝臺往來羅浮與環莫逆日以琴樽自
娛時人稱曰南濱三隱廣州人

謹案黃志云黃隱居住羅浮疑卽刺史黃
勵韋隱居卽韋善道長子

何鼎其先曲江人後徙番禺少聰悟日記萬言宣
宗大中初進士筮仕著作郎遷瀧州司馬以能名
節度使李迢一作禮重之累遷容管經略使時承
亂後民生憔悴鼎加意招徠賴以安堵嗣賊梁宗
煽叛鼎單車往說之賊徒露刃林立鼎從容諭以
禍福且曰汝曹何不兵我宗與其徒皆拜泣曰竊
聞使君高誼久矣開示逆順是吾儕再生之秋也
其敢違命以干天刑卽率其衆歸耕終鼎之任無
眩僿者廉辨二州歲大稔賑濟不足以俸周之會
鼎小疾民有燃指禮佛爲之禱者鼎善星歷時未
全忠強逆不臣鼎誠諸子曰汝慎毋事全忠全忠

克惡類祿山必有慶緒之禍以勢觀之全忠必將
改王以星象言之唐家當復興與晉分野有王氣其
在河東乎鼎沒後友珪弒全忠莊宗滅友貞一如
所言諸子守其訓皆事莊宗子澤最知名同上

後唐

何澤廣州人鼎之子誠志番禺志黃志邵志澤少
好學長於歌詩舉進士爲洛陽令唐莊宗好畋獵
數踐民田澤乃潛身伏草間伺莊宗當馬諫曰陛
下未能一天下以休兵而暴斂疲民以給軍食今
田將熟奈何恣畋游以害多稼使民何以出租賦
吏何以督民耕陛下不聽臣言願賜臣死於馬前
莊宗大笑爲之止獵拜倉部郎中明宗時數上書
言事歟請置太子侍讀明宗敕旨曰澤處珽行深
明典制固根本而別彰憂國上封章而足表匡君
其所敷陳實爲允當特議施行是時儲宮久虛士
論議之黃志明宗幸汴州又欲幸鄴而人情不便大
臣屢言不聽澤伏閣切諫明宗嘉之拜吏部郎中
史館修撰澤外雖直言而內實邪佞嘗於內殿起
居珽退獨閉以笏叩額北望而呼曰明主明主聞
者皆哂之五代之際民苦於兵往往因親疾以割
股或既喪而割乳廬墓以規免州縣賦役戶部歲
給蠲符不可勝數而課州縣出紙號爲蠲紙澤上

書言其弊明宗下詔悉廢戶部蠲紙澤與宰相趙鳳有舊數私于鳳求為給諫鳳薄其為人以為太常少卿敕未出而澤先知之即稱新官上章自訴章下中書鳳等言澤未拜命而稱新官輕侮朝廷請坐以法乃以太僕少卿致仕居於河陽澤時年已七十尚希仕進即遣婢宜子詣壓上章言事請立秦王為皇太子秦王素驕多不軌遂成其禍由澤而始晉高祖入立召為太常少卿以疾卒於家

南漢

簡文會南海人乾亨元年改南海為咸寧常康二縣遂為咸寧人十國春秋幼穎攻書善於詩律為人耿直南漢高祖劉龔開進士科擢第一人及第累官尚書右丞逮事中宗劉晟諫其暴酷晟怒謫禎州刺史盡心民事卒於官所居鄉號魁崗堡其居有簡狀元井黃志後倫文敘居其地亦狀元及第云王詡一作南海人也乾亨初舉進士拜中書舍人會白龍見南宮詡進白龍頌文采斐然大有七年昭陽殿成詡又著昭陽殿賦上之是時獻賦者數十百人詡為第一每賜予稍緩詡必揚言曰吾賦字字作金聲何受賜之晚也其自負如此十國春秋鍾允章其先邕州人後徙家番禺博學瞻文辭高

祖時設科取士允章以進士及第累遷至中書舍人尤為中宗所知晟凡誥敕碑記多命屬草文思敏捷常侍遊羅浮山應制為詩動見褒賞同拜工部郎中知制誥乾和六年使允章聘楚以求婚楚不許允章還晟曰馬公復能經畧南土乎是時馬希廣新立希萼起兵武陵湖南大亂允章具言楚可攻之狀晟伐之克賀桂連宜嚴梧蒙七州五代史晟以允章與其功賞賚不可勝紀有司奏允章名儒為儲君輔導晟命教長子衛王繼興晟卒繼興即位更名鋹以藩府舊僚稍敬重之擢尚書左丞參政事廣州人物傳晟性剛忌不能任臣下而獨任其嬖倖宦官宮婢延遇瓊仙等至鋹尤愚委其政於宦者允章參政事深嫉之數請誅宦官宦官皆仄目五代史大寶二年鋹祀天南郊前三日允章與禮官登壇四顧指麾宦者許彥真望見之曰此謀反耳乃拔劍升壇允章迎叱之彥真馳走告允章反鋹下允章獄遣禮部尚書薛用丕治之允章與用丕有舊因泣下曰吾今無罪自誣以死固無恨然吾二子皆幼不知父冤俟其長公可告之彥真聞之罵曰反賊欲使其子報仇耶復入白鋹并捕二子繫獄遂族誅之舊南志是日天色慘黯道路以允章素忠鯁皆為之掩涕彥真誅後始收葬焉廣州人物

傳有章允章之弟少有文學與允章齊名累官翰林學士中書舍人後主嗣位建天華宮於羅浮山又立雲華閣及甘露羽蓋等亭命有章為記辭采宏贍雅稱作者先允章卒十國春秋植廷曉東莞人為南漢將見銀暴日甚解去兵柄宋開寶三年太祖遣潘美率師伐漢破李承渥拔韶州銀顯諸將無可使者始起曉為大將統軍六萬屯馬逕以禦宋師時以官媼薦其養子郭崇岳為招討使與之同事崇岳無謀惟禱於鬼神而已四年春美克英雄二州進馬逕砦于雙女山廷曉謂崇岳曰北軍乘席捲之勢其鋒不可當吾士旅雖眾然皆傷疲之餘今不驅策而前亦坐受其弊矣廷曉乃領前軍據水而陣令崇岳陣後既而宋師濟水廷曉力戰不勝死于陣金南漢之亡以戰而而死獨於廷曉有取焉夫當宋受命大小諸國以次削平其間竭忠仗節之臣不可多見而廷曉獨能不避國亡與亡雖事非其主君子不沒其節焉黃志

謹案十國春秋載南漢諸臣傳如蘇章梁克貞等十有餘人爵里失考不容濫登今惟錄其可考者而已

廣東通志卷二百六十八終

廣東通志卷二百六十九
列傳二 廣州二

馮元 梁杞 裔孫現
林脩 孫師仲 遜 遠 劉富 趙思仁
黎晦 裔孫友龍 瓊 丁璉
霍暉 王知 黃洞
張書言 兄書行 梁觀國
黃勳 從弟 李康臣 孔元勳 父梓 弟元胤
吳羣 李壽 陳天覺 吳純臣 子雍 孫莘
陳康延 長子洪彥 馬持國
馬晞驥 子宜祖 陳儻 弟如璧
簡克己 陳去華
譚凱 林棗 田知白 曾槐 弟 子 進
韓經 弟 緯 鄭漢章 鄭昊 歐福慶
崔與之 以上宋

宋

馮元字道宗南海人高祖禧唐末官廣州以術數事劉氏傳三世至父邠廣南平入朝為保章正元幼從崔頤正孫奭為五經大義與樂安孫質吳陸參譙夏侯圭善羣居講學或達旦不寢號四友大中祥符元年進士中第授江陰尉時詔流內銓取明經者補學官元自薦通五經諫議大夫謝泌笑

曰古治一經或至皓首子尚少能盡通邪對曰達者一以貫之更問疑義辨析無滯補國子監直講書遷大理評事擢崇文院檢討兼國子監直講王旦聞其名嘗令說論語老子羣子弟侍聽因薦之真宗試進士殿中召元講易元進說曰地天為泰以天地之氣交也君道至尊臣道至卑惟上下相與則可以輔相天地財成萬物帝悅宋史賜五品服廣州人遷太子中允直龍圖閣詔預內朝直龍圖閣預內朝自此始天禧初數與查道李虛已李行簡入講易於宣和門北閣宋史盡上下經帝稱元誦說通而不泥言外自有餘趣非專門一經士也俄改三品服以諫議大夫假節使契丹還廣州人遷太常丞兼判禮院吏部南曹皇子為壽春郡王王旦又薦元宜講經資善堂帝以元少更用崔遵度遵度卒擢左正言兼太子右諭德宋史代其任它職如故數獻歌頌兩宮褒禮賜予甚渥黃仁宗即位遷戶部員外郎為直學士兼侍講與孫奭以經術並進講論自是仁宗益嚮學歷會靈觀副使知通進銀臺司宋史兼門下封駁事天聖元年黃判登聞檢院明年同判國子監故事國子監多宿儒典領後頗用公卿子弟任均管庫及奭元並進士議悅宋史三年改禮部郎中五年同知貢舉進龍圖閣

學士預修三朝正史十一月燎祭南郊為鹵簿使七年為翰林學士凡三禁職皆天下選而元兼有士林榮之判都省三班院改吏部郎中八年以國書成進諫議大夫充史館修撰九年判吏部流內銓兼掌牧使明道元年十月享宗廟又為鹵簿使四年遷給事中明年耕藉田使任黃志明道元年當監護宸妃葬事及帝親政追冊宸妃為莊懿皇后改葬永定陵既發壙而流泉沮洳言者以監護不職罷翰林學士知河陽王曾為言元東朝舊臣不宜以細故棄外上悟即召為翰林侍講學士遷禮部侍郎知審官院復判禮院國子監上金華五箴賜書褒答修景祐廣樂記書成遷戶部侍郎宋史四年春黃志足疾氣愕屬李淑宋祁為銘宋志四月卒年六十三賜賻錢三十萬絹百匹黃志贈本部尚書諡章靖元性簡厚不治聲名非慶弔未嘗過謁二府執親喪自括髮至祥練皆案禮變服不為世俗齋薦祭日與門生誦說孝經而已多識古今臺閣品式之事尤精易初七歲方讀易每夜夢異人以紺蓮華與元吞之且曰善讀此必貴顯元且老率三日一誦易宋史初善音者取上黨黍縱累為尺因裁十二律以獻遂改大樂鍾石以合其私後有建言其非者上遣中人就舍問之元即趨班固律歷志

唐令兩說付中人因對古者橫黍度寸今以縱亂橫其法非是明日召見邇英閣上謂曰向考正大樂患其寢高而急今也下而緩二者不得其中失在律卿言是矣因出橫黍新尺示羣臣比縱尺差二寸一分而弱以較衡斗皆不譬微元言莫能正其謬也嘗預注真宗集同修鹵簿記校後漢志孟子及律義疏又明楊雄方部學欲為諸首作章句并分誤宋朝會要皆未成書家人攜其遺文得數百篇詩百餘章宋祁稱其清綴平粹類其為人今不傳無子以兄之子讓為後蔭授衛尉寺丞孫二人將作監主簿廣州人

謹案明統志云元三世事嶺南為日官隨劉錡歸宋遂家開封黃佐謂元墓當在其地南海志稱元葬廣州何村俟考此舊南海志之譌也今考康熙乾隆南海志何村之墓乃元父馮邴而元實畱葬開封云戴環通志辨之詳矣番禺志又有一馮元字大本師事香山黃佐明嘉靖丁酉鄉薦辛丑進士

梁杞番禺人今隸香山性醇謹好學通五經直郡庠仁宗慶曆六年登進士初為連州司理讞獄詳明部使者薦為桂陽令泣政以惠民為本恤孤寡抑奸

猶作陂池教種藝平賦役弭盜賊庶務悉舉虔商有擾市廛者設方畧毆逐之邑以大治仁宗嘉祐中遷比部員外郎尋以朝奉郎通判鄂州軍事務尚巫鬼為置局醫斥去淫褻陋俗為之一變寧宗熙寧初致仕與運判徐九思議立香山縣事不果行然自是之後竟成縣治鄉民便之啟其端者杞也是時海曲族望稱陳梁二家而杞家聲尤著稽其譜牒顯仕者十餘人散在他邑凡千餘指經畧使仲簡序之其裔孫現明番禺志籍番禺理宗嘉熙二年進士知南康香山志現作興學校輟俸增祭器政暇課試諸生舉行射禮民皆懷之黃志林脩南海人輕財好施造淨慧寺千佛塔者其人也元祐初調官京師授寶鷄縣主簿時司馬溫公善儀及居家雜儀未刊行脩手錄以歸守為家法脩之孫曰師仲曰遜曰遠皆好學循禮黃庭堅謫居涪州師仲往謁之山谷勉其教子讀書後師仲兄弟創義齋延賢師以教子弟及諸生隆興初有登第者質夫師仲字也遜遠居母喪一遵禮制侍郎胡銓作素冠說以貽之伯曰遜字復之仲曰遠字思之今林氏家藏山谷教子帖及素冠說尚存

劉富南海人仕試將作監主簿拂衣歸隱熙寧元

年知廣州張田徙郡學於國慶寺之東未及營造而田卒富納資獻戮力自效殿堂廊廡次第將完轉運使陳安道以為卑狹而止之繼田任者程師孟蔣之奇發官資庀成之富復以負郭之田直錢五十萬資于學懷化將軍辛押佗羅者蕃酋也聞風興起亦捐資以完齋宇且售田以贈之後置別舍以來蕃俗子弟之願學者費舍之成廩食之備富之功居多廣州人宏治間建厓山全節廟大忠祠新會義民趙思仁助錢二百千皆可謂見義勇為者矣黃志

黎晦字元熹東莞人性慷慨好義淳熙間邑令王中行議遷學晦請曰某有地在東城外術者謂當世出科第與其私之孰若公之一邑中行大喜即地建學晦四世孫友龍字士震官校書郎元至元二十八年邑人議修經史閣友龍慨然曰是吾責也即出已資重建李春叟記之明嘉靖中提學歐陽鐸檄建義祠於學右祀晦友龍及其裔孫瓊瓊嘗捐學前魚池以供春秋祀云東莞志

丁璉字玉甫番禺人少有才名杜門讀書講明經學遠近受業者羅屨于外神宗元豐二年登時彥榜進士授融州司戶歲被民聚為盜立法賑濟邑境獲安監司以功列薦於朝遷宣教郎尋拜大府

丞兼知襍庫改朝議郎賜銀魚哲宗元祐六年夏人侵靈州廷議討之璉言於朝以為天下之患莫先其大者苟知所豫防則纖芥之患可不勞而除契丹猖獗積有年所朝廷未有以制譬之此元昊餘孽之所以敢肆而不加憚也請休士氣養精銳儲財粟專意北邊以為豫備之計則西賊之膽落矣然後以餘力討之未晚也當國者惡其言出為桂州學教授訓迪有方人材多所造就哲宗紹聖初以薦授左朝散郎知連州郡苦水害璉相地勢築隄防民甚便之陽山境有銀穴流民多匿其中夜每劫掠為盜設計捕獲闔郡稱快哲宗元符三年轉朝散大夫賜緋魚致仕卒年七十三璉性廉潔與物無忤而政號剛明博學多識退藏若愚鄉鄰稱其長者知廣州蔣之奇以才自負每輕廣南士大夫嘗汎舟與璉同游九曜石劇談至三鼓驚曰君學問精博中州士不如也又語人曰景有沉珠浦人有丁玉甫吾來嶺外甚無聊所愛者特此而已廣州人

霍暉字明甫南海人篤志向學故與馬子才游子才者鎮南節度推官鄱陽馬存也暉之為文也淵雋奇古不與俗合或勸易其習乃質諸存存以序送之蓋推許之也初仁宗皇祐間新會龍山之水

色變而為紫者旬日人皆以為瑞暉獨持論以謂清者水之真體也變而為紫非正色也其必水之怪乎水陰物也陰之類為小人為盜賊奸宄今水失其常性吾恐其關於國家者大也因記其事其特立獨見此類也後蔡京童貫輩富國有金人之變江南盜賊蠶起皆如言哲宗元祐初入太學時詔舉八行人以暉之修已教于家者無間言遂以應命官終海豐縣尉時東莞王知亦有學行同預是科十五年舉進士以親老求歸初一軒濟陰學士昭玘為記述其懿行足範鄉閭隱居樂道未仕而卒廣之士以八行著者暉暨知二人而已鄉評咸謂無媿色云上同

謹案王知傳稱元祐中詔舉八行十五年舉進士考宋哲宗在位十五年改元者三並無十五年歷代通志邑志選舉亦未列各進士而各志傳內俱云十五年舉進士或是元符末年也謹志之以闕疑

黃洞字明達南海人性度元曠博學能文自經史百家以至浮屠老子之書罔不究心焉及舉於鄉數奇不得雋南省元祐初蔣之奇知廣州下車即聞洞名遂與相往還談今古終日不相舍也時或唱酬之奇自以為不及會妖人構亂洞為之奇畫

計先事平之之奇最其才能紹聖改元蘇軾謫惠州時往來南海洞又與軾游焉黃志嘗同軾登鑿空閣賦詩元符三年十一月軾被命北還洞與吳復古何崇道李公弼林子中穎堂通三長老自番禺追餞至清遠峽同游廣慶寺而後返東坡集洞為詩瑰奇時出新意為人所傳誦然志大才疎竟不及顯庸云黃志

謹案廣州人物傳云洞好談神仙變幻之術嘗言陳仁嬌之事於之奇曰郡人陳玘女仁嬌者女仙也嘗夢為逍遙游餐丹霞飲玉液及寤不暝每思奮遊不可得忽中秋丙夜有仙數百從空招之仁嬌超然隨眾謁於帝君遂掌蓬萊紫虛洞天儔侶五人元祐元年降於洞家者再此蓋麻姑之匹亞也公盍傳諸之奇即為作傳洞為之奇所親重如此

張書言番禺水西人今隸其先家世本山東祖士元仕至中憲大夫提刑廣南東路因畱居焉父約以學究奏各書言少博學有令譽哲宗元符三年進士及第徽宗宣和初為廣東市舶提舉制驗收法蕃夷便之以憂去久之復至人皆極望借紫金魚袋後遷朝議大夫瓊管安撫大使所至皆有惠

政嘗立弓箭社不論家業高下戶出一人乃自相
推擇家資武藝為衆所服者為社頭次為社副有
警即率弓箭手以備戰峒俚畏之兄書行官亦至
朝列大夫兄弟蟬聯為一時衣冠之望云同上

梁觀國字賓卿廣州人也黃志郭志作南海人志行淳懿未

嘗踰矩矱嘗再薦于鄉不第退取經書熟誦之歎

曰聖賢垂教乃使人嘩於口吻誕於紙筆小而干

澤大而迷國此荆舒用以盲瞶天下者可守而不

變哉乃取所作科舉文畧諸火以自治身心一言

一動必求與古人合病聖道不明由異端害之乃

力排佛老窮其指歸日以讀書談道為樂尤病儉

邪而重忠義每朝廷貶謫正人至廣必求見焉紹

興中漳浦高登忤秦檜謫容州觀國與之善登以

觀國所著文達於待制胡寅寅評其文謂豪勁該

辨不苟作因與觀國定交凡論古今人物皆出寅

意表輒稱揚之時寅亦謫新州故也及觀國卒寅

志其墓且銘之曰卓哉梁生生在遐域無師可親

採諸方策又曰大布之衣藜藿饌饌其中沛然孰

為卿相觀國有特操不為世俗所移蘇軾父子以

文名天下學者家傳人誦獨觀國謂其雜以禪學

飾以縱橫非有道者之言游其門者稱為歸正先

生其遺文有歸正集二十卷議蘇文五卷駁其羽

翼翼端者編喪禮五卷革用道釋者盡教十五卷
付其女弟為師訓閭巷童女以守禮法凡師事觀
國者喪葬不用緇黃一時風俗賴之一變其所遺
書真德秀王應麟輩皆稱之廣州人物傳

黃勳字有功南海人也幼有至性事父母得其歡

心母沒家貧無以為葬或議火之勳哭曰吾母何

罪而罹焚烙之酷乎乃為人傭書得錢以葬鄉鄰

異之高宗紹興二年登進士第郡守李陵素重勳

為之新其第宅名所居巷曰擢甲在今西門內始授永

福丞適縣令久病廢事勳為辨決獄囚滌滯除弊

民貧不能具稅賦者勳為代還積逋八千三百餘

緡民歡呼稱為再生父以監司薦銓授修職郎尋

進秩右朝奉郎知新昌縣郭外五里許昏夜有殺

人者無主名遺所刺刃驗之皆豕膏也值旱徧禱

於境內神祇集屠宰牲中一人刃獨新一鞠即伏

人以為神久之進朝散郎知雷州嘗築郡城南成

南北二隅以賢能遷去雷人德之改知新州視事

首禁火葬違命者以殺逆論偷俗為改又課民耕

績使上其數於官自是一郡無敢私殺牛者學田

不足缺膳羞乃以俸資增置之政暇即與諸生講

解士子樂從之當時號循吏云終朝散大夫致仕

卒勳為人博洽而有深沉之思最明經義凡聖賢

格言皆自抄寫字如蠅頭少讀書患無以爲燈乃取烏柏子或柚子仁榨爲油人多效之借人書每於斷缺處留意補緝士故樂假之觀以此積學著名於時從弟熙後一科進士攝新興令爲韶州推官胡寅極稱之時又有同邑李康臣者好學嗜古名聞州里紹興十四年領鄉薦明年登進士第嘗知昌化軍官至朝散郎番禺蒙甄字汝器寧宗嘉定十年進士倅欽州守廉州以精禮記聞家於城東今之蒙姓蕃衍多其族香山陳天覺號香叟紹興八年試博學宏詞科特賜進士第議論切直爲時貴所黜乃不復仕時香山尙爲鎮止設寨官一員高宗紹興二十二年天覺請改寨爲縣以便輸納東莞令姚孝資割南番東新四邑瀕海地爲邑詔從之天覺亦以文學知名然三人行事之詳不可得而聞也

廣州人物傳

謹案李康臣南海志佚蒙甄性鯁直歷朝奉大夫守循梅屢立戰功理宗朝賜紫金魚袋陳天覺任朝政大夫嘗自捐資築城建學邑人賴之其所居鄉曰庫涌舊隸番禺今隸香山故並見二邑志

孔元勳番禺人少穎異長益醇厚居鄉謹言行雖童叟未嘗慢易高宗紹興初領鄉薦中進士乙科

授迪功郎連州教授正身善誘克稱其職凡四任皆學官也又三歷倅車乃握麾知封州嘗上機切預防七事多見施行值廣寇嘯聚薄城元勳親率僚屬嬰城自守每事以身先之人爲盡力募善射士連斃二酋餘黨奔潰朝廷以異恩褒賞之轉朝散大夫知新州撫字益有聲未及大用卒人歛望焉元勳能文章工詩清勁沈蔚類其爲人有集藏于家其父粹神宗熙寧九年鄉貢進士知封州亦以善政聞改知雷州兼官直學士賜緋魚袋亦至朝散大夫元勳登朝粹卽致仕居礮溪老焉仲弟元凱亦有行一日江西有牛商數人者苦渴汲其居傍井飲之一人釋裝憩樹下遺白金百餘兩去適元凱見之持歸置祖龕中復往伺焉有頃復至四顧躑躅長號欲赴井元凱呼止之詢其實引歸舉囊付還商感泣願酬以半元凱曰汝數千里來販將以求利利未得先去其半吾受子之半孰若盡取辭讓久之商乃謝去且曰吾必有以報子及居喪商復至爲之擇地窆焉指蘇坑三里許曰此昌後穴也至今子孫蕃盛果如所言故老稱爲陰騭墓又以其父子兄弟皆賢故名其鄉曰慕德里稽譜牒益出唐尙書弒之派幾曾爲嶺南節度使遂留家焉

黃志

吳羣字無黨番禺人幼穎悟有遠器登紹興壬戌進士三厯合榷所至有聲以員外郎通判瓊州時海盜竊發羣出俸資立城堡以禦之峒黎爲亂羣單騎往諭遂戢兵歸畊初同邑李諤建炎二年甲科進士爲瓊州安撫時築外羅城州人賴之羣至是加完整弭盜郵民政聲與誇瓊人歌之曰前有李君今見吳瓊管保障皆番禺民之父母邦之樞羣尤廉慎未嘗一介取於民終朝奉郎蘇志

吳純臣羣子有父風居官口不言錢四擢州磨告歸於家人稱其急流勇退在連州時盡心民瘼寧宗嘉定乙亥春夏不雨純臣露行酷日中詣龍津之靈濟廟禱焉頃間神物蜿蜒出水上雨如澍歲大獲郡民刻碑頌德崔與之素聞其賢入覲時上問南中人才因以純臣對有旨除提點廣西刑獄剖析無滯民有醉入仇家適仇之母死遂誣之獄成矣純臣察其情釋之一境稱神時廣右帥臣鄒應龍以大魁典鎮有重名最慎許可獨才純臣嘗書清通仁厚四字贈之攷最進朝議大夫賜金帶又進通奉大夫卒年六十二純臣長子雍兩詣漕薦官至太守亦以能稱終左朝奉大夫沿邊安撫使雍子莘以蔭官將仕郎史館檢閱廣州人

陳康延字元舉番禺人郭志金志郝志俱作南海人南海番禺二志並載

力學自奮高宗紹興庚辰登進士第初調潭津勾警再調龍川錄事三任學官兩厯邑令孝宗淳熙間適康延改秩入京朝廷議催二廣鹽丞相梁克家與康延厚召赴都堂伸之分司蒼梧以任是責事成處以監司康延力辭曰二廣民力竭矣催之則民重困願居卑官決不敢以害民之事而圖厚祿克家以其志不可奪愈器重之議亦寢遂有知梅州之除到郡訪民利病謂境內常有贛商之擾於是嚴保伍之法不得與贛商私販復於江廣往來之衝立寨募土兵與戎兵雜居置隅總爲之鄉導俟有緩急併力夾攻又立山寨以邀其歸賊不犯民賴以安家居不務華飾龔茂良帥廣日造其廬怪所居湫隘勸康延新之笑曰吾耐此耳處之裕如也僅有田五十畝以卒歲其清白如此官至朝散大夫兄澤延長子洪彥端溪令孫域領鄉薦爲府學正蘇志

謹案康延孫域與番禺明天順進士陳穉爲廣西布政者不同郭志稱康延後裔衣冠至今不替應天府尹錫工部尚書各紹儒者爲最顯云

馬持國字鯁臣南渡入嶺遂居新會高宗紹興癸酉請廣州文解凡三到省不售乃踰嶺以策干督

府張浚浚置之幕下不合求去兵部侍郎胡銓措
置湖淮海道檄持國稟議銓見之喜曰馬鯁臣議
論操履表裏渾如也廬州安撫使張師顏檄委招
集流民淮帥吳總王希呂錄其功聞於朝孝宗淳
熙二年備補上州文學攝武鋒軍都統司準備差
遣舊時塞屋覆以蘆葦持國力讚主帥請易以瓦
既而得請凡科降錢糧措辦木石皆身任之召赴
都臺執政王淮李彥穎龔茂良稱其論事有補列
薦得旨補嘉州文學依舊前件差遣免銓改迪功
郎淳熙十年果州團練殿前副都指揮使郭棣奏
于孝宗謂持國在職六年事事辦集今任將滿若
改常調恐未足以究其用也有旨令再任又四年
棣復薦持國宣力精敏持論公正乞賜旌擢得旨
召對持國奏三劄皆時務之可行者上嘉賞之特
改授宣敘郎仍與近闕屬官差遣持國以國之恥
未雪講解之謀爲非榮進非其志也乃著十論標
曰中興自治萬全策略據所蘊又哀集生平江湖
淮漢間神贊成畫稟議朝堂前後事宜帙成曰愚
忠錄繳進之上頗嘉納執政周必大楊萬里見之
相謂曰持國之文淵宏偉傑深中時病有用才也
深器重之持國以和議既不可破乞調廣東鹽幕
許之及視事新會舊有白皮鹽場爲民戶擾力請

罷之蛋戶丁錢爲州縣迫促亦請蠲之光宗紹熙
中通判欽州不買交貨遠近爲之退嚮欽人爲立
祠知容州政務寬厚遠民懷之又相與祠持國於
五賢堂持國力學有大志每語及恢復輒泣下後
竟奉祠歸壽八十餘卒子晞驥最知名
馬晞驥持國長子也字千里弱冠入太學嘗讀書
齋中帝臨學晞驥誦書自若上異之曰卿何勤也
孝宗淳熙七年進士第初調安豐六安善決獄人
稱神明臺府每有疑獄必咨焉士民咸以清強官
目之改知衡山縣將行持國問曰汝作縣當有何
法晞驥曰催科政拙撫字心勞此第一義也持國
喜曰如此可矣至縣行所言寬催科定差役懲預
借政務不擾境內有山產茶民採以爲利無何爲
勢家所占民間之上司委縣定奪晞驥務還之民
巧賂莫能奪其公廉皆類此官滿毫稚窮日追餒
有垂涕者及判肇慶或以奇覘獻晞驥謝之曰此
非暮夜金但吾職貳郡當飲水自勵何敢以長物
汚家聲邪其人慚而退由是各節益著尋知雷州
時持國亦握麾知容州人以爲榮五十四卒官至
朝議大夫子宜祖官至朝奉大夫知英德府三世
太守亦一門盛事也俱同
陳儻東莞人其先建炎中自同安徙居亭頭今東莞志

陳應辰傳云應辰會祝嘏建炎中官循州卒遂自同安徙居莞之亭頭築釣臺自號龍逸然則備始居莞與今通志府志同惟考宋職官循州俸並無僅名以好善稱六子皆克樹立長子生有才畧以防江保民功補授承節郎子孫蕃盛衣冠人物為邑之最以特科進者一請鄉舉者五擢進士第者三預補貢者七以武功顯者一以辟舉入官者四多以科第茂才從仕人以為積善之報又有黎如璧者為人好善樂施有長者之譽紹興間異人崔羽遊羅浮寓上清觀與如璧相厚一日來辭曰吾將去矣如璧曰何以教我羽書依本分三字於堂壁數日仙去四世孫震寶藏之黃志

簡克己南海人也少習舉業已而厭之歎曰言行未寡尤悔遽投牒事干祿豈古人意哉遠遊湖湘師事張栻數年講性理之學以真知實踐為事栻稱其精確有守退歸杜門不妄與人交所知詢之則曰吾方治吾身心未暇也而敢驚外乎故書南軒之言為座右銘其取名克己者蓋顧名思義之意也鄉邑以其耆而有德皆敬禮焉崔與之自倅邕泊被召往來謁見皆執弟子禮廖德明帥廣日往見之時延至郡齋講論舊學每諦聽必拱立其為名流所重如此啓迪後生過於父師事無長少咸呼簡先生云卒壽八十餘

陳去華南海人嘗游象山陸九淵之門與九淵論吾與點也一段九淵喜之去華自是益有省悟別後謂人曰去華方是一學者九淵後又謂嚴松曰廣中陳去華省發偉特惜乎此人亡矣去華蓋蚤死云

譚凱南海人性恬靜不妄言讀書務自得不為紛華所動年二十餘即不赴科舉崔與之與交稱其賢帥淮東日馳書薦於廣州帥楊長孺長孺得書喜曰敬老尊賢以風勵世俗吾心也亟往見之尊為學老日南至長孺詣學謁先師畢守帥以下聚拜明倫堂長孺忽退立西偏命兩吏掖凱以進拜之既而貳車以下帥郡官旅拜其為時所重如此壽八十六乃卒後有南海林彙者以靜脩聞廣帥方大琮初行鄉飲禮請以為大賓彙時年九十四矣威儀可則終席無倦容大琮稱為衛武公之流大琮又建濂泉書院粵大記番禺志作濂溪書院既落成謀於文溪李昂英求元老以首席昂英答曰是邦老成人無如田知白者大琮躬詣之知白以病辭再往扣之則遁矣知白時年踰八十猶能燈下細書貧甚得錢即買酒飲之自號醉鄉遺老制行甚潔皆一時耆老也

曾槐字仲卿番禺人大父自清江調廣州稅官因

家焉幼能屬文經史皆手編帙從遊周必大楊萬里之門弟機亦力學脩行執經者踵門適大比兄弟聯薦充貢者八聳動州里孝宗淳熙戊戌光宗紹熙庚戌科伯仲先後登進士第槐初調高要尉改知歸善縣郡有豐湖可潤數里爲一州利隄岍圯潰幾涸郡委槐修築不擾而辦郡聞于上旨令中書籍記姓名與陞擢差遣以親老辭得本路憲幹時廣帥張釜合諸司列薦有曰文學行義斗南一人得旨與在內差遣未幾必大萬里俱力推輓於朝除監進奏院寧宗嘉泰壬戌校文春官繼除司農寺簿兼署大府丞秋有事於明堂攝監察御史時侍郎林采尙書費士寅薦槐可大用將超擢之會與陳自強議論不合力求補外出知桂陽軍槐以郡無城奏請籌牒爲費久不報乃搏費積贏以給用民不見其擾郡計舊斂旗望錢於酒家歲得錢三百三十萬民甚苦之槐捐以便民略無斬色又郡有總所積逋錢四千餘貫槐爲之補解及寄招効用五百名所費出於此項安世奏聞得旨轉朝奉大夫居無何劾一縣令與部使者有嫌調漢陽軍槐力丐歸誠齋以書勉之曰有自祝融湘江來者皆能談仁聲義實至於毋憚大吏發擿巨貪解印夜遁徒本朝懸檄尉曹將吏卒窮追之於

部縛之以歸坐之嘉石間之公車此尤卓詭絕特之舉近世之所未見而絕無老夫所卻立而不敢者也遂以石刻之於郡齋槐稟資剛介不與時俯仰故仕止郡守官止正郎自號省齋有省齋文集及桂水續集行於世仲子嘿以承奉郎致仕嘿之子肅翁郡志作肅登理宗寶祐丙辰進士第爲連州推官俱同韓經增城人家於韓唐村蚤喪父與弟緯力田養母孝友著聞母喪哀毀踰禮竭力治葬墓在葛峒山廬其側穴壙以入哭撫母柩夜則宿柩下日則出于廬舍自爨素食不進鹽酪凡三年然後歸室天感其孝一日風雨晝暝飛錢數萬入其宅以贖不足由是家裕世稱韓孝子云廣州人鄭漢章南海倫教人今屬慶元間爲萬安主簿大記天性廉勤時侂冑柄朝紀綱叢隳而趙汝愚等皆以僞學屏逐流離章聞之曰昔漢氏錮正人李唐指朋黨而國家皆不日矧今宋德若二代之季矣吾聞貞士不處亂以自污哲人當見幾以遠禍弗去何爲遂即日棄官南歸築軒養性嘗遊蒲澗拾遺金二百餘兩翌日往候之亡金郎果至章盡舉而還焉其人固欲以半償之章辭曰余苟有欲心當併蓄之矣笑以候爲懇還不受嘉靖中

有進士吳為柳州守歷官中外舉人用淵為松江判皆有廉聲蓋其後裔云郭志其後有歐福慶者家貧取果櫃有遺金一囊福慶拾之候其人還焉封識宛然容謝而去夫非其有而取之盜也身為縉紳甘心盜賊之行多矣若二人者世亦鮮哉黃志

崔與之字正子增城人其先世汴人廣州人父世明試有司連黜每日不為宰相則為良醫遂究心岐黃之書貧者療之不受直宋史母夫人羅氏露坐有星墮懷而生廣州人與之幼名星郎蚤孤家貧苦學讀書務通大義不事章句為文務得大體不事綴緝梁異撰少卓犖有奇節不遠數千里游大學紹興四年舉進士廣之士繇太學取科第自與之始授潯州司法參軍常平倉久弗葺撤居解瓦覆之郡守欲移兌常平之積堅不可守敬服更薦之調淮西提刑司檢法官民有窘於豪民逋負敗死其子誣之者其長欲流之與之曰小民計出倉卒忍使一家轉徙乎況故殺子孫罪止徒卒從之宋史在淮西幕時王樞密富國有子豪奪僧寺田官吏無敢決與之直筆斷不為權勢屈王聞壯之薦於朝由是諸臺交刺爭致廣州人知建昌之新城縣歲適大歉有強發民廩者執其首折手足以徇盜為止勸分有法貧富安之開禧用兵軍旅所需

天下騷然與之獨買以係省錢吏告月解不登日第罷去和羅令下與之獨以時買羅令民自槩宋史漕使趙希澤令諸邑視以為法治新城悉蠲浮費民輸直造庭下東廡交錢西廡給鈔未納無泛比已納無泛追不事一蠶而賦益辦前是編民以役破家相踵與之既去所以蠹役者民爭應恐後會歲禮舉行荒政供億軍無窘蹙峻迫狀邑境帖然黃志通判邕州守未赴特旨留內差遣力辭竟之本任論者高其有登進之風廣州人武人苛刻衣賜不時給諸卒大閱漕司檄與之攝守叛者帖然乃密訪其首事一人斬之閩郡以康摧發遣賓州軍州事郡政清簡尋特授廣西提點刑獄徧歷所部浮海巡朱厓秋毫無擾州縣而停車裁決獎廉劾貪風采凜然朱厓地產苦瘠民或取葉以代茗州郡征之歲五百緡瓊人以吉貝織為衣衾工作皆婦人役之有至暮年者棄稚遺老民尤苦之與之皆為榜免其他利病罷行甚衆瓊之人次其事為海上澄清錄嶺海去天萬里用刑慘酷貪吏厲民乃疏為十事宋史一日獄囚充斥之弊二日鞠勘不法之弊三日死囚冤枉之弊四日贓物供攤之弊五日戶長科役不均六日弓手土軍騷擾七日催科泛追八日緝捕生事九日奸猾健訟十日州縣

病民廣州人申諭而痛懲之高惟肖嘗刻之號嶺
海便民榜宋史廣船趙汝楷亦見之服爲吏師廣州人
傳廣州人廣右僻縣多右選攝事者類多貪黷與之請授
廣東循梅諸邑減舉員常格以勸選人神宗熙寧
免役之法獨不及海外四州民破家相望與之議
舉行未果以語顏歿守瓊遂行之名爲全部員
外郎時郎官多養資望不省事與之鉅細必親省
決吏爲欺者必杖之莫不震慄嘉定七年金南遷
於汴朝議疑其進迫特授直寶謨閣權發遣揚州
事主管准東安撫司公事寧宗宣引入內親遣之
奏選守將集兵民爲邊防第一事既至浚濠廣十
有二丈深二丈西城濠勢低因疏塘水以限戎馬
開月河置釣橋州城與堡砦城不相屬舊築夾土
城往來爲易以甃因滁有山林之阻創五砦結忠
義民兵金人犯淮西沿邊之民得附山自固金人
亦疑設伏自是不敢深入揚州兵久不練宋史乃分
等教閱弩手以材力高強而善射者爲上挽踏施
放合格者爲中餘爲下槍手以身材及等仗而有
膂力者爲上雖不及等仗而少壯善擊刺者爲中
餘爲下騎兵則以人騎輕捷武技精熟爲高下先
佈陣勢縱橫來往用草棒相擊以習刀法或用包
頭鎗槍馳逐格刺以習槍法然後大走馬圍射用

拒馬圍隔射環至四十步施放三箭來往四道精
熟又加步數五日一演習之月中比較加賞罰久
之上等出則中等爲上下等爲中戰則上等居前
鋒中等佐之守則上等當衝要中等助之下等供
戰守雜役廣州人分強勇鎮淮兩軍月以三
習馬射宋史諸屯軍馬歲例九月後三
城三十里回習爲文具始荆簽牌分寫八卦如探
得乾字則令旗頭奉乾卦旗出北門將卒視所向
以往遇岡坡溝澗逕前不令迂繞取道使人馬相
得遇險不懼緩急可恃爲用廣州人令所部兵皆
做行之淮民多畜馬善射欲依萬弩手法創萬馬
社募民爲之宰相不果行浙東饑流民渡江與之
開門撫納所活萬餘楚州工役繁夥士卒苦之叛
入射陽湖亡命多從之者與之給旗帖招之衆聞
呼皆至首謀者獨遲疑不前擒戮之分其餘隸諸
軍山東李全以衆來歸與之移書宰相謂自昔名
外兵以集事者必有後憂宰相欲圖邊功諸將皆
懷僥倖都統劉瑋承密劄取泗州兵度淮而後牒
報瑋全軍覆沒與之憂憤馳書宰相言與之乘郭
五年子養士卒今以萬人之命壞於一夫之手敵
將乘勝襲我金人入境宰相連遣與之三書俾議
和與之答曰彼方得勢而我與和必遭屈辱今山

若相望邊民禾麥已盡輸藏野無可掠諸軍與山
砦併力勦逐勢必不能久駐況東海漣水已爲我
有山東歸順之徒已爲我用一旦議和則漣海二
邑若爲區處山東諸酋若爲措置望別選通才以
任和議與之自劉璋敗亟修守戰備選精銳布要
害金人深入無功而和議亦寢時議將姑闕兩淮
制置命兩淮帥臣互相爲援與之啓曰兩淮分任
其責而無制閫總其權則東淮有警西帥果能疾
馳往救乎東帥亦果能疾馳往救西淮乎制閫俯
瞰兩淮特一水之隔文移往來朝發夕至無制閫
則事事稟命朝廷必稽緩誤事矣議遂寢召爲秘
書少監軍民遮道垂涕與之力辭召命竟還將度
嶺趣召不已行次池口聞金人至邊乃造朝奏今
邊聲可慮者非一惟山東忠義區處要不容緩前
後累疏數千言每歎養虎將自遺患嘉定十二年
己卯陞秘書監兼太子侍講十三年春權工部侍
郎兼國史實錄院修撰未幾成都帥董居誼以黷
貨爲叛卒所逐總領楊九鼎遇害蜀大擾十三年
四月與之以選爲煥章閣待制知成都府本路安
撫使蛛陞辭奏曰天下之事須中外相應大小相
維而後有濟蓋中外當如一家貧富休戚實同其
責而勢不可不相屬大小當如一體疾痛痒疴皆

切于身而情不可不相孚臣孤立萬里外設或中
外勢不相屬大小情不相孚以致獲戾何足深計
而事體關係非輕且聞軍興以來帑庾告竭設若
有警搏手無策而後請于朝恐無及矣廣科撥以
寬民力厚儲積以壯邊聲陛下當爲蜀計上嘉納
之廣州人至卽帖然時安丙握蜀重兵久亦忌蜀
帥之自東南來者至是獨推誠相與丙卒詔盡護
四蜀之師開誠布公兼用吳蜀之士拊循將士人
心悅服先是軍政不立戎帥多不協和劉昌祖在
西和王大才在河州大才之兵屢劾昌祖不救遂
棄阜郊吳政屯鳳州張威屯西和金人自白還堡
突入黑谷威不尾襲而迂路由七方關上青野原
金人遂得入鳳州與之戒以同心體國之大義於
是戎帥協和而軍政始立先是丙嘗納夏人合從
之請蛛與之亟致書言金人不顧死亡南窺淮漢
宜保障以待蜀連年被兵士氣未振豈宜輕舉曩
爾西夏不足爲恃也丙不從廣州人會師攻秦鞏
而夏人不至遂有阜郊之敗與之至是飭邊不得
輕納踰年夏人復攻金人遣百騎入鳳州邀守將
求援兵與之使都統李冲來言曰通問當遣介持
書不當遣兵徑入若邊民不相悉或有相傷則失
兩國之好宜斂兵退屯夏人知不可動不復有言

初金人既弊率衆南歸者所在而有或疑不敢納與之優加爵賞以來之末幾金萬戶呼延棧等扣洋州以歸與之察其誠納之籍其兵千餘人皆精悍善戰金人自是不敢窺興元既復鏖榜邊關開諭招納金人謀得之自是上下相疑多所屠戮人無固志以至於亡蜀盛時四戎司馬萬五千有奇開禧後安丙裁去三之一嘉定損去過半比與之至馬僅五千與之移檄茶馬司許戎司自於關外收市如舊嚴私商之禁給細茶增馬價使毋爲金人所邀總司之給料不足者亦移檄增給之乞移大帥於興元雖不果行而凡關外林木厚加封植以防金人突至隔第關盤車嶺皆極邊號天險因厚間探者實使覘之動息悉知邊防益密總計告匱首撥成都府等錢百五十萬緡助糴本又慮關外歲糴不多運米三十萬石積沔州倉以備不測初至府庫錢僅萬餘其後至千餘萬金帛稱是蜀知名士若家大酉游似李性傳李心傳度正之徒皆薦達之宋史與之身藩翰而心王室務薦賢以報國在蜀拔擢尤多若洪谷夔魏了翁李庭芝陳韓劉克莊李鼎程公許黎伯登王應辰王漢魏文翁高稼丁焞家柳張裨王子申程德降郭王孫蘇植黃身高泰叔李錫各以道德文學表表于世廣州人物

傳其有名浮於實用過於才者亦歷歷以爲言沔帥趙彥呐方有時名與之獨察其大言無實他日誤事者必此人移書廟堂欲因其乞祠而從之不可付以邊藩之寄後果如其言與之以疾丐歸嘉定十七年朝廷以鄭損代既受代金諜知之遂大入與之再爲臨邊金人乃退名爲禮部尙書不拜便道還廣蜀人思之肖其像於成都仙遊閣以配張詠趙抃各三賢祠理宗卽位授充顯謨閣直學士知潭州湖南安撫使辭提舉西京嵩山崇福宮遷煥章閣學士知隆興府江西安撫使又辭授徽猷閣學士提舉南京鴻慶宮宋史起以江西帥冀其便道趨朝又辭不赴乞致仕不許廣州人物傳端平初帝既親政召爲吏部尙書數以御筆起之皆力辭金亡朝廷議取三京聞之頓足浩歎繼而授端明殿學士提舉嵩山崇福宮亦辭俄授廣東經畧安撫使兼知廣州先是廣州摧鋒軍遠戍建康畱四年比撤戍歸未踰嶺就畱戍江西又四年轉戰所向皆捷而上功幕府不報求撤戍又不報遂相率倡亂縱火惠陽郡長驅至廣州城聲言欲得連帥洎幕屬甘心焉宋史是年循梅戍軍曾思等同由惠城倡亂徑擣廣州主將熊喬脫歸告變庾使黃歲以一郡生靈係命于公請登城撫諭廣州人物傳與之家居

肩輿登城叛兵望之俯伏聽命宋史遂召李昂英楊
 汪中繼城諭賊廣州人曉以逆順禍福其徒皆釋
 甲而首謀數人懼事定獨受禍遂相率遁去入古
 端州以自固宋史叛卒初抵城薄北門摧鋒本寨纔
 一壁隔人心憂危懼生內變與之與黃庾使議開
 府庫大犒諸軍令熊喬本寨鎮壓密護北門區處
 有方關防甚備及變聞於朝除與之廣帥廣州人
 至是與之聞命亟拜即家治事宋史賊自廣趨肇招
 納亡命入據府城官兵進擊賊賊棄城遁盤礴四
 會懷集間又自懷集逃遷入封川山徑險峻不可
 追廣州人屬提刑彭鉉討捕潛移密運人無知者
 俄而新調諸軍畢集賊戰敗請降桀黠不悛者戮
 之其餘分隸諸州宋史是年六月事定寇平即力辭
 同事所得月俸悉歸于官一無所受廣州人帝於
 是注想彌切閏七月拜參知政事宋史凡七上免牘
 不許廣州人踰年拜右丞相兼樞密使皆力辭宋史
 下御札乞言廣州人乃訪以政事之孰當罷行人
 才之孰當用舍與之力疾奏宋史曰天生人才自足
 以供一代之用惟辨其君子與小人而已忠實而
 有才者上也才雖不高而忠實有守者次也用人
 之道無越於此蓋忠實之才謂之有德而有才者
 也若以君子為無才必欲求有才者用之意嚮或

差名實無別君子小人消長之勢基於此矣陛下
 勵精更始擢用老成然以正人為迂闊而疑其難
 以集事以忠言為矯激而疑其近於好名任之不
 專信之不篤或謂世數將衰則人才先已凋謝如
 真德秀洪咨夔魏了翁方此柄用相繼而去天意
 固不可曉至於敢諫之臣忠於為國言未脫口斥
 逐隨之一去而不可復留人才豈易得而輕棄如
 此陛下悟已往而圖方來昨以直言去位者亟加
 峻擢補外者蚤與召還使天下明知陛下非疏遠
 正人非厭惡忠言一轉移力耳陛下收攬大權悉
 歸獨斷謂之獨斷者必是非利害胸中卓然有定
 見而後獨斷以行之似聞獨斷以來朝廷之事體
 愈輕宰相進擬多沮格不行或除命中出而宰相
 不與知立政造命之權失其要矣大抵獨斷當以
 兼聽為先儻不兼聽而斷其勢必至於偏聽實為
 亂階威令雖行於上而權柄潛移於下矣又曰邊
 臣主和朝廷雖知而未嘗明有施行憂邊之士割
 切而言一鳴輒斥得非朝廷亦陰主之乎假使和
 而可保亦當議而行之可也又曰比年以變故層
 出盜賊跳梁雷電震驚星辰乖異皆非細故京城
 之災七年而兩見豈數萬戶生靈皆獲罪於天者
 百姓有過罪予一人此陛下所當凜凜惟求直

言可以裨助君德感格天心又曰戚畹舊僚凡有
絲髮黃緣者孰不乘間伺隙以求其所大欲近習
之臣朝夕在側易於親昵而難於防閑司馬光謂
內臣不可令其采訪外事及問以羣臣能否蓋干
預之門自此始也若謂其所言出于無心豈知愛
惡之私因此而入其於聖德豈無玷乎崔清獻帝
言行錄
覽奏嘉歎趣召愈力宋史出與左相李宗勉並命喬
行簡爲平章三奉詔書四承御札中使銜命趣行
往復再三宣賜路費金三百兩復命廣帥彭鉉勸
勉就道又以郡人李昂英輟自班行卑之便郡專
往諭志廣州人
物傳控辭至十有三疏嘉熙三年乃得
致仕以觀文殿大學士提舉洞霄宮自領鄉郡不
受廩祿之人凡俸餘皆以均親黨宋史連帥部使者
時候其門歲僅一再見未嘗一問外事廣州人
物傳薨
時年八十有二宋史遺表言事有萬變而隱乎微人
唯一心而攻者衆出而大小忠良之臣箴規之日
少入而左右佞倖之徒承順之時多倘戒謹之志
稍衰則清明之躬易怠蓋天下以身而爲本惟聖
人以禮而自防毋不敬則內敬常存思無邪則外
邪難入大書特書用以自警安行勉行久而有功
事天則求其對越無愧之心報親則思其付託不
輕之意登延頌彥以輔成王德惠養黎元以培固

邦基經筵不徒親攷歷代興衰之故而爲之監戒
言路不徒廣求庶政闕失之因而急於變更責己
可以弭天災正家可以厚風俗握君子小人消長
之機而辨之在早審中國外夷盛衰之勢而防於
未然宗廟齋莊之時洋乎如鬼神之在其上宮廷
燕款之際肅然如師傅之在其後故凡興居食息
之間無非恐懼脩省之地此則檢身之要者在乎
格意以行之上則綿萬年基業之傳下以均四海
蒼生之福廣州人
物傳遺戒不得作佛事宋史子姪俱不
得求官階至金紫光祿大夫開府儀同三司上柱
國廣州人
物傳累封至南海郡開國公謚清獻宋史
宋元通
鑑贈少師行在大
學觀齋碑作大師薨前數月書南民力竭矣諸賢
寬得一分民受一分之賜蓋絕筆也又嘗刪處士
劉臯語爲座右銘曰無以嗜慾殺身無以貨財殺
子孫無以政事殺民無以學術殺天下後世自中
年喪偶不再娶官至貴顯不畜聲妓未嘗增置園
池產業惟買宅一區左右圖書無玩好涉筆嘗至
夜分書室所豢白雞一雙而已官蜀時歲賦苗頭
十五萬石舊及十萬卽折輸以資私橐與之惟儲
以充國用奇玉美錦一無所視去之日四路餽贖
俗謂大送悉卻之子叔以納婦有奩田六百石責
令歸之其恬淡無欲蓋天性也家法清嚴親故倚

勢妄作必見斥絕宰臣恩例不妄予人其姊嘗為史甥求官曰官之賢否係民休戚非私贈之物也竟靳不予邑子吳仁孫初第之官求先容正色曰入仕之始當以職業自見不患人不知後聞其請謹密薦之嘗經連州官民士子迎謁將行書數語曰有才名者固難得苟無德以將之反為累爾窮達自有定分枉道以求之徒喪所守人以為名言每言官職易得名節難全躋仕四十七年未嘗一玷彈墨愛君憂國之誠老而不息愛韓琦寒花晚節之句築菊坡以自適復以名其居後李昂英侍講經筵理宗思其風烈嘉嘆久之大書菊坡二字賜其家有文集若干卷其文明白謹嚴蒙大酉書其端以為白麻不起千載一人子璉嘗以賢良徵使觀政將授以官固辭而歸論者高之廣州人物傳

廣東通志卷二百六十九終

廣東通志卷二百七十

列傳三 廣州三

吳英 子宗道 宗達

楊汪中

吳文震

溫若春

劉鎮 弟錡 錡

趙崇模

翟傑 陳漢 陳旋

梁文奎 從子諒 諒

李昂英 子志道

陳應辰

錢益 次子夢驥

郭聞

李用

李春叟 子同文

趙必瑒 父崇諫

翟卷石

張元吉 弟登辰 登辰子推寅

陳庚 弟紀

劉燾然

張鎮孫

陳大震

王道夫

阮與子

石文光

馬南寶

黃俊

伍隆起

熊飛 許之鑑

翟龍

黎宿

區適子 子魯卿 何子 達 葉野舟

趙東山 何文季

李肖龍 鄭聰老

廖金鳳 李德彰 唐璧

梁百揆

陳息卿

羅鑄夫 子文厚

趙若舉

邵繼賢

陳元輔 弟英植

陳猷孫考以上宋

宋

吳英南海人生而魁梧有謀畧寧宗嘉泰四年海寇竊發有司募人捕之英往應命乃設伏要害處出其不意擒獲無算特授承信郎開禧二年有邊警調發守把漢川防扼江面虜徒至英請於主將自往偵之英服漁人衣操小舟往來洲渚間虜不疑也游騎覺之手及一人而還因得其虛實由是益知名嘉定十年除平江府駐劄御前都副統制十三年轉武翼郎陞御前諸軍都統制十五年轉武經郎十六年轉武節郎又明年轉武德郎淮上却敵多建奇績理宗寶慶改元上賜御筆獎之有日昨因兩淮屢警爾吳英能率舟師措置捍禦功冠行列特轉兩官賜金帶以榮爾躬爾尙益懋乃績予則汝嘉于是轉武議大夫拜團練使英捧詔感奮淮口之役躬冒矢石爲衆隊先乘風急縱火焚虜舟五百餘艘虜大奔斬首千餘級尋戰於北神鎮又縱火燒斷橫江鐵鎖虜引去及虜圍鹽城親率舟師登岸死戰連獲大捷累功轉左武大夫防禦使卒于家年八十四特封南海縣開國男贈官至節度使英爲人智勇然在人前默默如無能者愛養士卒不吝犒賞或官無所給卽以己資代

之故能得其死力所向有功平居有馳騁伊吾之志每聞和議成輒眠食不安者累日其忠奮可尚也子三人長宗道知賓州廣州人戡奸保民一方倚之廣州志官至武功大夫次宗達武功大夫知循州宗遇累官修武郎廣州人

楊汪中字季子番禺人幼孤篤志好學弱冠鄉評推重廣帥楊長孺見其文敬之言於郡博士請爲州學錄嘉定己卯領鄉薦明年登進士第調靜江民曹甄攝郡牧以刑賞忠厚之至命題試士憲使服其敢言薦之桂帥以瓊筦機宜辟之及過海旣平王君佐之叛又弭陳用成之變風裁凜然理宗端平乙未改肇慶府推官家居需次摧鋒戍卒于紀畫薄城下居民大恐汪中有繼城論賊功及崔與之判鄉郡因攝帥幕密贊平叛之謀改佐廣右經幕市馬橫山措置得宜邕蠻帖服無何銓部最之遂知廬陵縣爲政多所建白其勸糴以應邊餉區處有方邑民無怨旣而改知歸善縣官至奉議郎黃志

吳文震字欲發番禺人理宗紹定壬辰進士初試鬱林民曹權宰有政聲次任南恩糾曹尤加意獄事囚繫者感之授新昌僉幕知歸善縣行鄉飲崇禮教絃歌藹然大興文治尋倅欽州攝守全州又

攝守春陵皆有惠愛同上

溫若春番禺人少力學能文事親以孝聞孝宗淳

熙十三年領鄉薦累計偕不第凡三十五年而志

益堅嘉定十三年廷對特奏名第一人賜同進士

出身兩調潼川英德學官及為府學正作成人士

悉有模範理宗寶慶間除樞密院架閣理宗紹定

二年春除太學正夏召試館職除秘書省正字秋

除校書郎蚤與崔與之遊與之素重其學行思薦

達之奏對間一日上問曰卿鄉里有何人才與之

奏曰吳純臣有監司之才溫若春宜清要之任於

是除秘書郎紹定三年冬也若春博洽古今同列

推服以稱職聞無何與之帥維揚握手道生平曰

人之功名全晚節為難若春喟然感之遂力請掛

冠得旨朝奉郎致仕家居節儉手種香芸以遺子

孫壽八十餘卒理宗淳祐四年甲辰廣帥方大琮

既成二獻祠復立四先生祠祠古成之李昂英郭

閱暨若春也祭之日常於春秋釋奠後焉今列于

仰高祠廣州人

劉鎮字叔安南海人兄弟三人俱有文名事親宗

黨稱其孝嘉泰二年登進士第性恬淡士大夫皆

賢之以註誤請居三山三十年為詩詞益工真符

秀帥問日言于朝得自便自號隨如學者稱為隨

如先生仲第銘字叔治尤工於書慶元五年登進

士第嘗知欽州官至朝奉大夫季第鐸字叔文光

宗紹熙四年登進士第初兄弟自為師友及相繼

而顯邦人榮之贈以詩曰三子皆黃甲一門無白

丁有司名其所居坊曰叢桂里在今西曰賢巷以

旌之鎮尤長於詩明白清潤為時所推嘗與崔與

之交遊及與之薨楮紳多弔以詩鎮有日始終無

玷缺出處最光明人指以為實錄其造語典實此

類也有文集行於世黃

趙崇模番禺人嘉定中知安化愷悌廉平與廢舉

墜復學田三百畝更為增置以贍諸生秩滿將代

後圃桃梅並實池蓮一本雙葩人咸異之祀名宦

湖南

謹案南海進士嘉定中有趙崇垓無趙崇

模番禺志亦無

翟傑東莞人登宋紹興五年進士詔就職以親老

辭家居敦孝友勤考道以體認天理為宗聞龜山

倡道東南心欲就正念百齡老父未敢遠離乃致

書羅仲素質疑考訂恍然有得後仲素為博羅主

簿親往討論由是神定氣和識與不識皆推為有

道君子淳熙七年親喪畢任化州司戶均田賦集

流亡勤教導數載間政通化洽民建祠以祀之乞

休歸構桂華書院集四方英俊相與講學窮經巨
人士皆知向學同邑陳謨儻之會孫州歲博通羣
籍政和五年登進士官朝奉郎署縣居官清廉勤
慎以文學飾吏治興利除害切切以民生爲念尤
加意學校一時人士蒸蒸向化旋以親老解組歸
生平廉介自持不爲阿徇然與人和易偕從弟應
辰往來青紫峯亭講學論道夜分不輟足跡不至
公庭邑令慕其賢往往造廬商決正言侃論主於
便民邑人賴之又同邑陳慥宋隆興元年特奏司
官法生平學行極爲人所推重後邑令陳琦建思
賢堂以祀傑謨慥三人邑尉郭廷世作記思賢堂
廢復舉祀鄉賢祠邑人祁順有思賢堂詩曰卓犖
三夫子才名重一鄉順非苟於作者特詳載於左
使後之人有聞焉東莞舊志
梁文奎東莞人博學強記爲文尙理致別稱元年
廷對幾中首選時韓侂胄當國以策語切直故爲
所排易置乙科第一性不喜干人歷左藏十餘年
不調處之自如兄子該嘉定七年進士官欽州通
判長于記問世號書奇該弟詡嘉泰四年鄉貢亦
以博稱文奎該並祀鄉賢金志
李昂英字俊明番禺人會祖仙之承奉大夫自保
昌來遷祖禔安撫助教父天裴龍圖待制母黎氏

將誕夢大星降於庭因名少雋穎書史一覽成誦
博學多識文思絕人弱冠嘉定十五年以春秋掄
元首計偕崔與之深器重焉理宗寶慶元年乙酉
再薦于鄉明年試春官知貢舉鄒應龍欲置第一
時方諒陰或日上始卽位宜崇帝王之學遂擢王
會龍書義第一昂英第三黃志粵中士探花自昂英始
洪平齊徐梅楚皆重其才以爲南方間氣孫殿苞撰行狀
初調汀州推官郡守陳孝嚴鷲悍不恤其下江閩
寇相挺郡無壁壘力請增陴浚隍以備不虞會守
虐殺兵校十數人又欲造州楮強戍兵充口券昂
英爭不聽吏持州楮請署押厲色呵之徑棄官歸
亟出郡郊俸貳偕士民數百邀而雷之曰環境皆
盜公忍棄吾民乎洎回悍兵王寶已闕然閉關將
殺守吏士民擁之入恆以身翼蔽守昂英開諭諸
賊曰若欲得守盍先害我守以是獲免既而朱積
寶合礫寇攻城設備待之謂左翼軍合民兵討賊
面授方畧躬督戰相持五日戰二十餘合賊敗北
功聞于朝特遷太學正丁母艱服闋除武學博士
理宗端平二年乙未摧鋒戍卒叛絲惠州趨番禺
承平人人不知兵郡大恐帥守會治鳳航海潛去
轉運使石孝淳避水之南獨庾使黃歲請于崔與
之守禦與之登城撫諭昂英與楊汪中偕出諭賊

甫縋城羣兇露刃森立毅然不動從容諭禍福賊退事閑除大理司直主管經撫司機宜文字後與之平賊以昂英有贊畫功召除太學博士賜對上奏劄黃志畧曰與治同道罔不興與亂同事罔不亡善規國者之法今兩血告妖戎馬踐淮襄峴失而江陵孤三川潰而夔門危祖宗區宇將半陸沉億萬生靈重罹塗炭陛下自視今爲何時反觀行事果與治同道否邪夫勢之安危反掌易置理之當否互古不移酣嗜峻雕未或不亡此謹身之戒也陛下嘗因明禋之天變而撤樂嘗以誕節之震雷而輟燕蓋深自警省矣然縵立望幸之衆易至移人天錫飲量之洪難免過度作無益則玩物喪志營不急則宴安易懷錫賚之數無涯宮庭之費不會此冠布衣帛而卧薪嘗膽之時也愧脫替之諫周室所以中興堅覆觴之志晉元所以再造此豈甚高難行之事無法家拂士者國常亡此用人之戒也陛下選拔言官多采直聲或俾再入間由外擢其寄耳目也重矣然切於救國者疑其矯激忠於報上者謂其好名絕江而歸無復諭留之虛文與郡以出似非優待之美意儻念國所以存僅此一脈必使臺諫得以盡其言儻思強本折衝在乎衆正必使壯士得以伸其氣衛多君子國未可量

汲黯在朝淮南寢謀豈無益於人國哉亂其紀綱乃底滅亡此守法之戒也陛下非不遵先朝之成憲而干請爲撓非不欲臣下之奉命而威令漸輕給舍繳建節之濫而終莫回大臣進除擬之日而不盡用近習乘間而官府非一體旁蹊捷出而政事或多門賞罰無章功罪奚別法制不立軍伍參驕朝廷之政本未清軍國之威權幾廢自昔陵夷鮮不由此無紀綱而周之祚微有憑藉而唐之命永可不監哉四維不張國乃滅亡此厲俗之戒也陛下欲洗濯士心而意向未明欲旌宗節義而風厲未至權臣孽息褒榮加渥羣檢雖斥簡記不忘上之好惡或偏下之趨向必異平居習爲頑鈍無耻之風臨難必無仗節死義之士國何利焉尙名節而東都之祚延賤名檢而典午之禍作可不懼哉閱興亡之大無出於四者審安危之機當決於一心陛下幸跡其所以致治監其所以召亂者赫然發憤日課其事月計其功常若勅敵在前禍至無日則恢復之規模立矣文溪存上賜金酬其直尋召試館職除校書郎兼沂王府教授遷著作郎兼屯田郎官黃志首言天變狎至所以仁愛人君也人言交進所以忠愛人君也天惟不言故告戒寓於災異臣當盡言故論諫出於憂危天變不足畏人

言不足恤此王安石所以誤先朝者今災沴頻仍
言路壅遏當開心聽言以弭天變廣州人上意嚮
納會除崔與之右相辭不拜上以昂英嘗從遊俾
奉御札趣召除直秘閣知贛州與之力辭不行昂
英亦不拜贛州之命遷大宗丞擢權兵部郎中以
親老乞外便養除直秘閣福建提舉登車志澄清
貪吏望風解印去歲大荒捐俸賑貸活飢人甚眾
會崔與之薨請歸持心喪不許尋丁父艱既葬築
室墓下聚宗族子弟講學若將終身焉累召不起
理宗淳祐初杜範入相首薦爲監司以吏部郎官
召丐祠不允黃時杜範與劉侍御漢弼徐祭酒元
杰稱三賢合力薦昂英幡然曰權奸去國羣賢拔
茅此清明時也敢自佚乎狀行六年丙午赴闕奏言
陛下斥逐負國之權奸而阿匱取容者猶尸素充
位以兩吏挾扶之耄狀而協贊萬幾蓋論時相范
鍾也時丞相杜範侍御劉漢弼祭酒徐元杰相繼
暴卒人皆疑史嵩之執仇廷臣莫敢言昂英獨斥
言不避請正嵩之罪以伸三賢之冤又言陛下於
定國本猶未決去權奸猶未勇官媪閤寺猶未斥
絕是皆爲更化之累焉文溪存案上喜其直書御屏記
姓名十月擢右正言上謂宰相曰李昂英南人無
黨中外頗畏憚之除兼侍講益感知遇知無不言

首抗疏乞早正儲貳言極懇切會史嵩之服闋謀
復任昂英復奏嵩之罪浮四凶當遠竄荒裔不報
又率同列抗疏亦不報於是自再疏黃志曰臣疏嵩
之奸狀踰旬不報陛下一則曰保全大臣二則曰
保全大臣何敢不將順然事有害大禍深與國家
不兩立者嵩之包藏禍心乃誤國巨姦賊民巨蠹
一時與御史章炎黃師雍論嵩之無父無君乞寢
宮祠削官遠竄詔皆落職子祠翰林學士李韶與
從官抗疏言陛下不能正姦臣之罪其過不專在
上蓋大臣百執事不能輔天子以討有罪乞斷以
春秋之義亟賜裁處乃命嵩之以觀文殿大學士
致仕不復用廣州人疏三上語益切上爲動容卽
與嵩之官觀時執政狠復自用尹京者恃皇族日
橫力詆之上問爲誰以陳韓趙與憲對上卻其疏
昂英引上裾跪奏上怒拂衣入畱疏御榻再拜而
退有旨與在外差遣三學諸生以詩餞諸國門外
有庾嶺梅花清似玉一番香要一番寒之句歸之
日父老爭持彩幟郊迎焉除知贛州再除福建憲
又改漳州俱辭不赴時趙汝騰有三老八士之薦
三老李韶陳愷徐清叟八士昂英其一所謂國之
干將莫邪者也家食數載杜門卻掃會權帥邱迪
嘉淫刑以逞戮及無辜移書請審之不從而暴愈

甚昂英遂繳告勅留郡庫乞辯平民之冤於是全活者數百人然亦以此為姦檢所中穢閣職淳祐十二年壬子徐清叟參大政力薦之上思其賢起家除直寶謨閣江西提刑兼知贛州慨然以洗冤澤物為己任劾賊決冤滯一道肅然置平糶倉以惠飢民罷官酷聽民自釀而薄其征民以為便郡人崇像祠之諸峒負險盤據相挺為亂昂英申嚴保伍之法使相糾察且論峒會各率子弟詣臺訓治撥魯論首篇有子曰其為人也孝第一章解義以訓飭之曾豪各錄本以歸私相告諭自是革心向化無復為梗徐清叟奏其事詔以其本頒示天下使民矜式課治最陞直寶文閣理宗寶祐二年甲寅正月被召除大宗正卿赴闕兼國史編修實錄院檢討上殿一疏概論時事黃志畧曰人主心有大警悟則天下之勢不患其岌岌然此心雖微而萬世基業四海生靈關係甚大今災譴頻仍民情浸暎國用日竭犬羊益張陛下固勤勞於時艱而有可娛之具陳于前則有時而縱因焦勞于外懼無可駭之言接于聽則有時而忘所以為累者必有由矣孟軻謂國之危由交征利滅孫達謂官之敗由寵賂章如聞北司竊弄勢權掖庭憑寵干請脩內司之獻助取兩浙之上陳文昌八座處恩澤

之庸瑣郡國麾節多戚屬之膏粱世當承平猶不宜有今何如時哉歐陽脩曰枉費財物利悉歸眾中外譏議則陛下自受朱熹曰有私用而後有私人有私人而後有私財二臣之言似為今日發願陛下潛消外患無以樂玩憂時賈似道執政閱妃丁大全表裏用事故也既奏左右皆側目上有西太乙之幸又抗疏諫曰方四郊多壘正卧薪嘗膽時湖山在目似涉遊觀道路頗遙駕還必暮意料之外事非一端廣州人上嘉納除兼侍講時皇子忠王禮行冠禮進太常卿贊禮成除右史遷左史兼權吏部右侍郎尋擢龍圖閣待制吏部侍郎加中大夫封番禺開國男食邑三百戶屬董盧二巨閹竊弄威福御史洪天錫累疏攻之不行乃直前敷奏疏入不報又再疏曰邇來北司專恣日甚一日它人不敢言而天錫獨言之俄解言職以去中外莫不駭愕始天錫登朝臣實為之如不行其言乞與俱貶畱疏拜辭遂與御史俱出國門時人咸惜其去時軍國多務有詔除端明殿學士僉樞密院事辭不赴上屢有大用意竟為檢雙尼焉自寶祐三年乙卯歸澹然無復仕進意家文溪之上因以自號上嘗賜其所居扁曰久遠曰文溪曰嚮陽堂五年丁巳秋忽一夕大星隕舍東閭城駭觀後

數日昂英卒年五十有七諡忠簡昂英天性勁直
議論高邁其文簡而有法婉而成章一時同館名
流如江萬里文天祥皆推服之平居溫然接物寬
而有容至於臨大節處大難毅不可奪雖鼎鑊在
前不懼也理宗景定三年轉運使洪天錫因邦人
之請祠于海珠山度宗咸淳九年士人又請于郡
與菊坡合祠既毀遂附郡庠之仰高祠明巡按御
史陳言復祠之于海珠所著有文溪存彙二十卷
行於世黃志三子志道字立翁號漁灣少儻穎以春
秋領理宗淳祐九年己酉鄉薦理宗寶祐元年成
進士時上御明德殿再試稱旨除授京邸教授賜
紫金魚袋造育有法士林宗之明年父昂英起爲
大宗正引嫌乞外職改調浙江僉憲參幹諸軍事
志道嚴部伍時簡閱一意寬刑養重一道稱平五
年丁巳丁外艱歸服闋起補都憲御史專理糧餉
未幾丁祖母艱去度宗咸淳三年丁卯召入爲朝
散大夫直寶謨閣廣南東路經畧安撫司提點刑
獄節制兵馬兼屯田使尙書工部侍郎時值國步
多艱強敵在外賈似道專政權傾人主志道屢疏
乞歸不許德祐元年乙亥以疾乞閒得歸田里端
宗立航海南奔元兵侵逼志道糾練鄉勇躬督戰
於潮州上粟十萬石餽送餉軍三月益兵三千餘

人帝重其忠賞給番禺南海新會東莞香山各縣
田地約八千餘頃端宗崩帝昺立與元人戰於厓
山師潰宋亡志道大哭奉大行主於家嚮陽堂率
子弟宗戚鄉人朝夕哀奠未幾憤鬱而卒廣州志
謹案行實行狀公家文溪之上因以自號
然志無文溪之名惟城北之外曰行文溪
源出白雲簾泉十道至番禺北津水流入
金鍾塘分上下塘今名廉平水城內番禺
治西南長塘街北口有小橋卽古文溪橋
公所建豈古時北門水入城直至于此而
公家于此耶橋曰文溪橋橋以公名抑公
以橋號也
陳應辰東莞人領嘉定十二年己卯鄉薦爲人謙
和舉動不妄少時從師獨處一室夜半讀書忽有
隣女越垣潛至應辰呼蒼頭明燈兀坐女慚而退
黎明卽遷於他室居邑之紹興橋與翟旦爲比隣
有以屋前之田來售者將立券應辰曰此田跨吾
二家之門吾全售則不便於翟遂與翟分售之且
割田之當翟門者與翟而自取其兩傍磽瘠者其
厚德多此類也兩請嘉定貢舉就恩出仕初任南
恩司法將之任適廣帥方大琮舉行鄉飲請充大
賓次年再行鄉飲議請大賓以一時齒德無踰應

長者復傳檄自南恩來行禮再任龍川丞滿歸邑
宰揭師愿亦久侯大賓請應辰行鄉飲于學後改
連州推官兼署僉判時綱運積歲額欠官吏每預
索於民甚苦之應辰在官五年以已俸補宿逋
綱運得如故而民不擾連守陳中孚嘉其績申聞
于朝改遷通直郎致仕家居作清溝亭延師訓子
孫年八十餘卒郡人多以詩哭之遷覺陳大震有
日海濱推老大粹行比珩璜邑尉黃猶有日遷屋
避嫌明暗漏買田分券便比隣皆紀其實也黃志

謹案東莞志應辰鄉貢選舉作嘉定三年
庚午黃志選舉表作四年都魁又云特奏
進士在嘉定前孝宗淳熙八年疑有誤宋
仁宗嘉祐三年庚子鄉貢特奏進士另有

一陳應辰官長史見黃志潮州府志選舉
錢益東莞人刻苦讀書登理宗淳祐元年進士第
性剛介不可干以私執親喪三年居廬足迹不入
寢室既禫富免解赴省或謂之曰至試期則服除
矣益曰舍喪次而行不能步也乃遲三年赴省試
中第次子夢驥生於除服次年竟能世科人以爲
孝之報歷廉州鹽官在任五年所得常費不歸之
私皆以補綱運之力經畫鹽局事宜不擾而辦自
著睦局徵勞一帙鹽司聞其政績于朝再調靖江

府僉判適己未幹復之變府閉城門官多遁益徑
赴任謁靖江府帥李曾伯曰吾儕食君之祿宜勉
力共守可先去以爲民望乎李甚義之秩滿授知
贛州興國縣時峒寇頻年剽掠益至即申郡請兵
親帥鄉兵併力勦捕掃其巢穴興國縣廳有碑記
紀其功益盡心獄訟甚有德政民呼曰錢佛子終
靖江府通判黃志

郭開字開先番禺人治書三預計借衰然爲首柳
南廬方春柄文衡得其文驚異以爲乾淳而後復
見此作登理宗淳祐甲辰進士第調真陽尉再調
鬱林學官擢知高要縣有政聲秩滿授梅州僉判
改秩宰平江尋擢監察御史知無不言糾正奸邪
不避權要其所彈擊公論莫不快焉初廣州置買
銀場本與商舟爲市後從而征之歲久弊滋吏緣
爲奸征及民戶租米民甚苦之又提舉鹽司以鹽
科配民戶價多而鹽少深山窮谷罹其害者不少
二事皆害民之尤者聞條奏上聞得旨俱罷民以
爲快作感恩齋以報之汀贛丁壯往來潮惠循梅
境以販鬻爲事理宗紹定間公征權激閩合江閩
兵乃克靖亂朝旨免權四州鹽職此之由繼又權
之悍民遂相挺爲盜聞又奏罷之又奏選廉恕以
宣德意斥貪繆以幸天下遷右正言首陳聽言容

言之道以廣上心又言士大夫奔競成習狂躁成性營求薦引直欲一蹴而造班行至於寬縱盜賊殘暴良善忍使盜賊感恩而民負怨是忍於負國負民而不忍負盜賊又言今天下之患莫甚於上下不相應易帥閫拔偏裨旌死節誠方今急務而應令者率文具緩急恐難倚伏乞選朝臣出使審核虛實庶幾募兵督餉不敢為欺時禁廷臣莫得預知兵事閫乃言臣居言責天下事皆當預聞况邊庭之大者哉於是兵糧實數皆關白諫院閫自官臺諫悉心憂國形神日耗循至病革所言皆軍國大事不及其私卒年六十六閫素清潔家無餘財屬纊之日幾無以斂上嗟悼之贈恤特厚廣人德之以閫與蒨妓文溪合祠久廢遂列于仰高祠

廣州人

李用字叔大東莞人少孤事母極孝愛盡禮雖盛暑侍母側未嘗去巾幘初業科舉及讀周程諸書即弃之杜門潛心理學非親友婚祭不出如是者將三十年而踐履日熟士之從學者館無虛日自號竹隱人稱曰竹隱先生李昂英聞其賢就見之與語終日未嘗有懈容昂英出語人曰吾今乃見有道君子嘗著論語解究明伊洛奧旨以溯洙泗之源學者傳習之昂英進其書於朝詔授校書郎

用曰著書豈為干祿計哉不受而歸又遷承務郎以旌其高安貧樂道無所求於世卒年八十一所著論語解梓行天下廣東提刑周梅叟後奏于理宗特賜竹隱精舍匾度宗咸淳中廣東提刑劉叔子命祠于邑學有子三人各通一經能世其業長春叟最知名次得朋官至法曹季松叟有文聲早卒

黃志

謹案東莞志云李用當宋末使其婿熊飛起兵勤王而身浮海至日本以詩書教授日本人多被其化稱曰夫子比死以鼓吹一部送喪返里至今莞人送喪皆用日本鼓吹號過洋樂樂人皆倭衣倭帽以象之李春叟字子先用之子蚤穎悟邑宰許巨川見而異之勉其遠遊從師遂謁桂陽林思齊陳翊陸鵬升授春秋又以諸經參訂於公巖壽虛方春周梅叟諸人如趙順孫陳存盧錢呂直之皆其友也理宗寶祐四年丙辰省試中選以誤寫謹對黜理宗開慶元年己未試入選奏號之夕宰相上言西廣有邊擾宜優省試一名以收人心春叟厄於數竟為易置廷紳深惜其才交薦入仕乃授惠州司戶有賢能聲理宗景定間廣東提刑楊允恭狀奏

廣州人傳曰臣念嶺海之東素號多賢自崔清獻之力

辭相任高風逸韻聞者興起比年恬退清修之士
 蓋多有之臣得于所聞之真者有迪功郎李春與
 刻苦窮經清嚴自守已兩試南省俱中前列厄於
 勢要竟就特奏之選春與處之怡然無愠開嘗攝
 職則確守公廉及其退居則安貧授徒未嘗汲汲
 于祿仕可謂經明行修者也乞賜獎拔以厲浮競
 之俗世道幸甚黃志得旨除肇慶府司理嘗辯冤獄
 當路不從即投告身于廬請歸竟得白郡守劉叔
 子歎服尋除德慶教授秩滿而歸絕意仕進乃上
 書察院郭問條陳銀場鹽局之不便於民者語在
 閭傳暇日著論語書以補先志所未及大抵撮晦
 菴要語為之又摘其元微者為詩使學者詠諷自
 得號詠歸集家居以經學訓後生嶺海名士多出
 其門文風益盛朝廷敬其名除軍器大監辭不就
 賜號梅外處士宋末邑人熊飛勤王潰歸駐兵于
 邑時邑之士民多逃竄遠鄉者飛揭榜限三日回
 家否則發兵戮之春與號哭諫飛飛乃止時羣雄
 四起乘時剽掠以春與故多不忍犯邑人賴以免
 元世祖至元十三年丁丑元兵至廣欲遣兵勦東
 莞春與扁舟往謁其帥以死爭邑人德之繪像祀
 于竹隱祠號二先生祠元初分司李僉事延春與
 邑學禮以賓師公暇即造問政隱居養高年八十

卒諸子多文藝可觀曰同文者嘗著易說為邑令
 掾初春與之衛鄉里也邑人同時有功者有翟龔
 趙必瑛張元吉登辰之屬廣州人
 趙必瑛字玉淵號秋曉東莞人漢安懿王裔也度
 宗咸淳元年乙丑進士父崇誦同科喬梓聯登侈
 為盛事黃志崇誦性恬淡任南安軍司戶參軍卓著
 賢聲尋日父子竊祿是取盈于造物也解組歸東志
 必瑛初任高要簿尉郡檄署四會縣事有異政
 民為立生祠再任高康丞黃志惠州守文璧
 辟為郡從事丞相天祥璧之兄也集兵勤王必瑛
 往謁相與論時事必瑛慷慨泣下天祥重之後察
 璧無堅守意即歸適熊飛駐兵于邑欲盡括稅戶
 財穀以充軍需人情恟恟必瑛恐為變請於飛願
 以已資錢三千緡米五百石以贍供餉使減稅戶
 需擾飛從之即委必瑛董其事必瑛隨其家各寬
 征之人感其義廣州人復語飛日聞王師駐海上
 欲遣趙潛方與安撫東廣莫若用宋號通趙方二
 使尊宋主然後舉兵事成則可興復不成亦足垂
 不朽飛然之即日署宋植號舉兵向城遂迎潛與
 入廣時天祥開督府于潮惠志辟必瑛為朝散郎
 僉書惠州軍事判官兼知錄事相與殫謀恢復而
 勢已不支矣宋亡以象州儒學教授歸隱東莞之

温塘以詩酒自娛足跡不入城郭嘗題其室曰詩人只合住茅屋天下未嘗無菜羹其所養可知矣元世祖至元三十一年甲午卒壽不踰五十平生慷慨仗義樂周人之急至臨大事以身任而不辭云粵大有覆瓿集行世祀鄉賢明宏治中進士壁志官副使有能聲其後也

翟卷石號于介東莞人祖顯由進士任南雄知州卷石登嘉定己巳進士任瀧水判簿以忠孝風節勵俗時遇瑶賊作亂擾及瀧水卷石不畏險阻單騎詣瑶營宣朝廷德意撫降之鄰郡賴以安堵時白司空出按嶺南聞其事大書廉勤忠勇四字遺之疏表其績瀧俗初不知學卷石盡捐俸館延師立塾教孝弟文章督課殊無虛日俗爲之變志

張元吉者系出張九臯之後曾祖淑有篤行家邇城市然足跡未嘗造公府夜出聞窮簷歎息聲卽委金戶下而去不使知之父光濟漕貢進士元吉當宋末爲邑尉元旣降德祐帝使招討使黃世雄梁雄飛入廣邑丞呂立遣元吉以全邑戶計入廣歸附世雄委元吉攝尉既而宋制遣使趙潛舉義元吉卽從之潛使之同熊飛捍禦南雄飛戰死于韶元吉仍歸攝尉後元張宏範率兵自惠將至邑人驚遁元吉使其弟登辰整家貲賂之元兵由是

不犯邑境登辰善屬文有器識舉咸淳癸酉鄉貢試南省歸慨然語人曰權臣酣豢湖山昏蔽主聽襄樊受兵六年乞援不報方且歌舞太平粉飾文治時事可知已說邑宰爲保障計及張洪範兵至邑民奔竄登辰毅然請行齎白金千兩晝伏夜行抵惠州行營請紓邑難宏範喜遂戒兵無得犯東莞邑人德之後登辰攝縣丞時帥府欲增東莞稅額登辰力爭得免入元邑稅得仍舊規登辰之力也登辰子惟寅亦力學有才譽元初因南漢媚川都之舊役民採珠不勝其害惟寅上採珠不便狀竟得罷採邑民至今德之元吉登辰死時邑民大作緇黃以報德李春叟爲詩慟哭之祀鄉賢黃志

陳庚字南金東莞人父益新博通羣書尤邃性理之學補貢不就遂隱東湖之上邑人尊之曰東湖先生庚其長子以書經權成淳甲子甲子爲理宗景定五年也十月庚宗始卽位其明年乙丑乃咸淳元年鄉貢進士南省罷歸無復求仕志日肆力詩古文所論著明暢沉蔚有歐曾風經畧劉寶奇庚才辟置之幕府無何以世亂歸廣隱居東湖研心道德性命之學學者多師之邑人亦尊之曰月橋先生邑宰嘗延以爲儒師造門問政嘗修寶安志人咸稱其有史才年七十九卒郭應木表其墓曰生爲一邑之儒宗沒爲一鄉之

善士可謂有德君子矣弟紀字景元以周禮領度宗咸淳九年癸酉鄉薦宋季與庚皆退隱于家以賦詠自娛尤工小詞有周美成康伯可風韻有越吟斐稿傳于時號淡軒先生

劉褒然字舉之番禺水東人今隸從化幼英穎性端謹

同邑梁惟中善品藻見而嘆異曰是必以學行顯

以女弟妻之度宗咸淳四年戊辰登進士一甲第

三人筮仕文林郎韶州軍事判官考最進承直郎

差提領豐儲倉所檢察官恭帝即位諭銓部曰史

館經筵之屬本無定員然其選最重比選頗雜而

史局遂輕乃擇文學清敏者入為史屬恭帝德祐

二年春褒然遂改史館檢閱尋進承議郎行大常

丞兼權翰林權直學士時蒙古入境國瀕于亡在

外則牧守叛降在朝則百官奔散帝禁之不能止

褒然守死不去降敕特授褒然朝奉郎以旌其忠

無何以憂憤卒于行在聞者悼之惟中後仕元為

京縣尹亦有政譽廣州人褒然諡忠毅其子孫析

居從化者至今仕宦不絕審理格檢討克正通判

克修皆其後云

番禺志謹案劉氏家乘實祖居番禺慕德里巷羅

岡其後遷于南海之亭岡褒然在宋末自

為番禺人黃志以為今從化者以其墓在

今從化界之水東堡耶柳言其後有析居于從化者所謂袁村房明時審理劉格及其子克正等皆以褒然為祖遂曰今從化人不可不辨

張鎮孫番禺人郝志順德志云南海喜浦人今屬順德少攻苦讀書

博學強記治易直郡庠有司試其文異之度宗咸

淳七年辛未舉進士廷對為天下第一先是童謠

曰河南人見面廣州狀元見河南謂州前大江所

面鄉落也有司因構見面亭以埃之文溪李昂英

未達時讀書海珠以大魁自期嘗與同志數人結

龍頭會有夢彎長弓射江江為竭者昂英占之曰

應是識者其張氏子乎鎮孫時方弱齡謂同舍生

曰安知非僕聞者姍笑之至是果為狀元其年大

江忽竭往來相通企望能辨眉目人始悟所謂見

面之說其所對制策切直調暢時度宗畱意機祥

所言觀瑞芝迎霞光實事也皆人所難言丞相賈

似道欲市恩乃日子乃似道啓上所擢也省試當

作元惜相遇晚耳鎮孫不謝例使判局取賧錢又

寡取之人服其不阿除秘書監正字遷校書郎尋

通判婺州迎養其父母德祐元年元兵至百官奔

散鎮孫遂奉二親歸廣臺章劾其間兵逃遁詔罷

鎮孫職二年宰執吳堅賈餘慶家鉉翁等以皇太

后命舉國以降眾立益王昱是為端宗皇帝航海幸閩廣間廣州海上潰軍奉鎮孫為帥鎮孫與都統凌震結集行伍分東西二路誓圖恢復景炎元年丙子十二月帝舟次于惠州之甲子門詔以鎮孫為龍圖閣待制廣東制置使兼經畧安撫使委以軍事將校盧震擁眾暴橫鎮孫數其罪戮之以示眾由是將士用命兵威相振元會帥呂師夔張榮實已入廣州聞鎮孫至以軍餉不繼退走使其將梁雄飛守之二年四月帝舟次於廣之官富場鎮孫復廣州逐元梁雄飛雄飛等走韶州有詔褒賞親知多以啓賀鎮孫有憂色皆不裁答十一月元會右丞塔出會師夔復入合攻廣州鎮孫欲為守禦計而力不支城陷舊崖山志明年二月師夔退師以鎮孫歸于燕鎮孫遂道死于大庾嶺時陳仲微紀海上事大書鎮孫死節董師謙亦書其死節惜無有表白之者而史乃以降書毋亦董狐責盾之義也瓊臺會稿

謹案張氏族譜載一世祖元貴原西蜀潼川遂寧人舉孝廉授南海縣知政誥贈宣義郎居官廉平擢運同知權知軍州事致仕卜居城南太平門內泰通里子二長機次權機字長機歲進士授雷州訓導居官

亦清正生子三長翺泰次翔泰季仕能翔泰字南仲抗志高邁肆力詩酒著有詩文集詩易疏解諸書行世即鎮孫之父也鎮孫字鼎卿號粵溪其母夢日入懷而孕產時室中聞鐘鼓音又有異香經日不散八歲就外傳一目成誦十二讀破萬卷有神童稱十五遂冠諸生成淳庚午鄉試第五人聯捷進士死節後門人王元甲奉柩歸葬永泰里與平庄南嶺南仲公墓下有見面亭集十六卷并四書析義名臣言行錄行世禧涌張氏實張茵孫之後茵孫乃張權之孫張天紀長子娶于禧涌陳氏因宋亂始遷居焉

陳大震字希聲番禺人理宗寶祐癸丑進士釋褐為博羅主簿陞循州長樂令以文辭敏捷政事實厚稱轉蘄州廣濟令以平盜功改奉議郎參靜江帥府度宗咸淳七年權知雷州慮西湖湮廢乃大築堤岸建平湖書院以祀寇準二蘇造石井闌以護井之當道者泉得不竭民德之有婦人與夫殺養母以賊訴者大震怪其詞色密察之果非盜一問遂服州人以爲神在郡二年判語數百人刻之號遠翁山判轉朝奉大夫以倅陞守全州元兵至

誓與城存亡而力不支遂歸番禺自劾罷端宗人
廣召為尙書吏部侍郎不就宋亡至元辛巳有詔
甄錄舊臣宣授司農卿廣東儒學提舉避貫請開
居從之自號遠覺先生立靈位以待死日與常所
往來者飲酒賦詩曰吾可以下見穆陵矣卒年八
十大震性剛正平生御子孫嚴而有禮不冠不見
性樂山林附郭有亭榭皆樸陋僅庇風雨天色晴
美則籃輿徧賞好事者多從之遊雖老讀書不釋
卷為文典雅有集數十卷今不存廣州人

謹案此傳亦見增城志謂其雖以番禺籍
舉進士而子孫實家於增城云

王道夫番禺人少從陳大震遊苦志力學登咸淳
四年進士仕連山尉有保民歐寇功度宗寵以御
札兼有金注碗盤之賜由是才畧知名張鎮孫
敗後凌震得脫收集散亡得數千人倚文天祥諸
軍為聲援時大震暨道夫皆家居端宗召大震為
尙書吏部侍郎道夫權兵部侍郎兼轉運判官大
震固辭不就道夫拜命與凌震各將兵相為犄角
景炎二年三月文天祥復惠州道夫與震謀曰文
公既克復疆土吾等乘此聲勢可大舉成功事機
不可失也震從之時呂師夔退兵與道夫帥師擣
其虛遂復廣州城詔褒諭之有敬於事上忠於謀

國綏性純誠深用咨歎之獎以震為廣東制置使
道夫拜兵部侍郎廣東轉運使是年四月端宗崩
衛王即位改元祥興加道夫學士兼兵部尙書十
月元將李恆襲廣州力戰不利閏十一月庚戌道
夫遁壬戌震遁癸亥元人復陷廣州獲船三百艘
禽將吏宋邁以下二百人以去於是二人會兵圖
再舉十二月壬午道夫引兵先往取廣州與李恆
兵戰大敗為元人所執凌震繼至亦敗退戰于城
東菱塘又敗明年二月李恆與張宏範合攻厓山
震解甲降宋亡之後道夫不知所終廣州人
阮與子香山人天性純篤讀書通大義早喪母事
父元輔盡孝德祐二年丙子五月父病劇旦夕稽
顙北辰願以身代迺封股和藥以進父瘳續志云
以瘳病為之瘳鄉里異之以其事達于有司
經畧使徐直諒賚以二帛號所居為孝行坊將以
上聞會師旅不果居五年父沒哀毀踰禮黃志
石文光增城人少以知勇稱宋端宗景炎丙子元
兵下廣宋二王航海丁丑十二月舟次謝女峽命
丞相陳宜中往占城借兵時文光從行密察宜中
無還意遂率所部兵船數十艘回廣黃志時盜蜂起
民賴其捍禦之功既沒立廟號為石神一統志
馬南寶香山人家饒財能讀書好義尤工詩宋景

炎二年十月作九月端宗自潮州之淺灣航海避

敵過邑境南寶獻粟千石作萬石以餉軍端宗勅

獎之召拜權工部侍郎時帝舟為元師所迫十一

月丞相陳宜中少傅張世傑殿前指揮使蘇劉義

奉帝幸沙衝暫宮于南寶家南寶竭力保衛帝躬

勞瘁備至元人無知者居數日元兵陷廣州諸將

召募潮居里民數百以行南寶謂諸將曰功成之

日當以奉迎孝恭懿聖皇帝為先因飲諸將酒曰

痛飲黃龍府在此行也遂歌岳武穆直禱長驅之

句以相風勵慷慨激烈聞者莫不壯之帝舟將復

駐淺灣未至元將哈刺歹及宣府梁雄飛招討王

天祿等來襲世傑等與戰于香山島敗績將士被

執甚眾陳宜中所統眾尚數千人舟八百艘走秀

山即東莞中流大風壞舟眾多溺死宜中僅以身

免十二月張世傑奉帝舟退保秀山尋次于井澳

丙子颶風大作舟敗幾溺帝遂得驚悸疾旬餘諸

兵士稍稍來集死者十四五元將劉深復襲井澳

世傑力戰却之時帝奔謝女峽即仙女澳亦在香

星祥方輿紀要所謂陳宜中欲奉帝走占城乃先

往諭意遂逃去南寶聞之慟哭曰丞相必不返國

事危矣後果然景炎三年春都統凌震復廣州南

寶賦詩志喜時帝舟次于化之碗洲疾大作四月

帝崩衛王昺即位走厓山張世傑等從之而會淵

子充山陵使奉帝遺殯南寶家偽為梓宮出葬南

壽星塘五處其實永福陵在厓山也南寶方赴

厓山會阻病且夕諳語未嘗忘也宋亡逃匿不降

黃嘗作詩有日日擊厓門天地改寸心難與夜潮

消又日眾星耿耿滄溟底恨不同歸一少微聞者

哀之廣東名勝記相傳端宗臨幸時丹荔方熟常摘一

枝其後經摘處風味獨殊人以為異勝記已而

元兵欲屠潮居里人為南寶危之而南寶恬不為

動後聞陳宜中奉帝昺猶在占城元主忽必烈下

令捕之於是招討使黎德梁起莘與南寶起兵運

糧往迎車駕元萬戶王守信諭起莘歸降起莘奔

還馮村德與南寶討其叛兵大敗南寶被執不屈

死之起莘遂仕元至都元帥黃

黃俊南海人沉重有謀未末為摧鋒軍將性剛毅

不能隨時俯仰見上官指畫兵事語纒纒不少休

每所主持堅不回或沮之而卒如所言由是知名

德祐二年元兵陷臨安廣東經略使徐直諫遣人

赴隆興納款元阿里海牙呂師夔亦來徇廣州未

幾益王即位直諫乃遣權提刑邵人李性道領摧

鋒軍及水軍往拒元所遣將黃世雄等摧鋒軍後

與陳寶為之將水軍則謝賢為將兵號二萬後察

實賢無忠憤心會晤間每日奇男子當斬敵取侯
 王勿噤噤作兒女憐韓世忠岳武穆吾等儕也至
 石門遙望敵騎擁山塞川性道大恐俊進曰俊觀
 敵眾部伍未整分兵為兩翼登途遶其後擊之可
 以得志性道不從艘舟岍泝不戰既而敵結陣成
 列鼓噪而前俊奮身大呼率眾迎敵力戰實等退
 縮不為之援遂敗奔還直諒聞之宵遁元黃世雄
 等遂陷廣州授性道實賢官俊拒不受實賢等共
 殺俊俊慢罵不絕口而死東莞熊飛先為世雄守
 惠潮二州閩制置使趙潛集義勇討世雄等飛即
 應潛世雄度不可守乃出走飛兵至瓊州性道出
 迎謁飛執之後十日潛與轉運副使趙淇至次日
 安撫方興至索陳實謝賢告俊斬之并戮性道廣
 人萬口稱快廣人憐俊忠共厚葬之彭森撰 黃俊傳
 伍隆起新會人今隸 新寧三世事宋高祖珉高宗朝為
 嶺南第十三將守南恩州卒於官子朝凱擇新會
 之文章里居焉生子之才仕至陽春尉之才生天
 麟官至龍井場提幹天麟生隆起值宋季世帝昺
 舟次厓山隆起以祖父三世受祿于宋非死不能
 報于是率鄉民為義兵捍衛且貢米七百石粵大 石 記作
 七千 先是元帥張宏範已入廣州民咸附之隆起
 力戰累日不沮潛為其下謝文子所殺以其首隆

元丞相陸秀夫遣人收遺骸以木刻首葬於文逕
 口山在新寧城 東南八里後秀夫募得文子戮之祭隆起之
 墓故今人猶名其墳為釘頭墳村為釘頭村云山 厓
 志 大忠祠成祀隆起于東廡題曰宋義士贈州判
 伍隆起位蓋當時所贈官也廣州人 物傳
 熊飛東莞樞花村人有武畧善騎射李用之塔景
 炎元年六月元軍入廣州飛起兵勤王聞文丞相
 天祥經畧江西將往隸焉為元將黃世雄所扼飛
 陽為元人守潮惠世雄疑之謀殺飛飛以舟師遁
 還東莞舉兵應趙潛世雄遣其將姚文虎追之至
 樞花村飛勒陣斬之盡殲其軍九月制置使趙潛
 至飛以兵應之攻梁雄飛于廣州世雄懼拉雄飛
 等出走飛遂復韶州新會令曾逢龍亦率兵至廣
 州降元通判李性道出迎飛與逢龍數其罪而誅
 之潛遂入廣州飛以性道逆節甚明乃沒性道家
 焚其居是年景炎改元之六月也元將呂師夔張
 榮等將兵度梅嶺十月潛遣飛與逢龍禦之于南
 雄尋使將校劉自立守韶州逢龍戰死飛退保韶
 州元軍師夔等圍之飛晝夜督兵登陣且守且戰
 守將劉自立以城降飛巷戰敗績赴水死所居銅
 嶺去城十里有塔曰樞花塔飛起兵時與元兵大
 戰處每陰雨猶聞金鼓之聲塔左為花溪右為銀

碧有巨石四飛自刻花溪銀塘四大字亂之復整
人以為神黃志同時許之鑑者城西人集兵赴義櫛
花之戰鑑功為多飛死鑑走從文天祥於汀州力
戰五坡嶺被執不屈死舊廣州志
翟龔東莞人父景先登理宗淳祐元年辛丑進士
官僉判世有行誼龔性孝友海寇猝至躬負親走
山麓間榛險不避嘗割田供大宗祀事與族人共
之郭志景定二年以書經領鄉薦咸淳二年再舉都
魁官本邑主簿宋末元兵壓境人民逃潰熊飛欲
盡括稅戶佐儲胥龔怒然曰天未厭禍民靡幾斃
柰何更益以瘳力諫止捐資倡助軍費以甦之是
時元兵所過恣屠戮羣情駭愕龔與李春史趙必
璪張元吉締謀決策竭力完守綏輯撫循宋亡悲
憤杜門不出建樓貯書以延文學名曰聚秀書院
學者稱遜菴先生廣州人物傳龔卒祀鄉賢東莞志
黎宿東莞人先世本贛州宋季知雷州獻臣者徙
惠州博羅之白沙有政譽宿其裔孫也始自白沙
徙居東莞之黃涌敦行禮義鄉人化之封股以愈
親疾宋朝旌其門曰孝義署其里曰德本若祠堂
義塾之建實自宿始後來子孫多以儒名家黃志
區適子黃志黃志俱作區適無子字誤字正叔南海人幼爽邁通
經史能文辭及長重厚寡言笑以博學多聞稱里

人慕之多造門求講從遊者數百人所居地舊名
龍州而適子號登洲鄉閭稱為登洲先生因更其
地為登洲鄉適子父璵字良玉仕宋為德慶參軍
居官廉介有聲從父翊龍官至朝散郎世食宋祿
適子以宦家子抱道不仕家素饒于財嘗遇歲大
饑出粟四千餘石一作四百石為粥以飼貧民鄉里皆
感其德郭志粵大記順德志五山志林優游里閭
嘉遜終身元末兵革倣擾羣盜過其墓此魯相
戒曰勿犯此吾施粥主人也有詩文若干卷京口
劉與子序之曰翁德人也子始以文士目之不亦
淺乎又曰扶胥之南越臺之下豈復有斯人哉故
老相傳今訓蒙三字經適子所撰也文殊馴雅童
子多習誦之黃志同邑有何子達者尚志讀書宋末
隱遁山林間號柏堂元初以明經舉不出年百有
一歲舊德志又增城有葉野舟者亦宋元間隱君子
也博學窮經著有四書闕疑宋季有薦之為學職
固辭不就增城志
趙東山東莞人系出濮邸博學能詩性高古不諧
流俗遇談勝國事則掉耳不聞嘗登鳳凰臺以舒
懷抱其志行汗漫視世間事無足當其意數來亭
頭遊法性寺海月巖每登高瞻望匡山之雲則悲
歌慷慨涕泗潛焉粵大逢佳山水詩成刻于石其

題海月巖詩二首石刻猶存野仙則其自號云

邑中有何文季字子友者亦慷慨敦節義嘗相與吟

詠以寓黍離之悲郭志從李昂英遊仕宋季後棄官

歸厓門之變慟哭成疾臨卒戒子孫不得復仕所

著有蘭齋集東莞舊志

李肖龍字叔膺增城人天資幼悟未弱冠為經義

文辭迥出儔輩父光發黃志寶祐元年進士除英德

浚沈主簿遷潮州通判擢通直郎增城志嘗歎曰吾

白首場屋晚科入仕非吾志也汝其勉之以光吾

門益力學遂登度宗咸淳七年辛未進士第初調

贛州司戶舊入稅糧多私其贏餘肖龍一無所受

尋改循州興寧簿攝長樂縣事邑多大戶凌小民

以取富肖龍至首重其罰立團保之法使鄉隅各

自為兵人皆相識無敢為盜者又禁邪巫正婚娶

勸學校課農桑一境安之後徐太社司令累遷朝

議大夫至元中為增江提學時經兵燹後學宮鞠

為榛莽增城民鄭聰老富而好施肖龍以義說之

聰老竟讓其宅為學又捐貲立鄉賢祠祠古成之

而下費舍以次而舉絃誦藹然矣暇日編輯崔清

獻言行錄以傳論者謹之性剛急嘗製漆牌繫于

肘為銘以自戒曰怒如炎火焚燎自傷觸來勿競

事過清涼蓋有得于古人韋弦之義云廣州人著

有易傳五教編見聞錄等書增城志

謹案宋理宗景定五年甲子已為元世祖

至元元年度宗咸淳元年乙丑即至元之

二年宋帝昀德祐元年乙亥即至元十二

年端宗益王昀之景炎元年丙子即至元

十三年宋帝昀祥興元年戊寅即至元十

五年帝昀于祥興二年己卯二月溺即至

元十六年也李肖龍仕于度宗辛未以後

已在至元年間今言至元中為增江提學

似應仍為宋臣非元臣據增城志云入元

遂不仕句可知矣戴璟通志列肖龍入元

未當黃佐作廣州人物傳既為表章之及

作通志又闕其傳于元臣盧宗文傳附記

鄭聰老不及肖龍其意亦有所惑歟

廖金鳳字叔祥增城功武人今增城志母何氏夢彩鳳

入懷而生故名增城志居鄉能調窮恤匱宋理宗端

平間廣州變招集義兵守護縣治事平有司以聞

朝廷將官之而金鳳已卒乃贈太尉太尉官至尊

而金鳳得贈蓋傳疑之最不可曉者廣州人正統

己巳劇賊圍廣州或三司登城相向涕泣而已李

德彰守龍江唐壁為佛山民畫策而賊不敢近父

老至今猶能道之其亦廖太尉之儔哉黃志金鳳登

理宗開慶元年己未進士初授增城尹有惠政憲宗舉兵南伐嶺海騷動鄰境賊魁劫鄉邑鳳募勇士歸附軍聲大震賊畏遁去有司以勞績聞于藩府即檄守長沙時國事多艱召募忠義以圖恢復鳳首應詔著績遂有太尉之命階銀青光祿大夫賞資優渥復詔褒諭未幾引年乞歸後因元兵入閩宰臣張世傑挾衛王駐崖山時鳳守梅關即率所部勤王崖山民賴以安立祠祀之宋亡歸隱西林娛情山水生平敦尚儉樸孝友好施撫卒愛民仁而且忠璽書褒資即賦歸高卧蓋衣冠巢許者也崇祀鄉賢祠龍門志

謹案龍門志與增城志互異未知孰是且各志選舉宋開慶元年進士並無金鳳之名俟考

梁百揆字宗盛番禺人今隸順德父仲欽博究羣書尤遠性命之學以真知實踐為事真西山志其墓稱為純儒百揆少謹厚苦志力學登嘉泰四年甲子省元嘉定十年丁丑進士初授從事郎大學錄晉符璽郎歷奉議大夫立朝侃侃雖職非言路而屢疏條議國政與族人文奎該詡輩皆以直諫忤時未幾史彌遠矯詔廢立遂引疾乞休退隱禺山闕異端彰聖學有功名教學者稱為端懿先生番禺元廣

州鄉賢傳理宗淳祐六年丙午卒葬葛麓山明海瑞志其墓祀郡邑鄉賢子孫分居南順多以德業顯焉番禺志

謹案梁廷佐廣州貞烈傳宋禺山書院在省城城隍廟西鄰百揆嘗講學于此明海瑞亦讀書其中且為百揆追表其墓瑞卒郡人並祀二先生於院內後改為武帝廟而浮屠人居之梁海二公位則已無存邑人薛起蛟陳恭尹嘗捐貲修其子孫廢宅復改祀于番山書院

陳息卿據載志黃志選舉咸淳十年甲戌進士作陳息無籍字大震從于云字鵬圖其先汴梁人以祖鐸為宋承事郎欽宗靖康末扈蹕于杭遂入廣家于番禺增城之間按息卿既為番禺人後遷增城息卿登度宗咸淳十年甲戌黃龍澤榜進士授登仕郎歷僉書清海軍副使所至有廉聲惠政士民愛之刻像歲時祀焉息卿端方為世所推服取予不苟世有顯德祖夢龍知鬱林郡父炎震知建康府糧料院侍郎大震其諸父也同登進士列顯秩一時榮之裔孫道明太僕寺卿大章刑部尚書堂光祿卿番禺元廣州鄉賢傳謹案番禺志雖無傳然息卿墓則云在陳家村且志選舉云息卿沙村人

羅鑄夫順德人時屬南海生有異質日誦數萬言宋理宗景定中以明經試省舉第一人是時廣盜鍾明亮寇南海鑄夫告諸父老共為捍禦計鄉里賴之元代有天下鑄夫不仕隱居教授終其身羅司勳文集及卒私諡曰義隱其次子文鳳仕宋為都巡檢後辭去廣置田莊三百頃好行義讓嘗募漢樊重之為人粵大記

趙若舉香山人本宋宗室有拳勇端宗景炎元年王師航海若舉赴難授武翼大夫帶行在閣門宣贊舍人召募潮居里民數百以勤王權廣南東路兵馬鈐轄宋亡元張宏範遣兵欲屠潮居里若舉力以一鄉民命為請於是潮居里民三百餘家賴以安堵黃志

邵繼賢番禺人天資明敏究心理學早年領宋理宗淳祐三年癸卯鄉薦歷四川順慶知府時元兵日盛退處贛州玉龍山中杜門修靜元世祖以先朝名臣徵之不出金志

陳元輔陳英輔祖珠自汴梁謫宦南雄遷新會凌村祥興駐蹕厓山兄弟獻粟數千石餉軍特旨建義士坊於其里輔等遺戒子孫不得仕元至明朝其奇經繪畫始顯厓山志

陳猷其先汴梁人嘗仕宋金陷汴播遷南雄珠璣

里至猷沉毅有遠識咸淳間世事日非遂移家新會下峒身仍在雄守祖墓德祐末率鄉人保聚景炎初助官軍及元人戰于雄敗績乃歸下洞未幾宋亡猷辟穀餌草木實囑子孫毋仕元延祐初郡縣以其孫考充貢有司考遷廬山入明朝始遷邑定居焉永樂中孫璉拜司理死于安南黎利之難同上

廣東通志卷二百七十一

列傳四 廣州四

陳韶孫

張元俊

兄元方

俊子漢

單仲昇

盧宗文

廖德彰

周脩

羅蒙正

張揚

梁曾甫

黎仲達

袁清吉

兄祥吉

李天澤

陳大謨

阮泳

子士桂

趙梅南

簡祖英

高彬

黎獻

以上元

何真

關敏

鄧佛德

張仲賢

湛懷德

陳仲光

賴麒興

區禹民

忠吉

體原

陳添佐

李真祐

梁惠生

王文友

鄧國錡

劉元杰

孫蕢

李德

王佐

趙介

黃哲

黎貞

劉樂善

以上明

元

陳韶孫廣州番禺人父瀏以罪流肇州韶孫年十歲不忍父遠謫朝夕號泣願從父不能奪遂與俱

往改涉萬里不避勞苦道過遼陽平章塔出見而問焉語曰天子寬仁罰弗及嗣邊地苦寒非汝所堪吾返汝故鄉汝願之乎韶孫曰既不能以身代父當死生以之歸非所願也塔出驚異以錢賞之成宗大德六年瀏死韶孫哀慟見者皆為泣下肇州萬戶府以聞命遣還鄉里元史皇慶元年正月癸丑旌表廣州路番禺縣孝子陳韶孫元史張元俊字允超番禺水西人今從少雋異不羣兄弟五人元俊最少事諸兄甚謹家庭之內雖誰如也平居厚重自持與人必信鄉間有曲直者趨訴之片言剖析無不悅服或勸之仕嘆曰吾豈不知仕進之榮哉飛鳥擇木吾將有所擇矣先世居番禺之石井元俊以祖墓皆在水東乃徙香家香家家村在水西之東北十里居焉時值兵起嶺海騷動羣盜布滿山谷居民請其兄元方為保障元俊毅然獨往創立營堡築土城圍之引泉水為濠塹有敵則散財募兵曲為豫防山後諸盜皆不敢經其壘一方之民恃以無恐廣東都元帥王本肅元制廣東道有宣慰使司鄧元帥海北海南道亦有宣慰司鄧元帥等職舊志元職官俱不載王本肅姓名聞其賢錄其功上之徵至省臺以便宜授官然非其好也尋歸鄉間築園圃以自樂晚尤好施與人有急即賜之遇歲凶則散穀以濟饑者及豐年

競償之元俊拒不受卒葬水西銀帶山子漢忠性亦端慈厚重寡言有父風云黃志

單仲昇增城人父喪與兄同居養母至孝元武宗

至大元年戊申母鄭氏卒葬于藍山之原蔬食水

飲不事家業廬于墓所三年服滿始還行省以孝

廉辟仲昇辭不赴廣州人

盧宗文字子敏增城人文宗至順間以儒士辟舉

授南雄路始興縣尹恤驛遞輕關稅清謹自持士

民頌德改廣州路推官卒明按察使綸其六世孫

也同邑廖德彰長沙鄉人龍門元末任本縣教諭

當嶺海釋駭建策保障民賴以安後退居青嶂山

以耕讀為業明洪武辛酉鄰民蘇友興作亂募義

兵佐南雄侯趙康討之寇平復歸隱黃志

周脩字望舒新會人謙恭循禮博通經史既冠邑

令聞其賢辟為邑庠訓導脩素剛直疾惡如讐值

元季亂雖名門亦虧名節而陷于惡逆脩每遺書

誚讓詞語峭直賊帥黃斌見而大怒使人生致之

時諸生之在門者咸相管救脩曰死生命也安能

屈辱于人以求活耶及擁至賊前閉目不為禮厲

聲以犬彘叱之遂遇害至死罵不絕口時太常卿

余觀國持節招撫江南聞而賢之目為義士云廣州人

傳

羅蒙正字希呂其先廬陵人父稽叔游學新會遂

家焉今錄蒙正資稟秀拔勤學強記諸史百家無

不成誦甫弱冠聞肇慶羅斗明工詩往拜之斗明

嘉其誠悉以詩法授之一載而歸大有詩名黃志

尹沈壽創古岡書院禮蒙正於師席一時學者聞

風雲集志幾領湖廣省檄為高州文學領詞協河

化州州遺稿作秩滿歸仍授徒于書院順帝至正七年丁亥

赴省試遇開武功銓人或勸其借註巡檢不屑就

以詩答之云儒冠不是將軍具只作當年措大看

遭元季亂避地郡城館於憲吏趙式家式薦于司

授南恩州教授時州判吳元良亦文士也素慕蒙

正名一見歡如平生元良有志併合羣醜據有一

方欲用蒙正為幕賓以贊厥猷蒙正識其志力辭

不就後因病以詩謝云願賜一屢閉養病簡編燈

火伴青衿未幾卒元良禮葬之有詩集數卷傳于

鄉黃志

張搗字彥謙新會人羅蒙正弟子也幼嗜學性敏

強記年十八賦匡門懷古詩蒙正器之洪武初以

足疾不能行益畱心經籍知縣謝景暘為構書室

于象山之麓俾邑人往從受業扁其軒曰養拙晚

年自號病叟人咸以象山先生稱之其學以明理

為要詩文以典雅為本不事巧琢其弟子不拘學

之淺深皆能識其大要不問可知其為搗之徒也

上同

梁會甫南海泮浦人今順德智勇絕倫元順帝至正

間舉江西行省授番禺沙灣巡檢尋遭寇起鄉人

詣藩臬舉會甫有可倚之才會甫得檄乃據形勢

立排柵壘若流逋四歸於是發所蓄以給之不足

則以已田稱貸於同鄉富室黎仲達輩取穀以繼

之寇至則併力禦敵寇退則各事生業鄉賴以安

賊使人說會甫降會甫怒斬之賊率眾攻會甫遂

遇害鄉人立廟祀之謂之忠義祠黃志

袁清吉東莞人一日甥黎某過其門不下馬其兄

祥吉遇之責黎曰而母現在吾家何倨也黎銜之

適王成構亂黎以前憾譖曰里人無不服將軍者

獨惑於袁祥吉不誅無以定眾成信之執祥吉加

僇焉清吉詣營請曰願從將軍丐兄養母撫幼姪

清吉請代死成竟殺之聞者揮涕郭志

李天澤番禺水西人今從化大德間進士任新州總

管府通判性至孝操履清潔居官寬而能察威以

濟惠盜賊聞其名不敢入新州界在事六載掛冠

而歸新民思焉上同

陳大謨字仲謀其先銅陵人父璽仕宋為機宜文

字從端宗入粵卒於廣州因家焉大謨性恬澹元

初隱居番禺之五馬山不樂仕進中歲以才德薦

起家授秘書厯官戶禮二部郎仁宗延祐中出為

福建宣撫使會閩省蔡五九之亂賊禦有方事平

奏罷不便於民者六事報可聞人德之累遷樞密

副使五年卒官賜祭葬巴由山中今其子孫散居

南順各縣稱繁衍云全志

阮泳香山人世祖至元初領鄉薦為邑學教諭遷

惠州路學教授學博行脩一時視為儀表工古文

辭以韓歐為宗子士桂亦以文行名香山志云同

鄉薦其後同邑有趙梅南本宋宗室善書翰浮游

物外好品藻詩文嘗作湖居八景詩自號意翁楊

士元者亦邑人皆以詩翰鳴于時由泳倡之黃志

簡祖英字世英東莞人學問該博有才略事元為

江西都省員外又從左丞何真起兵保護鄉邑贊

畫平邵宗愚之功居多屢承忠克服廣東乃徵祖

英赴闕錫燕勞之賚以繡帛拜建平縣知縣以母

辭歸其陳表略曰臣九歲失怙惟慈親鞠育逮長

知訓冀或用世以酬罔極之恩臣之志也向以叨

食元祿為何左丞叅佐適值三山強寇剽掠廣城

一門妻子死節五人而老母陳氏為所拘囚臣祖

英隱忍不能即死有媿于石苞之殉國也多矣茲

遇聖朝維新征討不服率土效順咸蒙嘉休乃者

三山逆虜悉嬰鉄鎖臣母得以生還雖不孝之罪固所難逃而得以展區區紙烏私情者陛下之賜也臣母子離散得完白骨復肉銘感聖德徹于肝肺雖九死其能報耶陛下又復甄錄寄以民社此正臣隕首思效之秋也而臣俛顧自慚不敢拜命者以罪戾已深不宜職在民牧欽惟聖朝以孝道治天下以仁心懷遠人臣經事元朝幸已逃誅母年逾耄孤苦特甚尤宜惻怛而欽恤者也伏望聖慈矜其愛日之短俾遂歸養之願則臣母子拭目清平謳歌德澤為賜多矣臣年四十有九母年八十有一鶴髮垂堂西山之日已薄苟違親而事主陛下安所用之果盡奉歡之期然後復求仕進以盡忠罄節非惟盡人子之私亦聖朝孝理之道也上俯從之時上方以道德風厲天下凡元朝降臣始雖榮遇終必擯辱名士如危素張以寧輩皆所不免祖英之見卓哉又有高彬者字文質南海人何真部曲也仕元至萬戶佩金虎符入明乃走江湖為巨賈徵為武職固辭久之把筆學為詩有奇語孫蕡稱之晚年口坐一小樓讀易不知身之老也號蟾溪云廣州人

黎獻字子文東莞人性警敏異常而富學問甫弱冠授徒一依紫陽白鹿規以為教遠方之士聞風

而來者戶外之屢恆滿講授暇取經史子集與埤雅小說之言摘其的對語編為事類蒙求對偶切要敘事精詳見者稱賞別號拙翁人稱拙翁先生

黃志

明

何真字邦佐東莞人少英偉好書劍元順帝至正初為河源縣務副使轉淡水場管勾棄官歸養母元末盜起真聚眾保鄉里十四年黃志粵大記縣作十五年人王成陳仲玉作亂真赴告元帥府帥受賂反捕真逃居坭岡舉兵攻成不克久之惠州人王仲剛與叛將黃常據惠明史貪暴肆欲民不堪命眾募真義迎以守惠遂解惠州之困廣州人真擊走常殺仲剛併有循惠二州以功授惠州府判尋遷惠陽路同知廣東都元帥守惠州明史二十三年癸卯傳海寇南海三山民邵宗愚陷廣州明史守將何深死之大肆焚掠傳真以兵破走之復其城擢廣東分省參政尋擢右丞明史進江西等處行中書省左丞階資善大夫分省治廣弟迪以從政功擢中奉大夫廣東道宣慰使都元帥兼僉樞密院事遂推恩二代祖發藻贈中奉大夫廣東道宣慰使都元帥護軍追封廬江郡公父叔賢贈資善大夫江浙等處行中書省左丞上護軍追封廬江郡公祖

妣鄒氏母葉氏皆廬江郡夫人未幾合江西福建
爲一省改拜資德大夫江西福建行中書省左丞
仍治廣州至正二十四年正月明太祖始自立爲
吳王二十五年乙巳九月宗愚挾廉訪副使廣寧
等叛圍廣真禦之踰十月部將與賊通絕糧道真
出避城陷人物傳贛州熊天瑞引舟師數萬欲圍真
真迎之胥江天大雷雨折天瑞舟檣擊走之廣人
賴以完先是真再攻成誅仲玉而成卒固守二十
六年丙午復圍成史明真躬擐甲胄往擒仲玉以歸
築砦自守乃使其弟迪騎將黃從簡高彬等頓兵
圍之志黃募擒成者予鈔十千成奴縛成以出史明真
釋之引坐笑曰公奈何養虎遺患成掩面慙謝曰
始以爲貓孰知其虎奴求賞志黃真如數予之鈔命
具湯鑊趨烹奴史明駕轉輪車使數人推之志黃號於
衆曰奴叛主者視此史明又使數人鳴鉦督奴妻噓
火奴一號則羣應之曰四境有奴縛主者視此於
是人服其賞罰有章志黃緣海叛者皆降時中原大
亂嶺表隔絕有陳符瑞勸真效尉佗故事者不聽
史明且逮而戮之以示無二心史明大屢遣使出海道
貢方物於朝累進資德大夫行省左丞史明至正二
十七年丁未爲明太祖吳王元年五月真帥惠州
部曲至廣民響應復克之宗愚退走誘右丞鐵里

迷失以歸明年制授真榮祿大夫自左丞遷右丞
人物傳洪武元年戊申二月太祖命廖永忠爲征南
將軍帥舟師取廣東永忠至福州以書諭真史明略
曰元君失馭天下土崩豪傑之士乘時而起或假
元之號令或自擅其兵威暴征橫斂蠶食一方生
民塗炭可謂極矣今天子受天明命肇造區夏江
漢旣已底定閩越又皆帖服中原之地相繼以平
惟爾廣僻在遐荒未沾聖化予受命南征願者撫
綏逆者誅殛恐足下未悟輒先遣一介之使相告
惟足下留意焉志黃遂航海趨潮州三月師旣至真
遣都事劉克佐詣軍門上印章籍所部郡縣戶口
兵糧遣使奉表以降永忠聞於朝賜詔褒真史明畧
曰自元綱解組羣雄並爭天下瓜分未見定于一
者朕舉兵濠梁創基金陵除殘去暴十有四年邇
者遣將四征所向克捷撫有七閩肅清齊魯廣西
之師相繼奏捷大將軍提兵北伐中原指日可定
朕思昔豪傑之士保境安民以待有德若竇融李
勣擁兵據險角立於羣雄之間非真主不屈此漢
唐名臣於今未見正此興歎爾真連數郡之衆乃
不勞師旅先期來歸其視竇李奚讓焉今特驛召
來見錫爾名爵以旌有德於戲天厭紛紜人思平
治爾之所舉實惟知時堅乃初誠以懋乃績志黃永

忠四月抵東莞真率官屬迎勞明史永忠慰諭之仍

以榜招降諸寨誅邵宗愚等餘孽悉平人物傳遂奉

詔乘傳入朝明史貢獻方物太祖賜文綺紗羅綾絹

各百疋銀千兩將校各賜有差侍膳內禁賜宴中

書初賜詔諭援例當繳真叩頭乞賜藏于家為後

世子孫榮上可之授中奉大夫粵大擢江西等處

行中書省參知政事且諭之曰天下分爭所謂豪

傑有三易亂為治者上也保民達變知所歸者次

也負固偷安身死不悔斯其下矣卿輸誠納土不

逆顏行可謂識時務者真頓首謝在官頗著聲望

明史有德有威風行霆斷人莫敢犯而一主寬厚廣

人物傳尤喜儒術讀書綴文明史三年召還粵大已轉

山東行省參政明史尋定官制改四川布政使粵大

四年命還廣東收集舊卒事竣仍益山東九年力

請致仕明史十三年真請以其子貴參侍東宮即除

貴北城兵馬指揮後十四年粵大大軍征雲南命

真偕其子兵馬指揮貴往規畫軍餉置郵驛遷山

西右布政使再與貴勾軍廣東擢貴鎮南衛指揮

僉事明史十六年致仕復命真及貴還廣東收集土

豪一萬六百二十三人還朝拜貴明威將軍鎮南

衛指揮僉事真姪潤弼敬暨軍校數十人皆授官

十七年命真收集廣東軍士後十八年真尋命真

為浙江布政使明史十九年朝京師黃志改湖廣二十

年復賜致仕八月封東莞伯祿一千五百石予世

鐵券明史曰洪武二十年歲次丁卯八月戊申朔十

一日戊午皇帝制曰昔人有云識時務者謂之俊

傑曩者元運將終四海鼎沸擅聲教以役生民朝

興暮泯相繼疊疊終不知時務而識天道尚驅民

以應鋒鏑如此者豈一二人哉當是時爾何真率

嶺南諸州壯士保境安民非其人安敢輕入爾守

疆如斯已有年矣其嶺南諸州之民莫不仰賴安

全於亂時洪武初朕命將四征所在雖有降者非

見旌旗則未肯附爾真聞八閩負固桂林之徒驅

民海上逃生亦不量力獨真心悅誠服罄嶺南諸

州具在表文入朝全境安民得非識時務者乎曩

者事務繁冗有失撫順之道致真職微有負初歸

之誠今特命封爾東莞伯食祿一千五百石使爾

祿及世世朕本疎愚皆遵前代哲王之典禮茲與

爾誓若謀逆不宥其餘死罪免爾二死子免一死

以報推誠之心其尚加恭慎以保祿位延于永久

豈不偉歟爾敬之哉黃志卒明史在洪武二十一年三

月年七十廣州人物傳黃志粵上親為文祭之廣

人物傳曰維洪武二十一年歲次戊辰七月癸丑朔

初八日庚辰皇帝命鳴讚奉御吳阿嫩諭祭于故

東莞伯何真爾其俯伏諦聽朕有諭焉當元季海內兵爭羣雄割據不可勝數其識時務而知天命者幾何人哉爾真昔能輯眾保有嶺南當朕平定天下之秋不勞師旅即全土地以來歸使一方之民得遂安全可謂識時務者矣朕嘉爾誠心錫以官爵今以年高善終于家朕甚悼焉雖然身居高位祿及子孫丈夫至此又何憾哉爾其有知服茲諭祭黃志葬畿南八里岡北遣官監護其喪廣州人物志子榮嗣明史榮字耀先二十一年與弟貴明史字率先有及尙寶司丞宏明史字彥先洪武學行黃志皆坐藍黨死明史案黃志廣州人物傳粵大志亦止云榮襲封後二年罷官歸人皆傷之時涼國公藍玉恃功暴橫以反誅榮嘗為其部將二十六年二月乙酉有司奏王嘗遣親信召榮晨夜會私第收集士卒及諸家奴伏甲為變命羣臣夜狀榮生誅東莞志云宏與貴皆坐藍黨誅後經肆赦後商僅有存者真弟迪疑禍及己遂作亂擊殺南海官軍三百餘人遁入海島廣東都司發兵討禽之伏誅明史福王時贈真東莞侯諡恭靖明史

謹案黃志粵大記俱云真為人豐偉美鬚髯吐音如鐘少時有相者謂曰公才兼文武霸王之器借生南方微帶火色位不過封侯後果如其言既貴顯先墓常有紫氣人或指為符瑞輒斥絕之及事高皇帝夙

夜畏威惟謹高皇帝推心委任弗疑故能以功名終嘗於東莞率族人建祠置田以祀其祖復與弟迪謀悉以其先所遺田儲租入以祭其禰又以惠州城西之私第為義祠斥私田百餘頃為義田世俾宗子主祀事立塾以淑其子弟置庫以周卹窮乏嫁娶喪葬一如范文正公故事在朝名公多樂從之遊如宋濂方孝孺輩皆亟稱重之至論其保障南服識時知命又南越以來所未有也子八人知名者榮貴宏並詳錄之

關敏南海人今錄元順帝至正末豪民各分據鄉土敏亦舉義獨奉約束不同於亂屯聚保境縣賴以安洪武元年征南軍廖永忠駐兵于廣敏舉全城歸附民悉復業惟龍潭未平時南海賊馮簡等作亂行劫龍潭敏率鄉民為之嚮導擒獲蘇世祿等首從以百餘計與龍山鄧佛德聲氣相望永忠賞其功授署巡檢後為世祿餘寇所憾攻陷其鄉敏力不能支死于戰一門被害者二十餘人有司憫其死旌表所居曰表忠里永忠更曰忠義鄉即今順德黃連堡構忠義亭以表之免其徭役二年永忠以其事上上以其存日未授官而能仗義討賊歿

于王事錫以誥命特褒贈之仍命有司立祠祠在黃連歲時祭祀郡人孫贊記其事元季不造土寇南海關敏氏以義勇戍土保民死于事洪武紀元春征南大將軍廖公行師納降討叛開拓疆宇征南公以其忠義具實聞于朝奉勅贈武校尉兵馬司副指揮立祠以每歲秋九月祀之命下郡守徐公親督其事再閱月而廟成復為忠義詞以報其忠也其有關於名教亦大矣廣州人

鄧佛德字慈航南海龍山人今隸少與孫贊同學

淹貫經史尤善談理數居恆以當世自命元至正間詔官不就隱西樵山磊石為廬有黃衣道者日與往來居人異之中原兵起嶺外騷動東莞何真

首倡義保障德與語大悅至正二十三年龍潭盧善寶三山邵宗思各據鄉土自稱元帥將掠黃連龍

山等堡德與黃連關敏同倡義障守賊數犯不能害洪武元年上命征南將軍廖永忠取廣德測演

數象知真命有屬致書何真歸附比忠至率眾從之獻策擒善寶餘黨蘇世祿負固德復與關敏張

仲賢搽捕斬百餘人一時軍聲大振後敏被賊殺德亦被數十創奮身力戰獲渠魁斬之龍潭悉定

忠嘉德謀勇命署龍潭巡檢佐胡通鎮守尋加定遠將軍卒於官德身被百創擒斬賊渠保全一方

而名位不大顯論者慨焉龍山志

張仲賢南海人今隸少剛果涉獵書史見義勇為

洪武初同關敏破龍潭餘賊敏死仲賢力戰獲免十四年東莞湛采賊曹真聚眾構逆朝廷遣南雄侯趙庸總兵往討命仲賢率民兵先為嚮導仲賢駕舟設機先進奪其港口摧賊前鋒由是官軍戰艦乘潮繼至賊眾大潰庸愛其勇壯復遣仲賢率眾援東莞舟經海口賊憚其驍勇悉眾攻之力戰及暮死之賊為仲賢殺傷者亦數百人賊既平後庸嘉歎其忠不已泊藩閩皆遣祭而表其門時賊帥蘇友興真部屬也勢亦猖獗番禺人蘇孟昭增城人湛懷德陳仲光捍禦之有功且保其鄉里使不陷于賊鄉人至今感其德其智勇皆足尚云廣州人物

湛懷德增城沙貝人若水之高大父也元季多盜練鄉兵保障都邑懷德為頭目遙授元帥以恩威禦眾眾皆受約束懷德部卒有盜池魚者於法當斬命歸辭其父母自來就死及期果至懷德曰若誠當死雖然以魚殺人吾不忍矣戒飭遣之嘗歷他堡見其頭目有以微罪殺人者憐之乃給日願借殺于吾鄉以懲不恪以之歸潛解縛縱之以既殺報於是他堡皆感激泣下願為之死洪武十四年東莞賊蘇友興作亂朝命南雄侯趙庸為總兵官討之適海戰不利懷德仗義帥敢死士往救官

兵獲解南維侯卒破賊而還居民之近賊巢者以
降賊故發各衛所充軍獨甘泉民以保障得免有
司建議國保境祠祀之增城志

陳仲光增城沙貝人剛勇有謀略東莞蘇友興為
亂協鄉民以益其黨都指揮提兵至將大行洗蕩
禍延其鄉仲光急挺身赴總兵官白其脇從狀爭
之再三事得解鄉民免於屠戮仲光之賜也同上
賴麒與增城人少負奇氣行事不苟而勇於義洪
武十四年鄰賊蘇友興構亂麒與慨然與長沙鄉
人廖孟瑄連誓募義兵往隸南維侯趙庸聽調發
討捕立功率所部兵歸本邑關子洋殘寇設伏待
之為所陷死焉黃志

區禹民南海龍津人今順德曾祖士衡宋理宗景定
中為太學生嘗上書論賈似道誤國不報後陳恢
復亦不見用南海志禹民性剛直為鄉人信服元季
土豪相聚為亂禹民偕其族子忠吉體原率眾立
岩保障鄉人賴之洪武初廖永忠師下廣州禹民
等首請歸附永忠令保障如初副將軍參政朱亮
祖陷於山南賊中走告永忠調軍令禹民忠等為
嚮導破之策救亮祖圍解事平禹民等入朝詔授
禹民知汀州府以資高辭更授仁風鎮巡檢吉授
彭德衛百戶忠與體原不仕而還廣州人

陳添佐新會人世居陳衝自元至明初三世同居
添佐性度元曠於長堤高柳之間讀書且徜徉焉
嘗夜泛舟遊衝上誦蘇子擊空明泝流光之句樂
之曰吾老於此足矣遂自號月溪處士云為人至
孝生五歲失所怙與少弟添佑育于繼母李值元
季所在盜起隨母逃難山林間顛沛相失為賊首
所得母子不相見者十載添佐劬苦萬狀每思母
歎歔泣下賊首憐而縱之復得見母於登名里之
樓岡羈栖貧困採拾以為養者又三載洪武初與
弟始奉母還陳衝脩復故業日增益之有先人舊
廬四十楹良田四千畝新會志作四百畝乃築報本亭于
祖考墓次立報德堂于所居之偏闢娛親堂于正
寢之北自奉尚儉素而祭必極其豐養必致其樂
邑令莆田薛彌充辟為孝廉會添佑早世乃以母
老固辭後以事謫戍于遼海亦以母老懇祈于闕
帥甫三載得代歸然未及家而母沒初添佐在途
聞母病戴星倍道既不及即哀號入喪次餽粥苦
塊以終喪未嘗一至私室閭里以為難治喪不用
浮屠生平事親奉祭一遵家禮而祭以義門鄭氏
家規既又撮其要為三省九思十誠及家式百條
以訓飭其五子俾世守之同居共爨延名士鄧林
於家塾相其行禮俾引于勿替林遂述其立身行

己之大略立月溪孝義傳云李真祐者字誠之南海人自少力學老而不倦洪武初有司辟為吏避居古岡微服為人傭人不之知也久之主人翁異其行延為塾師新會志云添佐延至其家相與訂為家式百條及三百九思十誠作為文章豐迤宏博永樂間左布政使黃公亮將薦之會公亮卒遂不果未幾真祐亦卒自號扶搖子所著家式尚存黃志

梁惠生東莞人洪武初其兄惠養得重罪當解京就刑惠生雷之曰兄承宗祀弟請代死遂從械繫至京師刑於市義士莫不傷之同上

王文友字志民南海人當元末草昧艱屯之際能卓然自淑以才行稱被徵召命至有司勸駕弗應族里促之弗應親友諭強之亦弗應遂翦光以終其身孫漸達篤志好古為時名碩粵大記

謹案南海志無王漸達惟番禺志有為正德丁丑進士漸達之父王傅宏治壬子舉人實番禺人豈南邑另有一王漸達耶俟考番禺志選舉王文友嘗舉人材科

鄧國綺東莞人性剛毅尚節槩洪武初以賢良舉東莞志云授饒州府通判不就十四年辛酉草寇蘇友興嘯聚剽掠鄉邑騷動眾多降之惟國綺與缺口鎮巡檢李添鳳徑趨靖康諸鄉起集民丁二千餘屯守缺

口鎮與賊戰數合不利退保深溪山賊復至益兵死戰力不支與李添鳳俱被執國綺罵賊不屈而死賊平之後降民皆充卒伍惟戰死之家獲免侍郎陳璉表其墓曰義士黃志後百餘年有劉元杰有膂力善騎射商于杭州值倭寇應募出戰斬獲甚眾指揮陷人重圍元杰單騎馳救援絕戰死抗人祠于北新關之鐘鼓樓東莞志

孫賚字仲衍號西菴廣東南海人今隸順德性警敏書無所不窺詩文援筆立就史明初若不甚經意而氣象雄渾與喻深致鬚髮于魏晉之風廣州人負節

槩不妄交游何真據嶺南開府辟士與王佐趙介李德黃哲拉受禮遇稱五先生廖永忠南征賚為真草降表史明永忠不戮一人而南海帖然者賚之力也廣州人永忠辟典郡教事洪武三年庚戌始行科舉明史廣州人物傳錄皆云黃以詩

賜進士出身南海順德志黃佐通志題名碑皆不志進士黃賚與其選授工部織染局使遷虹縣主簿兵燹後賚勞徠安輯民多復業居一年召為翰林典籍明史為宋濂樂韶鳳詹同輩所稱名籍甚日侍上左右奏對敏便容觀飄逸

濂輩皆自以為莫及黃志八年與修洪武正韻嘗應制賦醉學士歌稱帝意黃志九年遣監祀四川明史居翰林三載力求補外黃志出為平原主簿坐累逮

繫明史有旨輸左校板築蕭牆黃志俾築京師望都門
城垣黃誣咥為粵聲主者以奏召見命誦所歌詩
語皆忠愛乃釋之明史十一年罷歸田里放迹雲林
中益肆力于問學所見益深有輕死生齊物我之
意嘗和陶潛歸去來辭以寫其情黃志十五年起為
蘇州經歷明史蘇為東吳劇郡素號難治黃贊畫有
方政用大和黃志復以事坐累戍遼東明史怡然就道
酌酒賦詩無異平日黃志已大治藍玉黨黃嘗為玉
題畫遂論死明史人皆勸其以疏自明黃不答黃志
刑作詩長謳而逝明史天下冤之年五十有六黃志
門生黎貞亦戍遼東黃屍乃得收斂葬於安西之
陽廣州人黃所著有通鑑前編綱目七卷孝經集
善一卷理學訓蒙一卷及西菴集八卷和陶集一
卷集古律詩一卷孝經集善宋濂為之序黃志多佚
不傳明史其詩文今行于世者為黎貞所編黃志番禺
趙純稱其究極天人性命之理為一時儒宗云明史
傳文苑

氣人爭傳誦嘗著論西安南陽皆天下形勝所在
建不拔之基者當擇而都之江東非其匹也士林
韙其識歷郡十餘年廣州人竝能其職以年衰乞
改湖廣漢陽教諭明史當兵革初靖費舍駢蓬翟中
生徒僅十數輩皆野曠不可語德盡心訓迪之言
諸有司羅致民間子弟之俊穎者館穀焉自是絃
誦誦誦人知向學矣廣州人秩滿調廣西義寧義
寧在粵西荒陋甚德為振舉文教漸興明史凡遇家
有吉凶事當告假者隨貧富以楮幣周之孜孜勤
諭使約束鄉鄰不得為惡習俗日美科貢漸盛當
道方薦之而德已倦遊黃志解官歸卒于家德初
好為詩明史多效長吉太白孫黃笑之日子真混元
皇帝遠孫也德乃力追古作有易菴集行于時序
者以為跨晉唐而躐宋元云少嘗自號采真子著
論如子書黃志晚究洛閩之學故嶺南人稱理學
必曰李仲修云明史文苑
傳孫黃傳

李德字仲修番禺人蚤負逸才博覽羣籍明毛詩
尚書黃志洪武三年庚戌以明經薦明史至京師上親
策問賜徐大全等出身有差德預焉黃志授洛陽
典史歷南陽黃志西安二府幕官明史非其好也
政遐邇覽帝王遺墟登高作賦發其胸中磊落之

王佐字彥舉其先河東人元末侍父官南雄經亂
不能歸遂占籍南海與黃結詩社明史于南園開抗
風軒以延一時名士佐才思雄渾體裁甚工黃甚
重之廣州人構辭敏捷佐不如黃句意沉著黃亦
不如佐明史何真開署戈士與黃首被禮聘黃志使佐
掌書記參謀議明史豪帥李質據肇慶真恐其有異

志遺佐黃二人往說之自是修好不絕質愛士重

文學士多歸之知名者則有江右伯顏子中茶陵

劉三吾建安張智佐還言子真遣使招致士以一

藝名者真皆館穀之嶺南人文號極盛徽徵真歸

朝佐亦還里洪武六年被薦明徵為給事中明論

思補闕恆稱上意黃太祖賜宋濂黃馬復為歌命

侍臣屬和佐立成明有臣騎黃馬當赤心向上覽

之而喜賜鈔一錠上游幸或遇會心處多命之賦

詩劉三吾嘗同詠署中桂驚其才語高妙以為名

世之作其為名流所重如此廣州人性不樂樞要

居官二載將告歸時告者多獲重譴或尼之曰君

少忍獨不虞性命邪佐乃遲徊二年卒乞骸歸明

文苑上憐其誠特俞所請陛辭日賜鈔五十千

以為道路費士林羨之蓋天成嚴重臣僚自陳者

多被譴斥佐以恭順得歸故當時以為難云佐天

性孝悌父沒時有廖元正為料理喪事殯諸南雄

之五里山終身事之如父既貴後元正之子犯法

言子有司復以己資贖之終身哀慕形於著述有

聽雨軒集瀛洲集多散逸郡人彭森刻於建安者

僅詩一卷評者比之高適岑參黃

趙介字伯貞番禺人博通六籍及釋老書氣豪邁

史與物無芥齋父璟元臨江路治中介閉戶讀書

廣州人無仕進意明植二松于所居扁其軒曰臨

清蓋以淵明自擬云時有李韓者南海文士也以

薦起介力止之不可臨別介謂曰堯天雖長劉日

實短子獨不為高堂念乎韓竟去後倅南雄坐累

乃歎曰趙伯貞高士也廣州人行以囊自隨遇景

賦詩投其中日往來西樵泉石間明絕不為人留

題籍紳恆病其稍復不喜接達官貴人獨與八十

翁劉樂善者相倡和廣州人有司累薦皆辭免洪

武二十二年己巳坐累逮京卒于南昌舟次明年

四十六介顏如渥丹丰度類神仙尤善教子廣州

傳四子潔紉繹純皆善詩文工篆隸時稱四懷約隱居

不出有父風純仕御史明以純貴贈介為監察御

史有臨清集行于世方黃佐結詩社南園一時名

士如別駕黃楚金徵士蔡養晦黃希貢長史黃希

文架閣蒲子文進士黃原善趙安中安中弟通判

趙澄徵士趙訥皆與焉豪吟劇飲更唱迭和文士

宗之而介自成一家與黃佐德哲並稱五先生與

吳下四傑同蜚聲字內云廣州人

黃哲番禺人歷仕州郡以治行稱明史文苑

之弱冠而孤刻苦讀書通五經嘗借人文選手鈔

之沉玩究竟遂能作詩造晉唐奧域性好山

永結廬蒲澗栖息其中往來羅浮峽山南華諸名

勝自以爲未足乃辭家度庾嶺過吳楚遊燕齊間
一時湖海英豪皆與游焉當風雪時泊舟秦淮遇
朱文昭涂穎輩相與握手吟咏沽酒大噱二人喟
曰君才如白雪吾雖知音如寡和何自是益有名
嶺南志龍鳳中太祖爲吳王駐兵金陵招徠名儒
哲爲丞相李善長參政張昶汪廣洋所知交薦之
至正二十五年乙巳建吳國拜哲翰林待制入書
閣侍太子讀書尋兼翰林典籤輔導盡職太子愛
重之鈔幣之賜無虛日二十六年丙午六月左丞
相徐達北伐捷聞上命賦詩稱旨未幾歲旱上祈
雨鍾山獲應御製七言詩志喜命哲賡之其見重
如此洪武初奉使青徐論諸反側尋出知山東東
阿縣莅任勤于爲政吏胥初以儒士易之哲剖決
如流案牘無停者且不事苛察民樂其寬一縣帖
服值旱麥苗盡凋乃齋戒徒跣烈日中詣洪範池
之龍祠禱焉甘澍應時民驩呼曰此黃公雨也狼
溪有怪物善爲幻能竊人啗之哲爲文禱于天須
臾風雨大作一青蛟斃水上邑人訝以爲通神時
經毛貴亂後民多流徙他邦聞哲善政復其業者
亡慮數千人戶口日滋洪武四年辛亥四月陞東
平府通判東阿士民遮道涕泣攀留父老扛輿而
至有百餘歲者抵府境乃返是歲黃河決梁山中

書省發民疏浚哲董東平之役經畫有方民不告
勞聞有司欲復堰黃陵岡哲建議謂此乃前人之
覆轍可以爲戒不可以爲法事遂寢尋上疏陳時
務十數事皆人所難言上怒其狂會山東分省奏
哲捐俸修先聖祠築積水湖隄有成績上乃釋不
問哲亦乞歸得允既南還有司請哲領郡校事橫
經授徒四方至者多名士歲凡數百人八年乙卯
四月朝廷取回山東治莊郡註誤竟置于法郡邑
人士爭賻之且家爲奠祭哲始北上時倚篷聽雪
常自詫曰天下奇音妙韻出自然者莫是過也歸
構一軒名聽雪篷學者稱曰雪篷先生子德輿輯
其詩文十餘卷號雪篷集行于世嘗經梁昭明太
子墓作詩弔之評者謂置選詩中殆不可甲乙其
精如此廣州人
黎貞字彥晦新會人工詩文嘗爲本邑訓導以事
被誣成遼陽十八年從游者甚衆放還卒明史文苑孫首
傳貞生元季少從父學正某學于外李承箕性坦
蕩不羈以酒自放故號陶陶生晚更號秣坡學者
稱之曰秣坡先生廣州人自少岐嶷異羣兒七八
歲時與弟浴於塘弟溺塘井中雙指猶漾漾未沒
貞亟沒水以手捉其足登淺處鄉閭異之五羊孫
賁才美絕人爲文章操筆立就死生榮辱得失一

不以介意貞從之游故學所成就非一時流輩所及發而為詩文滔滔自胸中寫出無斧鑿痕議論古今治亂興廢與世道得失人物賢否類出於己意而多自得之見錄洪武初補郡庠生黃八年乙卯以明經辟薦至京時例由薦辟者俱吏部赴考乃授職貞托疾不往其見館閣諸公一以禮相抗議論侃侃不屈諸公相顧謂曰國家禮文草創彥晦積學未可遽令遠去迺留商酌禮文兩越月始歸諸公歎曰堯舜在上下有巢由如彥晦者可易得哉相率餞於都門外朱善備文集部使者以其有學行署為新會縣訓導志不樂仕乃退築釣魚臺於所居宅前後以事為訟者所誣適救鄉人鬪忤不直者中飛語黃傳發戍遼東十八年新會志李淳撰傳作居艱危困阨之中學愈博而識愈高氣愈充而議愈出聞帥禮之如賓洪武三十年丁丑赦比脫伍歸聲聞益著學者從之遠近畢至貞諄諄善誘每俯而就之隨其淺深有所造就焉悉依孝弟忠信隨所得而為之誘成才白沙先生曰吾邑以文行誨後進百餘年來稭坡先生一人而已嘗自贊其像年五十九卒所著有稭坡集古今一覽家禮舉要行于世初貞在遼時孫賁以事死貞抱持其尸以衣裹之殯殮如禮奉柩葬于安山之

陽典衣營其事為文祭之讀者莫不墮淚其自遼歸也適已薄暮明月滿空呼舟中餘酒登所築釣魚臺吟嘯久之乃扣門還家焉其胸次脫落類此

廣州人物傳

劉樂善山中人年八十餘以吟詠自適與趙伯貞

輩相唱和西樵遊覽記

謹案樂善番禺洪武四年辛亥舉人官教

授見黃志選舉表然番禺志不載又考東

莞志薦辟中有一劉樂善為廣州教授豈

即其人耶俟考

廣東通志卷二百七十二

列傳五 廣州五

鄭榮叟

鄧信

李顏子

彭通 鄧殺

張迪

張度

黎光 父伯原

趙晦

陳敬

周尙文 林茂

黃勛 受益 結 閉古

陳璉

朱璧 琳

黃裳

馬名廣 簡嚴

湯有容

茹連

鄧林 梁臨 何子海 董

歐觀生

唐豫 父奎 董子璧 董琦

洗用行

余慶

黃裳

伍驥

周新

李晟

張舉

梁宏

梁孟祥

岑子原

譚漢

羅亨信

翟溥福

劉士傳

蕭嘉祐

溫秀 李讓

陳諤

黎和

梁珍

陳英弼 張淳

彭森

金誠

黎秉純

龔遂

顏宗

廖謹

容悌與 容師偃

黃友信

陳璉

何潛淵

胡濟 以上明

明

鄭榮叟香山人果敢有謀元末巨寇劫掠縣治宣差達魯花赤朵羅歹力不能支乃率榮叟及邑人楊昆等移縣於古寨山上屯守已而朵羅歹卒人心動搖有族人曰桶官溺死人傳為神榮叟投之以機卽迎禱之每寇至言見一紅衣人掠陣中鄉人奮勇百倍寇輒逐去築壘鑿塹守一十八年龍潭賊盧實善等累攻不下洪武初征南將軍廖永忠率兵至乃歸附祀鄉賢

鄧信字行甫新會人自稱木石山人精詩畫及岐黃性孝友溫粹削跡公庭居常布衣蔬食環堵蕭然歌咏聲出金石邑博蕭端升講道慕其人遷瓊教授以未相過索詩書一絕云散袖秋風老一株美人南去有詩無六年相問不相見夢隔城西曉月孤嘗過陶外翰題其壁云陶潛今亦聖之清五柳柴扉近市城秋思滿天人欲醉碧雲屏裏一蕭

聲金

李顏子花縣郭塘鎮人元末不仕抱道自守時寇盜蜂起民不安生顏子築郭塘鎮捍賊一方賴安及何真據廣以策干之真愛其才畱置幕府真之歸附多協贊力焉有復何左丞書詞義凜然至今郭塘鎮址猶存金志

彭通字萬里南海人蚤失怙恃力學工詩隱居教授從之游者常數百人洪武四年由儒士舉南海志

舉作三銓部以名入見上親閱之拜給事中叅劾

封駁正直公嚴同列皆以為莫及時上方嚮文學

俾侍左右應制詩思敏給嘗和御製醉學士歌稱

旨九年轉監察御史嘗奉命巡京郡薦拔賢才攻

擊貪暴有能聲用事者遣人賚金帛賂之通辭不

可其人強以受通欲以上聞乃已久之陞山西布

政使參政通單車赴任能以公廉滌積弊河東運

司官匿羨餘不以實聞廉得其情遂寘于法朝廷

錫寶纓旌之有吳印者至陝西方面本五臺寺僧

也以材辯受上知嘗譖殺按察僉事張丁其家人

橫肆諸藩臬事之唯謹偶以事干通通正其罪且

斥辱之條其事以聞上不之罪也尋引年致仕卒

于家通為人恭謹外柔而中實剛直為政若不事

暇察而所舉刺動無遺失一時稱賢監司同時為

監察御史者有南海鄭毅亦名士也毅字德宏洪

武庚戌鄉貢進士嘗按八閩以清直稱才思敏贈

世言能詩者必曰鄭御史廣州人物傳

張迪增城人有學識而善幹辦洪武辛亥以薦授

御史抗疏劾權貴有直聲未幾忤旨左遷弋陽知

縣廉靜明決有惠澤及民馭吏最嚴峻後以事被

逮縣民何溥等千餘人赴京奏其治行有還職尋

復召為御史江西通志

謹案增城丙子志張迪張度皆洪武五年

壬子鄉舉考永樂增城志二人皆列儒士

又考宋濂撰張度之父復禮墓誌則云度

以洪武四年受薦得官濂與度同朝應足

據也

張度字景儀增城人風儀偉特未冠時有相者見

之曰山角淵庭柱石材也以才學聞元季舉茂才

為肇慶路高要縣教諭遭亂棄官歸杜門讀書而

業益進洪武五年壬子舉于鄉計偕如京師會罷

科舉詔選賢能補憲職遂擢監察御史時諸助戚

多怙勢作威度上疏奏劾不避權貴高帝重之嘗

建議立張巡許遠廟于歸德州以勸忠上命有司

舉行魏觀知蘇州治張士誠故官為府署有司以

為言高帝使度偵之度往變姓名為日者入吳縣

學官廉其實還奏稱首擢知常州府治政公勤人不敢干以私雖公務倥偬不廢文業郡中學校蕩然前郡守何用脩公廨建庠序祠宇未畢以罪去度力終其事而民不以為病治行為畿輔第一召為吏部侍郎條舉選法之不當者數十事皆見用進本部尚書藻鑑人品銓選得體黃志時帝用法嚴朝臣以忤旨獲譴誅死無算度一日檢案牘有小誤惶懼遂卒事聞帝曰度乃至此耶使人發其篋僅數金歎惋良久命以大臣禮葬之增城志度為人清謹有用世才鄉人尊之因為立祠並祀鄉賢以為有崔清獻流風云度之弟峻熙輩亦以學業聞

黃志

黎光字仲輝東莞人博學能文儻有奇氣洪武壬子鄉薦與張唯王輝等十八人選入禁中文華堂讀書黃志拜監察御史巡蘇州請賑水災存活甚眾巡鳳陽上封事悉切時弊帝嘉之洪武九年擢刑部侍郎執法不阿為御史大夫陳寧所忌坐事中之死貶所明史周傳因剛直被禍時人惜焉明史李傳其父伯原元季連山教諭歷德慶惠陽教授所至學者尊之文風以振有漁唱藁傳世黃志趙晦字俊明東莞人系出漢邸元季避地東莞之石岡雖在亂離中篤志問學手不釋卷時鄉里自

雄者召為賓館不屑就洪武五年壬子以明經薦任番禺縣教諭藩憲諸公以其學純懿咸禮重之後陞國子監學錄一時門徒居侍從有聲者不可殫舉寓羊城東壩自號曰東橋學者稱為東橋先生云黃志

陳敬增城石灘人洪武十四年以賢良舉授禮部主客司郎中遇事果敢人多忌之以事左遷雲南曲靖府幕官尋署劍川州事劍川鄰寇竊發來攻州城敬不欲為偷生計親率壯士禦之眾寡不敵眾懼欲退敬瞋目曰死耳大罵買勇前進遂力戰死軍民咸聚哭賻焉事聞命有司恤其喪廣州人傳周尚文字質善香山人初游邑泮以俊穎選入郡學從翰林待制黃哲讀書番山清苦該博哲稱重之洪武十七年甲子領解額第一乙丑登進士明年選龍巖丞蒞任公勤廉潔嘗修城西虎渡橋以便民請改鐵買為折鈔免遠運之害福建通志召為御史未行坐事謫戍馴象衛時同年狀元丁顯同戊相與唱和超然自得其詩文以韓柳李杜為宗其孫慈堅讀書儒雅有祖風社中士子多師之年七十餘嘗為鄉飲大賓黃志同邑林茂小黃圃人鄉里素不知學茂篤嗜不為俗移發奮讀書文名大著移人郡學洪武庚午領鄉薦入監列上等選為湖

廣道御史擢刑部員外郎卓有政績所作詩雋永可喜人傳誦之志金

黃勳字敏功東莞人博極羣書為文奔放出入經史元季避地邑之白濠雖在擾攘中持志益堅無書披閱則假事文類聚與兄默手自鈔錄風寒暑雨不倦其勵志如此洪武初以薦授邑庠訓導後改梧州二庠士子後多顯庸者世稱其善教侍郎陳璉嘗從授尚書致仕卒于家學者因其別號稱之曰學圃先生志黃子受益字虛己世其文學善詞賦尤長于古文詞開門授徒擔簦負笈者戶外常滿都御史盧祥副使鄭敬輩皆出其門雅志不仕永樂庚子有司強之入試以春秋中選遂隱居不出年五十五卒有文集十二卷諸子皆業儒次子結最知名結字資友領正統六年鄉薦就天河教諭居僻陋益肆力于書史陞泉州教授兩主鄉試樞要家以白金五百兩為其子關節且許保薦為御史結斥絕之泉人久廢于學結嚴立科條士皆激發科第自是驟盛復擇生徒之穎敏者數人授以春秋後皆得雋泉中始有春秋之學九載赴銓曹考為天下教官學行第一陞遼府右長史多所規諫王稍疎之久乃知其賢後丁內艱起復轉岷府而卒所著有雲崑集志雲崑孫閱古字時準東莞志

舉作字以進士官至福建轉運使八閩通志

陳璉字廷器東莞人洪武二十三年庚午舉人卒業太學試吏部高等授桂林府儒學教授是時粵西方脫甲兵未遑庠序之事璉至身誘諸生講誦經史其歲大比解元出門下士獲雋倍他郡都督韓觀總兵鎮守廣西猛悍不下士獨折節璉見必稱先生九載秩滿陞國子助教文皇入國權知許州以寬厚安民郡多淫祠璉毀之俗遂變居數月尋改滁州滁當京邑要衝首驗丁賦省徭役修學校勸農桑民用大和政暇時與僚屬賡咏醉翁亭上百姓稱小歐陽上北巡過滁璉上巡狩頌廷臣上璉治行滁人恐遷去詣闕乞畱特陞揚州守掌滁州上征本雅失里還上平口頌安南平上平安南頌已復傲柳宗元上鏡歌鼓吹曲十二章上愛璉文學兩命同考禮闈外艱奪情起又九年陞四川按察使明史四川去京遠民不畏法豪吏黠胥奸弊百出璉至一治以法不少貸軍中暴橫有號虎彪太歲者人莫敢犯犯輒受奇禍廉得其實密遣人捕之皆真之重典乃建言脩武備慎刑罰明禮制復義倉正風俗等九事上嘉納之粵大宣宗即位召還為南京通政使掌國子監事數年祭酒無特員專任璉正統元年陞南京禮部左侍郎六

年致仕明史 璉德行淳懿文詞典重人愛之若珙
璧指紳士大夫求碑銘序記詩賦諸作足相矚于
門應之如響故著作最多有琴軒集歸田稿尤好
著書凡所臨郡邑必採山川人事風俗物產以供
賦稅之正而適上下之宜者爲書以傳若潁州永
陽羅浮成都等志皆具有所至學者考德問業無
虛日黃蕭養作亂璉建制禦綏靖之策竟平之黃志
璉於書無所不讀嘗過關有書數車悉封鑰關吏
曰宦橐邪璉不答合家人啟篋盡書也關吏隨手
探書出因璉璉誦答無遺見書中多璉手記歎服
謝罪家有萬卷堂多秘府所無之書四方之士來
觀必館穀焉璉之去滁也滁人侑之于醉翁亭與
歐陽修王禹偁爲三賢祠明史 東莞邑令吳中亦
祠之邑中與李用春叟亦曰三賢祠郡學則列于
仰高祠黃志 景泰五年璉卒年八十五明史
朱璧清遠人爲邑庠生孝友彰聞志行端潔丁母
憂泣血三年未嘗見齒與弟姪同爨四十餘年一
錢尺帛不入私室相俸資置義田遺助子孫婚喪
之需洪武二十四年貢入太學官至工部主事孫
琳秉性剛毅居鄉以睦姻任卹爲事時有鄉人黃
清年五歲父母繼沒琳助喪葬及長又濟以婚并
出穀以救鄉之貧者民德之景帝景泰四年癸酉

舉于鄉福建龍溪知縣廉以持己嚴以率屬尤加
意焉黃志

黃裳字迪吉番禺人少從李韓游明經學善文詞
洪武二十六年癸酉鄉貢進士卒業大學永樂初
授福建政和縣遇荒勸富民發粟以借飢民而
官置簿書條其人名以印鈐之授諸富民約至秋
成令息石以二斗歸之且禁粟毋出境獲全者衆
罹母憂去服闋部使者以文學政事薦陞禮部主
事辛卯晉郎中壬辰以小誤左遷員外郎後歷刑
部郎中卒裳有學識多所著述在政和時嘗與典
史郭斯墜修縣志其論社所以主石之義曰社祭
土主陰氣也夫陽氣積而成天故其精爲星陰氣
積而成地故其精爲石石擊則星出陰動生陽也
星殞則化石陽變爲陰也土爲陰氣之積而石乃
其精故社以石爲主也時稱善論其他詩文亦多
可採者時承南園詩社之後廣人多工詩嘗與周
斷事溥敬曾知縣惟忠儒士潘翥胡梯梁榮黎本
寧楊肇初皆有名于時繼之者則趙不易何濬輩
也東莞時有鳳臺詩社則陳靖吉何潛淵羅泰爲
之宗皆志欲追唐音云廣州人物傳
馬名廣番禺人少讀經書能賦詩以家累充遼東
開元衛軍士在衛誦讀弗輟洪武二十六年正月

詣闕上言五事書奏上觀所言有可采者但工商
 技藝之子不預士伍則與孔子有教無類之意悖
 矣命禮部擇其可者行之復命吏部用之遂授名
 廣吉安泰和縣丞黃簡嚴字公謹亦番禺人力學
 不倦才智過人登洪武賢良科任南京應天府尹
 獻時務十二策上嘉納焉值藍黨煽亂起兵督戰
 有功璽書特褒尋病乞養南歸建文末起用不赴
 家居抱旗山號抱旗山人明初朝廷樂採言士之
 上書言事者無論卑微必聽擇焉番禺志
 湯有容名載行其字新會人少年能文章勇於為
 義時輩多推服之洪武二十九年丙子舉於鄉會
 試中乙榜任廣西恭城教諭又歷興安聞其兄死
 即日疏其情上聞棄官養母者七年母謂之曰君
 恩未報久而不去恐有罪吾有諸孫可矣於是
 有容復官于容縣時縣大疫世謂疫能染人人莫敢
 出雖縣門無行者知縣彭清中其病熒然一身自
 分必死有容日令家人具湯粥而左右之晝夜不
 離其側清得不死時人比庾袞處兄弟有容處朋
 友尤為難焉終唐府伴讀廣州人
 茹連字彙貞新會人洪武丙子鄉貢初為齊府奉
 祠副改四川江安縣丞陞刑部員外郎出知湖廣
 長沙府連身體豐偉長丈帶圍六尺一飯米數升

豕首一枚然皆仰給公廩未嘗取於民律已甚嚴
 不受私託在京邸日有同鄉為縣令者邀連飲間
 夸其器之美連斲然曰君非盜民何以得此遠拂
 衣起人為之愧黃志
 鄧林字士齊新會人初名彝能為古文洪武二十
 九年丙子以明經中鄉選歷貴縣教諭南昌教授
 秩滿試高等成祖賜今名遷吏部驗封稽勳二司
 主事宣德四年以言事忤旨謫居杭州學士大夫
 多從之遊後放歸田里卒林嘗自謂其學詩於陶
 章李杜學文于史漢韓柳學書於晉唐諸名家初
 無所知名作懷春賦以寄意後官於朝大學士楊
 士奇祭酒李時勉閱其詩文曰嶺南一代文人也
 自號退庵所著有退庵集十二卷廣州人同邑有
 梁臨仲敬者新會志字彥良羅蒙正高弟子也英華
 秀發工詩文而長於舉業蒙正稱之洪武三年庚
 戌薦於鄉辛亥登進士第賜燕中書堂賦詩有鼓
 腹愧蒙天澤溥願推餘滴遺烝民之句一時翕然
 稱之歷河南永城縣丞禮部主事卒黃志又有番禺
 何子海字百川者臨同年也亦庚戌舉人辛亥進
 士本宋進士起龍之後博學能詩嘗擬秋風三疊
 清婉沉蔚評者以為過居實遠甚歷丞睢寧永康
 二縣有百川集行于世二人者皆先鄧林時廣州人物

傳又有番禺二董則名在林之後伯曰匾字宗志
永樂甲午鄉薦金谿訓導仲曰匡字宗輔性介特
邃於易老丁酉鄉薦萬載教諭陞貴州道監察御
史俱能詩而匡尤善草書隸篆兄弟同登戊戌乙
榜其父董珣字伯琪洪武甲子鄉薦吉水教諭亦
能詩博極羣書有飄然物外趣世謂二董爲克肖
子有二董集及自見集藏于家云廣州人
歐觀生香山人儻不羈博學工古文詩尤豪邁
洪武二十九年丙子鄉貢進士教授紹興以性傲
忤當道左遷什方典史歸年六十卒號梅軒有集
今不傳黃志

唐豫字用之南海平步人今順德父奎字景文洪武
初鄉貢授增城教諭博洽羣書鄉人號爲書櫃有
龜峯集傳于時湛采民作亂往諭以義不從被執
罵賊而死豫生而穎悟少從翰林典籍孫黃遊作
詩文有古人風性剛介無詔曲交友克盡義尤篤
於孝作蓼莪亭以寓孝思主事劉履爲之記隱居
授徒自號樂濬學者稱爲樂濬先生時有平步大
逸謂東皋周祖生南軒周祖念節庵劉子羽芸庵
何淮素庵劉子高及豫也皆衣冠嚴肅爲世所欽
嘗與定鄉約鄉人信守行之蓋因鄉間所易曉者
而裁制之使簡易可循也行之一年爭訟息久之

顏俗漸革布政叅議陳贊懿其文行待以賓禮且
贈以詩有百鳥羣中孤鳳凰之喻及贊改太常卿
去執手泣別不能舍謂曰卿吾三益也其忍一日
違邪子璧亦有文行酷類其父母區氏誓不能自
食璧執匙筋養之後遇神醫復明人以爲孝感公
卿欲薦之力辭焉築主一齋遠近尊師之每訓誘
子弟必使端立正坐出入規矩然後授以句讀或
尤其迂闊曰文藝末事耳苟不收其放心其何以
爲受教之地耶正統己巳之亂避寇佛山爲其鄉
人畫策賊不能入皆有集傳於家廣州人

謹案戴志謂陳贊待以賓禮爲唐璧云

洗用行番禺人少力學窮經馳聲郡校洪武中貢
入南雍益有文譽永樂初授鎮江府推官斷獄平
允甚得民心士論賢之黃志

余慶字原善新會人新會志云洪武時歲貢永樂中由監生

知福建南安縣蒞官革奸弊均徭役修縣治興學

校奏免崩堆海蕩賊米一千二百餘石以復流亡

秩滿去民遮道泣留如失父母福建通志

黃裳字文中東莞續志東莞人先世家閩之莆田

從父景和來成南海衛遂居于莞性莊重刻志學

問通百家子史工詩文善書翰戎衛禮爲社學師

文武子弟從游者以百數蓋文學之儒也有司徵

辟不就有敬庵集黃志

伍驥字宏道新會文章里人今新先世宋末有為

典章者其後總管士達仕元生驥年弱冠知大義

兄驥以事戍遼海固請代行不得兄弟執別路人

為慟嘗歸自京師泊舟白沙許夜半忽聞水中有

呼救聲亟起援之乃一童子詢之曰父賴人全家

沒入幸而得釋還所沒攜吾母子三人附便舟還

父病死中途舟人圖財夜驅吾母子於江母與弟

死水中矣吾以能浮得不死然彼必來追復恐不

免驥曰毋恐吾當為汝復警黎明賊果至紿曰平

生止一子夜起墮水中救得者酬以白金百兩言

訖即出金以示舟中人利之誘驥歸其童驥正色

拒之隨以童詣白沙寨白巡官捕之賊徒伏法其

為義不奪于利類此平生積書多至數千卷一時

名士同邑黎貞南海王子倫胡濟番禺董匡皆受

其延聘為子師建祠堂築墓亭家規族譜具有條

理雖富甲鄉邑而儉朴如寒賤云黃志

驥其先汴人仕宋扈蹕南渡至厓山宋亡遂居

新會文章里驥早孤事兄驥至謹一時名士稱

莫逆交晚號訥翁扁其燕居之所曰養拙菴諸

公皆為詩文以美之自著誠子文以十事箴訓

諸子卒年五十九鄧主事林志其墓又作挽詩

云墓石恐無人秉筆竄金幸有子承家蓋實錄

也同州遺墓周新南海人初名志新字日新成祖常獨呼新遂

為名因以志新字明史世居廣州南郭外高第里

洪武中以諸生尋貢入太學明史己卯鄉貢進士

授大理寺評事以善決獄稱成祖即位改監察

御史敢言多所彈劾貴戚震懼目為冷面寒鐵京

師中至以其名怖小兒輒皆奔匿永樂元年巡按

福建奏請都司衛所不得凌府州縣府衛官相見

均禮武人為之戢二年改按北京時令吏民罪徒

流者耕北京閒田監禁詳擬往復待報多瘐死新

請從北京行部或巡按詳允就遣以免淹滯從之

且命畿內罪人應決者許收贖帝如新所奏無不

允還朝三年九月即擢雲南按察使未赴改浙江

冤民繫久聞新至喜曰我得生矣至果雪之初新

入境羣蚋迎馬頭跡得死人榛中身繫小木印新

驗印知死者故布商密令廣市布視印文合者捕

鞠之盡獲諸盜一日視事旋風吹葉墜案前葉異

他樹詢左右獨一僧寺有之寺去城遠新意僧殺

人發樹果見婦人屍鞠實磔僧一商暮歸恐遇劫

藏金叢祠石下歸以語其妻且往求金不得訴于

新新召商妻訊之果商妻有所私商歸所私尙

匿妻所聞商語夜取之妻與所私皆論死其他發
奸情伏皆此類也明時境中有虎害爲文告城隍
須臾得虎格殺之廣州人新微服行部忤縣令令
欲拷治之聞廉使且至繫之獄新從獄中詢諸囚
得令貪汚狀告獄吏曰我按察使也令驚謝罪劾
罷之明史錢塘知縣葉宗人號廉能嘗偵之入其居
無長物惟厨中笠澤腊魚一束其家所寄者也袖
少許以出明日召飲出示葉葉益砥礪號錢塘一
葉清後卒于任爲文躬祭之哭之累日甚哀所以
彰善也嘗有餽鵝炙命懸示之後有遺者指之無
復有以毫髮干者其後察案或受于人必問曰冷
面寒鐵公知否彭森永樂十年浙西大水明九年
湖州府無徵糧米十七萬二千四百餘石所司一
概催徵民日逃亡雙槐通政趙居任匿不以聞新
奏之夏原吉爲居任解帝命覆視得蠲振如新言
嘉興賊倪宏三劫旁郡黨數千人累敗官軍新督
兵捕之列木柵諸港以賊陸走追躡之桃源繫以
獻當是時周廉使名聞天下錦衣衛指揮紀綱使
千戶緝事浙江攫賄作威福新欲按治之遁去頃
之新齋文冊入京遇千戶涿州捕繫州獄脫走訴
於綱綱誣奏新罪帝怒命逮新旗校皆錦衣私人
在道接掠無完膚既至伏陛前抗聲曰陛下詔按

察司行事與都察院同臣奉詔禽奸惡奈何罪臣
帝愈怒命戮之臨刑大呼曰生爲直臣死當作直
鬼竟殺之考明朝典彙云永他日帝悔問侍臣曰
周新何許人對曰南海帝歎曰嶺外乃有此好人
枉殺之矣後帝若見人緋衣立日中曰臣周新已
爲神明史歲抄云帝問汝誰新
吏云後紀綱以罪誅事益白妻有節操新未遇時
縫紉自給及貴偶赴同官妻內讎荆布如田家婦
諸婦慚盡易其衣飾新死無子妻歸貧甚廣東巡
撫楊信民曰周志新當代第一人可使其夫人終
日餒耶時時賜給之景泰初妻死于家浙人仕廣
東者皆會葬明史
李晟字孟昭南海人器宇凝重舉止不凡兒時見
者知其必貴少失怙入邑學博通經史有文名且
能承顏事母建文元年己卯鄉貢進士靖難初爲
戶科給事中嘗侍左右言事稱旨永樂元年癸未
春三月上御奉天門選近臣有才識者使廣東撫
綏河源山澤間流亡之徒上顧晟曰汝其往哉當
陛辭有旨許過家省母賜道里費楮幣以行人皆
榮之復命加慰勞七年己丑春正月上御奉天門
晟方奏事上謂吏部曰吏員中多有才幹者然亦
能害人可令給事中保舉若非其人則平日交結

可知其併罪之戾受命而出乃奏保郎中萬子雅
 辦事官前御史傅衡詔試一人以事然後任職由
 是益為上所知元夕賜百官觀燈應制賦詩為人
 稱賞與全官陳山輩皆馳聲于時永樂十年壬辰
 進都給事中以廉能保舉擢知廣西南寧府專尚
 德教歷六載梗化者悉歸供賦稅以績最擢河南
 布政司參政所至有聲致仕家居尤篤孝友鄉邦
 論仁厚君子必曰李大叅云黃志

張舉字元直番禺人力學窮經游郡庠少有文名
 革除己卯領解首薦為全州學正立教嚴肅士知
 敬業永樂三年以學行徵為戶科給事中選備講
 讀乞歸卒貧無以為斂有司及親友賻之乃克戴
 事全州志

梁宏字廓之南海人少穎敏被選為弟子員貢入
 胄監以學行知名司業劉崧試其文稱為奇才堂
 友長亦皆推重將省親蒙由道輩求方孝孺為南
 士之說以送行歸廣州後永樂改元遂不復仕黃志

梁孟祥南海龍頭堡人今順德性至孝永樂初父以
 吏事長流口北孟祥甫四歲攜出墻屏之下語之
 曰吾遠行恐無還期兒別我矣其父果不還孟祥
 自後歲時拜于墻屏外拜則泣終身無不然歲久
 墻污壞人令毀之孟祥不肯曰猶是彷彿見吾親

也年甫壯喪妻不更娶終其身黃志

岑子原南海人永樂初為錢清北壩官廉介勤敏
 役夫餽酒肉悉却之敝袍蔬食處之怡然政暇必
 兀坐讀書人謂子原卑官而清操獨立為可異也
浙江通志

譚漢順德人性訥直而篤孝父母伯叔俱早喪惟
 叔母蕭在漢年踰四旬率婦與弟事之如所生歷
 三世一門四十餘口同居共爨庭無間言廣州人物傳

羅亨信字用實東莞人永樂元年癸未舉於鄉二
 年甲申進士改庶吉士授工科給事中出視浙江
 水災奏蠲嘉興海鹽崇德三縣租明史本傳凡五十餘
 萬石黃志進吏科右給事中坐累謫交趾為吏居九
 年仁宗嗣位明史洪熙改元用太子洗馬張瑛薦名臣
 錄始召入為監察御史覈通州倉儲巡按畿內
 真定等府清軍山西皆有聲宣宗宣德中明史摺弊
 壅不行受勅治鈔法京師商賈漸見通用黃志有薦
 其堪方面者命食按察僉事俸仍治鈔法待遷英
 宗即位之三月擢右僉都御史練兵平涼西寧明史
 將多私乘驛騎或買遷擅起車牛舊制官茶易番
 馬後許商運于甘州西寧償以淮浙鹽由是私茶
 盛行邊衛軍餘墾田不納賦至是令計畝輸邊帝
 悉嘉納黃志正統二年蔣貴討阿台朶兒只伯

亨信參其軍務至魚兒海貫等以芻餉不繼甯十日引還亨信讓之曰公等受國厚恩敢臨敵退縮邪死法孰與死敵貴不從亨信上章言貫逗遛狀請治其罪帝以其章示監督兵部尚書王驥等明史命往詢貫貴感愧伏誅安敬亦斬黃志明年進兵大破之亨信以參贊功進秩一等父喪歸葬明史先是遭父喪奪情至是令歸葬往返有賜廣州人還朝改命巡撫宣府大同明史汰諸衛冗官老弱者四百八十餘人黃志恭將石亨請簡大同民三之一為軍亨信奏止之正統十年乙丑進右副都御史巡撫如故時遣官度二鎮軍田一軍八十畝外悉徵稅五升亨信言文皇帝時詔邊軍盡力墾田毋徵稅陛下復申命之今奈何忽為此舉塞上諸軍防邊勞苦無他生業惟事田作每歲自冬徂春迺送瓦刺使臣三月始得就田七月又復刈草八月以後修治關塞計一歲中曾無休暇况邊地磽瘠霜早收薄若更徵稅則民不復耕必致竄逸計臣但務積粟不知人心不固雖有粟將誰與守帝納其言而止初亨信嘗奏言也先專候釁端以圖入寇宜預於直北要害增置城衛為備不然恐貽大患兵部議寢不行及土木之變也先入寇人情洶懼有議棄宣府城者官吏軍民紛然爭出亨信仗劍坐

城下令曰出城者斬又誓諸將為朝廷死守人心始定也先挾上皇至城南傳命啟門亨信登城語曰奉命守城不敢擅啟也先遂巡引去赤城鵬鵠懷來永安保安諸守將棄城遁按其罪當是時車駕既北寇騎日薄城下關門左右皆戰場亨信與總兵楊洪以孤城當其衝外禦強寇內屏京師洪既入衛又與朱謙共守勞績甚著著兜鍪處顛髮盡秃景帝即位進左副都御史明年年七十有四矣乞致仕明史會報宦官喜寧偕賊詣城下議和密遣驍將楊俊伏兵擒之賊患乃息上賜璽書有為國除患之褒復賜白金文綺初不許所請入京陛見益力免冠叩首帝見其髮秃乃許之疏歸八年卒于家明史所著有覺非集子泰能詩官承事郎疏

翟溥福字本德東莞人永樂元年癸未舉于鄉二年甲申進士除青陽知縣明史青陽地僻民稀田其土俗為政一以恩禮為本民甚戴之黃志九華山虎為患溥福檄山神虎即殄久之移新淦明史地廣政繁能開誠布公黃志遷刑部主事進本部員外郎為尚書魏源所器正統元年七月詔舉廷臣堪為郡守者源以溥福應乃擢南康知府明史至則訪民情核疾苦省刑罰禁橫征白鹿志先是歲歉民擅發

富家粟及收取漂流官木者前守悉坐以盜當死者百餘人溥福閱實杖而遣之地濱鄱陽湖舟遇風濤無所泊為築石堤百餘丈往來者便之廬山白鹿書院經元兵火廢溥福倡眾興復延師訓其子弟朔望躬詣講授考績赴部以年老乞歸侍郎趙新嘗撫江西大聲曰翟君此邦第一賢守也胡可聽其去懇請累日乃許之辭郡之日父老爭贖金帛悉不受眾挽舟涕泣因畱並建祠湖堤祀之又配享白鹿書院之三賢祠三賢者唐李渤宋周敦頤朱熹也東莞舊志

劉士傳字習之南海人明經積學不求聞達永樂元年有司聞其名以儒士舉之不得已出授兵科給事中屢言邊事文皇嘉之授陝西布政司左叅議巡行固原建議備邊或以為迂轉授福建邵武知府公勤廉慎興學勸士多所造就郡人德之八通志

蕭嘉祐新會人將赴舉禮部秣坡黎貞作構室說贈之嘉祐再拜受教自是益學力養銳堅忍其志以縱橫自用為終身戒後嘉祐任廣西恭城知縣處事公平待人以信大得民心雖山谷犛獍以片紙招之聞風而至無敢後期者政暇與諸生講學士風大振後卒于官民作祠祀之世謂黎貞知人

而賢嘉祐之能奉以周旋也貴州人初傳溫琇字如玉新會人與鄧林為同門友永樂初以國子生知福建永春縣勸農興學均役平賦膏減歲造皮張常貢士民德之調劇建陽八閩通志同時同邑有李讓者字遜之亦以國學永樂二年知浙江縉雲縣撫字有方多善政處州名宦傳晉交趾原州府同知丁艱服闋補淮安府同知黃志並見稱于時處州名宦傳

陳諤字克忠番禺人由南海學中永樂六年戊子鄉舉入太學八年庚寅五月授刑科給事中遇事剛果彈劾無所避每奏事大聲如鐘廷臣聞之悚背帝命餓之數日奏對如故曰是天性也每見呼為大聲秀才嘗言事忤旨命坎瘞奉天門露其首七日不死赦出還職明史陸吏科給事中率同列奏事明史已復忤旨罰修象房貧不能僱役躬自操作適駕至問為誰諤匍匐前具道所以帝憐之命復官明史搏擊愈力十一年奉使雲南還命署通政司事逾年署應天府歷署刑部鴻臚工部所至能其官十六年擢順天府尹明史歷任政尚嚴鷲執政忌之時有漢張趙風嘗出行轉城隅誤衝皇太子駕事聞竟不問十七年己亥四月有白鳥乳于庭樹諤以獻上喜賜金帛廷臣稱賀名臣錄出

為湖廣按察使史明閱三載無冤獄將代吏部侍郎

師達有事湖廣留之督軍廣州人改山西坐事落

職仁宗即位遇赦當還故官帝以諤前在湖廣頗

憚楚王細故謫海鹽知縣遷荆王長史為王府所

厭苦案史籍黃志俱云仁宗洪熙改元正月封建

親藩選輔導之職廷臣推諤重厚老成才德

兼備可用會上一日問左右曰大聲官人何在此

人宜復為輔導使人得易問過至是起為荆府長

史匡抹多所裨益能副上付託之重蒙賜忠

良無直四字以寵異之玩文義與史不合宣德

三年黃志以為是年丁母憂歸郡人素服某公直

為長史與王不協遷鎮江同知明史時戶部侍

郎周忱督漕于淮檄之修陂塘圩岸相方設宜隨

事就緒及郡之山川社稷壇壝學校齋堂殿廡咸

大為新之皆有成績未滿考以老乞歸不許欲徑

掛冠鎮民遮留不得行及章屢上乃允有旨命兵

部撥夫隸送還家英宗正統九年卒年六十有八

陳氏

黎和字伯英南海人少警悟能文美風儀事親以

孝謹聞與孫蕢唐璩友善元季避地槎溪歲凶竭

力以給供養雖當亂離手不釋卷親沒廬墓三年

後復業還夏溪闢萊蕪耕鑿吟嘯自如嘗揭八行

為家訓鄉人化之捐貲建永安橋二以通利涉永

樂庚寅辟茂才至京以老疾乞歸逍遙巖壑以樂

餘年一時名士多從之游志

梁軫號端溪高要人今三水少卓立有經濟志充肇

慶府庠永樂二年選送文淵閣與修書籍九年回

籍辛卯領鄉薦授福建道監察御史肅清風紀務

持大體後改行在山西道案三水志云鄉薦會試

年奉使浙江回京道丁內外艱十七年起復宣德

二年由國子監除行在山西道監察御史巡浙

直陝西等處正統間又巡江西湖廣四川雲南等

處正統十年劾奏楚藩僭用禮樂梓旨回籍無授

福建道監察御史及請雲南初巡直隸所至激烈

典史二事與黃郭二志互異

按山西時有指揮抵法免鄉里蘇都事餽以金硯

一方明珠五顆叱卻不受出按湖廣清臬司匿賊

賊一毫無假貸劾武臣不法事為人所嚴憚三水

嘗按雲南有舊都閩當籍沒家貲一內使後為忌

欲為之地軫固爭之曰有一於此是欺也

者所中謫雲南典史謝事家居始終剛介黃志生平

以貞白自勵遂別號貞白萬歷元年崇祀本邑鄉

賢三水

陳英弼字廷佐東莞人永樂九年辛卯舉人十三

年為廣西興業教諭士罕知學英弼修建學校嚴

立條約與諸生同食息致連舉者九人威儀文辭

足為師範林又同邑張溥字文博性嗜學手不

釋卷其詞翰有晉唐風韻以通政使陳璉薦授江

西袁州萍鄉縣學訓導子韡字子盛以詩經領正

統三年戊午科首薦黃志任彭縣教諭韡子昕字景

明成化元年舉人福建教諭遷南京學錄轉助教

昕子鳴鸞字文和嘉靖十三年舉人晉寧知州東莞志

彭森字伯森南海人少孤貧以俊材被選為郡諸生所服襦衫破缺以紙紉補之有司見而憫焉為給燈油飲食使力學森以是得肆力於書援筆輒萬言皆中規獲永樂十二年甲午鄉舉第一明年乙未登進士授山西道監察御史陞福建叅政始未第時聘同里女蓋卑賤人也及得解其家以寢解親戚復以女貌陋止之森不可竟成婚恩愛甚篤生子皆賢有舉于鄉者蘇徽錄

全誠字誠之番禺人籍隸廣州右衛讀書社學掌衛指揮曰麻張者最無賴人也遇諸途繫之詎曰爾軍餘也乃敢效儒生邪褻其衣使雜草烈日中少息則撻之誠泣曰讀書以求顯揚今日虧體辱親甚矣張怒逮其父窘辱之父子相視不敢言予張數金乃寬免永樂十五年丁酉誠領解首明年戊戌登進士授工部主事明時錄尋改刑部會張行兇奪人財逮至京師有旨命誠鞠之張望見誠一步九頓首誠笑而迎之謂于堂官釋之張造謝誠執禮如平時張感泣歸以女妻誠子誠性易直不事表暴常侍文帝北巡同行者記其舉動朝夕未嘗失尺寸蓋敦樸人也正統初以疾乞歸杜跡公

門怡情山水所作詩文皆純雅有集行世廣州人物傳黎秉經字宗冕番禺人永樂十八年庚子鄉舉為柳州訓導性質直能自守教授林幹嗜酒數諫之竟以醉死秉經具棺斂得幹遺書囊中金候其子至而付之丁外艱執喪盡禮服闋陞惠安伯教諭惠安乃太皇太后之兄秉經以師道自尊而惠安亦克盡弟子禮惠安卒秉經為治喪斂祭一遵家禮屏去浮屠以疏請上允之時公侯之家多尚侈靡咸歎以為古禮之復見于今日也工詩文有集傳于家廣州人物傳

龔遂字文昌番禺人世居揚武都以族蕃遂姓其村曰龔屋邊云永樂十八年庚子舉人十九年辛丑登進士第授浙江道監察御史坐小誤降山東布政司副理問比九載考最陞廣西按察司經歷性廉靜不求榮進景泰癸酉乃擢柳州府知府舊志府當廣右極邊賊境要害悉心匡略民夷安之又將九載當赴銓銜奏績巡撫兩廣會都御史葉盛廉其持身端潔官吏畏服熟知民情勤勞年久奏請陞授職俸仍管府事免其給由吏部以聞欲埃至部考覈而後擢之遂不及待乞致仕去柳州名宦志初田州知府士官岑鏞請遂為作祠堂記遂操筆立成牖其天性之孝徂其贄金時稱其廉過賊境

攜數十麓歸賊追劫之啓鑰皆書籍也田州志

顏宗字學淵南海人永樂二十一年癸卯舉于鄉

仕福建邵武知縣為政平易愷悌以救荒憫旱為

先奉詔增置義倉勸殷民及措置積粟二十餘萬

石儲之歲遭歉計口給賑民無阻飢嘗大旱齋沐

徒行百里禱于神雨大注歲遂稔民有吳姓者垂

死一子名鐵牛尚幼託所交育之一日鐵牛為人

所殺聞于官邑貳執所有者抵罪其人稱冤宗疑

之積誠告城隍夢有人訴曰殺牛者驢也明旦召

耆老訊之果有親屬幼喚邱驢者亟捕得之一訊

具服人稱為神明沙尤寇鄧茂七作亂上命率師

討之渠魁既得餘黨險弗服當道委宗招撫宗

率耆老數輩直詣賊所賊眾皆泣謝聽命散為良

民所活七萬餘人景泰辛未九年滿考無公私過

獲馳恩父母陞兵部車駕司主事三載轉署員外

郎奔母喪歸卒于途宗善畫山水為世所重黃志

廖謹字慎初南海之葛岸人今順德恬靜力學凡經

史百家之書靡不淹貫不妄交游以澹交名其齋

永樂中學士解縉出為交阯叅議嘗遇謹與之上

下其論若繭絲彘齧出出不窮縉不能有加也亟

以名儒稱之為謹題西樵讀書處有曰反身循理

懲忿窒欲敬之敬之如金如玉稷契皋陶何書可

讀蓋以聖賢事業期之也當是時讀書山中名聞

公府識與不識皆日廖五經以明經舉為四會訓

導後轉通山教諭以教績著性樸實不能諛上官

人或以俚語笑之為古必謂泥古不遁也乃作古

必解以自嘲久之陞南安府學教授致仕卒其教

人以執禮為先羣從兄弟嘗受學者終身莫敢與

雁行立從子珣宣德癸丑進士至通顯事謹猶執

服役人以是高之所著有澹交集藏千家廣州人

容梯與字行白香山人性質醇厚學博行脩明經

長于書永樂中署儒學事聘修邑志士大夫咸推

重之執弟子禮者無遠邇居家有禮男女各有學

祀先謹祠堂之制嫁宗族孤女數人母陳氏病風

癱梯與躬視湯藥十三年無頃刻懈及母沒哀毀

踰禮邑人稱為孝行先生自經學外攻吟咏別號

雲嵐所著有雲嵐集數卷卒年七十有七侍郎陳

璉序其輓些謂其儒行足稱風俗為之歸厚云諸

子汝勤汝嘉並以醇篤聞汝嘉生平足不履城市

壽八十有一惟以邑令敦請一詣鄉飲而已孫彬

亦有文學仕為教官奕世皆有梯與遺風黃志其四

世孫師偃字得治自少性純孝父春泉患癱疾兄

弟六人惟師偃侍朝夕扶持不離側武宗正德十

二年丁丑寇掠其鄉師偃負父而逃追者急父廢

使遷泣曰父子相為命去將安之俄被執賊縱火灼其父師偃號泣請代賊從之父得釋而師偃焚

死明史孝義傳

黃友信順德人永樂間為理問所吏讀儒書考滿赴部冠帶從征甘肅自募驍勇屢立戰功士庶感戴績聞于上超遷河南道監察御史轉工部員外

郎黃志

陳璉字濟美別號完菴新會人永樂中以明經授湖廣永州推官用英國公張輔薦調安南新安府推官會叛寇楊恭僭稱王璉率兵到新安峽山縣與杜布等設伏擒之黎利父子叛成山侯王通戰敗傳檄以清化迤南城池與利所屬官吏悉令出城璉守不去竟遇害英國公挽之云漢廷決策棄朱崖歸國衣冠渡五渚獨惜匪躬陳郡理郊原誰為掩遺骸同州遺稿

何潛淵字時曜東莞人質直明敏有操守富學問為詩文必以理勝立身務循規矩蚤從羊城陳仲璧講學旅館夜分忽有窺宋玉墻者遽斥使退朋儕重之仁宗洪熙初知縣李貞舉經明行修薦于藩司以親老辭歸親疾侍湯藥惟謹居喪毀瘠三年不近葷酒事兄潛琛郭志東莞志作潛珍友愛彌篤頌白猶同財共居因名其堂曰同心晚年與邑耆英結

詩社于鳳臺潛淵及羅泰社中宗之憲宗成化初知縣吳中每舉鄉飲必躬請為正賓歲時式間致恭稱為止齋先生年八十五卒同鄉長史黃結嘗曰維止齋行可媲古之君子才不愧今之名賢云

黃志

胡濟字孟時南海人以學行優長知名仁宗洪熙元年廣西道監察御史胡啓先以賢良舉授廣西布政司檢校英宗正統三年廣西按察司僉事王凱以濟廉介學優薦廣西理定縣知縣招來流民復調平南縣界大藤峽民雜獠種不時侵掠移竄者多濟築城衛之民始奠居正統九年廣西總兵官韓觀征剿大藤峽賊連平南之大同明化二里民多就俘者濟力為民辨蒙活者二千餘人民懷其德稱其循良廉介至今不忘以疾卒于官廣州舊志

廣東通志卷二百七十二終

廣東通志卷二百七十三

列傳六 廣州六

王子倫 鄭宗維 子慈

鍾順 易善 程勉 謝宗齊

盧祥 彭誼 子恪 系綱

涂俊生 陳用原

戴璉 子籍 陳政

袁衷 祖友信 鄭敬

楊餘蔭 蔣濬

方俊 李嗣

吳讓 何淡 從弟經 李聰

何楚英 羅顯韶 子子昂

鄧珩 龍敏

張駿 顏清 以上

明

王子倫名綱南海人博學積文有名于時宣宗宣德初監察御史何善薦授長沙之攸縣丞政惠及民民愛之時草寇蕭彥真剽掠子倫與百戶張本捕之抵衡山遇寇與戰失利中有引矢向子倫者衆呼曰王父母君子人勿傷遂得免既而通政陳璉復以有守有爲薦知江陰縣廉名益著僅初考都御史陳智聞其學識操守復疏奏舉之有旨來

徵邑人黃棹素等千餘人遮道願留不可乃脫其靴懸於譙門以示不忘至京授河南道監察御史以直聲著厯官不攜妻子英宗正統間巡按雲南遂以疾卒吏部尚書魏驥表其墓稱爲廉能吏賢法司云二子載貫載能文章隱居不仕貫字宗一有詩名由鄉貢任南平知縣卒貫子觀光亦舉人能詩而子倫所著有彝齋集 南畿志

謹案黃佐通志南海志選舉皆云子倫與胡濟皆舉賢良科貫與觀光父子同景泰庚午科

鄭宗維香山人宣德四年己酉領鄉薦仕政和縣學教諭啓迪有方一時士類多所造就陞太平教授性醇厚善爲文嘗典雲南文衡藩臬推重治家有義方甚嚴諸子各能通經以文學名子慈登成化辛卯科知臨武縣三年以內艱歸囊橐如洗民誦其廉 政和志

鍾順字必華 順德志 南海人 宣德王子鄉貢進士景泰中知沔陽州江西凶人周禮洪能起大獄爲患荆沔順以計召視奏疏叱其不恭卽杖殺之監利縣民越境而訴者凡百有七十人受理聽斷咸得其情監利民大悅爲立生祠於滄浪之上後終廣西太平知府能爲聲詩人多傳誦 沔陽州志

順德志 南海人 宣德王子鄉貢

進士景泰中知沔陽州江西凶人周禮洪能起大獄爲患荆沔順以計召視奏疏叱其不恭卽杖殺之監利縣民越境而訴者凡百有七十人受理聽斷咸得其情監利民大悅爲立生祠於滄浪之上後終廣西太平知府能爲聲詩人多傳誦 沔陽州志

進士景泰中知沔陽州江西凶人周禮洪能起大獄爲患荆沔順以計召視奏疏叱其不恭卽杖殺之監利縣民越境而訴者凡百有七十人受理聽斷咸得其情監利民大悅爲立生祠於滄浪之上後終廣西太平知府能爲聲詩人多傳誦 沔陽州志

進士景泰中知沔陽州江西凶人周禮洪能起大獄爲患荆沔順以計召視奏疏叱其不恭卽杖殺之監利縣民越境而訴者凡百有七十人受理聽斷咸得其情監利民大悅爲立生祠於滄浪之上後終廣西太平知府能爲聲詩人多傳誦 沔陽州志

進士景泰中知沔陽州江西凶人周禮洪能起大獄爲患荆沔順以計召視奏疏叱其不恭卽杖殺之監利縣民越境而訴者凡百有七十人受理聽斷咸得其情監利民大悅爲立生祠於滄浪之上後終廣西太平知府能爲聲詩人多傳誦 沔陽州志

進士景泰中知沔陽州江西凶人周禮洪能起大獄爲患荆沔順以計召視奏疏叱其不恭卽杖殺之監利縣民越境而訴者凡百有七十人受理聽斷咸得其情監利民大悅爲立生祠於滄浪之上後終廣西太平知府能爲聲詩人多傳誦 沔陽州志

進士景泰中知沔陽州江西凶人周禮洪能起大獄爲患荆沔順以計召視奏疏叱其不恭卽杖殺之監利縣民越境而訴者凡百有七十人受理聽斷咸得其情監利民大悅爲立生祠於滄浪之上後終廣西太平知府能爲聲詩人多傳誦 沔陽州志

進士景泰中知沔陽州江西凶人周禮洪能起大獄爲患荆沔順以計召視奏疏叱其不恭卽杖殺之監利縣民越境而訴者凡百有七十人受理聽斷咸得其情監利民大悅爲立生祠於滄浪之上後終廣西太平知府能爲聲詩人多傳誦 沔陽州志

進士景泰中知沔陽州江西凶人周禮洪能起大獄爲患荆沔順以計召視奏疏叱其不恭卽杖殺之監利縣民越境而訴者凡百有七十人受理聽斷咸得其情監利民大悅爲立生祠於滄浪之上後終廣西太平知府能爲聲詩人多傳誦 沔陽州志

進士景泰中知沔陽州江西凶人周禮洪能起大獄爲患荆沔順以計召視奏疏叱其不恭卽杖殺之監利縣民越境而訴者凡百有七十人受理聽斷咸得其情監利民大悅爲立生祠於滄浪之上後終廣西太平知府能爲聲詩人多傳誦 沔陽州志

進士景泰中知沔陽州江西凶人周禮洪能起大獄爲患荆沔順以計召視奏疏叱其不恭卽杖殺之監利縣民越境而訴者凡百有七十人受理聽斷咸得其情監利民大悅爲立生祠於滄浪之上後終廣西太平知府能爲聲詩人多傳誦 沔陽州志

進士景泰中知沔陽州江西凶人周禮洪能起大獄爲患荆沔順以計召視奏疏叱其不恭卽杖殺之監利縣民越境而訴者凡百有七十人受理聽斷咸得其情監利民大悅爲立生祠於滄浪之上後終廣西太平知府能爲聲詩人多傳誦 沔陽州志

進士景泰中知沔陽州江西凶人周禮洪能起大獄爲患荆沔順以計召視奏疏叱其不恭卽杖殺之監利縣民越境而訴者凡百有七十人受理聽斷咸得其情監利民大悅爲立生祠於滄浪之上後終廣西太平知府能爲聲詩人多傳誦 沔陽州志

進士景泰中知沔陽州江西凶人周禮洪能起大獄爲患荆沔順以計召視奏疏叱其不恭卽杖殺之監利縣民越境而訴者凡百有七十人受理聽斷咸得其情監利民大悅爲立生祠於滄浪之上後終廣西太平知府能爲聲詩人多傳誦 沔陽州志

進士景泰中知沔陽州江西凶人周禮洪能起大獄爲患荆沔順以計召視奏疏叱其不恭卽杖殺之監利縣民越境而訴者凡百有七十人受理聽斷咸得其情監利民大悅爲立生祠於滄浪之上後終廣西太平知府能爲聲詩人多傳誦 沔陽州志

進士景泰中知沔陽州江西凶人周禮洪能起大獄爲患荆沔順以計召視奏疏叱其不恭卽杖殺之監利縣民越境而訴者凡百有七十人受理聽斷咸得其情監利民大悅爲立生祠於滄浪之上後終廣西太平知府能爲聲詩人多傳誦 沔陽州志

進士景泰中知沔陽州江西凶人周禮洪能起大獄爲患荆沔順以計召視奏疏叱其不恭卽杖殺之監利縣民越境而訴者凡百有七十人受理聽斷咸得其情監利民大悅爲立生祠於滄浪之上後終廣西太平知府能爲聲詩人多傳誦 沔陽州志

進士景泰中知沔陽州江西凶人周禮洪能起大獄爲患荆沔順以計召視奏疏叱其不恭卽杖殺之監利縣民越境而訴者凡百有七十人受理聽斷咸得其情監利民大悅爲立生祠於滄浪之上後終廣西太平知府能爲聲詩人多傳誦 沔陽州志

長子學工畫白沙有題其春草詩季子禧與李承箕友善及卒承箕挽焉白沙亦倚而和之順德志先

是同邑易善永樂癸卯鄉薦為給事中出知岳州府政尚寬厚決訟明察凡案牘一日洞然吏不敢欺稱為神明進湖廣布政使景泰中引年卒於家

黃程勉永樂甲午鄉薦仕江西理問廉介勤慎決獄無私擢監察御史按江西有能聲後丁內艱哀毀而卒同湯性方字行素南海石湖人今屬與程

勉同舉永樂甲午郭初授江南江寧府溧陽縣尉後欽取陞諫歷刑部山西司主事員外郎中黃正

統初遷廣西按察司僉事時阿台朵兒只伯數為患上命尚書王驥行邊以性方才略可用遷陝西

行軍副使從驥及侍郎柴車僉都羅亨信等禦敵調度有方遇功賞無冒濫者花縣志加中憲大夫召

見上曰清慎廉能寬猛兼濟莫如性方家以剛直果決知名親老告歸優游泉石凡十餘年廣州志三

人者皆起家鄉薦以致貴顯有赫赫聲然惠及鄰邑去後見思世皆評順為最羅密字廷機亦南

海人家于番禺任武進主簿善撫字歲歉賑濟有法民賴以全卒于官民弔之如市乃畱衣冠葬焉

禮部尚書胡濙為之歛且贊其像自古至今有兩桐鄉蓋紀實也廣州人物傳

謝宗齊清遠人宣宗宣德八年癸丑貢入太學授杭州衛經歷在任優恤軍餘差遣有節衛官不得私役上官重之薦擢雲南趙州同知泣事公平士民悅服歷任五載餘謝病歸仁愛閭里尤注意于鰥寡孤獨天順中流賊陷城邑民張俊家無噍類宗齊養之十載及沒殯葬之人多其義黃志弟叔齊早逝無子婦張氏守節厚待之置墓田五十畝以祀祖考且贍族人之無後者清遠志

業往從其兄全州訓導竟遊英宗正統三年戊午東莞志廣西通志俱云遂領廣西鄉薦正統壬戌

宣德十年己卯科較是登進士高等擢南京禮科給事中多所論建凡六年而丁外艱服闋補吏科論也先僭號之由劾大臣王文項文曜等為人所畏憚未幾以言事謫山

西蒲州判官黃懷慨就任以下僚自處或問之則曰吾固素位而行也蘇後天順改元召為禮科給

事章疏剴切多見納天順二年戊寅陞南京太僕寺少卿尋以內艱歸八年甲申補順天府丞其冬

陞都察院右僉都御史巡撫延綏至則嚴武備肅綱紀邊境肅然屢以捷聞成化元年毛里寇邊祥

與總兵房能擊走之賜璽書白金文綺黃志二年春上言營堡兵少而延安慶陽各州縣邊民多騷果

敢鬪若選以訓練必能用命且各護鄉里不煩調募請勅御史往會點編隸行伍號爲土兵原僉點民壯亦改歸焉其優恤之法每名量免戶租六石常存二丁貼其力役五石以下者存三石三石以下者存四丁時得丁壯五千餘人此陝西土兵之始也錄議者欲進其秩宿與銓部有憾遂爲所沮因以書抵其外甥祁順思求退休順答曰昔人謂使營菟裘吾將老焉論者有猶豫爾時之謂何爲而不早決也三年丁亥冬得謝歸明年五月卒年六十六遣官諭祭祥以氣節自高性寡合與全官林聰最厚凡所獻納必協力成之故其名稱亦相頡頏云祥嘗學春秋于安福吳節教其子士廉從子皞皞嗣俊皆預賓與由是邑子之學春秋者益盛嘗修東莞邑志考訂精嚴人稱信史所著奏疏詩文號行素集藏于家吳川集

彭誼字景宜東莞人

黃志宣第十一年乙卯鄉舉

正統中由鄉舉

除工部司務嘗與尙書辦事無所阿景帝立用薦

改御史明史正統十四年己巳邊事起八月皇太后

命景帝監國有旨大臣舉風憲須老成人部以誼

應陞湖廣道監察御史時王文掌院事號嚴明啓

事不合輒瞋目不答獨禮重誼明年庚午景泰元

年南直隸勞民有殍誼往賑之日走數邑全活甚

衆三年壬申河決張秋隄水東趨奉敕修理徐堪表從尙書石璞塞沙灣決河進秩二等復決再往塞之明史先是尙書璞暨都御史王暹洪英各言方略有欲以席裹石投之者有欲納石籠中繫絙以沉者試輒敗誼乃督役夫從旁濬之約先畢先息不限日既濬決水勢緩隨而塞之水復故處漕輓遂通時河決沙灣誼于沙灣築石隄以禦決河開月河二引水益運河以殺水勢決乃止廣州人景泰五年以從大學士王文巡視江淮禽獲蘇州賊擢大理寺丞明年二月擢右僉都御史提督紫荆倒馬諸關明史修築城堡造神臂弓守之尋復提督各邊關倉糧及保定等衛屯糧黃志劾都指揮胡璽納賄縱軍罪天順初罷巡撫官中朝有不悅誼者下遷紹興知府歲饑輒發廩賑貸吏白當俟朝命誼曰民方急安得循故事耶築白馬關障海潮歷九載多惠政超擢山東左布政使人爲工部左侍郎成化四年遼東巡撫張岐得罪吏部舉代者帝日遼東自王翔後屢更巡撫多不稱可於大臣中求之乃改誼右副都御史以往鎮守中官橫徵諸屬衛誼下令凡文牒不經巡撫審定者所司毋輒行虐餒爲息十年冬戶部檄所司開黑山金場誼奏永樂中大監王彥等開是山督夫六千人三閱

月止得金八兩請罷之遂止誼好古博學通律歷

占象水利兵法之屬平居謙厚簡默臨事毅然有

斷鎮遼八年軍令振肅年未老四疏告歸家居四

十餘年卒明史本傳 廣州人物傳家居二壽八

十有八賜祭葬兩奉恩詔進階至資善大夫誼為

人外柔內剛謙以接物未嘗為傲傲之行而人爭

愛重之官雖達鄉里惟乘一欵段或步行以自適

云黃志子恪履補泰安州判恂字孟實景泰癸酉舉

人孫綱正德九年進士除浦城令巡按欲罷機兵

綱力持不可始雖怒後竟從之從征漳州寇有功

及議招撫以綱往宣諭賊皆降擢刑部主事黃志

云官至賜清廉宴乞終養年四十三卒東莞

涂俊生字友良番禺人有文行當宣德正統之盛

士夫仕而倦遊者有給事中張舉斷事周溥敬主

事金誠處士趙絢相與為文字交而俊生為之冠

冤藩臬知其名咸禮貌之間舉者民有德望者理

民間滯牒俊生首與焉遠近皆知有所謂涂老人

者無不加賓禮有司歲行鄉飲酒禮必虛賓席待

之黃冠反時適有詔開其自新之路會府求人齋

與之無敢應者俊生毅然行至則喻以禍福賊皆

羅拜環聽卒得善返嘗嫁表姪之孤者二人資遣

之一如己女其行義類如此既沒邱濬嘗歎曰善

人亡矣穗石濂泉之間服儒素而談理道者豈復

有斯人哉為之誌其墓黃志子暉景泰元年庚午鄉

薦仕韶州府通判明番志孫瑞字邦祥少穎悟不凡

儀表豐偉弱冠著聲庠序性豪宕不羈尤善書法

成化十三年丁酉鄉試第一丁未進士第三人及

第授翰林院編修宏治庚戌以脩憲廟實錄成陞

修撰與經筵時稱翰林三妙謂才學書法儀表其

為文汪洋浩涵成一家言宏治癸丑授例歸省時

父母皆無恙士林榮之抵家十日卒年四十有六

黃志暉子瑾少有才名成化十九年癸卯鄉薦二十

三年丁未與從兄瑞同登進士授南京戶部主事

監督諸倉乞終養歸二十餘年不仕瑾孫麟嘉靖

十三年甲午舉人江西會昌令有政聲會中坑峒

賊攻城龍南縣民激變弭亂有功晉南安府承知

柳州府番禺志

謹案番禺志涂瑞傳云從弟瑾瑾父暉考

粵大記瑞暉之子也明番禺志選舉亦云

瑾瑞弟

陳用原字志道東莞人性敏嗜學涉獵書史工詩

文長於書翰邑宰王尙瑀徵為社學師後又禮為

鄉飲賓舉止有儀年六十五終于家門人梧州知

府袁衷為撰墓誌張廷輩四十餘人為營墓石平

生所著詩文若干卷號西橋集黃志

戴璉字汝器南海人夙稟穎悟為郡庠弟子員一時名公咸以遠大期之素有詩名所同遊者如關譽涂轍輩皆蜚聲吟壇尋領正統戊午鄉薦登己未乙榜授羅城訓導僅二載卒時稱清節先生子縉工部尚書粵大記

陳政字宣之番禺人廣州人物傳云世家番禺之震未進士知全州歸由番禺遷生而秀穎六月能言三四齡時客有以三人聚話命之對者應聲曰四皓同遊客大奇之七歲父恩教之大學中庸即成誦十五能文有理致力學修省不少懈嘗作自訟文以警勵提督僉事彭琉見之曰此殆潛心孔孟者也亟稱之正統六年辛酉以詩經發解第一是年瓊山邱濬銳意首選二場後請誦所作驚曰解元屬之子矣吾輪子一籌耳遂不終場而去揭榜果然明年壬戌中春官乙榜不就卒業太學祭酒李時勉試之曰異材也命與天下文學之士商略等四十八人讀書于尊經閣下自是所造日深連遭內外艱閉戶藏修不樂仕進家居八年以五經教授從之者幾千人多知名者有司屢勸駕乃改治周易登景泰五年甲戌進士選為翰林庶吉士邱濬時為同年亦在選每見所作必推服嘗與

脩通志書成拜湖廣道監察御史繩愆糾謬務存大體嘗疏敬天勤民十事人服其敢言尋奉璽書提督北直隸學校立教條十五事設簿書以稽學者勤惰隨其資質高下而成就之大都以德行為本文藝為末未嘗輕易棄人故學者咸懷其德閱九載陞山東按察司副使提督學校如故前此所未有也先是積歲糧餉不敷庠序廩米折半支鈔奏言京師首善之地當以培養人才為先不宜吝惜小費詔復舊典士益激昂久之京堂太常卿官缺吏部侍郎尹雯召飲指案間犀帶示意政對曰腰金恆愧非據敢溢涯分乎雯遽曰君言是也遂不果用憲宗成化三年丁亥上疏請追崇孔子謂當易大成之號以洗前陋復元聖之稱以正宋人避諱之失用示一代崇道盛典會議者寢其疏不行是歲改雲南按察司副使至則繩武弁之無良者數人脩舉憲度張弛有道民夷安之十年甲午獻績之京至湖湘遭疾還番禺治療踰二載卒年五十有九政為人資性淳雅學殖該博所著有東井集存心忠厚不言人過孝友信義之稱洽于鄉黨廣之縉紳謂可以託妻寄子者政一人而已人志郭志番禺道道子大章俱知名袁衷字秉中東莞人正統六年辛酉鄉貢初授戶

部河南司主事歷梧州知府改平樂永州所至公

正廉明民蒙其惠尤長於詩文所著有竹庭稿黃志

祖友信字雲蘿本名友仁以避諱改事母孝洪武

三十年以薦赴闕與閩人鄭萬年同被命往董七

閩經界事竣乞歸永樂十八年被徵卒于京師衷

子宜字尚義成化元年乙酉舉人東莞志

鄭敬字德聚東莞人少秀異明敏然每誦讀必百

遍乃止夜誦非三鼓不休正統六年舉人七年壬

戌進士授南京湖南道監察御史廉介自持曹無

滯牒六載陞江西按察僉事改河南雲南滿考將

之京土酋循故習贖以兼金異貨家人或勸之受

大怒叱之曰我司風紀二十年享有常祿猶懼弗

稱况敢昧昧改節以欺天乎竟卻之成化五年丙

戌陞山東副使方逾四稔而髮盡白即自陳致仕

歸卒於家年五十八其卒也幾無以為殮人皆稱

之雲巖集

楊餘蔭字樸菴香山人生七歲而孤及長博涉經

史尤通春秋大義正統辛酉邑大饑餘蔭捐賑穀

三千石先是元至正間歲祲餘蔭五世祖紹宣與

弟賑穀五千石邑人德之為建麗澤亭至是新之

題曰繼美邦志

蔣濬字希舜新會人正統九年甲子鄉薦積學能

文尤工詩同年學士邱濬亟稱之成化初知福建

晉江縣明敏勤慎務在利民獄非重犯即遣之視

地宜給民以鄉穀種教之播耕民蒙其惠名蔣家

稻常祿外一介無所取秩滿遷漳州府同知去任

日泉民刻石于城南橋上曰愛民父母蔣公泣漳

政如在泉時致仕後惟吟咏每出新意前無古人

嘗與名士結詩社黃志

方俊字彥卿東莞人無書不讀最喜程朱語錄與

名士新會蔣濬友善日夕倡和濬自以為不及景

泰四年癸酉舉于鄉授浙江義烏令改廣西藤縣

所至廉能有政聲俸入惟購書籍不事產業日吾

畱心田遺子孫足矣有虛堂集性峭直好面刺人

過楮紳皆憚之唯黃人物少許可白沙陳獻章輩

皆受規諫稱為三益獨重同年張泰後泰歷尚書

為名臣人多其藻鑑同上

李嗣字克承號介軒南海人性端謹質幹魁梧年

十三為庠生氣益時輩識者知為偉器正統丁卯

鄉薦景泰五年甲戌進士授南京戶部主事嘗催

督南畿江西積欠輸賦不勞而集乃奏增大臣一

員專董其事遂為例晉署郎中事時五城兵馬司

妄奏房鈔都稅司侵剋公課蠹政戾民叅提兩正

其罪士民快之尚書張鳳推重之曰公輔才也欲

薦代己會鳳卒不果尋實授郎中出知金華府下車之始適行鄉飲酒禮有司設主席殺核視賓十倍違命撤之由是吏民知風旨終嗣任不敢干以私黃志郡俗婚嫁論財生女卽淹殺之嗣嚴其禁後舉女者必字以李云廣州人奏立正學書院祀先儒王何金許四賢重脩呂東萊張南軒朱考亭會講麗澤書院俾郡人知所嚮慕黃志治地僻遠民苦賦役奏請割三郡近地設湯溪縣隸本府以便之錄王辰入覲課優等遷浙江右叅政尋轉左脩築長堤以禦紹興寧波海漲二郡民賴其利浙江志又上軍政數十事皆行之晉福建右布政使漳州有狂生得幻術醉後能人役草木邑吏上變藩臬議舉兵嗣日討之是激其反爾單車至其家命縛以歸一省帖然尋轉左布政使十七年辛丑入覲道經金華民爭迓之攀轅涕泣不忍舍刻石路左以昭功德十九年癸卯遭內艱適蘇松多事奪情起爲都察院左副都御史巡撫其地首陳事宜降勅嘉獎所至百廢具興居無何召還授戶部右侍郎孝宗卽位乞休不許尋轉左侍郎會時有言兩淮鹽法不舉虧損邊儲事者奉璽書督視兼都察院左僉都御史以行悉心羣務遂感疾卽上章乞歸得旨乘傳還第俟瘳起用宏治七年甲寅卒年

六十九黃志計聞賜葬祭爲人孝友器量宏重見義敢爲遇事有斷廣州人居官三十餘年田園無所營增沒之日衣篋中惟白金十兩而已登第後祖業盡與兄弟俸餘均宗黨有司請大其居力辭之內艱抵家有司致祭禮贖金動千兩毫釐無取巡撫松蘇時約束家人無得外接富民賄請見其子嗣聞之卽遣子還粵其廉介如此鄉評謂始終有守者必曰李都憲何中美二人何從撰子辰以蔭爲國子生黃志吳讓字克讓南海人正統丁卯鄉薦景泰甲戌進士初授廣西臨桂知縣以清慎知名巡撫都御史葉盛獎異之曰使有司皆如讓之公廉則生民何至失所哉英宗天順三年己卯陞慶遠府知府知縣未及三年陞知府前此未有也慶遠處極邊所轄三州皆土官各餽白金三百兩爲贄讓悉辭不受南丹知州莫必善倍前數以懇之讓口占一詩堅却之曰貪泉爽酌吾何敢暮夜懷金豈不知寄語丹州賢太守元封回贈莫相疑居一年卒年四十八人皆惜之戴志何淡字中美順德人正統丁卯鄉薦天順元年卽年丁丑進士除知山東濱州適蝗旱且多無名之徵淡至以勸相耕農爲首務定糧役料物以貧富

為差書為由帖預給之聽以粟麥布絹通融折納其病民者一切罷之及期不待督而輸賦集暇取呂氏鄉約教民榜每鄉慎選老人親為演說大義使訓其間里按季查考民以惡聞則召其鄉老泣謂之曰吾不能化若與若不能化鄉其罪一也然吾則罪首也民苟三犯吾當自劾求退於若何如名慚謝而去訟為之稀例得皂隸馬夫折薪錢悉移應公務乃新學官脩禮器延聘師儒聚民之秀者日夕教之初士習鄙悍解額荒甚自是科第煥赫甲於他州巡撫都御史賈正疏淡異等請書姓名于御屏堪備京堂之闕有旨旌異與論稱其廉明仁恕政務畢舉民安其業所定徭役後守宗以為法會丁內艱去士庶哭留之憐其清苦乃釀錢二十萬相與謀曰我公素廉不受踰境其受乎付鄉老余良勝與至臨清致贖淡正色却之良勝負還散於眾不匿一錢蓋化於淡也後貌淡像祀諸龔遂祠山東通志服闋入為工部虞衡員外郎奄人請託不行工匠免害陞湖廣漢陽知府黃志郡多魚利民爭許又為親藩所擾悉奏革教民力田為築陂堰使時灌溉江右布商羣來誘民取倍息因之興訟相讐殺痛繩之民始安居尤重學校所教髦士多取科甲前此未有也民歌之曰何太守築漢陂

飢得食寒得衣廣州人物傳陞貴州左叅政時生熟苗相攻郡縣騷然巡撫集議用兵淡請招之會朝命下如淡言巡撫即檄淡往淡單騎深入諭以威德遂釋甲返故土尋以親老乞歸得允時年纔五十餘與從弟副都御史經內弟叅政李聰同時致仕人以為難淡居官三十年家產無所增貧至不舉火晏如也暇為課僕種園蔬以自娛卒年七十五黃志從弟經字宗易景泰甲戌進士成化初為工部郎中荆襄盜起經從事尚書白昂征之親犯矢石獲賊首劉千斤又追捕渠黨石和尚于西蜀嘗劾侍郎霍宣宣罷職踰年擢貴州左叅政士官金鐸不法經奏執之陞雲南右布政士官昂貴謀為不軌平治之陞貴州左布政時兩廣大軍征荔園諸蠻經獨當一面且攻且守諸峒悉平陞右副都御史撫治鄖陽民有此老如何不早來之謠致仕歸所著有平蠻集南遷稿京行百詠和兩廣觀風集督撫三藩等稿傳于家藏志李聰字士達順德人父德彰好學不倦謙厚自持善醫每以藥濟人不責其報正統己巳之亂為眾所推保障鄉土遂據險立柵風飡露宿極力捍禦賊攻北村率眾援之皆殊死戰斬獲無算民賴保全竟不言功聰為人曠達樂易不立厓岸成化二年丙戌進士授南京江

西道監察御史成化間孝宗龍潛聰率先疏請立儲貳以定大本上意遂決既冊立賜以綵段尋陞嘉興府知府未幾丁內艱改饒州府恤刑節用勸農興學湖水爲患築堤捍民至今稱爲李公堤凡遇雨暘失節爲民祈禱無不感應民居被焚躬行救護須臾返風滅火有虎入城傷人禱于神曰知府若有虐政害民宜爲虎所傷否則神當亟除虎害禱畢立擒虎而殺之人以爲異陞廣西叅政未幾卽上疏乞休時年五十二知縣吳廷舉扁其堂曰見一卒年八十有四黃志

何楚英字邦佐南海人正統十二年丁卯舉于鄉卒業大學拜陝西道監察御史天順初天變詔求直言上疏條陳四事其言皆切近而平直又劾逆臣吉祥擅作威福會大祀督光祿寺厨人竊蜜事發正之以罪吉祥緣此中傷之下錦衣獄拿問柳號三月降廣西貴縣主簿成化初巡撫都御史韓雍用楚英勦賊獲文清等以功陞潯州府同知仍掌貴縣又以運糧草積有助勞陞柳州府知府城舊土壘至卽易以巨石民倚爲安丁內艱起補太平府值郡學久廢捐俸新之以弭盜濟時得上考滿任陞廣西叅政越二年去官卒年八十有二上羅顯韶字九成順德人簡默多智略正統十四年

己巳時有黃蕭養之變辟兵端州明年賊誅侍郎揭稽以節鉞鎮廣顯韶率父老詣軍門上書請置縣其略曰韶聞失大小之權者不可與言智昧遠近之利者不可與言謀故善智者圖見於大善謀者定計於遠見大故能察微而知著計遠故能因亂以成功韶伏見邇者黃賊之變起自亾命擅帝號攻城邑潰走王師禍可謂烈矣當此時黃賊噪嘩而數境之民風靡應援譬諸禽獸一個負矢百羣俱奔非其習有慎悍之積性有樂死惡生之逆也然而負不義之名以犯誅僇者何也今夫素之質白染之涅則黑失其體也金之性沉托之於舟上則浮勢有所支也民之從亂猶素之染涅也得所恃則治猶金之托舟也然近年諸司諱言實旤治慕空名撫字無恩防禦不肅故逞欲狂求者兆爭攘之端也姑息牧寇者豐禍亂之道也任情斲法者賈苛刻之怨也是以上無固結之仁下懷離潰之志外無城郭之備內怵逼脅之勢漢人有言穿窬不禁乃致強盜強盜不斷乃爲攻盜蓋成於漸也此韶所謂著微之機而治亂之候者也然欲樹長畫而代禍本則莫若置縣昔周王建洛邑本殷頑而思治齊桓城楚邱緣衛難以爲功故政惠而不費民勞而不怨何則以其圖見於大而能定

計於遠也今大良其地遠于南海然西有排榜之
峙東有迎暉之環前擁華蓋後鎮拱北山原如翼
河流若帶此澤國之形勝也因其地而置縣域以
封疆防以城池治以官師聯以戶口齊以科教如
此雖復有黃賊之變無能爲矣其樹長畫伐禍本
之道計無易此乃議者或曰兵荒之費無所出殘
傷之民不可役是習瑣瑣之細非可與論於大道
也夫扁鵲治病以刀刺骨雖有小痛而長利在身
君子振亂用民爲役雖負時怨而久福在國故甚
病之體以忍痛爲利暫勞之民以永逸爲福故曰
前事者後之鑒惜小者大之費惟執事者圖之於
是侍郎嘉納竟奏行其後民無兵擾者八十年顯
詔之力也粵大景泰初有司治賊之餘黨鄉民陳
琛等坐誣將戮顯韶曰枉盜本以安民乃用誣而
枉誅戮何哉詣有司力諍得釋顯韶之妻家没于
賊鄉豪爭籍其產欲分予顯韶曰乘人哀而利取
吾不爲也竟不受周知縣宜治縣稱廉卒于官
貧不能歸顯韶捐十金爲助於是鄉人各持金爭
爲賻其好義蓋天性然也別號東澗人因稱東澗
義士縣大夫過式其間或比之龐公焉及卒郡高
士唐璧爲東澗賦弔之子子房字宗傑成化十六
年庚子舉于鄉明年會試不第歸以母老築卧思

亭奉母爲樂母卒執喪盡禮是時古岡陳檢討江
浦莊行人大良李孔脩皆與子房友善爲賦卧思
亭尙書吳廷舉治縣時聞其賢良數諮問民間利
病子房棘棘言之縣積疑獄囚乞鞠不已廷舉無
以自決曰安得宗傑言可決也人詣其所請言子
房曰不可奈何用己見奪邑大夫明耶及廷舉以
密叩公復棘棘言如故人有得理於官者請獻百
金爲壽子房大咤曰言時未知有子何得汚我宏
治八年復入京謁選吏部知永福縣永福故近邊
地著瘠耗習猾而俗夷且盜藪也至則覈征租平
徭役招流亾立城障戒巡徼實倉庾又葺廢墜療
疾疫禁巫禳伐邪崇禮興學誨徒然治多本于內
廉初縣大猾張月麒縱其子殺徐姓二子亾不得
夕有二烏遶卧所徹夜號鳴怪之從走卒微行廉
知其狀遂下吏捕月麒及其子棄市正法監司重
之奏治行爲廣西第一居無何遂乞致仕父聞將
歸走泣堂下歸之日無十金之囊及卒子粥其祖
所置產爲喪葬具羅司勳集
鄧珩順德人正統己巳賊至其鄉焚掠珩父遇害
兄弟奔散珩負母麥氏避難過烏柏涌遭刃傷足
不能行賊殺之數日面如生兩目下有淚痕見者
異之鄉志

龍敏號松巖順德人正統末黃蕭養入境脅敏歸附敏抗義不屈偕二子淵源闔門八口同死止存幼子澈外戚何氏撫而育之澈子宣和宏治壬子舉人晉江令孫堯達嘉靖己酉舉人永定令上同張聚南海人性慷慨多大節少時屈首受書久不得意乃棄去署籍藩掾事左布政陳選偶以誑誤冒法被黜乃歎曰是吾罪也久之選以抗節觸怒中貴韋眷有旨逮問時勘官李行媚眷以娶必憾選賂之不可乃連逮之拷掠數百終不服遂文致其罪繫累同選赴京行至南昌選病篤李行不爲醫療幸選死以報眷娶益發憤欲絕顧念選之所以得白者徒以有口在也乃上疏曰臣聞周公元聖而四國之謗乃致上疑於其君曾參大賢而三至之言不免搖惑於其母是豈成王之不明曾母之不親哉凡以口能鑠金而毀能銷骨也陛下臨御區宇明並日月恩同父母詎圖怙冒之中尙罹屈抑覆盆之下復有沉寃竊見廣東布政使陳選素崇正學夙抱孤忠才處羣邪之間獨立衆憚之地太監韋眷通番敗露知縣高瑤按法持之陳選移文嘉獎以激貪懦固監司之體也奈何宋斐徐同愛怯勢保姦首鼠兩覷以致韋眷橫行曾臆穢媛清節熒惑聖明勘官李行承眷頤指毀鍊成獄

竟無左驗臣本小吏以詰誤觸法爲選罷黜實臣自取非選有加於臣也眷乃妄意臣必憾選以厚賄陷臣令扶同陷選臣雖胥徒亦知廉恥安敢欺昧心術顛倒是非眷既知臣不可利誘乃嗾行等逮臣於理彌日拷掠身無完膚臣甘死籲天終無異口行等乃依傍眷語文致其詞劾選勘災不實擅便發倉曲蔽屬□意圖報謝是毀共姜爲夏姬詬夷齊爲盜跖也本年嶺外地震水溢漂民廬舍屬郡交牒報災老弱張口待哺而撫按藩臬若罔聞知選獨抱隱憂食不下咽謂展轉行勘則民命垂絕其何能待所以便宜議賑志在救民非有他也選素剛正不堪屈辱爲勘官凌侮憤懣成疾旬日而殂李行幸其就死不爲醫療又潛遣養子密以選死報眷以快其忿小人佞毒交結權倖一至於斯司寇之屬要在詰奸刑暴安取此輩爲也夫選砥節奉公橫罹讒構君門萬里孰諒其寃臣以罪人擯斥田野秉耒自給百無所圖敢冒死披陳甘心鼎鑊者誠痛忠廉之士銜屈抑之寃長讒佞之奸爲聖明之累也奏入上爲感動事遂釋復選爵張娶小胥也爲法受過旣以賢矣而白陳公之寃雖貫高之義何加焉韋眷刑餘無足比數而李行非衣冠而大豕者乎狐鼠深穴相與比周自昔

而然非果斷烏能勝哉郭志
顏清字汝陽廣東人正統中任寧德丞時銀場雜
辦院司府屬監課軍戍往來文書絡繹清應接如
流會鄧茂七叛焚掠村閭清率民兵克其寨邑獲
安全後卒於銀場貧無以殯百姓哀助之福建通志
謹案顏清不知何府人今附書於此

廣東通志卷二百七十三終

廣東通志卷二百七十四

列傳七 廣州七

陳琮 陳獻章

林光 父彥愈 陳猷

陳庸 孫棗 梁儲 孫致

張詡 周京 子久佐

黃佐 林紹光

梁奎 譚以賢

譚以良 梁文冠 子景行 景孚

湛若水 陳昊元

陳護 黃澤 區越 父鑑 子元履 元

李翰 趙善鳴

梁貞 易龍

張壁光 李孔脩

伍雲 孫佳耶 容貫

何廷矩 容珪 彥真 球 彥禮 彥昭 彥附

易元 林時嘉 拔 敬

林時矩 馬廣生 子國馨 姪貞

湯霽 兄雲 弟覓 陸之

黃子賢 馮載

袁暉 陳冕

黃球

子子正 孫字

黎潛 蕭倫

趙思仁

林暉

林棟

李瑜

陳魁

李輔

尹鳳

謝佑

陳瑞

張希載

鄧翹

鄧琪

鄧德昌

陳謙

明以上

明

陳琮號樂芸居士陳獻章父讀書能一目數行下

善詩年二十七卒卒之一月而子獻章生宣德二

年戊申十月二十一日也獻章母林氏二十四守

節教育之張詡撰琮生有異質髫齡能文喜歌吟

尤究心理學身體力行毅然以明道淑人為己任

先輩多以遠大期之質羸善病潘謀元廣著有樂

芸詩一卷新會 舊志

陳獻章字公甫新會人自幼警悟絕人讀書一覽

輒記嘗夢拊石琴其音泠泠然有一偉人笑謂曰

八音中惟石音難諧今諧若是子異日得道乎因

別號石齋張詡撰舉正統十二年丁卯鄉試第九

人戊辰赴禮闈會試中副榜告入國子監博覽羣

書吳與弼孝再上禮部不第從吳與弼講學居半

載歸讀書窮日夜不輟築陽春臺靜坐其中數年

無戶外蹟久之復遊太學祭酒邢讓試和楊時此

日不再得詩一篇驚曰龜山不如也屢言于朝以

為真儒復出由是名震京師給事中賀欽聽其議

論即日抗疏解組執弟子禮事獻章明史四年獻章

既出太學歷事吏部文選司與羣吏雜立廳事下

朝往夕返不少怠郎中等官皆勉令休對曰某分

當然也識者謂其抱負之大而克勤小物如此有

北士麤鄙者數人約曰必共往困折之及見陳子

丑然氣沮口噤不能發一語反致羞而退因語人

曰果異人不可狎也行獻章既歸四方來學者日

進明史往來東西兩藩部使及藩王島夷宣慰無不

致禮其廬自朝至夕與門人賓友講學論天下今

古事塵塵不少厭倦行成化十年甲午參政伍僉

事戴以次遺金欲新其居却不可乃營小廬山書

屋以處四方學者僉事陶魯遺田若干頃以為館

穀又不受十五年進士丁積為新會令聞獻章名

喜曰吾得所師矣甫下車求執弟子禮於是教其

治邑以正風俗成人材為急務年廣東布政使彭

韶總督朱英交薦召至京令就試吏部屢辭疾不

赴疏乞終養授翰林院檢討以歸至南安知府張

弼疑其拜官與與弼不同對曰吳先生以布衣為

石亭所薦故不受職而求觀秘書冀在開悟主上耳時宰不悟先令受職然後觀書殊戾先生意遂決去獻章聽選國子生何敢偽辭釣虛譽自是屢薦卒不起明史宏治初李承箕自湖廣來師獻章築楚雲臺以居之三年春進士姜麟使貴州取道如白沙以師禮見留十日去四年冬十月與戶部侍郎劉大夏泛舟匡門建議立慈元廟於大忠祠之上五年增城湛若水請從之遊築江門釣臺爲講學之所七年巡撫都御史熊逵欲建道德坊力止之乃築嘉會樓於江滸爲往來嘉賓盍簪之所冬慈元廟成作碑文記之八年正月部書復至通判顧叔龍以兩司命來勸駕辭不就二月母太夫人卒九年按察使李白洲做富鄭故事以數百金買園一區於羊城獻章以書辭封券三四往返竟不受十年知縣丁積卒於官獻章爲建祠以祀之十二年都御史鄧做林逋故事檄有司月致米一石歲致人夫二名獻章却之年譜獻章之學以靜爲主其教學者但令端坐澄心於靜中養出端倪或勸之著述不答嘗自言曰吾年二十七始從吳聘君學於古聖賢之書無所不講然未知入處比歸白沙專求用力之方亦卒未有得於是舍繁求約靜坐久之然後見吾心之體隱然呈露日用應酬隨

吾所欲如馬之卸銜勒也體認物理稽諸聖訓各有頭緒來歷如水之有源委也故其學灑然獨得論者謂有鳶飛魚躍之樂而蘭谿姜麟至以爲活孟子云其爲文主理而輔之以氣雖不拘拘於古人之繩尺故自有以大過人者其爲詩得李杜之製作而兼周邵之情思至於揮翰能作古人數家字山居筆或不給至束茅代之晚年專用遂自成一家天下人得其片紙隻字藏以爲寶獻章儀幹脩偉右頰有七黑子母年二十四守節獻章事之至孝母有念輒心動卽歸宏治十三年卒年七十三明史時給事中吳世忠方以獻章及尙書王恕侍郎劉某學士張某祭酒謝某等八人同薦與二三儒臣入內閣柄用上方敕吏部查勘命將及門而獻章沒矣卒前數日早具朝服朝冠令子弟扶掖焚香北面五拜三叩首曰吾辭吾君云卒之日頂出白氣貫天勃勃如蒸竟日乃息子二景雲歲貢生作小詩得唐人體裁景易充邑庠生先卒孫三曰田曰晚皆庠生曰豸行狀萬歷初從祀孔廟追諡文恭明史本傳林光字緝熙別號南川東莞人父彥愈少服賈困於魚鹽久乃厭好惡之滑和津然若有得也手書小紙示其子光曰樹立宜如是蓋范文正畫荻粥

長白山時事也已復購文正全集畀之曰是爲汝師凡光所欲讀之書必購而貽之久之光舉於鄉不願卽仕從陳獻章講學則愈喜手錄朱子語類至四十三卷呼光謂曰汝學能有立吾啜菽飲水死不恨矣紆青紫耀閭巷何有於我哉金志光生而狀貌清臞資性粹美苦學不懈博綜經史年十七補邑庠生讀吳澄論學諸書益大感悟建得趣亭日讀書持敬涵養其中成化元年乙酉領鄉薦五年己丑會試拜白沙先生于神樂觀語大合遂從之歸江門曰吾得師矣白沙亦深期之已而築室攬山往來問學者二十年巡撫桂陽朱公勤之仕報曰夫人幼而習之於小學必求所以事上長而進之於大學必求所以治下善學者不汲汲於施爲成敗利鈍之外而汲汲於吾心權衡尺度之間或學成而不用未有不成而苟用者也尋丁外艱服闋毋強之出二十年甲辰會試中乙榜授平湖學諭以斯道爲己任以身爲教勉學者反身脩行一時士習丕變上敦風化養廉恥疏言甚懇切巡撫彭公廉其賢待以賓師之禮二十二年丙午主考福建多得名士各賦禮皆却之宏治二年己酉主考湖廣是年總脩浙藩憲廟實錄四年辛亥修嘉興縣志五年壬子復同考順天試凡三校文時

服其藻鑿部使者以卓異薦尋陞兗州府學教授會丁內艱起復補浙之嚴州府學教授按察使孫需以古道正學作士淑人薦擢國子博士作正學解教胄子解諸生翕然宗之會孔廟被灾上疏言孔子之心必不安於天子禮樂之祀題額宜曰先師孔子時論躋之三載考績奉敕褒嘉因乞致仕不允隨陞襄府左長史先是羅一峯夢詩一聯以贈云南冠今入習家池一代風流更屬誰至是符其讖云襄懷王新薨元化王暫理府事百弊叢積威令不行光隨方整頓由是奸宄革心官闈肅清羣小因之側目未幾進中順大夫致仕邑大夫哉時請爲鄉賓皆不應日惟兀坐手不釋卷興到則曳杖逍遙吟咏自適於世好澹然無與也年八十一卒嘗言所謂聞道者在自得耳讀盡天下書說盡天下理無自得處終是閑也黃志嘗以朱子大全多自悔之言謂其所以悔者乃其所以進暮年體驗蓋有人不及知而已獨覺者因取其善切要會錄爲一書名曰晦翁學驗明儒學案少獻章十三歲所著有南川集白沙弟子傳嘗遊羅浮多題咏白沙弟子百餘人首推緝熙次甘泉云羅浮山志子時衷嘉靖七年戊子鄉薦仕至鎮南府知府有廉惠聲族子時嘉別有傳東莞志

陳猷字公遠東莞人自少勵志聖賢之學博覽羣書充然有得領成化四年戊子鄉薦上春官不第卒業國學時邱濬總理教事較其文為首選以大魁期之徧交當世名士歸與白沙陳獻章論甚相得遂從講學隱居四十餘年澄心靜坐嘗於居旁闢土為壇號風日壇日與學者講論其上悠然自得甘貧樂道晏如也當道多重其為人參政蔣曙有檄旌云行止端莊學問優贍淡泊自如足迹不履乎城市節義是守賢聲久著于鄉閭非惟增重士林抑將表勵風俗晚得子僅彌月而猷遂疾革年已八十七矣人謂天道有知云所作有金臺蘭陵吳興崆峒等稿藏於家

粵大記

陳庸字秉常南海人生而孝友力行好古所謂敦樸士也成化甲午舉于鄉聞江門之學往師事之以聖賢道統為己任獻章深服其德量與張詡李孔修交詡初見獻章庸為紹介或詢詡為人獻章曰余知庸庸知詡何問焉庸潛心理奧多所自得其學以主靜為本羅倫莊景望重一時少許可遇庸輒嘆賞年踰五十親友強之仕釋褐補荆門州同知蒞任五日不能隨時俯仰拂衣歸隱居三十年城市斷跡督學王宏欲與相見竟謝不往郭志其從姪有孤者庸視為子門人倫伯疇未顯時求地

以葬其祖庸無難色西南有驛官貸金而卒其子謂金主曰若得東峯一言即唯命是償金主告其故庸曰親券在彼其子唯唯不拒其處已接物慈讓誠確者類此岑九思撰傳病革沐浴更衣設獻章像焚香再拜而逝年八十六所著有東峰語錄東峰集其徒多以科第顯倫文敘最著郭志孫棐字晉伯穎敏博覽守祖庸之學師事龐嵩以風節自勵嘉靖丁酉舉於鄉任南直太和令甫及期政和民洽邑城濠產並頭蓮時以為異邑侍御周光祖贈以詩曰中都十八郡天獨厚和陽不盡君侯德雙蓮一段香未幾卒於官不究厥施識者惜之居官清約歸囊蕭然曾孫敏性崇禎己卯副榜准貢敏勉崇禎丙子鄉薦東峰文集

梁儲字叔厚初號厚齋更號鬱洲廣東順德人生有異質自幼穎異不凡篤孝友父祖順奇之弱冠博學能文黃志受業陳獻章舉成化甲午鄉試十四年戊戌會試第一選庶吉士授編修尋兼司經局校書明史侍孝宗在東宮講讀多所啓沃二十三年丁未充會試同考官尋丁兩艱服闋纂修實錄黃志宏治四年進侍講改洗馬明史五年壬子主考順天九年黃志侍武宗於東宮明史十一年戊午兼翰林院侍講主考應天是年冬充正使黃志冊封安南却其

饋久之擢翰林學士史明十四年辛酉又主試順天
壬戌奉詔教庶吉士十六年三月志黃同修會典成
遷少詹事拜吏部右侍郎史明奉命充正使冊封魯
藩志黃正德初改左進尙書史明兼翰林學士志黃專典
誥敕掌詹事府史明纂修孝宗實錄爲副總裁正德
三年戊辰主會試志黃劉瑾摘會典小疵史明謂其壞
祖宗制書雜以新例志黃儲坐降右侍郎孝宗實
錄成復尙書尋加太子少保史明時瑾猶憾不已欲
中危禍無由傳旨改調九月志黃調南京吏部瑾誅
以吏部尙書兼文淵閣大學士入參機務史明儲既
至進武英殿大學士加少保兼太子太保時兵部
尙書彭澤討賊有功反得罪力辨其誣曰有功不
錄復加罪非社稷之福也後澤止免官七年壬申
冬四方盜平加恩宰輔史明屢加少傅兼太子太
傅史明謹身殿大學士辭恩蔭再三乃受志黃進建極
殿史明九年甲戌再主會試志黃十年二月楊廷和遭
喪去儲爲首輔進少師兼太子太師華蓋殿大學
士時方建乾清坤寧宮又營太素殿天鵝房船塢
儲偕同官靳賈楊一清切諫明年春以國本未定
請擇宗室賢者居京師備儲貳之選皆不報其秋
一清罷蔣冕代之至明年貴亦罷毛紀入閣帝好
徵行嘗出西安門經宿返儲等諫不聽然猶慮外

廷知是春從近倖言召百姓至左順門明告以郊
祀畢幸南海一觀獵儲等暨廷臣諫皆不納八月
朔微服從數十騎幸昌平次日儲冕紀始覺追至
沙河不及連疏請回鑾越十有三日乃旋儲等以
國無儲副而帝盤遊不息中外危疑力申建儲之
請亦不報九月帝馳出居庸關幸宣府命谷大用
守關無縱廷臣出由宣府抵大同遇寇於應州幾
殆儲等憂懼請回鑾益急章十餘上帝不爲動歲
除竟駐宣府當是時帝失德彌甚羣小竊權濁亂
朝政人情惶惶儲懼不克任以廷和服闋屢請召
之廷和還朝儲遂讓而處其下鳳陽守備中官邱
德及鎮守廷綏寧夏大同宣府諸中官皆乞更敕
書兼理民事帝許之儲等極言不可弗聽十三年
七月帝從江彬言將徧遊塞上託言邊關多警命
總督軍務威武大將軍總兵官朱壽統六師往征
內閣草敕閣臣不可帝復集百官左順門面諭廷
和冕在告儲紀泣諫衆亦泣帝意不可回已而紀
亦引疾儲獨廷爭累日帝竟不聽踰月帝以大將
軍壽肅清邊境令加封鎮國公儲紀上言公雖貴
人臣耳陛下承祖宗業爲天下君奈何謬自貶損
既封國公則將授以誥券追封三代祖宗在天之
靈亦肯如陛下貶損否況鐵券必有免死之文陛

下壽福無疆何甘自菲薄蒙此不祥之辭名既不
 正言自不順臣等斷不敢阿意苟從取他日戮身
 亡家之禍也不報帝遂歷宣府大同直抵延綏儲
 等疏數十上悉置不省秦王請關中間田為牧地
 江彬錢寧張忠等皆為之請帝排羣議許之命閣
 臣草制廷和冕引疾帝怒甚儲度不可爭乃上制
 草曰太祖高皇帝著令茲土不畀藩封非吝也念
 其土廣饒藩封得之多蓄士馬富而且驕奸人誘
 為不軌不利宗社王今得地宜益謹毋收聚奸人
 毋多蓄士馬毋聽狂人謀不軌震及邊方危我社
 稷是時雖欲保親親不可得也帝駭曰若是其可虞
 事遂寢明十四年己卯以一品滿九載進階光祿
 大夫左柱國加特進兼支大學士俸仍賜宴禮部
 黃帝將南巡言官伏闕諫儲冕紀亦以為言會諸
 曹多諫者乃止六月寧王宸濠反明時帝將親征
 士自稱威武大將軍欲以幸臣朱泰為副將軍召
 儲草敕儲不肯奉命上按劍強之至再為免冠叩
 頭哭泣上擲劍于地不懌而罷八月黃帝南征儲
 冕扈從在道聞賊滅連疏請駕旋抵揚州帝議南
 京行郊禮儲冕計此議行則回鑾益無日極陳不
 可疏三上始得請帝以宸濠械將至問處置之宜
 儲等請如宣宗征高煦故事罪人既得即日班師

又因郊期改卜四方災異邊警乞還乘輿疏八九
 上帝殊無還意是秋行在有物若豕首隨帝前色
 碧又進御婦人室中若懸人首狀人情益驚儲冕
 危言諫帝頗心動而羣小猶欲導帝遊浙西泛江
 漢儲冕益懼手疏跪泣行宮門外歷未至西帝道
 人取疏入諭之起叩頭言未奉命旨不敢起也帝
 不得已許不日還京乃叩頭出帝崩楊廷和等定
 策迎興世子故事當以內閣一人與中貴勳戚偕
 禮官往廷和欲留蔣冕自助而慮儲老或憚行乃
 佯借儲憊老阻其行儲奮曰事孰有大於此者敢
 以億辭遂與定國公徐光祚等迎世子安陸邸既
 即位給事中張九敘等劾儲結納權奸持祿固寵
 儲三疏求去明是年五月儲罷黃加左柱國宰輔
 命賜敕馳傳遣行人護行歲給廩隸如制明月給
 米六石歲撥輿皂八名蓋異數也嘗降敕褒之有
 曰張九齡之忠蓋而不究其用崔與之之風概而
 不久於朝以卿視之可謂兼美既歸上疏稱謝與
 親舊詩酒徜徉所居蕭然如韋布不事家產以遺
 子孫上念其定策扈迎之功未錄蔭子世襲錦衣
 衛指揮上疏辭免乃進其子中書舍人鈞甫尚寶
 司丞年七十有七卒是時楊一清在內閣上命撰
 敕召用而訃音至矣上聞嗟悼輟朝一日諭祭九

壇黃志子鈞奏請贈諡吏部侍郎桂萼等言儲立身輔政有干公議因錄上兩京言官彈章帝念先朝舊臣特贈太師諡文康先是儲子次據爲錦衣百戶居家與富人楊端爭民田端殺田主次據遂滅端家二百餘人事發武宗以儲故僅發邊衛立功後還職累冒功至廣東都指揮僉事明史本傳孫孜字思伯少孤事母孝兄弟分產田廬取其庫下者弱冠充博士弟子歎曰安能屈首經生與造物競耶卽棄去與梁有譽黎民表歐大任輩爲古詩文尤好書畫以蔭補中書舍人客部主事其所游知交皆天下有名之士也徐中行王世貞謂其詩近中唐畫逼宋元楷書得文徵明結法爲人純雅恭謹故人樂與之交孜子紹襄能詩亦奇士五山志林

張詡字廷實南海籍番禺人璜之子也少負經濟力行好古不爲口耳之學莆田彭韶見其少作詩美之日嶺南孤鳳也黃志成化十年甲午舉人受業陳獻章不與計偕者十年制府檄赴春官番禺志二十年甲辰舉進士疏乞養病歸總督兩廣都御史屠滂俾有司促之仕遂北上郭志授戶部主事尋丁憂歸隱居二十餘年宏治十四年巡按御史黃鑑疏詔學問優長操履端慎杜門高尚不干時事部書下有司速駕詔以疾辭不起正德中御史程材

王昺前後疏詔少從獻章講學祖濂洛王派爲嶺南學者所宗師友淵源踐履純篤閉戶養疴讀書求志可大用部書再下詔復辭如前繼而吏部以詔敦龐博雅綽有古風恬靜清修欲忘世累薦不報正德七年壬申巡按御史周謨疏詔議論正事體疏通言不忘道志不忘君八年癸酉御史高公韶疏詔學有體用不爲一偏之行以聞有旨起用錄九年甲戌召爲南京通政司左參議明史檄下趣上道先具疏辭遂抱疾赴南畿錄一謁孝陵卽告歸卒年六十獻章謂其學以自然爲宗以忘己爲大以無欲爲至云明史陳所著有遺言纂要新會厓山志南海雜詠東所集行世番禺志

周京字文都新會人白沙弟幼孤事母兄以孝友聞成化丁酉舉於鄉以母老不遠遊藏修十餘年築曝日臺習靜其上正德戊辰銓受應天府通判廉明公慎吏畏民懷卒於官後報擢治中新會志白沙贈文都詩小住江門五十年隔波潮應荷相連窓開四面客通刺酒覆三盃月到船身上紫袍知有相畫中碧眼亦真傳明朝庾嶺高回首萬里晴波正接天文都子名必誠時尙幼侍父入京白沙亦贈之詩還著小坡隨長公天葩未吐孝經通青衿誰不羨童子白髮我徒成老翁曝日家聲從此

大凌雲氣魄益人雄曲江清獻鄉先達敢道後來
無此風白沙集必誠登正德丙子鄉試仕至衡府長

史新會志

黃佐字希顏新會人工詩文成化癸卯舉於鄉仕
廣西太平府推官白沙贈黃希顏春試詩北風雨
如注是底別離時黃色眉端動青雲足下馳兒童
酣世參國士醒心期去去江流疾還君一贈詩又
贈之太平推官詩有官五馬後無官百揆前不將
前後看須着有無言白沙弟子傳

林紹光字一榮新會人少從陳獻章遊博通羣書
得獻章律呂之學成化間舉明經邑人御史鄧文
憲少貧資而訓之傳以律呂所著遂行於世士出
其門者甚眾皆彬彬有白沙之風督學林廷玉雅
重之聘行射禮於各府故嶺南射禮自新會始至
今稱學行志古之士必曰林一榮云祀鄉賢舊新會志

謹案新會志有傳其選舉無林紹光舉明
經事惟成化七年歲貢有湯紹光為江南
泰興訓導者俟考

梁奎字文燦順德人弱冠補諸生從陳白沙遊沉
毅醇謹白沙雅重之居家以孝友聞趙督學區其
堂曰愛日頌宏治己酉鄉薦通判袁州閩郡稱其
廉平中丞部使者交接機勞之值桃源洞賦數十

萬薄城城中武將悉皆怯伏奎獨拔劍斫案曰誓
不與此賊俱生遂上馬帥眾出戰大敗之俘馘甚
眾益轉戰深入矢竭授絕墮馬不屈遂遇害賊亦
以此大創遁去不敢復向袁州郡人謂微奎以死
拒之則城幾不保矣事聞特旨晉秩二級祀名宦
祠廕子世衡入品官其後御史姚涑採知縣吳寵
議以忠義表其門督學張希舉設崇義祠並蘇劉
義區瑞祀之舊順德志

譚以賢字希聖新會人父律字仲和成化癸卯舉
人任廣西蒼梧教諭陞江西建昌教授性方嚴不
容人過訓子弟雖燕居必繩以禮祭祀執喪惟求
自致人往見之不修容不敢進有詩集十二卷新會志
與以賢立志行已俱不愧古人以賢由貢為會
同訓導著有玉峰集白沙弟子傳

譚以良字士直新會人以賢弟由儒士領宏治二
年己酉鄉薦赴春官以親老不忍行少穎異通古
文事規定省溫清有禮嘗遊白沙門學主靜行敦
本質凡邑中孝節亟為表揚當時同門李世卿顧
勉齋李子長湛民澤咸推重之白沙於其沒也弔
之以文同上曰於乎士直遽至此耶天不與之年與
之才將誰咎耶彼碌碌者老無聞於世又何貴於
年耶白沙集著有玉樓稿二卷白沙弟子傳

梁文冠字華卿順德人最先從陳獻章遊因率其二子景行景孚學焉文冠館於白沙習道論於碧玉樓獻章乃名文冠藏修之所日見玉謂若玉也數年不返日見意趣詩學益進粵大景行字宗烈既見獻章聞勿忘勿助之旨益潛心正學宏治二年已酉鄉薦知崇明屬歲饑請發倉賑之活者數萬邑多盜海上桴鼓晝鳴會有執新盜至者釋之密令迹捕宿盜盡擒婦女惑於巫祠宿求嗣因為奸收按誅之遂毀祠為社學故事令有荻稅入私橐景行以給諸生膏火分毫不私朝廷采木荆南道崇明司木者徵費十餘萬民苦不堪命景行爭之省五六萬又請減馬糧之半諸雜供盡革之改晉江未赴丁內艱服除不起吳廷舉為都御史薦景行京朝官及郡太守而兩廣巡撫張鼎亦薦可侍從風憲皆不報後廷舉巡撫應天又郡丞薦乃除鎮江府同知相國楊廷和假子殺人論死楊一清時寓鎮江為請罪降一等不聽又上驗聖學祭黨與廣分封嚴內侍蠲逋負比什伍六事於朝錄遷壽府長史歸葢二楊所頤指也景行孝待異母弟怡怡如也有司欲為治第固辭白沙嘗題其天壺書屋日打土編茅費幾錢白雲深夜一燈懸知君不是壺山主只借壺山過兩年葢以范希文

邵堯夫孫明復胡安定四公期之也而景行之品可知已所著壺山集十卷傳於世郭景孚字宗王白沙有和景孚遊山詩白沙弟景孚聘妻獻章助穀三十斛順德湛若水字元明初名魯字民澤增城人父瑛母陳氏禱於甘泉洞而生雙臚隆然兩耳旁有黑子左七右六洪垣撰宏治五年王子舉於鄉從陳獻章遊明白沙以其沉潛許之嘗與書日民澤足下發來書甚好日用間隨處體認天理着此一鞭何患不到古人佳處也自是潛心默會日有所得遂焚去路引誓不復仕後定今名若水云墓不樂仕進母命之出明僉事徐紘為勸駕過南昌謁莊定山景極為稱許黃乃入南京國子監明祭酒章楓山懋試睥面盎背論奇之黃十八年乙丑會試學士張元禎楊廷和為考官撫其卷見其論用至近至神等語日非白沙之徒不能為此置第二賜進士選庶吉士授翰林院編修時王守仁在吏部講學若水與相應和明京師場屋所取士修撰呂柟主事王崇慶輩從而和之由是道名大著學者稱甘泉先生尋出使冊封安南陽明贈以文安南國王餽金却不受贈以詩有白沙門下更何人之句黃明年尋丁母憂廬墓三年明產瑞瓜九實相連

人以爲孝感所致粵大築西樵講舍士子來學者
明支與日給錢米開禮舍于僧寺至必齋戒三日
黃志先令習禮然後聽講嘉靖初入朝上經筵講學
疏謂聖學以求仁爲要已復上疏言陛下初政漸
不克終左右近侍爭以聲色異教蠱惑上心大臣
林俊孫交等不得守法多自引去可爲寒心亟請
親賢遠奸窮理講學以隆太平之業又疏言日講
不宜停止報聞明年進侍講復疏言一二年間天
變地震山崩川湧人饑相食殆無虛月夫聖人不
以屯否之時而後親賢之訓明醫不以深錮之疾
而廢元氣之劑宜博求修明先王之道者日侍文
華以裨聖學已遷南京國子監祭酒作心性圖說
以教士拜禮部侍郎做大學衍義補作格物通上
於朝明惟編事實不爲論斷俟聖心自悟也嘉靖
九年十二月初八日上勅收斂精神疏明歷南
京吏禮兵三部尙書明置新泉三山二庄田講學
於新泉書院江都縣西有甘泉山山下多田監生
葛澗立甘泉書院由是書院徧於天南江都及貴
池等處所在皆是錄南京俗尙侈靡爲定喪葬
之制頒行之明條奏兵民便宜十事皆報可又禁
火葬毀淫祠有劉公廟聚衆燒香爲沉其像於江
絕衆惑買地四郊爲漏澤園以處貧之不能葬者

且置田供時祀盡毀私朔尼菴勒令歸俗滿考九
年吏部奏其績錄老請致仕明年七十五因取
道江浙泛錢塘遊憩於武夷久之慕羅浮之勝構
精舍於朱明洞建書院於青霞谷自撰羅浮志一
卷日夕端坐石上未嘗至家李年九十五卒于
所居小禺洞有大星隕於廣州河南聲如雷訃聞
賜祭葬黃若水生平所至必建書院以祀獻章明
置倉廩以館穀多士刻崇儉約言以挽奢俗置講
田以贍四方學者年八十又至衡山建白沙書院
置田五頃歸復取白雲山爲白沙祠自其祖江以
來田連阡陌世爲土豪若水益增田宅歲入數千
金而好食宿肉沙飯居漂搖危樓營建歲無虛日
人皆異之黃年九十猶爲南京之遊過江西安福
鄒守益守仁弟子也戒其同志曰甘泉先生來吾
輩當憲老而不乞言慎毋輕有所論辨若水初與
守仁同講學後各立宗旨守仁以致良知爲宗若
水以隨處體驗天理爲宗守仁言若水之學爲求
之於外若水亦謂守仁格物之說不可信者四又
曰陽明與吾言心不同陽明所謂心指方寸而言
吾之所謂心者體萬物而不遺者也故以吾之說
爲外一時學者遂分王湛之學湛氏門人最著者
永豐李懷德安何遷樊源洪垣歸安唐樞懷之變

第一冊 續修四庫全書 第 2 版 反內

化氣質遷之言知止樞之言求真心大約出入王
湛兩家之間而別爲一義垣則主於調停兩家而
互救其失皆不盡守師說也懷字汝德南京太僕
少卿遷字益之南京刑部侍郎垣字峻之温州府
知府樞刑部主事蔣信字卿實常德人與同郡龔
元亨善王守仁謫龍場過其地偕元亨事焉嘉靖
初貢入京師復師湛若水若水爲南祭酒門下士
多分教信初從守仁遊時未以良知教後從若水
游最久學得之湛氏爲多信踐履篤實不事虛談
湖南學者宗其教稱之曰正學先生宜興周衝字
道通亦遊王湛之門由舉人授高安訓導至唐府
紀善嘗曰湛之體認天理卽王之致良知也與信
集師說爲新泉問辨錄兩家門人各相非笑衝爲
疏通其旨焉明史儒林本傳隆慶初贈太子少保禮部題
請賜諡曰文簡海內翕然稱爲近代道學儒宗子
東之廕襲知府孫恭先最賢克繩其武生八子敏
學競爽盛德之後必昌云粵大記
陳昊元字乾善番禺人少受學於獻章宏治五年
壬子舉於鄉官廣西陸川教諭丁內艱服闋改直
隸南宮正德三年戊辰登進士知浙江青田縣不
樂爲官一意高蹈畱心濂洛之學廷臣文章薦之
以科道名辭不受歸杜門講學以終青田志

陳護字宗湯番禺人以學行稱事父兄最恭謹宏
治五年壬子舉人爲賓州教授擢知清江白沙有
答護書曰邱侍御取道還閩過白沙畱語獲聞考
察事微侍御宗湯索我于黃雲矣周憲長半詞之
頃詘已伸人洞見肺腑二公爲天下惜人才公去
取同此心也侍御尤拳拳于桓温問孟嘉之一語
噫何愛人之無已也宗湯念之一時交遊東顧西
覆民澤可期遠到西望衡山神爽飛去祀賓州清
江名宦同上
黃澤字曰雨順德人順德人字若雨宏治壬子解元癸丑
進士有文名嘗從陳獻章學獻章聞澤發解有詩
笑領春風第一花文章誰敢傍飛沙狂歌欲買花
前醉不怕無錢付酒家白沙弟子傳澤性豪舉博學工
詩善真草書初計偕同舉人何欽疫僮僕盡死澤
獨負欽至館省治踰旬而愈人義之順德志
李翰字文卿新會人宏治壬子舉人癸丑會試副
榜第一教諭廣西懷集除南直隸上海教諭轉北
京國子監學錄陞北京山西道御史未任卒陳肅
謂其操心律行風韻灑灑酷似吾白沙夫子云陳肅
夫補編白
區越字文廣號西屏新會人父鑑字元暉有隱德
嘗戒子孫勿出息錢曰舉貸刻責多逆情斂怨曷

若力耕節用之善乎鄉人有闕者為開陳是非多

解去里有湖田歲一稔鑑率眾築堤捍海為蓄洩

法遂獲兩熟新會志越入歲喪母哀慕切至事繼母

以孝聞從遊陳白沙白沙集弟子傳舉宏治乙卯鄉試登

十八年乙丑進士知浙江嘉善縣當入覲時奄瑾

用事人皆載重寶以行有郁生者德越密饋金為

之謀峻却之擢戶部主事歷員外郎中委兌清江

倉糧以廉著歷知建寧寧國府郭志前守喜峻法入

人罪越廉知非辜悉為申理或以獄成不宜反越

曰罪疑惟輕今罪在不疑乃滯於成獄乎執之愈

堅卒無冤獄嘗夜寢覺大寒亟索衣出脫荷柳者

曰罪止小懲凍死其若之何擢浙江副使晉江西

左參政分守湖東平積年逋寇以老致仕卒卒年

八十七所著有西屏集六卷長子元履七陽教諭

季元晉登嘉靖乙酉賢書任雲南鎮南知州晉福

建興化同知初發科時甫弱冠以父解組南還遂

決志終養父歿築廬墓所常朝夕哭拜年踰五十

始受專符所至著廉名有見泉詩集十卷新會志

梁貞南海人以父贅室桂洲因家順德少遊郡庠

師事陳獻章篤志向古居父喪苦塊三年哀毀踰

禮服除不入寢所宏治乙卯舉於鄉未仕而卒陳

子莫梁貞文曰館中之士如惟正者守一而歿蓋

亦希矣薄俗移人始終殊歸不自知其非也順德志

趙善鳴順德人少孤每誦白沙詩心輒馳慕乙未

拜門下宏治辛酉舉人在南京戶部員外郎白沙弟子傳

陞知府工書法行草入神品為世珍寶稱丹山

先生西樵遊覽記

張璧光字純卿新會人嘗從陳獻章遊領宏治甲

子鄉薦事親孝母黃九十二歲每食必親供初任

浙江慈谿知縣俗故多淹女光立保甲嚴禁之所

活甚夥尋改廣西懷集縣政務勤民城池橋梁之

役捐俸以時修之民德焉居家屢請鄉賓年八十

有一卒郭志

易龍字體乾新會人今隸新寧博學強記性操端潔以

宏治十四年歲貢為郴州訓導新會志及鶴山志送舉作汀州訓導

其教人必先明義利嚴課程而徐講古禮以維之州

人郎中何孟春亟稱曰吾黨弟子知根本工夫未

仕而行已治家可觀君之教也艱歸喪祭盡禮率

其族建祠堂作家訓立宗子以統祭祀常曰宗子

不能修身庶子不敬宗子皆為不孝從子遠由新

寧學正登正德丁卯科事之最謹達後知潮廣桃源縣服闋

補汀州府學訓導卒新會志

伍雲字光宇新會人少陳子七歲嗣系出沐梁伍

氏先世仕宋為嶺南第十三將曰氓之子始來新

會世爲士夫家雲自少軒整有志於世無所屈讓
與人語惟其所欲必竭乃己人有善好之若出諸
己已所欲爲必以強人爲之垂四十始交於獻章
獻章所可雲亦可之獻章所否雲亦否之南山有
石延袤丈餘下可容一榻光宇築爲石室旁樹松
竹時往造其間危坐收斂爲持敬之學有大江雲
以意爲釣艇置琴一張諸供具其中題曰光風艇
遇良夜皓魄當空水天一色雲乘艇獨釣或設茗
招獻章共啜雲悠然在艇尾賦詩傲晚八極獻章
亦扣舷而歌仰天而嘯飄飄乎任情去來不知天
壤之大也所居之北爲巖亭高不盈一丈其中間
寂視之窈如也而雲之夙疾未除齒髮日耗其爲
學也蓋不能無日暮途遠之憂便杜門息交不擇
遠近爲趨舍凡平居一切與往還者皆抗顏謝焉
入處於亭焚香正襟趺坐竟日聞者異之別於白
沙築室三間獻章題曰尋樂齋爲光宇問業之所
獻章曰光宇至則商論彌月而後返用心良苦時
人無有能窺其際者惟寶安林光與予知之予交
最久光纔一見退謂其弟曰伍光宇君子人也嘗
厲聲語曰雲不自樹立爲人不如死嘗告於季父
絢泊伯兄裕割田若干畝以供祀事權以所居第
爲祠有事必誠必敬朔望率以夜半起衣冠端拱

立祠下以俟尊卑男女咸來無或敢不虔後始營
材爲祠當病亟時尙經度茲役卒之前數夕焚香
秉燭招獻章與訣卒年四十有七無子兄裕以其
次子秉中爲雲後陳獻章孫佳郎字拔千少補諸
撰行狀生事父至孝父好文喜客樂施佳郎承志無違順
治戊子大饑捐所積倡有力者以賑鄉里賴存活
者數百人生平足蹟不履公庭惟朝夕執經課子
暇則栽花種竹彈琴賦詩以適志築室雲沁山中
宅邊爲紅蓼洲芙蓉城醴醴院柳汁池浴蘭亭南
湖別業備林壑之趣嘯傲其中悠然自得一時縉
紳先生讀其詩文雅敬重之所著有浴蘭亭草釣
槎近草寶蓮草四書正解卒年七十八學者稱爲
孩只先生子仰旦康熙壬子舉人新會志
李孔修字子長順德人自號抱真子僑居廣州之
高第街混迹人羣閭闔不識也張詡薦于其師陳
獻章粵大孔修遂往江門師焉獻章獻章亟稱之
名由此著孔修常輸糧于縣縣令異其容止問姓
名不答第拱手令叱之曰何物小民乃拱手耶再
拱手令怒笞之五竟無言而出有庶母父歿改適
誣孔修奪其產縣鞠之孔修操筆置對曰母言是
縣疑焉得其情乃大禮敬舊順德志孔修素家貧做廬
薄產蔬食不繼未嘗一顰其眉詩字不履前人自

為戶牖或觀山水歸而圖之見者爭愛而酬之金
 日子長畫平居管寧帽朱子深衣入夜不違二十
 年不入城闕惟攻周易城中兒童婦女皆稱日子
 長先生郭志問出廬戶則遠近圍視以為奇物舊志
 吳廷舉由縣令歷藩臬在粵最久與孔修為布衣
 交兩人高風在塵埃之表粵人常道之此兩人亦
 相成也孔修卒無子憲使李中少參王洙經紀其
 喪尚書霍韜葬之西樵山志其墓曰白沙抗節振
 世之志惟子長張詡謝佑不失或問子長廢人有
 諸陳庸日子長誠廢則顏子誠愚庸與子長同師
 故相信如此萬歷乙未祀于鄉賢祠子長善屬詩
 有月明海上開樽酒花影船頭落釣簑之句為白
 沙鑒賞云粵大記

王中秘文集有與李伊令書云吾鄉李子長先
 生醇謹端慤聞其亦有妻每食必舉案酷肖梁
 伯鸞為人吾因輯其詩歌以繼五噫雷更愛子
 長當國家無事時天子三年一舉士士之賢者
 無論懷才抱義皆得試于有司有司擇其賢者
 上之天子為鄉舉士試日有司坐大門左諸生
 頭伏嚙嚙足緣行衣單衣披髮纓聽點官督軍
 牢軍牢雁行持火杖督諸生頂至踵無不轉換
 掀揭破除其夾襖積弊時子長年方少將詣院

奮然不悅曰朝廷至大何若是疑士士至小以
 不肖相視此豈朝廷所以待士耶即棄硯去不
 復入後有司聞其賢乃于貢院旁築鄒硯亭今
 伊令子長曾孫也醇謹端慤有祖風時天步艱
 難已棄儒冠不復仕僕去年春交伊令因懷子
 長期相與遊黃山約三十六峰結茅其上天尺
 曰吾鄉皆傳子長先生無妻今閱王中秘書乃
 有伊令為聞孫其非無後人可知又日子長嘗
 從白沙先生講學得無欲之旨操行廉潔人不
 可得而衣食之布政使朱英餉米二十餘石固
 辭不獲乃悉舉所有瓶盎盤匱之屬以貯米纒
 容一二石許餘則不受遇空輒畫貓兒賣之毛
 骨如生鼠見驚走其山水翎毛亦精絕人爭寶
 重然皆不肯多畫平居大帽深衣人希見其顏
 面間出擇地乃蹈遇雨輒拱手徐行人曰先生
 何不趨雨瀧凍透衣矣日前路豈無雨耶行益
 從容人皆笑之晚於道深造年九十餘無疾卒
 今西樵祭社以子長配為社師云五山志
 何廷矩字時振番禺人為郡諸生以文行為督學
 胡榮所器重乃見陳子即棄舉子業從之遊會將
 秋試毅然決去榮遣人乘馬追之謝曰泉石疾在
 膏肓矣遂不復出郭志白沙謂廷矩在諸生中齒長

而賢首率諸生事所著有禮意大全三卷存羊錄

十卷白沙弟子補編

容貫字一之番禺人白沙有贈一之歸番禺序曰

容生卓錫無地從予遊者十有一載未嘗對人作

皺眉狀入京師見聲利烜赫輒不樂語人曰古之

仕者將以行其志耳徒食人祿而不知恥吾不能

以一日居生之志可謂篤矣白沙又嘗至其宅有

敝衣寒露肘破屋早知秋家業憑觚翰厨煙管去

雷之句白沙弟子傳白沙手帖曰讀一之自罰帖所謂

喜三代之餽羊猶存也此舉雖過然究其為心蓋

亦可憫且自罰之辭甚實其進固未可泥也白沙集

容珪新會人珪及其弟球與羣從兄弟事白沙最

久皆早卒陳子亟稱之白沙弟子傳白沙球來訪詩有

看君迥出諸容右問我如何十載前之句輓容珪

詩云師友道久衰窮鄉無可者是非真妄問彼此

不相假所適一以偏較然見趨舍滔滔復滔滔風

俗日益下珪也何所之終身在陶治又贈容珪詩

日翳翳峰頂木裊裊峽中溪下有飛古寺上有哀

猿啼我昔經過日登臨上扶藜中流日黯黯兩岬

風淒淒遠行會離索四顧仍低迷羨子意氣豪別

我無一棧行行至斯峽為我試留題又容彥禮率

諸弟同在館下彥昭彥禮彥貞相繼而逝彥潛今

又卒白沙感而有作曰水光山色兩依然不見當

年載酒船老我交遊疎後進君家兄弟散朝煙兩

峰彥昭脚蹟今安在彥昭嘗遊永豐江浦彥禮碑

詩久未鐫某欲為彥禮墓銘未刻莫道江門空識我千秋遺

話及殘瑣又悼彥潛用元韻曰山樓耿耿夜燈然

誰借東良一日船泪逐花溝因暮雨愁迷鵲樹慘

朝煙養生有命妨新學入社無題侈舊鐫瑩次若

將昭穆定九原新兆有東瑋白沙又有祭彥禮文

莫容彥昭文莫容彥潛文與容彥文書答彥文見

訪詩白沙集

謹案諸容氏彥昭尤顯蓋嘗為羅倫所賞

故有送三峰歸南海序之作應即容珪之

族所謂諸容者非耶今考明新會志及陳

遇夫所編白沙弟子傳俱失載

易元字德元新會人為郡學生有文名白沙弟子傳常

謁羅倫于永豐倫贈以南海三峰記謂南峰德元

東峰乘常兩峰容彥昭也一峰文集

林時嘉字子逢東莞人南川光之族子也嘗從光

遊白沙之門自律甚嚴人邑庠規行矩步不習流

俗雖盛暑未嘗去冠服無事則終日對書唔呀不

輟提學魏校嘗選為廣州西隅社學師初聘妻李

未娶而替母欲改聘時嘉堅執不可竟娶之相敬

終其身不衰時高其義傳大白沙嘗作紫菊吟寄之撥光之族子或日光族弟字秉之敬字子翼東莞人白沙弟子

林時短白沙嘗與書曰宇宙更有何事天自信天地自信地吾自信吾自動自靜自闔自闔自舒自卷感於此應於彼發乎邇見乎遠人爭一箇覺纔覺便我大而物小物盡而我無盡又曰禪家語初看亦甚可喜然實是僮侗與吾儒似同而異豪釐間便分霄壤此古人所以貴擇之精也起脚一差立到前面無歸宿無準的便自日用間種種各別不可不勘破白沙集

謹案時矩應卽時嘉諸昆光之族子也陳白沙與張廷實書云時矩語道而遺事秉常論事而不及道時矩如師也過秉常如商也不及東莞志明新會志及陳遇夫所編白沙弟子傳皆失載

馬廣生字元真同州號默齋新會人白沙之女子國馨姪貞同遊白沙之門嘗相與作均田法以祀其兄之無嗣者白沙嘉之書其後知縣丁積稱馬氏處家有禮讓之風均田一事可法于後世勉之以詩有喜見林中有俊英之句白沙弟子傳白沙與馬貞書曰貞父不幸早世貞卒成立貞有母也有母

而無年貞之不得於天也奈何奈何陳白沙嘗飲馬氏園有贈童子馬國馨之作白沙弟子傳

湯霽字民悅號九山新會人白沙弟子傳祖和字清軒

少穎悟言動有度成化歲貢入成均祭酒吳儼器

重之知瓊州定安縣多惠政丁內艱服闋入都銓

掾索常例曰我只飲定安一口水安得常例哉遂

拂衣歸年八十二卒甘泉集霽與兄雲弟霓皆從陳

獻章遊嘗延獻章至其鄉八仙井山中講學與湛

若水友善時鄉射之禮久廢宏治十八年知縣羅

僑聘霽及諸生譚以賢林紹光等損益禮儀具器

及樂習之正德初提學林廷玉至縣觀射賦詩命

霽等遍教各郡嶺南鄉射自此始年七十尚以詩

寄區越自梅進德修業之遲後與若水改葬陳子

若水因雷霽家爲霽兄弟置田百畝而去新會志

陸之三水人陸宣弟案之本高要籍故其兄宜由高要學中式嘉靖五年始割

督學欲易名爲宜之曰君子已孤不更名遂辭不

願充歸從白沙遊白沙雅重之白沙弟子傳

黃子賢新會人以孝致甘露之祥而潔行好吟無

媿白沙之門云白沙弟子傳

馮載字克任號楚庄南海人初名祥弱冠補邑庠

生廉憲薛公器之委幣使于白沙慨然有求道之

志遂棄舉業講明心性之學秋試期逼薛諭以引薦意不顧強之復學亦不應遂留受業焉比歸白沙贈詩稱許之自是語言寡默學問精詣湛甘泉稱爲能隱居以求其志謹孝祀敬父兄貌莊禮恭行修言確以嚴教子而以義睦族雖擬諸陳太邱可也子教徽同領正德庚午鄉試徽歷官按察僉事贈載如其官孫士懋秉禮矢誨恂恂有古人風曾孫良棟領萬厯乙酉鄉薦敦重有大器是能亢其

宗者

粵大記

袁暉東莞人字藏用十歲喪父時往墓下號泣家貧業香櫃以養母夜則讀書陳獻章過訪大稱許焉暉遂遊于其門其學務力行不事章句新會令丁積見之歎曰不意布衣貧窶卓立如是獻章嘗曰林緝熙稱袁暉決非泛泛者伍光宇從余遊余甚愛之亦以其不泛泛也光宇死鄉曲未有如光宇者暉其光宇之儔歟後辭歸終身不求仕以孝友仁讓教鄉閭一時之俗爲變年七十三卒

東莞志

陳冕南海人

今嶺三水

少補端州弟子員雅負氣節從

白沙遊講身心之學動遵禮教白沙甚重之及卒爲之銘其墓曰伯道有子劉蕢登科責報于天所得幾何邁邁子文蹈此高墳我銘爲子顯于千春

三水志

黃球號元海聞陳獻章倡道白沙由新會城南徙居白沙之陂頭就學焉子子正號梅所能繼父志獻章嘗尋梅陂頭有詩與之得隨處體認天理之旨雖微至涸池蝌蚪鳥雀爭下食之日令童子逐鳥雀汲水灌注以遂其生其仁可知矣壽九十

白沙

弟子

孫宇字容伯號鳴鶴弱冠補諸生究心理學學慕白沙數館其鄉多辯析白沙詩非註義可到踵門而學者屢常滿以恩貢授昌化訓導正身以率之遷閩德化教諭曰儻教化或虧非德化矣告老歸年七十三卒卒之前日日孔朱陳子皆七十

三孚幸不得罪於前詰足矣所著有太極匙性理真筌白沙遺事各一卷雨化集象谷詩稿共四卷

新會志

淳字鳴谷登隆慶丁卯鄉舉萬厯庚辰進士授寧海令下車鼎新方孝孺祠堂以崇教化會有履畝之役躬巡阡陌吏胥不敢奸時府鹽捕有螫

民爲奸利者淳置之法主者忌之淳素工畫縱筆作樹石危峰出尋常蹊徑之外當道聞而索之淳應曰罷邑救過不遑遑及畫哉竟以此得罪謝病歸三十餘年閩洞鳴山構定帆亭咏歌其中間里饒輒白當事發賑嘗築外城邑人賴之晚年自稱六柳先生與舉人李以龍修縣志所著有鳴山集匡山志李杜或問諸書壽八十五

新會志

黎潛南海人蕭倫順德人白沙弟白沙與黎蕭二

生書曰某以衰疾執喪氣息奄奄賓客知舊往來

記一忘十獨于潛也倫也思之不置二生之思我

從可知矣愛之深言之切老朽何以答二生之拳

拳發憤進步一日千里白沙弟

趙思仁字壽卿新會人捐資二百千建全節廟又

捐田以祀丁侯陳子稱之白沙弟

林陳字子覺增城人少倜儻自雄其才遊於白沙

之門亟稱之讀書於南海廟大書一聯於其門云

白浪起時浪花拍天山骨折呼吸雷風黑雲去後

雲牙拂清海懷開吐吞日月御史按部謁南海神

見而奇之欲召見陳請士相見禮御史重其才竟

禮之粵大

林棟新會人陳子嘗曰所居之旁伍雲鍾淑林棟

此其人皆可與遊而今亡矣白沙弟

李瑜字伯温順德人年二十進邑庠補廩從陳白

沙講學江門每事悉循白沙教篤志有為改過不

吝雖淡薄自甘而志在濟人白沙推重之以吳康

齋所書雪竹作讚以贈之表其高尚與湛甘泉相

友善同處白雲洞上遊莊凡十年窮達各行其志

力學至老不休年八十有二卒甘泉臨墓致祭輓

詩作傳大司農張泰少司成周賢宣各有表銘刻

於石順德

陳魁新會人事白沙最久白沙弟白沙與書曰昨

望見生龍鍾如東田老人稍就之疲頓與石翁異

者幾希然與之論舊事寫平生于我三沐三薰之

歷歷猶是也惟日孜孜斃而後已生與我皆然復

何道哉白沙弟

李輔號芝松清遠人陳獻章高弟也獻章赴台輔

贈詩云曾向江門弄釣絲海風吹浪潑蓑衣忽驚

天子黃麻詔打破先生白鷺機又云十年老劔腰

間繫雷與今人定是非世為名言至今傳之品甚

高一時臺省咸重之著有芝松詩集惜後嗣彫謝

遺佚者多耳府

謹案此傳明新會志及陳遇夫所編白沙

弟子傳皆不載考白沙集中有贈李司訓

詩清遠志選舉稱李輔為正德十年歲貢

任浦城縣訓導後遷教諭云

尹鳳字舜儀增城人天性孝友連喪二親泣血六

年腰經不去身遇所生日不御酒肉閉門悲思輒

逾日增城言行有古人風與湛若水同遊白沙門

築萬竹臺于九龍巖相與講學因號為萬竹白沙

編嘗與邑顧鸞鄭潔温裕趙元甫湯璽共一十七

人構鳳臺詩社相唱和增城邑令朱文簡嘗造其

人構鳳臺詩社相唱和增城邑令朱文簡嘗造其

廬贈之詩有縣官到門日三丈萬竹主人頭未梳
之句屢賓于鄉卒年八十二白沙弟湛若水爲之
表其墓增城志

謝佑字天錫增城人補府庠生棄去粵大從陳獻

章遊一間主靜寂紫遂築室葵山之下棲焉善靜

坐能詩白沙弟冥甚并日而殮襪不掩脛晏如也

西樵遊塵世名利不少望胸臆與順德李子長稱

二高士志甘泉子爲之銘曰瞻葵之陽山高水長

公在宇宙死而不亡又龔佑神位與陳清江祀子

白沙祠之尚友堂粵大

陳瑞字德貞新會人性豪邁不羈善寫雲煙山水

成化中馳名藝圃至京師授直仁智殿錦衣衛鎮

撫漫筆爲希夷騎驢圖益精絕後師事白沙力于

學嘗以非其罪望名縲縲白沙救釋之後逆旅樓

中客有議白沙之學遂力辯之大呼墜樓折肱其

篤信如此同上

張希載字博之順德人從遊白沙嘗誨之曰君子

之心常存恐懼于善有未遷于過有未改恐生懈

怠于靜曰惺惺于動曰惺惺恐生冥醉白沙弟湛

若水曰昔遊白沙惟柏山張子學有端緒柏山即

希載也正德年間貢教諭攸縣白沙弟性和寫而

不肯詭隨士薰其德不嚴自化云湖南

鄧翹字孟材順德龍江人善墨竹以正德歲貢教
諭浮梁白沙答翹送晚菊詩曰氤氳何處送花舟

歲晚相看碧玉樓笑把一盃花亦笑年年公酒爲

花留白沙弟鄧珙亦順德人白沙弟

子補編謹案明新會志所編弟子傳有鄧珙無鄧

翹舊順德志張希載與鄧翹鄧德昌合傳

而不及鄧珙豈翹卽珙耶俟考

鄧德昌字順之順德人同上篤學居西樵築鏡泉精

舍讀書其中湛若水極相推重晚年以其學授傳

明應稱賁齋先生德昌司訓最有名聲祀應天名

宦祠云西樵遊

陳謙新會人張詡曰先生精神嘗與神明通居外

海陳謙宅有異人來見云白沙弟

廣東通志卷二百七十四終

廣東通志卷二百七十五

列傳八 廣州八

周郁 孫一士

梁繼灝

魯能

李大震

弟大霖 子如楮

陳朝資

陳沾澤 陳良泰

祁順

子敏 政 政 政 政

張瓚

兄子胡 翊

韓殷

弟統 從弟約

康麟

蕭垣

陳融

孫襄 會孫其大

吳滄

張泰

梁昉

倫善

陳騏

黃瑜

黃巖

陳斌

林榮

鄺文

才 如 約 元樂

何澣

龐璫

孫尙龍

陸宣

何昌

孫宏 孫思贊 熬 烈 會

王拯

陳晨

陳道

鄭瑾

陳稜

從子文輔

歐陽寅

余用詩

李聰

明

周郁字尚文號耿庵東莞人應禮記明經福建漳
州府訓導培育漳士林啓數十人講學四先生祠
寒暑不倦後啓等授科第十有八九皆郁裁成焉

歸里與陳白沙唱和有龍洲草集行世父庠子昌
齡齡子訥俱有詩名訥子一士字貴諤一字昆彥
博學雄才大司空董應舉為郡博時特薦粵東奇
士第一兩中禮記副車恬淡自守大中丞戴耀直
指王以寧督學使者揚某前後式廬一見而不可
得所愿吳越晉楚間與袁石牛趙凡夫輩為友平
生有米南宮癖世稱為石林先生書法漢晉楷草
篆隸無不諧極有五老園稿楚游諸草行世卒年
七十三三子顯少穎異屢試冠軍風度淵靜敦孝
友尚節義徵辟屢至隱居仙溪平生所著多不存
稿太史張家玉檢其餘者刻之并為之序楷草行
隸與父並美巧書者滿戶自庠至子顯於七葉中
淵源永遠焉金志

謹案南海另有一周郁景泰丙子舉人

梁繼灝字行素號澹齋新會人稭坡黎貞高弟博
學有行誼嘗以書授白沙陳獻章稱之曰吾邑以
文行教後進百餘年稭坡一人而已余生也晚不
及稭坡之門及長而與澹齋之子益游始拜澹齋
澹齋誨余以稭坡之事縷縷此豈一日忘其師者
耶當時在稭坡之門者不少獨澹齋傳其學教授
羅山之下使弟子有所矜式焉其見稱類此邑人
曾能吳翰鄺慈皆出其門著有澹齋集十卷子益

登景泰七年丙子鄉薦知興業縣著有未學詩一卷益子文任歲貢任衡山訓導皆能世其業黃志魯能字千之新會人其先自涇來隸尺籍景泰庚午鄉薦甲戌進士除南京戶部主事丁內艱服闋改北京戶部尋擢員外郎進郎中歷任諭十年司無滯事尚書牟富揚鼎咸重其才時部官至正郎者多拜布政及參政能年深乃得陝西參議或以爲惜笑曰人臣當務盡職豈暇計資級哉成化十四年戊戌進右參政十六年庚子進右布政使十七年辛丑轉左關陝重地聚戎馬十數萬控制荒逃糧餉百需皆取給於藩司又直邊陲多事內地水旱相仍能爲佐貳時日事巡歷凡西北山川阨塞屯堡要害儲峙多寡兵馬強弱將士堅脆皆心憶而口數之既總司事仍創會計堂出納損益咸得其富自是邊儲有備而民力不困歲所給糴米銀數十萬舊乾沒於權要悉革之甲辰大饑民至相食公私罄竭計無所出朝遣大臣賑濟行一切權宜之政能隨事神補多所存活癸卯述職至京考爲天下最明年擢都察院右副都御史奉璽書巡撫甘肅時父已年近九十遣家屬南歸侍養獨攜一僕自隨甫下車制置事宜十條曰新號令謹練習修城堡明賞罰嚴功實抑虛詐恤孤寡稽儲

積行賑貸撫蕃落令下軍民驩呼載道三閱月而父訃至軍民相率赴闕乞留不可得哀毀踰禮比代至病已篤歸至會城卒年五十八能性溫厚慎交遊不談人過至論公事則侃侃不回廣州人卒之日囊中惟餘白金三十餘兩祀鄉賢李地震字東伯東莞阮涌人事母馮氏孺慕誠篤母病劇百藥無一效者震計無復之乃剖股調進病卽瘳事聞行省諸公皆旌其孝郡教授董應舉請賓飲者再弟大霖當母病篤時日夕禱於天請以身代尋卒當事並旌焉霖子如樞字美石萬歷癸卯鄉薦第一博學能文行誼甚高事母能盡色養未仕卒至今稱有孝行者必首李氏一門東莞周志陳朝資字敏忠東莞水南人居父喪執禮嚴苦朝夕苦塊未嘗御酒肉母病割股肉爲糜療之與弟朝正友愛尤篤自少至老不異財郡縣屢旌其門以諸生終萬歷末有陳沾澤者茶山人亦割股療母疾見稱於時陳良泰字元衷東莞赤嶺人幼而通經學古知名庠序間母病革度無可爲者良泰苦謀之醫士不已或謂曰得人肉可瘥良泰卽割股果愈督學聞而旌之一時目爲陳孝子上祁順字致和東莞人景泰元年庚午鄉薦天順四年庚辰進士廷對當舉首以其姓名近御諱英宗名祁

鎮於傳臚勿便抑置二甲第二授兵部主事巡山
 海關代歸轉戶部督餉臨清陞員外郎郎中嘗充
 會試同考官憲宗成化十一年建儲賜一品服使
 朝鮮推正騎從自就館至旋旆凡與馬金繪聲伎
 之奉一切麾却三韓君臣相顧駭異為築却金亭
 刻使東藁未幾陞江西左參政三載以註誤左遷
 貴州石阡府知府其地僻陋至則謹斥埃開屯田
 廣儲蓄流散日復土人素不知學自開郡來無貢
 舉乃集儒生親為講授數載而擢科者數人宏治
 六年陞山西右參政八年陞福建右布政使尋轉
 江西左布政使撫按交章特薦王恕在吏部亦疏
 引之內閣邱濬劉健皆欲薦順辭甚力其生平
 邃學問持大體宅心無私人亦不敢于以私用公
 帑一毫不妄費在江西積金數千將易簣聞人言
 可私為歸計者即戒妻子曰若私此金吾目必不
 瞑矣寧歸而餓死可也乃悉歸於公焉卒年六十
 四嘗著石阡志十卷詩文二十卷巽川集四十五
 卷冷菴翠渠倡和集各一卷寶安雜詠一卷使東
 藁十卷行於世弟頤字思正成化十五年甲午舉
 於鄉從弟珍敦雅明經子敏政政教皆以春秋家
 學得舉敏政會孫行會最知名敏字惟學宏治五
 年壬子鄉薦壬戌進士授戶部廣西司主事嘗差

宣慰懷來鎮給賜邊軍人受實惠歷陞員外郎郎
 中卒黃敦字惟勤宏治十七年甲子與弟敏同鄉
 薦敦獨高尚讀書棠梨溪或勸其一上公車謝曰
 有賢父兄為國家宣力足矣安用腐儒為且一門
 俱紆青紫非所願也東莞政字維舉正德十一年
 丙子鄉薦表選舉敦字惟允弱冠掄魁正德十二年
 丁丑進士歷刑部主事晉郎中嘗辯出曹恕王良
 弼之冤議減屈釗高樂之獄人以為平黃嘗伏闕
 諫大禮廷杖一統志大清戊子廣西主考竣事道拜
 饒州知府治獄如刑曹時奸吏弄文者悉屏跡嘗
 議鑿井濟囚渴忽泉自湧出人稱之曰應德泉會
 有詔造郊壇資磚敕疏陳民困乞罷役忤旨逮詔
 獄謫貴州婺川縣典史道病卒人咸惜之平居教
 子弟曰士君子求不愧此心而已進退榮辱命也
 人以為至言黃名其齋曰新作箴以自警晚見王
 陽明與論窮神之化陽明語人曰祁子之所養深
 矣東莞有棠堃藁傳於世粵大衍會字羨仲性通
 脫不羈年二十三始折節讀書嘗欲縱觀四方名
 山水任意所之遊羅浮朱明自稱羅浮山人入閩
 訪武夷謁考亭自鵝湖之白鹿困於南昌從二童
 行乞於市作乞食文臨川湯顯祖見而奇之萬曆
 四年丙子舉於鄉屢蹶春官而好遊益甚最善葉

春及嘗於羅浮構遲葉菴以待之來西樵又與霍
尙守相善母喪痛哭發病卒有綠水園稿西樵遊覽志
張瓚字德潤號兩山番禺人南海志選舉威儀山
立見者起敬居母喪哀毀骨立景泰庚午鄉薦天
順丁丑舉進士庚辰授戶部主事轉兵部員外郎
出知撫州撫爲江右大郡既下車鋤強扶弱彰善
瘴惡如素所目擊一郡以爲神明又清詞狀輕引
錢抑豪右制奸吏值徵士吳與弼有田爲弟奪當
路怙其重名久不能決瓚一言定之有權貴寄籍
者前官憚其勢莫敢役瓚役之如例黃志豪右殺人
繫獄請囑百端屹不爲動卒繩之以法他如詭立
戶計苟免科徵隱瞞丁口影脫軍匠與夫曹屬糧
里交通富民虐害良善吞併窮苦等弊革去幾盡
歲大饑撫獨有備賑活者不可勝計成化三四年
境內野蠶成繭士民以爲德化所致形於歌頌大
宗伯徐公瓊評瓚廉健如王祥符而仁恕過之翰
墨如周莆田而公正過之蓋比於王宇周瑛也未
幾丁大父憂歸服闋學大成化十年改守漳州四
月抵任有大鳥集於庭命射之是秋八月洪水大
漲所在田廬淹沒瓚亟發舟張筏活數百人先發
賑濟而後報上司惡其專瓚日待報後發民死盡
矣是年復奏減六縣租有差南橋爲水所圯一力

修復民便之又畱意學校以士子專治易乃延請
莆田鄭思亨授以書經後多成立鄉飲素苟簡瓚
考禮正式務極崇嚴以敦風化漳民昔免魚鼈者
今得長子孫爲立功德碑見兵部郎中林雍撰碑
暨陳獻章跋福建通志六年秩滿被謗調知潯州府時
大征梗化者總督朱英以瓚正直委管戎事瓚活
數村民命不下萬計逾三年以九載秩滿未退掌
銓者迎前臺官意罷之時論稱細而瓚泰然不以
介意瓚詞翰如流筆札尤精絕白沙閱其莆陽邸
御史書赤壁賦嘆其醇古詩云醉中亦有臨池興
俛望名家不敢言又曰人謂張兩山傲張非傲者
也其政殆儷古循良云子詡別有傳學大兄子翊
字廷弼性敏悟過目成誦成化四年戊子舉人已
丑進士授南京工部主事卽乞歸侍養事繼母以
孝稱翊字鳳翔翊之從弟也成化十三年丁酉舉
人授漳州同知爲政一遵瓚舊民歌曰大父張知
府能救我疾苦少父張同知能解我瘡痍以艱歸
起補湖廣德安會建王封有司程督太苛翊爭不
聽歎曰官卑力薄恐立視乎遂致仕去翊性剛方
務適於義不計利害語以禍福漠然不介懷所居
置淵明集一帙時吟咏以自況初翊至漳州甫謁
學有數百人伏橋下詢之曰太夫人所活民子孫

也太守聞之嘆曰古之遺愛殆謂是乎番禺志

韓殷字阜民號雪鴻番禺人宋魏公後祖文祥宋

末始徙番禺景泰元年庚午殷少舉于鄉登景泰

五年甲戌進士歷官刑部郎中仲免理枉不避權

要號韓鐵筆都人比之二鮑嘗借給事中白瑩往

闕鞫御史朱榮獄守正不阿及卒督府韓雍勒碑

表其賢所著有雪鴻彙四卷番禺志弟統字馭民天順

已卯舉人南安府推官從弟約字禮民成化辛卯

舉人以教諭行蒼梧縣事均有政聲番禺志

康麟字文瑞順德人景泰癸酉鄉薦甲戌進士授

御史按閩中發奸摘伏如神出為福建僉事廉介

無私豪強屏迹剛直見忤人皆借之陳獻章嘗為

賦介軒詩麟工詩嘗以韻類集唐詩為雅音會編

又著世教錄行於世粵大記

蕭墳字孟韶南海人景泰元年庚午戴志黃志俱作癸酉鄉

薦筮仕四川合州知州築長堤以捍江水灌漑田

疇民獲其利廉能大著擢應天府治中授奉議大

夫四志陳訖字蒼崕東莞志東莞人景泰四年癸酉鄉薦

天順七年癸未會場火訖躍身棘牆以足屈伸救

舉子七十餘人時稱陳神仙成化間判瓊府值生

黎反督臣以軍事委訖訖推牛糞土以血沙塗皮

兩人共持一張黎箭不能入提八十觔鐵簡槍其

酋長蒲盧男黎寇平陞廣西僉事年七十三卒學

士邱濬以詩褒之有誰知別駕真丈人秋毫無犯

除妖氛之句孫襄字尚行一字贊虞九歲能文萬

歷辛卯與兄鼎同領鄉薦為人質樸謙和不苟取

與篤志好學游楊復所之門甚器重之年四十四

卒金志襄子其大順治辛卯副榜製天象儀器訂正

古今律呂推演三才為八十有一條編曰成經補志

吳澮字源深增城人景泰癸酉鄉薦天順丁丑進

士初令弋陽以古循良自期日與諸生講學習射

而助其不給復立義倉儲粟十萬石以恤民時有

中貴人至縣暴橫需索莫之敢撓澮力與之抗曰

倉卒失供備此令罪於民何尤中貴人為斂威居

六載邑中利病興革殆盡政平訟理淡薄自甘民

有餽土物者謝而不受歲旱祈禱行烈日中甘雨

隨注性端謹坐廳事斷獄未嘗左右顧有問弋陽

善何似者澮不識也御史陳選薦其賢入覲考最

為天下第一賜衣一襲吏部抑之僅遷饒州府同

知清操愈勵廣信卿大夫高明等率六邑民上奏

願借澮為郡守命未下而卒年三十九惟一老僕

在旁僚屬發篋視之不足於斂計聞於弋如喪考

妣土祠於奎星樓民祠於縣治東補志澮生平言不

苟合行不苟從目不苟視邑庠諸生相戲謔或出
鄙語則掩耳不聽諸生皆大笑嘗讀書一室女僕
戲於旁澹怒白其母斥之乃已湛若水其為政清
而不苛惠而不費所至民皆思之性喜吟咏庭前
有古梅二因號雙白居士蓋自況也所註有雙白
集廣州人祀鄉賢增城志

張泰字叔亨廣東順德人成化二年進士除知沙
縣時經鄧茂七之亂泰撫綏招集流亡盡復入為
御史偕同官諫萬貴如干政廷杖幾斃出督京畿
學校以憂去家居十餘年宏治五年起故官按雲
南孟密土舍思探構亂以兵邊木邦宣慰使罕完
法於孟乃若守臣撫諭拒不聽泰與巡撫張誥集
兵示必討思探懼始罷兵滇池溢為民災泰築堤
以弭其患還朝乞罷織造內臣減皇莊及貴戚莊
田被災稅賦給畿省災民牛種詔止給牛種餘不
行寇入永昌甘肅遊擊魯麟委罪副總兵陶禎而
總兵官劉寧疏言守臣不和詔泰往勘泰奏鎮守
太監傳惠故總兵官周玉侵據屯田巡撫馮績減
削軍餉寇數入莫肯為禦失士卒六百餘馬駝牛
羊二萬皆不以聞帝怒下之吏惠降內使錮南京
續編氓口外泰又言甘州膏腴地悉為中官武臣
所據仍責軍稅城北草湖資戍卒牧馬今亦被占

請悉歸之軍且推行於延寧二鎮詔皆從之遷太
僕少卿改大理初蘇州民田多為牧馬草場所侵
又侵御馬監及神機營草場皇莊貧民失業草場
亦虧故額孝宗屢遣給事中周旋侍郎顧佐熊翀
等往勘皆不能決至是命泰偕錦衣官會巡撫周
季麟復勘泰密求得永樂間舊籍參互稽考田當
歸民者九百三十餘頃而京營及御馬監收地咸
不失故額奏入駁議者再尚書韓文力持之甯中
未下及武宗嗣位文再請始出泰奏流亡者咸得
復業尋遷右副都御史督儲南京奏釐革十二事
多報可正德二年召為工部右侍郎踰年遷南京
右都御史泰清謹劉瑾專權朝貴爭賂遺奏奏表
至京惟餽土葛瑾憾之其年十月令以南京戶部
尚書致仕明年七月卒撫他事罰米數百石瑾誅
予葬祭如制明史本傳

泰謙和孝友兄順庶出母欲薄分其產泰泣諫
均分從之夫妻相待如賓每見必揖至誠接物
未嘗言人過失喚僮僕不至聲色不加於前蓋
其所養有素矣黃志

梁昉字景熙順德人博學強識景泰七年丙子解
元天順元年丁丑進士年甫弱冠授蕭山知縣禮
賢與學疏言致仕尚書魏驥年近期頤請賜存問

從之陞雲南道監察御史擢浙江僉事監試得狀元謝遷為舉首平生冰蘖自持執法不阿卒於官無一錢尺帛以遺子孫黃志同鄉倫善字國寶景泰丙子鄉薦成化十一年乙未進士令龍溪有學有守民愛之如父母漳州志

陳騏字夢祥南海人少喜技藝工畫能醫有司羅為醫生使視重囚入獄中穢不能忍恥之乃學舉子業景泰丙子舉于鄉天順丁丑連登進士拜大理寺評事晉左寺副修撰羅倫以剛許之陞江西僉事發奸摘伏有能各分巡嶺北民病瘴以藥活之者至八百餘人勘虛糧明經界均徭役民不敢欺有病死而歸以被踢殺告者騏視而折之曰傷必有血蔭今肋骨形彎內黑外彼能自內踢耶煮皂角水洗之黑色盡去獄遂決人服其明巡九江以南清出虛糧十八萬三千餘石儲贖罪穀備賑濟至二十一萬六千石有奇以各道罰罪銀市材倩工修理學校祭器七十八所毀淫祠九十七區百姓以陳打鬼呼之陞雲南副使時鎮守太監錢能家人不法每為騏所制中傷之遂許奏落職家居年八十餘卒騏性勁厲自許晚年論各理與張詡論不協著鳶魚辯原學諸篇蓋自有所得云獻錄

騏為江西僉憲初至夢有一虎帶三矢登其舟覺而異之會按問吉安一女子謀殺親夫事有疑初女子許嫁庠生女富而夫貧女家恒周給之其夫感激每告其窻友周彪彪家亦富嘗聞其女之美而欲求婚後貧士親迎時彪與偕行諺謂之伴郎途中貧士遇盜殺死從行者皆驚散而貧士之父疑女家嫌其貧使人故要於路謀殺其子意欲他適殊不知乃彪所謀欲得其女也遂訟於官問者不察因按女有奸而謀殺夫騏取貧士之父問之止得其畧未之詳但云女與人有姦則不得其主名穩婆驗其女又處子乃謂其父曰爾子在學交與誰最密曰有周彪者騏因思曰虎帶三矢而登舟非周彪乎況彪又伴其親迎夢為是矣越數日偽移檄下吉安取有學之士修郡志而彪之名在焉既至騏飲之酒半獨召彪後堂屏左右引彪手歎息陽謂之曰人言爾殺貧士將娶其妻吾憐汝有才且此獄一成不可復反異汝當吐實勿欺吾則救汝彪錯愕戰慄即跪而悉陳之騏錄其詞潛令人捕同謀者一訊而獄成一郡驚以為神騏為人慷慨多大節羅一峯詩云舉世皆婦人惟公獨男子其人可知矣後遷雲南憲副竟以繩

監軍失官今詩卷尚藏其家

月山叢談

黃瑜字廷美香山人幼聰穎明尚書景泰七年丙子舉於鄉入成均天順初天變求直言應詔疏上六事凡數千言觸權貴將得罪賴吏部尚書王翱戶部侍郎薛遠拔之而免嘗中御史選銓部已將奏名矣其夜有俞姓者鑽刺奪之殊不色愠曰吾名類彼安知始非錯耶成化五年己丑乃授本省長樂知縣首捐俸遷建學校日與諸生講學時科目闕有間矣自是會瓊林廣連舉於鄉兄弟有相訟者開導以因心之義皆涕泣受教退讓而去義官李允擒劇盜盧公林至謂曰盍爲良民乎曲諭數四卽破械放之允叩頭爭曰此賊爲害數十年矣縱放則爲害滋大笑曰彼良心已動不可遏非汝所知也公林果革心力田禾不爲盜豪氓殺人匿其屍訊不服法司欲從疑釋因請自訊忽蚱蜢折左股斃於硯謂曰汝折其左股沉黑水池中神告我矣氓驚服其洗冤燭姦皆此類也以勁直忤當道浩然去民攀留不可則立其生祠歸途經黃土嶺向所化盜盧公林者親率其子弟肩輿過嶺其剛而能感如此既歸徙居會城番山下手植槐二構亭吟嘯其中自稱雙槐老人日子孫能更植其一則吾志畢矣蓋踰蹤三槐也爲學以存誠爲

本嘗自誦曰不欺心不欺人合內外而一之誠也置朱子語類及唐音杜詩於臥所晨起讀語類以析疑義暮則詠詩數章而後寢於聲色紛華一無所好卒年七十有三所著有雙槐集及歲抄傳於

世黃志

黃畿字宗大香山人瑜子七歲善屬對鼓琴見者呼爲奇童十六補郡庠生通詩春秋二經撫茹百家滌去陳語督學僉事張習稱爲古作然竟不能取合有司一夕同舍生攘雞逸之謝不往卽束書歸曰是固嘗業舉擅場者其行若此吾胡可侶哉乃告改邑庠卽以養親歸自是絕意進士舉隱居粵山之椒乃研九流通三才五行之蘊撰三五元書著貫道論始猶雜於釋老旣而讀邵子皇極經世深造其奧歎曰自箕子以來合術於道其堯夫乎乃盡棄宿習稽元微訂律歷作皇極管窺十二篇晚年潛心大易中庸曰中庸易之疏義也太極通書定性西銘猶中庸也乃述易說數篇羅浮山志彙編其論學則曰孔門傳心之要一言而已慎獨是也故爲學必主於獨平生未嘗袒露星月下夢寐中無不善語必頌天謝過居暗室抱寂終日臨妻孥怒長跪叩頭俟釋乃起一味之甘必獻廟奉親而

後敢嘗居喪哀毀逾禮既葬日猶哭墓方晨有虎
 突至俯伏而去旁有山人廖翼見之大駭為作孝
 子感虎歌凡田宅財帛兄弟欲之即與一無所靳
 每合經史語自誦曰天下無不是的父母世間最
 難得者兄弟人以為名言捐已田七十畝有奇為
 義田以贍族鄉鄰或肆凌轢人所不堪退縮不與
 枝飲酒微醺即哦邵子詩卒年四十有九別號粵
 洲學者稱為粵洲先生嘉靖甲午父老覈其行實
 上之當道揭名于孝友坊丙申家人以其著述送
 察院御史周煦嘆曰此真隱居求志之儒也命有
 司建逸士坊以旌之黃志

陳斌順德人天順己卯鄉薦成化己丑進士選庶
 吉士授監察御史時宦官汪直筦西廠詞答京師
 橫恣羅織商賈項忠疏罷之御史戴縉上言汪直
 功德不宜罷復用事未幾戴縉遷都御史斌與同
 官郭和上疏郭志曰汪直奸邪小人竊弄威權締結
 朋黨紊亂朝政擅起邊功皇上頃罷西廠人心大
 快今復令直提督其勢益張天下但知汪直而不
 知皇上請將直正典刑以為奸邪之戒錄後上優
 容之巡按雲南討巨賊賑饑民撫叛夷歸侵地有
 王射者藉汪直詐稱使者至滇斌械歸於京師而
 鎮守太監錢能直黨也其事斌未嘗不側行跋踏

然斌氣盛弗為禮會能掠取鎮內寶石子女及納
 夷賄許以土地印信諸不法斌遂効能與直朋邪
 相倚害民啓釁直等齟齬其間逮斌論治謫戍居
 庸子應科上書訟及科道論救乃放還田里是時
 斌直聲聞天下當塗甚重之郝志

林榮字孟仁番禺人天順己卯鄉薦甲申進士授
 南京河南道監察御史丁外艱起復補河南道成
 化五年己丑按山東值歲荒設法賑濟流民復業
 者千餘人十年甲午按山西劾襄桓王不法有旨
 委官四員往勘得實如榮言由是名益振又提督
 順天府北直隸學校九載滿考師生保畱不報十
 六年庚子擢福建按察司副使巡視海道獲海賊
 四百餘人二十年甲辰解官家居郡人多從之遊
 宏治七年卒黃志

謹案又有一林榮合浦人成化甲午鄉薦
 戊戌進士官都察給事中別有傳

鄒文字載道南海人父宏善詩與陳獻章賡和淡
 於勢利二子皆入官其貧如舊獻章以三代遺老
 稱之天順己卯鄉薦成化二年丙戌進士歷監察
 御史奉命通州查盤奏劾外戚梃尅謫黃巖令控
 豪猾完逋負禁溺女捕劇盜以最擢懷安府同知
 丁內艱補大名府調漳州府居官廉明剛果吏胥

無所用其奸民有通番船行劫掠者嚴行禁止爲政未究而卒漳州志弟才成化戊子鄉薦字時用任嚴州同知時廉介公明清軍伍定徭役嘗刻嚴子陵釣臺詩行世浙江志族人郊字子野成化元年乙酉舉于鄉除北京禮部司務陞南京工部員外郎中以清操著黃志疏諫不宜寶異物花木鳥獸一切當屏絕帝嘉納之繼疏罷西廠糾劾宦官直節凜然家世清白其叔華景泰癸酉鄉薦弟頤成化戊子鄉薦壬辰進士從子立方萬曆丙子鄉薦鎮方萬曆辛卯鄉薦夢炎嘉靖戊子鄉薦彭齡隆慶辛未進士堯齡萬曆五年己卯鄉薦相繼登科者五十餘人南海志孫約宏治十五年壬戌進士歷龍泉金溪二縣令以廉能擢監察御史巡按應天及貴州所至有聲擢河南按察副使勞于民事卒粵大元樂嘉靖辛卯鄉薦知州長於詩文南海志

謹案戴志黃志舊新會志天順辛卯同科中式者別有新會鄭文官江西宜春知縣今已籍隸開平

何澹字源清東莞人天順三年己卯鄉薦成化八年壬辰進士授松江府推官明允清慎門無私謁戴志知府王衡贈詩有曰關門共惜寒儒苦斷獄爭誇老吏明黃志累經旌異陞南京湖廣道監察御史

轉四川按察司僉事軫念民瘼巡歷僻阻遂卒於官戴志時以薦擢福建按察使未赴廣州人澹平生好學務純實處事不苟非其義也一介無所取與所至以廉慎稱戴志

謹案陳遇夫所編白沙弟子傳別有一何澹番禺沙灣人

龐琮字廷佩南海人天順己卯舉於鄉初知分水南海志調福清縣有智畧治尙精明以邑人好訟用嚴治之犯者輒麗於法吏胥斂戢不敢爲奸崇儒重道廣學宮置祭器卽公署吏解無不竭力勸之時稱能吏後祀於名宦祠孫尙龍字德普舉萬曆癸酉科授溧水教諭乙酉順天分考得白瑜等皆名士陞富川令革陋規清隱占增守禦置義倉修橋建塔邑大改觀湖廣扶靈搖腴而富中衛所官欲利其有僞票招兵剿殺煽惑與變尙龍密擒之遣戍兩地卒獲安堵晉永寧知州禁緝詐之擾輕贖便民立成規纂州志先是桐木土鎮爲梗一旦伏辜沒其土田以給軍費免義寧兩江諸縣歲運之苦轉楚府長史適藩王遭誣奏上遣內臣會勘屬尙龍起草連疏辯白遷左史致仕三十餘年絕跡公門故人蔣光彥來守嶺西屢請不謂年九十好學不倦舊南海志

陸宣字汝為號萬松三水人原高要人天順己卯鄉薦

黃庚辰會試乙榜成化丙戌復中乙榜三水直隸

江陰訓導秩滿志陟縣令陳情乞就教就近便祿

養授賀縣教諭三水改靈璧教諭與江浦莊景往

來最為所重壬子主考江西薦儒士羅欽順為首

解果連科及第時咸服其知人友人番禺崔廷珪

按江西三水志有富僧犯姦賂求脫罪叱却之其

廉介類此有集藏於家黃志

何昌字克昌順德人明初法峻人莫肯為郡縣學

生有與昌父怨者則籍其兄為縣學生昌曰朝廷

建學育才者登庸貴矣何免為遂乃代其兄為

南海學生後南海分立順德遂為順德縣學生舉

鄉試五山志天順三年己卯領鄉薦筮仕知浙江麗

水縣鄰邑有劇寇鄭亞入者流劫為害密捕擒之

一郡獲安其政以扶善詰奸潔已濟民為要義所

當為殫厥心力以丁憂歸民不忍舍服闋補任宣

平大宣平故麗水分也道出麗水民爭迎焉其

為政寬厚不擾邑方草創乃修學宮置祭器繕公

署樹坊表浙江通志有古循吏風嘗請減坑課辦額歲

銀一千兩兩邑民戴其惠宣平志入覲考績居最力

求歸與大參李公聰相友善邑令吳廷舉重之年

七十卒後宣平人潘湘來為清軍御史立遺愛坊

以表之孫宏熬烈讀書登科能繼其志云大宏

字道充舉正德二年丁卯鄉試九年甲戌任通州

學正秉持禮法恪恭祀事毫無所苟待庠生嚴而

有恩於禮餽有無厚薄不計試諸生輒自具饌業

成者進之荒而嬉者即所厚弗貸鞭責士用感勵

嘗有富道按臨責其禮節挫抑之宏弗屈提學御

史林有孚以行檢繩師儒鮮當其意者獨重宏及

聞以憂去惜不獲見之宏在官五年革弊甚多其

法至今可守黃志丁憂服除補泰州學教如通州歲

饑巡撫發廩遺弟子監之日何先生弟子必不欺

也蘇徵尋轉六合縣令黃志均民役闕浮屠禁奇妄

淫靡之習有貴戚與豪民訟久弗決刑部以宏往

決之溧陽民坐殺人拷死相繼不白宏白之嘗具

獄上御史田頊三反宏三執人為宏危頊竟薦宏

曰縣令不為御史所撓豈不賢乎舊順德志後為南京

御史首疏銓曹弊事有聲終德安知府踰年致仕

呂柟為作去思祠碑記極稱其賢黃志熬字子魚宏

治十七年甲子弱冠魁南粵正德三年戊辰登進

士知慶元縣大慶元在萬山中嶺悍難制豪猾

持吏短長熬至取首惡誅之與民更始嘉治甚有

聲名為監察御史佛朗機以入貢為名兩臺不許

遂治區脫東莞之南頭潛至京師見部不拜朝欲

遂治區脫東莞之南頭潛至京師見部不拜朝欲

遂治區脫東莞之南頭潛至京師見部不拜朝欲

位先諸夷鰲與御史邱道隆奏驅之出境按湖廣
持大體擢守松江副使浙江黃志云嘉靖庚寅進山東副使改徐
淮兵備定驛傳約法歲省數萬築堤自沛至徐延
亘百里河不爲害左參政福建左布政湖廣道卒
鰲字子時弱冠以文名督學莊渠魏公器重之嘉
靖元年壬午以禮經魁鄉試八年己丑復魁南省
進士授兵部武庫主事督教武學時有勢家擅入
武學察其冒籍黜之於是各勦冒斂戢莫敢儻蕩
編修楊名者同年相厚以言事諫欲上疏申救之
不果尋移疾歸養杜門掃軌當路造其廬咨詢民
瘼靡不悉其肯綮邑人陰受其福而不知其自也
尤好急人之難鄉紳別駕沈文淵貧不能葬邑博
士滕鳳客死廣州不能歸皆白於當道資遣之家
居學問益遂嘗立祖祠以睦族出義穀以恤隣里
人多稱之撫按先後九薦不起年六十卒所著禮
經劄意藏於家粵大思贊鰲子字紹襄原名思聰
嘉靖己酉鄉薦改思贊登庚戌二甲進士授南戶
部主事歷員外郎中遷梧州守練達有聲順德志隆
慶初福建鹽運使廉潔自持商人供應悉却不受
性質直恥事脂韋滿三載辭官歸福建通志晉階大中
大夫優游林下三十載年八十二卒曾孫光歲貢
高要訓導廉恕有祖風順德志

王拯字以仁東莞人從之子由天順己卯鄉貢成
化七年知邵武縣爲人穎悟強記吏民有事於縣
者一見卽記姓名不忘公廉愛民服食淡素嘗以
公事出郊民烹雞供膳拯惟茹蔬食終不下筋其
介率多類此督造版籍請託不行稽考精明宿弊
盡革每朔望後一日輒詣學課試諸生賞勤懲惰
率以爲常尤慎興作時縣廳敞乃節稍俸積金三
百餘兩以付耆民張舉生何淳曰儲此俟歲豐新
之尋以憂去任拯歸以書白其事於郡守劉元名
二人以銀至封識如故福建通志服闋補知杭之昌化
政如閩時兩藩當道謂其心事可對神明離任六
十餘年士民思慕如父母云黃志
陳晟字美宣番禺人少孤貧同郡鍾定者育爲子
遂冒姓舉天順壬午解首後四年成化丙戌成進
士改翰林院庶吉士將授官抗疏言臣本陳則恭
子定雖教育恩喻所生然天性之親不敢違也況
五喪未舉已二十年苟受一官義當致身終無葬
日不孝之罪上通于天將焉用之請復姓歸葬詞
甚哀切上可其奏歸事定孝敬備至未嘗言及復
姓事定知之大詬晟衣冠請杖定杖至流血終不
敢起定亦感悟相與如初拜戶部主事歷郎中出
知雲南臨安府剖斷如流夷獍警服省冗費以萬

計黔國公索歲饋晟執其使囚之懇請乃免自是無敢干以私者未幾卒於官百姓夷酋咸悼之爭護其喪歸晟為人最篤倫理妻黃氏鍾族義女登薦時尙未配富室欲妻之不許比黃卒作詩哀之極其悽惻聞者墮淚陳獻章甚重其為人廣州人物傳陳道字克修舊番禺志番禺人政從子也祖天福洪武中以事戍泗州父榮徙盱眙因占籍焉道少力學兄克正爲河間教諭不遠千里往師之天順壬午舉于應天登甲申進士成化改元授吏部文選主事坐累調南京刑部歷郎中清謹自持門無私謁鄒人因有板陳之號獄無留滯尙書周莊志重之推總諸司章奏舊番禺志丁酉值內艱服闋改南京兵部武選甫逾年擢知金華府民多健訟所牽引輒數十人累月不能決道一訊輒得其情鮮挂累者有奸豪屢起大獄捕置于法宏治元年擢江西參政歷雲南陝西左布政使所至以能著聲尋擢右副都御史巡撫河南至鎮疏陳利害甚悉治河防寇動中機宜鄒謂彰德等府與山西直隸錯處水旱之餘民多爲盜宜專設武臣陳州境鄰直隸州數百里盜所出沒宜增縣治黃河之決河南爲上流而患及直隸大名府等處濬治夫役宜屬之河南事下公卿議參多從其言舊番禺志又以河南

宗室太繁無賴者導之橫行不嚴禁之將爲國家憂非所以全親親也十一年戊午人爲刑部右侍郎無何轉左尋擢右都御史視篆南院驗年改南京刑部尙書道諳練而恕獄無大小悉加詳慎十六年秩滿將赴京奏績以病乞休尋卒年六十九贈太子少保賜祭葬爲人寡言笑慎取予雖尙寬厚至於臨大事治大獄則持之確如也子大章登成化二年甲辰進士歷南太僕少卿孫雲松以蔭官陝西參政鄒鄭權番禺人景泰丙子舉于鄉據明番禺志當作天順壬午黃志鄒授豐城知縣以憂去改令泉州晉江邑多豪強俗復悍訟前令罕滿秩者權平易廉恕推誠待物民風丕變宏治三年黃志作辛亥應是四年賊溫文進來寇府寮閉門震恐思遁權帥師討平之邑有陸斗門障捍大海民田數百頃藉灌溉旋興旋毀權繕治牢固民蒙其利勒石紀功九載秩滿將遷邑民許端等數千人請於當道達于朝再留三年擢杭州府通判卒於官鄒會孫偉萬歷丙子鄉試第一仕衢州府同知番禺志陳穰字仲芳番禺人從化志選舉云水西人天順壬午鄉薦甲申進士拜南京戶部主事侍郎王恕署部事少許可獨稱其操履清潔晉員外郎郎中隨出守梧

州州當兩廣衝要軍門政務繁劇每處之有條總督都御史朱英器其才丁外報起復赴京例當補任適王恕為吏部尚書雅知之即陞福建參政巡歷所至文移精練吏不容奸晉廣西右布政使時值頻年用兵處置不乏宏治十四年與當路微不合乞歸居家十餘年卒年七十八稜方正有禮會雖歡甚未嘗出一衰語白衣有與抗禮對席者輒叱退之婦女孀居者皆能守節人稱其家教足為一鄉表率云黃志從子文輔宏治己酉鄉薦庚戌進士歷大理寺正副方明決以獄獄不右中官劉瑾惡之罷歸瑾誅起知台州府不赴年未五十士論惜之著有坡山集郭志

歐陽寅字敬之從化人番禺屬少敦樸力學以禮自律屏去浮靡之習鄉人咸以篤行稱之領天順壬午鄉薦後為鬱林知州首重學校繼寬徭役大得民心成化十七年征撫康十九年征陸川俱有九年考滿士民保留僉事會驥以其政績上聞詔加俸復舊任三年擢南寧府同知先是同邑監生余用訥亦知是州行政公平視民如子時有大水擁沙田地荒蕪具奏准停徵米五千餘民樂復業後擢潯州知府進階三品至是寅政尤著云鬱林人祀之名宦祠居南寧未久即告歸黃志

李聰字子奇增城人幼讀書知大義天順甲申廣西流賊犯境聰父伯昭在西淋別墅為賊所執聰激切挺身不畏携金往救父竟得生還聰為他賊所殺黃志

謹案別有一李聰順德人成化丙戌進士

廣東通志卷二百七十五終

廣東通志卷二百七十六

列傳九 廣州九

江源 崔廷圭

鄭鼎 羅昕

黃暉 子學表 學準 鶴齡 學矩 延年

黎暹 范勉

余統 何珖

鄧應仁 袁仕鳳

熊季芳 兄孟芳 子一原 一英 曾孫九暉

梁魚 吳璉 子允禎 允祿 允祿 允祿 孫光龍

胡璋 李渭

鄭鴻 姚珩

蘇葵 從子範 鍾勛

胡澧 葉永秀

陳經綸 劉存業

陳希文 王纘

趙壁 余敬

倫文敘 子以說 以訓 黃著 子啓讓 孫在衮

鄧炳 鍾華 陳恩

鍾曉 子千 洗光

韓宗堯 黃衷

盧綸 洗文淵 黃璋

劉文瑞

陳觀

唐澤

明

鄭應新 父翼 弟應文 子用淵

陳錫

鍾紹 以上

江源字一原番禺人成化元年乙酉發解己丑登進士仕上饒知縣清理獄訟百姓感服陞戶部主事晉員外郎郎中清慎自將且有文譽侍講王臣輩皆推重之僉事江西綜屯田水利燭奸刷弊不動聲色陞四川兵備副使鎮松潘守將雅敬其學行夷酋饋獻一無所受居三年邊鄙不擾致仕歸優游林泉以詩鳴嶺南卒年七十二所著有桂軒集黃子字正德二年丁卯舉人番禺志

崔廷圭 戴志黃志明番禺志選舉皆作廷圭字國信

番禺人性孝友有才識登成化乙酉鄉薦丙戌進士郭志誤作授行人奉命勞西陲三邊將士擢南

京江西道監察御史疏通河道便利漕運郭志上疏請立東宮條陳四事六事上悉嘉納賜織金御牙

表裏榮之番禺志尋遷廣右按察僉憲征撫荔浦諸

縣搖蠻谿峒向化詔加副使俸滿再任卒番禺志

陽粒官二十載囊無餘蓄有集十卷行於世郭志

鄭鼎字器之南海人幼有志讀書寒暑不輟成化

乙酉中式鄉試丙戌中乙榜入太學肄業每聲稱

籍甚時大宗伯白學士尹進士孫五美皆樂與交

遣其子受易千門卒業國學二十餘年為詩文洒

然有自得之趣族有大岑沙祭田一區被憲使陳

某所占歷訴當道而直之至今族人祀之于祠兩

廣都御史韓雍為建坊于鄉以旌其賢粵大

羅昕字公旦番禺人幼業春秋廣士多習他經共

非笑之所獨力學不倦湖莞諸名家與語皆自以

為不及成化元年乙酉舉鄉薦第四人嘗著春秋

樞要及綱領後登甲辰進士宏治間累遷貴州按

察僉事方正老練見稱于時尋陞廣西副使邊人

思之不置黃志

黃輝字時雍南海人成化元年乙酉鄉進士讀書

太學幾二十年明習典故而學業益精人多從之

遊試銓曹第一授吏部司務轉驗封司員外郎擢

江西左參議提督糧儲精算法吏不能售其奸寧

藩欲增祿米之直輝執不可同鄉李儀賓來嚇輝

曰王已草奏布政林洋以下且斬輝徐應曰彼何

與焉第斬吾一人足矣欲摭摭其私竟不可正德

二年劉瑾用事裁革管糧官報至輝不色動治裝

行李蕭然家居二年復以舊職起之尋擢雲南左

參政管內多士官茶甸長官沙福者婦人也與其

叔普顯治兵相攻輝單車往諭以禍福卒平其怨

而歸粵大安南長官那代攻破蒙自縣負固二紀

諱調餉練兵將攻之首遽誓服歸所俘由是威震

六詔巨璫崔安思諱功語侵之諱不能平聲色俱

厲安媿屈連呼鐵漢吏民因稱鐵漢公南海志致仕

卒年七十三戴志子學奕正德丙子鄉薦祀龍溪名

宦學準最著字本平正德己卯鄉薦甌州學正遷

知潛江忤中官與治兵使者改淮安教授擢南助

教判潯州署桂平縣清約自持既歸潛心典籍何

維柏雅重之著有朱甍湖南淮南留都西潯家園

諸稿咏史諸詩鶴齡與學準同科學矩嘉靖壬午

延年與學矩同科皆舉於鄉延年領首解孫潛學

準子隆慶丁卯溥嘉靖乙酉相繼鄉薦溥南寧府

同知粵大

黎暹字景升順德人穎博能文成化乙酉領鄉薦

卒業自監嘗為祭酒邱潛所稱授金華府同知當

道有述作必出暹手罷歸構羅江書院吟嘯其中

凡頌德勒功哀誄銘表之文人多求之一時薦紳

皆推遜以為莫及有求誌生曠者以腴田百畝為

壽誌成竟返其券垂老命工像其貌于書院又自

誌其墓其曠達如此有草庭藁藏于家黃志

范勉字彥勤東莞人成化乙酉舉人宏治間知泰

順志行廉謹教養士民人仰其德設縣未久諸所

修葺規制煥然一新浙江通志

余統字承之新會人成化丙戌進士授行人遷南京監察御史疏乞均用材抑奔競糶陳糧併殘伍禁宿弊修國學前後疏數千言皆切時政有奉使者寄孥而行統避居僧舍俟其使還乃偕入其持操類此卒於官浙江通志

何珖順德人成化戊子鄉薦乙未進士知桐廬縣立三限催科之期禁吏卒下鄉之擾剖決如流悉中理法吏不敢奸百姓安堵閔四載以才行超卓擢監察御史浙江通志

謹案順德志云官參政又南海志云為梧州知府平易近人民不忍欺但載鄉科戊子不書會科何也

鄧應仁字子榮南海人少就經籍入邑學有文名成化辛卯領首薦辛丑登進士授浦城知縣為政愷悌不事表暴宏治二年處州賊竊發遠近騷動應仁拒戰賊遁去邑賴安堵尋陞南京禮部主事歷戶部郎中宏治末出守南安廉靜寡慾政尚平恕在任數年惟携一家僮自隨燕處陶然門無私謁既去民大失望至有肖像祀其家者江西通志

袁仕鳳題名碑東莞志作士鳳字彥祥東莞人成化辛卯鄉薦乙未進士初授江西廣昌縣廉介風厲摘伏如

神扶弱鋤強奸黨為之褫魄寧都人有侵漁者歛迹而去民歌之曰袁太宰真男子鋤擊豪強貧撫字吾今求取古人中惟有董宣能似此撫按以其才堪治劇保知萬安縣民間風畏之及視事愛民如子惟恐或傷薄於自奉而厚以恤民其視廣昌政體微不同蓋寬猛之宜也期年吏部行取至京當得科道以無內援乃陟都察院都事尋卒于官喪經萬安民爭祭賻之舟至不能容廣州人祀廣昌萬安二縣名宦東莞鄉賢東莞志

熊季芳南海人成化辛卯經魁甲辰進士榜姓授直隸池州府東流令秉德剛方為政簡易抑強振弱吏憚民懷招撫流移復業者一百四十二戶出俸贖還饑民子女十有七人邑人德之擢九江府同知甫期月丁外艱服闋以終養母卒於家年九十有六兄孟芳字景春天順元年丁丑進士官戶部主事仲芳子一源宏治乙卯鄉薦官郎中一瑛宏治戊午鄉薦己未進士累官副都御史大理寺卿黃志巡撫貴州時嘗題請開科廣額以平寇功蔭子廷翰太學生曾孫九疇嘉靖甲子舉于鄉南海志梁魚順德人字克龍成化辛卯舉人知平樂縣平樂縣小役煩魚至比籍均役草田之賦蠲之尤善撫徭獯治甚有聲遷賓州知州思恩土官岑濬為

逆奉檄往諭濬進兼金不受也後爲部使者所斥遂拂衣歸使者愧謝留之不可實民思之粵大吳璉字美中南海人成化甲午鄉薦甲辰進士授直隸含山知縣廉潔專務以德化民值年荒多方賑救作粥糜以餉流移前後所活盈萬政暇授生徒以周易踰年以憂去任士民如失慈母起復知進賢縣以守正不合引病歸後以子貴封南京戶部署員外郎加正四品服卒年八十餘黃志子允禎字天祐登宏治壬戌進士歷戶部郎中出知永州府愷悌寬仁涖官清儉興學造士不科擾於民民有弗率者委曲訓諭不事刑罰歷廣西參政祀永州名宦郭志允祿字天申號九巖舉嘉靖癸未進士性馴雅守繩墨恂恂如也授武選主事時逆瑾熏灼之後允祿不踰月削籍者一千六百餘員中官谷大用張永輩誣奏允祿下詔獄已而事白復原官以賢調吏部稽勲主事晉文選員外郎驗封郎中是時權歸執政諸郎署共爲洩恣以相浮沈允祿卽力請外補出爲湖廣參政時楚大饑允祿請發倉以賑全活數十萬家轉按察使先有儀賓十惡之獄六年弗決允祿竟辨其誣楚王德焉壽以千金卻之丰裁凜然大木之役處置得其宜有白金文綺之賜至是凡七入薦剡銓部一擬光祿卿

再擬布政使俱不報歲己亥聖駕南巡允祿與布政使徐乾預備有方天顏甚悅時導駕胡御史守中者儉人也貪索不滿其欲遂中傷允祿竟不辯而歸人皆服其長者既歸而守中被戮事益白各益顯直指姚祿以廉明介節薦于朝已病篤不待矣時稱湖湘兩介士謂徐兩溪吳九巖也說者謂九巖尤挺嶢然之操云粵大志允裕字天和少穎異博極羣書嘉靖元年壬午舉於鄉父璉卒哭泣病目夢神授以方如法治之愈謁選爲浙象山令邑故無城虎狼晝噬政兩月擒三虎患遂息比厲疫大作北面焚香額天疫弗爲害改知湖廣東安歲却鹽例五百金時繫獄者七十餘人辨雪其冤擢判寧波革海倉舊羨征倭司餉有功秩滿致仕象山人立祠祀焉子維鎮篤學力行有聲庠序孫光龍萬曆甲辰進士以治行聞南海志父子兄弟以學業顯士林榮之郭志胡璋字資禮增城人成化甲午舉人爲疏寧令在任九年多善政民俗窳陋親死不葬爲壇焚之再舉女者溺諸水璋聞而傷之下令禁不能得乃毀其壇密偵溺女者其鄰不舉則併罪之俗始爲變任滿上印綬歸民乃思之不能忘祀既寧名宦郭志李渭字長源新會人少以事困於縣令遂發憤下

惟不就席者二年領成化甲午鄉薦又十年登進士授鳳陽府推官善剖決時妖僧崔同兒蠱惑行奸大盜宣某巨惡干紀並為民患渭前後寘之法民稱快焉仕終淮安府同知

鄭鴻字振儀香山人年十五有聲庠序成化甲午舉於鄉屢厄會試梁儲為少宰鴻肺附戚也客或

諷之鴻正色曰子徒知少宰能貴人獨不知人有良貴耶遂絕意仕進卜築蓮峯下鑿池構亭徜徉

自樂祀鄉賢

姚珩字鳴玉增城人負雋才登成化丁酉鄉薦甲辰進士歷戶部郎中性清介時四方運糧輻輳集京師舊例按所至先後以次收納有以百金求速

之者僕以為言珩杖其僕而遣之自是人無敢干以私奉命理邊餉痛革舊例餘耗人稱其廉卒于

官旅櫬蕭然

蘇葵字伯誠順德人性剛介不苟合舉成化丁酉鄉薦丁未進士選庶吉士每試輒居前列授編修

宏治九年丙辰例當充會試同考會有權勢為其私人通關節葵堅卻之因辭入試遂被讒出為江

西僉事提督學校江右士習驕惰葵以身立教力挽回之增修白鹿洞書院置田以贍來學者時鎮

守太監董讓作威凌人縉紳奪氣葵守正不為詭

媚讓誣奏葵遣法司盛洪等臨治洪閉門欲加蔡

刑諸生數百排闥而入擁葵出事竟白改督四川

學政行囊無資兄政為建寧教官遣人周之既至

每朔望陞講堂與諸生研求正心誠意之旨修飾

大益書院擇文行之尤賢者讀書其中士子愛之

如父兄焉屢遷福建右布政使卒正德六年辛未

關中李夢陽來視江西學事請祀葵於白鹿洞

郭棐督四川學時請入名宦祠春秋秩祀焉所著吹劍集行於世

從子範字景賢宏治壬子舉人任博白江浦浮梁教諭擢知宣城縣賑水患

省無名之徵為守所嫉卒於官族孫履中萬曆癸酉舉人多才學重信義鄉人稱之

鍾勗字元溥別號東崗東莞人祖定安嘗分田給族人于鐵涌道旁建亭煮義漿以息行旅鄉里稱之

黃勗少端穎年十二學春秋成化丁酉二十一舉于鄉宏治六年癸丑登進士第授刑科給事中巡京倉劾太監侵漁不法罪狀奉命往按山西盜失庫銀得庫吏柴光實蹟正其罪洗副使之冤時稱神明擢吏科右給事中備奏朝覲考察之弊勸勘遼陽兵變劾鎮巡大臣啓覺召侮及疏分兵固圉方畧上嘉納之擢兵科左給事中疏歸省一年還朝查盤湖廣貴州事竣晉兵科都給事中尋丁

父憂正德二年丁卯起補工科都給事中逆璫橫
構罰米百石己巳出爲浙江參議發廩賑饑民受
其惠瑾誅陞雲南左參政有平蠻寇功蒙欵賞時
渤致仕家居足蹟不履省城而建宮祠置祭田立
鄉館脩學宮道路人以爲難

寧大記

胡澧字伯鍾南海三江人附籍英德領成化庚子
賢書登宏治癸丑進士授刑部主事遷員外郎以
病免正德庚午起工部遷郎中督治濟寧河道有
功遷知敘州府轉四川松潘副使先是番夷作逆
官兵不能克澧至制神機火箭箭所及越三百步
人馬遇之莫不焦燬遂焚其營帳積聚一日而五
寨俱平番人震懼送欵督府胡世寧疏其功以忤
柄臣棄官歸都御史吳廷舉疏薦不起嘗遊西樵
山時霍韜以詹事山居素聞澧名倒履迎之因試
澧箭驚以爲神與論理學益見稱賞亡何韜起爲
吏部侍郎值大同兵變殺都御史張文錦韜薦澧
併進澧箭詔徵赴京命兵部傳其技擬授僉都御
史開府西北命未下而澧卒

南海志

郭志

郡城英德兩學

葉永秀字汝實東莞人成化庚子鄉薦宏治三年
庚戌進士知烏程縣清慎公勤力勸強惡邑有水
患連年饑歉乃疏濬流港脩築石橋民蒙其惠擢

御史審滯獄正德元年巡按北直隸摧抑權橫論
奏剴切執政惡其直擢知永州府未幾丁內艱家
居逆瑾誣以事遣官校逮就廷尉得不死竟奪職
歸五年庚午八月瑾誅乃起補知衛輝府未抵任
陞陝西按察司兵備副使卒

黃志

陳經綸字汝學新會人

陳元輔裔

少穎悟弱冠領成

化癸卯鄉薦第一丁未會試第三人登進士觀政
禮部纂修成化實錄以採訪事實奉使廣西暇與
士子講易一時宗之尋授南京戶部主事以事忤
權貴謫象州同知至則撫定徭民脩學勸教撫按
疏薦之尋卒于官所著有寒泉遺稿六卷

郭志

劉存業字可大東莞人蚤孤事母孝幼穎不凡未

冠試於督學張習即以天下士奇之舉成化十九
年癸卯鄉闈第二登宏治三年庚戌進士一甲第

二人授翰林院編修時彗星見天津存業奉詔上

時事多所嘉納武宗卽位簡充經筵官與脩孝皇

實錄有金帛之賜丙寅夏五月遇孝皇小祥恭祀

於山陵歸而病作男諤方八歲在侍遺命以實錄

未完母恩未報殊歉歎言訖而逝士論惜之從弟

廩生存禮檢其橐中金索然幾無以爲喪其門人

劉龍爲主進里紳兼之護殯南歸時年四十有七

袁莞沙集

陳希文字載道南海人成化十九年癸卯舉于鄉
 宏治十八年乙丑令武清縣去京師百里北枕官
 道中通運河政敝民疲俗又頑悍希文至視篆七
 日卽執勳舊家販私鹽及開肆于河西務者數人
 治之凡利于民者次第舉行期年而邑治邑舊無
 城池嘗苦響馬賊每議築病工費浩繁希文移書
 于勳戚有田在邑者計田出貲遂告成部使者交
 薦之拜太僕寺丞正德五年領常盈庫銀二萬往
 大同買馬給散軍士兼查盤得欺匿銀兩三萬以
 聞歸途遇劉六劉七齊彥明之亂行至定州城市
 驚駭士夫耆老擁入行臺問計卽登城號曰發公
 廩以給貧民守城者有無賴子陰與賊通擒縛以
 徇民乃堅志固守賊環攻三日知有備乃去至真
 定賊已抵城守官閉城門遣人察議希文乃啓鑰
 希文按轡徐行驅民先入乃人民得安堵咸詣希
 文叩首謝尋奏查真定等府寄庫養馬餘地銀乾
 沒者治如律有旨從之十一年丙子擢湖廣常德
 知府修理河渠振起學校居三年述職如京師解
 官歸卒年六十有五黃志

王縝字文哲東莞人父恪寶慶知府縝登宏治六
 年進士選庶吉士授兵科給事中劾三邊總制王
 越附汪直李廣不可復玷節鉞出理南畿屯田有

司徵松江白紵六千疋縝言紵非正供且請停上
 清官役詔皆罷之累遷工科都給事中武宗初立
 內府工匠以營造加恩縝率同官言陛下初登大
 寶工匠未技已有以微勞進者誠不可示後世宜
 散遣先朝諸畫士革工匠所授官帝不能用中官
 張永請改築通州新城縝言泰陵工作方興不當
 復興無益之役帝乃止正德元年出爲山西右參
 政歷福建布政使遷右副都御史巡撫蘇松諸府
 協平江西賊王浩八乾清宮災疏請養宗室子宮
 中定根本去南京新增內官召還建言被黜諸臣
 不報已調鄖陽巡撫遷南京刑部右侍郎世宗卽
 位陳正本十事嘉靖二年擢戶部尙書卒官明史
 趙璧字國珍東莞人性敏好學篤孝友成化二十
 二年丙午鄉薦丁未乙榜署廣西融縣教諭化及
 徭民祀名宦宏治乙卯典試雲貴得人爲最尋以
 外艱歸服闋登十二年己未進士與王守仁同榜
 以孔顏樂事相質證姚江重之請告歸養起授南
 京戶部主事有廉能聲每讀史至權璫誤國輒髮
 指適有運糧之役特上馭閣一疏朝野避之既而
 留都修城推璧董役未竣丁內艱歸哀痛成疾卒
 正德六年瑾敗內廷得璧疏加陞工部都水司員
 外郎蓋特恩云金志

謹案東莞志云壁官止主事瑾敗內廷得
疏實以工部員外郎召而壁已逝郭棻通
志宋趙必瓌傳稱壁官副使非是

余敬字行簡新會人宏治庚戌進士知激浦縣修
學築城訟清盜息徵拜南京監察御史嘗因天變
奉詔陳言乞黜不職罷不急舒民困清戎伍等事
丁憂歸遇副使歸善姚祥卒於途敬殯之而歸其
喪及服闋以病不行卒於家

志

倫文敘字伯疇別號迂岡南海人長身玉立頭顱
大二尺許幼秀穎五歲時與羣兒戲有術者見之
曰此兒必魁天下去治二年己酉以儒士就試巡
按御史周南大異之入棘閣果中高等肄業太學
十二年己未會試殿試皆第一授翰林院修撰學
行才器爲世所重爲文根極理致而詞藻溢發十
八年武宗登極頒朔安南充正使會丁外艱歸不
果行正德五年起補原職充經筵講官每遇講期
必凝神精思務發理奧以啓君心而儀度容昂音
吐洪亮上注目焉尋陞右春坊右諭德兼翰林侍
講七年九月進講舜有臣而天下治多規諷語上
和顏傾聽八年春與脩玉牒是秋命主應天試所
得多名士比還得疾卒於京師年四十有七文敘
天性溫醇德器和粹望之知爲君子居嘗以書史自

娛手不釋卷爲文宗韓揚悠長宛轉蔚有真趣其
孝友出于天性而與物無競善教子長以諒次以
訓次以誨錄以諒字彥周丰神秀雅器度端方
凡書過目成誦幼同弟白山學于完齋何瓊進士
之門以聰悟見稱正德十一年丙子舉鄉試第一
人十五年庚辰登進士第選翰林庶吉士讀中秘
書二年而文日益有名當是時海內人士謂倫氏
父子兄弟相繼登三元古今罕見而秉鈞軸者忌
以諒才名太盛門第太高出爲山西道監察御史未
幾歸養凡數年南北科道交薦其才可大用詔復
起拜浙江道監察御史正色立朝嘗導駕脩儀玉
立朝宁皆注目焉累彈劾不職大臣數人又舉老
成舊德之臣如都御史林俊輩輿論翕服尋改吏
部文選司主事凡三年歷四司嚴關防端矩度歷
稽勲司郎中未幾陞南京通政司參議與歐橫溪
同心立政居二年奔母喪歸哀毀踰禮自是無復
用世之志天性孝友待兄弟有恩與白山穗石諸
昆恂恂至老翁如也其量宏廓不立畦畛人有小
過能容之好施與父母妻之族待舉火者數十家
無德色爲文不求奇而理自足句不求琢而格自
工其詩描寫天然自有理趣與青蘿王漸逵最相
得雖不以講學名而其一言一行莫不有得于道

非世之偽儒者所及也卒年六十五以訓字彥式別號白山少有異質書過目不忘稍長通六經子史百家正德八年癸酉鄉試第六人時年十五是年丁父憂十二年丁丑中會試第一人殿試第二人授翰林院編修予告畢姻遂侍母者七年嘉靖二年兄御史以諫亦告歸養以訓復出供職四年乙酉纂修武廟實錄成晉脩撰賜白金文綺八年己丑十一年壬辰同典會試校閱精確所得多名士充經筵講官儀度端雅上爲起敬十三年以九歲考績晉右春坊右諭德借張龍湖主試南畿所得多名士十五年陞南京國子監祭酒敦典明彝修德講學毅然以斯道爲己任士習一時丕變十六年奉恩贈父母迎養于南監宦邸者二年一日母有歸志卽上疏得請還粵天性夙敦孝友與以諒互相砥礪教諸弟尤懇至平生儉約雅淡不植黨不樹私不苟取予尤熟朝廷典章有問者條答無遺其發爲文詞意暢神適非人所能及若壬辰會試文質一策究竟古今循還之蹟而變通以道上大加獎異後建崇質殿蓋取其意云所著文集四十八卷詩集三十二卷明朝彞憲二百卷十九年母喪過哀而卒年僅四十有八以誥字彥羣別號穗石年十七舉正德十四年己卯鄉試嘉靖戊

戊進士廷對擬鼎甲爲忌者抑寘二甲授禮部儀制司主事凡表箋封拜旌賢校士一切大典極其敬慎考最轉南京兵部武選司郎天性至孝例請歸養遂不復出從甘泉遊宗白沙主靜之學嘗謁陽明卽以志道篤趨向正稱之嘗語學者云道不在談論得之力行文不在藻麗得之六經故其言動婉有法程其文章可追大雅甲子之變四郊士女趨城不得入爲叩直指啓城活生靈奚啻百萬至今德之爲文下筆數千言立就賦詩或一韻百餘首壽八十卒所著文集五十六卷詩集四十三卷藏于家

粵大

黃著字子誠順德人宋太史庭堅裔也父俊仕爲登仕郎學行重於時以著貴封戶部主事天性孝友負資穎異問學該博爲儒士考輒居首以禮經中宏治二年己酉省試亞魁宏治十八年乙丑進士借吳門徐禎卿顧鼎臣沮野崔銑西京段良學爲古文詞力追秦漢唐以下弗入目也正德元年授安溪令政先愛民盜不入境市師以爰書誨其子弟著痛革之授以孝經俗爲之變甫一年改知泰興脩學校繕城郭新茅忠烈之祠又識名士田荆張穗于未達時逆瑾檄縣腐童三百以進著曰予安能腐民子以博一官哉力却之且立辨負傷

者之誣陞戶部山西司主事管倉通州轉餉宣府
權賦潯陽皆著清操轉雲南司員外郎時武廟親
征逆濠著率部僚跪諫闕門外不聽越數日勅著
督餉由燕潯趨金陵區畫有條上大悅賜大紅斗
牛服駐驛日久旨下議郊著語梁蔣二學士曰南
畿而郊則回鑿未期矣二公稱善促著代草上之
上感悟回鑿晉江西司郎中以足疾致仕仍以征南
功蒙賞白金綵段嘉靖七年覃恩進階四品京堂
服十一年卒年七十有八黃志子啓讓有雋才從學
士黃佐游能詩以歲貢訓導上饒教人敦實行持
己以古道與時弗偶陞廬江教授歸孫在衮在裘
同科領嘉靖乙卯鄉薦仕則直道不徇于時好居
則守道不輕謁公府有祖風皆以詩名粵大記
鄧炳字子幾順德志順德人宏治己酉鄉薦正德
三年戊辰進士授南京刑部順德志主事歷廣西
副使兵備以文學稱于時爲人和易簡靜家無贏
積郡守鄒守愚鄉飲請炳爲大賓固辭守愚躬往
其爲時所重如此年八十六卒鍾華字美彰亦順
德人宏治十一年戊午鄉薦爲興國教諭擢光澤
令教民孝弟力田作教條以諭之經義文學與炳
齊名鄉皆稱爲篤實君子二子善本宏治甲子善
言正德庚午皆登鄉科族子善經別有傳黃志

陳恩字宏濟東莞人宏治二年己酉鄉薦初授福
建南安學訓導性濬於利而勇于義待士嚴而有
恩比去任橐無餘資秩滿銓選天下教職第一擢
大理寺司務歷陞戶部員外郎郎中選廣南府知
府涖任見府治軍民雜處目不知書乃授以小學
孝經親爲句讀講解士始知趨于學後卒于官無
以爲斂有士官爲具棺殮乃得還子四人越字廷
卓宏治乙卯超字廷英宏治甲子赴字廷獻正德
庚午建最知名別見黃志
鍾曉順德人字景暘少沉毅寡言笑鄙智之謫石
城也曉師焉順德志以宏治壬子舉人訓導梧州督
學重其學行檄主桂林書院九載遷國子監學正
南京貴州道監察御史奏革錦衣金吾龍驤騰驤
四衛冗員及工部冗匠歲省漕粟穀十萬劾江西
參政王奎參議王泰白金僉事李淳皆宸濠黨也
及宸濠平上思曉言賜金旌之刷卷四川諫迎生
佛請召還使臣毋空糜十餘萬又奏停采木蜀人
德之未幾爲忌者所排謫判沔陽遷知歸州先是
湖廣忠路與四川石柱兩土官爭地相攻四十餘
年兩省官不能決曉奉檄訊之片言而服同知瑞
州進思恩知府致仕曉居官三十餘年貧約甚於
寒士生平謙和與物無競嘗治室樹楹矣比鄰惡

其蔽已卽裁之年八十五卒祀沔陽名宦知縣方學龍以忠直名臣四字旌其門郭志子千字君錫舉正德丙子鄉試通判岳州亦遷瑞州同知禁溺女郡中羣盜數百由寧州歷敖橋出凌江虜掠極甚千部卒直抵凌江殲其渠魁餘黨悉平建岳武穆文信國祠俗上元昇佛出遊駭動人民靡財幣不可勝數千出遇之毀其像杖僧還家遂盡毀淫祠為社學俗為一變沈鉄謂其父子濟美可以康頌立儒白兩臺荐之年九十卒舊類德志

洗光字汝實順德人祖始自佛山徙居順德之鷺洲村南海志長身玉立讀書十行俱下舉宏治壬子鄉薦丙辰進士授江西安仁縣潔已愛民善辯疑獄有婁人子誣陷大辟歲久不白光一訊立釋之百姓為之語曰民無冤訟有洗燈籠訟無滯屈有洗三日言其明且斷也粵大記水災民饑光發賑不俟命存活甚衆縣有引鹽前官率利其羨光藉以輸公遂為成例時進諸生講學勉以忠孝大義二院交章薦之南海志丁父艱起補泰興四閱月召為陝西道御史出按應天獎廉察墨風裁大著臨江民某商于微以誣繫獄幾瘐死光廉其冤為讞出多所平反居臺七載疏毀佛像發劉瑾專權江彬誘駕巡幸侃侃數千言咸為光危光不色動疏亦

留中遂乞歸養母杜門十八年嘉靖戊子以薦起南京通政司參議轉太僕少卿晉南京工部右侍郎所至皆有聲然為時宰所忌會太廟災援例自陳改南太常卿致仕去光廉靜正直居官無紛華之好解組林下不通冠蓋日從諸老人徒步田間問農桑無有知其為卿佐者卒後帝遣官諭祭子堯相蔭京府別駕南海志孫應芳萬曆甲午舉於鄉寇祖登萬曆庚戌進士舊南海志

韓宗堯字希中番禺志字仁番禺志番禺人宏治壬子舉人南海志丙辰乙榜初署郴州學正戊午分考福建辛酉主考江西補睢州學正晉蒲圻令丁父憂起補番禺志知安仁縣輕徭緩賦丁丑春徭賊破縣帥兵出禦被執不屈以大義諭賊賊不敢害越五日邑民相率贖歸乃相址砌城為捍禦計未就以不徇乎衆棄官去時直指其門人也檄郡追留不返湖南通志

黃衷字子和南海人父璉居喪盡禮以學行稱譽髦多從之遊衷幼穎絕倫三歲讀孝經問孝本天性也何別於天子諸侯璉大異之弱冠宏治乙卯丙辰連捷登進士第授南京戶部主事監江北諸倉查括積歲侵羨得粟十餘萬又督推揚州尋催內艱僅四十日輸權銀九千三百餘兩前此一歲

之人也正德初復除戶部晉員外郎罹外艱服闋銓衡擬改御史力辭乃補南京兵部員外郎晉禮部郎中後轉武選尋遷吏部在留都久與朱應登顧璘陳沂輩以詩文擅名後知湖州府稍遷福建都轉運使巡撫胡世寧薦衷堪總糧政遂晉廣西參政督糧至則嚴繩恣爲奸利者境內肅然大征古田帥師由洛容斬首二千餘級論功晉俸一階兼賜銀幣正德十六年晉雲南右布政使征芒布以功轉左巡察疏衷忠清公亮宜加重任嘉靖二年擢右副都御史巡撫雲南薦賢黜貪安民禦盜清里役以節財力復條陳地方利病八事皆切機宜無何移鎮湖廣兼理戎務首劾分巡守備二人奸吏多望風解去復脩沔陽州龍淵滄浪等隄土民立碑以紀功德在鎮數月積粟八十餘萬石銀四萬餘兩戶部疏聞降勅嘉獎賚以金帛五年湖北盜起委守巡官授以方畧進兵剿獲首惡六人斬首二百四十餘級生擒六百九十餘人捷聞大被褒賚會營仁壽宮及顯陵晉工部右侍郎兼僉都御史督理運木事竣有銀幣之賜以考最方病足癢乞休不允比改兵部右侍郎得報即抵家疏四上皆不許辭會有忌之者恣爲飛語謂衷潛至京師乘山轎謁當路人皆知爲致仕侍郎王蓋非

衷也後校尉奉旨密查自廣至京驛遞關文雖偵伺無蹟猶勒冠帶閑住或勸上疏自明衷曰事久當白何必辨也賦後給事中魏良弼因言衷係大臣例當馳驛假令入京豈能潛隱乞治言者欺罔之罪不報明朝久之奉詔復職致仕卒年八十所著有矩洲文集十卷詩集十卷奏議十卷海語一卷皆行於世賦後
盧綸字朝言別號望峯增城人兒時丰采秀異雙眸炯若曙星而器宇凝重年十二能屬文日誦數千言增城宏治乙卯舉人壬戌成進士授行人嘗以使事至安南安南人以八寶盤爲贈辭弗受增城安南重之遺之詩有名樹銅關月清搖桂海風之句增城遷戶科給事中轉吏科右厯兵科左增城事侃侃無所避武廟初逆瑾用事綸抗疏劾瑾奸狀不報三年六月瑾得匿名書怒甚詔百官悉跪奉天門外頃之執庶僚三百餘人下詔獄時酷暑多喝死者綸獨氣舒若有神助得不死增城旋奉命核大同等處軍餉大檢諸侵蠹不法事直聲震一時人多忌之者遂出爲四川參議增城所屬大饑或欲請於撫按俟報允乃賑綸曰民旦夕且死若案牘輾轉延緩則索之枯魚之肆矣彼汲汲長孺者何人乎於是出庫銀糴穀復檄諸州縣出贖罰銀

糴穀以糴多少為殿最得穀數萬石民獲甦者數十萬焉所屬有地瘠民貧而差役與沃土等者又有鹽戶課重而雜差與民戶等綸覈其實悉權其輕重而均通之令下權聲載道正德九年乾清宮災興工營建遣侍郎某入蜀採大木侍郎者專倚辦于綸及得一大木後先用輓者萬人出之山中至平陸民力告竭而距水猶三百里綸為文祭木請輕之是夕忽大風雷雨江水暴漲高丈許大木遂順流而下不知所向屬吏或危之綸曰無恐此神之相我也越數日得報則已下湖廣彝陵界矣武廟嘉之有金幣之賜增城志後以按察副使備兵至夔時流賊猶未盡其首御馬子淹老人等為蜀患又千戶文獻集亡命有異志綸俱勒兵誅之陞四川按察使適楊廷和當國子弟怙其勢橫行鄉里綸置之法廷和所免不聽銜之以事罷綸綸遂致仕歸郭志嘉靖初藍萸良田賊大橫兵備道王大用提兵駐增城剿捕綸為之畫策擒賊首黃雪梅餘黨皆殄畿境內以平綸素為鄉人所信服訟者多不赴官願就綸質綸每日晨起必衣冠謁家廟退即課諸子讀書訓以忠孝大義初綸罷官時母蕭猶康強無恙每日問安進飲食必躬親不假手婢妾比及痛絕復蘇蔬食三年未嘗露齒伯仲皆

早世無諸子猶己子為之謀嫁娶所有田宅皆分割畀之足蹟不至會城者三十餘年縉紳有未識其面者卒年八十有九孫應科嘉靖戊午鄉薦望江知縣應徵萬曆戊午鄉薦曾孫偉弼俱歲貢明季授弼戶部主事改湖廣道監察御史其後人多賢隆慶二年祀綸鄉賢祠增城志洗文淵字希哲順德人宏治八年乙卯舉人任松溪縣學教諭學優行潔訓士雖隆寒盛暑不輟時與邑宰陳槐同官有媲美之目正德四年羅知南安縣性方介不能徇上以奸頑犯者無曲貸然其愛民出真誠民感之徭役賦稅皆以時會無後期者居官清苦食無重味衣無重襲沖約如寒士蓋素性然也邑民謠曰洗清清冷如水權豪欲中以奇禍而無計陞南昌府通判民泣送而別至南昌知濠賊將變投檄遞去至家六日而卒人問遞故文淵第曰吾才不耐劇提學副使邵銳檄縣立祠以祀黃志同年同邑黃璋字廷宜正德間知南康廉介自持剛毅有執立旌善懲惡牌二于要地善惡直書其名眾皆服其公後卒于官士民哀之大記劉文瑞字廷麟新會人宏治乙卯鄉薦正德六年辛未進士初拜行人占城請封當遣使廷推文瑞以往賜一品服事竣擢刑科給事中武宗屢出巡

遊文瑞抗疏請回鑿數千言皆剴切疏上不報正德十三年三月也庚辰六月陞湖廣僉事益怪其前言之太剴直也而文瑞絕無怨尤飄然抵家卒文瑞爲人樸厚慷慨不計羸乏卒之日斂葬不給鄉人賢之

鄭應新字孟元順德人父翼登天順三年己卯鄉薦爲瑞金令以廉介稱歸應新朝夕親供菽水教授生徒以給滫隨父年六十遭奇疾應新偕仲弟宣平令應文宏治乙卯舉人焚香祝天願以身代比藥石弗効醫言得臂肉可痊尋割左臂肉和藥以進父疾頓愈延壽一紀年七十生子用淵每述父行誼涕泣下俱同上

謹案用淵據郭志以鄉薦不言科年歷官府通判亦敦行能詩云考順德志選舉嘉靖甲子有黎用淵爲松江通判亦鄭用淵明抄本題名是科無黎用淵有鄭用淵注言鄭翼之孫又稱番禺人亦見番禺志豈卽其人以黎姓由番禺籍而鄉薦耶俟考陳觀字思賢南海人生四歲而孤稍長卽學諸子百家書強記數千言從孔百平遊平居製古巾服誦古言行築亭江濱日游憩其上不求聞達四方髦士多就講學尤長於詩與鄭筠巢戴雲巢輩結

社爲莫逆好學士黃諫見其詩歎賞之擬諸姚鵠岑參生平無疾言厲色誨子弟輒告以忠孝年八十六卒有滄江集傳於世孫錫累官應天府尹金志陳錫字祐卿號天游南海人宋朝散大夫康延之後父珙字伯玉以戴記授徒貢爲上猶訓導以身率諸生時張弼知南安府甚加禮敬嘗夢崔清獻教之曰子知學乎毋不敬內敬恒存思無邪外邪難入寤而索諸言行錄果協於是終身誦之世傳細素至錫尤力學南海志宏治戊午鄉薦乙丑進士授戶部主事嘗司庶逆瑾方用事羣瑞列中外雖束芻出納亦混主計錫以法繩之衆不敢肆司漕通州革弊改六條人以爲便轉員外郎調吏部稽勲司尋陞郎中一時名流咸所咨決屬舍人朱麒求襲封保國公錫駁之曰洪武之約非有重大軍功不得封爵襲蔭今朱麒襲公非約也宜從始封伯爵尙書楊一清從其議因著爲令正德十二年丁丑遷福建參政歷左布政綏定叛軍鈞稽乾沒樹立風紀綽有令聞擢應天府尹去之日閩人爲立遺愛亭居應天未及三載廷議欲晉孤卿錫竟請致仕凡三疏得允優游田園以翰墨自娛凡十餘年始卒年八十有一御賜祭葬祀福建名宦郡人祀之鄉賢祠弟整能詩以子紹儒考績封戶部

郎中累贈太常寺卿李義壯撰傳

唐澤字加民南海人少孤家貧力學登宏治戊午賢書正德間授新淦令時工役繁興澤以愛民惜用為念遷粵西鳳化令兵備副使傳習重之舉軍前掌理錢穀與征平修蒞之功除峽江之暴免不急之征民免流移革兌糧之數西土賴之將陞遂解官歸隱子資賢嘉靖戊午歲貢以其子之燦貴封司務之燦字道宣弱冠登嘉靖戊午鄉書會試乙榜授侯官教諭甲子聘典浙試晉國子學正秩滿晉吏部司務仰佐銓衡有聲兩得恩誥上榮所尊以外艱歸尋卒孫輝歲貢四代科名稱最盛云

鍾紹福建志誤

字大韶東莞人父琪成化辛卯鄉

薦梧州教授字叔貴宏治十一年戊子紹中鄉試

十五年壬戌中會榜東莞志十六年知崇安明信字

下與民約曰吾無下鄉之役符下汝等即當赴縣

符有火字宜夤夜而至民無爽者或問其故民曰

入衙門不費錢而情得又何爽焉邑多盜紹下令

諭其改行三月而盜不息乃嚴捕黠惡者斃於獄

奸宄屏息外戶不閉每巡行塵市小民潔器獻茗

止輿取瘳問其疾苦若家人父子然正德中以才

調繁改知長樂縣後陞刑部主事福建通志擢戶部主

事遷員外郎東莞志

廣東通志卷二百七十六終

廣東通志卷二百七十七

列傳十 廣州十

黃重

陳則父英 孫世善 曾孫誠 孫資王

羅珊

黃昇

方權子遂

方獻夫

劉士奇

陳志敬孫履

余經

張宰

張祐

何瑜

阮珩余尚卿 黎晨

區瑞

李瑤

黎貫父元昌

鍾善經

梁廷振梁方

李一寧兄一清

李悅李翔 嚴棟

曾俊子應珪 孫士爵

盧津以上

明

黃重字子任南海人宏治辛酉鄉薦正德三年戊辰進士授行人羅外艱歸服闋復職七年壬申使伊藩葬祭事竣卻其金帛鞍馬行至懷慶遣人馳投復卻之癸酉使遼東卻鎮巡劄贈甲戌以績最擢戶科給事中巡視內十庫光祿寺宿弊俱革已而清理畿內倉場權貴避焉十二年前御史彭澤坐夷情削籍重奏請寬宥以昭往功輿論題之尋進兵科右給事中考選京衛武官淑慝罔弗當

者會武宗北巡迎駕有勞賜金幣遂疏乞歸省復

賜寶鑑行庚辰復任尋羅內艱歸癸未起補吏科

右給事中市魁李鳳陽挾中官勢恣為奸利方付

刑部俄改錦衣獄尚書林俊執奏不聽乃疏慎政

令以圖治安會災異修省復疏詔令不常爵賞太

濫聽言不宏營建不節言甚剴切聞者危之甲申

夏進兵科左給事中劾太監潘真出鎮荆湖違例

丐請秋以言禮杖于午門外尋進戶科都給事中

賜金幣寶鑑丙戌充武舉考官丁亥畿內饑疏請

賑濟詔行其言多賴全活入侍經筵擢南京太常

寺少卿先是三擬進秩皆不報久乃獲遷己丑星

變以自陳致仕大時同年呂柟謫金陵嘗書喬

岳大川氣象青天白日襟懷以贈歸構草堂刻柎

書以自況平居和易諧謔然嫉惡向義則勇奮不

顧有姊適曾氏而貧捐資贖還其產業同僚張漢

卿落職貧甚瀕行傾囊賙焉鄉之漁民有官責其

逋課垂死者見即為之代償潘伯通等十人誣陷

盜獄為白其冤他如革橫刷之舟築捍澇之廂鄉

人頌德輒自遜謝其行誼類此黃巡撫錢如京疏

請起用而重己卒訃聞上遣官特賜諡祭錄

陳則字養新南海人祖德甫元進士官廣州提領

始籍南海南海父英字廷佐原籍四明祖德甫

宋入粵子季澤明洪武初舉人材赴闕授參議英
 其曾孫也英博記能文尤工詩賦甫遊郡庠隱居
 樂志授徒講學嘗建秋澗草堂於歸德門左澗當
 四山諸水之間郡人稱之為秋澗先生香山黃佐
 為英高弟其父畿建粵洲草堂英與為道義交時
 稱穗城二隱羊城古鈔則稟性端方舉宏治辛酉鄉薦
 授定州學正教士有方擢國子監學正轉博士癸
 酉典試福建遷北臺御史立朝忠直前後疏劾劉
 瑾江彬錢寧欺罔之罪朝端動色巡視東城執法
 不阿驀寺斂蹟出按保定繼巡湖廣所至舉賢懲
 奸釋冤摘滯除荆州重稅特糾內監抽分世宗繼
 統巨璫南迎宮眷多縱肆則密疏劾奉旨扭璫解
 京楚民賴安復命掌河南道加光祿寺少卿致仕
 杜門授徒講學閩粵士多歸之其學主心性為宗
 梁儲顏其堂曰心性與為密友著有心性學宗并
 疏稿詩集行世祀邑鄉賢孫世善字惟敬別號海
 槐孝友好義重於鄉閭嘗遵方煉丸救病壽人廉
 于取直世善子誠字表端諸生研心理學博貫六
 經世稱淳儒金志嘗語及門曰吾學靜以為體觀以
 為用體用雖殊靜觀無二建靜觀亭衣冠端坐其
 中因以為號學使者魏校荐擢方正甲申後猶耳
 目強健年百歲壽考令終云南海志誠孫賓王領崇

頑壬午鄉薦清高簡出時髦宗仰金志
 羅珊字廷珮南海人實番禺人南海籍中式宏治正
治辛酉科並見南海志
 德中知永安政先愛民不畏強禦總鎮移文欲開
 縣忠維鄉鑛以貢逼脅甚急珊抗止之大忤使者
 徐俊俊誣珊殺人差官逮繫邑民洵洵日使者貪
 利執我廉宰眾盍死之奔想當道珊聲益著後擢
 去民為撰文勒石竟因忤權貴解綬歸福建通志珊子
 憲亦由南海中式嘉靖甲午科令太湖調宣化以
 養士愛民稱次子忠言嘉靖癸卯科不仕憲子鴻
 嘉靖丙午科鄉薦丁未進士知常熟擢御史以忤
 嚴嵩歸今珊之子孫俱屬南海籍番禺志
 黃昇號與竹番禺人宏治辛酉中式見明抄本題
名南海人字士超亦見南海
通志無舉鄉試由肥鄉學擢昌化令嘗六月祈雨
芒履出禱入則焚香私第密禱如外三禱三雨邑
中虎為民害以文禱於神虎去浙江通志
 方權字用中出福建金紫光祿大夫宗元之裔來
 居南海占籍焉權生而聰慧日記萬言既長貌狀
 魁梧聲如洪鐘肆力稽古自六經子史百家以及
 天文地理醫卜伎藝靡不研究嘗借人宋史二日
 還之已盡識其大義強記博學儕輩咸以為弗及
 嘗曰祿仕無所用之絕意仕進而圖所以不朽者
 聲聞日起從遊者日衆橫經質疑者日數十人權

以次條答各因其質而造之古今禮文度數沿革世所難知者獨考證詳明時人以其博洽因號曰方書櫃權聞之笑曰吾之書豈徒藏諸櫃乎將寄之子孫以用于天下康濟斯世其志蓋如此後子遂成化辛卯舉鄉薦爲全州學正孫獻夫舉進士歷官吏部尙書武英殿大學士贈如其官性狷介淡泊無營至周人之急卽解衣脫驂不吝居家有禮終日衣冠危坐早起謁祖祠畢卽據案唔咿夜誦必漏下二十刻始休與士語勸以清勤砥礪與鄉人語勸以孝友節儉里有訟者聞權之風輒愧而止年八十卒所著亭秋集十卷行於世粵大方獻夫字叔賢南海人生而孤弱冠舉宏治十八年進士改庶吉士乞歸養母遂丁母憂正德中授禮部主事調吏部進員外郎與主事王守仁論學悅之遂請爲弟子尋謝病歸讀書西樵山中者十年嘉靖改元夏還朝道聞大禮議未定草疏曰先王制禮本緣人情君子論事當究名實竊見近日禮官所議有未合乎人情未當乎名實者一則守禮經之言一則循宋儒之說也臣獨以爲不然按禮經喪服傳曰何如而可以爲人後支子可也又曰爲人後者孰後後大宗也大宗者尊之統也不可以絕故族人以支子後大宗也適子不得後大

宗爲是禮者蓋謂有支子而後可以爲人後未有絕人之後以爲人後者也今興獻帝止生陛下一人別無支庶乃使絕其後而後孝宗豈人情哉且爲人後者父嘗立之爲子子嘗事之爲父故卒而服其服今孝宗嘗有武宗矣未嘗以陛下爲子陛下於孝宗未嘗服三年之服是實未嘗後孝宗也而強稱之爲考豈名實哉是爲議者未見其合於禮經之言也又按程頤漢議謂英宗旣以仁宗爲父不當以濮王爲親此非宋儒之說不善實今日之事不同蓋仁宗嘗育英宗於宮中是實爲父子孝宗未嘗育陛下于宮中其不同者一孝宗有武宗爲子矣仁宗未嘗有子也其不同者二濮王別有子可以不絕興獻帝無別子也其不同者三豈得以濮王之事比今日之事哉爲是議者未見其善述宋儒之說也若謂孝宗不可無後故必欲陛下爲子此尤不達于大道者也惟孝宗之心所以必欲有後者在不絕祖宗之祀不失天下社稷之重而已豈必拘拘於父子之稱而後爲有後哉孝宗有武宗武宗有陛下是不絕祖宗之祀不失天下社稷之重矣是實爲有後也且武宗君天下十有六年不忍孝宗之無後獨忍武宗之無後乎此尤不通之說也夫興獻帝當父也而不得父孝宗

不當父也而強稱爲父武宗當繼也而不得繼是一舉而三失焉臣未見其可也且天下未嘗有無父之國也瞽瞍殺人舜竊負而逃今使陛下舍其父而有天下陛下何以爲心哉臣知陛下純孝之心縱不有天下決不忍不父其父也說者又謂興獻帝不當稱帝此尤不達於大道者也孟子曰孝子之至莫大乎尊親周公追王大王王季子思以爲達孝豈有子爲天子父不得稱帝者乎今日之事臣嘗爲之說曰陛下之繼二宗當繼統而不繼嗣興獻之異羣廟在稱帝而不稱宗夫帝王之體與士庶不同繼統者天下之公三王之道也繼嗣者一人之私後世之事也興獻之得稱帝者以陛下爲天子也不得稱宗者以實未嘗在位也伏乞宣示朝臣復稱孝宗曰皇伯興獻帝曰皇考別立廟祀之夫然後合於人情當乎名實非唯得先王制禮之意抑亦遂陛下純孝之心矣疏具見廷臣方欲排異議懼不敢上爲桂萼所見與帝書疏並表上之帝大喜立下廷議廷臣遂目獻夫爲奸邪至不與往還獻夫乃杜門乞假既不得請則進大禮上下二論其說益詳時已召張璠桂萼於南京至即用爲翰林學士而用獻夫爲侍講學士攻者四起獻夫亦力辭帝卒用諸人議定大禮由是荷

帝眷與璠萼時四年冬進少詹事獻夫終不自安謝病歸六年召修明倫大典獻夫與霍韜同里以議禮相親善又同赴召乃合疏言自古力主爲後之議者宋莫甚於司馬光漢莫甚於王莽主濮議者光爲首呂誨范純仁呂大防附之而光之說惑人最甚主哀帝議者莽爲首師丹驪邯劉歆附之而莽之說流毒最深宋儒祖述王莽之說以惑萬世誤後學臣等謹按漢書魏志宋史畧采王莽師丹驪邯之奏與其事始末及魏明帝之詔濮園之議論正以附其後乞付纂修官參互考訂俾天下臣子知爲後之議實起於莽宋儒之論實出於莽下洗羣疑上彰聖孝詔下其書於史館還朝未幾命署大理寺事與璠萼復獻李福達獄萼等議馬錄重辟獻夫力爭得減死其年九月拜禮部右侍郎仍兼學士直經筵日講尋代萼爲吏部左侍郎復代爲禮部尙書明倫大典成加太子太保獻夫視璠萼性寬平遇事亦間有執持不盡與附會萼反陳泲獄請盡逮問官葉應聰等以獻夫言多免逮思恩田州比歲亂獻夫請專任王守仁而罷鎮守中官鄭潤總兵官朱驥帝乃召潤驥還思田既平守仁議築城建邑萼痛詆之獻夫歷陳其功狀築城得毋止璠萼與楊一清構獻夫因災異進和

衷之說且請收名謫戍削籍余寬馬明衡輩而倍取進士之數帝優詔答之寬等卒不用獻夫以尼僧道姑傷風化請勒令改嫁帝從之又因霍韜言盡汰僧道無牒毀寺觀私創者帝欲殺陳后喪獻夫引禮固爭尋復代萼爲吏部尙書萼璉罷政詔吏部劾兩人私黨獻夫言陸粲等所劾百十人誣者不少昔攻璉萼者以爲黨而去之今附璉萼者又以爲黨而去之縉紳之禍何時已乃奏雷黃綰等二十三人而黜儲良才等十二人良才者初爲御史以考察黜上疏詆楊廷和指吏部侍郎孟春等爲奸黨萼因請復其職至是斥去時論快之安昌伯錢維圻卒庶兄維垣請嗣爵獻夫言外戚之封不當世及歷引漢唐宋事爲證帝善其言下廷議外戚遂永絕世封璉萼旣名還羽林指揮劉永昌劾都督桂勇語侵萼及兵部尙書李承勛又劾御史廖自顯自顯坐逮已又許兵部郎中盧襄等獻夫請按治永昌毋令奸人以蜚語中善類帝不從獻夫遂求退帝亦不允給事中孫應奎劾獻夫私其親故大理少卿洗光太常卿彭澤帝不聽都給事中夏言亦劾獻夫壞選法從張璉所惡浙江參政黃卿於陝西而用璉所愛黨以平代邪回之彭澤等職遷太常及他所私昵皆有迹疑獻夫

交通賄賂疏入帝令卿等還故官獻夫及璉疏辨因引退帝重違二人意復令卿等如前擬頃之給事中薛甲言劉永昌以武夫劾冢宰張瀾以軍餘劾勛臣下凌上替不知所止願存廉遠堂高之表俾小人不得肆攻許章下吏部獻夫等請從甲言敕都察院嚴禁吏民毋得譁張亂政并飭兩京給事御史及天下撫按官論事先大體毋責小疵當是時帝方欲廣耳目周知百僚情偽得獻夫議不擇報罷於是給事中饒秀劾甲阿附自劉永昌後言官未聞議大臣獨夏言孫應奎趙漢議及璉獻夫耳漢已蒙詰譴言應奎所奏皆用人行政之失甲乃指爲毛舉細故而頌大臣不已貪縱如郭勛亦不欲人言必使大臣橫行羣臣緘口萬一有逆人廁其間奈何奏入帝心善其言下吏部再議甲具疏自明帝惡其不俟部奏命削二官出之外部謂甲已處分不復更議帝責令置對停獻夫俸一月郎官倍之獻夫不自得兩疏引疾帝卽報允然猶虛位以俟十年秋有詔名還獻夫疏辭舉梁材汪鉉王廷相自代帝手詔褒答遣行人蔡駿趣之駿及門獻夫潛入西樵以疾辭旣而使命再至云將別用乃就道明年五月至京命以故官兼武英殿大學士入閣輔政初賜獻夫銀章曰忠誠直諫

令有事密封奏聞獻夫歸上之朝至是復賜如故
 吏部尚書王瓊卒命獻夫掌之獻夫家居引體自
 尊監司謁見輒稱疾不報家人姻黨橫於郡中鄉
 人屢訐告僉事龔大稔聽之獻夫還朝囑大稔會
 大稔坐事落職疑獻夫為之遂上疏列其不法數
 事詞連霍韜獻夫疏辨帝方眷獻夫大稔遂被逮
 削籍十月彗見東井御史馮恩詆獻夫凶奸肆巧
 辨播弄威福將不利於國家故獻夫掌吏部而彗
 見帝怒下之獄獻夫亦引疾乞休優詔不允獻夫
 飭恬退名連被劾中而雖執大政氣厭厭不振獨
 帝欲殺張延齡常力爭而其時桂萼已前卒張聰
 最寵罷相者屢矣霍韜黃宗明言事一不當輒下
 之吏獻夫見帝恩威不測居職二歲三疏引疾帝
 優詔許之令乘傳予地里費家居十年卒先已加
 柱國少保乃贈太保諡文襄獻夫緣議禮驟貴與
 聰萼其事持論頗平恕故人不甚惡之明史本傳

劉士奇字邦正順德人明詩餘誤作龍門人舉宏治甲子鄉
 薦正德十二年丁丑進士授刑部主事錦衣千戶
 陶淳枉法殺人言官請逮治不問士奇再請竟寘
 之法轉員外郎議禮與張濬諸臣伏闕哭諫杖不
 死已遷郎中山陝兩藩府與有司給諫僉臬訟奉
 命臨訊論如法出守梧州梧州有關之征軍餽委

輸時有奇羨士奇不為利民多竹舍失火延燒輒
 數十百家士奇患之表火道度數家障以崇墻災
 乃止在郡七年超拜廣西左參政悉心折獄時有
 某甲者一家九人文致強盜幽囚數年士奇鞠而
 釋之奉兩院檄督兵平七山之寇以功擢江西按
 察使監試秉公柄文者欲私其權要數令人諷之
 士奇執不可晉山東右布政以病乞歸居官廉介
 家無餘資或傳士奇常欲市蜆問其妻妻曰何不
 書清字與之杜門八年卒蘇錄

陳志敬字一之東莞人宏治甲子領鄉薦嘉靖元
 年計偕值同邑正德已卯舉子林載陽字寅叔為
 漕運官兵擊死同行者各趣程去志敬獨留治其
 喪白之當事得凶伏法一時稱其恤難之仁謁選
 授潯州府通判定催科規則公私便之署繁平南
 脩城貴縣皆効勞績改南寧府判從平岑猛復有
 土酋盧蘇王受之亂檄守武緣二酋距縣三十里
 而陣眾懼欲奔志敬拔劍叱止之堅壁固守賊尋
 引去七年晉本府同知王陽明征八寨命提兵往
 斬首八十餘級陽明疏薦之十年林都憲富征忠
 江二州率眾擣巢渠魁就擒時多其功先是推官
 陝人蔣宗遠旅櫬不返者十餘年志敬捐俸倡義
 歸其喪癸巳懇求休致給諫徐川常泰美其急流

勇退黃泰泉佐稱其斷大事決大疑卹大難禦大敵成大役卓有定見定守其孫履本名天澤字德基嘉靖戊午鄉薦登隆慶辛未進士郭志初任蒲圻調休寧丁父憂起補崇德金志爲政務長厚鎮蹊以靜養成以寬不爲苛察而政平訟理浙江通志遷蘇州同知戶部郎中浙江大稜上疏言事擢廣西副使乞歸結社浮邱有懸榻集視休寧名宦孫文振康熙五十二年鄉薦金志曾孫彥明康熙八年鄉薦東莞志

余經字朝綱順德人號石龍幼奇穎六歲矢口成文弱冠補邑弟子員宏治甲子領鄉薦泣然垂涕痛父不得見諱日輒嗚咽不自勝築一堂顏曰感梅以寓孝思著有感梅堂記事母至孝友愛仲弟弟蚤沒視其遺孤如己出未幾丁內艱哀毀骨立正德庚辰舉進士是年武宗南巡輟廷試越明年辛巳世宗卽位廷對後授行人奉使葬祭蜀王還贈幣經固辭不受復贈以詩士大夫因製皇華歸使詩卷以榮其行復命擢刑科給事中知無不言不避要路常劾兵部侍郎胡世寧南京督學蕭鳴鳳廣東督學魏枝人稱其直乙酉奉命清察兩廣錢穀獨持風裁會計不爽毫忽廷議大禮忤旨左遷漳浦縣丞朝論稱屈而經不少介於中嘗曰所

貴居官者入則忠君出則澤民已耳違恤其他自作詩曰蝸疆每孤良友戒要樞甘讓別人登漳浦枕山瀕海向緝難治經履任民皆急公庭無留獄當道交獎委攝龍溪篆經力辭擢甌寧令士民涕泣扳留蒞甌寧甫三月卒于官甚貧撫按藩臬爲遣官護喪歸今會城仁厚里諫垣坊皆其子孫云金志

張宰字體敬號簡齋番禺人少有文名弱冠入郡庠宏治甲子領鄉薦壬午謁選擢第一授南京兵部司務曹事清簡宰碑心經理各衙解丁補伍時值風雪襁負嬰孩多寒而斃者迺軫念令各趨廡下立多所全活三載考績進階登仕佐郎戊子晉車駕司員外掌黃馬快船中官進奉多踰常額宰計貢品定發不分毫假借時稱其直道蘆洲草蕩多爲權貴所侵一以法覈實不徇私託己丑歸省逾年晉刑部郎中明慎獄民自不冤有以勢囑者一切杜絕之素有渴病每誦白沙江湖拈起十年蓑之句浩然返初服上奉潘輿下誨二子勉學砥行長子廷臣登嘉靖丙午鄉薦壬戌進士官戶曹考滿出知台州府陞運使清白不愧家風粵大張祐字天祐廣州人幼好學能文宏治中襲世職爲廣州右衛指揮使年十九從總督潘蕃征南海

寇竊元祖先登有功正德二年擢署都指揮僉事守備德慶瀧水猺獞負險者聞其威信稍稍遁去總督林廷選引為中軍事無大小咨焉守備惠潮擣盜魁劉文安李通寶穴平之選廣西右江參將分守柳慶明史嘗發巡按御史朱志榮職貪遂抵干法志總督陳金討府江賊命祐進沈沙口大破之增俸一等擢副總兵鎮守廣西尋進署都督僉事古田諸猺獞亂祐言先年征討率倚兩江土兵賞不酬勞今調多失期乞定議優資從之督都指揮沈希儀等討臨桂灌陽諸猺斬首五百餘級璽書獎勞又連破古田賊俘斬四千七百進署都督同知已復討平洛容肇慶平樂諸蠻增俸一等蔭子世百戶嘉靖改元母喪哀毀骨立尋以疾乞休還衛初上思州土目黃鏐作亂祐購其黨黃廷寶縛獻之總督張嶺惡祐不自已至劾祐懷奸避難逮繫德慶獄數上書訟冤釋令閒住盧蘇王受亂田州總督姚鏐召至軍中待以賓禮多所裨贊後王守仁代鏐詢撫剿之宜祐日以夷治夷可不煩兵而下守仁納之蘇受果效順因命祐部分其眾事寧守仁言思田初定宜設一副總兵鎮之請即以命祐報可破封川賊盤古子又剿廣東會寧劇賊邱區長等斬首二千二百勒銘大隆山十一年陽

春賊趙林花陷高州總督陶諧檄祐討深入多所斬獲忽中危疾卒軍中為哀慟祐身長八尺智識絕人取軍有節制與下同甘苦不營私產性好書每載以自隨軍暇即延儒生講論嘗過烏蠻灘謁馬伏波祠太息曰歿不俎豆其間非夫也題詩而去後田州人立祠橫山祀之明史本傳何瑜字汝忠順德人宏治中歲薦正德辛未承祁門明敏練達以善決獄聞即究嫌久訟懸政不能平者一鞠輒辨嘗署邑一緩不桀禱雨立應桃源賊萬餘掠婺源漸薄祁門瑜以能應檄出捕饋饌不繼士卒饑疫瑜以俸佐之衆心感奮邀賊于鳳亭一戰殲焉敘功行賞償以金不受丙子紅巾賊起瑜復遮擊於柏溪俘獲甚衆當路表之令媿其能遂力乞休致邑人勒其功特祠祀焉志阮珩字國用順德人少游邑庠兄死告歸葬事其親暇日講學不求仕進親喪不飲酒食肉形羸骨立宏治十七年甲子適提學潘府巡視至邑珩出見即告歸潘心異之強令就試見其文優令復學補廩應試皆辭學中始述其孝潘益異之為四難文以彰其善又贈之以詩有百尺樓高孝子過之句徵縣以禮獎欲奏聞旌表會潘以終養去不果而珩亦卒黃志奈尚卿與珩同邑性至孝為諸生直

指毛鳳會考首拔之行潔喜施嘗直誣却其餽不較侵地稱長者子光裕孝友質直歷左長史居官廉正所至有遺愛黎晟字子明南海人事親得其歡心父歿哀毀骨立不飲酒不茹葷三年喪母亦如之志

區瑞順德人初為諸生少有才名負節氣學官銜之言於督學黜為吏後為德興典史捕桃源賊有功已奉檄修城萬年賊突至被獲欲降之瑞指其腹曰此中皆節義文章豈從賊耶遂被害事聞錄其子區健為古田典史與白沙弟子梁奎並祀崇義祠上御史姚涑厚賻之仍以忠義表其門順德志

李瑤花縣揚武都人新志作南海恐誤按揚武都李溪後少負奇志禔躬以禮宏治間由監生授孝感丞署應城縣遇早上疏請蠲民租孝感令缺復署令築城有方民不告勞番禺令王澄瑤所造士也瑤歸澄敬事之而未嘗干謁答以詩有犬眠籬外花當徑之句為人傳誦金志

黎貫字一卿從化人父元昌字德隆生五齡而孤罹家多難母顧氏挈昌及姊弟依居外氏稍長來歸先世遺產蕩析殆盡斬芟蓬蒿以立門戶性簡靜言笑不苟動依古禮先世經元之亂墳墓有失所者輒號哭問人竟得之志石存焉人以爲孝感

嘗遇弋禽者諭之為善其人流涕謝之卒為改行里中豪或侵其業人勸訟之日彼致富類是多矣吾訟之則人皆訟之其家必因吾而破聞者歎服晚年尤嗜書札嘗錄晦翁詩及諸子史警語哀而成帙置座隅鄉黨稱翠峰先生泰和歐陽鐸督學嶺南聞其賢為之作傳焉從化志貫器局凝重年十三能詩十六補縣學生領正德二年丁卯鄉薦六年辛未中乙榜授建平教諭請監司禁溺女新文廟及名宦祠祀吳應龍黃巖御史張仲賢薦于朝以備風憲黃巖志正德十二年丁丑進士改庶吉士作大禮慶成賦為時所稱齊志授陝西道監察御史首言京師火甲之弊黃巖志刷卷福建奉命清軍劾鎮守內官尚春侵官帑狀悉追還之明史太監同藩司乾沒官銀萬兩托人所免貫按劾之還官銀十二萬糧二十六萬前此命使未有也又請表勵孫燧等忠節褒錄先發宸濠鄭岳等三臣上皆從之黃巖志

世宗入繼時流賊起山東請設總制大臣以理軍事又請兩廣行賜剿之法粵大志請復起居注之制命詞臣編類章奏備纂述從之登極詔書禁四方貢獻後鎮守中貴貢如故上言陛下明詔甫頒而諸內臣曲說營私希恩固寵其假朝命以徵取者謂之額而自挾以獻者謂之額外罔虐百姓致朝

廷之澤壅而不流非所以昭大信彰君德也明時
 廷議欲以戚畹奉安陸陵祀貫以為不可上疏論
 之且曰陛下不早抑之恐他日驕恣如薄昭王鳳
 然後圖之亦已晚矣黃嘉靖二年帝從玉田伯蔣
 翰請於承天立興獻帝家廟以輪子榮奉祀貫言
 陛下信一諛臣之說委祀事於外戚神不歆非類
 獻帝必將吐之不聽尋疏言國初夏秋二稅麥四
 百七十一萬而今損九萬米二千四百七十三萬
 而今損二百五十萬以歲入則日減以歲出則日
 增乞敕所司通稽祖宗以來賦額及今日經費之
 數列籍上聞知賦入有限則費用不容不節帝嘉
 納焉出按江西明首罷浮橋之害商旅便之及辨
 諸冤獄皆得其情宸濠之變株連甚眾貫治其從
 逆數人餘悉宥黃父喪歸久之起故官會帝從張
 孚敬議去孔子王號改稱先師竝損籩豆佾舞之
 數編修徐階以諫謫御製改正祀典說頒示廷臣
 而孚敬復為祀典或問以希合帝意議已定貫率
 同官合疏爭之帝震怒曰貫等謂朕已尊皇考為
 皇帝孔子豈反不可稱王好逆甚矣其悉下法司
 按治於是都御史汪鉉言比者言官論事每挾眾
 以凌人曰此天下公議也不知倡之者止一人請
 究倡議之人明正其罪帝然之已而刑部尚書許

讚等上其獄當贖杖還職帝特命褫貫為民明史
 後撫按科道保薦之疏十三上以鄉人處要地忌
 之竟不得起明史久之卒於家明史貫天性孝友
 遭喪哭泣年四十不能閱細字弟病三年朝夕視
 之請以身代與人謙謹臨事則有殺然不可犯之
 色從化建邑後士登第者實自貫始所著有臺中
 藁使閩藁西巡藁共十二卷文集六卷黃
 鍾善經字理夫號常齋順德人天性孝謹不言而
 躬行居父母喪皆不進鹽酪者百日終三年未嘗
 御酒肉雖盛暑必服衰而半武不出倚廬祭葬無
 少踰禮者創建家廟出自已資長姊早喪育二甥
 女如已女擇婿厚嫁之弟善綸先歿撫卹其孤寡
 同居共爨內外無間言少篤志學問以明周易補
 縣學生弱冠正德丁卯領解額高等辛未登楊慎
 榜進士授福建興化府推官守法慎刑每獄疑獄
 部使者驚以為老吏不如也興化士大夫亡慮數
 百人亡不譽其賢能者假官楊日新勢張甚寮宋
 尊禮之至則詰以數語不能對則縛送臬司按治
 如律總鎮崔太監使一指揮往鎮府吏竟叱去之
 崔怒欲求事中傷不可得及相見反屈服被徵為
 御史差往盧溝橋抽分竹木廠實授福建道監察
 御史會武宗北狩力諫回鑾嘗劾錦衣千戶陶淳

不法又彈太監崔文芮景賢以風力聞京師居無何卽上疏以親老乞歸杜門有司屢勸駕不起督撫巡院交章以學行薦于朝未名而卒年四十有五卒之日貧不能斂當道競周其喪弔者如市郡縣諸生以其行白于督學督學曰賢如鍾御史固當尸而祝之也卒祀于府學仰高祠歐虞部集

梁廷振字伯綱南海人十齡事親盡禮人稱孝童南海志眉宇秀竦天資穎異正德丁卯領鄉薦庚午築海雲精舍于瀾石究心古學登嘉靖癸未進士連丁內外艱號慟屢絕年四十二髮已斑白服闋授兵部職方主事尋進郎中會安南弗庭廷議主討廷振力止之中外賴安十七年戊戌出爲廣西副使同參政翁萬達監督諸軍進剿斷藤峽號令嚴肅捷聞賜金幣復平府江諸徭遷福建右參政督理糧儲公餘講學閩士嚮風進按察使憲度貞肅比入覲不持一物人服其節操會遷浙江右布政使尋轉左遇旱禱雨輒應時大工木商應給銀十八萬兩衆商欲以數萬致謝廷振斥絕之其廉介類此未幾卒于任百姓嗟悼浙江通志同里有梁方者亦以成化壬辰進士歷雲南布政使清介絕倫歷仕三十年所業僅餬口獨其秉憲時專尙威嚴刑法過峻輿論以此少之今廷振子孫獨蕃盛云

粵大記李一寧字應坤東莞人宋春叟之後父德修嵩明州同知民雜夷焚治以寬簡有廉名一寧領正德丁卯鄉薦雞澤學教諭提學御史王應鵬檄掌漳川府學教授端方嚴重誠懇儉樸遇諸生常恂恂未嘗疾言遽色以身帥人不示表暴不輕屈于上官郡守常稱曰此真教授也後知懷寧縣淳淳實溫厚志在愛民不事矯飾冠服敝垢人疑其詐及卒于官囊無數金笥無新衣可殮士民哀慟之嘗渡江見覆舟中有動躍聲令人鑿之得一婦手抱嬰兒猶活詢爲長沙人隨舅宦遊遇風一家淹沒板挂偶遺已二日矣遂捐俸買舟送還其鄉兄一清字應乾正德十四年己卯鄉舉知新繁縣有廉能名黃志

李悅字子喜新會志新會縣人天性孝友年七十言及父母輒流涕長兄七子二十餘孫產薄不能自存召與同居以已財產均之旅人多來依者至百餘口庭無間言所居臨海颶風作棺骸漂集悅皆收而葬之新會志云今龍山列冢是也同邑李翔順德嚴疏俱以孝友稱翔字舉南正德丁卯鄉薦嘉靖癸未進士授衢州推官以母老留家事之携一僕以行

志郭凡事有裨於民者必堅持之動忤當道不變時
 鎮守太監虐民翔手鐵如意擊之於座羣小震讙
 浙人呼為李鐵尺按察副使潘旦者婺人也娶與
 衢地接旦弟昂與衢民郝冉婚媾有年矣冉後拓
 落昂欲悔之旦助焉以牒授翔翔若不喻其意者
 執不可衢人益重翔在衢三年蕭然獨處惟敝帷
 一奩破簾二楮及圖書數卷而已與副使朱裳仁
 和令李義壯號三清按巡御史王潢雅重之新會志
 尋擢刑部主事欲改南迎養或止之翔曰近思老
 母年九十四夢魂顛倒遂請歸抵家七日而母卒
 人謂孝感郭補戶部員外郎晉郎中陞福建邵武
 知府屬縣內社各立學學凡數十區弟子繫籍者
 凡幾千人文教蔚然大興然翔性剛方不能善事
 上官有僧繼圓者罹法當死直指包節右之改戍
 南丹且檄守發遣翔對曰凡僧問戍例行原籍追
 解以便他日勾稽無就寺發遣之例包不悅謂其
 倨傲無禮翔聞笑曰吾棄此官如敝屣耳遂挂冠
 歸嘗推明性命理氣之原闢所獨得多先儒所未
 發學者尤尊稱之所著有以說閒稿各一卷嘉靖
 庚申巡撫陳大用題祀鄉賢新會志 竦置祀田捐產
 繼兄邑旌焉郭
 曾俊字仲才南海志及舊題名錄皆云字元哲 南海人其先保昌

人宋咸淳遷南海九江弱冠有文名部使者才之
 中正德已卯鄉試黃志選舉及舊題各錄實正德
 已卯誤作四上春官弗第謁銓授廣西融縣融半徭僮
 梗化通賦訟必刻木投公府俊至誠撫之眾皆樂
 輸邑多舞文詞其尤桀驁者罪之遂戢修營宮興
 社學暇則進諸生講解不輟興至遨遊巖洞偕士
 人觴咏浩然有老安少懷之度制府檄征銅鼓山
 蠻他令苦當隘地請以已地易之自當隘防禦惟
 謹賊不敢越制府多俊功時皆難之璫瑾擅權官
 非入賄不得遷俊屹不為動邑之牛稅歲入千緡
 前令多乾沒俊悉登于籍人勸為子孫計則曰吾
 自有不盡之福以遺之也竟以廉介不能徇時免
 歸行李蕭然至今融人思之嘉靖中博羅翟宗魯
 亦知融縣事廉與公埒語曰融令清白前曾後翟
 博學自植孝親睦鄰既歸躬耕教子為鄉閭表式
 其於理與極深研精而於諸子百家靡不淹貫凡
 醫卜星緯律歷咸究其指所著有鶴峰集易義一
 得洪範圖輯諸書藏于家其令融時有訓俗篇大
 關于世教子應珪孫士鑑相繼中式名顯于時大
 記 應珪字侯信幼神穎七歲日誦三萬言倫司成
 以訓戴太守喟甚奇之時錢塘田汝成視學得其
 文曰此力追秦漢者選舉茂異讀書越秀山嘉靖

癸卯領鄉薦春闈屢絕意仕進居家妻甚乃授
徒爲生篤於人倫事嫡母劉起敬起孝木屐葛巾
浮沈里中時時托情於酒家貧不能沽有召者輒
往往輒醉徜徉泉石以終嘗夜出遇惡少行劫則
佯醉衆扶歸過溪曰慎之慎之一入深淵不復出
矣衆悟各散去隆慶壬申疾革正衾而卒仲子士
鑑同字人倩生而四乳少慷慨有大志十歲解賦
詩十五通經史嘗夢天人授彩筆半百書一函由
是文思日進十九補邑諸生所著如兩粵鎮乘順
德圖經翕然稱史才萬曆乙酉舉於鄉壬辰授內
閣中書舍人時因倭警趙文懿公延入畫策著兵
畧上之宋經畧應昌得之驚喜疏請加仕鑑職銜
充贊畫與俱東征帝以供事制敕不許寧夏平仕
鑑奉使諭兩廣復命募修玉牒寶訓實錄加俸二
級錦衣千戶韋夢麒請采珠仕鑑卽疏止之又疏
修屯政酌古適今鑿鑿可法遷戶部主事海志會
差趙南直隸白糧乘便南還遂不復出天性孝友
居喪三年不履房闕廬墓六載松降甘露家有嘉
瓜紫芝之祥云西樵遊覽志

盧津南海人字要卿號涯軒性敏好學刻苦淬厲
正德丁卯舉鄉薦辛未以乙榜授鳳陽府訓導學
範師模嚴整弗苛父憂服闋改建平縣學嘗曰江

北之士木質遲鈍吾緣飾以文江南藻發有斐吾
最以道母老乞終養歸未幾起爲長興知縣竟不
出家居孝友尤善教子子寧宰崑山興國守潼川
時詔之曰汝能爲民父吾能爲汝父汝不能子民
吾不能子汝矣遂爲名論文徵明盧君傳畧 宁字忠獻別
號冠巖博學工文而修正彊執能激昂任事嘉靖
庚子由順德學鄉薦甲辰登進士觀通政司政授
崑山知縣嘉靖丁未移知贛州興國縣事誕章敷
化隨事更革首發黠吏奸胥縣治肅清政自已出
富民多食無稅之田積稅貧民民無從出一時迸
竄虛賦無收有司恒受其累使臣知宁才委之乃
循畦履畝參稽審畫爬搜弓丈經畧以正版籍無
譌又數臨學官集諸生講授揚摧文教聿興尤慎
刑獄多所平反凡出死獄二十餘有胡文寵者坐
殺人死罪而實非所殺羣官以其家富具獄莫敢
言宁曰避嫌而殺人吾所不忍竟白其冤出之庚
戌擢守潼川民懷其德祠于縣治之右甲寅遷南
京戶部員外郎尋改刑部後爲南京刑部郎中興國縣志
乘家 已未陞山東登州知府辛酉卒于官舍盧氏

謹案盧氏系出唐考功員外郎東美韓愈
所謂相夔者其後自南雄州徙南海遂爲

南海人占居沙溪宁始由順德學廩生中式今順德志稱宁為順德人南海籍者非是

廣東通志卷二百二十七終

廣東通志卷二百七十八

列傳十一 廣州十一

黃佐 子成性

張深 祖善昭 霍韜

霍任 霍傑 霍敦 梁焯

鍾雲瑞 兄雲祥 從子卿 張拱辰

許士經 張潮

王漸遠 子原相 陸任忠 羅汝涇 羅之玉

鄭時舉 父銘 李文充

王鳳靈 兄鳳儀 何彥

吳宗湯 吳預

湯朝達 弟萬程 羅萬里 祺稜 祺和

張雲彩

張纓 弟綱 黎鈺

單雍 鄭清隱 黃廉圖 黃天祿

譚清海 容滿 陳休 以上明

明

黃佐字才伯號泰泉香山人四歲受孝經五歲能隨父畿執養親禮張匠儒 林錄及就外傳問曰大學自綱領條目之外何以釋本末而不及終始師不能答嶺海名記至十二歲而舉子業成乃更學為古文詞及究心皇極象數著座右銘正駁粵會賦正德

庚午鄉薦第一作九州問以見志沉潛理奧至忘寢食歎曰孔門之學知行並進豈可偏廢乎丁外艱日必至墓所至禫猶不食肉庚辰登進士明年世宗即位始廷試選庶吉士授編修儒林錄陳初政要務又請修舉新政疏皆留中明史本傳康陵既耐大禮議與禮官毛澄議兄終弟及無追尊之禮宜仿漢定陶王故事佐主其說署名牘尾異議者以為黨因力請終養嶺海名勝記便道謁王守仁與論知行合一之旨數相辯難守仁亦稱其直諫還朝會出諸翰林為外僚除江西僉事旋改督廣西學校明史抵蒼梧謁軍門秉禮不跪撫臣銜之端士習撤淫祠行射禮舉節孝立鄉社擇士民之秀者為弟子員以風勵之猛獍感悅偶得家報母疾即疏請致仕竟棄官歸撫臣以前憾劾佐擅離職守欲中以法時大學士李時薦佐有程朱之學宜充經筵講官世宗亦知佐名銓部以母老且病非詐覈覆止令致仕家居九年遠近學者從遊日衆闢粵洲草堂以居之巡撫陶諸薦佐文章華國謀猷經邦諫臣董進第以遺逸薦禮部侍郎呂柟以宮僚薦皆為議禮者沮之儒林錄會簡宮僚命以編修兼司諫尋進侍讀掌南京翰林院召為右諭德擢南京國子祭酒明史丁母憂歸耐廬于墓側儒林錄服闋起少

詹事謁大學士夏言與論河套事不合會吏部缺左侍郎所司推禮部右侍郎崔桐及佐給事中徐需御史艾樸言桐與左侍郎許成各競進至相詬訾而佐及同官王用賓亦爭覲望惟恐或先之宜皆止勿用言從中主之遂皆賜罷佐學以程朱為宗惟理氣之說獨持一論明史教人以博約為宗旨蓋佐得力於讀書典禮樂律詞章無不該通故即以此為教是時陽明方欲盡洗聞見之陋歸併源頭一路宜乎其不能相合也黃宗羲明儒學案語諸及門曰詞章之說勝始有無用之文虛寂之說行始有無文之學魯論示人篤信好學始乎悅樂不愠終乎知禮知命知言必真知之必誠行之乃成君子嶺海名勝記生平操履端謹模範嚴整居無惰容燕無媒語私第鄰府寺敲扑喧襍而處之裕如布帷木榻不求更新細釋經文每至夜分不休終歲少入私室少癯然晚年乃更豐碩知其所養充粹也通籍三十年在朝僅數載雖屏居有廟廊之憂賈貧赴義意唯恐後嘗增置義田以贍族人所至表孝義居鄉必為言于官儒林錄年七十七卒穆宗詔贈禮部右侍郎諡文裕宋史所著有詩文集六十卷樂典三十六卷詩經通解二十五卷春秋傳意十二卷庸言十二卷鄉禮七卷革除遺事十六卷翰林

記二十卷廣州府志六十卷廣東通志七十卷廣西通志六十卷南雍志二十四卷香山志八卷小學古訓姆訓西京賦敷教錄各一卷漱芳集廣東人物傳六藝流別明音類選羅浮山志各若干卷行於世學者稱泰泉先生儒林錄其弟子多以行業自飭而梁有譽歐大任黎民表詩名最著云史明

謹案黃佐別有一新會人白沙門人憲宗成化十九年癸卯第三名舉人太平府推官一順德人英宗正統時歲貢容縣知縣李義壯字稚大號三洲番禺人幼聰警甫十歲治舉子業已露鋒銜十四丁父憂哀毀骨立正德五年庚午弱冠就試督學首選之遂以儒士舉於鄉嘉靖二年癸未登姚涑榜進士授仁和縣務先修廢舉墜鋤強植弱陞戶部主事大司徒梁儉菴知其清慎檄監臨清樵稅不屑苛細商民稱便事竣改禮部儀制大宗伯李時推重之工古文詞同官若陳東田汝成王慎中屠應峻陸銓王煒俱負駿名以義壯學行老成資為益友十五年陞精膳員外郎主客郎中十六年陞廣西按察僉事提督學校端己正範崇雅黜浮得士稱盛嘗攝試臬事革藩府守衛之暴雪郡守潘氏之冤明慎劾法獄多平反時稱廉明楚苗弗靖陞湖廣辰沅兵備副使

便宜行事時都御史萬鎰以為憂義壯悉心區畫直抵盧溪蠲生苗之為梗者諸峯望風請降地方又安拜白金文綺之賜加俸一級尋陞四川參政分守川東二十五年陞福建按察使革冗弊清吏靈杜請託縉紳大夫毋敢以私干者轉右布政使未幾陞都察院右僉都御史奉勅巡撫貴州至則殫策靖苗以安邊定變為急與總制張岳抵牾乞休以歸杜門讀書絕不干謁築一室日坐其中伊吾不輟性資峭直面折不容人過嘗遊甘泉之門晚年學日益進所刻有三洲初稿十五卷子成性嘉靖四十三年甲子鄉試解元未會試卒粵大

謹案義壯以南海學儒士中式見明抄本題名故浙江通志即以爲南海人

張深字景川廣東順德人祖善昭四川僉事諱臨江通判先是練子寧親黨戍臨江者八十餘人善昭上書日子寧忠貫日月太宗謂若使子寧在朕固當用之仁宗亦謂方孝孺等忠臣夫既忠之矣何外親末屬尚以好惡賜配百年不宥哉疏雖不行中外皆壯之深登正德九年進士授建平知縣忤巡江御史賀洪改調廣昌訟洪罪洪坐削籍深自廣昌遷禮部主事監督會同館尚書王瓊與都御史彭澤有隙以澤遣使土魯番許金幣贖哈密

城印爲澤罪喉番人在館者暴澤過惡誘潔爲署
牒且曰澤所爲南宋覆轍也事成當顯擢潔力拒
曰王公誤矣澤與土魯番檄具在豈宋和戎比昔
范仲淹亦嘗致書元昊豈獨澤也不肯署尋進員
外郎受杖死

明史本傳

霍韜字渭先南海人舉正德九年會試第一謁歸
成婚讀書西樵山經史淹洽世宗踐阼除職方主
事楊廷和方柄政韜上言閣臣職參機務今止票
擬而裁決歸近習輔臣失參贊之權近習起干政
之漸自今章奏請召大臣面決施行講官臺諫班
列左右衆議而公駁之宰相得取善之名內臣免
招權之謗因言錦衣不當典刑獄東廠不當預朝
議撫按兵備官不當以軍功授秩廕興府護衛軍
不當盡取入京擬授官職御史謝源伍希儒赴難
有功不當罷黜平逆藩功自安慶南昌外不當濫
敘帝嘉納之及大禮議起禮部尚書毛澄力持考
孝宗韜私爲大禮議駁之澄貽書相質難韜三上
書極辨其非已知澄意不可回其年十月上疏曰
按廷議謂陛下宜以孝宗爲父興獻王爲叔別擇
宗仁王子爲獻王後考之古禮則不合質之聖賢
之道則不通揆之今日之事體則不順考儀禮喪
服章云斬衰爲所後者又曰爲人後者爲其父母

報是于所後者蓋無稱爲父母之說而於本生父
母反無改稱伯叔父母之云也漢儒不明其義謬
爲邪說曰爲人後者爲之子果如其言則漢宣帝
當爲昭帝後矣然昭帝從祖也宣帝從孫也孫將
謂祖爲父可乎唐宣宗當爲武宗後矣然武宗姪
也宣宗叔也叔反謂姪爲父可乎吳諸樊兄弟四
人以國相授受蓋迭相爲後矣是兄弟自具高會
祖考也而可乎故曰考之古禮則不合也天下者
天下之天下非一人所得私也宋人之告其君曰
仁宗於宗室中特簡聖明授以大業陛下所以負
展端冕富有四海子孫萬世相承皆先帝之德蓋
謂仁宗以天下授英宗宜舍本生父母而以仁宗
爲父母也臣以聖賢之道觀之孟子言舜爲天子
瞽瞍殺人臯陶執之舜則竊負而逃是父母重而
天下輕矣若宋儒之說則天下重而父母輕也故
曰求之聖賢之道則不通也武宗嗣孝宗歷十有
六年孝宗非無嗣也今強欲陛下重爲孝宗之嗣
何爲也哉夫陛下爲孝宗子矣誰爲武宗子乎孝
宗有兩嗣子矣武宗獨無嗣子可乎臣子於君父
一也既不忍孝宗之無嗣獨忍武宗之無嗣乎若
曰武宗以兄固得享弟之祀則孝宗以伯獨不得
享姪之祀乎既可越武宗且繼孝宗矣獨不可并

越孝宗直繼憲宗乎武宗無嗣無可如何矣孝宗有嗣復強繼其嗣而絕興獻之嗣是于孝宗無所益而於興獻不大有損乎故曰揆之今日之事體則不順也然臣下之爲此議也其故有三曰前代故事之拘也曰不忘孝宗之德也曰避迎合之嫌也今陛下既考孝宗矣尊興獻王以帝號矣則將如斯而已乎臣竊謂帝王之相繼也繼其統而已矣固不屑屑於父子之稱也惟繼其統則不惟孝宗之統不絕卽武宗之統亦不絕矣然則如之何而可乎惟陛下於興獻王得正父子之稱以不絕天性之恩於國母之迎得正天子之母之禮復於昭聖太后武宗皇后處之有其道事之盡其誠則於尊尊親親兩不悖矣帝得疏喜甚迫羣議不遵行而朝士咸指曰韜爲邪說韜意不自得尋謝病歸嘉靖三年帝議尊崇所生益急兩詔名韜韜辭疾不赴馳疏言今日大禮之議兩端而已曰崇正統之大義也曰正天倫之大經也徒尊正統其弊至于利天下而棄父母徒重天倫其弊至於小加大而卑踰尊故臣謂陛下宜稱孝宗曰皇伯考獻帝曰皇考此天倫之當辨者也尊崇之議則姑在所緩此大統之當崇者也乃廷議欲陛下上考孝宗又兼考獻帝此漢人兩統之失也本原既差則

愈議愈失臣之愚慮則願陛下預防未然之失毋重將來之悔而已始陛下尊昭聖皇太后爲母雖於禮未合然宮闈之內亦既相安今一旦改稱大非人情所堪願陛下以臣等建議之情上啓皇太后必中心悅豫無疑貳之隙萬一未喻亦得歸罪臣等加賜誅斥然後委曲申請務得其歡心陛下朝夕所以承迎其意慰釋其憂者亦無所不用其極庶各分正而嫌隙消天下萬世無所非議此臣愚慮者一也昭聖之嫡嗣武宗一人而已矣武宗無嗣莊肅皇后之屬望已矣臣謂陛下之事昭聖禮秩雖極尊崇然其勢日輕陛下之事聖母尊稱雖或未至然其勢日重故今日廷臣惓惓以尊大統母昭聖爲請者蓋預防陛下將來之失而追報孝宗之職分也臣嘗伏讀明詔正統大義不敢有違知陛下尊昭聖敬莊肅此心可上質天地下信士庶矣但恐左右之人不達聖意妄生疑問或以彌文小節遂構兩宮之隙此不可不早慮而預防之也願陛下以臣等建議之情上啓聖母曰昭聖皇太后實大統嫡宗至尊無對伏願聖母時自謙抑示尊敬至意莊肅皇后母儀天下十六年聖母接見之儀不可輕忽凡正誕賀壽聖母每致謙讓不敢受納之意俾宮闈大權一歸昭聖而聖母若

無與焉則天下萬世稱頌懿德與天無極萬一聖母意猶未喻亦得歸罪臣等加賜誅斥然後委曲申請務得允從庶宗統正而嫌隙消天下萬世無所非議此臣愚慮者二也帝深嘉其忠義趣令超朝明年擢少詹事兼侍講學士韜固辭且請令六部長貳翰林給事御史俱調外任練政體監司守令政績卓異卽擢卿丞有文學者擢翰林舉貢入仕皆得擢翰林陞部院不宜因資格帝不允辭趣令赴職下其奏於有司悉格不用六年還朝命直經筵日講韜自以南音力辭日講請撰古今政要及詩書直解以進帝褒許之其年九月遷詹事兼翰林學士韜復固辭言自楊榮楊士奇楊溥以及李東陽楊廷和頴權植黨籠翰林爲屬官中書爲門吏故翰林遷擢不由吏部而中書至有進秩尙書者臣嘗建議謂翰林去留盡屬吏部庶不陰倚內閣爲腹心內閣亦不陰結翰林爲羽翼且欲京官補外以均勞逸議未卽行躬自蹈之而又躡居學士徐箝上何媿如之帝優詔不允明年四月進禮部右侍郎韜力辭且舉康海王九思李夢陽魏校顏木王廷陳何瑋自代帝不允再辭乃允之六月大禮成超拜禮部尙書掌詹事府事韜因言翰林院修書選官日講廕子及巡撫子弟廕武職之

非而以爲已不能力挽不可隨衆趨且稱給事中陳洸寬薦監生陳雲章才可用帝優詔褒答不允辭韜復奏曰今異議者謂陛下特欲尊崇皇考遂以官爵餌其臣臣等二三臣苟圖官爵遂阿順陛下之意臣嘗自慨若得禮定決不受官俾天下萬世知議禮者非利官也苟疑議禮者爲利官則所議雖是彼猶以爲非何以塞天下口因固辭不拜帝猶不允三辭乃允之韜先後薦王守仁王瓊諸人帝皆納用嘗因災異陳時弊十餘事多議行張璉珪等之罷政也韜謂言官陸粲等受楊一清指使兩疏力攻一清奪其職而璉等名還帝從夏言議將分祀天地建二郊韜極言其非帝不悅責韜罔上自恣言亦疏辯力詆韜韜素護前自遂見帝怒不敢辯乃遺言書痛詆之復錄其書送法司言怒疏陳其狀且劾韜無君七罪并以其書送呈帝大怒責韜謫訕君上醜正懷邪遂下都察院獄韜從獄中上書祈哀璉亦再申救帝皆不納南京御史鄧文憲言宜察韜心容其愆直天地分祀是置父母異處郊外親蠶是廢內外防閑帝怒謫之邊方韜繫獄踰月帝終念其議禮功令輸贖還職尋以母喪歸廣東僉事龔大綏許韜及方獻夫居鄉不法事大綏反被逮削籍十二年韜起厯吏部左

右侍郎時部事多主於尙書兩侍郎率不預翰爭于尙書汪鉉侍郎始獲參部事翰素剛復屢與鉉爭鉉等亦嚴憚之既而鉉罷帝久不置尙書以翰掌部事閣臣李時傳旨用鴻臚卿王道中爲順天府丞翰言輔臣承天語無可疑然臣等猶當奏請用杜矯爲因守故事列道中及應天府丞郭登庸二人名上帝嘉其守法乃用登庸而改道中大理少卿久之出翰爲南京禮部尙書順天府尹劉淑相坐所新贓私被鞫疑禮部尙書夏言姻通判費完陷之訐言請屬事帝怒下淑相詔獄淑相與翰善言亦疑翰主之遂訐翰扈蹕謁陵遠遊銀山寺大不敬翰自訴因論言請諡故少師費宏爲文憲不敘宏累被劾狀按律增減緊關情節者斬且憲乃純皇帝廟號人臣安得用會南京給事中曾鈞騎馬不避尙書劉龍潘珍轎龍與鈞互訐奏翰劾鈞且請禁小臣乘轎給事中李充濁曹邁等交章言近侍之臣不當避道雜舉公會宴次得與尙書同列以證語頗侵翰翰疑充濁倚言爲內主訐充濁爲奸黨復摭言他事言益怒奏翰大罪十餘事且言彭時宋濂皆於正德間諡文憲不避廟號翰陋不知故事帝方不直翰淑相復從獄中摭言他事帝益怒考訊之辭服翰主使乃斥淑相爲民降

翰俸一級當議乘轎時言被劾不預都御史王廷相會禮部侍郎黃宗明張壁請禁飭小臣如翰奏而南京諸給事御史自如翰以爲言帝復申飭衆情滋不悅曹邁及同官尹相等遂與翰忿爭相劾翰還南部怨望擅取海子魚與鄉人羣飲郊壇松下侍郎袁宗儒期喪不當進表逼使行翰上疏自理下廷議帝爲停翰俸四月相等亦停二月翰既與交惡及言柄用翰每欲因事陷之上言頃吏部選劉文光等爲給事中尋忽報罷人皆曰閣臣抑宜諭吏部毋受當事頤指使天下知威福出朝廷而大臣有李林甫秦檜者不得播弄如左右其意爲言發也於是鶴鳴上疏自白並摭翰居鄉不法等事帝兩置之無何翰劾南京御史龔澁郭本澁等自辨亦劾翰帝並置不問十八年簡補宮僚命翰以太子少保禮部尙書協掌詹事府事疏辭加秩且詆大臣受祿不讓晉秩不辭或有狐鼠鑽結陰固寵權怨氣召災實有所自其意亦爲言發既屢擊言不勝最後見郭勛與言有隙乃陰比勛與共讞訖言時中外訛言帝復南幸翰因顯頌勛言六飛南狩時臣下多納賄不法文官惟袁宗儒武官惟郭勛不受饋今訛言復播宜有以禁戢之帝既

下詔安羣情乃詰韜曰朕昨南巡卿不在行受賄事得自何人據實以奏韜對請問諸郭勛帝責其支詞務令指實韜窘乃言扈從諸臣無不受饋遺折取夫隸直者第問之夏言令自述至各官取賄實蹟勛具悉始末當不欺如必欲臣言請假臣風憲職循途按之當備列以奏章下所司韜懼不當帝旨尋赴京列所遇進鮮船內臣貪橫狀帝亦不問明年十月卒於官年五十有四贈太子太保諡文敏韜學博才高量褊隘所至與人競帝頗心厭之故不大用先後多所建白亦頗涉國家大計且嘗薦大禮大獄得罪諸臣及廢籍李夢陽康海等在南都禁喪家宴飲絕婦女人寺觀罪媚戶市良人女毀淫祠建社學散僧尼表忠節既去士民思之始與聰萼結既而比郭勛舉進士出毛澄門下素執弟子禮議禮不合遂不復稱爲座主及總裁己丑會試亦遂不以唐順之等爲門生其議禮時詆司馬光後議薛瑄從祀至追論光不可祀孔廟其不願公論如此明史韜爲人質直好古行誼高潔平生肆力于居處恭卽獻納亦以此爲第一義峽山有虎患韜文責山神俄而震雷殺虎峽江中有妖石壞舟過者必祭韜祝告于天卽雷裂其石其感格甚奇二品敘賤舍子而官宗子與球積俸

置產悉與從兄弟共之尤人所難云所著有詩經註解象山學辨程朱訓釋霍氏家訓涓厓集行於世學者稱涓厓先生弟任最知名另有傳長子與璞穎悟過人年十五註楚詞蚤卒與瑕與璵與瑋并舉於鄉而與瑕登進士志霍任字尹先南海人韜之弟也粵大少與兄韜讀書僧舍衣冠相對暑夜不改人服其端莊焉南海志弱冠以諸生兩應舉不利輒謝去習靜西樵山中絕玩好斷戲謔與人一以真誠毫無矯飾粵大與陳白沙高弟鄧德昌輩泉石自娛嘗從王文成湛文簡遊窮究理奧所學日遠事二親最孝居喪飭粥百日齋戒三年歲稔每罄囊以賑多所存活語其子玠曰卽此是推惻隱之心有被誣殺人者知其冤輒白當道釋之其人以百金爲壽却之聞者嘆服粵大居西樵三十載人化其德比卒山中老少莫不惋惜所著心性說解由山刺言行於世西樵遊覽記傑字民先任季弟也倜儻不凡脫然世外嘗遊羅浮不食十數日無饑色粵大終身不娶有林逋風郭初欲近家園築室獨居諸兄止之傑遂屏去廝僕自負巨板入西樵獨棲錦巖中日出採蕨和粟炊之聞湛文簡講心性之學移書辨論久之信服願執弟子禮方文襄與論古今名賢無當

意者文襄笑曰真古之狂也居三載嘉靖元年忽出省城登越王臺坐石而化所著論自成一家言文敏稱其超然無累自得於萬物之外謂世之奇士允宜粵大敦字允厚南海人聞若水講學西樵來從之遊時大科書院方構敦首捐助而陳謨霍傑楊鸞協成敦居十年翹然齋長後若水官經筵嘗上書以輔養君德興致太平為言辭甚懇切生平重義好施家雖貧與門人講學不輟卒於嘉靖己亥若水惜之西樵遊覽志

梁焯字日孚南海人正德癸酉鄉薦甲戌與霍韜同年韜生平所厚重者焯卒韜每經墓必祭之西樵遊覽志登進士嘗過嶺與揭陽薛侃從陽明學有傳習錄嶺南有王氏學自梁薛始辯問居敦窮理棟然有悟拜禮部尚書主客主事十四年三月上議南巡與姜龍等十七人上疏諫止上怒罰跪五日大杖三十車駕遂行會佛朗機夷人加必丹末等三十員名人貢至南京江彬領四家兵馬從上游豫導引火者亞三謁上喜而畱之北至京師人四夷館不行跪禮焯執問杖之又番人寫亦虎先與其甥米黑兒馬黑麻以貢獻事誣陷甘肅文武大臣時彬及錢寧用事二夷人者或馳馬於市或享大官之饌於刑部或從乘輿餞珍膳于會同館或

同僕臣臥起而大臣被誣者皆在枯幽囚以是輕侮朝官焯每以法約束之二夷人相謂曰天顏可即主事乃顧不可即耶彬聞之謂焯凌虐駕下人員將奏聞焯治後事以待命三月丙寅武宗晏駕是日皇太后懿旨誅彬已而火者亞三等就獄稱本華人為外夷所役於是寫亦虎先等皆伏誅有詔佛朗機不許入貢以嘗試其君也新政旌別淑慝焯嘗諫被杖陞俸一級初舉人武陵莫元亨與焯同師陽明陽明使元亨往寧藩察其逆狀比濠為陽明所擒乃指元亨同謀下詔獄死焯捐俸為備棺斂嘉靖初改兵部職方司聞弟訃而病遂予告歸養宜興醫士周衝送之及別謂日益莫善于養心損莫甚于多慾焯佩服其言卒於家年四十六黃志

鍾雲瑞字天慶東莞人性溫粹潛心書史執親喪與伯兄雲祥廬墓鄉黨稱孝正德癸酉中鄉試第三人丁丑舉進士授南大理評事時寺正林希元以忤御史參降雲瑞疏言實與同事非則均非坐視希元之去恐涉賣友之疑乞一同降調不報士論高之考最調北寺副尋陞寺正會議大禮忤旨廷杖瘡甚幸起陞江西按察僉事執法理冤不避豪右未滿考陞布政司右參議會南嶺巡撫憾其

謁見稍後以爲慢已飛語中之改調歸入山居西
廬爲終焉之計後三年部撤查催赴選補雲南左
參議丁內艱服闋起補湖廣右參議提督太和山
時中貴橫恣繩以法陞副使備兵衡永以不能隨
俗媵阿上疏乞歸構一室左圖右書閉門謝客遇
祭祀必致其誠敬慮風俗日趨于下與同里致仕
知縣何楷知府林時衷等率行鄉約以修明孝友
睦鄰任恤之行有陳太邱風時循寇連歲流劫則
糾衆防禦寇知有備引去鄉人德之爲建生祠於
象山之陽逾年而卒年八十有四祠成縣尹楊公
題其額曰慕德祠自爲之記雲瑞嘗師湛甘泉而
友林次匡觀其師友而其人品可知已別號黃山
鄉人稱黃山先生粵大隆慶庚午祀鄉賢郭伯兄
雲祥字天兆內行純篤邑庠生執父喪哀毀骨立
及葬廬墓側朝夕哀慕餽粥僅充饑渴久之漸成
羸病母憐而強之歸抵家朝夕問母起居宿於堂
次不入私室三年提學副使章拯旌其門雲祥歎
曰子道之常自盡其心耳敢以要獎未幾病沒後
提學副使魏校遣官立碑致祭其孝足以風矣從
子卿字懋敬祖睿父雲錦卽雲瑞之長兄也幼偶
儻有志畧年十七上書季父雲瑞勗以名節瑞大
奇其志既而補邑諸生督學使歐陽鐸以卿輔期

之舉嘉靖七年戊子鄉試連登己丑進士授知許
州實心實政摘伏如神績最陞南兵部員外郎進
武選郎中丁外艱起補戶部河南司郎中坐祈穀
南郊至後期謫郴州同知察獄賑饑民多全活俄
遷萊州府通判郴人立石頌德入爲南都水郎中
擢知九江府以郡當孔道供億浩繁弛其不急者
以甦民困脩陂塘泉堰禁絕關權注籍之弊陞廣
西副使驗年晉參政旋轉按察使時宗藩經据等
觸法力請正罪諸宗肅然晉廣西右布政使三十
八年己未晉福建左布政使上疏乞骸骨歸充養
完潔內嚴外溫居鄉杜門却掃不謁公府至其憂
世之心未嘗釋於懷四十年辛酉歲倭夷山寇交
訌誓衆固守賊不敢犯粵大家居貧甚同官潘季
馴巡按粵東郡有鹽池檄府給牒遣之卿方權爐
語諸子持牒我視之得卽投諸火諸子駭愕卿曰
一境之利何可專之火之爲汝曹開生路也陳志
其守己之介老而彌篤隆慶初元以耆舊起卿懇
疏謝病詔以光祿寺卿致仕卒年七十七論者稱
爲百粵儀表一代球琳云粵大
謹案鍾卿嘗爲督府李遷署其堂曰清白
事與順德張拱辰同
張拱辰順德人善昭族子也字仰德少力田馬騶

見而異之妻以女駟以吏舉于廣右者也拱辰正德癸酉鄉薦丁丑進士出遇驃騎將軍陸宣立馬譚宣重之期過倖臣朱寧第竟不往舊志授戶部主事歷郎中監太倉尙書侯觀欲私概入不可志監兌南直隸則杖金瓊知縣任田其同年進士也志成大化來鹽法改折商中鹽輸銀戶部以次給引有數世候支者黥商潛賄計曹通於內閣中貴人祈四朝鹽引借發拱辰獨抗言國家鹽法有故四朝皆發則成化宏治鹽壅不行鹽壅不行則利入微利入微則商不懷失信商人虧折國賦非細事也拱辰一日去位惟諸公衆不能奪志大同軍叛殺巡撫張文錦議撫拱辰獨詣兵部請誅之大未幾陞福建參議會任田起爲御史構給事楊秉義劾拱辰罷歸霍翰兩疏張拱辰剛毅有守吏部嗾不門跪黜之大明會典考察無贓皆得舉無終身廢棄之令也乞召拱辰竟不起拱辰剛直急人之難見不善必叱之太史蕭與成道病革人以其疫卽相知過弗恤也拱辰調護病甦乃去志知縣曾俊爲人誣訟友人梁主事喬升受金言於藩司罪俊拱辰俟藩司送喬升出指罵之曰以順汝欲子孫巧耶元哲冤誰不知者不解驂又下石如良友何以順喬升字俊字元哲舊志拱辰廉居官

十餘載不增尺寸之產晚節益堅有獻百金爲壽而請其關說者託族子以聞屬拱辰耘瓜族子示顧金曰有貨如蛤何苦耘瓜爲拱辰曰吾瓜大如蛤也妻子幾不能給韜乃割寺田以周之御史陳聯芳表其里曰清白志許士經南海人正德癸酉舉人嘉靖間福寧州學正待士有恩禮輯楊時以來至朱熹門人語刻曰道南觀感錄又刻梭山家訓士論翕然稱之福建通志謹案南海志選舉云知縣張潮字允信號春岡增城人少孤貧力學正德丙子舉人縣民有主盜者縣令王大用訪得之將治其事餽金數百鎰求解潮厲色叱之大用益禮重焉嘉靖間授建始知縣彝俗悍而愚多通賦悉籍之邑校弟子員缺潮擇民間俊秀二十餘人教之讀書朝夕課所業業成請於督學悉收之士習遂向風無何解官歸行李蕭然士民相與立碑以紀去思至家晚節益勵時甘泉倡道於增潮年七十三顧納拜著門下籍甘泉一見呼爲老友請爲明誠書院長凡士之從甘泉遊者必使之先詣潮所隨其資學淺深開導懇欵周悉皆充然若有所得或甘泉至書院開講潮展書恪立終日恒無倦色白髮毵毵論者以爲甘泉之有春岡猶陽明之有

蘿石云年八十四卒所著有游藝集祀鄉賢增城志
 王漸遠字用儀一字伯鴻番禺人世居沙灣青蘿
 山下人稱青蘿先生其先梅灣公為宋名進士父
 傅字希說宏治壬子舉人為泰州學正祿倖入悉
 濟貧及卒窆甚漸遠力學苦志鑽研從湛若水受
 五經大義學日進年十九領正德十一年丙子鄉
 薦十二年丁丑進士授刑部主事三載告侍養家
 居三十餘年以諒兄弟歲周其貧應公車之名黃志
 霍韜嘗曰吾生平莫逆交惟用儀與日孚耳及掌
 部事首薦御史倫以諒及漸遠臺省董進第亦疏
 薦郭志復補刑部郎閱二月上疏言四事請行帝王
 之政五事黃志凡數千言言甚剴切知者咸危之曰
 上怒叵測王生殆誅死矣竟畱中不報張時敏再撰墓誌
 上疏乞休又上乞創立以存根本疏天下仰其風
 采晚年究心理學粹然一根於心何古林諸老咸
 推重之其提身治家嚴敬整肅所著正學記觀水
 記四書適言學庸輯畧求仁集春秋傳日省錄嶺
 南耆舊傳青蘿文集洛澄學志卒年六十一隆慶
 初詔邨建言諸臣贈光祿寺少卿子原格庠生原
 相粵大志原相字名之號鵬江嘉靖戊午舉於鄉壬
 戌進士知建安以廉能著調閩縣革陋規治奸胥
 報最晉南京御史時以南臺為閒曹相與曠放原

相拾遺糾劾無虛日論漕政馬政之弊及嘉靖末
 年批政柄政者惡之出為寧波知府則招徠流亡
 立義倉修學校遷四川副使轉廣西參議萬曆乙
 亥廣東羅旁徭賊據險作亂總督凌雲翼請討之
 原相監西師軍於岑溪與參將王瑞調度進兵獲
 俘數千破賊巢百餘降賊四百有奇凱還與諸路
 道臣勒石記功晉江西按察使遷湖廣右布政致
 仕番禺志
 陸任忠字希旦南海人正德丙子舉於鄉歷知清
 流縣居官六載不以家隨人多其廉靜轉梧州府
 同知時議征安南理餉有功受金幣之賜佐梧八
 載以持正忤倖長輒棄官歸督府蔡經慰畱弗聽
 積俸置產與二弟均之同里羅汝涇字湜卿亦以
 友愛稱嘉靖戊子鄉薦歷任知州忤權貴棄官歸
 則蕭然父遺產數百金盡讓其弟自甘清約鄉評
 重之郭志
 鄭時舉新會人字一鵬父銘宏治乙卯鄉薦己丑
 進士字克新袁州知府與同里鄉會同年區越皆
 善事繼母以孝稱白沙兩作慈母詩遺之時舉正
 德丙子舉人新會志嘉靖間知泰寧縣以清儉聞先
 是令丞簿尉薪水悉屬民供歲不下千五百金民
 困於奔命時舉悉罷之以安民生福建通志陞道州丁

父憂起補海州遷南寧同知著有鄭氏家乘三卷

新會志李文克南海人正德丙子舉人知尤溪縣縣地曠

險盜賊易於嘯聚文克繕城郭嚴戍守聞警率兵

奮擊直搗山陽雪山黃認團諸砦俘其渠率毀其

巢穴民自是安堵

福建通志

王鳳靈字應時順德人正德丙子偕兄鳳儀舉於

鄉俱從吳姓丁丑鳳靈登進士授刑部主事疏復

王姓鳳靈生有異質日誦數萬言終身弗忘為文

章以氣勝其起家比部郎年甫弱冠乃明習法律

如老吏官張銳都督錢安等罪當死詔減戍且

許贖金諸法吏咸愕然鳳靈獨疏論之其畧曰此

等非逆瑾爪牙則錢寧羽翼非交通宸濠則結好

江彬蓋必誅之賊也今以賄囑轉移聖慮臣恐奸

雄俟覺皆將謂私交可無誅亂政可不殺而獄可

賄濫肆無忌憚天下之毒可勝言哉疏奏竟如法

司議給事中陳沈者罪有顯狀世廟以議禮故庇

之鳳靈奏言曰議禮者自議禮犯罪者自犯罪何

得按此以掩彼也臣聞先朝開國靖難及諸迎立

元勳豈無寵利動觸刑章即如議禮諸臣深繫聖

心而或慮極盈之會犯不韙之科陛下亦將與衆

棄之而不得私如沈之罪又奚待而持不決之疑

乎諸曹咸為悚然出為襄陽太守未幾以母喪歸

服闋補淮安准稱劇郡鳳靈至問民疾苦清徭賦

擊豪滑數十輩更創郡縣又闢龍溪書院廣徵屬

邑士與肄校其文藝刻曰同文錄又引淮水入泮

以開科第之祥淮故水患鳳靈首疏五事以疏泄

重農為先又因頻歲旱蝗連上秋災夏蝗等四疏

請蠲秋糧雜賦出餘鹽銀數千以賑民復疏停馬

價懇惻數千言民賴以甦嘗鑿於河辨疑獄緝治

巨盜在淮五年擢陝西學憲准人即龍溪書院為

生祠祀之未抵陝遭謗歸起補霸州兵備佐翟相

行九邊又督城沙河議省費忤柄事者故畱五載

始遷廣右大參欲赴忌者以考察竟罷之鳳靈性

伉直好激論天下事以此多忤人其文章名高於

時所著有淮陽稿及諸奏疏字宗王右軍人珍慕

之今淮諸生稱曰筆峰先生鳳儀亳州學正子一

貫舉鄉試亞魁

金志謹案王鳳靈兄弟姓名並不見于順德志

及各志選舉中惟考進士題名碑正德丁

丑二甲則有王鳳靈福建興化府莆田縣

籍不知金志郝志從何闕入此傳仍存俟

考何彥字善充順德人以正德己卯舉人署惠安縣

教諭登嘉靖十四年乙未進士授行人擢南京戶科給事中武定侯郭勛請復置長陵鎮守太監佔寵作威福人莫敢犯彥疏鎮守之害非祖宗法事得寢彥之力也吏部尚書許讚徇私執法劾之禮部尚書嚴嵩宜淫納賂又劾之出守衡荆時遠王縱恣數害吏莫敢言而諸王歲祿不繼每升堂以課諍彥在郡無譁者荆當岷江下流分數道以殺其勢權貴人欲掩其一爲利彥獨執不可曰若然民其魚矣擢憲副治荆岳改貴州尋陞甘肅行太僕卿遂不出彥長者於物無忤居里中恂恂如也晚築定性澄心一樓靜坐其間時從學士講學賦詩當道以其醇德年又最高益重之年九十而卒祀於鄉賢祠子北湖萬歷己卯鄉薦國子監學正

志

吳宗湯字允相南海人少聰慧篤學德性溫醇正

德己卯南海志誤舉於鄉嘉靖乙未中乙榜選橫

州學正勤課士貧者周之遷桐廬知縣清操自勵

夙弊盡革蒞政三載吏畏民懷及朝京師中途以

病不克親例當黜上官以其賢能量移古田而宗

湯飄然南歸不復出矣家食三十餘年足不履城

市里中楊希顏者被盜誣鍛鍊成獄後訴直指下

郡覆讞郡守以宗湯長者欲其一言而決希顏子

奉厚資請宗湯曰汝父本良民安用阿堵爲竟白其誣而却其餽人皆義之希顏感其德宗湯沒後

諱日必祭寒食醉墓終其身焉志

吳預字少凱新安人福建通志正德十四年己卯

鄉薦嘉靖八年銓授邵武府推官廉而有斷寬而

不苛嘗署邵武縣事釐革宿弊省節民財考最擢

柳州府同知署篆思思適寇至守戍望風潰散孤

城無援預運籌爲攻守具賊衆臨城申以大義皆

俯地感泣而去十九年陞工部員外郎尋卒於任

祀邵武名宦志

湯朝達字邦顯番禺人弱冠補庠生下帷講業淹

貫子史學者多師之德器春容儀度整戢見善若

己出惡卽爲之掩覆嘗被酒醒而悔卽具衣冠告

于祖考令其弟箠扑之痛誓自新因號戒所真勇

於改過者性狷介晚益貧賣室廬以終歲中丞以

一室館之疏食水飲不改其樂督學吳默泉張萊

溪咸嘉獎之精於詩律晚學朱晦菴風流醜藉與

李子長頴頴而持正過之門人如唐戶曹守勳輩

子壻李義壯皆知名志

羅萬里字一鵬順德人少充邑諸生篤於行誼與

弟萬程友愛男女四十口共爨無間言父喪哀毀

廬墓知縣曾仲魁袁鏡吳龍並表其門母卒萬里

過哀而沒御史楊以誠復旌之郭志崇禎十五年御

史柳寅觀風旌曰嶺南孝子子孫即其廬為廟在

錦巖西麓順德志同邑關祺祖亦與弟祺稜祺和友

愛郭志尙書張泰為賦脊令歌贈之順德志孫啓東守

其訓三世猶同居云郭志

張雲彩羅司勳集字伯起番禺人居山水之濱白

稱溪山子後又結廬隱螺山中郭志少受易即通

又能善著曆學及博涉乙丙部諸傳記言司勳集故

善詩詩體多效陳白沙往往亦能入格有出其詩

謾人曰白沙稿雖詩人亦弗能辨也為人雍頌有

禮好論說輒持古先里中人士稱之為張先云間

居少出出則整冠衣嚴步趨諸弟子或雜劇望見

張先來則匿之至則面數諸弟子侃侃無避忌或

過其直張先曰吾不欲見諸君為過行人也久之

諸弟子咸愧服爭敬事鄙人鍾御史者雅善之正

德末邑寇大起相戒以張先長者慎毋害也里中

人走相告曰有天有天粵大記嘗遊京師行不流視

坐不俚談人有言娼妓事輒恚而斥之或舟泊歌

舞地令梢人徙舟避與回車朝歌之義何異非克

已守禮之君子孰能及此羅司勳集

張纓字廷弁弟綱字廷文順德人兄弟孝友敦樸

好古執親喪循禮節既葬偕廬塚上銜哀蔬食二

年署縣宋邦俊以孝義表之全志纓初為弟子員服

闕遂恬退或勸以科第纓曰仕以為親親沒奚為

苟省身克己足報矣督學魏枝賢纓檄纓復學補

廩應試皆辭免終身不至城郭學使張希舉聞之

曰張君樂道修身慎終如始親書樂道之門獎之

綱好行義歲款先請輸粟助賑為族里倡巡按郭

文周知縣方攸躋以尙義扁彰之邑請鄉飲至再

終辭不赴順德志兄弟並出湛文簡門竊窺白沙要

旨欽欽翼翼君子謂二難云全志

黎鈺字以和增城人為人敦樸恬淡能文章不樂

仕進嘗隨父宦西粵飲水茹蕨晏然自適父深喜

之遣謁湛文簡問講心性之學至數日徘徊不能

去文簡謂其可進於道云性好施予里中有骨暴

者殮弗給者罄囊囊之御史潘瑛為之志墓

單雍增城人隱居羅浮嘗從湛文簡遨遊於四百

峯之間素有高義嘗代輸族人遺糧拾旅人遺囊

金追而還之俱同上

鄺清隱新寧人正德間溫邊白石羣盜起兵備遣

清隱等九人同往招撫賊抗命清隱等仗義聲罪

遂皆被難兵備旌為九節云大清志

譚清海字永明東莞人為人高視闊步好談天下

大計東莞志嘉靖初以布衣上十事於朝當道阻之

東莞志以上青言十事在上三大穆宗即位走京

禮成及與賊繼光行邊之後俟考 師復上三大禮疏一日復建文年號追諡二日正

景廟宜稱宗耐廟三日議獻廟不宜升耐不報

山志 乃仗劍出塞時賊繼光為邊帥清海先閱其

會編 營戍入見曰四面置守兵勢易分何不一字守耶

繼光拍案擊節次日偕之巡邊築隘減戍皆用其

策又嘗過柘林守將為之張燕酒方酣而部兵以

索餉譁露刃庭下守將倉皇失措清海從容說以

利害令守將括俸分給不足傾遊橐佐之

東莞志 大學士張居正都御史龐尙鵬及尙書葉夢熊稱為

當今奏議第一將留之讀中秘書

羅浮山志 吾能為真布衣不能為假仕宦

東莞志 因辭家近羅

浮每翱翔見日臺間自稱見日山人

羅浮山志 十四卒生平足蹟幾遍天下有詩文雜著十餘種

東莞志

容瑞字廷桂新會人性質魯仁孝早失怙母奉遺

物輒泣不已至盜火其居遺物獨存其孝感如此

事母志養尤篤由茂貢至京以母老陳情終養母

喪復入南監祭酒費宋尙書湛若水交薦嘉靖初

廣東布政使李中以聞詔旌其門

後授遂昌主簿 公勤廉謹愛民禮士

浙江志 時南海有陳休者字

汝荷以孝行稱舉人龐嵩等舉之御史姚虞督學

蕭鳴鳳並旌焉

郭志

廣東通志卷二百七十八終

廣東通志卷二百七十九

列傳十二 廣州十二

李紹敏

子光宸

潘光統

子豫之

益之

鍾景星

弟景陽

蔡良

陳謨

父東山

陳其魯

子堂

陶鳳儀

陳激衷

戴銑

子記

黎瞻

黎密

黃民準

子應龍

岑萬

子用賓

何繼之

羅虞臣

陳其具

父吳賢

趙勳

子思謙

思基

陳建

陳澤

王希文

鄺夢炎

何維栢

沈桂奇

劉模

陳善

唐守勳

弟守明

郭大治

子紫

翼

蒙學之

侯天錫

子國治

梁津

何派行

林烈

子培

何孟倫

孫勳

劉日新

以上

明

李紹敏字叔宜南海人幼聰悟嘉靖初補弟子員督學歐陽鐸優異之四人棘試弗售遂隱林泉日

誨其子光宸俾淬勵以繼志紹敏天性孝友成童時侍父病衣不解帶藥必先嘗事二母得其歡妹夫黃裳病異症同氣咸辟去紹敏調護之數月又經紀其後事卒亦無恙光宸官漳州知府紹敏誨之日守為一郡綱紀必以身帥人萬無循俗好辜主恩光宸以名守稱庭訓之力也兄子光寅嘉靖庚子亦舉於鄉為亳州學正粵大光宸字仲熙年十一為郡諸生嘉靖己酉庚戌連登進士授戶部主事歷倉糧稅課草場監兌諸差發奸摘伏如老吏執法不避豪貴都下目鐵面郎與同官李价互相砥礪擢漳州知府丁倭患振頹綱杜請謁嚴接濟修武備恤疲民釋冤獄撫良善不期年而漳大治獨以議論峭直與當事者不合改官台州條陳十事上之又謫派糴於富戶請汰冗兵力反舊政居台三載以前隙罷歸前後部使者推轂於朝終不起其狷操如此年八十一卒南海志

潘光統字少承順德人魁岸磊落少補邑弟子員應詔輸粟為太學生未幾以母老告歸從黃泰泉於粵洲究心子史兼攻詩學請於泰泉類選明音唐音若干卷而劄劄之泰泉為序以傳辛未選光祿良醞署監事堂卿路坦齋奇之薦升大官丞歲美萬餘中貴人侵沒為奸光統毫不染指羣邪斂

手銓部廉其賢欲優遷之尋以病卒發其篋無餘積值其子豫之寄百金至乃得成斂時稱其廉光統天性孝友鄰里有乏則樂周之雅好圖史作怡馨堂飛雲閣為藏書之所著史漢存疑山房紀聞及詩文若干卷存於家子豫之益之皆敏雋能仗義有父風光統官光祿寺子豫之亦官光祿署丞能詩著有櫟園集黎秘書曰櫟園詩大率樂府同美五言近體踵步王孟七言近體比肩錢章五七言絕句類杜公賤遠則王昌齡李頎也子憲龍字孟驥郡庠生亦負奇氣老而不遇年將八十猶赴省闈詩有祖父風可謂三代詞藻矣五山志林鍾景星字叔輝東莞寶潭人少習舉業見就試者鮮禮遇於有司遂厭棄之東莞志潛心於內言笑不苟聞甘泉講心性之學偕弟景陽往西樵師焉日益飭躬勵行從入京師數年與順德陳謨郭肇乾輩相策勵晝夜正襟危坐獨觀昭曠之原於是浩然自得之趣家甚貧然毫不苟取雖往來諸名公間終身未嘗干人人以此益重之洛陽源流錄晚年養愈冲粹喜怒不形望而知為有道之士家庭菽水盡歡父病所以身代喪葬循禮蔬素三年既久哀慕彌切欲繪親容默禱之父竟見夢於畫工一筆而肖嘗輯濂溪明道白沙甘泉四公論學精言

為宋明道學四書又註釋甘泉心性圖說一時學者多傳習之道學諸儒錄年七十四卒無以為斂邑令喬誥助之乃克襄事尚書何維栢銘其墓同邑有蔡良者學以涵養德性為本砥礪名節為要出其門如鍾卿輩皆為端人學者稱為南齋先生粵大陳謨字公贊號良齋順德人父東山從甘泉隱居煙霞洞中甘泉嘗稱東山年六十猶好學攜公贊來從受業講聖賢之學脫然有悟遂卜築於煙霞後洞名其亭曰仰止設短床其中不敢安寢少假寐即起坐嘗惕然自訟曰謨遠離父母遠從學可悠悠虛度乎乃益自奮益不就枕者七夕甘泉慮其厲志而病也力止之後隨京居逾年而歸見愈真養愈定凡所以事親敬長孚於妻子信於朋友處乎黨族者莫不求盡心焉其篤志如此嘉靖戊戌夏病革猶扶掖見母省訣還正寢而卒粵大陳其魯字思穎別號巨川南海人增城志云其魯增城西洲人子遂僑居南海云性至孝事父惟謹弱冠補博士弟子員與洪覺山同受學于甘泉相得懽甚後杜門菟園者二十餘年子堂克承庭訓官嚴時迎養宦邸其魯論之曰吾不患汝不廉患不恕不患汝不明患不平堂跪遵教克恪於官及為監察御史隨養雷都官舍朝夕聿嚴鎖鑰久之拂衣歸曰吾豈

以軒冕桎梏故日以詩酒自適招攜同志遊遨白雲蒲澗之巔觀天風海濤徜徉嘯歌萬歷八年庚辰夏卒粵大堂字明佐生而聰警其魯授以經書不由外傳嘉靖乙卯鄉薦隆慶戊辰登進士筮仕嚴州推官以治行最徵拜南京湖廣道御史屢奉勅巡視所至激濁揚清釐奸剔蠹萬歷五年丁丑閏八月日食不見九月彗星見從東南方起長亘天堂以言官上疏論河套貢市漕河段疋諸宜興革狀及請斥權璫退不法司馬乞宥諫臣纒纒萬言皆切中時弊會元輔張居正奪情欲堂附會保留堂不可復劾大臣之黨庇者益與張忤遂出為四川參議以大計貶官時父其魯病且革堂歸旬有三日乃屬纊遂居家奉母九膺薦剡不應母終起復廣西僉事大征岑溪奏捷堂有勞焉踰年入賀晉光祿少卿疏裁冗費又請皇太子冠婚危言勁氣不減居南臺時未幾奉使冊封以南京尙寶司卿致仕南海志堂爛詞翰致仕後益肆力著述與王唯吾覽勝探奇家居二十年卒前半載猶以籃輿遍歷羅浮諸勝而歸其往來西樵與霍尙守善西樵遊覽記嘗築別墅於浮邱之麓名朱明館易簪前歷羅浮諸峰賦詩數章歸後事葬期手自裁定談笑而卒所著朱明洞稿湘南皇華南歸諸集邊河

四疏行於世羅浮山志會編陶鳳儀字瑞之以大父陶魯著績三藩賜籍番禺父荆民錦衣衛僉事世襲正千戶鳳儀能文章明法律有聲公卿間武宗寘駕廷議迎世宗繼統擇翰林院錦衣衛各一人先詣藩邸奉箋鳳儀與焉由此得幸世廟恤刑雲南多所平反奉使朝鮮遺贈無所受犒軍九邊却常例折席錢一萬兩天子以為廉歷陞指揮同知加賜一品服級前後管廠衛篆理刑諸務持正不阿存活無辜甚眾中貴人方士犯法賄賂請托一不為動縉紳以事獲罪者則必百計保全巡按福建御史何維栢疏劾嚴嵩忤旨逮至京發錦衣衛杖一百在廷皆畏嵩無敢救者時鳳儀方掌衛事密諭行杖者曲護得不死卷以席從後渠私載而出嵩之黨百餘人持短杖至門問何御史所在報曰何御史已死棄去矣嵩黨大索無所得乃去何御史竟免於害久直禁園思避權姦以母老再疏力求還鄉詔許馳驛奉母歸里有司歲給月俸兩遣內使存問前後所賜有御書堂聯寶劍蟒服玉帶御用瓷器各物賜母鄭淑人金帛錦絮杖異數也居十年母喪哀毀骨立未幾卒詔遣布政使徐南金諭賜祭葬嗣子復襲官亦以勤慎有功歷陞錦衣指揮使掌衛事孫中

麟以錦衣僉恤刑廣西道卒五傳至孫壯猷以錦衣千戶扈從至桂林沒於王事陶氏遂與國終始

焉金志

陳激衷字元誠號堯山南海人行不疾趨容無遠色少爲郡庠生釋奠掌佾遂善歌鹿鳴諸詩聲出金石聞者樂之中嘉靖壬午鄉試教諭邵武之建寧與諸生期望習禮束脩餽遺皆不受晉國子助教棄官歸初何時矩師事白沙晚謂其學虛無因喻王道要在農桑不徒虛言雷州多荒田可懇宜往開耕以爲民先著存羊錄由是激衷多借債往雷州開荒及至耕熟爲雷民所認將訟激衷棄還不校也益貧困獻夫時延之談論及卒祀於鄉賢祠黃志

戴銑字子聲東莞人幼歧嶷及長強記博學從陳鶴峰遊領嘉靖元年壬午鄉薦八年己丑進士觀吏部政上裨治疏三千餘言多關理道授禮部主事提督四夷館尋改四川道監察御史執政者稍忌之慷慨言天下事粵大一載間至十餘疏皆人所難言者劾刑部尙書聶賢兵部尙書劉龍等六人不職吏部欲加銑輕忽重罪上優容之後言官論尙書汪鉉黨庇奸邪中傷言官當道切忌遂爲所排黃志罷職歸習靜邱園名益重薦剋累及堅持

不起從學於湛甘泉研尋旨趣讀薛鍾離論博約一篇淵然有得於是博反約益究心體認之實年甫四十六歲而卒臨卒神思不亂日修身俟命無慮可澄其見之卓如此隆慶改元褒崇遺直特贈奉議大夫光祿寺少卿著家集十卷子記字儀周博學能文登嘉靖戊午鄉薦乙丑進士歷雲南楚雄知府以循良著粵大

黎瞻字民仰號前峰番禺人遠祖自宋南渡由南雄徙居番禺板橋鄉贈謹厚嚴重聰敏好學補郡弟子員授廩餼舉嘉靖元年壬午鄉試初任尤溪縣教諭尤溪縣故下邑土風樸野不省四聲闕表聯詞多不工則課以古文詞比對平仄尤士蔚然稱風雅辛卯江右聘分校鄉試尙書朱衡布政吳悌參議艾樸皆所拔士也衡初亦仕尤溪令至則相顧色喜政事得失民俗興革知無不言甲午南京復聘分校是年遷北國子監助教帝幸太學寵異諸國子先生選御史列第一擢順天府判釐剔侵欺平解禁兜收夙弊盡革歲禮則設法賑濟有方有佛翁之稱遷府尹有勢家奴犯法當遣戍主者持之不聽終抵以法會同官宴分宜子在坐瞻以禮折之遂劾分宜分宜怒喉臺中撫劾竟無一事中止調南昌府判會丁外艱歸築室板橋蒔花

釀稅不與世事服闋應起以分宜當國無任宦意日與大宗伯何維栢虞部郎歐大任主事王漸遠大阮秘書民表研究理學文章詞賦有故人備兵嶺南念瞻貧窶解任將去以海舶引雷贈值三千金瞻曰豈可從父母邦撓部使者三尺乎卻之其廉慎如此同日舉二子孫男四子穆容密俱諸生曾孫遂球遂琪享年八十有六有燕臺集一卷行

世朱術

黎密字縝之番禺人父蓼洲庠生四子密最少

六齡而孤哀毀如成人既長日侍祖瞻力行其教

然不能一日忘其父乃築蓼水居以奉母補博士

弟子未四十解去王恩任世稱高士贈兵部尚書

工詩古文詞密少時嘗遊四明六橋禹穴雲門與

徐文長王伯長葛水壺嚴魯孺沈禹圖輩交善廣

購秘書以歸遂肆力於古學問奇者每徵一事必

詳語以姓氏音釋始末有客攜重資寄密家客去

卒於途密集鄰人橐封題識遠召其子還之人多

其義將易簣時呼子遂球書一正字於掌上而沒

著有籟鳴集陳恭尹

黃民準字邦直別號慎齋順德人好學樂善少有

文名屢試弗第應嘉靖元年壬午貢授福建政和

縣學訓導

攝縣事值寇盜起修築雉堞以免於

難順德志九年滿補廣西平樂府學訓徐陞富川縣

學諭嘉靖戊戌丁繼母憂遂隱不出年已七十餘

師事甘泉講明心性之旨甘泉雅重之呼為老友

年九十卒粵大卒前數日手不釋卷所著有心性

解等書順德志子應龍領嘉靖戊午鄉薦任武昌知

縣績最陞戶部主事以清直敏斷蜚聲粵大

岑萬字體一順德人少補郡庠生初名藪督學歐

陽石岡改今名中嘉靖四年乙酉鄉試連登丙戌

進士觀政工部授戶部主事管九江鈔關著廉聲

轉精膳員外郎主客郎中陞布政司參議憲度清

肅督理御陶器用不匱陞雲南副使嚴法御暴夷

裔歸心陞四川參政轉廉使風裁整肅入棘得才

稱盛陞河南右布政法刷宿弊秉持法紀掌篆積

羨數千皆歸公庫時稱清介陞福建左布政以持

正忤于直指使者郭志時以萬壽節御史會佩拜於

上萬引却之曰拜下禮也御史銜之謫廣西參政

陞按察使五山志靖江王不得於母作慈母不慈曲

記譴藩臬令伶人歌焉萬遂起曰此非臣等所忍

聞也以子仇母於法為不孝一旦上聞以此督責

於王奈何王悚然謝之立命焚其書子母遂歡好

如初郭志尋復河南右布政使適前直指復肆詆誣

粵大

記卒年七十三祀蜀名官志子用賓字允穆萬長
子嘉靖己酉舉於鄉越己未登進士推官衢州母
喪服除補池州職刑察屬惟允惟明官南京戶科
給事中能持大體其崇經筵購典籍議從祀擇師
儒舉遺逸又其大者粵大先後劾勲臣張溶李儒
陳總朱希忠李庭汪道昆黃光昇錢邦彥雷禮呂
光詢明史其劾福建督撫汪道昆曰道昆監督閩
中為軍容辱遮雷兩日夜所以得脫者臣不忍言
之也今晉都御史督治之如以羊牧狼外見輕忽
內生疑畏海寇吳平蹂躪我邊疆係累我民人虐
劉我官校虜我卒五百斷趾遣歸耻辱孰甚道昆
一策不施徒置酒烏石山平遠臺與客為長夜之
飲所徵東陽戰士材官隊長悉從貲得羽書交馳
孰能窺左足而先應哉聞茸淫貪不宜久握兵柄
為國患道昆坐免英國公張溶豐城侯李儒遂安
伯陳總皆罷去粵大又嘗論高拱狠愎明不聽時
道昆有文名而拱柄臣莫敢犯之者故直聲藉甚
粵大拱憾之出為紹興知府明以德化紹興人大
喜有故人欲饋其廉托以茗進用賓面發之得
金大怒絕焉志大學士高拱掌吏部考察言官惡
周宏祖及岑用賓等請宏祖安順判官用賓宜川
縣丞既中以察典遂卒於貶所明史周時御史葉

夢熊以直言謫丞邵陽經紀其喪為文哭之友人
王世貞哀其遺文小谷集梓焉粵大初用賓嚴事
南海會應珪嘗戒之曰材美易折玉美易缺子不
能從子而期期子亦思免於難後用賓赴謫乃嘆
曰昔慚柳下今愧應珪應珪內朗風節特峻沉冥
混世葢柳下之流云錄
何繼之字克肖順德人世家小圃繼登甲科者六
人祖璋成化丁酉以南海籍鄉薦為橫州知州有
惠政祀名宦後補沔陽州劉瑾索賄不遂逮詔獄
州民千餘詣闕補雷復任未幾乞休志繼之登嘉
靖乙酉鄉薦五年丙戌進士初知攸縣豪民張金
怙勢迥負執而懲之由是知名罹艱服闋復補惠
安能剽煩劇委攝莆田士民稱服擢戶部主事歷
郎中知松江府不受糧長賄賂權豪帖然晉河南
按察副使轉參政受委往小灘與主事對糴雜糧
解運京倉原額既完美銀八萬七千餘兩同事欲
私堅不肯從悉發府縣收貯晉福建按察使抵家
卒
羅虞臣字熙載初號蓓溪又號華谷復號華原自
稱原子順德人天資穎悟觀書日數行下九歲能
屬文年十九舉嘉靖乙酉鄉試己丑進士補建昌
推官建昌號繁劇難治虞臣素習爰書又以文章

潤飾之日召善書史數人於前口占其所謝故人書手授其所為文若干吏膳之暇則讀書至夜分乃就寢故虞臣居官文日益進而治日益有聲甫三載徵刑部主事改吏部粵大好剛疾惡與李開先任瀚等以文章氣節相高而虞臣尤甚面斥人短以故多忌之者志會大猾劉東山繫獄上告張延齡有不軌謀憾前主事羅虞臣咎已因訐及沈椿等帝震怒命執先後提牢主事三十七人付詔獄榜掠明史劉世龍傳獄具當輸贖還職帝命杖之廷盡謫外任而斥虞臣為民既歸結廬山中讀書纂述明史兩廣都御史蔡經薦於朝未用粵大年僅三十五卒明史所著有原子八卷順德志

明初自孫蕢以詩起南海學士多宗之其文未嫻虞臣所為文上追兩漢下揖六朝環觀天下方駕作者且近臣淺學不務綜覽剽竊聲律遠以詩鳴虞臣經史傳記靡不淹貫其於禮學援據古今擬議尤確惜乎早卒所謂未見止也錄前後上其師霍文敏書最壯偉不減子長與任安書云郭志

陳其具字才甫別號唐山番禺人父昊賢字乾及宏治二年己酉舉于鄉官臨江判擢漳州同知攝郡事開元寺僧私置腴田既卒其徒訟而爭之則

沒而歸朱文公祠祀並贍諸生之貧者志憲官朝列大夫著有在臨在漳稿冢子即其具也弱冠以儒士領嘉靖乙酉鄉薦壬辰以乙榜授武寧教諭刻文公家禮以正民俗驅奸僧以息異端累薦陞浙之昌化知縣丁父憂未任服闋補湖廣鍾祥丁母憂起補閩之連城酌田糧均徭役雪盜牛圖賴之冤化兄弟互爭之訟與諸生徒講明正學士民翕然信之歲餘力乞休歸年方五十有一家居與里人劉模岑萬麗嵩何維栢諸公四仲月為天關大會發明聖賢心性之旨又為粵山詩社吟詠性情生平敦孝友尤嚴義利之辨所著思誠日錄讀易疑義及文集十卷時稱為有道古儒粵大

趙勳字彘伯號石坡先世出宋支裔自金陵成廣今番禺人也少秀整願頌長好學博通經史弱冠補郡學諸生嘉靖七年戊子舉於鄉辛丑銓授江西瑞金令粵大瑞金為贛小邑隣於閩之汀州使傳勞午供給繁苦泰和安福勢豪多以寄庄優免土著民久患差役貧不堪命勳申請均徭始得蘇息節省浮費興起學校瑞金素乏科名弟子員戴汝器勳所授經也輒舉中式龍南信豐饑孳載道委往賑濟存活者眾署他邑事一如瑞金錄江西巡撫都御史張岳巡按御史魏謙吉交章薦之

粵大 先是安遠有黃鄉賊洞路通閩廣萬山巖險
征剿莫及賊葉氏世統其眾曩設軍門奏給千夫
長印使之羈束乙巳冬千夫長妻會氏代夫主洞
二子冲幼姪葉經糾眾剽掠提督南嶺都御史虞
公守愚奏征之官軍敗於賊殺一千戶一縣丞勢
張甚於是兵備副使薛公甲謂虞公曰事急矣非
趙瑞金莫辦此賊幕府召問方略曰賊方銳戰必
敗也今聞賊亦自困且厭其首亂者可往諭使自
縛虞公壯而遣之遂挾四小隸單騎入洞初往賊
猶未信列兵露刃夾道擁視推誠慰撫會氏相率
跪服手縛葉經及梗化肆掠者數十人以獻餘黨
悉降乃又諭會氏曰官軍征汝奏聞於朝今雖縛
姪而二子不詣軍門何以示效順會氏即出二子
付之曰二監子之命在公矣曰二子即吾子也當
是時諸邑聞瑞金縛賊且得會氏二子歡呼道路
遂以二子入軍門觀者萬人無不稱快虞公不待
奏報即以便宜赦會氏二子送郡學觀禮勳再入
洞築城寨設巡司而黃鄉賊無不歡呼樂業者是
役也不廢一矢百年通誅一旦歸命非勳籌略預
定得其要領能不戰屈服耶幕府奏功論賞虞公
特疏薦焉錄 丙午考最丁未選授南京四川道
監察御史粵大 舊規內守備太監守備國公不理

細務惟人命賊情許兵馬司引稟時漸不如制且
役辦無名竊盜攀指最爲民患錄 疏五事禁無
名之差役革官司之借辦罷竊盜之工價嚴巡捕
之考覈省引稟之煩勞世宗皇帝下其奏南京守
備諸司爲之斂戢武職犯法憲臣窮治波及無辜
幾至激變事聞覆議參鞠之懲其首惡餘皆薄治
上俞允之王子遷山東按察僉事巡東充濟南二
道執法詳明存心忠厚齊魯之間稱明決焉粵大
歲大饑人相食巡視極卹不遺餘力豫檄州邑告
賑即發不待報可民賴以生者萬計錄 僉事三
年以憂歸遂家居不出所著有遺集五卷藏於家
粵大 袁參議分宜氏婿也與勳舊同官強之起曰
君但行外舅必能爲君地久次可中丞也勳謝曰
君意良厚第煙霞已癖夢不到長安矣歐虞 子思
謙郡諸生積學博文守禮粵大 思基嘉靖辛酉舉
人官南京訓導擢知浙江定海縣廉明善釐夙弊
吏胥無所容其奸去之日民閉城畱之信宿車不
得行浙江
當嚴嵩專國時粵人仕於朝不附嚴氏者順德
梁有譽番禺羅憲黎瞻世蕃欲狎有譽有譽不
受棄官歸而憲亦棄御史瞻以京府尹艱歸不
復出則粵人亦復可觀也已番禺

陳建字廷璧號清湖太守恩季子越超赴之弟也
 嘉靖戊子領鄉薦究心國家因革治亂之迹及道
 術邪正之分兩上春官皆乙榜以母老選授侯官
 教諭日勤陶鑄粵大博學強記諳於典故福建論
 文謂文有九善九弊因作濫竿錄以為式東莞鄉
 與巡按潼川白公賁論李西涯樂府因著擬古樂
 府通考與督學潘公潢論朱陸同異作朱陸編年
 考督學江公以達命校十三經註疏成代作十三
 經註疏奏稿又代海道汪公作海防長策奏疏七
 載遷臨江府學教授編周子全書程子遺書大有
 造於來學聘典試凡四江右廣右雲南湖南所得
 多名士粵大尋陞山東陽信令註小學古訓未幾
 以母老力告歸養時年方四十八歲益銳志於著
 述乃真輯洪武以來迄於正德為皇明通紀三十
 四卷又著治安要議六卷其言切於變通救弊粵大
 時朝議進宋儒陸九淵於孔廟憂學脈日紊乃
 發憤著學節通辨以破王氏所編朱子晚年定論
 其書批禍根於橫浦證變派於江門而中間則詳
 著朱陸始終不同之迹閱七年書成洛陽源復著
 古今至鑿六卷以嚴勸戒刻陳氏文獻錄以示子
 姪莆田林潤為都御史修葺宗藩條例內翰李廷
 機編百子粹言多採建之說也建學識溫醇議論

純正至於崇正黜邪則毅然責育莫奪年七十有
 一卒粵大又有經世宏詞明朝捷錄諸書前後當
 道名公咸採其策而收其用巡撫陳聯芳侍郎萬
 士和恭順侯吳繼爵都御史李義壯均稱建學問
 博洽明體達用如司馬子長凌雲之才如椽之筆
 著述可以立百王不易之法可以開古今未決之
 疑程績洛稱通紀要議言經綸事業通辨言學術
 是非皆如布帛菽粟民生日用之不可缺也湖南
 內翰瞿九思不遠數千里造廬拜墓有謁墓詩文
 稱建著述多君國大計謀趨向端取舍正可以直
 號名筆云萬厯丁巳督學楊巖味徐如珂採輿論
 舉祀鄉賢東莞鄉
 陳澤字子仁號平川南海人少穎異總角領嘉靖
 戊子鄉薦遊甘泉門粵大甲辰授浙江慶元知縣
 躬節省嚴保伍剔猾遂良民俗丕變有舉溪民積
 逋軌法澤諭之出見官府受約束擇其子弟入社
 學延師訓之遂為良民又諭撫粟洋礦徒葉姓千
 餘家俾立功贖罪眾誓以死甲辰冬礦賊吳八擁
 眾數千犯城澤亟撤橋阻水聿嚴捍禦賊乃掠閩
 乙巳春潛諭葉姓率粟洋死士二百人追擊敗之
 獲渠魁十六人斬首三百餘級數十年劇寇一鼓
 殲之乃請以廢寺田價勸建縣城民賴保障尋膺

鄉志下第歸復入西樵古梅洞澄心靜坐日讀白

沙集思見端倪粵大嘉靖十四年乙未進士選庶

吉士授御史雷震謹身殿維栢言四海困竭所在

流移而所司議加賦民不為盜不止請罷沙河行

宮金山功德寺工作及安南問罪之師帝頗嘉納

尋引疾歸明史本傳復入西樵與劉模王漸遠陳激衷

為莫逆交門人從遠方來者屢常滿粵大久之起

巡按福建明史值歲大稔福與漳泉為甚條救荒十

餘策發倉廩餘美親率郡邑長吏分行之民賴全

活者數十萬福建通志二十四年乙巳五月疏劾大學

士嚴嵩好貪罪比之李林甫盧杞且言嵩進顧可

學盛端明修合方藥邪媚要寵帝震怒遣官逮治

士民遮道號哭維栢意氣自如明史賦孤臣尚有生

還日聖德真同宇宙寬之句民間矢為歌謠數十

百章有誠徵錄以傳粵大下詔獄廷杖明史僅存餘

息備極拷掠語不變下獄與楊斛山周納谿劉晴

川三人聚首甚愜上一日於宮中扶鸞判曰養身

莫要於寡欲治國莫先於惜才上默悟維栢乃削

籍粵大家居二十餘年明史教其弟維椅舉隆慶戊

辰進士讀中秘書四方從遊者眾大會於廣孝寺

發明白沙宗旨名其居為天山草堂又闢河南勝

地為天山書院以處從遊之士粵大隆慶改元召

復官擢大理少卿遷左僉都御史疏請日御便殿

召執政大臣謀政事並擇大臣有才德者與講讀

儒臣更番入直宮中燕居慎選謹厚內侍調護聖

躬俾遊處有常幸御有節非隆冬盛寒毋輟朝講

報聞進左副都御史母憂歸明史廬墓側郭萬歷初

還朝歷吏部左右侍郎極論鬻官之害明史上修聖

德勤聖學飭羣工諸疏多讜語忤江陵意郭御史

劉臺劾大學士張居正居正乞罷維栢倡九卿留

之及居正遭父喪詔吏部諭留尚書張瀚叩維栢

維栢曰天經地義何可廢也瀚從之而止居正怒

取旨罷瀚停維栢俸三月旋出為南京禮部尚書

考察自陳居正從中罷之明史年七十七卒計聞上

惻然命祭賜水衡錢以葬粵大諡端恪明史所著有

易義禮經辨太極圖解天山草堂存稿及編陳子

言行錄傳於世學者稱古林先生粵大子崇亨以

蔭歷南京都督府經歷三水志

洗桂奇字奕倩號少汾一號秋白南海人幼聰警

嘉靖辛卯弱冠舉於鄉登乙未進士第授工部主

事時桂洲權勢熾炙桂奇與語不合遂見忌吏部

郎缺霍文敏擬補桂奇力辭乃求改南京刑部迎

母就養尋疏請告時湛文簡乞休南歸桂奇從舟

行訪匡廬白鹿之勝復入閩探武夷九曲爰度嶺

南卜築羅浮日與名公游息歌咏其間未幾兄卒
母病桂奇乃疏乞終養上許之築室古洛之濱屏
跡城市逾年母卒哀毀骨立既而卒業文簡之門
講明心性之學巡按覺山洪垣大參歐東項喬每
相過從饘羹糲飯談必竟日總制靜峰張岳特疏
薦之不起家居絕不干謁而建宗祠周姻族恤里
之貧乏者則殫心力爲之矣丑歲大荒饑民嘯聚
始以乞給因而搶掠白晝行劫動至千百勢將巨
測桂奇挺身出諭以利害衆乃解散首捐粟以賑
又勸諭二十四舖戶殷實人戶賑粟賑金所賴全
活者數千而地方無恐鄉人立祠以報德星野廬
夢陽爲紀其事載於忠義祠碑考大桂奇嘗奉母
居羅浮草履素服無異野人世多其清風勁節寄
處西樵與同門輯師說有問疑續錄西樵
劉模字叔憲號素予南海人中嘉靖十年辛卯鄉
試十四年乙未以乙榜授浙江蘭谿教諭大學士
澂陽趙氏其受業門生也典文陝西得解元馬自
強後致位尙書時稱其藻鑑擢知貴縣解牛稅絕
火耗清刷擄之弊弭五山之盜頌聲大作丁母憂
歸起補四川梓潼革繁費以蘇里甲製灌車以興
民利察何家殺婦之冤創何石亭忠節之祠吏畏
而民懷焉後致政歸父老攀留不得則自像立祠

於學宮之右復祀於名宦祠既歸家居甘貧茹淡
而厚宗族和鄉里樵樵篤至與龐弼唐嵩何古林
維栢諸人爲詩易會西樵春王正月有辯格致
有說學庸有疑天德太極有解多獨得之見其春
王正月辯謂陽明言孔子作春秋以誅僭亂乃首
改周之正朔何以服亂賊之心而杜魯宣鄭莊之
口不知曰敬授曰巡狩皆用夏時則魯史所書固
夏時耳何憂於宣莊小雅六官周公作也何嫌於
改正朔耶其格致之說祖述程朱謂不學古而有
博文一段工夫則夫子亦不必刪之述之矣皆至
言也考大
陳善字繼初號元山南海人幼穎悟器宇凝重嘉
靖辛卯領鄉薦乙未授全州學正誨人率先名節
信義教學相長益嫻於文辛丑登進士高等授刑
部主事多所平反考績得賜恩晉員外郎擢浙江
僉事時數十人採薪海島爲選者所獲誣以爲盜
巡撫欲按以大辟善力白而釋之有盜錢糧者牽
連人衆郡倖繁麗極刑善駁實出之其持公平類
此陞廣西參政殫意經略以平柳慶功擢江西清
戎副使便道歸侍太安人遂不出居惟承顏順志
不以三公易一日之養時論重之既卒何古林誌
墓上

唐守勳字允懋番禺人家貧力學志向端謹嘉靖十年辛卯領鄉薦督撫以學行延之嶺表書院教諸生多成材二十三年甲辰登進士知閩縣舊例歲收綱銀以支公費不足則預徵民甚苦之守勳裁革浮冗樽節出入遂積有餘美適值荒歉民獲樂生罹外艱復補任貴溪邑無城郭寇至率民兵禦之擒渠魁而還鄰縣安仁民有爭訟守勳受委往勘兩造乃平撫按交薦遷南京戶部主事歷郎中適倭寇屢至客兵行糧皆善經畫三十八年己未擢興化知府衝炎就道卒於贛州年四十有九守勳厚於倫理教其弟四人歐大任守明守文以嘉靖丙午壬子先後登鄉薦為賢宦守謨守敬遊庠序有才名業師湯朝達之弟鬻其祖宅守勳聞之還其契券不索原直同年孫學古令東莞卒於客邸躬治其喪助其殯殮鄉論賢之善詩文有集藏於家黃志守明字允道別號清湖晚號峻齋資性敏達有大度領嘉靖二十五年丙午鄉薦己未選授臨江府通判府當衝要民多頑悍守明端己秉貞嚴法剔蠹民不敢犯有永泰埠民四十餘家被誣為盜按臺屬之鞠審一訊立白其冤時稱神君攝萬載俗刁猾里胥貪緣為奸守明使民徑自輸納不敢有逋負者糧乃盈額上稱其能時嚴分宜

專柄使者絡繹往還道出臨江守明切齒之獨無所餽不一屈膝其門分宜蒼頭有包樟樹鎮貨欲握其利權者當道或憇憇之守明不少撓有劇盜流劫郡邑突入清江城中無備時瑞州界有柯家兵者勇敢善戰守明募干人以義激之咸勇往効死遂擒賊數百餘皆遁去倭寇浙直調兵備禦比放還主將撫戢無方致其潰散竟犯新淦守明擊走之撫按交薦其才未幾以病免家居孝友執二親喪哀毀盡禮事伯兄守勳如嚴師撫諸姪如己子又讓居於其弟守謨姻族稱焉謝鵬舉最慎許可然稱其學充途其才宏濟其節廉介為不可及子世延醇雅有文粵大

郭大治字思道號粵白番禺人南番二志并勳郭氏父子粵臺改推錄以為其本籍南海先世家於番禺云郭志乃其子集所修稱父番禺人明本題名則稱大治番禺人集南少警敏稱聖童言動必稟諸道時甘泉倡道東南遊其門大奇之相見恨晚早年父被誣構下請室號哭臬庭三日夕臬大夫與語才之出其父嘉靖十年辛卯舉於鄉再會試不第以親老釋褐為萍鄉教諭迎父就祿日課程諸生周其寢警其惰萍鄉士以此知學督府御史大夫張岳標其學行於全省曰江右學式竟以不逢迎分宜相且繩其子弟之豪橫者嵩銜之七年不調父喪哀毀

幾絕徒跣三千里扶輿歸葬祭一式于古復除虞城庠士貌祀之轉浙新城令職水蕪務撫字有兄弟訟田開論數言相讓而退鄰盜攀新良毗百烈甚力保全數十家貯糗糧餉軍旅境內賴不擾新人士謂二百年未有此廉仁父母歿祀萍鄉名宦廣州鄉賢子斐榮同斐字篤周亦師湛若水弱冠嘉靖己酉由儒士舉於鄉十四年登嘉靖壬戌進士主者擬鼎甲為權相所沮授主事穆宗卽位次日御札出封七夫人斐納還之力諍方今先帝廟號未尊中宮母儀未正遽有此舉何以示天下事得寢輔臣高拱專權為時指摘間以語斐曰人言相度可操舟如大橫何斐應曰橫不能容更願廓度拱滋不悅斐隨以祖母年老請歸養因疏陳十事如設史局錄于謙後進薛瑄陳獻章從祀孔庭皆見納西樵遊覽記以數忤當道出知夔州夔土瘠民貧斐則課農養土建高夔二書院選其雋者親董教之晉湖廣屯田副使攝蘄州道有柯賊數千為梗制府陳瑞欲督兵剿滅斐力言不可願以身往果計擒首惡以正罪焉來往與國數經江陵相張居正家不投一刺萬曆五年丁丑始改四川提學梁山通判杖斃生員李夢祥巡撫力護之斐按法執治不少貸因被劾去官十一年癸未起復抵京

部擬補內相國申時行余有丁皆斐同年欲推轂而斐每見輒進規諷由是失二相歡僅除廣西右江副使至則首平象州維容劇寇修柳慶賓象學宮旋陞湖北參政值歲饑糴穀萬餘石以賑繕武夷龍陽沅江堤六千餘丈又計擒叛苗楊廣和一方獲安轉山東按察使值倭亂方熾斐計畫防禦全齊晏然進雲南右布政滇人方苦師旅復苦貢金斐征平丁苴力戢緬寇疏罷增貢金二千兩為閣部所抑不得上聞二十三年乙未大計乞休晉光祿正卿致仕居十年卒講學論文垂老弗輟所著有粵大記嶺海名勝記廣東四川通志夢菊全集齊楚滇蜀諸稿行于世番禺志樂字樂周嘉靖四十年辛酉舉人倅岳州岳枕洞庭崔符曠莽繁畫防江十策置兵艦嚴哨捕地方賴以無警移知桂陽州出俸賑荒存活甚眾萬曆二十三年乙未覲還勞瘁而卒著有霞谷桂華稿四儒粹語三禮纂要行世同上蒙學之字念常別號脈渠番禺人宋朝奉大夫甄之後弱冠補郡諸生會新建三水縣因充三水學嘉靖辛卯鄉試中式第十二人甲辰謁選為瑞昌令民悍而健訟一訊立斷決數十年積案歲饑發賑散支有法全活萬計又新學校以誨士所司按

部屬邑率有私餽學之獨持正竟為所銜調浙江
 昌化昌化隸杭州山間徭役偏重乃為均之以甦
 疲困恤糧長之苦而分里甲催徵民便之有富商
 干重譴貪緣得輕貨竟論如法忤權貴飄然掛冠
 歸畫陶靖節像置精舍中以識景仰居家篤倫理
 睦姻族為教家俗說二卷以誨子姓暮年偕同志
 劉素予諸人結社坡山談詩講學耄耄不倦年八
 十一卒子希夷庠生而鏗亦由三水學萬歷己卯
 鄉薦第五人蘇州同知而釗庠生歲薦粵大
 侯天錫字尚思別號退巖南海人天性孝執親喪
 哀毀踰節慷慨仗義事叔南隱君如事其父與人
 交久而能敬樂易坦率不為町畦時址所積以周
 親友之饗者嘗曰陋巷一生顏氏樂清風千古伯
 夷貧益其素志也同上子國治字平裕嘉靖甲午由
 三水學鄉薦授應天江浦令當南北衝驛役繁且
 疲綜理有方擢寧波府同知南海倭寇方張躬禦
 於舟山昌國之間捷奏賜金委署鄞縣慈谿定海
 餘姚所至有聲而城慈之功尤著浙江通志晉南都督
 府參軍事轉戶部郎中督密雲糧儲殿羨餘歸之
 公歲省可三之一出守思恩所轄盡土司率以清
 正却餽搗北三之巢定武緣之屬尋陟廣西副使
 備兵蒼梧時大征八寨督撫以國治監募江軍國

治先在思恩計賊情形甚熟遂以蠟書約會諸將
 一鼓殲之比奏功彙江為第一晉右參政遂引年
 乞骸骨歸年九十卒南海志
 梁津字濟甫番禺人早失怙篤志向學能不以空
 匱為累入郡學南海志云為科試文字大類國語
 西漢田汝成來督學實之首選謂曰奇氣逸發子
 必勉之當顯名天下也遣從前輩遊益加厲行津
 有至性事母區氏以孝聞三弟皆出庶母時在襁
 褓庶母素悍盡奪財產以私其子津略不以介意
 撫之益厚不異同胞迨長為之冠婚無吝費嘉靖
 十三年甲午發解第一二十年辛丑進士筮仕刑
 部主事迎母就養以學行改吏部持清操杜私謁
 時大璫麥福最寵幸以同鄉求見津善辭之不與
 納交福亦服其素履莫能加害循資當轉文選副
 郎同僚有越次鑽求者津即讓之曰典選重務予
 寡陋且多病兄才望宜補眾皆服其量卒於官年
 三十有五母哭之斷腸而絕聞者莫不盡傷家宰
 聞淵素重其賢尤痛惜之憫其貧苦率僚屬致賻
 借差鴻臚寺官護二喪以歸銓部及鄉人至今稱
 重其行誼黃志
 何派行字應充香山志其先出宋狀元奭之後南
 渡來居小欖遂為香山人自少昂然出羣夜誦三

鼓不休父止之派行長跪曰世德未彰兒敢墜青雲志耶長益博覽羣籍督學田汝成試高等嘉靖甲午以易義中鄉試辛丑登進士奔父喪哀毀踰禮起復授戶部主事歷員外郎中出知太平府事地控蠻方未易制乃力為振飭勵以清節土酋有爭疆者饋以千金求左斷叱却之而正其罪又肅士習振頹風剔衙門積蠹通小氓利便頌聲大作有直指索龍涎香弗應彈調思恩時八寨劇寇負固恣睢以法繩之寨惡母敢撓閭境晏然壬戌入覲晉陝西行太僕寺少卿己丑再轉本寺正卿直指溫公諒以邊將賢不肖以實對溫銜之竟以他事中焉遂罷歸粵大志先是奉勅按視山西馬政具疏清釐額馬一時權貴皆畏之舅氏某至其地關說官事謝絕之立促歸里後乃長跪請罪其介性如此香山志三子子份子倣子倣俱太學生有時名粵大志

林烈字孔承別號艾陵東莞人父椿篤於行有長者風烈年方垂髫即通左漢登嘉靖十三年甲午鄉薦粵大志嘗師事魏恭簡潛心理學郭志四赴南宮弗售就署江陰學諭教人先孝弟崇德行士知講明正學二十八年己酉同考北畿解首出其門尋陞南大理司務九載遷員外郎中皆以勤慎著聲

曰守官正所以守道也三十九年庚申督賦江右綜核惟嚴辛酉父卒甲子起補戶部郎中乙丑同知福建鹽運司事革常例祛宿蠹毀淫祠立社學闢射圃與諸生講習其中又廣養濟恤孤貧驅虎患修火政百度具舉未幾夢歸章綬適奉世宗遺詔至病不起百姓悲號幾罷市乃立祠水口尸祝之烈性敦儉約學本彛倫初學於魏莊渠崇尚行實私淑於林緝熙作聖學格物之訓以聖人爲必可學而至終日乾乾養日深氣日粹益充然自得也諸所交遊廬陵則鄒文莊羅文恭安陸則何亞卿吾粵則鍾寶潭龐弼唐何古林皆以道鳴海內者視其師友而烈之學可知已福建則祀名宦祠廣東則祀鄉賢祠著有青山紀聞一卷臥雲洞詩文三卷子六人培坦城俱領鄉薦粵大志培字培之剛毅慷慨孝友尤篤郭志由萬曆元年癸酉鄉舉二十年爲湖廣新化知縣縣僻陋廣置社學教之明史給傳歲饑賑卹又修水利建義倉一百五十四所東莞志民有死於盜者不得禱於神隨蝴蝶所至獲盜時驚爲神徵授南京御史劾罪誠意伯劉世延寘其爪牙於法已上書言徐維濂不當謫陝西織花絨購回青擾民宜罷湖廣以魚鮓江南以織造並奪撫按官俸蘇州通判至以織造故覆官皆不

可訓并論及沈思孝等明史其疏略曰陛下不崇朝而斥逐臺省三十四人閣臣再救而邊方之旨下九卿再救而削籍之旨下意者陛下意有所欲為恐諸大臣言官之防已先示以必不可犯之威乎夏之臣等以搜賊請徐維濂以追比請人將謂陛下貴貨而賤賢沈思孝江東之李植剛狠傾危庇丁此呂之奸貪與孫丕陽相許願宸衷獨斷毋兩賢而兩全之陝西織花絨購回青百姓疲困不支湖廣以魚鮮江南以織造并奪撫按俸蘇州通判至以織造礮官一服食之故而令簡書之臣不安其職郡縣之吏莫必其命民窮財盡天下自此多事矣臣言行身死死有餘榮不行而生生有餘愧

東莞志帝怒謫福建鹽運知事明史兩臺不欲煩以簿書檄搜名賢遺跡所至皆新其祠墓足跡幾遍八閩尋念母老請郭志告歸家居一載卒京師人語曰南林北馬臺省增價馬通州人名經綸者時以直諫同時得罪云東莞志天啟初培贈光祿少卿明史祀新化名宦有疏草治錄遊記詩稿行世培之孫游另傳坦字坦之萬曆二十五年丁酉舉人生平高自位置不可一世不問家人生產羹藜茹藿甘之如飴每酒酣引筆灑灑數千言立就人或相稱譽顧謂是吾緒餘耳負才傲睨外間率目為狂生袁

崇友獨稱之城改名垂字垂之與坦同科鄉薦東莞志

何孟倫新會人字慎明嘉靖甲午鄉薦辛丑進士

第三人授鄞令以不避權勢改知建寧縣守正不

阿扁其堂曰節愛凡有利於疆圉士民者一一具

舉時稱賢令云福建志復令新昌擢戶部主事郎中

推浙江副使未至卒自號蕪樵所著五代文選註

十卷八代文彙十卷餘間判語等書新會志

孫勳號次薇南海人嘉靖甲午舉人二十六年知

口州事時海上軍書狎至新命都御史治兵自浙

入閩供帳不如意欲庭撻州官勳顧謂行杖者曰

撻我必重始快其忿不然汝死杖下矣百姓感泣

日擁其輿以行初都御史至民且皇皇比出境閭

閭無毫髮擾者福建通志

劉日新字宗毅東莞人孝友性成四歲即知禮讓

父蚤喪事母至孝母年八十病篤額天者七晝夜

母聞空中若有奏金石聲病尋愈後母卒廬墓三

年御史蔡夢說嘉之左轉饋粟米布帛歲以為常

自是中丞監司至者必旌焉年九十二卒東莞周志

廣東通志卷二百七十九終

廣東通志卷二百八十

列傳十三 廣州十三

龐嵩 子一夔 一德 黎民表 弟民表 子邦炎 民表

吳旦 李時行

梁有譽 歐大任

鍾南 張鐸 子仲孝

盧夢陽 陳紹儒

霍與瑕 蒙詔

劉格 子克正 克修 克治 克平 孫裔興

方肯堂 父紹魁 弟肯 族弟亮 亮工 王所

梁用遠 子符 孫兆電 李价

林咸 黃尚正 李堯卿

陳大有 林挺春

龐尙鵬 弟尙濤 李鳳

戴朝恩 明以上

明

龐嵩字振卿南海人居弼唐鄉學者稱弼唐先生
五歲喪母痛顛哀毀弱冠充郡庠生 嘉靖十三年甲午舉於鄉講業羅浮山從遊者雲集二十三年甲辰應天通判進治中先後凡八年府缺尹屢攝其事始至值歲饑上官命督賑公粟竭貸之巨室富家全活者六萬餘人乃獨積逋稅征徭

勤勞徠復業者又十萬餘人畱都民苦役重力為調劑凡優免戶及寄居客戶詭稱官戶寄莊戶女戶神帛堂匠戶俾悉出以供役民大蘇江寧縣葛仙永豐二鄉頻遭水患居民止存七戶嵩為治隄築防得田三千六百畝立惠民莊四召貧民佃之流移盡復屢劾冤獄 明史本傳 有張元二者以追逃婦不及躬至婦所見室畔懸崖轟立林木岷然心動行數十武而前伴執村老訶問之對曰我但見屍遂得元二殺人狀又高淳傭人亡其妻妻家以為死執之嵩偵知鄰有畫工以其妻歸日逐也計致畫工奪還之聞者以為神 京學志 戚晚王湧舉人趙君寵占良人妻殺人置之法 明史 嵩饒吏幹百廢具舉尤加意造士暇則進諸生課之自捐俸以資賞給歷寒暑無倦 欽定四庫全書 早遊王守仁門淹通五經集諸生新泉書院相與講習 明史 發疑抉異無不虛往實歸者 京學志 歲時單騎行縣以壺漿自隨 明史 所至肅然一蔬片楮不以煩民人目為龐青天 江寧志 京府佐貳鮮有舉其職者至嵩以善政特聞府官在六年京察例而復與外察嵩謂非體疏請止之遂為永制遷南京刑部員外郎進郎中撰原刑司刑詳刑明刑四篇曰刑曹志時護稱之遷雲南曲靖知府 明史 刻同文編以通三種夷字行鄉約保甲以

變夷俗嘗董濬盤龍江及勘委夷情自會省至車里交趾之界輒迹所徧歷不憚險遠粵大居二載為忌者所擠值大察察中察典以老罷而年僅五十明既歸茹淡服勤建祠祀先聯族以恩處鄉以睦粵大復從湛若水游明聞隨處體認之說歎曰幾虛此生後湛沒場居三年力恤其喪晚築室西樵大科峰下優游自適南海久之卒明年七十七所著有太極解圖書解兩唐遺言皆為學者傳誦南海舊志應天曲靖皆祠之名宦葛仙鄉專祠祀之明子一夔一德皆中鄉科粵大一夔字仲虔舉嘉靖甲子鄉薦授蒼梧令下車裁浮冗修學造士聘禮名師尚書吳廷舉之裔寒微特請廩其孫於學宮涖邑六載撫流移墾荒田丁外艱去起復補歸化令甫七月晉知養利州州由土改流民以村次更番供應一夔痛革陋規創舉條編糧差經十之七定四禮簡易儀節刻諭俗編行之民知習禮向學六載遷永昌同知永昌向被緬患一夔建議築八關以扼險建二城以積儲練鄉勇省客兵為握兵者所忌會緬入犯一夔周行部落分調糧米緬知有備遁去以禦緬功欽賞白銀十兩改除九江府同知練兵江上懸賞校射清驛傳革私用夫馬使客武弁益嫉之一夔遂告休陞唐府長史不赴著

有蒼梧養利志江門正脈論俗編一德字與度領萬應丙子鄉薦從父講學於吳浙楚滇一時名儒器重之初諭恩平以二業合一訓士晉令嘉魚治崇大體去煩苛視事竟日無疾言遽色吏散堂空則榻管微吟邑饒山水每登臨從父老問民疾苦修諸葛武侯臺創吳清惠李大崖祠皆有闕風教內監陳奉以督稅過六口地多流民武悍以石擊奉舟誤中其額奉盛怒民洶洶謀為鳥散一德謁之江許從容理論不屈不竦奉怒解六口以安立祠祀之邑城崩一德請憲檄修築江上稱乞乞焉考滿薦薦嗣以頻年水災民饑不忍鞭撲仰天歎曰吾非不急公家賦如此菜色何遂上牘請改教職初授揚州再授施州術皆能與文起衰攝江都篆清介如一歸家著述蓋年手不釋卷有雙瀑堂藁行世子璋乳源教諭孫嘉蓋舊南選貢海志黎民表字維敬自號瑤石山人從化人御史貫長子也其母夢有羽幡者數十人從雪中擁一童子入室五色璀璨覺而生民表幼穎異九歲習舉業十三為邑庠生粵大舉嘉靖甲午鄉試久不第授翰林孔目遷吏部司務執政知其能文用為制勅房中書供事內閣明史黃乙丑陞南京兵部職方員外郎時兵缺糧欲作變民表示諭諄切中止之

丁母憂起補戶部浙江司員外監通州倉轉餉雲
 中行至天雄召還掌秘閣侍經筵預脩世宗實錄
 成晉郎中加四品俸脩玉牒又脩穆宗實錄與大
 加官至河南布政司參議萬曆七年己卯乞致仕
 疏三上允歸民表賦性坦夷內無城府好讀書博
 綜古典下及百家稗史過目成誦至其豪邁之氣
 閎放之才則獨立一時雄視千古先是督學田汝
 成侍御戴璟嘗試以治論大奇之致必元其操尚
 廉介不為脂韋不事苞苴有故人交極厚來署南
 海篆事客持千金賄之為解紛正色斥之至于親
 知喪葬則捐資賙助惟恐後少師事黃泰泉獨見
 雅重諸所論撰必與商確粵大居清泉山中開社
 日與弟民衷民裏友人吳旦梁有譽歐大任梁汝
 倡和其間明自孫賈五人以來嶺南詩學復振與
 有力也海內名流多所結納如文徵明父子王世
 貞世懋皇甫汈兄弟王穉登周天球黃姬水宗臣
 余日德沈一貫屠隆吳國倫李攀龍輩尤所友善
 生平工真草隸篆八分圖繪咸詣逸品尤精詩賦
 文徵明語人曰隸書嗣吾後者惟敬也王世貞嘗
 謂民表五言古自建安而下逮梁陳靡有所不出
 入七言歌行有盧揚沈宋之韻近體過絕全盛遺
 音知言哉致必元嘗與脩廣東通志從化志羅浮

〔道光〕廣東通志 卷二八〇

志清泉志所著瑤石山人稿梅花社稿北遊稿論
 後語錄養生雜錄若干卷行于世志凡歷仕三朝
 累膺金綺之賜崇祀鄉賢又祀抗風軒與大甬州
 以歐大任為廣五子黎民表為續五子西樵遊弟
 民衷字惟和號雲野貫次子器宇端凝言笑不苟
 弱齡即攻古文詞嘉靖壬子舉鄉試丙辰進士授
 行人擢吏部稽勳司主事歷文選晉員外滿三載
 陞驗封郎中絕意請托奸胥斂跡會有要求貴人
 欲得王府科者是科隸儀曹司宗室襲代賂至不
 貨衷以為不可竟拒不與以此致憾適又有忌之
 者遂出為廣西糧儲參政明詩至則禁餽獻詢疾
 苦剔弊蠹甲子七月移鎮潯州季冬得代還省迎
 春之夕蠻寇銀豹等踰城劫藩庫衆莫敢格衷聞
 冠帶而出左右勸止不顧奮身直前率守者與戰
 力寡不支遂被數創與歸署中同列來省視猶曰
 公等皆安在府藏尚存否言畢而絕城中民皆哭
 撫按以事聞詔賜管葬銀五百兩蔭一子京衛千
 戶遣官護喪還家士民請祀名宦衷天性孝友仕
 終始以廉介稱卒時年四十七有司封集行於世
 祀廣州府學鄉賢從化民裏字惟仁號白泉貫季
 子歲貢少受業於黃佐佐深器之與兄民表民衷
 偕梁有譽結社粵山講業有三鳳之稱嘉靖乙丑

七三三

膺歲薦抵京與王世懋吳國倫張鳴鳳唱和廷試後遠拂衣歸里至豫章諸王孫聞其才名爭求謀集既歸日與諸詞人操觚染翰丹青尤為世所珍重號白泉山人大學士趙志臯嘗官廣州折節交秋贈以詩有談元師鮑葛作賦擬機雲之句年八十一著有清居集粵大記子邦炎字君華號岱與民表長子幼穎敏應對如響司空陳紹儒以女妻之年十五補諸生領嘉靖辛酉鄉薦隆慶辛未進士授臨川縣令癸酉同考所得士多取上第時花園積寇肆掠為患當路檄討之炎計出不意一夕親率士眾搗其巢穴擒黠者數十人餘黨悉平撫按上其功有白金文綺之賜母喪服除補定陶徵人為吏部稽勲司主事歷驗封司郎中尋擢江西右參政適黃梅巨寇流劫江上雷京震動乃移鎮湖口發境內勁卒禦之寇聞之相戒曰是臨川神君擒勦花園者也遂散戊子致仕歸所著有旅中稿南秀堂稿從祀廣州府學鄉賢陳恭尹撰傳

吳旦字而待號蘭皇南海人父章正德庚辰進士都察院左副都御史為官有風節幼聰悟十歲能屬文舉嘉靖丁酉科舉人官歸州知州治行第一擢山西按察司僉事為諸生時師事黃泰泉與歐大任黎民表梁有譽為友結社南園世稱南園後

五先生之一著有蘭皇集行世崇祀鄉賢又祀抗風軒南園後五先生詩集小傳而待詩格清新俊逸惜其稿失傳今所存詩五言古三首七言古一首五言律二首五言排一首七言律七首七言絕句四首明詩

李時行字少借番禺人粵大記嘗讀書羅浮青霞谷因自號青霞子蚤穎悟甫弱冠為郡諸生督學田汝成文名擅海內獨鑒賞會試時行作書擬戾太子辨江充奸益奇之謂當魁天下嘉靖庚子舉於鄉辛丑舉進士壬寅授浙江嘉興知縣當津要多宦族鉅家桀驁難治若不勞餘力諸忤法者悉捕治之時邑有宦家子睚眦殺人時行覆案得其狀竟伏法舉郡壯之民有訟其兄析產多自與時行驗其券即令更相授各俯首慙服御史行部至交章薦於朝乙巳徵南兵部車駕司主事同官忌時行名有飛語中之不能自明遂拂衣起年三十一結方外之士延覽西湖臥遊天竺下會稽探禹穴陟天目臨虎邱東歷泰山西上匡廬發胸中之幽藏形諸聲詩以散其孤憤激昂之氣歸而杜門讀書逍遙六籍漁獵百家他如法書名畫購而藏之暇日則披圖長吟以自遣甘泉泰泉倡學於東南時行先後及門多所述作有重名西郊築浮邱草堂北城開別業題曰小雲林仍扁曰青霞洞天

嘯咏自如若與世相忘也甲子柘林守兵叛城門
晝閉內地震恐時行與友人霍鍾錫抵掌浩歎欲
請于當路提偏師擊之尋奪于浮議不果乙丑命
仲子奇尊為太學生時行扁舟與俱由吳越歷燕
趙齊梁謁孔林登太白樓所過名山大川輒臆舟
停驟凝望久之所著駕部集雲巢子天求子癯瘠
子四方傳誦天性孝友父友鄧欽不能自存獨傾
意厚遇之隆慶己巳春二月卒年五十六魏尚聘
嘗與歐大任梁有譽黎民表吳旦等稱南園後五
先生番禺文章法漢魏古詩法顏謝歌行法李杜
絕律則又取裁於沈宋王孟諸大家咸超詣入品
文徵明
詩序

謹案時行先世為河南祥符人宋嶺南安
撫使慕陶公其先祖也南渡時隸籍番禺
菱塘村明初光祿寺觀達始遷省會三傳
晉階奉訓大夫東城兵馬指揮其高祖也
父聞韶好義樂施授楚府紀善居大市街
梁有譽字公實順德人進士題名碑作番禺籍未
詳則云廣州府學父世驃正德癸酉鄉薦庚辰進士監察
御史轉福建按察僉事有風裁舊題童時日誦數
千言長益湛思百氏黃工詩文弱冠補弟子員厥
帖括與歐大任陳紹文吳旦黎民表民表陳冕梁

孜黎民裏梁柱臣同學于黃佐以古詩文相劇切
尤砥礪行誼歐大任登嘉靖癸卯鄉薦庚戌進士
授刑部主事有自少陷虜中迨長奔歸為偵者所
執廉得其情遂釋之其善折獄如此先是李攀龍
官刑曹與濮州李先芳臨清謝榛孝豐吳維岳輩
倡詩社王世貞初釋褐先芳引入社遂與攀龍定
交明年先芳出為外吏又二年宗臣與有譽入是
為五子未幾徐中行吳國倫亦至乃改稱七子諸
人多少年才高氣銳互相標榜視當世無人七才
子之名播天下擯先芳維岳不與已而榛亦被擯
攀龍遂為之魁其持論謂文自西京詩自天寶而
下俱無足觀於明朝獨推李夢陽諸子翕然和之
非是則詆為宋學是時有譽在刑部旅食三年蕭
然一室黃嚴嵩柄國子世蕃欲親有譽耻為褻狎
遂謝病以養母告歸郭築拙清樓杜門讀書大吏
至辭不見一日裏糧遊羅浮未至遇颶風得寒疾
歸一夕卒年三十六五山有譽善相人謂宗臣曰
子甚貴而無年已自嘆曰吾亦不久于世有譽死
六年宗臣果死亦三十六明史所著有蘭汀集弟
有兆有貞棉州守亦以詩名郭子逢登郡學諸生
清標寔養為詩文有矩矱身大
歐大任字楨伯順德人別號崙山少雋穎家多藏

書博涉經史工古文辭詩賦年十四為邑學弟子
 員督學林端簡雲同張萊溪希舉嘗合十郡異等
 士三試之皆列第一名噪諸生閒時與梁有譽黎
 民表梁紹震相友善同學于黃佐八應舉弗錄郭志
 由歲貢生試大廷瞿文懿景淳得大任卷驚曰一
 代才也特進御覽列第一由是海內無不知大任
 者西樵遊覽記隆慶四年庚午授江都訓導會纂修實
 錄捧檄至都事竣漕運中丞方濂薦轉光州學正
 遷邵武教授萬曆三年乙亥陞國子監助教專以
 作人勸學為本粵大嘗應詔上封事一日率講習
 以敦明實學二日申法制以廣生徒三日修載籍
 以重掌故四日崇實學以表賢才歐必元歷下瑯
 琊諸詞壇見大任爭相推轂唱和名益起與七才
 子並驅才或過焉上幸太學大任以國學官序得
 左右侍上亦先聞大任才名御書不二二字大如
 斗賜之大任築寶翰樓藏于家時獻臨雍頌賜衣
 一襲尋改大理寺左評事多所平反黃太監姪殺
 人司寇以小火者抵罪卒駁正之一日奉許戚晚
 封事入奏中貴人自內出却之大呼曰御前封事
 誰敢阻却竟上粵大嘗扈從南郊命賜果餅回回
 國貢馬不受大任為作天馬篇以頌南園後五歷
 官南京工部郎中明史黃庶務具舉督修孝陵有

白金文綺之賜十二年以老乞休粵大年八十而
 終明史著有平陽家乘二十卷百越先賢志廣陵十
 先生傳思元旅燕浮淮游梁軫中離館西署詔歸
 秣陵虞部籙園諸集行世順德志
 鍾南字汝與別號肖愚順德人性誠篤事二親極
 孝弱冠為南海庠生改充三水試輒優等為文純
 粹尤精于經學授徒數百人多顯者而南七人棘
 園弗售嘉靖乙未由三水歲薦貢為福建福清縣
 學訓導端範立教捐俸以供會需得賢如魏體明
 薛德純施觀民皆知名於時陞樂會學諭益勤誨
 誘海濱詵詵有鄒魯風未幾引年歸嘗從鍾理夫
 得養性養氣之訣年逾九十而精神完固士人多
 宗之粵大
 張鏘宇時侃東莞人博綜羣籍隱里中談道自樂
 家居動遵矩矱事親孝待兄弟友而恭接子姪則
 山立淵浚有過則庭撲之朋舊過從命觴浩歌以
 淵明自況構山亭扁曰恒齋自記有曰恒吾性也
 貧賤富貴一於此而已矣學者稱恒齋先生子仲
 孝官平陽鏘以清白誠之所著筆籌集語多悟道
 其詩學陶云明仲孝本名仲湯宇舜先一字敬所
 嘉靖十六年丁酉鄉薦東莞志庚戌授平陽知縣恤
 窮民鋤豪猾政惠而肅學宮為颶風所壞力改創

之浙江通志孝以才望調思明單車馳赴詰戎脩備徐
按部各土司宣布朝廷威德皆弭耳受命卒于官
東莞志

盧夢陽字少明別號星野南海人甫十歲通經書
大義十四入郡庠嘉靖丁酉鄉薦戊戌登進士時
方弱冠請告畢姻庚子謁選授刑部主事盡心獄
議明允有聲陞員外郎兩拜恩綸封厥父母尋奉
勅錄囚兩浙所釋活者若干人具恤刑錄中庚戌
典試禮闈所得多名士丁內艱起補郎中未幾轉
憲副督學閩中會元田一儁榜眼黃鳳翔探花林
士章皆夢陽所鑒識者乙卯遷遼東苑馬卿尋轉
雲南參政辛卯鄉試入棘錄中文序多出手筆壬
戌入覲遷福建右布政使會賫萬壽表過里會邸
報為秦御史疏論罷職夢陽怡然夙性聰悟與同
邑雙村馬拯齊名時稱盧馬馬舉丁酉解首同登
甲第當時才名奕奕而馬不壽授工部主事而卒
時論惜之夢陽雅好文詞貯書萬卷所著煥初堂
文集藏于家粵大記

陳紹儒字師孔南海人號洛南父雁泉嘗夢神人
授以積墨之法并甲榜二字以語府尹天游公大
異之是夕紹儒生異光滿室風格凝整識者占為
國器弱冠補從化弟子員應辛卯歲貢卒業成均

每試必居首時司成湛若水呂柝咸器重之丁酉
與從兄紹文同科中本省鄉試戊戌登進士觀政
通政司以給假歸省適母病晝夜扶持不少懈還
朝授戶部雲南司主事晉員外郎詰內豎混竊之
奸革倉庫積年之弊議設陪庫主事經歷大使各
一人以防闌出遂著為令一年羨餘至盈五萬陞
山東司郎中奉勅總理遼東糧儲兼理屯糧三年
章凡十數上皆防守大計時承平日久忽報寇至
登陣拒守寇不得逞而去益習騎射必破的諸
將驚為神授調山西雲南司進會計錄上優詔從
之省京邊冗費二十餘萬陞湖廣按察司副使撫
治鄖陽秋襄焚水溢城不沒者三版乃議築老龍
諸隄以捍之又捐俸濟饑存活萬餘人甕人樹碑
峴山以紀其事居二年權貴指摘文致其罪謫福
建泉州府同知未赴任轉江西南昌府知府越五
月吏畏民懷陞廣西按察司副使備兵右江兼理
分巡營新城堡又經略千莫理定等處置兵防守
地方安謐督狼兵救援兩浙紀律嚴明所過秋毫
無犯晉福建參政丁內憂服闋補四川參政尋轉
按察使肅政明刑憲度惟戢平白蓮教秦政和之
亂脅其渠魁散其黨二千餘衆陞廣西右布政使
尋轉左丁外艱服闋補雲南左布政使召為順天

府尹釐革縣驛冒濫豪貴斂手甫六月調太常寺卿上耕藉召問禮儀据經以對上聽之又奏汰道流之冗濫者陞南京戶部右侍郎條陳遼東甘肅等十三鎮兵馬主客錢糧言極明切上嘉納之轉左侍郎提督京通臨徐等處倉場議復漕運例限六疏晉南工部尚書有忌者媒孽其短詔令致仕南歸杜門惟研究經典至老不懈其窮理以濂洛為宗文尚史漢詩祖少陵所著集二十卷行于世同卒年七十六詔給祭葬南海志子宏采以蔭歷南戶部郎中鎮遠知府宏乘歲薦國子典籍歷善化知縣孫熙韶熙昌熙陽曾孫子壯粵大記

霍與瑕號勉齋南海人郭志云翰仲子年十九領嘉靖庚子鄉薦三十八年己未同上舉進士授慈谿知縣明史霍始傳時邑罹倭寇遐邇蕭條與瑕恤孤賑貧寬里甲省詞訟均差徭慈民復甦然政尚精明豪猾縮首與淳安知縣海瑞齊名時稱二廉郭志鄧懋卿巡鹽明史淮浙所過州縣趨迎恐後粵大記惟與瑕不禮明史暨海瑞不往謁懋卿銜之嗾御史袁淳粵大記劾罷明史歸臥西樵者六年隆慶戊辰用給事中張鹵等薦粵大記起知鄞縣明史遷南大僕丞轉兵部員外郎粵大記終廣西僉事明史時飭兵江左酋黃金彪叛督撫議進討與瑕以計縛致又撫八寨城

新寧州俱有功會憂去御史唐鍊劾調簡時兵部尚書譚綸重其才為除江西嵯憲踰年復為御史張簡所劾與瑕嘆曰吾安能隨時俯仰視人眉睫乎遂拂衣歸二十餘年卒所著有勉齋集慈谿新寧並祀名宦粵大記孫蒙拯萬曆乙卯舉人壽州知州拯子師乾崇正癸酉舉人學濟歲貢乾子文寅康熙己酉舉人南海志

蒙詔番禺人字廷綸別號近野父宗遠少習法律為文無害以三考授靈川尉有擒寇築城功民為立祠兄諫戶部郎中番禺志與兄諫自相師友粵大記詔幼岐疑弱冠舉嘉靖庚子鄉魁壬戌登進士授行人選監察御史所條奏興革事宜皆切時弊多見採納命巡歷延慶宣大疏禁橫恣宗室以正紀綱核功實賞格以弭宿弊陳兵食六事以固邊防轉差浙直督漕糧節省條議十事深切利弊出按福建貪吏望風解綬典試棘闈所拔皆英俊以前治漕功加俸一級郭志擢浙江副使歷參政按察使及左布政使奉宣德意不釐法紀凡五轉久任兩浙政聲茂著遠近悅服浙江通志人為都察院右僉都御史提督南贛汀韶軍務凡地方利病即上封事以聞威望益重山寇屏息三省之民賴之敏直端亮有大臣風度以被論歸杜門養母年近百歲

詔歿哭之哀亦卒有司爲立百歲坊以表之所著奏疏十卷文集八卷子紹基大理寺評事致仕卒

番禺志

劉格字豫誠號嶺陽番禺人從化水東籍宋衰然十世孫性至孝幼而父歿哀毀幾滅性弱冠舉嘉靖十九年庚子鄉薦壬戌謁選授六合令清慎勤敏百廢具舉徐國公家僮鎖禁良民格杖而戍之間中丞檜江盜數百疏皆抵死密廉其枉者數十力爭之不少屈時稱強項令操江都御史欲脞削沿江官軍格不阿承遂調信豐會粵都令以丈田激變督府殷從儉三遺官弗能定格繼往片言解散執其首惡正法焉從儉疏其能留粵都而信豐士民請還益力未幾從儉去長沙李棠來代譖言先入徙荆府審理正歸與何古林講學天山書院丁丑卒年五十九後祀信豐名宦及鄉賢祠所著性說致知說翊善論大倫圖說多發古人所未發子克正克脩克齊克治克平克正字懋一號海樵格長子生而穎悟隆慶元年丁卯舉於鄉辛未會試主師張居正奇其文擬魁天下後置第六時論惜之既第改翰林院庶吉士尋授簡討奉命冊封靖江王餽遺一無所受脩兩朝實錄成賜白金文綺會父喪歸哀毀踰節起復抵維陽疾作還次真

州卒年僅三十七克正質敏才茂肆力詞賦爲丁士美諸大綬輩推重嘗作越裳白雉賦世競傳之志克脩字少已號粵愚格次子有文行領萬曆十年壬午舉人除連江教諭擢判大名府廉介敏練直指使重之委以簡閱邊關軍實嚴清弊蠹置軌法者於憲兵將皆畏服視內黃彘值蝗霍爲災抗稅瑞減加賦疲困獲甦滿三載遷海州知州以母老乞歸卒年六十四克齊廩生克治號羣玉早工文賦爲督學郭子直陳鳴華所稱賞後以明經選所著述征草二十卷五芝樓稿三十卷綠綺堂稿二十卷訂初學記三十卷許氏說文十二卷克平尤穎悟弱冠廩于庠工詩古文詞善六書花卉大中丞劉公命作仙鶴賦大加嘆賞以謫仙目之總制陳公屬以訂修許氏說文初學記諸刻克平雖放于才亦多慷慨會脫一材官大獄不合知友人蔣不任客死爲葬于父墓側歲時祀之後以兵憲李公聘修石室志海暑中感疾卒年三十七從化志孫裔興字奉初號居素南海人家世武弁裔興始以經術顯嘉靖庚子舉于鄉筮仕崇明洞悉隱微審編清丈皆有法又浚水利溉旱田千餘頃三載績最召爲陝西道御史鯁直敢言疏救同僚詹仰庇廷杖劾司禮太監孟冲弄權皆擢逆鱗幾不免

輔臣趙貞吉與首輔高拱不協罷政在位者莫敢送裔與獨郊餞之以此忤拱出為福州屯田僉事田多侵於豪貴裔與按籍清隱占務足軍需攝督學選貢力拒請託時年甫強仕已厭榮進子蕙以隆慶庚午既舉于鄉遂請告致政家居六載恬淡自如猶屢膺薦剡竟不起而卒年六十二蕙後仕至廣西通判身大裔與仲弟振興嘉靖己酉鄉薦任長樂練達有為季弟嗣興選貢任南安廉靖不苟蕙之弟萱庠生蕙之子光祚萬曆乙卯鄉薦仕至布政南海志

方肯堂字子昇番禺人嘉靖庚子領鄉薦隆慶辛未進士授湖廣慈利令利居萬山中素患苗犛徙其城于河之陽多設方略患且息土酋作亂當事者議征堂議撫而論之首肉袒謝以千金為壽止納一猴以示馴服調江西廬陵惠政日孚有百萬豪集亡命殺人重賂求活且請托於江陵相堂以去就謝之遷應天府丞歷吏部正郎釐剔宿弊奉命賑饑活數萬人聲籍江淮間以峻直廉厲忤于時出為楚王傅王停武岡王爵堂諫止尋以病乞休歸橐蕭然有集行世金志父紹魁由正德癸酉舉人為沙縣令時有二狐八虎之禍魁禱於神後一狐擊于雷一狐入縣伏辜三虎投穿斃魁躬率入

其穴連殺五虎今有捕虎吟傳焉祀沙縣名宦通志弟肯構由貢歷侯官訓導端重有操族弟亮工與堂同登進士位至廣西副使聽獄明允循良清白與堂齊名金志

王所字敬作東莞人邑志父玉汝字體成嘉靖

壬午舉人壬辰進士主事祖尚學字宗儒宏治己

西鄉薦柳州同知東莞志所由嘉靖十九年庚子鄉

貢任古田令嘉靖末倭寇流毒而古田城垣卑薄

不足為備所諮於父老曰太平之盜志在金帛與

攻城掠地者不同城郭溝池所以為富者守也於

是籍富人為三等計役分任之增城築建樓櫓鑿

溝濠以防不虞未幾倭薄城下所親操矢石率眾

防禦夜遣驍勇縱焚其營遁去後備兵使者蜀人

宋豫卿作詩咏其事有社稷有靈憑一旅山河無

恙仗孤忠之句福建通志

梁用遠號徐廳順德人嘉靖二十二年癸卯舉于

鄉初授廣西鬱林州學正理學為一時推重徵聘

江西鄉闈同考陞袁州府萍鄉縣賦性剛直萍邑

與分宜接壤嚴嵩當軸田里多在萍鄉子弟恃勢

逋賦前令莫敢問遠下車不避權貴嚴之族戚有

抗違者輒笞之不少貸嚴嗾直指陷遠使者知遠

剛正密令解組歸嚴家人要之於道袁州守潛以

車蓋擁護始得免萍鄉向有虎患遠至捐俸修理城郭安輯居民猛虎絕跡時人以比劉昆云子符中式嘉靖己酉鄉試考選為天下第一授福建福州府同知與海瑞同年最厚立身行己相為砥礪後隨總兵戚繼光征倭監軍轉餉運籌為多上賜金獎諭以親老乞致仕孫兆電舉萬曆乙酉鄉薦授東安縣教諭時縣初建電至即立學宮置學田教士有方卒於官曾孫觀歲貢元孫朝鑑番禺籍仍舉崇正丙子科四世家學為邑望族

全志

謹案梁朝鑑為番禺籍中式見順德志不見番禺志而南海志選舉及明本題名錄則云由南海學

李价字少藩番禺人少穎異嘉靖癸卯鄉薦丁未進士從黃泰泉遊講學知本惟反躬復性不事空言戊申知當塗縣至即却饋賀絕供億嚴鎖鑰謹浸潤俸直之外一介不入俗尚逢迎地當衝要百費交集或不愜意輒歎曰今之所謂良吏古之所謂民賊如狗時好其如此心何遂專務節省休養終歲省民財數千而公事悉舉獄中大辟四惟四人為辯而出其二己酉檄委檢踏災傷田糧既勘實蠲民租十之四賑饑均役惠及逃絕撫按屢薦擢戶部主事里耆李鏗等持百金馳至采石為舟

車費慰勞而謝却之竟畱一靴而去貧不能歸省乃徑趨任壬子七月以才行改吏部稽勳司主事歷遷至署考功員外郎兩經考績俱以學行清才列上考是歲四月丙申夜三殿災欲上封事為親知所沮適宿痞頓發遂臥疾求歸太宰貽書止之戊午二月晉稽勳司郎中四月宿疾復作乃上疏得允遂歸杜門謝客己未七月卒年三十有七其清操為一時冠焉

黃志

林咸字季虛番禺人嘉靖癸卯舉于鄉從遊草堂講學番禺志云由知惠安縣嘉靖戊午倭來攻惠安惠安居民僅九百家倭四倍之黃志晝夜登陴率民死守福建志誓與城存亡有越城者手斬之懸其首於城竿上賊七十餘級黃志賊急以呂公車來攻咸製敵棚三座外施絮被內藏銳弩火鎗射之番禺志賊解圍而去流劫鴨山倭引去已復至咸擊之鴨山窮追逐北明史黃傳咸冒矢石為士卒倡眾寡不敵馬墜泥淖中死之巡按御史樊獻科為文遣官致祭稱其無愧張睢陽顏常山黃志贈泉州同知賜祠廕一子明史肖吾以蔭監倅江南廣德州番禺志時有東莞黃尚正任江西龍泉縣秀州巡檢嘉靖四十年流賊數千掠縣率兵迎戰賊退追之後以兵不繼與僕被執給賊釋僕歸取貨贖潛與縣書

約以兵千人急攻從中應之可盡破也縣兵不至

東莞志

死於難事聞贈太僕寺丞廕其子承忠人監

龍泉民祀焉

志

李堯卿字唐馮別號太華番禺人自幼卓犖負大

志登嘉靖癸卯鄉薦三十五年丙辰授寧德令百

廢具舉惠政大行民甚德之寧舊無寇患頻年以

來倭奴不靖而寧當其衝堯卿乃先事戒嚴聚芻

峙餉修城濬隍練兵飭器堅壁清野亡何倭奴果

擁眾萬餘人寇堯卿提戈披戎衣為士卒先倭知

有備解圍去遂之他郡邑屠城殺人無厭父老德

堯卿相率赴軍門上堯卿勞績軍門檄獎之辛酉

秋以薦晉處州同知倭奴款至擁眾繞城三面而

攻之凡數日堯卿仗劍督戰大小凡數十合城中

力竭兵疲外援不至倭攻圍轉急堯卿度勢亟不

可支遂解印付家童馳省會為必死計城陷堯卿

猶揮劍斬倭頭數十竟死之狀聞贈太僕寺丞蔭

子翁齡為國學生

與大記

陳大有番禺人由南海學嘉靖癸卯舉于鄉其知

仙遊也在嘉靖四十二年時倭繼光已破倭還浙

矣而新倭至陷興化明年二月聞仙遊民驚思遁

大有令之敢繼垣者斬賑窮乏分部伍簡精銳晝

夜巡緝緝死士所賊營相持五十餘日而繼光兵

至敗賊於城下又追敗之王倉坪斬首數百級餘多

墜崖谷死存者奔漳浦繼光分五哨追擊之倭出

海去

福建通志

著有保障錄存城方略傳於世子汝紀

汝維俱庠生

番禺志

謹案嘉靖甲子另有瓊山舉人陳大有合

常山革陋規有善政常山人為立祠嘉靖

壬午又有揭陽舉人陳大有又有雷州掾

吏陳大有為崖州倉大使

林挺春順德人

南海志

字少和一字元育從港

元明遊事親孝藩臬皆旌其門挺春日事親若曾

子可也舉而律我當伏不孝之刑奈何以為嚆矢

隨屏去之以嘉靖癸卯舉人教諭仙遊仙遊故有

田租掌教多侵漁挺春悉散諸生嘗自作邊豆禮

器遷知零陵調南靖南靖兵燹後官寺里屋一空

蒿蘊成林白骨滿野虎豹晝行挺春爰穢掩骼驅

虎豹而遠之倚茅聽政已洪水至城郭蕩析乘桴

露處乃遷于大帽山下邑焉漳經界不正自朱子

已思其然今尤甚富者割倍賦之田無直以啗貧

民貧民利而從之既富日積縣官受其病挺春悉

問富者招流移撫凋瘵南靖大治遷露益州知州

以親老不赴挺春醇謹自筮仕至老未嘗一介取

於人罷官益貧人以是重之

錄

龐尙鵬字少南南海人幼慷慨有大志弱冠入邑庠生輒居首中嘉靖二十五年丙午鄉試粵大嘉靖三十二年癸丑進士明史龐尙鵬傳觀兵部政與尙書聶公豹講心性之學粵大擢監察御史偕給事中羅嘉賓出覈南京浙江軍餉請罪參將戚繼光張四維而盡發胡宗憲失律貪淫及軍興督撫侵軍需狀明時總制胡宗憲懷奸罔上揜敗爲功及監軍鄒懋卿冒破之奸尙鵬與巡撫王本固發其事語侵分宜執政怒幾中奇禍賴上明聖不問志還朝明事竣又執奏如前一時直聲震海內上防倭五事及通變民宜疏慮周識卓時論躋之郭出按河南明強宗撓法首劾其最跋扈者所至貪墨吏望風解綬粵大巡撫蔡汝楠欲會疏進白鹿尙鵬不可明史曰流徙之民載道忍言祥瑞乎故其詩有云曾訝舟山多白鹿俄聞雙兔出淮陽及九重若問豐年瑞願上流民鄭俠圖之句事遂寢尋下外艱服闋催赴河南道管理考察事力爲善類有才望者保全存雷時科臣胡應嘉疏劾郭安陽不法與高新鄭相倚爲奸得罪疏甚力且劾輔臣不報粵大改按浙江明史首按墨吏稱真御史上里甲均平疏百可民苦徭役爲舉行一條鞭法明巡撫劉畿討平礦寇屬尙鵬紀驗釋出幼小者千餘人

歡聲載道粵大按治鄉官呂希周嚴杰茅坤潘仲驂子弟僮奴請奪希周等冠帶詔盡黜爲民尙鵬介直無所倚所至搏擊豪強吏民震懼已督畿輔學政明立學規務先德行重經術次文藝士習丕變穆宗卽位會言臣首陳時政數萬言皆經國大猷上宏獻納以光聖治慎服御以重郊禋廣恤典以勸忠義等疏百可隆慶元年請帝時御便殿延見大臣恤建言得罪者馬從謙等已又申救給事中胡應嘉論大學士郭樸無相臣體明尋還京師侍經筵預修肅皇實錄粵大擢大理右寺丞明年春朝議興九邊屯鹽擢尙鵬右僉都御史與副都御史鄒應龍唐繼祿分理尙鵬轄兩淮長蘆山東三運司兼理畿輔河南山東江北遼東屯務抵昌平劾內侍張恩擅殺人兩淮巡鹽孫以仁贓罪皆獲譴其秋應龍等召還命尙鵬兼理九邊屯務疏列鹽政二十事嵯利大興乃自江北躬歷九邊先後列上屯政便宜江北者四薊鎮者九遼東宜大者各十一寧夏者四甘肅者七奏輒報可尙鵬權既重自負經濟才慷慨任事諸御史督鹽政者以事權見奪欲攻去之明尙鵬巡歷邊疆足跡殆遍經略籌畫必得久安之計與總督王崇古河套搗勦功大奇執政忌之遂不得敘粵大河東巡鹽部

永春劾尚鵬行事乖違吏部尚書楊博議留之史明
 少輔高拱不悅粵大會中官惡博激帝怒譙讓罷
 博而落尚鵬職史明九卿科道會疏留之不報粵大
 次屯鹽都御史官時三年十二月也明年復坐按
 浙時驗進宮幣不中程斥為民神宗立御史計坤
 亨等交薦保定巡撫宋纁亦白其無罪萬曆四年
 冬始以故官撫福建奏蠲逋餉銀史明五十餘萬粵大
 記推行一條鞭法劾罷總兵官胡守仁屬吏咸奉
 職張居正奪情重譴言者尚鵬移書救居正深銜
 之駒年會拜左副都御史居正令吏科陳三謨以
 給由歲月有誤劾之遂罷去史明回籍聽用抵家二
 日丁母艱粵大家居四年卒史明年五十有八遣官
 諭祭志閩人為之罷市與般從儉並祀西湖上歲
 時伏臘尚呼為龐公福建通志浙江福建暨其鄉
 廣東皆以徭輕故德尚鵬立祠史明所著有百可
 亭稿十六卷奏議十卷其般鑿錄行邊漫紀仲弟
 尚鴻彙次為評斷疏進之志天啟中賜諡惠敏史明
 弟尚鴻字少襄遇事剛決饒經濟才由廣寧學超
 貢入都上書政府名動京師復上安邊飛車飛舟
 般鑿錄諸疏悉得旨下部授鹽城司訓立學規式
 多士皆先正格言尋擢英山令首詳九弊十害行
 之是時河決為陵寢思撰治河三策河道移文令

穀縣事協理河運巡撫與巡河議不合移怒請西
 安諭轉上海尉復奉濬吳松江遷崑山丞疏論輔
 臣溺職留中不報遂掛冠歸兩修南番邑乘粵南志
 李鳳字鳴岡其先大庾人至父賢始屬籍番禺生
 三子長鸞字鳴漢登嘉靖二十年辛丑進士歷戶
 部郎中次鸞鳳其季也少從鸞學終身執弟子禮
 二十五年丙午舉于鄉三十二年癸丑登進士知
 蕭山縣鋤豪強薄刑罰更新學校振起士風嚴溺
 女之禁公均輸之法士民咸孚頌聲載道調繁知
 餘姚甫下車茂著倭功政令赫奕入為大理評事
 品騰庶獄以不寃稱滿考績最遷登州府知府地
 湖海饒於魚鹽歲羨數千鳳一切磨却之日理民
 事尋考績陞貴州兵憲伸威振紀邊圉肅然爰陞
 西粵藩參恪守官常整戢糧務尋陟七閩總憲八
 桂右轄所至一以清介自持不索民間寸香片蠶
 其所行惟求合乎道不求合乎世世之權貴人從
 而媒孽之喉科臣論其老罷歸澹如也官居二品
 產業不足餬口訓家甚嚴僕從衣服稍麗必痛責
 不貸粵大兄子良柱有異姿鳳嚴誨之成萬曆甲
 戌進士為廣西參議先卒子二長良植次良楫俱
 庠生霍尚守

謹案另有一李鳳饒平人見粵大記

戴朝恩字東江南海人嘉靖中丙午鄉薦知尤溪
 初至官會山寇竊發朝恩嚴防守增城堞練士卒
 銳戈矛貯矢石凡火炬藥箭銃砲之類無不畢備
 次年秋叛兵連結山賊七千有奇突至薄城而攻
 朝恩召鄉兵獵戶分布四門自督防守三十餘日
 寇潰圍去以母喪解官歸福建通志

廣東通志卷二百八十終

廣東通志卷二百八十一

列傳十四 廣州十四

黃衮 子葵說

胡庭蘭

羅一道

楊佐 子瑞雲

梁士楚

父學

張大猷

陳萬言

翟守讓 子繩祖

章憲文

劉介齡

余光裕

袁昌祚

陳克侯

梁楠 弟桐

鍾繼英

李以龍 弟以麟 麟子之世

柯繩武

尹瑾

顧輝

葉雷雨 翟子奇 葉清霖黃茂光

鍾昌

梁煌哲

李韓

金詔 子節

陳絢

張隨

袁以芳

張守讓 兄守讓

霍鎮東

李浩

鄧師孟

黃觀英

袁應文

子崇友 以上明

明

黃衮字朝儀增城人性孝友父蘭諸生既食餼當
 貢為學使所絀忿成病衮侍奉惟謹適叔荏卒父
 命衮為叔後衮以親在辭族人因謀逐荏妻梁而

奪其產訟于官梁誓不改節以衣為依衣不獲已乃入繼惕然曰修省工夫當自此始事所生所後父母如一子夢說歷官辰州府判以所入俸致饋衣泣薦於家廟置祭田焉又出穀數百石一以奉母梁氏祀一以備耐祭一以賙族黨之貧者年八十卒粵大夢說字肖甫嘉靖己酉鄉薦授知邵武縣適士寇竊發繕治城垣募士兵又立寨團鄉兵守之而嚴保甲之法賊平美政具舉遷辰州府判辰介黔楚苗人弗靖夢說單騎入溪崗召其酋諭以禍福利害皆俯伏效順外艱歸三年要經未嘗去身不復有用世意思人張度為名冢宰失祀乃即其故居祠之人高其義年九十二卒有拾餘稿行世增城志

胡庭蘭字伯賢祖暉增城志領成化甲午鄉薦尹甌寧多善政督學宗臣為撰德政碑庭蘭少負雋才久淹芹泮及嘉靖己酉鄉試中榜元連登進士任南民部主事有能聲尋擢揚州稅浮於額凡羨悉籍報之陞署陝西司郎中時東南多警務足餉運時有脫巾之呼庚辰夏督學閩中閱數多才而俗多鑽刺一切謝絕之倭夷人寇守當東門領兵登陣寇焚城風從之率眾焚香祝天風旋西轉寇多被燔者各鄉民望城而奔守者拒弗納庭蘭曰

皆吾赤子也忍驅之鋒鏑乎開門入之寇既退行部及莆寇又猝至庭蘭決策殲勁倭於峯頭灣時稱奇功然竟以骭體取忌調僉於滇至則諸夷跳梁院檄監易門軍計擒溫天王李向陽于鴨母谷又擒木址賊首方廷美嶠峨賊首趙大經新化賊首楊弦子等所向皆有大功二臺立石碧雞以紀其功然謗書盈篋矣乃拂袖歸作雁塔以壯風氣詳游今崇德記中粵大

羅一道字貫卿東莞人博綜子史質任自然嘉靖己酉庚戌連捷進士廷對語多切直有曰君德莫大於敬天而禱賽非敬天之實君道莫先於勤民而祈求非勤民之實也大學士徐階奇之擬首唱同列以為嫌抑實二甲授刑部主事時嚴嵩當國于世蕃持權納賄嘗稱一道才或勸其少致饋可改美秩一道謝曰升沉命也儒者當難進易退烏有贖貨以干進耶世蕃銜之十餘年不得調嵩罷稍遷至郎中粵大錦衣校尉郭從科怙勢殺人冢宰司寇密屬為地且致千金執不可卒實之法卹刑兩浙有朝貴誣民為盜一道廉得其情立釋之東莞志歷福建按察副使湖廣參政提督湖川貴三省糧儲故事輸餉者必以餘銀加緡上謂之滴珠一道首革之忤當道解組歸屢薦不起粵大拓林

戊兵變近郊民走避城中城已閉一道言於邑令
開城納之所全萬計督學余立一道壬戌分校所
得士未嘗以一刺通子歲試置下等已而躋優等
一道移書切責謂不宜有所私其方嚴如此年八
十四卒所著有郵刑疏稿鍾山集東莞志一粵大
記以為中山存

稿一道號
中山云

楊佐字相夫號少槐南海人弱冠爲博士弟子員
檢身績學爲歐陽石岡諸公所重九試場屋不合
嘉靖己酉貢于南宮業于太學值北有警以司業
趙兼僉都御史講武事佐入侍經幄出參戎幕趙
司業亟稱之待選於家從甘泉講心性之學卓然
自得戊午謁選爲思恩府經歷時有土目章帥者
弑其主攝府事黨同知畏不敢問以印付佐佐慨
然任之集該司舊日出故巡檢幼子以大義感動
之衆皆掩泣請效力乃帥衆逐章帥帥走田州死
焉按臺陳我渡檄褒之使攝上思州及宣化縣事
咸登於理薦陞興安知縣恭勤廉惠停逋負之征
正豪強武斷之罪吏畏而民懷之陞岷府審理至
任踰月而卒李三洲誌其墓稱其廉足勵俗惠足
濟衆勇足禦武智足解紛而正足格物爲應世之
具云子瑞雲登萬曆甲戌科進士居官所至有聲

粵大
記

梁士楚字思立番禺人父學字壯行號雪橋學少
穎悟而純篤從陳元誠遊私淑於魏莊渠之教弱
冠就試督學歐陽石岡奇其文首選爲邑弟子員
清嚴自律動必由禮盛暑不扇亦未嘗岸幘座右
置周程所著書及近思錄繹其旨趣灑然自得借
同鄉陳恒所謝虛白齋館二十餘年無一言戲謔
王母壽百齡二親皆八袞孝敬色養庭闈肅然累
入棘闈弗利築室扁曰靜虛取有主則虛無欲故
靜之義於黃灣構亭架橋橋成大雪時至因號雪
橋與隱君七人爲泉石交人目爲八仙友其存心
正學以邊欲崇理爲要以躬行實踐爲的士多宗
焉粵大士楚夙負壯猷嘉靖三十一年壬子舉於
鄉授麗水教諭番禺志遷知詔安縣與同邑陳大有
林咸李堯卿先後俱令於閩時倭寇方張詔安界
閩廣易被寇土賊吳平等繼孽其間孤城備寡民
無恃遇賊輒逃士楚至大興武備合四關四都民
練之得兵萬二千餘會咸與堯卿先後以禦倭寇
敗沒四面城鎮俱陷詔安愈危雪橋聞之募敢死
士星馳往且以書激士楚賦完節詩以壯之士楚
益感厲守禦益固屢以計擒賊後賊大合黨攻詔
安楚親出擊卻之獲賊五百餘度其復至設伏以
待明日果至大敗之會雪橋卒士楚以憂解任服

閱補福建練兵僉事轉巡視海道福建通志陞貴州參

議分守思仁帶管川東湖北樵苗道時諸苗互煽

士楚解而攜之遠近歸服土田樂利遂成樂土因

條便宜十餘事請于巡撫行之而思者不悅也未

幾調簡歸士楚有武畧好謀而斷居官忠慎泣下

以寬士楚卒祀名宦所著有木灣集沿海要害圖

說行世番禺志

張大猷番禺人補志云字元敬順德李溪隴人負

才名嘉靖壬子解首丙辰進士工部主事治徐州

河有功後謫判外郡復疏漕河利病甚悉嘗謂文

大成於司馬廢於班而壞於韓遂作文章委源三

篇何鐘序而傳之終雲南督學僉事論者謂順德

歐大任性恭謹少忤於世番禺李時行任氣大猷

使酒恢諧故卒不致位通顯云郭志

陳萬言字道襄別號海山南海人自幼岐嶷年十

一以奇童為邑庠弟子垂二十年領嘉靖壬子鄉

薦丙辰成進士授池州府推官鋤奸剔蠹池民頌

之滿三年召拜監察御史巡中城時同年御史鄒

應龍劾首相于世蕃眾懼不測萬言往訊之相與

鼓琴終日已巡長蘆清釐積弊巡閩中倭寇警急

行視列郡嚴檄戚將軍繼光為防禦計民賴以安

再巡川蜀卽邊羌入貢溢常例者三百餘人萬言

以朝廷威德諭之俾遵舊約風紀丕振其巡撫閩

蜀也皆典試事得名士最多遷江西副使視學事

二載餘忽報母病卽跪辭歸久之母卒得親殮殯

服闋以御史疏薦謁部補大名兵備副使改永平

轉江西右參政為思者所搆摭乃致政歸結社浮

印優游林泉者十餘年而卒生平慷慨大度不為

小廉曲謹所踐履亦不齟齬於繩矩之內卒年七

十有五子鳴陽鳴岳鳴燕皆庠生粵大記

翟守謙字時益東莞人宋都魁龔之後幼警敏下

唯憤志嘉靖三十一年壬子以春秋舉高等己未

就署邵陽論事規啓聖賢官三祠佐以月俸莫侍

御抑張學使天復校湖南列第一檄領濂溪書院

事尋檄著邑志四十年辛酉典閩文衡稱得士未

幾丁憂補諭博野以品藻蜚聲尋陞保定令邑苦

邊馬輸累至則丞請減常數之二以便民俄以註

誤調貴縣浹辰丁父憂隆慶四年庚午起補臨桂

縣居會省之衝使者絡繹於道而府江古田洛容

懷遠師徒繁興靖府宗人又恣睢于紀適有國故

會葬冊封諸費守謙悉為區畫所注措咸中肯綮

里魁健漁獵為奸亟裁罷之摘其翼虎雷震起輩

抵於法又劾疑獄均丈田却諸羨錢千餘金悉歸

公橐間出行部妻子餽粥不繼時服其廉介萬歷

再巡川蜀卽邊羌入貢溢常例者三百餘人萬言

元年癸酉人棘閣得徐生尙實等八人均有才名
乙亥晉贛州郡俸管橋稅入盡歸公帑黃鄉郡會
執郡里官數請往討江中丞壯之以疾乞骸骨不
果卒於任歷官十五六載家無一畝可謂清白吏
矣子繩祖有經世志嘗詣闕上書皆人所不能言
者粵大

章憲文字純顯順德人少領嘉靖三十一年壬子
鄉薦初工詞賦後乃研精理學教諭泰和以內艱
歸補龍川擢國子助教著居敬正義訓諸生爲有
用之學旋遇外艱服闋補馬湖同知其地民苗雜
居憲文與學勸耕練兵防阻以方直忤當事調黑
鹽提舉擢靖府長史致仕後著學測一書闡明理
學之要府志

劉介齡字少修別號鶴臺其先金陵人始祖雲甫
生壽菴元末仕爲廣州路教授卜宅州城遂爲南
海人高祖鉞以來歷世隱德至父穗波甘貧矢誨
介齡十歲從其塾師習讀稍長能自操觚爲博士
家言應有司試爲諸生嘉靖乙卯中鄉試己未成
進士授長興令邑多豪強耿介不少假借訟日省
而逋負早完直指才之檄兼理諸郡縣所至風裁
凜然而青蠅亦止於棘矣尋應內召遷大理評事
再調望江知縣值母喪歸誘益叢起出爲新州判

官轉承天署部事庭無留獄時獄多疫則爲代備
贖緩出百餘人咸頌其德擢福寧州其地瀕海多
寇倭衆出沒來薄州城乃開門盡入外郭之民徐
乃堅壁拒戰賊潛遁去自捐俸薪營諸寨堡民恃
有備陞蘇州郡丞蘇大郡也民饒賦重織造之費
歲數十萬諸當事者索例繁多介齡一切汰之衆
皆側目因與其守相忤遂調台州歲餘以前憾遷
荊州府長史乃歸栖林下卜池亭於浮邱之右灌
園賦詩浩然自得所爲詩文自成一家誠令勿梓
今散見於浮邱社集風風可誦也子孔集端復會
省孟淑皆能繼其志者粵大

余光裕字武可號江石順德人性孝友讀書經目
成誦年十四補香山邑庠屢試輒冠諸生授嘉靖
乙卯鄉魁從遊甘泉然契體認天理之旨甘泉作
三傑歌贈之屢困公車就懷寧教諭正己率物以
養貞操明義利究性命戒怠荒爲教之要又擇士
之秀者作文會給供需因材造就士多丕變督學
耿楚侗雅敬重之期以大受徵典廣右文衡所錄
多奇士四十四年乙丑擢湖廣桃源令丁外艱服
闋補博白復丁內艱未任隆慶六年改令廣西柳
城下車革常例卻餽遺秋毫無染柳俗昏不親迎
喪不輟樂又多火堊悉嚴禁之清查隱占均平差

役羸子大蘇豪右屏跡獲民負險為亂中丞視師容柳間光裕慨然身任之擒巨奸數百撫降者以千計中丞上其功欽賜白金文綺萬歷二十三年遷蒙化府通判政尚寬簡蠲租稅之逋負者數萬緡尋欲告休父老子弟上書願留福星未幾陞荆府左長史行李蕭然圖書數卷而已既抵荆藩多輔導之功上書言慎威儀戒嗜欲等八事王敬重之尋致仕歸年七十六而卒順德志云卒于任並輔橫忠是導民望國華人龍天寶備奪生平言行于鑑不遺一老顯此迅騰誰為効草篤信操持清白弟光舍兩登乙榜有詩名子祖頤萬歷乙酉舉人上

袁昌祚原名字茂文東莞人人生而機警過目成誦有奇童稱為文雅健操筆立就弱冠舉嘉靖三十四年乙卯鄉試第一己未會試擬元以五策逾格落第一時傳誦其文隆慶五年辛未成進士知左州立義塾人始知學調夷陵東莞志王世貞雅重之與大學士徐階書曰近見後進惟夷陵州守袁昌祚為文雅健且其人長者無援引地會修楚志屬為總裁志遷戶部員外郎擢廣西提學僉事轉四川參議時修乾清坤寧宮督材山中役辦而民不擾蜀人德之以夏歸起補廣西不赴優游巖壑三十年七十九卒昌祚和易而介未嘗干郡邑以私

嗜書老而彌篤與郭棐同修廣東省志郡邑行鄉飲禮延為上賓辭曰不肖生平無他長惟斷斷不願者四曰生不願賓鄉飲死不願祀鄉賢進不願歛權門退不願病鄉里若此而已所著有樂律考莞沙文集東莞志

陳克侯字士鶴順德人七歲就外傳日誦萬言嘉靖戊午舉于鄉署閩縣教諭擢令永福志以廉介稱積胥為民害者以次摘發邑城低隘拓而增之福建通志歲祿務賑恤境內賴之遷知永寧州補騰越州境內多礦官每染指久或藪盜克侯至即申嚴禁會地震下令救一人予三金活百餘人州徼去緬僅百餘里奸人岳鳳亡命教誘為邊患克侯以計擒之緬人擁象馬江境上猝無兵備羣擬閉門守克侯曰若閉城城外赤子皆殲矣因張幟為疑兵開門納民緬不敢逼高國春木元端起徒步為萬戶侯感克侯恩以千金壽正色卻之騰越兼治土苗例以五百金贖畏克侯廉不敢進遷大理郡丞仍管州事從民願也所部以行能薦者三在事拜御賞者二無何以上官訐怨波累免歸尋復官致仕家居二十年卒志梁柟番禺蕭岡人字挺豫按蕭岡堡在南番二縣界今入花縣性孝友嘉靖三十七年戊午鄉薦授合州學正入為國

子監丞歷戶曹主事郎中暨鳳陽糧儲出守貴州都勻府撫字旌節除巨猾遠人以安屢有璽書金帛之賜乞骸骨歸鳳陽及都勻人尸祝之並祀南京國子名宦祠柁弟桐號鳳岡亦博雅遭父喪兄弟哀毀母病桐欲割股柁持之杜門潛心性理之學方伯胡心得學士趙志臯嘗顏其廬曰崇德曰百順著有續近思錄徐國公奉綸典徵為留守司教竟辭不就鄒元標傳有紛華不入道德獨完之語云

梁氏家乘

鍾繼英字樂華別號心瞿先世有迪功郎諱亮者始家東莞茶園閩十七世至繼英父本成生八子繼英其季也生而穎秀年十五失怙母劉督教之勵志嗜學同宗藩參雲瑞甚奇之粵大記弱冠補郡庠弟子員讀書羊城陳履撰傳同郡僉憲趙勳見其文驚嘆曰曠世才也遣二子締文訂交以資麗澤郡守謝彬試諸生居最於是名籍起粵大記嘉靖三十七年戊午以詩魁於鄉乙丑成進士選讀中秘書隆慶元年改河南道粵大記雲南道監察御史遂殺然以天下為己任時穆宗登極初御經筵首上疏乞日進講章以裨聖學陳履撰傳又論採石給事呈時論題之粵大記巡視北城獨持風裁無所阿徇故相江陵嘗以私憾欲甘心一武弁與太學生者以意授

之曰有是哉殺人媚人吾不為也用是忤江陵是冬奉命巡陞長蘆比按部所至理枉伸冤多所昭雪中丞龐尙鵬以西臺獨稱之適穆宗集宦者于人演武大內名曰內操繼英慨然曰內廷非肆武地且閣人之職止于掃除今令習弄凶器將焉用之遂上疏請端習尙以肅官禁語極剴切親識多為之危曰吾官以言為職知盡言而已他何知焉已而疏竟留中而內操事亦罷陳履撰傳尋又疏請推廣聖心隆繼述以成大孝齎數百言大畧以護乞恩宥言官宏聖量以廣忠益乞優禮大臣崇國體以繫輿情先後諸疏不一而足粵大記巡陞事竣念母劉春秋高以疾請告園便歸省會有督學南畿之命疏上不報乃奉璽書疾馳過家壽母而後就道南畿故稱才藪督學使者鮮克當士心既至秉誠盡慎冀羅真才藻鑑精確行部所至必令有司察貧士厚恤之陳履撰傳諸生吳夢熊宜興名士也校藝嘗實諸首比邑歲祲惡少羣起剽掠吳有庄僕因被掠格賊殺之惡黨起訟詞連於吳當事者不之察竟文致大辟繼英曰吳生文行並優非殺人者廉其寃而出之吳益奮勵力學後領丙子鄉薦連捷春官皆繼英所玉成也粵大記庚午冬以疾

請疏再上得予告歸癸酉神宗嗣位慈命趨裝還朝復補御史侍經筵嘗被綺幣之賜尋上疏乞推廣聖心及時圖治以培基業陳履疏內言多隱諷上覽奏有旨詰問諸縉紳皆危之繼英隨以疏陳說上意頓解粵大是歲丁母憂聞訃奔歸萬厯丙子服闋起補河南道上疏條議考察事宜皆切中肯綮部院選之九月遷廣西提學副使於時主行新法裁汰諸生嚴選貢士一時督學使者競為操切以迎合之獨持正不回於是當道諷銓部創為品第督學之例置繼英于殿英日易稱君子見幾而作不俟終日事幾若此其容一朝居于即日投牒撫按不待報遽解組歸陳履已而西粵撫按會題乞准病銓錄用疏上銓部不為題覆粵大壬午冬詣閩候調明年四月補授湖廣按察副使將入楚受事病作不果行抵家養病十年深居簡出嘗著式穀備遺一書以訓諸子皆道德倫理之言可以垂世者子六人鳴虞鳴夏鳴商鳴周鳴魯鳴齊皆邑庠生陳履

李以龍字伯潛號見所新會人性至孝領嘉靖戊午鄉薦眷戀慈闈絕跡公車與弟以麟潛心理學嘗讀陳白沙詩文豁然有省因博求理學家言得薛敬齋讀書錄遂合諸賢語錄手自編次曰省心

錄以時觀察其學以居敬主靜為本年九十一卒所著有寒窓感寓集又有進學書師說行世崇祀鄉賢弟以麟字應叔號滄澗為邑諸生慕白沙之學署其軒曰敬存手編宋儒格言研講不輟尤工書善畫為世所重閩州以麟子之世字長度號鶴汀少有逸才亦工詩善書間作雲林山水皆清絕可愛少保朱燮元時為督學名人倫鑒所拔士皆至卿相見其文曰霍湛而後為嶺南生色者非子而誰萬厯丙午舉於鄉數奇不第嘗與番禺韓上桂道淮淮督尙書李三才號聲氣領袖兩人投刺謁之李未及見遺以數練兩人留使者坐立裁報章頃刻千言駢麗典則章入李亟延見贈三百緡日幾失名士晚年始就瓊山教諭遷池州府推官未幾移疾罷歸鶴汀所著有龜山副藏刺水山房稿息廬詠小草北游草南歸草家園草水竹洞稿朱崖集行世會新

柯繩武字允卿東莞人南海衛指揮僉事勇略善戰歷連山瓊峴諸衛屢著奇功擢嶺南頭中哨遊擊隆慶戊辰從參將魏宗翰征海寇曾一本翰統戰艦泊雷州港連環為陣武與指揮李茂才力陳不可翰剛愎不聽卒被火攻茂才戰死賊乘勝突向會省時我兵新敗諸將倉皇畏縮武獨率所部

拒之賊眾我寡奮勇邀擊歿於陣事聞賜進秩二

階廣州府志

尹瑾字崑潤東莞人嘉靖甲子鄉薦隆慶五年辛

未進士授福建漳州府推官誅劇盜鍾乾華等號

二十八將聲譽大振福建通志權工部給事中轉兵科

劾尙書王崇古晉吏科都給事中申救同官郭惟

賢風節矯矯疏陳海防八議全粵賴之尋晉南太

僕少卿工詩有集行世蘇州志

顧輝東莞人嘉靖中爲夏陽巡檢未旬月流寇掠

境輝統民兵禦之殺獲甚眾以兵少無援死之邑

建義勇祠與勇士陳珪陳鐸合祀焉福建通志

葉霑兩龍門食餼生員重信義有武畧時山寇剽

掠霑兩散財募勇士以相保聚嘉靖間分巡使者

檄捕反寇文朝至而夕獻俘後奉府檄滅黃孫崗

寇赴博羅縣召斬賊首亞公總平之辛酉江源賊

圍城急知縣劉潛以蠟書召霑兩賊聞之解圍去

霑兩追至鐵岡斬賊數百破其二砦奪回伴掠隨

同副將翟子奇奮勇搗巢遇伏皆死之訃聞野哭

巷帛上官令立祠於演武亭左歲祭之子奇配焉

其後兄霑霖剿大寇鄧廷鳳黎永元亦死于戰又

有黃茂光者鐵岡人隆慶辛未水源賊流劫茂光

率鄉勇三戰三捷殲賊首劉四德後爲賊所襲沒

於陣縣旌其廬蘇州志

鍾昌字繼文東莞人母夢星入懷而昌生隆慶元

年丁卯鄉薦辛未進士授廣西陽朔知縣縣雜處

徭獠間有北獠者尤悍甚租賦久不登昌下車卽

單騎按部諭以惟正之義令得以稻代銀爲寬其

斛量獠皆歡舞歲額頓盈先是田被夷侵遺稅在

民間左苦賠累輒徙去傍縣自昌之至則壤成賦

戶無虛稅流冗復業昌又選獠獠中少俊加以衣

履去其耳圍花繡徒跣之陋延塾師教導之一年

間均能誦讀拜謁夷俗大變量移浙之義烏陽朔

縣民赴闕乞留詔還任權戶部主事權稅臨清監

倉臨淮督課崇文門遂由郎中出知湖廣常德府

丁父憂起補河南彰德庫故有二法馬以昂者入

平者出昌毀其昂者徵給惟一東莞志遷福建鹽運

使簡樸恬靜公暇每臨池賦詩視羨金贖鍰若將

浼焉至于疏鹽法祛鹽蠹雖貴勢不爲奪福建通志轉

山東右參政嘗監泰山香稅攝司事籍羨餘數千

緡歸公帑尋遷雲南按察使陞布政使以病乞休

詔加大僕卿致仕年七十卒于家所著有碧松館

詩集昌居官三十年用法平恕未嘗妄笞一人四

司稅務一任蠲政皆處脂膏能以水蘗自砥東莞志

梁煌哲別號生洲東莞人其所爲孝率本中庸無

有奇詭絕人之行惟母病刲股稍為人所難而哲以為親之遺體固後于親者也親疾苟瘳夫亦何所愛焉性之所至身斯至之而已矣哲嘗患背癰痛楚垂死謂其弟曰吾行矣人死固如是子吾左足大趾初一點寒如冰雪漸漸延及五趾由下而上至脛膝右足亦然乃指其臍曰寒至此中氣當絕矣其弟曰古人言死生之際正宜用力哲閉目須臾乃日無可用力但念老母在堂情不能割中心如焚不覺火從臍起臍中之熱直驅兩足之寒其母趨至哲遂力疾起曰兒無恙寒氣退盡兩足仍溫矣已而病如脫癭亦旋愈噫此乃哲性之所至也不忍舍其親以死斯不死矣股可刲也癰可生也其斯以為孝子之孝也哲大母沒水漿不入於口杖乃能行父歿亦如之母歿哀慟過傷里人為罷春未幾卒

東莞周志

李韓字鄂先番禺人有至性生母以廢疾去韓泣請于父歸之事二母如一隆慶丁卯登賢書授太倉州學正晉南寧府推官疑獄立剖僉願得李使君質成至此於張釋之尤善處人骨肉間民益感悟遷判寧國府嘗行府事兼攝所轄諸縣事條議悉中轉知全州調停均節民皆稱便以艱去服闋補歸州擢臨安府同知專職銀場為利藪韓大懲

侵漁釐革乾沒弊竇悉清南詔荒遠等威馭馳撫滇者議輯經制以肅之其裁定悉委韓旋以監軍征巨寇平之縣其地叙功應賞資新化有積寇執州官據險以叛韓督僮氏軍討之一鼓擒獲論功入覲歸在道除知武定府原土改流田分公私而水利不入民韓疏通均平郡人賴焉尋卒

番禺志

金詔字廷言其先廬陵人從叔貴以水軍千戶調衛廣州占籍南海少聰敏精楷法初業儒後以武胄補幕府參隨靜峯張公時總制二廣大征田州及黎賊兩遣調兵於思恩忠州盡卻常例督兵所過秋毫無犯制府奇之年七十八往觀金陵形勝跨大孤匡廬以泛鄱陽抵南都鶴髮飄蕭都人士以為仙僉問長生訣詔曰修短本造物得來清心寡欲似亦有助借居倪文毅花園密書其別室曰謹言語防物議其自持若此以子節貴封戶部員外郎年八十卒次子簡庠生有文名

粵大節字持

甫隆慶庚午魁鄉薦萬曆丁丑成進士授官中秘秩滿改南京戶部員外晉郎中出守臨安與同知李韓督剿巨寇普應春官等捷聞賜金幣旋擢憲副備兵金騰會緝賊阿瓦犯邊親歷三司布揚威令賊平以憂去起補閩臬分部漳南時倭寇氛孔亟節調度兵食保障山海以河稅充餉中使不能

奪制豪猾訟息民安民感其德立祠祀之未幾
以廣西參政罷還卒于家著有金鳴集吳粵草仕
學庸言行於世南海志

陳絢字衷素東莞人應辰十三世孫自少敦篤性
峭直不能容人過弱冠補邑庠生偕友人盧堯典
袁應文周之翰輩讀書于道家山德業相勸過失
相規邑中子弟相率師事之絢誨之曰善學者因
文見道不善學者離道求文欺慳之幾毫釐千里
於是為紀善紀過簿以自考朋來日眾隆慶四年
庚午中鄉試第五名兩赴南宮弗售生平不私于
有司然時有利病民有冤抑挺然入告必得白而
後已慕鄉先達張鵬之賢立傳以表之又做范文
正贍族之舉年四十而卒其志以一介不取為行
以安時守道為賢云粵大記張鵬字子用一字伯翔
東莞人精於易學嚴于義利弱冠為里塾師生徒
多敬信之中正德八年癸酉科鄉試任鄞縣學訓
導東莞志平易恬靜以正學誨諸生凡束修節餽
皆力辭不受諸生貧者力資助之士論目為古人
陞知蕪湖縣事調福建歸化所至有惠政民懷之
肖像祀焉同上同邑嘉靖乙卯舉人袁以芳字景標
亦以古人自期動不踰禮與陳絢並重鄉評後應
西粵修志之聘卒於南寧人惜之郭志

張守讓字懋功南海人少穎異弱冠與兄守謙隆
慶庚午同舉於鄉選福建永安令革陋規創書院
復建雁塔橋梁施藥局前令有兇犯林正興手刃
二人而逃五載不獲讓方視事忽有異葉墜庭蟲
蝕成文似書十九日夢溪獲數字讓袖而識之發
健卒往夢溪果獲以歸磔於市聞邑稱神邑偶當
虎患讓為文禱之詰旦虎避去單騎勸農中途羣
鴉繞輿而鳴讓疑其冤遣人跡之得遺骸山側密
訪其行兇者一訊立服秩滿擢大理評事歷寺正
平反甚眾出守鎮遠治無城郭居民輻輳歲多回
祿讓蒞任未幾一夜火大作延及衙署讓引罪自
責俄而風返火滅由是設立救火法改築火神廟
患遂絕有兩巫同往鄉落其一被殺讓設法緝同
行之巫庭鞠時有異蛇懸伏其首若聽讞狀讓發
其奸蛇為點頭又念郡俯大江民多病涉捐俸造
橋以利水道晉本省思仁副使以憂去服闋金補志
任貴州貴寧道時苗患孔棘兩臺會題征剿監軍
使者以疾告撫臺及各司道謀所以代之者讓毅
然請行條陳七款深得其要因榜示禍福諸苗爭
來降撫剿並行竟以勞瘁不起天啓三年撫按上
其功有材長戡亂志篤捐軀之語蓋實錄也貴州志
奉旨酌卹讓性至孝母諱日掩面沾襟居官實心

寶政鎮遠永安俱祀名宦

志全

霍鎮東字彥蕃南海人六歲失恃事繼母以孝聞
舉隆慶庚午第一辛未進士授刑部主事執法不
阿清慎勤勞受知於大司寇嚴清清滇人性故廉
介少許可獨器鎮東辛巳當恤刑首以東往浙事
竣權雲南副使備兵曲靖皆清薦也東在浙時平
反囚獄四百餘人蒞曲靖恩威並著緬寇孔亟撫
滇者欲調尋甸兵東言尋方新附調之恐生他變
力持不可未幾以父喪罷復除湖廣分部岳州江
防有行客被殺漂尸至君山寺鞠獄者槩坐無辜
東廉得其寃具狀白撫臺李某冀得釋而李已主
先入與東忤東度不可解遂題詩岳陽樓棄官歸
後李亦覺悟與藩臬遣使追留則東已飄然度關
矣自是屏跡林泉率意吟咏年七十二卒子見大
萬歷乙酉汝元萬歷甲午皆舉於鄉姪應陽為邑
庠生尤慷慨好義以理學教迪生徒所得館穀嘗
周急救喪傾囊相助創建文昌閣於大岸至今存
焉志全

李浩花縣人生而父歿其母劉以節孝聞浩事之
孝謹及長教授以供菽水年三十貧不能娶里人
歐陽光慕其行以女妻之未幾浩卒妻守貞事姑
曲盡婦道隆慶五年御史楊標列狀以聞詔旌曰

節孝之門

上同

鄧師孟新安人隆慶時父被海寇掠執師孟詣賊
舟懇以身代寇釋父將別曰有諸弟勿念兒也遂
沉海死大清一統志

大清

黃觀英番禺人以賣菜為生事母至孝四十不娶
人勸之曰不欲分母食也每晨出鬻菜必具溫湯
及食時不能先爨則在市肆具精飯雜以魚肉奉
母而後自食或果蔬之屬必擇美者進其母率以
為常比母卒營殯之始娶妻舉一子尚書湛若水
恒給之粟有司表其廬萬歷初卒布政鄒善墓之
北郭樹碑焉郭志

郭志

袁應文字仲奎一字聚霞東莞人萬歷元年癸酉
鄉薦授福建沙縣知縣下車進父老於庭詢所疾
苦條上擇而行之民有十頌又計擒臺溪盜福建通志
以治最擢御史出為貴州僉事備兵曲靖峒會楊
乘龍縱所部剽掠道路苦之應文密設方畧檄致
乘龍土司與緬甸構難以入寇告巡撫議興師討
之應文曰夷人相攻彼請張以致我師非實也軍
興日費千金甚爾滇安所倚辦已偵緬果無一騎
犯邊後巡撫陳某至復欲逞志於緬慮應文異已
為蜚語中之冢宰孫丕揚雅重應文得量移廣西
遷雲南副使備兵臨安官軍討楊應龍移備都勻

督播餉繼討皮林苗應文監其軍賊平叙先後功
晉秩一等先在滇時已加秩至是由參政晉臬使
食二品俸備兵辰沅應文在黔久凡夷苗洞穴出
沒處所皆洞悉有不用命輒擒而尸之羣蠻震懾
境內肅然致政歸年八十二卒東莞志于崇友字伯
益萬曆十九年辛卯鄉薦二十三年乙未進士有
朝貴重其十名欲召致門下許以館選崇友曰豈
有呈身庶常耶卒不往授福建南安知縣獄獄片
言立決持法方嚴不避權要邑多逋賦猾胥攬戶
相匿爲蠶半蔓不可致詰崇友嚴絕其弊課盈而
民不擾嘉禾倉輸餉負運涉海病民而無益於軍
前令唐愛申罷之有欲議復者崇友力條其害乃
止中使權稅諸道崇友議南安壤地磽窄市肆涼
薄無可稅中使突入縣崇友適出民恐其歸見辱
羣出拜迎中使稍懼然終不釋憾會藩司觀風過
邑不能曲意阿承因引疾解印綬父老子弟遮道
伏轅不能行郡守趙子偁親臨慰留尋調望江南
安民祠於縣崇友賦性廉介疎入外一無所取每
資用不繼皆仰給於應文應笑曰兒爲清欲處乃
翁以濁耶秩滿擢南京戶部主事授南昌知府不
赴乞終養里居以直諒稱凡吏治得失民生利病
知無不言官嶺南者多咨焉天啓改元起尙寶司

丞起駕至潛山託疾而返侍養二十年孝友純篤
卒之前數日沐浴出就邑館與知交相對而逝囊
無餘貲有負券在人遺命以所居館償焉縣令李
模爲經紀其喪臨哭甚哀行道莫不流涕著有讀
老二十四章讀書十五則及春草堂文集若干卷

福建名宦志

廣東通志卷二百八十一終

廣東通志卷二百八十二

列傳十五 廣州十五

林承芳

王學會

姚文寬

文粹 文祥

光虞

盧龍雲

崔振臬

林志孟

黃應明

謝祝

尹守衡

弟守禮

劉景辰

何熊祥

慮崇勳

曾受益

郭尙敬

尹遂所

子體震

霍騰蛟

鄭士熙

馮奕垣

陳鼎

鄧雲霄

羅應許

關驥

吳綱

梁斗輝

陳錫爵

何功右

歐陽暉

潘禹謨

郭尙賓

黃儒炳

李待問

孝問 性問

敬問

毛可珍

以上

明

林承芳字文峯三水人

三水志 字開先

祖鍾正德己卯以

高要學中式嘉靖進士官安慶知府承芳幼穎悟

工詩文精翰墨中萬曆癸酉鄉薦丙戌進士廷試

奏策纒纒萬言皆經濟實學已定第一人因錯一

字遂置二甲第一授翰林院編修受知神廟命書

中極殿額甚嘉賞之未幾以名高見妬左遷江西

參議歸怡情山水遇景輒吟詠所著有文峯集竹

臆存稿全志

重刻十三經序今上登極之十二年大司成某

上疏曰士所貴通經學古惟十三經註疏故未

鑄於學宮士或不得考覽非所以尊經右文廣

厲學官之業也臣等請率屬訂校奏上幸下大

司空給資鑄之太學斯亦明經造士之助制曰

可於是下大司空給資授鑄如所請既訖工命

臣某序其端臣謹拜手序曰夫士惟上意所嚮

則竭履而趨之茲上不以經術望士哉古者士

得觀於全經之難也然猶欸闕而請編蒲而識

乃今得坐而卒業焉士所不象上之指專精趨

學者非夫也天下自茲彬彬多經術之士矣然

國家以宋儒傳注取士今舍而取於漢者何也

夫宋固撫乎漢者也博乎漢而後知宋之原也

自漢儒傳訓詁宋儒因而釋其義夫義主理理

吾心所固有者也即微宋儒吾得而以心逆之

也訓詁非得焉則譬之重譯之人聽中國之言

語徒眩其目相視而不相通也微漢儒爲之譯

宋亦安所譯其義故且也儒者之不能盡窺聖人之奧義將使人膠其說而不復深探聖人之旨則不若第傳其訓詁人人得自以心而逆聖人之意可也漢之去聖人也未遠其說猶或有所受顧安得執宋之說以廢漢夫聖人之意不能畢窺則盡其說經者而存之以待後之聖人聖人之經有時乎明也斯固皇上加惠庶士之意也然則士何如致力哉臣觀漢初諸臣引爲經說多離而少合然往往能樹俊偉之業迄今可稱誦乃其後辨析精微曾不覩其勛伐云豈所謂窮經致用者非耶則以我用經與以經傳我者異也繼自今治是書者能優游自得味道之腴則大善卽不然如古所稱治官泄民皆有廉節稱其好學庶幾哉猶可以無愧脫若曲學阿世自矜稽古之榮至使人謂十三經掃地則上意謂何臣不佞願與學士大夫交儆焉文海

謹案承芳爲編修時國子監重刻十三經註疏大司成屬承芳作序持論平允傳古信今之作也

王學會字唯吾南海人萬曆四年丙子賢書五年丁丑進士授醴陵知縣俗豪橫執法以三尺繩之境內肅清調崇陽均土田平徭役隆學校縣稱大

治南海志擢南京御史時吏民有罪輒遣官校逮捕學會疏請止之不納明史本傳嘗疏救言官孟一脈等糾劾弗避權貴南海志十三年慈寧宮成諸督工內侍俱廢錦衣學會論其太濫且劾工部尙書楊兆諛諂中官兆惶恐引罪已言龍江關密邇蕪湖蕪湖已徵稅龍江不宜復徵格不行光山牛產一積若麟有司欲以聞巡撫臧惟一不可帝命禮部徵之尙書沈理諫惟一亦疏論不聽學會抗言麟生牛腹次日卽斃則祥者已不祥矣不祥之物所司未嘗上聞陛下何以聞之母亦左右小人以奇怪惑聖心也今四方災旱老稚流離啼餓號寒之聲陛下不聞宗室貧窮饕餮弗給愁困涕洟之態陛下不聞而獨已斃之麟聞彼爲左右者豈誠忠於陛下乎願收還成命內臣語涉邪妄者卽嚴斥之帝責其要名沽直降興國判官時御史蔡時鼎亦以言獲罪南京御史王藩臣給事中王嗣美等交章救兩人帝怒奪俸一級學會累遷南京刑部主事召爲光祿丞與少卿涂杰合疏爭三王並封忤旨皆削籍後數年吏部尙書蔡國珍疏請起用不納明史學會歸關飛雲洞奉母二十載偕御史區大倫輩倡明道學撫臬聘修省乘及南番兩邑乘鑿裁有體成稱信史推銀臺參議不報旋卒于家學

曾忠孝友愛置嘗田設義塚邑中凡大議大事靡不力請當事助成之如建海龍寺塔浚復太平濠尤為閩省之利祀鄉賢泰昌紀元郵錄先朝舊臣降詔褒嘉贈太僕寺少卿賜祭一壇所著有入楚吟疏草壬癸存草山中約言西遊草五羊約法飛雲等集南海志

姚文寬字裕夫別號東阜南海人父經有隱德文寬幼穎悟強記壯從父遊廣右所過佳山水多題咏與同志為蘭亭詩社天性孝友執父喪哀毀特甚歲時祭享輒泣下與弟文貫文粹文暢同居合爨斗粟尺帛不以私諸弟或為好訟者所齟齬必力為直之臨事變瞻畧過人嘗次烏灘遇蠻兵舟人皆懼亡匿文寬挺身理論焉眾驚歎解去弟文粹字純夫號蟠山師事黃文裕雅見許可嘗疏鍾律萬餘言佐嘉與之為詩俊逸不規規字句為工蓄古圖籍甚富以分授諸子姪時為講說義理兄子光虞光南光泮相繼擢科第文粹誨誘為多嘉靖己酉將踰嶺游豫章疾作而返卒無子以光泮為嗣粵大光虞字繼如少從黃佐講學潛心稽古登嘉靖乙卯榜授宜山學官陞南京翰林院孔目淡薄自安七年乃遷都察院都事尋轉經歷贊臺政請託豪不得入風采肅然秩滿擢守慶遠教民

開墾耕種以益國課廣設鄉校興變蠻俗境內嚮風土司餽遺皆却之人服其介萬曆壬辰親還卒于徐州四世同居百口無間人尤敬之生平好詞賦著有玉亭齋門西遊諸稿藏於家明詩光泮字繼昭嘉靖辛酉鄉薦乙丑進士授行人擢南京山西道御史諳練時務侃侃直節進議謁孝陵儀式帝嘉納之巨商韓嘉言為權貴誣以窩盜輦金數萬賄當路光泮特疏糾之盡白其狀奉嚴旨勘問諸大吏受賄得實悉罷斥以是中忌出為泉州守泉稱難治甫下車即廉得一二巨奸繩以法豪猾斂戢均賦役寬逋負建文廟邱孤寒懲吏胥民畏而愛之時有武弁於惠安海上獲徒黨百餘人實漳泉商賈也當事欲文致以盜法為功賞地光泮知其冤曰柰何以人命為利媒乎當事頷之未幾報罷解組歸闕郭西荒畦構堂榭結社賦詩相國史繼偕顏曰亦自丹邱南海志

盧龍雲字少從南海人生有異徵幼穎悟萬曆丙子舉於鄉癸未成進士授馬平知縣清兼併汰浮冗田賦獲免二千餘石補邯鄲令復補長樂邑多豪猾且歲苦洪潦龍雲創濬陳唐港圳抵海三千餘丈疏導濱湖巖湖七十二洋總流以性鯁直不能俯仰權要遂左遷江右藩幕直指馮聞其才名

聘往分考名士盡出其門尋轉南廷尉晉戶部員外郎出權揚州陞貴州參議貴州通志云分守新鎮時苗衆猖獗下車即訪苗情條其款要於中丞恩威並及儼服有法往來喚峒力瘁成病遂不起中丞疏功奉旨有白金文綺之賜所著有四留堂稿尙論全篇易經補義談詩類要諸書祀鄉賢同

崔振泉號淑寰番禺人萬厯丙子鄉薦初知懷遠令番禺志調任象山政平訟簡不事苛察小民戴若慈母值海上戒嚴訓練士著葺除戎具立辦勁弩千餘分給守陣者躬自賈勇爲士卒先孤城恃以無恐浙江通志歷官襄府審理番禺志

林志孟字淑之號章銘順德人幼穎異能文髫齡登萬厯己卯賢書癸未乙榜授進賢教諭分校棘聞所取翰林學士吳士元禮部侍郎李光元兵部尙書熊明遇皆其門下一時稱得人尋陞廣西荔波疑是荔浦知縣築城修學興利除害風俗丕變士民繪像尸祝三臺交薦調繁昭平立殲積年巨寇內艱服闋補浙江建德令政簡刑清以卓異陞戶部主事爲忌者所中遂拂衣歸崇祀名宦勒石建祠家居四載卒著有疏議數卷及留餘集行世子孫能守其業邑令表其門曰世德成家金志

黃應明字公兆東莞人萬厯己卯舉人爲奉化令

甫至邑出諭俗十五章勸民從化訟至立折吏胥無從索一錢持半日糧即得平反時有黃半仙之謠鄰邑權貴以訛法事囑咬拒之爲所陰中竟以調去仕終漢陽別駕浙江通志

謝貺字崇勳東莞人萬厯己卯舉人以乙榜任道州學正學問該博操履清慎門牆之下褒賢勵不肖毫無所私湖南通志分校南北闕遷知富川廉明有聲量移建昌通判攝廣昌縣屢辨冤獄歸田後足跡不至城府著有誠正堂集經世考藝文輯畧廣州府志

尹守衡字用平東莞人年十六補諸生督府行縣衆皆跪迎守衡獨長揖令譙讓之守衡曰此祖制也君子豈媚人於非禮之恭哉令異之萬厯壬午舉於鄉署清溪教諭分校楚閣擢知新昌縣不善逢迎左遷趙府審理歸而杜門著書採洪武以來政治人物勒成一百五卷名曰史竊論者以爲陳建之後一人而已詩文有懶菴集年八十三卒郝志

守禮字用敬守衡之弟制行醇篤動止必稟於矩矱與李一麟善麟卒爲經紀其家督課麟子與己子無異麟二子夢雷夢日相繼舉于鄉禮嘗謂士習日下皆由教化不明任其滅裂而莫爲之防乃撰教學七篇以淑其門人曰士品士制士範士學

士恥士養士課萬歷乙卯序膺歲薦授揭陽訓導
日以其所謂七篇者講解胡磨揭人士始知嚮學
蒸然一變丁母憂補廣西思明府教授至則力遏
火葬嫁娶禁同姓務先正風俗然後及于學術人
心建議以樂正子從祀孔廟雖不得請識者韙之
未幾卒于任篋無一錢諸生相率殯焉東莞志長子
魁昌字昌廷崇正丙子鄉薦次兆昌能佐父考覈
季玉如刻書以傳志

劉景辰字紫星號清源番禺人拱辰弟由南海學

撥郡庠萬歷戊子鄉試第一人已丑進士題名碑

籍從化授行人癸巳擢雲南道御史立朝正色條

上用人簡練諸事皆裨軍國大計甲午按陝蜀茶

馬以釐別為務茶無片引闌出衛完銷多寡以為

程人競趨之邊計始裕人馬者不得以贏驚充前

之積玩盡祛時西夏兵變四鎮合擊營馬多斃得

景辰所中馬二萬四千餘始克濟繼巡乾清坤寧

兩宮工力循舊章嚴覈濫溢工用得減十之三雖

與中貴齟齬然卒服其廉正援例歸省卒年四十

有五所存有焚餘稿何熊祥撰履歷

何熊祥字乾宰新會人萬歷戊子鄉薦壬辰進士

選庶吉士改御史舉止嚴重寡言笑初按上谷兼

督學政課士飭軍精彩煥然軍苦積逋多逃疏奏

豁之時言利者請開採柳溝口耐水峪團山諸礦
熊祥抗言山當陵寢正脈何敢搖動萬一有他誰
執其咎議遂寢再按閩首劾撫臣侵牟關藩餉又
奏罷礦稅閩民大悅先是中丞李材以講學見重
撫滇時為蘇御史誣奏成閩有年為特疏申豁尋
按三吳疏請信詔旨以安人心時三吳權稅視他
省獨苛既罷矣權璫傳密旨復權因有是奏權璫
懷息又奏免御額六萬早勞五十萬夙逋金花六
十萬皆人所不敢言者吳人德之轉按南都七郡
奏免稅券十五萬有稅監欲併織造之權疏糾其
奸天都吳宗堯為陳增虐愆下詔獄虎冠者橫起
視徽郡為利藪蔓延滋甚熊祥為申理疏凡十餘
上語極剴切可其奏故事御史六年秩滿得京堂
祥九年乃晉太僕又九年始陞大理卿人以爲恬
拙所致尋遷南少司寇謂兩京慮囚僅有熟審一
路久之不舉瘼死無算因疏請力行之未減者甚
衆會南京吏戶禮尚書俱闕祥兼署隨事補揀措
置得宜擢南左都御史兼署兵工二部尚書有考
功郎為建言子孫陳乞議覆幾罹冒濫之禍疏力
援之得薄譴有臺臣糾諸大臣溺職語多矯敎上
怒削逐疏馳救之得賜環海忠介名雖易而嗣未
磨特疏請之得任子諡所建白皆政治安危攸繫

者尋晉南大司空戎器戰艦辦集若素晉南冢宰
掌京察進退賢否一秉虛公無所徇撓旋以親老
陳乞得旨予告侍養十餘年始終以簡肅銘座右
熊祥父上新嘗題簡肅二字為家學云卒年七十
六贈太子太保論賜祭墓諡文懿所著有四巡疏
鈔六卷南都疏畧三卷馬政事宜平刑八義共十
卷新會舊志

盧崇勳字惟敏別號洗慎增城人人生而穎異弱冠
以壁經補弟子員萬厯戊子舉鄉試甲辰初令分
水適水災賑活數萬命力請蠲糧九百餘他如禁
淹沒轉俗好生勸農造士績不勝書己酉陞漳州
郡丞分人立去思碑建祠在漳僅七月丁外艱徒
步奔喪壬子起復補漳署篆詔安解礦數百癸丑
察盤泉州弊絕風清甲寅權海澄稅蘇商裕餉乙
卯署南靖賑活饑民甚衆丙辰署漳浦戊午兼署
海澄龍巖各邑時海寇大聚將作難僭稱號者崇
勳擒其巨魁海波為清洋商頌德碑載之東西洋
考王大中丞奇其儒者胸有甲兵著功于薙逆編
後又獲逆首六人當道欲庇之崇勳執法不阿遂
以忤權左遷福藩長史以母老啓辭不赴承歡膝
下凡六年而母歿庚辰奉恩詔進階中順大夫享
年七十有七黎德明撰墓誌略 祀分水名宦浙江通志 並祀郡

邑鄉賢廣州府志

曾受益字而吉增城人中萬厯戊子舉人累上春
官不第謁選授福建寧德知縣為政務教化不事
刑罰縣故瀕海海潮盪激蝕民田有田去而糧存
者請于上官除之又條鹽法利病所司下其議著
為令未幾以親老乞致仕居家如建學宮築城臺
修邑志關於桑梓重計者力贊當事行之年九十
三卒有吹劍集行於世增城志

郭尚敬字吉吾香山人萬厯戊子舉於鄉稟性謙
謹內行修飭邑人欲遷學宮以費重難之尙敬捐
貲為倡任沙縣令愛民造士稱為循良解組還杜
絕私謁以撰述自娛祀鄉賢增城志

尹遂祈字鏡陽東莞人幼穎異抗志高遠年十五
喜讀參同契凡河洛圖緯天文律歷以至風角望
氣六壬太乙之書靡不研究既乃遜志江門之學
以致虛守靜為要於世故澹如也年二十一舉萬
厯戊子鄉薦辛丑南宮奏名十二初授閩令尋改
同安潔已愛民絕請託雖權貴不能奪商稅累民
力請蠲免至與稅監動色諍之以此見忌落職祈
怡然歸至贛州而卒所著有天文備考陣法源流
璣衡要旨天元玉策解及叢桂堂集二十卷藏於
家子體震字恒復能讀父書以世其家十載棘園

數奇不售文章經濟海內重之明季徵辟授中書科中書舍人未幾掛冠歸優游林下著書訓子志霍騰蛟南海人萬曆戊子舉人知壽寧署建安縣寧建陽三縣所至有聲順昌妖人吳建鼓衆謀亂撫檄延建二府往撫衆相顧失色騰蛟獨請行單騎入壘諭以禍福賊中有欲加害者建曰可殺我毋殺仁父母也護之還既而賊相誅戮官軍乘勢殲之屍蔽山谷騰蛟嘆曰皆吾赤子令聽吾言何遽至此捐資買山瘞之福建通志

謹案南海志選舉表云歷官同知

鄭士熙字我純香山人本浦江名族先世宦粵遂家焉性孝幼失怙哀動路人奉母教惟謹弱冠饒於庠萬曆二十一年拔貢謁選得潮陽學博以端士習正文體爲急遷山東長清令會歲荒民飢輒開倉假貸蒿目溝瘠未忍追償法當免民聞之恐失士熙牛車擔負緹屬不絕旬日補足調湖廣城步縣革除橫征陋例每出輒有童子百十人迎拜馬首曰公實生我士熙笑撫之在署惟飲水茹蔬老歸里家徒壁立祀鄉賢志馮奕垣字弱壁南海人萬曆辛卯舉於鄉辛丑成進士選庶吉士未幾補監察御史巡視西城時逆璫軌法按治不避一時權豪斂戢丙午巡按貴州

時黔以平播後苗民土司交訖占印爭官加以蜀撫貪功大擾邊徼奕垣殫厥心力參處得旨追印寢兵黔蜀百萬生靈不至糜爛者奕垣之力也按部抵銅仁四面俱紅苗窟穴向無城垣捐緡城之以積勞瓜代遺家遺病而卒叙功奉旨加贈光祿寺少卿生平儉樸不貴異物征苗獲銅鼓二銘刻製自姚虞却而不納由史館以迄西臺朝廷利弊知無不言所上有二弊五窮疏挽亂圖治疏信任輔臣疏請平銓政疏皆宗社碩畫云祀名宦鄉賢志

陳鼎字玉鉉東莞人慷慨有奇氣八歲時聞父遇盜增城卽號呼往求之萬曆十九年辛卯鄉薦授江西瑞昌知縣甫下車值礦使至邑故無礦奸民將藉爲蠶食地鼎召主者告之曰事以屬汝好爲之若擾吾地方則妻子抵法矣奸猾悚息害得止尋以詩忤大吏調湖廣之漢川時楚宗人殺巡撫趙可懷將挾楚王爲變所在皆設備鼎亟白御史曰安楚王而擒治其宗人變可立弭也何以兵爲御史深然之卽令鼎謁楚王陳說禍福王大悟立執數人送獄事遂定御史特疏薦會選疾卒鼎居官廉潔死之日囊無餘貲漢川民立祠祀焉東莞志鄧雲霄字元度東莞人制行方嚴慷慨重然諾遇

日成誦下筆數千言爲文淵浩宏碩尤工聲律選貢中萬應順天甲午鄉試戊戌進士授直隸蘇州府長洲縣值飢稔力請上臺設法賑給啖粥茹素與飢民同食有因飢攘奪者立捕之置諸法曰飢民吾子亂民吾賊也織造中使以酷虐激變時聚至數萬人上官多失措雲霄挺身論衆立取中使左右數人議如律衆乃解決訟若神案無積牘日午進諸生課文藝論古今旋擢南京戶科給事中多所建白廣東直指誤聽稅監增餉十八萬疏力爭之遣將李某棄地劫其有異謀請誅之不報後果啓釁竟陷遼陽居二年出爲湖廣僉憲有苗賊劫殺官吏主兵者欲因之邀功雲霄傳檄而定苗亦伏辜轉四川參議以保留仍駐永州州之勢宦冤死平民廉得實置其家人於罪抗疏劾之遂歸復以薦起陝西兵備尋改廣西丁繼母憂歸不復出嘯咏自娛撫按交薦皆不應會有籍捕爲盜者所至屠掠邑民擒送縣官紳士合詞訴之縣官因與之有隙誣以首難當事者遂中深文雲霄聞爰書發憤病卒一時莫不冤之長洲人聞之亦爲位而哭後其子馮京上疏鳴冤始復原職著書甚多其行于世者百花洲浮湘越鳥吟燃桂漱玉齋竹浪齋紫烟樓鏡園等集行世

煥希孟撰傳畧

羅應許字蓋侯順德人南海伯父無子父小江以應許嗣焉後生母卒應許欲行三年之制禮與律俱無文惟會典有告假治喪之例乃疏食三年生平不喜干謁舉萬應甲午鄉試授雲南理刑時土酋寇警當事張皇失措應許捐俸易粟以濟軍需兵士騰厲酋不敢犯洗冤決疑民有神明之頌擢戶曹主事纂修賦役全書劄管草場芻粟會計適當擢北平糧儲道地當兵燹之餘又值河水衝決倉無儲粟應許較量緩急建設倉廩五十餘楹遂免泯爛設水運糧船二百艘省脚價美銀十六萬奏入公帑不私毫末巡撫楊嗣昌聽讒親抵盧龍欲借運艘起釁縣尉張瑄力辨其誣復以驢運牛運之費孰省難之應許稱驢便嗣昌疑罵已欲劾焉迹之無疵始止後北平猶從驢議其接濟登萊之急飛輓關隘之楫皆應程期改山西僉事時宗室橫行流寇充斥早魁爲虐至日雨隨車下秦寇擁萬騎臨河見應許一矢不發引去調臨沅兵備當四方雲擾之日鎮之以靜意氣安閒調度有方諸酋效順應許功居多終雲南按察副使廣州府志關驥字德甫南海人萬應甲午鄉薦甲辰進士初授全椒令講荒政出俸賑饑復身行阡陌教民澆陂蓄洩尤加意學校置田以贍士之貧者丙午分

校南閩所錄皆名儒臺使交章薦之值滁州有厚徵於椒民驥力庇之竟由此致尼召命量移嘉禾丞時有海寇驥蒐兵扞禦寇遂靖有奴殺主七人逸去二千里外驥使人捕獲之磔於市癸丑擢比部郎奉敕識獄江南平反者數百人冤滯獲雪遷寧國守會織造御用歲幣故事先獻機樣屏絕一無所取中貴責貢梨栗甚橫驥調取有法不致擾累壬戌入計與卓異宴旋擢觀察副使督學粵西崇雅黜浮先行誼而後文藝士翕然化之會當軸有求賄者驥曰吾憲臣也而以賄庸尙規顏為人師耶遂解組歸全嘉寧皆建祠祀之年七十有六卒於家

韓日續撰傳

吳綱字內閣一字錦先增城人萬曆甲午舉人知黃巖縣至即誓於神勿私入一錢歲祲不忍追呼府檄趨軍餉甚急民恐負乘燭爭輸不終宵有溢其額後左遷福建都事尋改樂清教諭任滿經黃巖客舍百姓相與扶輿入公館拜謁者日以千數擁傳不得行台州府志樂清教諭課諸士一遵先儒規則言坊行矩善屬文寒糴六載清操愈勵遷雲門知縣前此有山陰蔣汝礪臨海王立穀皆一時師表學中口碑云前有蔣王後有吳潘潘名明遷州志

教諭陞廣西昭平縣後以舉主布政使劉某與巡撫不相能去官送之巡撫怒遂改福建理問拂衣歸築樂泌園

增城志

梁斗輝字忠旋新會人父大績邑弟子員以學行稱領萬曆丁卯鄉薦丁卯談應是丁酉以權監之難羈管北寺在獄五年與湖廣僉憲馮應京荆州司李華鈺襄陽司李何棟如四十餘人講學不倦所著有經世實用黃河議薦辟人物考馬政書任官考十三經釋註疏萬曆四十二年以水災修省用閣臣沈一貫諫垣梁有年等議詔赦斗輝及同邑同科舉人勞養魁鍾聲朝削籍歸里應京聞之曰聖學南矣斗輝歸授徒大雲寺問業者數百人詔赴禮閣以禪服未除不能就道天啓二年任湖廣通城教諭擢國子學正大司成李孫宸雅重之遷太平同知剔奸蠹逐優倡禁遊賭閩郡肅然至於折獄祥刑稱鐵面江防云署繁昌令修啟聖宮敬一亭太平繁昌俱建生祠以事去官林下二十餘年絕跡公門撰述聖學正宗諸書二十餘卷卒年九十

金志

陳錫爵字儒修南海人高祖斌有傳父嗣光嘉靖壬子鄉薦為通道令清白卒于官按陳斌嗣光錫人康照通志作南海人明本題名錄作廣德龍山府人考南海志有錫爵傳而選舉無名爵時九

歲母復見背號泣擗踊若成人生有慧質幼讀左氏史記能以己意置解弱冠領萬歷丁酉亞魁授河南光州知州州苦河患爵捐俸建潢橋以利涉轉滇南永昌府同知時值土寇爭犂府轄三宣六慰八關二十四旬在在載鬼張狐乃首募鄉勇歷巡關隘嚴斥堠詰偵探繕火攻逆寇聞風膽落又雲龍土知州段進忠負險不馴爵密陳方畧縛進忠得其地爲流撫按司道三薦卓異兩登紀錄御史楊春茂疏上請擢僉憲遂飄然掛冠年未五十也所著有激觀閣等集金志

何功右字元理號念堂順德人生三月而孤性純好學奉母至孝先意承志唯謹幼習舉業弱冠益工見父遺書輒泣下以母老不忍離膝下絕意進取母疾朝夕奉藥餌比執喪哀毀幾不欲生泣血三年閭里稱孝嘗傷母節未經表揚痛慕終身歲旱賑恤不少各鄉人稱爲善士嘗夜歸遇盜於途功右以利害諭之衆盜感化爲良善家蓄老牛忽向跪拜庭有靈芝甘露之瑞人謂孝感所致萬歷丁酉御史劉會以聞于朝立坊旌之粵大記
歐陽暉字伯曦從化人萬歷時庚子鄉薦知臨貴縣擢南京刑部主事改調香河再謫南京錦衣衛知事以忤魏璫繫詔獄杖譴放歸尋聞同繫知府

劉鐸致法辭家抵飛來峽水死大清一統志

潘禹謨字明叔增城人少有文名領萬歷庚子鄉薦甲辰成進士授鄱陽知縣甫下車卽詢民疾苦懲土豪革衙蠹禁誣罔決疑獄大以賢能著聲嘗修鄱陽志八十餘年逸事搜括靡遺稍遷南京戶部主事督儲鳳陽暮月卽丁外艱歸舟次十八灘竟以哀毀成病卒軍民爲立去思碑於鳳陽鄱人建祠祀之崇正元年有司舉祀鄉賢金志
郭尙賓字朝諤南海人萬歷庚子鄉薦甲辰進士授吉安推官丰裁清肅攝府篆及廬陵吉水安福諸邑罰鍰浮耗一切不染秩滿行取南海志授刑科給事中遇事輒諫諍明史如請枚卜諸教福王之國瑞主婚禮釋滿朝薦王邦才卞孔時楚宗之累復勞養魁梁斗輝鍾聲朝三孝廉皆朝政之大者也南海志尤憤中官之橫嘗因事論稅使李鳳高宗潘相頗稱敢言中官呂貴假奸民奏留督浙江織造再登提督九門誣奏市民毆門卒下兵馬指揮歐相之吏邢洪辱御史凌漢紳於朝給事中郭尙賓等劾之帝釋洪不問漢紳爲廢將凌應登所毆洪復曲庇應登鳳紳抗疏極論貴登洪三人罪且曰大臣造膝無從小臣叩關無路宦寺侵用政令多違實開羣小假借之端成太阿倒持之勢帝

大怒謫山西按察使經歷而是時尙賓亦上疏極言比來擬旨不由內閣託以親裁言官稍涉同類輒云黨附將使大臣不肯盡言小臣不敢抗論天下事尙可爲哉乞陛下明詔閣臣封還內降容納直諫以保治安梓旨謫江西布政使檢校閣臣及言官論救皆不納二人同日謫官時稱二諫光宗時起爲明南兵部主事轉大理丞署寺事壬戌充讀卷官甲子晉太僕卿遷江西巡撫南海累官刑部右侍郎亦以不附忠賢削籍崇正初爲兵部右侍郎明視師都郊催戰禦敵多所建白積勞南海卒贈尙書明予葬祭官京邸時倡修嶺南廣州諸會館爲粵士居停之始有疏稿文集藏于家祀鄉賢南海志

黃儒炳字士明順德人生岐嶷有夙慧十歲能文博學強記登萬曆癸卯鄉薦甲辰進士改庶吉士授編修乙卯主試江西辛酉主試應天升右中允進左諭德轉庶子管司經局事進南祭酒振積弛除蠹弊清號舍殿倉廩修南雍續志輯二十一史轉南銓佐部值尙書缺攝理堂務考核明允時魏璫竊柄冢卿缺會推鄒元標不得俞旨炳兩疏懇用首言進用大臣必由祖制以推用付銓臣票擬歸輔臣言極剴切攝工部有主事惠承芳議於都

城下歲加稅十萬兩人情洶洶炳隨疏駁參議始罷攝禮部篆齊庶宗多不法定宗長以弭亂萌奏廣監生科額轉禮部右侍郎兼侍讀學士纂修神宗光宗實錄副總裁進吏部左侍郎兼官如故內傳欲以中璫出鎮炳直諫不可遣狀至奉嚴旨詰責猶三拜疏右侍郎缺逆黨借內傳挾補炳與冢宰王紹徽矢曰頭可斷缺不可假逆謀始寢既而黨姪魏良卿劾伯爵炳嘆曰事不可爲矣卽於是日杜門註籍以母老身病請告得旨回籍甫歸舍逾月而母病手奉湯藥親視含殮居苦帷終夜悲號聞者悽愴遂哀毀成病竟卒年五十八番禺邑令陳鍾盛炳門下士也查有入官田三百餘畝遺之力辭不受制臺何士晉增權雜稅炳侃曰不可乃止遼餉初興監司督責繁苛炳請帶征民皆稱便澳門藉餉販糴省中大怖炳陳利害民獲安息甲子御史陳保泰激變被毆炳在南都聞知欲與同鄉聯疏救解時首輔葉向高與保泰皆閩人莫敢僉者炳疏爲辨晰後止誅亂首不株連無辜炳之力也所著有影木軒文集詩藝讀書漫錄史槩諸書祀廣府番禺順德三祠鄉賢子國贊字日性弱冠補郡廩以恩廕仕轉雲中有功陞戶部四川司郎中在任卒金志

李待問字葵孺南海人登萬曆癸卯鄉薦甲辰進士初授連城知縣下車蠲浮糧五百餘緡息閭鄉累歲聚訟邑有虎禱於神虎患遂息調沙縣多逃亡招徠盡復再調晉江免雜餉千兩表先儒羅仲素李愿中從祀己酉分闈得士半捷南宮三邑士民並立祠祀擢禮部主事調吏部歷文選郎中殿權璫冒濫選例時政府連函代致却之不避權要遷奉常陪從南郊尋丁內艱起陞僉都御史巡撫應天時魏璫煽焰中外冒頌功德建生祠遍吳中蘇郡留都等處當孝陵周道者凡進謁陵守闕輒先責拜璫祠待問抵江寧詣陵畢卽疾馳履任不肯附媚後先封章如黃山民變三王之國漕糧過江璫意所注者待問不涉一語松徽等郡復呈建璫祠待問並格之正色曰名節安得棄置若此杜門謝病崇正改元特簡少司農總漕璽書褒嘉先時漕法濡滯待問爲整飭之漕入准督發比先年早至數月閭臣入告有日年來復祖制者僅見漕糧一事可謂留心於漕務矣秩滿晉戶部侍郎仍督漕務題塞河決修陵隄請卹蝗潦減疲邑催徵至犒兵造炮賑饑築壩皆盡心力爲之越年拜本部尙書召對多所籌策以二品考滿蔭子賜銀兩羊酒數召對賜坐御札第書計臣而不名隆眷冠

諸廷僚嘔心竭力至是遂痿仍力疾視事上遣太醫院堂上官診視病甚吏部代疏奉旨馳驛回起戶部尙書管都御史未幾以病終待問端偉廉恪敏毅忠孝家居如設忠義營修通濟橋文昌書院復省城古路築赤岡塔復本邑丁口舊額揭造賦役全書皆心力純篤前後推都憲三冢宰三枚卜二所著有史涉詩集文集署銓典銓總漕籌計疏畧子象蒙國子監博士赴闕請諡得賜忠定象家恩貢象願司務孝問字萊孺南海志待問兄少負異質端凝簡重十歲通易能文萬曆庚寅童子試首拔食餼郡庠畿省十一試兩登乙榜光宗御極恩詔郡邑選士學使者首舉以應成均部考知縣候選趣裝時胞弟待問以馳命偕行抵德安行臺病卒年五十四遂輿榘歸生平才識過人留心世務備禦濠鏡議減定弓建立忠義營并囑撥南泉庵傍山涌婆濬等田送祀文昌社學及敦睦宗祠獎學助祭鄉族賴之與弟待問同祀郡邑鄉賢子長象震副榜仲象孚從化歲貢季象隨恩貢生敬問字翼衷待問胞兄授光祿寺署丞賦性警敏事母至孝孺慕終身年五十母死哀毀骨立廬墓盡禮訓教子姪嚴厲方正里人彭毓吾寢疾寄其二子并橐中所存六百元乃爲其子治生延師西塾

後俱為諸生業師霍良濬死遺孤方在襁褓為治
 喪撫子至於成立丙戌海寇披猖捐貲築柵鑄銃
 簡練鄉勇地方賴安戊子歲大饑復蠲產乞糶以
 賑存活萬餘晚年築園林下詩酒陶情所著有嘯
 蠟諸篇卒年七十有八子象豐領鄉書金陞問字
 晉衷待問兄少聰穎能文萬厯癸卯與弟待問同
 科舉於鄉會試置乙榜癸丑領博羅教諭端本尚
 實捐俸督課擢南雍學正遷棘寺司務轉刑部員
 外時魏璫竊柄戶曹李桂明以事忤坐辟熱審同
 事際不敢釋陞問奮筆曰限內賍完得釋恩例宜
 然毅然出之疏上鐫職追奪崇正改元置璫於法
 復陞問原官還誥命恩詔錄用同寮輩起或勸上
 章自白陞問曰京華夢斷矣賦閒居以奉潘輿有
 餘適也構遜園與舊遊詩酒倡和二年卒弟應問
 字俞衷登天啓甲子榜南海志

毛可珍字美仲原名元鏡香山人生而端慤萬厯
 癸卯舉於鄉知諸暨縣縣在萬山中夙稱難治可
 珍月吉讀法進父老講仁讓政大和諸暨有義塚
 勢家渴堪輿言欲盡奪之可珍持不可鄉人名其
 地曰毛公地俗多溺女為嚴連坐法由是存活者
 衆貧民以男女質錢踰期沒為奴婢可珍計其傭
 直還諸父母調靜海時廬田久為豪家私庄歲耗

課額可珍下車不數月宿弊頓清晚年高蹈不出
 卒年八十有八康熙十二年祀鄉賢嘉志

廣東通志卷二百八十二終

廣東通志卷二百八十三

列傳十六 廣州十六

王命卿 樊王家

黃士俊 趙譽

何吾騶 陳熙昌

梁亭表 黎崇宣

區慶雲 陳熙韶

潘起鵬 林枝橋

李希孔 王猷

曾道唯 劉如性

張恂 李孫宸

李廷龍 梁應材

梁挺 趙恂如

梁元柱 蕭嗣立

李化龍 鄭國相

劉聯騶 余帝選

林清 陳鶴

劉大啓 鄭一岳

張二果 郭九鼎

潘梧 孫雲 楊邦翰

陳士諤 徐龍禎

何士琨 繆士傑

黎堯賓

衛冕

洗二

負汲者 明上

明

陳全學

採藥者

王命卿字簡之番禺人 今隸花縣 由南海學領萬曆癸卯鄉薦癸丑進士授福清知縣清介自持以不阿

權貴調五河有治聲遷刑部主事歷郎中遷長沙知府時魏奄擅權摧殘善類吏部劉宏化忤賢削

職坐贓罄產不辨卿陰為之寬及賢誅宏化得復原官不及於禍卿之力也致仕鄉里以祿不逮親

為恨自號匪夢云 金志

樊王家字孟泰東莞人萬曆三十五年甲辰進士授江西廣昌知縣蒞官三月邑大治調南昌值水

旱頗仍發倉振貸不足出錢買粟給之築長堤以捍水患邑賴安堵奸民慶神者糾宗室不逞之徒

恣橫為害捕置諸法請王府逮治宗人奸猾屏息四十一年擢工部主事督陵工丁母憂起補復督

三殿工歷員外郎中遷鎮江知府會叙三殿工有旨以京職用王家曰人臣東西南北惟君所使豈

有以土木為工耶具疏力辭轉廣西提學副使未仕卒王家居官慈惠而律已甚嚴通籍十餘年不

改寒素好學善文詞公餘輒手一編後崇祀鄉賢弟王宰萬歷四十三年舉於鄉廣州府志

黃士俊順德人萬歷三十五年殿試第一授修撰

歷官禮部尚書崇正九年入閣累加少傅予告歸

父母俱在錦衣侍養人以爲榮唐王以原官召未

赴後相承明王羣不能決事數爲臺省論列辭歸

而卒

明史張至發傳

趙響字心極東莞人宋進士必瓌九世孫瓌元孫

鐸以諸生講授心性著性道管窺諸書鐸孫霞士

璧常同姚江講學大相契合響夙承家學潛心性

道蚤從鍾方伯昌讀毛詩既而師事楊文懿起元

一曰文懿言性有動靜乎曰有動有靜者心無動

無靜者性問知能曰知善知惡是良知爲善去惡

是良知能知孝知弟知之至能孝能弟能之盡文懿

然之授以羅旴江識仁編自是朝夕體驗踐履益

實一時名賢如黎民表袁昌祚唐伯元黎允儒區

大相韓日鑽輩皆樂與之遊生平學力以禮教爲

宗歲時祝釐超躋謹凜郡博董應舉雅重之時文

廟猶塑像首建言請遵制易以木主董遂陳諸督

學從之性至孝事親備極色養遇有疾齋沐祈禱

藥必親嘗居喪殯葬誠信屏絕緇黃三年不入內

室祀先吉蠲拜獻肅如也推愛族黨貧不克婚葬

者助之丙申歲祲賑粥逾月其慷慨仗義類然萬

歷乙巳以明經薦於廷藏修十有三年所著諸經

酌言嶺海志畧文廟崇祀志諸書金志

何吾騶字龍友號象岡香山人萬歷丙午鄉薦四

十七年己未進士擬鼎甲改二甲四名由庶吉士

崇正初晉左春坊充經筵日講官嘗進講畜馬乘

二節至無如之何之句吾騶正色起奏上嘉歎久

之會纂修神廟實錄成晉少詹事兼侍講學士歷

官正詹事香山志崇正五年擢禮部右侍郎六年十

一月加尙書同王應熊入閣温體仁久柄政欲斥

給事中許譽卿已擬旨文震孟爭之吾騶亦助爲

言體仁訐奏帝奪震孟官兼罷吾騶明史文震孟傳居久

之唐王自立於福州召爲首輔與鄭芝龍議事輒

相牴牾閩疆既失明史王順治三年丙戌十一月

桂王由榔稱號於肇慶適唐王聿鍵弟聿錡嗣爲

唐王者與大學士何吾騶自閩浮海至南海關捷

先等首倡兄終弟及議大學士蘇觀生遂與吾騶

及布政使顧元鏡侍郎東莞王應華南海曾道唯

總督林察等擁立聿錡改年紹武就都司署爲行

宮應華道唯並拜東閣大學士招海上四姓盜授

總兵等官與肇慶相拒十二月十五日

大兵克廣州時唐王聿錡方事閱射急易服踰垣匿

王應華家俄絕城走為追騎所獲投縲而絕何吾
驕及應華等悉降通鑑輯覽卒於家王應華傳所著
有元氣堂詩文集三十卷經筵日講拜稽錄四卷
周易補註四卷雪及軒稿二卷石刻楷草四種香山志

陳熙昌字當時號果菴祖紹儒父宏乘南海人與
兄熙韶同應選貢入南雍萬曆丙午解元與弟熙
陽同科丙辰進士除平湖知縣南海志在任六載未

嘗妄撻一人或干法紀輒霽顏諭之捐羨金貨贖
錢寬徭賦戒貼役編審最稱弊數熙昌先清官戶
實田照例優免以溢額者充役不及額而取寄莊

以漁利者盡數還民役田遂溢四萬二千有奇歲
歉穀貴平糶賑卹浙江通志擢吏科給事中明詩天啓

四年子子壯典浙江鄉試發策刺閭豈魏忠賢怒
假他事削子壯及其父給事中熙昌籍明史陳熙昌傳

昌時亦疏劾魏忠賢崔呈秀權璫盤踞忌之逆崔
人淮南賄奪粵行鹽乃力爭之魏崔益謀荼毒崇
正改元起吏科尋卒贈太常寺少卿祀平湖名宦
郡鄉賢南海志

梁亭表字無崎號省義順德人萬曆丙午鄉薦授
潮州大埔教諭修邑志有史才陞國子監助教遷
都察院司務調吏部以賄求薦者拒之尚書某知

其廉苦問曰何久無所舉耶徐對曰予實寡交轉
兵部武庫司員外上方英決言事者多得罪表章
疏數上皆嘉納尋出為南安知府府當兩廣之衝
供應浩繁表一無所私流寇張獻忠陷湖廣南安
西境為賊所據塞其隘口賊不敢入境先是賊所
至有迎者授以偽官時多以此逼協縣令飛檄日
逼郡中官吏駭愕表慷慨睜目曰公等無怖君父
重則身家輕不肖讀書明志三十年申胥哭庭魯
連蹈海不待今日籌之審矣甲申北都陷聞之痛
哭幾絕會直指薦表治行第一擢荊南兵備兼撫
蠻副使表聞報十日而卒年六十有七著有臨池
館課松謨山房藝古文詞昔莪集等書子若衡金志
黎崇宣字籍旬番禺人生而穎敏有雋才善古文
辭歌詩美鬚髯膂力過人好騎射善談兵工楷草
隸卅角游泮萬曆丙午鄉薦八上春官不第以母
老就教海陽崇正辛未始成進士授南京廣德州
知州以抗直掛冠歸起袁州府推官不就優游林
下十餘載喜獎後輩樂道人善常延名士林楚誨
課鄉里子弟有貧不能學者資助之多成立者所
著有貽情集若干卷母羅氏壽百歲崇宣日侍左
右承歡崇正甲申母病歿適北都變聞崇宣哀痛
而卒

區慶雲字子卿南海人父次顏字德愚嘉靖乙酉鄉薦新蔡教諭甲子典試山東得解元王象坤尚書趙世卿稱得人擢知北流遷養利知州以憂去嘗發左江永利簿李某賊私奸狀竟為所計落職家居二十年結廬粵秀山下著有寧野堂稿慶雲淹博能文優吏治時有疑獄連年不決司理賫卷造廬以請條析瞭然聘修邑志郡志通志登萬曆丙午科第四人屢中副車尋就教宜興甫履任聘修常州府志以忤勢璫遂左遷滇俸理煩治劇興利除弊所至建祠尸祝兩臺交薦報遷引退杜門著有定香樓集二十卷及古文世編歷代大文章

四書纂註傳世俱同上

陳熙韶字仲慈號蘭砌南海人紹儒孫也弱冠同弟熙昌應選貢入南雍與邵景堯輩雁行馮司成夢禎賞識之稱嶺南二陳領萬曆己酉鄉薦授梧州府同知威惠並行急公求瘼攝守令篆所在宜民權梧廠裕餉通商校鄉闈拔張茂梧領解聯捷稱得士督援黔師入省嚴紀律無驛騷陞南戶部員外筦庫十議釐弊森然積美千緡悉捐餉遼轉郎中出守思恩府九司故策驚前守率苛徵漁土物熙韶一無所取九司威懷奉令惟謹歸五羊祇垂橐耳杜門吟咏不苟言笑恥干謁祀鄉賢子

履以恩薦拔縣令舊南海志

潘起鵬字以凌號扶翼新會人萬曆己酉舉人天啓七年知象山縣軫念民瘼釐剔奸弊吏胥畏若神明值海寇攻昌石諸城起鵬率兵勦禦獲賊會伯仁等海疆胥靖浙江通志遷南康推官未至左轉大庾晉鬱林知州著象山防寇事宜二十五條新會志林枝橋字陽仲新會人性貞介事父母孝好學以古文詞見稱登萬曆己酉鄉薦丙辰進士授當途令政尚寬簡守法不苛嘗懲一郡吏太守至降手札為解卒置諸法除積弊決疑訟圩田數十年患水築堤植榆民賴其功蜚蝗為災躬自禱神捐俸米置斛田中募民捕蝗計所捕斗斛受賞遷禮部主事歷吏部郎中清操自厲銓綜平允起董其昌謝陞李逢節等皆一時正人時魏璫擅權受譚某金謀奪新寧侯爵橋堅執不從其黨御史倪文煥以江北分司官請不許文煥疏參東林渠魁尙伏天啓五年七月忠賢矯詔橋及李邦華周宗建周順昌李日宣等同日奪職既歸與生徒講學於社學書院者八載崇正元年璫敗詔復原官五年遷湖廣參議轉福建副使以忤直指左考去官繼起貴州參政遷按察使所至得吏民心丁繼母憂歸壬午夏六月卒所著有白鶴山房集行世子堯徽

字啓人崇正改元恩貢孝友嚴正初爲諸生首事
攻豪猾蔣某以凌辱其友諸生趙故豪餽金及刺
客蠱毒徽志不渝時邑勢家橫者多籍縣官丞尉
刑禁人於城樓以得所欲邑令卞應聘訪徽燕邸
徽力陳其害且言防盜禁奸拒佞清蠹五事卞力
行之夙弊頓革與弟太學生堯揆友愛出必雁行
性好學老而不倦所纂述盈數篋隱居不仕自號
天紳居士

志全

李希孔子鑄三水人生而穎悟八歲能文十三
補邑弟子員於書無所不讀每求明體適用不爲
口耳之學兼好爲古文辭篤孝友慷慨有大志萬
厯己酉庚戌聯魁兩榜觀吏部政忽心動告歸歸
數日而父卒居喪不飲酒茹暈者三年服闋授中
書舍人奉命冊封陝藩悉屏餽遺考選南道御史
值遼左經撫失和致誤封疆閱科姚宗文前後獨
擠經畧熊廷弼孔甫拜命卽疏糾之舉其可駭者
二揭其不解者三疏三上又糾其阻抑考選以令
旨二字抗言繳還退抑先帝非常之德一時人心
大快咸謂海瑞復出周冢宰嘉謨揚言於屬云近
數十年不見如許章疏李侍御氣節稜稜大有擔
當人也泰昌元年冬陛辭而南又條陳時務七款
明年夏馳疏奏府臣邵輔忠影匿之奸又明年奉

京營差因白蓮作孽留都震憐疏條四策以戒不
虞抵京城有最急七事之陳必期實行如諷去沈
揆輔濶請逮劉贊畫時俊乞正鄉之麟造書傾陷
之罪凡皆侃侃勁槩凜不可奪而其大者修萬厯
泰昌兩朝實錄巨奸變亂是非疏辨宮闈三大事
天子嘉其忠又疏請保姆出宮請誅崔文昇皆言
人所不敢言者僉壬切齒幾爲主察者所中京營
差滿旋差屯馬未拜而卒於京邸舉朝咸惜之所
彙南臺疏草具載家集中

王猷字允方東莞人舉萬厯己酉鄉薦丙辰進士
授行人嘗冊封衡藩岷藩餽餉一無所受陞戶部
主事視稅崇文門逆璫用事屬有建祠之諷猷嘆
曰家有老父未堪從楊左之後事關名節豈有效
狐媚之輩力求外補因出爲泉州知府甫至值鄭
芝龍擁衆逼城內外空虛人無固志猷督兵壯嚴
捍禦屢挫其銳芝龍知其備不可犯退兵求撫猷
集在籍大學士史繼階等二十八人於承天寺授
勦撫兩策日旰未決少保黃克纘諮諸猷曰猷守
臣也知有守耳御史蘇炎曰守以盡守土之職撫
以紓目前之憂不亦可乎議遂定時奸人思亂挑
激芝龍忽信忽疑猷開示恩信諭以利害始聽命
其黨李魁奇旣降復叛與餘黨鍾斌周三舍大肆

焚掠閩海復震猷授畧芝龍勦之又捐俸築統臺於鷓鴣溜石間以扼其險會官兵失利賊舟直抵內港猷身親督戰發巨砲擊沉其舟賊乃遁去擒酒醉老斬之尋復擒黃巽冲楊耀老等五十餘名生獲魁奇獻俘於朝周三舍鍾斌以次誅斬一時巨寇流毒於閩浙粵者相繼授首海氛以平陞興泉道副使卒於任泉民巷哭罷市後以功贈太僕寺卿祀泉州名宦本邑鄉賢

曾道唯字元魯南海人登萬曆己酉鄉薦庚戌進士授刑部主事轉郎中凡會審大獄皆持正論孤介自守不交權要出參常鎮兵備轉山東臬使尋以病歸天啓間起江西右藩時魏瑞用事唯力辭不就海內重之崇正間起浙江右轄湖廣左布政使適流寇披猖單車蒞任催餉解運遂有湖南之捷是時楚王府將軍中尉祿米外庶宗口糧悉多虛偽唯知宿弊釐剔濫冒歲省公帑數萬金未幾以親老乞休侍養會廣郡荒旱捐助賑濟鄉人賴焉先是南海縣向有定弓加賦崇正三年唯與兵部侍郎郭尙賓諸鄉紳公揭兩院疏除以他邑沙坦抵額以是獲免唯居官居鄉廉能勤慎非公不謁晚年究心歧黃得存養之法卒年七十有六有介石齋詩稿傳於世

劉如性字淡然番禺人由南海學萬曆己酉舉於鄉七赴春官不第授英德縣教諭擢廣西賀縣知縣賀多山寇下車卽親履賊砦撫諭賊感悅皆爲良民所屬多金銀鉛錫礦上官每藉之爲利一日郡守檄取錫二百觔吏白此往例也每錫百觔折銀百兩皆派於礦戶如性曰吾官可罷吾民可重苦耶遂以白金市錫如數以獻果被劾降江西建昌府經歷崇正間朝廷重簡民牧廉得其狀因補授雲南陽宗知縣有政聲撫按交薦遷趙州知州時宇內多事四方鼎沸如性講武爲捍禦計流寇張獻忠之鴟張於蜀也餘燄煽於滇黔趙州以有備無患孫可望竊據川黔皆汚僞命如性以龔噴自託堅拒之年逾八旬間關歸里未幾卒年八十有三俱同上

張恂字士和東莞人宏濟子萬曆四十年鄉薦授保昌教諭擢湖廣衡州府同知時尙源大盜猖獗恂至檄官兵會勦親擒渠魁王調鼎李朝伯等枚回被虜良民萬計創置嘉禾新田二縣撫按交薦遷永州知府地經川寇殘破後恂勞績撫綏詳請減派餉餉改食東鹽流寇再犯鄖襄不敢窺永陽境防湖廣兵備副使以病歸詔晉太僕寺卿順治四年起兵據邑城

大兵至城破自到死子景萬字福孺爲諸生從恂官
湖南勦賊有功授推官監連陽軍以復城功擢兵
部職方司主事監軍湖南駐藍山時有楚弁擁重
鎮以叛迫景萬降不屈大書絕命詞於藍山署壁
曰累世清白父子忠孝死而不朽受賀勿弔遂伏
劍死廣州府志

李孫宸字伯襄香山人萬曆壬子鄉試第二癸丑
成進士授翰林院庶吉士乙卯予告還里登羅浮
西樵諸山與樵牧狎處遊展所至賦詠成帙庚申
秋入京直起居注旋掌內書堂不欲與中涓作緣
求改掌誥勅文辭莊嚴有體壬戌較禮闈得人稱
盛尋晉掌春坊左庶子奉纂修之命乙丑春赴京
途次晉南國子祭酒除納班准撥之例丙寅春晉
詹事府侍讀學士教習庶吉士以節義相砥礪晉
南禮部右侍郎攝禮戶兩尚書事中官矯旨命禮
部監逆闕祠額孫宸竟寢不行崇正初晉禮部左
侍郎掌翰林院祭典晉經筵充日講寓箴規於剖
析庚午回部頒程式以挽浮靡禁異服以還樸茂
辛未知貢舉進士井濟文誤犯光廟諱及禮部主
事馮起綸回奏魏光緒參鄧之沛事俱下部從重
議處孫宸代爲引罪極力申救得輕議時論多之
五月亢陽詔上書陳言孫宸具疏有曰毋以意在

振弛而間加重典毋以言者過當而遂動嚴呵隱
刺時政意倍婉切奉旨責回話十月詔諸臣面陳
時政宸備陳陰陽消長大小往來國家治亂而外
吏貪污絲撫按情面廷臣廢弛因宦官干政反覆
剴切晉南禮部尚書上地震疏再申前疏所未及
甲戌秋三疏乞骸俱奉旨慰留然還山念切因賦
金陵歸思百韻年五十有五卒於官贈太子太保
賜諡文介諭祭葬有五門人經紀其喪性孝友立
朝居鄉廉介可爲矜式著有建霞樓集行世祀郡
學鄉賢舊香山志

李廷龍字勳臣順德人少穎悟博極羣書萬曆壬
子鄉薦天啓壬戌進士出宰寧都地瘠民窮素稱
難治甫及期年訟息時三殿兩宮並興土木司農
告匱誅求日急龍捐俸金清羨餘以應不科擾於
民復值流寇逼近人心洶洶龍矢志死守陳方畧
備芻糧身爲士卒倡賊謀聞不敢犯尤加意作人
倡明理學修齋序置學田以贖貧士甲子江西分
考得工如雷穀趙光祚等皆一時名宿人服其藻
鑑秩滿陞南吏部主事改北歷稽勲驗封考功轉
文選司員外晉郎中每當考核公慎自持無敢干
以私者疏陳銓獎數十事皆切中時務上嘉納之
辛未冬召對內殿眷注益隆有力定如山心清似

水之褒父年耄蓋陳情侍養壬申予告歸卒年五十有六學道於魏浣初祀郡邑鄉賢著有毛詩翻疑綱鑑翻疑可亭集藏於家

金志

梁應材字瑤石新會人萬曆四十年壬子鄉薦天啓壬戌進士初授江右進賢令爲豫章劇邑應材御之以寬而政無不理以艱去起補蕪湖新學宮疏泮源繕隄堰申保甲於是文物蔚興奸宄消息兩攝關象皆以寬恤爲懷稅課不問餘羨陋規盡革以治行擢駕部主事遷吏部文選司益清慎自矢峻絕賂遺及歸杜門不出怡情罇酒間鼎革後隱居陽春山中足跡不入城市與田夫野老雜處絕口不言朝事誠家人子弟不得仍稱故號但呼曰阿翁而已壽七十六卒

梁挺字孟修番禺人生而穎悟讀書有奇畧弱冠食餼庠中領萬曆乙卯鄉薦以母老亟於祿養除鉅鹿令俗強悍輕生多以勿益相傾構訟人命積案盈庭挺慨然曰禮教不興致民輕生樂死司化之責也乃選庠中文行醇和者四生分居四隅使講孝經申明禮義有率訓者親拔其尤給以衣巾免之力役由是民風稍變而輕悍之習始息至里役莫苦解馬民遇其役輒破家累命挺憂之令出解值半官爲市解民稱便焉巨賊柳昌恃其善射

糾衆爲亂官兵屢勦無功挺以計擒之餘黨悉平又流寇充斥所過望風披靡鉅鹿離郡最遠且守備單弱挺屬父老而諭之曰吾奉命守土存亡與俱固其所也今藐茲孤城死實吾職其如爾百姓何衆感激流涕曰久飫公德願爲公死賊至縉紳士民不呼而集相與枕戈於城者三月賊斂兵而去後獲賊黨口稱在賊中遙見壽亭侯勒馬城上故此遁去人謂爲挺忠誠所感云惟時順德所轄九邑相次淪陷而鉅鹿獨存撫臣丁魁楚因首題挺功上臺亦薦爲邑宰清廉第一其署唐山縣政精尤多有盤查周某性貪而刻所至輒轄賂金挺獨不與曰黜陟自有定論豈沒民膏血以媚權貴耶因念母解組歸邑人築生祠於治旁以奉祀焉著有金臺集觸好論行世

趙恂如字侯聖順德人番禺籍少穎異善屬文潛心經術弱冠補郡文學屢試冠軍七戰棘園中副車萬曆戊午己未聯捷初授中書舍人分較京闈所得皆名士出賦皇華三膺使命星軺徧馳閩楚吳越間上嘉其勞首擢銓部主事轉郎中進退肅然有清通簡要之譽敷歷四司郎養病請假南歸杜門屏跡尋轉憲使西蜀以病懇辭忠悃具在疏中繪音有奉三無以甄叙懷四畏以得人之語壽

七十卒畢生無疾言遠色厭浮夸嘉布素有古君子風崇正舉祀郡邑鄉賢祠

梁元柱字仲玉順德人生而奇穎與人無忤萬曆戊午舉於鄉天啓壬戌成進士授翰林院庶吉士遷陝西道御史時魏奄竊柄與客氏交煽一時宰執大臣皆輟聽命時有同僚某邀柱結交魏璫柱嚴拒之因書一聯於門曰患得患失鄙夫何足事君不怨不尤聖者方能避世某見大笑爲不識時副都御史楊璉首疏魏璫二十四人罪柱繼疏爲穹蒼之告變已彰聖主之去奸宜決纍纍千萬言皆切時弊同時直聲震天下璫銜之削籍去柱歸隱五羊選勝粵秀山每花晨月夕邀朋舊飲酒賦詩醉則縱筆作畫山水松石鬼神人物無不精絕人爭寶之崇正改元召還原職至河間而京師圍急朝官在外者咸多觀望柱曰主憂臣辱正當稽首伏階以笏畫策君前尚坐此耶抵京補福建道御史監北京鄉試巡青壩上旋奉勅按雲南便道歸省連構父母喪服闋遷陝參議未赴得疾卒年四十八

蕭嗣立字而權番禺人由南海學萬曆戊午鄉薦事繼母孝初爲穎上宰發奸摘伏如神崇正朝江北蝗蟲爲災蝗不入境時人比之魯中牟流氛日

熾嗣立槁士募粵人製火器爲守城具賊憚之相戒勿犯間有狂逞者殲滅穎人紀實以誌之至今砲位猶存是時穎州失守總督漕臣朱大典以陵寢要區重地需人特表爲穎州牧當兵燹之餘撫集哀鴻修城池整學宮創衙宇繕倉庫給牛種使民開荒耕植穎之西湖爲流寇所毀歐蘇舊址力爲修復士民德之故士人有五袴再歌新日月三刀重整舊山河之句穎士禮多悼古嗣立纂刻家禮易簡編以曉之十二月兼署壽州賊張獻忠舉衆謀犯嗣立與鄉官方震孺勵兵役募死士連夜直抵賊營斬其臬帥獲馬匹衣甲無算三奉恩旨紀錄十四年春正月河南鎮賊數十萬所謂過天星袁老山者五股交馳合圍攻穎賊卒偵探遙見壽亭侯騎赤兔馬巡守穎城賊驚遁去追賊斬首數千嗣立卧食城頭八十餘日夜不解帶卒以焦勞成病屬纊之日猶呼追賊者三後震孺來按廣東勞績最悉聞之兩院舉入鄉賢從祀郡學

李化龍字伯熙番禺人父茂魁潯州府同知化龍幼卽慧敏年十三歲賦南海神祠達奚司空詩人爭傳誦遂以詩名始茂魁爲博羅學博上官有王觀察者偶談詩以得意宮人入道失意宮人入道命題使諸廣文爲之多不稱意茂魁令化龍屬草

觀察見驚曰此豈廣文所能耶茂魁以實對愈駭歎越化龍往見乃一卅角童子也延入座與談口如懸河觀察改容傾聽踰弱冠補諸生試輒冠軍

未幾舉明經先是董應舉爲府州教授奇化龍才相得日歡迨化龍以貢入長安廷試日適應舉爲尚書相與握手道故傷時感事化龍指畫今古發議雄奇在廷諸人奇之重其才不欲屈爲儒官勸之歸行李蕭然惟遇山川形勝留連登眺感懷今昔得詩若干篇名旅愾集抵里築西臺精舍於所居黃木灣與其師湛若水唱酬觴詠其下焉性簡脫不羈每遇人寒索衣饑索食雖耕夫漁父見卽相與語竟日略無嫌疑嘗赴試與鄰坐生犯耳語故事督學使者犯耳語必撲黜時將糾及鄰生化龍遽曰彼無罪龍見其攢眉愁思狀若於題義未了故呼而語之耳學使者奇其誼並釋之一日居城病忽作輿歸西臺卒年六十二是日人有見其盛衣冠入學宮問之笑語如生平忽不見後乃聞其死也相傳以爲龍生時得仙脫之骨塵埃中品格超然

鄭國相字鳳陽順德人仰庄長子宋鄭漢章十一代孫性至孝博極羣書屢試不售授徒清遠四十餘年邑士最著者鍾萬祿鍾自得父子科甲皆所

造就痛懲陋習風俗丕變二子昌烈昌緒孫啟中歲薦際泰康熙乙卯丙辰聯捷進士入翰林人以爲碩德之報

劉聯駟字佩甫南海人由恩貢授懷集知縣鄉居值山賊流劫駟母李氏被賊擄去駟哭持刃趕賊手刃執母者母脫逃駟被賊殺死駟妻葉氏守節事姑以孝聞一門孝義人咸稱之

奈帝選字伯禎順德人少遊泮孝事二人無間言丁內艱三月食粥暮月蔬食飲水服闋後不入內寢生平以德行自勵不入公門七職棘闈未遇性好施與晚年隱居東山講學教訓生徒所著有四書秘義行世

林清字壯生南海岸生篤志嗜學與物坦然胸無岸谷少喪父事母至孝庶弟生方九月撫育成立物產均分卽弟亦不知爲清所自置也有叔玉房貧助貲營生生平周急恤難善事獨多鄉黨咸推義焉屢試不第晚以詩酒自怡年五十三卒子挺芳庚戌歲薦

陳鶴自號海樵山人世襲廣東南海衛百戶生而穎悟絕羣年十餘因不喜握鞭張弓矢鬱鬱得奇疾自學爲醫久之病愈棄其故所受官著山人服踰嶺下彭蠡游吳越徧交海內名士歌嘯諧謔座

客盡傾作為詩古文若詞曲草書圖畫能盡效諸名家間出己意工艱絕倫初至金陵將造顧尚書璘先一夕夢李白至及見乃山人也遂深相結故客留最久璘嘗稱其氣雄邁跨諸貴游似東方朔才敏絕似劉穆之其為瑣細藝劇忽整衣幘談理道辨世務又大類曹陳思真海驪山負天賦以多能者矣

劉大啓字君昌新會人天性孝友嗜學能文年十九舉天啓辛酉鄉書二十年教授生徒執經問業者常數百人崇正己卯胞弟大光得雋兄弟計偕北上時稱二劉大啓即是科庚辰成進士授浙江嘉善知縣三月政成與人誦之時漕事旁午旱蝗洊虐大啓哀籲於天厲風夜作聞邑飛蝗撲滅殆盡是歲東浙大饑而嘉善大有年邑人德之其冬癘疫俗用黃符禳辟奸民或以詭名誑郡太守指為叛謀百姓洶洶懼禍大啓身自詣郡以百口保之民賴以安一切陋規槩行裁革署平湖撫字勞瘁得疾卒蒞任五閱月年四十三無子沒後囊無一錢錢學士升推所具官轉以殯之百姓為之罷市者五日妻張氏苦節自貞族黨賢之
鄭一岳字東巖一字于廣香山人父士熙嘗為長清令生岳年十七與兄一龍同餼於庠天啓丁卯

舉於鄉崇正十年丁丑成進士授鎮江丹徒令徙邑當大江素號衝繁兵至一切徵發旁午調度有方絕不苦累其民如吳中漕兌尤為軍國重儲岳設法預支遠糴以備急乏而後緩征以備倉庫由是課額屢登公私兩便民甚賴焉時蝗旱連年流民四集捐俸賑之多所存活事暇尤勤課文造士置田二百畝于香山書院以為諸生膏火資會歲饑邑紳萬編語太守有酒禁酒戶八十人鼓噪太守不能止岳遣人治其首亂者乃寢又山賊抵境太守遣岳征之岳毅然跨馬率家丁及兵役百十人夜往轉戰擒其渠魁賊遂解散邑賴以安任滿會有旨以行取知縣練達民事可補荒殘復召岳補山東單縣單齊魯僻邑是時民戶凋零豪梗橫肆竟不由令置人獄中獄卒又穴地埋人半身立斃岳至廉得其狀立置獄卒斃之杖下者四人邑稱大快未幾以母年八十歸至南康舟次病卒祀鄉賢

張二果字輝復東莞人東莞志選正直慈良穎悟傑出參究性命之學十四歲遊邑泮十七中鄉試乙榜御史田生金特獎異之天啓七年丁卯舉鄉薦見魏瑞排陷正人憂時憫世不求仕達創建羅浮華首臺水簾洞山諸寺棲息其中崇正丙子詔

舉賢才督臣熊文燦科臣郭九鼎兩疏交薦不就
戊辰知縣汪運光敦屬修邑志公正稱信史然好
佛卒於江西廬山今有塔碑在焉所著多佛書

郭九鼎字聖襄東莞人性孝友忠直廉潔謙謹領
天啓丁卯鄉薦連登崇正元年進士初授行人遷
工科給事中時值詔赦已頒有司久未奉行九鼎
疏為之請有旨嚴責實効海內德之又疏救選司
吳羽文侍郎陳子壯請卹死難副將何可綱劾廠
校魯國禮舉朝莫不敬憚又請裁節內帑工費以
濟目前之急速叙秦蜀戰功以作三軍之氣皆
得旨行轉禮科左右給事首請改正先朝實錄毋
令賢奸倒置復陳王官不得攝篆仍行考察百姓
不得投充王役皆言人所不敢言巡按葛徵奇題
豁粵東虛稅九鼎特揭速部清查粵民獲甦陞吏
科都給事請速考選補缺以收人材矢虛公枚卜
以端揆席所歷諫垣奏議侃侃正言直聲布中外
尋卒於任奉旨優禮給夫馬護櫬歸士民哀之所
著疏草為當世所推重云

潘梧字太操番禺人湛甘泉門人也端粹醇謹獨
守師說尊聞行知直內方外鄉黨化焉稱曰太操
先生年八十卒萬曆中舉祀鄉賢孫雲衢字燕雲
少穎異梧自教之領崇正庚午鄉薦甲申後遂借

弟雲銜人羅定山中數月卒子棣元學博芋字曉
先由南海學康熙五年丙午武舉以學行世其家

楊邦翰南海人崇正庚午鄉薦辛未進士初任溧
水令省徭寬賦能愛民分校南閩能得士以最績
擢部曹堂考有清操練達之語授福州郡守值軍
變開誠撫諭咸遵約束遷粵西學使以終養辭歸
卒祀鄉賢

陳士諤順德人居家以孝友稱杜門隱居不與戶
外事早謝舉子業而能崇尚經學教子弟敦行孝
讓母陷於浮薄賊犯鄉莊掠男女率丁仗邀截脫
回者百數十計人多其能士諤家富於財慨然曰
富者眾之怨也乃輕貨以濟人急嘗救人於溺賑
鄉里之饑者崇正四年鄉飲賓雍正元年入祀鄉
賢

徐龍頑字騰九花縣橫潭人明本鄉試題名作南
番周志云家貧力學博通經史妻湯氏以紡績佐
之崇正癸酉舉于鄉初授福寧州知州累官禮部
儀制員外年六十七為人沈靜有志節當公車時
嘗為閩賊李自成所執不屈及居鄉遇歲饑設法
賑救存活甚眾

何士琨新會志
琨作琨字文玉新會人熊祥仲子孝友和

藹宗正八年拔貢歷官南刑部郎中治獄平允強年解綬優游林下施棺拾藥名聞鄉邑三經歲設倡率弟姪炊粥賑饑存活無數寇逆兩犯邑城借弟士燠捐餉協守城賴保全士燠由府學歷官大理寺評事邑有貢生孝子容瑞子孫中替其孫媳節婦伍氏有李村田三十畝鬻之堪焚券還田邑中有事不吝捐助其行誼多類此年七十二卒上日繆士傑香山人選貢生尙解推之義贖鬻兒救貧乏任河內主簿保固隄工擢潁川衛經歷減耗羨平斗甬屯民賴之告休歸九列賓筵宗正八年卒祀鄉賢郡志

黎堯賓字廣臺南海人少而聰敏孝親有經濟才鄉閭重之充府庠棘闈九戰未售崇正間邑令修築各鄉官路借衆呈請藩司務循古道無容遷就以傷田畝縣優獎之匾曰尙義勤公卒年七十有二其繼室譚氏撫育七子二女子孫五代相見卒年百歲人以爲盛德之報云金志
陳全學字兼甫連州人父奇才以明經任儋州教諭全學補郡庠爲人純孝母曾氏年七十沾痲疾臥牀禱全學朝夕奉侍手進湯藥崇正戊寅流賊犯州學倉卒不及奉母入城侍母側賊至學跪告願以身代母死賊憐之且戒他賊不得傷害孝子

卒保無恙郡守王立申詳兩院旌表其門上
彭鈺字端玉別字西屏番禺人大父德馨常爲潭州府丞鈺甫九歲日念大母卽請從一蒼頭行數十里往省人咸異之十七補諸生有名自直指以逮守令無不爭致門下會粵東未入版圖僞隆武元年乙酉遂領鄉薦鼎革後隱居教授其學以明體達用爲主生平事親至孝兄弟嘗相讓產父病衣不解帶凡六閱月夜率兩弟露禱願以身代父病旋愈人以爲孝感所致嘗夢與一僧遊出袖中册示之曰子前身說開師也及疾復夢前僧招之未幾卒臨終口占一聯屬友人薛起蛟書之几前曰紹孔門之心學用舍隨時悟慈嶺之真詮去來無着以手掀鬚而逝所著有世紀史鈔五傳彙鈔諸史彙鈔古今樂部夢草堂文集凡數十卷長子演廣西按察僉事分守蒼梧番禺志
衛冕番禺人世居滘滘移家省城性剛直務勤儉部授經歷戊子歲饑捐貲賑濟鄰里收救棄兒多所存活
大兵入粵避居平洲旋鄉祀祖遇土寇不屈死之子文英原名昌祚中書舍人金志
洗二順德人與兄俱孤貧不能娶兄年五十替二取魚規爲養丐得餃餘必先以奉兄寒則分衣十

餘年不衰兄死哭甚哀不能殯鄉人饋錢厝之志
 新會採藥者不知何許人曰採九里明賣以爲食
 其藥多生柑荔圃旦暮入採之絕不視柑荔雖自
 落亦不顧人怪問之曰自食是盜也固不容盜人
 是自絕也日得十錢以其半入酒肆醉即行歌歌
 曰人道春花春日好花開能得幾朝紅一日道上
 拾金釧珠珥大笑置藥籃中歌曰寶寶寶得好失
 好失好得好人莫測其意會一女子哭失物趨問
 曰何物語合即籃出還之主者饋以金搖首而歌
 曰不受不受真不受還金籃香得金臭悠然而逝
 後歲饑入山不知所終
 新會負汲者不知何許人日肩井中水賣自度得
 數錢即擺手入歌於道取火必寺觀絕不干人縣
 中人或呼之引至譙樓外仰視曰我平生不入此
 翻手傾壘而去一日道上拾遺金默坐其處人問
 之不答既而失金者至曰金在旁人教使言金合
 數方得還言合即大笑還之且歌且走不顧俱同上

廣東通志卷二百八十三終



ZW 21101000695733